











植學編

北京大學《儒藏》編纂中心

圖書在版編目(CIP)數據

儒藏. 精華編. 二五/北京大學《儒藏》編纂中心編. 一北京: 北京大學出版社, 2009.6

ISBN 978-7-301-11743-9

I. 儒··· Ⅱ. 北··· Ⅲ. 儒家 Ⅳ. B222

中國版本圖書館 CIP 數據核字(2007)第 081553 號

書 名:儒藏(精華編二五)

著作責任者:北京大學《儒藏》編纂中心 編

責任編輯:武 芳

標準書號: ISBN 978-7-301-11743-9/B・0429

出版發行:北京大學出版社

地 址:北京市海淀區成府路 205 號 100871

網 址: http://www.pup.cn

電子郵箱: dianjiwenhua@163.com

電 話: 郵購部 62752015 發行部 62750672 編輯部 62765691

出版部 62754962

印 刷 者:北京中科印刷有限公司

經 銷 者:新華書店

787 毫米×1092 毫米 16 開本 72.75 印張 804 千字 2009 年 6 月第 1 版 2009 年 6 月第 1 次印刷

定 價:500.00元

未經許可,不得以任何方式複製或抄襲本書之部分或全部内容。

版權所有,侵權必究 舉報電話: 010-62752024

電子郵箱: fd@pup. pku. edu. cn

《儒藏》精華編第二五册

首席總編纂 季美林

項目首席專家 湯一介

;

魔 樸 孫知

總

編

纂

湯一介

孫欽善 安平:

安平秋 (按年齡排序)

鄭傑文 王承略

本

册

主

編

董治安

吕氏家塾讀詩記〔南宋〕吕祖謙經部詩類類

慈湖詩傳[南宋]楊

簡

675 1

吕氏家塾讀詩記

程 類 種 程 類 春 略 幕

校撰點

條例 一九	訓詁傳授 一八	卷秩一七	章句音韻	風雅頌 一五	六義	大小序	删次 八	詩樂 五	綱領	卷一	序	校點説明
ル	八	L	T	11.	=		八	Л.	_	_	_	_

目

録

羔羊	行露	甘棠	采蘋	草蟲	采蘩	鵲巢	召南	卷三	麟之趾	汝墳	漢廣	芣萏	兔買	桃夭	螽斯	樱木	卷耳	葛 覃 ······	關雎	周南召南説附	卷二 正風
: 四	: 四	: 四	: 四	: 四	: 四	: ≡	··· = +	:: = -	: 三	::- <u>∃</u>	:: ===================================	:: ===================================	··· =	: =	: =	: =	: =	: =	: -	:	:
7	1001	mi		-	-	<u> </u>	<u> </u>			<u> </u>					_	$\overline{}$					_

簡兮 七三	旄丘 七二	式微 七一	谷風 六七	匏有苦葉 六五	雄雉 六四	凱風 六三	擊鼓 六一	終風 六〇	日月 五九	燕燕 五七	緑衣 五六	柏舟 五五	邶 五四	卷四一一變風 五四	翳虞 五二	何彼襛矣 五一	野有死麕 五〇	江有汜 四九	小星 四八	摽有梅 四七	殷其靁 四六	吕氏家塾讀詩記
考槃 〇	淇奥 九九	一 	卷六 九九	載馳	旄			方中					柏舟 八三	鄘 八三	卷五 八三	米舟					泉水 七五	

世界では、	4 次

目 録	匪風 二一五	隰有萇楚 二一四	素冠 二一三	羔裘 二一二	檜	卷十四····································	澤陂	株林 二〇九	月出 二〇八	防有鵲巢 二〇七	墓門 二〇六	東門之楊 二〇五	東門之池 二〇四	衡門 二〇三	東門之枌 二〇二	宛丘 二〇一	陳	卷十三	權輿 一九九	渭陽 一九八	無衣 一九七	晨風 一九六
五	伐木 二六三	常棣 二五七		四牡 二五三		鹿鳴之什 二五〇	卷十七 正小雅正大雅説附 二四九				破斧 二四三			七月 二二五	豳二二四	卷 十六·······二二四		鳲鳩 二二〇	候人 二一八	蜉蝣 二一七	曹 二一七	卷十五 ····································

11,	影号 二九一	湛露 二八八	蓼蕭 二八六	由儀 二八六	南山有臺 二八五	崇丘 二八五	 		華黍 二八二		什	卷十八 二八二	魚麗 二七九		出車 二七三	采薇 二六九	天保 二六六
	十月之交 三四六 正月 三四六	無羊 三三〇	斯干 三二五				祈父 三一九	什	卷二十 三一九	沔水 三一五	庭燎 三一四	鴻鴈 三一二		車攻 三〇五	釆芑 三〇一	六月 二九五	變小雅變 大雅説附

七

目

緜蠻 四五七	大田 四一二
白華 四五三	甫田 四〇七
隰桑 四五二	信南山 四〇三
泰苗 四五〇	楚茨 三九七
采緑 四四九	鼓鍾 三九五
都人士 四四六	小明 三九三
都人士之什 四四六	無將大車 三九二
卷二十四 ····································	北山 三九〇
菀柳 四四四	北山之什 三九〇
角弓 四四〇	卷二十二 ···································
采菽 四三六	
魚藻 四三四	大東 三八二
賓之初筵 四二七	麥莪 三七九
青蠅 四二六	谷風 三七八
車舝 四二四	巷伯 三七五
類弁 四二二	何人斯 三七一
鴛鴦 四二〇	巧言 三六七
桑扈 四一九	小弁 三六二
桑扈之什 四一九	小宛 三五九
卷二十三 四一九	小旻 三五七
裳裳者華 四一七	小旻之什 三五七
瞻彼洛矣 四一六	卷二十一 ······ 三五七

9

鳧鷺 五二五	既醉 五二二	行葦 五一八	生民 五一〇	生民之什 五一〇	卷二十六 ······ 五一〇	文王有聲 五〇六	下武 五〇四	靈臺 四九九	皇矣 四九一	思齊 四八八	早麓 四八五	棫樸 四八三	緜 四七五		文王 四六五	文王之什 四六五	卷二十五 正大雅 四六五	何草不黄 四六二	苕之華 四六一	漸漸之石 四五九	瓠葉 四五八	
清廟 五九一	卷二十八 周頌 五九一	五	瞻卬 五八四	常武 五八二	江漢 五七八	韓奕 五七三	烝民 五六九	崧高 五六五		桑柔 五五五	抑 五四八		蕩之什 五四五	卷二十七 五四五		民勞 五三八	變大雅 ······· 五三八	卷阿 五三四	泂酌 五三三	公劉 五二八	假樂 五二六	

目録

玄鳥 六四四	
烈祖 六四二	武 六一一
那 六四〇	有客 六一〇
卷三十二 商頌 六四〇	載見 六〇九
閟宫 六三二	鼈 六〇八
	潛 六〇七
	有瞽 六〇六
駉 六二四	豐年 六〇五
卷三十一 魯頌 六二四	振鷺 六〇四
般 六二二	噫嘻 六〇三
費 六二一	臣工 六〇二
桓 六二一	臣工之什 六〇二
酌 六二〇	卷二十九 六〇二
六	思文 六〇〇
良耜 六一八	執競 五九九
六	時邁 五九八
	我將 五九七
敬之 六一三	昊天有成命 五九六
訪落 六一二	天作 五九六
閔予小子 六一二	烈文 五九四
関予小子之什 六一二	維清 五九四
 卷三十 六一二	維天之命 五九二

 $\overline{\circ}$

跋	後序	殷武	長發
	後序		
:	:	:	i
六五三	六五二	六四九	六四五

校點説明

蹟具《宋史·儒林傳》。 博學宏詞科,官至直秘閣著作郎、國史院編修。事尊爲成公。孝宗隆興元年(一一六三)進士,復中(今浙江金華)人,學者稱爲東萊先生。謚成,後世(名)、金章、隆興元年(一一八一),字伯恭,婺州 吕祖謙(一一三七—一一八一),字伯恭,婺州

四),淳熙三年、六年重修。惜重修未完,吕氏即已是書爲其説《詩》之作,始纂於淳熙元年(一一七是氏一生著述頗豐,尤以經部和史部爲著。

損益,始從其舊,以補是書之闕云。」 「先兄已亥(淳熙六年,一一七九)之秋復修是書, 至此而終。自《公劉》之次章乾於終篇,則往歲所 至此而終。自《公劉》之次章乾於終篇,則往歲所 至此而終。自《公劉》之次章乾於終篇,則往歲所 至此而終。自《公劉》首章下吕祖儉注云:

書者。」 下擷同時代人的《詩經》研究成果,逾五十家,皆依 廣,上自漢代西京舊說,中取隋唐《釋文》、《正義》, 《序》言《詩》的學風迥異其趣。 發明,則 經條析,存其姓氏。 堅持《詩序》,多擇毛、鄭之説,和宋代學者普遍 是書所引「朱氏曰」者,即朱熹早年《詩》説。 「先列訓詁,後陳文義,翦截貫穿,如出一手。 吕氏早年和朱熹交情甚契,論《詩》每有所合, 别 出之。《詩》學之詳正,未有逾於此 陳振孫《直齋書録解題》謂: 其書採摘範圍 有所 吕氏

[系統: 是書代有刊刻,版本頗多。宋刻本主要有三

個

九年刻於江南西路轉運判官任上。此本前有朱熹一是江西漕臺本,由吕祖謙友丘宗卿於淳熙

雙邊。 陵部藏宋元版漢籍影印叢書》。 現刊入二〇〇一年北京綫裝書局《日本宮内廳書 則大致不差,且少有異文,當 款雖異於淳熙九年江西漕臺本,然版刻正文體例 字,與江西漕臺本手寫上版不同。 半葉九行,行十七字, 目前日本宫内廳書陵部藏本。 行,行二十二字,小字雙行同,白口,四周雙邊,即 和《中華再造善本》皆影印此本、《四部 樓收藏,後歸中國國家圖書館。 注雙行小字。 序,後有尤袤跋。 本書目》著録日本帝室「宋浙本」一種,半葉十二 本後有張元濟跋。 注下經文一格, 吕氏自注又下集注一格, 附 此本經明周良金、清瞿氏鐵琴 半葉九行,行十九字,白 傅增湘《藏園訂 尤袤跋半葉八行,行十五 屬 另外,此本朱熹序 翻 <u>《</u>四 刻 通校此本,其行 補 部 江 部 叢刊續 西漕臺本 叢刊續編》 亭 口 知 · 左 銅 見 編 劍 右 傳

十六册,原 誤,建寧所刻益又脱遺」云云。 袤跋「今東州士子家寶其書,而編帙既多,傳寫易 著録《東萊家塾讀詩記》三十二卷,巾箱本, 是早於淳熙九年的建寧本,江 爲 明項 元 汴 藏本,學者多以 《天禄琳瑯書目》卷 西 爲 |漕臺 係 本尤 建 兩 寧 函

黑質白文出之。學者或疑即建寧本。四行,行十九字,白口,單邊,注中引諸家姓氏皆以本,北京大學圖書館藏一莫友芝舊藏本,皆半葉十本。又《天禄琳瑯書目後編》卷二著録一宋巾箱

氏《墨海金壺》本。 翁跋。此本行款稀見著録,然傳本不絶,如清代張一是眉山賀春卿刻本,前有朱熹序,後有魏了

藏本,鈐「項氏希憲」、「毛氏子晉」、「汲古閣 葉二十四行,行二十四字。 書館。《五十萬卷樓藏書志》著録一本,云「前半每 行,行二十二字,細黑口,四周雙邊,藏中國國家 琳瑯書目後編》卷二另著録一 疑即爲一本。 十二半葉十三行,行二十五字,細黑口,左右雙邊 卷一至卷六半葉十二行,行二十二字,卷七至卷三 也是一巾箱本。 二十五字。 其他版本系統不够明晰的宋本則有"《天 有項氏萬卷樓、項德棻、毛子晉諸印」, 中國國家圖書館藏一持静齋丁氏 後半每葉二十六行,行 宋巾箱本,半葉十 」諸印 禄

明刻本主要有二:

爲嘉靖辛卯(一五三一)傅應臺刻本,前有

山東省圖書館。有學者疑其祖本爲建寧本。九字。天禄琳瑯曾收有此本,殘帙十九卷現存于要》稱此本爲「陸釴重刊本」,每半葉十四行,行十陸釴序,稱「得宋本於豐存叔」、《四庫全書總目提

稱萬曆間有蘇程君本,疑即此本。 謀於寮蘇君、程君,授諸梓」、《五十萬卷樓藏書志》顧起元序,云「余家有藏本,南考功陳君取而諷焉,顧起元序,云「余家有藏本,南考功陳君取而諷焉,

的聽彝堂本和《墨海金壺》本等。 書》本、《經苑》本和《金華叢書》本,出自明萬曆本書《一清代版本主要有:出自明嘉靖本的《四庫全

用宋淳熙七年蘇詡筠州公使庫刻本; 海古籍出版社影印宋元遞修本; 四庫本)爲參校本。 本爲主要校本,以影印文淵閣《四庫全書》本(簡稱 質量最好。 内廳書陵部藏宋本(簡稱宫内廳本)和《墨海金壺》 鐵琴銅劍樓藏宋刻本刊刻 用《四 現存所有版本中、《四部叢刊續編》影印瞿 部 叢 故此次校點,即以之爲底本,以日本宫 刊三編》影印日本静嘉堂文庫藏宋 校以他書者、《經典釋文》用上 時間最早,篇帙最完整, 蘇轍《詩集傳 朱熹《詩集 氏

> 書中的訛誤和重要的異文,都詳爲校記。 内容,編製了一個詳 什首,故其各詩次序多與今本相異。 有目録,吕氏根據「蘇氏曰」(即蘇轍)的説法,推 注疏》本等。 清嘉慶間(一七九六─一八二○)阮元刻《十三經 義》、《周禮注疏》、《儀禮注疏》、《爾雅注疏》等, 本(後五卷用中國國家圖 九九七年上海古籍出版社影印原世界書局縮 原書中的避諱字,逕予改回,不出校 細的目録。 書館藏胶卷); 我們根 《毛詩 原書没 其 印 正 用

校點者 王承略 陳錦春 程穎穎

吕氏家塾讀詩記序

既 而學 得而尋繹,蓋 然自是之後,三百 意,有所發明。 之區域。至於本朝劉侍讀、歐 訛 獨鄭氏之箋而已。唐初諸儒 相、蘇黄 圃 之學者盡宗毛氏。 久,求者益 踵 王述之類,今皆不存,則推衍 户,無復推 者已知《詩》之不專於毛、鄭矣。 陋,百千萬言,而 詩》自齊、魯、韓氏之説不傳,而天下 (門、河南程 衆,說者愈多,同異紛紜,争 不待講於齊、魯、韓氏之傳, 雖其淺深得失,有不能同, 讓祖述之意,則學者無所 五篇之微詞奥義,乃可 毛氏之學, **「氏、横** 不 能 渠張 有 爲作疏義 以 氏,始用己 陽公、王丞 傳者亦 毛説者 出 乎二氏 及其 '`; 因 '', 又

嗚呼 其勢又安能復有所進,以獨决此論之是非 其説,以求真是之歸,而伯恭父已下世矣。 説,而伯恭父誤 前 自知其説有所未安,如「雅鄭」、「邪 雖然,此書所謂朱氏者,實熹少時淺 之、則於「可群」「可怨」之旨,其庶幾 體 云者,或不免有所更定,則伯恭父反不能 謂有意乎温柔敦厚之教矣。學者以 人意慮之表,而謙讓退託,未嘗敢有 之所自。 而 該 適 人之心也。 ···, 則 貫。 ! 疑於其間,熹竊惑之。 字之訓、一事之義,亦未嘗不謹其説 揔 雖融會通徹,渾然若出於一家之言 既足以 而 伯恭父已矣。 及其斷以 衆説,巨 反 嗚 呼 ! 以 息夫同異之争,而 有取 爲 細 己意,雖或超然 病。 不 焉。 遺, 若熹之衰頹汩没, 如伯恭父者 今觀 其後歷 方將相與反復 領提 氏 其述作之 時 綱,首 家 出 正之 既 真 陋 是 於前 塾 乎 輕 Z 譮 議 之 可 尾

壬寅九月己卯,新安朱熹序。 之士共之,而又以識予之悲恨云爾。淳熙為之説,因并附其所疑者,以與四方同志為之説,因并附其所疑者,以與四方同志久,且以書屬熹序之。熹不得辭也,乃略久,且以書屬熹序之。熹不得辭也,乃略不,但恭父之弟子約,既以是書授其兄乎? 伯恭父之弟子約,既以是書授其兄

吕氏家塾讀詩記卷第

綑

領

論語》:《詩》三百,一言以蔽之,曰:「 取 其與憂愁思慮之作,孰能優游不迫 若夫言天下之事,美盛德之形容,固不待言而可知也。 無期。」度思其危難以風焉,不過曰 行。1至軍旅數起,大夫久役,止曰:『自詒伊阻 鼓》,怨上之詩也,其言不過曰:「土國城漕,我獨 之詩也,其言不過曰: 『我思古人,俾無說兮。』《擊 淫、憂而不困、怨而不怒、哀而不愁。 猶能併與其深微之意而傳之,故其爲言,率皆樂 其情性,又將以考先王之澤。蓋法度禮樂雖亡,於此 之於《詩》,非徒誦其言,又將以考其情性。 無邪。」程氏曰:「思無邪,誠也。」○謝氏曰: 作詩者如此,讀詩者其可以 邪心讀之乎?」(也? 『苟無飢渴』而己。 如《緑衣》,傷己 非徒 君子 而 以 思 不 考

《勺》。成童舞《象》,學射、御。二十而冠,始學禮。」〇 讀書只此便是法。」 〇小子何莫學夫《詩》? 南》,一似面牆。 南》、《召南》,其猶正牆面而立』,須是未讀《周南》、《召 便達於政、能專對四方、始是讀《詩》。『人而不爲《周 授之以政,不達。 四方,不能專對。 人不解讀書,如「誦《詩》三百,授之以政,不達。 不能專對。 《詩》三百,授之以政,不達。使於四方, 善惡、是非、勸戒,有以啓發其意,故曰興。」 () 誦 ○又曰:「古之學者必先學《詩》,學《詩》則誦讀其言 性,涵暢道德之中,而歆動之,有「吾與點也」之氣象。 汪洋浩大,皆是此意。」〇又曰:「興於《詩》者,吟詠情 曰:「夫子言: 「興於《詩》。」觀其言,是興起人意思 程氏曰:「言近而易知,故人之學,興起於《詩》。」○又 於禮,成於樂。《禮記》曰:「十有三年,誦《詩》舞 程氏曰:「皆孔子素所常言也。」○興於《詩》,立 子所雅言、《詩》、《書》、執禮、皆雅言也。 詩》可 以 興, 雖多,亦奚以爲? 既讀後,便不面牆,方是有驗。大抵 使於四方,不能專對。 雖多,亦奚以爲」,須是未讀《詩》時 미 以觀, 可 以 群,可以 既讀《詩》後 程氏曰:「今 使於

《詩》乎?』對曰:『未也。』『不學《詩》,無 三:聞《詩》,聞禮,又聞君子之遠其子 於鳥獸草木之名」,所以明理也。」〇陳亢音剛。問 於鳥獸草木之名」,亦可以博物。」〇程氏曰:「『多識 莫不皆有,止言事父、事君,舉其最重者言也 怨。」〇張氏曰:「《詩》中君臣、父子、兄弟、夫婦、朋友 滯,則閱理自明,故可以觀。心平氣和,於物無競,故 直子諒之心易以生,故可以興。得情性之正,無所 之名。謝氏曰:「《詩》吟詠情性,善感發人,使人易 也。」〇子貢曰:「貧而 聞斯二者。」陳亢退 也。』『不學禮、無以立。』鯉退而學 鯉趨而過庭,曰:『學禮乎?』對曰 以言。』鯉退而學《詩》。 「未也。 於伯魚曰:「子亦有異聞乎?」對曰: 邇之事父,遠之事君,多識於鳥獸 何 如?」子曰:「可也。 優游不迫、雖怨而不怒也、無鄙倍心、故可以 **嘗獨立,鯉趨而過庭,曰:『學** 而喜曰:「問一 無諂,富而 未若貧而樂,富 他日,又獨立。 :無驕, 『多識 草 禮 木

> 妻之。 曰 : 曰 : 如 矣。」○南容三復白圭,孔子以其兄之子 曰:「起予者,商 美目盼兮,素以爲絢兮」,何謂 而知來者。」〇子夏問曰:「『巧笑倩兮, 而 磋,如 好禮者也。」子貢 「繪事後素。」曰:「禮後乎?」子 「賜也 琢如磨。」其斯之謂與?」子 ,始可與言《詩》已矣。告諸往 也。 始可與言《詩》已 「《詩》云: 也?二子 如如 切

『周餘黎民、靡有孑遺。』信斯言也、是周而舜既爲天子矣、敢問瞽叟之非臣。所舜既爲天子矣、敢問瞽叟之非臣如所舜既爲天子矣、敢問瞽叟之非臣如此、主事、而不得養父母也。曰:『此「莫於王事、而不得養父母也。曰:『此「莫於王事、而不得養父母也。曰:『此「莫於王事、而不得養父母也。曰:『此「莫於王事、武獨賢勞」也。」故説《詩》去:『普天之孟子》:咸丘蒙問曰:「《詩》云:『普天之孟子》:咸丘蒙問曰:「《詩》云:『普天之

 \equiv

道之。 之也。 親也。 弓而射之,則己談笑而道之。 叟之爲《詩》也。有人於此,越人關音彎。 弁》,蒲官反。小人之詩也。』」 孟子曰: **德。**□○公孫 故有物必有 德。」孔子曰:「爲此詩者,其知道 烝 相梗,當觀其文勢上下意。」○《詩》曰:「天 生 《凱風》,親之過小者也。《小弁》,親之 詩》也。」曰: 也。」〇又曰:「凡觀書,不可以類而泥文,不爾則字字 曰:「知《詩》莫如孟子。『以意逆志』,讀《詩》之法 却遷就他説,如『有周不顯』,自是文當如此。」○張氏 何以言之?」曰:「怨。」曰:「固哉,高 無遺民也。」程氏曰:「「不以文害辭」,文,文字之 民, 有物 無他,戚之也。《小弁》之怨,親 其兄關弓而射之,則己垂涕泣 親親,仁也。固矣夫,高叟之爲 字則是文,成句是辭。 有則。 則,民之秉彝也,故好是懿 丑問 「《凱風》何以不怨?」曰: 曰:「高子曰: 民之秉彝 《詩》爲解,一字不行 T, 好是 無他 乎? 而 疏 懿

> 《文中子》:子謂薛收曰: 焉。其述《書》也,帝王之制備矣,故索 也; 焉而皆獲。其述《詩》也,興廢之由 疏,不孝也; 過大者也。 曰:『舜其至孝矣,五十而慕。』」 親之過小而怨,是不 親之過大 不可磯,亦不孝也。 而 「昔聖人述史三 不怨,是愈 可 磯 也 孔子 疏 愈

迹明,故考焉而皆當。」

故究焉而皆得。

其述《春秋》也,邪正之

1氏家塾 讀 以詩記

者,以 如比 看。 不 意不到處。」〇張氏曰:「《詩》之譏刺,其間直有淺 若以樂天知命處之,則 其意思止於禮義 有門庭。 義,後學豈能 義 詩》而興。 格。」 「作詩者未必皆聖賢,當時所取者,取 可 可 《尚 、其於禮義至粹美,此聖人之所取。」○「學 其 以 以 長 君以 垂 不 書》、《論語 《詩》、《易》、《春秋》,不可逐 而 世 看《詩》, 後 識 碩 立 興 世 鼠、狡童之類。」又曰:《詩 刺 教。 起也?」○「凡看 老 而已。 美 時都無事。 師宿儒,尚不知《詩 之意,故 古之人幼 看《詩 》,可以逐 其言未必 其中亦有君子情 \Rightarrow 便 人之 而 使 句 聞 書,各 盡 學 歌 長 誦 近

張氏 崎 之情本樂易, 嶇 ,故以詩 曰:「求《詩》者貴平易, 求之,其心 詩人之情,温厚、平易、老成 道其志。」又曰:「求《詩》貴平易,不 先狹隘 只 爲 時 · , 無 事 拂 不要崎 由 其 口 、樂易 見。 嶇 今 以 求

> 皆淺近,只是流連光景、閨門夫婦之意 目前事,而義理存乎其中矣。」〇「後千餘年樂府 求之,則思遠以廣,愈艱險則愈淺近矣。 盡由德性中出,故須先得其心,則詠其言易以 『止』何必拘?」○又曰:「《詩》全是人之情性,須先得 要崎嶇 ○又曰:「詩人之志至平易,故無艱險之言。 詩人之心,然後觀玩易人。 凡書皆然。 類,不可以辭害。 無有及民憂、思大體者 「思」、「斯」 何必 水合。 又 泥字? 患泥 「君子至止」、「樂只君子」,「只」*、* 文 『遐不作人』、「德音不暇」之 如 「烝然來思」、 大抵聖人語 大率所言 湛 湛 入也。 以 露 平易 斯」,

謝氏曰:「《詩》須 處。 句釋? 句故 遠,曷云 之歌曲,今之歌 臧」,歸于正也。」又曰: 至學《詩》,却無 知 膽 也。 德行,不忮之豉反。 但優 能 彼 明道 游玩 來」,思 日 月, 先生善言《詩》,未 諷 味,吟哦上下,使 感 曲 味 悠悠我思』,『道之云 之切矣。 動 往 以得之。 興 「明道嘗談《詩》,並 往能使人感動 起 不求, 處, 百白 古詩即 只 爾君子 爲泥 人 嘗 用 章 有 不曾 章 得 解 今

悟。」點,平聲。下一字訓詁,只轉却一兩字點掇地念過,便教人省

詩樂

云:「工,樂官,掌誦詩以納諫。」
三,汝聽。 〇 工以納言,時而颺之。注言,汝聽。 〇 工以納言,時而颺之。注欲聞六律、五聲、八音在治忽,以出納五下清濁,合於宮商則爲聲,聲協律呂則爲律。」〇予下清濁, 合於宮商則爲聲,聲依永,律和聲。

> 過凶嫚之聲,爲設禁焉。」 曰頌。 也,皆學歌九德,誦六詩,習六舞、五聲、八音之和。 德之人,朝夕習業,以教國子。 國子者,卿大夫之子弟 陳,《周官》具焉。 師。《前漢・禮樂志》:「《周禮》既備,●而其器用張 ·然自《雅》、《頌》之興,而所承衰亂之音猶在,是謂淫 ○《瞽矇》:掌九德、六詩之歌,以役大 教六詩:曰風,曰賦,曰比,曰興,曰 云:「《徹》者,在《周頌・臣工之什》。」○《大師》: 蘩》爲節。 以六德爲之本,以六律爲之音。 及徹,帥學士 典者自卿大夫師瞽以下,皆選有道 而歌《徹 * 雅 注

《卷耳》、《召南·鵲巢》、《采蘩》、《采蘋》。《由儀》。乃合樂《周南·關雎》、《葛覃》、香嘉魚》,笙《崇丘》。歌《南山有臺》,笙《皇皇者華》。笙《南陔》、《白華》、《華儀禮·鄉飲酒禮》:工歌《鹿鳴》、《四牡》、

❶ 「禮」、《漢書·禮樂志》作「詩」。

Ŧī.

樂《周 庚》。 樂正 孫侯氏,四正具舉。大夫君子,凡以庶士,小大莫處 大夫以《采蘋》爲節,士以《采蘩》爲節。 《詩》云: 『曾 管《新宫》三終。其篇亡。 備。」○《大射禮》:乃歌《鹿鳴》三終。 蘩》《采蘋》。大師告于樂正 華》、《華黍》。 《四牡》、《皇皇者華》。笙奏《南陔》、《白 南•鵲巢》《采蘩》《采蘋》,告於樂正 蘋》舊 孔 山有臺》,笙《由儀》。遂歌鄉樂《周南 采蘋》、《采蘩》,今《詩》篇名。《貍首》逸,『曾孫侯氏 .射義》:「天子以《騶虞》爲節,諸侯以《貍首》爲節,卿 于君所。 氏 曰 「正歌備。」○《燕禮》:工歌《鹿鳴》、 日 在《草蟲》之前,孔子以後簡札始倒。」工告 歌《南有嘉魚》,笙《崇丘》。 □ 召 以燕以射,則燕則譽。」」注云:「《騶虞》 「正歌備。」○《鄉 南》三篇 關雎》《葛覃》《卷耳》,《 乃閒歌《魚麗》,笙《 越《草 -蟲 奏《貍首》以射。 而取《采蘋》,蓋《采 射禮》: 曰:「正歌 歌《南 乃 由 采 召 合

懷靡及,諏謀度詢,必諮於周。」敢不拜教?」」 「安康及、鹿鳴》之三,而後拜。樂三,晉侯使行人問焉,對及《鹿鳴》之三,而後拜。樂三,晉侯使行人問焉,對及《鹿鳴》之三,而後拜。樂三,晉侯使行人問焉,對及《鹿鳴》之三,而後拜。樂三,晉侯使行人問焉,對及《鹿鳴》之三,而後拜。樂三,晉侯使行人問焉,對是也。」 ○《國語》:「叔孫穆子聘于晉,晉悼公饗之,樂是也。」○《國語》:「叔孫穆子聘于晉,晉悼公饗之,樂

首也。師摯,首識《關雎》之聲,而理其亂者。」

一之。注云:「樂其善,使重歌而自和之。」○程氏曰:

之。注云:「樂其善,使重歌而自和之。」○程氏曰:

之。注云:「樂其善,使重歌而自和之。」○程氏曰:

禮記》: 天子五年一巡狩,命大師陳詩,以 賜者宜 Z 觀民風。 何 壹倡而三嘆,有遺音者矣。 〇子贛見師 而 以 問 問 焉,曰:「賜聞聲歌各有宜也, 何歌也?」師乙曰:「乙賤工也, 〇《清廟》之瑟,朱絃而疏越, 所宜 ? 請 誦其所聞,而吾子

言之不足,故長言之。長言之不足,故 歌之爲言也,長言之也。説之故言之, 保此? 鉤,古侯反。 見利 聲也。 《齊》。 《商》之音者,臨事而屢斷。 育焉。 音者,見利 識之,故謂之《商》。《齊》者,三代之遺 天地應焉。 恭儉 者,宜歌《商》。 而 曲 焉。 而 而好禮者, 故《商》者,五帝之遺聲也。 齊人識之、故謂之《齊》。 而謙者,宜歌《風》。 夫歌者,直己而陳德也,動 讓,義也。 如 故歌者上時掌反。 静, 寬而 .折,止如稾木,倨中矩,句中 **纍纍**力追反。 乎端 如 一而讓。 四時和焉,星辰理焉,萬 疏達 静,柔而 温良而能斷者, 圃 宜歌《小雅》。 有勇有義,非歌孰能 臨 事而 者,宜歌《大雅 正者,宜歌《 如抗,下如隊。 明乎《齊》之 屢斷,勇也 肆直而 貫 正直 (珠,故 明乎 商人 宜 己 頌 慈 物 歌 而 愛 而

> 之,足之蹈之也。」子贛問樂。 嗟嘆之。嗟嘆之不足,故不知手之舞

左氏傳》: 吴公子札來聘,請觀於周樂,使 《豳》,曰:「美哉,蕩乎,樂而不淫,其周 者,其大公乎? 國未可量也。」爲之歌 去戎狄之音,而有諸夏之聲,故謂之夏聲。 夏聲。秦本在西戎汧隴之西,秦仲始有車馬禮樂! 公之東乎?」爲之歌《秦》,曰:「此之謂 反。乎,大風也哉。泱泱,弘大之聲。 乎?」爲之歌《齊》,曰:「美哉,泱泱於良 哉,其細已甚,民 懼,其周之東乎?」爲之歌《鄭》,曰:「美 ^{有疑言。}爲之歌《王》,曰:「美哉,思而 淵乎,憂而不困者也。 歌《邶》、蒲對反。《鄘》、《衛》,曰:「美哉: 公之德如是,是其衛風乎?」聽聲以爲別,故 基之矣,猶未也。 工爲之歌《周南》、《召南》,曰:「美哉,始 然勤而不怨矣。」爲之 弗堪也,是其先亡 吾聞 衛康叔、武 表東海 不

遠也? 荒,用 乎 ? 哉,思 其 有 歌《魏》,曰:「 曲 以 中庸之聲。 則 爲之歌《頌》,曰:「至矣哉,直而 雅》,曰:「廣哉,熙熙乎,熙熙,和樂之聲 放蕩,無所畏忌,故曰「國無主」。 歌《陳》,曰:「國無主,其能久乎?」淫聲 則明主也。」爲之歌《唐》,曰:「思深哉 丽 へ, 取 i,復 而 下無譏焉。 不屈,邇而不偪 陶 有直體,論其聲。其文王之德乎?」 猶有先王之遺民焉。」爲之歌《大 而不貪,處而不低,行而 而不貳,怨而不言,其周德之衰 大之至 唐氏之遺民乎? 不然,何憂之 非令德之後,誰能若是?」爲之 不厭 不匱,廣 大而婉,險而易行,以 ,於艷反。 美哉,渢渢扶弓反。 也。 爲之歌《小雅》,曰:「美 而不宣,施失豉反。 其周之舊 ,遠而不攜,遷 哀而不愁 自《鄶》古外反。 乎 (徳輔: ?」爲 心,樂而 不流,五 不倨,曲 乎,渢渢 丽 丽 此 之 不 不 不

> 所同 和 '也。」《頌》有殷、魯,故曰「盛德之所同」。 風 平, 節 有 度, 守有 序, 盛 德之

八

史記》:三百五篇,孔子皆弦歌之,以求合 荀子》: 《韶》、《武》、《雅》、《頌》之音。 詩者,中聲之所止 也

毛氏曰:「古者教以詩樂、誦之歌之、弦之 舞之。」

張氏曰:「古之樂章,只數句詩,不能 樂音節不明,雖傳得胡安定所定《雅音譜》,有《周南 書》:「某近與鄉人講習《鄉飲》、《鄉射》之禮, 調,此所以有弄有引。 丘》、《南陔》、《白華》、《華黍》、《騶虞》七篇。 《召南》、《小雅》十數篇,而猶闕《由庚》、《由儀》、《崇 言使其聲常從容有餘。」目和叔《寄劉几 弄,如何爲引。」〇「善歌者使人繼其聲 善歌者知 如 惟 何爲 成 恐 伯 Ш 杰

删

次

《論語 吾自衛反魯,然後樂正、雅》頌

樂正、雅》、頌》各得其所。」」《頌》相錯,孔子論而定之,故曰:『吾自衛反魯,然後各得其、所。《前漢・禮樂志》:「王官失業,《雅》

孔氏曰:「《史記·孔子世家》云: 『古者 孟子》: 王者之迹熄而詩亡,詩亡然後《春 是言之,何啻乎三千?」《周》、《召》,風之正 十君而取其一篇者,又有二十餘君而取其一篇者,由 曰:「司馬遷謂古《詩》三千餘篇,孔子删之,存者三 五篇」,闕其亡者,以見在爲數也。 分去九。馬遷言『古《詩》三千餘篇』,未 見在多,亡逸者少,則孔子所録,不容十 禮義者三百五篇。」案書傳所引之《詩 《詩》本三千餘篇,去其重,取其可施 可信也。據今者及亡《詩》六篇,凡三百 秋》作。蘇氏曰:「《詩》止於陳靈,非天下無詩也 有而不可以訓焉耳,仲尼有所不取也。」 逸《詩》何可數也? 十一篇。而《史記》、《漢書》云『三百 鄭學之徒皆以遷之謬,言古《詩》雖多,不容十分 以予考之, 遷說然也。 以鄭康成《詩譜圖》推之,有 何以知之? 今書傳所 歐陽氏

比先後,舊無明説。」經,固當爲首。自衛而下十有餘國,編

歐陽氏曰:「《周南》、《召南》、《邶》、《鄘 《檜》、《鄭》、《齊》、《魏》、《唐》、《秦》、 之,先譜鄶事,然後譜鄭。 《陳》、《曹》、《豳》、《王》,此鄭氏《詩譜 也。 《陳》、《檜》、《曹》、《豳》,此今《詩》次第 《王》、《鄭》、《齊》、《魏》、《唐》、《秦》、 次第也。」孔氏曰:「鄭《譜》以鄭因號、鄶之地而國 次序如此。《周》、《召》、《邶》、《鄘》、《衛》、 《魏》、《唐》、《陳》、《曹》,此孔子未删之 《衛》、《王》、《鄭》、《齊》、《豳》、《秦》、 前,周大師樂歌之次第也。 《頌》,并言王世故耳。」 《周》、《召》、《邶》、《鄘》、《衛》、 王在豳後者,退就《雅》、 季札觀樂於魯

風也。其他不必次。一國之詩,其首尾意。若非以《衛》分之,則《王》無異於正二《南》之後次《衛》,《衛》後《王》,此有張氏曰:「《詩》固有次序,然不可一例。惟

0

程 氏 下亂 故爲 家及 風 則禮義 行,則人倫 之本,風之正 正 之風 風 於是諸侯擅相侵伐,衛首并邶、鄘之地 $\ddot{\pm}$ 美 也 日 家之道,以 /盛德 () 先後各 於政,以 道絶,衛首惡也。故一國之詩 風。本乎一人,而成乎國 變風之首。 發於 ,風遂變矣。 及乎周 「《詩》有四始,而《風》居首。 其 風 廢,風俗壞。天下治亂,在 與與 正 正,朝廷治。二《南》之風 動 理,而 道衰,政教失,風遂變矣。 ī有義。 厎 告其成功,謂之頌。 也,故爲首。 風天下。 於人,猶風之 成成 推其本, 言其跡, 功,其叙然也。 形 《周南》、《召南》,陳 於 人倫之端,王道 天 則王 下, 二《南》之風 則 吹 相 道失,上 謂 物 俗 吞 之雅。 謂之 入物, 先之 滅而 風 諸 而三 風 國

今亦變矣,故因

【其舊名而

謂之《唐》,所

之都。 其名, 之《風》。董氏曰:「諸侯至於滅國,王政不行矣,謂 者,亡國之餘音也。《風》首《衛》,且先《邶》、《鄘》,以 戒告令,每懼其不得一日正也。故其俗易感而風易變 則 於禽獸。 因 苟能守之,足以統臨天下。 天下無王可也,故以《王風》叙《衛》下。」先王之制 相并滅,王跡熄矣,故《雅》亡 著滅也。」刑 爲《邶》、《鄘 成美厚之俗,歷二叔之世,而 知,故次以《齊》。 君臣上下之分失則 則王畿之内亦不 「商俗靡靡 周之衰,遂自爲 無不亂之國,無不變之俗。 得 唐,帝堯之國,久被聖人之化,漸 於衛 ,周雖化革其俗,然其風不得盡變。 人君 政不 》,所以見其首亂也。 地 身爲禽獸之行,其風 能治天下,諸侯 者 能 爲《 天下之風至於如 列國 保。 人倫亂,人倫廢則 衛》, 鄭本畿内之封 故次以《鄭》。 得 廢法 遺風尚存, 於 魏、舜、禹 而爲一 邶、 放 董氏曰 恣 失道 書之命 鄘 此 或 擅 П 者

之都, 極 僻,季札之所不譏,《國風》次之於末,宜哉。」亂 亂之終。 極 情迫於危亡則 道行也。聖人之道絶,則危亡至矣。人 禮亡矣。 天下之所以安且治者,聖人之 存也。王澤竭而風化熄矣,夷道行而 亡,夷狄之風行,先聖王之流風遺 樂,而刺 矣,故次以《陳》。陳,舜之後也。 秦之始封秦谷,西戎之地,國 大,天下亦相 而始大。其俗尚夷,故美其始有車 ,必有治之之道。 也。 ,中國之禮義消亡極矣。 風化所厚也。 自昔天下,何嘗不 檜、曹懼於危亡而思周道,故 孔氏曰:「檜、曹國小而君奢,民勞而 其未能用周禮 唐、魏之風且變, 胥而夷矣,故次 思治安,故思治者,亂之 危既甚,必 聖人之國,典法 也。 拯 則先 是 通而 亂 禮義之俗 以 以 乃 代 有安之 夷 興治, 之風 聖人 俗 馬 東 秦 狄 既 典 所 盡 侵 政

者之政 化,由 革危 《魯》,蓋生於不足。 成而 居豳 之名,改稱爲《頌》,非《周頌》之流也。 也,盛德之著而成功,可以告於神明。 曰:「雅見積漸之義,故《小雅》先於《大雅》。」政之 次於衆國之後,《小雅》之前,非諸國之例也。」王 之美,不可廢也,故附其後焉。」 者,以魯是周同姓,故先前代也。」《商》則頌 矣。 孔氏曰:「魯以其得用天子之禮,故借天子美詩 頌者如是。及其衰 始終之義也,故次以《頌》。《頌》之有 天下之治,始於以正 衰則至於亡,《詩》之亡,王道之亡也。 豳 爲 ıllı, 也 兹而始,王業之所以興也,故次以 孔氏曰: 也。 爲安, 政於天下,故次 趨時 小之先大,固 **國** 周家之先,由 務農 》者,周公之事,欲尊周 门以 也,如魯之事 王道之隆也,所歌 風 厚民 以《雅 風天下。其終 其叙也。 是道 生, 置之《商頌》前 善 也 雅,王 已足 政美 前 公,故 孔氏

大 小 序

程 《小序》之首是也,其下則説《詩》者之辭 氏曰:「學《詩》而不求《序》,猶欲入室而 得《詩》,必載其事,然後其義可知, 不由户也。] 〇或問:「《詩》如何學?」 意,只後之觀《詩》者亦添入。」張氏曰:「《詩 也。」〇又曰:「《詩》小序,要之皆得大 序》,謂之《小序》,自「風,風也」訖末,名爲《大序》。」○ 言時有反覆煩重,類非一人之辭。」○《釋文》舊説云: 其存者將以解之,故從而附益之,以自信其説,是以其 而取三百五篇,今其亡者六焉,亡《詩》之《序》未嘗詳 序》亦有後人添入者,則極淺近,自可辨。」〇蘇氏曰: 又曰:「沈重云:『案鄭《詩譜》意,《大序》是子夏作, 「【《關雎》,后妃之德也」,至「用之邦國焉」,名《關雎 「《詩序》誠出於孔氏也,則不若是詳矣。 孔子删《詩 小序》是子夏、毛公合作。 ::「只於《大序》中求。」〇又曰::「國史 《詩》之亡者,經師不得見之矣,雖欲詳之而無由 卜商意有未盡,毛更足成

> ○董氏曰:「古之爲教者,師授而傳之,訓傳不立,而 承,謂《毛詩序》子夏所創,毛公及衛敬仲更加潤色。」 不能及此,或以師授之言論著於書耳。」 者,工師亦得以傳其言也。漢史謂宏作《詩序》,宏固 能自見於世。况夫詩之存,不獨著之竹帛。 善得《風》、《雅》之旨。』」〇《隋•經籍志》曰:「先儒相 之。』《後漢書》: 『衛宏從謝曼卿受學,因作《毛詩序》, 凡聲於樂

王氏曰:「世傳以爲言其義者,子夏也。 乎哉! 《詩》上及於文王、高宗、成湯,如《江有 世,則雖孔子亦不可得而 汜》之爲美媵、《那》之爲祀成湯、《殷武 之爲祀高宗。方其作時,無義以示後 知,况子夏

歐陽氏曰:「孟子去《詩》世近,而最 《詩》。推其所説《詩》義,與今《序》意多 同,故後儒異説爲《詩》害者,常賴《序》

善言

周禮》:《大師》教六詩,曰風,曰賦,曰比 大序》:《詩》有六義焉,一曰風,二曰賦, 鼓,以息老物。孔氏曰:「鄭氏箋《七月》二章 音俊。 籥。 云" 「是謂《豳風》。」 六章云" 「是謂《豳雅》。」 卒章 于田祖, 龡《豳雅》, 擊土鼓,以樂田畯。 逆暑。中秋夜迎寒,亦如之。凡國祈年 曰興,曰雅,曰頌。○《籥章》掌土鼓豳 三曰比,四曰 『是謂《豳頌》。』自始至成,别爲三 中音仲。春,晝擊土鼓,獻《豳詩》,以 國祭蜡,士嫁反。 興,五日雅,六日頌 則獻《豳頌》,擊土 體。

> 風、《大序》曰:「風,風也,教也。 《頌》。 動之,上之化下,下之風上,凡所刺美皆 之,教以化之。」〇程氏曰:「風者,風以 託物,比顯而興隱,當先顯而後隱,故比居興先也。」 道,直陳爲正,故賦在比、興之先。 比之與興,雖同是 於風之下,明雅、頌亦同。賦、比、興如此次者,言事之 以雅、頌。雅、頌亦以賦、比、興爲之。既見賦、比、興 賦、比、興爲辭,故於風之下即次賦、比、興,雖然後次 甫作誦。二〇孔氏曰:「四始以風爲先,風之所用,以 既列於《大雅》矣,然其詩曰:『其風肆好。』又曰:『吉 《國風》,得雅之體多者爲大小《雅》,得頌之體多者爲 亦然。」○吕氏曰:「詩舉有此六義,得風之體多者爲 風非無雅,雅非無頌也。」○董氏曰:《崧高 風 以 動

賦,鄭氏《周禮》注曰:「賦之言鋪,直鋪 善惡。」〇程氏曰:「賦者,謂鋪陳其事, 如『齊侯之子,衛侯之妻』是也。」又曰:「賦

是也。」張氏曰:「風,有風刺、不直言之意。」

程氏曰:「《國風》、大小《雅》、三《頌》,詩之

備六義者,有數義者。」○又曰:「學《詩》

而不分六義,豈能知《詩》之體也?」張氏

「今一詩之中,蓋有兼見風、雅、頌之意,賦、比、興

氏家塾讀詩記卷第

名也。六義,詩之義也。一篇之中,有

⁰ 賦」, 原脱,據四庫本、《墨海金壺》本及《毛詩正義》

己。

要之,上句常虚,下句常實,則

同也。」

比,鄭司農《周禮》注曰: 事者。」 者,詠 載疐其尾。公孫碩膚,赤舄几几』是 物。」〇程氏曰:「以物相比,『狼跋其胡, 言其事,《甫田》、《碩鼠》、《衡門》之類是也。」○又曰: 也。」又曰:「比者,直比之,「蛾眉」、「瓠犀」、「温其如 也。」〇吕氏曰: 玉』之類是也。」〇朱氏曰:「比者,以物爲比,而不正 比方有兩例,有繼所比而言其事者,有全不言其 述其 事,『蔽芾甘棠,勿翦勿伐,召伯所 「賦者,叙事之由,以盡其情狀。. 「比者,比方於 芝 是

興,孔氏曰::「興者,起也。」〇程氏曰: 盈頃筐。 指 而 辭也。」○王氏曰:「以其所感發而况之之謂興。 類是也。」又曰:「興者,興起其義,『采采卷耳,不 物而起興,『關關 兼比與賦者也。」〇朱氏曰:「因所見聞,或託物起興 ·興是譬諭之名,意有不盡,故題曰興。」〇孔氏曰: 取譬引類,起發己心,諸舉草木鳥獸以見意者,皆興 好有取 言 事 上句之事實。 所興爲義者,則以上句形容下句之情思,下句 繼其聲、關雎》、《樛木》之類是也。 嗟我懷人,寘彼周行』是也。」○《釋文》曰 有全不取其義者,則但取一二字而 雎鳩』、『瞻彼淇奥』之 然有兩例 因

> 雅 頌、《大序》曰:「頌者,美盛德之形容,以其 、《大序》曰: 書志》曰『徐生善容』,『容』字作此『頌』字。 成功告於神明者也。」○鄭氏《詩譜 也。」」〇又曰:「雅者,直言之。雖是大惡,亦直言,此 之、比、興差少、無隱諷譎諫之巧、故曰:『雅者、正 彝,好是懿德』是也。」張氏曰:「雅之體,直言 無所諷議。 曰:「頌之言容。」李氏曰:「頌之爲字訓容、《漢 是雅之本體。」〇吕氏曰:「雅者,正言也,無所抑揚。」 正理,『天生烝民,有物有則。 人,受禄于天」是也。」〇吕氏曰:「頌者,稱美之辭也 曰:「頌者,稱美其事,「假樂君子,顯顯令德,宜民宜 ·有匪君子,終不可諼兮』之類是也。」又 雅者,正言其事。」〇又曰:「雅者, 頌,稱美之言也。 『頌字與形容字,古人通用。』 〇程 「雅者,正也。」〇程氏 如『于嗟乎騶 民 氏 顔師古 之秉 陳其 虞」、 曰 日

及成王、周公致太平,制禮作樂,而

有

召南

》,《雅》有《鹿

鳴》、《文王》之屬

鄭

氏《詩譜

序》:文、武時詩有《周

南》、

明者也

大序》:上以風化下,下以風刺上,主文 風。 頌者,美盛德之形容,以其成功告於神 有小大,故有《小雅》焉,有《大雅》焉。 雅者,正也,言王政之所由廢興也。政 也。 乎情,民之性也。止乎禮義,先王之澤 俗者也。 風。 吟詠情性以風其上,達於事變而懷其舊 乎得失之迹,傷人倫之廢,哀刑政之苛 政,家殊俗,而變風、變雅作矣。 國史明 譎諫、言之者無罪、聞之者足以 至于王道衰,禮義廢,政教失,國 言天下之事,形四方之風,謂之雅。 是以一 故變風發乎情,止乎禮義。 國之事,繫一 人之本,謂之 放,故 發

聲興焉。盛之至也,本之由此風、雅而聲興焉。盛之至也,本之由此風、雅而聲興焉。盛光,陳最在後。變雅則處其間。齊哀公當懿王,衛爲先,陳最在後。變雅則處其間。齊哀公當懿王,衛頃公當夷王,陳靈公魯宣公十年爲其臣夏徵舒所弑。變雅始於厲王,變雅亦稱雅者,王政仍被邦國,所以亦名爲雅。及平王東遷,其政纔行境內,是以變爲以亦名爲雅。及平王東遷,其政纔行境內,是以變爲風焉。」

孔氏曰:「王道衰,諸侯有變風。 侯不得 諸侯 歌其政事之變者,謂之變大雅。 之音,歌其政事之變者,謂之變小雅,故 爲大雅,述小政爲 各從其國,有美刺之别也。 王政既衰,變雅兼作,取大雅之音, 無 ?有風。 正 風。 王 王道 道 小雅,有大雅 明盛 既 衰,政出 一、政出 正經述大政 諸侯,故 、小雅之 一人,諸 王道 取小雅

《商 頌》異也。」 以其成功告於神明者也」,惟《周頌》爾。 政 變雅之美刺皆由 公功德,纔如 述其功德,非以成功告神。《魯頌》頌 事之小 [頌 | 雖 | 大也 是祭祀之歌,祭其先王之廟 變風之美者爾, 音。 『頌者、美盛 體 有 小大,不復由 德之形容 又與《商 僖

禮樂出於一,故不得國别爲風爾。《汝墳》、《江有汜》之在二《南》是也。可采者,大師播之音律以風天下,如王道之盛,陳列國之詩,以觀民風,其

也亦厚矣,是以其詩不復其舊而謂之也。 至幽、厲而大壞,其敗亦數百年,其蓄之 發而爲正詩。自成、康以來,周室不競, 百年。至於文、武,風俗純備,是以其詩 百年。至於文、武,風俗純備,是以其詩 也? 曰:『昔周之興也,積仁行義,凡數 也。 曰:『昔周之興也,積仁行義,凡數 本,皆美之。然猶不免爲變詩,何 本,所

> 能。 能。 變。 難,其間必 之厚矣,是以不免於變也。」 必有后稷、公劉、文、武積累之勤而後 夫自 自其變而復于正,其反之也亦難 今夫五人者,其善之積,未若其變 其 有 正 幽 丽 厲大亂之君爲之而後 至 乎 變, 其 () 敗之 也 甚

李氏曰:「《小雅》則主一事而言、《大雅》則李氏曰:「《小雅》則主一事而言、《大雅》之『燕嘉賓』、《四牡》之『勞使臣』、《皇主一事而言之也。至於《大雅》,則泛言天下之事。如《文王》之『遣王有明德』之類。」朱氏曰:「正《小雅》二十二王有明德」之類。」朱氏曰:「正《小雅》二十二王有明德」之類。」朱氏曰:「正《小雅》二十二王有明德」之類。」朱氏曰:「张小雅》則之『趙之,則為以其聲而繁之與。」

章句音韻

《國語》:閔馬父曰:「昔正考父校商之名《國語》:閔馬父曰:「昔正考父校商之名《國語》:閔馬父曰:「昔,此也。凡作篇身,執事有恪。」」章昭注曰:「輯,成也。凡作篇夕,執事有恪。」」章昭注曰:「輯,成也。凡作篇多、執事有恪。」 章昭注曰:「輯,成也。凡作篇。 温恭朝。 一篇於周大師,以《那》爲首,其輯

章者。《頌》者述成功以告神,故一章而言得《商頌》十二篇』,《東山》序曰「一章言,提簡子稱子大叔「遺我以九言」,皆言。趙簡子稱子大叔「遺我以九言」,皆言,趙簡子稱子大叔「遺我以九言」,皆言,其完」,是也。 句則古者謂之爲言。司、任曰:「自古而有篇章之名,故《那》序曰孔氏曰:「自古而有篇章之名,故《那》序曰孔氏曰:「自古而有篇章之名,故《那》序曰

乎」、『其虚其邪,既亟只且』之類是也。」 之字以當聲韻者、『是究是圖、亶其然 《魯頌》不一章者、《魯頌》美僖公之事, 『左右流之』、『寤寐求之』、『其實七兮』、 在句,不以爲義,故處末者皆字上爲韻。 爾。之、兮、矣、也之類,本取以爲辭,雖 體必須依韻,其有乖者,古人之韻不協 重章者,或詩人之意所作不同。 詩之大 非告神之歌也。《商頌 者,成也。 「迨其吉兮」之類是也。 《後漢·祭祀志》東平王蒼議,《詩傳》曰:「頌 章成篇 宜列德、故登歌《清廟》一章。 長發》《殷武》 亦有即將助句

卷秩

傳》皆無經文。《藝文志》云:『《毛詩》經《傳》之文不與經連,故石經《書》、《公羊孔氏曰:「漢初爲傳訓者,皆與經别行。三

二十九卷」不知併何卷也。」
此《詩》引經附傳是誰爲之,其『《毛詩》文。」然則後漢以來,始就經爲注,未審之注,乃云:『欲省學者兩讀,故具載本為註訓,亦與經别也。又馬融爲《周禮》二十九卷,《毛詩故訓傳》三十卷。』是毛

訓詁傳授

前漢·藝文志》:《詩》凡三百五篇,遭 傳。 傳數萬言 時爲博士,景帝時至常山太傅。 時爲博士。」燕韓生《儒林傳》:「韓嬰,燕人也,孝文 齊轅固、《儒林傳》:「轅固,齊人也,以治《詩》,孝景 交,俱事齊人浮丘伯受《詩》。」爲《詩》訓詁 興,魯申公《儒林傳》:「申公,魯人也,少與楚元王 而全者,以其諷 三家皆列於學官。 ,其語頗與齊、魯間殊 誦,不獨在竹帛 又有毛公之學, ,然歸一也。」皆爲之 推詩人之意而作內外 也。 漢 秦 而

> 《頌》,相合而 《春秋》先師,皆起於建元之間。當此之 立。 自謂 時,一人不能獨盡其經,或爲《雅》,或爲 武帝然後鄒、魯、梁、趙頗有《詩》、《禮》、 常博士書》曰:「文帝時《詩》始萌芽,至 〇《釋文》曰:「平帝世《毛詩》始立。」劉 歆《移 太 舊書。其學舉六藝,立《毛氏詩》、《左氏春秋》博 亦好書,所招致率多浮辯。獻王所得書,皆古文先秦 河間獻王德,修學好古,實事求是。 子夏所傳 成。」 一, 而 河 間 獻王好之,未 時淮南王安 式

孔氏曰:「鄭氏《詩譜》曰:『魯人大毛公爲 北長曰:「鄭氏《詩譜》曰:『魯人大毛公傳 が毛公爲博士。』《前漢・儒林傳》:『毛 公,趙人,爲河間獻王博士。』不言其名。 《後漢・儒林傳》:『趙人毛萇傳《詩》。』 然則小毛公名爲萇也。」吴陸璣《草木疏》云: 然則小毛公名爲萇也。」吴陸璣《草木疏》云: 「子夏傳魯人申公,申公傳魏人李尅,李尅傳魯人孟仲 子,孟仲子傳趙人孫卿,孫卿傳魯人大毛公傳 子,孟仲子傳趙人孫卿,孫卿傳魯人大毛公傳 小毛公。」〇《釋文》曰:「吴大常卿徐整曰:『子夏授 小毛公。」〇《釋文》曰:「吴大常卿徐整曰:『子夏授 小毛公。」「鄭氏《詩譜》曰:『魯人大毛公爲 八毛公。」〇《釋文》曰:「吴大常卿徐整曰:『子夏授 小毛公。」「李村傳》:『毛

史孫毓爲詩評毛、鄭、王肅三家同異,朋於王。 毛非鄭。 明毛義,難三家,於是三家遂廢矣。 作《毛詩箋》。』《釋文》曰:「鄭玄作《毛詩箋》,申 逵傳《毛詩》,後馬融作《毛詩傳》,鄭玄 詩》,宏從曼卿受學。 字敬仲,東海人。初,九江謝曼卿善《毛 授徐敖,敖授九 小毛公。」《前漢 河間人大毛公,大毛公爲《詩》故訓傳於家,以授趙人 貫長卿,長卿授 高行子,高行子授薛倉子,薛倉子授帛妙子,帛妙子授 陳俠傳謝曼卿。《後漢 ·陳統難孫申鄭。」 荆州刺史王基, 駮王肅, 申 江 解 儒 陳俠。』陸璣《草木疏》云: 延年,延年爲阿武令, 林傳》:『毛公授同 儒林傳》:『衛宏、 中興 魏大常王肅 鄭義。 、後,鄭衆、賈 晉豫州 徐州從 ",更述 刺

《毛詩》鄭箋至今獨立。於西晉。《韓詩》雖存,無傳之者。惟《隋書志》:《齊詩》,魏代已亡。《魯詩》亡

毛公解經,雖未必皆當,然味其言,大槩程氏曰:「西漢儒者有風度,惟董仲舒、大

意。然見道不甚分明,下此即至楊雄。」然一爾。」又曰:「漢儒如大毛公、董仲舒,最得聖賢之

歐陽氏曰:「六經焚於秦,自漢以來, 訾也?」 終始而牴牾,質諸聖人而悖,有不 者,吾未之信也。 見先儒中間之説,而欲特立 經,倀倀丑良反。 之力哉? 後之學者,徒抱焚餘殘脱之 亡逸,正其訛謬,得以粗備者,豈止 ൬ 後 改 易 者, 何 於去聖人千百年後,不 先儒之論,苟非 以 徒 爲 異 一家之 得 詳 收 其 學 拾 相

條 例

諸家 兼存 以 足成前説者,注其 解 定從 者,亦附注焉 説, 辨析名物 下。 ,敷繹文義, 説 雖 木 同, 口

家解文句小未安者,用啖、趙集傳例,頗

諸

達斯意,以爲文句脱漏,隨即注之。此句,句有刊字,實懼曾學三《傳》之人,不文,皆委曲翦裁,去其妨礙,故行有刊文,皆委曲翦裁,去其妨礙,故行有刊爲删削。陸淳曰:「啖、趙所取三《傳》之爲删削。陸淳曰:「啖、趙所取三《傳》之

姓氏。 姓氏。 說,次用乙說,末復用甲説,則再出甲諸家先後,以經文爲序。或一章首用甲則集傳之蠹也。」閱此記者亦然。

録於每條之後,比諸家解低一字寫。見章末。諸家或未備,頗以已説足之,經、子、史傳引《詩》文句與毛氏不同者,各

吕氏家塾讀詩記卷第一

__

吕氏家塾讀詩記卷第二

正風

篇,謂之正風。」《釋文》曰:「從《關雎》至《騶虞》二十五

唐 南召南説附

謂之房中者,后、夫人之所諷誦,以事其南》、《召南》之詩,而不用鍾磬之節也。燕禮》「有房中之樂」,鄭氏注:「弦歌《周南》,其猶正牆面而立也與。」○《儀禮・《召南》矣乎? 人而不爲《周南》、《召、《論語》:子謂伯魚曰:「女爲《周南》、《論語》:子謂伯魚曰:「女爲《周南》、

州岐山之陽地名,今屬右扶風美陽縣。 文王之化以成德者,繫之召公,以召公長諸侯故也。」 者,繫之周公,以周公主内治故也。其言諸侯之國被 著,則詩作於下,此理之最明者也。」〇朱氏曰:「周公 風也。 ○鄭氏《詩譜》曰:「周、召者,《禹貢》雍 制禮作樂,於是取文王時詩分爲二篇,其言文王之化 德而不見,則其詩不作。召公在外,遠於文王,功業明 詩,而《周南》無周公之詩。周公在内,近於文王,雖有 召公,日辟國百里」,言其治外也。《召南》有召公之 所交於諸侯者屬之召公。《詩》曰「昔先王受命,有如 墳是也。」〇程氏曰:「召伯爲諸侯長,故諸侯之風,主 《周南》、《召南》,正始之道,王化之基。 南》,何也? 文王之治國也,所以爲其國者屬之周公, 之於《召南》。]〇蘇氏曰:「文王之風謂之《周南》、《召 自邠以北則皆爲獯鬻所取,所及者向南之國,江漢、汝 之域也。」〇張氏曰:「言南者,以河東則時爲紂所屬 鄭氏曰:「自,從也。從北而南,謂其化從岐周被江漢 王者之風,故繫之周公。南,言化自北 而南也。《鵲巢》、《騶虞》之德,諸侯之 君子。」〇《大序》:《關雎》、《麟趾》之化, 先王之所以教,故繫之召公。

吕氏家塾讀 (詩記

豐,乃命岐邦周、召之地爲周公旦、召 之初,命其子王季爲西伯。至紂,又命 之陽、是周地在岐山之陽、召是周内之别名也。 孔氏曰: 召公别於東都受采,存本周、召之名也。] () 之德爲首,終以《麟趾》、《騶虞》,所 於豳。至古公亶父,又遷於岐山之下。」商王帝 曰:「帝嚳之子棄,爲唐虞后稷,封於邰。其後公劉遷 公曰大王者,避狄 時周公、召公是也。」孔氏曰:「春秋時,周 之,其次子亦世守采地。 公。召公封燕,死謚 奭之采地。二《南》之詩,以后妃、夫人 文王典治南國江漢汝旁之諸侯,於時天 天下而正夫婦焉。 下三分有其二,以服事殷。 文王作邑 "「天下之治,正家 「召在岐山之陽,扶風雍縣南有召亭。」周之先 地 里志》云"『岐山 「《縣》言大王遷於周原、《閟宫》言大王居 難 在美陽縣 周公封魯,死謚 日 自 爲先。天下之家 豩 康公。元子 西 在王官,春 始遷焉。 北。」〇《釋文》 程 议 曰 朱氏 公 於 Ż 氏 秋 世 文 風 岐

> 之家,一也。 正 之人由是道者,文王也。 以風天下。爲此詩者,其周公乎? 之,自朝廷至於委巷,莫不謳吟諷誦 陳后妃、夫人、大夫妻之德,推之士庶 曰 趾》、《騶虞》,乃其應也。」○明道程 繫其後,其化之行,俗之成,至如 ,則天下治矣。二《南》,正家之道 「《周南》、《召南》如乾坤。」 故使邦國至 故以當時之詩 於鄉黨皆用 所 也 氏 人

《關 動 南 南・關雎》」,是用之鄉人也。 用之邦國焉。孔氏曰:「《鄉飲酒禮》云『乃合樂《周 所以風天下 之德,非指人而言。 之,教以化之。 風 關雎》」,是用之邦國也。」風,風 雎七胥反》,后妃之德也。 兼二義,以象言則曰風,以事言則曰教。」風 吅 正夫 或謂太姒,失之矣。」風之始也 詩者,志之所之也。 婦 也。 《燕禮》云『遂歌鄉樂《周 故用之鄉人焉 程氏曰:「詩言后妃 也 教 也。 朱氏 在 以

《詩》。先王以是經夫婦,成孝敬,厚人倫, 民困。 所以風天下而正夫婦。 下以風福鳳反。 雅,六曰頌。 風,二曰賦,三曰 怒,其政乖。 文而譎古穴反。 美教化,移風俗,故《詩》有六義焉: 世之音安以樂,其政和。 文,謂其清濁、高下、疾徐、疎數之節,相應而和也。」治 矣。」〇朱氏曰:「聲不止於言,凡嗟嘆永歌皆是。 聲成 曰:「音起於聲,而聲出 氏《樂記》注云:『雜比曰音,單出曰 之,永歌之不足,不知手之舞之、足之蹈之 言之不足,故嗟嘆之,嗟嘆之不足,故永歌 心爲志,發言 也。」〇朱氏曰: 情發於聲,聲成文謂之音。孔氏曰:「鄭 故正得失,動天地,感鬼神,莫近於 説見「六義」條下。 亡國之音哀以思,息吏反。 [爲詩。 「主於文詞而託之以諫 諫,鄭氏曰: 刺上。李氏曰:「蓋言二《南》之詩: 比,四日 於情。 至於變風,則人臣諷刺其上。」主 情 知此則知先王作樂之本 動於中而形於言 「譎諫,詠歌依違,不直 興,虚應反。 亂世之音怨以 聲。』○廣漢張 上以風化下, 雖 優游不迫 其 氏

得失之迹,孔氏曰"「國之史官。」○程氏曰"「國史得 禮義,先王之澤也。 情,止乎禮義。 刑政之苛,吟詠情性,以風其上,風,福鳳反。 政,家殊俗,而變風、變雅作矣。 雎》之亂以爲《風》始、《鹿鳴》爲《小雅》始、《文王》爲《大 之躬行,而其末見於一國之事。」言天下之事,形 達於事變而懷其舊俗者也,故變風 詩於采詩之官,故知其得失之迹。」傷人倫之廢,哀 古毒反。 雅》焉。 廢興也。 方之風俗,謂之雅。」雅者,正也,言王政之所 人之本,謂之風。王氏曰:「風之本出於人君,一人 四 方之風,謂之雅。 孔氏曰:「言天下之政事,發見四 感人實深。」言之者無 .始,《詩》之至也。《史記·孔子世家》曰: 風。 至于王道衰,禮義 於神明者也。 頌者,美盛德之形容,以其成功告 政有小大,故有《小雅》焉,有《大 》爲《頌》始。] 〇李氏曰 發乎情,民之性也。 罪,聞之者足以 並見「風雅頌」條下。 是以一國之事,繫一 **凝,政** 「是四始以 教失,國 國史明 戒 止乎 發乎 是謂 下皆 平 故 由 四

而

曰

《鵲巢》、《騶虞》之德,諸侯之風也。先王 《周南》、《召南》,正始之道,王氏曰:「王者正始 樂得淑女以配君子」,配惟后妃可稱。 憂思在於進賢淑,非説於色也。 窕,吕氏曰:「哀,至誠惻怛之意。 《禮記》所謂『無服之 淑女以配君子,憂在進賢,不淫其色,哀窈 於家,終於天下。」王化之基,是以《關雎》樂得 氏曰:「繫之《周南》,繫之《召南》,今本皆誤作 [公]。」 以教化民也。」故繫之召公。説見「周南」條下。 之所以教,孔氏曰:「諸侯之風,先王大王、王季之所 之風,故繫之周公。南,言化自北而南也 義 至于傷,則其思也,亦異乎常人之思矣。後人以爲『后妃 常人言之,直入於邪始得。 於思賢才,而不在於淫色,無傷善之心也。 氏曰:「《關雎》之義,樂得淑女以爲后妃配君子也,其所 才,而無傷善之心焉,是《關雎》之義也。 喪」、「内恕孔悲」,蓋求賢之情,其惻隱有如此者。」思賢 詩》之至也。」然則《關 【如此,非謂后妃也。」 求淑女以爲配? 淫其色乃男子之事。 雎》、《麟趾》之化,王 然《關雎》却止乎禮義,哀不 哀窈窕,思之切也。 后妃自是配,更何 自是《關雎》之 思之甚切,以 〇程 者

《 論 太上者民之父母,后、夫人之行不侔乎天 [元]、《詩》之《關雎》、《禮》之冠、婚、《易》 地 匡衡曰:「孔子論《詩》,以《關雎》爲始,言 之乾、坤,皆慎始敬終云爾。」○《前漢書 ○《大戴 ,則無以奉神靈之統,而理萬物之宜。」 《毛詩》率與經傳合。 見有度,應門擊柝,鼓人上堂。今内傾于色,故 欽傳》曰「佩玉晏鳴、《關雎》歎之」,瓚曰:「此 齊、魯、韓三家皆以爲康王政衰之詩。《前漢・ 以魯、齊、韓之義尚可見者較之,獨 魯、齊、韓、毛,師讀既異,義亦不同 詩》也。』《後漢》明帝詔曰『昔應門失守,《關雎 首,三家者乃以爲刺,歐陽氏曰:《關雎 覆煩重,時失經旨,如《葛覃》、《卷耳 語 《關雎》説淑女以刺時。1.餘可知矣。 毛詩》之義,最爲 ℽ 禮 《關 『薛君《韓詩章句》曰: 保傅》篇曰:「《春秋》之 雎》 樂 丽 得其真 不 《關雎》,正風之 淫, 人君退朝,后 也。 哀 而 間有反 不 傷。 妃 》刺 **参** 則 杜

四

至於止存其首一言,而盡去其餘,則之類,蘇氏以爲非一人之辭,蓋近之。

之德,蓋 是幽閒貞專之善女,宜爲君子之好匹。」 淑,善。 廷正,朝廷正 别焉,然後可 其别也。」水中可居曰洲。 父子親,父子親 之德,無不和諧,慎固幽深,若雎 屬,似鷹,尾上白。』.○歐陽氏曰:「雎鳩不取其摯,取 『鵰類也。今江東人呼之爲鶚。』楊雄、許慎皆曰:『白 毛氏曰:「興也。關關, 王雎也,鳥擊而 楊氏 且 曰 : 逑,匹也。 如 如 此 關 「《詩》全要體會。 也,須當 則 以 雎》之詩,詩 王化成。 風化天下。 則 有 别。 君臣 言后妃有關 想像雎鳩爲何物 敬,君臣敬 孔氏曰: 后妃説 和聲 窈窕 7人以 夫婦 也。 **州** 郭璞 何 雎之德 興后妃 鳩 樂 有 閒 雎 調體 則 别則 之有 君子 也 굸 鳩, 朝

> 是,而又居幽閒 知雎 閒遠人之地 爲何聲。 曰:「逑,本亦作仇。」 可以意曉矣,是之謂體會。」〇《釋文》 『在河之洲』是 鳩爲摰 知 而 關 ,則知如是之禽,其 有别之禽, 關 何 遠 所在。 之聲爲和 人之地,則 知河之 則 又想 , 則 后 鴻 洲 又 像 妃之德 聲 想 爲 關 加 幺 像 關

難辨。 比也。 可 鳩之和静、荇菜之柔順 之不兼比者,誤以爲比,則失之穿鑿 者,興也。直比之者, 發興,後二章皆以荇菜發興。 比者,徒以爲比,則失其意味矣。 后妃之德以風動天下。 關 以比類求也。 |雎》具風、比、興三義。 一篇皆言 如《殷其雷》,偶聞雷而 興多兼比,比不兼 風之義易見,惟興 孔氏曰:「毛氏特言『 有感行者之未歸,非 比 則又 也。 與比 首章 興。 取 以 意有 至於 興 相 之 以 雎 近 兼 雎 興 餘 爲 鳩 面 興

書『興』以別之,餘皆不書。」也」,爲其理隱故也。今從毛氏例,特

之。 參初金反。 寐思服。 程氏 者,思之長也。」〇鄭氏曰:「卧而不周曰 也。」朱氏曰:「服,猶懷也。」 〇 王 氏 毛氏曰:「寤,覺。寐,寢也。 也。」流,求也。」○程氏曰:「左、右,皆隨 氏曰:「案《天官·醢人》陳四豆之實,無荇菜,或殷禮 葉紫赤色,正圓,徑寸餘,浮在水上,根在水底。]○孔 接余也,以事宗廟。 氏曰:「參差然不齊。」〇毛氏曰:「荇, 曰:「輾,亦作展。」 輾。」孔氏曰:「輾轉,身回 水之貌。」朱氏曰:「左右流之,求之無方也。」 ○ 窈窕淑女,寤寐求之。 曰:「荇菜,以興后妃之柔順。」〇孔 悠哉悠哉,輾哲善反。 差初宜反。 **荇衡猛反。菜,左右** 陸璣《疏》曰:「接余,白莖 動 而不周。」〇《釋文》 。求之不得, 轉反側。 服,思之 曰:「悠 流 窹

> 毛氏曰:「崔·睪也。」 女,鍾鼓樂音洛。之。

以琴瑟、鍾鼓樂之也。」之叙類此。」○朱氏曰:「求而得之,則當而采,采得而芼,先後之叙也。凡《詩》也。《傳》曰:「芼以薑桂。」」○蘇氏曰:「求得也。《傳》曰:「芼,擇也。」董氏曰:「芼則以熟而薦毛氏曰:「芼,擇也。」董氏曰:「芼則以熟而薦

樂也。 側 也。 也,如之何其勿憂? 唯天下之至静,爲能配 君子好逑」,咏嘆其真王者之良匹也。 之洲」,擬諸形容者也。 后妃之德,坤德也。「關關雎 何其勿樂也?「悠哉悠哉,輾 在側、若朋友然、故曰友。 樂而不淫,哀而不傷」者也。 鍾鼓樂之」,樂之不過其則也。 」,憂之不過其則也。「琴瑟友之」、 萬化之原,一本諸 鍾鼓 有時而 奏,琴瑟無時而 既得之也,如之 此。 天下之至健 「窈窕淑女 鳩,在河 未得之 友, 所謂 反

參差荇菜,左右采之。

窈窕淑女,

琴瑟

友

參差荇菜,左右芼毛報反。之。 窈窕淑

句。鄭氏作五章章四句。今從毛氏。《關雎》三章,一章 四句,二章章八

道也。 尊敬師傅,則可以歸安父母,化天下以婦志在於女功之事,躬儉節用,服澣濯之衣,《葛覃》,后妃之本也。后妃在父母家,則

盡歡。」 憶歸安。不將貴盛驕門族,容使親心得張氏詩曰:「葛蔓生春谷鳥遷,女功興念

耳,不必詠歌 詩皆述既爲后妃之事,貴而勤 志在女功」之説以附益之。 之本」,而不知所謂,乃爲「在父母家, 陳是也。後之講師徒見《序》稱「后妃 者,必有本也。 關雎》,后妃之德也。 可 稱。 若在 也 室 曷謂本? 面 服女功,固 ጢ 《葛覃》 所以 殊不知是 儉, 其 成 常常 所 德

> 黄鳥于飛,集于灌木,其鳴喈喈。 葛之覃兮,施以豉反。于中谷,維葉萋

氏曰: 毛氏 多此類。」萋萋,茂盛貌。 之事煩辱者。 獲而爲絺綌也。」 功之將作。 爲灌。」 喈喈,和聲之遠聞也。」〇歐 謂之搏黍。」灌木,叢木也。《爾雅》曰:「木族生 璣《疏》曰:「黄鳥,幽州人謂之黄鸎,一名倉庚,齊人 曰:「施,言引蔓移去其根也。」中谷,谷中也。 曰:「后妃見葛生鳥鳴,因時感事,樂女 「『中谷,谷中』,倒其言者,古之人語皆然,詩文 曰:「興 故其次章遂言葛已成就,刈 也。 覃,延也。 葛,所以爲絺 黄鳥,搏黍也。 施,移 綌,女功 也。 陽 孔 氏 孔 陸

服之無斁。音亦。反。是濩,胡郭反。爲絺耻知反。爲綌,去逆反。爲之覃兮,施于中谷,維葉莫莫。是刈魚廢

織玄紞,公侯夫人紘綖,卿之内子大帶,精曰絺,麤曰綌。斁,厭也。古者王后毛氏曰:「莫莫,成就之貌。濩,煮之也。

训 大夫 能儉。」○《釋文》刈作艾,曰:「艾,亦作 女功之勤,非苟知之,身親嘗之,●所以 氏曰:「以爲衣服,而服之無厭斁之心。 各 [衣其夫。]○張氏 介命 「《爾雅》斁作射,音義同。」 《韓詩》云:『刈,取也。』〇孔氏 婦 成祭服 "**;** 士 日 妻 朝 「秋時也。」○ 服 庶人以 陳 下

言告師 反。 買反。 蘇氏 功。 也。 歸于好。』」張氏曰:「言告言歸,猶曰告曰 授莎也。」○王 『姆纚、笄、綃衣,在其右。』注云:『姆,婦人五十無子, ○毛氏曰:「言,我也。」○毛氏曰:「師,女師 煩 我衣。害户葛反。澣害否,歸寧父母。 而不復嫁,能以婦道教人者。」」姆,亡候反。 ,煩撋之,用功深。」撋,而專反。 孔氏曰:「教女之師,以婦人爲之。 氏,言告言歸。 曰:「言,辭也。 古者女師教以婦德、婦言、婦容、婦 笄,音鷄。 氏曰 綃,音消。 「治汙曰汙。」私,燕服 薄汙我私,薄澣 《春秋傳》曰: 汙,煩 ○《釋文》曰: 也。 《昏禮》曰: 鄭 □歸也。」 氏 也。 E : 户管

> 之義。」 宗 我將歸寧於父母矣。 氏曰:「何者當澣,而 謂濯之耳。□○毛氏曰:「害,何也。」○朱 首》傳曰:「薄**,**辭 婦 廟,進見于君子,其餘 人 有 副 褘 盛 飾 也。」〇鄭氏 以 何者可以 歸寧者, 朝 則私 事 舅 姑 也。」〇《芣 歸 未澣乎? 曰 : 接 丽 問 見于 安

《葛覃》三章,章六句。

日

志,而 《卷眷勉反耳》,后妃之志也。 勤 子,求賢審官,知臣下之勤勞,内有 也。 無險詖私謁之心,朝夕思念,至於憂 又當 輔 進 賢之 佐 君

歐陽氏曰: 后妃之職。 慰其勞苦, 蓋 婦人無外事,求賢審官, 而 后 接以恩意,其宫中相 妃 諷 其 君子,愛 養 臣 非 語

改 作「常」 `據宫内廳本、四庫本、《墨海金壺》本

恨,采耳元因備酒漿。」 防,默嗟 妃本不與外事,假令思念進賢爲社稷計 者如是而 徒 已,非私 張 御 氏 困 詩 高 謁之言也。」劉氏曰:「后 曰:「閨 岡。 觥罍 闖 欲 誠 ,亦何至 解 難 痡 與 一朝夕 瘏 或

之所形見者乎? 之志如是,王者斯 佩以贈之。 同。 轑釜之聲,則門無 矣。「我姑酌彼 之」,婦人之志如是,其夫斯能 志,則不可不同也。「知子之來之,雜 功,后妃固無與乎 好善之志,則不可 夫婦一體也,位雖不同,而志不可 我姑酌彼兕觥,維以不 求師取友,婦人固無與 知子之好之,雜佩 金罍,維以 能 嘉 此。 不同 客。 體 群 永 也。 而體群臣 况后妃 臣 傷」, 不永 矣。 (乎此, 崇德 后妃 懷 好 以 室有 善 之 報 報 不 而

采采卷耳,不盈頃音傾。筐。嗟我懷人,實

彼周行。户康反。

皆道路之道、《鹿鳴》乃道義之道。」 道也。」朱氏曰:「《詩》有三「周行」,此及《大東》者 也。 東》詩曰『佻佻公子,行彼 我懷人,寘彼周行』,周行,周道也。《大 不當使之遠行從役,此首章所以言『嗟 而 臣 寘,置也。」〇吕氏曰:「酒醴,婦人之職。 耳。」頃筐,畚屬,易盈之器也。」《釋文》:「《韓 不盈者,憂思深也。」〇毛氏曰:「懷,思。 詩》曰:『欹筐也。』○鄭氏曰:「器之易盈 曰:「枲耳,釀酒所須也。」〇朱氏曰:「據《本草》即蒼 白色,似胡荽,白華,細莖,蔓生,可煮爲茹。」○張氏 采,非一采也。」〇毛氏曰:「卷耳,苓耳 枲,或曰苓耳,形似鼠耳,叢生似盤。」1 陸璣曰:『葉青 毛氏日 有所感,念及 下之勤勞, 君必 孔氏曰:「郭璞曰:『《廣雅》云:「枲耳,亦云胡 : 「憂者之興也。」〇朱氏 酒 有 醴之用 以勞之,因采卷耳 周行」,行,亦 以勞人,賢者 曰 1:「釆 而

毛氏以周行爲周之列位,自《左氏》以

來,其傳舊矣。然以經解經,則不若

波崖徂回反。嵬,五回反。我 馬 虺 三吕氏之説也。

陟 彼 飾耳。《韓詩》『天子以玉』,經無明文。」永,長 雲雷故也。」言刻畫,則用木矣,則士以上同用梓而 飾,尊大一石,金飾龜目,蓋刻爲雲雷之象,名罍,取 梓。1毛説:『金罍,酒器也。諸臣之所酢,人君以黄金 「《韓詩》説:『罍,天子以玉,諸侯、大夫皆以金,士以 云秦以市買多得爲及。」人君黄金罍。 姑,且也。《釋文》云:「姑,《説文》作及,音義同: 也。《爾雅》:「石山戴土謂之崔嵬。」虺隤,病也。 毛氏曰:「陟,升也。 徒回反。 祖回反。 嵬,五 我姑酌彼金罍,維以不永懷。 崔嵬,土山之戴石 我 馬 虺 孔氏曰: 呼 也。」 回 反

勞之,維以少寬其思,使不永懷、不永行役之懷傷未易解也,我姑且酌酒以

觥,古横反。維以不永傷。 陟彼高岡,我馬玄黄。 我姑酌彼兕徐履反。

傷而

른

毛氏曰:「山脊曰岡,玄馬病則黄。兕

以完全的人,在1000年的人,1000年的

「字又作觥。」 兕作光,曰:「字又作兕。」觥作觵,曰:「此章爲意不盡,申殷勤也。」〇《釋文》

痛音敷。矣,云何吁矣! 陟彼砠七餘反。矣,我馬瘏音塗。矣。我僕

作砠。」

《卷耳》四章,章四句。

《樛木》,后妃逮下也。言能逮下,而無嫉

蓋功容可勉,而根於情者難自克也。」
妬之心焉。永嘉鄭氏曰:「婦人之德,莫大於不妬忌,

之。樂只之氏反。君子,福履綏之。南有樛居虯反。木,葛藟力軌反。纍力追反。

樛。 呼,非取其群居則環其角外向也。」兩說皆 不美。』」○毛氏曰:「履,禄。綏,安也。」 瓜,亦延蔓生,葉艾白色,其子赤,酢 與葛異,亦葛之類也。陸璣云:『一名巨 毛氏曰:「興也。南,南土也。木下曲 王 故其君子無所憂患。] 〇滎陽公曰:「『南 衆妾上附事之。」○張氏曰:「室家既和 纍而蔓之,喻后妃能以惠下逮衆妾,則 藟得纍之,而不取其木亦得以自蔽也。 有樛木,葛藟纍之』,但取其下曲,則葛 ○鄭氏曰:「木枝以下垂之故,故葛藟得 呦呦鹿鳴,食野之苹」,但取其食則相 氏 南土之葛藟茂盛。]〇孔氏曰:「藟 而

后妃如此,樂哉君子,可謂「福履綏

詩人安得不深嘉而屢嘆之乎?后,其禍至於亡國,則《樛木》之后妃,之」矣。漢之二趙,隋之獨孤,唐之武

南有樛木、葛藟荒之。樂只君子、福履

將之。

毛氏曰:「荒,奄也。」吕氏曰:「荒,芘覆也。」

○鄭氏曰:「將,猶扶助也。」

南有樛木,葛藟縈鳥營反。之。樂只君子,

福履成之。

文》縈作帶,曰:「本又作縈。」 ○《釋毛氏曰:「縈,旋也。成,就也。」○《釋

《樛木》三章,章四句。

忌也。」 《螽音終斯》,后妃子孫衆多也。 其不妬忌也。 不妬忌,則子孫衆多也。朱氏曰: 一,而卵育蕃多,故以爲不妬忌而子孫衆多之比,非必知 或曰: 古人精察 物理,固 有以 螽斯 言若 知 其 不 斯 和 妬

螽斯羽,詵所巾反。 詵兮。 宜爾子孫,振振音

言衆

_{真。}兮。

立反。兮。 螽斯羽,揖揖侧立反。兮。 宜爾子孫,蟄蟄直

氏曰:「螽斯始化,其羽詵詵然比次而起。已化則齊也。」○王氏曰:「揖揖,言其聚之衆。」吕毛氏曰:「揖揖,會聚也。 蟄蟄,和集

多之狀,其變如此也。」飛,薨薨然有聲。既飛復斂羽,揖揖然而聚。歷

《螽斯》三章,章四句

深遠矣。」

《桃夭於驕反》,后妃之所致也。 不妬忌,則《桃夭於驕反》,后妃之所,如是此,而四方之廣,家人婦子服化了后妃處乎重闡深密之地,而四方之廣,家人婦子服化了后妃處乎重闡深密之地,而四方之廣,家人婦子服化男女以正,昏姻以時,國無鰥民也。王氏曰:

室家。 桃之夭夭,灼灼其華。之子于歸,宜其

有室。」室家,謂夫婦也。」皆得其宜也。」孔氏曰:「《左傳》曰:『女有家,則室家曰:「婦人謂嫁曰歸。宜其室家,則室家戶幽王,各隨事而名之。」于,往也。」○李氏

天工,可定夏饮水之河。 詠其實,又詠其葉,非有他義,蓋餘興興,且以比其華色也。既詠其華,又興,且以比其華色也。既詠其華,又

桃之夭夭,有蕡浮雲反。其實。之子于歸未已,而反覆歌詠之爾。

宜其家室。

宜其家人。桃之夭夭,其葉蓁蓁。侧巾反。之子于歸,桃之夭夭,其葉蓁蓁。侧巾反。之子于歸,毛氏曰:「蕡,實貌。家室,猶室家也。」

《桃夭》三章,章四句。 家之人盡以爲宜。」 毛氏曰:「蓁蓁,至盛貌。宜其家人,

兔置子斜反》,后妃之化也。《關雎》之化

皆有可用之才,足以見賢人之衆多矣。武,而可以爲國扞城者也。田野之人,武,开也。」○孔氏曰:「兔侯以武夫自西,爲扞蔽如盾,爲防守如城然。」○朱下,扞也。」○孔氏曰:「言聞此椓杙聲也。●孔氏曰:「末親。也。此丁丁連椓之,故知椓杙聲。」赳赳,武貌。也。此丁丁連椓之,故知椓杙聲。」到赳,武貌。也。此丁丁連極之,故知核杙聲。」○是民曰:「兔買,兔置,不可以爲國扞城者也。田野之人,祖野之也。此丁丁連核之,故知核代聲。」○是氏曰:「鬼」作徑路,張置捕歐陽氏曰:「肅肅,嚴整貌。」○毛氏曰:

^{●「}杙」,原作「栈」,據四庫本、《墨海金壺》本及《毛詩正

作兔。」 作爾。」〇《釋文》兔作菟,曰:「菟又 也。 此文王 『公侯』而 凡《雅》、《頌》稱王者,皆追王 時 周人之詩, 已,亦文王未嘗 極 其 尊稱,不 稱王之 一後 過 所 曰

肅 仇。 肅 兔 罝, 施于中 逵。 赳赳武夫,公侯

毛氏曰:「逵,九達之道。」〇朱氏 「好仇,善匹也,非特扞城而已。」 目

腹心。 肅 肅兔 罝, 施於中林。 赳赳武夫,公侯

毛氏曰:「中林,林中。」○朱氏曰:「腹 心,同心同德之謂也,非特好仇而已。」 曰干城,曰好仇,曰腹心,其辭浸 亦嘆美無已之意爾

芣 音浮苢音以》,后妃之美也。 和 平, 則婦

兔罝》三章,章四句。

有子矣。」 采采芣苢,薄言采之。 采采芣 首, 薄

苢》,則更「和平,婦人樂有子」,謂妾御皆無所恐懼

而

人樂有子矣。

程氏曰:「《螽斯》唯言不妬忌,若《芣

有之。

毛氏 舄 ; 矣。《芣苢》,和平之詩也。 妃無嫉妬之心,則和平矣。惟其和平, 采,取也。有,藏之也。」○楊氏曰:「后 已,無他辭也。」 非文辭形容所能及,故每章言『采采』而 故天下化而 衣。」○陸璣云:「其子治婦人難産。」薄,辭也。 '今車前草,大葉長穗,好生道邊,江 曰:「采采,非 馬舄,車前也。 和平,則婦人以有子爲樂 宜懷任 辭 也 天下和平, 焉。孔氏曰: 東人呼爲蝦 芣 苢, 馬 蟆

薄言捋力活反。之。 采采芣苢,薄言掇都奪反。 毛氏曰:「掇,拾也。 捋,取也。」朱氏曰: 之。采采芣苢

捋,取其子也。」

言褟户結反。之。 采采芣苢,薄言袺音結。之。 采采芣苢,薄

其衽於帶間也。」
氏曰:「補,以衣貯之而執其衽也。襭,以衣貯之而扱文》曰:「襭,以衣衽扱物謂之襭。」扱,初洽反。○朱文》曰:「補,以衣衽扱物謂之襭。」极衽曰滿。」《説毛氏曰:「袺,執衽也。扱衽曰滿。」《説

《芣苢》三章,章四句。

可得也。國,美化行乎江漢之域,無思犯禮,求而不國,美化行乎江漢之域,無思犯禮,求而不《漢廣》,德廣所及也。文王之道被于南

可方思。 思。漢之廣矣,不可泳思。江之永矣,不南有喬木,不可休息。漢有游女,不可求

大體,韻在辭上,疑「休」、「求」爲韻,二字俱作「思」。始言「漢上游女」,疑經「休息」之字作「休思」也。詩之也。 思,辭 也。 孔氏曰:「傳先言「思,辭」,然後毛氏曰:「興 也。 南方之木美。 喬,上竦

行。 我反。 江永而不可方爾。」 乃陳其不可得之辭,如漢廣 心,决知其不可求也。」〇歐陽氏曰:「末 曰:「其幽閒貞静之女,見者自無狎暱之 異乎閨門之内、姆傅之側也。□○朱氏 遷縣岷山,經南郡江夏,至廣陵入海。」 陽,至江夏陽安縣入江。江水出汶山 長。方, 附也。」郭璞曰:「小筏曰祔。」筏, 音伐。 但未見如此之本,不敢輒改爾。」潜行爲泳。 ○杜氏《釋例》:「漢出武都沮縣,經襄 ○程氏曰:「人之休於木下,必攀枝跛波 女之游者、謂曠僻獨行、可動之地 倚,喬木不可攀也,興女有高潔之 而不可泳, 永, 升

可方思。 馬。漢之廣矣,不可泳思。江之永矣,不翹翹錯薪,言刈其楚。之子于歸,言秣其

也。六尺以上曰馬。」〇孔氏曰:「《學毛氏曰:「翹翹,薪貌。錯,雜也。秣,養

翹翹錯薪,言刈其 人言『雖爲執鞭,猶忻慕焉者』是也。」 歸,我則願秣其馬。 蔞,刈之以 記 曰:「既知不可得,乃云子之既出 注 以 楚 爲 秣之子之馬 荆。」〇張氏曰: び蔞。 此悦慕之辭,猶古 力俱反。 也。」〇 之子于歸, 歐 Хij 遊 陽 楚 而 氏 [IX

毛氏曰:「蔞,草中之翹翹然。五尺以上矣,不可方思。 漢之廣矣,不可泳思。江之永壽雜其駒。漢之廣矣,不可泳思。江之永堯堯義義 言义其事

《漢廣》三章,章八句。 羹魚也。其葉似艾,白色,長數寸。」曰駒。」〇孔氏曰:「蔞,蔞蒿也。江東用曰駒。」「蔞,蔞蒿也。江東用毛氏曰:「蔞,萆中之翹翹然。五尺以上

行1也。」而能使之然哉? 民日遷善而不知爲之者,故曰『道化曰:「汝墳之國,婦人閔其君子,勉之以正,此豈家至日見國,婦人能閔其君子,猶勉之以正也。 范氏國,婦人能閔其君子,猶勉之以正也。 范氏《汝墳》,道化行也。 文王之化行乎汝墳之

遵彼汝墳,伐其條枚。未見君子,怒乃歷反。

如調張留反。飢。

毛氏 《爾雅》,晉世《詩》本猶爲「潰」也。」〇《釋文》怒作 小水,故知「墳」當作「濆」。 又曰:「汝有濆。」董氏曰:「謂大水溢出,别爲 爲樵薪之事。」○《爾雅》曰:「汝爲濆。」 朝也。」〇程氏曰:「君子從役於外,婦人 也。」枝曰條, 大防也。 例》:「汝出汝陽縣大孟山,至汝陰褒信縣入睢。」墳 日 孔氏曰:「墳,謂崖岸狀如墳墓,名大防 「遵,循也。 幹日 枚。 汝,水名也。杜氏《釋 郭璞引「遵彼汝濆」以證 怒,飢 意 也。

恕,曰:「本又作怒。」

不我遐棄。 遵彼汝墳,伐其條肄。以自反。既見君子,

我也。」
《我是是一个,我是是一个,我也。」
《我是是一个,我是是一个,我是是一个,我是是一个,我是是一个,我们是一个,我们是一样。我们是一样,我也,我们我们是一样。我们是一样,我也,我们我们是一样。

魴符方反。魚赬勑貞反。尾,王室如燬。音毀。

雖則如燬,父母孔邇。

伯,與商室係民心而維宗社者也,其德 至於泮散也。是文王以盛德爲商之方 詩,則民心雖怨乎紂,而尚以周之故,未 如燬,而文王在邇,有以恤我也。」玩 曰"「勞苦之極,從而寬之曰:『王室 室之酷烈。是時紂存。」〇廣漢張氏 邇,近也。」○鄭氏曰:「王室如燬,畏王 「父母,指文王也。」〇毛氏曰:「孔,甚。 赤,則勞甚矣。」燬,火也。」〇長樂王氏曰: 魴 魚勞則尾赤。呂氏曰:「鯉尾赤, 不謂至乎?」 ,解見《敝笱》。○毛氏曰:「赬,赤也 魴尾白,今亦 此 雖

《汝墳》三章,章四句。

子,皆信厚如麟趾之時也。雖》之化行,則天下無犯非禮,雖衰世之公《麟之趾》,《關雎》之應應對之應。也。《關

玄門人所集。 公子皆信厚,古太平致麟之時不能過也。《鄭志》,鄭 此。『麟趾之時』,『麟趾』不成辭,言『之 也。『麟趾之時』,『麟趾』不成辭,言『之 程氏曰:「自『衰世公子」以下,《序》之誤

離之趾,振振音真。公子。于嗟麟兮! 」○毛氏曰:『声嗟麟兮!』」朱氏曰:「麟於衽席,及於子孫,至於宗族,以被天於衽席,及於子孫,至於宗族,以被天於衽席,及於子孫,至於宗族,以被天於衽席,及於子孫,至於宗族,以被天下,故自近而言之,麟取其厚,趾、定、角下,故自近而言之,麟取其厚,趾、定、角下,故自近而言之,麟取其厚,趾、定、角下,故自近而言之,麟取其厚,趾、定、角下,故自近而言之,麟取其厚,趾、定、角下,故自近而言之,麟取其厚,趾、定、角下,故自近而言之,麟取其厚,趾、淀、。于嗟麟兮!」。

姓者也。」
 任氏曰:「定,題也。《説文》曰:「題,額也。」
 任氏曰:「定,題也。《説文》曰:「題,額也。」

麟之定,都佞反。振振公姓。 于嗟麟兮!

麟之角,振振公族。于嗟麟兮!

祖廟未毀,有服之親。」「公族、公同祖也。」朱氏曰:「公族、公同祖也。」朱氏曰:「公族、公同高祖、鄭氏曰:「麟角之末有肉。」〇毛氏曰:

《麟之趾》三章,章三句。

吕氏家塾讀詩記卷第二 周南之國十一篇,三十六章,百五十九句。

吕氏家塾讀詩記卷第三

召南

説已見《周南》。

謂皆文王之詩,則文王繼世之君,非積行之妃,則《鵲巢》夫人亦必有主名者。若刑于家邦,無二道也。以《關雎》爲文王之言后妃也。蓋自天子至於諸侯、大夫,之言后妃也。蓋自天子至於諸侯、大夫,

周公之以風天下,無可疑者。」聖賢之異,無是道也。然則二《南》之詩,累功以致爵位者。文王一人之身,而有

之德。然則《鵲巢》之義,有毛公所不 鳩,乃可以配焉。」《毛傳》止曰:「鳲鳩 之徒,附益之耳。毛傳尚簡,義之已 見者也。意者後之爲毛學者,如 不自爲巢,居鵲之成巢。」未嘗言鳲鳩 樂君子之德,無不和諧,又不淫其 也。《鵲巢》之義,其末曰:「德如鳲 色」,然則《關雎》之義,皆毛公所已見 末曰「不淫其色」,毛傳亦曰「后妃説 其説者,時在 見其説者,時在先也, 先後亦不同。 説詩者之辭也。 得詩之時,載其事以示後人,其下 三百篇之義,首句當時所作,或 後也。 以毛傳考之,有毛氏 説詩者非 一人, 《關雎》之義,其 有毛氏不見 衛宏 其時 或 己 則 中

平均如一 申言。 毛公之後,决無可疑也。 其德,詩中固亦包此意 以堪之也。若又考鳲鳩之情性 夫人坐享成業,蓋非 及之乎? 詩人本取「鳩居鵲巢」以 若何。使毛公果見此語,傳豈應 義,止云「德如鳲鳩」,而未知鳩之德 其旨未明 明 者 固 如《鳲鳩》之義,雖刺不 ,以訓釋之。今《鵲巢》之 ?,故傳必言鳲鳩之養其子, 重 出 義之未 有婦德者,殆 ,但是説 明 者 一壹,而 以 出 略 於 比 無 比 不 必

嫁反。之。 維鵲有巢,維鳩居之。之子于歸,百兩御五

生子,往往墜雛。 巢,多在屋瓦間,或於樹上架構樹枝,初不成窠,便以 勝者,與鳩絕異。惟今人直謂之鳩者,拙鳥也,不能作 璞曰:『今布穀也。』] 〇歐陽氏曰:「今所謂布: 爲巢,居鵲之成巢。 毛氏曰:「鳩,鳴鳩, 今鵲作巢甚堅,既生雛散飛 孔氏曰:「鳲鳩、秸 · 秸鞠 也。 鳲 鳩 鞠。 則 不 穀、 棄 自 郭

> 曰:「唯其專静均壹,能端然享之,是乃夫人之德 之成巢,非取鵲之强而不淫,知 子嫁於諸侯,送御皆百乘。]○鄭氏曰: 有此理,止取二物爲喻, 去,容有鳩來處彼空巢。]○張氏曰: 有所作爲,則非婦道矣。」 維鳩居之。」但取鳩之不自爲巢,而居鵲 百乘也。 在,亦非 「御,迎也。」○滎陽公曰:「『維鵲 取鳩 孔氏曰: 有均養之德 「車有兩輪,故稱兩。」諸侯之 ,猶桃蟲及鳥亦二物。] | 百| | 兩 也。」廣漢張氏 「鵲巢鳩居,不必 歲 有巢 之所 兩

將之。 維鵲有巢,維鳩方之。之子于歸,百

曰:「家人送之,良人迎之。」 毛氏曰:「方,有之也。將,送也。」鄭氏

成之。維鳩盈之。之子于歸,百維鵲有巢,維鳩盈之。之子于歸,百

兩

《鵲巢》三章,章四句。 蛭娣之多。」〇朱氏曰:「成,成其禮也。」 毛氏曰:「盈,滿也。」鄭氏曰:「滿者,言衆鹥

《采蘩》,夫人不失職也。夫人可以奉祭 共祭祀爲職。」 祀,則不失職矣。楊氏曰:「夫人爲宗廟社稷主,以

于以采蘩? 侯之事。 于沼于沚。于以用之? 公

氏曰:「尊祭祀,故直謂之事。 『有事于大廟』,大事于大廟是也。」 渚。」公侯夫人執蘩菜以助祭。」○長樂劉 池。 曰:「白蒿也。 毛氏曰:「于,於也。蘩,皤蒿也。 沚,渚也。《説文》曰:「小渚曰沚·小洲曰 然則非水菜,謂於其傍采之也。」沼 《春秋》 孔氏

于以采蘩? 于澗之中。于以用之? 公 侯之宫。

覯

止

一,我心則降。 户江反。

祁,薄言還歸。 被皮寄反。之僮僮音同。 毛氏曰:「山夾水曰 澗。宫,廟也 夙夜在公。被之祁

牢》云『主婦被裼」,此《周禮》所謂次也。 毛氏曰:「被,首飾也。孔氏曰: 次第髮長短 「被者、《少

> 遽去,愛敬之無已也。」 祭之後,陶陶遂遂,如將復入然。』不欲 事有儀也。」○朱氏曰:「《祭義》曰:『及 私室也。」〇毛氏曰:「祁祁,舒遲也,去 朱氏曰:「公,公所也。謂宗廟之中,非 日 : 爲之,所謂 僮僮,步雖移而被不動之貌。」夙,早也。」○ 髮髢也。」●僮僮,竦敬也。 長樂劉氏

《采蘩》三章,章四句。

《草蟲》,大夫妻能以禮 君子,憂心忡忡。敕中反。 喓喓於遥反。 婦之際,或至於敝而不終者,無禮以自防故也。」 草蟲,趯趯託歷反。 防 亦既見止,亦既 也。 阜螽。 王 氏 日 未見 夫

羊也。 日 毛氏曰:「興也。 『常羊也。』陸璣云:「小大長短如蝗也,青色。」」 孔氏曰:「《釋蟲》云: 喓喓,聲也。 「草蟲・ , 負

盤。」

引

璞 草蟲,常

0 髮」、《毛詩正義》、《周禮注疏》作「髮」,當據改。

禮則進,不見禮則退,故古之嫁者,三月而後反馬,所 衝 以養廉耻也。」〇《釋文》曰:「蟲,本或作虫, 不當夫也。婦人之從君子,豈以爲必得當之哉? 見 宗之義。」〇范氏曰:「「未見君子,憂心忡忡」者,憂心 保其全而見之也。」毛氏曰:「婦人雖適人,有歸 性,因感時物之變,而思其君子,恐不得 獨居,見此二物以類相從,似有陰陽 朱氏曰:「召南之大夫,行役在外,其 云:「阜螽,蠜。」李巡曰:「蝗子也。」」忡忡, 趯 ○鄭氏曰:「草蟲鳴,阜螽躍而從之。」 趯 也。虫、音許鬼反。」 止,辭也。 也。 螽 覯,遇也。 蠜 也。 孔氏曰: 降,下也 猶 釋 蟲 妻 衝

説。 惙。 陟 彼 音悦。 南山 張劣反。 ,言采其蕨。 亦既 見止,亦既靚止,我心 未見君子,憂心惙 則

彼

行潦。音老。

非

葉,可食。] 惙惙, 憂也。] 〇朱氏曰:「非必 草》云。舍人曰:『蕨,一名蘩。』」○郭璞曰: 毛氏曰:「蕨,鼈也。 孔氏曰:「『蕨,鼈』、《釋 「初生無

> 君子。」 陽 大夫妻親出采 氏 曰 婦人見時 蕨,蓋言今其 物之變 時矣。」〇 新, 感其 歐

悲。 陟彼南山,言采其薇。 葉似小豆,蔓生,可作羹,亦可生食。」夷,平也。」 毛氏曰:「薇,菜也。 亦既見止,亦既覯 孔氏曰: 止,我心則 未 見 君 「薇,山 子, 夷 我 菜也。 心 傷 莁

《草蟲》三章,章七句。

于以采蘋? 南澗之濱。于以采藻? 《采蘋》,大夫妻能 則可以承先祖,共音恭。 自天子之后妃,至於大夫之妻,共由 一道,因其所處之廣狹,而有斂舒焉 循法度也。 祭祀矣。 能 循 法 度 于

藻也。 『今水上污淖也。』陸璣曰:『藻,水草也。 毛氏曰:「蘋,大萍也,濱,厓也。 種葉如鷄蘇,其一種莖大如釵股,葉如蓬蒿。」行潦 行潦,流潦也。」孔氏曰:「蘋,郭璞曰: 生水底,其 藻 _'

湘之? 維錡宜綺反。及釜。符甫反。于以盛音成。之? 維筐及筥。居呂反。于以

齊側皆反。季女。 一天以奠之? 宗室牖下。誰其尸之? 有 一天曰:「言其誠信之至,事事必躬也。」 一天曰:「言其所用有常器也。」〇長樂劉 一天曰:「言其所用有常器也。」〇長樂劉 一天曰:「方曰筐,圓曰筥。湘,烹也。

也 中西南隅, 在奥,西南隅。」〇朱氏曰:「室前東户西牖,牖下則室 大夫、士祭於宗廟,奠於牖下。 毛氏曰:「奠,置也。宗室,大宗之廟 所謂奥也。」 尸,主。 薄 物 也 澗 齊,敬。 潦,至質 孔氏曰:「祭 季,少 也。 也。

○王氏曰:「屬,烹也。」○黄明古曰:「屬,烹也。」○黄氏曰:「《韓詩》作『于以陽仍其氏曰:「一季女者,大夫的、真之地,皆有常而不敢變,此所謂能也。自所薦之物、所采之處、所用之器、此。自所薦之物、所采之處、所用之器、也。自所薦之物、所采之處、所用之器、也。」。」顏師古曰:「屬,烹也。」

《采蘩》以 此。 也。 敬,則雖 懈,循其序而有常,積其誠而益厚,然 所歷者非一所矣。煩而 采之盛之,湘之奠之,所爲者非一端, 後祭事成焉。 法度言,詳其目也,尊卑之辨也。 采蘋》三章,章四句。 大夫之妻未必果少,特言苟持 而實尸此者,以其有齊敬之心 少女猶足以當大事 職言,舉其綱也 季女之少,若未足以 不厭,久而不 云爾 采 勝

南國。 《左傳》富辰言,文之昭十六國,無燕也。」 姓」,孔安國及鄭皆云尔。 伯云。」○《釋文》曰:「召康公也。 甘棠》,美召時照反。 鄭氏曰:「召伯爲二伯後,美其爲伯之功,故言 皇甫謐云『文王之庶子』,按 伯 也。 《燕世家》云『與周 召伯之教 明 於 同

曷反。

蔽芾非貴反。

甘棠,勿翦勿伐,召伯所茇。

蒲

説,舍也。」〇《釋文》曰:「説,本作税。」

《甘棠》三章,章三句。

其人,則愛其樹,得人心之至也。 於其下以自蔽,猶草舍耳,非真作舍也。」○長樂王 璣《草木疏》曰:「棠,今棠梨也。」翦,去。 伐,擊 曰:「棠,今之杜梨,其白者爲棠,其赤者爲杜。」○陸 所謂連綿字。」(○) 范氏曰:「蔽芾,盛也。」曾氏曰:「蔽芾,蓋世 勞百姓,止舍棠下,是爲墨子之道也。」 今其雖不在,猶當勿伐此棠。蓋覩其物,思其人, 其樹。」劉氏曰:「召伯在之時,當憩息此棠樹之下。 棠,勿翦勿伐,召伯所茇」,思其人,猶愛 以受民訟。」○《左氏傳》曰:「『蔽芾甘 氏曰:「召伯觀省風俗,或茇甘棠之下, 也。」〇鄭氏曰:「茇,草舍也。」朱氏曰:「止 毛氏曰:「甘棠,杜也。 説者謂召公不重煩 孔氏 思

> 蔽芾甘棠,勿翦勿拜,召伯所説。 蔽芾甘棠,勿翦勿敗,召伯 丐曰: 『拜,如人之拜,小低屈也。』 ○毛 毛氏曰:「憩,息也。」 王氏曰:「拜,謂屈之而 口。」董氏曰:「施 所 憩。 始鋭反。 起例反。 氏 티

士

之教興、彊暴之男、不能侵陵貞女也。 行露》,召伯聽訟也。 鄭氏曰:「此殷之末世,周之盛德,當文 王與紂之事。」● 衰 亂 之俗微, 貞信

行多露。 厭於葉反。 浥於及反。 行露,豈不夙 夜?

謂

鄭氏 毛氏曰: 「夙,早 「厭浥,濕意也。 也。」〇杜氏《左傳》注 行,道也。」〇

己,以喻違禮而行,必有汙辱。」曰:「豈不欲早暮而行? 懼多露之濡

不足。 無家? 何以速我獄? 雖速我獄,室家誰謂雀無角? 何以穿我屋? 誰謂女音汝。

家? 何以速我訟? 雖速我訟,亦不家? 何以速我訟。 雖速我訟,亦不能謂鼠無牙? 何以穿我墉? 誰謂女無後之穿屋不以角,乃以咮。今强暴之男召我而獄,不以室家之道於我也。物有似而不同,陵,物物與事有似而非者。室家不足,間媒妁之言不和,六禮之來强委之。」謂媒妁之言不和,六禮之來强委之。」,以是召我而獄,不以室家之道於我,乃以侵召我而獄,不以室家之道於我,乃以侵召我而獄,不以室家之道於我也。物有似而不同,以是召求屋,似有角者。速,召。毛氏曰:「雀之穿屋,似有角者。速,召。毛氏曰:「雀之穿屋,似有角者。速,召。

委於危反。 蛇音移。

委蛇。

楊氏曰:「牙,牡齒也。鼠無牡齒。」《説女從。

伯聽訟之明也。」○朱氏曰:「使貞女之志得以自伸者,召角,鼠有齒而無牙。」○毛氏曰:「墉,牆也。」文》曰:「牙,牡齒也。」○山陰陸氏曰:「雀有咮而無文》曰:「牙,牡齒也。」○山陰陸氏曰:「雀有咮而無

六句。《行露》三章,一章三句,二章章

羔羊之皮,素絲五紽。徒何反。退食自公,矣。」○吕氏曰:「德如羔羊,如《羔羊》之詩也。」氏曰:「衣裳有常制,進止有常所,其節儉正直,亦可見王之政,在位皆節儉正直,德如羔羊也。朱王之政,在位皆節儉正直,德如羔羊也。朱

曰:「自,從也。公,朝也。」○毛氏曰:母:「退食者,退而食於私家也。」○朱氏表,不失其制,大夫羔裘以居。」○范氏裘,不失其制,大夫羔裘以居。」○范氏裘,不失其制,大夫羔裘以居。」○范氏表,大曰羊。素,白也。

泰而 文》紽作它,曰:「本或作紽。」蛇作虵, 不然有所愧于中,則其退也亦且促迫忽 於此時而 得之貌。□○廣漢張氏 遽之不暇,寧有委蛇之氣象哉?」○《釋 委蛇,行 「本又作蛇。」 三有餘公 裕 一然,則其在公之正直可知矣。 可 也。 從 迹 此獨 也。」鄭氏曰: 曰:「重言『委蛇』,舒 賦其退食之際,蓋 「委蛇,委曲 自

五紽、五緫亦爲縫也。」○鄭氏曰:「『自公退裘。縫,即皮之界緎,因名裘縫云緎。五緎既爲縫,則有毛得稱革。」絨,縫也。」孔氏曰:「縫合羔羊皮爲皮治去其毛曰革。對文則皮、革異,散文則皮、革通。皮治去其毛曰革。對文則皮、革異,散文則皮、革通。

食」,猶『退食自公」。

交之行也。」門入私門,出私門入公門而已,終無私總,數也。」○王氏曰:「朝夕往來,出公毛氏曰:「韓夕往來,出公

《羔羊》三章,章四句

達。振振音真。君子,歸哉歸哉。 行從政,不遑寧處,其室家能閔其勤勞,勸曰:「《左傳》曰「伯輿之大夫瑕禽」,亦此之類也。」○孔氏以義也。鄭氏曰:「召南大夫,召伯之屬。」○孔氏以義也。鄭氏曰:「召南大夫,召伯之屬。」○孔氏以義也。召南之大夫遠

「如鸛鳴婦嘆之義,將風雨,則思念行者遑,暇也。振振,信厚也。」○張氏曰:也。山南曰陽。何此君子也。違,去。朱氏曰:「興也。」○毛氏曰:「殷,靁聲

役,不辱君命,然後可以言歸。 勸 以義也。再言『歸哉』者,欲慎其歸以復命也。 畢事而還歸 也。」〇朱氏曰:「『何斯』,斯,此 「違斯」,斯,此 以 義也。」吕氏曰:「『振振君子、歸哉歸哉」、勸 也。 所 閔之深而無怨辭,所謂 也。 「歸哉歸哉」,冀 人人也 遠行從 其

息。振振君子,歸哉歸哉。殷其靁,在南山之側。何斯違斯,莫敢遑

殷其靁,在南山之下。何毛氏曰:「息,止也。」

處。尺煮反。振振君子,歸哉歸哉。殷其靁,在南山之下。何斯違斯,莫或遑

《殷其靁》三章,章六句毛氏曰:「處,居也。」

《死屬》於《漢廣》亦然。」之情,欲昏姻之及時也。視《桃夭》則少貶矣,《行露》、文王之化,男女得以及時也。朱氏曰:「述女子《摽婢小反有梅》,男女及時也。召南之國被

作棋。」

范氏曰:「昔者聖人觀天地萬物之情,因

民也。」 别,以 時。 《摽有梅》欲其早也,故以梅喻。 羽。」聖人覩草木蟲鳥之變,意未嘗不在 以及時。《桃夭》美其盛也,故以桃 言后妃之德,而至於男女以正,昏姻以 民之有男女而 言嫁娶之候,亦曰:『倉庚于飛,熠燿其 《鵲巢》言夫人之德,而至於男女得 相生養,以 制 相代續。 爲昏禮, 是以 使之夫 東 婦婦 Ш Ш 喻 有

而懼過時也。」〇《釋文》曰:「梅、《韓詩》曰:「興物之盛時不可久,惜其盛年難久失氏曰:「吉,卜而得吉也。」〇歐陽氏失氏曰:「興也。摽,落也。梅尚在樹者毛氏曰:「興也。摽,落也。梅尚在樹者摽有梅,其實七兮。求我庶士,迨其吉兮。

毛氏曰:「在者三也。今,急辭也。」○王摽有梅,其實三兮。求我庶士,迨其今兮。

氏曰:「不暇吉日之擇也,迨今可以成

士,迨其謂之。 摽有梅,頃音傾。筐塈許器反。之。求我庶

夙

夜在公, 寔命不同

之類,皆意不盡,申殷勤 詩之類,固自有説。若《樛木》、《螽斯》 求之也。」王氏曰:「謂者,以言趣之也。」○ 陽氏曰:「謂者,相語 曰:「凡《詩》每章有先後淺深之異,如此 毛氏曰:「壓,取也,不待備禮也 而説,則迂雜而不當矣。 也,遣媒妁 而 븐 欲强求 相 蘇 語 氏 歐 以

是詩也,其辭汲汲如將失之,豈習亂

而喜始治者邪?

《摽有梅》三章,章四句。

其心矣。吕氏曰:「夫人無妬忌之行,而賤妾安於其及賤妾,進御於君。知其命有貴賤,能盡《小星》,惠及下也。夫人無妬忌之行,惠

"嘒呼惠反。彼小星,三五在東。肅肅命,所謂上好仁而下必好義者也。」

宵

征

當夕,見星而往,見星而還,故因其所見 夕。二〇毛氏曰:「寔,是也。」〇朱氏 氏曰:「夙,早也。凡妾御於君,不敢當 喙。」肅肅,疾貌。宵,夜。征,行。」○鄭 鄭氏曰:「心在東方,三月時也。 朱氏曰:「興也。」〇毛氏曰:「嘒,微 敢同於夫人。」 以起興。]〇孔氏曰:「衆妾自知己賤,不 謂之柳。』則喙者,柳星也。 也。」〇孔氏曰:「心實三星,五是噣。《釋天》云:『咮 「命,所賦之分也。衆妾進御於君,不敢 小星,衆無名者。三心五噣, 以其爲鳥星之口,故謂之 噣 在東方,正月時 四時 更見。 日 : 貌。

抱衾與禍,直留反。寔命不猶。嘒彼小星,維參所林反。與昴。肅肅宵征

「參,白虎宿,三星直。 下有三星,鋭曰伐。」 昴,留毛氏曰: 「參,伐也。 孔氏曰: 「《天文志》云:

與稠, 星皆 行,而分限得 氏 也。 玉藻》注:「禪無裏。」音單。 曰:「賤妾得進 西 孔 方宿。」衾,被 氏曰: 而知命之不猶,則教化 「言物成就繫留也。」〇《釋文》曰: 踰之時 也。 御於君,是其僭 也。 裯, 猶,若也。」 乃 襌被 能謹 至矣。」 也。 於 《 禮 恣 抱 \equiv 衾 可 記

《小星》二章,章五句。

備耳。 過也。 娣尊姪卑。」 爲媵也。 [二國」者,異國主爲媵,故特名之。其實雖夫人娣姪,亦 羊傳》曰: 『諸侯 之媵。《士昏禮》云『雖無娣媵先』,是士有姪娣,但不必 曰:「嫡,謂妻也。媵,謂妾也。 媵備數,媵遇勞而無怨,嫡亦自悔也。 江有汜音祀》,美媵 《喪大記》「大夫撫姪娣」,是大夫有姪娣矣。《公 文王之時,江沱之間,有嫡 鄭氏《士昏禮》注云:『姪,兄之子。娣,女娣也。 一娶九女,二國媵之。」所從皆名媵,獨言 也。 古者女嫁,必姪娣從,謂 勤 丽 無怨, 不 嫡 以 能 孔氏 其 悔

言『江沱之間』,是失詩人旨也。」 董氏曰:「江况嫡,沱况媵。今《詩序》乃

也悔。 江有汜,之子歸,不我以。不我以,其

後

譌也。 」 爲言用也。」〇董氏曰: 也。婦人謂嫁曰歸。] 〇范氏曰:「以之 妾均承其澤。]○鄭氏曰:「之子,謂 汜水之分,渚水之岐,沱水之别,當使媵 曰:「凡水决之岐流復還本水者曰汜。」 〇程 毛氏曰:「興也,决復人爲汜。」《爾雅 曰:「其嫡 〈説文》引《詩》作洍。 不使 備嬪妾之數以 蓋古爲洍,後 「汜, 石經作洍。 侍君 也。 》疏 丗 嫡 氏

也處。 江有渚,之子歸,不我與。不我與,其後

氏曰:「處,得其所處也。」^{范氏曰:「處,媵得}毛氏曰:「渚,小洲也。 水岐成渚。」○程

我過,其嘯也歌。江有沱,徒何反。之子歸,不我過。音戈。

不

其所。」

四九

别爲小水之名也。《禹貢》梁州云:「沱、潜既道。」荆 毛氏 舒憤懣之氣,言其悔時也。 出 荆、梁二州皆有也。」 ○鄭氏曰:「嘯,蹙 州亦有沱潜者、蓋以水從江漢出者、皆曰沱、潜、 河出爲灉,漢爲潜,江爲沱。」〇孔氏曰:「皆大水分出 於此見之。《王風》云:『條其歗矣。』《列女傳》云: 兼上兩章之意而言。《易》曰:『震無咎者,存乎悔。』 心而和樂也。」 『倚柱而歗。』皆悲嘆之聲也。」○范氏曰:「嫡忘其褊 聲。 曰:「沱,江之别者。」《爾雅》曰: 嫡既覺,自悔而歌。」朱氏曰:「嘯以 歌則得其所處而樂矣。 水 口 一,所以 而 此 自

顧也。 序也。 則悔寤,中則 過,如「過從」之過。 與,如「暴虎馮河,吾不 以,如「不使大臣 「其後也處」,三章曰「其嘯也歌」,始 一章曰「其後也悔」,二章 相安,終則 怨乎不以」之以。 不我過,言不 與也」之與。 相 歡,言之 我 曰

江有汜》三章,章五句。

雖當亂世,猶惡無禮也。 大亂, 彊暴相陵, 遂成淫 野有死鏖俱倫反》,惡烏路反。 風。 無禮 被文王之化 也。

誘之。 野有 死 鏖,白茅包之。 有女懷春,吉士

茅包之」者,禮之薄也,而猶愈於無禮。」 使媒人道成之。」○王氏曰: 裹也。懷,思也。誘,道也。」鄭氏曰:「吉士 糜。□○毛氏曰:「白茅,取潔清也。 毛氏曰:「郊外曰 ○《釋文》屬作麏,曰:「本亦作蠯 魔,麞也。」孔氏曰:「《繢人》注云:「齊人謂屬爲 野。□○《説文》 「『野有死麕,白 日 包,

純徒尊反。 林有樸蒲木反。 束,有女如玉。 樕,音速。 野有死鹿。 白 茅

死鹿,廣物也,東,猶包之也。」 云:『樸樕,心。』孫炎曰:『樸樕,一名心。』某氏曰: 毛氏曰:「樸樕,小木也。 『樸樕、斛樕也。 有心能濕,江河間以爲柱。二野有 孔氏曰: 「《釋木》

以樸樕爲禮,意其若致薪蒭之饋

之類。

無使尨美邦反。也吠! 符廢反。舒而脱脱勑外反。兮,無感我帨始鋭反。兮,

之意,蓋可見矣。」

之意,蓋可見矣。」

我之帨,無驚我之尨,則其凛然不可犯以避,於曰:「齊走失節,動其佩飾。」○廣文》曰:「尨,犬之多毛者。」非禮相陵則狗吠。」

文》曰:「尨,犬之多毛者。」非禮相陵則狗吠。」

文》曰:「尨,犬之多毛者。」非禮相陵則狗吠。」

文》曰:「尨,犬之多毛者。」非禮相陵則狗吠。」

或説, 我之帨,無驚我之尨,則其凛然不可犯

矣,其辭漸切也。至於其末,見侵益曰「有女如玉」,則正言其貞潔不可犯以禮道之。雖拒無禮,其辭猶巽也。古士誘之」,言非不懷婚姻,必待吉士其辭初猶緩而後益切,曰「有女懷春,此詩三章,皆言貞女惡無禮而拒之,此詩三章,皆言貞女惡無禮而拒之,

《儀禮 迫,拒 惡無禮,豈有爲挑誘之汙行,而尚名 以誘爲挑誘之誘,遂謂彼女懷春,吉 道之,古人固 之吉士者乎? 士遂誘而汙以非禮。 之益 • 射禮》亦先有誘射 切矣。毛、鄭 [有此訓詁也。 殊不知是詩方 以 ,皆謂以禮 歐陽氏 誘 爲 道 誤

《野有死麕》三章,二章章四句,一

章三句。

權衣爲上,褕翟次之。」 《何彼襛如容反矣》,美王姬也。《説文》曰:「姬, 《何彼襛如容反矣》,美王姬也。《説文》曰:「姬, 《何彼襛如容反矣》,美王姬也。《説文》曰:「姬,

毛氏曰:「興也。襛,猶戎戎也。唐棣,

離 何? 彼

王姬之車。尺奢反。

襛矣? 唐棣

徒帝反。

之華。

曷不肅

Ŧī.

移音移。 乎 ? ⊟: 名》云:「『車,聲如居,今尺奢反。」章昭 居音。二 曰:『古皆音尺奢反,從漢以來,始 華,華如桃 戎而盛乎? 唐棣之華也。 不,皆設問之辭也。 肅 敬。 「喻王姬顏色之盛美。」〇《釋文》曰:「《 王姬之車也。」〇張氏曰:「唐棣 也。 雝,和也。」〇朱氏曰:「何彼、 李,皆言王姬之盛美。」鄭 孔氏曰:「郭璞曰:「移,似白楊。」」 襛,盛也,言何彼 豈不肅 有 釋 戎 氏 雝

XY。 何彼襛矣? 華如桃李。平王之孫,齊侯

不復稱神宗矣。」

《李氏曰:「本朝太宗稱神宗,及神宗稱神宗,則太宗隨德不一,以德能平正天下,故稱平王,如稱寧王也。」
齊侯之子。」孔氏曰:「文者,謚之正名也。稱之則善。」

其釣維何? 維絲伊緡。齊侯之子,平王

如何? 必以禮也。」曰:「言釣如何? 必以絲緡。夫婦相接毛氏曰:「伊,維。緡,綸也。」○張氏

美王 肅雝 其辭匹敵,則不驕亢可知 指切之也。「平王之孫,齊侯 則反覆歌詠之,非有它義也。 姬而作,自應先稱 者王姬,而曰「王姬之車 王 姬 也。 工,不敢 之子」, 此詩 至 末 爲 斊

則庶類蕃殖,蒐田以時,仁如《騶虞》,則王人倫既正,朝廷既治,天下純被文王之化,《騶虞》、《鵲巢》之應也。《鵲巢》之化行,《騶虞》、《何彼襛矣》三章,章四句。

治,諸侯所以代其終也。故《召南》之蓋一體也。王者、諸侯之風,相須以爲楊氏曰:「二《南》,正始之道,王化之基,

《騶虞》之詩,如《緇衣》、《巷伯》之謂也。」

道成

也。

張氏曰:「仁如《騶虞》,此言王道之成,如

可見矣。」 可見矣。」 道成,非諸侯之事也,則一體相須爲治終,至仁如《騶虞》,然後王道成焉。 王

而至,故詩人以發興歟?巢》之應。意者文王之時,二物應感《麟趾》,《關雎》之應。《騶虞》,《鵲

千 ≜ 五 獨意!彼茁則劣反。者 葭,音加。 壹發 五 豝。 百加反。

于嗟乎騶虞!

早晚。」 食生物。」陸璣云:「翳虞、尾長於驅、不履生草。」 豝,言禽獸之衆多。」翳虞,義獸,白虎黑文,不 而已,仁心之至,不忍盡殺故也。」〇朱氏曰:「一發五 以待公之發。 出。」葭、蘆也。豕牝曰豝。虞人翼 毛氏曰:「茁,出也。 鄭 氏 曰: 記 孔氏曰:「五豝止一發,中 蘆始 孔氏曰:「謂草生茁茁然 出者, 著春 *Ŧ*i. 則殺 田 之

觷冥! 彼茁者蓬,壹發五豵。子公反。 于 嗟乎

雅》曰:「豕生三,豵。」毛氏曰:「蓬,草名也。一歲曰豵。」《爾

虞自然不勉之仁,殆不足以當之也。 何以形容? 及禽獸者,皆可見矣。化育之仁,其 庶類蕃殖,交於萬物有道,而恩足以 物,草淺獸肥」之時也。「一發五 時,蓋曹子桓所謂 三隅而觀之,則天壤之間,和氣充塞, 彼茁者葭」、「彼茁者蓬」、記 發五豵」,獸之多而取之鮮也。 曰「于嗟乎騶虞」,非 「勾芒司節, 蒐 和 一豝」、 田 風 反 騊 之

《騶虞》二章,章三句。

召南之國十四篇,四十章,百七十七句。

吕氏家塾讀詩記卷第三

吕氏家塾讀詩記卷第四

變風

風也。」《釋文》曰:「從《邶》訖《豳》,十三國並變

邶鄘、衛説附

之地 尹 伐紂,以其京師封紂子武庚爲殷後,● 北踰衡漳, 三分其地,置三監,使管 鄭氏《詩譜》曰:「邶、鄘、衛者,商 而 談教之。 一、其封 東及兖州桑土之野。周武王 域在《禹貢》冀州大行之東 自紂 城 而北謂之邶,南 叔、蔡叔、霍 紂 畿内 謂 乃 叔

> 鄘 時, 或 邶 制。」〇董氏曰:「康叔受衛,其在殷邦百里之地,而 既喪,三監導武庚叛,成王既黜殷命,殺 而 焉。]〇朱氏曰 傷,從其國本而異之,爲邶、鄘、衛之詩 弟康叔,故邶、 「《漢・地理志》云: 「三監叛,周公誅之,盡 殷餘民封康叔於衛,使爲之長。 武庚,復伐三監,更於此三國建 其地爲邶、鄘、衛,使管叔、霍叔、蔡叔監之。」」武王 ○董氏曰:「《竹書紀年》曰:「武王封武庚於朝歌,分 言,則康叔初即兼彼二國。 必存其舊號者,豈其聲之異歟?」 鄘則同姓受封國也。」後世子孫 東謂 衛 混 而名之。 或 之衛。 政衰,變風始作,作者 鄘、衛三國之詩相與同風。」如《志》之 七世至頃侯,當 釋文》曰 「邶、鄘之詩皆主衛事 鄭氏不然者,以國大非 衠 在 汲 稍 郡 諸侯,以 孔氏曰: 各 并 周 以 朝 其 有所 彼二 歌 夷 地 縣 王 封

❶ 「紂」,原脱,據《墨海金壺》本及《毛詩正義》補

也。」〇孔氏曰:「頃公,貞伯子,當夷王時。」 不受己之志也。」○張氏曰:「不遇,非不達也,不受其志 時,仁人不遇,小人 柏 舟》,言仁 而 不 在 遇 側。 也 鄭氏 衛 頃 曰:「不遇者,君 音 傾。 公之

以遊。不寐,如有隱憂。微我無酒,以敖五羔反。不寐,如有隱憂。微我無酒,以敖五羔反。汎芳劍反。彼柏舟,亦汎其流。耿耿古幸反。

無所倚薄也。 「汎彼柏舟,亦汎其流」,如舟之汎汎

我心 不 可 氏 責孟子必識齊王之不可爲湯、武而不應其聘。」○朱 如鑒,必能度形。猶責周公必知管、蔡之叛而不使之, 毛氏曰:「茹,度也。」長樂王氏曰:「責我心之 日 以據。薄言往愬,逢彼之怒。 匪鑒,不可以茹。 鑒能度 物, ጢ 如預反。亦有兄弟, 我不 能,但 以兄弟

> 故僚類皆其兄弟。」○《釋文》曰鑒作監,曰: 焉,而反逢其怒耳。」范氏曰:「此公族之臣也 宜可 據 依 而 不 知 其 不 可 也, 故 或 往 愬

我心匪石,不可轉也。「本又作鑒。」

勉反。

也。

威儀棣棣,不可選也

我心匪席,不可卷着

可卷。 爲可簡則無禮,故不敢改其度 席,故不可轉卷也。」〇 曰:「其意謂 毛氏曰:「石雖堅,尚可轉。 棣棣,富 石、席 而閑習也。」〇 可 吕 轉 氏 卷,我心匪石、 曰:「以威儀 也。」 席雖平,尚 歐陽氏

容貌 少詘 位。 參:「君侯 圃 不可選擇以 不可選也」,言威儀閑習,自有常度, 益者也。」參性 ,以威嚴加之,此非所以下五侯 節卑體,視有所宗。 今五侯至尊貴也,與之並 以 王舅見廢,不得 避 禍 也。 好禮 翟 而君 一儀,不改其 方 進 在 侯盛 一列,宜 謂 公卿 馮 修

常操。

反。有摽。符小反。既多,受侮音武。不少。静言思之,寤辟避亦愿必悄悄,七小反。愠于群小。觏古豆反。閔

日居月諸,胡迭待結反。 之,故曰:『覯閔既多,受侮不少。』其 悄悄,愠于群小。]小人得 其爲· 憂其 子獨,君子憂而 陽氏曰:「「愠于群小」,群小愠 也。 以病君子。 貌。」孔氏曰:「寤覺之中,拊心而手摽然。」❶○ 毛氏曰:「悄悄,憂貌。 ○王氏曰:「國亂而君昏,則小人衆而君 既多」、『不少』者,以著小人之衆也。」 小人所愠 國而已。 静,安也。 君子既 ,固其理也。 憂其 辟,拊 小人樂。 (國,則 而微? 病矣,則又 心 愠,怒也。 君子之憂者, 也。 志,則 與小人異趣。 故 心之憂矣, 日: 摽,拊 仁人也 從 爲 「憂心 関、 丽 讒 歐 誣 心 病 侮

> 不濯 孔氏曰: 至 티 : 也。」〇范氏曰:「『如匪澣衣』者,中垢 傷衛日往月來 曰:「『日居月諸、胡迭而微』者, 『不能奮飛』者,鬱陶無所 『何居』,注云: 『居,語助也。』 | ○歐陽氏 也。」 也。毛氏曰:「如匪澣衣,如衣之不澣矣。」 臣不遇 居、諸者, 圃 於君, 漸微爾,猶言日朘月削 語 猶不 助 發 也。 忍去, 也。」〇鄭氏 檀 謂 弓》 厚之 而 云

《柏舟》五章,章六句。

州吁驕。」 人,齊女,姓姜氏。 夫人失位,而作是詩也。 禄衣》,衛 莊 姜 妾上僭者,謂公子州吁之母,母 傷 己也。 鄭氏曰: 妾 Ŀ 「莊姜,莊公夫 僭, 牋 念反。 婆 而

● 「標」,原作「標」,據宮内廳本、四庫本、《墨海金壺》本

緑兮衣兮、緑衣黄裹。

音里。

心之憂矣,曷

如匪澣户管反。衣。静言思之,不能奮飛。

維其已?

夫豈特爲一身之私哉?」 其弊將至於不可勝言者,憂在宗國也, 漢張氏曰:「《緑衣》之憂,言嫡、妾之亂, 黃反爲裏,猶夫人反見疏而微也。」○廣 黃反爲裏,猶夫人反見疏而微也。」○廣 」(一) 一,何時能止也。」○孔氏曰:「間色之 上,何時能止也。」○孔氏曰:「間色之 其弊將至於不可勝言者,憂在宗國也, 其學將至於不可勝言者,憂在宗國也, 其學,

爲忘。」○曾氏曰:「亡,失也,不須訓處下。」○曾氏曰:「亡,失也,不須訓「間色爲衣而在上,正色之黄反爲裳而毛氏曰:「上曰衣,下曰裳。」○孔氏曰:

無訧音尤。兮。 我思古人,俾卑爾反。 绿兮絲兮,女所治兮。 我思古人,俾卑爾反。

毛氏曰:「訧,過也。」〇程氏曰:「《緑

絺兮綌兮, 凄七西反。其以風。我思古人, 得,反求諸己而 思古之人,能使尊卑有分而無過 風也。」〇范氏曰:「致其序則在我也,故 染治以成,言有 衣 》,衛莊姜傷己 已矣。 所自也。 無 德 絲之緑,由 以 致之, 絺綌,所以來 也。」 行 女之 有

毛氏曰:「淒,寒風也。」○范氏曰:「思實獲我心。

《緑衣》四章,章四句。

古人而獲我心,自知其不及也。」

聖人正名分、辯嫡庶之説矣。」
聖人正名分、辯嫡庶之説矣。」。彼爲母以子貴之説者,失君矣,叙詩者猶曰「送歸妾」。彼爲母以子貴之説者,失己志。」○永嘉鄭氏曰:「戴嬀雖妾,實生桓公。桓公立爲己志。」○永嘉鄭氏曰:「戴嬀雖妾,實生桓公。桓公立爲己志。」○永嘉鄭氏曰:「戴嬀雖妾,也。鄭氏曰:「莊姜無

野。瞻望弗及,泣涕如雨。燕燕于飛,差池其羽。之子于歸,遠送于

於也。 之情者 與差池,其鳴一上而一下,故莊 遠,瞻望之不復能及,故念之泣涕。」 其有合於詩人之情歟?」 晉褚太后 己與戴嬀嫡妾相 見以興焉。」〇廣漢張氏曰:「燕燕,以 王氏曰 去者也。歸,歸宗也。 即今之燕也, 曰:「差池,不齊貌。」〇毛氏曰:「之子, . 燕燕, 鳦。』郭璞曰: 至野與之訣别,己留而彼去。 遠送至野,情之所不能已也。] 〇孔氏 曰 此百憂。 :「燕方春時,以其匹至,其 C, 蓋 郊外曰野。」蘇氏曰:「禮,婦人送迎不出 批 興 家國之事,有不 桓 也。」 温 古人重言之。二〇 感念存没,心焉如 與之善歟? 獨言泣 廢 立 孔氏曰: 韶云: 『未亡人不 遠送,過禮。于, 『齊人呼鳦 可勝悲者。 「《釋鳥》: 姜感 稍稍 曰 羽 日 燕。 涕 興 所 相 更

燕燕于飛,頡户結反。之頏户郎反。

淑慎其身。 先君之思,以勗凶肉反。 寡人。 仲氏任而鴆反。 只,其心塞淵。 終温 遠送于南。 燕燕于飛,下上時掌反。其音。之子于歸 于歸 音。 毛氏 反。』古人韻緩,不煩改字。」 温 立,久立也。]○鄭氏 毛氏曰:「飛而上曰頡,飛而下曰頏。 曰:「淵,深也。」〇朱氏曰:「温 助語。」〇李氏 毛氏曰:「仲,戴嬀字也。」○鄭氏曰: 「任者,以恩相親信也。」〇朱氏曰:「只, 也。」〇毛氏曰:「勗,勉也。」〇鄭氏 日. 毛氏曰:「惠,順 ,遠于將之。 陳在 「南,如字。 曰:「飛而上曰上音,飛而下曰下 惠,始終 瞻望弗及,實勞我心。 衛南。 如一也。」〇鄭氏 瞻望弗及, 佇立以 曰:「塞,實也。」〇毛氏 沈重云: 『協句宜乃林 實,是也。」〇《釋文》 也。」〇朱氏 (曰:「將,亦送也。」 曰:「淑 和和 曰 : 泣 且. 也。」 惠

先君之故,而有以勵己,蓋稱其美以求教戒之辭。」矣。」朱氏曰:「上四句莊姜美戴媽,下二句因使之以以先君之思勉其夫人,可謂『終温且惠』失位,不見答於先君所致也。 而戴嬀猶「州吁之暴、完之死、戴嬀之去,皆夫人曰:「寡人,莊姜自謂也。」○楊氏曰:曰:「寡人,莊姜自謂也。」○楊氏曰:

張氏曰:「困窮者,道窮計盡,無以自伸也。」反。 傷己不見答於先君,以至困窮之詩也。《日月》,衛莊姜傷己也。 遭州吁之難,乃旦

燕燕》四章,章六句。

毛氏曰:「日乎月乎,照臨之也。胡,何古處。昌昌反。胡能有定? 寧不我顧。本,以爲由已不見答於先君之所致,亦本,以爲由已不見答於先君之所致,亦在州吁弒嫡之後,於是始推原其致禍之在州吁弒嫡之後,於是始推原其致禍之廣漢張氏曰:「《緑衣》方妾上僭之時,故廣漢張氏曰:「《緑衣》方妾上僭之時,故

窮也。」長樂王氏曰:「不以古夫婦之道處我。」○曰:「言莊公不以古之道處我,故至此困也。」○朱氏曰:「逝,發語之辭。」○范氏也。」○鄭氏曰:「之人,是人也,謂莊公

當訓「故」。答,非始有恩意而後忘之也。「古」不觀《碩人》之詩,則莊姜初來即不見鄭氏曰:「寧,猶曾也。」

相好。呼報反。胡能有定? 寧不我報。日居月諸,下土是冒。乃如之人兮,逝不

是也。」事莊公,不以恩答己,『寧不我報』手莊公,不以恩答己,『寧不我報』毛氏曰:「冒,覆也。」○張氏曰:「以禮

辭。無良,醜其實也。」● 一年氏曰:「日始、月盛,皆出東方。音,無良。胡能有定? 俾也可忘。善,善民曰:「日始、月盛,皆出東方。音,無良。胡能有定? 俾也可忘。

卒。胡能有定? 報我不述。日居月諸,東方自出。父兮母兮,畜我不

述也。」○朱氏曰:「不述,猶曰不可稱也。」○朱氏曰:「不述,猶曰不可稱父母者。」○鄭氏曰:「畜,養。卒,終王氏曰:「人憂患疾痛極,則未嘗不呼其

乎? 姜既 公恩義之薄,嫡庶不定之禍,誠使 非爲己私也。「俾也可忘」,謂若思 叔姬 稱述之矣,亦不欲咎莊公也。 咎莊公,徒自傷父母養我不終而已。 可忘,而我自不忍忘之也。末章不欲 之位望亦輕,此國本所以 報我不述」,言莊公之所以報我不 左傳》曰: 無寵,舍無威。」夫人 不見答,則桓 反覆言之,蓋推原禍亂之由, 「子叔姬 公之位何能有 妃齊昭 (見薄 傾 公, 揺 則 巾 生 冢 定 我 莊 嗣 丽

> 侮慢 終 風》, 而 不能 衛 莊 正 姜傷 也 己 也 遭 州 吁之暴, 見

報反。中心是悼。終風且暴,顧我則笑。謔許約反。浪笑敖,五

笑,侮之也。 毛 其間又有甚惡,悼者傷其如是。」 氏曰:「謔,戲言也。 喻州吁之爲不善,如終風之無休 氏曰:「終 謔浪笑敖,言戲謔不敬。」朱 日 浪,放蕩也。] () 風 爲 終 風。 鄭 暴, 氏 止,而 疾 티 :

悠悠我思。 終風且霾,亡皆反。惠然肯來。莫往莫來

是,心悠悠然。]〇楊氏曰: 來,皆不可常。]〇 州吁之暴益甚 有順心也。」〇朱氏曰: 毛氏曰:「霾, 之,可謂極 能正,則悼之而已,其莫往莫來, 母道矣。 也。」〇蘇氏 雨 土 鄭氏 也。 《經解》曰 「終風 曰:「我 惠然肯來,言 「見侮慢 Ħ. 温 思 州 則 , 其 柔敦 又 丽 思 如 往 不 比

日月》四章,章六句。

厚、《詩》教也。』學者如此,則可觀、可

群、可怨矣。」

願言則嚏。都麗反。終風且曀,於計反。不日有曀。寤言不寐,

毛氏曰:「陰而雨曰曀。」●○王氏曰: 毛氏曰:「陰而雨曰曀。」●○王氏曰: 毛氏曰:「陰而雨曰曀。」●○王氏曰: 毛氏曰:「陰而雨曰曀。」●○王氏曰: 毛氏曰:「陰而雨曰曀。」●○王氏曰:

文》嚏作疌,曰:「本又作疐。」

焉,厭苦之辭也。 陰風終日,意其止矣。不旋日而又曀

頁:"川邊。 曀曀其陰,虺^{處鬼反。}虺其靁。寤言不寐,

毛氏曰:「如常願言則懷。

聲。」朱氏曰:「虺虺、靁將發而未震之聲。」〇董氏毛氏曰:「如常陰曀曀然。暴若震靁之

『天陰塵也。』」 曰: 「《韓詩》作『遠遠其陰』。 章句

曰

之間, 驟 易復也。 汝念我則我懷矣。 陰、虺虺之雷,則殊未有 願言則嚔」,汝念我則我嚏矣。 雨迅雷,其止 感通本無間 可 母子之間,恩意本 也。 待。 「願言則 開霽之期也。 至 於曀 曀 母子 懷」 之

《終風》四章,章四句。

朱氏曰:「伐鄭以結陳、宋之成也。」也也。鄭氏曰:「將者,將兵以伐鄭也。平,成也。」○公孫文仲將而平陳與宋,國人怨其勇而無《擊鼓》,怨州吁也。衛州吁用兵暴亂,使

衛人之怨如此,身犯大逆,衆叛親離,莫圍其東門,五日而還。 出師不爲久,而朱氏曰:「按《左傳》,州吁與宋、陳伐鄭,

❶ 「雨」、《毛詩正義》作「風」。

肯 爲 之用 爾

鼓 其 吐當反。 踊躍用兵。 土國 「城漕,

我 獨 南行

未可 毛氏 也。」〇董氏 樂,國人怨之,正以其踊 於不得已也。 亦作鼞。」 行伐鄭。」○李氏曰:「土國 州吁好兵喜鬭之狀,其 曰:「土國,役土功於國。 曾氏 而獨處於境内。 知,雖欲爲土國 曰:「鏜 「鏜然,擊鼓聲。 日 。人所甚憚者 :「鐘,石經作臺,《説文》 然撃 ,鼓,踊躍 「城漕之人,不可 今我之在外,死亡 興 躍 師 南行,從 漕,衛邑 「城漕、非 ,州吁之所 爾。二〇 動衆,非 用 兵 鄭 不勞 也。」 想 得 氏 最 南 出

從孫子仲,平 勑中反。 陳 與宋。 不我以歸,憂 心 有

曰:「文是諡。」平陳於宋。 「孫子仲,謂公孫 鄭氏曰: (文仲 「平陳於宋 也。 孔氏

> 陽縣。」 有忡, 曰 : 謂使告宋曰: 「陳,今陳國 憂 心 『君爲主,敝邑以賦與陳、蔡從。」 忡 忡然。」○《左傳》 陳 縣。 宋,今梁 杜 或 氏 憂心 睢 注

孫子仲也 從孫子仲,平陳與宋」,言所從者乃 ,則輕其 帥 可知矣。

于林之下。 爰居爰處,爰喪息浪反。 其馬。 于以求之?

死生契苦結反。 之辭。 之意皆如此。」〇朱氏曰:「猶蹇叔哭送其子之意也。」 林下求之。」蓋爲必敗之計也。」曾氏曰: 鄭氏曰:「爰,於也。」○歐陽氏 處,於何所 『我之是行,未有歸期,亦未知 肅以下三章,衛人從軍者與 「非獨「爰居爰處」以下三章爲從軍者訣別之辭,一篇 士卒將行,與其室家 喪其馬。 闊,與子成説。 若求 我 其 執子之手, 與 訣 於 室 入 日 : 馬,當於 别 何 一家 所居 를 訣别 王.

與子偕老。

毛 氏 契闊,勤苦也。」○朱氏曰:

言至死而不相棄也。」
契閥,無所不同。既成約誓,又相與執手而期以偕老,氏曰:「與其家人訣別,言其始爲室家之時,期以生死死,契闊勤苦而不相離,相與俱老。」」朱肅云:『言國人室家之志,欲相與從生至庸以说,成其約誓之言。」○孔氏曰:「王「成説,成其約誓之言。」○孔氏曰:「王

不我信音申。兮!于嗟闊兮,不我活兮! 于嗟洵呼縣反。兮,

夐,亦遠也。信,即古伸字也。」本或作詢,誤也。詢音荀,《韓詩》作敻。生活也。洵,遠也。」○《釋文》曰:「洵,鄭氏曰:「于嗟,嘆也。」○毛氏曰:「活,

毛傳,言遠去而不得伸此志也。之,今乃不得相依以生也。洵,當從文,而足成其義。言始欲死生勤苦共了, 一是處其人, 一是處以

《凱風》,美孝子也。衛之淫風流行,雖有

擊鼓》五章,章四句。

其孝道,以慰其母心而成其志爾。 七子之母,猶不能安其室。 故美七子能盡

母氏劬勞。凱風自南,吹彼棘心。棘心夭夭,於驕反。

爲力多矣,此母氏劬勞之譬也。」也。」○王氏曰:「棘心至於夭夭,則風之 難長養者。夭夭,盛貌。劬勞,病苦 長養。孔氏曰:「凱,樂也。風性樂養萬物。」棘,毛氏曰:「興也。南風謂之凱風,樂夏之

令人。 凱風自南,吹彼棘薪。母氏聖善,我

○鄭氏曰:「楝薪,其成就者。聖,叡也。」 ○ 是樂劉氏曰:「楝 ○鄭氏曰:「令,善也。」○ 是樂劉氏曰:「楝 可以爲薪,則成就矣。然非美材,喻子 可以爲薪,則成就矣。然非美材,喻子 可以爲薪,則成就矣。然非美材,喻子 一种

爰有寒泉,在浚音峻。之下。有子七人,母

無

氏勞苦。

諫矣。」 行,而 也。」〇朱氏曰:「母欲嫁者,本爲淫 泉在浚之邑下,邑人賴之以 七人,反不能養一母,而使母勞苦求 毛氏曰:「浚,衛邑也。」○陳氏曰: 七子乃 以勞苦爲 説, 生養。 可 謂 風 今子 幾 流 嫁

七人,莫慰母心。 明胡顯反。 皖華板反。 黄鳥,戴好其音。 有子

黄鳥能使人樂之,有子而莫慰母心。」 ○蘇氏曰:「睍睆,好貌。」○蘇氏曰:「則風盛於夏時,黄鳥鳴於夏木,寒哉?」曾氏曰:「凱風盛於夏時,黄鳥鳴於夏木,寒哉。」○蘇氏曰:「鳥

凱風》四章,章四句。

患之,而作是詩。孔氏曰:「宣公晉,桓公子。」旅數色角反。起,大夫久役,男女怨曠,國人《雄雉》,刺衛宣公也。淫亂不恤國事,軍

朱氏曰:「此詩皆女怨之辭。」

自詒伊阻。雄雉于飛,泄泄移世反。其羽。我之懷矣,

思之切耳。」 役,婦人本無可從之理,其言如此,乃怨 也。」〇朱氏曰:「阻,隔也。」〇曾氏 毛氏 不從之。今之阻隔,蓋自遺也。 之緩也。」○鄭氏曰:「懷,安也。」○毛氏 雄雉以喻其夫。 「詒,遺 日 「興也。」〇 也。 伊, 雄雉 維也。」孔氏曰:「語 朱氏曰:「泄泄, 于飛,雌 大夫行 懷安而 曰 : ₩. 助

實勞我心。 雄雉于飛,下上時掌反。其音。展矣君子

其夫也。」
君子,久役而不得歸者也,此婦人之閔君氏曰:「展,誠也。」〇范氏曰:「展矣

能來? 瞻彼日月,悠悠我思。道之云遠,曷云瞻彼日月,悠悠我思。道之云遠,曷云

不求,何用不臧?百爾君子,不知德行。下孟反。不忮之豉反。

例反。

其夫也。」

其夫也。」○張氏曰:「不忮不求,是大夫妻言

是大夫也。」○毛氏曰:「技,害也。」○朱

是大夫也。」○毛氏曰:「忮,害也。」○朱

如者,可謂爲德行。」朱氏曰:「百爾君子,泛指
如者,可謂爲德行。」朱氏曰:「百爾君子,泛指

求,則何所用而不善? 雖久處軍旅人不知孰爲德行也。但不忮害,不貪也。於是復自解曰:「凡百君子,我婦婦人思其君子之切,而知其未得歸

之間,固未害也。」

《雄雉》四章,章四句。

匏有苦葉,濟有深涉。深則厲,淺則揭。苦夷姜,以宣姜本適伋,爲公所要。云『雉鳴求其牡』,明是姜者,以宣姜本適伋,爲公所要。云『雉鳴求其牡』,明是溪亂。鄭氏曰:「夫人,謂夷姜。」○孔氏曰:「知非宣

孔氏曰:「陸璣云「匏葉少時可爲羹,八月中堅强不可 也。 叔向曰:「苦匏不材於人,供濟而已。」一韋昭注云: 食」,故云苦葉。瓠、匏一也,故云「謂之瓠」。《外傳· 毛氏曰:「匏謂之瓠,瓠葉苦,不可食 魯語》:「叔孫穆子曰:「豹之業,及《匏有苦葉》矣。」 「不材於人、言不可食。 Ĺ 由膝以上爲涉。 也。 《釋文》曰:「《韓詩》云:『至心 佩匏可以渡水也。」 濟,渡 以 衣 涉 水爲厲,謂 也

■「求貪」,原作「貪求」,據四庫本、《墨海金壺》本及朱

吕氏家塾讀詩記

六六

義,猶不度水之深淺 曰:「深則厲,淺則揭,宜斟酌也。 宣公夫人不顧禮 制宜,如遇水深則厲,淺則揭矣。」范氏 葉,是未有霜 力知反,又音例。」 有深涉,未可以渡也。」〇毛氏曰:「遭時 厲,《説文》曰砅,云:『履石渡水也。』音 褰衣 而成實之時。 也。」〇朱氏 而欲濟也。」〇《釋文》: 曰: 濟渡之 匏 處 尚 有

不濡軓,音犯。 有瀰彌爾反。 濟盈,有鷕以小反。 雉鳴求其牡。 雉鳴。 濟盈

聲也。 理,而涉者貪於必進,自謂 宣公,如禽鳥之相求,惟知雌雄爲匹 雉鳴求其牡者,又興夫人不顧禮 宣公貪於淫欲,身蹈罪惡而 爲走獸乎? 毛氏曰:「瀰,深也。 ·毛、鄭謂走曰牝牡。《書》牝鷄無晨,豈 由 輈以上爲軓。」○歐陽氏 古語通用。 盈,滿. 濟盈無不濡之 也。 不濡。 不自知也。 鷕,雌 又興 而從 一, 而 雉

> 音犯。 無親 《説文》云:『軌,車轍也。 鳴,然後雉求其牡比淫亂之人,❶此亦《詩》之 龜美反。 『軓,車軾前也。 崎嶇蹙狹之中,銖校寸量,如治 夫《詩》之爲體,舒緩宏闊有如此者,而後世學者求之 興以爲比也。 ○《釋文》曰:「軓,依傳意宜音 疎父子之别。」 朱氏日 相亂,故具論之。」 蓋以匏有苦葉興濟有深涉,以濟 法律,失之遠矣。 從車 從車,九聲。」 或 ·,凡聲。」 犯。 承 一體也 . 盈興雉 上 一章之

迨冰未泮。 **雝瞻鳴鴈,旭**許玉反。 日始旦。 士 如 歸

昕,親迎用昏。歸妻,使之來歸於己,謂 也。」〇鄭氏曰:「昏禮,自納采至請期 旭日始出,謂大昕之時。迨,及。 毛氏曰:「雝雝,鴈聲和 也。 納采 泮,散 甪 鴈

⁰ 牡」原作 據四庫本、《墨海金壺》本及朱熹《詩

必

待配耦而相從。」❷

招招照遥反。舟子,人涉卬五郎反。否。人涉雖庶士亦然,而况於人君乎?」「古之於婚姻,其求之不暴而節之以禮,

獨待之而不涉。」〇朱氏曰:「以配男女渡者。卬,我也。人皆涉,我友未至,我曰:「以手曰招,以口曰召。」」舟子,舟人,主濟毛氏曰:「招招,號召之貌。凡氏曰:「王逸卬否,卬須我友。

譎諫」也。 斥言之,而以小喻大也,所謂「主文而定雖言昏禮,特舉士之歸妻,蓋不欲四章皆以物爲比,而不正言其事。三此詩刺宣公之淫亂。然一章、二章、此詩刺宣公之淫亂。然一章、二章、

《匏有苦葉》四章,章四句。

於新昏,而棄其舊室,夫婦離絕,國俗傷《谷風》,刺夫婦失道也。衛人化其上,淫

敗焉。

如此。」

如此。」

詩作。所謂『一國之事,繫一人之本』者而夷姜縊,是以其民化之,而《谷風》之朱氏曰:「皆述逐婦之辭也。宣姜有寵

- 「半泮」,四庫本、《墨海金壺》本並作「未泮」、《毛詩正義》作「未散」。

下體。德音莫違,及爾同死。不宜有怒。采葑孚容反。采菲,妃鬼反。無以習習谷風,以陰以雨。黽莫尹反。勉同心,

之谷 毛氏 而長,有毛。1郭璞曰:「菲,土瓜也。」」〇《釋文》曰: 云:「葑,蕪菁。幽州人謂之芥。菲,似葍,莖麤,葉厚 以顏色衰,棄其相與之禮。」孔氏曰:「陸璣 葉,喻夫婦以禮義合,顔色相親,亦不可 宜 有 陰,其成也雨。 有惡時,采之者不可以 類也,皆上下可食。 曰:「陰陽交和 「《草木疏》云:「葑,蕪菁也。」郭璞云:「今松菜也。」 ■ 也。」〇鄭氏曰:「此二菜者,蔓菁與葍之 家正,如陰陽和 葑,須也。 江南有葑,❷江北有蔓菁,相似而異。□○程氏 怨怒也。 風。 曰:「興也。 陰陽 菲, 芴音勿。 夫婦之道 蓋和則夫婦之道成 而 和 則 習習,和舒貌。 || 成雨 而谷風 感陰 然而其根有美時, 一當電 也。」〇毛氏 也。下體,根莖 根惡 丽 至。」〇程 成 勉和 時并棄其 雨。 東 同 其感 丽 日 風 氏 室 謂 也

也。當期好音無違,至於偕老。」曰:「夫婦之道,貴其有終。德音,好音

禮反。宴爾新昏,如兄如弟。 畿。音祈。誰謂荼音徒。苦? 其甘如薺。齊行道遲遲,中心有違。不遠伊邇,薄送我

乎此 氏曰:「我行道 門内也。荼,苦菜也。」《爾雅》疏 不 及羹亦佳。」〇毛氏曰:「宴,安也。」〇 苣而細,斷之有白汁,花似菊,●堪食,但 可食之菜也,《月令》「孟夏,苦菜莠」是也。❸ 葉似 毛氏曰: ○《本草》云:「薺,味甘。 遠 而甚近。」〇鄭氏曰:「送我裁於門 也。」〇朱氏曰:「今故夫之送我,乃 「遲遲,舒行貌。 |而遲遲者,中心念其有違 人取其葉作葅 違, 離 曰:「此味苦 也。 一苦耳。 程

禮記

疏》作「秀」。

[「]於」《墨海金壺》本、《經典釋文》作「菘」。

[「]莠」,四庫本、《墨海金壺》本、《爾雅注疏》、《「葑」、《墨海金壺》本、《經典釋文》作「菘」。

❶ 「花」下,《爾雅注疏》有「黄」字。

(渭音謂。 以 畿。」蓋以 韓 發明毛氏之説 愈《譴 濁, 湜 湜 音殖。 畿爲門 瘧鬼》詩云:●「白石 閫 也,必有所據, 其沚。 音 止。 爲 宴 可 門

我後。 赞我符。古口反。我躬不閲,音悦。遑恤爾新昏,不我屑素節反。以。毋逝我梁,毋不以谓音謂。濁,湜湜音殖。其沚。音止。宴

曰:「小渚曰沚。」○毛氏曰:「屑,潔也。 ○《說文》曰:「湜,水清見底。」○鄭氏云:「渭水出隴西首陽縣,至京兆北沿司空縣入河。」 或此處為人渭。」《漢書·溝洫志》:「涇水一石,其泥數斗。」潘岳《西征賦》云:「清渭濁涇。」」○《尚書》疏京兆陵陽人渭。」《漢書·溝洫志》:「涇水一石,其泥數斗。」不氏曰:「涇渭相入而清濁異。」孔氏曰:

> 堰。 氏《江有汜》箋曰:「以,猶與也。」 〇歐陽氏曰: 安於新昏,不以舊室爲潔而與之也。」鄭 視之, 湜湜其沚, 謂未嘗變也。」○朱氏曰: 提,以言其惑而不能正也。」^{范氏曰}: 清,今涇反以渭 妻將去,猶顧惜其家之物。 於淺處則見清。 鄣水,空中央,承之以笱。」閱,容也。」○ 『我身不容,安得恤後事乎?』」朱氏日 「《周禮》「戲人,掌以時獻爲梁」,鄭司農 逝,之也。 知其不能禁而絶意之辭也。」 禁其新昏『毋逝我梁,毋發我笱』,言棄 堰水而爲闕空,以笱承其空。」然則梁者,爲堰以 「遑,暇也。」〇程氏 魚梁,❷所 爲濁。 彼以爲濁,而其沚自湜 以 湜湜,清貌。 捕 曰:「涇濁 魚。 既 而 8 云:「梁,水 嘆日: 孔 鄭 氏 「胡不 圃 「宴 目 氏 視 渭

[「]瘧」,原作「謔」,據《墨海金壺》本改。

[「]魚」上、《墨海金壺》本、《毛詩正義》有一「梁」字。

[「]所」上、《墨海金壺》本、《毛詩正義》有一「筍」字。

吕氏家塾讀詩記

共 涇 而 則清濁易惑。 遠 猶 新 知,如云海鹹河 引 可見也。 昏 涇 也。 渭 者, 渭, 詩人多 於洲 蓋 淡也。 舊 涇 渚 室 濁 述 淺 也 渭 土 處 颪 清,天下 視 涇渭 此 之,渭之 既 衛 合, 所 詩

之。 蒲。 就其深矣,方之舟之。 曰: 曰 : 之家 之。'不特如是治其家, 求爲之耳。 方舟,淺則泳游,不計其有與亡也,强 勤 水曰游。」○鄭氏曰:「言深淺者,喻 泳、方,並解見《漢廣》。 匐蒲北反。 《勞之事,隨事盡其心力而爲之。 何 事無 有何亡, 黽勉求之。 匍,手行也。 就其深矣」以下,陳其躬所爲治 難 救之。 其道。」陳氏曰:「非特門内之事 朱氏曰:「不計其有與亡,而强勉以 易,吾皆爲之。」〇《說文》 匐,伏地也。」〇程 就其淺矣,泳之游 又周 凡民有喪,匍 ○朱氏曰: 陸 其 鄰 深 君子 「浮 則 氏 勉 如

> 此 \Box 凡 鄰 皆 里 婦人曲 之 有 喪 徇 者, 其 無 夫之言。」 不 盡 力 救 之。 張 氏

不我能 德,賈音古。 居六反。 及爾顛覆。 慉,許六反。 用 不售。 芳服反。 反以 市救反。 我爲讎。 既生既育, 昔育 恐 既 育鞠 比予 阻 我

于毒。

乃反 恐其 毛氏 賈之不售。凡人 以 由其心阻絶其善故也。]〇張氏曰:「 絶我之善,故雖勤勞如是 我於女家勤 肅《詩》並作『能不我慉』,《説文》亦然。」 育恐育鞠』而下,言昔者相與 曰:「及, 如毒螫,言惡己甚也。」 〇董氏曰:「孫 、我爲: 比 窮 曰:「慉,養也。 我於毒而棄之乎?」鄭氏 仇讎。二〇 以及于顛覆。 與也。」〇朱氏曰:「承 勞如 所 程 此 以 氏 ,女既不我養,而 憎 鞠,窮也。」〇 日 今既 而 「惟其 而 不 不見 生 爲 ·知 既 生理,惟 其 □: 心 上 育矣, (善者, 孫 毓、王 取 既 章 鄭 其視 一昔 氏 如 阳 反

·Li ()

器反。 以 我 我 我 肄。 有 御 旨 著,許、 以世反。 窮。 有洸音光。 六反。 不念昔者,伊余來 亦以 御冬。 有潰,户對反。 宴爾 塈。 新 既治 香,

其薄惡可知。] 〇程氏曰:「詒我以武 厚者猶有所不忍。夫婦義當偕老,乃姑以御窮而已, 君子之時接禮之厚,怨之深也。」 之,曾不念我之來息時 怒,習而爲常矣。]〇朱氏曰:「君子棄絶 姑以我御乏無之時也。 蓄。」曾氏曰:「窮,猶乏無耳。 禦窮苦之時,至於富貴,則棄我 者,以禦冬月乏無時也。 温潤之色。□○程氏曰:「肄,習也。」○毛 也。 :「壓,息也。」○鄭氏曰:「蓄聚美 氏曰:「旨,美。 潰潰,怒也。」鄭氏曰:「洗洗然,潰潰然,無 谷風》六章,章八句。 人之於物,得新可以捐故,然 御,禦也。 也。 有新昏而棄舊室,是 君子亦但 追言其始見 洸 洸, 暴忿 如 以 菜 我 武 氏

> 地」,則狄侵黎,其亦舊矣。」 、大微》,黎侯萬于衛,其臣勸以歸也。《釋 、武微》,黎侯萬子一衛,出奔之君,所在曰寄」,故《左 是。」〇孔氏曰:「《春秋》「出奔之君,所在曰寄」,故《左 是。」〇孔氏曰:「《春秋》「出奔之君,所在曰寄」,故《左 是。」〇八氏曰:「《春秋》「出奔之君,所在曰寄」,故《左 是。」〇八氏曰:「《春秋》「出奔之君,所在曰寄」,故《左 以二、秦 、如二、秦 、二、秦 、五、秦 、五、秦

中露? 式微式微,胡不歸? 微君之故,胡爲乎

《爾雅》曰:「式微式微者,微乎微者也。」《爾雅》曰:「式微式微式微者,微乎微喜思。郭茂曰:「清侯失國,而寄於他國之邑,微莫甚焉。郭茂曰:「諸侯失國,而寄於他國之邑,微莫甚焉。郭戎若無君,何爲處此乎? 臣又極諫之我若無君,何爲處此乎? 臣又極諫之我若無君,何爲處此乎? 臣又極諫之我若無君,何爲處此乎? 臣又極諫之。」

有陷溺之難,而不見拯救也。」 王氏曰:「泥中,衛邑也。」王氏曰:「泥中,

《式微》二章,章四句

多日也? 旄丘之葛兮,何誕之節兮? 叔兮伯兮,何

也 ? 託 衛,登旄丘之上,而見其葛節之疎闊,因 之諸臣。」〇朱氏曰:「黎之臣子久寓於 闊也。」○鄭氏曰:「叔、伯,字也。 毛氏曰:「興也。 也?」此詩本責衛君,而但斥其臣, 起興、曰:『旄丘之葛、何其節之闊 衛之君臣,何其多 前高後下曰旄丘。 日而 不見 呼衛 可 救 見

優柔而不迫矣。」

而疎。黎人見葛之長,感歲時之久,葛始生,其節蹙而密。既長,其節闊

有以也。 何其處也? 必有與也。何其久也? 而衛猶未見救爾。

必

狐裘蒙戎,匪車不東。 耳。又言何其久而不來,意其或 安處而不來,意必有與國相俟 他故也。 朱氏曰:「處,安處也。 而不得來。詩之曲盡人情如此。」 因上章『何多日也』,而言其何 叔兮伯兮, 與,與 (國也。 圃 有 靡 俱 事 所 來

諷切之。」 「無救患恤同也。」○朱氏曰:「至是始微國在衛西,今所寓在衛東。」○毛氏曰:「國在衛西,「大夫狐蒼裘。」○鄭氏曰:「黎 與同。

蒙戎,狐裘之貌。晉士萬曰:「狐裘蒙

也,特無與我同患難者耳。」故歎而言曰:「非衛大夫之車不來東衛之大夫過者甚多,終莫有動心者,茸。」黎侯所寓在衛東,覊旅之久,見

褎^{由救反。}如充耳。 瑣素^{果反。}兮尾兮,流離之子。 叔兮伯兮,

己 梟也。 無聞。 憐也。 人以狄之微而不忌,譬如流離之養其子,不知其將爲 此,其人亦可知矣。」陸璣《草木疏》云:「流離 流離患難之餘,而其言之有序而不 曰"「言黎之君臣,流離瑣尾若此,其可 多笑而已。」朱氏曰:「褎,多笑貌。」○朱氏 然如見塞耳,無聞知也。 曰:「充耳,塞耳也。言衛之諸臣顏色褎 患也。 子,流離失職,故瑣尾也。」〇 氏曰:「瑣,細也。 關西謂之流離。大則食其母。」○蘇氏曰:「衛 然告之而不聽, 褎褎然如或充其耳, 其後衛 何哉? 而衛之諸臣顔色褎然,如塞耳 至是然後盡其詞焉。 尾,末也。 人之耳聾,恒 黎侯 迫 鄭氏 如 然 之

作瑣。」 (《釋文》瑣作璅,云:「佐人遂有狄難。) (《釋文》) 瑣作璅,云:「佐

《旄丘》四章,章四句。

處。碩人俣俣, 疑矩反。 簡兮簡兮,方將萬舞。 也。伶氏世掌樂官而善焉,故後世多號樂官爲伶官。」 《簡兮》,刺不用賢也。衛之賢者,仕於伶 官,皆可以承 則卷而懷之者,皆可謂之賢矣,東方朔似之。」將,且 也。」〇毛氏曰:「以干羽爲萬舞。 侏儒俳優之間,以是爲不恭也。其得謂之賢者,雖其 夫爲禄仕者,抱關擊柝,則猶恭其職。爲伶官則 迹如此,其中固有所有。 鄭氏曰:「簡,擇也。 「萬者,舞之揔名。《商頌》曰:『萬舞有奕。』武舞 .戚、《禮記》曰:『朱干玉戚,冕而舞大舞。』●文舞 事 王者也。 如君子處己則不然,其觀人 公庭萬舞。 張氏曰:「簡,不恭也。 日之方中,在前上 鄭氏曰:「伶官,樂官 孔氏 雜 若

● 下「舞」字、《毛詩正義》、《禮記正義》作「武」,當據改。

之地。 明 萬 用 庭親爲萬舞,是大失其所也。」 八孔 也 羽 舞 而易見之時。在前上處,至近而易察 籥、《籥 而 氏曰:「賢者容貌美大俣俣然,在公 俣俣,容貌大也。」○蘇氏曰:「方且 於是焉不能察 「擇人。」○王氏曰:「日之方中, 師 ₩ ⊟ 「教 國 子 而用,所 舞 羽 吹籥。二 以刺 碩 也。」 至

反。

适 誤 萬 對 傳》以萬舞爲干舞,蓋《公羊》釋經之 文舞,又謂之羽舞。鄭 中去其有聲者,故去籥焉。文舞舞羽 之别名也。 也。 及文舞耶? ,則此詩與《商頌》何爲 言之,失經意矣。 舞,二舞之緫名也。 《公羊》乃以萬舞爲武舞, 舞俱入,以仲遂之喪,於二舞之 《春秋》書「萬入,去籥」,言文、 籥舞者,文舞之别名也。 《左氏》載考仲子之宫 若萬 干舞者,武舞 康成據《公羊 獨言 舞 止 萬 與 爲 舞 籥 武 而 無

> 音者。 有力如虎,執轡如 右手秉翟。 公言錫爵。 也。 將 萬 然則萬舞爲二舞之總名明矣。 焉 婦 亭歷反。 人之 組 廟 音祖。 赫如渥於角反。 亦 不 左手執籥,餘若 應 獨 用 近 舞

而短小。 於彼。 朱氏曰:「轡,今之韁也。」〇毛氏 鄭氏曰"「散受五升。」〇程氏曰"「此 閽、寺者,●惠下之道,見 渥,厚漬也。公言錫爵,祭有畀煇、胞 〇《釋文》曰:「以竹爲之,長三尺。」赫,赤貌 也。」〇孔氏曰 組、藝也。 才藝之美。 組、織組也。 翟羽 織組者,總紕於此,而成文於彼。」籥,六孔 《廣雅》云:「七孔。」』翟羽, 也。 言其 有力 孔氏曰: 孔氏曰:「御者執轡於此,使馬 :「左手執管籥,右手秉 藝如此,非在 如虎,才武 「郭璞曰:『籥,如笛,三孔 惠 也。 不 謂雉之羽 公庭 . 過 章言其 一散。」 執 /轡如 見之 티 : 也。 鷡

闡」上、《毛詩正義》有一「翟」字。

氏曰:「錫之以爵,勞賤者之道也。」 赫然,如厚傅丹,君徒賜其 羽,而舞文舞也。」〇鄭氏曰 :「碩人容色 爵而已。」程

Ш

西方美人。彼美人兮,西方之人兮。 枝相當。」或云苓似地黄。」」西方,王室。」 甘草是也。蔓延生,葉似荷,青黄,其莖赤,有節,節有 苓,大苦。孔氏曰:「孫炎云:『《本草》云:「苓,今 其子小似柿子,表皮黑,味如栗。] 下濕 毛氏曰:「榛、木名。陸璣《疏》曰:「榛、栗屬、 有榛,侧巾反。 隰有苓。音零。 云誰之思? 曰 隰。

等人物也。● 之美也。作詩者嘆碩人之賢,謂「山 既東遷而衰,每思其全盛之時,文獻 方之書,韋昭以 大夫也。「彼美人兮,西方之人兮」, 人」,見碩人而慨然有懷西周之賢 則有榛,隰則有苓」,唯西周然後 西方,指西周也。《晉語》齊姜氏引 碩人也。 嗟美其真西周之人,而 「云誰之思? 爲周,亦西周也。 西方美 有 周 此 西

> 今世之人也。 江左諸人喜言中朝名

臣 ,亦此意也 《簡兮》三章,章六句。 朱氏曰:

作

章,三章章四句,一章章六句。」

思歸寧 《泉水》,衛女思歸也。 於兄弟。」 也。鄭氏曰:「國君夫人,父母在則歸寧,没則使大夫寧 而不得,故作是詩以 嫁於諸侯,父母終, 自見賢遍反

之義,則能自克者知所處矣。」 不歸,止乎禮義 楊氏曰:「衛女思歸,發乎情也。其卒也 示後世,使知適異國者,父母終,無歸寧 也。聖人著之於經,以

靡 毖悲位反。❷ 彼泉水,亦流于淇。 有懷于衛 日不思。變力轉反。彼諸姬,聊與之謀。

周」,原作「州」,據四庫本改。

毛氏曰:「興也。

泉水始出

、毖然流也。

ø ·悲位反」,原在「彼」下,據四庫本與《經典釋文》改。

好貌。 **毖然之泉水**,則 州林慮縣,東 吕氏曰: 于衛,則亦無 而言之,相衛之山東面,故以北爲左,南爲右。」變, 而與之謀爲歸 毖、《韓詩》作秘、《説文》作咇。」 而《竹竿》詩言『泉源在左,淇水在右』者,蓋 「泉水,即今衛州共城之百泉也。 諸姬,同姓之女。」○朱氏曰:「言 流。 日 泉水自 衛之計。」○《釋文》曰 亦流于淇矣。我之有懷 而不思矣,是以即諸 西北來注之,故曰 淇 水, 主山 流 出 姬

相見 諸姬非必俱嫁於此國,蓋有所 與親者謀 也。 ,乃人情之常,亦非必真得 思 而 欲

姑,遂及伯姊。 女子有行,遠于萬反。 于沸,子禮反。 飲錢音踐。于禰。 父母兄弟。 問 乃禮 我 反 諸

其側曰餞,重始有事 毛氏曰:「泲,地名。 父之姊妹稱姑,先生曰姊。]〇王氏曰: 禰,蓋父母之國 地名。 於道也 祖 丽 舍載,飲酒 欲歸 禰,地名。 识又思 於

> 作坭。」 問於姑姊。」〇《釋文》曰:「禰、《韓 嫁 預《左傳》注:「衛女思 矣,况今父母 氏曰:「追言其始嫁時 時 出 宿飲 餞, 既終,而復可歸哉 相 與 訣 心歸而 ',已遠其父母 圃 之夫家。」〇朱 不得,故 願致 ○杜 兑弟

還音旋。 有害。 出 宿 于干,飲餞于言。 車 言邁。 遄 市專反。 載脂 臻 載 于衛,不瑕 牽 胡 瞎

反

車軸 也。 過也。」張氏曰:「瑕,與遐字同,言不大有害。」 ○《釋文》曰: 朱氏曰:「干、言,地名,適衛 遄,疾。 也。」孔氏曰:「車不駕則脱其牽,將行設之。 脂,以脂膏塗其舝,使滑 臻,至也。]○鄭氏曰 舝, 車 軸頭 金 也。」〇毛氏曰: 澤 所經之地 也 「瑕, 猶

還車,猶言回轅,不 車也。不瑕有害 害,自恕之辭也 謂 必 歸 云嫁 衛不 爲 時 所 過差有 乘之

悠。駕言出遊,以寫我憂。 我思肥泉,兹之永歎。 思須與漕,我心悠

毛氏曰:「寫,除也。」 毛氏曰:「寫,除也。」○ 我憂。」○朱氏曰:「悠悠,思之長也。」○ 以。 思須與漕,自衛而來所經邑,故又 此也。自衛而來所渡水,故思此而長 此也。自衛而來所渡水,故思此而長 此也。自衛而來所渡水,故思此而長

《泉水》四章,章六句。

之於天,所以爲忠臣也。」

《北門》,刺仕不得志也。言衛之忠臣不得本。然不擇事而安之,無懟憾之辭,知其無可奈何而歸也。先王視臣如手足,豈有以事敦遺之,而不知其艱也。先王視臣如手足,豈有以事敦遺之,而不知其艱也。先王視臣如手足,豈有以事士也。衛之忠其志爾。楊氏曰:「忠信重禄,所以勸士也。衛之忠其志爾。楊氏曰:「忠信重禄,所以勸士也。衛之忠其志爾。

出自北門,憂心殷殷。終窶其矩反。且貧,張氏曰:「此詩忠臣所自作也。」

《爾雅》曰:「殷殷,憂也。」○李氏曰: 《爾雅》曰:「殷殷,憂也。」○李氏曰: 《爾雅》曰:「殷殷,憂也。」○李氏曰: 《爾雅》曰:「殷殷,憂也。」○李氏曰: 於命,曰:『已焉哉! 天實爲之,謂之之於命,曰:『已焉哉! 天實爲之,以見其亦處亂世、事暗君之比也。」詩怨則怨矣,然歸亦處亂世、事暗君之比也。」詩怨則怨矣,然歸亦處亂世、事暗君之比也。」詩怨則怨矣,然歸於命,曰:『殷殷,憂也。」○李氏曰:

實爲之,謂之何哉!外,室人交徧讁知革反。我。已焉哉! 天事適我,政事一埤避支反。益我。我人自

氏曰:「王事,不必天子事,直以行役戰伐,皆王家之鄭氏曰:「王事,國有王命役使之事。」孔

●「水」、《毛詩正義》作「泉」。

世,則室家日見,而有不知其心者。」 氏曰:「《關雎》之化行,則婦人能閔其 安,而交徧 我,其勞如 朱氏曰: 氏 事。」○蘇 曰:「適,之。 氏 「王事既適我矣,政事又一埤益 此 讁我, 日 ,而窶貧之甚,室人無以 「政 埤,厚也。 則其困於内外 事,國之政 讁,責 (君子。 事 極 也。」 <u>`</u>. ·矣。」 范 至於衰 自 毛

實爲之,謂之何哉!外,室人交徧摧祖回反。我。已焉哉! 天王事敦我,政事一埤遺唯季反。我。我入自

《北門》三章,章七句。○《釋文》曰:「摧,《韓詩》作誰。」也。』」○毛氏曰:「遺,加也。摧,沮也。」《釋文》曰:「敦,《韓詩》云:『敦,迫

親,莫不相攜持而去焉。《北風》,刺虐也。衛國並爲威虐,百姓不

乃述當時之事。然考詩之辭,乃君子見程氏曰:「《序》謂百姓不親,相携而去,

身遠 幾而 其 (虚其 害,唯 作,相 邪 ,既亟只且』是也 恐 招 無及於禍 去之不速,故其 患 者 _ 也。 君子全

既亟紀力反。只且。子餘反。好呼報反。我,攜手同行。其虚其邪,音徐。北風其凉,雨于付反。雪其雱。普康反。惠而

既急也 之。」〇鄭氏 君臣,威虐已甚,將與其 之狀。」〇毛氏 之殺害萬物,故以興。」雾,盛貌。 也、秋而自西則成物也、冬而自北則 曰:「四時之風,春而自東則生物也,夏而 毛氏曰: 徐也。」〇程氏曰:「言尚 又雨雪,其虐甚矣。]〇朱氏 曰:「只、且,辭也。」○蘇氏 ○程氏曰:「虚,寬貌。 |哉。|〇《爾雅》作 「興也。 曰:「邪,讀如 曰:「亟,急 北風,寒 三其 徐,緩也。 可寬容徐緩乎, 徐,其 所好去 日 殺物 凉 虚 日 也。」〇程 之風。 其徐 惠,愛也 :「言衛之 也。 自 北 「南則養 威 以北 儀虚 雍容 而 風 程 氏 避 而 風 物 Æ

北風其喈,音皆。雨雪其霏。芳非反。惠而好

曰:「喈,風聲疾也。霏,雪落急也。」歸,歸 有毛氏曰:「喈,疾貌。霏,甚貌。長樂劉氏我,攜手同歸。其虚其邪,既亟只且。

車。其虚其邪,既亟只且。 莫赤匪狐,莫黑匪烏。惠而好我,攜手同

也。

乎 ? 益 程氏 此而猶不去,則是不辨狐赤而烏黑也。」 者,哲人也; 暴虐禍難,將及於人矣。」范氏曰:「見微而作 物矣,豈難辨哉? 迫)切,同車有已駕之意。 莫赤者 曰:「同車,亦偕行耳。 莫黑者 見著而作者,凡民 匪 烏 乎? 以其色則 觀其爲政之道 也。衛大爲威虐,如 但卒章 則 知 匪 辭 其 知 狐 意

《北風》三章,章六句。也。「同車」,不必指貴者,特協韻耳。與處于陸,相煦以濕,相濡以沫之時與處于陸,規則以濕,相濡以沫之時「惠而好我,携手同行。」蓋泉涸,魚相

《静女》,刺時也。衛君無道,夫人無德。

静 見 女其 ,搔蘇刀反。 姝, 赤 朱反。 首踟直知反。 俟 我 於 蹰。 城 直誅 隅。 反 愛 而

不

度,乃可説也。 曰:「古之人君夫人、媵、妾散處後宫。 宫西北邃城隅,俟我 貞静,然後可畜美色,然後可安。」○張氏曰 毛氏曰:「静,貞 作『静女其殁』。殁,好也。 道之君所好也。□○董氏曰:「隋得江 幽閒之地也。女有静德,又處於幽閒而待進御,此有 而不見」、《説文》曰:「僾,彷彿。」許: 姝,美色也。」鄭氏曰: 介静也。 幽閑念彼姝。」吕氏 女德貞静而 石經作「愛 城隅者,後宫 左 : 「女德 有 慎引 「後 本, 法

《詩》亦作『僾』。」

鬼反。説音悦。懌音亦。女美。静女其孌,貽我彤徒冬反。管。彤管有煒,于

群妾以禮御於君所,女史書其日月,授管,筆赤管也。」史不記過,其罪殺之。 后妃后、夫人必有女史彤管之法,鄭氏曰:「彤我以古人之法,可以配人君也。 古者毛氏曰:「既有静德,又有美色,又能遺

悦懌,皆願見之辭也。」 煒,赤貌。」○朱氏曰:「此女之美,又可 御、著于右手。 當御者以 環以 進 退 銀 事 、環進之,著于左手。 生子月辰 無 大小,記 則 以 以成法。 金 環 退

匪女之爲美,美人之貽。 自牧歸荑,徒兮反。洵音荀。後放此。美且異。

以 也。 信也。」○張氏曰:「『自牧歸荑』,牧,牧地 毛氏曰:「牧,田官也。」○鄭氏曰:「洵 夷,茅之始生也。」如《甸人》供菓蓏之屬,因 贈夫人也。 德 此詩 見」,則「搔 者賢君、賢妃之相與。 不得,寤寐思服」,蓋思之切 不耕種之地,則多草木根芽。 毛氏曰: 閒 有容,事其君子,逡巡待唱於後 刺衛君無道,夫人無德,故述 之地,蓋 (首) 歸荑,以備虀俎,供豆實。」 静之至 蹰」,猶《關 一章言賢妃 也。 也。 雎》「求 愛 而 古 宫 有

> 茅也。 則所 枯 美,亦惟德美之人是貽耳。 信芳美而且異於常,乃用之以答彤管 則所説者不專以其色也。三章之義 管之光華,與其 謂 二章言賢 楊 通,横渠之説差近。《大過》「九二, 後宫 謂 [生稊],鄭康成《易》作「荑」。 然 蓋所以贈之者,非其女色之爲 荑者,凡草木根芽皆是,非獨 西 田官獻新物於君,所歸之荑 (妃貽 北 乃 以彤管女史之法戒,彤 城隅,必有所據, 容色之美,皆可説懌

《静女》三章,章四句。

作是詩也。伋,●宣公之世子。○孔氏曰:「此時伋于河上而要於遥反。之,國人惡烏路反。之而《新臺》,刺衛宣公也。納伋之妻,作新臺

本改。

❶ 「伋」,原作「汲」,據宮内廳本、四庫本與《墨海金壺

之求,籧音渠。篨音除。不鮮。斯踐反。新臺有泚,七禮反。河水瀰瀰。莫爾反。燕婉妻蓋自齊始來,未至於衛,而公於河上爲新臺待其至。」

之辭也。」鄭氏曰:「伋之妻來嫁於衛,本求燕婉之 者也。宣公之行,非復人理,尚可謂之 婉」作「暥婉」。 人,謂伋也。 人歟? 燕婉是求,而得此匪 氏曰:「籧篨、戚施、皆惡疾之不能爲 篨,不能俯者。」○孔氏曰:「鮮,王 曰:少也。」朱氏曰:「言其不知醜之多也。」○曾 劉氏曰"「泚者,水中臺影鮮明之貌。」〇孔氏曰: 曰:「瀰瀰,盛貌。燕,安。婉,順也。 籧 「言河水者,表作臺之處也。」〇毛氏 《爾雅》曰:「四方而高曰臺。」《尚書》注曰: 「土高日臺。」〇毛氏曰:「泚,鮮明貌。」長樂 反得籧篨,謂宜公也。」○《説文》「燕 人,深惡之 肅

之求,籧篨不殄。新臺有洒,七罪反。河水浼浼。每罪反。燕婉

戚施。 《韓詩》作浘浘,音尾,云:『盛貌。』」 ○《釋文》曰:「洒,《韓詩》作濯。浼浼, 《韓詩》作浘浘,音尾,云:『盛貌。』」 《韓詩》作浘浘,音尾,云:『盛貌。』」 《韓詩》作浘鴻,音尾,云:『盛貌。』」 《韓詩》作湄。浼浼,

世子,而得宣公。」戚施,不能仰者。」魚網者宜得魚,鴻乃鳥也,反離焉。猶齊女以禮來求毛氏曰:「言所得非所求也。鄭氏曰:「設

能仰者,戚施之疾證,非於此取義也。指之。不能俯者,籧篨之疾證, 不籧篨之,而以惡疾

(新臺》三章,章四句。

詩也。
争相爲于爲反。死,國人傷而思之,作是《二子乘舟》,思伋、壽也。衛宣公之二子

中心養養。 二子乘舟,汎汎芳劍反。其景。願言思子,

救之不可得,是以思之養養然。」人傷其往而不返,汎汎然徒見其景,欲所定。」○蘇氏曰:「自衛適齊必涉河,國「願,念也。」○毛氏曰:「養養然,憂不知「願,念也。」○毛氏曰:「養養然,憂不知

有害。 二子乘舟,汎汎其逝。願言思子,不瑕

其所,不得爲無瑕。陷父於不義,不得毛氏曰:「逝,往也。」〇王氏曰:「死非

弟相戮,亦獨何哉?」 惡傷父之志。 争死以相讓,此與晉太子申生不敢明驪姬之過同,俱 公曰:「余讀世家言,至於宣公之子,以婦見誅,弟壽 害」也,是以恕之云爾。」《史記・衛世家》太史 爲 人怨之曰:『不瑕有害。』唯其能『不瑕有 無 害。 雖然,其心豈 然卒死亡,何其悲也? 有 他 或父子相殺,兄 哉 故詩

《二子乘舟》二章,章四句。

邶國十九篇,七十二章,三百六十三句

吕氏家塾讀詩記卷第四

汎

被柏舟,在彼中河。

髡徒坎反。

彼兩髦,音

實維我儀,之死矢靡它。

母也天只!

禮之正而能守義,故以首《鄘風》也。」

范氏曰:「衰亂之世,淫風大行,共姜得

鄘音庸

説已見《邶》。

莊公亦止有母姜氏,此其比也。」 謚。」〇吕氏曰:「《序》言父母、《詩》獨云母,蓋止是母意, 《序》并言之,文勢當爾,如《將仲子》云『父母之言』,時鄭 許,故作是詩以絕之。鄭氏曰:「共姜,婦人從夫 死,其妻守義。 《柏舟》,共音恭。 父母欲奪而嫁之,誓而弗 姜自誓也。 衛世子共伯

音紙。不諒人只!

我之匹,故我不嫁也。」〇朱氏曰:「告其 母而質之於天,曰:『何其不信我也?』 朱氏曰:「以夫已死不忍斥,故以兩髦言之。」實是 夫家,是其常處。兩髦之人,謂共伯也。 也。」〇鄭氏曰:「舟在河中,猶婦人之在 之,至也。至己之死,信無他心。 也,猶夫曰皇辟,辟亦法也。」 矢,誓。靡,無。 反。鬌,音朵。 注:『諸侯禮,士既殯,脱髦。』,纚,色蠏反。 緌,汝誰 父母既没則去之。《喪大記》云『小斂,主人脱髦』, 鬌,其制未聞。《内則》云:「子事父母,緫、拂髦。」言 氏曰:「《禮》:「世子昧爽而朝,亦櫛、纚、笄、緫、 髦,冠、緌、纓。」□○孔氏曰:「髦者,用髮爲之,象幼時 毛氏曰:「興也。 之貌。髦者,髮至眉,子事父母之飾。 兩1者,以象幼時餐,則知餐以挾囟,●故兩髦也。❷ 儀,匹也。吕氏曰:「儀,以夫爲法 中河,河中。 髪,兩 諒,信 髦

0 囟」,原作「匈」,據《墨海金壺》本與《毛詩正義》改。

原作「毛」,據《墨海金壺》本與《毛詩正義》改。

八四

以母爲親,故稱母而不稱父。」○《釋文》曰:《序》所謂誓而不許者如此。」范氏曰:「女子

发白于, E 发 可 训「髦,《 韓詩》作 髳。」

諒人只!特,之死矢靡慝。他得反。母也天只! 不特,之死矢靡慝。他得反。母也天只! 不汎彼柏舟,在彼河側。髧彼兩髦,實維我

作直,云:『相當值也。』」其絶之甚矣。」○《釋文》曰:「特、《韓詩》慝,邪也。」○王氏曰:「以再嫁爲慝,則義。而以爲匹者,古人用字多如此,猶治之謂亂也。」義氏曰:「特,匹也。朱氏曰:「特,有孤特之毛氏曰:「特,匹也。朱氏曰:「特,有孤特之

國。 《史記》載共伯,釐侯世子。 語》又稱武公年九十有五,猶箴 殺。按:武公在位五十五年。 葬,武公襲攻共伯,共伯入釐侯羡,自 計其初 `,其齒又加長於武公,安得謂之 使果弑共伯而 即位,其齒 篡立,則 蓋 己 共伯見 釐侯已 四 + 弑 國

> 弑之惡也。 《詩》安得猶謂之「髡彼兩髦」乎? 是 《詩》安得猶謂之「髡彼兩髦」乎? 是 而共伯自殺,則是時共伯既脱髦矣, 假既小斂則脱之,《史記》謂釐侯已葬 蚤死乎? 髦者,子事父母之飾。諸

《柏舟》二章,章七句。

子、戴公、文公、宋桓夫人、許穆夫人。」公卒,惠公幼,其庶兄頑烝於惠公之母,●生子五人:齊乎君母,國人疾之而不可道也。鄭氏曰:「宣《牆有茨徐資反》,衛人刺其上也。公子頑通

牆有茨,不可埽也。

中冓古候反。之言,不

可道也。所可道也,言之醜也。

之言」,注:「應劭曰:『中冓,材構在堂牆也。」〇《前漢・梁王共傳》「聽聞中冓毛氏曰:「茨,蒺蔾也。欲埽去之,反傷

❶ 「兄」,原作「子」,據《墨海金壺》本與《毛詩正義》改。

木也。 疾之而不能不道。 之,則不可復讀。 言,謂頑與夫人淫昏之語。]〇范氏 之中也。」顏 悔而相戒也。」 而道之,則不可復詳。 掃之則傷牆,道之則傷君。 應説近之。」〇鄭氏曰:「中 師古曰:『構,謂 詩人之意,本不欲道, 既道而復以爲耻,又 必不得已 舍之交積 必不得已 丽 曰

言也。 奥之處也。「中冓之言」,若曰閨門之中冓,當從應劭、顔師古説,蓋閩内隱

所可詳也,言之長也。 牆有茨,不可襄也。中冓之言,不可詳也。

文》:「詳、《韓詩》作揚。」●言之也。不欲言,故託以長。」○《釋毛氏曰:「襄、除也。」○朱氏曰:「詳,詳

> 閨中之言至不可讀,其汙甚矣,聖人何 誦言也。」○楊氏曰:「公子頑通乎君母, 毛氏 隱而不彰也。 君,自以謂密於閨門之中,世無 取焉,而著之於經也? 經,使後世爲惡者,知 者,故自肆 曰:「東 而不反。 而去之。」〇朱氏曰:「讀, 其爲訓戒深矣。」 雖閨 聖人所以著 蓋自古淫亂之 中之言, 得 之於 而 無 知

《牆有茨》三章,章六句。

佗,待河反。如山如河,象服是宜。子之不君子偕老,副笄六珈。音加。委委於危反。佗

^{↑ 「}揚」,原作「楊」,據四庫本、《墨海金壺》本、《經典釋

淑,云如之何!

翟、音狄。 《追師》云『追衡笄』,注云:『王后之衡笄,皆以玉爲 典反。 氏 可知。」紒,音計。 也。 朱氏 其弘廣也。] 〇鄭氏曰:「象服者,謂褕音遥。 Ш 氏曰:「宣姜行步有儀,其舉動之貌,如 副既笄而加此飾,故謂之珈。 之,垂于副之兩旁當耳,其下以紞懸瑱。」珈之言加,由 以覆首爲之飾,編列他髮爲之,假作紒形,加於首上。 最盛者,所以别尊卑。」孔氏曰:「副之言覆,所 毛氏曰:「能與君子偕老,乃宜居尊位,服盛服也。」 而偕死也。婦人夫死稱未亡人,言待死 云予欲觀古人之象,日月星辰之屬。)毛氏曰:「副者,后、夫人之首飾,編 . 曰:「委委佗佗,雍容自得之貌。」○孔 如 河。」朱氏曰:「如山,言其安重也。 髮爲之。笄,衡笄也。 今宣姜夫死而 曰:「君子,其夫 闕 翟 追,丁回反。紞,丁敢反。 也。 人君之象服 淫,是失偕老之義。」 也。 六珈,必飾之有六,但 偕老,言偕 珈,笄飾之 則 如河,言 舜所 孔氏 生 蒲

爲不善,當如之何?」○《釋文》「佗佗」曰:「翟而言象者,象鳥羽而畫之。」服飾如是,而

作「他他」。

哲星 殿反。 帝 如雲,不屑蘇節反。 班音此。兮玼兮,其之**翟也**。 也? 歷反。 也,象之揥粉帝反。 也。 胡然而天也? 髢 徒帝反。 也,揚且七也反。 也。 **鬒**真忍反。 玉之瑱 胡然而 之 吐

揥。 也。 潔美。□○毛氏曰:「瑱,塞耳也。 髮益之。 雲,言美長也。屑,潔也。」○鄭氏曰: 黑髮也。《釋文》曰:「服虔云:「髮美爲鬒。」」如 刻繒爲翟雉之形,而彩畫之以爲飾,不用真羽。」上覧 摘髮也。 曰:「《説文》云:『髲,益髮也。」言婦人髮少,聚他 毛氏曰:「玼,鮮盛貌。 髢, 髲也。 ゚」揚,眉上廣。」○朱氏曰: 孔氏曰:「翟,雉名也。 不潔髢者,言婦人髮美,不用他髮爲髮而 孔氏曰:「以象骨搔首,因以爲飾,名之 不潔者,不用髮爲善。」孔氏 鄭 注《周禮》:『三翟皆 翟,褕 一 且 揥,所以 翟 一,語助 闕 濯

美,見者驚猶鬼神也。」「胡然而天,胡然而帝,言其服飾容貌之也。」〇毛氏曰:「皙,白皙。」〇朱氏曰:

媛王眷反。也。之清揚,揚且之顔也。展如之人兮,邦之為側救反。絺,是紲息列反。袢符袁反。也。子蹉七我反。兮瑳兮,其之展陟戰反。也。蒙彼

爲媛。」《說文》曰:「鏡,眉目之間也。」 《說文》曰:「鏡,玉色鮮白。」○毛氏曰: 《說文》曰:「瑳,玉色鮮白。」○毛氏曰:「禮有展衣者,以丹縠戶木反。爲衣。蒙,之盛服也。」○孔氏曰:「紲,去蒸熱之服也。裨延,是之盛服也。」○孔氏曰:「繼,去蒸熱之服也。裨孫,締也。鄭氏曰:「起,以丹縠戶木反。爲衣。蒙,獨,廣揚而顏角,以丹穀戶木反。爲衣。蒙,獨。」《說文》曰:「瑳,玉色鮮白。」○毛氏曰:《說文》曰:「瑳,玉色鮮白。」○毛氏曰:《說文》曰:「瑳,玉色鮮白。」

責之也。二章之末云「胡然而天也?一章之末云「子之不淑、云如之何」,

辭益婉而意益深矣。
云「展如之人兮,邦之媛也」,惜之也。嚴,胡然如天乎? 胡然如帝乎? 三章之末

九句,一章八句。《君子偕老》三章,一章七句,一章

《桑中》,刺奔也。 衛之公室淫亂,男女相《桑中》,刺奔也。 衛之公室淫亂,男女相此懈慢也。」 此懈慢也。」

《桑中》、《溱洧》諸篇,幾於勸矣。夫

● 「音」、《墨海金壺》本作「色」。

其來尚矣。 聘之所用也。桑間濮上之音,鄭衛之 記》所謂 者亦以 有直 子取 常、教坊各有司局,初不相亂。 言古樂、新樂,齊宣 樂也,世俗之所用也。 篇乎?」曰:「《詩》,雅樂也。 意,隱然自見於言外矣。」或曰 曰 曰:「仲尼謂《詩》三百,一言以蔽之, 冒之以 此類是也。」或曰:「後世狹邪之樂府, 有 微諷之者 思無邪」,詩人以無邪之思作之,學 鋪 之,何 陳 |刺之者、《新臺》之類是也; 無 其事,不加 此 皆别 桑間濮上之音,安知非即 邪之思觀之。 《君子偕老》之類是 詩之《序》,豈不可乎?」 也 戰國之際,魏文侯與子夏 而言之。 티: 一王與孟子言古樂、 辭而意自見者, 「《詩》之體 雅、鄭不同部 雖今之世,太 閔惜懲創之 祭祀、朝 况上 不 同, 此 樂

> 綱也。 中之理 曾謂 與鄭 謹世 猶止 當正者,無大於此矣。 鄭果嘗厖雜,自衛反魯正樂之時, 序》獨能知之。 近於 於周道之衰,其聲雖已降於 語》答顔子之問,迺孔子治天下之大 示萬世,反收鄭聲以備六藝乎?」 圃 春 衛之聲合奏,談俗樂者尚非之, 變之始也。 諷 |於中聲,荀卿獨能知之。 秋 仲尼反使雅、鄭合奏乎? 於鄭聲亟欲放之,豈有删《詩 之世 乎? 勸百,然猶止於禮義,《大 《桑中》、《溱 仲尼録之於經,所以 有 借使仲尼之前,雅 編 鄭 唐明皇令胡部 衛 樂 曲 学諸 煩促,而 其辭 於 雅 《論 所 雖 作 音

美孟 宫,送我乎淇之上矣。 毛氏曰:「爰,於也。 遊姜矣。 期我乎桑中,要於遥反。 唐,蒙,菜名。 我乎上 孔

Æ

爰采

唐矣、沫音妹。

之鄉矣。

云誰之思?

《桑中》三章,章七句

曰:「《釋草》云:「唐,蒙,女蘿。

葑者,欲適幽遠,行其淫亂,不敢正名: 名也。」○長樂劉氏曰:「采唐、采麥、采 而託之以采唐也。」 著姓也。」〇毛氏曰:「言世族在位皆有 都朝歌以北是也。」○蘇氏曰:「姜、弋、庸,皆 衛邑]。」蘇氏曰:「《書》曰:「明大命于沬邦。」蓋紂 行。 桑中、上宫,所期之地。淇,水 女蘿,兔絲。二沫

弋矣。期我乎桑中,要我乎上宫,送我乎 淇之上矣。 爰采麥矣,沫之北矣。云誰之思? 美孟

《公》、《穀》作定弋。」 毛氏曰:「弋,姓也。」朱氏曰:「《春秋》定以

我乎淇之上矣。 美孟庸矣。期我乎桑中,要我乎上宫,送 爰采葑孚容反。矣,沬之東矣。云誰之思?

姓 鄭氏曰:「葑,蔓菁。」〇毛氏曰:「庸 也。

> 《鶉音純之奔奔》,刺 宣姜鶉鵲之不若也。 衛 宣姜也。 衛人以 爲

殊失聖經之旨矣。」 大。而近世有以獻議,乞於經筵不以《國風》進讀者 《定之方中》之前。」因以是説考於歷代,凡淫亂者,未 有不至於殺身敗國而亡其家者,然後知古詩垂戒之 《鶉之奔奔》是也。 之者、《君子偕老》是也, 傳》曰:「楊氏曰:「此載衛爲夷狄所滅之因也,故 之方中》,美文公,而衛復興焉。」胡氏《春秋 盡、天理滅矣,國從而亡,故次之以《定 范氏曰:「宣姜之惡,不可勝道 疾而刺之,或遠言焉,或切言焉。 衛詩至此,而人道 切言之者, 也。 遠言 國人 在

以爲兄。 鶉之奔奔,鵲之彊彊。 音姜。 人之無良,我

鄭氏曰:「奔奔、彊彊,言其居有常匹,飛 相隨。」《釋文》曰:「《韓詩》云:「奔奔、彊彊,

九〇

奔」作「賁賁」。 之兄。」孔氏曰:「惡頑之辭。」○《左氏傳》「奔匹之貌。□○毛氏曰:「良,善也。 兄,謂君

爲君。鵲之强强,鶉之奔奔。人之無良,我以

《鶉之奔奔》二章,章四句。君。《左傳》筮穆姜曰君,其出乎是也?」毛氏曰:「君,國小君。」孔氏曰:「夫人亦得曰

疑在今東郡界。 焉。」○孔氏曰:「《鄭志》答張逸問曰:『楚丘在濟河間 焉。宋氏曰:「懿公九年冬,狄入衛,懿公敗死,宋桓 《定丁佞反之方中》,美衛文公也。 公卒,立其弟燬,是爲文公。 迎衛之遺民,立宣姜子申,以廬於漕,是爲戴公。 宫室,得其時制,百姓説音悦。之,國家殷 狄而封之。文公徙居楚丘,始建城 滅、東徙渡河、野處漕音曹。邑、齊桓 ,則在河南矣。 衛本河北,至懿公滅,乃東徙渡河,野處 楚丘與漕不甚相遠,亦河南明矣。」」 於是齊桓公城楚丘 衠 一公攘戎 市 爲 是年戴 而 而 | 狄所 遷 誉 衛

爱伐琴瑟。室。樹之榛側巾反。栗,椅於宜反。桐梓漆,定之方中,作于楚宫。揆之以日,作于楚〇杜預云:「楚丘,濟陰成武縣西南。」

也。 之景,其端則東西正也。 之地中央,樹八尺之臬,以縣正之,視之以其日出日 縣以水,望其高下,高下既定,乃爲位而平地, 景,夜攷之極星,以正朝夕。]注云:"於四角立植,而 以景。爲規,識日出之景與日入之景。 北。孔氏曰:「《匠人》云:「水地以縣,置槷以縣,視 之月,定星方中,北與極星相直,景之可以正地勢。 楚宫,楚丘之宫。 宫室,故謂之營室,謂小雪時。]〇長樂劉氏曰: 爲正也。」〇鄭氏曰:「定星昏中而正,於是可以 定。」孫炎曰:「定,正也。天下作宫室者,皆以營室中 人以知東西,南視定,北準 毛氏曰:「定,營室也。《爾雅》曰:「營室謂 自日 出 丽 畫其景端,❶以至日入。既則爲規 揆,度也。 又爲規以識之者,爲其難 ·極,以 **晝參諸日中之** 日 於所平 正 出 「建亥 營制 南 測 Ħ

❶ 「畫」,原作「畫」,據《墨海金壺》本與《毛詩正義》改。

疏》曰: 類此矣。」 可以備籩實。」梓、漆之供器用可 伐琴瑟,則榛、栗之爲女贄,朱氏日 瑟,言豫備也。」〇范氏 木者求用於十年之後,其不求近功,凡 美其新造,而志於永久。] 〇蘇氏 爲梓。二○鄭 《草木疏》曰:「梓實桐皮曰椅。」 〇 陸 實如小栗。」〇毛氏 定星參之,經傳未有定星正南北者。」室,猶 屈之,以指臬,則南北正也。 也。」〇《釋文》曰:「榛、木叢生也,似梓, ,謂北辰也。」傳言「南視定」,不然。 ,兩端之内規之,規之交乃其審也。 「楸音秋。 氏 曰 : 之疏理白色而 「其長 曰:「椅,梓屬。」陸璣 日中之景,最短者也。 曰:「椅、桐 大 可伐 《匠人》不言以 度兩交之間 知。 氏 日:二 以 生 〇 草 : 種 是 子 「榛 爲 可 以 琴 者 木 栗 極 中

允 景 升 山 彼 虚起居反。 與 爱,於也。 京 降 觀 矣,以望楚矣。 他日於此伐琴瑟。 于 桑。 卜云其吉,終然 望楚 與堂

> 願也。」 其所,不敢遑寧。 蠶。 其 卜所言也。」長樂劉氏曰:「建國之初,憂民之不得 其旁邑朱氏曰:「堂,楚丘之旁邑也。」及 也。 而營宫室也。 山,審其高下所依倚。」○朱氏 必卜之。」○鄭氏曰:「登虚以望楚丘, 王 虚』是也。」朱氏曰: 楚丘有堂邑。 處,於是下 氏 龜 日 〇王氏曰:「卜言吉,於是遂建 "「虚者,若《左氏》所謂『有莘之 \ \ \ \ \ · 而觀 曰『終然允臧』者,喜其果遂於 終然允臧者,言今信善如 允,信。 景 「虚,故城也。」〇毛氏 山、大山。 焉, 臧,善也。 則又多桑 曰:「既 京, 其 高 日 城 丽 建 宜. 丘 丘 市 得 觀 國

于桑」,以細察其土宜。「升彼虚矣」,以領略其大勢。「降觀

來。扎三千。始銳反。于桑田。匪直也人,秉心塞淵,騋音始銳反。于桑田。匪直也人,秉心塞淵,騋音靈雨既零,命彼倌音官。人。星言夙駕,説

鄭氏曰:「靈,善也。」李氏曰:「言好雨也。」〇

氏曰:「《記》曰問國君之富,數馬以對。」 〇程 王 騋。 後卜以决之,卜洛亦然,古人之爲皆如 曰 厚者爲之,非輕揚淺薄者之所能致。] 〇 獨此人操心誠實而淵深,其所畜之騋牝 淵,深也。」張氏曰:「淵,虚 蘇氏 地之初,屬文之勢然也。今文首言 亦三千矣。」○蘇氏曰:「富彊之業,必深 田,務農急也。」〇朱氏曰:「詩人因言 命主駕者: 人也,亦小充此道矣。] 〇毛氏曰:「馬七尺 曰:「塞則多不明,塞淵則實而明,猶曰誠明云爾。 「説,舍也。」○鄭氏曰:「塞,充實 毛 ,,然後原其 "「一章言建國之事,次章方言相 氏 氏曰:「言國君之富者,宜以馬 騋馬與牝馬也。」○鄭氏曰:「文公 曰:「見星而駕。」〇《釋文》曰: 曰 零,落 雨止,爲我晨早駕。 初者多矣。 也。 倌人,主駕者。」〇 明如淵也。」〇朱氏 既度其 欲往 也。」朱 可, 也 其 度 氏 非 桑 是

《定之方中》三章,章七句。勤勞,以致殷富。」

是也。

人謀臧,

則

龜

筮從矣。

卒章叙

其

蝃蝀在東,莫之敢指。女子有行,遠于萬反。「不齒者,不與相長稚。」道化其民,淫奔之耻,國人不齒也。鄭氏曰:《蝃丁計反蝀都動反》,止奔也。衛文公能以

父母兄弟。 陽唱陰 遠父母兄弟,婦 東。在東者,陰方之氣就交於陽也 憂於不嫁而 東,人所醜也。」〇鄭氏曰:「女子有行 以手指者,因《詩》之言。 來交陽,人所醜惡,故莫敢指之。今世俗不 蝀,陰陽氣之交,映日而見,故朝 毛氏曰:「蝃蝀,虹 和,男行女隨,乃理之正。 爲淫 人生而 奔之過乎? 女子之奔,猶蝃蝀之 也。」〇程氏日 有適 人之道,何 惡之甚。」 西 今陰 而 蝃 夫 暮

○《爾雅》蝃作螮。

國人疾淫奔者,言女子終當適人,非 見矣。 《竹竿》,蓋衛女思家,言女子分當 久在家者,何爲而犯禮也?《泉水》、 水》、《竹竿》辭同 則欲亟 可得也。 人,雖欲常在 女子有行,遠父母兄弟。」此 去家而不 則 父母兄弟之側,有所 欲常居家而不 而意不同。 · 能 得,其 可得, 詩及《泉 (善惡 此詩 適 煮 可 不

遠兄弟父母。朝隮子西反。于西,崇朝其雨。女子有行,

陽感陰,則是陽爲倡,而陰從之也。故朝。」○范氏曰:「朝隮于西,陽感陰也。○毛氏曰:「崇,終也。從旦至食時爲崇隮」,鄭氏注曰:「麖,虹也。《詩》曰:「朝隮于西。」」陰,則理之順。」《周禮》「眡祲掌十煇之法,九曰程氏曰:「朝隮于西,乃陽方之氣來交於

行,遠父母兄弟,亦猶是矣。」 崇朝其雨,此陰陽之相應也。女子有

命也。 乃如之人也,懷昏姻也。大無信也,不知

矣。 謂貞信之教。 違背其父母,可 曰:「人雖有欲、苟惟欲之從、則 毛氏曰:「乃如是淫奔之人也。」〇程 性也。 而入於禽獸矣。女子以不自失爲信,所 命。」王氏曰:「男女之欲,性也。 命,正理也。 今也從欲而不知命有所制,此之謂不知命也。」 蝃蝀》三章,章四句。 以道制欲, 有命焉,君 則 謂 人道 7子不謂 能 無 廢 氏 順 信

臣,而 《相息亮反鼠》,刺 相 鼠有皮,人而無 刺在位承先君之化,無禮 無禮 儀。 也。 人而 衛 文公能 無 儀 儀, 也 Œ

不

死

其

群

毛氏曰:「相,視也。」○鄭氏曰:「儀,威何爲?

而拱,謂之禮鼠,亦或謂之拱鼠。」○朱氏曰:「人立。」○山陰陸氏曰:「今一種鼠,見人則交其前兩足禮儀,而不如鼠。」韓愈《聯句》云:「禮鼠拱而有皮、齒、體以全其形。今汝在位,反無儀也。」○陳氏曰:「鼠卑汙可惡之物,猶

何俟?相鼠有齒,人而無止。人而無止,不死

而

無

儀,則其不死,亦何爲哉?」

相鼠有體,人而無禮。人而無禮,胡不遄市可觀。」」 可觀。」」 鄭氏曰:「止,容止。《孝經》曰:『容止

《马氏曰:「豊,支豊臣。 觉,甚也。」專反。死?

拔也。疾惡不深,則遷善不力。《相鼠》之惡無禮,何其如是之甚也?毛氏曰:「體,肢體也。遄,速也。」

相鼠》三章,章四句。

子多好善,賢者樂告以善道也。《干旄音毛》,美好呼報反。善也。衛文公臣

人之本,謂之風。」 三氏曰:「以素絲、組馬以好賢者,臣子 正以文公故也。然則文公之臣子好善如此, 人,見愠於群小,以至於覯閔受侮者,以 人,見愠於群小,以至於覯閔受侮者,以 之好善也。人君之好善,則非特如此, 王氏曰:「以素絲、組馬以好賢者,臣子

子,何以畀必寐反。之? 紕符至反。之,良馬四之。彼姝赤朱反。者孑孑居熱反。干旄,在浚蘇俊反。之郊。素絲

物,所建各不同,若王建太常,諸侯建旗,孤卿建旃,大天王之首有,旄有羽。 旄者,牛尾也。羽, 夏翟之羽,有虞氏以爲綏。後世或無,故染鳥羽用之,謂爱和,有虞氏以爲綏。後世或無,故染鳥羽用之,謂是之羽,也。 李氏曰:「干與『竹竿」字通用。 夏采。」〇程氏曰:「注旄干首,九旗皆然」,九旗之之夏采。」〇程氏曰:「孑孑,特出之貌。」〇孔氏曰:「朱氏曰:「孑孑,特出之貌。」〇孔氏曰:

馬五之。彼姝者子,何以予之?

里建旗。」《大司馬》又曰:『百官載旗。』旗亦有旌,二 章互文也。言旄則有旒縿,言旟則亦有旄矣。 | 下 邑|

毛氏曰:「鳥隼曰旟。孔氏曰:「《周禮》:「州

孑孑干旟,在浚之都。素絲組音祖。

之,良

子,言其德之美,指衛之臣子。」

乎? 干旄、欲有所咨問於我、我將何以畀之 錯之狀。祝,疑爲竺,❶厚積之意。□○朱氏 毛氏 「此設爲賢者之言。言衛之卿大夫建此 也,謂以束帛乘馬行禮於賢者。紕,疎布之狀。 良馬,所以好賢者也。」程氏曰:「素絲,束帛 也。」〇王氏曰:「素絲爲組,所以帶馬。 外謂之郊。」○毛氏曰:「紕,所以織組 旟、旌,建之車後。」○ 夥,所銜反。 縿。」朱氏曰:「縿,旗之體也。旒,縿之垂也。 大夫建旗而來,就浚之郊,禮下賢者。」其下有旒 夫、士建物是也。 云旄、云旗、云旌,皆通言尔。 曰:「浚,衛邑。」○《爾雅》曰: 言不知所以 副其意者。 旒,力周反。 彼姝者 티 : 組,密 謂卿 邑 旄

「紕之以爲組

日都。」朱氏曰:「都,居民所聚也。」○王氏曰

之。彼姝者子,何以告之? 孑孑干旌,在浚之城。 素絲祝之,良馬六

日 言其盛。凡《詩》之言,類此者多矣。」○《左氏傳》 好賢益篤,則賢者益至。不好賢,則士 之益多,見其禮之益加也。 益遠遯也。」朱氏曰:「五之、六之者,取協韻而極 祝,斷也。」〇程氏曰:「馬四至於五、六,馬 王氏曰:「組成而祝之,故初言紕,中言組,終言祝 縿,有旃旟之稱。未設旒終,空有析羽,謂之旌。」城, 雅》云:『注旄首曰旌。』則干旄、干旌 都城也。朱氏曰:「浚,都之城也。」祝,織也。」 毛氏曰:「析星歷反。 「《干旄》『何以告之』,取其忠也。」 《干旄》三章,章六句。 羽爲旌。 郊、都、城、 也。 孔氏曰: 既設旒

一一、原作「笠」、據四庫本、《墨海金壺》本改

0

九五

氏家塾讀詩記

君死於位曰滅。露於漕邑者,謂戴公也。 人,俱公子頑烝於宣姜所生也。]〇朱氏曰:「露,未有宮 之小,力不能救,思歸唁音彦。 不得,故賦 分散,露於漕邑,許穆夫人閔 自傷不能救也。 馳》,許穆夫人作也。 是詩 也。 衛 懿公爲 鄭氏曰:「滅者,懿公死也。 狄 閔其宗國 . 衛之亡,傷許 人所滅,國 其兄,●又義 戴公與許穆夫 顛覆

於是者可知矣。」 覆滅,莫大之變,顧以父母既終而不得歸,則事變之微 以著禮之經。列《載馳》於後,所以盡事之變。 重於亡故也。」朱氏曰:「聖人録《泉水》於前,所 者,義也。 范氏曰:「先王制禮,父母没則不得歸 雖國滅君死,不得往赴焉, 夫宗國 義 寧

漕。 載馳 大夫跋蒲末反。 載驅,歸唁衛 侯。 涉,我心則憂。 驅 馬 悠悠,言 至 于

毛氏 悠,遠貌。」朱氏曰:「悠悠,遠而未至之貌。」漕, 衛東邑。 草行曰跋,水行曰 載,辭 也。 吊 失 國 涉。《釋文》: 曰 唁。

> 託以不欲勞其大夫之跋涉也。」〇《釋 文》驅作駈,曰:「字亦作驅。」 夫寧其兄弟。 也。」〇朱氏曰:「夫人父母不在,當使大 《韓 曰 詩》曰: 「載馳 不不 載驅,急也。 由 夫人欲自歸 蹊 遂 而 涉 曰 言至于漕,思之 跋涉。□○ 唁其兄弟,而 范 氏

不遠。 既 不 我嘉,不能旋反。視爾不臧,我 思

室而廬居也。」

鄭氏曰:「 也。」 嘉,善善 也。 爾,許人也。

則 見,初不閟也。 弟之間,有災患不臧,其心如之何? 於衛矣。 許人既不以我歸衛 我之思不遠矣。 爲許 人者, 則 不閟 盍 亦視 我 亦不 爾 父子兄 能 然 旋 易 反

既 不 我 嘉,不能旋 濟。 視 爾 不 臧, 我 思不

0 毛詩正義》改。 其」,原重文,據宫内廳本、四庫本、《墨海金壺》本與

閣。悲位反。

渡之水也。」 朱氏曰:「濟、渡也。自許歸衛,必有所

懷思,然今之所以迫切者,亦各有道。「女子善懷,亦各有行」,言女子雖多其蝱,以療鬱結之疾。」

其狂惑乎? 不然,何其不相體悉,不且尤我之歸,意者衆人其幼穉乎? 程尤我之歸,意者衆人其幼穉乎? 建江,蓋言我憂患如此之迫切,彼方 之也。「衆穉且狂」,非真指許人以爲

百爾所思,不如我所之。 大邦,誰因誰極? 大夫君子,無我有尤。我行其野,芃芃蒲紅反。其麥。控苦貢反。于

識緩急,一至於是也?

長。」○朱氏曰:「百爾所思,不如我所之者,

長。」○朱氏曰:「吉我將行其野,涉芃

也。」○朱氏曰:「言我將行其野,涉芃

也。」○朱氏曰:「言我將行其野,涉芃

因而何所至乎。雖大夫君子爲我思所

因而何所至乎。雖大夫君子爲我思所

之爲愈也。」王氏曰:「控,持而告之也。因,

经欲歸唁之辭。」

子。」〇毛氏曰:「行,道也。」〇朱氏曰:

書》:「岸善崩。」」女子之於懷思,甚於男

「善,猶多也。」 意已如此。

朱氏曰:「《漢

雕國十篇,三十章,百七十六句。 「《載馳》五章,或言四章,一章、三章章六句,二章,以《春秋傳》叔孫豹賦《載馳》 之四章,取「控于大邦」,非今日四章故也。」 之四章,取「控于大邦」,非今日四章故也。」 之四章,取「控于大邦」,非今日四章故也。」

吕氏家塾讀詩記卷第五

瞻彼淇奥,緑竹猗

猗。

於宜反。

有匪

一君子,

切如瑳,七河反。

如

琢如磨。

瑟兮僴遐板

兮,赫兮恒况晚反。

兮。

有匪

君子,終不

吕氏家塾讀詩記卷第六

説已見《邶》。

衛

規諫,以禮自防,可知矣。」 交戒我。」又作《賓之初筵》、《抑》戒之詩以自警。 于師長士,苟在朝者,無謂我老耄而舍我,必恪恭於朝以 曰:「武公年九十有五,猶箴儆于國,曰:『自卿以下,至 能聽其規諫,以禮自防,故能 而作是詩也。孔氏曰:「武公和,釐侯子。」〇朱氏 入 、相于周,美 有文章,又 其能聽

《淇奥於六反》,美武公之德也。

可諼况元反。

子,終不可諠兮」者,道盛德至善,民之 學》曰"「『如切如瑳』者,道學也。 『如琢 貌。 不能忘也。」〇程氏曰:「赫兮咺兮,成德 也。『赫兮咺兮』者,威儀也。『有斐君 如磨』者,自脩也。『瑟兮僴兮』者,恂慄 其匪色,必似鳴矣。」匪者,有文章之謂也。」治骨 態。」匪,文章貌。 咺,威儀容止宣著也。諼,忘也。」○《大 切,象曰瑳,玉曰琢,石曰磨。瑟,矜莊 曰:「猗猗,美盛貌。 《三都賦序》云:「見緑竹猗猗,則知衛地淇奧之産。」 毛氏 ○朱氏曰:『《漢書》所謂『淇園之竹』是也。』○毛氏 之旁,至今多美竹,他所弗迨也。」晉左思 奥,謂水涯彎曲之地。] ○長樂劉氏曰: 僴,寬大也。 曰:「興也。 王氏曰: 赫,有明德赫 奥,隈 程氏曰:「猗猗,言竹之 「《考工記》曰: ●『且 也。 長樂劉 **添林然。** 「淇水 氏

工」,原作「功」,據《墨海金壺》本改。

氏曰:「緑,王芻也。竹,萹竹也。」 咺,《韓詩》作藩,徒沃反。 云:『萹筑也。』 石經同。 毛學自治而然。」 〇《釋文》曰:「《韓詩》竹輝著于外也。 首章言其德美文章,由善

不 可 星。 充耳 瞻彼 洪奥,緑竹青青。 瑟兮僴兮,赫兮咺兮。 琇 瑩。 音營。 會古外反。 子丁反。 有匪君子,終 弁皮: 有匪君 〈變反。 子, 如

作宣

皪皪而 鄭氏 如 中,每貫結五采玉十二以爲飾,謂之綦。《詩》云「會弁 皮弁、各以其等爲之」、注云:「會、縫中也。 師》云「王之皮弁,會五采玉璂。諸侯及孤卿、大夫之 其色。」充耳謂之瑱。 毛氏曰:「青青,茂盛貌。 言其威儀之美,服飾之盛。」 玉 |星||是也。||武公諸侯,則玉用三采而璂飾七。| () |瑱,諸侯以石。弁,皮弁。|孔氏曰:《弁 曰:「會,謂 處 ,狀似星也。」〇程氏 弁之縫中。 琇瑩,美石也。 程氏曰: 飾之以 皮弁之縫 「青青,言 天子 玉,

> 金如 重直恭反。 瞻彼淇奥,緑竹如簣。 錫 如 圭如 古岳反。 璧。 兮。 寬兮綽兮, 音責。 善戲謔兮,不爲 有匪 猗 君子, 於綺反。 如

虐兮。

程氏曰:「如簣,言其盛密比如簣。」〇毛 虐矣。」○鄭氏曰: 凡五尺五寸。 寸謂之式,又於式上二尺二寸横一木謂之較,去車床 長四尺四寸三分,前一後二,横一木,下去車床三尺三 較,卿士之車。」孔氏曰:「《周禮・輿 曰 曰:「言其成質之美,如金錫圭璧然。」〇《爾 氏曰:「金錫鍊而精,圭璧性有質。」程 不爲虐也。」毛氏曰: 言其樂易,而以 落手憑下式,而頭得俯。」○程氏 《周禮》無重較、單較之文。」〇吕和叔曰:「古者車 曰:「寬,弘裕也。 「較,兩輪上出式者。」則較謂車兩傍,今謂之平較。 「寬,綽也。」郭璞云:「謂寬裕也。」〇程氏 古人立乘,若平常則憑較,若應爲敬,則 「君子之德,有張有弛,故不常矜莊 綽,開豁也。」〇毛氏 禮自防節,不至於過,是 「寬緩弘大,則雖戲謔,不 曰:「善戲謔 人》注云: 曰]:「重 雅 但 箱 氏

而時戲謔。」

《淇奥》三章,章九句。

之士,而無悶於世。」| ○程氏曰:「《考《孔叢子》:「孔子曰:『於《考槃》見遯世賢者退而窮處。孔氏曰:「莊公楊,武公子。」

深念其不得以善道告君,故陳其由也。」德體寬裕,而心在朝廷,寤寐不能忘懷,長。諼,忘也。在澗獨寐,覺而獨言。」長。諼,忘也。在澗獨寐,覺而獨言。」長。諼,忘也。在澗獨寐,覺而獨言。」長氏曰:「考,成。槃,樂也。山夾水曰

君。」〇《釋文》曰:「澗,《韓詩》作干,云:楊氏曰:「矢,如《皋陶》[矢厥謨]之矢,自陳不能忘其

墝埆之處也。」

永矢弗過。古禾反。 考槃在阿,碩人之邁。苦禾反。獨寐寤歌,

黄曰干。J」 「阿'《韓詩》作干。《章句》曰:『地下而〔阿'《韓詩》作干。《章句》曰:『地下而氏曰:「自陳不得過君朝。」○董氏曰:毛氏曰:「曲陵曰阿。邁'寬大貌。」○楊

弗告。 考槃在陸,碩人之軸。獨寐寤宿,永矢

氏曰:「自陳不得告君以善。」 「軸·盤桓不行,從容自廣之謂也。」○楊《爾雅》曰:「高平曰陸。」○蘇氏曰:

諼 。况元反。

訓詁所出耳。以上兩章觀之,蘇氏説差近,但未見之儒,形容甚癯者也。軸之義未詳,「考槃在澗,碩人之寬」,非所謂山澤

《考槃》三章,章四句。

憂之。 上僭,莊姜賢而不答,終以無子,國人閔而《碩人》,閔莊姜也。莊公惑於嬖妾,使驕

碩人其頎,其機反。衣於既反。錦褧苦迥反。不親。」 不親。」 不親。」 在親:「此詩皆陳莊姜宜答,而君

之姨,譚公維私。

齊侯之子,衛侯之妻,東宫之妹,邢侯

周公之後也。譚近齊。」○《白虎通》夫人所生之貴。」女子後生曰妹。妻之姊妹之妹。」東宮,太子所居也。繫太子言之,明與同母,見齊太子也。孔氏曰:「《左氏》曰:「娶於東宮得臣齊太子也。孔氏曰:「《左氏》曰:「娶於東宮得臣齊太子也。孔氏曰:「《左氏》曰:「娶於東宮得臣齊太子也。孔氏曰:「《左氏》曰:「娶,東宮,《議灣》作景,《禮記》作網。」○鄭氏曰:「聚,禪也。衣錦尚之以禪衣,爲其文之太著。」也。衣錦尚之以禪衣,爲其文之太著。」

〇王氏曰:「言族類之貴。」爲公。《詩》云:『覃公維私。』覃,子也。」曰:「伯、子、男臣子於其國中,褒其君曰:「伯、子、男臣子於其國中,褒其君

子也。言其方正潔白而比次整齊也。」螓首,廣願 曰:「茅之始生曰荑,脂之凝者曰膏。」領,頸也 蜻,如蟬而小,有文,此 而方。」①鄭氏曰: 故以比頸。」瓠犀,瓠瓣。朱氏曰:「瓠犀,瓠中之 蝤蛴,蝎蟲也。孔氏曰:「蝤蛴,在木中,白而長 毛氏曰:「如荑之新生,如脂之凝。 曰 情,好口輔。孔氏曰:「服虔云:「輔,上頷 蛾,蠶蛾也,其眉細 「螓,謂蜻蜻也。」○孔氏曰:「蜻 蟲 額 廣 而且方。二〇朱氏 而長。二〇)毛氏 朱氏

❶ 「廣賴」、《毛詩正義》作「賴廣」,當據改。

句逸。」 二句在《衛風·碩人》之二章,下一 倩兮,美目盻兮,素以爲絢兮。』」注:「上 分。」朱氏曰:「白黑分明。」○王氏 色之美。」〇《論語》:「子夏問曰:「巧笑 是牙外之皮膚,頰下之别名也。」上盼,白 曰:「言容

弗音弗。 有驕,起橋反。 碩人敖敖,五刀反。 以 朝。 朱憤符云反。 直遥反。 説始鋭反。于農郊。 大夫夙退,無 **鑣 鑣,表驕**反。 四 使 翟 牡

壯貌。 而 中之鑣也。」鑣鏣 汗,又曰排沫。」〇孔氏曰:「此鑣自解飾之所施,非經 曰"「四牡,車之四馬。」○毛氏曰"「驕, 且以爲飾。《釋文》曰:「鑣,馬銜外鐵也,一名扇 毛氏 舍也。」○毛氏曰:「農郊,近郊。」○朱氏 盛,❶《清人》云: .日:「敖敖,長貌。」○孔氏曰:「説, 幩,飾也。 ,盛貌。 「駟介應應。」」程,❷車也,夫 人君以朱纏 孔氏曰: 「四牡之馬鑣鐮 鏣 扇汗,

> 人視大夫。大夫退,然後適小寢釋服。」○《釋文》 也。」〇《玉藻》曰:「君日出而視朝,退適路寢聽政,使 退,無使君勞於政事,而不得與夫人相 親也。」鄭氏曰:「以君夫人新爲妃耦,宜親親之故 車馬之盛,以入君之朝。國人樂得以爲 翟羽爲之飾,蓋厭翟也,次其羽使相厭也。」○朱氏 莊公之配,故謂 曰:「言莊姜自齊來嫁,舍止近郊,乘是 乘車不露見,車之前後設幛以自隱蔽,謂之茀。 人以 翟 羽 飾 車。 諸大夫朝於君者宜早 **弗,蔽也。」孔氏曰:「婦** 因 人

反。 濊 孽孽,魚竭反。 河水洋洋,北流活活。 ,呼活反。 曰:「説,本或作税。」 **葭**音加。 鱣陟連反。 菼 他覽反。 鮪于軌反。 古闊反。 揭揭。 居謁反 施罛音孤。 發發,補末

濊

庶士有朅。

欺列反。

庶姜

0

義》改、 "牡」,原作「牝」,據四庫本、《墨海金壺》本及《毛詩 正

[「]翟」、《毛詩正義》重文,下「翟」字屬下讀。 當據改。

網,❷尾發發然。」 葭,蘆。 爲黄魚。」陸璣云:「鮪魚形似鱣而青黑,頭小而尖,似 聲也。」鱣,鯉也。 氏曰:「此章言齊地廣饒,士女佼好,禮 之,蘆、薍别草也。」揭揭,長也。」○鄭氏曰: 孔氏曰:「郭璞云:『蘆,葦也。 鮪、鱣、鮥皆異魚。」發發,盛貌。《釋文》曰:「魚著 鐵兜鍪,大者不過七八尺,一名鮥。1以今驗之,則鯉 活,流也。 孔 儀之備,而君何爲不答夫人?」○《釋 飾。」○董氏曰:「庶士,其媵臣也。」○鄭 云:「薍,或謂之荻。 至秋堅成,則謂之萑。」以今驗 在頜下,體有邪行甲,無鱗,大者長二三丈,今江東呼 流活活。] 〇毛氏 至於河,衛居河之西,則自齊適衛,河界其中,故曰北 文》曰:「發,《韓詩》作鱍。 《説文》曰:「濊,礙流也。」❶○朱氏曰:「濊濊,罟人水 郭璞云:「鯉,今赤鯉也。鱣,大魚,似鱏而短,鼻口 庶姜,謂姪娣。]〇毛氏曰:「孽孽,盛 河 罛,魚罟。 在 曰:「洋洋,盛大也。 齊西 鮪,鮥音洛。 北流。」董氏日 濊濊,施之水 菼, 薍 五患反。 薍,似葦而小。]陸璣 孽、《韓詩》作 也。孔氏曰: 齊 也。 地

《碩人》四章,章七句。 巘。朅,《韓詩》作桀。」

君也。」 故《氓》之詩,不罪於其民,而曰『刺時』者,知風之自於其 也。 義,終其身而弗悔者。 逆其理者無以保於其生。 刺淫泆也。長樂劉氏曰:「夫婦者,五品之本,匹配雖 配。 《氓》,刺時也。 自於人謀,義理實根於天地。 色衰,復相棄背。 大行,男女無别, 耦,故序其事以風福鳳反。 風化流於其民,陷之於不義而顛沉其生,亦可傷哉 宣公之時,禮義消亡,淫 或乃困而自悔,喪其妃音 遂相奔誘。 宣公不道 蓋肇有人倫以來,未聞違理犯 順其道者足以安於其位 ,自班於禽犢,不足紀 焉。 華户花反。 美反正 風

陳氏曰:「詩人蓋有所指而云,備一人之

0

作「凝」。

改。 《 「網」,據官內廳本、四庫本、《墨海金壺》本

始末以爲戒也。」

秋 匪 貿絲,來即我 氓之蚩蚩, 尺之反。 以 我 、爲期。 (愆期) 棄而悔,乃人情之常,何美之有 美反正」、「刺淫泆」,此 ,子無良媒。 謀。 抱布貿莫豆反。 送子涉淇,至于頓丘 將七羊反。子無怒, 兩語煩贅,見 絲。 匪來

期 之期 室家也。 此民非來 者,男子之通稱。」〇毛氏曰:「丘 頓丘。」○鄭氏曰:「良,善也。將,請也。 始蠶,孟夏賣絲。匪,非。 曰:「幣者,所以貿買物也。」 〇鄭氏 毛氏 無知之貌。」〇毛氏曰:「布,幣也。」鄭氏 此頓丘,定室家之謀。 故語之曰 ,子無善媒,來告期時。 曰 「氓,民也。」〇朱氏曰: 言民誘己,己乃送之涉淇水, 買絲,但來就我,欲與我謀爲 請 子 無怒,秋以與子 非 即,就也。 我 曰:「季春 民 心欲過子 欲 一成爲 蚩蚩 爲

> 言。 乘彼垝俱毁反。 復關,泣涕漣漣。 也。 期。」朱氏曰: 爾卜 歸也。 氓 送之於野 良媒,以往來道達,故我行計未成耳 假貿 與之謀,則爾汝之矣。 爾筮, 絲 及氓之歸 「初言氓 ,謂之曰 而 垣,音袁。 體 來即 音連。 無咎言。 者,始見其 我謀,本謀挈 ,是女乃遲遲 匪 既見復關,載笑載 以 望 此言之次第。」 我 以爾 愆 來,莫知其 復關。不見 期 車 也 是女 ·來,以 一,子無 未行 爲 誰 加

是卦之繇也。」賄,財。 猶有臭。』是龜之繇。《易》曰: 體,兆卦之體。孔氏 毛氏 皆有繇辭。《左傳》曰: 喜如此。]〇毛氏曰:「龜曰 泣涕 漣 氓之所在也。」○李氏曰:「『不見復 `既見復關,載笑載言」,言其既見 曰:「垝,毀也。」○蘇氏 漣』,言其未見也,其憂 『其繇 遷,徙也。]○歐 티 : 『困于石、據于蒺藜。』 謂龜兆、筮卦 薰 ١, 日 蕕,十 蓍曰 也,二 九也,其 如 復 ·年尚 筮。 此。 關 關

我賄呼罪反。

遷。

至前 計 記

とこち、はまたまっこ きもん・まなる 决以卜筮、於是我從子而往爾。」曰:「子初來即我謀、我既許子,而爾乃

之耽兮,猶可説也。女之耽兮,不可説 葚。音甚。于嗟女兮,無與士耽。 桑之未落,其葉沃若。于嗟鳩兮,無食 百行, 失其 猶可說,而 事,惟以貞信爲節。」〇朱氏曰:「士之耽 耽 落,以比色衰而愛弛也。] 〇毛氏 沃若,以比始者容色美盛,情好歡洽之時也。 而 朱氏曰:「沃若,潤澤貌。」○歐陽氏 桑之沃若,諭男情意盛時可愛。 悔之辭。 ,樂也。」○鄭氏曰:「説,解也。 殞,又諭男意易得衰落。」朱氏日 鳩 説而恕之也。」 īE. 可以 也。 , 則 餘無 女之耽不可説者,婦人深自 功 主言婦 食桑葚 過 可觀 相 過, 除。 爾,非 人惟 則醉 至於婦 以 曰:「鳩,鶻音 貞信爲節,一 真 加 以 都南反。 傷其性。 人無外 士之耽 桑之黄 士有 「桑之 至黄 曰: 也。 桑

> 貧。 女也不爽,士貳其行。 桑之落矣,其 一三其德 淇水 湯湯,音) 黄 而 傷。 隕。 漸 下孟反。 自 子廉 我 徂 反。 爾,三 士也 車 B)罔極, 帷裳。 歲 食

故也。」 行,蓋 歸 朱氏 之車 容,以帷障車之旁,如裳以爲容飾。」爽,差也。」 往爾男子之家,三歲之後,貧 毛氏 ○毛氏曰:「湯湯,水盛 也。 也。 曰:「隕,墮也。」○孔氏曰:「自我 由其心無所 女未嘗差其所守,而士者自貳其 「淇水 鄭氏曰: 漸 「帷裳,童容也。」〇孔氏曰: 其車之帷裳,言見棄 至極,而二三其德 貌。 帷裳,婦 於衣 食。

朱氏曰:「靡,不也。夙,早也。興,起意反。其笑矣。静言思之,躬自悼矣。矣。言既遂矣,至于暴矣。兄弟不知,咥許三歲爲婦,靡室勞矣。夙興夜寐,靡有朝

也。咥,笑貌。言我三歲爲婦,盡心竭朱氏曰:「靡,不也。夙,早也。興,起

旦,不思其反。反是不思,亦已焉哉。 旦,不思其反。反是不思,亦已焉哉。 世,而爾遽以暴戾加己。」○鄭氏曰: 送矣,而爾遽以暴戾加己。」○鄭氏曰: 送矣,而爾遽以暴戾加己。」○鄭氏曰: 以,則咥咥然笑我。」○朱氏曰:「然亦何 一朝不然者,與爾始相與謀約之言既已 一朝不然者,與爾始相與謀約之言既已 一朝不然者,與爾始相與謀約之言既已

也?」〇朱氏曰:「我緫角之時,與爾宴想。」〇朱氏曰:「我緫角之時,與爾宴也。孔氏曰:「声其懇惻歎誠。」〇蘇氏曰:「始也將與女偕老,今老而反使我怨。」「始也將與女偕老,今老而反使我怨。」以中,以上曰:「母人未笄,直結其髮,聚之爲兩髮也。與氏曰:「泮,讀爲畔。畔,崖也。」緫角,結也。鄭氏曰:「泮,讀爲畔。畔,崖也。」緫角,結也。鄭氏曰:「泮,讀爲畔。畔,崖也。」緫角,結也。鄭氏曰:「泮,讀爲畔。畔,崖也。」忽角,結

也。」〇《説文》旦旦作恳恳。『思其終也,思其復也』,『思其反』之謂如之何哉? 亦已而已矣。《左傳》曰如之何哉。 既不思其反復而至此矣,則亦於此也。既不思其反復而至此矣,則亦樂言笑,成此信誓。曾不思其反復以至

《氓》六章,章十句。

而不困也。」
《竹竿》,衛女思歸也。 適異國而不見答,《竹竿》,衛女思歸也。 道不見答,退不得歸,則如之交,或遇或不遇,命也。 進不見答,退不得歸,則如之之,或遇或不遇,命也。 道異國而不見答,

乎? 遠而不可至爾。」出而見之。」○朱氏曰:「我豈不思衛白:「衛女之思歸者,述其國俗之樂,云曰:「衛女之思歸者,述其國俗之樂,云曰:「衛女之思歸者,述其國俗之樂,云曰:「籊籊,長而殺也。」○歐陽氏

— 0八

兄弟父母。 泉源在左,淇水在右。女子有行,遠云萬反。

母兄弟。』」國而不得見也,故曰:『女子有行,遠父游泳二水之間,其樂如此。今也嫁於異泉源,解見《泉水》。〇李氏曰:「言舊時泉源,解見《泉水》。〇李氏曰:「言舊時

佩玉之儺。乃可反。 淇水在右,泉源在左。巧笑之瑳,七可反。

有所不如也。」 ○歐陽氏曰:「思衛女之在其國者,巧笑毛氏曰:「瑳,巧笑貌。 儺,行有節度。」

寫我憂。 淇水滺滺,音由。 檜楫松舟。 駕言出遊,以

「楫,捷也,撥水行舟疾也。」○歐陽氏曰:「淇云:「楫謂之橈,或謂之櫂。」橈音饒。」○《釋名》云:楫,所以櫂直教反。舟。」《釋文》曰:「《方言》毛氏曰:「滺滺,流貌。檜,栢葉松身。

浟浟,曰:「本亦作滺。」○朱氏曰:「『駕言出遊,以寫我憂』,與水滺悠然,有乘舟而遊者,亦可樂也。」

《竹竿》四章,章四句。

《芄音丸蘭》,刺惠公也,驕 芄蘭之支,童子佩觿。 能不我知。 之。杜預云:「惠公即位時年十五六。」 所以 氏曰: 錐,以象骨爲之,可以解結。」人君治成 弱。」孔氏曰:「芄蘭,蔓生,斷之有白汁,可啖。 毛 雖童子猶佩。」〇朱氏曰:「雖則佩觿,然 莢支出於葉間,垂之如觽狀。]○毛氏曰: 名蘿摩,幽州人謂之雀瓢。 氏曰: 解 「支、枝同。」沈括云:「支,莢也。 結,成人之佩 容兮遂兮,垂帶悸 「興也。」〇鄭氏曰:「芄蘭柔 許規反。 也。 此草支葉柔弱。□○朱 而無禮,大夫刺 孔氏曰: 其季反。 雖 人之事 則 「觿,貌如 佩 兮。 芄蘭牛 觿 艡

佩玉也。」〇毛氏曰:「垂其紳帶,悸悸然有節度。」 () 「容,容刀也。」〇孔氏曰:「《大東》云「鞙鞙佩璲」,璲, 無 緩放肆之貌。 成 而 無 人之德,但 禮 i; 餘 無 悸 所 能 ,帶下垂之貌。」鄭氏曰: 傲 然 也。 不 容兮遂兮,舒 我 知 而 己

而出。」

能不我甲。容兮遂兮,垂帶悸兮。 芄蘭之葉,童子佩韘。失涉反。雖則佩韘, 董氏曰:「支,石經作枝,《説文》同。」

日: 其 以鈎弦,用象骨爲之。」甲,狎也。」○廣 則佩韘。孔氏曰:「玦,决也。 朱氏曰:「沈括云:『芄蘭之葉,如佩 之狀。」]〇毛氏曰:「韘,玦也。 驕 慢 獨再言『容兮遂兮,垂帶悸兮」,而 無所知之氣象,蓋莫掩 挾矢時著右手巨 漢 能 張 射 御

《芄蘭》二章,章六句。大而已。 大而已。 能不我甲,言但能不我親狎,妄自尊《釋文》曰:「甲、《韓詩》作狎。」

是詩也。鄭氏曰:「宋桓公夫人,衛文公之妹,生襄公《河廣》,宋襄公母歸于衛,思而不止,故作

也。 孔氏曰:「夫人爲先君所出,其子承父之 者、蓋以先王之化所及也。」 俗傷敗,然而女子猶知 義而不敢過也。夫以衛之政教淫僻,風 自莊姜至於襄公之母六人焉,皆止於禮 孝,没則盡其禮 千乘之國,而不得養其母,則人之不幸 往,義也。 反,故義不得也。」○范氏曰:「夫人之不 重,與祖爲 爲襄公者,將若之何? 天下豈有無母之人歟? 一體,母出與廟絕,不可以私 而已。 有禮而畏義如 衛有婦人之詩, 生則致其 此

不可以往。」」味此詩而推其母子之對曰:『臣之舅在衛,愛臣,若終立,則曰:『請使目夷立。』公曰:『何故?』(説苑》曰:「宋襄公爲太子,請於桓公

不 丽 相 遠 曰 一, 所 載 似 可 信 也

觀矣。 意也。 不敢過焉。 欲見母, 心 母之慈,子之孝,皆 不幸處母子之變者,可 欲見舅者,恐 止於 傷 其 義 不 之 以 而

謂 誰 宋遠? 謂 河廣? 跂丘豉反。予望之。 **葦**章鬼反。 杭户郎反。 之。 誰

河 毛氏 有渡者之辭。 之不往,直以義不往耳,非爲其遠。」孔氏 我跂足則可 非爲其廣。予,我也。誰謂宋國遠與? 之,喻狹也。 曰:「文公之時,衛已在河南,自衛適宋不渡河,此 河水廣與? 曰 「杭,度也。」○鄭氏曰:「 宋,今睢 以望見之,亦喻近 音餘。 今我之不渡,直自不往耳, 陽、去衛甚遠。 一葦加 之 言宋近,猶 則 也。 可 以 今我 誰 渡 謂 假

誰 謂 河 廣 ? 不 容 刀。 誰 謂 宋 遠 曾

不崇朝

鄭氏曰: 「不容刀,亦 喻 狹。 小 船 曰 刀

> 孔氏 廣、安而 日 不傾者也。」崇,終也。 「《釋名》云: 三百 斛曰 刀。」江: 行不 -終朝 南 所 謂 短 亦 而

喻 近。 河廣》二章,章四

句

此時作,然無明文可考。」 蔡人、衛人、陳人從王伐鄭。」○朱氏曰:「先儒以此詩 《伯兮》,刺 王前驅, 過 時 時 而不 也。 ·反焉。 言君子行役,爲于僞反。 鄭氏曰:「衛宣公之時 郄

勤勞, 范氏 美之,則言其君上之閔恤。 妻,傷天地之和,致水旱之災,故聖王 毒民於死地者也。 天下之志,是以 思以閔之,故其民悦而忘死。 之東征,其詩皆叙其室家之情、男女之 憂,此人之情 如不得已而 曰:「居 哀傷慘怛,不啻如在己。 也。 耐 能 相 行,則告以歸 離 成天下之務。 文王之遣戍 孤人之子, 寡人之 則 思,期 刺之, 聖人能 丽 期, 是以 役,周公 不 兵者, 念其 則 至 通 則

其室家之怨思,以爲人情不出乎此也。」

「爲王前驅」,特詩中之一語,非大

義也。

朱反。爲于爲反。王前驅。伯兮朅丘列反。兮,邦之桀兮。伯也執殳,市

執殳而爲王前驅也。」 「婦人自言其君子之才之美如是,今乃氏曰:「殳,長丈二而無刃。」○朱氏曰:氏曰:「兔,天亡二而無刃。」○朱氏曰:鄭氏曰:「佑,君子字也。」○毛氏曰:

歷反。爲容?自伯之東,首如飛蓬。 豈無膏沐? 誰適都

適,主也。」朱氏曰:「傳云:「女爲說己容。」」也。」○毛氏曰:「婦人夫不在,無容飾。朱氏曰:「蓬,草也。首如飛蓬,髮亂

汁,可以沐頭。」魯遣展喜以膏沐勞齊傳》「遺之潘沐」,杜預注云:「潘,米膏,所以膏首面。沐,蓋潘也。《左氏

雨其雨,杲杲古老反。出日。師,則膏非專婦人用也。

願言思伯,

其

甘心首疾!

疾也。」 一 宗也。」 一 宗氏曰:「望其君子之歸而不 他也。」 一 朱氏曰:「望其君子之歸而不 他也。」 一 朱氏曰:「望其君子之歸而不 也。甘心,如人心嗜欲所貪口味,不能 也。甘心,如人心嗜欲所貪口味,不能 也。其雨其雨,而杲杲然日復出, 朱氏曰:「其者,冀其將然之辭。」 ○鄭氏

佩。願言思伯,使我心痗! 音每,又音悔。焉於虔反。得諼况袁反。草? 言樹之背。音

《説文》作意,云:「令人忘憂也。」〇董氏曰:「《韓詩 憂。 作『焉得萱草』。」 心 而已也。」〇《釋文》曰:「諼,本又作萱。」 痗焉爾。 然世豈有是哉? 心痗則其 病益深,非特首 則亦思之不 Ė 疾 而

《伯兮》四章,章四句。

庶之心,其能迨此哉?」 民也。《詩》不云乎:「愷悌君子,民之父母。」苟無子育兆 故有荒政多昏之禮,所以使之相依以爲生,而又以育人 困於凶荒,必待禮而後昏,則男女之失時者,多無室家之 多昏」,注云:「不備禮而娶婚者多也。」」○長樂劉氏曰: 《有狐》,刺時也。衛之男女失時,喪其妃音 也。孔氏曰:「《大司徒》曰『以荒政十有二聚萬民,十曰 而多昏,會男女之無夫家者,所以育人民 夫婦之禮,雖不可不謹於其始,然民有細微貧弱者,或 聖人傷之,寧邦典之或違,而不忍失其昏嫁之時也。 耦焉。 古者國有凶荒,則殺所戒反 禮

有狐綏綏,在彼淇梁。心之憂矣,之子

裳者,欲與爲室家。」 人喪其妃耦,寡而憂是子無裳,無爲作 所也。」○鄭氏曰:「之子,是子也。 梁。」〇范氏曰:「孤獨行於水之梁,失其 行求匹之貌。」〇毛氏曰:「石絶水 毛氏 日 --興也。」〇朱氏曰: 「綏綏, 時婦

有狐 無帶。 綏綏,在彼淇厲。心之憂矣,之子

危日厲。」帶,所以 毛氏曰:「厲,深可厲之旁。 申東衣。」 王氏曰: 「岸近

無服。 有狐 綏綏,在彼淇側。 心之憂矣,之子

李氏曰:「無服,言其衣服之不備也。」 《有狐》三章,章四句。

《木瓜》,美齊桓 出處于漕 車馬器服焉,衛人思之,欲厚報之,而作是 ,齊桓公救而封之,遺唯季反。之 公也。衛國有狄人之敗,

之繁馬三百。」錦三十兩。戴公卒,文公立,齊桓公又城楚丘以封之,與錦三十兩。戴公卒,文公立,齊桓公又城楚丘以封之,與五稱,牛、羊、豕、雞、狗皆三百,與門材。歸夫人魚軒、重無虧帥車三百乘、甲士三千人,以戍漕。歸公乘馬,祭服無虧帥車三百乘、甲士三千人,以戍漕。歸公乘馬,祭服持也。孔氏曰:「衛立戴公,以廬于漕,齊桓公使公子詩也。孔氏曰:「衛立戴公,以廬于漕,齊桓公使公子

永以爲好呼報反。也。 投我以木瓜,報之以瓊琚。音居。匪報也,

惟其歉然常若無物可以報之,則報者之惟其歉然常若無物可以報之,則報者之應,而不忘爾。蓋報人之施,而曰如是報之是,而猶曰非敢以爲報之當如何?」○朱氏程,而猶曰非敢以爲報之當如何?」○朱氏是,而猶曰非敢以爲報之當如何?」○朱氏是,而猶曰非敢以爲報之當如何?」○朱氏是,而猶曰非敢以爲報之以瓊琚,報之厚可,以我以木瓜而報之以瓊琚,報之厚。,而猶曰非敢以爲報之以瓊琚,報之厚之。,而猶曰非敢以爲報之以瓊琚,報之厚之。,而猶曰非敢以爲報之以瓊琚,報之厚。以齊桓公之。以瓊琚,如人之施,而曰如是報之厚矣,則報者之情倦,而施者之德忘。

情、施者之德,兩無窮也。」

也,

永以爲好也。

永以爲好也。 投我以木李,報之以瓊玖。音久。 匪報 毛氏曰:「瓊瑶,美石。」

《木瓜》三章, 章四句。

衛國十篇,三十四章,二百三句。

吕氏家塾讀詩記卷第六

吕氏 家塾讀詩記卷第七

王

是也。 宅。 都。 時會諸侯之所,以其 周,復還歸 洛陽是也。 始,武王作邑於鎬京,謂之宗周,是爲 太華外方之間,北得 鄭氏《詩譜》曰: 方六百里之地 成王在豐,欲宅洛邑,使召 既成,謂之王城,是 召公既相 處 成王居洛邑, 遷殷頑民 西 (土中, 都。 ,其封域 宅,周公往營成周 王城者, 朱氏曰: 四方來者道路均故也。 河陽 爲東都,今河 ,漸冀州之南 在《禹貢》豫 周 「成王營洛邑,爲 東 都王 公先 於 城 成 南 相 西 州 畿 自

> 諸侯 被天下,與諸侯比。 則卑矣,已比列國。 犬戎 曰王黍離云。」 曰:「自平王東遷,而變風遂作,其風及其境内而 之王國之變風。」孔氏曰:「尊之,猶稱王,在風 亂故,徙居 伯 武公迎宜臼 服 無異。 攻宗周,殺幽王于戲。 廢 申后 其 詩 東都王城,於是王室之尊 于 市而 太子、 當言周,而言王,則尊之。]〇蘇氏 然其王號未替,故不曰周 不 立之,是 能 宜 復雅,故貶之,謂 臼 奔 爲平王。 申 晉文侯、 申 黍 離 侯 不能 與 以 鄭 與

顛覆, 詩 周,過故宗 黍離》,閔 也。 彷 蒲 皇反。 廟宫 宗 周 室, 也。 徨 音皇。 盡爲 周 大夫行 不黍。 不忍去, 役, 閔 丽 周 至 室之 作 于宗 是

何 摇 彼 黍離 求。 毛氏 知我者,謂我心憂; 曰:「彼,彼宗廟宫室。」鄭氏 悠悠蒼天,此 離 彼彼 稷 · 之苗。 行 邁 不 靡 知 靡, 我 日 中 心 摇

是豐鎬爲西都。] 至十 一

世,幽

王嬖褒姒

四

遠意。蒼天,以 求,怪我久留 鄭氏曰: 憂無所附著之意。 靡,猶遲遲也。」〇孔氏曰:「揺揺,是心 粟也,止是一物也。 曰 : 秀稷未秀。」〇毛氏曰:「邁,行也 百穀之長。」沈括曰: 在中品,又似二物,故先儒共疑焉。」《説文》曰:「稷, 也。 也 之黍。孔氏 宫室毁 寡人心摇摇然,如懸旌而無所薄。』〇 天,元 孔氏曰:「黍言離離,稷言苗,則是黍 一。|孔氏曰:「粢者,稷也。 郭璞云:『今江東人呼粟爲粢。」然則粢也、稷也 「離離 壞 氣 知 丽 丽 ,垂也。」○《爾雅》曰: 廣 其 黏 曰: 地 我 降 大 不去。」〇毛氏曰:「悠悠, 者 盡爲禾 而《本草》稷米在下品,别有粟米 (者,知我之情。 體言之,尊而 監 則 「稷乃今之穄也。」粽,子例反。 『黍可爲酒。』〇孔 也。 則 稱 楚威 黍゚」○《説文》 稱 昊天,仁覆 以大暑 《曲禮》曰「稷曰明粢」是 上天, 王 謂 圃 蘇秦 據 君 種,故 謂 閔 之則 遠 我 日 曰 何 則 稱 氏 謂 靡

> 呼 蒼 其辭,不欲指斥其人 天 蒼 然 而 愬 則 曰 稱 :「致此 蒼天。」〇李氏 者何人 也。」 (哉? 曰 蓋 周 含蓄 大 夫

彼黍 我何 如 醉。 離 求。 離,彼稷之穗。 知我者,謂我 悠悠蒼天,此何人哉 心憂; 音遂。 行邁 不 靡 知 我者 靡,中

謂 心

之穗,故 毛氏 於憂也。」 曰:「穗,秀也。詩人自黍離離見 歷道其所更見。 中心 如 稷

噎。 者,謂我何求。悠悠蒼天,此何人哉 彼黍離 見也 其 忠厚之情則不然。 其心如常矣。 此常人之情也,至於君子 劉氏曰:「人之情於憂樂之事,初遇 毛氏曰:「自黍離 於結反。 心 變焉,次遇之則心微變,三遇之則 離,彼稷之實。 初 見稷之苗矣,又見稷之穗矣 知我者,謂 離見稷之實。」〇 其行役往 行 我 邁 心 憂; 靡 靡 來,故非 不 中 元 之則 知 心 城 如 我

閉 此,不可都謂之苗。一八氏曰:「噎者,咽 曰:「《黍離》之詩,言苗,言穗,言實,作文者須是 又 不少變而 塞之 見 稷 之實 名,言憂深不能喘息, 愈深,此 矣, 而 則詩人之意 所 感之心 始 也。 終 如 如 張氏 喉 如

《黍離》三章,章十句。

孔氏曰:「平王宜白,幽王子。」度,大夫思其危難乃旦反。以風福鳳反。焉。《君子于役》,刺平王也。君子行役無期

《君子于役》二章,章八句。

則棲于塒矣,日則夕矣,羊牛則下來知其還反之期,且今亦何所至哉? 雞牆爲雞作棲。」〇朱氏曰:「君子之行役,不將氏曰:「鑿牆而棲曰塒。」孔氏曰:「寒鄉鑿

作時,曰:「本亦作塒。」
欲使我之不思,不可得也。」○《釋文》塒至於行役者,乃反不也。」○朱氏曰:「雖矣。」○鄭氏曰:「言畜産出人尚有期節,

君子于役,苟無飢渴?雞棲于桀,日之夕矣,羊牛下括。古活反君子于役,不日不月,曷其有佸?卢括反

亦庶幾其免於飢渴而已矣。」以日月,而又不知其何時可以來會也,也。」○朱氏曰:「君子行役之久,不可計爲桀。括,至也。」○鄭氏曰:「苟,且爲年。括,至也。」○鄭氏曰:「苟,且

樂音洛。只且!于徐反。君子陽陽,左執簧,音黄。右招我由房。其禄仕,全身遠于萬反。害而已。然君子陽陽》,閔周也。君子遭亂,相招爲

司農云:「笙,十三簧。」笙必有簧,故以簧表笙。 () 笔也。」孔氏曰:「簧者,笙管之中金薄鐷也。」〇萬氏曰:「簧,如是。」董氏曰:「策,不任憂責,全身自樂而已。 君子居亂世不任憂責,全身自樂而已。君子居亂世程氏曰:「陽陽自得、陶陶自樂之狀,皆

可輔矣,此所以爲閔周也。」 鄭氏曰::「由,從也。招我,欲使我從之 於房中,俱在樂官也。我者,君子之友 於房中,俱在樂官也。我者,君子之友 於房中,俱在樂官也。我者,君子之友 於房中,俱在樂官也。我者,君子之友 鄭氏曰::「君子以賤爲樂,則其貴者不 可居也。雖有貴位而君子不居,則周不 可輔矣,此所以爲閔周也。」

敖。五刀反。其樂只且!君子陶陶,音遥。左執翿,徒刀反。右招我由

毛氏曰:「陶陶,和樂貌。」〇孔氏曰:

曰:「敖者,燕舞之位。」 「翿,舞者所持纛徒報反。也。」〇鄭氏

《君子陽陽》二章,章四句:「敖者,燕舞之位。」

戍于母家,周人怨思焉。《揚之水》,刺平王也。不撫其民,而遠屯

程氏曰:「諸侯有患,天子命保衛之,亦程氏曰:「治解决兵,所以制方伯之失職,非以禦夷有故,則方伯、建帥以諸侯之師救之。天子鄉遂之民,供貢賦、方伯、鄰國共保助之。」朱氏曰:「先王之制,諸侯有故,則方伯、建帥以諸侯之師救之。天子鄉遂之民,供貢賦、方伯、鄭國共保助之。」朱氏曰:「先王之制,諸侯帝,而使畿甸之民,遠爲諸侯戍守,周人以非其職而母家,而使畿甸之民,遠爲諸侯戍守,周人以非其職而母家,而使畿甸之民,遠爲諸侯戍守,周人以非其職而母家,而使畿甸之民,遠爲諸侯戍守,周人以非其職而母家,而使畿甸之民,遠爲諸侯戍守,周人以非其職而母家,而使畿甸之民,遠爲諸侯戍守,周人以非其職而母家,而使畿甸之民,遠爲諸侯戍守,周人以非其職而母家,而使畿甸之民,遠爲諸侯戍守,周人以非其職而母家,而使畿甸之民,遠爲諸侯戍守,周人以非其職而母家,而使畿甸之民,遠爲諸侯戍守,周人以非其職而是之。民之怨也,豈不亦以此歟,是之人,亦其以無人。

揚之水,不流束薪。彼其音記。之子,不與

_ _

我 之哉,思之哉,何月而得遄歸也?」 數見侵伐,王是以戍之。」○朱氏曰:「 戍 張 南,杜預曰:「今南陽宛縣是也。」 迫於 彊楚, 易求。]○歐陽氏 曰:「平王母家申國,姜姓,在陳、鄭 人謂它諸侯國人之當戍者也。」○鄭 人遠戍,久而不得代耳。 氏 ,猶東周政衰,不能召發諸侯,獨使 堪 憂。 詩 曰 懷 哉 談詩若 :「揚水悠揚緩 懷哉,曷月予 作奔湍解,王鄭諸 (日: 二 揚之水,不流 不 還 彼其之子, 流,不漂 歸 哉 蒲 思 之 氏 而 周 周 束 未

甫。 後爲甫侯。こ○孔氏 曰:「《書·吕刑》,《禮記》作《甫刑》,孔氏曰:「吕侯 毛氏曰:「楚,木也。甫,諸姜也。」朱 懷哉懷哉,曷月予還歸哉? 姜姓 申, 其實不戍甫、許也。 既 重 章 曰:「言甫、許者,以其 以 變文,因 六 國 [甫、許 氏

揚之水,不流束楚。

彼其之子,不與我

戍

揚之水,不 秦、趙 爲趙,亦此 同 流束 爲 類也。」 嬴 姓、《 蒲。 史記》、《 彼其之子,不 漢 I》多謂· 與 我 戍 秦

懷哉懷哉,曷月予還歸哉?

《揚之水》三章,章六句。《國語》曰:「申、吕雖衰,齊、許猶在。」長。」今則二蒲之音未詳其異耳。」許,諸姜也。」文》:「孫毓云:「蒲草之聲,不與戍許相協,箋義爲毛氏曰:「蒲,草也。鄭氏:「蒲,蒲柳。」〇《釋

薄,凶 中谷有 也。 衰薄,而 其使之也勤,其取之也厚,則夫婦 范氏曰:「世治則室家相保者,上之所養 匹 夫匹 世亂 年饑居疑反。 蓷 女見棄,而 詩 凶 婦 吐雷反》,閔周也。 人舉 則男女相 年不免於離散矣。 不 獲自盡、民主 一 物 饉 知人民之困。 一音觀 棄者 失 (所, 而 室家 ,上之所殘也。 夫婦 罔 相 知 伊 棄爾。 與 以 王 尹 日 爲 政 以 成 E 日 政 厥 以 衰

嘯

中谷有蓷,暵其脩矣。有女仳離,條其

條其獻矣,遇人之不淑矣。

荒民散,將 以爲國矣。」

反。 矣,遇人之艱難矣。 中谷有 離,嘅口愛反。 蓷, 暵呼但反。 其嘆土丹反。 其乾矣。 矣。 有女化匹指 嘅其嘆

而遽相 怨懟過甚之辭焉,厚之至也。」 自 年則至相棄也。」〇鄭氏曰:「慨然而 故暵則乾矣。 「蓷,谷中所生之物,待陰潤 也。」〇毛氏曰:「仳,别也。」〇程氏曰: 母。」茺、音充。蔚、音尉。 士周元明皆云菴藺是也。1《韓詩》及《三蒼説》悉云益 華,華生節間,又名益母。」陸璣《疏》云:「舊説及魏博 曰:「《釋草》云『萑,蓷』,郭璞云:『今茺蔚也,方莖白 毛氏曰:「興也。 遇斯人之艱難、遇斯人之不淑,而無 傷遇君子之窮厄。」○曾氏曰:「凶 棄背,蓋衰薄之甚者。 興夫婦樂歲 蓷, 鵻 〇孔氏曰:「暵,燥 ; 音佳。 則能相保,凶 然詩 而後能 也。」孔 入乃 生, 年 氏

淑」。」

氏

曰:「古之傷死者之辭曰」如

何

不

曰 :

「歗、長吟也、悲恨深於歎矣。」〇董

暵。」○毛氏曰:「條條

然歗

也。二〇

程

氏

陳

氏

티 :

「脩,長

茂者也。

長茂者

爲

所

猶然。 慶爲善事,凶禍爲不善事,雖今人語 古者謂死喪饑饉皆曰「不淑」,蓋 以吉

其泣矣。啜其泣矣,何嗟及矣? 中谷有蓷,暵其濕矣。有女仳離,啜張劣反。

曰:「泣者,窮之甚也。」○董氏曰:「啜, 免也。」○毛氏曰:「啜,泣貌。」○蘇氏 蘇氏曰:「及其甚也,則雖生於濕者亦不 韓詩》作惙。」

末如之何也。 啜其泣矣,何嗟及矣」,言事已至此

中谷有蓷》三章,章六句。

野者多得雉

兔,因以名之。

此

詩

亦

大

伯不朝,王以諸侯伐鄭,鄭伯禦之,戰于繻葛,王卒大敗 敗,君子不樂音洛。 平王孫。」諸侯背音佩。 《兔爰》,閔周 祝聃射王中肩。」 師取温之麥,又取成周之禾。 之,故周、鄭交質。 傳》,鄭武公爲平王卿士,王貳于號,鄭伯怨王,王 也。 桓王即位,將卒畀虢公政,鄭祭足帥 桓 其生焉。 王失信,孔氏曰: 叛,構怨連禍,王師 五年,王遂奪鄭伯政。 朱氏曰:「按《左 桓 王 曰 鄭 傷 林 無

五戈反。我生之後,逢此百罹,力支反。尚寐無吪!我生之後,逢此百罹,力支反。尚寐無吪!有兔爰爰,雉離于羅。我生之初,尚無爲。

樂生之甚。」 樂生之甚。」 樂生之甚。」 鄭氏曰:「海,庶幾也。」○毛氏曰:「罹, 藍及見西周之盛,故曰:『方我生之初, 蓋及見西周之盛,故曰:『方我生之初, 養。叱,動也。」○朱氏曰:「爲此詩者, 氏曰:「尚,庶幾也。」○毛氏曰:「罹,

《孟子》曰:「雉兔者往焉。」蓋采捕於

古孝反。 古孝反。 古孝反。 一、周人以自比也。言諸侯之背叛之小,周人以自比也。言諸侯之背叛 一、四人以自比也。言諸侯之背叛 一、四人以自比也。言諸侯之背叛

覓反。罥,古縣反。 造,爲也。」也。有兩轅,中施罥以捕鳥獸,展轉相解也。」」賢,早單。單,覆車也。」」○孔氏曰:「郭璞云:「今之翻車累」與此一也。《釋器》云:「繴謂之罿累也。 罬謂之署,覆車也。 孔氏曰:「下傳「罿,

無聰! 尚無庸。我生之後,逢此百凶,尚寐有兔爰爰,雉離于罿。昌鍾反。我生之初,

聞也。」
《韓詩》云:「施羅於車上曰罿。」」庸,用也。 聰毛氏曰:「罿,罬張劣反。 也。《釋文》曰:

《兔爰》三章,章七句。

族,乃異姓有親屬者,父族四,母族三,妻族二。」」祖、下及玄孫之親。」○孔氏曰:「《尚書》歐陽説云:『九恩《集注》本亦作桓王。」○鄭氏曰:「九族者,據己上至高王。案《詩譜》是平王詩,皇甫士安以爲桓王之詩,崔靈棄其九族焉。《釋文》作刺桓王,曰:「本亦作刺平棄其九族焉。《釋文》作刺桓王,曰:「本亦作刺平棄其九族焉。《釋文》作刺桓王,曰:「本亦作刺平東其九族焉。

謂他人父。謂他人父,亦莫我顧。縣縣葛藟,在河之滸。呼五反。終遠兄弟,

山谷丘野之地,延蔓於草木條枚之上,○《左傳》曰:「葛藟,其支蔓聯屬,自有宗族之義。」○毛氏曰:「葛藟,其支蔓聯屬,自有宗族之義。」○毛氏曰:「葛藟,其支蔓聯屬,自有宗族之義。」○毛氏曰:「葛藟,其支蔓聯屬,自有宗族之義。」○毛氏曰:「葛藟,其支蔓聯屬,自有宗族之義。」○毛氏曰:「《周南存樛木,葛藟纍之。」《邶風》云:『葛丘之葛兮,何誕之節兮。』《邶風》云:『葛正之葛兮,何誕之節兮。』《邶風》云:『葛正之葛兮,何誕之節兮。』《邶風》云:『葛正之葛兮,何誕之節兮。』《邶風》云:『葛正之葛兮,何誕之前。』《太明》。

族,遠兄弟,而謂他人父,彼非王族,亦安肯顧王哉?」 顧我之意。我,九族也。」蘇氏曰:「王今棄九 人。」〇李氏曰:「王既以他人爲父,亦無 之性也。」〇王氏曰:「謂 不生於河 ·謂他人昆,所謂不愛其 葛藟生非其地,猶宗族失所依也。 滸 水屋。 生不得 他人父,謂 其 親 地 丽 則 愛他 他 失物

他人母。謂他人母,亦莫我有。縣縣葛藟,在河之涘。音俟。終遠兄弟,謂

有也。」《左傳》曰:「不有寡君。」 毛氏曰:「涘,厓也。」〇鄭氏曰:「有,識

我相聞知也。」〇李氏曰:「不與寒云:『厓上平坦而下水深者爲漘。」」〇葉云:『厓上平坦而下水深者爲漘。』、郭謂他人昆。謂他人昆,亦莫我聞。縣縣葛藟,在河之漘。順春反。終遠兄弟,縣縣葛藟,在河之漘。順春反。終遠兄弟,

《葛藟》三章,章六句。

取

義

譲 也

彼采葛兮,一日不見,如三月兮。

其韻 爲喻 間 雖小, 毛氏 ○李氏曰:「人之譖人,多因其不見則乘 蘇氏曰:「朝有讒人,則下不 而 也,不由事大憂深也。」 ,因以月、秋、歲爲次也。 讒之。」〇孔氏曰:「既以葛、蕭、艾 曰:「興也。葛,所以 日不見於君,憂懼於讒矣。」〇 爲絺 敢有所爲。」 設文各從 綌 也。

彼采 ·蕭兮,一日不見,如三秋兮。

祭祀以脂爇之也。」○孔氏曰:「三秋,設言。 草》云:「蕭,荻。」今人所謂荻蒿,可作燭,有香氣,故 毛氏曰:「蕭,所以共祭祀。」孔氏曰:

彼采艾五蓋反。兮,一日不見,如三歲兮。 毛氏曰:「艾,所以療疾。」 三春、三夏,其義亦同,取其韻耳。」

葛之爲絺綌,蕭之共祭祀,艾之療疾, 毛氏所謂 「事雖 小」,蓋通 三章言之。

> 也。 特訓 鄭氏所箋,失傳意矣。 釋三物見 采之由,不 於此

《采葛》三章,章三句。

《大車》,刺周大夫也。 奔,故陳古以刺今,大夫不能 禮義 陵遲,男女 聽男女之

訟焉。

康之 其心,與《行露》之詩異矣,亦僅勝於 東遷之時而已。 此詩所謂 後歟 ? 陳 古,其猶 蓋 唯 能 止其奔,未能革 在 於文、武、成

爾思? 大車檻檻,毳尺鋭反。衣如菼。 畏子不敢。 吐敢反。 豈不

聲也。 毛氏 訟。」鄭氏曰:「毳衣,衣繪而裳繡,皆有五色焉,其 初生也。 曰:「《典命》:「王之三公八命,其卿六命,其大夫四 者如鵻。」○孔氏曰:「毳衣,衣三章,裳二章。」○王氏 曰:「大車,大夫之車。 毳衣,大夫之服。 菼,鵻 乘其大車檻檻然,服毳冕以 檻檻,車 也,蘆之 决

下」者,諸侯之卿大夫也。」者,卿也。然則《司服》所謂「卿大夫之服,自玄冕而去,卿也。然則《司服》所謂「卿大夫之服,自玄冕而公與侯伯同服,則卿與子男同服矣。此詩所謂周大夫公與侯伯同服,則卿與子男同服矣。此詩,則與侯伯同服矣。命。及其出封,皆加一等。」蓋八命加一等,所謂上公命。及其出封,皆加一等。」蓋八命加一等,所謂上公

思? 畏子不奔。 大車哼哼,他敦反。毳衣如璊。音門。豈不爾

了反。日。穀則異室,死則同穴。謂予不信,有如皦古

幾 之欲相奔者,畏其大夫,自以終 毛 有 如 《死得合葬以同穴而已。 『謂予不信, 其志也,故 :「穴,謂塚壙中 如皎日』,約誓之辭也。」昌氏曰:「古之所 氏曰:「穀,生。 曰生不得相奔以同室,庶 也。」〇朱氏曰:「 皦,白也。] 〇 身不 鄭 得 氏 民

> 者有所不取也。 後,前喪已葬,復啓之以納後喪,仁人有所不忍,有 謂合葬者,同 其 此云同穴者,亦同兆 兆 圃 已,非 同 坎 丽 葬 也。」 也。 蓋 死 有 先

《大車》三章,章四句

我。」朱氏曰:「將其來施施」 嗟,隱居丘陵之間,而殖 ○陳氏曰:「施施,自得之貌。」 ○蘇氏 曰:「施 求之他書? 毛氏曰:「留,氏。子嗟,字也。」李氏曰: 「所謂『彼留子嗟』者,亦猶《陳風》所謂子仲之子,豈必 民思其賢,而 施 蓋詩中所陳,便是實事迹。] 〇鄭氏 ,舒行。」《孟子》曰:「施施從外來。」 庶其 ,望之之辭也。」 麻 (肯徐 麥果實 來 曰:「子 以從 以 爲

丘中有麥,彼留子國。彼留子國,將其

來食。

《丘中有麻》三章,章四句。「貽我佩玖,冀其有以贈己也。」毛氏曰:「玖,石次玉者。」〇朱氏曰:

吕氏家塾讀詩記卷第七王國十篇,二十八章,百六十二句。

吕氏家塾讀詩記卷第八

鄭

殺,桓公死之。其子武公,與晉文侯定 也。』桓公從之。後三年,幽王爲犬戎所 子、男之國、虢、鄶爲大。君若以周 故,寄帑與賄,不敢不許。若克二邑, 伯曰:『其濟、洛、河、潁之間乎? 多故,余懼及焉,其何所 周衆與東土之人。問於史伯 鄭縣是其都也。 周 鄭 畿 氏《詩譜》曰:「初,宣王封母弟友於宗 蔽、補、丹、依、疇、歷、華,君之土 内咸林之地,是爲鄭桓公。 又爲幽王大司徒,甚得 可以逃死?」史 日:『王 今京 是其 室

宛陵縣西南。」
「文學風作。」《釋文》曰:「新鄭,在榮陽宜之,鄭之變風作。」《釋文》曰:「新鄭,在榮陽今河南新鄭是也。 武公又作卿士,國人地,左洛右濟,前華後河,食溱、洧焉。平王於東都王城,卒取史伯所云十邑之

父,謂武公父桓公也。」有國善善之功焉。孔氏曰:「武公掘突,當平王時。徒,善於其職,國人宜之,故美其德,以明《緇側基反衣》,美武公也。 父子並爲周司

衣》見好賢之至。』」

衣》。」」○《孔叢子》:「孔子曰:『於《緇《禮記・緇衣》:「子曰:『好賢如《緇

「明有國善善之功」,失其旨矣。 知其義,誤以爲稱武公之好賢,遂曰武公父子也。後之講師習其讀而不武公父子也。後之講師習其讀而不乎?「好賢如《緇衣》」,所謂賢,即謂乎。「好賢如《緇衣》」,所謂賢,即謂此詩武公入仕于周,而周人美之也。此詩武公入仕于周,而周人美之也。

兮,還予授子之粲兮。 緇衣之宜兮,敝予又改爲兮。適子之館

反。 朱氏曰:「言子之服緇衣也甚宜,其或敝 皆受館於王室。]〇毛氏曰:「粲,餐蘇尊 則爲緅,又復再染以黑則成緇矣。□○程氏曰: 緅,七人爲緇。」注:『染纁者,三人而成。 又再染以黑 所朝之政也。《考工記·鍾氏》:「三人爲纁,五人爲 朝於王、服皮弁、不服緇衣。退適私朝、服緇衣以聽其 爲朝服。《玉藻》云:「天子皮弁,以日視朝。」則卿士 於民,其君子好之,愈久而愈不厭。」〇 適,之也。」〇蘇氏曰:「諸侯入爲卿士, 韠1是也。諸侯與其臣服之,以日視朝,故禮通謂此服 曰:「緇衣,即《士冠禮》所云『主人玄冠朝服,緇 毛氏曰:「緇,黑色。」〇王氏曰:「緇衣 朝服也。」毛氏曰:「卿士聽朝之正服也。」○孔氏 漢有白粲之刑,給春導之役是也。」 〇 范氏曰: 宜,言其 桓公、武公之爲司徒、上得於君、下得 也。」王氏曰:「粲,粟治之精者。」〇朱氏曰: 稱。」〇毛氏曰:「改,更也。 帶素

之館,既還而又授予以粲也。」朱氏曰:「又將適子以飲食,此好賢之至也。」朱氏曰:「又將適子兮,又授之以飲食也。既親之,又授之兮,又授之以飲食也。還予授子之粲也,則予願爲子更爲之。」○范氏曰:

兮,還予授子之粲兮。 緇衣之好兮,敝予又改造兮。適子之館

爲也。」 (好,猶宜也。」 (鄭氏曰:「造

館兮,還予授子之粲兮。緇衣之蓆音席。兮,敝予又改作兮。適子之

《緇衣》三章,章四句。服稱其德,則安舒。」

毛氏曰"「蓆,大也。」程氏曰:「蓆,舒安之義

《左傳》:「鄭武公娶于申,曰武姜。生莊公及共叔段。莊反。仲諫而公弗聽,小不忍以致大亂焉。母,以害其弟,弟叔失道而公弗制,祭側界《將七羊反仲子》,刺莊公也。不勝音升。其

出奔共。」 二百乘以伐京,京叛大叔段,段入於鄢,公伐諸鄢,大叔 及。」大叔又收貳以爲己邑,至於廪延。子封曰:『可矣。』 命西鄙、北鄙貳於己。 公子呂請除之,公曰:『無庸,將自 爲之所。」公曰:「多行不義必自斃,子姑待之。」既而大叔 君將不堪。」公曰"「姜氏欲之,焉辟害?」對曰"「不 公曰:「不義不暱,厚將崩。」大叔將襲鄭,公命子封帥 祭仲曰: 『都城過百雉,國之害也。 也,號叔死焉,他邑唯命。」請京,使居之,謂之京城大叔 公,公不許。 公寤生,驚姜氏,遂惡之。愛共叔段,欲立之。 及莊公即位,爲之請制。 今京不度,非 公曰:『制,巖 亟請 制 如早 於 也 武

聽。 禁,祭仲諫 之也。毛氏不知其説,其叙此詩 蘇氏曰:「莊公欲必致叔于死。 『不勝其母,以害其弟,弟叔失道 也,有罪而未至于 諫而不聽,非愛之也,未得 而公弗聽,小不忍以致大 ·死,是以 一而公弗 所 諫 叔之未 以 以 而 爲 殺 不

豈敢愛之? 畏我父母。仲可懷也,父母將仲子兮,無踰我里,無折我樹杞。音起。

亂」,莊公豈不忍者哉?」

之言,亦可畏也。

父母之言,亦豈可不畏哉?」 ○朱氏曰:「雖知汝之言,誠可懷思。而色,理微赤。」折,言傷害也。」○李氏曰: 色,理微赤。」折,言傷害也。」○李氏曰: 色,理微赤。」折,言傷害也。」○李氏曰: 色,理微赤。」折,言傷害也。」○李氏曰: 色,理微赤。」折,言傷害也。」○李氏曰: 色,理微赤。」折,言傷害也。」○李氏曰: 《朱氏曰:「將,請也。仲子,祭仲也。踰,

亦可畏也。 愛之? 畏我諸兄。仲可懷也,諸兄之言,夥仲子兮,無踰我牆,無折我樹桑。豈敢將仲子兮,無踰我牆,無折我樹桑。豈敢善之,故曰「無踰我里,無折我樹杞」。 五家爲鄰,五鄰爲里,皆有地域溝樹

愛之? 畏人之多言。仲可懷也,人之多將仲子兮,無踰我園,無折我樹檀。豈敢在牆下也。」○毛氏曰:「諸兄,公族。」呂氏曰:「《孟子》曰『樹牆下以桑』,則桑

三八

亦可 也

檀材可以爲車,陸璣《疏》云:「檀木皮正青,滑澤。」」 木。」孔氏曰: 毛氏曰:「園,所 得已於姜氏者可見矣。「畏我諸兄」、 母之言,亦可畏也」,則拳拳於叔而不 於段非有所不忍也。 之類。「豈敢愛之? 畏我父母」, 告昭公以去季氏之謀,公執戈以懼 論,非愛段也。 具文見意,而莊公之 辭雖拒仲,而意則與之。 ·畏人之多言」,特迫於宗族國人之議 將仲子兮,無踰我里,無折 東 者,圃之蕃,故其 以 樹木。 「仲可懷也,父 如侍人僚 (内可 檀,彊 我 ·以種 え 樹 杞。」 忍之 木 則 芝 相 也

〈將仲子》三章,章八句。

甲治兵以出于田 叔于田》,刺莊公也。 ,國人說音悦。 叔處于京,繕市戰反。 而歸之。

> 也,洵蘇遵反。 叔于 田 巷 無 美且仁。 人。 豈 無 居 人? 不 如 叔

叔于狩,手又反。 俗好惡毀譽,不當其實故也。」 爲武。」楊氏曰:「叔段不義,而爲衆所説者,亦以衰 歐陽氏曰:「國人愛之,以謂叔出于田, 以得衆心爲仁,以飲酒 有,而不如叔之美且仁也。」〇吕氏曰: 則所居之巷若無人矣,非實無人。 巷,里塗也。」〇鄭氏曰:「洵,信也。」〇 毛氏曰:「叔,大叔段也。 國人稱之如是者,亦不義 巷無飲酒。 好 爲 好,以善服馬 田,取 豈 而 無 得衆也 飲 禽也 酒 ?

不如叔也,洵美且

出則巷無可飲酒之人矣。」 毛氏曰:「冬獵曰狩。」〇歐 陽氏 日 「叔

也 叔 ,洵美且武 適野,巷無服 馬。 豈無服 馬?

不

如叔

鄭氏曰:「適,之也。 郊外 日 野。 服

猶 服 乘 馬之人矣。」 馬 也。」〇歐 陽 氏 曰:「叔 出 則 巷 無

叔于田》三章,章五句

《大叔 不義而得衆也 于田》,刺 莊公也。 叔多才而好勇,

反。

此 足力也。 者,馳騁弋獵也。 氏曰:「段以國君介弟之親,京城大叔之貴,而 本其所起以罪之,所以爲世戒也。」永嘉鄭 故《春秋》書『鄭伯』,而詩 公。夫段之惡易知,而莊公之罪難見, 故《春秋》書『克段于鄢』以罪鄭伯。詩 人言叔多才好勇而得衆心,以深咎莊 曰:「莊公之於段,稔其惡而欲斃之也, 者又加『大』于首章,失之矣。」〇范氏 「大」以别之,非謂段爲大叔也。 而又恃其君母之愛,玩於莊公之惟其所欲,而不誰 曰:「二詩皆曰『叔于田』,故此 出而人思之者、飲酒、服馬之儔也。 所矜者,袒裼暴虎也。 人刺其君,皆 所賢者, 然不 氣習至 所 知 加

> 何也。 公也。」 欲不爲叛,得乎? 是則置段於必亂之地 者,莊

襢音袒。 大叔于田,乘乘下繩證反。 兩驂如 叔無狃,女九反。 裼素歷反。暴虎,獻于公所。 舞。 叔在藪,素口反。 戒其傷女。 馬。 執轡如 火烈具舉。 將七羊 組 音

祖

服諧 孔氏曰: 知《周禮》『中春,蒐田用火弊,獻 日肉祖。」暴虎,空手以 裼,肉袒也。 舞者,翳也。」藪,澤禽之府也。」〇朱氏 蓋《詩》所謂如舞者也。 爲。」〇毛氏曰:「叔之從公田也,驂之與 社」、《爾雅》『火田曰狩』,田未嘗不用 在車中爲服,在車外爲驂,服制於衡,不得如舞。 御者執轡 烈,熾盛貌。」〇毛氏曰:「具,俱也。)陳氏曰:「火烈具舉,疏以爲宵田。 和中節。 「織組者,揔紕於此,成文於彼。 1於手,馬騁於道, 孔氏曰:「李巡曰:「襢裼,脱衣見體 董氏曰:「五御之法有舞交衢者 兩服如驂與服諧和中節,然馬 搏之。狃 如織組之 下, 習 禽以 世。」 襢

曰

送

誤。」無作毋,曰:「本亦作無。」○《釋文》:「『叔于田』作『大叔于田』者,此事,恐其或傷女也。言其得衆如此。」也。」○朱氏曰:「國人謂之曰,請叔無習也。」○朱氏曰:「國人謂之曰,請叔無習

叔于田,乘乘黄。兩服上襄,兩驂鴈行。

户

叔在藪,火烈具揚。叔善射忌,音記。

又良御忌。 티 : 也。」〇毛氏曰: 駿,則知内者爲服,故言兩服。」裏,駕也。 駵是中,駶驪是驂」。 上駟也。」鴈行者,言與中服相次序。 者,言爲衆馬之最良也。 毛氏曰:「乘黄,四馬皆黄。」○鄭氏曰 騁馬 兩服,中央夾轅者。孔氏曰: 《小戎》云 「騏 朱氏曰: 「鴈行者,兩驂與服馬,其首差 曰磬,止馬曰控,發矢曰縱,從禽 抑磬苦定反。 「抑,發語之辭。」 駿與中對文,則驂在外,外者爲 「揚,光也。 控口貢反。 忌,抑縱 朱氏曰:「猶 退。」良, 〇毛氏 上駕 史所 也。」 日 亦善 孔 氏 謂

罕忌。 手。 叔 服並首在前,而兩驂在旁,稍出其後,如人之左右手 也。〇毛氏曰:「阜,盛也。 手,如人左右手之相佐助 于田,乘乘鴇。 鳥騘馬。□齊首,馬首齊也。」○鄭氏曰:「如 毛氏曰:「驪白雜毛曰鴇。 叔在 抑釋掤音冰。忌,抑鬯勑亮反。 藪,火烈具阜。 音保。 兩服 叔馬慢忌,叔發 也。」朱氏曰:「兩 郭璞曰:「今所謂 齊首,兩 慢,遲。 弓忌。

人乃若憂其不能制者,豈其未得莊公輕淺如此,宜其爲莊公之所易也。詩鷙鳥將擊,必匿其形,二詩所載段之

畢。」朱氏曰:「言其田事將畢,而從容整暇如

此。

《釋文》慢作嫚,曰:「本又作慢。」

馬行遲,發矢希,射者蓋矢弢弓,言田事

鬯,弓囊也。□○鄭氏曰:「田事且

畢,

則其

鬯者,盛弓之器,鬯謂弛弓而納之弢。」○朱氏曰:

希也。

掤,所以覆矢。孔氏曰:「掤,《左傳》作

冰,箭筩蓋也。」鬯弓,弢吐刀反。

弓。」孔氏曰:

心爲莊公憂耳,豈知其他哉? 談笑而道之者也。詩人直以兄弟之之云者,仇敵之心也,欲養其惡者也, 欲止其惡者也,涕泣而道之者也。易 之情也哉? 憂之云者,兄弟之心也,

《大叔于田》三章,章十句。

河北,鄭在河南,恐其渡河侵鄭,故使高克將兵於河上 之,公子素作詩以刺之。」」〇鄭氏曰:「好利不顧其君,注 能。 之本,故作是詩也。孔氏曰:「文公捷,厲公子。 進之不以禮,文公退之不以道,危國亡師 《春秋》閔公二年:『冬十二月,狄人衛,鄭棄其師。 召,衆散 竟,陳其師旅,翱五羔反。 顧其君,文公惡烏路反。 清人》,刺文公也。高克好呼報反。 使高克將子匠反。 而歸,高克奔陳。 兵而禦魚呂反。 而欲遠于萬反。 翔河上,久而 公子素惡高 利 而 衛在 克 不

胡氏曰:「人君擅一國之名寵,殺生予

莫之恤乎?」 以兵權,委諸境上,坐視其失伍離散而也。愛惜其才,以禮馭之可也。烏有假按而誅之可也。情狀未明,黜而遠之可奪,惟我所制爾。使克不臣之罪已著,

重直龍反。英,河上乎翱翔。清人在彭,駟介旁旁。褚彭反。二矛莫侯反。

河上乎逍遥。清人在消,駟介麃麃。表騙反。二矛重喬,清人在消,駟介麃麃。表騙反。二矛重喬,於外而無所事,不爲亂,則潰散爾。」

清人在軸,音逐。駟介陶陶。徒報反。左旋右負荷也。」○《釋文》云:「《韓詩》喬作鶴。」重喬,累荷也。」《釋文》云:「荷,舊音何,謂刻矛重悉,累荷也。」《釋文》云:「荷,舊音何,謂刻矛毛氏曰:「消,河上地也。 應應,武貌。

卒兵車,則左人持弓,右人持矛,中人御。」○《説 文》曰:「《詩》曰:『左旋右搯。』 土刀反 故 軍之容好而已。兵車之法,將居鼓下, 御者習旋其 中軍,謂 相遠。」○董氏曰:「陶陶,樂而自適也。」 軸,皆河上之地。久不得歸,師有遷移,三地亦應不甚 毛氏曰:「軸,河上地也。」孔氏曰:「彭、 【御者在左。」孔氏曰:「此謂將之所乘車。)鄭氏曰:「左,謂御者。 將也。高克久不得歸,日使其 (車,車右抽刃,自居中央,爲 右,車右也 若士 消

搯者,拔兵刃以習擊刺。」

其辭深,其情危矣。 抽,潰之兆也。不言已潰而言將潰,也。投石超距,勝之兆也。左旋右師久不歸,無所聊賴,姑遊戲以自樂

《清人》三章,章四句。

福鳳反。其朝焉。《羔裘》,刺朝直遥反。也。言古之君子以風

記。

之子,舍音赦。

命不渝。

以朱反。

羔裘如濡,音儒。

洵 音荀。

直且

一侯。

彼

其

音

抽,音敕由反。

中軍作好。呼報反。

處命不變,謂守死善道,見危授命之 「如濡,潤澤也。」○鄭氏曰:「是子 「如濡,潤澤也。」○鄭氏曰:「復, 「如濡,潤澤也。」○鄭氏曰:「復, 「如濡,潤澤也。」○鄭氏曰:「復, 三、「如濡,潤澤也。」○鄭明氏曰:「復, 三、「如濡,潤澤也。」○鄭明氏曰:「復,

羔裘豹飾,孔武有力。彼其之子,邦之等。」○董氏曰:「《韓詩》彼其作彼己。」

司直

主也。」
主也。」
「《唐風》云「羔裘豹袪」、「羔裘豹袖」、禮、君用氏曰:「《唐風》云「羔裘豹袪」、「羔裘豹袖」、禮、君用毛氏曰:「豹飾、緣悦絹反。以豹皮也。孔

美稱。」 「粲,光明貌。」○毛氏曰:「彦,士之心。」○范氏曰:「《羔羊》曰「素絲五紀」、「五緎」、「五 也。」○范氏曰:「《羔羊》曰「素絲五紀」、「五緎」、「五 也。」○范氏曰:「《羔羊》曰「素絲五紀」、「五 之節。然亦未詳其制也。」朱氏曰:「英,裘飾 英者,若『素絲五紀』之類,蓋衣服制度 美稱。」

《羔裘》三章,章四句。

《遵大路》,思君子也。莊公失道,君子去

之,國人思望焉。

^{烏路反。}兮,不寁而坎反。故也。 遵大路兮,摻^{所覽反。}執子之袪兮。無我惡

以遽絶也。』」 也居反。袂面世反。也。」孔氏曰:「《喪服》云: 「袂屬幅,袪尺二寸。」則袂是袪之本,袪爲袂之末,俱是衣袖。」〇朱氏曰:「君子去其國,國人思是衣神。」於其循大路而去也。攬持其袪 是衣神。」〇朱氏曰:「君子去其國,國人思 是衣神。」(《喪服》云: 是衣神。」(《喪服》云: 是衣神。」(《喪服》云: 以留之曰:「遵,循。路,道。摻,擥。袪,

好也。」
「親、棄也。」孔氏曰:「親,應毛氏曰:「魗,棄也。」孔氏曰:「魏與醜古今

武公之朝,蓋多君子矣。至於莊公,

● 「晏」,原作「宴」,據四庫本、《墨海金壺》本與《毛詩正

行也? 深矣。 後 君子安得不去之乎?「不寁故 「不寁好也」,詩人豈徒勉君子遲遲其 尚 ()無非祭仲、高渠彌、 權 謀, 感於事變,而 專 武 力, 氣 象 懷其舊者亦 祝聃之徒也 一變,左右 也, 前

《遵大路》二章,章四句。

女田 女曰 爛。力旦 刺今,不説 雞鳴,士曰 雞鳴》,刺不說音悦。 反。 德 而 翱將翔,弋羊職反。 一 昧 好呼報反。 日。 子興視夜,明星有 色也。 德也。 陳古義以 鳧 音符。

與 鴈。 鄭氏 蘇氏 夫婦相警覺以夙興。] 〇朱氏曰:「女曰 云:『繳,謂生絲爲繩也。』○矰,音增。 茀,扶弗反。 矰, 茀矢象焉。」然則繳射謂以繩繫矢而射也。 弓矢》「矰矢、茀矢用諸弋射」,注云: 「結繳於矢謂之 (曰:「弋,繳音灼。 曰 : 「明星,啓明 也。」解見《大東》。 射 也。 孔氏曰:「《司 《説文》

> 之語。」 以 歐陽氏 雞鳴矣。 雞 則可以翱翔而往,弋取鳧鴈而歸 起 鳴 |而視之。||意者明星已爛然矣,如是 曰:「古賢夫婦相警勵以勤 S 警其· 婦又語其 夫, 圃 大日 士 日 昧旦 :『若是則 一,言不 也。」 子 止 生 口 於

昧爽之交,日夕昏明之際。」 晦明未辨之時也。《列子》曰:「將旦昧,晦也。 旦,明也。昧旦,天欲旦,

老。琴瑟在御,莫不静好。 弋言加之,與子宜之。 本。□○朱氏曰:「射者,男子之事 鳧鴈以歸,則我當與子和其滋味之所 饋者,婦人之職也。 曰:「牛宜稌,羊宜黍,豕宜稷,犬宜粱,鴈宜麥,魚宜 弓微繳,加諸鳧鴈之上。」□○毛氏 蘇氏曰:「加,中也。 《史記》曰: 『以 「宜,肴也。」朱氏曰:「宜,和其所宜 婦人謂其夫既 宜言飲酒,與子 也 , 而 得 内 日 則》 其 中 弱 偕

侍御。」和樂而不淫也。」孔氏曰:「琴瑟之樂,在於和樂而不淫也。」孔氏曰:「琴瑟之樂,在於瑟之在御者,亦莫不安静而和好,言其豆,以之飲酒相樂,期於偕老。 而其琴宜,以之飲酒相樂,期於偕老。 而其琴

侯使人以弓問子貢」,皆遺人物謂之問。」○鄭氏 敷文反。帨,所類反。問,遺尹季反。 卑民反。 非特玉也,鐫燧、箴、筦、帉、帨凡可佩之物也。」〇蠙 瑀下,與璜齊,行則衝璜出聲也。」○吕氏曰:「雜佩: 瑀,復上繫於珩之兩端。 衝牙如牙,兩端皆鋭,横繫於 如大珠,在中央之中,别以珠貫,下繋於璜,而交貫於 佩之上横者也,下垂三道,貫以蠙珠。 璜如半璧,繫於 者,珩、璜、琚、瑀、衝牙之類。朱氏曰:「珩、 將爲子雜佩以贈之。」〇毛氏曰:「雜佩 蘇氏曰:「苟子有所招來而與之友者,吾 「《曲禮》云『凡以苞苴、箪笥問人者』、《左傳》『衛 鐫,宣爲反。 琚如圭而兩端正方,在珩、璜之中。瑀 燧,徐醉反。筦,忘緩反。帉 也。」孔氏

婦人之好德甚於男子。」曰:「順,謂與己和順。」〇張氏曰:「

《女曰鷄鳴》三章,章六句。

而憐其無助。至於其再人也,不能懲創世子,其立也正,故其始也,國人見其逐自立,此國人之情也。蓋忽者,先君之忽之弱爲甚,追念其資於大國,或有以也。而詩人追恨其失大國之助者,蓋見,廣漢張氏曰:「忽之不昏于齊,未爲失

故耳。」 臣 憂之而 而 人之情 良士 用 賢 猶 而至此極也。 不能餐、不能 ,於是至 不 欲 遽絶之者,以其立之正 有目 之爲 夫忽蓋不足道,而 息也,又 狡童者, 閔 其 無 而 忠 猶

有女同 玉 遊琚。 類 容,於將將言德之音,言所宜各以其 言。 謹。 毛氏 氏曰:「都,閉也。」孔氏曰:「都者,美好閑習之 姜,齊女。]○鄭氏 所以納間。 曰:「古之人於玉比德焉,於瓊琚言德 女始乘車,壻御輪三 也。 司馬相如《上林賦》云: 也。 車,顔. 曰:「親迎魚敬反。 彼美孟姜,洵恤句反。 孔氏曰: 孔氏曰: 如 舜華。 「其華朝生暮落。」佩 一周,御者代壻。」舜,木槿音 曰 「納衆玉與珩上下之間。」孟 如 字。 『妖冶閑都。』」○ 「洵,信也。」〇毛 同車 將翺 美且都 也。 將翔, 有瓊 鄭氏曰: Ē 琚, 芝 氏 佩

有女同行, 顔如舜 英。 將翺 將 翔 佩 玉 將

有女同車》二章,章六句。

將。 不可忘也。」長樂劉氏曰:「謂齊侯請妻之音,鄭人 將,佩玉聲也。」〇李氏曰:「言其德音之 毛氏曰: 七羊反。 「英,猶華也。」〇朱氏曰: 彼美孟姜,德音不忘

將

懷之不能忘也。」

善有 而深 適足以取亡而已矣。使忽誠有是 情與其身之安危,皆懵然莫之察也 勝,而信道者所 而 審量,孑孑然以文義自喜,而 拘攣,暗滯 誠有是志也。 不借助於大國 以持國者,固無待於外助也。 爲 詩 名 求其實,則質之弱固 人所閔。 圃 無情,所以卒見 Ш 動皆疑畏,浮 蓋其爲 而自求多福, 以 此功利之説所以多 益 寡 也 人淺 嗤於祭仲 可强,而 易 狹 忽非 國 惟其爲 侕 而 勢 不 多 奮 所 志 知 所 然

曰:「所美非美,所謂賢者佞,智者愚也。」《山有扶蘇》,刺忽也。 所美非美然。朱氏

且。子餘反。 山有扶蘇,隰有荷華。不見子都,乃見狂

狂人也。且,辭也。」
 舊,已發日芙蓉。」子都,世之美好者也。狂,華,扶渠也,其華菡萏。《釋文》曰:「未開日菡年氏曰:「興也。扶蘇,扶胥小木也。荷

所美非美可知矣。 朝者,不見子都,乃見狂且焉,則昭公也。朝,宜有賢俊者也。今觀昭公之山,宜有扶蘇者也。隰,宜有荷華者

狡童。 山有橋松,隰有游龍。不見子充,乃見

生水澤中,高丈餘。」」○張氏曰:「游龍,是荭草也。隰而枝葉放縱。陸璣云:「一名馬夢,葉大而赤白色,毛氏曰:「龍,紅草也。」孔氏曰:「龍草生於下本亦作喬。」(鄭氏曰:「游,猶放縱也。」○蘇氏曰:「上竦無枝曰橋。」《釋文》曰:「橋,蘇氏曰:「上竦無枝曰橋。」《釋文》曰:「橋,

賢 氏曰:「山不唯有小木,而又有大材。 其枝幹樛屈,著土處便 不唯有華,而又有草。 刺昭公之身,此篇刺昭公之所美。」 氏曰:「狡童,非有所指斥定名 「子充,不見於書, 也。」 材 無不 · 有。 人君所美,宜得其 生根 疑 亦 如 龍也。」〇 以美著也。」〇孔 然則一 也。 董 國之大, 日 美 隰

《山有扶蘇》二章,章四句。

反。而和胡卧反。也。《蘀他洛反兮》,刺忽也。君弱臣强,不倡昌亮

槁則其蘀懼風,風至而隕矣。」○陳氏云:「蘀,落也。」則落葉謂之蘀。」○蘇氏曰:「木謂木葉也。」○孔氏曰:「《七月》云『十月隕蘀』,傳毛氏曰:「蘀,槁苦老反。也。」鄭氏曰:「槁,

弱相 曰:「叔、伯,群臣 曰 服 風 ,女倡矣則 其 吹 女 者 我 相 吹 將和之。」 謂 蘀槁 也。 群臣 也 自 以 鄭 强 氏

倡予要於遥反。女。 蘀兮蘀兮,風其漂匹遥反。女。叔兮伯兮,

毛氏曰:「漂,猶吹也。」

汝矣。 乎,盍各自謀,爾 槁 昭 故其下自相倡 公微弱孤危,其群 葉之待 要,謂要結 衝 風,難將 和 也 倡我 也。 臣 及 則我其 蓋 相 矣。 君不 謂 叔 和 國 能 乎伯 汝 勢 要. 如

《蘀兮》二章,章四句。

擅善戰反。命也。鄭氏曰:「權臣,祭仲也。」《狡童》,刺忽也。不能與賢人圖事,權臣

狡童。問《碩鼠》如何? 曰:『魏之重斂,忽爲君故也。不以爲君,故詩人目之爲程氏曰:「《春秋》書忽止曰鄭忽,蓋不以

見矣。 獨夫。」 至 使 入 欲 人心 適 合 彼 樂 丽 國。 從之則 則 爲 心 君, 之 離 離 則 亦 爲 可

彼狡童兮,不與我言兮。

維子之故,

使我

不能餐七丹反。

實,孤 范氏 知,而浩然以忘之哉? 食,則棄賢可知也。 息,愛君之至也。 曰 : 危 、將亡,君子憂之,至於 「昭公有狂狡之志 夫不與我言, 然賢人豈以 亦盡其 而 無 /君之不 不 忠愛以 不 成 與 能 人 我

憂之而已。」

不能息兮。不與我食兮。維子之故,使我彼狡童兮,不與我食兮。維子之故,使我

毛氏曰:「憂不能息也。」 朱氏曰:「不與我食,猶不與我言也。」〇

疎,斯其所以亡也。 上下可謂不交矣。疎其可親,親其可賢者於忽懇懇如此,而忽不之察焉,

《狡童》二章,章四句。

豈無他人? 狂童之狂也且。子餘反。 子惠思我,褰裳涉溱。侧巾反。子不我思,行,下孟反。國人思大國之正己也。鄭氏曰:行,下孟反。國人思大國之正己也。鄭氏曰:

豈無他士? 狂童之狂也且。 子惠思我,褰裳涉洧。F帧反。子不我思,

水所出,東南至長平入潁。」○鄭氏曰:《前漢・地理志》曰:「潁川陽城山,●洧

"愚虔》二章,章一他士,猶他人也。」

《褰裳》二章,章五句。

毛氏曰:「昌,盛壯貌。」○孔氏曰:「王子之昌兮,俟我乎堂兮,悔予不將兮。

● 「類」,原作「穎」,據四庫本、《墨海金壺》本改。下一

禮,但女不將迎也。」 庶人雖無廟,亦當受女於寢堂。]〇 首 曰:「將,迎也。 肅 ,降出,婦從」,是則士禮受女於廟堂 入于廟,賓升堂,北 <u></u> 『升于堂以俟。』《 言男俟我於堂,非 面 士昏禮》『主 奠鴈,再拜稽 · 不有 程 人 氏 /捏

伯兮,駕予與行。
在於既反。錦褧苦迥反。衣,裳錦褧裳。叔兮

則 曰: 今則 也 反。 鄭氏曰:「褧,禪音丹。 叔兮伯兮,駕予與行,言此者以前之悔 爲其文之大著也。庶人之妻嫁 妻 。」朱氏曰:「婦人既悔其始之不送,而失此人也 爲之中衣,裳用錦,而 対側基反。 叔兮伯兮,豈無有駕車而迎我以行者乎?」 叔也伯也,來迎己者從之,志又易 衣纁許云反。 也。 蓋以 上加禪 袡。 襌 如鹽反。 服 縠 縠 也。 焉, 户木

與 裳歸錦

製

裳,衣錦

叔兮伯兮,駕予

言之。」 孔 婦人之服衣裳連,俱用 文者,以 氏 日 詩須 婦 人之服 韻句,故 不 殊裳, 别言之耳。 錦 ,皆有褧,故 丽 經 衣 其 裳 實 互. 異

四句。《丰》四章,二章章三句,二章章

而相奔者也。《東門之墠音善》,刺亂也。男女有不待禮

其室則邇,其人甚遠。東門之墠,茹音如。蘆力於反。在阪。音反。

毛氏 氏曰:「陂陀不平 絳。」○《 氏曰:「除地去草,故云町町。 町吐鼎反。 草,誌其所欲奔之處 門之旁 曰:「東門,城東門 爾 有 雅》 者。 塭 曰 : · 而 可 , 墠 茹藘,茅蒐所留反。 「陂彼宜反。 之外 種者名阪。] 〇 朱 氏 也。 有 茅蒐,一名茜,可以染 也 『其室則邇 阪,阪之上 者曰 墠, [阪。]孔 除 也。」孔 曰 : 地 ~,其 有 町

作 辭。」○《釋文》墠 墠。 【甚遠』者,思之切,欲 作 壇 奔 曰 : 而 未 「依 得 字 間 當 之

我即。 東門之栗,有踐家室。豈不爾思? 子不

度焉。《風雨》,思君子也。亂世則思君子不改其

子,云胡不夷?風雨淒淒,七西反。雞鳴喈喈。音皆。既見君

毛氏曰:「興也。」〇陳氏曰:「淒淒,寒

平哉?」 見此 猶 涼之氣。」○毛氏 守 人,則 時而 鳴喈 我心之所思 喈然。」○朱 曰:「風 且 豈 氏 |雨淒淒; 不 曰 坦 我 而 得 雞

胡不瘳? 敕留反。風雨瀟瀟,雞鳴膠膠。音交。既見君子,云

此而愈也。」李氏曰:「言如病之愈也。」「膠膠,猶喈喈也。瘳,愈也,言積思自朱氏曰:「瀟瀟,風雨聲。」〇毛氏曰:

不喜? 風雨如晦,雞鳴不已。既見君子,云胡

《風雨》三章,章四句。 鳴不已,此所以爲不改其度。」 也。」〇范氏曰:「如晦又甚於瀟瀟,而雞也。」〇萬氏曰:「晦,昏也。」〇鄭氏曰:「已,止

❶ 「道」、《毛詩正義》無此字。

予治。 《子衿音金》,刺學校廢也。 亂世則學校不

臣良士,大亂五世,學廢之由也。」 爲不切於世務,此學校所以廢也。] 〇范氏曰:| 之|而已。」王氏曰:「世之亂,生於上之人不學,莫 賢者欲强之於學,亦豈能也? 知反本以救之,顧顛沛於末流以紓目前之患,而以學 故人莫不肆情廢惰爲自棄之人。雖有 偷,父兄所教者趨利,朋友所習者從時, 不復主其教,則無以率之。 風俗雜亂浮 督,故人莫不强於進學。及夫亂世, 廉讓之風所漸陶,父兄朋友之義所 之,不率教者 程氏曰:「治世則庠序之教行,有 有至於移屏不齒。 故悲 又禮 法 以 「無忠 傷 勸 上 義

嗣音?青青子衿,悠悠我心。縱我不往,子寧不

反。○鄭氏曰:「嗣,續也。」○程氏曰:鄭氏曰:《禮》:「父母在,衣純以青。」」○純,諸允毛氏曰:「青衿,青領也,學子之所服。」

炎曰:『襟,交領也。』」 學而繼其音問,遽 求於汝,謂往教强聒也,子寧不思其所 而悲傷,故曰:悠悠我心,縱我不可 「交衽也。」《爾雅》曰:『衣眥謂之襟。」孫 世)董氏曰:「石經作子裣。《説文》曰: 亂, 學 校不 脩,學者棄業, 爾棄絶於善道乎?」 賢者 以 念之 反

不來? 青青子佩,悠悠我思。縱我不往,子寧

青字,其 珉亡巾反。 佩瓀玟而 毛氏曰: 本 · 緼組綬。」此云青組綬者,蓋毛讀《禮記》作 與 「佩, 而青組 鄭異 也。」不來者, 佩 綬。孔氏曰:『玉玉 玉 也。 士 佩 言其不一 瓀 一藻》: 如 兖 士 反。

不見,如三月兮!

挑他羔反。兮達他末反。

兮,在城闕兮。

日

來也。」

「挑,輕躍。達,放恣。」○鄭氏曰:「人廢學毛氏曰:「挑達,往來相見貌。」程氏曰:

石經挑作支,許慎《説文》兼用此二字。」 矣。」○董氏曰:「崔靈恩《集注》達作達, 在城闕兮,謂城之上别有高闕,非宮闕也。」○程氏 曰:「賢者念之,一日不見,如三月之久 曰:「賢者念之,一日不見,如三月之久 已。蓋士之於學,不可一日忘廢。一日 心。蓋士之於學,不可一日忘廢。一日 是氏 以釋寫》云:「觀謂之闕。」孫炎曰:「宮門雙闕。」此言 業,但好登城闕,以候望爲樂。」孔氏曰:

人而已。」○毛氏曰:「迂,誑也。」○范氏 是士,終以死亡,而作是詩也。 是士,終以死亡,而作是詩也。 人而已。」○毛氏曰:「作此 持之水,不流束楚。終鮮息淺反。兄弟,維 人而已。」○毛氏曰:「作此 持之水,不流束楚。終鮮息淺反。兄弟,維 良士,終以死亡,而作是詩也。

揚之水,不流束薪。終鮮兄弟,維予二人。完,人實廷女』,小人衆也。」 無信人之日:「揚之水,不流束楚」,弱也。『終鮮

以亡也。」
而已,然亦不能自保於讒間,此忽之所朱氏曰:「兄弟既不相容,所與親者二人

無信人之言,人實不信。

《子衿》三章,章四句。

告之也。者,乃暗於情僞,不知所倚,故提耳而者,乃暗於情僞,不知所倚,故提耳而二心而外市,僅有一二人實心向之忽既微弱,强公子復多,其臣大抵懷無信人之言,非教之以不信人言也。

《揚之水》二章,章六句。

突使祭仲壻雍糾殺祭仲,仲知之,殺雍糾,突出奔蔡,忽「魯桓十一年,祭仲立突而忽奔衛,是一争也。十五年,息,男女相棄,民人思保其室家焉。孔氏曰:《出其東門》,閔亂也。公子五争,兵革不

我員。音云。 革不息,室家不保,視其去而不能留,此所以爲閔亂。」 復歸 存。縞古老反。 舊室,《出其東門》則不然。夫婦之情未嘗衰薄,特以兵 突,是五争也。」〇朱氏曰:「五争首尾二十年。」〇曾氏 陳而立之,是四争也。魯莊公十四年,傅瑕殺子儀而 是三争也。十八年,齊人殺子亹、高渠彌,祭仲逆子儀 出其東門,有女如雲。 曰:「《氓》以華落色衰而相棄背,《谷風》以淫於新昏而 于鄭, 是二争也。 衣綦巨基反。 十七年,高渠彌弑忽而立公子 雖則如雲,匪我思 巾,聊樂音落。 亹

之妻。今亦絶去,且得少留以喜樂我云。」 〇《釋 者,非我思慮之所能及也。『縞衣綦巾, 曰:「彼衆女之中,有着縞素之衣、綦色之巾者,是我 聊樂我員」,思保其室家以相樂也。」孔氏 孔氏曰:「縞,細繒也。」綦巾,蒼艾色。」○孔氏 曰:「今女之委棄者雖多,視之而不得救 · 「云、員,古今字,助語辭也。」○范氏

文》曰:「員、《韓詩》作魂。」 毛氏曰:「如雲,衆多也。縞衣,白色。

> 則如荼, 可 與娱。 匪 我思 見。 子徐反。 縞衣 (茹藘

> > 聊

茶也。 之如荼,韋昭云:「茅茶秀。」❷亦以白色爲如荼。」如 即委葉也。鄭於《地官・掌茶》注及《既夕》注與此箋 也。」〇朱氏曰:「茅蒐可以染絳。」 蘆,茅蒐之染,女服也。」鄭氏曰:「茅蒐,染巾 王夫差黄池之會,❶言白常、白旗、素甲、白羽之矰,望 穗,非彼二種荼草也。言『荼,英荼』者,英是白貌。 皆云"「茶,茅秀。」然則此言如茶,乃是茅草秀出之 ○孔氏曰:「《釋草》有「茶,苦菜」,又有「茶,委葉」。 毛氏曰:「闉,曲城也。 《邶風》「誰謂荼苦」,即苦菜也。《周頌》「以薅荼蓼」: 「門之外有副城,回曲以障門者謂之閩。」茶,英 鄭氏曰:「荼,茅秀,物之輕者,飛行無常。 閣,城臺也。 陳氏

出其東門》二章,章六句。

0

出其闉音因。

閣,音都。

有女如荼。

音徒。

雖

義》改。 ·池」,原作「地」,據四庫本、《墨海金壺》本及《毛詩正

⁰ 作「茶茅」。 「茅茶」、《毛詩正義》、《四部叢刊 》影印《國語》章 '昭注

野有蔓草》二章,章六句

流,民 [《]野 有蔓音萬 窮 於兵革,男女失時,思不期 草》,思遇 時 也。 君之澤 不 而 下

語,從而附益之。 君之澤不下流」、蓋講師見「零露」之

清揚婉於阮反。 野有蔓草,零露漙徒端反。 兮。 避户懈反。 兮。 逅胡豆反。 有美一人, 相

如

遇,適我願兮。

美也。 歐陽氏曰:「男女婚娶失時,邂逅相遇於草野之間。」 揚婉矣。 漙漙然,盛多也。 有蔓草,則零露漙矣。 毛氏曰:「興也。 邂逅,不期而會。」〇朱氏曰:「野 邂逅 相 遇,則得以適我願矣。」 野,四郊之外。蔓,延。 清揚,眉目之間婉然 有美一人,則清

野有蔓草,零露瀼 婉如清揚。 邂逅相遇,與子偕臧。 瀼。 如羊反。 有美一人,

毛氏曰: 曰:「與子偕臧,猶言各得其所欲也。」 「瀼瀼、盛貌。 臧,善也。]〇朱

> 然哉? 《溱側巾反洧于軌反》,刺亂也。 惡之心,莫不有之。而其爲至於如此者,豈其人性之固 女相棄,淫風大行,莫之能救焉。 王氏曰:「羞 、此。然則民之失性也爲可哀,君之失道也爲可刺。」 必放鄭聲。 谷汲,男女亟聚會,故其俗淫。」 志》云:「鄭地右雒左沛,食溱、洧焉。 范氏曰:「樂之淫者曰鄭衛,如有王者, 衛,故鄭詩終於亂之極者焉。」《前漢·地理 兵革不息,男女相棄,而無所從歸也,是以至於 然則亂《關雎》者,莫如鄭 兵革不息,男 土陿而險 '^; 山 居

反。 觀乎? 音洛。 兮。 溱與洧,方涣涣兮。 女曰觀乎? 士與女,伊其相謔,贈之以勺時灼 洧之外,洵息旬反。 士曰 士與女,方秉蕳古顔反。 既 且。 子餘反。 且樂。 且往

盛也。 毛氏曰: 鄭氏曰: 「溱、洧,鄭兩水名。 「仲春之時,冰已釋,水則渙渙然。」 涣涣,春水

信寬大又樂也,於是男則往也。」〇朱氏 情急,故使男往觀於洧之外,言其土 寬閑之處。 行。」〇鄭氏曰:「女曰觀乎,欲與士觀於 曰:「士與女既相與戲 春氣並出、託采芬芳之草、而爲淫泆之 詩人賦物有所因也。男女相棄,各無匹偶,感 藥,江離也。」〇陳氏曰:「勺藥者,溱、洧之地富有之、 今注》謂『勺藥,可離』、《唐本草》『可離,江離」,然則勺 云:「離草也。」言相離别贈此草也。」○董氏曰:「《古 無香氣,未審今何草。」〇《釋文》曰:「勺藥,《韓詩》 可著粉中藏衣,著書中辟白魚。」 〇 鄭 氏 曰: 蘭 大也。勺藥,香草。陸璣《疏》曰:「今藥草勺藥 節,節中赤,高四五尺,漢諸池苑及許昌宫中皆種之, 既,已也。 ,所以結恩情之厚也。」○《釋文》曰 也。」陸璣《疏》曰:「其莖葉似藥草澤蘭,廣而長 《韓詩》注曰:『鄭國之俗,三月上巳之辰,往 「《説文》云:「涣,流散也。」蓋春水解 士曰 洵,信也。」〇毛氏曰:「訏, 已觀矣,未從之也。 謔,又以勺藥爲 地 而

> 洵訏、《韓詩》作恂 論爾。 言,必欲求香於柯葉,置其花而不 蘭,即今之蘭; 陸璣必指爲他物、蓋泥毛公香草之 盱,樂貌 勺藥,即今之勺藥。 也。」

贈之以勺藥。 洧之外,洵訏且樂。維士與女,伊其將謔 矣。女曰觀乎? 士曰既 溱與洧,瀏音留。其清矣。 且。且往觀乎? 士與女,殷其盈

毛氏曰:「瀏,深貌。 曰:「將,大也。」 殷,衆也。」○鄭氏

《溱洧》二章,章十二句。

吕氏家塾讀詩記卷第八

鄭國二十一篇,五十三章,二百八十三句。

便魚鹽之利,民多歸之,故齊爲大國。」

吕氏家塾讀詩記卷第九

亦

淫怠 齊之變風始作。」〇蘇氏曰:「大公姜姓, 淄侧其反。之野。後五世,哀公政衰,荒 于無棣,在《禹貢》青州岱山之陰,潍音惟。 東至于海,西至于河,南至于穆陵,北至 淄水過其南及東,以丘臨水,謂之臨淄。二其封域 案: 『臨淄,即營丘也。今齊之城内有丘,即營丘也。 書‧地理志》云:「齊郡臨淄縣,師尚父所封也。」臣瓚 齊,是謂 氏之墟。周武王伐紂,封太師吕 鄭氏《詩譜》曰:「齊者,古少皥之世 岳之後。 慢、紀侯譖之於周懿王、使烹焉。 齊太公,都營丘。孔氏曰:《漢 既封於齊,通工商之業 爽

雞既鳴矣,朝直遥反。既盈矣。匪雞則鳴,公不仁,癸公子,當懿王時。」賢妃貞女夙夜警戒相成之道焉。孔氏曰:「哀《雞鳴》,思賢妃也。哀公荒淫怠慢,故陳

蒼

蠅之聲。

真女,心存乎敬,故聞見其疑似者而作焉。」 常恐晚,故以蠅聲爲雞鳴。」范氏曰:「賢妃門,乃是蒼蠅之聲。夫人之在君所,心鳴,乃是蒼蠅之聲。夫人之在君所,心鳴,乃是蒼蠅之聲。夫人之在君所,心鳴,乃是蒼蠅之聲。

之光。 東方明矣,朝既昌矣。匪東方則明,月出

昌盛,則君聽朝。」○纚,色蟹反。 東方明。」又曰:「東方明,則夫人纚笄而朝。朝已毛氏曰:「昌,盛也。 見月出之光,以爲

— 四 し

矣,無庶予子憎。蟲飛薨薨,呼弘反。甘與子同夢。會且歸

其 尚寐之時也。 夙興之節。 陰陽之理,觀萬物之情,明而動,晦而休,故以雞鳴爲 朝而 且歸矣,無庶予子憎,義也。」〇范氏曰: 其敬。」王氏曰:「蟲飛薨薨,甘與子同夢,情也。 〇毛氏曰:「古之夫人配其君子,亦不忘 氏曰:「無庶予子憎,庶無憎予與子也。」 同 卧 展居皆順天地之理,所以爲常也。」 蟲飛薨薨,東方且明之時,我猶 爾雅》曰:「薨薨, 夢 而 · 敷? 歸治其家事,是以爲之早作。]○曾 同夢。」〇蘇 至於蟲飛薨薨,則不獨以怠於政 君子之修身,不以有事而 然群臣之會於朝者,亦欲 氏曰:「予豈不欲 衆 也。 蚤 「聖人順天地 鄭 樂 (事,亦非 氏 事 引見晏 與 與 日 字 退

《雞鳴》三章,章四句。

無厭。國人化之,遂成風俗,習於田獵謂還音旋》,刺荒也。哀公好田獵,從禽獸而

之賢,閉於馳逐謂之好焉。

不慎哉?」
安於所習而不自知其非。道民之道,可要於所習而不自知其非。道民之道,可國人以習於田獵爲賢,閑於馳逐爲好,可不慎也,是民之表也。』哀公禽荒,而范氏曰:「《表記》曰:『上之所好惡,不

驅從兩肩兮,揖我謂我儇許全反。兮。 子之還兮,遭我 還,《 逐也。 漢 也。 乎嶩之間兮」,顔師古注云:『《毛詩》作 毛氏曰:「還,便捷之貌。峱,山名。 (齊詩 「並驅則遭我,又非一人而已。 地理志》引《詩》云『子之營兮,遭 「俱出田獵 譽之者,以報 獸三歲曰肩。儇,利也。]○鄭氏 》作營。 (乎 峱 乃 刀 反。 而相遭也,謂我儇,譽之 前言還 嶩,山名也,字或作 之間兮。● 也。」〇 王氏 《前 並

● 「兮」,原作「哉」,據四庫本、《墨海金壺》本與《毛詩正

峱、巙皆山名,在齊之郊,故諸書或異。」○《釋文》崔靈恩《集注》本作嶩。」○董氏曰:「考於《地記》,嶩、峱,亦作巙,音皆乃高反。」」《釋文》曰:「峱,

曰:「儇、《韓詩》作婘。」

兮,揖我謂我好兮。 子之茂兮,遭我乎峱之道兮。 並驅從兩牡

毛氏曰:「茂,美也。」

兮,揖我謂我臧兮。 子之昌兮,遭我乎峱之陽兮。並驅從兩狼

華乎而

睫之間,染其神者深矣。夫豈一朝一驅而相遇也,意氣飛動,鬱鬱見於眉當是時,齊以游畋成俗,詩人載其馳

以也。 之後、《畢命》猶不敢忘其憂,良有夕所能反哉? 周遷商民,既歷三紀

《還》三章,章四句。

俟我於著乎而,充耳以素乎而,尚之以瓊《著直據反》,刺時也。時不親迎魚敬反。也。

氏曰: 音玄。 之以瓊華者、謂縣紞之末、所謂 華,美石。」〇鄭氏曰:「尚,猶飾也。 見,故先言之。]〇紞 宁音義同。」○鄭氏曰:「素爲充耳,所以縣 著。」孔氏曰:『《爾雅》云:『門屏之間謂之宁。』 著與 者自謂也。」〇毛氏 毛氏曰:「俟,待也。」○鄭氏曰:「我,嫁 「紞,即今之絛繩,用雜綵線織之,素色分明,目所先 物,先以纊塞,後以玉加之。」○張氏曰: 「尚,謂尊尚此物而加飾也。」○張氏曰:「充耳 瑱吐遍反。者,或名爲紞。] 孔氏曰 ,都覽反。 曰:「門屏之間 〇毛氏 瑱也。」孔 曰:「瓊 日

者,必 是有先後,不宜分爲異人。」 而已。」〇孔氏曰:「於著、於庭、於堂,止 如 我, 是, 不是親迎,只俟於堂、於庭、於著 則 夫 不 之 親 俟 迎 我 也。 也 於庭、於著、於堂 著,夫家 之 著 也

此 制 雖 皆學者所當觀 我於著乎而』,此 〈前漢・地理志》載齊之風俗曰:「『俟 類歟 非此 民生其間 一味異 ? 篇意之所主,然 和、器械異 異俗 也。 亦其舒緩之體 剛 「《詩》可以觀」,其 制 柔 廣谷大 衣 輕 重 服異宜, 遲 川 速 也。」 異 異

瑩^{音榮}。 乎而。 俟我於庭乎而, 充耳以青乎而, 尚之以瓊

瑩,石似玉。」 鄭氏曰:「青,紞之青。」○毛氏曰:「瓊

英乎而。 俟我於堂乎而,充耳以黄乎而,尚之以瓊

華也。」
鄭氏曰:「黄,紞之黄。瓊英,猶瓊

時也。 門,揖人」之時也。「俟我於堂乎 禮。 庭、於堂,每節皆俟之也 西階」之時也。 升階而後至堂,此《昏禮》所謂 内,寢門之外,此《昏禮》所謂 「壻俟 齊人既不親迎,故但行婦至壻家 婦以入。 輪,壻乃先往 昏禮》: 于門外,婦至,壻揖 俟我於著乎而」,此《昏禮 「俟我於庭乎而」,庭在大門 「壻往 及寢 侯 及門,揖 壻道婦人,故於著、於 婦 于門外。 家親 入,升自西 迎 婦 既 以 至,壻 奠 万及 了升自 ジ所 鴈, 而 階 寢 謂 之 之 揖 御

《著》三章,章三句。

奔,不能以禮化也。《釋文》曰:「本或作刺襄公,《東方之日》,刺衰也。君臣失道,男女淫

《東方之日》二章,章五句。

在我室兮,履我即兮。東方之日兮,彼姝赤朱反。者子,在我室兮。

也。《南山》已下,始是刺襄公詩。」

是民曰:「興也。日出東方,人君明盛, 是民曰:「興也。」○朱氏曰:「履,隨也。」○ 無不照察也。」○朱氏曰:「居月明照,則 教無隱蔽,姦慝莫容,如朝廷明於上也。 今君不明,故有淫奔之行。詩人以『東 方之日』刺其當明而昏也。」○歐陽氏 可:「『在我室兮,履我即兮』,相邀以奔 之辭也。」

在我闥兮,履我發兮。東方之月兮,彼姝者子,在我闥他達反。兮。

曰:「發,行去也,謂隨我而行去也。」文》曰:「《韓詩》曰:『門屏之間曰闢。」」○朱氏也,臣察於下若月也。闥,門内也。」《釋毛氏曰:「月盛於東方,君明於上若日

○程氏曰:「言其不能正時矣,非特刺是官也。」名。置箭壺内以爲節,而浮之於水上,令水漏而刻下。」官》:「挈壺氏,下士六人。」壺,盛水器也。挈者,縣繫之醇,號令不時,挈苦結反。 壺氏不能掌其無節,號令不時,挈苦結反。 壺氏不能掌其無方未明》,刺無節也。 朝直遥反。廷興居

料其餘也。」 李氏曰:「觀人之政者,見其一失,則逆

自公召之。 東方未明,顛倒都老反。衣裳。顛之倒之,東方未明,顛倒都老反。衣裳。顛之倒之,「自公令之」之文,而妄附益之爾。「號令不時」,此一語贅,蓋見詩中有「號令不時」,此一語贅,蓋見詩中有

朝,人又從君所來而召之,漏刻失節,君群臣之朝,别色始人。群臣顛倒衣裳而明而以爲明,故群臣促遽,顛倒衣裳。明而以爲明,故群臣促遽,顛倒衣裳。「自,從也。挈壺氏失漏刻之節,東方未毛氏曰:「上曰衣,下曰裳。」〇鄭氏曰:

又早興。」

公令力證反。之。 東方未晞,音希。 顛倒裳衣。 倒之顛之,自

「令,號令也,猶召之也。」 毛氏曰:「晞,明之始升。」〇朱氏曰:

不夙則莫。音暮。 折柳樊圃,狂夫瞿瞿。俱具反。不能辰夜,

則失之晚也。」 甚。」李氏曰:「言不能時節其夜之早晚,不失之早, 菜園 也,乃不能 限,見之則躩然而驚。 之以爲藩籬,非堅固也。 躩,知其爲限也。柳柔脆易折之物, 挈壺氏,以水火分日夜,以告時於朝。」 毛氏曰:「柳,柔脆之木。樊,藩也。 "瞿瞿,驚顧之貌。」○毛氏曰:「古者有 ·程氏曰:「折柳以樊圃,狂夫見之且驚 .也。折柳以爲藩園。] 〇朱氏 知 圃 不 ·早則 晝夜之限非不 晏,言無 狂夫亦知其 節 曰 圃 之 明 折

《東方未明》三章,章四句。

南山 以告。夏四月丙子享公,使公子彭生乘公,公薨於車。」 八年《左傳》云:「公與夫人姜氏如齊,齊侯通焉。公謫之, 桓公夫人文姜也。」〇孔氏曰:「襄公諸兒,釐公子。 桓十 齊子由歸。既曰歸止,曷又懷止? 夫遇是惡,作詩而 南山》,刺襄公也。 也。 毛氏曰: 一崔崔,子雖反。 國君尊嚴如 「南山 ,齊南山也。 去之。鄭氏曰:「襄公之妹,魯 雄狐綏綏。 南 鳥獸之行,淫乎其妹,大 Щ 蕩,徒黨反。 崔崔,高大 魯道 平易

如是,桓公縱之,窮極其惡,何也?」謂『曷又鞠止』、『曷又極止』者,言其理之以淫泆,何也? 下二章罪魯桓公,所『曷又從止』者,言其理如是,而襄公違

公、文姜非其耦,猶冠、屢之不可雙也。」再蕩,齊子庸止。既曰庸止,曷又從止?有蕩,齊子庸止。既曰庸止,曷又從止?有蕩,齊子庸止。既曰庸止,曷又從止?有惡,齊子庸止。既曰庸止,曷又從止?

衡,古横字,謂既耕而東西踐躡槩摩之也。古者推耒之然後得麻。」孔氏曰:「獵,是行步踐履之名。毛氏曰:「爇,樹也。 衡獵之,從獵之,種止,曷又鞠居六反。止?

北耕曰由。」」 北耕曰由。」」 北耕曰由。」」 北耕曰由。」」 北耕曰由。」」 北耕曰由。」」 北耕曰由。」」 北耕曰由。」」

制之,曷爲又養其姦而至於極也?者。今魯侯既以正禮納文姜,當蚤裁鞠,養也。納之不正,則容有不敢制

故後章曰:「曷又極止?」

蓺麻如之何?

衡 音横。

從足容反。

其畝

析薪

如之何? 匪斧不克。取妻如

之何?

妻者必用媒。既以媒而得之矣,曷爲使也。」○李氏曰:「析薪者必用斧,亦猶取毛氏曰:「克,能也。」○朱氏曰:「極,窮匪媒不得。既曰得止,曷又極止?

<u>五</u>

極

婉

於

妧

反。

兮

孌

力轉反。

兮,

緫

角

丱

古

患

反。

未幾居豈反。

見兮,突吐訥反。

而

弁兮。

南山》四章,章六句。

常甫 非其道也 功,不脩 田》,大夫 德 而求諸侯,志大心勞,所以 刺 襄公也。 無 禮 義 而 水者 求 大

遠 無田音佃。 , 勞心忉忉。音刀。 甫田,維莠羊九反。 驕驕。❶ 無思

盛矣。 必自其近者始,近者之既服,而遠人自至矣。」 自其小者始,小者之有餘,而 忉忉。」蘇氏曰:「無田甫田,田 楊子曰:「田甫田者莠驕驕,思遠 毛氏曰:「甫,大也。 無思遠人,思遠人而德不及,則心勞矣。 忉忉, 甫田可 甫田而力不給 啓矣。 憂勞也。」 思遠人則 者心 , 則 田 必

無田 勞心 1怛怛。 甫 田 **,**維莠桀桀。 旦末反。 居竭反。 無思遠

忉 毛 也。」 氏 曰 桀桀,猶 驕 驕。 怛 怛, 猶 忉

驕驕、桀桀,皆稂莠侵陵嘉穀之狀。

Œ

0 之矣。 所有必可 此。 師,則弁者冠之大號。」〇孔氏曰:「言有 也。 毛氏 至於突然 冠弁爲成人。] 〇蘇 而將安往?」 婉孌,緫聚其髮以爲兩 義》改。 曰:『凡卒相見謂之突。』○毛氏曰: 「弁,冠也。」孔氏曰:「《周禮》掌冠冕者,謂之弁 維」、原作「爲」、據四庫本、《墨海金壺》本及《毛詩 苟由 丱,幼稚也。」○《釋文》曰:「《方言》 與别未經幾時 日 至也。 苟修其身而治其政令,諸侯不來 俄 其道 「婉孌,少好貌。 弁也 而 著 而 君子之得諸侯,亦 , 豈其求之哉? ,厥德脩罔覺,非 循 其序,則 而更見之,突然 氏 日 角, 丱然 總角,聚兩髦 小者俄 緫 角 未常求 其 之 幼 而大, 功求 道 童子 己 稚

而

加

如

則

獲者所能與也

甫田》三章,章四句。

鳳反。 15。 孔氏曰:「畢以掩兔,網小而柄長謂之畢。」 《盧令音零》,刺荒也。襄公好呼報反。 盧令令,其人美且仁。 畢弋而不脩民事,百姓苦之,故陳古以風 田 獵 福

纓環聲。孔氏云:「環在犬之頷下,如人之冠纓 内之狡兔。」是盧爲田犬也。」〇逡,七旬反。 令令, 犬。《戰國策》云:「韓國盧,天下之駿犬。 東郭逡,海 毛氏曰:「盧,田犬。孔氏曰:「犬有田犬、守

然。言人君能有美德,盡其仁愛,百姓欣 **令然。」孔氏曰:「《孟子》曰:「今王田獵於此,百姓** 其樂,同其獲,故百姓聞 而奉之,愛而樂之,順時遊田,與百姓共 而説之,其聲令

聞王車馬之音,見羽旄之美,舉欣欣然有喜色而相告,

盧 重直龍反。 詩》作盧泠泠、《説文》引《詩》作獜。」 與民同樂也。」此百姓悦之也。」○董氏曰:「《韓 環,其人美且鬈。音權

環貫一小環也。」鬈,好貌。」

毛氏曰:「重環,子母環也。

孔氏云:

謂 大

盧 重鋂,音梅。其人美且偲。七才反。

環貫二小環也。」偲,才也。」《説文》云:「偲,强也。」 毛氏曰:「鋂,一環貫二也。孔氏云:「謂一大

《盧令》三章,章二句。

孔氏曰:「閑,梐枑也。」 氏曰:「防所以止水、閑所以扞物、故防閑有禁制之意。」 國患焉。《釋文》曰:「桓公軌,亦名允,隱公弟。」〇朱 《敝笱古口反》,刺文姜也。齊人惡烏路反。 桓公微弱,不能防閑文姜,使至淫亂,爲一

止,其從才用反。如雲。 敝笱在梁,其魚鲂音房。 鰥。 古顔反。 齊子歸

毛氏曰:「興也。」○笱、梁,解見《谷風》。 潁魴魚也,●廣而薄肥,恬而少力,細魚 ○陸氏《草木疏》云:「魴,今伊、洛、濟、

0 原作「颖」, 據四庫本、《墨海金壺》本改。

則 剛 許人尤之,終以 言從之者衆也。 之敝 歸於齊也。」○毛氏 致 閑 鱮及 大魚。』 之美 則 盈 楊氏曰: 車」, 文姜雖欲 而 鰥 文姜驕伉 而 有 制 唯 敗 非 者 之,由 制 鄭云: 唯 大盈 孔 面 者,皆魚之可 穎 不 使魯 『其從如雲』、『其從如 適 而難制也。」○張氏 能 達 車者,亦非 勃 | 鰥 齊 制者也。 海 引《孔叢子》『鰥魚,其大 桓 義不得而 人無肯從者 ,尚可得乎?」 許穆夫人思歸唁其兄, 微 胡 魚 曰:「如雲,言盛 氏 、弱,不能防閑文姜, 子。 曰 制者也,爲 魚 文姜本可 : 啃 以 子,蓋魴、鰥、 毛云 如許人焉, 魴 若魯桓公 鱮 爲 雨 也。 以 其 「反 鰥 防

其從如雨。 敝笱在梁,其魚鲂鱮。才呂反。齊子歸止,

疏》云:「鱮似魴厚,而頭尤大,魚之不美毛氏曰:「如雨,言多也。」〇陸氏《草木

者,故 之鱅。」常容反 其頭尤大而肥者, 里 語 曰 : 網 徐 魚 州 得 人謂之鰱, 鱮 不 如 啗 或謂 茹

其從如水。 敝笱在梁,其魚唯唯。唯癸反。齊子歸:

遺遺。」○《釋文》曰:「唯唯,《韓詩》作水之流也。」○《釋文》曰:「唯唯,《韓詩》作曰:「水,喻衆也。」朱氏曰:「言其從之者多,如孔氏曰:「唯唯,魚行相隨之貌。」○毛氏

《敝笱》三章,章四句。

于穀。」 七年春,夫人姜氏會齊侯于防。 車服,疾驅於通道大都,與 二月,夫人姜氏享齊侯于祝丘。 於萬民焉。 載驅 》, 齊 朱氏曰:「按《春秋》魯莊公之二年冬十有 人 刺 襄 公也。 五年,夫人姜氏如齊師 冬,夫人姜氏 文美 無 禮 《淫,播 義, 故 會 其惡 盛 齊侯 其

魯道有蕩,齊子發夕。載驅薄薄,普各反。簟茀音弗。朱鞹。苦郭

反

曰: 也。 之質而 於魯而往會之。」〇《釋文》茀作第。 其上又以翟羽爲之飾。] 〇 朱 氏 鞹,革也。獸皮治去毛曰革。 也。 毛氏 「襄公疾驅其車以會文姜,文姜夕發 發夕,言離於所宿之舍。] 〇蘇氏 車之蔽曰茀。 曰:「薄 羽飾。」孔氏曰:「謂以簟蔽車之後户 薄, 疾驅 諸侯之路車,有 聲 謂路車以皮革爲本質! 也。 簟,方 「夕,猶 朱 文 也 革 席

反。 四 驪力馳反。 魯道有蕩,齊子豈開改反。 濟濟,子禮反。 垂轡濔 弟。 濔。 乃禮

弟,言文姜於是樂易然。]○歐陽氏曰 文》濔濔作爾爾,曰:「本亦作濔。」 垂轡,轡之垂者。 公乘其一駟之馬,皆是鐵驪之色。」濟濟,美貌 毛氏曰:「四驪,言物色盛也。 「文姜安然樂易,無慙恥之色也。」〇《釋 濔濔, 衆也。 孔氏曰: 齊子豈

> 汶音問。 水 湯 湯,失章反。 行人彭 彭。 必亡

反

魯 道有 蕩 ,齊子翱翔

大貌。 董氏 境也。」〇李氏曰:「言行人之多,以見其 僖公賜季友汶陽之田,汶水之北尚是魯地,襄公人魯 文姜時所會。」孔氏曰:「齊在 汶、小汶,即此是也。」○毛氏曰:「湯湯, 縣泰山,北過淳于縣,今維之東 南入沛,今須城之汶是也。 ○鄭氏曰:「汶水之上蓋有都焉,襄公與 曰:「汶水有二、出泰山、萊蕪者、 彭彭,多貌。 翱翔,猶彷徉也。」 魯北,水北曰陽。 其 南,有大 出朱 虚 西

無恥也。」

汶水滔滔,吐刀反。 有 蕩 ,齊子遊敖 行人儦 儦。 表驕 反。

魯道

毛氏曰:「滔滔,流 朱氏曰: 「遊敖,猶翺翔也。 貌 儦儦

衆貌。」

載驅》四章,章四句。

齊子豈弟,蓋於此而樂易也。 美惡不

 $\overline{\mathbf{h}}$

不能 侯 同,桓公子。」齊 猗 之子焉 於宜反 以 禮 嗟 防 閑 人 傷 刺 其 魯莊公也。 魯莊公有 母,失子之道,人以爲 威儀技藝, 《釋文》曰: 然而 莊 齊 公

何 制 成 習威儀 也。」後世乃專心於此而忘其本,故莊 賤,故多能鄙 有威儀技藝,而不免《猗嗟》之刺。 歟,何其 李氏曰:「大宰問於子貢曰: 所補 帝善 趙氏之横、雖多才多藝、而不能務本、 哉?」 1修容 以 多能也?」子聞之曰 亟 1儀,升 一,而不能正乾侯之禍。**●** 事。 車正立 君子多乎哉? 不内顧,不能 1:『吾 『夫子聖 昭 不 少 漢 公 巾 多 者

目揚兮。巧趨蹌兮,射則臧兮。猗嗟昌兮,頎音祈。而長兮。抑若揚兮,美

揚,目之動也。」〇王氏曰:「趨蹌之巧貌。」〇朱氏曰:「抑而若揚,美之盛也。毛氏曰:「猗嗟,嘆辭。昌,盛也。 頎,長

此耳。」 以 也 禮 。] 〇鄭氏 稱 防 其 其 威 母 儀技藝之美,所 曰 也 「臧,善也。」 若 曰 惜 乎, 以 一、朱)刺其 其 氏 特 不能 少

亦反。侯。 猗嗟名兮,美目清兮。 同 次黄、玄居外。諸侯射三正、損玄、黄。 同,其内皆方二尺。王射五正:畫中朱,次白,次蒼, 六寸。侯身長一丈者,正方三尺三寸。 鵠,賓射則張布侯而畫正,正以綵畫爲之。 丈八尺者,正方六尺。侯身長一丈四尺者,正方四尺 之也。」〇毛氏 威儀之備也。」〇朱氏曰:「侯,張布而射 名,目下爲清。□○王氏 朱氏曰:「名,猶稱也,言其威儀技藝之 可名也。 正者,侯中所射之處。《周禮》:「大射則張皮侯而 射二正、去白、蒼、而畫以朱、緑。」正之言正也。 不出正音征。 清,目清明也。」毛氏曰:「目上爲 日 : [二尺曰正。]孔 曰:「儀既成兮,言其 兮,展我甥兮。 儀既成兮,終日 孤卿、大夫、士 其外之廣雖 侯身長 氏 射 日 設 食

[「]正」,四庫本、《墨海金壺》本作「止」。

矢之精,可以禦亂。

觀其以

好射

·四矢反兮,以禦亂兮。」 蓋稱莊公弓

南宫長萬則可見矣。

説者

或謂

詩

齊之甥也,而又以見其非齊侯之子,此姊妹之子曰甥。」〇朱氏曰:「言稱其爲射之難中,以中爲俊。」〇鄭氏曰:「展,誠也。者內志正則能中。亦鳥名,齊魯之間,名肩題爲捷黠,

射則貫兮。四矢反兮,以禦亂兮。猗嗟孌兮,清揚婉兮。舞則選雪戀反。兮,

詩人之微辭也。」

之。」○《釋文》:「反、《韓詩》作變。」 生氏曰:「自清而眉揚,故謂目爲清,眉爲揚。」選, 是,復也。禮,射三而止,每射四矢,皆 是,復也。禮,射三而止,每射四矢,皆 是,復也。禮,射三而止,每射四矢,皆 以禦亂,而禮不足防淫,故卒章深非 以禦亂,而禮不足防淫,故卒章。 是氏曰:「自清而眉揚,故謂目爲清,眉爲揚。」選, 是氏曰:「日清而眉揚,故謂目爲清,眉爲揚。」選, 是氏曰:「日清而眉揚,故謂目爲清,眉爲揚。」選, 是氏曰:「日清而眉揚,故謂目爲清,眉爲揚。」選, 是氏曰:「日清而眉揚,故謂日爲清,眉爲揚。」選, 是氏曰:「日清而眉揚,故謂日爲清,眉爲揚。」選, 是氏曰:「日清而眉揚,故謂日爲清,眉爲揚。」選, 是氏曰:「日清而眉揚,故謂日爲清,眉爲揚。」選, 是氏曰:「日清而眉揚,故謂日爲清,眉爲揚。」選,

> 也。 甥也,三章復歎其威儀技藝可以禦亂 之美也,二章復歎其威儀技藝宜 之意皆在章外。一 諷莊公當用以禦亂,非 嗟嘆再三,而莊公所大闕者,不 章嘆其 也。 威 是詩 儀 爲 技 譏 我 蓺 刺

『奇芸》三重・童、言可見矣。

《猗嗟》三章,章六句。

齊國十一篇,三十四章,百四十三句

吕氏家塾讀詩記卷第九

❶ 「王」,疑當作「毛」,據《毛詩正義》,以下引文爲毛傳。

吕氏家塾讀詩記卷第十

猶存。 民,教 削 神、惡衣服而致美乎黻冕、卑宫室 山 封 虢、焦、滑、霍、揚、韓、魏皆姬姓」,是與周同姓也。」其 力乎溝洫,此一 西。 之地,在《禹貢》冀州雷首之北,析城之 鄭氏《詩譜》曰:「魏者,虞舜、夏禹 ,國人憂之。孔氏曰:「桓四年《左傳》曰 域南枕河 ,陶於河濱。 周以封同姓焉。 以義方,其 今魏君嗇且褊急,不務廣修 曲 ,北涉汾水。 帝一 禹 與秦、晉鄰 菲飲食 王儉約之化,於 孔氏曰:「《左傳》曰『虞、 而致孝 昔舜耕 國,日 見侵 德 而 乎 於歷 『秦師 所 於 時 盡 鬼 都

處河山之間,土地迫隘,故《魏風》著《十畝》之詩也。」魏國城南、西並去大河可二十餘里,北去首山十餘里,滅之。」《前漢・地理志》云:「魏在晉之南河曲,其滅之。」《前漢・地理志》云:「魏在晉之南河曲,其風始作。 至春秋魯閔公元年,晉獻公竟圍魏」,是秦數伐之。」當周平、桓之世,魏之變圍魏」,是秦數伐之。」當周平、桓之世,魏之變

之,好人服之。 女手,可以縫裳。 糾糾吉黝反。 葛屨,可以 利如此者,君心之所爲也,故是詩唯刺其褊。」 褊急,而無德以將之。 范氏曰:「魏俗所以機 《園有桃》三詩,皆言其急迫瑣碎之意。」 過,則至於吝嗇迫隘,計較毫分之間,而 謀利之心始急矣。《葛屨》、《汾沮洳》、 儉」,則儉雖失中,本非惡德。 廣 漢張氏曰:「夫子謂『與其奢 要於遥反。 履霜。 之襋紀力反。 摻摻所銜反。 然而儉之 也,寧 巧趨

六〇

隘,於懈反。

其 民

機巧趨利,其

(君儉

嗇

[音色。

葛屨俱具反》,刺

褊必淺反。

也。

魏地

陿

一音洽。

又服 氏 執婦功。」○范氏曰:「非特使之縫裳,而 衣裳。」〇毛氏 霜。」〇孔氏曰:「新來嫁,猶謂之可以 婦,爲容好者也。」毛氏曰:「好人,好女手之 漱,悉候反。 裳。1唯舉裳不漱,則衣可漱,明裳爲賤。」繚,音了。 皮屨。 人。□○孔氏曰:「服之,整治之也。」○ 不殊裳,故知男子之下服也。《曲禮》曰:"諸母不漱 孔 也。」孔氏曰:「要是裳褛,襋爲衣領。《説文》亦云: 曰:「裳,男子之下服。」孔氏曰:「以婦人之服 襋,衣領也。二〇范氏曰:「好人,女而 女,婦未見賢遍反。 曰:「魏俗,至冬,猶謂葛屨可 繚 氏 戾寒涼之意。] 〇毛氏日 ○蘇氏曰:「君子之爲國,致隆而 要襋之功,其 曰 : 故其降也,猶可 摻摻,猶纖 〇毛氏 糾 糾,稀 曰:「婦人三月廟見,然後 曰 纖也。」○朱氏 儉 疎 之稱也。」〇鄭 「要, 被也。 以不陷。 嗇且急,亦已 之貌。」朱 :「夏葛屨,冬 氏 今葛 **=** 以 目 糾 甚 綘 鄭 未 氏 極 履

> 佩 好人提提,徒兮反。 無益 其象揥。 子則不然,懼其不容降矣。」鄭氏曰: 「不敢當主,故就客位。」 〇朱氏曰:「揥 也。」婦至門,夫揖而 未 丽 曰:「女子始嫁而治其威儀 摘髮,用象爲之,貴者之飾也。] 〇蘇氏 而左辟。」蘇氏曰:「讓而辟者必左。」〇孔氏曰: 「安,徐也。」 宛,辟貌。 毛氏曰:「提提,安諦音帝。 反,云:「好手貌。」董氏曰:「石經作攕。」 Щ 廟見 可 安使之矣?」○《説文》摻作攕 以 以賤事使之與? 履 ,故爲其益者而至於縫 也,而 霜 勑帝反。 7,及其 使之缝裳,及其 暑 宛於阮反。 維是褊心,是以 也,將 人,不敢當尊, 朱氏曰:「宛然, 然褊者以爲 安 然左辟,音 用 也。 裳也 , 其修 成爲 矣 ? 《爲刺。● 范氏曰: ,所以 婦也, 如 讓之貌 宛然 Ш 婦婦 唯君 婦之 爲 避 廉 是

^{●「}刺」,原作「利」,據四庫本、《墨海金壺》本與《毛詩正

至,慎於威儀如是,使之非禮。」

《葛屨》二章,一章六句,一章五句。

無度。美無度,殊異乎公路。彼以之子,美遊」」,案今定本及諸本《序》直云「其君」,義亦得通。」皆以爲大夫采莱,崔靈恩《集注》「《序》云「君子儉以能勤,刺不得禮也。孔氏曰:「王肅、孫毓儉以能勤,刺不得禮也。孔氏曰:「王肅、孫毓

彼汾一方,言采其桑。彼其之子,美如作『彼己之子』,其義則同。」(韓詩》三章皆似貴人也。」○董氏曰:「《韓詩》三章皆爲軞車之族是也。」○朱氏曰:「儉嗇不

英。美如英,殊異乎公行。戶即反。

患。軞,音毛。
患。軞,音毛。
此,在有人。」○范氏曰:「英者,草木之華也。」○鄭氏曰:「公路、公行,一主君公車之行列。」●孔氏曰:「公路、公行,一主君公車之行列。」●孔氏曰:「公行者,主君公車之行列。」○范氏曰:「英米氏曰:「一方,彼一方也。《史記》:朱氏曰:「一方,彼一方也。《史記》:

如玉。美如玉,殊異乎公族。彼汾一曲,言采其竇。音續。彼其之子,美

朱氏曰:「一曲,謂水曲流處。」〇毛氏

0

[「]之謂」、《毛詩正義》作「謂之」。

^{▶ 「}公」、《毛詩正義》作「兵」。 ▶ 「寸尺」,四庫本、《毛詩正義》作「尺寸」。

姓。」○屬,音黯。 是為公族大夫,使訓卿之子弟。」是公族,主君之同穆也。」孔氏曰:「《左傳》曰:「晉荀會、樂曆、韓無如車前。」」○鄭氏曰:「公族,主君同姓昭如車前。」○鄭氏曰:「公族,主君同姓昭如 一:「藚,水蕮音昔。也。」孔氏曰:「水蕮如曰:「藚,水蕮音昔。也。」孔氏曰:「水蕮如曰:「黃,水芎音音。也。」孔氏曰:「水蕮如曰:「黃,水芎音音。也。」

《汾沮洳》三章,章六句。

取,嗇 此詩所以刺時也。」 迫,而 上下相離,君民相棄,君獨行之於上,而臣民不以爲非 園 侵削 有 而不施,君不能發政施仁,而民亦無 儉以嗇,不能 桃 故 故 》,刺 作 時也。 是 詩 也。 用其 大夫憂 范氏 民, 日 其 丽 無 君 以 魏 趨事 德教 , 或 君 儉 勸功 小 了, 而 丽 不

之 ? 謡 園 是哉,子曰何 有桃 音遥。 ,其實之殽。心之憂矣,我 誰 不我知者, 知之? 其。 其。 音基。 蓋 亦 謂我士也驕 勿 心之憂矣,其誰 思 彼 歌 知 人 Ħ.

毛氏曰:「興也。園有桃,其實之食。

之所爲已是矣,而子之言 心之所憂者,反 之,則疑於驕。」〇朱氏 其情至深切也。」〇王 未必合樂也。」重言『人不知』者,不思耳, 曰: 『歌者,合於琴瑟也。』歌、謡對文如 矣,故曰:『曲合樂曰 謡。 曰:「《釋樂》云『徒歌謂之謡」,謡既徒 民,故心憂之。 國有民 政 復有 之賤者。 詩 國 用其民耳。 驕也 舉國之人莫覺其非 事則亡,故詩人憂思之深也。 有 毛氏曰:「曲 德教? 民,得 見其憂深思遠矣。 雖寡,能用 故曰『心之憂矣,其 園有桃 其力。」〇 不能 其致侵削 合樂日 以 至 歌。』樂則琴瑟。 ,亦用其實以爲稅, 用其民, 我爲 則治。 歌 歌,徒歌日 ", 而 且謠,誦 氏 程 、驕慢, 曰:「彼不 可 曰:「儉 氏 則 所刺者,不 今不能 知 反 獨 不能 曰 歌 以 何 而 謡。」○孔 也。 《 行 此、散則 爲 ,則歌不 知之」。 憂之者 詠 桃,果 哉? 之爲 彼 知 而 用 或 觀 非 其 興 能 無 豈 此 歌 徒 氏

自憂矣。」 未之思耳。誠思之,則將不暇非我而曰此之可憂,較然易知。彼之非我,特曰此之可憂,較然易知。彼之非我,禁重言『其誰知之』,而曰『蓋亦勿思』,蓋

其誰知之? 蓋亦勿思。哉,子曰何其。心之憂矣,其誰知之?國。不我知者,謂我士也罔極。彼人是國有棘,其實之食。心之憂矣,聊以行

氏 毛氏 程氏曰:「行國,猶「駕言出遊,以寫我憂」。」 且略之辭]也。] 曰 曰:「棘、棗也。」○鄭 謂 也。 我 聊 士 出行 也 罔 7於國 極,言 中 氏 以寫 日 聊 范

《園有桃》二章,章十二句。

而作是詩也。鄭氏曰:「役乎大國者,爲大國所數音朔。侵削,役乎大國,父母兄弟離散,《陟岵》,孝子行役,思念父母也。國迫而

行役夙夜無已,上慎旃哉,猶來無止。 陟彼岵音户。兮,瞻望父兮。父曰嗟予子,

徴發。」

不來 幾。 夜寐,無得已止。」〇朱氏曰:「尚,庶 以念父之意,未若思父所以念己之心之爲深切也。」 其將行之戒以自慰。」廣漢張氏曰:「直述所 也。」〇毛氏曰"「旃,之也。」〇 曰:嗟,我子! 曰:「孝子登高以望其父而不見,則 望者,詩人各取其一以協韻耳。] 〇鄭氏 毛氏 ○陳氏曰:「岵也、屺也、岡也,皆山之高處 ○《説文》曰:「岵,山有草木也。 山》云:「多 無 孔氏曰:「我欲行之時,父教戒我 已,無懈倦。」〇蘇氏曰:「上,猶 也。 慎之哉,猶可 曰 : 草木, 岵。 一 山 蓋 生 無草木臼 從軍行役之時,當早起 則 以來歸,無止 必 無草木, 屺。] 與傳正 歸,死 岵。」孔氏曰: 屺,山無草木也。 則 止 而 一於彼 而 蘇 可以 曰 反。」 不 氏 思 尚

行 陟 彼 役 夙 屺 音起。 夜 無 寐,上慎旃哉,猶來 兮,瞻望母 兮。 母 日 無 棄。 嗟 予 季,

王氏曰:「尤憐愛少子者,婦人之情也。」無寐,無毛氏曰:「山有草木曰屺。季,少子也。

耆常志反。寐也。」

歸也。母尚恩,故曰「無棄」,言無棄母而不

夙夜必偕,上慎旃哉,猶來無死。 陟彼岡兮,瞻望兄兮。兄曰嗟予弟,行役

與同役者偕,無獨行也。」 岡,解見《卷耳》。 〇蘇氏曰:「必偕,必

《陟岵》三章,章六句。

所居焉。孔氏曰:「謂土田陿隘,非謂無居宅也。」《十畝之間》,刺時也。 言其國削小,民無

而正之。是以諸侯不失其分地,而庶大,大比小。有相侵者,方伯、連帥治王氏曰:「先王建萬國,親諸侯,使小事

作也。」 寡 亦 民 多不 保 ,天子、方伯、連 其 常 知 所以 産。 周 守 率 道 其 無以 衰 封 疆 彊 制 一, 此 陵 之,有 弱 詩 所 國 衆 者 爲 蹙

十畝之間兮,桑者閑閑 其 兮,相呼而共往,傳揔解之。]○孔氏 曰:「本亦作閑。」 地 來還者。」孔氏曰: 然,男女無别往來之貌,或行來 中不得有樹 之以桑。」則野田 以毓草木。」〇孔氏曰:「《孟子》曰:「五畝之宅,樹 張氏曰:「十畝之間,場 周制,國郛之外有 陿 狹 民 隘 稠,未 耳。」〇《釋文》閑 用用 妨五穀。」○毛 不樹桑。《漢書·食貨志》云:「田 必 聽爲場圃之地 即然,舉十 「還兮,相呼 兮,行與子還 圃之地。」又曰 氏 而 者,疑家授十 閑 畝 洪歸。 日 티 : 作 地 者,或 閒 開 下云 兮。 以喻 魏 畝 雖 閑 逝

逝兮。 十畝之外兮,桑者泄泄以世反。兮,行與子

毛氏曰:「泄泄,多人之貌。」

横 郭 謂 渠 園 魏 指 廛 地 桑 而 侵 地 已,則 削 爲 ··; 外 場 似不然。 無井受之田,徒有 圃 ,合於古制 果如是, 但

數也。 法 ? 園 民將 近 又 畝 廛 者,特甚言之爾,未可以爲 何 容或數家共之也。 所食乎? 畝,魏既削小 政使 之, 豈 (周制 容 况詩 尚 果 家 所 守 謂 古 賦

《十畝之間》二章,章三句

受禄,君子不得進仕爾。 伐檀符丹反》,刺貪也。 在位貪鄙,無功而

胡取禾三百 水 坎坎
苦感反。● 伐檀兮,真之河之干兮,河 清 且 漣力纏反。 廛直連反。❷ 兮? 猗。於宜反。 不稼 不狩不獵, 不穑,

毛氏曰:「坎坎,伐檀聲。」〇朱氏曰:

胡瞻爾庭有縣音玄。貆音喧。

兮?

彼君子

兮,不素餐七丹反。兮。

也。 氏 者是貆獸也。」彼君子者,伐檀之人。」○毛 也。」〇鄭氏曰:「是謂在位貪鄙,無功 受禄。冬獵 夫之居日 《書》『斷斷猗,無他技』,《大學》作兮。」 波爲瀾,小波爲淪,直波爲徑。」漣、瀾雖異而義同。」 也 之漘者清也。」〇毛氏曰:「風行水成文 〇毛氏曰:「種之曰稼,斂之曰穡。 ○朱氏曰:「猗與兮同,語 曰 漣。」孔氏曰:「《釋水》云:「河水清且瀾猗,大 ○董氏曰:「河濁,而在岸之干、之側 檀 曰:「素,空也。」 1。」○毛氏曰:「寘,置也。 貉子曰貆。孔氏曰:「視汝之庭,則所 木 可 廛。」孔氏曰:「廛,謂一夫之田百 以 曰 爲 狩,宵 車 者,君子伐之以 田 獵。 干, 厓也。 辭 也。 胡,何 自 丽 按 給 畝

⁰ 苦」,原作「若」,據《經典釋文》改。

壺》本與《經典釋文》改。 直 連反」三字,原在「兮」下,據四庫

陶陶不改其樂,豈較短量長者哉 積 ? 者之辭。若所謂伐檀之君子,方 餐,親伐檀以自食者乎?」此特旁 汝獨不見夫彼河干之君子,義 責之曰:「汝未嘗稼穡,禾 子在下者如此,小人在位者如 不怨,阨窮而不閔者也。 清 坎 且 、坎伐檀兮,寘之河之干兮。 汝未嘗狩獵,貆 漣猗」,悠然於河之干,遺佚 一何爲 國人 何 而 彼, 不 見 爲 來? 河 且 觀 素 乃 君 水 丽 丽

兮,不素食兮。 不狩不獵,胡瞻爾庭有縣特兮? 彼君子且直猗。不稼不穑,胡取禾三百億兮?且或猗。不稼不穑,胡取禾三百億兮?

禾秉之數。」孔氏曰:「田方百里,於今數爲九百流直。」○鄭氏曰:「十萬曰億。 三百,之輻。」側,猶厓也。」○蘇氏曰:「水平則毛氏曰:「輻,檀輻也。孔氏曰:「伐檀爲車

縣鶉音純。 水清且淪音倫。 坎坎伐輪兮,真之河之漘 百囷丘倫反。 數。」〇毛氏曰:「獸三歲曰特。」 爲十萬也。 斛之數,則大多不類,故爲禾秉之數,謂 萬畝,而《王制》云:「方百里,爲田 **兮**? 三百億與三百廛、三百囷相 兮? 彼君子兮,不素 猗。不稼不 不狩不獵 順倫反。❶ 胡瞻 穡,胡取禾三 九十億畝。」是 類,若爲釜 刈禾之把 爾 飱 兮, 庭 素 有 河 門 億

티 : 飱。」《説文》曰: 孔氏曰: 詩》曰:「順流而風曰淪。」淪,文貌。」 圓者爲囷 小風水成文,轉 毛氏曰:「檀可以爲輪。 伐檀》三章,章九句 「方者爲倉。」鶉,鳥也。 鶴之屬也。」〇鶴,烏含反。 「飱,水澆飯也。」 如 輪 也。《釋文》曰: 漘, 厓也。 **爾** 孰 雅》郭璞注 食 || 韓 淪 曰

0

反。

兮。

桑盡也。 重斂,蠶 碩 鼠 鼠 也 猶君重斂,漸漸以稅,使民困也 食於民,不脩其政, 孔氏曰:「蠶食者、蠶之食桑、漸漸以 刺 重 斂 吕 驗 反。 也。 貪而 或 人 畏 刺 人,若 其 君

樂土樂土,爰得我所。 莫我肯顧。逝將去女,適彼樂音洛。土。 項鼠碩鼠,無食我黍。三歲貫古亂反。女,

朱氏曰:「今將去女以適彼樂土,而 我,往矣將 郡河北縣是也。言其方物,宜謂此鼠。」○毛氏 也。」〇朱氏曰:「爰,語 曰:「我事女三歲矣,曾無 善鳴,食人禾苗,人逐則走入樹空中。1魏國,今河 鄭 云:「今河東有大鼠,能人立,交前兩足於頭上跳. 之所也。」 氏曰:「碩,大也,大鼠。」 貫, 事 去女。 也。」〇 與之訣 鄭 辭 氏 別之辭。」 恩德來顧 曰 : 也。」〇鄭 孔氏曰: 「陸璣 氏 往 東

之久矣,姑事之至於三歲,而莫我肯「三歲貫女」,蓋言魏君掊克,民當去

之」之意也。 顧也,猶《書》所謂「天惟五年,須暇

得我直。德。逝將去女,適彼樂國。樂國樂國,爰碩鼠碩鼠,無食我麥。三歲貫女,莫我肯

碩鼠 之永號! 之,此 有道之國而赴愬之,得其直亦樂矣。」 民出力以事上,不以爲德, 范氏曰:「莫我肯德者,不以 碩鼠 逝將去女,適彼樂郊。 所以去也。爰得 ,無食我苗。三歲貫女,莫我肯 户毛反。 我直 樂郊樂郊, 者,欲 我 而 爲 反 德 蠶 適 彼 食

此 **∃** 鼠》之詩,聖人所爲 我 毛氏曰:「苗,嘉穀也。」〇范氏 曰:「號,呼 ,國人疾之甚而 肯 郭 勞者,不以 外曰 也。」〇廣 郊。 我 欲去之,猶 之,往 取 爲 漢張 化者,以 勞 也 也。」〇 氏 君失 有 曰 曰 所 道 未 鄭 氏 如 碩 氏 莫

○《釋文》永作咏,曰:「本亦作永。」鄭氏爾之土者乎? 此則尤可見其情也。」謂我將去爾而適樂郊,當誰復永號於其所未忍絶者也。末章『誰之永號』,維也,故著其情於詩。著其情於詩,乃

《碩鼠》三章,章八句。

曰:「永,歌也。」

B氏家塾讀詩記卷第十 魏國七篇,十八章,百二十八句。

吕氏 家塾讀詩記卷第十

唐

流 其咨,萬國不粒,於時殺禮 其封域在《禹貢》冀州大行 今日 近平陽焉。 原太岳之野。 東平陽。 鄭氏《詩譜》曰:「唐者,帝堯舊都之地 [唐侯· 乃被於今。 太原 南有晉水,至子燮改爲晉侯。 成王封母弟叔虞於堯之故墟 晉陽,是堯始居此,後乃遷河 昔堯之末,洪 至曾孫成侯 當周公、召公共和之時, 水九 以 南 恒 救 徙 Щ 年,下 艱 居 之西,太 厄,其 曲 民

成侯曾

孫僖侯甚嗇愛物,

儉不

中禮

樂,日月其邁」、『宛其死矣,他人是愉』、 蟀》、《山有樞》、《葛生》之篇曰: 『今我不 教,君子深思,小人儉嗇,故 居、《詩·風》唐國也。 『百歲之後,歸于其居』,皆思奢儉之中 則昭公以前已徙絳矣。穆侯以後,晉恒都絳。 念死生之慮。」 下,又徙於翼,在平陽絳邑縣東。 人閔 於絳云。」孔氏曰:「昭公之時,分曲沃以 ◯≪前漢 之、唐之變風始作。 • 地理志》云:「河東本唐堯 其民有先王 及武公,又都絳也。 其孫穆侯 医唐詩 封桓 昭侯以 《蟋 又 遺 所 叔 徙

氏曰: 也。 堯之遺風,指 息嗣反。遠,儉而用禮,乃有堯之遺風焉。 是詩 司 蟋音悉蟀所律反》,刺晉僖公也。 徒,靖侯子,當共和時。」儉不中丁仲反。 此晉也,而謂之唐,本其風俗,憂深 「晉以土地薄民貧,故其俗本來儉,儉而 以閔之,欲其及時 詩人而言也。 惟晉詩此意爲多,可以 以 禮 白虞樂音洛。 孔氏曰 禮 用禮,乃有 讨故作 「僖侯 思 張

陰而無陽也,故君子閔之。」 僖公有國而不能自樂,慘戚以窮年,此猶有夜而無畫,有子以禮節之,不過乎中而已,所以順天地而理情性也。求。」○范氏曰:「人之憂樂,如畫之有夜,陰之有陽。君求。」○范氏曰:「人之憂樂,如畫之有夜,陰之有陽。君

强,國 時,風 公政荒 蓋風俗之成壞、皆非一日之積、所謂 則作詩以刺之,可謂憂深思遠矣。當是 或 一人之本」者,其有見於斯歟?」 而 日之積。《蟋蟀》之詩,蓋 卒告之以好樂無荒,可謂有禮矣。 人閔其君,欲其及時以 氏 曰:「晉之爲晉久矣,風 人將叛而歸焉,則 雖變、堯之遺風未亡也。及沃盛 民 散 四鄰謀 取 其 不復有禮矣。 國家 禮 自 風之變也。 俗之成,非 虞樂 而不知, 也。 昭

毛氏曰:「蟋蟀,蛬俱勇反。也。孔氏曰:

樂,則庶幾舒泰和豫 也。 丽 可以不念 詩人先欲開 隘,拘於 是以詩人閔之。 嗇而 也。 也。」〇廣漢張氏曰:「僖公徒從事 氏曰:「瞿瞿 居之事,謂國中政令。」 〇 鄭 樂也。」○毛氏曰:「職,主也。」○廣 氏曰:「居,謂其位 云聿暮,故知聿爲遂。 漆,有角 「當九月則 「郭璞云:「今趨織也。」」〇陸璣 無荒, 於是而思吾之所當思者,夫有 已,甚也。」〇朱氏 不 良,善也。 翅。」九月 知爲國,專務於小而不慮於大, 則 一曲 一歲未暮,過此月則歲將莫。 所 斯 廓其心胸,謂歲且晚矣,不 以 ,則其思慮不能以及遠,故 能 鳥 當如善 自樂者,然樂 在 周 人之情,惟 遂者,從始嚮末之言也。」除, 堂。 前 也。」鄭氏曰:「當主思於所 旋 丽 而 四 聿, 無 啄、却 士瞿瞿然。 氏 曰:「太康,過於 曰 曰 : 顧 拘迫之患。 曰:「荒,廢 遂 而 似 也。 是歲實未暮而 不 其 而顧 所憂者 蝗而小 急迫 可過 孔 之貌 议 於儉 氏 黑 日 自 甚 狹 陳 亂 如

者,斯可以次而理矣。」得,則夫政之所當務,與夫患之所當防

士蹶蹶。俱衛反。 邁。無已大康,職思其外。好樂無荒,良 蟋蟀在堂,歲聿其逝。今我不樂,日月其

於事。」 皆當有備。] 〇 毛 氏 不 也。」陳氏曰:「事變有出於非常,思慮之所不及者, 朱 曰 廢其職 氏 「職思 曰:「逝、邁,皆去也。」○ 事而 其外者,謂國 更 思其外耳,謂 日: 「 君行樂有時, 蹶 蹶, 歐 動 廣周 而 陽 敏 慮 使 氏

荒,良士休休。慆。吐刀反。無已大康,職思其憂。好樂無蟋蟀在堂,役車其休。今我不樂,日月其

毛氏曰:「慆,過也。」○朱氏曰:「休休,稼,亦用此車。」役車休,農功畢,無事也。」○解氏曰:「健車,方箱,可載任器以供役。」收納禾鄭氏曰:「庶人乘役車,孔氏曰:「《春官・中

安也。」 安開之貌。樂而有節,不至於淫,所

以

《蟋蟀》三章,章八句。 多矣。信矣、《唐風》之憂深思遠也。 人之情,解其拘者或失於縱,廣其儉 康,好樂無荒」,無乃太早計乎? 凡 是詩欲僖公之自虞樂,而曰「無已太

反。 非其愛也 吕氏曰:「有鍾鼓不能以自樂,非其節也; 謀 伯,文侯子。」不能修道 用,有鍾鼓不能 山 取 埽,蘇報反。 有 其國家而 樞烏侯反》,刺晉昭公也。 有朝 廷不能 政荒民散,將 不 以自樂,有朝 知,國 以 /洒掃 以正其國,有財 人作詩 ,非不好 以 廷 孔氏 絜也。 不能 以刺之也。 危亡,四 有財不能 日 洒所解 大抵 不 昭 用 鄰 能 侯

「役車,方箱,可載任器以供役」爲鄭玄注。●「云」上,疑脱一「注」字,據《毛詩正義》、《周禮注疏》,

氏曰: 矣,故不曰閔,而曰刺焉。」 則又能自强於政,凡所施爲,各有條理,不至若是其危殆 弛,以至此極。 所有,是傷之深也。 何不鼓瑟以喜樂以引日? 有廷内,何不洒掃? 嗣且不可保矣。子有衣裳車馬,何不曳婁而馳驅? 政不能令其下,曹然無所知,將爲他 「《山有樞》之詩,蓋傷之深也,謂他人謀子之國 使其於物能用之以其節,而舉之以其時 子有鼓鍾,何不鼓考? 子有飲食, 雖然,昭公惟其頹墮不立,百事廢 一旦宛然而死,則爲他人之 人有也。」〇廣 漢 子 張

阮反。其死矣,他人是愉。以朱反。弗婁。力俱反。子有車馬,弗馳弗驅。 宛於山有樞,隰有榆。以朱反。子有衣裳,弗曳

> 則它人取之以爲己樂矣。」 裳車馬而不服不乘,若一旦宛然以死,曰:「山則有樞矣,隰則有榆矣,子有衣貌。朱氏曰:「坐見死貌。」愉,樂也。」〇朱氏之馳,策馬謂之驅。」〇毛氏曰:「宛,死之馳,策馬謂之驅。」〇毛氏曰:「宛,死

矣,他人是保。弗洒弗埽。子有鍾鼓,弗鼓弗考。宛其死弗洒弗埽。子有鍾鼓,弗鼓弗考。宛其死山有栲,音考。隰有杻。女久反。子有廷内,

「保,居也。」孔氏曰:「居而有之。」
 選。灑是散水之名。」考,擊也。」○鄭氏曰:
反。也。孔氏曰:「洒,謂以水濕地而掃之,故轉爲爲弓弩幹。」○樗,救書反。檍,於力反。洒,灑色蟹爲弓弩幹。」○樗,救書反。檍,於力反。洒,灑色蟹爲,致不知,穩也。孔氏曰:「栲似樗,色小主氏曰:「栲山,山樗。孔氏曰:「栲似樗,色小

山有漆、音七。隰有栗。子有酒食,何不日

❶ 「櫄」,原作「種」,據四庫本、《墨海金壺》本及《毛詩

正

他人入室。 鼓瑟? 且以喜樂,且以永日。宛其死矣,

於側。 覺日短,飲食作樂,可以引長此日也。」 毛氏 章尤可見。 其姑吕嬃悉出珠玉寶器散堂下,曰: 者深矣,非勸其爲樂也。 若及今爲樂之爲愈。 蓋 詩 毋爲他人守也。」乃此詩之意也,末 曰 人豈真欲昭公馳驅、飲樂者哉? 曰:「君子無故、琴瑟不離 永,引也。」○朱氏曰:「人多憂則 是物也,行且爲 他人所有,曾不 其激發感 吕禄棄軍 力智反。 切之

《山有樞》三章,章八句。

昭侯立,封 曰仇,其弟曰 歸沃焉。 沃,烏毒反。 《揚之水》,刺 成師于曲沃。 朱氏曰:「按《左傳》、《史記》,晉穆侯之太子 成師。 沃盛强,昭公微弱 晉 穆侯薨,仇立,是爲文侯。文侯薨 昭 師服諫曰: 『吾聞國家之立也 公也。 昭 國 公分國 將 叛 以 丽 封

> 甸侯也 桓 本大而末小,是以 叔。」 而 建 國, 本既弱矣,其能久乎?」成師卒,謚 能固。 故天子 建國,諸 侯 立 家。 今晉 日

從子于沃。 揚之水,白石鑿鑿。子洛反。 以素爲衣,丹朱爲緣,繡黼爲領。」○鄭氏曰:「 鄭氏曰:「君子,謂桓叔。」〇歐陽氏 服之也。 「沃,曲沃。」孔氏曰:「曲沃,在河東聞喜縣。」 人欲進此服,去從 朱、中衣,大夫之僭禮也。」大夫服之則爲僭,知諸侯當 注云:「繡刺黼文以褗領。」●《郊特牲》云:「繡黼、丹 風》。 朱、中衣。」孔氏曰: 曰:「鑿鑿然,巉巖。」襮,領也,諸侯繡 毛氏 揚之水,其力弱不能 〇毛氏曰:「鑿鑿然,鮮明 曰:「興也。」○揚之水,解見《王 中衣者、朝服、祭服之裏衣也。 既見君子,云何不樂? 「《釋器》「黼領謂之襮」,孫氏 桓 流 叔。」〇 移白石 素衣朱襮,音博 毛 其制如深衣 以以 貌。 氏 音洛。 黼 興昭 日 曰: 陳氏 國 丹

「黼」,原作「繡」,據《墨海金壺》本及《毛詩正義》改。

0

七五

而樂之,則詩文自見。」國,如白石鑿鑿然見於水中爾。其民從公微弱,不能制曲沃,而桓叔之强於晉

子于鵠。既見君子,云何其憂?揚之水,白石皓皓。古老反。素衣朱繡,從

揚之水,白石粼粼。我聞有命,不敢以問"清於繪之上繡刺以爲黼,非訓繡爲黼也。」○董氏曰:「崔靈恩《集注》本作『素衣朱綃』。」○董氏曰:「崔靈恩《集注》本作『素衣朱綃』。」○華代書。云何其憂、言無憂也。」○董氏特性》疏曰:「魯詩》云:『素衣朱綃。」

告人。 据之水,白石粼粼。我聞有命,不敢以

情,然後民翕然從之。田氏之於齊,亦猶桓叔之於晉,氏曰:「古者不軌之臣,欲行其志,必先施小惠以收衆命也。 聞而不 敢以告人,爲之隱也。 桓涯石間曰粼粼。」〇蘇氏曰:「命,桓叔之政涯石間曰粼粼,清澈也。」《説文》曰:「水生毛氏曰:「粼粼,清澈也。」《説文》曰:「水生

而皆不言,所謂「我聞有命,不敢以告人」也。」後召公子陽生於魯而立之,陽生夜至於齊,國人知之田氏以家量貸民,而以公量收之,國人愛之如父母,其

四句。《揚之水》三章,二章章六句,一章

孫將有晉國焉。能脩其政,知其蕃音煩。衍延善反。盛大,子能脩其政,知其蕃音煩。衍延善反。盛大,子《椒聊》,刺晉昭公也。君子見沃之盛彊,

朋。椒聊且! 子餘反。遠條且! 椒聊之實,蕃衍盈升。彼其之子,碩大無

碩大且篤。椒聊且! 遠條且! 椒聊之實,蕃衍盈匊。九六反。彼其之子,椒聊之實,蕃衍盈匊。九六反。彼其之子,

大於升。」篤,厚也。」以升較,言益多也。」〇吕氏曰:「古量二升曰匊。匊以升較,言益多也。」〇吕氏曰:「古量二升曰匊。匊毛氏曰:「兩手爲匊。范氏曰:「盈匊者,不復

《椒聊》二章,章六句。

人? 子兮子兮,如此良人何?綢繆束薪,三星在天。今夕何夕,見此良之理也。不得其時,則人情失,而天地之理違矣。」姻不得其時焉。范氏曰:「昏姻者,人之情,而天地姻不得其時焉。范氏曰:「昏姻者,人之情,而天地《綱直留反繆亡侯反》,刺晉亂也。國亂則昏

何,終不遂之辭也。」

時也。今乃見其在天,則不得其時。」毛時也。今乃見其在天,則不得其時。」三時時,至國民國,可以嫁娶。」○孔氏曰:「今夕何夕,見此良人,言此時可以曰:「今夕何夕,見此良人,言此時可以曰:「今夕何夕,見此良人,言此時可以可,終不遂之解也。」○曾氏曰:「三星,參也。始見,可以嫁娶。」○孔氏曰:「三星,參也。如見,可以嫁娶。」○孔氏曰:「三星,參也。」

逅何? 懈反。逅? 胡豆反。子 兮 子 兮,如 此 邂綢繆東芻,三星在隅。今夕何夕,見此邂戸

曰:「本又作逅。《韓詩》云:『邂覯,不亦不必事事稱有遺風也。」○《釋文》逅作覯,昏姻,則不得稱邂逅。堯之遺風只是儉而用禮一事,也,故思不期而會焉。」廣漢張氏曰:「若謂爲也,故思不期而會焉。」廣漢張氏曰:「若謂爲王氏曰:「今夕何夕,見此邂逅,以失時

即 「嫁」,原作「稼」,據官内廳本、四庫本、《墨海金壺》本

固之貌。こ

○李氏曰:「見此粲者,言男子之失時也。」 ○李氏曰:「《國語》雖曰『三女為粲』,而 文曰『粲,美物也』,是言美女也。」 三星見,則非昏姻之時,在天、在隅、 在户,隨所見而互言之,不必以爲時 之先後。方束薪而見三星,慨然有感 於男女失時。而其不期而見,又似於 所見而互言之,不必以爲時 之先後。方東薪而見三星,慨然有感 之先後。方東薪而見三星,慨然有感 以極其思望之情。

《綢繆》三章,章六句。

骨肉離散,獨居而無兄弟,將爲沃所并必政《杕徒細反杜》,刺時也。君不能親其宗族,

反。爾。

七利反。焉? 人,胡不比毗志反。焉? 人無兄弟,胡不依禹反。豈無他人? 不如我同父。嗟行之有杕之杜,其葉湑湑。私叙反。獨行踽踽,俱

營反。 有杕之杜,其葉菁菁。子零反。 人,胡不比焉? 人無兄弟,胡不佽焉? 也。」〇董氏曰:「崔 毛氏曰:「菁菁,葉盛也。 遺無: 他人? 不如我 靈 同 恩《集注 **睘睘,無所依** 姓。 獨行 景景,求 嗟行之 一》伙

一七七

助也? 可恃、 比 相親比,苟非兄弟必 之不足恃。「嗟行之人,胡不比焉? 人無兄弟,胡不依焉。」言苟以 杜 不如也。 '豈無他人? 豈無他人,不如我同父」也。 其葉菁菁」,即 也? 蓋言晉公室枝葉彫落,曾杕杜之 則嗟彼行道之人,胡不 生,然此詩 蓋深曉晉君以行 凡人無兄弟者, 「獨行踽踽」,言孤 不如我同父」,言他人 非以比晉君不親宗族 方云「其 不相 胡不 佽 道之人必不 助 (葉湑 立無 外求 ·自相 它人爲 信 湑 親。 平 佽

《杕杜》二章,章九句。

民也。《羔裘》,刺時也。晉人刺其在位不恤其

人? 維子之故。 善善善善善善善善善善善善善善善善善善善善善善,是是反。自我人居居。 豈無他

故舊恩好,不忍去耳。」 困苦,我豈無他 然有悖惡之色,不與民 之人。』〇孔氏曰:「用使我之衆人 民,故在下者謂之曰:『彼服是羔裘 狎習之惡。三○朱氏 也。 「《爾雅》云: 『居居、究究,惡也。」李巡曰: 『居居,不 間之,以羔爲裘,以豹飾袪。」《玉藻》曰:「羔 曰:「袂,是袖之大名。 袪,是袖頭之小稱。」 自, 大夫之服也。]〇毛氏曰:「袪,袂也。 裘豹飾,緇衣以裼之。」○鄭氏曰:「羔裘豹袪,在位 陳 氏 居居,懷惡不相 「羔裘' 人 上下通服 可 曰:「在位者不恤 親比之貌。」孔氏曰: 歸 相親,不憂我之 往 君純 乎? 羔,大夫 維子之 (居居 豹 孔 袪 其 用 氏 卿

人? 維子之好。呼報反。 羔裘豹褎,徐救反。自我人究究。豈無他

圃 鄭氏曰:「 也。」孔氏曰:「孫炎云:「究究,窮極人之惡。」」() 毛氏曰:「褎,猶袪 愛 好之也。 我不 去而歸往 民之 厚 也。 如此,亦唐之遺 他人者,乃念子 究究, 猶 居 居

○《釋文》褎作喪,曰:「本又作褎。」不忍歸他人之國,其情篤厚如此,亦是唐之遺風。」鼠》則云「適彼樂國」,皆無顧戀之心。此則念其恩好,風。」孔氏曰:「《北風》刺虐,則云「攜手同行」,《碩風。」孔氏曰:「《北風》刺虐,則云「攜手同行」,《碩

《羔裘》二章,章四句。

是,大亂五世矣。」 虢仲立哀侯之弟緍。二十八年,武公又殺之。自孝侯至 小子侯。小子侯四年,武公殺之。明年,遂滅翼。 公伐翼,逐翼侯于汾隰,夜獲之,晉人立哀侯之子,是爲 而納諸鄂。二年,莊伯卒,子稱立,是爲武公。 曲沃,而立鄂侯之子光,是爲哀侯。 八年,曲沃桓叔卒,子鱓立,是爲莊伯。伐翼,殺孝侯,晉 世。 人立其弟鄂侯。 六年,莊伯伐翼,鄂侯奔隨,王命號公伐 而納桓叔,不克,晉人立昭公之子平,❶是爲孝侯。 母,而作是詩也。朱氏曰:「昭公七年,潘父弑昭公 《鴇音保羽》,刺時也。昭公之後,大亂 君子下從征役,不得養羊亮反。 元年,翼人復逆鄂侯 九年,武 其 王命 孝侯 父 五

古。不能蓺魚世反。稷黍,父母何怙? 音户。肅肅鴇羽,集于苞栩。况禹反。王事靡盬,音

悠悠蒼天,曷其有所?

從征伐,其爲危苦,如鴇之樹止。 也。」〇鄭氏曰:「蓺,樹也。」〇毛氏 害器敗穀者,皆謂之蠱。 同。《左傳》『於文,皿蟲爲蠱,穀之飛亦爲蠱」,然則 的反。鹽,不攻致也。」孔氏曰:「鹽與蠱字異義 其子爲皂,或爲皂汁,可以染皂。」作,子各反。 側百反。梱,口本反。致,直置反。 王事,不能 鄭氏曰:「稹者,根相迫迮梱致也。」稹,之忍反。 迮、 性不 大,無後指。」集,止也。」〇孔氏曰:「孫炎 「怙,恃也。」○鄭氏曰:「曷,何也。 曰:『物叢生曰苞。』、《爾雅》曰:「苞,稹。」〇 毛氏曰:「興也。 「鴇羽連蹄,樹止則爲苦。」❷○《釋文》曰:「鴇似鴈而 一栩, 杼食汝反。也。孔氏曰:「栩, 杼, 今柞櫟也 樹止。王氏曰:「肅肅,疾也。」〇孔 播 種五 肅 是盬爲不攻牢、不堅致之意 穀,我父母將 肅 ,鴇羽聲也。 毛氏曰: 鴇之 何怙 櫟,力 氏曰: 我 E 迫

[「]公」,原作「子」,據四庫本與《墨海金壺》本改。

[「]止」,原作「立」,據《墨海金壺》本與《毛詩正義》改。

天也。」 人窮則反本,因則告我得其所乎? 人窮則反本,因則告乎?」〇孔氏曰:「悠悠乎蒼天,何時使

有極者,言勞役之無已也。」蘇氏曰:「極,止也。」○范氏曰:「曷其黍稷,父母何食? 悠悠蒼天,曷其有極?肅肅鴇翼,集于苞棘。王事靡盬,不能蓺

有常?不能蓺稻粱,父母何嘗? 悠悠蒼天,曷其不能蓺稻粱,父母何嘗? 悠悠蒼天,曷其肅肅鴇行,戶郎反。集于苞桑。王事靡盬,

《鴇羽》三章,章七句。
曰:「思得休息以反其常,厭亂之甚也。」
型、「赤苗,今之赤粱粟。白苗,今之白白:「赤苗,今之赤粱粟。白苗,今之白白,,郭璞及。赤苗。 芑,羗紀反。白苗」,郭璞蘇氏曰:「行,列也。」○《爾雅》曰「虋,亡人。

《無衣》,美晉武公也。武公始并卑政反。晉

知反。諸侯不命於天子,則不成爲君。」○與,二曰粉米,三曰黼,四曰黻,皆爲以爲繡。〕○爲,恥也, 二曰火,三曰宗彝,皆畫爲繢。裳四章:一曰也, 二曰火,三曰宗彝,皆畫爲繢。裳四章:一曰驚之。 [侯伯之服七命,冕服七章。《周豈曰無衣七兮? 不如子之衣,安且吉兮。

吉也。」○蘇氏曰:「以晉之力,豈不足以爲衣。」○蘇氏曰:「以晉之力,豈不足以爲れ氏曰:「就天子之使請衣,故云子之

豈曰 曰 : 節。○○程氏曰:「燠,暖,亦謂 也。」〇毛氏曰:「天子之卿六命,車旗衣服 以五爲節,而曰六者,天子之卿六命,與子男同 鄭 愈乎不。」王氏曰:「六者,子男之服也。 子男之服 侯伯,得受六命之服,列於天子之卿,猶 氏 無衣六兮? 不如子之衣,安且燠兮。 「義理有所未安,雖食不飽,雖衣不暖。」 曰:「變七言六者,謙也。 不敢必當 安耳。」昌氏 以 六爲 服 故

之便。 某官不便。 便乎?」朱泚 滅,宜其發此言。 命,亦不可謂之「安且吉」、「安且燠」 喬琳爲朱泚吏部尚書,選人白 琳之爲泚 晉國 琳答 雖 雖有吏部 臣,王師 有冕服,苟 曰:「足下謂 若武公之篡,當東 選, 復振,旦夕誅 無天子之 叫 不 此 前 可 選 所 謂 竟 注

王尚 反使 也。 問, 玩其辭 周之衰 初 曲 侯,而王又不問,三失也。 昭侯封季弟成師於曲沃,專封而王不 記》、《左傳》考之,平王二十六年,晉 王 桓 昭侯,欲納成師, 可殄滅,而 語異矣。 沃莊 雖 王 師 哀侯之弟緍于晉。 之作,乃 平王四十七年,曲沃莊公弑晉孝 十 出 能命號伐曲 尹氏、武氏助之。及曲沃 不 失也。平王三十二年,潘父弑 能 三年,曲沃武 以 伯攻晉,王非特不能討 氣,與劉仁恭「求 雖 仲尼録之,所以見秉彝之不 IF. 即 其 以 王綱之猶 党 討 中 枝 ,明年,猶能 代 止於此乎? 心 「沃,立晉哀侯。 /宗,豈 而王又不問,二 誠 7公弑晉· 可舉 有 又明年,猶 所 長安本色」之 即 桓王二年, 也。以《史 大不 有 命號 四 小 禍 · 子 侯, [失也。 叛王, 曲沃, ·安也。 ? **炉**立 使其 失

臣,其所由來者漸矣。樂征伐移於諸侯,降於大夫,竊於陪諸侯,五失也。以此五失觀之,則禮至是武公篡晉,僖王反受賂,命之爲至是武公篡晉,僖王反受賂,命之爲。號仲、芮伯、梁伯、荀侯、賈伯伐曲沃。

《無衣》二章,章三句。

兼宗國而不求賢,故刺之。」其宗族,而不求賢以自輔焉。孔氏曰:「武公初其宗族,而不求賢以自輔焉。孔氏曰:「武公初《有杕之杜》,刺晉武公也。武公寡特,兼

嗣。之?我,中心好呼報反。之,曷飲於鴆反。食音我?中心好呼報反。之,曷飲於鴆反。食音有杕之杜,生于道左。彼君子兮,噬肯適

左,而人得休息焉。武公兼其宗族,又范氏曰:「杕杜,陰至寡也。然以生於道曰:「噬、逝通。」朱氏曰:「噬,發語辭也。」〇蘇氏杜特生,陰寡。道左,道東也。」〇蘇氏杜氏曰:「興也。」〇鄭氏曰:「杕音弟。毛氏曰:「興也。」〇鄭氏曰:「杕音弟。

詩》噬作逝。」 者,則賢者自來矣。」〇《釋文》曰 公誠實有好賢之心,唯恐 君子亦不肯適我矣。」〇陳氏 若也。」〇朱氏曰:「寡特 不 水賢 议 自 輔, 孤 特 如此,則 矛 無 足 日:「 侍賴 以 是杜 飲 ,則彼 食 使武 之不

遊? 中心好之,曷飲食之? 有杕之杜,生于道周。彼君子兮,噬肯來

《韓詩》作右。」 「周,曲也。」〇《釋文》曰:「周

《有杕之杜》二章,章六句。

稱:「晉里克敗狄于采桑。」見於《傳》者已如此,是其好攻曰:「八月,晉侯圍上陽。冬,滅虢,又執虞公。」八年《傳》中生伐東山臯落氏。」僖二年:「晉的滅下陽。」五年《傳》曰:「晉侯作二軍,以滅耿、滅魏。」二年《傳》曰:「晉侯使太子[晉侯作二軍,以滅耿、滅魏。」二年《傳》曰:「晉侯使太子[晉侯作二軍,以滅耿、滅魏。」二年《傳》曰:「晉侯使太子[晉侯作二軍,以滅耿、滅魏。」三、以其、則國人多《葛生》,刺晉獻公也。好攻戰,則國人多

曰:「逃亡曰喪。」 戰也。國人或死行陣,或見囚虜,是以多喪。」〇陳氏

毛氏曰:「域, 塋域也。」

獨旦? 角枕粲兮,錦衾爛兮。予美亡此,誰與

朱氏曰:「粲、爛,華美鮮明之貌。」 范氏

曰:「獨日」,獨處至旦也。」朱氏曰:「自夜至日:「角枕之粲,錦衾之爛,則其嫁未久也。」〇程氏

旦也。」

夏之日,冬之夜。百歲之後,歸于其居。 朱氏曰:「夏之日,日永之時也。冬之夜,夜永之時也。」○鄭氏曰:「思者於晝夜,夜永之時也。」○鄭氏曰:「思者於晝盡。」廣漢張氏曰:「《葛生》之詩,雖婦人思存者而酷。」廣漢張氏曰:「《葛生》之詩,雖婦人思存者而作,然以獻公之攻戰不休,知其死亡之無日也。則斷作,然以獻公之攻戰不休,知其死亡之無日也。則斷作,然以獻公之攻戰不休,知其死亡之無日也。則斷作,然以獻公之攻戰不休,知其死亡之無日也。則斷作,然以獻公之攻戰不休,知其死亡之無日也。則斷在,然以獻公之攻戰不休,知其死亡之無日也。則為之後,歸子其居。

鄭氏曰:❷「室,猶居也。」冬之夜,夏之日。 百歲之後,歸于其室。

《葛生》五章,章四句。

♪ 「鄭」,疑當作「毛」,案《毛詩正義》,傳曰:「室猶居♪ 「栝」,原作「括」,據四庫本及《毛詩正義》改。

「室猶冢壙。」

一八

子之事,可見也。」焉。朱氏曰:「獻公好聽讒,觀驪姬譖殺太子,及逐群公焉。朱氏曰:「獻公好聽讒,觀驪姬譖殺太子,及逐群公寒 苓 力丁 反》,刺 晉 獻 公 也。 獻 公 好 聽 讒

言,胡得焉! 信。舍旃舍旃,之然反。苟亦無然。人之爲采苓采苓,首陽之巓。人之爲言,苟亦無

辟側,無徵驗也。 徵也。」○孔氏曰:「小行,謂小小之事。 何所得,謂徐察其虚實也。」毛氏曰:「采苓: 言焉也。」○歐陽氏曰:「戒獻公聞人之 「又重誠曰:「置之置之,且無以爲然。」」更考其言 言且勿聽信,置之且勿以爲然。 程氏曰: 鄭氏曰: 山名也。」孔氏曰:「首陽,在河東蒲坂縣南。」 大苦也。《釋文》曰:「即甘草,葉似地黄。」首陽。 之義,故以采苓起興。]〇毛氏曰:「苓, 毛氏曰"「興也。」〇朱氏曰"「采有聽取 也。 首陽,幽辟也。 「巔,山之上。 讒言之起,由君數問小事於小人。」 細事,喻小行也。 苟,且也。 無徵,謂幽隱 幽辟,喻無 旃之

采苦采苦,首陽之下。人之爲言,苟亦無『爲言』,定本作『僞言』。」 王肅諸本皆作

《《日》:「告,告友见。」 1977:「千霄道家得焉!」。 舍旃舍旃,苟亦無然。 人之爲言,胡與。舍旃舍旃,

從。舍旃舍旃,苟亦無然。人之爲言,胡采葑采葑,●首陽之東。人之爲言,苟亦無也。」○朱氏曰:「與,許與也。」

得焉!

毛氏曰:「葑,菜名也。」

是非,惟遠者能之。毛氏以采苓爲細謂遠也已矣。」不輕聽易動而徐觀其曰:「浸潤之譖,膚受之愬,不行焉,可「首陽」者,興采聽之當遠也。孔子「首陽」者,興采聽之當遠也。孔子采苓、采苦、采葑,不曰「郊野」,而曰

[●] 上「采」字、原作「菜」、據四庫本、《墨海金壺》本及《毛

雖求之太過,然實天下之名言也,故「讒言之起,由君數問小事於小人」,事,首陽爲幽辟,孔氏引而伸之,謂

《采苓》三章,章八句。

附見焉。

唐國十二篇,三十三章,二百三句。

吕氏家塾讀詩記卷第十一

吕氏家塾讀詩記卷第十二

秦

子,臯陶之子伯益也。」一周孝王使其末孫非子 谷。至曾孫秦仲,宣 養馬於汧渭之間 《列女傳》云『皐子生五歲而佐禹』,曹大家注云:『臯 後」、《地理志》云『嬴,伯益之後』,則伯益、伯翳聲轉字 裔,孫曰女脩。女脩生大業,大業生太費,是爲伯翳。」 異,猶一人也。《秦本紀》云:『秦之先,帝顓頊之苗 也。」堯時有伯翳者,實臯陶之子,佐禹治 水,賜姓 鄭氏《詩譜》曰:「秦者,隴西國名,●於 禹貢》近雍州 日 嬴。孔氏曰:「《鄭語》云『嬴,伯翳之 鳥 , 封 鼠 Щ 爲 王又命作大夫,始 附 朱氏曰:「今秦州是 庸 ,邑之於秦

> 興。 事。」〇朱氏曰:「岐豐之地,文王用之以 人用之未幾而 一變其俗,見於《詩》者大 習戰備,高上氣力,以射獵爲先,故秦詩 之詩、《小戎》之篇、皆言車馬 我甲兵,與子偕行。」及《車轔》、《四载 安定、北地、上郡、西河、皆迫近戎狄、修 曰:『在其版屋。』又曰:『王于興師,修 又徙於雍云。」○《前漢・地理志》:「天 域在荆岐終南惇物之野。 初,興 水隴西,山多林木,民以板爲室屋。 遂有周西都宗周畿内八百里之地,其封 城,乃以岐豐之地賜之,始列爲諸侯。 之變風始作。 有 車 二《南》之化,如彼其忠且厚也,秦 馬 兵討 禮 西戎以救周。 侍 秦仲之孫 御之好,國人美之, 至玄孫德公, 平 王 襄公,平王之 田 東遷王 狩之 及

或 」、《毛詩正義》作「谷」。

之也。」 亦足以 興起。 之於此,以 敦重質直,不爲浮靡,以 朝 抵 又以 同列之氣矣。 尚 氣槩,●先勇力,已悍然有招 以猛 强 見 兵 上之導 見厚重强直 力農,而成富强之業也。 驅之,則其强毅果敢之資, 蓋雍 民,不可不 州 者之可與有爲, 土 善導之,則易 厚 水深,其 謹 八 其 州 所 論 民 而

者,附庸未得爵命,無謚可稱。」馬、禮樂、侍御之好焉。 孔氏曰:「秦仲以字配國馬、禮樂、侍御之好焉。 孔氏曰:「秦仲以字配國《車鄰栗人反》,美秦仲也。 秦仲始大,有車

寺人之令。为呈反。 有車鄰鄰,有馬白顛。都田反。未見君子,

毛 氏曰 盜驪、赤兔、的盧之稱。」寺人,内小臣也。」孔 額有白毛。」〇王氏 顙 桑黨反。 「言寺人是在内細小之臣,非 「鄰鄰、衆車 也。 曰:「白顛,蓋仲之名馬, 孔 氏曰: 聲 也 「的,白也。 謂寺人即是内 顛,的丁歷 顙, 驊 額

命,君臣相信,故其下得以使之也。」

先君昔所未有也。」○范氏曰:「寺人所以傳內外之君者,必先令寺人使傳告之。 時秦仲又君者,必先令寺人使傳告之。 時秦仲又君者,必先令寺人使傳告之。 時秦仲又已」,是諸侯有內小臣也。《左傳》齊有寺人貂,晉有寺臣」,是諸侯有內小臣也。《左傳》齊有寺人貂,晉有寺臣」。直之官也。燕禮,諸侯之禮也。云『獻左右正與內小臣之官也。燕禮,諸侯之禮也。云『獻左右正與內小臣之官也。燕禮,諸侯之禮也。云『獻左右正與內小臣之官也。燕禮,諸侯之禮也。云『獻左右正與內小臣之官也。

曰:「今者不樂、恐失時也。」○李氏曰:君臣以閒暇燕飲相安樂也。」○范氏則並坐鼓瑟矣。」○鄭氏曰:「並坐鼓瑟,

「阪則有漆矣,隰則有栗矣。

既見君子,

^{● 「}抵」,原作「低」,據官内廳本、四庫本與《墨海金壺

一八

月之往。」「逝者,與『日月逝矣』之逝同,皆言其歲

秦者亦以此。 秦者亦以此。 秦者亦以此。 秦之强以此,而止於爲俗也。 「今者不樂,逝者其耋」,悲壯「既見君子,並坐鼓瑟。」簡易相親之

黄。今者不樂,逝者其亡。 阪有桑,隰有楊。 既見君子,並坐鼓簧。 音

毛氏曰:「簧,笙也。」

下可。 《車鄰》三章,一章四句,二章章

從公于狩。 駟驖孔阜,六轡在手。公之媚眉冀反。❶ 子,

王氏曰:「駟驖,言純駟也。」〇毛氏曰:

0

眉翼反」,原在「子」下,據四庫本、《墨海金壺》本改。

「職,驪。孔氏曰:「鸎,黑色。」阜,大也。」○ 孔氏曰:「每馬有二轡,四馬當八轡矣。 孔氏曰:「每馬有二轡,四馬當八轡矣。 於,故在手者惟六轡耳。」○朱氏曰:「冬獵曰子,所親愛之人也。」○毛氏曰:「冬獵曰子,所双良善,御人執其六轡在手而已,不須控制之也。」○吕氏曰:「冬獵曰不必如媚于天子,媚于國人者也。此詩不必如媚于天子,媚于國人者也。此詩本,雖為為其之。 本稍備云耳。」

拔蒲末反。則獲。奉時辰牡,辰牡孔碩。公曰左之,舍音捨。

之時社。」〇朱氏曰:「牡,獸之牡者也。」〇曰:「皆《天官·獸人》文。獸之供食各有時節,故謂獻麋,亡悲反。春秋獻鹿、豕、群獸。」孔氏甚氏曰:「時,是。辰,時也。冬獻狼,夏毛氏曰:「時,是。辰,時也。冬獻狼,夏

時節之牡獸甚肥大矣。 孔氏曰:「以鏃爲首,故拔爲末。」○孔氏曰:「虞 括則獲其獸。言公之善射。」 『從左而逐之。』公乃親自射之,舍放矢 人奉是時節之牡獸,驅 由左,禮之常法。」○毛氏曰:「拔,矢末 而射之,達于右腢,爲 董 氏 日 五 御,三曰 上殺。」孔氏曰:「逐· 逐 以待公射之,此 禽。 公戒御者曰 左,自 也。 左 禽

喬反。 載 獫 力驗反。歇許謁反。驕。許鑣,彼驕反。 載 獫 力驗反。歇許謁反。驕。許遊于北園,四馬既閑。 輶音由。 車鸞盧端反。

也。」〇 驅禽 也。」孔氏曰:「乘車鸞在 日 毛氏曰:「閑,習也。 輕車,驅逆之車。」〇孔氏曰:「田僕掌設驅逆之車 短喙 使 獫、歇驕 前 鄭氏 趨 曰 鈴 獲,逆御還之,使 歇驕。」○ 也,效鸞鳥之聲。 . 曰:「置鸞於 田 一大也。 一衡,和 朱氏曰: 輔,輕 不 長喙况 鑣,異於乘 出 在軾。二〇毛 圍。」 也。」鄭氏 鐮,馬 魔反。 田 朱 事 日 氏 氏 車 銜 己 日

> 此類。」 力也。 畢,故遊于北 愈《畫 袁 以以 三記》有 車載 騎 犬, 擁 蓋 田 以 犬者,亦 休其 足

《駟驖》三章,章四

《小戎》,美襄公也。 襄公爲諸侯。十二年伐戎,至岐而卒。」 戎,破之,至殺幽王驪山下。 襄公將兵救周有功,平王 西戎,西戎殺之。宣王召其子莊公,與兵七千人,使伐 婦人能閔其君子焉。李氏曰:「《史記》:「秦仲誅 西戎方强而征伐不休, 備其兵甲 國 則 矜 以討 其 車 西 戎 Ħ,

樹反。 我 因。 游環脅驅,陰靷音胤。 小戎俴錢淺反。 心曲 暢敕亮反。 言念君子,温其如玉。 **轂,**音谷。 收,五楘音木。 **鋈**音沃。 駕我騏音其。 梁輈。 在其板屋,亂 續。 文茵 馵。 陟 留 反。 之 音

子之車也。故夏鉤車、殷寅車、周元戎,然則諸侯之戎之忍反。也。董氏曰:「《六月》言『元戎十乘」,此天毛氏曰:「小戎,兵車也。 俴,淺。 收,軫

轡貫之,游移無定處也。 驂馬欲出,此環牽之,所以禦 氏曰:「游環者,以環貫靷,游在服馬背上,驂馬之外 也。 使堅,是謂五楘。」游環, 靭環也。 禁其出。 所以禦出 主,懼輈之不堅也,故一轅則五分其穹,每分以皮束之 輈,則穹其上,以便服馬之進退。 前駕於服馬之衡之上,其後則乘前軫直逼後軫。 章歷録,故謂之五楘也。」○陳氏曰:「輈,車轅也。 之梁輈也。 之上而嚮下句之。 衡則横居轅下,如屋之梁然,故 孔氏曰:「楘,歷録也。 古侯反。 軫至後軫,其深八尺,兵車之軫比之爲淺。」五,五 東也。楘,歷録音禄。 車當興之內,從前軫至後軫,惟深四尺四寸。大車前 軫者,車之前後兩端之横木也,所以收斂所載,故名收 ,謂之小戎宜也。」○孔氏曰:「俴,淺也。 兵車言淺軫者,對大車平地載任之車爲淺也。兵 鄭氏曰:「游環在背上,無常處,貫驂之外轡,以 衡者, 軛也。 脅驅者,著服馬之外脅,以止驂之人。」○孔 衡也。 一輈之上,以皮革五處束之,每束皆有文 也。 轅從軫以前稍曲而上至衡,則居 脅驅,慎駕具,所以止入 輈者,轅也。梁輈,輈上曲 朝五束,束有歷録 也。 車之進退,以轅爲 梁朝,朝上句 游在背上, 收,軫 也 其 也 句

> 暢轂,長轂也。 之處,銷白金沃其環以爲飾也。」◎文茵,虎皮也。 驂馬之頸,後繋陰板之上。● 鋈續,陰板之上有續靷 朱氏曰:「揜軌,在軾前軫上。靷者,以皮二條,前繫 謂銷白金以沃灌靷環。 横軌之前,别有驂馬二靷也。 於陰板之上,令驂馬引之。《左傳》云『兩靷將絶』,是 前垂輈上,謂陰板垂輈上也。」此車衡之長,唯六尺六 也。 寸,止容二服而已。 映此軌也。 軌,在軾前垂輈上。鋈續,白金飾續靷之環。]〇孔: 出也。 止入也。」陰, 揜於檢反。 之脅,愛慎乘駕之具也。駿馬欲人,則此皮約之,所以 「揜軌、謂興下三面材、以板木横側車前、所以 鋈,白金也。續,續靷也。 脅驅者 輈在軌前,横木映軌,故鄭氏云:「軌在 以 孔氏曰:「茵者,車上之褥。 驂馬頸不當衡,別以皮爲二靷,繋 條皮上繋於衡,後繋於軫,當服 靷言鋈續,則是作環相接。」○ 軌 鋈,沃也,非白金之名 也。 靷,所以引 鄭氏曰:「揜 劉熙 軾 陰 氏 馬

0

傳》作「消」,義通

0

[「]銷」,原脱,據四庫本、《墨海金壺》本補,朱熹《詩集集傳》改。

也。 寸; 故 中委曲之處也。」《地理志》云:『天水、隴 爲騏,知其色作綦文。 馬後足白爲馵。」 〇孔 朱氏曰"「觳,所以貫車輪者。」騏,騏文也。左 暢,訓爲長,言長於大車之轂也。 民 然其如玉。 足白曰馵。」孔氏曰:「色之青黑者名爲綦。 曰 而 《釋名》云:『文茵,車中所坐也。 也。」 以 不得見,亂我心曲也。』朱氏曰:「心曲,心 「婦人閔其君子,云:『言念君子, 毛氏 大車之轂,長尺半, 板爲屋。」然則秦之西垂,民亦 () 言西 今乃遠在西戎板屋之中, 戎板屋者,此言伐 兵車之轂,比之爲長。]〇 兵車之轂,長三尺二 用虎皮,有文采也。] 馬名 戎 氏 思 温 屋 西

何爲期? 古穴反。 古花反。 四牡孔阜,六轡在手。 氏 曰 **軜**。音納。 ○鄭氏曰:「赤身黑鬣 驪是驂。 胡然我念之? 「孔阜,甚肥大也。」〇騏,見前 龍盾順允反。 言念君子, 騏駵音留。 温其在邑。 力輒 是中, 反 方 觼 騧

> 反。 駵。」孔氏曰:「今人猶 納物也。 之,而謂之龍盾,是畫龍於盾也。 盾也。● 合,合而載之。」孔氏曰:「盾以木爲 外兩馬謂之騑。]〇毛氏曰:「龍盾,畫龍 曰 内轡,繋於軾前,其繫之處以白金爲觼也。」○蘇氏 驂内轡也。」孔氏曰:「觼軜,謂白金飾皮爲觼,以 曰:「觼,環之有舌者。」〇毛氏曰:「軜, 以白金爲飾 上之衛也。」〇鄭氏曰:「鋈以觼軜,軜之觼 之,以爲車蔽也。三朱氏曰:「盾,干也。 馬欲人,則偪 鄭氏曰:「中, 馬之有轡者,所以制馬之左右,令之隨逐人意,驂 也。」孔氏曰:「車駕四馬,在内兩馬謂之服,在 「黄馬 駿之外轡,則御者執之。」○朱氏曰:「邑, 四馬八轡,而 而脅驅。 黑 也。 喙 日 内轡不須牽挽,故知納者納 中 經傳皆言六轡,明有二轡當繫 **軜繫於軾** 騎。」○驪,解見《 謂 服 此 也。 爲 駵馬。□○ 王肅云:『合 驂, 兩騑 前。二〇朱氏 載之,以爲車 孔氏 駉 芳非 丽 爲 驂

^{● 「}爲」、《毛詩正義》作「其」,當據改。

載興。 苑,虎韔敕亮反。鏤魯豆反。 竹閉緄古本反。 **後駟孔群,**公音求。矛鋈錞。徒對反。蒙伐有 期乎? 九 鄙之邑也。 厭厭於鹽反。良人,秩秩德音。 何爲使我念之極也?」 騰。直登反。言念君子,載寢 方,將也。 膺。交韔二弓, 將以 何 時 爲 歸

辨其等」,注云:「干櫓之屬。」言辨其等,則盾有大小。 之羽以爲盾飾,其文章苑然而美。《司兵》「掌五盾,各 畫雜羽之文於伐,故曰尨伐。」●○孔氏曰:「畫雜鳥 也。 尊,亦以白金鋈之也。」蒙,討羽也。伐,中干 之下端者當有鐓也。 孔氏曰:「厹矛,三隅矛,刃有三角,鋈以白金爲其錞。 《曲禮》曰:「進戈者前其鐏,進矛戟者前其錞。」是矛 曰:「公,三隅矛也。 鄭氏曰:「孔群者,言甚調和也。」〇毛氏 氏曰:「今爲馬甲之札,欲其輕而易於馬之旋習。」() '錞,鐏」者,取類相明,非訓爲鐏也。」○朱氏曰:「鋈 爲淺,駟是四馬。是用淺薄之金以爲駟馬之甲。」○陳 毛氏曰:「俴駟,四介馬也。」孔氏曰:「俴訓 苑,文貌。鄭氏曰:「蒙,魇也。 鋭底曰鐏,平底曰鐓。毛氏言 **錞,鐏**徂寸反。 討,雜也 也。

> 弓,然後納之韔中也。」〇朱氏曰:「檠弓體使正 而又興也。」〇毛氏曰:「厭厭,安静也。」 之,因名柲爲紲。所繼之事,即緄縢是也。 然則竹閉,一名柲也。繼,繫也。置弓柲裏,以繩繫 裹,備損傷也。 以竹爲之。」引《詩》云:「竹閉 之弓云 「有柲」,注云:「柲,弓檠也。 弛則縛之於弓 膺。 紀**,**繩。 必二弓,如有副馬以備壞也。」閉,繼。息列反。 之婁胸也。」●交韔,交二弓於韔中 曰:「交二弓於韔中,謂顛倒安置之。」○王氏曰:「韔 也。孔氏曰:「其弓則有虎皮之韜,其馬則有金鏤之 虎,虎皮也。 櫓是大盾,故以伐爲中干。干、伐,皆盾之别名也。)朱氏曰:「載寢載興,言思之深,既寢 鏤,刻金飾也。」〇毛氏曰:「膺,馬帶 左傳》:「狄虒彌建大車之輪,而蒙之以甲,以爲櫓。」 膺,胸也。鏤膺,謂膺上有鏤,是以金飾帶,若 騰,約 報,弓室也。」○鄭氏 也。」孔氏曰:《既夕禮 也。 謂 》説明器 7組縢。 以 曰 也。」 繩約 孔氏

0

[「]今」,原作「金」,據《墨海金壺》本及《毛詩正義》改。「尨」,四庫本、《墨海金壺》本及《毛詩正義》作「厖」。

然有序。今乃從征役,我是以思念也。」「婦人謂夫乃安静善人,其德音又秩秩〇蘇氏曰:「秩秩,有序也。」〇李氏曰:

○《釋文》厹作叴。

《小戎》三章,章十句。

《華古恬反葭音加》,刺襄公也。未能用周禮, 《華古恬反葭音加》,刺襄公也。未能用周禮, 其强勁,而不適於用。至於白露凝戾爲霜,然後堅成,可 其强勁,而不適於用。至於白露凝戾爲霜,然後堅成,可 其强勁,而不適於用。至於白露凝戾爲霜,然後堅成,可 其强勁,而不適於用。至於白露凝戾爲霜,然後堅成,可 其强勁,而不適於用。至於白露凝戾爲霜,然後堅成,可 其强勁,而不適於用。至於白露凝戾爲霜,然後堅成,可 其强勁,而不適於用。至於白露凝戾爲霜,然後堅成,可 其強有以取之矣。」

遡游從之,宛在水中央。方。遡蘇路反。洄音回。從之,道阻且長。兼葭蒼蒼,白露爲霜。所謂伊人,在水一

也。」蒼蒼,盛也。白露凝爲霜。」○朱氏氏曰:「蒹似萑而細,高數尺,牛食之肥彊。 蘆,葦毛氏曰:「興也。蒹,薕。● 葭,蘆也。孔

且遠。」 曰 : 必用周禮以 也。」〇毛氏曰:「逆流 而涉曰遡游。」〇鄭氏曰:「宛,坐見貌。」 ○歐陽氏曰: 曰 "「伊人,猶言彼 順而求之則易且近,逆而求之則艱 變其夷狄之俗。」〇程氏 「蒹葭必待霜然後堅實,秦 人也。 而上曰遡洄, 方,彼 順流 方

之,宛在水中坻。真片反。水之湄。遡洄從之,道阻且躋。遡游從蒹葭凄凄,白露未晞。音希。所謂伊人,在

萋萋,曰:「本亦作凄。」
毛氏曰:「坻,小渚也。」○《釋文》凄凄作升也。」○《爾雅》曰:「水草交爲湄。」○曰:「晞,乾也。孔氏曰:「謂未乾爲霜。」躋,程氏曰:「凄凄,青蒼之間也。」○毛氏

蒹葭采采,白露未已。所謂伊人,在水之

「亷」,原作「蒹」,據四庫本及《毛詩正義》改。

0

在水中沚。 挨。遡洄從之,道阻且右。遡游從之,宛

曰沚。」○毛氏曰:「小渚出其右,是難至也。」○毛氏曰:「小渚孔氏曰:「若正與相當,行則易到,今乃氏曰:「未已,猶未止也。涘,涯也。」○毛朱氏曰:「采采,言其盛而可采也。」○毛朱氏曰:「采采,言其盛而可采也。」○毛

甚易且近,特人求之非其道爾。 年以 爾。 也。 謂 此詩全篇皆 伊人」,猶曰 若孝公所云,安能 成帝王也? 襄公所以 比 未 所 ,猶《鶴鳴》之類。 能用周 謂 故詩 此理也,蓋指 邑邑待數十 人諷之。 禮者,疑其迂 以 周禮 「所 禮 百

地。襄公十二年伐戎,至岐而卒,子文公立。十六年,以陽氏曰:「按《史記》,平王封襄公爲諸侯,賜之以岐西之受顯服,大夫美之,故作是詩以戒勸之。歐《終南》,戒襄公也。能取周地,始爲諸侯

蒹葭》三章,章八句。

狐裘。 終南 既有天子之命矣,穀梁子曰:『王者無外,命之則成矣。』」 而取岐、豐之地。」〇朱氏曰: 襄公之世,不能取之。但嘗一以兵至岐。至文公始逐戎 侵奪岐、豐,周遂東遷。 兵伐戎,❶戎敗 何 7有? 顏如渥於角反。 走, 有條有 遂收 雖以岐、豐賜秦,使自攻取,而 周 餘民而有之,地至岐。 梅。 丹,其君也哉。 「襄公雖未能遽有周地,然 君子至止,錦衣 蓋 自 戎

如厚漬之丹,言赤而澤也。」〇程氏 裘,諸侯之服也。」屋,厚漬 以裼星歷反。之。楊氏曰:「《玉藻》曰:「錦衣、狐 止者,受命服於天子而來也。 曰:「君子,指其君也。」○鄭氏曰:「至 白,宜爲車板。」梅,郭璞曰:『似杏,實酢。□○朱氏 毛氏 也。 終南崇高厚大,以興君位之尊。 稻,郭璞曰:『今之山楸也。』陸璣云:『皮葉白,色亦 條,槄。 曰:「興也。 梅,柟如鹽反。 終南,周之名山 (辭賜反。 也。」孔氏曰: 諸侯狐裘 也。 山之 中 曰 : 南

❶ 「伐」,原作「代」,據宫内廳本、四庫本、《墨海金壺》本

終南》二章,章六句。

之,此所以戒也。」位。」范氏曰:「有其服與容,而無德以稱之,君子恥使。」范氏曰:「有其服與容,而無德以稱之,君子恥德,故宜稱顯服。 又美其容貌稱人君之高大,必生美材, 人君尊崇,必有令

矣」,戒之之辭也。「其君也哉」,猶《書》所謂「孺子王

衣繡裳。佩玉將將,七羊反。壽考不忘。 終南何有? 有紀有堂。君子至止,黻音 而 壽考不忘者,欲其居此位 狀,兩己相戾也。」五色備謂之繡。」朱氏 基也。畢,終南之道名。 程氏曰:「紀,稜角。堂,平寬。」朱氏 繡,刺繡。」〇朱氏曰:「將將,佩玉聲也。 ·紀,基也。堂,畢道平如堂也。]〇孔氏曰:「基,謂山 ·紀,山之廉角也。堂,山之寬平處也。]〇毛氏曰:)毛氏曰:「黑與青謂之黻,朱氏曰:「黻之 安寧也。 亦戒勸之辭。」 道之側,其崖如堂之牆也。」 ,服此服,長久 目 日 弗

> 曰殉。 良也。 《黄鳥》,哀三良 有治亂,臣子得從違。 平仲,事君不以私。 豈不榮? 固有道,大節要不虧。君爲社稷死,我則同其歸。 山重,忽作鴻毛違。三子死一言,所死良已微。賢哉晏 不足美也。」〇東坡蘇氏和陶淵明《三良》詩曰:「此生太 者不食其言,以死從君,而詩人不以爲美者,死不爲義 然。方責穆公死而棄民,故舉其重者。]〇朱氏曰:「三人 子美之。然康公得無罪乎? 從之。」〇董氏曰:「陳乾,昔魏顆從其治命,不以爲殉,君 任好卒,以子車氏之三子奄息、仲行、鍼虎爲殉,皆秦之 死,而作是詩也。 不刺康公而刺穆公,是穆公命從己死,此人自殺 國人哀之,爲之賦《黄鳥》。」殺人以葬,環其左右 有時纏憂悲。所以靖節翁,服此黔婁衣。」 我豈犬馬哉? 也。 魏顆真孝愛、三良安足希。 孔氏曰:「《左傳》文六年:『秦伯 國人刺 詩人特以傷賢者之不得死 從君求蓋 穆公以 人從 顧命 殺身 宦

贖兮,人百其身。其慄。彼蒼者天,殲子廉反。我良人。如可其慄。彼蒼者天,殲子廉反。我良人。如可息。維此奄息,百夫之特。臨其穴,惴惴交交黄鳥,止于棘。誰從穆公? 子車奄

陶淵明詩曰:「荆棘籠高墳,黄鳥聲正悲。」○李氏毛氏曰:「興也。」朱氏曰:「以所見起興也。」○

一九五

以他人贖之,則人雖有百身,亦皆願贖 殺我善人。」〇朱氏曰:「此奄息之死,若可 之矣。愛之甚也。」 毛氏曰:「殲,盡。 曰:「慄,悼慄也。彼蒼者天,愬之。」〇 也。」〇毛氏曰:「惴惴,懼也。」〇鄭氏 特,則特出於百夫。」〇鄭氏曰:「穴,壙 車、氏。 奄息、名。」○王氏曰:「百夫之 黄鳥止於棘,得其所。」○毛氏曰:「子 交交,飛而往來之貌。」〇孔 良,善也。」孔氏曰:「盡 氏 曰

可贖兮,人百其身。 穴,惴惴其慄。彼蒼者天,殲我良人。 行。户郎反。 交交黄鳥,止于桑。誰從穆公? 子車 維此仲行,百夫之防。臨其 如 仲

百夫。」 鄭氏曰:「防,猶當也。言此一人當

交交黄鳥,止于楚。 訓防爲當者,蓋如隄防之防水。 誰從穆公? 子車 鍼

君子者,取其去來之疾。人君好賢,待

多,今則忘之矣。」○程氏曰:「以晨風

膕

欽欽然。程氏曰:「欽欽,不解之意。」 忘我實

北林,林名也。憂心欽欽,思望之心中

喙,許穢反。

鬱,積也。

虎。 其慄。彼蒼者天,殲我良人。 人百其身。 維此 鍼 虎,百夫之禦。 臨其穴,惴惴 如可 贖兮,

王氏曰:「百夫之禦,則能禦百夫者也。」

憂心欽欽。 **鴥**尹橘反。 賢臣焉。孔氏曰:「康公罃,穆公子。」 雀食之。!□○鷂,羊召反。 黄色,燕鴿句喙,嚮風摇翅,乃因風飛急,疾擊鳩鴿燕 之然反。 毛氏曰:「興也。鴥,疾飛貌。晨風,鸇 彼晨風,鬱彼北林。未見君子 也。 如何如何? 孔氏曰:「陸璣《疏》云:「鸇似鷂,青 忘我實多。

言,故云忘我。」〇《説文》鴥作鴻。 歎其如是也。此詩主賢者見棄之意而廷有道,則賢者所就也。『如何如何』,然去矣。林木茂盛,則飛鳥所集,興朝士有道,則賢者歸之。禮貌不至,則浩

終也。「如何如何? 忘我實多」,責其不能原公初立,想望賢者如是之切也。康公初立,想望賢者如是之切也。而無終。「未見君子,憂心欽欽。」言此詩亦如《權輿》,刺康公與賢者有始此詩亦如《權輿》,刺康公與賢者有始

實多。
君子,憂心靡樂。音洛。如何如何? 忘我君子,憂心靡樂。音洛。如何如何? 忘我山有苞櫟,盧狄反。隰有六駮。邦角反。未見

而言也。」」○陸氏《草木疏》曰:「駮,駮也。」○孔氏曰:「王肅云:『言六,據所見人謂木夢爲櫟,此秦詩也,宜從其方土之言,柞櫟是木也。」陸氏《草木疏》云:「秦人謂柞櫟爲櫟,河内李氏曰:「苞,叢生也。」○毛氏曰:「櫟,李氏曰:「苞,叢生也。」○毛氏曰:「櫟,

見之。 秦之寡恩,於《晨風》、《權輿》二詩

《晨風》三章,章六句。

攻戰,亟欺異反。用兵,而不與民同欲焉。孔《無衣》,刺用兵也。秦人刺其君好呼報反。

者已如是,是其好攻戰也。」
人、秦人戰于河曲。十六年,楚人、秦人滅庸。見於經傳年,晉人、秦人戰于河曲。十六年,楚人、秦人滅庸。見於經傳年,晉人、秦人戰于令狐。十年,秦伯伐晉。十二年,晉氏曰:「康公以文七年立,●十八年卒。案《春秋》,文七

觀」,於此見矣。」戰,亟用兵,而詩人刺之。『《詩》可以狐、河曲之戰,修私怨,逞小忿,故好攻讎,故征伐不休,而詩人美之。康公令餘,故征伐不休,而詩人美之。康公令朱氏曰:「襄公以王命攘戎狄,報君父之

師,修我戈矛,與子同仇。 豈曰無衣? 與子同袍。抱毛反。王于興

無恩於民而用其死也。秦本周地,故其寒名爲袍。」戈長六尺六寸,矛長二丈。」○解氏曰:「仇,怨也。」○蘇氏曰:「古者陳氏曰:「仇,怨也。」○蘇氏曰:「古者陳氏曰:「仇,怨也。」○蘇氏曰:「古者藥》云:「纊爲襺、縕爲袍。」純著新綿名爲襺、雜用舊藥》云:「纊爲襺、縕爲袍。」純著新綿名爲襺、雜用舊藥》云:「續爲襺、縕爲袍。」純著新綿名爲襺、雜用舊藥以云:「後爲滿、縕爲袍。」(如、孔氏曰:《玉

修我甲兵,與子同仇」,下與其上之辭也。」 三無衣? 與子同袍」者,上與下之辭也。『王于興師,「上與百姓同欲,則百姓樂致其死。」○范氏曰:『豈民猶思周之盛時,而稱先王焉。」毛氏曰:

矛戟,與子偕作。 豈曰無衣? 與子同澤。王于興師,脩我

甲兵,與子偕行。 豊曰無衣? 與子同裳。王于興師,脩我 宣曰無衣? 與子同裳。王于興師,脩我 「常,長丈六。」○毛氏曰:「作,起也。」 「常,長丈六。」○毛氏曰:「作,起也。」孔氏曰: 常,長丈六。」○毛氏曰:「作,起也。」 東, 東, 東, 本, 近汙垢。朱氏

《無衣》三章,章六句毛氏曰:「行,往也。」

《渭陽》,康公念母也。康公之母,晉獻公

記·十二諸侯年表》改。
① 「七」、原作「十」、據《毛詩正義》及金陵書局刻《史

之语。 是詩也。朱氏曰:「『我見舅氏,如母存焉。」蓋爲康公是詩也。朱氏曰:「『我見舅氏,如母存焉」。及其即位,而作『我見舅氏,如母存焉』。及其即位,而作子,贈送文公于渭之陽,念母之不見也,反而秦姬卒。穆公納文公,康公時爲太之女。文公遭麗力馳反。姬之難,乃旦反。未之吾。

端而充之,則怨欲可消矣。」端而充之,則怨欲可消矣。」與其母,此人之情也。 然其以是心而作是者,未能充之也。然其以是心而作是者,未能充之也。然其以是心而作是子,送舅氏,而念母之不見,是固良心也。及其即位,子,送舅氏,而念母之不見,是固良心也。及其即位,子,送舅氏,而念母之不見,是固良心也。及其即位,不,是以爲孝矣。」廣漢張氏曰:「康公爲太子,送舅氏,而念母之不見,是固良心也。及其即位,是以是心心。

乘成證反。黄。 我送舅氏,曰至渭陽。 何以贈之? 路車

氏於咸陽之地。」孔氏曰:「《漢·地理志》云:「秦是時都雍,至渭陽者,蓋東行,送舅毛氏曰:「母之昆弟曰舅。」〇鄭氏曰:

毛氏 王氏曰:「至渭陽者,送之遠也。 黄,四馬也。」朱氏曰:「乘黄,四馬皆黄也。」() 也,故人君之車曰路車。」〇毛氏曰:「乘 路以封四衛,木路以封蕃國」,皆諸 佩]者,贈之厚也。」 思者,思之長也。 車》『金路以封同 「右扶風 日 渭 城 「贈,送 縣,故 成陽 『路車乘黄』、『瓊瑰玉 姓,象路以封異姓,革 也。」〇 也,其 地 董 在 渭水之北。」 氏 曰: 悠悠我 √ 巾 侯

回反。 压减。我送舅氏,悠悠我思。 何以贈之? 瓊瑰古我送舅氏,悠悠我思。 何以贈之? 瓊瑰古

回反。玉佩。

《渭陽》二章,章四句。毛氏曰:「瓊瑰,石次玉。」

嗟乎! 不承權輿。 於我乎! 夏屋渠渠,今也每食無餘。

于

之,是忘道也。忘道之人,胡可久處? 豈爲區區之禮哉!]遂謝病去。 以禮吾三人者,爲道之存故也。 小禮,何足至此?」穆生曰:『先王之所 曰:『獨不念先王之德歟? 今王一旦失 將鉗我於市。」稱疾,申公、白公强起之, 位,常設,後忘設焉,穆生退曰:『可以逝 王每置酒,當爲穆生設醴。及王戊即 敬禮申公、白公、穆生,穆生不耆酒,元 於是嘆之、言不能繼其始也。漢楚元王 之意寖衰,供億寖薄,賢者每食而無餘 初有渠渠之夏屋以待賢者,而其後待賢 始也。」《釋詁》文。〇朱氏曰:「言康公其 渠,深廣。]〇毛氏曰:「承,繼也。 美,云:『夏屋渠渠。』〇蘇氏曰:「渠 王肅云『大屋』。崔駰《七依》説宫室之 毛氏曰:「夏,大也。」〇孔氏曰 醴酒不設,王之意怠。不去,楚人 此詩其 今而忽 「夏屋 權輿,

當之矣。

嗟乎! 不承權輿。 於我乎! 每食四簋,今也每 食不飽。于

簠,圓曰簋。簠,稻器也。 也。」〇朱氏曰:「四簋,禮食之盛也。」 孔氏曰:「簋是瓦器,容斗二升。 《權輿》二章,章五句。 簋,黍稷器 方 日

秦國十篇,二十七章,百八十一句。

吕氏家塾讀詩記卷第十二

陳

吕氏家塾讀詩記卷第十三

以元女大姬。 於杞,投殷之後於宋。」則明陳與薊、祝共爲三恪。」妻 堯之後於祝,封帝舜之後於陳。 後。』《樂記》云:「武王未及下車,封黄帝之後於薊,封帝 曰:「鄭《駁異義》云:「三恪,尊於諸侯,卑於二王之 宛丘之側,是曰陳胡公,以備三恪。 周賜之姓,使祀虞帝。」則胡公姓嬀,武王所賜。」都於 妈满於陳,孔氏曰:「《左傳》史趙云:「胡公不淫,故 武王賴其利器用,與其神明之後,封其子 帝舜之胄,有虞閼父者,爲周武王陶正, 鄭氏《詩譜》曰:「陳者,大皥處犧氏之墟 其封域 在《禹貢》豫州之 下車,乃封夏后氏之後 孔 氏

勢然也。」

中禮,陳以大姬之餘俗爲遊蕩無度,亦理 善者日以益甚,故晉以 其舊俗而增之,善者因善以入於惡,而不 亦不至於惡。其後周德既衰,諸侯各因 充塞,其善者篤於善,不善者以禮自將, 國之風,皆有所自起。方周之盛時,王澤 氏曰:「陳之變風,其原出於大姬。 度,國人傷而刺之,陳之變風作矣。」○蘇 幽公,當厲王時,政衰,大夫淫荒,所爲無 鬼神歌舞之樂、民俗化而爲之。五世至 雅》「宋有孟諸」是也。」大姬無子,好巫覡禱祈、 不及明猪。孔氏曰:「明猪,《尚書》作盟猪,即《爾 東,其地廣平,無名山大澤,西望外方,東 堯之遺風爲 蓋列 / 儉不

焉。 《宛丘》,刺幽公也。淫荒昏亂,游 子之湯他郎反。兮,宛丘之上兮。 孔氏曰:「幽公寧,慎公子,當厲王時。」 蕩 無 度

 $\overline{\circ}$

洵音荀。

有情兮,而無望兮。

日"「宛丘,謂中央隆峻狀。」」○朱氏曰"「言此 矣,然無威儀可瞻望也。」 人遊蕩於宛丘之上,信有情思而可樂 氏曰:「李巡、孫炎注《爾雅》,皆云「中央下」,惟郭璞 李氏曰:「子,稱幽公也。」〇毛氏 湯,蕩也。 四方高,中央下,曰宛丘 티 : 一孔

從容不迫,而諷切之者深矣。 急猶不同。「洵有情兮,而無望兮」, 湯雖訓蕩,與徑斥爲淫蕩者,辭 氣緩

值直置反。 坎苦感反。 其鷺羽。 其擊鼓,宛丘之下。無冬無 夏,

不遇其出遊而舞於是也。」范氏曰:「冬夏,祁 長毛十數枚。」○毛氏曰:「鷺鳥之羽,可以 爲翳。」鄭氏曰:「翳,舞者所持以指麾。」〇孔 毛氏曰:「坎坎,鼓聲。」○朱氏曰:「值 遇也。」○《爾雅》曰:「鷺,春鉏。」陸璣云: 齊、魯謂之春鉏,遼東、樂浪謂之白鷺。青脚,頭上有 「持鷺羽翳身而舞。」○朱氏曰:「言無 時 氏

> 坎其擊缶,方有反。 冬無夏,則其他時可知矣。」 宛丘之道。 無冬無 夏,

寒大暑之時也。

人之好樂,於是時必少息焉。

今也.

無

值其鷺翿。 音導。

擊甌,又可以盛水盛酒,即今之瓦盆也。」翻,翳 具綆缶」,則又是汲水之器。 副設玄酒以缶。」則又是酒器。《左傳》襄九年「宋災 貳用缶」,注云:「大臣以王命出會諸侯,主國尊於簋 「《離》九三「鼓缶而歌」,是樂器。 毛氏曰:「盎烏浪反。 謂 然則缶可以節樂,若今 之缶。 《坎》六四『樽酒 孔 氏 曰

也。」○《爾雅》翻 作纛

《宛丘》三章,章四句。

據其交易之處在廬舍,故言二十畝爾。」 家,家有私田百畝、公田十畝,餘二十畝以爲井竈廬舍。』 二十畝爲一井,因爲市交易。』《漢書・食貨志》:『一井八 道路,歌舞於市井爾。孔氏曰:「應劭云:「古者 化之所行,男女棄其舊業,亟欺冀反。 東門之粉符云反》,疾亂也。 幽公淫荒,風 會於

東門之份,宛丘之栩。况浦反。

子仲之子,

婆娑素何反。其下。

中。」毛氏曰:「婆娑,舞也。」 大夫之子不得過市,今也遨遊於市井之所聚。子仲,陳大夫氏。」○張氏曰:之所聚。子仲,陳大夫氏。」○張氏曰:老氏曰:「枌,白榆也。栩,杼也。解見《山毛氏曰:「枌,白榆也。栩,杼也。解見《山

古文作婆字。」曰:「《説文》引《詩》作『市也媻娑』,媻,

· 競叉。 貽我握椒。 穀旦于逝,越以鬷子公反。 邁。 視爾如荍,祁

《東門之枌》三章,章四句。

可以勉進於善,而惜其懦而無自立之志,故作是詩以誘孝,幽公子。」〇歐陽氏曰:「詩人以陳僖公其性不恣放,志,故作是詩以誘掖其君也。孔氏曰:「僖公《衡門》,誘音酉。僖公也。愿音願。而無立

進之。」○董氏曰:「掖,石經作亦。」

洋洋,可以樂音洛。飢。 衡門之下,可以棲音西。遲。泌悲位反。之

《詩》本有作藥。」 有爲。」○《釋文》曰:「樂,舊作樂,晚 言陳國雖小,苟有意於立事,則亦可以 泌水洋洋然,閱之而樂,則亦 曰:「衡門雖淺陋,亦可以遊息於其下。 曰:「洋洋,水安流廣長之貌。」○歐陽氏 之深者,有阿塾堂宇, 即此唯横木爲之,言其淺也。」 棲遲,遊息也。 孔氏曰:「衡,古文横字,故知「衡門,横木爲門」。 毛氏曰:「衡門,横木爲門,言淺 泌,泉水也。」〇朱 可以忘飢。 陋 也。 氏 門

妻,必齊之姜? 豈其食魚,必河之魴? 音房。 豈其取音娶。

既言雖小亦有可爲,其二章、三章則又曰:「齊,姜姓。」○歐陽氏曰:「其首章於牛羊。」則魴鯉,乃魚之美者。」○鄭氏山陰陸氏曰:「里語曰:『洛鯉河魴,貴山陰陸氏曰:「里語曰:『洛鯉河魴,貴

以待之,則終亦不爲而已。」 美無加焉。不然,雖有天下之至美,而常挾不足之心 不獲者矣。故從其所有而爲之,及其至也,雖天下之 得。」蘇氏曰:「食魚必魴鯉,取妻必姜子,則終身有 可爲; 之族則不取矣。是首章之意,言小國皆 譬如取妻、諸姓之女皆可取、若待齊、宋 魚皆 言何 必 可食,若必待魴鯉,則不食魚矣; 大國 而二章、三章言大國不可待而 然後可 譬如 食魚者, 凡

X : ?: 豈其食魚,必河之鯉? 豈其取妻,必宋

之子?

鄭氏曰:「宋,子姓。」

思賢女以配君子也。《東門之池》,刺時也。疾其君之淫昏,而

^{● 「}阿」,原作「附」,據四庫本、《墨海金壺》本及《毛詩正

東門之池,可以漚 感激自厲,乃尋師遠學,遂以成名。賢女之助如此。」 之。榮歎曰:「命之所遭,義無離貳。」終不肯歸。升 升每爲不義,輒流涕進規。榮父疾,升乃呼榮,欲改嫁 少爲博徒,妻吕榮躬勤家業以奉養其姑,數勸升修學。 之衛姬,楚莊王之樊妃是也。不獨人君爲然。 吴許升 妃正女,夙夜警戒,以成其德。 蓮行而無流連荒亡之禍者,非特有忠臣義士,亦 之詩所以思賢女也。」李氏曰:「自古人君脩身 警戒之言 以浸漬其君之心,而革其惡。此《東門》 永嘉鄭氏 曰:「觀《齊·雞鳴》之詩,其 ,則閨門之奥,笑歌晤言,**固** 烏豆反。 周宣王之姜后,齊桓公 麻。 彼美淑 姬 由 足 相 賢

可與 氏曰:「晤,猶對也。 姬、姜爲婦人美稱,於書無 使之柔忍也。」○董氏曰:「周,姬姓。 元女以封,故詩人猶言淑 曰:「於池中柔麻,使可以緝績。」〇孔氏曰:「謂漸 毛氏曰:「池,城 化也。」孔氏曰: 晤五故反。 歌。 「傳以晤爲遇。《釋言》云:『遇 池 也。 言淑姬宜與 漚,柔 姬。 , 所考。] 水也。」 鄭 孔 對 氏 陳因 ○鄭 氏

間,庶可以漸革其暴,如池之漚麻,漸漬化之於内。婦人之於君子,日夜處而無無度,不可告語,故其君子思得淑女,以無。」亦爲對偶之義。」〇蘇氏曰:「陳君荒淫

可與晤語。 東門之池,可以漚紵。 直呂反。 彼美淑姬

而

不自知也。」

地中,至春自生,不歲種。」范氏曰:「紂以陸氏《草木疏》曰:「紂,亦麻也。宿根在

可與晤言。 東門之池,可以漚菅。古顏反。彼美淑姬,

當暑。」

茅也。」並氏曰:「菅以爲屦。」 尤善。 菅者,已漚之名,未漚則但名爲孔氏曰:「菅,茅屬。 柔忍宜爲索,漚乃

《東門之池》三章,章四句。

東門之楊》,刺時也。昏姻失時,男女多

明星 東門之楊 違 煌煌。 親迎,魚敬反。 ,其葉牂 音皇。 女猶 牂。 子桑反。 有 不 至 者也)爲期:

星 之楊、則其葉牂牂矣。 人親迎之所。以其所見起興,曰:『東門 星,啓明也。 曰:「親迎之禮以昏 毛氏曰: |煌煌矣。』||三氏曰:「 煌煌,期而不至也。」 「興也。 煌煌,大明貌。東門,蓋 牂牂然**,**盛貌。]○ 時。」〇朱氏 昏以 香以爲 爲 期,而 日 期 鄭 明 明 此 明 氏

明星晢晢。 東門之楊,其葉肺 之世反。 肺。 普貝反。 昏 以 爲 期,

毛氏曰:「 也。 肺肺,猶牂牂也。 哲 哲 猶 煌

東門之楊》二章,章四 句。

於不義,惡加 《墓門 刺 陳 於萬 佗 也。 民 焉。 陳佗 朱氏 無 良 日 師 「陳佗,文公 傅, 以 至

乎?

此追咎自佗幼

小不擇師

傅,致

蘇氏曰:

「知而不之去,昔誰爲此

蓋

歸

誰

昔然矣」,猶云

一從

來 乎?

誰

如

不

良

,衆皆知之而不去,自昔

誰

如

君不能爲佗置良師傅,以至於此也。」 公卒而佗立。明年,爲蔡人所殺。 子,桓公鮑之弟 也。 桓 公疾 病,佗 殺其太子 此詩 和佗, 免而 侕 代之, 追咎先 桓

者,備見始末,追咎先君不能爲佗置良 師傅,致 陳氏曰:「此詩雖以 有弑逆之事 刺 也 佗,乃是 耆 舊 之賢

國人知之。 墓門有棘, 宜得 可以開 荆棘 路不 析 毛氏曰:)程氏曰:「人情不修治則邪惡生,猶道 也。 賢師良傅以道義輔正之。 ,則當以斧斤開析之, 修治則荆棘生,故以興焉。墓門有 析之。」〇蘇氏曰:「夫,陳佗也。」 幽 斧以 「興也。 閒音閑。 知而不已,誰昔然矣? 斯所宜反。之。夫也 墓門,墓道之門。 希行,生此棘薪,維斧 佗才不善, 今夫也 不

墓門有梅,有鴞戶驕反。萃徂醉反。 不良,歌以訊之。 告也。」《釋文》云:「《韓詩》云:「訊,諫也。」」〇程 即土鴞,非也。」〇陸璣《疏》云:「鴞,大如班鳩,緑色、 毛氏曰:「鴞,惡聲之鳥也。孔氏曰:「鴞,一 桓公也。」〇《爾雅》曰:「誰昔,昔也。」 萃矣。雖有良心善性,與不善人處,則 章言有梅、深咎輔導之使然。梅、美木。 氏曰:「前章言有棘,言佗之不善, 名梟,一名鴟。《瞻卬》云:『爲梟爲鴟。』俗説以爲鴞 惡歸矣。」○朱氏曰:「夫也不良,則有 雖美木,生墓門荆 人人家凶,賈誼所賦「鵬鳥」是也。」萃,集也。 訊予不顧,顛倒思予。 棘荒蕪之處,則惡鳥 岸 也 歌

佗之惡大矣,非嚴師傅痛棓擊之,亦 墓門、幽深之地、興其惡也。 荆棘最難去,非用斧不足以除之。 墟墓之 咎之辭也。」

陳侯不許,卒見侵伐,既 善鄰之言,中於事 也。 莫能去其惡 盟 復與鄭和,遣佗往鄭涖盟,佗與鄭伯 止。」言佗之性質 歲 '詩人之所傷也。 月,纔數年爾, ,歃如忘,洩伯料其必不免。 《左傳》載佗勸陳 也 日。「墓 本非惡,爲 而蠱惑變壞 ,理,蓋非昏愚者。 一門有 侯許鄭平,親仁 而徐思 梅,有 師傅所累 佗言, 考其 鴞

《墓門》二章,章六句。

陟留反。 《防有鵲巢》,憂讒賊也。 子憂懼焉。孔氏曰:「宜公杵臼,莊公弟。」 防有鵲巢, 邛其恭反。 予美? 也。 心焉忉忉。 有旨苕。徒彫反。 防,邑也。 卬,丘也。」 宣公多信讒,君 都勞反。 誰侜

其惡以訊之者矣。訊之而不予顧,至於

顛倒,然後思予,則豈有所及哉?

亦追

毛氏

曰

Ⅰ:「興

纔」,原作[據宮内廳本、四庫本與《墨海金壺

0

本改。

惡。 謂 興人心高明平夷,則來善言。」○程氏曰:「侜, 人心有蔽昏,則讒誣者至。丘言平廣之地,則有美草, 及我也。」程氏曰:「有叢林之蔽翳,則鵲巢之,興 漸積構成之爾。又如苕饒,蔓引牽連將 日之致,必由積累而成,如防之有鵲巢, 貌。」○歐陽氏曰:「讒言惑人,非一言一 可生食,如小豆藿也。」」,侜張,誑也。」朱氏曰: 苕饒也。 蔓生,莖如勞豆而細,葉似蒺蔾而青,其莖葉 俩張,欺誑也。」○朱氏曰:「忉忉,憂勞之 生下濕,此則生於丘,與彼異也。 「《苕之華》傳云: 『苕,陵苕。」 此直云苕草,彼陵苕好 美茂也。」○毛氏曰:「苕,草也。 孔氏 縣北,防亭在焉。□○孔氏曰:「鵲畏人而 曰:「当,美也。」長樂劉氏曰:「旨者,地荒則草 人,非邑有樹木,則鵲不巢。] 〇 譸 予美,心所賢者,憂讒誣賢善也。」 張迂 地理志》「陳縣」,注:「《博物記》曰:「卬地 迴誣罔人者,必迂曲以致其 陸璣《疏》云:「苕, 鄭氏 E. 近 在

> 予美? 心焉惕惕。 吐歷反。

成。綬草雜衆色以成文,猶多言交織 成惑,義與貝錦同。」○董氏曰:「鷊, 作薦、《説文》引《詩》亦爲薦。」 草。」○程氏曰:「惕惕,懼也。」○歐陽氏 曰:「中唐有甓,非一甓也,亦以 綬草也。」陸璣《疏》曰:「鷊,五色作綬文,故曰綬 瓴,音令。甋,音適。廐,力斛反。甎,草沿反。 也。《爾雅》曰「瓴甋謂之甓」,郭璞曰:「甗甎也。」○ 曰:「堂下至門之徑也。」甓,令音零。適都歷反。 毛氏曰:「中,中庭也。唐,堂塗也。 積累 鷊, 孔氏 IJ m

《防有鵲巢》二章,章四句。

了反。 説色如此,喪其志矣,未有能好德者也。」 而已。然《序》知其『不好德』者,子夏曰:『賢賢易色。』蓋 月出皎兮,佼古卯反。人僚音了。兮,舒窈烏 《月出》,刺好呼報反。 而説音悦。美色焉。王氏曰:『《詩》所言者,説美色 糾其趙反。兮,勞心悄七小反。兮。 色也。 在位不好德,

中唐有甓, 蒲歷反。

叩有旨鷊。五歷反。

誰侜

於久反。受兮,勞心慅七老反。 月出皓胡老反。兮,佼人懰力久反。兮,舒慢 姿。」○《釋文》皎作皦,曰:「本又作皎。」 勞心悄然也。」毛氏曰:「舒,遲也。 窈糾,舒之 也。 毛 之,以舒窈糾之情而 也。」王氏曰:「悄,言不説而静默。」〇朱氏曰: 曰:「佼好之人。」〇朱氏曰:「窈,幽 「當月出之時,而思佼人之好,欲一見 「氏曰:「興也。皎,月光也。」○孔 糾,愁結也。

○

毛氏曰:「悄,憂 不可得,是以爲之 兮。 遠 氏

騷動。」○《釋文》懰作劉,曰:「本又慢受,舒之姿也。」○王氏曰:「慅,言不安而也。」○朱氏曰:「慢受,憂思也。」蘇氏曰:「懰,好董氏曰:「皓,月光。」○蘇氏曰:「懰,好

董氏曰:「照,月光之被物。」○蘇氏曰:紹兮,勞心慘七感反。兮。月出照兮,佼人燎力召反。兮,舒夭於表反。

作懰。」

氏曰:「夭紹,糾緊之意。」〇王氏曰:「燎,明也。」董氏曰:「燎,則其光與月並。」〇朱

「慘,言不舒而幽愁。」

《月出》三章,章四句。

此詩用字聱牙,意者其方言歟?

之,公出自戚,射而殺之。」」 《株陟朱反林》,刺靈公也。 淫乎夏户雅反。 姬,然株陟朱反林》,刺靈公也。徵舒,字子南。夫字御叔竖於那馳而往,朝夕不休息焉。鄭氏曰:「夏姬,陳大縣,夏徵舒之母,鄭女也。徵舒,字子南。夫字御叔。〕〇夫妻,夏徵舒之母,鄭女也。徵舒,字子南。夫字御叔。」〇大妻,夏徵舒之母,鄭女也。 淫乎夏户雅反。 姬,然株陟朱反林》,刺靈公也。 淫乎夏户雅反。 姬,

夏南。 胡爲乎株林? 從夏南。匪適株林,從

南者,婦人夫死從子,夏南爲其家主,故以夏南言之。」徵舒,《左傳》謂之「戮夏南」。實從夏南之母,言從夏舒也。」孔氏曰:「徵舒以氏配字,謂之夏南。楚殺毛氏曰:「株林,夏氏邑也。 夏南,夏徵

==0

乘駒,朝食于株。駕我乘繩證反。馬,説音稅。于株野。乘我

篇内同。」『或作駒字。』是後人改之,《皇皇者華》『《釋文》駒作驕,曰:「音駒。沈云:鄭氏曰:「説,舍也。馬六尺以下爲駒。」

《株林》二章,章四句。

澤陂彼皮反》,刺時也。

言靈公君臣淫於其

`男女相説、憂思息嗣反。

感傷焉。

彼澤之陂,有蒲與荷。音何。有美一人,傷《澤陂》,《株林》之應也。」王氏曰:「《東門之枌》,《宛丘》之應也。

普光反。沱。徒何反。如之何? 寤寐無爲,涕他弟反。泗音四。之如之何? 寤寐無爲,涕他弟反。泗音四。之征清之 陂 有謂 具荷

密,莖下白蒻在泥中者。蓮,謂房也。」○茄,古牙反。 實蓮,其根藕。」郭璞曰: 曰:「荷,芙蕖,其莖茄,其葉蕸,其本蔤,其華菡萏,其 氏曰:「荷,芙音符。 曰: 「《本草》云:『白蒲,一名符蘺,楚謂之莞蒲。」.○毛 而温 也。」孔氏曰:「澤障,謂障水之岸。」 〇《説文》 毛氏曰:「興也。」〇董 『澤,水之鍾也。』○毛氏曰:「陂,澤障 「蒲者,似莞音桓。 。」《爾雅》曰:「莞,符蘺。」●《爾雅》疏曰: 蔤,亡筆反。 蒻,音若。 「荷别名芙蓉,江東呼荷。 **薬** 其居反。 而褊,有脊,滑柔 氏 藕,五口反。 曰:「傳 也。」《爾雅 曰

● 「符」《爾雅注疏》、宋監本《爾雅》作「苻」。下一「符

《詩》「有蒲與茄」。」
《詩》「有蒲與茄」。」
《詩》「有蒲與茄」。」
《詩》「有蒲與茄」。」
《詩》「有蒲與茄」。」
《詩》「有蒲與茄」。」
《詩》「有蒲與茄」。」
《詩》「有蒲與茄」。」
《詩》「有蒲與茄」。」

一人,碩大且儼。魚檢反。寤寐無爲,輾張輦彼澤之陂,有蒲菡户感反。萏。大感反。有美也。」○毛氏曰:「悁悁,猶悒悒也。」且卷。其員反。寤寐無爲,中心悁悁。烏玄反。且卷。其員反。寤寐無爲,中心悁悁。烏玄反。

○朱氏曰:「輾轉伏枕,卧而不寐,思之「儼者,容貌儼然也。」毛氏曰:「儼,矜莊貌。」毛氏曰:「儼,矜莊貌。」

反。

轉伏枕

變風始於《雞鳴》,終於《澤陂》,凡一

深且久也。」

生,於是乎在,録之煩悉,篇之複重, 之升降,時之治亂,俗之汙隆,民之死 以爲變者、舉其不正者以戒之也。 綱之本,萬事之先也。正風之所以爲 子然後有君臣,有君臣然後有上下, 後有夫婦,有夫婦然後有父子,有父 亦何疑哉? 正者,舉其正者以勸之也。變風之所 有上下然後禮義有所錯。 萬物,有萬物然後有男女,有男女然 有九,抑何多耶? 百二十八篇。 而男女夫婦之詩 曰:有天地然後 男女者,三 四 有 +

《澤陂》三章,章六句。

陳國十篇,二十六章,百二十四句。

吕氏家塾讀詩記卷第十三

吕氏家塾讀詩記卷第十四

檜

周 絜衣服,大夫去之,於是檜之變風始作。 武王封祝融之後於濟、洛、河、潁之間,❶爲檜子。」」 本》,會人即檜之祖也。」○《釋文》曰:「王肅云:『周 《禹貢》豫州外方之北,滎波之南,居溱、 黎之弟吴回生陸終,陸終生子六人,四曰會人。案《世 姓檜者處其地焉。 洧之間。 融之墟。孔氏曰:「《左傳》梓慎云:「鄭,祝融之墟 鄭氏《詩譜》曰:「檜者,古高辛氏火 、夷王、厲王之時,檜公不務政事而好 鄭滅檜而處之。」故知檜是祝融之境。」國 祝 融氏 名黎,其後八姓,惟妘 孔氏曰:「祝融,重黎也。 正 在 重 祝

> 知其幾世也。」其國北鄰於號。」 檜,云:「鄶仲恃險。」《羔裘》之作在 檜仲之前,不

厲之世也。 固在於東遷之前,然未必知其爲夷 至平王之初,武公滅之,其風之變,

玦,古穴反。○廣漢張氏曰:「《羔裘》之詩,言其所事惟 羔裘逍遥,狐裘以 在於衣服之間,則其不能自强於政治可知矣。」 則還,賜之玦則往。」荀卿云:「召人以環,絶人以玦。」」 羊傳》曰「古者大夫已去,三年待放」,范甯曰:「君賜之環 君者,三諫不從,待放於郊,得玦乃去。]〇孔氏曰:「《公 諫,諫而不聽則去,爲臣之道也。」○鄭氏曰:「以道去其 《羔裘》,大夫以道去其 自强於政治,故作是詩也。 范氏曰:「君有過 君不用道,好絜其衣服,逍遥遊燕,而不能 朝。 直遥反。 (君也。 豈不爾思? 或 小而迫,

毛氏曰:「羔裘以遊 燕,狐裘以適朝。」鄭

勞心忉忉。

音刀。

0 穎」,原作「穎」, 據四庫本、《墨海金壺》本改。

孔氏曰:「案《鄭語》,史伯於幽王之世,爲桓公謀滅

此云°」 民曰:「諸侯之朝服緇衣、羔裘。」○蘇氏曰:「錦衣狐氏曰:「諸侯之朝服緇衣、羔裘。」○燕氏曰:「急於裘,其所以朝天子之服也。」○范氏曰:「急於裘,其所以朝天子之服也。」○范氏曰:「急於裘,其所以朝天子之服也。」○燕氏曰:「錦衣狐氏曰:「諸侯之朝服緇衣、羔裘。」○蘇氏曰:「錦衣狐氏曰:「諸侯之朝服緇衣、羔裘。」○蘇氏曰:「錦衣狐氏曰:「諸侯之朝服緇衣、羔裘。」○蘇氏曰:「錦衣狐氏曰:「諸侯之朝服緇衣、羔裘。」○蘇氏曰:「錦衣狐氏曰:「諸侯之朝服緇衣、羔裘。」○蘇氏曰:「錦衣狐氏曰:「諸侯之朝服緇衣、羔裘。」○蘇氏曰:「錦衣狐氏曰:「諸侯之朝服緇衣、羔裘。」○蘇氏曰:「錦衣狐

憂傷。 羔裘翱翔,狐裘在堂。豈不爾思? 我心

「堂,公堂也。」 鄭氏曰:「翱翔,猶逍遥也。」〇毛氏曰:

爾思? 中心是悼。 当出有曜。羊照反。豈不

日出照之,則有光曜。」毛氏曰:「日出照曜,然朱氏曰:「羔裘之色,潤澤如脂膏所漬,

《羔裘》三章,章四句。

後見其如膏。」

《素冠》,刺不能三年也。朱氏曰:「《喪禮》爲父、

賢者之所輕,不肖者之所勉。」」 賢者之所輕,不肖者之所勉。」」 受者哀未盡,能自割以禮,故曰君子也。 夫子曰:『君子也。』子路曰:『先王制禮,不敢不及。』夫子曰:『君子也。』子路曰:『故問何謂也?』 東遇也。」夫子曰:『君子也。』子路曰:『故問何謂也?』 東畢,見於夫子,援琴而絃,彻切而哀,作而曰:『先王制禮,不 以方籍哀未盡,能自割以禮,故曰君子也。 是子曰:『子夏哀已盡,能引而致之於禮,故曰君子也。 以方為之所輕,不同者之所勉。」」

博徒端反。兮。 庶見素冠兮,棘人樂樂力端反。兮,勞心博

謂「鑽燧改火,期可已矣」。齊宣王曰:「爲期之喪,猶 欒 練冠,蓋當時止爲一 愈於已乎?」古之不能三年者,意皆如此。 冠。」曾氏曰:「不能三年,雖不知爲服歲月,然宰我 曰:「不能三年,不期 急也。朱氏曰:「喪事欲其揔揔耳,哀遽之狀也。」 期而練,至祥乃除,練後常服此冠,故爲練冠也。」棘 曰:「素,白也。 毛氏曰:「庶,幸也。 樂,瘠貌。 此冠練布使熟,其色益白。 慱 歲服歟?」○范氏 博, 素冠,練冠也。 而 憂 勞 除, 也。」〇張氏 則未 E. 分分用練 詩人思見 「檜當夷 喪禮,至 孔氏

《説文》『樂』作『臠』。」曰:「棘人,崔靈恩《集注》作『悈人』。国:「棘人,崔靈恩《集注》作『悈人』。董氏厲之時已如此,則孔子、孟子之世可知也。」〇董氏

「與子同歸,言其愛慕之辭也。」 毛氏曰:「素冠,故素衣也。」○朱氏曰: 庶見素衣兮,我心傷悲兮,聊與子同歸兮。

與子如一,甚於同歸矣。」裳,則素鞸也。藴結者,思之不解也。謂之載,其餘曰鞸,鞸從裳色。素衣素謂之載,其餘曰轉,鄰膝也。以韋爲之。冕服朱氏曰:「轉,蔽膝也。以韋爲之。冕服

亦服是冠矣。至於二章之素衣,鄭説除喪之縞冠,雖使短喪,其除之也,蓋朝服縞冠」之文,其説誤矣。唯其不朝服縞冠」之文,其説誤矣。唯其不朝服縞冠」之文,其説誤矣。唯其不,以,

爲素也。 如「繪事後素」之類多矣,不必專以帛 布爲素」者,殊不知經傳以色白爲素 豈不可乎? 孔氏又謂「經傳未有以 者,衣裳之大名」,則爲毛説者,亦曰 細,拘於禮文。况爲鄭説者,既曰「衣 觀詩者當亦得其大意,不必委曲瑣 猶不 之制,遂轉衣爲裳,其牽合益甚矣。 | 鞸從裳色,衣裳既素,則必有素鞸」。 三章之素轉,於既練之服雖無所考, 通。 朝 服 緇 衣、素裳, 無 衣

《素冠》三章,章三句。

騙反。之沃沃,烏毒反。樂音洛。子之無知。隰有萇楚,猗於可反。儺乃可反。其枝。夭於其君之淫恣,而思無情慾者也。

毛氏曰:「萇楚,銚音遥。

弋也。孔氏曰:

蓋甚可愛也。

此所謂赤子之心也,此

心怛都達反。

兮。

君未有知識

,未有室家之時也。

猶能自立。然枝幹柔弱,至于長則引蔓 以爲喻。」 于草上,則既長不如初生之自立,故引 曰:「夭,少也。」〇吕氏曰:「萇楚始生, 長而狹,華紫赤色,其枝莖弱 ○孔氏曰:「猗儺然,枝條柔弱。」○毛氏 「郭璞云:「今羊桃也。或曰鬼桃。」陸璣《疏》云: ,過一尺,引蔓于草上。]]

無家。 隰有萇楚,猗儺其華。 夭之沃沃,樂子之

無室。 隰有萇楚,猗儺其實。 鄭氏曰:「無家、謂無夫婦室家。」 夭之沃沃,樂子之

朱氏 曰:「無室,猶無家也。」

茁其牙,未有牽蔓之時,生意沃沃然, 弱牽蔓,蓋如人之多慾者矣。 反思始 之時也。「隰有萇楚,猗儺其枝」,柔 夭,如「厥草惟夭」之夭,謂萇楚始生

之多慾,故其辭過而激 「無知」、「無家」、「無室」者,蓋疾其君 隰有萇楚》三章,章四句。

《匪風》,思周道也。國小政亂,憂及禍難, 乃旦反。 而思周道焉。

匪風發兮,匪車偈起竭反。 明。 言略而不精,亦可謂少知治體矣。 而 時,房喜謂韓王曰:「大國惡有天子, 其害,所以睠懷宗周爲獨切也。 曹、檜,何也? 曰:政出 煩,共億之困,侵伐之暴,唯小國偏受 陵弱,各得其所。政出諸侯,則徵發之 匪風》、《下泉》思周道之詩,獨作於 「小國利之。」以此二詩驗之,其理益 賈誼欲衆建諸 兮。 侯而 顧瞻周道,中 少其力,雖其 天子,則 戰 强 國

毛氏曰:「發發飄風,非有道之風。 偈偈

 \equiv 五. 王吉引《詩》偈作揭,怛作慰。王吉治《詩》以上言治《詩》、上昌疾驅,非有道之車。」《前漢》以上言之風也。」○程氏曰:「順廣明。」○朱氏曰:「順廣之也。」○楚氏曰:「順首曰顧。」○朱氏曰:「順廣門道,適周之路也。」○老氏曰:「順首曰顧。」○朱氏曰:「順度」。」○花氏曰:「順首曰顧。」○朱氏曰:「但,傷口也。」朱氏曰:「順節曰顧。」○朱氏曰:「順應過一種。」○朱氏曰:「順應過一種。」○朱氏曰:「順應過一種。」○朱氏曰:「順應過過一種。」○朱氏曰:「順應過過一種。」○《前漢》王吉治《韓詩》,上昌疾驅,非有道之車。」《前漢》王吉治《韓詩》,上昌疾驅,非有道之車。」《前漢》王吉治《韓詩》,上昌疾驅,非有道之車。」《前漢》王吉治《韓詩》,上昌疾驅,非有道之車。」《前漢》王吉治《韓詩》,上昌疾驅,非有道之車。」《前漢》王吉治《韓詩》,上昌疾驅,非有道之車。」《前漢》

誰能亨普庚反。魚? 溉古愛反。之釜符甫反。也。」嘌嘌,無節度也。弔,傷也。」 毛氏曰:「迴風曰飄。孔氏曰:「迴風,旋風

孔氏曰:「《釋器》云「驓謂之鬻」,孫炎曰:「關東謂甑毛氏曰:「溉,滌徒歷反。也。鬻,釜屬。」

誰將西歸?

懷之好音。

不壞。政亦務寬。」 之釜鬵,欲治民不煩也。 碎,治民煩則散,知亨魚則知治民矣。」〇張氏曰:「溉 俱是食器,故連言之耳。」○贈,即陵反。 周道者,則己將歸之也。」毛氏曰:「亨魚煩則 我願慰勞之,以好音而勉之。言有能 思。」○朱氏曰:「誰能亨魚乎? 爲驚。」然則驚是甑。亨魚用釜不用甑,雙舉者,以 願爲之溉其釜鬵。 曰:「於時檜在滎陽,周都豐鎬,周在於西。」○程氏 鄭氏曰:「檜在周之東,故言西歸。」孔氏 "「魚,美好之物,人所欲,興善政人所 溉,沃之使水多也,水寬則 誰將西歸乎? 甑同音。 有則我 有則 興 其

《匪風》三章,章四句。

吕氏家塾讀詩記卷第十四檜國四篇,十二章,四十五句。

❶ 「揭」,原作「偈」,據下注文與《漢書》王吉本傳改。

吕氏家塾讀詩記卷第十五

曹

風 王 時富 積。 鐸於曹,今曰濟陰定陶是也。 鄭氏《詩譜》曰 葬焉。舜漁於雷澤,民俗始化。 雷夏、菏澤之野。 之北地名。 重厚,多君子,務稼穡,薄衣食,以 始作。」 一時,政衰,昭公好奢而任小人,曹之變 夾於魯、衛之間,又寡於患難。 而無教,乃更驕侈。 周武王既定天下,封 :「曹者、《禹貢》兖州 昔堯嘗遊 十一世當周 一成陽, 其 封 其遺 弟 致 死 域 叔 陶 Fr. 末 蓄 風 而 在 振 惠

> 所投。 氏曰: 《蜉音浮蝣 《序》多無「昭公」字。」 《譜》云『昭公好奢而任小人,曹之變風始作』,又云『《蜉 得志,則其國家必有危亡之禍,而彼致禍之人,亦且立 孔氏曰:「昭公班,以魯閔公元年即位,僖七年卒。」〇陳 蝣》至《下泉》四篇,共 文》無「昭公」字,曰:「一本作「昭公國小而迫」。 觀之耳,因而挺之耳 無法以自守,好奢而任小人,將無 「有法則儉,無法則奢。 奢則多欲,多欲則小人得以中其欲而自售。 音由》,刺奢也。 ,孰與圖其難而共其憂哉?」○《釋 、公時作』,未詳其正。今諸本此 儉則寡欲,寡欲則小人無 昭公國 小 所 依 而 案鄭 小人 焉。 迫,

歸處。 蜉蝣之羽,衣裳楚楚。心之憂矣,於我

死。孔氏曰: 曰 : 出。」〇 鲒,起吉反。 色。]陸璣云: 毛氏曰: 裳,不知君 鄭氏曰:「喻 「蜉蝣之羽翼,猶人衣裳之楚楚然也。 「興也。 臣 「蜉蝣, 『甲下有翅、能 死亡 蜣,音羌。 昭公之朝,徒整 郭璞 蜉蝣,渠略也,朝 無日,如 日: 飛,夏日 【似蛣 楚楚,鮮 渠略 蜣,有角 陰 然。」朱氏 酮 飾 然朝生暮 明 時 生夕 其衣 貌。」 ,黄黑 地 中

二 七

死,蓋以比人之玩細娱而無遠慮者耳。] 〇《説文》

「楚楚」作「齷齛」。●

帮!!。蜉蝣之翼,采采衣服。心之憂矣,於我

歸息。

程氏曰:「采采,華飾。」

要 \$\forall \text{ \ \text{ \t

憂矣,於我歸説。音稅。

也。」〇《説文》掘作堀。「如雪,言鮮潔。」〇鄭氏曰:「永衣。」」〇毛氏曰:「《玉藻》説諸侯之禮云:「夕深衣。」」〇毛氏曰:「《玉藻》説諸侯之禮云:「夕深衣。」」〇毛氏曰:「如雪,言鮮潔。」〇鄭氏曰:「麻衣,深衣也。」孔氏曰:「此蟲土裹化生,掘閱者,言其孔氏曰:「此蟲土裹化生,掘閱者,言其

公子。」

之爲也。彼曹君方潔其衣服,志氣揚乎?」蓋欲如楚芈尹申亥舍靈王於家亡近在旦夕,儻無所依,其於我歸處自喜而莫可告語也,曰:「吾憂吾君危曹之賢者,見其君危亡將至,猶驕浮曹之賢者,見其君危亡將至,猶驕浮

得,而賢者已憫之如亡國喪家之人, 場,而賢者已憫之如亡國喪家之人, 問人之飢則食之,稱人之美則 不之,問人之飢則食之,稱人之美則 不之,則民作忠,故君子問人之寒則 學人,則民作忠,故君子問人之寒則 明表也哉。《表記》曰:「君子不以口 可哀也哉。《表記》曰:「君子不以口

君子,而好近小人焉。孔氏曰:「共公襄,昭《候人》,刺近小人也。共音恭。公遠王萬反。

音記。之子,三百赤芾。音弗。彼候人兮,何何可反。戈與祋。都外反。彼其

長也。」何,揭也。」孔氏曰:「擔,揭也。」○孔氏百有二十人。」身荷戈祋,謂候人之屬,非候人之官曰:「《夏官》:「候人,上士六人,下士十有二人,徒毛氏曰:「候人,道路送迎賓客者。孔氏

❶ 「炁炁」,陳昌治刻《説文解字》作「緇緇」,當據改。

形制同 百人皆服 覊,而乘軒者三百人也 軒。」《左傳》曰:「晉文公入曹,數之以其不用僖 烏本反。 氏 也。」〇鄭氏曰:「之子,是子也。」〇 也。」賢人之官 有四。」●戈、殳俱是短兵。 寸」,注云:「柲,猶柄也。」○柲,音祕。 寸,並廣二寸。」《周禮・冬官》「戈柲六尺有六 八寸,横 賢者不過候人,是遠君子也。 曲 日 珩, 三命 :「祋, 殳也。 安刃,但 ,大夫五人。今有三百赤芾, 於韠。 「芾,韠也。 **芾黝**於糾反。 疏 刃長 赤芾,是其近小人也。 赤芾: 祭服謂之芾,他服 日 頭 :「戈,鉤 不 六 不 葱 孔氏曰:「《考工記》:「殳長尋 繒上爲 ¬, 且 曰 寸, 過 珩,大夫以上 孔氏曰:「芾是配冕之服 珩,音衡。再命赤 候人。❷ 刃下 祋字從殳,故知祋爲殳 獻狀。」○孔氏 鉤 謂之鞸。」一命 戟 接柄 也。 也 彼,曹 一赤 曹 處 直 如 愛小 朝三 毛 諸 带 曰 長 刃 戟 侯 乘 芾 緼 毛 朝 氏 長 四 而

> 以祋爲表矣。」 《詩》,亦曰『何戈與綴』,綴,表 文》曰:『高懸羊皮以驚牛馬曰 作『何戈 人過 度 也 與 綴二, 董 氏曰: 鄭 康 成於《樂 一崔 靈 恩《集 也。《説 一役。」 記 注》 引 則

不稱尺證反。其服。

維鵜徒低反。

在梁,不濡其翼。

彼其之子,

濡 高處魚梁之上,竊人之魚以 梁,水中之梁。」〇歐陽氏曰:「此 璞曰: 『今之鵜鶘也,好群飛入水食魚 形如鶚而極大,喙長尺餘,頷下胡大如數 居泥水中,以自求魚 毛氏曰: 其 翼咮,如彼小人竊禄於高位 「鵜,洿澤也。 而 食。 孔氏曰:「鵜, 食,而 今 乃 ,故名洿澤。」 升 而 邈 鵜 得 水鳥 不 然 當 不

0

0

写「己」字、当蒙甫。「四」下、《毛詩正義》、《周禮注疏・考工記・廬人》

[「]者」。 上「人」字,四庫本、《墨海金壺》本及《毛詩正義》作

稱其服也。」

不遂其媾。古豆反。維鵜在梁,不濡其咮。陟救反。彼其之子,

遂意亦曰稱意。」曰:「不遂其媾,不稱其寵待也,今人謂曰:「來,喙也。媾,厚也。」○張氏

程氏曰:「薈蔚,草木之盛,鬱茂之狀。」反。婉於阮反。兮孌力轉反。兮,季女斯飢。薈烏會反。兮蔚於貴反。兮,南山朝隮。子兮

幽居季女飢。」陳氏曰:「壯者趨利於山,則弱女樵斧競朝隮。舉知趨利青冥上,不念○張氏詩曰:「林木南山薈蔚時,工斤

董氏曰:「薈,《集注》作嬒。孌作娲。飢窮於室。小人肆志於上,則君子困窮于下。」〇

《候人》四章,章四句。

(説文》同。」

鳲

音尸

鳩》,

刺

不 壹

也。

在 位

無

君

子

', 用

義

一兮。」

心之不壹也。

兮。其儀一兮,心如結兮。 鸤鳩在桑,其子七兮。淑人君子,其儀

遠暴慢。 物之裹結。□○陳氏曰:「君子動容貌, 者,實而不它也。」孔氏曰:「謂堅牢不散 上 也。 毛氏 曰:「淑,善也。」○廣漢張 爲戴勝,今乃鴝鵒也。」 鳲鳩之養其子,朝 下,暮從下上,平均 李氏曰: 曰:「興也。 正顔色,斯近信。 「鳲鳩、《爾雅》以 **鸤鸠**, 秸於 如一。二〇 爲秸鞠、方言 氏 出辭 日 八人反。 氣,斯 結結 鄭 , 加 Ŭ 氏 斯 云 鞠

也。」 儀 蓋 間 遠 心鄙倍。 和順積中而英華發外,是 有常度矣, 豈固爲是拘拘 ○董氏 於外,則 其 見 日 其心如結於内者 [:「崔] 於容貌、顔 靈恩《集 色、辭 以 注 者 》作『其 從 由 . 哉 ? 氣之 山 其 威 知

鳲鳩在桑,其子在梅。淑人君子,其帶伊

絲 伊絲,其 弁 伊 騏。

作「其弁伊綦」。 也 母無常處,則其子不知所在。] 〇朱氏曰:「其 榛,是以居一以俟之,而無不及者。」〇李氏曰:「若 蘇氏曰:「從其在梅則失其在棘,從其在棘則失其在 常服。」○孔氏曰: 每章異木,言子自飛去,母常不移也。」 是弔凶之事,且不得與絲帶相配,唯皮弁是視朝之 此是皮弁者,以其韋弁以即戎,冠弁以從禽,弁経又 騏,此字從馬,則謂弁色如騏馬之文也。《顧命》云 也。 夫玄華」,是有雜色飾。」○毛氏曰:「弁,皮弁 色飾 帶伊絲,謂大帶 毛 ·四人騏弁執戈」,注云:『青黑曰騏。」弁類多矣,知 伊絲,其弁 氏 騏,騏文也。」孔氏曰:「馬之青黑色謂之 焉。」孔氏曰:「《玉藻》云『雜帶,君朱緑,大 曰 飛 • 伊 在 也。 騏,言有常度,不差忒 梅 弁師》注,大鄭引《詩》 「鳲鳩常言在桑,其子 也。」〇鄭氏 大帶用素絲 日 有 ~; ~ 雜 其

鳲鳩在桑,其子在棘 淑 人 君子,其儀 不

> 汯 他得 反。 其 儀 不忒,正 是 四 國

朱氏 矣。《大學》:『傳曰:其爲父子兄弟足 一,故儀 曰 不忒,儀不忒則足以 「忒,差太也。 有常度 正 而 四 其

國

心

法,而後民法之也。」」

正 **鸤鳩在桑,其子在榛。**側巾反。 方之遠,猶且觀 不萬年,人欲其壽考。]〇李氏 榛,解見《定之方中》。 〇鄭氏 是國人。正是國人,胡不萬 而頌之乎?」 而象之,况國人,安得 年 淑人君 曰:「四 曰 一胡

鳲鳩》四章, 章 四 旬

《下泉》,思治 不得其所,憂而思明王賢伯也。 盡,獨有上 程氏《易 •剥》上九傳曰:「諸陽消 也。 九一爻尚存,如碩大之果, 曹人疾共 公侵刻 剥 下 民

不見食,將有復生之理。上九亦變,則

時,其 環之理,以言亂之可治,變之可正也。」 心 曰:「亂極而不治,變極而不正,則天理滅矣,人道 風》、《下泉》所以居變風之終也。」陳氏 生 純 於下, 願戴於君子,君 陰 聖人於變風之極,則係之以思治之詩 矣。 亂 可 無 然陽 知。 間 可 無 亂 容 可 子 極 息 盡 得 則 也 之 輿 自 理, 當思 也 陰 變 道 《 詩 治 極 於 以 故 盛 **F** • 示 匪 之 則 循 絶

音 列。 我寤嘆,念彼周京 下泉》作於齊桓之後,此又一時也。 匪 匪 彼下泉,浸彼苞稂。 風 風》作於東遷之前,此一 》、《下泉》,雖皆思周 音郎。 道 時 愾苦愛 乏 . 詩 也。

反测

氏 流 禾之秀而不實者。○鄭氏曰: 毛氏曰:「興也 、京師一也,因 【也。」○王氏曰:「苞,叢生也。」○毛 「稂,童梁。」孔氏曰:「稂,一名童梁,是 覺 也。」〇孔氏日 [異章 洌,寒也。 而變文耳。」〇程 「愾, 下泉,泉 京 嘆 與 息 京 之 下

> 作浸。」 嘆,念周道之衰也,所謂 浸漬 也。」〇《釋 害之,是皆不得其 氏 泉寒洌則不能 曰 則 : 害 泉之潤 物。 文》浸作 寖,曰: 潤物,在下則不能 苞,叢生之茂 物 猶 (所也, 政令膏澤之及 慨然 思 明 者。 「本又 王 既 及物 之 乃反 寤 時 而

京周。 洌彼下泉,浸彼苞蕭。 愾我寤嘆,念彼

以脂爇之。」 葉白,莖粗 毛氏 日 斜斜 蕭,蒿也。」山陰 生, ①多者如數 + 莖 陸氏 有 日 香氣,故祭 即 白 蒿 祀

彼京師。 洌彼下泉,浸彼苞蓍。音尸。 愾我寤嘆,念

芃芃 似 朱氏 薄 藾蕭,青色,科生。」○ Ĭ. 曰 反。 : 「蓍,筮草 黍 苗, 陰 ·也。」陸 雨 京 膏 師 古報 解 機《蟲 見《公劉 魚 之。 疏》曰 四

0

[「]斜」,疑當作「科」。《毛詩正義・采葛》作「科」。

國有王,郇音荀。伯勞力報反。之。

走民曰: 「芃芃,美貌。郇伯,郇侯也。」 是任曰: 「龙芃,美貌。郇伯,郇侯也。」 是伯爵,故言「郇伯,郇侯也」。」○程氏曰: 「《左傳》富辰稱「畢、原、酆、郇,文之昭也」,嫌是伯爵,故言「郇伯,郇侯也」。」○程氏曰: 也」,嫌是伯爵,故言「郇伯,郇侯也」。」○程氏曰: 「郇伯,故方伯之有功者。」○朱氏曰:「黍苗匹,嫌是伯爵,故言「郇伯,郇侯也」。」○程氏曰: 也」,嫌是伯爵,故言「郇伯,郇侯也。」

《下泉》四章,章四句。

曹國四篇,十五章,六十八句。

吕氏家塾讀詩記卷第十五

吕氏家塾讀詩記卷第十六

豳

孫,不應亦當太康之世。」其封域在《禹貢》雍 章昭注《國語》,以爲不窋當太康之時,公劉乃不窋之 **密用失其官,而自竄於戎狄之間。」不窋,后稷之子也**: 世后稷,以服事虞夏。及夏之衰,棄稷不務,我先王不 右扶風 之,而國成焉。孔氏曰: 此 出。」公劉以夏后太康 功縣所治釐城是也。」。邰近而豳遠,從内出外,故言 于邰。1杜預云:「豳在新平漆縣東北。邰,今始平武 劉 鄭 者 地,猶修后稷之業,勤恤愛民,民咸歸 氏《詩譜》曰: ,自邰而出,所徙戎狄之地名,今屬 何相邑。 孔氏曰:「《周本紀》云: 『舜封后 豳 者,后稷之曾孫 時 「《國語》云:『昔我先王 失其官守,竄於 日 公

能之,故繫之以正。 非 終之以《豳風》,言變之可正也。 下,變風不復正乎? 其能正乎? 成王終疑,則風遂變矣。 曰: 『居變之末,何 迎之,以致太平,故大師述其詩,爲豳國之風 文》曰:「周公遭流言居東,作《七月》之詩,成王悟而 不得專名一國,因其上陳豳公,故爲豳之變風。]〇《釋 以爲豳國變風焉。」孔氏曰:「周公,王朝卿士 何風也?』文中子曰:『變風也。』元曰 民事至苦之功,以比序己志,故别其詩! 成王之時,周公居東,思公劉 世、大王又避戎狄之難 度其原隰以 岐之陽,明豳 岐 〇《文中子》:「程元 ·周公之際,亦有變風乎?』『君臣相 周 ĺЦ 之北 公至誠,其孰 治田,是豳居原隰之野。」至商之末 在岐山之北。《公劉》之篇説公劉居豳 原隰 べ之野。 能卒正之哉?』元 問曰:『敢問《豳 也?』曰:『夷王以 變而 夫子蓋傷之也,故 孔氏 而入處於岐陽。 正,危而克扶 日 居豳 「大王始 唯周公 一,憂念 入,居 馬。 消 風

遠矣哉 聲,而 魯也。 是次之以《豳》,反之於周公。 風終於《曹》,思明王賢伯之不可得,於 無間矣。 是爲變雅。 故因謂之豳也。 國別風也。 公詩耳。 終始不失其本,其惟周公乎? 鹿鳴》,言周之所以盛者,由周公也。」 風》之所爲終,而《雅》之所爲始也。 鰯 一》居 攝 周公作詩,意在於豳 引其 君子成人之美,故不使成王之世有變雅之 周者,畿内國也。 成王雖始疑周公,而終任之,君臣之道,亦 何不編於魯? 於《風 』」劉氏曰:「《豳風》者,名之爲豳,實周 詩 何以不列之於雅? 曰:「列之於雅 使還周 》、《雅》之間, 公也。二〇范氏曰: 魯者,伯禽封耳,周公不之 畿内諸侯上繋於王,不 ,而周公之詩,無所可繫 而後至於 繫之豳 何 也?

曰:「周公遭變者,管、蔡流言。」 先公風化之所由,致王業之艱難也。鄭氏《七月》,陳王業也。 周公遭變,故陳后稷

《豳風》當如此。又成王中變,自然發起程氏曰:「《七月》大意,憂思深遠,不惟

不辭之意。一〇王氏曰:「仰觀星日霜 艱難如此,而思奉承之不易,且以見己之所以當國而 時,不必始有也。」朱氏曰:「使成王知其積累之 令》異者,《月令》多舉其始,此但言其有 序之遷,人事當及時耳。 之艱難 先王致王業之由,民之勞力趨時,稼 周公言終久意思。 大小教之,終而復始,由此觀之,人固不 時,其燕饗也節,此《七月》之義也。] 〇 婦,養老而慈幼,食力而助弱,其祭祀 愛下,下以 民事,女服事乎内,男服事乎外,上 變,俯察蟲鳥草木之化,以知天時,以授 可恣也。」楊氏曰:「先王之政,使民男女終歲勤 後漢王充《潛夫論》曰:●「《七月》之詩, ,未常休也。 如此。 忠利 雖淫僻之心,何自萌蘖哉? 此詩多陳節物,大要言 上,父父子子,夫夫 此詩 欲 所言或與《月 成 王知先 而獻享之 以 露之 誠 歲 也 婦 穡

^{● 「}王充」,爲「王符」之誤,文見《潛夫論·浮侈》。

所記,苟非井邑其民,鄉黨其教,各有正 周公陳王業之致,特在乎此。後之有天下者宜審也。 禮 長部分司其歲功,未易集也。」 興本於是故也。」〇長樂劉氏曰:「此詩 ,孝愛之誠,隆於自然,此所以皞皞莫知爲之者 |楊氏曰:「《七月》備言田桑之事,以 其 也

輒反。 七月流火,九月授衣。一之日觱音必。 三之日于耜,四之日舉趾。同我婦子,饈炎 一之日栗烈。 季夏六月,黄昏,火星中,大暑退。』《左傳》又曰『火猶 火,心也。季冬十二月,平旦,正中在南方,大寒退。 《左傳》「張趯曰火星中而寒暑退」,服虔云:「火,大 曰:「火,大火也。 「「何以卒歲」,則又見二之日爲歲之終也。」 〇毛氏 朱氏曰:「此詩月數皆以夏正爲紀。」●○范氏曰: 張氏曰:「《七月》之詩,皆以夏正爲斷。」 「大辰者,大火也」,何休注:「大火謂心。」〇孔氏曰: 「流」,謂火下爲流。」○朱氏曰:「火以六月之昏加於 彼南畝,田畯音俊。 無衣無褐,音曷。 流,下也。《公羊傳》曰 至喜。 何以卒歲?

> 命農修耒耜。孟春,天子躬耕帝籍。」豳土寒晚,温亦 爲之。」卒,終也。」〇毛氏曰:「三之日,夏 也。 月又言日,别無義例,只是文順。」觱發,風寒也。 于耜,始修耒耜也。 正月也。孔氏曰:「斗建寅之月也。」豳土晚寒。 無風而寒,於是爲至。」 〇鄭氏曰:「褐,毛 栗烈,寒氣也。」王氏曰: 朱氏曰:「周之先公已用此以紀候。」○張氏曰:「言 也。」〇程氏曰:「一之日,猶云冬之日、夏之日 之也。周正月,斗建子之月也。 餘。❷ 謂數從一起而終於十,更有餘月,還以一二紀 日,殷正月也。孔氏曰:「一之日、二之日,猶言 九月霜始降,可以授冬衣矣。一之日, 十之餘 一月之日、二月之日,故傳言一之日者,是乃十外之 孔氏曰:「褐,賤者所服。今夷狄作褐,皆織 也。 一之日,周正月也。二之 孔氏曰:「《月令》:『季冬 「風而寒,尚非其至也 殷正月,斗建丑之月 布

傳》

正

南午位,當東西之中,至七月之昏,則下而西流矣。

0

⁰ 改。 外」、《墨海 夏」,原作「人」, 金壺》本作「月」、《毛詩正義》作「分」。 據《墨海金壺》本及朱熹《詩集

歐

欲,所以備患也。 者,其有憂患乎?」先王教民農桑,以爲衣食,非以充 以授衣,爲是故也。」○范氏曰:「孔子曰:「作《易 無衣無褐,將何以卒歲乎?」朱氏曰:「言所 無衣矣。」〇鄭氏曰:「此二正之月,人之 常於半年前提掇,故頻舉七月爲言。」○范氏曰: 「七月陰氣始盛 火』爲首。」張氏曰:「周人慮事有豫,《七月》之詩, 有卒歲之具,禦冬之備,故以『七月流 成之。」〇程氏曰:「歲過中而行暮矣,當 氏曰:「此章陳人以衣食爲急,餘章廣 『農夫,田官也。」郭璞曰:『今之嗇夫是也。」. ○鄭 夫也。」孔氏曰:「《釋言》云「畯,農夫也」,孫炎曰: 也。」〇毛氏曰:「饁,饋也。 卯之月也。」民 晚,故修耒耜始耕,皆校中國一月也。于,訓爲於。」 四之日,周 陽氏 「同我婦子,我婦我子,同來致 曰 「農夫在 四 是故將言衣之本,則著寒之候。] () 無不舉足而耕矣。」〇 月也。 而寒將至,九月則 田,婦子往饋,田 孔氏曰:「夏之二月,斗 田畯,田 不可 程 而 大 銄 氏 建

> 寒氣。」 烈、《集注》作栗冽。按: 烈從火,不得爲 所以固也。 孝悌之所以生,教化之所以成,人情之 ○董氏曰:「觱發,《説文》作滭冹。 天下之務莫實於此矣。 公號令之辭。□○范氏曰:「民生本乎衣食, 畝」,及「嗟我婦子,曰爲改歲」,此述民人之志,非序先 知其早晚,各自勸勉,以勤事業,故「同我婦子,饁彼南 公在豳教民周備,使衣食充足,寒暑及時,民奉上 夫見其勤 農樂業 故勤儉之俗,莫如《豳風》。」 而喜。」孔氏曰: 禮義之所以起, 周 公 陳先

庚。 及公子同歸 日遲遲,采蘩祁祁。巨之反。女心傷悲,殆 七月流火,九月授衣。 女執懿筐,遵彼微行,爰求柔桑。 春日載陽,有鳴 倉

也。」懿筐,深筐也。」〇朱氏 也。」〇毛氏曰:「微行,牆下徑也。 鄭氏曰:「載, 曰:「倉庚、離黄也。 則 也。 孔氏曰:「即《葛覃》黄鳥 陽,温也。]〇毛氏 曰:「遵,循 Ŧi. 畝

悲,感其物化也。」孔氏曰:「既感事苦,又感陽 如雲。三傷悲,感事苦也。 曰:「春日則以温 也,故春日載陽,則求桑而蠶。]〇孔氏 故又本於此。]〇王氏曰:「以九月授衣 群公子之舍,則以卑矣。」是諸侯之女稱 曰:「《公羊傳》説築王姬之館,云:『於 祁,衆多也。 猶用之。」〇山陰陸氏曰:「今洗蠶種尚用蒿。」 祁 景之稍長,謂日行遲,故以「遲遲」言之。」蘩,皤蒿 意。人在陽則舒,在陰則慘,遇春暄則四體舒泰,覺書 也,●所以生蠶。 桑也,蠶始生,宜穉桑也。] 〇毛氏曰: 公子也。婦人謂嫁曰歸。□○鄭氏 七月流火,九月授衣,將言女功之始, 遲 遲,舒緩)程氏 ·樹之以 曰:「殆,庶幾也。」○孔 也。 程氏曰:「《韓奕》:「諸娣從之、祁祁 桑。」 孔氏曰:「遲遲者,日長而暄之 孔氏曰:「白蒿所以生蠶,今人 |矣,又有鳴者,是倉 鄭 氏 春女悲,秋 日 柔桑, 日 庚 氏 士 穉

> 始也。」 也。 正矣。」○《釋文》殆作迨,曰:「音待, 不耕,女莫不蠶,則衣食之本立矣。昏姻以時,則男女 於耕事者,重昏嫁,本人情。」范氏曰:「男莫 情,交相忠愛如此。」〇張氏曰:「此章次 所以爲衣裝之備,庶幾得如富貴之子,及時而行也。」 傷悲,有與公子同嫁之志。」程氏曰:「再言 多,女心感蠶事之勞苦、時物之變化 之徑,求柔穉之桑,以養新生之蠶 「春日遲遲」者,此道人情之感時也。 春日遲遲然而舒緩,采蘩者祁祁然 言養蠶之時,女有傷悲之志,更本之言)朱氏曰:「殆及公子同歸,見其上下之 於此之時,女執持深筐 女勤力蠶 循 彼 事、蓋 而 微 因 細

猗於宜反。彼女桑。七月鳴鵙,圭覓反。八月條佗彫反。桑,取彼斧斨,七羊反。以伐遠揚,七月流火,八月萑户官反。葦。韋鬼反。蠶月

女桑」作掎,蓋掎而束也。

毛傳亦曰『角而束之』,則毛

載績。 孔氏曰:「《釋草》云薍,似葦而小者,初生者爲菼,長 毛氏曰:「薍五患反。爲萑,葭音加。爲葦。 載玄載黄,我朱孔陽,爲公子裳。

也。」薄用萑葦爲之。」〇植,直吏反。 槌,直追反。 令》季春云『具曲植筐筥』,注云:『曲,薄也。 植 葦。」豫畜萑葦,可以爲曲也。」孔氏曰:「《月 大爲薍,成則名爲萑。初生爲葭,長大爲蘆,成則名爲 槌

落之,采其葉也。」○毛氏曰:「斨,方銎 非一月,故不指言某月。□○鄭氏曰:「條桑,枝 之早晚,不可指定幾月也。」王氏曰:「蠶月 程氏曰:「蠶月,當蠶長之月也。 計歲 氣

也。 方銎曰斨。」然則斨即斧也,唯銎孔異耳。」遠,枝 曲容反。 揚,條揚也。 也。孔氏曰:「《破斧》傳曰: 孔氏曰:「遠者,謂長枝去人 「隋銎曰斧

遠也。揚,謂長條揚起者,皆手所不及,故枝落之而采

名也 如捕鹿,晉人角之,諸戎掎之。」然掎、角皆遮截束縛之 長條不枝落,束而采之。」○孔氏曰:「《左傳》云:「譬 其葉。」角而東之曰猗。鄭氏曰:「女桑少枝,❶ ,故云角而束之曰猗。」〇董氏曰:「《齊詩》「猗彼

> 記·鍾氏》則染纁術也,染玄則史傳闕。」〇王氏曰: 也。」陽,明也。」孔氏曰:「謂朱色光明。」○鄭氏 五色皆可以染,故『載玄載黄,我朱孔陽,爲公子裳』 方,南方故云『用纁』,是祭服用玄衣纁裳之義。《考工 「《周官・染人》 『秋染夏」,夏,五色也。 蓋於是時也 天色玄,地色黄,故玄以爲衣,黄以爲裳。」上寄位於南 堯、舜垂衣裳,蓋取諸乾坤」,注云:「乾爲天,坤爲地 祭服玄衣纁裳。孔氏曰:「《易・下繋》云『黄帝 氏曰:「玄,黑而有赤也。朱,深纁也。 同也。」〇孔氏曰:「績,緝麻之名。」〇毛 月剥棗」、『九月肅霜,十月滌場』,如此之類,皆與中國 北,寒氣之來,大率晚耳。『八月其穫」、『七月食瓜,八 地晚寒,鳥物之候,從其氣焉。]〇孔氏曰:「豳處西 也。 葉盡 也。」鄭氏曰: 曰:「女是人之弱者。 亦爲掎也。」〇蘇氏曰:「取葉存條曰猗。 ,則條猗猗其長也。」女桑,荑徒奚反。桑 郭璞曰:「今俗呼小而長條,謂之女桑。」〇孔氏 「伯勞鳴,將寒之候也。五月則鳴,爾 女桑,柔桑也。」鵙,伯勞 猗,長 也

⁰ 桑 , 原作「柔」,據《墨海金壺》本及《毛詩正義》改。

乎 ? 也。 氏曰:「豈非至誠惻怛之意,上以是施之,下以是報之 同歸」。民愛豳公,待之如家人,其愛之深如此。○○李 也。 己欲爲公子裘。「春日遲遲,采蘩祁祁」,則「迨及公子 曰:「「我朱孔陽」,則己欲爲公子裳。 「取彼狐貍」,則 曰: 爲難,言 「我朱孔陽」,則玄黄不足道也。」 〇程 黄,而其朱者尤鮮明。」王氏曰:「染以朱孔陽 載 曰:「凡此女功之所成者皆染之,或玄或 皆用斧斨。」〇毛氏曰:「七月鳴鵙,八月 斨,亦預備其器具也。伐遠揚,猗女桑 程氏曰:「蠶長之月,當枝落桑,則用斧 候,八月萑葦既成,畜之以擬蠶 亦又本於此。]〇孔氏曰:「民知將寒之 曰:「七月流火,將言女工自始至成,故 續,絲事畢,而麻事起矣。」〇朱氏 言裳而不及衣,特便其韻耳。」 「蓋所以供公上,爲公子之衣裳故 民之知義如此,則美俗成矣。」張氏 『爲公子裘』、『獻豜于公』,皆此義 用。」〇 氏

服用絲,如玄冕,豈不用玄乎? 爲公子之裳」,非也。 自衣之。玄黄之色,施於祭服。 公子之裳」,孔穎達謂 古者冕用 績 麻爲 布 麻 朱則 丽 民

子裘。 私其豵,子公反。獻豜古牽反。于公。 之日于貉,户各反。 其穫,户郭反。 四月秀葽,於遜反。五月鳴蜩。徒彫反。 二之日其同,載纘子管反。武功。 十月隕于敏反。 取彼狐貍,力之反。爲公 蘀。音託。 八月

也。 孔氏曰:「「孟冬,天子始裘」,《月令》文。 冬,天子始裘。」董氏曰:「齊東郭書衣貍製。」〇 貉,謂取狐 《爾雅・釋草》云:「華,榮也。木謂之華,草謂之榮 木葉皆隕落也。」○《説文》曰:「皮葉落陊地爲蘀。 曰:「楚謂蟬爲蜩,宋、衛謂之螗蝛。」 穫,禾 可穫 不榮而實者謂之秀。」 蜩,螗也。 孔氏曰:「《方言 毛氏曰:「不榮而實曰秀。葽,葽草也)鄭氏曰:「于,往也。」〇毛氏曰:「于 隕,墜。蘀,落也。」孔氏曰:「隕蘀,十月 貍皮也。 狐貉之厚以居,孟 言自此 以

八月載績、載玄載黄、我朱孔陽、爲

「其司,謂會聚共事也。」鄭氏曰:「君臣及民,年用之。皮革踰歲乾,久乃可用。」 ○程氏 曰:後,臣民亦服裘也。孟冬已裘而仲冬始捕獸者,爲來

習之,使不忘戰也。」〇朱氏 隕 物成之初。 寒之候,物成自秀葽始。」張氏曰:「秀葽者, 裘,以助布帛。」〇鄭氏曰:「秀葽也, 私之。」〇孔氏曰:「三章既言絲麻衣 同。」〇鄭氏曰:「不用仲 因習兵俱出田。]〇王氏曰:「唯田國人竭 之日,君民俱出 蘀則鳥獸氄毛,於是乎可以取皮,故 女功之正,故四章陳女功之助,取皮 也。」〇毛氏曰:「纘,繼。 公,亦愛其上之無已也。」 孔氏曰: 既言捕 其同,謂會聚 蘀 也,穫禾也,隕蘀也,四者皆物成而 歲曰豵,三歲曰 爲取 取 鳴蜩者,歲秋之漸。」 ○王氏曰:「隕 貉 狐 狐 貍 共事也。」鄭氏曰:「君臣 田 貍之候也。] 〇孔氏 因説 獵 豜。 則 大獸公之, 田獵之事。 冬, 繼續武事,年常 功,事也 亦豳 獻 地 獨説冬獵 作,故 小 至二 豜 曰 晚 將 鳴 爲 服 潤 寒

者,以取皮在冬,且大閱禮備故也。」

者,亦以五穀不生,狐貍之所聚也。貉,狐貉之居也。戎狄之貉所以得名

羽。 反。 蟋 五 蟀入我牀下。 月斯螽 鼠,塞向墐 七月在野,八月在宇,九月在户 讀作「貉道」之貉亦通 音終。 一音覲。 穹起弓反。 動股,六月 户。 嗟我婦子, 窒珍悉反。 莎 素和反。

,,十月

雞

振

熏許

曰

爲

索索作聲。」毛氏曰:「莎雞羽成而振訊之。」〇李 毛 切作聲,聞數十步。 長 陸氏《草木疏》曰: 曰: 氏曰:「《考工記》云:「以股鳴者,以冀鳴者。」以 霤 唐 巾 角長股,股鳴者 翅數重,其翅正赤,六月中飛 |。』」朱氏曰:「宇,簷下也。」○蟋蟀,解見 **螽是也**。 屋四 垂 以翼鳴者,莎雞是也。」○《釋文》 一爲宇。 孔氏曰: 也。 「斯螽、蝗類、長而 《韓詩》云:『宇,屋 莎雞 「《月令》季夏云『蟋蟀居 五月中以兩 ,如蝗 而班 而 振 股相)股鳴 色 羽

=

改歲,人此室處

曰:「自『七月在野』至『十月入我牀 雞 終歲,故上言『無衣無褐,何以卒歲」。』 〇 范 日 而 之始。」又曰:「若揔言一歲之事,則寒暑一周,又爲 王氏曰:「嗟者,憫憐之辭。」〇孔氏曰: 在十月之下,亦當以十月塞塗之矣。] 〇 通風,故泥之也。」 〇孔 窻。□○朱氏曰:「塞向以當北風。」墐,塗也。 啓牖嚮」,注云:『嚮、牖一名也。 曰:「向,北 室,塞也。」孔氏曰:「言窮盡塞其室之孔穴也。」 人墓户。」孔氏曰:「蓽户,以荆竹織門,以其荆竹 改歲者,以仲冬陽氣始萌,●可以爲年 振羽,氣使之然 "「五月日短至而陰生,斯螽動股,莎 爲寒暑,君子之戒民也蚤矣。]○鄭 ·孔氏曰:「熏鼠,令出其窟。」〇毛氏 蟋蟀也。 從壁内 出 出牖 將寒有漸,非卒來也。」() 在野。□○毛氏 也。 氏 也 孔氏曰:「《士虞禮》云『祝 曰:「穹室墐户,文 陰陽之氣,積 爲寒之備,不塞南 日 写, <u>下</u> 窮。 氏 氏 微

> 孔氏 老者之愛。」 陰陽,備寇賊,習禮文也。」○張氏曰:「此章見 蟀人我牀下,嗟我婦子,聿爲改歲,人此室處。」所以順 其室,又告妻子,言我 曰:「春令民畢出在壄,冬則畢入於邑。 其《詩》曰 歲大寒,當入此居處也。」《前 四之日舉趾,同我婦子,饈彼南畝。」又曰:「十月蟋 日 蟲既近 人,大寒將至 所 以 爲此 漢 一, 故 食貨志 者,爲改 塗 寒

迭用之爾。 三正之通于民俗尚矣,商、周特舉而「嗟我婦子,曰爲改歲,入此室處」,則《豳詩》陳先公風化,而載其民言,曰

食音嗣。 菽。 九月叔苴。 此 六月食鬱及薁,於六反。七月亨普庚反。 春酒,以 音叔。 我農夫。 八月剥普卜反。 介眉壽。 七餘反。 采茶音徒。 七月食瓜,八月斷壺 棗,十月穫稻,爲 薪樗, 勑書反 葵及

▶ 「陽」,原作「寒」,據《墨海金壺》本與《毛詩正義》改。

曰: 月宜 毫眉秀出者,故知 加 曰:「眉壽,毫眉也。」孔氏曰:「人年老者必有 「介,助也。」《爾雅》曰:「介,右也。」○毛氏 云:「古者穫稻而漬米麴,至春而爲酒。」○蘇氏曰: 三酒中清酒也。」○《月令》「仲冬,麴蘖必時」,母注 老刀反。 孔氏曰:「棗須就樹擊之。」春酒,凍丁貢反。 李氏曰"「可茹,公儀爲魯相所拔者是也。」○朱氏 毛氏 曰:「菽,豆也。」○毛氏曰:「剥,擊也。 即鬱,薁李即薁。」〇蘡,於盈反。 〇《爾雅》注 晉《宫閣銘》云:『華林園中有車下李、薁李。』車下李 之甜,一名車下李。 也。」孔氏曰:「棣,其樹高五六尺,其實大如李,食 夏不可以釀,故爲此酒以繼之。」 〇鄭氏 大其茹,今民尚爾。」孔氏曰: 「壺、枯者可爲壺、嫩者可供茹。 斷其 「葵,承露也,大莖小葉,華紫黄色。」 曰:「鬱,棣大計反。 也。」孔氏曰:「此酒凍時醪之,即《酒 梢,令勿復花實,所 眉 蘡薁者,亦是鬱類,而小别 謂毫眉也。」○長樂劉 屬。 以堅其 「壺與食瓜連 薁, 蘡 日 氏 Œ 醪 薁

《谷風》。 具。」〇朱氏曰:「瓜瓠苴茶,以爲常食。 瓠之蓄,麻食之糁,乾茶之菜,惡木之薪,養農夫之 壯者之食,故云『食我農夫』。 也。」〇程氏曰:「『七月食瓜』以下,皆爲 酒嘉蔬,以養老疾,奉賓祭。 壽衰矣,養氣體焉以助之也。」朱氏曰:「果 蔬棗酒,皆爲養老之具。」〇王氏曰:「眉 加也。農夫之勤其養,不可以不蓄也。」 裘具矣,居室安矣,老者之養,不可以無 之有實也。」〇 廣,扶刃反。 場之漸。」○毛氏曰:「叔,拾也。 曰:「樗唯堪爲薪,故曰惡木。」○吕氏曰:「衣 曰:「叔苴,謂拾取麻實以供食也。」○茶,解見 文,謂甘瓠可食者也。」張氏曰:「食瓜斷壺,皆去圃爲 ○程氏曰:「自『六月食鬱及薁』已下,果 也。」《爾雅》曰「黂,枲實」,注:「《禮記》曰:「苴,麻 〇毛氏曰:「樗,惡木也。」孔氏 介眉壽者,頌禱之辭 枲,息似反。〇孔 鄭氏曰:「瓜 少長之義,豐 苴,麻子

「蘗」、《禮記正義》作「蘗」,當據改。

0

儉之節然也。」

穋,音六。 九月築場 上入執宫功。 亟紀力反。其乘屋,其始播百穀 禾麻 圃 菽麥。 畫爾于茅,宵爾 月 納 禾稼。 嗟我農夫,我 黍 稷 索 稼 重 綯 既 直容反 同 刀

鄭氏 餘 種蓺之字。○○孔氏曰:「再言禾者,以禾是 毛氏 大名,非 以 ○《釋文》曰:「禾邊作重,是重穋之字。禾邊作童,是 爲稼。」李氏曰:「《説文》云:「禾之秀實者爲稼。 稼,則謂之場。」〇孔氏曰:「納,謂納於場。」 毛氏曰:「春夏爲圃,秋冬爲場。」○孔氏曰:「蹂踐禾 鄭衆曰:『先種後熟謂之重,後種先熟謂之穋。」按 ○禾,解見下。 説文》, 日在野日稼。□○黍稷,解見《黍離》。 稻秫苽粱之輩,皆名爲禾。 種菜茹。 日: 曰:「場圃同地,物生之時,耕治之 種 : 徒黍、稷、重、穋 音 「後熟曰重,先熟曰穋。」董氏曰: 童, 至物盡成熟,築堅以爲場。 所謂 〇孔氏曰:「種植嘉穀名 重也。 四種 穜音 1衆,所 麻 而 與菽 謂 藝。 其

> 也。 屋、蓋治也。」〇 畫日往取茅歸,夜作絞索。」○鄭氏曰:「亟,急 屋。」孔氏曰: 也。」〇毛氏 絞也。」○孔氏曰:「綯,繩之絞也。」○鄭氏曰:「女當 曰: ○程氏曰:「上人,遷入都邑之居也。」○范氏曰: 者,無所不備,則我稼同矣。」 〇毛氏曰:「人爲 也。」王氏曰:「所納之備也。」〇朱氏曰:「言納於場 以總諸禾也。」○鄭氏曰:「既同,言已聚 麥則 上,出爲下。」李氏曰:「田野 「宫功、公室之役也。」 董氏曰:「蓋官府之役 待耘耔之時。)程氏曰:「綯,所用蓋屋。」毛氏曰:「綯 古者用民之力不過三日,其此謂乎?」() 「爾,汝也。」○毛氏曰:「宵,夜也。_ 無禾 稱 「汝又當急其升上野廬之屋而修治之 ",故於麻、麥之上,更言禾 上云『塞向墐户』,是都邑之屋,故知 鄭氏 曰:「乘,升也。」程氏曰: 曰:「急當治 入都邑,故謂之上。 野 廬之 鄭氏

解字》改

❶ 「種」,原作「種」,據《墨海金壺》本與陳昌治刻《説文

也? 憂勤艱難之意。」 ^{者也。}」○吕氏曰:「此章終始農事, 將始播殖也。」王氏曰:「如《易》所謂 不息,人勤而不已,故『我稼既 百穀。』」范氏曰:「亟其成屋,趨時之急也。 其急何 爾于茅,宵爾索綯。 子》曰:「民事不可緩也。《詩》云:『晝 乘屋,而播百穀,亦未嘗休息也。」〇《孟 思上入執宫功,不待督責,自相戒以 城,故野廬之居閑,可以治之。」〇孔氏曰:「播, 此所治屋者,民治野廬之屋也。]〇董氏曰:「各人保 種 也。」〇張氏曰:「此章言農夫稼同, 其始播百穀故也。」 ○ 范氏曰:「天運 亟其乘屋,其始播 同」,則又 『終則有始』 以 極 而 亟 則

觥 證反。 饗, 日殺羔羊。 一之日鑿冰冲冲,直弓反。三之日納于 ,號彭反。 九月肅霜,十月滌徒歷反。 陰。 四之日其蚤,音早。 萬壽 無疆 躋子奚反。 彼公堂,稱彼兕 獻羔祭韭。 場。 朋 酒 凌 斯 音 力

> 度,❶ 之。《三統術》:"四月立夏節,日在畢十二度,星 半次然後見,是立夏之日。 也。 官・凌人》:「夏頒冰。」〇 羔祭韭時,夏頒冰,是其 依禮須開。」○程氏 冰室也。」〇孔氏曰:「仲春陽氣出地,冰 月風未解凍,冰猶可藏也。」 〇毛氏 月斬冰,即以其月納之。]〇朱氏曰:「豳土寒多,故正 晚寒,故可夏正月藏冰。」又曰:「《凌人》十二 藏冰,深山窮谷,固陰沍寒,於是取之」,注:「陸,道 澤腹堅,命取而藏之。」□○《左傳》曰「古者日在北陸」 非貌非聲,故云鑿冰之意。《月令》:『季冬冰方盛,水 於山林。冲冲,鑿冰之意。」孔氏曰:「冲冲 《周官·凌人》曰:「正歲十有二月,令斬 冰。」〇毛氏曰:「冰盛水腹堅,則命取冰 謂夏十二月,日在虚危。」 〇孔氏曰:「豳 昴星得 朝見 也。」二月開 曰:「其蚤 孔氏曰: 日去昴星之界已十二 冰, (後用時也。」《周 公始用之,未賜 西西 曰:「凌陰、 用之於獻 陸 朝 覿而 去日

^{● 「}昴」,原作「昴」,據宫内廳本、四庫本、《墨海金壺》本

時 冰 所患也,故先之,所以急民也。」○程氏 卒章乃言備暑藏冰,飲酒相樂。」鄭氏曰: 收斂之事,所以成首章也。 也。 氏曰:「疆,竟也。」○孔氏曰:「七章言 乎普用之,乃是頒賜臣下也。] 〇孔 曰:「公堂,人君之堂也。」〇孔氏 曰 氏《凌人》注云:「爲二月將獻羔而啓冰。」 〇 丘 令》:『仲春,天子乃獻羔開冰,先薦 也。 「上章備寒,故此章備暑,后稷先公禮教備也。」○范氏 相 廟。」祭韭者,蓋 設兩樽之朋酒,斯爲飲酒之饗禮。] ○孔氏 稱、舉也。」〇兕觥、解見《卷耳》。 所 氣也。」〇張氏曰:「民忠愛其君之甚, 「備寒所以爲下也,備暑所以爲上也。寒者,民之 命 至于夏初,其出之也,朝之禄位,賓食喪祭,於是 以 「肅,嚴氣 場功畢人 日殺羔羊。 備暑,而開冰 也。 也。」〇毛氏 以時 躋,升也。」〇王 兩樽曰 **韭新出,故薦之。」鄭** 必以 仲春,所以 朋。」孔氏曰: 曰:「滌, 衣食已具, 氏 曰:《月 曰:「藏 . 曰 日 〇毛 氏 氏 寢

酒祝之萬壽。」相戒以速畢場功,當自殺羔羊獻公,以

堂,萬壽無疆。」曰:「朋酒斯饗,曰殺羔羊。躋彼公函之先公,國容未備,無君民之間,故

《七月》八章,章十一句。

言於國曰:『公將不利於孺子。』●周公《書》曰:「武王既喪,管叔及其群弟乃流

避而出,作詩貽王。 政,中誅管、蔡,後爲詩以貽王。 亦未敢 誚公。」歐陽氏曰:「《金縢》言周公先攝 後,公乃爲詩以貽王,名之曰《鴟鴞》,王 王。]周公居東二年,則 乃告二公曰:『我之弗辟 以作詩後乃攝政而 鄭氏謂先爲冢宰,中 罪 i, 則 無以 斯 誅管、蔡, 告 得 我先 于

斯,鬻由六反。子之閔斯。 鴟鴞鴟鴞,既取我子,無毀我室。 恩斯勤

非也。」

怪鴟。 《爾雅》曰:「鴟鴞,鸋鴂。」郭璞曰:「鴟類。」 鴞,惡聲之鷙鳥也。《詩》「有鴞萃止」,又「翩彼飛鴞」, 作之甚苦,故愛惜之也。」歐陽氏曰: 取我子,幸無毀我 者主何物。□○鄭 巢者,呼鴟鴞而告之。」程氏曰:「不知呼鴟鴞 拜反。梟,古堯反。 又「爲梟爲鴟」,蓋梟之類。」○鸋音寧,鳩音決。怪,古 宜如璞義。 ○山陰陸氏曰:「先儒以鴟鴞爲巧婦,以《爾雅》觀之, 梟,鴟」,則鸋鴂亦梟之類也。」〇吕氏曰:「鴟 蓋《爾雅》言『鴟鴞,鸋鴂』,繼言『狂,茅鴟 氏 ○歐陽氏曰:「鳥之愛其 曰:「室,猶巢也。 巢。 我巢積日 累功 「今鴟多 言已

> 安危故也。」 禍亂將作而毁周室矣,故曰:『無毀我室。』與王室同 染,使陷於罪,是汝殷民入吾國,害我兄 故周公曰:『管、蔡,親也。 信兄弟之言,中傷周公,謀危王室也。 民欲叛,馮附二叔之親,欺惑其人,使之 氏曰:「周公託爲鳥言以自比。」○吕氏曰:「殷 **鴞謂爲惡者,子喻管、蔡,室喻王室**。」朱 又毁我室耶!」本程氏説。 子,誠可憫憐,今既取之,其毒甚矣,况 氏曰:「鬻,育也。」〇朱氏曰:「鬻養 攫鳥子而食。」○毛氏曰:「恩,愛也。」○ 弟矣,又欲危王室,則不可也。』」范氏曰 流言云:『周公將不利於孺子。』欲王 成王幼弱,未足以及天基命定命,周公苟不攝 ○程氏曰:「鴟 爾既 以惡汙 識政,則 此 取

婦,似黄雀而小」,其名偶與鴟鴞之别桑飛曰寧鴂」,此乃陸璣《疏》所謂「巧所解皆得之。《方言》云「自關而東謂縣鴂,鴟鴞之别名。郭景純、陸農師

憫惻 斯。」言我恩愛勤 家語殷民之辭 純之注耳。 失,乃併與《 毛、鄭誤指 同 也。 與 \sim 周公謂 爾 以 爾雅》非之、蓋未考 雅》之所載 也。 解 恩斯勤 詩。 管、蔡爲子者,爲周 苦,育養此子,誠 歐陽 斯, 鬻子之 實 氏 兩 雖 物 郭 知 也。 可 憫 景 其

繆莫侯反。 迨天之未陰 之,故惜此室巢。 穴,使之堅固,以備陰雨之患。」〇孔氏曰:「以勤勞 言,及天之未陰雨之時 深至如 之未陰雨,而下言自爲安固 繆,猶纏綿也。」〇朱氏曰:「牖者,巢之 「下民,巢下之民也。」〇程氏曰:「迨天 通 毛氏曰:「迨,及也。 徹,取也。」桑土,桑根也。」○鄭氏 氣處。 此,而 牖户。 户 雨,徹彼桑土,音杜。 、,其出入處也。」○鄭氏 今巢下之民,或敢侮慢我,欲毁我巢 尚或侮之。」朱氏曰:「亦爲鳥 今女下民,或敢侮予。 而 往取桑根,以纏綿其巢之隙 徹,剥也。 防閉之道, 綢 日 朱氏曰: 直 留 反。

> 予未有室家。 徒。予所蓄租。 予手措音言。 室。」〇孔氏曰: 言》云:『荄、杜,根也。』」 道,不可不遏絶以全周室。□○《釋文》 致此大功至艱難 曰:「桑土,《韓詩》作杜。《方言》云: 『東齊謂根曰杜。』」董氏曰:「石經作桑杜。《方 据,音居。 子胡反。 ,而其下民敢侵侮我周 王 肅 予所捋力活反。 予口卒瘏,音徒。 云: 周 公言先 茶,音 \pm \Box

盡也。」〇毛氏 王氏曰"「與「租賦」之租同。」○王氏曰: **藉巢者。」○程氏曰:「蓄,積。** 氏 爪拘持草也。」○朱氏曰: 毛氏曰:「拮 病。」孔氏日 也。」孔氏曰:「《説文》云:「撠,持也。」撠拘,謂以手 《韓詩》云: 曰:「荼, 萑苕音條。 萑苕,謂薍之秀穗也。」○朱氏曰:「茶,苕華,可 「口足爲事曰拮据。」○鄭氏 口口 病 日 据, 明 明 撠 手 「瘏,病 亦病也。」○《釋文》曰 京 「捋,取也。」〇 也。」孔氏曰:「薍爲 劇 反。 也。 租,取也。」 拘 手病口 俱 曰 : 局 反

此者,以王室新造而未集故也。」而至於病者,以巢之未成也。以比己之所以勤勞如故。」朱氏曰:「亦爲鳥言,所以拮据捋荼,蓄租勞苦故。」朱氏曰:「亦爲鳥言,所以拮据捋荼,蓄租勞苦

音曉曉。呼堯反。 室翹翹,祁消反。風雨所漂匹遥反。摇,予維室翘翹,祁消反。風雨所漂匹遥反。摇,予維予羽譙譙,在消反。予尾脩脩。●素彫反。予

氏曰:「此周公之詩,所以 乘之。則其作詩以喻王,亦不得而不汲汲也。」〇程 也。 毛傳皆作消消,云:「定本消消作翛翛。」 也。]〇《釋文》脩脩作 雨又從而漂摇之。 音得無急乎?」朱氏曰: 於羽殺尾敝,室成而 懼告愬之意。」○蘇氏 曉曉,懼也。」○鄭氏曰:「音曉曉然 毛氏曰:「譙譙,殺色界反。 孔氏曰:「鳥之羽尾疲勞之狀。」翹翹,危 以比己既勞悴,王室未安,而多 風雨 曰:「爲室之勞,至 翛 「翹翹,成而未定也。 翛 也。 漂摇之,則其 辭哀 孔氏載經文及 脩脩,敝 而 意 恐, 也 風

《鴟鴞》四章,章五句。傳皆作消消,云:「定本消消作翛翛

過此。 《東山》,周公東征也。 發,而歌詠以勞苦之,則其歡欣感激之情爲如何哉? 朱氏曰:「皆其心之所願而不敢言者,上之人乃先其 不知。今序其情,閔其勤勞,則民皆喜悦,忘其勞苦。」〇 西而東,故謂之東征。二年而罪人斯得,至歸周則 其勞,所以說音悦。 言其室家之望女音汝。 也。一章言其完也,二章言其思也,三章 歸 古之人,上下之際,情志交孚,雖家人父子之相語,無以 家之望汝,謂歸士未反,室家思望。民有勞苦,唯恐君 曰:「思,謂念其勤勞,思其廬室荒廢也。」○孔氏曰 矣。」〇孔氏曰:「完,謂不與敵戰,歸士完全。」〇 挾三監叛,其地在王室之東。 死,其唯《東山》乎? 李氏曰: 女之得及時也。 君子之於人,序其情而 勞力報反。 其所以維持鞏固 歸 士,大夫美之,故作 也。 數十百年, 也,四章樂音洛。 周公自東而征之,則 周公東征 説以使民,民 圃 「周在豐鎬,管、蔡 無 旦土崩 忘 是 年 是自 程 其 関 男 而 夫 上 Æ

●「脩脩」,四庫本、《墨海金壺》本與《毛詩正義》作「翛

也與。」

彼 烏玄反。 制 零 我徂 **濁宿,亦在車下。** 彼裳衣,勿士行户剛反。 雨 洪淇濛。 東 者蠋,音蜀。 山 慆 莫紅 慆 反。 徒刀 我東曰 反。 烝在 不 桑野。 枚。莫杯反。 歸。 歸,我心 我 敦都迴反。 來 西悲。 自 蜎蜎 東,

惑。」〇箸,直慮 其物微細也。《大司馬》大閱云「遂鼓、銜枚而進」,注 云:『枚,如箸,銜之有繣結項中,軍法止語,爲相疑 也。」〇毛氏曰:「枚,微也。 毛氏曰:「士,事也。」○鄭氏 也。○○王氏曰:「止使人毋爲謂之勿。」○ 毛氏曰:「濛,雨貌。」《説文》曰:「濛,微 止之意。□○孔氏曰:「零雨,零落之雨。」○ 程氏曰:「東山,所征之地。」〇毛氏曰 詩。」〇郭璞曰:「大蟲,如指,似蠶。 慆慆,言久也。」陳氏曰"「慆,慢也,有流而 蟲 也。」●孔氏曰:「《釋蟲》云「蚅,螐蠋」,樊光引 蚅,鳥木反。❷ 螐,音鳥。 反。 繣, 户 卦 反。 〇程 孔氏曰:「微者 蜎 《韓非》云蠶似 曰:「行,陳 氏 蠋 曰: 貌 না 不

> 氏曰: 耳。 敝。 之變,如其倫之喪。」○范氏 歸,於其歸猶閔其遇雨,則其往可知 零雨其濛,記其時也。」○范氏曰:「人之情憚 其地也。 也。 士,皆西人也。 雨濛濛然,是尤苦也。」童氏曰:「我徂東山,記 屬,皆可以載其中。」〇鄭氏曰:「序歸士之情 卒有所蔽倚,止則爲營衛,與塹栅無以異,兵械衣服之 濛濛之時,羈旅愁慘。」○蘇 下。」王氏曰:「古之所以用車戰者,謂其車戰 野。」朱氏曰:「烝,發語聲。」○朱氏 獨處不移之貌。] 〇鄭氏曰:「獨 烝,猶云 而未可以歸,故其心念西 制 我往之東山,既久勞矣,歸又道遇 「我心西悲,公族有辟,公親素服,不舉樂,爲 慆慆不歸,記其久也。我來自東,記其還 彼裳衣,歸士之情也。]〇朱氏 升 也。 方其 蠋 在 在 葉中 曰:「征役久則 東,未嘗 氏曰:「東征 也。」〇程氏曰: 故 丽 日 云 不 悲。」毛 宿 烝 往而 曰 於車 歸 之

[「]木」、《經典釋文・爾雅音義》作「革」、當據改。「桑」上、《毛詩正義》阮元《校勘記》謂當有「蠋」字。

桑葉中居,如士卒之獨 獨宿者,則亦在車 彼蜎蜎 《説文》蠋作蜀 其 在塗 者 蠋,則在桑野 也 覩 下 處,敦然獨 物 也。」」程氏日 起 矣。 興 丽 處於車下 此 自]: 「蠋 敦 嘆 然 曰 也。」 卷 而

心矣。 悲」,雖不合經旨,然可謂知周公之 其情而閔其勞」也。毛氏傳「我心西 其情而閔其勞」也。毛氏傳「我心西 身而歸,願勿從事於行陳也,所謂「序

行。 濛。 反。 我徂 伊威在室,蠨音蕭。 睡 他短反。 果贏力果反。 不可畏也,伊可懷也 東山,慆慆 鹿場,熠以執反。 不歸。 之實,●亦施羊豉反。 蛸所交反。 我來自東,零雨 在户。 燿以照反。 于宇。 町他頂 其 宵

生,延施于宇下。」○長樂劉氏曰:「伊威謂之天瓜。」○陳氏曰:「施,延也。果羸蔓云:「果贏之實,栝樓。」葉如瓜葉形,兩兩相值,齊人毛氏曰:「果贏,栝樓也。」孔氏曰:「《釋草》

行。〇程氏曰:「『我徂東 種,蓋蟲也。夜行地上如蠶,而喉下明如螢,故曰宵 螢火夜飛之時也。』故云宵行。」朱氏曰: 火。』陳思王《螢火論》曰: 丈作十五町,町間分十四道通人行,畽爲田里所聚。]_ 曰:"伊尹作爲區田,一畝之中,地長十八丈,分十八 中,無人焉,故鹿以爲場也。]〇董氏曰:「《區種 之場也。」王氏曰:「「町畽鹿場」者,町 至。」〇程氏曰:「町畽,廬傍畦壠,爲麋鹿 蜘蛛長脚者,俗呼爲喜子。此蟲來着人衣,當有親 鼠婦,在壁根下甕底土中生,似白魚者是也。 於爲反。踦,起宜反。 户。」毛氏曰: 者,壁落間 螢火夜飛,其光熠燿也。」○董氏曰:) 孔氏 蛸者,小蜘 曰:「《本草》:『熠燿,一 「伊威,委黍也。 蟲 蛛也, 也 〇孔氏曰:「伊威名委黍,别 一,無 無 人 蠨蛸,長踦 人 掃 山,慆慆 『秋陰沈數雨 行 則出 熠耀 則 行 也。」○委 結網當 世村 不 于室。 自 是一 畽 法

❶ 「嬴」,原作「嬴」,據四庫本、《墨海金壺》本與《毛詩正

懷思之情也。」○ 至,而思家之情也。 可爲憂思耳。」李氏曰: 中久無人,故有此五 也,在彼思念其如此也。」〇鄭氏曰: 我 夫于役,田 來 而 來 自 東, 事廢,室廬遂荒,果贏以下 章 零)朱氏 重 雨 其 言,見其感念之深。 濛」,其在外之久, 曰:「此則述其歸 物,是不足可畏,乃 「此五物非可畏,但起人 未 是

烝在栗薪。自我不見,于今三年。洒掃穹室,我征聿至。有敦^{徒端反。}瓜苦,濛。鸛^{古玩反。}鳴于垤,^{田節反。}婦嘆于室。我徂東山,慆慆不歸。我來自東,零雨其

欲陰雨, 長 塚 陰 鄭氏 鸛、雀也。 (鳴而 也。 雨 知天將雨 則鳴。二〇 티 : 水泉上潤,故螘 喜 將陰 似鶴而大,長頸赤喙,白身,黑尾翅。」將 也。」孔氏曰:「螘輦土爲塚以避濕。 「鸛,水鳥也。 ,故長鳴而喜也。」〇王氏曰: 雨則穴處先知之。 毛氏曰:「垤,螘 避濕而上 陸璣《草 塚。 鸛是好水之 鸛 木 「垤是 魚 疏》云: 好 綺 ~丘垤 水 將

> 不見,今三年矣。」○《釋文》曰:「栗、《 在其所,以比君子久留滯不還也。 氏曰:「行者於陰雨尤苦,婦念之,則嘆於室也。」又 也。 詩》作灪,力菊反,衆薪也。」 思望之情切也。 其將至 我之行者其遂至也。 計其行之久,念其將至。 曰:「栗,周土之所宜木。」〇程氏 苦,瓜之苦者,延蔓栗薪之上。]〇朱氏 ^{壅土也。}」○程氏曰:「有敦,圓成之狀。 也。 也。 「有陰雨之候,則婦思念其勞而悲嘆。 程氏曰: 類篇》曰: 鄭 而灑埽,復恨其留繫之久,見 氏 「穹窒,謂鼠穴也。 曰 「 埽, : 瓜之苦者人所不取,常 除也。」穹窒, 洒 王氏曰:「聿,隨 灑 我征 穹,空者。 埽 , 窮塞 聿至 拚 也。」念 甫 鼠 窒, 所 曰 問 其 瓜 反 鄭

「自我不見,今三年矣。」 栗薪,因感其夫久匏繫於外,嘆曰: 婦人掃洒以待夫之至,顧見苦瓜繫於

駁邦角反。 濛。 我徂 嘉,其舊如之何? 倉庚 東 Ш 「,慆慆 其馬。 于飛,熠燿其羽。 不歸。 親結其縭,九十其儀。 我來自東,零雨 之子于歸, 其 皇 其

也。 言歸 反。 之親結之。九十其儀,儀之多也。其歸 儀,十其儀,言其儀之多也。」 〇程氏曰:「四 處。 人之禕謂之縭。縭,緌也」,注:「緌,繫也。」〇又曰 言「結帨」,此言「結縭」,則縭當是帨。」○《爾雅》曰 母戒女施衿其鴆反。 白處。..駵白曰駁。孔氏曰: 氏 「衿謂之袸」,注:「衣小帶。」○帨,始鋭反。 熠燿其羽,羽鮮明 鄭氏曰:「倉庚仲春而鳴,嫁娶之候也。 曰:「黄白曰皇,孔氏曰. 駵,赤色也。」 縭,婦人之禕許章反。 九十其儀,言多儀者。」朱氏曰:「九其 倉庚之羽鮮明,婚之時也。 而及時 馬皇駁有文彩 成婚姻之禮,人情之所 結帨。 也。 也。 歸,嫁也。] 〇毛 「謂馬色有駵處,有白 「謂馬色有黄處,有 親結其縭,女 孔氏曰:「《昏禮 嫁女之 也。 樂 見

其聖。」●

喜,當如何耶?」
者,及時而昏姻,既甚善矣。 其舊有室家者,相見而何也? 」朱氏曰:「此言東征之歸土,其未有室家而成新昏且甚嘉,其舊昏相見之歡當如

《東山》四章,章十二句。

毛氏曰:「隋銎曲容反。曰斧。」《説文》曰:四國是皇。哀我人斯,亦孔之將。既破我斧,又缺我斨。七羊反。周公東征:

❶ 「跋」,原作「跂」,據四庫本、《墨海金壺》本改。

隋,孔形狹而長也。」〇《説文》曰:

「 斯,

方銎

小也。」○董氏曰:「《齊詩》作『四國是 則其亂將及於四方。 得焉,則正大而天地之情可見矣。」蘇氏 言以謗周公,而公征之,不知者以爲 之發明其心如此。學者於此玩味而 其哀我人也, 豈不大哉? 之爲是以救其身而已。故爲此詩者,爲 意,蓋將使四方莫敢不一於正而後已, 將,大也。」○朱氏曰:「言東征之役,既 而缺斨,義有所不得辭矣。 夫管、蔡流 破我斧而缺我斨,其勞甚矣。 然周公之 管、蔡之亂者。」○毛氏曰:「皇,匡也。 斧也。」〇朱氏 「使周公嫌於救其身,潔身而退,以避二叔之難, 曰 : 如是而周公亦清矣,然亦未免於 四 國 四方之國,從 然則雖破斧 公 有

云:「錡,木屬。」」吪,化也。」 毛氏曰:「鑿屬曰錡。《釋文》曰:「《韓詩》四國是吪。五戈反。哀我人斯,亦孔之嘉。既破我斧,又缺我錡。巨宜反。周公東征,

匡」,賈公彦引以爲据。」

公之道。」

國是遒。在羞反。哀我人斯,亦孔之休。既破我斧,又缺我銶。音求。周公東征,四

「道,集本作揫。」 朱氏曰::「斂而固之也。」○范氏曰::「亦孔之 朱氏曰::「斂而固之也。」○范氏曰::「亦孔之 大,言四國平而天下和也。」○董氏曰:「亦孔之 是氏曰::「木屬曰鉞。《釋文》曰::(韓詩》

《破斧》三章,章四句。

遲留未歸,士大夫刺朝廷不知所以還周程氏曰:「《伐柯》乃既得罪人之後,周公可否之地。詩人不斥言成王而曰朝廷,所以兼刺也。」之不知也。董氏曰:「朝廷者,人主所與大臣論是非之不知也。董氏曰:「朝廷者,人主所與大臣論是非

國同體者也。主未悟而事未回,國人今曰朝廷,則二公亦與焉,蓋大臣與觀《金縢》所載,二公之知周公至矣。

所當責,而二公所當受也。

了? with the common of the com

何? 匪媒不得。

匪媒則不成,言各有其道。今欲周公之也。」〇程氏曰:「伐柯匪斧則不能,取妻能也。」〇孔氏曰:「媒,通二姓之言者毛氏曰:「柯,斧柄也。」〇朱氏曰:「克,

籩豆有踐。 賤淺反。 伐柯伐柯,其則不遠。 我覯古豆反。之子,

歸,亦必有其道也。」

中之柯,而得其法。以比王欲迎周公,其道。」〇朱氏曰:「執柯以伐柯,即此手原。」〇鄭氏曰:「褒、豆,其容實皆四升。」〇《爾雅》曰:「忧豆謂之登,疏曰:「旐人為豆實三而成觳,崇豆謂之豆。」《《爾雅》曰:「竹豆謂之邊,木周公也。」〇《爾雅》曰:「竹豆謂之短。」《爾雅》曰:「竹豆謂之短,然

道。則我得見公,而陳其籩豆之列,將亦不過反之於吾心,則知所以迎之之

《伐柯》二章,章四句。

不知也。《九罭ម屬反》,美周公也。周大夫刺朝廷之

公也。」
之切,刺之深,責在朝廷之人不速還之切,刺之深,責在朝廷之人不速還廷不知反周公之道。《伐柯》是也。既又思程氏曰:「周公居東未反,士大夫始刺朝

衮古本反。衣繡裳。 九罭之魚,鱒オ損反。魴。音房。我覯之子,

本反。魚,而鱗細於鯶,赤眼。」○魴,解見唇:「謂魚之所人有九囊也。」○郭璞曰:「鱒,似鯶呼反。罟謂之九罭。九罭,魚網也。」孫炎反。罟謂之九罭。九罭,魚網也。」孫炎

逆之。」 網 程 六曰藻,七曰粉米,八曰黼,九曰黻,皆绣於裳。」 () 龍,二曰山,三曰華蟲,四曰火,五宗彛,皆績於衣; 上公但畫降龍。」《司服 一者也。 敝笱》。 氏 曰:「鱒、魴,魚之美者。 得鱒魴之魚。 我欲覯之子,當用上公禮服 畫爲 ○《釋文》曰 九章,天子畫升龍於衣, 用隆厚之禮 》鄭氏注曰:「九章,一曰 :「衮衣,六冕之第 施九罭之 ···, 則 得 往

悲兮!

鴻 飛遵陸,公歸不復。 飛遵渚,公歸 未歸其所,於女朝廷之臣,信能自安處乎? 矣,則深責在 往逆也。 歸,則未得其 也,今乃遵渚,言不得其所。 也。」〇渚,解見《江有汜》。 鴻,解見《鴻 「此章言公之不得其所也。 使公不得其 無所。 鴈》。 朝廷之人 所,蓋朝 於女信宿 〇毛氏 於女信處 延未 所,於女信 也。」陳氏曰: 以 鴻 曰 公既 師 : 飛 程 戻天 保 氏 遵 「今公 安 征 者 處 禮 而 循

> 是以有衮衣兮, 復,謂 宿,猶處也。」 爾 雅 未還 日 舊職。 高平 無以 日 宿, 我公歸 陸。」〇 安息 兮, 程 也。」陳氏曰: 無使 氏 日 : 我 示 心

我公來歸,無使士民之心悲思望公也。 用尊禮聖賢。 程氏曰:「此章 ,猶所以也。 也。 所謂「禮亦宜之」者也,乃此篇之 之」,此正國人之所望 成 曰「是以有衮 首章曰「我覯之子,衮衣繡裳」,卒章 曰「惟朕小子其心逆,●我國家禮亦宜 \pm ,遂以爲「過宿曰信」之信,故 説詩者徒見「信」、「宿」兩字 既 發金縢,悔悟 無以,以也。 祈反周公誠切之意。 衣兮,無以我公歸 朝廷所 以有衮衣之章, 而迎周公,其言 於朝廷者 無以是服逆 大指 兮」, 其 偶 也 相

鴻

處」,本意 者本意也,再言者協韻 詩人之心可見矣。凡《詩》之體,初言 篇之旨,學者苟能玩味程氏之説, 誠懇切至之意。求一字之通,而失 爲 詩》亦有初淺後深、初緩後急者,然大率後章多是 東人自相語 章、三章,或 也。 「於女信宿」,協韻也。 以 而不見國人深望乎 爲 西人語 也。 東人, 「於女信 或 則 E 以

三可。《九罭》四章,一章四句,三章章

其聖也。 四國流言,近則王不知,周大夫美其不失《狼跋藩末反》,美周公也。周公攝政,遠則

《良,释見》謂《》。 》 《11元·11:「皮,飘为辄膚,赤舄音昔。 几几。 水跋其胡,載疐丁四反。 其尾,公孫音遜。 碩

反。也。」孔氏曰:「跋前行曰躐。」○孔氏曰:狼,解見《還》。○毛氏曰:「跋,躐力輒

猛 王家 言,終不能 政,居危疑之地。 於力反。 《士冠禮》注云:『絢之言拘,以爲行戒,狀如刀衣,鼻 在屨頭。 進退· 「几,絢貌。」絢音劬。 〇孔氏曰:「謂舄頭飾之貌 人所馮以爲安,故几几,安也。」毛氏曰: 複下曰舄,襌下曰屨。」○王氏曰:「几, 膚,美也。」〇鄭氏《屨人》注曰:「王舄有 孫,豳公之孫,謂周公也。] 〇毛氏曰:「碩,大。 也。」〇毛氏 『王錫韓侯,玄衮赤舄。』則諸侯與王同 三等: 赤舄爲上,冕服之舄。 程氏曰:「遜者,避而弗居也。」劉氏曰:「公 曰:「跲,躓 狼之老者,頷 於求欲 ,無貪欲之私 有難。」○鄭氏曰:「公,周公也。」○ **繶,縫中紃也。」○朱氏曰:「安重貌。」繶** 縫,扶用反。 也。」進 ,故陷於機穽羅繫,前跋後疐 損 曰:「疐, 跲其劫反。 其聖德者 則躐 下垂 心也。 雖成王不知,四 〇程氏 胡。」朱氏 其 (胡,退 ,以其忠 狼,獸之貪者, 曰:「周公攝 E 〕則跲 《詩》云: 誠 頷 其尾 《説文》 在於 國流 下 懸 肉

制焉。 化不測。 崔靈恩《集注 几,德音不暇,其致一也。」 〇董氏曰:「几几, 之而已矣。舜受堯天下不以爲泰,孔子阨於陳、 不以爲戚,周公遠則四國流言,近則王不知,而赤舄几 死生,如寒暑晝夜相代乎前,吾豈有心乎哉? 以蓄之者,是以亦得醢而食之。凡有欲之類,莫不可 几,則其餘可見矣。夫神龍或潜或飛,能大能小,其變 几然也。」范氏曰:「其德備者,其容亦盛。 赤舄几 德,故雖在危疑之地,安步舒泰,赤舄 之蔽,以謙遜自處,不有其尊,不矜 若周公者,至公不私,進退以 致 進 作掔掔。」 禍 退 難 困 唯聖人無欲,故天地萬物不能易也。 然得而蓄之,若犬羊然,有欲故也。 險。 危 困如是者,以其有貪欲故也 詩 》作掔。 人取之,以言夫狼之所以 《説文》一作己己, 道 一無利 富貴貧賤 亦順受 唯其可 蔡而 其 欲

不瑕。不瑕。公孫碩膚,德音狼疐其尾,載跋其胡。公孫碩膚,德音

氏曰:「瑕者,玉之病。疵,亦玉病。」○程氏曰:鄭氏曰:「不瑕,不可疵オ斯反。 瑕也。」孔

瑕闕。」 是乎? 平德和,故《詩》曰德音不瑕。』」注:「心平則德音 他詩不類,故不通耳。」《左傳》:「晏子曰:「心 疐,安有几几、不瑕之義? 以豺狼興聖人乎? 也,是以香草譬君子,惡鳥譬小人, 豹,胡獨 疐不失其猛,興周公不失其聖,奚若 失其聖,德音所以不瑕也。 心,存誠也,蕩蕩然無顧慮之意,所 汝惟不伐,天下莫與汝争功』,使周公有 貪欲崇高德名之心,其能得天下之與如 「大舜謂『汝惟 惟其處己也,夔夔然存恭 取狼也? 不矜,天下莫與汝 古之詩人比興以 且以上二句言跋 先儒 但此詩 以 豈有 體 狼 以 畏之 類 與 虎 跋 不

《狼跋》二章,章四句。

B氏家塾讀詩記卷第十六 豳國七篇,二十七章,二百三句。

吕氏家塾讀詩記卷第十七

正 小 雅正大雅説附

皆文、武 非遷都也。《小雅》自《鹿鳴》至於《魚麗》, 里。」然則犬丘與鎬相近,有離宮在焉。 懿王蹔居之, 菁者莪》,周公、成王之時詩。 幽 九鼎焉,而周復都豐鎬。」《魚藻》序云「王居鎬京」,是 文王居豐,武王居鎬。大史公曰: 『成王北居洛邑,定 正有文、武、成,變有厲、宣、幽,六王皆居鎬豐之地。 室居西都豐鎬之時詩也。孔氏曰:「二《雅》, 鄭氏《詩譜》曰:「《小雅》、《大雅》者,周 《地理志》云:『京兆槐里縣,周曰犬丘,懿王都之。』京 王以上皆居鎬也。《世本》云"『懿王徙於犬丘。』 故長安縣也。 自《南有嘉魚》下及《菁 皇甫懿云:『鎬在長安南二十 孔氏曰: 《六

也。 也。 乎 ? 鳴》至《魚麗》,文、武之世,燕勞樂歌之辭,周公所删 周公、成王之時詩。《小雅》十六篇、《大 平、《蓼蕭》云澤及四海。 在何書也。」〇程氏曰:「自《鹿鳴》以下二 雅》十八篇爲正經。」《釋文》曰:「從《鹿鳴》至 文、武時詩。自《生民》下及《卷阿》,皆 矣。』《大雅》自《文王》至《文王有聲》, 有天下太平、澤及四海之事。 語其時事,爲成 篇,自可聚在一處,何須分之也?《南有嘉魚》云太 則毛意亦以《由庚》以下爲成王之詩也。不然,亡詩六 連,毛氏分序置其篇端,使《華黍》就上,《由庚》退下, 十二篇,各賦其事而用之,其周公之爲 六篇。」〇孔氏曰:「凡書非正經者謂之傳,未知此傳 云自《由庚》者,據見在而言之。《華黍》、《由庚》本 以下不言缺,明其詩異主也。《由庚》在《嘉魚 月》序廣陳《小雅》之廢,自《華黍》以上皆言缺,《由 〈菁菁者莪》,凡二十二篇,皆正小雅。 六篇亡,今唯十 蓋國之常政,每事爲詩,以寫其至誠 `舉是事則奏是詩焉。」○孔氏曰: 南陔》至《菁菁者莪》,周公相 與二《南》同也。」朱氏曰:「舊說自《鹿 案武王伐紂,未幾而崩,不得 成王 「變者,雖 和樂,而 所 制 之樂歌 被之 \pm 明

後,樂不常用。」 於樂,或無筭之節所用,或隨事類而歌,又在制禮之

爲什長,以統餘篇之目也。」臣工之什》。1言《雍》篇在《臣

工

一之什》中,是卷首

之篇

《大雅》之傳也。 《六月》以下、《小雅》之傳也。《文王》 者謂之傳」,善矣。 何書」,則非也。 以下、《大雅》之經也; 之、《鹿鳴》以下、《小雅》之經也, 玉《九辯》以下皆 按《楚辭》,屈 原 孔氏謂「凡書非正經 **※離** 謂之傳。 又謂「未知此傳 騒》謂之經,自 《民勞》以下, 以此例考 在 宋

鹿鳴之什

曰:「《樂師》注云:「徹者,歌《雍》。《雍》,在《周頌・《頌》篇數既多,故分其篇每十爲卷。」又以當國爲别,詩少可以同卷,而《雅》、伍,部别聚居之名。《風》及商、魯《頌》在,部別聚居之名。《風》及商、魯《頌》

嗣。 而 饋 光武能友嚴光,古必有之。《禮》云: 設酒殺,群臣皆在,君爲之主,群臣揔爲賓也。 客之内立一人爲賓,使宰夫爲主,與之對行禮。 ○張氏曰:「言賓者,若朝廷無賓,猶當於燕飲立賓。 ○范氏曰:「群臣,在位者也, 曰賓主焉,先王以禮使臣之厚也,蓋亦有諸侯之使焉。 幣。1明親饗有酬幣矣。1〇朱氏曰:「於朝曰君臣焉,於燕 後,云: 「公受宰夫東帛以侑。」《聘禮》云: 「致饗以 送酒之幣,食有侑賓勸飽之幣。《公食大夫禮》賓三飯之 然後忠臣嘉賓得盡其心矣。孔氏曰:「燕禮,於 贤焉曰獻. 鹿鳴》,燕群臣嘉賓也。 曰寡君,賓客之辭也。」 之,又實幣帛筐篚,音匪。 `使焉曰寡君。」此亦不純臣之道也。 嘉賓,聘而未受禄者也。 既飲於鴆反。 『仕而未有禄、君有 以將其厚意 不直曰 飲 其實 公有酬實 食音 漢 君 君

牡》、《皇皇者華》也。此皆君臣宴樂相勞苦之詩。」〇之言小也。肄,習也。習《小雅》之三,謂《鹿鳴》、《四也。《宵雅》肄三,官其始也。」鄭氏曰:「宵《學記》:「大學始教,皮弁祭菜,示敬道

人之好呼報反。我,示我周行。賓,鼓瑟吹笙。吹笙鼓簧,音黄。承筐是將。呦音幽。呦鹿鳴,食野之苹。音平。我有嘉董氏曰:「古者宵、小同,故謂小人爲宵人。」

禮 》: 成》曰: 璞云:『今藾蒿也。 聲也。」○鄭氏曰:「苹,藾蕭。」孔氏曰:「郭 也。」〇董氏曰:「古者行與鄉同聲。」() 之,筐以貯也。」〇朱氏曰:「將,行也。」 樂之。」筐,篚屬,所 而鼓簧矣。孔氏曰:「吹笙之時,鼓其笙中之簧以 祭,立卒爵。」〇毛氏曰:「簧,笙也。 人拜授爵。笙人,立于縣中。 色,莖似箸而輕肥,❶始生香,可生食,又可烝食。」. 毛氏曰:「興也。」○程氏曰:「呦 〇毛氏曰:「行,道 鹿 董氏曰:「鼓瑟吹笙,蓋燕樂也。」《燕 食則 「工四人,二瑟。 「篚厥玄黄。」〇 相 呼, 初生亦可食。」陸璣云:『葉青 故 以 小臣坐授瑟,乃降。左瑟,一 以 也。」朱氏曰:「周行,大道 興 行幣帛也。」《書·武 程 、燕樂。 衆笙不拜受爵,降,坐 氏 曰 :「承以 和聲 程氏 呦, 吹笙 相 티 : 和 呯 藉 白

> 氏曰: 相樂如此。」毛氏曰:「鹿得苹,呦呦然鳴 共食 之,琴瑟以樂之,幣帛以將之,則庶乎好 懇誠發乎中。」○孔氏曰:「禮有饗燕之道,公法不得 留此人也。 以小物相問遺也。 我周行。』」鄭氏曰:「私惠,謂不以公禮相慶賀,時 君子不自留焉。 節。□○《緇衣》:「子曰:『私惠不歸 成樂備,乃可以言語,先王禮樂之道。疾今人言語 樂歌也。』《鄉射・記》曰『古者於旅也語』,注云:『禮 云:「《鹿鳴》者,君與臣下及四方之賓燕,講道脩德之 愛我而示我以道矣。』] 孔氏曰:『燕禮 不設,忠誠嘉樂,實爲至少,故取懇誠以爲喻。」○孔 行,道也。 於群臣嘉賓者如此,夫如是,是以君臣上下誠意交孚 (野之苹,物情相樂也。 言示我以忠信之道。」〇朱氏曰: 「王肅曰:『群臣 相惠以褻瀆邪辟之物,❷是爲不歸於德 言其物不可以爲德,則君子不以身 《詩》云:人之好我,示 嘉賓,飲食以 君 臣 賓 「蓋所求

0

^{● 「}肥」、《毛詩正義》作「脆」,當據改。

[「]瀆」,原作「讀」,據四庫本、《墨海金壺》本改。

德音孔昭。 呦 鹿 出 食野 於正,所以和樂而不流也。」 視,音示。 之蒿。 民不恌,他彫反。 呼毛反。 我 有 嘉 君子

呦

以敖。

是則是

傚。

胡教反。

我有旨酒,嘉賓

式

燕

呦呦鹿鳴,食野之芩。

其今反。

我

有

嘉

莫有不備。 别,有長少之序,有内外之分,有賓主之位,人倫之道 傚也。」○長樂劉氏曰: 明,示民以厚之之意 是則是傚,言可法傚也。 爲薄也。 單示字,由是經傳之中,視與示字多相雜亂。」 () 毛氏 人,同作視字。 後世作字,目視物爲示傍見,示人物作 古示字也。」孔氏曰:「古之字以目視物,以 蒿。』○鄭氏曰:「孔,甚。 云:『荆楚之間謂蒿爲菣。』郭璞曰:『今人呼爲青 氏曰:「此章又言所燕禮 「言嘉賓之德,足以示民使不偷薄,而君子所當則 曰:「蒿,鼓去刃反。 示民不愉薄也。」〇朱氏曰:「恌,愉薄也。」 恌,愉也。 而我有嘉賓,踐其禮,安其樂,誠信感於人 「燕禮有親疎之義,有尊卑之 孔氏曰: ,使儀法之。」朱 也。」孔氏曰: 敖,遊 昭,明也。 偷音臾、《説文》訓 ,嘉賓問 也 望 孫 物示 視, 昭 毛 氏 炎

> 夫莊 范氏 德之純也。」 不恌1乎? 心,故聞者見者,靡不孚而化之,不曰「德音孔昭 而 曰 不至於矜,和而不至於流,此其 觀其禮而知則且傚者,不亦君子乎?」() 「式燕以敖,言其禮之從容也。 視民

南反。 鼓瑟鼓琴。 志; 樂之久也。燕,安也。」○范氏曰:「非止 夫婚姻不備,則貞女不行也。 以誠,此所以得其心也。 釵股,葉如竹,蔓生澤中下地鹹處,牛馬喜食之。」 湛 毛氏曰:「芩,草也。 力。」范氏曰:「食之以禮,樂之以樂,將之以實,求之 養其體,娱其外而已,所以 ○毛氏曰:「夫不能致其樂,則不能 ○程氏曰: 我有旨酒,以燕樂嘉賓之心。 賢者不處,則豈得樂而盡其心乎?」 不能 鼓瑟鼓琴,和樂音浴。 得其志,則 「此章言其樂之長 賢者豈以飲食幣帛爲悦哉? 陸璣《草木疏》曰: 禮樂不備 嘉 濱不 樂其心 久 , 則 能 且 賢者不處 無 湛。 竭 斁。 也。」 得 莖如 其 其

則君臣缺矣。」
與二、大學,則下不自盡其力,故《四牡》之義廢,矣。,上不知下之勞,則下不自盡其力,故《四牡》之義廢,以四牡》之義,閔使人之勤勞,故云『有功而見知,則悦也。 有功而見知,則説音悦。矣。程氏曰:

毛氏曰:「騑騑,行不止之貌。《少儀》曰:懷歸? 王事靡盬,音古。我心傷悲。四牡騑騑,芳非反。周道倭於危反。遲。豈不

鹽,鹽苦而易敗,故傳以不堅訓之。」○朱氏曰:曰:《説文》:『煮海爲鹽,煮池爲鹽。』故安邑之出爲程氏曰:「倭遲,回遠也。」盬,不堅固也。」董氏倭遲,歷遠之貌。孔氏曰:「歷此長遠之路。」○「車馬之容,騑騑翼翼。」周道,岐周之道也。

内 如此,當是時 「駕此四 可 以不堅固 而傷悲也。]〇毛氏曰:「思歸者,私 牡 而 豈 出 一不敢 不思 使於外,其道路之 徇 歸 私 乎? 而 廢公,是以 特以 Ξ 回 遠 事

> 臣也。 遲、、韓詩》作倭夷。」《前漢・地理志》「右扶風 臣也,必先恩而後義。」〇《釋文》曰:「倭 恩,正謂念憶父母。《集注》及定本皆無「箋云」兩字 也。 恩也 而今官本[無思恩]上有[箋云]字。] 〇 范 氏 事。」孔氏曰:「傷悲出自其情,故曰情思。情思即私 臣之事上也,必先公而後私 無 君子不以私害公,不以家事 私 靡 恩,非孝子也。 盬 者,公義 也。 傷 悲 君之勞 日 非 忠 思

牡 况正 時論之,則溥天之下,莫非周道矣。 發,蓋自周道 之境内,故 文王遣使,所之者非一國,不止 周道,或以爲通途,或以爲大路,蓋 騑, 嘽嘽他丹反。 小雅實兼文、武之治,由武王之 爲是説。 以往,故以周道言之。 駱 抑不 音洛 知使 馬。 於周 豈不 臣 初 疑

毛氏曰:「嘽嘽、喘息之貌。 馬勞則喘

懷歸?

王事靡盬,不遑啓處。

几

五三

郁夷」,注:「《詩》:『周道郁夷。』」

處,大意爲不暇居處之義。」
勞,則人可知矣。」○李氏曰:「不遑啓云:「小跽。處,居也。」○范氏曰:「言其馬則其勞可知矣。」遑,暇。啓,跪也。《爾雅注》則其勞可知矣。遑,暇。啓,跪也。《爾雅注》,最耐勞苦。」○李氏曰:「今之駱馬

栩。况甫反。王事靡盬,不遑將父。翩翩音篇。者鵻,音隹。 載飛載下,集于苞

以興 作佳。 其父,則鵻之不如也。」○范氏 曰 : 羽》。 之行役,未嘗不念其親。君之使臣,豈 得將其父。」朱氏曰:「今使臣勤勞於外,乃不遑養 璞云:「今鵓鳩也。」」〇朱氏曰:「或曰鵻,俗字也,當 曰:「齇,夫不 名雕。」《春秋傳》云『祝鳩氏,司徒」,祝鳩,雕 氏 「鵻翩翩或飛 使臣之勤勞,乃不 凡鳥之短尾皆隹屬。」〇苞栩,解見《鴇 曰:「興也。 毛氏曰: 也。」孔氏曰:「李巡云:『夫不 或下,集於所安之處, 「將,養也。」○ 翩翩,飛貌。]() ·暇遂其私,至不 「忠臣孝子 也。 毛氏 氏

> 已矣,此聖人所以感人心也。」 待其勞苦而自傷哉? 亦憂其憂如己而

事靡盬,不遑將母。翩翩者騅,載飛載止,集于苞杞。音起。

王

懷歸?是用作歌,將母來說。音審。駕彼四駱,載驟助救反。駸駸。楚金反。豈不善毛氏曰:「杞,枸檵音計。也。」

報禮重。」於此其見之矣。」○蘇氏曰:「獨言將 政于四方,乃其職分之所當然。而先王之意,殷勤惻 也。 言者,於其燕勞而詠歌之。 怛,惟恐勞之不至,乃爲之探其情意之所不能已而未敢 使臣作是歌也、設言其情以勞之爾。夫使臣將命,以 歸」,作歌來告,是探情以勞之。」朱氏曰:「非 患上不知。今君勞使臣,言汝曰『豈不思 志,來告於君也。」〇孔氏曰:「臣有勞苦 誠思歸也。 勞使臣,述序其情,女曰我豈不思歸乎? 毛氏曰:「駸駸,驟貌。」《説文》曰:「驟,馬疾步 駸,馬行疾也。□○鄭氏曰:「諗,告也。 故作此詩之歌,以養父母之 孔子曰: 「體群 臣 則 士之 賦

及父,本其恩所起以教愛也。愛母則敬父矣,敬父則尊 父之尊矣; 母,承四章之文也。」孔氏曰: 范氏曰:「父,至尊也, 偏多,故再言之。」〇王氏曰:「母恃子以養甚於父。」〇 矣,未有愛親而不愛其君者也。」 知父之尊,則知君之重矣。卒章及母而 母,至親也。 「母以尊少,則恩意 知母之親,則知

四牡》五章,章五句。

發其歡忻之誠心,則臣下意氣衰落。」 是以光華。」〇陳氏曰:「人君出使臣於千里之外,苟無以 常不辱命於彼。」〇程氏曰:「天子遣使四方,以觀省風 歌是詩以遺之也。」〇孔氏曰:「臣之出使,當光顯其君 禮樂,言遠而有光華 俗,采察善惡,訪問疾苦,宣道化於天下,下國蒙被聲教, 〈皇皇者華》,君遺使所吏反。 也。朱氏曰:「送之以禮樂 臣也。 送之以

使臣,無不用是詩以遣之也。 用詩之意也。 王時。至於周公制禮作樂之後,凡遣 孔氏之説,作詩之意也。 ,雖有廣狹,其義一也。 作是詩以遺使臣,在文 程氏之説 二家之

> 每 皇皇者華,于彼原 '懷靡 及。 隰。 駪駪 所巾反。 征

夫,

我馬維駒,音俱。 ,周爰咨諏。 駪,衆多之貌。征夫,行人也。」鄭氏曰: 煌煌也。」○孔氏曰:「華,草木之華也。」 是每懷靡及也。」朱氏曰:「唯恐不能 道所經也。」〇程氏曰:「惟慮不能宣 光華於外爾。」〇歐陽氏曰:「於原隰者,其 風(。」歐陽氏曰:「首章稱美其賢材,能將君命,爲國 野,猶王澤之流布光華天下也,故以爲 朱氏曰:「興也。」〇毛氏曰:「皇皇,猶 而達下情也。」〇歐陽氏曰:「於事每思唯恐不及也。. 於其自道之辭以發之,詩之忠厚如此。」 〇毛氏曰:「高平曰原,下濕 征夫,使人。駪駪,俊健之狀也。」○朱氏 「衆行夫。」〇孔氏曰:「使與上介衆介。」〇程氏 〇朱氏曰:「此詩若以戒夫使臣者,而託 懷,思也。」〇程氏曰:「皇華之光明于 子須也。 六轡如濡。 如朱反。 日隰。 載 宣 上之德 曰 達, 目 駪

驅

自治而能正君者也。」○《國語》曰:「叔孫穆子 明也。 伶簫詠歌及《鹿鳴》之三,章昭曰:「伶人,樂官 聘於晉,晉悼公饗之,樂及《鹿鳴》之三, 善,則可以善君矣。臣能聽諫,則可以諫君矣,未有不 耳。 氏曰:「王者遺使於四方,教之以咨諏善道,將以廣聰 而後拜樂三,晉侯使行人問焉,對曰:『今 懷靡及,故廣詢博訪,以補其不及,而盡其職也。」〇范 詳訪問,以博採廣聞,不徒將一事而出也。」○李氏曰: 之人。□○鄭氏曰:「爰,於也。」○毛氏 周。」《魯語》曰「忠信爲周」,注云:「言當諮之於忠信 也。」〇六轡,解見《駟驖》。 騏、駱、駰,皆駟之良選,所以賁使臣之行 長 周者,周徧其所而詢問之。」○朱氏曰:「使臣自以每 諏、謀、度、詢,前載雖各有義,要之詢訪 訪問於善爲咨。」出《左傳》。 樂劉 、濡,言鮮澤也。」○毛氏曰:「忠信 採察求訪,使臣之大務。」歐陽氏曰:「周 夫臣欲助其君之德,必求賢以自助,故臣 氏 曰 :「駒,馬之嫩 而 〇程氏 ○鄭氏 壯 者。 曰 目 日 能從 爲

> 旨不在是也。」 諏,咨難爲謀,咨禮爲度,咨親爲詢」,彼蓋敷衍文詞,經 貺 ? 於周。」敢不拜教?』」陳氏曰:「穆叔言『咨事爲 教使臣,曰:「每懷靡及,諏謀度詢,必咨 也,敢不拜嘉? 與歌者相應也。」君之所以貺使臣,臣 臣之勤也,敢不拜章? 也。 簫,樂器,編管爲之。 夫《鹿鳴》,君之所以 《四牡》,君之所以章使 言樂人以簫作此三篇之聲 《皇皇者華》,君 嘉先君之好 敢 不拜

爰咨謀。 我馬維騏,音其。 六轡如絲。 載馳載驅,周

調忍也。」 〇毛氏曰:「如絲,言騏,解見《小戎》。〇毛氏曰:「如絲,言

周

爱咨度。

待洛反。

我馬維駱,六轡沃烏毒

反。

若。

載馳

載

驅

駱,解見《四牡》。○朱氏曰:「沃若,猶

如濡也。」

爰咨詢。音荀。 我馬維駰,音因。六轡既均。載馳載驅,周

調也。」〇歐陽氏曰:「諏、謀、度、詢、毛氏曰:「陰白雜毛曰駰。詳解見《駉》。

但變

均,

《皇皇者華》五章,章四句。

文以叶韻爾。詩家若此之類甚多。」

曰:「兄弟閱于牆,外禦其侮。」」則此詩自是周公所作也。故作《常棣》焉。鄭氏曰:「周公弔二叔之不咸,而姓兄弟之恩疏,召穆公爲作此詩而歌之以親之。」〇孔氏使兄弟之恩疏,召穆公爲作此詩而歌之以親之。」〇孔氏使兄弟之恩疏,召穆公爲作此詩而歌之以親之。」〇孔氏使兄弟之恩疏,故封建親戚,以藩屏周。召穆公思周德之二叔之不咸,故封建親戚,以藩屏周。召穆公思周德之二叔之不咸,故封建親戚,以藩屏周。召穆公思周德之二叔之不咸,故封建親戚,以藩屏周。召穆公思周德之己弟之不咸,故封建之。其懷柔天下也,猶懼有外侮,捍禦侮郡之不咸,在尊知親親,故以親屏周。召穆公亦云。」」是周公不成,而故作《常棣》焉。鄭氏曰:「周公弔二叔之不咸,召穆公作詩之事也。《外傳》云:「周文公之詩和之不咸,召穆公作詩之事也。《外傳》云:「周文不咸,而故作《常禄大計反》,燕兄弟也。閔管、蔡之失道,

管、蔡之失道也。」蓋與毛氏合。」

"京蔡之失道也。」蓋與毛氏合。」
「《大移》,燕兄弟也,閔詩以親之耳。故鄭氏答趙商云:「凡賦詩者,或造篇,或但召穆公虎見厲王之時,兄弟恩疏,重歌此周公所作之

爲文、武燕勞之樂歌 雖不 以篤兄弟之好。而此詩專言死喪急難 公之心也。夫燕兄弟之詩,當極其和 以爲閔管、蔡之失道而 朱氏曰:「舊説以《鹿鳴》以下至《魚麗》 故序者以閔管、蔡之失道發之。」〇程氏 泣而道之』之義也。文、武燕兄弟之詩 孟子所謂『其兄關弓而射之,則己垂涕 之事,其志切,其詞哀。蓋處兄弟之變, 兄弟者,文、武之政。而閔管、蔡者, 是詩,委曲致意,以申兄弟之好。 公以管、蔡之爲亂也,故制作之際,更爲 曰:文、武之際,固有燕兄弟之詩矣。 「此詩句少而章多、章多所以極其 可見,然意其詞意和平,必異於此 ,而此詩之《序》又 作者,何也? 樂 燕 周 鄭 周

常棣之華,鄂五各反。不韡韡。韋鬼反。重,句少則各陳一義故也。」

凡今

之人,莫如兄弟

恃而 同枝而有上下之序,故以興兄弟。] 〇程氏 須臾離者,以天屬故也。 承甚力,故以興兄弟。]〇王氏曰:「華鄂之相恃,不可 承之意矣。」〇程氏曰:「常棣,今所謂玉李。 之語如此者多,何煩改字爲拊? 順而榮顯。」()歐陽氏曰:「不韡韡者,韡韡也。 棣華以覆鄂,鄂以 榮覆弟,恩義之顯,亦韡韡。」○孔氏曰:「鄭氏以爲常 得華之光明,則韡韡然盛。 鄭氏曰:「承華者鄂。不,當作拊。 以興兄弟衆多而相和睦,豈不强盛而有光輝乎?」○ 釋。 子如櫻桃,可食』是也。 韡,光明也。」孔氏曰:「郭璞云『今關西有 鄂然,言外發也。」○孔氏曰:「王肅 毛氏曰:「興也。 不可 毛傳以爲常棣之木。 **韡韡**,言韡韡 離如此。」〇范氏曰:「常棣花衆多而 承華、華、鄂相 也。」二〇毛氏曰:「韡 常棣 此與唐棣異木,故《爾 兄弟,天屬也。 衆華俱發,實韡韡 興者,喻弟以敬事兄,兄以 禄 覆而 蓋已言鄂,則足見相 拊,鄂足也。 也。 光 明,猶兄弟 其相承覆相 鄂, 而 花鄂 曰 相附 雅 光明 猶 棣 云 鄂足 》别 樹 鄂 相

> 作萼。 如此則人之恩親,無如兄弟之最厚。」 〇《説文》 鄂 也。」〇鄭氏曰:「聞常棣之言,始聞常棣華鄂之説也 氏曰:「凡今之人,言舉世之人也。 親 兄弟,親之至也。」毛氏曰:「聞常棣之言爲今 拊亦可, 鄂不韡 力相承,興人之莫如兄弟也。」 〇范 董氏曰:「謝靈運亦作萼。」 韡, 韡, 如字亦 鮮華壯 可, 以 花 盛 萼相依, 之貌。 不, 莫如 生相

人當死生患難之可畏,則思兄弟之助,愈。」〇程氏曰:「此章叙兄弟相賴之事。也。求矣,言求兄弟也。」○鄭氏曰:「死也。求矣,言求兄弟也。」○鄭氏曰:「死兄弟求矣。

脊

井益反。

令音零。

在

原,

兄弟

急難

每

有

隰之中,此 親 方困 以 相 窮 依 離 與 侍。 」 人人同 *; ... 王氏曰:「不得保其常居而裒於 **難之時** 聚於郊野之時,則 也。 當 是 時,人各顧 求 所 其 原

,則非兄弟,孰肯以相求哉?

弟、蓋 之言,小大高下皆宜,而 兄弟急難爲有差等耳。」詩人之辭,容 難,朋友亦可以坐視歟?」曰:「『每 滿夕除,胡可保哉? 本也。 良朋,况也永嘆」,則非不憂憫,但 孫,雖曰「厚於朋友」,如無源之水 敦矣,初非薄於朋友也。 有序。兄弟之親既篤,而朋友之義 者 疎 抑 也。 揚。 (所親 示之以親疎之分,使之反循 本心既得,則由親 故此詩 然《常棣》,周公作 而親 反覆言朋 其 所疎,此 或曰:「人之在 前後左 苟雜施 友之不 及疎, 失 也,聖人 其 右 如兄 丽 秩然 本 , 朝 不 亦 其

良朋,况也永嘆。吐丹反。

嘆』而已。」〇王氏曰:「古者朋友之喪則視兄弟", 之義,故朋友之於患難,義有不得 其疎,故此詩每以告之。」〇范氏曰:「兄弟無不 甚者不過爲之長嘆息而已。 相救,不舍斯須,如 嘆息而已,力或不能相及也。」○蘇氏曰:「人之急難 而已。」朱氏曰: 弟有在急難中,其心亦不少自止。] () 氏曰:「每有,雖也。 舍。」急難,言兄弟之相救於急難。」

」 也。」丘氏曰:「脊令飛則鳴,行則揺,不少自止 令首尾相應。 白,頸下黑如連錢。」飛則鳴,行則揺動其身,不能 曰:「况,兹也。蘇氏曰:「甚也。」永,長也。」 摇,不能自舍耳。 毛氏曰:「脊令, ○程氏曰:「此章言兄弟相須之急,猶脊 「脊令,大如鷃雀,長脚長尾,尖喙,背上青灰色,腹下 當急難之時、雖有善友來兹、對之長 「當此之時,雖有良朋 脊令者,唯兄弟也。 急難之際, 雠渠 孔氏曰:「陸璣《草木疏 小人好以親爲怨,而 良,善也。」〇毛氏 也。 相 救也 其 飛 則 相 雖有良朋,其 鄭 ,不過爲之長 ,則況 鳴, 應 氏 如 曰 行則 猶兄 $\stackrel{>}{\exists}$ 樂從 相 也 嘆 是 鄭 死 自

二五九

友乎?□○董氏曰:「《集注》作鶺鴒,《爾 之,而無傷於義,則鄰里鄉黨不可以不勉也,而况於朋 之致力於朋友者非歟? 後世之士,猶有以恩望朋友而至於離絶者矣。』然則 之,則吾之憂無窮,而人之責無已。 不有兄弟而爲之兄弟,則吾急難寇讎之所當致力也博 爲之臣,莫不有父而爲之子,莫不有師而爲之弟子,莫 又推而致之朋友,則吾有所不暇。 , 則 急難寇讎,何 爲 丽 曰:『勢足以振之,力足以 不 豫? 蓋古之道如 티 : 『莫不有 而無禮以 ,此,而 君 周 而

務。如字。每有良朋,烝之承反。也無戎。兄弟閱許歷反。于牆,在良反。外禦魚呂反。其

雅》作鵙鴒,《左氏》與《爾雅》同。」

寘同。 聲。」毛氏曰: 填、寘、塵同。」○《釋文》曰:「《爾雅》填依字音 内 毛氏曰:「閱,很也。」《爾雅》曰:「閱,恨也。」 兄弟内閱 戎,相也。」朱氏曰:「戎,助也。」○范)鄭氏 閲 丽 又依古聲音塵。 外禦也。」〇朱氏曰:「烝,發 曰:「禦,禁。 而猶外禦,不敗親 「烝,填也。」○鄭氏曰: 塵,久也。] 〇毛氏 務, 侮也。 「久也。 也。 兄 氏 弟 外 曰 田 禦 **與** 語 雖

如 外不測之事言之,以明兄弟之情,其切 以 吕 很,猶禁禦他人侵侮己者。 有所不能已者言之。其序若曰:『死 至於此章 章略言至親莫如兄弟之意,次章乃以 啓商之事而發,以明兄弟恩情之篤也 爲可恃也。」〇朱氏曰:「此章正爲管、蔡 侮,則雖 侮人百里。」」注云:「閱,很也。 牆,外禦其侮。」如是,則兄弟雖有小忿,不廢懿親。 弟相助耳。」○《左傳》富辰云:「《詩》曰:『兄弟 則 曰 曰:「它人侵侮之時,雖有善友,終 〇《國語》富辰諫襄王曰:「古人有言曰:『兄弟讒閱 此。 篇之全指觀之,則未安也。 相死也,此意亦甚美矣。然以文義 與 他 「很于内,非令兄弟 叔解 人不 \equiv 每 ,則又以其情義之甚薄 章但言急難,則淺於死喪矣。 閱爲窺伺,謂寇至而兄弟同 與, '有良朋,曾不如不令兄弟之 故 雖 朋 百里,論遠也。]〇王氏 友 兄弟雖 猶 也。 無相助之事, 無 相 然及其禦 蓋此詩首 以讒言相 也 · ', 而 閲于 唯 孔 猶 意 及 力 氏

喪 亂 遠

既

平,

既

安

且

寧。

雖

有

兄

弟,

不

如

篇

之

意,

無

復

統 曲

紀,而

失聖

人之意

矣。」

疏

丽

不切於事者,故説者有所不察,又

小忿爲嫌,而

其説以避之。

於是

盡

人

、情矣。

然其詞意高深,初若簡質

阔

知

也

適而

其後兩章,乃始

怒,讀者猶或以

下章始深責之。

或無事而

相

者,可謂益

輕

以

兄弟不如

友生,可

乎?

乃責之之辭。」〇程

氏

相 助 又 不 幸 而 至 於

不

能

相 收

急

難

備見兄弟之恩,異形同氣,死生苦樂, 反覆窮極,驗其信然,可謂委曲 豆室家之樂,然非兄弟,則無與同之,以 義者,益深且切矣。至於又不能然,乃 有小忿,猶當共 不相須之意。卒章又申告之,使之 忘,則兄弟真爲路人矣。 極道兄弟至親,雖有籩 是爲當然 然其詞 約 猶 禦外侮。」其所 而 所以著夫兄弟 氣和平,怨而 而未之悟也。 漸次,說 议 責 故 無 不 之 > 親矣。 歐陽 且 其愛兄弟之常心,友生約其外,妻子調其内,則兄弟加 以禮義者也。 故有以朋友爲賢於兄弟者。」○王氏曰:「友生,約我 可恃,而以至親相責望,則兄弟常多過失,易以生 如兄弟也。」蘇氏曰:「人居平安之世,不知兄弟之 安寧也,乃謂 陳氏 曰:「言平時則皆可遂其私意,急難則 湛。」 氏 故曰:『妻子好合,如鼓瑟琴。 曰:「兄弟之急難相求如此,及其 曰:「此 雖有兄弟,不如友生,有禮義,然後無失

王氏之説, 雖非 經旨,亦學者所 當

既 **儐**賓胤反。 具,和樂音洛。 爾 籩豆,飲酒之飫。 且. 孺 如具反。

於慮反。

兄 弟

也。」〇王氏曰:「兄弟無故 毛氏曰:「儐,陳)程氏曰 孺,親慕之義。 也。」〇蘇氏 小 則既具矣。」 曰:「飫,曆 兒親慕父

友 生。

云

兄弟既翕,和

當和樂而相親慕也。」義,陳爾籩豆,飲樂飫足,兄弟既皆來,養,陳爾籩豆,飲樂飫足,兄弟既皆來,養恩「孺,骨肉相親屬也。」此章勸其相燕樂,養恩母謂之孺子。《爾雅》曰「孺,屬也」,李巡曰:

然乎?

^{急反。}和樂且湛。答南反。 妻子好呼報反。合,如鼓瑟琴。兄弟既翕,許

子好合,然後可以和樂於兄弟也。」 不能敦兄弟之愛,則雖家室妻帑,必不能樂之,故必妻 少衰也。」蓋其兄弟之所以乖争者、未必不本於此。 其壯也,各妻其妻,各子其子,雖有篤厚之人,不能不 業,❶遊則共方,雖有悖亂之人,❷不能不相愛也。 母左提右挈,前襟後裾,食則同桉,衣則傳服,學則連 弟既翕,必先於妻子者,顔之推常曰:『方其幼也,父 而兄弟有不合焉,則無以久其樂矣。」〇李氏曰: 久而不厭。」朱氏曰:「言妻子好合,如琴瑟之和。 如琴瑟。兄弟既志意翕合,故以其和 矣。」○毛氏曰:「翕,合也。」○程氏 曰:「鼓宫宫動,鼓角角應。琴瑟尚宫,其合也無 鄭氏曰:「如鼓瑟琴之聲相應和也。」董氏 「此章言兄弟相樂,則其妻子好合,其和 日 樂 間

帑字,今讀音奴。 是 究 是 圖,亶 都但反。 其宜爾室家,樂爾妻帑。依字吐蕩反。經典通爲妻

②「悖」,原作「勃」,據宫内廳本、四庫本、《墨海金壺》本書》本《顏氏家訓》改。
●「業」,原作「桉」,據四庫本、《墨海金壺》本及《百子全

③「氏」,四庫本、《墨海金壺》本作「女」。《周禮注疏》作改。
○「悖」,原作「勃」,據宮內廳本、四庫本、《墨海金壺》本

信,故使之深思而遠圖之,以信其然否。」親,亦所以宜其室家而樂其妻帑者。 患其淺陋而不及遠,常以爲兄弟之於我,無所損益。 不知兄弟之相善謀之,信其然者否乎?」〇蘇氏曰:「小人思慮不能

則所知者,特其名而已矣。凡學蓋莫亦未有誠知其然者也。不誠知其然,也。苟非是究是圖,實從事於此,則告人以兄弟之當親,未有不以爲然者

《常棣》八章,章四句。

不

伐木丁丁,陟耕反。 燕兄弟也。 友賢不棄,不遺故舊,即此篇是也。」 非賢不友,故變朋友曰友賢也。 友,新故通名。 是同門之稱,友是同志之名,故舊即昔日之朋友 不棄,不遺故 伐 八,未有不須友 燕 喬其驕反。 故舊,唯施久遠。 朋 舊,則民德歸 以成者。 故 舊 鳴嚶嚶。 木。 也。 親親以睦,指上《常 舊則不可更擇,新交則 親親以睦,友 嚶其鳴矣,求其 自天子至 於耕反。 孔氏曰: 也。 于 出 賢 庶 自 朋 朋

友聲。 (矣,不求友生? 曰:「聲相應也。」〇朱氏曰:「嚶嚶,鳥 毛氏曰:「興也。丁丁,伐木聲也。」劉氏 張氏曰:「詩人多相因之詞,如伐木 之,終和且平,此爲求友生。]〇程氏 氏曰:「矧,况也。」〇張氏 和也。」郭璞曰:「嚶嚶,兩鳥鳴。」 〇鄭 伐木言之。」〇程氏曰:「山中伐木、非一 鳥鳴,蓋因此以興焉者也。 曰:「和,謂相 事,則相親好,成朋友之義。伐木之人, 燕朋友故舊則歌之,所以風天下。 之人,叙其情,推其義,以 必有此義,况士君子乎? 人能獨爲,必 喬,高也。」〇鄭氏曰:「相,視也。」〇毛 幽谷,深谷也。 相息亮反。 好。 彼鳥 與 神之聽之,終和且 遷,徙也。」○毛氏 同 平,謂不變。]〇 矣,猶求 志者共之。 勸朋友之道 曰:「神之聽 故賦《伐木》 故下章皆以 既 氏 同 而 什 曰 曰 : 伊 其 感 方

曰 聲,則是以類相求,因起興而曰:『相 嚶然和好 聞 事之大於伐木,而人之有知也哉?」○陳氏曰:「詩人 物之無知而不忘其群者、鳥也。 亦如此也。」○蘇氏曰:「事之甚小而須友者,伐木也」 謂 人其可不如乎?」故以取友之心,誓之於神。」○范氏 丁然,空谷響應,出於自然,喻朋友故舊氣類之相從 是,豈人而不求友乎? 相 嚶」,又以 不渝,可質於神明。」丘氏曰:「伐木者其聲 故 和之和聲。 .伐木於山者,其聲丁丁然相應,又聞鳥鳴於山 木爲安而不獨有也,故嚶然而鳴,以求其友。 應聲,猶人之朋友相 追 舊 「質諸鬼神而無疑,亦可以爲不欺矣。」 隨。 篤 相隨 嚶然其鳴,蓋求其應。 物 則 ,出於幽谷而遷於喬木。 情 民 鳥聲相應和,自幽 興 德 、朋友之好。 厚 矣。 鳥出於谷而升於木 朋友之信,恒 從也。 言『 視彼鳥猶如 嚶嚶,相 聽其 一谷升 視鳥 鳥 友 聲, 八和好之 鳴 間,嚶 喬 况於 此 如 應 啷

既有 伐 木 萉 許 許,呼古反。 羜,直吕反。 麗 所宜 以 速諸父。 反。 酒 有 寧 藇。 適不來,

之兼賦、比者也。

寧 陳 微 適不 饋 我 其位反。 弗 ·來,微我有咎。 顧 於音鳥。 八簋。 既 粲 有 洒 肥 所 (懈反。 牡,以速 諸 素報反。

曰: 謂臧僖伯曰:「叔父有憾於寡人。」鄭厲公謂原繁曰 叔父,異姓則曰叔舅。」是天子稱諸侯也。《左傳》隱公 父與舅,親親之辭也。《覲禮》説天子呼諸侯之義,曰: 其賢臣,大夫士友其宗族之仁者。」〇孔氏曰:「稱之以 諸侯,諸侯謂同姓大夫,皆曰父,異姓則稱舅。 朋友之異姓而尊者也。」毛氏曰:「天子謂同姓 月羔爲幹。□○鄭氏曰:「速,召也。□○朱氏 藪,草也。 釃酒者,❶或用筐,或用草,於今猶然。」 茲 毛氏 『同姓大國則曰伯父,其異姓則曰伯舅。 美貌。 羜,未成羊也。」《爾雅》注云:「今俗呼五 以筐日 之爲聲而有柿也。]〇程氏曰: 願與伯父圖之。』《禮記》衛孔悝之鼎銘云:『公曰 「諸父,朋友之同姓而尊者也。 曰:「許許,柿孚廢反。 釃,以藪曰湑。孔氏曰:「筐,竹器也 「許許,衆人共力之狀。 貌。 同姓小國則日 孔氏曰:「伐 諸舅 國君友

0

朱氏曰:「言具酒食 時,則有釃酒肥羜,召朋友而宴樂之。」〇 伐木之時,鳥猶求友, 備,亦是總結上章『將母』之文也。 數也。○八氏曰:「肥牡,肥羜之牡者。」○ 言『伐木丁丁,鳥鳴嚶嚶』,下章但言『伐 『不遑將母』,卒章言『將母來諗」,其文不 毛氏曰:「咎,過也。」○李氏曰:「上章既 之禮。]〇長樂劉氏曰:「簋八則籩豆倍之,天子燕禮之 木許許」,省文也,亦猶《四牡》詩上章言 五等諸侯,簋皆十二。此天子云八簋者,據待族人設食 簋。」孔氏曰:「簋,盛黍稷之器也。 《周官・掌客職 庭,陳飲食之饋。」〇毛氏 氏曰:「顧,念也。於,嘆辭。」〇毛氏 其適然而不來。」○毛氏曰:「微,無也。」○朱 舅。1是諸侯稱大夫父舅之文也。] ○鄭氏 適不來,寧召之適自不來也。」朱氏曰:「寧使 人有故而 粲,鮮明貌。」○孔氏曰:「粲然埽洒其 不來,而 無使我恩意之不至也。 以 樂朋友如此,寧使 君子於閒暇 曰:「天子八 曰 既言 目 之 室 寧

此湑矣。 我,蹲七旬反。 酒湑思叙反。 遠。民之失德,乾餱音侯。 伐木于阪, 釃酒有衍。 我,無酒酤音沽。 蹲舞我。 迨音待。 籩 以愆。起虔反。 豆有踐,兄弟 我。 我暇矣,飲 坎坎鼓 有 無

失德,正由乾餱之食不分於人,以獲愆毛氏曰:「餱,食也。」○孔氏曰:「民之曰:「兄弟,朋友之同儕者。 范氏曰:「先諸曰:「兄弟,朋友之同儕者。 范氏曰:「先諸曰:「兄弟,朋友之同儕者。 於氏曰:「先諸

則湑之,無則酤之,不以有無爲辭也。奏之以鼓,重之 有以乾餱相譴謫,故君子於其朋友故舊無所愛者,有 當然乎? 禮,至乾餱不相 曰: 相 酤之,以至鼓舞我爲之。 德,故不能修親 具,當以燕樂朋 閒暇,共飲此湑酒。」○程氏曰:「有盛 舞貌。」○鄭氏曰:「迨,及也。 及我今之 旨。 也。」〇鄭氏曰:「酤,買也。」《前漢・食貨 或以草,沸之而去其糟也。 其糟也。」〇朱氏曰:「湑,亦釃也。 《釋文》曰:「與《左傳》「縮酒」同義,謂以茅泲之,而 舞、盡其 與燕飲以 。」〇毛氏 「酤酒不食。」二者非相反也。承平之世,酒酤和 周衰,酒酤薄惡不誠,是以疑而不食。」」 一李氏 「坎坎,鼓聲也。」〇毛氏曰:「蹲蹲 「羲和魯匡曰:『《詩》曰:「無酒酤我。」而《論語 〈有以樂之也。」○朱氏曰:「人之所以至於 故有 篤 티 : 恩意。」蘇氏曰:「民之失德也 及。 酒則我醑之,無酒則我 睦之道,厚友朋故舊之 友,無相疎遠。民之失 「湑, 《禮》所謂『縮酌用茅』是 蓋人之失德也,豈 茜所六反。 我及暇時,則 釃酒者,或以筐 之也。」

樂也。」
於有愆耳。故我不計有無,但及閒暇,則飲酒以相於有愆耳。故我不計有無,但及閒暇,則飲酒以相失朋友之義者,非必有大故也,或以乾餱之薄物,而至

也。」今從劉氏。 章首輒言「伐木」,凡三云「伐木」,故知當三章六句。劉氏云:「《伐木》三章,章十二句。每一六句。到氏云:「《伐木》三章,章十二句。 毛氏六章,章

蒙被臣民,由君德之所致也。 之報上也。《天保》之詩,盛陳人君受天之枯,福禄之厚 歟?」○程氏曰:「恩惠周物,君之下下也。 群臣。《天保》者,豈以答是五詩? 《天保》,下報上也。 於君以答其歌。]〇蘇氏曰:「人君以《鹿鳴》之五詩宴其 「下下,謂《鹿鳴》至《伐木》,皆君所以下臣也。 以成其政,臣能歸美以報其上焉。 君能下户嫁反。 於其燕也,皆用之 歸美於君,臣 臣 鄭氏曰: 下 亦 ·如字。 婦美

天保定爾,亦孔之固。俾必以反。爾單音丹。六章文意重複,以見其愛上深至如此爾。」愛其上之辭,其文甚顯而易明。大抵此詩歐陽氏曰:「《天保》六章,其義一也,皆下

同。」○毛氏曰:「罄,盡也。」○鄭

氏

曰

降,下也。遐,遠也。

天子女以廣遠之

·汲汲然如日且不足也。」○歐陽氏

猶其曰單厚、多益也。」聞人氏曰:「戢,與翦 朱氏曰:「戩,盡。 穀,善也。 盡善云者 不庶。 厚,何 福 不 治 慮 反。 俾 爾 多 益 以 莫

受天百禄。 天保定爾,俾爾戬子淺反。 曰:「言天之安定我君,使之如此也。」 也,皆若消去而未嘗有者,所謂何福不除也。]〇朱氏 爾盡 也。」程氏曰:「俾之多增益,莫不繁庶。」 〇朱氏 曰:「除,除舊而生新也。」 〇毛氏 能容載。 義。」又曰:「除有消去之義。 所禀之薄者,雖小福不 ○鄭氏 也。」〇毛氏曰:「固,堅。俾,使也。」 厚,何福不除,除,更新也,日進之 曰 惟其甚厚,故福祉之來,不問多寡。其受之 "「保**,**安也。」〇朱氏 曰:「單,盡 降爾遐 福,維日不足。 也。」〇程氏曰:「俾 穀。罄無不宜, 曰:「庶,衆 曰:「爾,指

> 天保定爾,以莫不興。 稱其福禄以報之。此出於驩心,而不强以爲者也。」 氏曰:「君恩至重,臣雖有犬馬之勞,不足以上答,唯 所謂『昭受上帝,天其申命用休』,語意正如此。]〇王 禄矣,而天又降爾以福,言天人之際交相與也。 猶曰 穀」,又曰無所 降爾遐 「既日 『維日不足』也。」朱氏曰"「爾有以受天之 福」,其所以慇勤重複如此,而 ||何福 不 · 宜 不除」矣,又曰『俾爾 而『受天百禄』,又曰 如 山如阜, 如岡 如 戩

陵,如川之方至,以莫不增。

其盛長之未可量也。」 繁盛。」○鄭氏 高者, 陵爲阜之大者。此則日進而不已也。」脊, 音積。 至,謂其水縱長之時。」朱氏曰:「川之方至,言 陵,此言其福禄委積高大也。 雅》曰:「山脊曰岡。」又曰:「大阜曰陵。」則岡爲山之 鄭氏曰:「興,盛也。」〇毛氏曰:「高 ○程氏曰:「此章言既受天之福禄,莫不 ·陸,大陸曰阜,大阜曰 曰: 「如 Щ 陵。」董氏曰: 如阜,如 Ш 岡 如 平

吉蠲古玄反。 爲饎,尺志反。 是用孝享。 許丈

反。 先王。君曰卜爾,萬壽 王時 也。 之父、《世本》作太公組紺。 爲大祭。』《易》曰『不如西鄰之禴祭』,鄭注爲夏祭之名, ○盩,直留反。 稷至諸熱。」朱氏曰:「謂后稷以下至公叔祖類也。」 則文王時已改。] 〇鄭氏曰:「公,先公,謂后 曰禘,秋曰嘗,冬曰烝。周公制禮,乃改夏爲禴。 祠,夏祭曰礿,秋祭曰嘗,冬祭曰烝」,注云:「祠之言食。 烝。」王氏曰:「禴,於文或從勺。」○《爾雅》曰「春祭曰 諏日擇士之善。 蠲,言齋戒滌濯之絜。」 饎,酒食也。 毛氏曰:「吉,善。 ○《史記》「公叔祖類生古公亶父」,索隱云:「古公亶父 曰:「若以四時,當云祠禴嘗烝。詩以便文,故不依先 礿,新菜可汋。 享,獻也。 ·周之所追,大王以下。大王之前,皆爲先公。○毛 禴 《褅袷志》云:『《王制》記先王宗廟之祭,春曰禴,夏 餘若反。 作,則或周 文王時周未有曰先王者,此詩 春曰祠,夏曰禴,秋曰嘗,冬曰 祠 嘗,嘗新穀。烝,進品物也。」○孔 〇朱氏曰:「先王,太王 嗣絲反。 公所更定者與。」孔氏曰: 蠲,絜也。王氏曰:「吉,言 諸墊、《三代世表》作叔類。」 無疆。居良反。 烝之承反。 嘗,于公 禘又 下 氏

> 絜也。」 《韓詩》作『吉圭』。」《釋文》曰:「蠲,舊音圭 禮》饗辭『作圭爲則』,是圭字作蠲音。 氏》注曰:『蠲如「吉圭惟饎」之圭。』《儀 而 此,至于四 陽氏曰:「既則又言非惟天之福我君 福無疆,于汝孝孫」之等,●是傳神辭嘏主人也。」○歐 神辭也。」孔氏曰:「《少牢》云『皇尸命工祝,承致多 祀也。君曰卜爾,萬壽無疆,尸嘏主 也。」〇孔氏曰:「無疆,無有疆畔境界也。」 也。」〇朱氏曰:「卜,猶期也。」毛氏曰:「卜,予 氏曰:「君,先君也。」朱氏曰: ○鄭氏曰:「吉蠲爲饎,是用孝享,謂將祭 神亦降之福。]〇董氏曰:『《周官・蜡 [時豐 一潔 酒· 食,祀其先公先王 「君,謂先公先王 一人傳 如

●「于」,原作「丁」,據四庫本、《墨海金壺》本及《毛詩正質矣,日用飲食。群黎百姓,徧音遍。爲神之弔都歷反。矣,詒以之反。爾多福。民之

^{●「}于」,原作「丁」,據四庫本、《墨海金壺》本及《毛士

壽,不騫起虔反。不崩。 如月之恒,古恒反。 鄭氏曰:「群衆百姓、徧爲女之德。 群黎百姓,則當以爲民,不當以爲百官族姓也。」 () 百姓皆爲君德,此君人者之至願也。」 福,民則日用飲 族姓也。《論語》曰『修己以安百姓』者,庶民也。 又曰:「百姓自古有二:《書》言『平章百姓』者,百官 質實無爲,日用飲食而已。」王氏曰:「民 丽 所施其智巧也,日用飲食而已。」 〇鄭氏 程氏曰:「質,實也。」〇朱氏曰:「言其 致神之來至矣。」○毛氏曰:「治,遺也。」○ 者,宗廟致敬,鬼神著矣。」孔氏曰:「言王已 ○范氏曰:「君所以爲神民之主,神則降 毛氏曰:「弔,至也。」○鄭氏曰:「神 黎,衆也。」〇李氏曰:「百姓,庶民 象之。」朱氏曰:「徧爲爾德者,言助爾爲德也。」 食而 如日之升。 不知所以 如松栢之茂,無 如 南 然。 群 言則 Ш 也。 曰 之 至 黎 無

> 盛,則又欲其永久,故多引常久不 彫,如松栢之茂,而罔不承其庇也。]○朱氏 無不承其庇廢。」長樂劉氏曰:「覆於萬物而不 二十三日、二十四日,亦正半在,謂之下弦。於後亦漸 稍長。八日、九日,大率月體正半昏而中,似弓之張而 古恒反,弦也。」升,出也。 騫,虧也。」〇程氏曰:「如松栢之茂盛 虧至晦而盡也。以取漸進之義,故言上弦不云望。」 日正相當,謂之望,云體滿而相望也。 弦直,謂之上弦也。 月在朔交會,俱右行於天。 日遲月疾,從朔而 曰:「月上弦而就盈,日始出而就明。」〇孔氏曰:「日 字作『恒』。」〇《釋文》曰:「本亦作「縆」,同古鄧反,沈 毛氏曰:「恒,弦也。孔氏曰:「集本、定本「縆 「承,奉也。」○歐陽氏曰:「前 三日,月去日已當二次始死魄而出,漸漸遠日, 後漸至十五、十六日,月體滿,與 言俱進也。 從此後漸虧,至 既 欲 ,而月光 其 曰 興 氏

> > 287

之物以爲况。」

《天保》六章,章六句。

采薇音微》, 遣戍役也。 文王之時,西有

吕氏家塾讀詩記卷第十七

天子 後世 以見服事殷之實矣。 得專征伐。 之命而伐玁狁。」〇程氏曰: 「《采薇》、《出車》、《杕杜》,此三詩皆言文王爲西伯,以紂 言還,並 文耳。《出車》序云『勞還率」,《杕杜》序云『勞還役』,俱 惟一云西戎,獫狁大於西戎,出師主伐獫狁,故 也。 車》以勞力報反。 役,以守衛中國,故歌《采薇》以遣之,《出 以天子之命,命將子亮反。 古門反。 遣 也,而可乎?」 「因用之以遺戍役。」○朱氏曰:「文王既受命爲西 之。 天子,殷王也。]〇孔氏曰: 鄭氏曰:「文王爲西伯服事殷之時也。 獫狁爲主,而 云勞,明還、歸義同,勤、勞不異也。」○蘇氏 叙其勤勞悲傷之情,且 夷之患, 丽 其征伐也,亦必稱天子之命以行之,此 略於西戎也。 丽 還,《杕大計反。 北 或者謂文王受命而稱王,則是二 有獫音險。 「文王遺戍役以守衛,歌 「此與《出車》五言 風以義,當時之事也 勞與勤, 率,所類反。 **狁**音允。 杜》以 還與歸, 昆夷,西 成赦 之難 勤 此詩 曰 但 戍 尼 戎

暮。止。靡室靡家,玁狁之故。不遑啓居,采薇采薇,薇亦作止。曰歸曰歸,歲亦莫音

狁之故。

之故,有所不得已而然耳。」 而不暇啓居者,非上之人故爲是以苦我也,直以玁狁 **愾之心矣。**」朱氏曰"「凡此所以使我舍其室家」 以玁狁之故也。 計歸期,則歲暮矣。」舍其室家,不遑暇起居 歸,深念歸時,在歲暮也。王氏曰:「戍者自 薇采薇,以薇爲遣戍之候也。 室,女不 也。 氏曰:「遑,暇。 狁,北狄也。」鄭氏曰:「北狄,今匈奴也。」○鄭 薇 此設爲戍役者之言也。」〇程氏曰:「采 男本有室而女有家,今男靡得以 解 「莫,晚 長樂 見《 ·得以家爲家。] 〇毛氏 劉 草 氏 也。 듸. 蟲 作 **%** 靡,無· 毒民不由 啓,跪也。」〇朱氏 謂 芽初 也。」〇 毛 氏 上,則人懷敵 出 日 ± Ē 티 : 日 氏 室爲 鄭 日 曰 憂 玁 氏 生

啃 使歸聘。 采薇采薇,薇亦柔 憂心 烈烈, 載飢 止 載 渴 曰 歸 我戍未定, 日 歸 亦 靡

氏曰:「

薇始長而柔。」○鄭氏曰:

烈

爲飢渴之所困,亦甚病矣。]〇朱氏 氏曰:「自作以 後薇始壯而 之時, 薇始生。 其後 薇始長 烈,憂貌。 室家之安否乎?」 而憂。」〇蘇氏曰:「内憂歸期之遠,而 曰:「聘,問也。」○李氏曰:「始遣 雖憂之深,然戍事未已,將誰使歸問其 剛,以見天時之變爾。」 則 至於柔,未久也,已念歸 也。 定,止也。」〇 而柔,又其 ○范 曰 : 戍 毛 外 役

啃 薇采薇,薇亦剛 我行不來。 王事靡盬,不遑啓處。 咋 曰 歸 憂心孔疚,久又 日 歸, 歲 亦 陽

爲陽。 也 明 爲陽。 惡陰,其實陰陽恒有。 時純坤用事而嫌於無陽,故名此月爲陽。 程氏曰:「薇壯 陰陽常 。」○毛氏曰:「疚,病也。」○鄭氏 孔氏曰:「《爾雅·釋天》云: ❶「十月爲陽。」 時坤 兼有也。」 盬,不堅 用事,嫌於無陽,故名此月 而剛。」〇鄭氏曰:「十月 四月秀葽靡草死,豈無陰乎? 固 也。 處,猶居 君子愛陽而

> 彼 子之車。 爾 役者,勇於報國,視死而不敢顧其親也。」 我此行或死於戰陣而不復來也。言文王之將率與 可歸也。」長樂劉氏曰:「何以憂而至於病哉? 也,故啓處不遑。 程氏曰:「歸期須歲之陽,王事 陽止者,亦如 來 維 猶反 何 ? 戎 車 也。 維常之華。 既 柔止,感時物之變 據家 駕, 憂心雖 四 牡 日 來。二〇 彼路斯 工業業。 甚病,我行 王 何 ? 不 也 氏 可盬 日 不 其

居 ? 月三捷 豈敢定 君

此也。 君子,故知謂將帥。 王氏曰:「路,戎路也。」○鄭氏 毛氏曰:「爾,華盛 豹,王賜之大路。 彼爾 業業然,壯也。 然而 君子,謂將率。」孔氏曰: 盛者,何木之華乎? 是卿車得稱路也。」〇毛氏 得稱路者、《左傳》鄭子蟜、 捷,勝也。」〇孔氏 貌。 常,常棣 「乘路 曰:「斯 也 維 車 常棣 曰: 曰 : 叔孫 丽 稱

天」, `原作「文」,據《毛詩正義》、宋監本《爾雅》改。

盛 此言憂勤之至,而冀其功之速成也。」 $\stackrel{\frown}{\sim}$ 子車飾之盛也。」〇朱 揔强盛之車甲,豈敢安居? 丽 維君子之車 |捷,言速也。1○王氏曰:「豈敢定居? 也 爾 月之間,三戰 四牡 華 雅 也。 盛 **>** 注、 矣,則 彼 也。 路 \sim 説 車 而 何 以常 文》 者, \equiv 敢 捷 以 氏 當期成功之速。 棣 皆 斯 爾。」程氏曰: 定 曰:「戎車既駕, 之華色美,喻 何 作 居 人 薾 ○董氏曰: 乎? 之車 一月三捷 薾 「君子 庶乎 乎 一月而 華 君 ?

魚服。 小人 駕 彼 所 四 腓。 豈不日戒? 牡 • 四 牡 符非反。 騤 騤。 玁狁 四 牡翼翼, 求 孔棘 龜 反。 象 君子 弭 彌氏反 所 依

以爲進退也。」○董氏曰: 腓 毛氏 長樂劉氏曰: 腓 威 儀也。□○程氏 ,足肚也。 從動之義。人之腓,身 曰:「騤騤, 言君子所處,小 「君子則依之以爲禦備也,小人則腓之 曰:「依, 彊也。」《説文》曰:「 「按《字書》: 人從 依 『腓, 行 止 而 텕 所 脛腨 動 「騤,馬 從 處 也。」 也。」 動。 也。 行

小

j

/所腓

則帥

乘之相依也

可知矣。」〇

乘輯 也。 其毛皆起。」○ 《草木疏》曰:「魚獸似豬,東海有之。其皮背上班文, 腹下純青。 弓必須骨,故用滑象。 之所宜,亦不爲解轡而設。 所以解紒也。 反末也。 御人自當佩觽,不專待射者解結。 解紒 氏曰: 魚服,魚皮也。」鄭氏曰:「服,矢服也。」○陸氏 也。」然則弭者,弓弰之名,弛之則反曲,故云象弭爲弓 之,以助御者解轡紒,宜滑也。」〇孔氏曰:「《釋器》云 云『無緣者謂之弭』,孫炎曰:『不以繁束骨飾兩頭者 『弓有緣者謂之弓」,孫炎曰: 『緣,謂繁東而漆之。』又 《易》之咸、艮,皆取象以 孔,甚。 睦 音計。 「行列整治之狀。」象弭,弓反末 一又能 紒,與『結』義同。繩索有結,用以解之,故 其皮雖乾燥,爲弓鞬矢服,海潮及天將雨 兵車,三人同載,左人持弓,中人御車 つ; 閑 也。 鄭氏 棘,急也。] 〇陳氏 備 也。 鄭 戒 曰:「日戒,日 若轡或 氏 以防 著其隨物以 孔氏曰: 曰:「弓反末者,以象骨爲 但巧者作器,因物取用,以 有紒,可以助解之耳。 患。 「閑,閑習也。」○程 弭之用骨,自是弓 動 君子所 也。 曰: 也,所以 相 毛 帥 戒 氏

練其車甲,修嚴其器械,日爲戒備,玁狁之事甚急故 之難甚急,誠不可 也。器械,弭服是也。」 曰:「言將士豈不日相警戒乎,玁 以忘備也。」程氏曰:「整 狁

雪霏霏。芳菲反。 昔我往矣,楊柳依依。 心傷悲,莫知我哀。 行道遲遲,載渴 今我來思,雨于付反。 載飢。 我

其所而 霏霏,冬之末也。」〇程氏曰:「春而往, 遲遲,長遠也。」〇朱氏曰:「此章設爲役 毛氏 切於飢渴。『莫知我哀』,●言民之不得 思之切。」〇范氏曰:「人情之所患者,莫 冬而旋,行遠而時久,言行道遲,則見歸 人預自道其歸時之事、言勤勞之甚也。」 已矣。」〇毛氏曰:「君子能盡人之情,故 人忘其死。」程氏曰: 道使人。至於後世之使人,則牛羊 |董氏曰:「楊柳依依、春之中也。 曰:「楊柳、蒲柳 無告也。 予於《采薇》,見先王 「一章述事之由,次章、三章 也。 霏霏,甚 雨雪 也也 丽 以

> 憂而能勵。四章、五章則勸以義。 遣次戍者。 至,復留備秋,至過十一月而歸。 極道勞苦憂傷之情。 防秋也。」 古者戍役,再朞而還。今年春暮行,明年夏代者 每秋與冬初,兩番戍者,皆在疆圉,乃今之 上能察其情 又明年中春至春暮 卒章言其歸以憫其 , 則 強勢 而 不 怨,雖

采薇》六章,章八句。

則均服同食,一衆心也。 氏曰:「遣將帥及戍役,同歌同時,欲其同心也。反而勞 《出車》,勞力報反。還音旋。 尊卑,❷辨貴賤,定衆志也。」 日。」此其義也。」〇王氏曰:「遣戍役同詩者,出時用兵 之,異歌異日,殊尊卑也。《禮記》曰: 『賜君子小人不同 勞還役異詩者,人而振旅,則 **率**所類反。 也。 鄭

事有叙,大要在歸功將帥。」 程氏曰:「此詩所 賦, 自受命至還 歸,其

我出我車,于彼牧音目。 我 來矣。 召彼僕夫,謂之載矣。 矣。自天子所,謂 王 事 多

⁰ 知」,原作「之」,據四庫本、《墨海金壺》本改。

反」,四庫本作「分」。

難,乃旦反。維其棘矣。

貝反。

憂心悄悄,七小反。

僕夫况瘁。

似醉

反。

丘氏曰:「將言建旐設旄之事,又本出

重

程氏曰:「王命之征,赴事之急,不敢寧也。」 〇孔: 此 氏曰: 日 車,出至于郊,則稱天子之命,使我來將 也。」〇歐陽氏日 也。」〇鄭氏 必以王命行之,以王既命之專征也。」○程氏曰: 然未必得詩人之意。 詩云:「我出我車,于彼牧矣。」毛氏蓋本《荀子》之説 子》曰:『天子召諸侯,諸侯輦輿就馬,禮也。』遂舉此 馬 《於牧也。」○王氏曰:「古者兵隱於民,而馬則 :「序其忠敬以慰勞之。」 一衆。遂戒其僕夫,以趨王事之急難。」 我,命我也。」〇毛氏曰:「僕夫,御夫 ,從也。」○王氏曰:「天子,紂也。」董 兵車之出 雅》曰:「郊外曰牧。」毛氏曰: 「文王爲西伯,則既得專征矣。諸侯雖得專征 ,則以車而 티 : 牧,即郊也。」 ○鄭氏曰: :「南仲爲將,始駕 就牧地也。」〇李氏曰: 載,裝載 也。 棘, 出 車, 牧 戎 氏 急 于

旄音毛。

矣。彼旟音餘。

旐斯,胡不斾斾?

蒲

我

出

我

車,于彼郊矣。

設此旐音兆。

矣,建:

彼

時未制 氏 申 車綏旌。J綏、謂垂舒之也。 事,故不施也。」○董氏曰: 雀也。下章所謂旂者,青龍也。] ○孔氏曰:「胡 貌。」程氏曰:「斾斾,垂委之狀。」〇王氏曰: 次矣。]〇朱氏曰: 爲左右前後,所進退有度。 局,各司其局。」此師行之法也。 龍而右白虎,招摇在上,急繕其怒,進退有度。 也。」〇楊氏曰:「《曲禮》:「行前朱雀而後玄武,左 此詩旐旟旂雜互陳之,則君之諸帥有建之者矣。文王 常》曰:「諸侯載旂,軍吏載旗,郊野載旐,百官載旟。」 言之也。」〇李氏曰:「言郊,與牧同義 旄,干旄。 但其字異爾。] 〇毛氏曰:「龜 復旆之,諸侯畏 曰: 何不也。」〇毛氏曰:「斾 周 禮 况,兹也。」〇程氏 則 鳥隼日 南 之,則 「此章所謂旐者、玄武也。 仲 以下,或建旂,或載旐,或載 知 旟。」孔氏曰: 垂 昔晉 各司其局,則士無失伍 「《禮》曰:『德車結 旌 所以 治 四方之星 兵,建而不施。 曰:「此 爲 施, || 周 也。」〇 蛇蛇 ,隨其方所 旟者,朱 日 左右 禮 旒 旌、武 未 旐 既 鄭 垂 **£** 司 有 旗

人,亦爲之意瘁。」鄭氏曰:「將率既受命行而勞其事也。其憂念之深,僕夫左右之受命而行,有旗章之盛,見付與之重,憂

仲,玁狁于襄。 央。於良反。天子命我,城彼朔方。赫赫南央。於良反。天子命我,城彼朔方。赫赫南王命南仲,往城于方。出車彭彭,旂旐央

憂,臨事而懼也,御夫則兹益憔悴。」

南 然張其車乘,央央然施其旅旅。」○朱氏曰:「天 子命我城彼朔方者,文王以商王之命命 蘇氏 守衛中國也,非取玁狁之地而城之。」〇 畚築之具也。」○ 范氏 所據之地。」〇長樂劉氏曰:「往城于方者,軍行而 「交龍爲旂。 方,近玁狁之國也。」朱氏曰:「今靈夏州,西夏 朱氏曰:「南仲,文王之臣,此時大將也。」方, 毛氏曰:「王,殷王 毛氏 一种,而南 曰:「彭彭, 壯盛 日 仲語其軍 「赫赫、盛貌 央央,鮮明也。」王氏曰:「彭彭 曰:「往城于方,所以 也。 士以 也。」〇毛氏 南仲,文王之屬 天子之命也。」 程氏曰:「赫赫,德 目

戎之道,守備爲本,不以攻擊爲先。」帥之名以顯其功,主言城而勝玁狁。禦名顯盛。」襄,除也。」○程氏曰:「此章指元

不施。 子之命以令軍衆。 此意也。三章言既已治兵,大將傳 子之言行三軍,亦曰「臨事 喪禮處之。 施施 旌旗隨人意而不舒也。 者指其旟 各事整飭,戎容既備,肅然無譁,爲將 衆車並列於郊,此車設旐,彼車建旄, 事以赴其急。二章言方欲治兵之時 蓋自天子而下也。」使之裝載,勉其體悉王 命,故南仲語其衆曰:「我所以來此統衆者,其命 以天子之命,南仲受文王之命,文王受天子之 章言車徒始集於郊牧,殷勤告語 而 然以將士憂懼之心觀之,亦若 飛 旐 揚 命下之日,士皆涕泣。 而言曰:「彼旟 也?」雖治兵之時,建 於是彭彭然 古者出師,以 旐 而懼」,皆 斯 ?,胡不 天 夫 而 之

施之。 誓。」使之旜,猶軍之旂旐也。 千乘,建而 竟而張旜 使既行而斂旜,猶軍在道而 將戰張斾之驗也。 曰:「軍將戰則施,故曳施以恐之。」此治兵不施 **斾之。《左傳》「平丘之會,晉治兵于邾南,革**車 行 則 赫 命於野 也。 介以受命于朝。遂行,斂旜。 《聘禮》攷之,則治兵之時,建而不斾,受命則 車 威。 然動 丽 乘 不相悖也。軍禮雖無所致,以《左傳》、 在道之時,則斂而不施。 央央 二章之戒懼,三章之奮 人。 ,猶軍將戰而張施也 不施。 使載旜而受命,猶軍 然 兵事 壬申復斾之,諸侯畏之」,杜 斾 《聘禮》:「使者載旜,帥上介衆 其 以 旂 哀 斂 敬爲 旐 及所聘之竟,張旜 使聽命於朝 斾 將戰之時,則張 也。 張斾而 本 威 使 癜 及所聘之 而 聽命 揚, 氣 所尚 張 焰 也 並 рŋ 而 丽

歸? 畏此簡書。 雪載塗。王事多難,不遑啓居。豈不懷昔我往矣,黍稷方華。今我來思,雨于付反。

「思,語辭也。」○毛氏曰:「塗,凍釋也。孔氏曰:「方華,方生華也。」○李氏曰:

兩

句,

解見《草

· 蟲 》。

鄭

氏

曰

君

:

歸之心? 戒命 氏曰"「或曰"簡書,策命臨遣之辭也。」○孔氏曰" 救之。」○長樂劉氏曰: 孔 圃 難,言玁狁雖 春凍始釋而來反。」() 見其出之久。」鄭氏曰:「征伐玁狁,因伐西戎,至 古者無紙,有事則書之於簡,謂之簡書。」(氏 西,不遑起居也。」〇程氏曰: 目 「本其往 也。」又曰: 「雪落 畏簡書不敢自遂。」 耐 時 衰,而 釋爲塗泥 所見,與 鄰國 長樂劉氏 「謂王命載之以 西戎 有 急 是 春 今還時所遭, 以 又人 凍 簡 始釋 티 : 書 人也。 竹簡也。」〇朱 相 也。 岢 三王 告,則)朱氏 簡 事 無 自 奔命 北 多 思

在道時 《采薇》之所謂 來, 戍畢時也。 所謂往,在道 也。 一時 往,遣 此詩之所謂來, 也。 成時也。 《采薇》之所 此 歸 詩之 謂 丽

則降。 **喓喓於遥反。草蟲** 君子,憂心 赫赫 伸伸。 南 一种,薄伐西 ,趯趯吐歷反。 勑中反。 戎。 既 見君子 阜螽。 ', 我 未 心 見

春

獲 醜

,薄言還歸。

赫赫南

仲,

玁狁于夷

焉。」〇 也與?」 狁,將伐西戎,皆跳躍而鄉望之,如阜螽之聞草 西戎也。」鄭氏曰:「近西戎之國,聞南仲既 應,民心之望王師 仲之功於此尤盛。 章復言兵出 者,莫不故下其心以自安也。」●○程 朱氏 南 仲 **三** 也。 圃 一豈既 衆和,爲一方所 降,下也。」長樂劉 猶是也。 却 草蟲、阜螽,其 玁狁, 丽 還 此南仲之伐 氏 師 溪望 以伐昆夷 日 氏 曰 類 征 此 相 降 鳴

喈喈,音皆。采蘩 日 遲遲,卉許貴反。 家之語。 弁》之詩,其一夫婦也,其一父子也。 閱,遑恤我後」,兩見於《谷風》、《小 乎?「毋逝我梁,毋發我笱。 我躬不 伐西戎」,其辭 説者以《草蟲》之詩有之,遂亦以爲室 薄,語辭 也。 觀其 《祁祁。巨移反。 奮張, 豈室家思望之語 斷 喓喓 木萋萋。七西反。 句曰「赫赫 (草蟲] 以下六句 執訊音信。 南仲,薄 倉庚

> *「夷,平也。」○歐陽氏曰:「述其歸時,春 當訊 然茂 之時,執訊獲 毛氏 「此時亦伐西戎,獨言平玁狁者 曰:「此章言其振旅而凱 日暄妍,草木榮茂,而禽鳥和 然衆多。」○程氏 問者。 美, 喈喈然 曰:「卉,草 醜,徒衆 醜 而 目 和 也。二〇孔 鳴。 還之時也。□○鄭氏 歸,豈不樂哉?」朱氏 「訊,問也。其 也。」〇毛氏 采蘩之人,祁祁 氏 鳴。 於此 玁狁 티: 魁 萋 日

大,故以爲始,以爲終。」

出車》六章,章八句。

遑止。 繼 《杕杜》,勞力報反。還役也。 有杕之杜,有睆華板反。 嗣 日 日 月陽止,女心傷止,征 其 實。 王 夫

0 故, 四 庫本、《墨海金壺》本作「放」。

傷征 得 其 室 陽。 者之憂爲甚。」〇鄭氏曰:「婦人思望,憂 女心傷止,居者之思也。 也 日,言其行 矣,猶歎其 曰:「杜之有 實貌。」 〇杕 歸。 -。」○范氏 追,暇 夫, 杜 家 日 感 解 如 鄭 未至也。」○李氏曰:「繼嗣 時 興 役 也。」〇朱氏曰: 見《唐風》。 今已閑 曰:「日月陽 氏 也 物 實,秋冬之交也。 以 曰:「嗣 之變 日繼日,無有休息之期 董氏 || 暇且 而思之。」〇 日 〇毛 續也。 歸也, 止,歲將暮也 凡行役,唯居 因 軍軍 |其所 氏 曰 : 感 事在外, 丽 歲將 十 而 尚 吕 興 也。 不 我 氏 暮

有杕之杜 丘 悲者,念其君子於今勞苦。]〇吕氏 卉木亦萋然有葉,則春將暮矣。 氏 卉木萋止,女心悲止,征夫歸 三 三 「 ,其葉萋萋。 萋萋,新葉。] 〇 王 事)鄭氏 靡 盬 止 我 日 歲莫 曰 心 傷 傷

> 痯,古緩反。 我父母。 陟 之期 彼 北 既 山 檀徒丹反。 ,言采其杞。 不 征夫不遠 至 一, 將 至春 , 幝蟬, 尺善反。 之莫猶 音起。 王事 未 歸 靡 也。 四 牡 痯

至也。」 歸也。」范氏曰: 父母,君子之父母也。」○陳氏曰:「言夫之車 母, 治我父母之憂也。」丘氏曰:「我, 君子也 見之,非有它義也。」〇朱氏曰:「憂我父 以見時物之變,感其君子久出,思得 毛氏 久而當敝矣,四牡 蟲》之詩,言『陟彼北 吕氏 李氏曰: 車之輪輻 曰:「《伐檀》云伐輪、伐輻,是檀 日 曰:「杞之可 『陟彼北 「幝幝、敝貌。 。《大明》云:『檀車煌煌。』」 「檀車幝幝 當罷· 食,春莫矣。」〇 山,言采其杞』,猶《草 山,言采其薇」,皆 四牡 矣, 痯痯,罷貌。」() 諒亦 痯痯」,若聞 不 可 遠當 孔 以 以 爲 氏

匪載匪來,憂心孔疚。居又反。期逝不至

邇止。 而多爲恤。卜筮偕止,會言近止,征夫

爲也。 杜》勞衆,故極其情。 人之心,故能曲盡其情,使民忘其死 且筮,其繇皆曰近矣,則征夫其亦邇而將至也與?」 宜矣。」○王氏曰:「會卜筮之言,皆言近 必如期,室家之情以期望之。」○朱氏 矣,則庶幾征夫之歸近矣。」朱氏曰:「且卜 曰:「期已過而猶不至,則使我多爲憂恤 所以憂心孔疚也。」○毛氏曰:「遠行不 也。」〇毛氏曰:「邇,近也。」〇王氏曰: 鄭氏 逝者,謂所期之日以逝。]〇毛氏曰: 氏曰:「逝,往也。」○長樂劉氏曰:「期 庶幾其歸且至不遠矣,既而匪載匪來, 恤,憂也。」○鄭氏曰:「偕,俱。會,合)范氏曰:「以卜筮終之,言思之無所不 曰:「載,裝載 《出車》勞率,故美其 也。 先王以己之心 疚,病也。]〇 功; 《杕 毛

苦,此下之人勞苦而上知之。」期,六日不詹」?然《鴇羽》、《采緑》,下之人自訴其勞何怙」?言『期逝不至』,亦何以異於《采緑》『五日爲父母』,何以異於《鴇羽》『王事靡盬,不能藝稷黍,父母忠於上也。」李氏曰:「觀此詩言『王事靡盬,憂我

《杕杜》四章,章七句。

告於神明矣。始於憂勤,終於逸樂,故美萬物盛多,可以始於憂勤,終於逸樂,故美萬物盛多,可以武以《天保》以上治内,《采薇》以下治外,《魚麗力馳反》,美萬物盛多,能備禮也。文、《魚麗力馳反》,美萬物盛多,能備禮也。文、

言也,不可取。」
以《天保》以上治内』以下,傳《詩》者之矣。』物不足,則不能備法度也。『文、武矣。』物不足,則不能備法度也。『文、武禮。《六月》序云:『《魚麗》廢,則法度缺程氏曰:「太平之時,庶物繁盛,故能備

毛氏曰:「麗,歷也。 罶,曲梁也,寡婦之

티 : 後殺。 孔氏曰:「《夏小正》:「五月,鳩化爲鷹。」《月令》:「季 鯊,鮀 春,獺祭 作者。 謂之折芟。 也。 不 璞曰: 草木不折 太平而後 《草木疏》曰:『魚狹而小,常張口吹沙,故曰吹沙。』」 頰魚是也。 爲魚笱,其功易成。 笱 草木黄落,斤斧乃入山林也。霜勁風暴,枝折葉隕. 風不暴不行火,孔氏曰:「言風暴然後行火 揚也。 也 「獺聚其 「十月、豺 《月令》: 風暴者,謂氣寒,其風疾,即北風也,自十月始。」 麗於閨者,亦美大之魚也,見其盛多。」古者 「以薄取魚者名爲罶也。」然則曲,薄也。 ふ魚。 こ 也。 孔氏曰:「豺殺 孔氏曰: 蓋葉落而盡,似芟之也。」豺祭獸,然 身形厚而長大,頰骨正黄,有力解飛者。」 魚以祭先,然後可捕魚。 不芟,斧斤不 ,微物衆多。 陸璣《草木疏》曰:「鱨,一名黄揚,今黄 『季秋,豺 鷹隼 孔氏曰:「郭璞云: 【今吹沙也。」陸 祭獸。』獺 「《釋器》云: 號之寡婦笱耳、非寡婦所作 擊, 祭獸 獸,聚而祭其先,然後 然後 祭 程氏曰:「罶,魚笱之易 而戮禽。」故《夏小 魚 「嫠婦之笱謂之罶。」郭 罻音畏。 Ш 然 林。 後 《月令》:『孟 孔氏曰: 羅設 孔 可 也。」 以 Œ 氏 \blacksquare

句,非是。 已甚矣, 豈所恃以爲治者哉?」〇蘇 使小魚不得過,亦爲盡物也。」故山 節,則草木鳥 之仁人,交萬物有道,取之有時,用之有 使人不知其所以爲之者,然後可行耳。 不然,則叢脞 皆先王之政也,然必有至誠惻怛之心,仁厚愷悌之化 涸,鳥獸 禁之耳,恐盡物以長養之故也。」士不隱塞,庶人 其酒既旨且多,言無 君子於是及其閑暇,而 諸侯言不掩群,大夫言不麛不卵,各舉其力之所能以 者。] 尉,捕鳥網細密者也。 不數罟,罟必四寸,然後入澤梁。 不靡不卯,孔氏曰:「天子雖田獵,不得圍之使匝 也。」是以天子不合圍,諸 乃行羽物」, 夏,鷹乃學習。 「梁止可爲防於兩邊,不得當中皆隱塞。 罟目不得小 「舊説『君子有酒旨』爲句,『且多』爲 魚鼈皆得 注云: 『此羽物,小鳥鶉雀之屬,鷹所 當以『有酒』爲句,『旨且多』 孟 潤 秋,鷹乃祭鳥。」《司裘》云『仲秋,王 繁植 其 所 所然。」朱氏曰:「凡此 ,無有求 自此以上,是取之以 不備也。」〇朱氏 爲醴 侯不掩群,大夫 以 不童,澤不 氏 而不得。 燕樂之。 日: 孔氏曰 古古 肼

『酒」、「鯊」、「多」、亦隔句協韻也。」爲句。言酒旨而又多也。且「罶」、

以爲鰋、鮎、鱧、鮦四者各爲一魚。」魚》有「鰋鮎」,孫炎以爲鰋、鮎一魚、鱧、鯇一魚。郭璞毛氏曰:「鰋,鮎乃兼反。也。」孔氏曰:「《釋魚麗于罶,鰋音偃。鯉。君子有酒,旨且有。

物其多矣,維其嘉矣。

蘇氏曰:「多則患其不嘉。」

或不如水産之盛,澤物不如山物之旨,即所謂嘉也。物雖嘉旨,然陸産蘇氏曰:「偕,齊也。旨則患其不齊。」物其旨矣,維其偕矣。

物其有矣,維其時矣。蕃,猶未可以言偕也。

旨而能齊,有而能時,言曲全也。」 有,不可必其時也。」〇蘇氏曰:「多而 乏,則可以待時而取之,故曰:「維其時矣。」物不常 薦魚、春獻鮪」之類是也。」〇吕氏曰:「物常有 程氏曰:「盛 内外無故,則物雖盛,不能全其樂矣。 不專爲用之之時也。 必適當其時,然後盡善。 有,即所謂偕也。 而及時也。」王氏曰:「若『季冬 物雖盛多而偕有, 苟非國家閒暇, 所謂 诗者, 能 丽

二句。《魚麗》六章,三章章四句,三章章

五句。《鹿鳴》之什十篇,五十五章,三百一十

日氏家塾讀詩記卷第十七

● 「○」,疑當删,此下自「郭璞」至「音同」二十六字,據

吕氏家塾讀詩記卷第十八

南陔之什

《白華》,孝子之絜白也。《南陔古哀反》,孝子相戒以養餘尚反。也。

由夷》,萬物得由其道也。一華黍》,時和歲豐,宜黍稷也。

由庚》,萬物得由其道也。 聞』。《鄭志》答炅模云:『爲《記》注時,就盧 有其辭。 亡,亦爲不見此《序》故也。」○張氏曰:「人或言亡 幽、厲尤甚、禮樂之書稍廢棄,以爲孔子之前六篇已 先師亦然。 云『有其義』,而《鄉飲酒之禮》注皆云『今亡,其義未 毛氏曰:「有其義而亡其辭。」孔氏 詩》六篇,古無其詩。 所以亡者,良由施之於笙, 後乃得毛公傳。J彼注又云後世 既無詩,安得有此篇? 非若歌 曰:「此 衰 君 必是 之 微 耳 可

> 孔子之舊。」 《序》、《由庚》本在《華黍》之下,其義 存。 復爲《南陔》之什,則《小雅》之什皆復 曰:「毛公推改什首,予以爲非古,於是 是成王之詩,故下從其類。」〇 備論。於此而與《崇丘》同處者,以 非孔子之舊。」〇孔氏曰:「據《六月》之 見在爲數,故推改什首,遂通耳。而 義,各置於其篇端云。又闕其亡者,以 所,時俱在耳,篇第當在於此。 習。」〇鄭 及秦之世,其義則與衆篇之義合編,故 黍》。』孔子論《詩》,《雅》、《頌》各得 曰:『笙人,奏《南 至毛公爲《故訓傳》,乃分衆篇之 氏 曰 : 「 鄉 陔》、《白 飲 酒 華》、《 燕 遭戦 禮 **>** 其 下 華 國 其 皆

曰《華黍》,次四曰《由庚》,次五曰初一曰《南陔》,次二曰《白華》,次三《六月》序《小雅》諸篇,《魚麗》之後,

鳴》三篇既 子聘晉,伶簫詠 其説不爲無理。 必有譜焉,如《投壺》魯鼓、薛鼓之節,而亡之耳。」 人者,有聲而無詩,朱氏曰:「意篇題之下 既得之矣。 孔子之舊也。 之,則毛公降《由庚》、《崇丘》下從《由儀》耳。 間歌之次,正與《六月》之序同。 丘 近 飲酒 毛氏之舊,今釐正之。 歌《魚麗》,笙《由庚》, 南 南 禮》:「笙人,樂《南陔》、《白華》、《華黍》。 》以下, 豈不 Ш 有 禮》、《燕禮》奏樂之序皆合、《鄉 歌《南山有臺》,笙《由儀》。」《燕禮》亦然。 嘉 臺》,次八 魚》,次 口 而《由 與 可與笙相 蘇氏復《南陔》之什, 歌《鹿鳴》之三。」《鹿 然《國 六日《崇丘》, 簫 日《由儀》,與《 庚》、《崇丘》尚仍 相 歌《南有嘉魚》,笙《崇 和 語》:「叔孫穆 董氏以 和 而歌 以孔氏之説考 而歌乎? 次七 則《 爲笙 乃間 南 此 鄉 曰 飲

《南有嘉魚》,樂音洛。與賢也。大音泰。平

致狎昵。 至誠樂與 治,失賢亦未必趨於亂。 君子哉?」〇陳氏曰:「太平之時,得賢則未必 功成。傳曰太平,治之至也。 王大統未集,武王繼伐,方改定制度,至成 之君子,至誠 間有勉强與賢者共享其樂,亦不能久。 、賢者共之,非天資敦厚,學與 樂 與賢者共之也。 是以賢者漸致疎棄,不肖者漸 然則非成王,其得 性成,不 董氏 王 然 謂太平 曰 有 後 今也 治 益 文 於 定

子 南 ○朱氏曰:「樂,協韻去聲,其義則與音洛者同。」 有 有 酒,嘉賓式 嘉 魚,烝之承反。 燕以 樂。 然罩罩。 音洛, 協句 張 教 五 反。 教 反 君

是也。」

朱氏] 也。」〇《釋 也。』」朱氏 先儒謂丙穴在漢 曰:「南方魚之善者,莫善於江漢之間。」〇山陰陸 毛氏曰:「江漢之間,魚 也」,傳文略舉中以明上下,足知魚、雕皆興也。」 「嘉魚 曰:「興也。」孔氏曰:「毛傳於三章 , 籗助角反。 鯉 文》 質鱒 曰: 「烝 中沔南 鱗肌 ⊟ : 然, 「 烝**,** 也。」孔氏曰: 肉美,食乳 縣 發語聲也。」 北,穴口 王 所 泉,出 産 肅 向丙,故曰 也。」孔氏 「《釋器》云 於 毛毛 丙穴。 一日『興 氏 丙 氏

文》亦作『蒸』字。」 暢,故樂。]〇王氏 之賢也。」〇鄭氏曰:「式,用也。燕, 也。」〇董氏曰:「別本 賓式宴以樂,此所謂樂與賢者共之 也。」〇《釋文》曰:「得賢置酒,歡情 〇丘氏曰:「君子,成王也。 謂 之罩」,李巡)范氏 티. 「罩罩,取之不已也。」 曰:「君子有酒,而 「籗, 編 作『烝然』,《説 細 竹 以 爲 罩 捕 嘉 怡 飲

而,嘉賓式燕以樂」,道其樂與賢之 與賢,則亦從而衰少矣。「君子有 與賢,則亦從而衰少矣。「君子有 與賢,則亦從而衰少矣。「君子有 與賢,則亦從而衰少矣。「君子有 與人好惡。樂與賢,則衆多, 不樂 上之好惡。樂與賢,則衆多, 不樂

嘉賓式燕以衎。苦旦反。南有嘉魚,烝然汕汕。所諫反。君子有酒,

者,今之樔罟也。」○孔氏曰:「《釋器》曰:「樔謂之毛氏曰:「汕,樔側交反。也。鄭氏曰:「樔

也。」」李氏曰:「以見求賢無方也。」

一神之,罾者舉之,爲之難易,得魚一單,下撩之如汕。《淮南子》曰:『罩者罩,下撩之如汕。《淮南子》曰:『罩者如)。」

之。君子有酒,嘉賓式燕綏之。南有樛居虬反。木,甘瓠音護。纍力追反。

而纍也。」○鄭氏曰:「綏,安也。」也。」陳氏曰:「瓠,蔓生。」○董氏曰:「瓠以得所附杪、,解見《周南》。○毛氏曰:「纍,蔓

而不可解也。「南有樛木,甘瓠纍之」,言相與固結木下垂以興君,瓠之甘者以興賢。瓠有甘有苦,甘瓠則可食者也。樛

賓式燕又思。 翩翩者鵻,音焦。烝然來思。君子有酒,嘉

然,如鵻之來集也。」○孔氏曰:「思,皆鵻,解見《四牡》。○李氏曰:「賢者群

協韻 爲思慮之思者 也。 爲辭。 至誠有加而無已也。 來思之思,語辭也。 也。 頻 與之燕,言 嘉賓 ,本字協韻。 既 來, 凡思字爲語助者,上字協 又思,既燕而又思之,以 親之甚 用 此 此 章則來字與 酒 與之燕 也。」朱氏 末 句 又 思字 見其 曰 韻 燕

《南有嘉魚》四章,章四句。

毛氏曰:「有其義而亡其辭。」崇丘》,萬物得極其高大也。

家立太平之基矣。《南山有臺》,樂得賢也。得賢則能爲邦

家之基。樂只君子,萬壽無期。南山有臺,北山有萊。樂音路。只君子,邦

笠。」萊,草也。」陸璣《草木疏》曰:「萊,草名,其 疏》曰: 毛氏 葉可食,今兖州 曰 「夫須,莎草,可 :「興也。臺,夫 人烝以 爲茹,謂之萊烝。] 〇 丘 爲蓑笠。 八須也。 《都 陸璣《草木 士》云 氏 臺

> 期竟 非鬼非食,惑以喪志,雖欲壽,得乎?」 夕、晝、夜。節宣其氣,勿羸其體。 夭,天也。 賢則夭,此天下之通道也。」陳氏曰:「壽 福,不用賢則有禍; 用賢則榮,不 爲國行善政,不賢人必爲國行惡政, 之。其用不賢,則天下詛之。 拘矣。」○范氏曰:「 山之有草木,以喻國之有賢者。 如周大國多賢才。」李氏曰:「詩人之意,只言 曰 也。」 一只, 得賢何益於壽? 辭 也。」 用賢則辱; 陽 氏 孔 君用賢,則天下 曰 ⊟; 氏 用賢則壽,不 一高 若必一一爲説,則 티 : 君子有四 荷不近賢者,則 山多草 用 無 賢人 賢 時 期 則 用 必 朝 有 故

邦家之基矣,誠可以萬壽無期矣。賢才之盛多如此,樂哉王者,誠可爲

光。樂只君子,萬壽無疆。居良反。南山有桑,北山有楊。樂只君子,邦家之

五章反覆詠嘆之,樂之至也

7杞,北山有李。樂只君子,民之父

南

山

母。 樂只君子,德音不已。

言長見稱頌也。」 狗骨。」〇鄭氏曰:「已,止 陸氏《草木疏》曰:「杞,其樹 也。 如樗,一名 不止者,

君子,遐不眉壽? 樂只君子,德音是茂 南 氏 Щ 云:『不遐遠眉壽乎?』』 曰:「遐,遠也。」朱氏曰:「遐、何通。」○毛 毛氏曰:「栲,山樗。 ·茂,盛也。」〇程氏曰:「遐不眉壽, 曰:「眉壽,秀 有栲,音考。 北 山 /] 有杻。 扭,檍也。」○鄭氏 也。」〇鄭 女久反。 氏曰: 樂只 猶

五蓋反。 君子,遐不黄耇? 南 Щ 有枸,俱甫反。 爾後。 北山 音苟。 一有楰。 樂只君子,保艾 音庾。 樂只

數寸,噉之甘美如飴,八月熟。 毛氏曰:「枸,枳枸。 疏》云:『枸樹高大似白楊,有子著枝端,大如指,長 ·枳枸來巢。』則枸木多枝而曲,所以來巢 楰,鼠梓。 孔氏曰:「郭璞云:『楸屬 孔氏曰:「 今官園種之,謂之木 宋 也。 玉 賦 陸 璣

> 也。」陸璣《疏》曰:「其樹葉木理如 云:「耇, 今人謂之苦楸是也。」 黄,黄髮也 老人髮白復黄也。」者,老也。 面 凍 梨,色如浮垢。」」艾,養。 禄,山 孔氏曰: 楸之異者 孔 氏 「孫炎 目

安也。」

《南山有臺》五章,章六句。

由儀》,萬物之生各得其宜 毛氏曰:「有其義而亡其辭。」 也

蓼彼蕭斯,零露湑息叙反。兮。 天下之諸侯,不必以爲四夷之長也。」 外薄四海,咸建五長。□○李氏曰:「澤及四海,言澤及 狄、七戎、六蠻,謂之四 (蓼音六蕭》,澤及 四海 海。《虞書》曰:『州十有二師 也。 鄭氏 曰:「九夷、八

我心寫兮。 毛 氏 日 燕笑語兮,是以有譽處兮。 「興 也。 蓼,長大貌。 蕭, 蒿

既見君子

0 密」、《墨海金壶》本、《毛詩正義》作「蜜」。

蕭祭脂」, 也 孔 氏 蕭 目 香 物 蕭,郭 也。」湑湑 璞云即 然 蒿 也。 蕭 《生 上 民》日 露 貌 『取

保 厚,則下 張 所 燕禮,於其燕也,極 子也,其 樂劉氏曰:「寫者,傾其瞻仰之心也。」 〇 蘇 子 曰 也。」鄭氏曰:「寫者,舒其情意,無留恨也。」○長 也。 氏 不及,如 鄭氏 也。」〇 曰 · 情得 侯來朝,王者推恩以接之,無 心 :「既見君子者,言朝 毛氏 有譽 莫 零露 伸,讒毁不入,而美名 不 傾盡。天子又申之以 曰:「寫者,輸 之於蕭。 處兮,謂 其笑語 君接之以温 故 丽 其既 無間。」〇 寫 見 見天 其 於 可 氏 天

爲龍 蓼彼蕭斯, 天子之恩澤光耀被及己也。」〇丘氏 爽,差也。] 〇鄭氏 爲光。 氏 曰:「瀼瀼,露 零露 其德不爽,壽考不忘。 瀼 瀼。 日 蕃貌。 如羊反。 :「爲龍爲 龍 既見君 光,言 寵 了, 也

壽考,而永不忘於心也。」曰:「見天子之德無有差爽,故皆願

其

心於其間,豈能無偏黨差忒哉?不滿足,所謂「其德不爽」也。苟有矣,而王者德施之普,各稱其分,莫四海諸侯,遠近、大小、親疎亦不齊

如是,宜其有令善之德,壽而且樂也。」 毛氏曰:「豈,樂。弟,易也。」○蘇氏曰:「孔, 甚也。」○董氏曰:「燕,燕諸侯也。」○毛 甚也。」○董氏曰:「燕,燕諸侯也。」○毛 甚也。」○董氏曰:「燕,燕諸侯也。」○毛 以前在反。弟。音悌。宜兄宜弟,令德壽豈。 夢彼蕭斯,零露泥泥。乃禮反。既見君子,孔

兄宜弟,無不親睦。有令善之德,壽燕樂,於是祝頌之曰:「庶幾天子,宜侯,莫不在其中矣。諸侯既被天子之矣,自同姓諸侯親者言之。四海諸天子之待諸侯,甚燕樂而豈弟也。兄

以 而 見其疎也 且 樂乎。」亦 爲 同 姓 諸 侯 善 頌 之辭

攸同。 蓼彼 **鞗**徒彫反。 (蕭斯,零露濃濃。 革沖沖, 物弓反。 奴同 和鸞 反。 雝 既 雝 見 君 子, 福

也。 鸞不當在鑣矣。□○鄭氏 言得其和也。」毛氏曰:「在鐮曰鸞。」〇孔氏曰: 鸞。」馬動則鸞鳴,鸞 《周禮注》和鸞,皆以金爲鈴,鸞者在衡, 首也。 鳴,疾則失音,故《詩》云:『和鸞雍雍。』 者也。」○董氏曰:《韓詩》曰:『在軾曰和,在 沖, 毛氏 王 「《四驐》箋云:「置鸞於鑣,異於乘車。」是鄭以乘車之 和者在軾 外,有餘而垂者,謂之革。 鞗皮爲之,故曰鞗革。」〕沖 氏 垂 有車馬,則 曰:「濃濃,厚貌。 飾貌。」○《後漢志》注曰:「干寶 孔氏曰:「郭璞云: 「乘馬 。《魯訓》曰:「和,設軾者也。 有鞗革和鸞矣。 路 車,天子所以 曰:「攸,所也。」 鳴則和 「轡、靶也。 **鞗**,轡也。 應, 馬轡所靶之 好諸 上下 舒則不 鸞,設衡 革 軛 ·, 轡 相 侯 曰

> 遇以 車。」即其 厄。」三章日 韓奕》之二章曰: 德而 成以 事也 禮 : 「其 , 則 萬福 (贈維 「王錫韓侯,鞗 所 何 ? 同 也 乘馬路

金

蓼蕭》四章,章六句

湛湛露斯, 匪陽不晞。 與之燕,所以示慈惠。」 子曰:『昔諸侯朝正於王、王宴樂之、於是乎賦《湛露》。」」 飲,不醉無歸 ○鄭氏曰:「燕,謂與之燕飲酒也。 湛直減反露》,天子燕諸 音希。 侯 也。 諸侯朝覲會同,天子 厭厭於鹽反。 《左傳》: 甯 夜

是不親 耳。1〇孔氏曰:「伏生《書傳》曰:『既侍其宗,然後得 曰:「天子燕諸侯之禮亡,此假宗子 宗子將有事,則族人皆侍。不 日也。 毛氏曰:「興也。 安,閑也。」〇蘇氏曰:「久也。」夜飲,私 晞,乾 也。 醉 也。 而 不出,是渫宗 湛湛,露茂盛 厭厭,安 也。 ,與族 也 醉 貌。 Ĵ 孔 加 燕 燕爲 氏 鄭氏 出 日: 也 説

門外。 至 取 日 執 則 醉而不出,是不敬。」與此傳同。 見天子恩禮諸侯之厚。] 〇《説文》曰: 非至醉則不止。 感,安也。《詩》曰:『愿愿夜飲。』」 加以 庶子執燭於阼階上,甸人執大燭於庭,閱人爲燭於 曙 以 :「露,以夜降者也。 **燕私者何?** 爲比 則 賓醉,北面坐,取其薦脯以降,奏《陔夏》,取 賜 不 鍾人於門内霤,❷遂出。」」○歐 乾。 云。 而與族人飲,●飲而不醉,是不親 湛湛之露,潤霑於物,非 厭厭之飲,恩被於諸侯, 舉其燕私慇勤之意,以 因其夜飲,故 諸侯《燕禮》曰: 陽 沂 氏 所

載考。 湛湛露斯,在彼豐草。厭厭夜飲,在宗

者,天下之宗,諸侯之所主也。在宗載木,如王恩被諸侯爾。」○范氏曰:「王口:「言在彼豐草、杞棘者,以露之被草曰:「言在彼豐草、杞棘者,以露之被草之屬。」○鄭氏曰:「考,成也。」○歐陽氏氏曰:「言在所尊者之室。」○朱氏曰:「宗室,蓋路寢氏曰:「曹,茂也。夜飲必於宗室。」丘

考,禮成而恩洽也。」

湛湛露斯,在彼杞棘。顯允君子,莫不

令德。

過三爵,亦可謂不繼以淫矣。」
言厭厭夜飲,後兩章言令德令儀者,言此與也。」○歐陽氏曰:「令德令儀豬。」程氏曰:「前兩章亦、温克之容,皆令德也。」○曾氏曰:「向兩章心,温克之容,皆令德也。」○鄭氏曰:「令,善,指諸侯爲賓者也。」○鄭氏曰:「君

莫不令儀。 其桐其椅,於宜反。 其實離離。 豈弟君

然,亦喻諸侯在燕有威儀爾。孔氏曰:「言曰:「其桐其椅,木之美者。其實離離離,垂也。」程氏曰:「離離,猶纍纍。」○歐陽氏椅,解見《定之方中》。○毛氏曰:「離

子,

^{)「}而」上,《毛詩正義》阮元《校勘記》謂當有「已」字。

^{) 「}內」,原作「外」,據《墨海金壺》本與《儀禮注疏》改。

其蘊藉自持,威儀不至醉亂。」詩人比事,多於卒

章别引他物。」

《湛露》四章,章四句。

章,八十六句。《南陔》之什十篇,其六篇亡,其四篇十七

吕氏家塾讀詩記卷第十八

吕氏家塾讀詩記卷第十九

彤弓之什

《彤徒冬反弓》,天子錫有功諸侯也。《左傳》: 《彤徒冬反弓》,天子錫有功諸侯也。《左傳》: 「甯武子曰:『諸侯敵王所愾而獻其功,於是乎賜之彤弓一,形矢百,玈弓矢千,以覺報宴。」」注:『愾,恨怒也。覺,明也。謂諸侯有四夷之功,王賜之弓矢,又爲歌《彤弓》,以明也。謂諸侯有四夷之功,王賜之弓矢,然後專征伐。」 之弓矢,使專征伐,以正諸夏。此王室之弓矢,使專征伐,以正諸夏。此王室之所以尊也。不然,則强陵弱,大并小,而莫之制。天子之政令,有所不行,故而莫之制。天子之政令,有所不行,故而莫之制。天子之政令,有所不行,故而莫之制。天子之政令,有所不行,故一三。《彤徒冬反弓》,天子錫有功諸侯也。《左傳》:

時可知矣。」
之賜,惟及晉文侯、文公二人,則先王盛

臣拜表輙行者異矣。司馬所職,非諸侯所專也,與後世强不容待報者。其他則九伐之灋,乃大所謂專征者,如四夷入邊、臣子篡弑

文》云「弨,弓反」,謂弛之而體反也。」○李氏曰: 文》云「弨,弓反」,謂弛之而體反也。」○李氏曰: 《 。 於弓漆之色赤,茲弓漆之色黑也。賜弓赤一而黑露。 於弓漆之色赤,茲弓漆之色黑也。賜弓赤一而黑 好」,則形弓,其《周禮》之唐弓、大弓乎?《夏官·司 身上,則形弓,其《周禮》之唐弓、大弓乎?《夏官·司 射」,則形弓,其《周禮》之唐弓、大弓乎?《夏官·司 射」,則形弓,其《周禮》之唐弓、大弓乎?《夏官·司 中,曰唐弓、大弓以授學射者、使者、勞者」,注:「往 一,曰唐弓、大弓以授學射者、使者、勞者」,注:「往 一,曰唐弓、大弓,學射者弓用中,後習强弱則易也。」 一,曰唐弓、大弓,學射者弓用中,後習强弱則易也。」 不體寡,平於弓,學射者弓用中,後習强弱則易也。 其二、 以 講德習射。

二九

中心貺之。鐘鼓既設,一朝饗之。

彤弓弨尺昭反。兮,受言藏之。我有嘉賓,

饗,盛禮也。」 文,無所不稱者也。」范氏曰:「鍾鼓,大樂也。 賜必多,賜之多者儀 醻之者,言功之大者情必厚,情之厚者 儀 **貺之,喜之好之」者,言是錫也,非以** 吕氏曰:「天子錫有功諸侯,必曰『中心 樂劉氏曰:「行慶賞必與神人共之,故行饗禮於廟。」 太牢以飲實,殺牲俎豆盛於食燕。《周語 有體薦,燕有折俎。」公當饗,卿當燕,是禮盛也。」〇長 饗不終日也。」大飲賓曰饗。」孔氏曰:「饗者,京 數,禮成而罷。《左傳》曰:「鄭饗趙孟,禮終乃燕。」是 者,工成而獻王,王受而藏之,以待賜 也。」〇毛氏曰: 朝,早朝也。孔氏曰:「燕或至夜,饗則如其獻 也、出於吾情而非勉也。饗之、右之、 蘇氏曰:「其賜之也,行之以饗禮。」〇 也。」〇王氏 「貺,賜也。」○鄭氏 必盛,所謂本末 日 「受言藏 **\(\)** 「王饗 情 爲 之

弓人所獻,藏之王府,以待有功,不敢「彤弓弨兮,受言藏之」,言其重也。 受

0

形,四

庫本作「敬」。

既設,一朝饗之」,言其速也。以王府 也。 也。 臣解體,至有印刓而不忍予者,則 與「中心貺之」者異矣。 事勢。至有朝賜鐵券而 之」者異矣。賞賜非出於利誘,則迫於 至有以武庫兵賜弄臣者,則與「受言藏 顾惜之意也。後世視府藏爲己私分, 寶藏之弓,一朝舉以畀之,未嘗有遲留 輕予人,如《説命》「 朝饗之」者異矣。 中心實欲貺之、非由外也。「鐘鼓 「我有嘉寳,中心貺之」,言其 惟衣裳在笥」之意 屯膏吝賞,功 暮屠戮者,則 賏 誠

之。鐘鼓既設,一朝右音又。之。 彤弓弨兮,受言載之。我有嘉寶,中心喜

之,則以言其藏之無敢不弔也。」●○毛王氏曰:「其藏弓也,載以抗之,櫜以韜

氏曰:「右,勸也。」孔氏曰: 「謂設饗禮、勸 其功

也。」〇王氏曰:「尊而右之。」

中心好呼報反。之。鐘鼓既設,一朝醻 彤弓弨兮,受言囊古刀反。之。 我有嘉賓 市由

之,宜矣。

反。

之。

酌賓,謂之醻。 氏曰:「飲酒之禮,主人獻賓,賓酢主人,主人既飲又 獻矣,又醻之也。主既獻,賓既酢,則報 施足矣,於是有醻焉,則所 衣也。」喬,報也。」○王氏 毛氏曰:「橐,韜吐刀反。也。《釋文》曰:「弓 曰:「醻之者,既 以爲厚也。」鄭

《彤弓》三章,章六句。

《菁菁子丁反者莪五何反》,樂音洛。育材 士、俊士、造士、進士,養之以漸,至於官之。」〇朱氏曰: 矣。鄭氏曰:「樂育材者,歌樂人君教學國人。秀士、選 君子能長 ·先王盛時,家有塾,黨有庠,術有序,國有學,其制見於 周官》、《孟子》與夫《禮記》漢儒之説者,皆不同也,蓋其 張丈反。 育人 材,則天下喜樂之 也

> 明人倫也。 其意未嘗不同也。 詳不可得而攷矣。 、樂,養其良知良能之善,以俟其成德而賴其用焉,則 此 所謂長育人材者。 至以爲教之以孝弟忠信,《詩》、《書》、 故《孟子》曰『學則三代共之』,皆所以 能如是,則天下喜樂

菁菁者莪,在彼中阿。 其天子行禮於學校,燕飲而歌之與?」 歌之也。《菁菁者莪》之詩,則宜何歌 陳氏曰:「《小雅》二十二詩,皆因其事而 過行,無所從入,此人材 莫先於禮 曰:『《菁菁者莪》廢,則無禮儀矣。』 〇 吕氏曰:「長育人材之道,固多術矣, 儀。 禮儀者,内外兼養,非心 既 見君子,樂且 所以成也。 故 ௱

有儀。

也。 子能長育人材,如阿之長莪菁菁然。」昌 食,又可蒸。」中阿 田 毛氏曰:「興也。 漸洳之處,葉似邪蒿而 陸璣《草木疏》曰:「莪,蒿也。一名蘿 呵 菁菁,盛貌。 中 細、科生。二月中、莖可生 也。 大陵 曰 莪,蘿蒿 阿。 蒿,生

賢材,莫如致敬以有禮,則賢者出,而風俗厚矣。 以養天下之材,樂且有儀,所以爲先也。」 耳。」鄭氏曰:「以禮儀見接。」○范氏曰:「養天下之 歐陽氏曰:「謂此君子,樂易而 子,樂且有儀者,天下美之之辭 使之菁菁然盛也。] 〇昌黎韓氏曰:「既見君 (韓氏曰: 「君子之長育人材,若大陵之長育微草,能 有威 也。 禮所 儀

心則喜。 菁菁者莪,在彼中沚。 音止。 既見君子,我

百朋。 菁菁 者 莪, 毛氏曰: 在彼 中沚 中陵。 一,沚中也。」 既見君子, 錫 我

枚爲一朋,直錢一十。 以上,二枚爲一朋,直錢三十。小貝一寸二分以上,二 率枚直錢三文。」王莽多舉古事,而行五貝,故知古者 六分以上,❷二枚爲一朋,直錢五十。 八分以上,二枚爲一朋,直錢二百一十。● 壯貝三寸 毛氏 曰:「《前漢·食貨志》:「王莽置貝貨五品:大貝四寸 賜也。 .曰:「中陵,陵中也。」○鄭氏 古者貨貝,五貝爲朋。 不成貝寸二分,漏度不得爲朋 么貝二寸 曰 : '四分 孔 氏

> 厚之以禄,則士之才成矣,樂其成吾才,而又 益於王之多也。」 也,豈特爲厚禄乎哉?」○范氏曰:「錫我百朋,言 貨貝焉。」錫 我 ,百朋, 得 禄多 /也。」王 氏 E : 能用 我 彼

汎汎 我心則休。 芳劒反。 楊舟,載沈載浮。 既見君子,

也。 馳載驅」之類,以比未見君子而心不定 氏曰:「載沈載浮,猶言『載清載濁』、『載 則也。」〇鄭氏曰:「休者,休休然。」〇朱 毛氏曰: 既見君子,心休休然安定也。」 「楊木爲舟。」○孔氏 「載

菁菁者莪》四章,章四句。

變 小 雅變大雅説附

鄭 氏 曰 : 「《詩譜》 曰 ||《小雅 六月》、

0 十」下,武英殿本《漢書》有「六」字。

壯」,原作「牡」,據《毛詩正義》與殿本《漢書》改。

皆以爲幽王之變小雅。孔氏曰:「鄭氏《詩譜》 變小雅。 皇甫謐曰:「宣王三十年,王伐魯,諸侯從 各以其時,正之次也。二〇《釋文》曰: 厲王,無緣横移其第,改爲幽王。」. 〇蘇氏曰:「《小 謂《十月之交》、《雨無正》、《小旻》、《小宛》皆刺厲王 亦容美刺並作,不可以限斷也。」從《節南山》至 是三十年前事,箴規之篇當在三十年以後,王德漸衰, 此而不睦,蓋周衰自此而漸也。大局宣王之美詩,多 誰 位。」此其所挾以爲厲王者也。 使幽王之世,師尹、皇 皇甫不得並政,褒姒、豔妻不得偕寵,番與鄭桓不得同 第,因改之耳。其言此詩所以非幽王者,曰"「師尹、 旻》、《小宛》皆厲王之詩也。毛公作《故訓傳》而遷其 雅》無厲王之詩,鄭氏以爲《十月之交》、《雨無正》、《小 篇正刺幽王,●孫毓曰:『毛公明於詁訓篇義,誠自刺 篇容可在此。今《韓詩》亦在此。王肅、皇甫謐以爲四 詩,毛氏移之於此。若如鄭言,《毛詩》爲毛公所移,四 「從《六月》至《無羊》十四篇,是宣王之 、大雅・民勞》之後,皆謂之變雅。 何草不黄》四十四篇,前儒申公、毛公 、番與鄭桓,先後在事,褒姒以色居位,謂之豔妻,其 不可? 且漢之諸儒,異師相攻,甚於仇讎。 美惡 苟毛

《瞻印》及《召旻》二篇,是幽王之變漢》至《常武》六篇,是宣王之變大雅。《桑柔》五篇,是厲王之變大雅。從《雲公誠改《詩》第,則他師將不肯信。而《韓詩》之次與公誠改《詩》第,則他師將不肯信。而《韓詩》之次與

《常棣》廢,則兄弟缺矣,《伐木》廢, 缺矣; 《六月》,宣王北伐也。《鹿鳴》廢, 也。 薇》廢,則征伐缺矣。 王氏曰:「《采薇》之師,不 遠,耳目之所不能及,非有忠信司其見聞,其可哉?」 者華》廢,則忠信缺矣; 得已而後起。序其情而閔其勞,所謂説以使民犯難者 友缺矣; 征伐之義,如斯而已。」《出 《杕杜》廢, 《四牡》廢,則君臣缺矣; 《天保》廢,則福禄缺矣, 則師衆缺 長樂劉氏曰:「四海 車 》廢, 矣; 則功力缺 王氏曰:「征 《皇皇 則和樂 則朋 《采 廣

) 「皇」,原作「王」,據《墨海金壺》本改。

興,内脩 遂矣; 故序《詩》者詳記其所由 厲,而《小 張氏曰:「《小雅》盡廢,未必皆厲王之罪,固亦 之聲未廢,然其實不舉,則無所施之,所謂廢也。 朱氏曰:「成、康既没,文、武之政,侵尋弛壞。至于夷 雅》盡廢,則四夷交侵,中國 《蓼蕭》廢,則恩澤乖 《魚麗》 安,下不得其所矣; 伐之功 失其道理矣; 黍》廢,則蓄積缺矣; 友缺矣; 宣王所以北伐者,由厲王《小雅》盡廢,致四夷交侵。」○ 》之見於經者,於是變矣。. (力,在 《菁菁者莪》廢,則 政 ·雅》盡 廢 (事,外 《南山有臺》廢,則爲國之基隊直類 《由儀》廢,則萬物失其道理矣, 《彤弓》廢,則 《白華》廢, 將 則法度缺 廢矣。 攘 帥 夷 而 《南有嘉魚》廢,則賢 (狄,北 蓋其人亡,其政 릲 I 廢 興 丽 矣, 伐南 矣; 《崇丘》廢,則萬 者如此 則廉 將 《由庚》廢,則 無禮 帥 征,以復文、武 之所 《湛露》廢 《南陔》廢 微 耻 息。 夏户雅 儀矣; 缺 發其端。 恃者,師 矣。 矣; 雖鐘鼓管弦 孔氏曰: 有漸。J〇 之境 反。 了, 則 則 宣王中 衆 而《小 物 者 陰 佘小 也。 陽 孝 衰 萬 不 華

我是用 騤,求 六月棲 氏曰: 氏 正也。」 氏曰: 弁。」又以爲衣、《春秋》「晉郤至衣靺章之跗注」是也 簡閱其車甲、牛馬、士卒、干戈,以爲精强也。」 者之制及萃數,未盡聞也。] 〇孔 對敵自蔽隱之車也。輕車,所用馳敵致師之車也。 長樂劉 横陳之車 五者皆兵車,所謂五戎。戎路,王在軍所乘也。 車之萃,萃車之萃,輕車之萃」,注: 等有五。」《周禮》「車僕掌戎路之萃, 氏 所乘四馬皆强壯,乃載是常從戎韋弁之服以出 司 「栖栖」同。 "服》云『凡兵事,章弁服』,注云:"章弁,以 曰:「棲棲,不安也。」李氏曰:「與《論 龜 急。 「棲棲,簡閲貌。」○鄭氏 棲 反。 「戎車之常服, 章弁服 「騤騤者,馬之强 也。 長樂劉氏曰:「戎車既飭者,謂 |氏曰:「六月,建巳之月也。」〇 注"『栖栖,猶皇皇,言其不安也。』」〇毛 音西。 王 于 載 闕車,所用補闕之車。 是 出征 常 戎 服 車 一,以 既 玁 飭。 匡 而 狁 王國 有節 氏曰 「萃,猶副 孔 音 苹,猶屏也 也。」孔氏日 敕。 熾 「戎車 廣車之萃,闕 甸出乘車 也。」〇鄭 「飭, 四 尺 也。 廣車 志 牡 征 ,所用 丁,其 必 王 齊 騤 此

既成我服。 比毗志反。 ,以佐天子。 子 曰 : 也。 率土之濱,莫非王臣。要服之内,是王國之封畿也。」 狁,以正王國之封畿。]] 孔氏曰:「言王國,以 以玁狁侵伐,不得已也。」王曰:『今女出征 氏曰:「《司馬法》云:「冬夏不興師。」 宣王六月出 民生之不易。」杜元凱以于爲曰,與此正同。」匡,正 王自征而又佐天子乎?」〇李氏曰:「按《左傳》樂武 王于者謂王曰也。 甚也。」〇毛氏 曰:「于,曰也。董氏曰:「《爾雅》以于爲曰 又以爲衣,而素裳白舄 (周禮》云韋弁、皮弁服,皆素裳白舄,以淺赤韋爲弁) 記六月者,當夏出兵,明其急也。李 『楚自克庸以來,其君無日不討國人,而訓之于 物四驪,閉之維則。 我服既成,于三十里。 如下章『王于出征,以佐天子』,貴 曰:「熾,盛也。」○鄭氏 也。」〇朱氏 維此六月, 王于出 師, 玁

之」,注云:『毛馬,齊其色。物馬,齊其力。』傳以直言事,祭祀、朝覲、會同,毛馬而頒之。凡軍事,物馬而頒「物,毛物也。」孔氏曰:「《夏官·校人》云「凡大《釋文》曰:「比,齊同也。」○毛氏曰:

取同色。 月 比物而閑之之事以美之也。 維則」者,既言『駟牡騤騤』矣,又追本其 子之事。」〇王氏曰:「『比物四驪,閑之 周九百里,師行三十里,故三十一日而度。] ()鄭氏 爲天駟,故傳曰:「月在天駟。」戊午度于孟津,孟津去 其教閲有素 也,故曰「駟騵彭彭」,又曰「乘其四騏」。田獵齊足,而 驪,言馬有餘也。」孔氏曰:「戎車齊力尚强,不 力之物。] 〇蘇氏 物則難解,故連言毛物以曉人也。 志》:「武王伐紂,師初發,以殷十月戊子,日 曰: 「吉行五十里,師行三十里。」〇《前漢・律曆 也。」〇毛氏曰:「師行三十里。」漢文帝詔 曰『四黄既駕』,是皆同色也。無同色者,乃取異毛耳 曰:「王曰:『今女出征伐,以佐助我天 七度,故傳曰:『日在析木。』是夕也,月在房五度,房 「騏駵是中,騧驪是贂」是也。」○長樂劉氏曰: 閑習之久,則進退馳驅,不失其則,言 ,既成我服」者,既言『載是常服』矣, 而言四驪者,雖以齊力爲主,亦不厭其同色 也。」〇鄭氏曰:「服,戎服 曰: 「既比 然則比物者,比同 其物,而 「維 在析木箕 又四

胡

天子鎮撫四夷,安中國,非小事也。」 也。」〇長樂劉氏曰:「所以出征者,以佐 其應變之速,從事之敏,而不失其常度 即日遂行。不徐不疾,盡舍而 又 曰:「是月之中,即成我服。 追 本其成服之時 以美之也。」〇 既成我服 止。又見 朱氏

四

, 牡脩廣, 其大有顒。 玉容反。

武之服,以定王國。

以奏膚公。

有嚴有翼,共音恭。

武之服。

共

薄伐玁

此 莫尚於嚴,莫先 章皆言自治之備。」〇范氏曰:「凡兵事, 鄭氏曰:「服,事也。」〇吕氏曰:「上三 翼,敬也。」〇蘇氏曰:「有嚴有翼,言將 帥之德也。」〇朱氏曰:「共與供同。」〇 奏,爲。膚,大。公,功也。嚴,威嚴也。 毛氏曰:「脩,長。廣,大也。 ,則足以定王國矣。」 於敬。 共武之服者如 顒,大貌。

> 老反。 行。户郎反。 **斾央央。於良反。元戎十乘,繩證反。** 玁狁)匪茹, 及方,至于涇陽。 如豫反。 整居 注焦穫。 織音志。 音 文鳥章 護。 以先啓 侵 鎬

以爲遠。」顏師古曰:「鎬,非豐鎬之鎬。」 涇陽,涇 之。其《詩》曰:『來歸自鎬 字雖異,音實同也。」〇毛氏曰:「鳥章 水之北。]孔氏曰:「水北曰陽。]○孔氏曰: 者也。」□○《前漢書》劉向疏曰:「吉甫之歸,周厚賜 帝都,而濟陰有長安鄉,漢有洛陽縣,此皆與京師同名 下章云「來歸自鎬,我行永久」,言吉甫自鎬來歸, 北矣。□○鄭氏曰:「鎬也,方也,皆北方地 穫,周地接于玁狁者。」《爾雅》曰:「周 曰:「周,岐周也。 以焦穫繼岐周言之,則於鎬京爲 穫。] ○郭璞曰:「今扶風池陽縣瓠中是也。] ○孫 鄭氏曰:「茹,度也。 《春秋》「公至自晉」、「公至自楚」也。長安、洛陽,代爲 曰:「整居,言無憚也。」〇毛氏曰:「焦 織、《史記》、《漢書》謂 孔氏曰:「鎬,王肅以爲鎬京。 ,我行永久。』千里之鎬,猶 整,齊也。」〇蘇氏 之幟。 王基駮曰: 幟 與織 有 西 炎 焦

以 氏 名以解之。元戎,大車之善者,故云先良也。」 良也。」孔氏曰:「《司馬法》文也。先疾、先良,傳因 也。 也。 《大傳》謂之徽號,今城門僕射所被及亭長著絳衣,皆 曰 : 生之徽織。三元,大也。 長半幅,赬末,長終幅,廣三寸,書名於末。」此蓋其制 其舊象也。」《士喪禮》曰:「爲銘各以其物,亡則以緇 貌。 織,以着於衣。《司常》『掌九旗之物名各有屬』,注 小耳,以絳爲終,各畫其章。 與旆古今字也。 云:「物名者,所畫異物則異名 所以統其餘也。」白斾,繼旐者。 畫急疾之鳥隼是也。 徽織者,自王以下,其制如所建旌旗而畫之,其象但 革 兵,凶事。若有死者,亦以相别也。 織、徽織 孔氏曰:「斾繼旐垂之。云『白夜,繼旐者」,夜 軍行之前者,所謂 殷曰寅車,先疾也。 鳥 軍前日 章 也。 也 此旟而言旐者,散則通名。]○鄭 將帥以下,衣皆著焉。]〇孔氏 |啓,後 獨 孔氏曰 (言鳥章者,百官建旟,舉百 夏后氏曰 又絳爲旒,書名於末爲徽 曰 選鋒 「錯,置· 殿。 也。 周曰元戎,先 屬,謂 央央,鮮明 也。兵法 元戎十 鉤車,先正 也。 死之銘旌 革,急 徽織 〇 王 日 也。 也 即 氏 官

> 兵無選 戰,戰必勝矣。」○《釋文》斾作夜,曰: 罪而致討焉。 朱氏曰:「是以建旌旗,選鋒鋭,進聲其 矣,安得不飭勵我師,以攘 劉氏曰:「言玁狁 也,遂至于涇陽。 整居焦穫,又侵于鎬,漸進于方,未已 陷軍之車,所以冒突先啓敵家之行伍也。」.○長樂 戎十乘,謂車縵輪,馬被甲,衡扼之上盡有劒戟,名曰 行。』韓嬰《章句》曰:『元戎,大戎,謂兵車也。 車有 之藏,以賞元戎」,注:「《詩》云:『元戎十乘,以 本又作施。」 鋒 日 北。」《史記・三王世家》云 直而壯,律而臧,有所 不度其力,輕侮天子, 觀其賊鋒,可謂 斥之乎?」 虚 孔 先 御 熾 大 府

文也,鳥章特其一爾。詩之所指,乃「日月爲常,交龍爲旂」之類,皆幟之

乙反。既佶且閑。薄伐玁狁,至于大音泰。戎車既安,如輊竹二反。如軒。四牡既佶,其戎事既安,如輊也以其古之軍制,故附見焉。所建之旗。鄭氏所箋,乃所服之號,

二九九

原。文武吉甫,萬邦爲憲。

安閑,驅之出 原,言逐出之而已。」 昌氏曰:「治戎有備,車馬 且開J。」〇毛氏日 章曰『四牡脩廣,其大有顒』,五章曰『四牡既佶,既佶 鄭氏 復閑習。」范氏曰:「凡兵之動,莫善於馬之良,故 之如軒,是適 曲。」〇毛氏曰:「文武,有文有武 却 朱 也。」〇毛氏曰:「憲,法也。」〇孔氏 甫,尹吉甫也。」〇鄭氏曰:「此時大 軽,居後不能令人軒」,注:「言爲人無所輕重也。」 () 當周宣王時,獫狁内侵,至于涇陽。 ·大原,地名,亦曰 ,戎車既安正矣,從後視之如 章曰『四牡騤騤』,二章曰『比物四驪,閑之爲則』,三 前 氏 後 其視戎狄之侵,譬猶蟁蝱之螫,歐之而已。」() 曰:「輊,車之覆而 也。」《後漢書》馬援疏 「佶, 壯健之貌。」〇朱氏 竟而不窮追也。」〇《前 ご調 也。 「薄伐 大 四牡既壯健 鹵,今在大 前 玁 云「居前不能令人 也。 漢書》嚴 命將征之,盡境 狁 軽,從前 軒,車 也。 矣, 允曰: 原 日 티 : 且 視 將 吉 之 陽

> 武,則萬邦以爲法矣。」 文無以附衆,非武無以勝敵。能文能於是美之曰:『文武吉甫,萬邦爲憲。』非 正氏曰:「能伐敵而攘之,則吉甫之力。

唐古外反。鯉。侯誰在矣,張仲孝友。久。飲於鴆反。御諸友,炰白交反。鼈卑滅反。吉甫燕喜,既多受祉。來歸自鎬,我行永

也。 極勸之也。」孔氏日 之,又多受賞賜也。 之臣征伐,與孝友之臣處内。]〇 毛氏 曰:「炰鼈膾鯉 來,又日月長久,故飲之酒。] 〇 曰:「吉甫既伐玁狁而歸,天子以 友。」〇毛氏曰:「侯,維也。 曰:「諸友,王之諸臣也。 曰:「進諸友與俱飲,以盡其歡。」○ 善父母爲孝,善兄弟爲友。 曰:「祉,福也。 ,又加其 「燕禮,其牲狗。 王以吉甫遠從 御,進 、珍美之饌,所以 王以群 也。」〇: 張仲,賢) 使文 天子之燕 燕禮 孔 鄭 鄭 鎬 范 臣 樂 氏 臣 地 爲 氏

妨功害能之人至,則若吉甫者,其身之不閱 同志者輔王耳目而迪其心,❶則妨功害能之人至矣。 矣。」王氏曰:「吉甫爲將於外,而内無忠順之臣與之 張仲居朝,所以輔其德也。 苟無孝友忠 不過 而敦厚之,然後戎狄可攘,而外患 戎狄,四支也。故孝友之臣日納王於善 而不善之政將出於内。 信之臣養君之心,則雖征 内。」〇范氏曰:「宣王使吉甫征伐,而 孝友之賢者曰張 有 「於諸友之中, 牢 牲。 魚 鼈 非 常膳, 仲,以顯孝友之臣 維 誰在矣? 故 朝廷,心腹也。 云加之。□○ 伐有功於外, ,何暇議勝 獨 可 陳 舉 除 與 處 氏 其

《六月》六章,章八句。以臣爲友也,蓋其親近者也。《酒誥》曰:「矧大史友,内史友。」君固

云征,便辭爾,無義例也。」《采芑音起》,宣王南征也。 孔氏曰:「上言伐,此

新力反。 簟茀音弗。 魚服,鉤膺鞗音條。 革。叔率止,乘其四騏,四騏翼翼。 路車有奭,方叔涖音利。 止,其車三千,師干之試。 方薄言 采芑,于彼新田,于此菑側其反。畝。

劉氏曰: 車 江東呼初耕地反草爲菑」,是。」方叔,卿士也,受 新田、新成柔田也。畬、和也、田舒緩也。」郭璞曰『今 地》文。菑者、災也。孫炎曰:『菑、始災殺其草木也。 宜馬食。軍行采之,人馬皆可食也。」田 一歲 曰 尤美,胡人戀之不出塞。」○朱氏曰:「此即今苦蕒菜 脆可生食,亦可蒸爲茹,青州人謂之芑。西河鴈門芑 命 疏》曰:「芑菜,似苦菜也,莖青白色,摘其葉,白汁出 語辭。」〇毛氏曰:「芑,菜也。 陸璣《草木 毛氏曰:「興也。」〇程氏曰:「薄言,發 菑,二歲曰新田,三歲曰畬。 孔氏曰:《釋 而爲將也。 乘,甲士三人,步卒七十二人。」長樂 「其車三千,則爲甲士九千,步卒二十一萬六 涖,臨也。」○鄭氏曰:「兵

❶ 「王」,原作「三」,據宮内廳本、四庫本、《墨海金壺

今馬鞅。 飾,唯有樊纓,故引樊纓以解膺。 路、唯金路有鉤、以金爲之、馬頷之飾也。在馬膺之 ^{貌也。}□○孔氏曰:「其車以方文竹簟之席 氏曰:「鉤膺,樊纓也。」孔氏曰:「《巾車》五 爲之蔽飾。」〇魚服,解見《采薇》。 氏 曰:「《瞻彼洛矣》『韎韐有奭』,彼茅蒐染爲奭,故知赤 翼,順序貌。」〇鄭氏曰:「奭,赤貌。」〇 試,肄習也。」〇鄭氏曰:「率者,率其戎 程氏 其四騏之馬,翼翼然甚壯健。」朱氏曰:「翼 車士卒而行也。」○孔氏曰:「方叔自 曰:「師,衆也。 之兵,王氏謂會諸侯之師,此皆以文害辭、辭害 耶。」〇朱氏曰:「其車三千,孔氏以爲兼起鄉遂 千。」○蘇氏 菑畝,皆地力方盛處。」○毛氏曰: 解見《蓼蕭》。 詩人但極其盛而稱之耳,豈必實有此數哉?」〇 :「路車,金路也。 方叔不乘革路者,以革路臨陣所乘。] () 鞗 「師干,猶今云兵甲也。長樂劉氏 曰:「其車三千,以 干,楯也。言楯則戈矛弧矢在其中。」 〇程 氏曰:「采芑于新 金路赤飾。」孔氏 利 樊,今馬大帶。 強強 盛,不得 ○鄭 不 乘

一宣王能新美天下之士,然後用之。」鄭氏「宣王能新美天下之士,然後用之。」鄭氏三:「士,軍士也。」○景氏曰:「母治田而講武事,古之法田,習陣法也。」○昌氏曰:「治止則布其行陣,故上也。」○吕氏曰:「治止則布其行陣,故上也。」○吕氏曰:「治止則布其行陣,故上則事三千里」。率止則作而用之,故言其車馬之盛,服飾之美。」○《釋文》治作其車馬之盛,服飾之美。」○《釋文》治作其車馬之盛,服飾之美。」○《釋文》治作其車馬之盛,服飾之美。」○《釋文》治作其車馬之盛,服飾之美。」○《釋文》治作其車馬之盛,服飾之美。」○《釋文》治作其車馬之盛,服飾之美。」○《釋文》治作

服,朱芾音弗。 祈支反。錯衡,八鸞 瑲 瑲。七羊反。 薄言采芑,于彼新田,于此中鄉。 止,其車三千,旂旐央央。 旗,旂爲上,旐爲下。 物,太常,王所建。旞、旌,象輅、木輅所建。其諸臣之 董氏曰:「旂,諸侯所建也。 治。」〇鄭氏曰:「交龍爲旂,龜蛇爲 蘇氏曰:「中鄉,民居在焉,故其 毛毛 氏 日 斯皇,有瑲葱珩。音衡 軝, 此言上下所建,則餘得兼舉矣。」 轂之軝 旐,縣鄙所建也 方叔率止, 也。 服 朱 方 九旗之 田 其 約 旐。」 叔 尤 涖 軝

之。」孔氏曰:「《説文》云:『軝,長穀。」朱而約之,謂

家丈人者,五十可以衣絲,七十可以食肉,子孫奉之 莊之間,其聲可哀也。不若是,不足以濟其身。 何足以言知戰也? 子見夫乞人乎? 呼號偃仆 起可謂知戰矣,親與士卒最下者同其甘苦。」曰:『是 命服與其芾佩,所以示衆也。]○劉氏曰:「或曰:【吴 尊美,言付之重。」長樂劉氏曰:「始行之時,具 唯三命也。○○程氏曰:「其行也,受服章之 云:『三命,赤韍葱珩。』三命至九命皆葱珩,非謂方叔 也。」〇朱氏曰:「葱,如葱之色。」〇孔氏曰:「《玉藻 也。三命葱珩。」李氏曰:「葱珩,乃蒼玉之珩 市也。孔氏曰:「《斯干》傳云:「天子純朱,諸侯黄 服,所受命於天子之服。]長樂劉氏曰:「方叔 日: 氏曰: 以 朱。こ皇,猶煌煌 出率,則王命加等。」○毛氏曰:「朱芾,黄朱 毛氏曰:「瑲瑲,聲也。」〇朱氏曰:「命 注 皮纏之,而 父母之仇,不共天下, 「鈴在鑣曰鸞。 云焉。」 「錯者,雜也。 Ŀ 孔氏氏 加以朱漆也。」錯衡,文衡也。」孔 馬口兩旁各一,四馬故八也。」() 也。 雜物在衡,是有文飾,其飾之物 曰 : 瑲, 珩聲也。 兄弟之仇,不與共國,非 四四 馬 八鸞。」朱 葱,蒼 若乃 -乎康 氏

> 作瑲。」 母 ; 所依,而小人以爲己腓,安在其毁上下之節哉?!! 斯皇,八鸞瑲瑲。」●道上不失其度,下不失其節也 勝而已矣,惡可以久也?《詩》云:「服其命服,諸芾 故用民者、矯之以身、徇之以愛、濟之以術、苟一時之 先致力焉。子弟豈待父兄已均其苦,然後爲用 虚加之也,然後稱于人情。 駕彼四牡,四牡騤騤。 視民如弟者,民事之如兄。 君子所依,小人所腓」,君子之 視民如子者,民報之如 無所仇云耳,有則争 哉?

○《釋文》「有瑲」作「有創」,曰:「本又

鴥惟必反。彼飛隼,其飛戾天,亦集爰止。 顯允方叔,伐鼓淵淵,振旅闐闐。 止,鉦音征。 方叔涖止,其車三千,師干之試。方叔率 孔氏曰:「鴥鴥然而集也。」〇陸氏《草木 爲布穀者是也。」〇毛氏曰:「戾,至也。」 疏》曰:「隼,鷂)鄭氏曰:「爰,於也。 三稱『其車三千』 人伐鼓。 屬也。 陳 或謂之雀鷹,春化 師鞠居六反。 徒顛反。 旅。

⁰ 瑲 瑲」,原作「鎗鎗」,據四庫本、《墨海金壺》本改。

人曰 百 人 戰也。 王氏曰:「淵淵,深也。 孔氏曰:「顯允, 擊鼓使進哉? 鉦,故前世疑之。 事也。」○董氏曰:「《周官》曰:「鳴鐃且却,聞鉦 止。』則鉦、鐃二物 止,非臨陣獨然。 鐘,鐃似鈴,是有大小之異耳。 云:「鐲,鉦也。 也,鐃也。」則鐲、鐃相類,俱得以鉦名之。故《鼓人》注 通。1然則鈴即《周禮》之鐃也。《説文》又曰:「鐲,鉦 孔氏曰:「《説文》云:『鉦,鐃 鼓也,各有人焉。 以動之。伐,擊也。」○ 淵淵,鼓聲也。 鞠,告也。」鄭氏曰: 1,重師 振旅,復長幼也。」孔氏曰: 八爲師 今《詩》謂『陳師鞠旅』,則未戰矣。 安得鉦人爲 也。」〇毛 Ŧi. 就如此,則亦亂於軍制矣。二二十五 形如小鐘。」是鐲亦名鉦也。 崔靈恩《集注 也。 此文在『陳師鞠旅』之上,是未戰 百 鄭氏曰:「謂戰時進士衆也。」〇 人 明信也。」〇毛氏 但《司馬》有錞、鐃、鐸,而不言 師衆則鼓遠,鼓遠則聲深矣。」 言鉦人伐鼓,互言 氏 「陳師告旅,亦互言之。」() 爲 曰 旅。」〇毛氏 也。 鄭 》謂鉦人伐鼓,則勇於 : 凡軍進退,皆鼓動 氏 鉦 似鈴,柄中上 曰 「古者春教振 以 静之, 鐲似· 티 : 曰 也, 爾。 鼓 而 時 鉦 小 下

> 字同。 氏曰: 嗔嗔』。」 狀。」又曰:「振旅之行亦以鼓,止行則以鉦。」 () 不暴急。❷ 之有節而不過也。其伐鼓 言隼之急疾,亦集於所止,興兵雖强 才,士之衆且 其衆行聲也。」〇程氏 禮一者,坐作進退如一也。」」○鄭氏曰:「戰止 同也。《釋天》云:❶『出爲治兵,尚威武也。 將歸,又振旅伐鼓闐闐然。」董氏曰: 人則尊老在前,復常法也。長幼出人,先後不同,而 旅,反尊卑也。」孫炎曰:「出則幼賤在前,貴勇力 至對陳用治兵禮。 傳》曰"【三年而治兵,入而振旅。】是征伐之時出 ,秋教治兵,以戎是大事,又三年 此闐闐、《説文》引《詩》作『振旅 「《集注》作『伐鼓鼘鼘』、《説文》引 其振旅 勇,進退得宜,趣舍有 戰止至還歸,用振旅法,名異而 也,鼓聲闐 曰:「此章言雖將之 也,淵淵平 教。 闐,整緩 隱 翼翼 人爲 五 年《左 節 董 Ż 和 也 軍 굸 振

❷ 「平和」、《墨海金壺》本作「乎而」。
● 「天」,原作「文」,據《毛詩正義》與宋監本《爾雅》は

雷。顯允方叔,征伐玁狁,蠻荆來威。車嘽嘽,吐丹反。嘽嘽焞焞,吐雷反。如霆如克壯其猶。方叔率止,執訊音信。獲醜。戎蠢尺允反。爾蠻荆,大邦爲讎。方叔元老,

讎。 壯其猶,言方叔雖老而謀則壯也。」故征而執獲 疾者,謂霹靂。」〇程氏曰:「卒章言成功,因 不如此說,但方叔爲一時大老耳。]○鄭氏曰: ○《爾雅》曰:「疾雷爲霆。」郭璞曰:「雷之急 曰:「毛氏謂「五官之長、出於諸侯、曰天子之老」、亦 之蠻也。」王氏曰:「經或言蠻,或言荆楚,春秋之 毛氏 言其致伐之由,蠢爾之蠻,乃與 言中國也。」○毛氏曰:「元,大也。」李氏 初日荆而已,後乃曰楚。」○朱氏曰:「大邦,猶 也。」」〇程氏曰:「蠢,動而無知之義。」蠻,1 ○毛氏曰: -猶,謀也。」○執訊獲醜,解見《出 .釋訓》云:『不遜也。」郭璞曰:『蠢動,爲惡不 方叔克壯其猷,朱氏曰:「方叔,元老。克 曰:「蠢,動也。孔氏曰:「《釋詁》文也。 「嘽嘽、衆也。 焞焞,盛 大邦 車》。 也。 荆州 遜

> 引《詩》曰:「嘽嘽推推,如霆如 蓋嘗與於北伐之功者,是以 戎車之盛,如霆如雷。」○朱氏曰: 而皆來畏服 也。」〇《前漢 書 蠻 ﺨ 劉 雷。 荆 歆 聞 「方叔 廟 其 名 議

《采芑》四章,章十二句。

馬,備器械」以下,其脩政事,攘夷狄,則前乎此矣。 内以事外,而適所以爲亂亡之資也。 苟政事之不脩,而囂囂然務以外攘夷狄爲功,亦見其弊 中興,其事亦曰「内脩政事、外攘夷狄」而已,無二道也 於東都,因 外攘如羊反。 《車攻》,宣王復古也。宣王能内脩政 文、武,以《天保》以上治内,以《采薇》以下治外。 脩車馬,備器械,户戒反。 洛邑也。 周 田 公營之,而成王會諸侯焉。]○李氏 夷狄,復文、武之竟音境。 獵 而選車 徒焉。朱氏曰:「周之 復扶又反。會諸侯 此詩所賦,自『脩車 而宣 E 土 Ŧ.

^{●》}云「蠢爾蠻荆」當作「蠢爾荆蠻」。
●》云「蠢爾蠻荆」當作「鑑荆」,阮校引段玉裁《詩經·

駕言徂東。 我車既攻,我馬既同。四牡龐龐,鹿同反。 「成王有岐陽之蒐,❶亦如宣王之會諸侯而與之田獵也。」

備 馬之高大也。」東,洛邑也。」〇吕氏曰:「言 氏曰:「按《字書·訓釋》、《説文》,並以龐爲高屋,蓋 티 : 氏曰: 也。 成其良,故曰攻。」同,齊也。 董氏曰:「《考工記》五工皆言攻,則攻者治也。 毛氏曰: 車馬以如東都也。」 「齊其馬足。」尚疾也。 孔氏曰:「齊其毫毛,尚純色。」我事齊力,孔 「齊其馬力。」尚强 「攻,堅也。 也。 程氏曰:「攻謂堅治。」〇 龐龐,充實也。 宗廟齊毫,尚 田 獵齊足,孔氏 董

行狩。田車既好,四牡孔阜。東有甫草,駕言

或舍其中。孔氏曰:「未田之前,誓士戒衆,在其曰:「大芟殺野草以爲防限,作田獵之場、殺圍之處。」曰:「甫,大也。 田者大艾草以爲防,孔氏阜,盛大也。」程氏曰:「阜,謂肥壯。」 ○毛氏阜,盛大也。」 理氏曰:「申,明獵之車。好,善也。孔氏曰:「田車,田獵之車。好,善也。

氏曰: 戰也。 者之右門,不得越離部伍。」然後焚而射焉。孔 擊著門傍旃竿,則不得人,所以罰不工也。」左者之 雖同舍防內,令三軍各在一方,其屬左者之左門,屬右 始,各舉其一。」擊則不得入。孔氏曰: 此據質明時初入和門。 馬》「仲冬,教大閱」,言叙和出,此言驅而人。不同者: 左,右者之右。 人,孔氏曰: 「馳走而人門,不得徐也。 《周禮・大司 握,握人四指爲四寸,❷是門廣於軸八寸也。」驅1而 握,孔氏曰: 軌之裏,兩邊約車輪者也。」○槸,魚列反。 爲槸 其門蓋南開,並爲二門 間 衛而立門,以織毛褐布纏通帛旃之竿,以爲門之兩傍 止舍也。」褐 「教戰既畢,士卒出門,乃驅禽納之於防,然後 禮畢,當從是以出田,故叙和出,左右與此終 ,孔氏曰: 「門之廣狹,兩軸頭去旃竿之間各容 纏 「以裘纏椹質以爲門中之闑。闑,車 旃 孔氏曰:「以天子六軍分爲左右」 以 既入,同在後表之中,將以 ,用四旃四褐也。」裘纏質以 爲門,孔氏曰: 「其 「其軸 (防設 間容 頭

握」,四庫本、《墨海金壺》本作「積」。

❶ 「王」,原脱,據四庫本、《墨海金壺》本補。

博大之茂草也。』」 草,駕言行狩。』薛君傳曰:『圃,博也,有 之界,有廣大之草,可以就而田 者不逐之。」古之道也。」〇孔氏曰:「 出所芟之防。」不逐奔走,孔氏曰:「謂出於頃、防 數,戰者不出其頃界。」田不出防,孔氏曰:「田不 禽於其下也。」故戰不出頃,孔氏曰:「戰場有頃 綏,獻禽於其下。 孔氏曰:「舉綏爲表,因獻其 焚此防草而射之。焚所芟之草也。」天子發,然後 發矢射之也。」天子發抗大綏,諸侯發抗 〕《後漢書》注曰:「《韓詩》云:『東有 諸侯發,然後大夫發。 孔氏曰 、獵焉。」 東都 圃 小

搏音博。獸于敖。 之子于苗,選徒囂囂。 五刀反。 建旐設旄,

張氏曰: 王爲夏田也。上云「駕言行狩」、狩者、是獵之緫名。」 ○長樂劉氏曰:「大司馬中夏教茇舍,遂以苗田。」○ 王,故以有司言之。」夏獵曰 毛氏曰:「之子,有司也。朱氏曰:「不敢斥 「蒐苗 獮狩,便習軍行草木間事 苗。 孔氏曰:「此時宣 ,教茇舍亦

> 當往搏取禽獸于敖地、未實行也。」 旐於車,而設牛尾於旐之首。]○鄭氏 惟數者有聲,又見其静治也。」〇孔氏曰:「建立 車徒者,其聲囂囂,則車徒之衆可知。且車徒不譁,而 爲有聲。」〇朱氏曰:「選,數也。 孔氏曰:「在軍不得讙譁,而云囂囂之聲,故知唯數者 然。」囂囂,聲也,維數 曰:「敖,鄭地,今近滎陽。」〇孔氏曰: 「此章言選車徒,備器械,搏獸于敖,謂 車 徒者爲 囂囂,聲衆盛 有 也。 也。 數

具,以待會同畢而 敖,山名。 章、三章先言田 甫草」,即此地也。 可以屯兵,翳薈可以設伏,所謂 季設七覆于敖前,則敖山之下,平 會諸侯爲主,因 晉師 田 救鄭在敖、鄗之間、士 獵 田獵也。 獵以選車徒。 (者,蓋有司先爲 宣王之往東都,以 而二 戒 有 曠

駕彼四牡,四牡奕奕。 有繹。 音亦。 赤芾金舄,音昔。

同

朱氏曰:「 奕奕,連絡布散之貌。]〇毛氏

也。」〇 之國非一,故絡繹不絶也。」 芾金舄者,服其命服以見王也。 奕,言諸侯來會也。」〇長樂劉氏曰:「赤 是也。」〇毛氏 也。」〇王氏曰:「繹者,言其屬連而不絶,若繹絲然 赤芾也。] 時見日 服則朱芾,會同於王則赤芾,臣道也,故此會同有繹則 會同故也。 曰:「繹,陳列聯屬之貌。」毛氏曰:「繹,陳 舄通名。」○王氏曰:「諸侯人君宜朱芾,而此赤芾者 故云達屨,言是屨之最上達者也。 猶有在其上者,爲尊未達,其赤舄,則所尊者莫是過 上,冕服之舄。1下有白舄、黑舄。達屨者,白舄、黑舄 之金舄。《天官・屢人》注云:『舄有三等:赤舄爲 曰:「金舄,黄朱色也。」○孔氏曰:「加金爲舄,❶)孔氏曰:「復會諸侯於東都,此 諸 侯 涖其臣庶則朱芾,君道也。 赤 芾 曰:「駕彼四牡,四 會,殷見日 金舄。 舄, 此舄也而曰屨,屨 達 同。二〇朱 故方叔服其命 屨 也 來會同 牡 鄭 章 奕 氏

我舉柴。子智反。 决拾既佽,音次。弓矢既調。射夫既同,助

毛氏曰:「决,鉤弦也。拾,遂也。」孔氏

0

「舄」、《毛詩正義》作「飾」。

矣。弓之與矢,既强弱相 調,謂弓强弱 曰:「决之與拾,既與手指相比 曰:「此章承諸侯之下。 也。」〇鄭氏曰:「伙,謂 拾,講扞也,着左臂裏,以韋爲之。」 〇長樂劉氏曰: 所以遂弦。《周禮·繕人》注云:「决,天子用象骨! 下也。夫,男子之揔名。]〇毛氏曰: 〇朱氏曰:「使諸侯之人助而舉之,言獲 ○程氏曰:「同,謂同力,如此故獲多。」 「柴,積也。」鄭氏曰:「謂積禽也。」() 决,謂護大指以鉤弦者也。拾,謂護左臂以利弦者 『助我舉掌。』」 决著於右手大指,所以鉤弦開體。 與矢輕重相得。」〇孔 以手指相次比也。 射夫,即諸侯 得 而 調 次而 遂著於左 適 孔氏 矣。」 和利

黄既駕,兩驂不猗。於寄反。不失其馳,此章以下,言既會同而田獵也。

四

舍音捨。矢如破。

射也。」 能中。 驅,終日不獲一禽。爲之詭遇,一 發則 破。』」蘇氏曰:「不善射者爲之詭遇則獲,不然則 獲十。』《詩》云:『不失其 法也。舍矢如破,言矢行巧而力 之能正其馬也。不失其馳,言車行 黄,則又言色之純也。 曰:「向曰四牡,則既言力之强。今曰 應五御之法也。]○鄭氏曰:「射者之工,矢 氏曰:「馳,馳驅之法也。」長樂劉氏曰:「謂 猗,不偏倚也。」王氏曰:「猗,不正也。」〇朱 孔 ○《孟子》曰:「王良曰:『吾爲之範我 氏 中,如椎 使御 曰:「四黄之馬。」〇程 者不失其 直追反。 (馳,而舍矢如 破物也。」○王 兩驂不猗,言御 馳,舍矢 破, 氏 然後 曰:「不 也。」 朝 節 氏 馳 四 丽

反。不盈。 蕭蕭馬鳴,悠悠斾旌。 徒御不驚,大庖蒲茅

朱氏曰:「徒,步卒也。孔氏曰:「《釋訓》云:

二車以上依此。」○董氏曰:「徒御 <u>Ц</u> 二里,萬夫之地,亦軍行之法,故曰『居谷滿谷,居 氏曰:「蕭蕭、悠悠,皆閒暇之貌。」○張氏曰:「三十 言不讙譁也。」孔氏曰:「言軍旅齊肅,唯聞蕭蕭 庖。」○毛氏曰:「蕭 軍中驚』之驚。」〇孔氏曰: 以爲蕃營。」御,車 敵則當之者,聚而攻之守之。 一車止,則七十五人聚 然馬鳴之聲,見悠悠然斾旌之狀,無有譁讙者。二〇朱 「徒御不驚,輦者也。」 輦,人輓行,所以載任器 每方百步一人,故曰「蕭蕭馬鳴,悠悠斾旌」。 御 也。 蕭馬鳴,悠悠斾旌, 驚, 如《漢書》『夜 「大庖、君之 不驚, 也。 山 則 遇 止

言畢事 也。 也。二一曰賓客,孔氏曰:「 豆,孔氏曰:「謂第 均及於衆而有法爾。 「大庖不盈,言擇取 張氏曰:「大庖不盈者,其饌雖多而 而 頒 禽也。」○毛氏曰:「一 一上殺者,乾足以爲豆實,供宗廟 凡事有法,則何患乎不均?」此 而用之有度,不 謂第二殺者,别之以 無餘 曰乾 極欲 蓋 由

有事而善驚,故於是言徒御不驚。」○朱氏

曰

號令有素矣。」王氏曰:「武久不講,士氣惰

法,則

非中不取。 取。」孔氏曰:「以大獸公之,非復己物,君賜使射,故 中則得取 大夫士以習射於澤宫。 害幼小。」禽雖多,擇取三十焉,其 者,嫌誅降之義。」不成禽不獻。孔氏曰:「惡其 左廂而射之。」面傷不獻,踐毛不獻,孔氏曰: 殺,以其中脅,死最遲,肉又益惡。 爲下殺。孔氏曰:「射左股髀而達過於右脅悁爲下 心死疾,鲜潔也。」射右耳本,次之。孔氏曰: 文》曰:「何休注《公羊》:「自左膘射之,達于右腢,中 者,取之以充實君之庖厨也。」故自左膘《釋文》 面傷,謂當面射之, 《釋文》曰:「方爾反,謂股外。」達于右鶻,餘繞反。 「箋云:『射當爲達。 賓客也。]二日 ,《釋文》曰:「音愚,謂肩前也。」爲上殺。《釋 「頻小反,脅後髀前肉也。」而射之,達于右 以其遠心,死稍遲,肉已微惡。」」射左髀, 言嚮者田獵所取用勇力,今射者禮樂所 禽。 充君之庖。 古者以辭 亦自左射之,達右耳本而死者爲 翦毛,謂在傍而逆射之。 田 讓 孔氏曰: 凡射獸皆逐後,從 雖 取,不以勇 不得禽,射 「謂第三下殺 餘 以 不獻 與 力

章序其事既畢,而深美之也。」
曰:「信矣其君子也,誠哉其大成也。此知,所謂「有聞無聲」。」言至肅也。」○朱氏伐鄭,陳成子救之,舍於柳舒之上,去穀七里,穀人不伐鄭,陳成子救之,舍於柳舒之上,去穀七里,穀人不伐鄭,陳成子救之,舍於柳舒之上,去穀七里,穀人不伐鄭,陳成子救之,舍於柳舒之上,去穀七里,穀人不以,原之。」○孔氏

中所陳是也。」
見其慎微,詩人因美之,更稱其接下,得群下之自盡,詩月盡以奉其上焉。 程氏曰:「宣王將田而卜吉日,自盡以奉其上焉。 程氏曰:「宣王將田而卜吉日,《吉日》,美宣王田也。能慎微接下,無不

鄭氏曰:「戊,剛日也。」〇長樂劉氏曰:四牡孔阜。 升彼大阜,從其群醜。

吉日

維

戊,既伯

既禱。

丁老反。

田

車既

好,

《車攻》八章,章四句。

吉日庚午,既差我馬。獸之所同,麀音憂。 **鹿麌 麌。** 曰"「蓋曰可以田矣。」○《説文》禱作禂。 駉。□○孔氏曰:「孔阜,甚盛大也。 大 曰:「車牢馬健,可以歷險從禽。」○朱氏 將用馬力,必先爲之禱其祖。]〇孔 阜,大陵阜也。」○鄭氏曰:「醜,衆也,從 禽獸之群衆也。」○毛氏曰:「重物慎微, 駟,房也。」 孫炎曰: 『龍爲天馬,故房四星謂之天 之伯。伯者,長也,馬之祖始是長也。《夏官•校人》 氏曰:「《釋天》云:「既伯既禱,馬祭也。」故知馬祖 「春祭馬祖」,注云:『馬祖,天駟。』《釋天》云:●『天 田之前二日也。」朱氏曰:「以下章推 」,其戊辰與?」○毛氏曰:「伯,馬祖 愚甫反。 漆沮七徐反。之從,天子 也。」孔 之,是 氏 H

慶麌,衆多也。」董氏曰:「《廣訓》云:「慶,衆「同,猶聚也。」○毛氏曰:「鹿牝曰麀。「外事以剛日。差,擇也。」○鄭氏曰:朱氏曰:「庚午,亦剛日也。」○毛氏曰:

也。□○蘇氏曰:「漆沮,在渭北,所謂洛水也。□○蘇氏曰:「《書》疏云「漆沮在涇水之東,一名水、《職方氏》所謂雍州其浸洛汭」,非河南之洛也。」程氏曰:「漆沮之傍,從彼以至天子之所。」○程氏曰:「漆沮之 應鹿所生也。從漆沮驅禽而至天子之所。」孔氏曰:「漆沮之 應之所。」 一程氏曰:「漆沮,麀鹿所生也。從漆沮驅禽氏曰:「漆沮,麀鹿所生也。從漆沮驅禽氏曰:「漆沮,麀鹿所生也。從漆沮驅禽民曰:「漆沮,麀鹿所生也。從漆沮驅禽臣:「漆沮,麀鹿所生也。從漆沮驅禽臣:「漆沮,鹿鹿所生也。於水也。」

或三三爲群,或二二爲友。」○朱氏曰:其諸禽獸大而甚有。有趨者,有行者,「燕,樂也。」○孔氏曰:「視彼中原之野,俟。獸三曰群,二曰友。」○蘇氏曰:《。或群或友。悉率左右,以燕天子。」。或群或友。悉率左右,以燕天子。

❶ 「天」,原作「文」,據《毛詩正義》與宋監本《爾雅》改。

瞻彼中原,其祁孔有。

儦儦表嬌反。 俟俟,音

日· 「《韓詩》作「駓駓駿駿」。」 ○《説文》引《詩》曰:「伾伾俟俟。」董氏左右之人,各共其事以樂天子也。」 左右之人,各共其事以樂天子也。」

Щ 且 既張我弓,既挾子治反。 千斤。 以酌醴 宥,舉醴言之也。《周官》五齊,二曰醴齊,注: 『醴成 群臣,不徒設醴。《左傳》天子饗諸侯,每曰饗醴,命之 子之飲酒也。」孔氏曰:「醴不可專飲,天子之於 豝,解見《騶虞》。○毛氏曰:「殪,一發 而死。」〇朱氏曰:「兕,野牛也,青色,重 殪於計反。此大兕。徐履反。 御,進也。]〇毛氏曰:「饗醴,天 我矢。 發彼小 以御賓客 ? ? ? 音

> 客,且以酌醴,道宣王接下之誠意也。」 觀諸此足矣。 都,所以見軍實之盛焉,所以見師律 是嚴焉,所以見軍實之盛焉,所以見師律 之嚴焉,所以見軍實之盛焉,所以見師律 之嚴焉,所以見王賦之復 也。 蓋蒐狩之禮,所以見王賦之復 之嚴焉,所以見王賦之復 之嚴語,所以見王賦之復 之嚴語,所以見王賦之復 之嚴語,所以見王賦之復

《吉日》四章,章六句。

之、散者集之。」
之民、勞者勞之、來者來之、往者還之、擾者定之、危者安矜古頑反。寡,無不得其所焉。王氏曰:「宣王矜古頑反。寡,無不得其所焉。王氏曰:「宣王而能勞力報反。來力代反。還定安集之,至于《鴻鴈》,美宣王也。萬民離散,不安其居,

曰:「鴻、鴈俱是水鳥,其形鴻大而鴈小,春則避陽暑毛氏曰:「興也。大曰鴻,小曰鴈。孔氏

實,酌而飲群臣也。」〇程氏曰:「以

言殪,言射著即死。」○鄭氏曰:「以所獲

爲

俎

曰:「發彼小豝,殪此大兕,言能中微

獸矣,於是張弓挾矢

而射之。」〇毛氏

制大也。」孔氏曰:「小豝云發,言發則中之。

大兕

而

而汁滓相將,如今恬酒矣。」.〇李氏曰:「既逐

鴻鴈

于飛,集于中澤。之子于垣,音袁。

百

陽氏 矜之人,鰥寡孤獨皆得其養,以天子哀 困 則使者劬勞于野,不敢遑寧焉。 者也。」○毛氏曰:「老而無妻曰鰥,偏喪 矜,憐也。」〇蘇氏曰:「矜人,人之可憐 而 止也。」〇長樂劉氏曰:「宣王憂勤于上, 方,無所不往,徒聞其羽聲肅肅,未 曰寡。」孔氏曰:「偏喪之寡婦。」○蘇氏 「征,行也。」〇毛氏曰:「劬勞,病苦也 厲王之後,人民離散,譬如鴻之飛 北 「窮爲急務也。」 , 秋則 曰:「之子,使臣 避陰寒而南。」 肅 肅, 也。」〇朱氏 羽 聲 也。 爰及可 知 日 四 歐 所

施仁,必先斯四者。萬民,然後及之」,則誤矣。文王發政及者,不遺之辭也。孔氏謂「既安集至,故曰:「爰及矜人,哀此鰥寡。」爰至,故曰:「爰及矜人,哀此鰥寡。」爰

安宅。 皆作。雖則劬勞,其究九

又反。

孔氏曰:「欲使不憚勞也。」 處之)。」鄭氏曰:「徵民起屋舍,築牆壁,百堵同時 招來流民,使反其都邑,築其牆垣 也。」〇鄭氏曰:「鴻鴈之性,安居澤中。 雉。1雉長三丈,則板六尺。1○朱氏曰:「究,終 爲堵。」鄭氏曰:《春秋傳》曰:『五板爲堵,五堵爲 勸萬民之辭。 起。」〇鄭氏曰: 今見還定安集。」〇蘇氏曰:「使者所至, 今飛又集于澤中,猶民去其居而 毛氏曰:「中澤,澤中 ,牆也。」○毛氏曰:「一丈爲板,五 女今雖 「雖則劬勞,其究安宅,此 病勞,終有安居。」 也。二〇孔 氏 離 圃 安 而

謂我劬勞。維彼愚人,謂我宣驕。 鴻鴈于飛,哀鳴嗸嗸。五刀反。維此哲人,

之未得安集,故曰『哀鳴嗸磬』,我所以毛氏曰:「宣,示也。」〇范氏曰:「憂民

敗,不能自靖,不知者以爲宣驕耳。」 者謂我宣驕,而姑息於民而已。」〇蘇氏曰: 自存矣。哲者所懷,有同於我,是以知吾之劬勞。 也。 居,必矜之甚深,哀之甚切。不爾,則無告之民不足以 伶撫奄爲宣驕也。」又曰:「民皆離散而不安其 人,謂我劬勞』者,以 勤 而 『維彼愚人、謂我宣驕』者,以 勞來之也。]() 我于征于垣 王 氏 티 : 維 「興廢補 我矜 劬 此 劵 哲

鮮也。 此,斯其所以中興與? 非以不知爲愠,蓋深嘆此 當時君臣,其於民惻 心知之者 怛深厚如

鴻鴈》三章,章六句。

屬所爲乎?」 庭 燎力召反》,美宣 董氏曰: 「《傳》曰『百官官箴王闕」,此詩其司烜之 王 也。 因 以 箴 之金 反

於始而怠於終,故其進鋭者其退速。 是之謂宜。苟以意之所欲而 程氏 曰:「天下之事,貴乎得 E, 中 加 靡不勤 可 宣

> 時: 末,見終善以隱之。」 規誨爲衰失之漸。 而不變。□○孔氏曰:「此言美而箴之,以下 乎節宣其氣,勿使有壅閉湫底以露其體,然後能有常 其勤,而遂以 王 ,固可知其不能於終也 之於始,不 朝以聽政,畫以訪問,夕以脩令,夜以安身。於是 守法以 箴之也。」陳氏曰:「君子有 置《斯干》、《無羊》於 治, 盡 此所 其 力 以 以 勤 方 君 美 於 四

子至止,鸞聲將將。七羊反。 夜如何其? 音基。夜未央,庭燎之光。

「央,旦。未旦,夜半是也。」○毛氏曰: 大燭也。」孔氏曰:「庭燎者,樹之於庭,燎之爲明 言未央者,謂夜未至旦,非謂訓央爲旦,故王肅曰 也。」孔氏曰:「毛傳言「央,旦」者,旦是夜屈之限 是從未央 央亦中也。 『央,極中也。』《秦風》云『宛在水中央』, 「《説文》云:『央,中央也。』《廣雅》云: 孔氏曰:「其,語辭。」〇 而至未盡,從未盡而至鄉 二章云未艾,三章云鄉晨 勃海胡氏 曰 明

《釋文》曰:「在地曰燎,執之曰燭。」○王氏曰:物百枚并而纏束之,今則用松葦竹灌以脂膏也。」始也。」注云:「僭天子起燎用百,古制未得而聞。要以始也。」注云:「僭天子也。庭燎之差,公蓋五十,侯伯始也。」注云:「僭天子也。庭燎之差,公蓋五十,侯伯始也。」注云:「邦之大事,供費燭庭燎,樹於門外曰大《司烜》云:「邦之大事,供費燭庭燎,樹於門外曰大

鸞聲矣。」 灣聲矣。」 對曰:『夜未央,庭燎光。』朝者至而聞其寢,而問夜之早晚,曰:『夜如何矣?』則 也。」○蘇氏曰:「宣王將視朝,不安於也。」○蘇氏曰:「宣王將視朝,不安於明,其衰也,輝則其光散矣。」○毛氏明明其衰也,輝則其光散矣。」○毛氏明庭燎者,謂將朝也。光者,燎盛也。

反。君子至止,鬻聲濊濊。呼會反。夜如何其? 夜未艾,音刈。庭燎晣晣。之世

也。」〇毛氏曰:「噦噦,徐行有節也。」朱也。」則艾爲盡意。」〇朱氏曰:「晣晣,小明《左傳》秦后子曰「一世無道,國未艾也」,注曰:「盡王氏曰:「未艾者,未及盡也。」李氏曰:不民曰:「未艾者,未及盡也。」李氏曰:

曰:『鑾聲鉞鉞。』」徐鉉曰:「今俗作噦,以鉞作文》曰:「鉞,車鑾聲也,從金戉聲。《詩》氏曰:「噦噦,近而聞其徐行有節之聲也。」○《説

暉。君子至止,言觀其旂。音祈。夜如何其? 夜鄉許亮反。晨,庭燎有煇。音

斧戊之戊,非是。呼會切。」

别色始入。」
今夜鄉明見其旂,是朝之時也。朝禮,光散也。」○鄭氏曰:「上二章聞鸞聲爾,光氏曰:「鄉晨,近曉也。有煇,天明而

所以不能常也。 安定凝止,躍然有喜事之心焉,斯其宣王將朝而屢問,其志雖勤,然未能

《庭燎》三章,章五句。

沔彼 諸 飛隼,息尹反。 友。 流 莫肯念亂 水 朝 直遥反。 載飛 ,誰無父 、載止。 宗于 母? 海。 嗟我兄弟,邦人 駅惟 必 反。 彼

可常。」 者,如隼之或飛或止,其或來或不來,不 趨海,猶諸侯之朝天子。」○歐陽氏 『鴥彼飛隼 友,同姓 子曰朝,夏見 者,彼流水也。」〇鄭氏 毛氏曰:「興也。」〇孔氏曰: 鄭氏曰:「 、異姓之諸侯。」○孔氏曰:「水之 +,載飛 載 曰 .宗。.□年,解見《采芑》。 則也。 載止」者,言諸侯之來 曰:「諸侯春見 兄弟、邦 「沔然 人、諸 而

誰無父母,豈不 常者,其必有所以矣。「嗟我兄弟,邦 理 (諸友」,固皆願安寧,莫肯念亂 也 侯之於天子, ,蓋必有甚不得已也 所以如飛隼載 顧惜 如沔水之朝宗,其 乎? 飛載 一,此深 止,去來不 然則 規 其 官 况 常常 未

王,使之自反也。

心之憂矣,不可弭彌氏反。 載 沔 忘也。此皆作詩者憂之。」 之不忘也。 諸侯。」○李氏曰:「載起載行,言其 所定止也。」○孔氏曰:「念彼不 飛 彼 湯,言放縱無所入也。 鄭氏曰:「湯湯,波流盛貌。」〇毛氏 不蹟,不循道 載揚。 流 水,其流湯湯。 念彼 不可弭忘,言心之憂而 不蹟 也。 ,井亦反。 弭, 失羊反。 忘。 載飛載 音亡。 也。 載 鴥 揚, 起 彼 循 其 飛 載 起 言 流 不 道 曰 居 Ž 無 湯

懲? 我友敬矣,讒言其興。 鴥彼飛隼,率彼中陵。民之訛言,寧莫之

李氏曰:「當時諸侯 阜者,是其常也,喻 曰:「懲,止也。」○鄭氏 鄭氏曰:「率,循也。 章言『念彼不蹟』,則是不朝也。 有朝 諸 訛,僞 侯 有 曰:「隼 順 不朝者,如 也。」〇 法度者。」 飛 循 毛 陵 氏

興也。」 言『鴥 也。」〇范氏曰:「凡爲此詩者,以讒 彼 飛隼,率彼中陵』,則 是朝 其 王

之乎? 各相語曰:「我友其敬戒矣,讒言其將 欲誣汙之,寧可不深懲痛治,以保持 陵之隼者,夫豈易得? 民之訛言,乃 諸侯向背未定之際,有恪守侯度如 其服從者,保持之尤不可不力也。 前章言諸 雖爲諸侯相語之辭,實則 若不懲之,則諸侯皆不自堅, 侯之不服者,可憂如 讒人在朝,乃諸侯疑畏之 是, 志 規 而 中 當 則

句, 章

興矣。」 本,故於卒章明言之。 無所懼也。 王當屏絕讒慝,使忠順者安意肆 沔水》三章,二章章八

鶴 鳴 誨 宣王也。 董氏曰: 此 詩其師 傅 所

作與?」

壇。 七落反。 鶴 或在于渚。 鳴于九皋,聲聞音問。 其下維蘀。音托。 樂音洛。 它山之石,可以爲錯。 彼之園,爰有 于野。 魚潜在淵, 樹 檀,音

坎。 之觀乎? 陸氏《草木疏》曰:「鶴,其鳴高亮,聞 言身隱而名著也。 詩最爲難曉。」毛氏曰: 氏曰:「落葉穢雜。」毛氏曰:「蘀,落也。」● 曰:「檀、木之堅者也,是美木也。」〇日 九里。」〇鄭氏曰:「皐,澤中水溢出 曰:「《鶴鳴》二章,殊無一句序己意,其 ○《釋文》曰:「錯,厲石也。《説文》「錯」作 「厝」,引《詩》曰:「它山之石,可以爲厝。」○李氏 自外數至九,喻深遠也。] 〇范氏 以琢玉。 有樹檀,而下 舉賢用滯,則可以治國。」 良魚在淵,小魚在渚。 ·其蘀。 「鶴鳴于九皐,聲聞于野 它山之石 何樂於彼園 可 所爲 八

0 釋落」,二字原誤倒, 據《毛詩正義》乙正

傳有自,亦附注焉。 以待知者。毛氏最在衆説之先,恐其然未必得詩人之意也。今存其訓故,此詩既不見所指,諸家雖互有所長,

它山之石,可以攻玉。在淵。樂彼之園,爰有樹檀,其下維穀。鶴鳴于九臯,聲聞于天。魚在于渚,或潜

《鶴鳴》二章,章九句。文》云『從木,受聲』,非從禾也。」以爲紙。」攻,錯也。」○《釋文》曰:「穀,《説謂之穀,中州人謂之楮,今江南人績其皮以爲布,又擣謂之殼,中州人謂之格,令江南人績其皮以爲布,又擣

《彤弓》之什十篇,四十章,二百五十五句。

吕氏家塾讀詩記卷第十九

吕氏家塾讀詩記卷第二十

祈父之什

《祈勤衣反父音甫》,刺宣王也。

人之心哉? 蓋不得已也。夫有宣王之然後《祈父》刺之。然則刺其君者,豈詩規之不可,故《鶴鳴》誨之。誨之不可,則就其美而箴之,箴之而不可則規之。則就其美而箴之,箴之而不可則規之。古之君子愛其君之至也。知其將失也,范氏曰:「讀《詩》至於《庭燎》,未嘗不嘆

所止居。 祈父! 予王之爪牙。胡轉予于恤? 靡

故其先後淺深之序如此。」

功,而不至於文、武,此詩人之所惜也。

衛。 之爪牙之士,當爲王閑守之衛,女何 馬,此詩所刺者,蓋休父卒後,他人代之。 毛氏 之勇力之士,能用五兵者屬焉。」《虎賁》曰:『掌先後 賁、旅賁,皆奉事王之左右者也。 故《司右》曰:「凡國 之爪牙之士。」董氏曰:「按司馬之屬,有司右、虎 軍也。六軍之士出 我於憂,使我無所 『宣王三十九年,戰於千畝,王師敗績於姜氏之戎。』 爲敗。」孔氏曰:「常父美宣王命程伯休父爲大司 故此作祈,《尚書》作圻。○○鄭氏曰:「予,我 曰:「司馬掌封畿兵甲,古者祈、圻、畿同字,得通 甲。」鄭氏曰:「《書》曰『若疇圻父』,謂司馬。」〇孔氏 王而趍以卒伍。1《旅賁》曰: 也。」〇鄭氏曰:「轉,移也。」〇毛氏 也。」〇孔氏曰:「鳥用爪,獸用牙,以 恤,憂也。)鄭氏曰:「此責司馬之辭也。 曰 此人自 「祈父,司馬 宣王之末,司馬職廢,羌戎 謂王之爪牙,以鳥獸 止 自六鄉,法不取 『掌執戈盾夾王車。』此 居乎? 也,職掌封祈之兵 謂 《周語》云: 見使從 我乃王 爲 於王 日 用 防 喻

可及,詩人造理深,其辭儘難學。」 戍,是詩所謂「轉予於恤」也。 古人容易出一句,便不 謂 爪牙者也。」○張氏曰: 「禁衛天子之爪牙而使之遠

祈父! 所厎之履反。止。 予王之爪士。 胡轉予于 恤 ? 靡

李氏曰:「爪士,爪牙之士也。」〇毛氏 曰:「底,至也。」

祈父! 尸 饔。 **亶不**聦。 胡轉予于 恤 ? 有母 Ź

王氏曰:「勞役無有休息,不得奉養,而 母反尸劬勞之事也。」 毛氏曰:「亶,誠也。」○長樂劉 ´,主也。」○毛氏曰:「熟食曰 氏 饗。」〇 日

弟,其當免役征,在古必有成法,故責 恤 ? 其不聦。 章既刺其以宿衛之士從征役矣,末章 讀是詩,見宣王變古制者二焉。 曰:「祈父! 有母之尸饔。」有親老而 其意謂此法人皆聞之,彼司 亶不聦。 胡轉 無 前 它兄 子 于 兩

> 數之,其辭雖過,觀是詩所刺,則子晉 厲、宣、幽、平,而貪天禍,至于今未 必矣。 之言,豈無所自歟 弭。」宣王,中興之主也,至與幽、厲並 革典十四王矣。]又曰:「自我先王, 世,後若有事,吾與子圖之。」勾踐尚 能辦此,况周之盛時乎? 壑,子爲禮已重矣。 老,而子爲我死,子之父母將轉於溝 踐親命之曰:「我有大事,子有父母耆 馬 不免薪水之勞 宣王也。 有父母耆老而無昆弟者,以 獨 茅 太子晉諫靈王之辭曰:「厲始 聞 越勾踐伐吴,大徇於軍曰: 乎? 也 乃驅吾從戎,使 責司 子歸没而父母之 馬者,不 其有定 告。」 敢 制 親

祈父》三章,章四句。

《白駒》,大夫刺宣王也。

逍遥。
立反。之維之,以永今朝。所謂伊人,於焉立反。之維之,以永今朝。所謂伊人,於焉皎皎古了反。白駒,食我場直良反。苗。縶陟

遥 猶願繁維之,以永今朝、今夕而已。 之維之。]〇吕氏曰:「賢者將去而不留 詩人欲得賢者來止其家,故言白駒食其苗藿,庶幾繁 言車上之人,故言車馬。言白者,又以表潔白之意 欲留之。」張氏曰:「白駒,乘白駒之賢也。 之苗,我則絆之繫之,以久今朝。 白駒而去者。」〇鄭氏 氏曰:「宣王之末,不能用賢,賢者 者也。」〇鄭氏曰:「逍遥,遊息也。」〇毛 者,以場、圃 《釋文》曰:「皎皎,潔白 曰:「永,久也。」〇朱氏曰:「伊人,指賢 爲駒。]〇孔氏曰:「苗宜云 在後曰絆,謂絆其足。維,謂繫靷也。」() 〇毛氏曰:「縶,絆。 ,徘徊少留之貌。」 同 地,對 維,繫也。」孔氏曰: 則異名,散則 曰:「使食我場中 也。 馬五尺以 圃 而云 不欲斥 愛之 鄭 通。」 有 場 乘 氏 上

以永今夕。所謂伊人、於焉嘉客。皎皎白駒、食我場藿。火郭反。縶之維之

去也。」 吕氏曰:「嘉客者、暫客於斯、亦毛氏曰:「藿、猶苗也。夕、猶朝也。」

將

逸豫無期。慎爾優游,勉爾遁徒遜反。 皎皎白 程氏 豫宴安無期度。」 〇《釋文》 遁作遯,曰: 之使遁去也。 也。」陳氏曰:「於是責在位之人,曰爾公爾侯,但逸 不切也。 至,故賢者賁然來思,而 『思』皆助語。」〇吕氏曰:「詩人好賢之 曰:「賁然,光彩。」〇孔氏曰: 駒, 賁彼義反。 雖斯人也,亦不能 言爾公爾侯者,不敢 然來思。 在位 留賢,故 爾公爾侯, 1者悠: 思。 悠 斥 君 勉 而

程氏曰:「此章言其遠遯而思之之意。其人如玉。毋音無。金玉爾音,而有遐心。皎皎白駒,在彼空谷。生芻楚俱反。一束,

又作逯。」

其不可親矣。 白駒人空谷,生芻以秣之,而其人之德美如玉,蓋 問我。」而有遠棄我之心。』」朱氏曰: 也。 心」,雖勉其遁,而又庶幾其來反也 音聲,孔氏曰:「毋得自愛音聲,貴如金玉,不以遺 其 前章云 【勉爾遁思」,此章曰 【毋金 相 生 賢者 聞 芻 遠 而 遯 既遠遯矣,國之好賢者,猶 不見絶也。 東而 空谷, 然猶冀其相聞而無絶也。」〇王氏 已,然 處 困 窮而 曰:『毋自貴 其人之美則 享 玉爾音 淡 薄 歎 而 重 如 雖 E: 女其乘 避乎 有 其 玉 所 遐

爾侯」,猶「逸豫無期」而 復深 至三章明言之矣。 畜 此 所謂 斯人也,何人也? 所謂伊人,於焉逍遥」,「於焉嘉客」, 丽 而 去朝適野,時事 未發,其 嘆 爲 伊人,乃於此而 其 嘉 所 客 乎? 處 解氣則慘然而不樂矣, 非其 賢者 既幸其 ·蓋可知矣。 地 蓋廊 逍遥乎? 也。 不知 貴然來我之 來以爲榮, 廟之人也。 其言雖含 懼 「爾公 乎?

> 諷之。 祝其 之曰:「毋金玉爾音,而有遐心。」此雖 節也。 責公卿,俯而眷然别賢者,其情 今可識也。 自 善自保護,無以優游 於是乎與賢者决别。 重 (音問 也。 皆决 勉爾遁 無 四章疑其遂忘世也,故 絶,亦以君臣之義 别之辭也。 思」者、言勉哉行矣、 自 慎爾 逸 丽 仰 優游 失衛生之 而 意 慨 勉 至 然

白駒》四章,章六句。

邦 黄 此 族。 , 邦之人, 不我肯穀。言旋 (鳥黄 鳥》,刺宣王也 鳥,無集于穀,

無

啄

陟

角

反。

我粟。

言

歸,復我

孔氏)孔氏曰:「旋,迴也。」○鄭氏曰:「復 〇毛氏曰: 曰:「無集 「不我 于穀,無 肯穀 集於我之穀木 ~,穀,善 也。

者,不得已也。人不相恤,是以懷其邦也。」○范氏曰:「民之去其土、離其親我亦不久於此而將歸矣。」無以侵迫爲而啄我之粟,此邦之人,不以善道相與,所,故呼黄鳥而告之曰:『爾無集于穀,反也。」○朱氏曰:「民適異國,不得其

故思而欲歸。使民如此,亦異於還定居也。及其至彼,則又不若故鄉焉,宜王之末,民有失所者,意他國之可族而復之也。」

人,不可與明。言旋言歸,復我諸兄。黄鳥黄鳥,無集于桑,無啄我梁。此邦之安集之時矣。

此邦之人,不可與處。言旋言歸,復我黄鳥黃鳥,無集于栩,况甫反。無啄我黍。休戚故也。「不可與明」,則不可與處矣。人之所以相依者,以其明足以知其緩急粱,解見《鴇羽》。

諸父。

栩,解見《鴇羽》。

《黄鳥》三章,章七句。

我行其野》,刺宣王 昏婣 遠。』其躬行仁義,道民厚矣。猶以爲未 微我有咎。]又曰:『籩 曰: 『既有肥牡,以速諸舅。寧適不來, 王氏曰:「此民不安其居而適異邦,從其 六行教民。爲其有父母也,故教以孝。 也,又建官置師,以孝、友、睦、婣、任、恤 任。 婣。 爲其有兄弟也,故教以友。 勸之。以爲徒勸之或不率也,於是乎有 之或不率也,故使官師以時書其 也,故教以睦。爲其有異姓 爲鄰 而不見 相賙相救也,故教以恤 里鄉黨相保相受 收 恤之詩 也。 豆有 也。 爲其有同 也, 踐,兄弟無 也,故教 先 王 以爲 故教 德 一之詩 徒 姓 而 教 以 以

焉。 民乎?」 不 孝、不 方是 睦、不婣、不弟、不任、不恤 時 也, 安 有 如 此 詩 所 刺 之刑 之

反我之邦家矣。 也。」〇孔氏曰:「爾既不我畜養,今當 故、言就爾居、而爾不我 曰:「樗惡木,尚可芘而息。 黨爲姻。」○毛氏 曲,不中規矩。」1〇《爾雅》曰:「婦之父母、壻 之父母相謂爲婚姻。」又曰:「婦之黨爲婚,壻之 有大樹,人謂之樗。 也。」李氏曰:「樗者,不才之木也。 蔽芾,解見《甘棠》。 其大枝擁腫,不中繩墨。 其小枝卷 曰:「畜,養也。」○王 與之自訣之辭。」 〇毛氏曰:「樗,惡木 畜,則樗之不 《莊子》曰: 今以婚姻之 如 吾 復 氏

> 卉也 言歸斯復,則以不見畜而去也。」 疏》云:「今人謂之牛蹄。」○王氏曰:「遂,惡 鄭氏 言就爾宿 言就爾宿,而爾不我畜,則蓫之不如 ,尚可采以治疾。 曰:「蓫,牛 ,則託宿而已,非就之居 蘈 徒雷反。 今 以 也。 昏姻之故: 陸 璣《草木 也。

我行其野,言采其葍。音福。

不思舊

姻

求

以異。

爾新特。成不以富,亦祇音支。

禦飢。」 也。」〇朱氏 今不思舊 之相與,固爲其窮則相 野菜之惡者也,然尚可采以禦飢 成、依《論語》當作誠。」〇王氏曰: 其根正白,可著熟灰中温噉之。● 飢荒之歲,可烝以 ○陸璣《草木疏》曰:「葍,一名葍,幽州人謂之燕葍。 毛氏曰:「葍,惡菜也。」鄭氏曰:「葍,蒿 营,音富。 姻 日 而 :「爾之不思舊 求爾新特,則又當 蘇 氏曰 收,困則相 「特, 匹 姻 而求 之不如 恤 一當 昏姻 也。 也。 新

) 「熟」、《毛詩正義》作「熱」,當據改。

我行其野,言采其蓫。

勑六反。昏姻之故

言就爾宿。

爾不我畜,言歸思復。

、、</l></l></l></l>

《我行其野》三章,章六句。

『設盛食以落之。』」氏曰:「《雜記》云:●「路寢成,則考之而不釁。」注曰:《斯干》,宣 王 考 室 也。 鄭氏曰:「考,成也。」○孔

明矣。」

一次為考室之辭,則一篇之義,簡易而通於斯」,謂之善頌善禱者是矣。若知《斯於斯,異於斯,聚國族為祝之言,如『歌於斯,哭於斯,聚國族歐陽氏曰:「古人成室而落之,必有稱頌

《大雅》言大體者也,論其大體,則宣之也。宣王之《大雅》,有美無刺。以是而掩之乎? 故復取此二篇以終雖怠於政,然中興周室之大德,豈可雖怠於政,然中興周室之大德,豈可

王固一世之賢君也。

無相猶矣。
如松茂矣。兄及弟矣,式相好呼報反。矣,秩秩直乙反。斯干,幽幽南山。如竹苞矣,

對山 矣,無相猶矣,所謂聚國族於斯也。]〇 之廣,如松之茂。朱氏曰:「其下之固,如竹之 也。」〇董氏曰:「宣王作室,後臨 衆。」董氏曰:「苞,叢生而固也。」○鄭氏曰: 山也。」〇孔氏曰:「如竹之叢生,根本之 長樂劉氏曰:「南山,鎬京之陽,終南之 之傍。」] 〇毛氏曰:「幽幽,深遠 毛氏曰:「秩秩,流 「式,用也。」○歐陽氏曰:「猶,圖 斯,此也。《漸》卦鄭注云:『干,謂大水 ,其盤基之厚,如竹之苞。 行也。二〇孔 其 也。 氏 水,前 也,謀 曰

● 「雜記云」,三字原脱,據《墨海金壺》本與《毛詩正義

爱居爰處,爰笑爰語。似續妣必履反。祖,築室百堵,西南其户。

曰:「爰,於也。」○蘇氏曰:「厲王之亂, 東者西户耳。孫毓云:「猶南東其畝。」」○鄭氏 坐民》、《閟宫》之詩考之,豈謂姜嫄、后 是業,特立廟用樂別祭。」○百堵,解見《鴻鴈》。 一毛氏曰:「西南其户,西鄉户、南鄉户 此。舞《大武》,以享先祖。」姜嫄生稷以配天,爲周之 此。舞《大武》,以享先祖。」姜嫄生稷以配天,爲周之 此。月、代武》,以享先祖。」姜嫄生稷以配天,爲周之 此。月、代武》,以享先祖。」,」 (似續妣祖,以 妣,姜嫄也。」○曾氏曰:「似續妣祖,以 此,姜嫄也。」○鄭氏曰:「妣,先

> 于反。 風雨攸除,直慮反。鳥鼠攸去,君子攸芋。香約之閣閣,音各。核陟角反。之橐橐。音託。 祖者,故築其宫室,王氏曰:「築室百堵者,言廣 祖者,故築其宫室,王氏曰:「築室百堵者,言廣

靈恩《集注》作『約之格格』、《周禮・冬 居焉,所以爲尊且大也。」○董氏曰:「崔 上下四旁皆牢密也。」○蘇氏曰:「君子於是 寢既成,其牆屋弘殺,則風雨之所除; 孔氏曰:「作群寢之時,縮板杵築,至群 其築作堅緻,則鳥鼠之所去。」王氏曰:「言 「除,亦去也。」○毛氏曰:「芋,大也。」○ 曰:「既投土於板,以杵築之橐橐然。」○朱氏曰: 之也。」○蘇氏曰:「橐橐,杵聲也。」孔氏 板直,則牆端正也。」○蘇氏曰:「閣閣,上下相乘也。_ 孔氏曰:「以繩約縮之,繩在板上歷歷然。 毛氏曰:「約,束也。 ○孔氏曰:「椓,如椓杙之椓,謂以杵築 閣閣,猶歷歷 約,謂繩約 也。

革 如 跂音企。 官》先儒引《詩》爲據,亦作『格格』。」 如暈音輝。斯飛,君子攸躋。子西反 斯翼,如矢斯棘。 居力反。 如鳥斯

殖殖 旅即反。 而勢騫舉也。」謂宮室之美如此,宜君子升 而 也。」〇昌氏曰: 之飛也。孔氏曰:「斯革、斯飛,言簷阿之勢似鳥飛 其竦起如鳥驚變而悚顧也,其軒翔如暈 如人跂而翼也,其四隅如矢行而直也, 也。」〇歐陽氏曰:「宫寢之制度,其嚴正 五色皆備成章曰暈。」〇毛氏曰:「躋,升 變也。」〇鄭氏 枉,急則直,謂廉隅繩直如矢行也。 孔氏 氏曰:「翼,敬也。 》《釋文》曰:「棘,《韓詩》作朸。 市力反。 居之也。」王氏曰:「君子攸躋 ⟨曰:「如跂,如人跂足直立。」○歐陽 革、《韓詩》作鞠,云: 其庭,有覺其楹。 「如暈斯飛,覆以瓦而加丹雘,有文采 曰:「伊雒而南,雉素質, 棘,急也。矢行緩則 ,則又言其高也。」 『翅也。』」 噲噲音快 朸,隅也

> 子攸寧。 其正,音 政。 噦 噦 呼 會 反。 其 莫形 反。

> > 君

爲陽,冥爲陰。夫負陰抱陽以安其神,所以寧也。」 其冥,所謂陰室者也。古者攷陰陽以爲宫室,故其 寧也。」董氏曰:「噲噲其正,所謂陽室者也。 是明也。1○歐陽氏曰:「宜君子居之而安 其正,則知噦噦其冥偏也。噦噦其冥,則知噲噲其 蘇氏曰:「噦噦,深廣之貌。」〇吕氏曰: 猶快快也。」〇吕氏曰:「正,謂正寢。」〇 孔氏曰:「楹、柱也。」○鄭氏曰:「噲噲 毛氏曰:「覺、言高大也。」○鄭氏曰:「覺、直也。」○ 庭,言庭地之實也。」〇孔氏曰:「庭,宫寢之 毛氏 「冥,謂室之奧窔烏叫反。也。」王氏曰:「噲噲 前庭也。」〇朱氏曰:「覺,高大而直也。」 「殖殖,平正也。」王氏曰: 「殖殖 噦 正 噦 Œ 其

宜反。 占我夢。 下莞音官。 維虺許鬼反。 吉夢維何? 上簟,乃安斯寢。乃寢乃興,乃 維蛇。市奢反。 維熊于弓反。 維羆,彼

鄭氏曰:「莞,小蒲之席也。

孔 氏曰:

西方

子之事者,謂安此寢而生男女,男則 爲君王,女子宜人之家室。 氏曰:「六章以下至於卒章,盛陳占夢 簟而寢於其中,起而又占其夢。」○歐 大者長七八尺。」○蘇氏曰:「寢既成,設莞 細頸大頭,色如艾綬文,文間有毛似豬鬣,鼻上有針 最毒。」郭璞曰:「此自一種蛇,人自名爲蝮虺。 今虺 炎曰:「江淮以南謂虺爲蝮,廣三寸,頭如拇指,有牙 力,能拔樹木。」蝮虺,博三寸,首大如擘。」孫 ◎ 爾 之席,皆莞簟也。衽,寢卧之席也。」興,夙興也。」 曰:「《士喪禮》云:「下莞上簟,衽如初。」則平常寢卧 有之,而筆竹無施於席,則知所以爲寢也。]○孔氏 簟,鄭氏謂「與群臣安燕」,非也。 似小蒲而實非也。」竹筆曰 ○《釋文》曰:「莞草叢生水中,莖圓,江南以爲席,形 几筵》有莞筵、蒲筵,則爲兩種席也。 也。 「黄白色。」郭璞云:「似熊而長頭高脚,猛 雅》曰:「羆,如熊,黄白文。舍人 蒲 者,以 簟。 / 莞、蒲 按几筵莞筵、蒲筵則 董氏曰: 莞細而用小蒲。」 亦禱 草之名,而《司 「下莞上 頌之 憨多 陽 生

> 蛇,女子之祥。 大人占之,維熊維羆,男子之祥。 維虺維

與之際,察之詳而敬之至矣,故曰: 王前巫而後史,宗 祝瞽侑皆在左右,王中心無爲也,以守至正。」 性命之理矣。」〇朱氏曰:「先王建官設屬,其於天人相 星辰占六夢之吉凶,獻吉夢,贈惡夢。知此,則可以言 其類至。先王置官,觀天地之會,辨陰陽之氣,以日月 矣。」王氏曰:「人之精神與天地陰陽流通,故夢各以 平,誠意感通,而吉夢可占。 柔弱隱伏,故爲女子之祥。] ○范氏曰:「身安志 家君王,生女則無父母詒罹,人道盡於此 女。」王氏曰:「熊羆彊力壯毅,故爲男子之祥。 爲生男。虺蛇穴處,陰之祥也,故爲生 也。○鄭氏曰:「熊羆在 以義爲主,❶不害於辭,故重其事,雖謂大人占之可 占也。」○董氏曰:「大人占之,與故老占夢何異? 詩 曰:「《左傳》文公之夢,子犯占之,不必占夢之官乃得 王氏曰:「大人者,當時在位之大人。」孔 山,陽之祥也,故 故生男則室 虺 蛇

❶ 「義」,原作「美」,據《墨海金壺》本改。

斯皇,室家君王。弄之璋。音章。其泣喤喤,華彭反。朱芾音弗。乃生男子,載寢之牀,載衣於既反。之裳,載

耳。」〇鄭氏曰:「以璋者,明成之有漸。」〇王氏曰: 常寢於地竟無裳,男子亦不容無褓。暫時示男女之别 璋。《棫樸》曰「奉璋峨峨,髦士攸宜」是也。女子不可 知爲臣子也。」璋而得爲臣職者,群臣之從王行禮者奉 臣職。王肅云: 『言無生而貴也。明欲爲君父,當先 諸侯。]○鄭氏曰:「男子生而卧於牀,尊 臣之職也。」孔氏曰:「裳明習爲卑下,●璋見效奉 之也。」〇毛氏曰:「裳,下之飾也。 **茀,以韋爲之,上廣一尺,下廣二尺。」 皇,猶惶惶** 也。」鄭氏曰:「宣王所生之子,或且爲天子,或且爲 也。」〇孔氏曰:「君,諸侯也。 王,天子 虎通》曰:「弗者,蔽也,行以蔽前。天子朱芾,諸侯赤 氏曰:「芾者,天子純朱,諸侯黄朱。 璋。○①孔氏曰:「喤喤者,聲大也。」○鄭 璋邸射以祀山川。」從上而下,遞減其半,故知半圭曰 毛氏曰:「半圭曰璋。」孔氏曰:「《典瑞》云: '四圭有邸以祀天,兩圭有邸以祀地,圭璧以祀日月'

> 則本支甥舅,自此始矣。」 則本支甥舅,自此始矣。」 則本支甥舅,自此始矣。」 則本支甥舅,自此始矣。」 原君爲王矣。」 ○無氏曰:「其泣之美,亦所以 可謂至矣。」 ○王氏曰:「其泣之美,亦所以 可謂至矣。」 ○王氏曰:「其泣之美,亦所以 可謂至矣。」 ○無氏曰:「子之生於 其滅羊舌氏矣。」 ○朱氏曰:「子之生於 其滅羊舌氏矣。」 ○朱氏曰:「作室而生子, 是室者,皆將服朱芾煌煌然,有室有家, 是室者,皆將服朱芾煌煌然,有室有家, 是室者,皆將服朱芾煌煌然,有室有家, 是室者,皆將服朱芾煌煌然,有室有家, 是室者,皆將服朱芾煌煌然,有室有家,

新以之反。罹。 弄之瓦。無非無儀,唯酒食是議,無父母乃生女子,載寢之地,載衣之裼,他計反。 載

曰:「卧於地,卑之也。」○蘇氏曰:「衣出《釋詁》。○毛氏曰:「罹,憂也。」○鄭氏用瓦,維紡塼而已。」○鄭氏曰:「儀,善也。」和氏曰:「婦人所瓦,紡芳罔反。塼音專。也。」孔氏曰:「婦人所瓦,紡芳罔反。塼音專。也。」孔氏曰:「裸,縛兒被也。」

「下」,原脱,據《墨海金壺》本與《毛詩正義》補。

也。 文》曰:「《韓詩》作穧,音同。」 尚質慤,不當爲威儀。」○《説文》曰:「淹,褓 棣棣之多。」○丘氏曰:「婦人尚静嘿,不當有所是非。 人質,無威儀也。」〇孔氏曰:「謂無如丈夫折旋揖讓 之脩而無境外之志,此之謂也。」〇毛氏曰:「無儀,婦 禮,精五飯,羃酒漿,養舅姑,縫衣裳而已。」故有閨門 「六二之吉,順以巽也。」而孟子之母亦曰:「婦人之 家人》之六二曰:「無攸遂,在中饋,貞吉。」《象》曰: 婦人也。婦人之事,惟議酒 專於家事,有非,非婦人也。 有善,則非其吉祥可願之事也。」〇朱氏曰:「在《易 父母之憂。」王氏曰:「女子以順爲正,無非足矣。 曰:「弄之紡塼,習其所 《詩》曰:『載衣之襜。』」他計切。《釋 即 用 其 所 衣 而 無 有事 加 也。」 也。 食爾, 有善,亦 婦 無 鄭 無 遺 非 所 氏

宫室成矣,故四章言望其外, 軒 狀。至於「風 一章、三章述其作室之意 章揔述其宫室之面 翥如此。 五章言觀其内,則 雨攸除,鳥 勢而 鼠 願其 與 攸 誉 (去」,則 則 高 親 1築之 明 雄 睦, 壯

> 六章已下,皆禱頌之辭。 人也,故曰「君子攸寧」,言其既 子攸躋」,言其 廣 如 此。 望其外, 方升也。 則未 人也,故 觀其 内 [; 則已 處也。 日 君

五句。《斯干》九章,四章章七句,五章章

之職廢,王始興而復之,至此而成。」《無羊》,宣王考牧也。鄭氏曰:「厲王之時,牧人

牛 ? 濈 誰 謂 濈。 爾 九十其犉。 莊 無羊? 三百爲群。● 立反。 爾 牛來思,其耳 而純反。 爾 羊 來 誰 濕 思, 謂 濕。 其 爾 角 無 始

群,以 濕濕者,美畜産得其所。」 亦不知其不犉者之數也。」 董氏曰:「三百維 不知其群之有多少也。牛犉者有九十, 之多也。こ〇孔 垂。濕者,其垂也。] 〇 歐 告之曰:『誰謂爾無牛羊乎? 謂『大夫袒而 則耳燥,安則温潤而澤,故古之視牛者以耳,《祭義》所 曰:「牛以耳澤爲善。」〇山陰陸氏云:「牛之爲物 然。」《釋文》曰:「呞,食已,復出嚼之也。」○王氏 則 毛氏 其和,謂聚而不相觸也。]〇董氏曰: 濈然。王氏曰:「濈濈,和也。 思,辭 袖。 爲铀、黑耳爲犚、亦各以其數也。」皆、才細反。 濈 而 群計也。 犚,音尉。 曰:「黄牛黑脣曰犉。」○ 比 也。」〇毛氏曰:「聚其 者也。」同丑之反。 毛,牛尚耳」。」〇董氏曰:「牛卧則耳下 九十其犉,以犉計也。黑脣爲犉,則黑 氏 鄭氏 曰:「羊 一 陽氏日 曰 : 丽 羊以善觸爲患 言 動 「《説文》濈爲 群有三百, 「呼牧人而 動息濈 其數若此 其耳濕 角)李氏 丽 息 日 , 故 牰 濈 和 濕 病 言

或 阿,或飲于 池,或寢 或 訛 五 戈反。

> 或 爾 う負 牧 毛氏曰:「訛,動也。 其 來 餱。 思, 何河可 音侯。 三十維物,爾牲 反。 蓑 素戈反。 何笠,音立。 則具

故牲 從牛羊之所宜 樂劉氏曰:「牧之者,日持雨具,齎餱糧, 性。」〇王氏曰:「牧之地,以 者,美其無所驚畏也。」李氏曰:「動息各遂其 氏曰:「謂青、赤、黄、白、黑毛色别異者,各三十也。」 俱以爲禦雨。」○蘇氏曰:「物,類也。」○毛 物。)鄭氏曰:「降阿飲池,或 雨。 曰:「三十維物,異毛色者三十也。」孔 笠則元以禦暑,兼可禦雨。 有餘備矣。」鄭氏曰:「祭祀,索則有之。」 笠,所以禦暑。」孔氏曰:「蓑唯備 適,以順 何,揭也。 有阿 其 《既夕禮》『蓑、笠』,注 有池爲善。」○長 性 寢或訛,言此 而 蓑,所以 蕃 i 其 息, 酮

氏

備

既 不 爾 升。 崩。 羊來 牧 來 思 思,矜矜兢兢,其冰反。 麾 毀皮反。 以薪以 之 蒸,之丞反。 以 肱,古 弘 不 以 反。 騫 雌 起虔反。 以 雄 來

爾

鄭氏 曰:「麄 曰 細 曰 蒸。」〇毛氏

大人占

之,

衆維

魚

矣,

實

維

年。

旐

曰 : 崩,謂群隊脩廣,望之不斷也。」 ○鄭氏曰:「麾 劉氏曰:「 之以肱,畢來既升,言馴 術》曰:『羊有疾,輒相汙。』|○長樂劉氏曰:「不騫不 耗 羊而不言牛者,羊善耗 宜,而牧之者不失其性 也。 者,視其多寡之數也。 不騫不崩,言羊得其性 夫《君子于役》之詩曰 『牛羊下來』者 曰:「牧人有餘力,則取 ○王氏曰:「及其將歸 也。」〇毛氏曰:「升,升 群疾也。 乃 敗 「使來則畢來,使升則既升,言其擾也。」 () 矜兢兢,言堅彊 矜矜兢兢者,豈非 夢,), 則 來既 麾之以肱,謂馴擾不假笞箠也。]〇蘇 牛可 衆維魚矣,旐 肱,臂 升者,牧 知矣。」山陰陸氏云: 也。」〇朱氏 事畢也 也。 音兆。 敗 而 而 而 薪蒸以來歸 入牢 擾 爾羊來思者, Щ 故 無 至於堅彊 騫, 從 川草木之所 又 辨 也。 耗敗 也。」〇鄭氏 曰:「既, 人意。」 虧 維 「《齊民要 言羊不 其雌 也。 旟 也。)陳氏 音 也。 長樂 餘 崩 ? 類 氏 與 雄

> 維旟矣,室家溱溱。 慶也。」 祥。□○孔氏 君之夢而書其祥。牧成而考之,故以牧人之夢而書其 祥之事終焉。」陳氏曰: 王氏曰:「此牧成而考之之詩也,故以吉 魚矣,實維豐年,豐年則民閑樂,故以 則魚衆多矣。旐旟,所以聚衆也。」○張氏曰: 少,旟統人多。 斯豐年之祥也。 者卜筮之家有是説與?」毛氏曰:「陰陽和 也。」〇朱氏曰:「占夢之説,未詳。 **旟**。」詳見《出車》。 歐陽氏曰)《周官・司常》: [:「衆維魚矣,但言魚之多也 今建旐之處乃建旗,則民庶衆矣。」() 티 : 旐者旟者,皆田官之所建也。 〇毛氏曰:「溱溱,衆 側巾反。 歲 「縣鄙 「宫室成而考之,故以人 熟 民 建旐,州 滋、國之休 田 以 魚 旐統人 豈古 夢 「衆維 里 魚 建

熟民滋,皆不願乎其外也。彼秦、漢乎上者,子孫昌盛, 所願乎下者,歲以《斯干》、《無羊》之卒章觀之,所願

牧

師

尹惟日」,此師尹不可指其人。

好大喜功之主,肯以是爲可願哉?

無羊》四章,章八句

氏或亦世字叔, **●**如趙氏世稱孟, 智氏世稱伯也。」 同之。《雲漢》序曰「仍叔」,桓五年,仍叔之子來聘。 家父來求車,上距幽王之卒七十五歲。古人字,或累世 曰:「家父,字。周大夫。」〇孔氏曰:「桓十五年,天王使 節在切反南 山》,家父音甫。 刺 幽王也。 鄭 仍 氏

邦」之 義。 按《左傳》韓宣子來聘,季武子賦《節 之卒章,杜氏謂取「式訛爾心,以畜萬 節》也。 然則此詩 在古止名

國既卒子律反。 斬,何用不監? 民 節彼南山,維石 石貌。 公也。 具 毛氏曰:「興也。 (爾瞻。 尹,尹氏,爲大師。 赫赫,顯盛貌。 憂心如惔,徒藍反。 [巖巖。 節,高峻貌。 赫赫許百反。 師,大師,周之三 李氏曰:「《洪範 古銜反。 如此詩曰 不敢戲談。 巖巖,積 師 二尹氏 尹,

> 之望。 詩》作炎、《字書》作焱。」 汝何不察也?」〇《釋文》曰:「惔,《韓 其威,不敢言爾。 王氏曰"「如惔者,内熱之謂也。」○朱氏曰: 卿,其來甚久。」具,俱。 世卿也。其後又書『尹氏立王子朝』,則尹氏之爲世 見其所爲如此,憂心如火之燔灼,第畏 氏曰:「監,察也。」○陳氏曰:「南山,國 李氏曰:「《雲漢》曰:『如惔如焚。』惔,焚之類也。」〇 大師」,是尹氏爲大師明矣。 《春秋》書曰『尹氏卒』,譏 「卒,終也。」○蘇氏曰:「斬,絶也。」○鄭 大師,民之瞻。 國既至此,終滅絶矣, 瞻,視。 惔,燔 民之瞻大師也, 也。」

亂弘多。民言無嘉,憯七感反。莫懲嗟 不平謂何? 節彼南山,有實其猗。於宜反。 蘇氏 :「猗,長也。李氏曰:「猗,如「緑竹猗猗」是 曰:「山之實,草木是也。」〇毛氏 天方薦徂殿反。瘥,才何反。 赫赫師 尹

0 叔」,原脱,據《墨海金壺》本及《毛詩正義》補。

嗟」。 氏 李氏曰: 然尹氏曾不懲創咨嗟,求所以自改也。」 神怒 則人之榮瘁勞佚,有大相絕者矣,是以 民言 氏曰:「喪亂弘多,言喪亂之大而多 也。」〇王氏曰: 日 何,猶云何也。」王氏曰:「不平謂何者,發問之辭 其上者,無不猗猗其長也。」○鄭氏 病 曰:「山之生物,其氣平均 "責三公之不均平,不如)蘇氏] 日 方薦瘥,則以言其薦瘥之未艾。」〇李 也。 而 無 嗟,殘田 「天方薦 「憯莫懲嗟,以見尹氏爲惡常自若。」 () 重之以 曰:「尹氏秉國之均而不平其心, 嘉,蓋爲民無善言,但怨讟耳。 重 弘,大也。 也。 也。 孔氏 喪亂,人怨而 瘥,《説文》作『天方薦 「薦瘥者,乖氣之所 日 悸,曾 「薦與荐文異義同。」蹇 Щ 如 也。」〇 之爲 謗讟其上。 一, 凡 也。 蘇氏 生於 曰 也。 生。 謂

迷。不弔昊天,不宜空我師。 均,四方是維。天子是毗,婢尸反。俾民不

我師。」 曰:「昊天不弔,哀此下民。」不宜如是之空 矣,故呼天而告之,曰昊天不弔 方,毗輔天子,而使民不迷,乃其 權衡之任。」〇朱氏曰:「言尹氏大師, 也,故曰: 『尹氏大師,維周之氏。』 秉國之平,居 周之氐,而秉國之均,則宜 氐者,安危存亡所出也。尹氏,大族也。 氏曰:「尹氏爲大師之官,是周根本之 劉氏 臣。王氏曰:「京室以大族爲氐,朝廷以尊官爲氐 也。」〇朱氏曰:「弔,愍也。」〇毛氏曰 空,窮也。」○鄭氏曰:「師,衆也。」○孔 李氏曰:「尹氏不能 曰:「維,持也。」○鄭氏曰: 曰:「氐,本也。均,平也。」○長 如此,則其 有 以 大師,尊 飛 維 「毗,輔 也。」 亂 持 必 四 樂 官

空我師,如空其國、空其地之類,蓋曰

尹

、氏大音泰。

師,維周之氐。

丁禮反。

秉國之

亞,則無膴音武。仕。子。 式夷式已,無小人殆。 瑣瑣素火反。 姻弗躬弗親,庶民弗信。 弗問弗仕,勿罔君

姊 也。 也。 心,視所任之人有不當者則已之,無 弗問弗事,則不可以 未嘗事者,罔 曰:「言尹氏委政於小人,而以其未嘗問 日 之』,與此已同義。」〇毛氏曰:「殆,危 氏曰:「夷,平也。」〇王氏曰:「已,廢退 欺也。」○朱氏曰:「君子,指王也。」○毛 張氏曰:「仕,猶事也。」○蘇氏曰: 『汝之弗躬弗親 人之故而至於危殆其國也。」〇 「劉熙《釋名》云:『兩壻相謂曰亞者,言每一人取 人取妹,相亞次也。」,應,厚也。」〇朱氏 《孟子》所謂『士師不能 瑣瑣,小貌。 继 ,庶民已不信 王 兩壻 而欺之,故戒之曰: 罔君子也。 相 謂 治事 日亞。 矣。 當平 了, 則 罔 其 孔氏 所 已 氏 以 其

之大位也。」曰:「瑣瑣婚姻之小人,無厚任用之,

置

圖事者也。「瑣瑣姻亞,則無膴仕」,「式夷式已,無小人殆」,謂尹氏所與

謂

尹以親暱

而置之高位者也

是達。 成。俾民心闋。若穴反。君子如夷,惡怒昊天不惠,降此大戾。音麗。君子如届,音昊天不傭,敕龍反。降此鞠九六反。訩。音凶。

也。 毛氏 也 曰:「違,遠也。」〇朱氏曰:「昊天不均, 也。」〇鄭氏曰:「夷,平易也。」〇蘇氏 戾,乖也。 届,至也。」〇毛氏曰:「闋,息 君子用其至,則民之亂心息矣。 君子平 乖戾之變。 丽 降 日 此 汹,亂也。」○鄭 雖然,所以 : 窮極之亂; 「傭,均也。」○朱氏 蓋 無所歸咎,而 靖之者,亦在夫人而已。 昊天不順,而 氏 曰:「惠,順 티 : 歸之於天 「鞠,窮 降此 也。

三五

「傭、《韓詩》作庸。庸,易也。」見天人合一之理焉。後皆放此。」○《釋文》曰:歸咎而歸之於天也。抑有以見君臣隱諱之義焉,有以以召禍亂者,人也。而詩人以爲天實爲之者,蓋無所以召禍亂者,人也。而詩人以爲天實爲之者,蓋無所以召禍亂者,人也。而詩人以爲天實爲之者,蓋無所以召禍亂者,人也。而詩人以爲天實爲之者,蓋無所其心,則民之惡怒遠矣。」又曰:「夫爲政不平其心,則民之惡怒遠矣。」又曰:「夫爲政不平

位,而 怒遠矣。夫何難 心,則尹 幽 天也。 也。 二者之情狀,惟平其心者則見之也。 王 訩、大戾,匪 如幡然用其至,則 民罹 進賢而退姦,蓋爲國之至 民之怨息矣。 在民視之則難,在幽王 、氏自不能逃 其 害 ,無可奈何,而 降自天,皆尹氏 哉 幽王如 其 罪 尹氏 "**,** 而 坦 必不 然平 民 理 爲 歸 之惡 之則 之於 爲 其 居 之 而

政,卒勞百姓。 寧。憂心如酲,音呈。誰秉國成? 不自爲不弔昊天,亂靡有定。式月斯生,俾民不

毛氏曰:「病酒曰酲。成,平也。」董氏曰:鄭氏曰:「式,用也。言月月益甚也。」〇

自爲政,而使此尹氏在位,致 勞也。」孔氏曰:「王肅云:「言政不由王出 者,王之事也。」〇歐陽氏曰:「責幽 之,如病酒之酲矣。]〇王氏曰:「 生,而使民 愍弔昊天,亂何時定? 國之有成,其紀綱法令之所存,此)鄭氏曰:「卒,終也。」○陳氏 不寧。」〇鄭氏曰 方且 人 主之所操 百姓於憂 與 日 滅 我 也。」 秉國 王 今憂 月 也。 不 俱

也。 乎? 意乎? 亂之甚,憂之極 式 不能去,反使之長惡不已。 前章既言去尹氏之易,此章復言王 (月斯生,俾民不寧。 憂心如酲。」言 百姓也? 誰云者,不敢斥王之辭也 何爲不自爲政,卒使 故曰:「不弔昊天,亂靡有定。 蓋深尤幽 也。 秉國成者 王. 之專任 尹氏 或者其天 之勞 其 尹氏 誰 紁

反。靡所騁。敕領反。 駕彼四牡,四牡項領。我瞻四方,蹙蹙子六

毛氏曰:「項,大也。」○鄭氏 亂,諸侯交争,而四方皆無可往之所。」 縮小之貌。 我駕此大領之四牡 騁,馳騁也。] () 歐陽 ,四顧天下,王室昏 日 :「蹙蹙 氏

枝葉皆瘁,是以無可往之地也 四方,則蹙蹙靡所騁。 馬之肥壯固可惟意所 於是駕彼四牡而將行。 此章言幽王既不悟,賢者有去而已, 適也。 蓋本根 四 牡 垣領 然我 病, 則 膽 則

相醻市由反。矣。 方茂爾惡,相爾矛矣。既夷既懌,音亦。 如

矛戟,如欲戰鬪。 也。 也。」孔氏曰:「言相惡既深,和解又疾,皆是無常小 解見《秦·無衣》。 醻,如賓主飲酒相 朱氏曰:「茂'盛也。」〇鄭氏 ○朱氏曰:「言方盛其惡以相 歡 視女矛矣,言欲戰鬪 如 賓 主 丽 及既夷平悦懌, 相 醻 1.相殺傷 酢,不以 日 加,則視 1: 「相 醻 也 爲 則 酢。」 ·; 視 怪 相 其

> 人。」〇董氏曰:「此小人之常 「小人喜怒之不可 期如 態 此 也。」〇 ,是以君子不 蘇 氏 曰

忍立於其側也

昊天不平,我王不寧。 怨其正。 不懲其心,覆芳服反。

正 也。」鄭氏曰:「女不懲止女之邪心,而 反怨人之正己者。 矣。」〇蘇氏曰:「然尹氏猶 朱氏曰:「尹氏之不平,若天使之,故 昊天不平』。 也。」 若是,則我 言其 爲 不 Ŧ. 悪 自懲艾,乃 一亦不 無 反 怨 . 得 憎 己 寧 其

家父作誦,以究王 畜許六反。 尹氏不平乎? 此章篇將終矣,故復嘆曰:「昊天其使 之不得寧也。 者,方且報復而未已。 今尹氏不懲創其惡,覆怨正 萬邦。 随。 此憂豈爲身哉?」 我王其不得 式訛五戈反。 吾是以憂吾君 安寧 人之攻己 爾心, 乎?

以

君心之非,則政事無不善矣,用人皆得其當矣。」 之失,政事之過,雖皆君之非,然不必先論也。 臣,義與國俱存亡故也。」〇朱氏曰:「家父作 官字。 改心易慮,以畜養萬邦也。」〇范氏 爲此誦,以窮究王致昏亂之所由,冀其 也,政不足與間也,惟大人爲能格君心之非。」蓋用人 出於己,以身當尹氏之怒而不辭者,蓋家父周之世 變雅之首。」李氏曰:『《孟子》曰:『人不足與適 「尹氏厲威,使人不得戲談,而家父作詩乃復表其詩 載字焉。寺人孟子,亦此類也。]陳氏曰: 諷諭,或指斥愆咎,或隱匿姓名,或自 也。」〇孔氏曰:「詩人之情不一,或微 鄭 攻其惡者,正其 曰 家父盡忠竭誠,不憚誅罰,故自 「 究, 窮 心而已,此所以爲幽王 也 訛 化 也。 畜 惟 格 顈 加

《節南山》十章,六章章八句,四章

章四句。

心,癙音鼠。憂以痒。音羊。亦孔之將。念我獨兮,憂心京京。哀我小亦孔之將。念我獨兮,憂心京京。哀我小正月繁共袁反。霜,我心憂傷。民之訛言,《正音政月》,大夫刺幽王也。

氏曰:「覩天災爲之憂傷。」○歐陽氏 以害於國,又甚於繁霜之害物也。」○董 曰:「降霜非時,天災可憂,而民之訛言 長養之月也。 毛氏曰:「痒,病也。」〇范氏曰:「正月, 京,大也。」〇吕氏曰:「癙憂,幽憂 下『鼠思泣血』文雖小異,義亦同也。」〇 毛氏曰:「京京,憂不去也。」王氏曰: 鄭氏曰:「訛,僞也。 之正月者,以乾用事,正純陽之月。」繁,多也。」〇 七年六月日食,太史謂之正月。 毛氏曰:「正月,夏之四月。 繁霜,肅殺之氣也。」〇孔 孔將,甚大也。」〇 周六月是夏四月,謂 孔氏曰:「昭十 也。 「京 與

氏 痒病,人所不知 我之夙夜憂國, 臣不知憂懼也。」〇長樂劉氏曰:「哀哉, 臣未有覺悟者,蓋不如是,則國不亡也。] () 歐陽氏 末,天災謫見,非不明甚。民言謗讟,非不深切。 亡無日矣。」李氏曰:「夏、商之季,至於漢 石經作僞言。」 在于穴内,人所不知也。 爲王憂耳。以見幽王之朝多 曰:「念我獨兮,憂心京京,大夫言己獨 日 起于下也。 霜降非時 也。」〇董氏 顧無助我者、鼠 2、災降 上下相 于上也。 我有癙憂至於 應如 曰:「訛言 小人,而君 此 病而 言 則 唐之 憂 國 非

訛言。
凡壽張爲幻以罔上惑衆者,皆謂之

心愈愈,是以有侮。自我後。好言自口,莠餘久反。言自口。憂自我後。好言自口,莠餘久反。言自口。憂父母生我,胡俾我瘉? 音庾。不自我先,不

毛氏曰:「瘉,病也。」○鄭氏曰:「自,從

免身。訛言之人,善言從女口出,惡言 毛氏曰:「愈愈,憂懼也。」王氏曰:「愈愈,憂 善,則莠惡可 也。」〇王氏曰:「莠,惡也。 出其 甚之謂也。」○王氏曰:「疾痛 而反以侮我曰何至是。」 曰:「小人傾詐反覆無愧,使我憂心愈愈,日以益: 如是,與訛言者殊塗,故見侵 亦從女口出。女口一耳,善也惡也, 出我之前、居我之後? 傷己適丁是時也。」〇鄭氏 中,謂其可賤。 知 也。」蘇氏曰:「莠,不實也。」〇 憂心愈愈,我 窮苦之情,苟欲 (曰:「此何不 故呼父母,而 侮 蓋 也。」蘇氏 穀 謂 之 同

并必政反。其臣僕。哀我人斯,于何從禄?憂心惸惸,其營反。念我無禄。民之無辜,

瞻烏爰止,于誰之屋?

曰:「并,俱也。古者以罪人爲臣僕,亡幸也。」○鄭氏曰:「辜,罪也。」○朱氏也。」○陳氏曰:「禄,福也。無禄,猶言不毛氏曰:「惸惸,憂意也。」王氏曰:「惸惸,獨

屋。 臣僕。 亡,與 其將然也。」 禄 無主乃亂。 不知其將止於誰之屋也。」王氏曰:「民有欲 國 ,則釋王而從禄于他。 烏之爲物,唯能食己,則 喪,我 所 民之從禄,將如此矣。 虜, 此 未知將復從何人而受禄,如 天生聰明,時义,王不能义,而 無罪之民,將隨 罔 亦 以 爲 爲 臣 臣僕,故 僕。』言不 哀者,哀其如此。 箕子 以 · 幸 淪 遭 日 陷 國之 民無所 而 瞻者,瞻 烏 并 商 江上其 飛 爲 將 其 得

音升。 視天 瞻彼 八夢夢。 中林,侯薪 有皇上帝,伊誰云憎 莫紅 反。 侯 蒸。之丞 既 克有 定, 反。 靡 民 今方殆, 人弗勝。

曰 : 形 毛氏 耳。」○《爾雅》曰:「夢夢,亂也。」○ 侯,維也。 ,其殘之也甚矣。 √體謂之天,以其主宰謂之帝。」○ 「皇,大也。 中林之木,莫不摧毁,而維薪 曰:「中林、林中也。」() 林中大木之處,而 上帝,天之神也 幽 王播其虐 維 鄭 有 氏 於天 蒸 蘇 以 朱 薪 曰 在 其 氏 氏

> 懲 ? 謂 聖,誰知烏之雌雄? 山蓋卑,爲岡爲陵。 衆則勝天,天定亦能勝人。』不然,天豈 有所憎而禍之耶? 告。」方其未定,何所 歐陽氏曰:「民今方危殆,而仰瞻天,則夢夢然而無所 人未有不爲天所 下 薪蒸者也。」民 - ,大家 無能爲者,不知 召彼故老、訊音信。 「君之剥削 世 於民而 族 方在 散 爲皂肄, 危殆之中,視天之夢夢 勝者。 至於盡,猶人之侵伐材木 此天理之未定故也。 適當其未定故爾。」 不至? 民之訛言,寧莫之 之占夢。具曰 亦 申包胥曰:『人 猶 及其既定: 是也。 以 王 致 氏

所難別,故引以爲言。」○李氏曰: 予聖,君臣俱自謂聖也。」〇歐陽 而别之。 「凡禽鳥之雌雄,多以其首尾毛色不 毛氏曰:「故老,元老。 (卑,則 有爲山脊者,有爲大阿者 烏之首尾毛色,雌雄不 民之訛言,變白爲黑如此,乃 訊,問也 氏 1,而皆 ·異,人 「謂 曰 具 Ш 同 : 曰

謂

之事。 祥。 逆而有 彼故老,而問之以不急之事。」〇《前漢・藝文志》曰: 不懲艾之,何也?」○孔氏曰: 티. 氏 訊之占夢」,傷其舍本而憂末,不能勝凶咎也。」〇吕氏 小人,不止訛 雌 甚,故君臣皆自謂聖,而 曰:「「召彼故老,訊之占夢」,「執我仇仇,亦不我力」, 聖,誰知烏之雌雄?」抑亦似君之君臣乎?」」 大夫出言亦自以爲是,而士庶人莫敢矯其非。 由然焉。君出言自以爲是,而卿大夫莫敢矯其非。 自賢矣,而群下同聲賢之。賢之則順而有福, 而訊之占夢,則其 『其車既載,乃棄爾輔』,皆不信仁賢之實也。」(惑者不稽諸躬而忌妖之見,是以《詩》刺「召彼故老 ·雄無以相別也。」《孔叢子》:「子思言於衛侯 日 「君之國事將日非矣。」公曰:「何故?」對曰:「有 召彼元老宿舊有德者,但 高,不敢 禍。 言其侮慢長老也。」朱氏曰:「方且 「亂甚矣,不知與故老圖此,乃召 如 此,則善安從生? 不 言,而愛好鄙碎, . 局。 迷亦甚矣。唯其 其欲反。 上下同德,如 《詩》曰:「具曰予 謂 問 三王 地 共 之占夢 **,**矯之則 蓋 君臣既 信 既 〇 王 厚, 徴 任 迷 烏 卿

> 脊。 不敢不蹐。井亦反。 蹐,累足也。《説文》曰:「蹐,小步也。」脊, 毛氏曰:「局,曲也。孔氏曰:「曲者,曲身也。」 《正月》六章、惕焉如懼,曰:『彼不達之君子,豈不殆 巡曰: 『蠑螈,一名蜥蜴。 蝮。」○毛氏 也。」〇董氏曰:「崔靈恩《集注》以虺 哉 ? 雖厚而不敢不蹐。」《家語》曰:「孔子讀《詩》,于 爲蜥蜴,攷《詩》、《書》,無以虺爲蜴者。」 〇 朱 氏 宫。」□○董氏曰:「陸璣以虺蜴爲蠑螈,鄭康成以虺 魚》云:「蠑螈、蜥蜴。 曰:「謂天蓋高,不敢不局。謂地蓋厚,不敢不蹐。」此 不終其命焉。 己 曰:「遭世之亂,天雖高 言上下畏罪,而 「獨由之,則曰非妖即妄也。故賢者既不遇天,❶恐 哀今之人,胡爲虺暉鬼反。 從上依世則道廢,違上離俗則身危。時不興善 桀殺龍逢,紂殺比干,皆是類也。《詩 目 無所自容也。」〇王氏曰:「人 維號音豪。 蜥蜴,蝘蜓。 蜴, 蜥蜴名蝘蜓,蝘蜓名守 螈也。」孔氏曰:「《釋 而不敢不局,地 蝘蜓,守宫也。』李 斯言,有倫· 蜴。 星歷反。 爲 有 理

「者」,原作「也」,據《墨海金壺》本改。

0

蝎矣。」
曰:「當是時也,人之害人者則爲虺,畏人者則爲时;「當是時也,人之害人者則爲虺,畏人者則爲胡爲肆毒以害人,而使之至此乎?」王氏偏序,有脊理。」○朱氏曰:「哀今之人,號呼而出斯局蹐之言者,非誕也,乃有號呼而出斯局蹐之言者,非誕也,乃有

得。執我仇仇,亦不我力。 五忽反。 瞻彼阪音反。田,有菀音鬱。 成群 曰:「謂其迅疾也。」亦猶賢者之特立,而小人 而天 特盛之苗,亦猶昏亂之朝,有挺 傲慢賢者。」○朱氏曰:「力,猶用 鄭氏 之賢者。 氏曰:「《釋訓》云:「仇仇、敖敖,傲也。」郭璞曰:「皆 ○李氏曰:「視彼阪田崎嶇之處,有菀然 之處,而有菀然茂特之苗。]〇毛氏曰: 扤 ,動也。 ()爲風 ,思有以中傷之,惟恐其不及也。」歐 曰 我,如不我克。 特立之苗,特生於阪田之中, 雨以 「阪田,崎嶇墝苦交反。 仇仇,猶警警五報反。 **扤動之,惟恐其不勝,鄭氏** 彼求我則, 其 特。 埆户 然特立 力 也。」孔 如不我 天之 也。 角反。 扤

> 及亡國之憂。」〇《釋文》菀作苑。 傷獨立,而知其無如之何,故於下章遂 大夫自傷獨立於昏朝之辭也。 貪賢之名,無用賢之實。」○歐陽氏曰:「此 甚艱,而棄之甚易,言其無常耳。」○鄭氏曰:「言其有 見。 其禮待 我爾。」〇孔氏曰:「其得我則 陽氏曰:「云天之扤我者,君子居危,推其命於天也。」 用我也。)蘇氏 既見聖,亦不克由聖。」」朱氏曰:「求之 我警警然。」〇蘇氏 曰:「方其求我以 《書》曰:『凡人未見聖,若不克 爲 曰:「曾不力 法 空執留我 也 ,如恐失 大夫既

矣 ? 宗周,褒補毛反。 心之憂矣,如或結之。今兹之正,胡 盛之時,炎熾熛怒也。」〇毛氏曰:「宗 周,鎬京也。 惡也。」○鄭氏曰:「火田爲燎。 孔氏曰:「結,纏結也。」〇歐陽氏 「正,政。 古用字多通。」〇毛氏 燎力韶反。 姒音似。 之方揚,寧或滅之? 褎,國也。 威呼悦反。 姒,姓 之。 日 也。 属 赫赫 然属

傷之也。」○毛氏曰:「幽王惑襃女以爲后 也。」朱氏曰:「赫赫之宗周,而一襃姒足以滅之,蓋 昏惑,推其禍亂之本以歸罪也。」 始言滅周主於襃姒者,謂王溺女色而 詩人知其必滅周 赫然之宗周,而乃爲襃姒所滅,誠 曰:「厲,危也。 之憂如結,而 滅也。」《釋文》曰:「威,齊人語 人以褒姒淫妬,知其必滅周也。] () 歐 「火之燎于原,寧有能滅之乎? 「心憂如有結之者。」()歐陽氏 "此詩上七章皆述王信訛言亂政,至此 正危則以邪勝故也。」○李氏 國之政何其 也。」孔氏曰:「宗周未滅、詩 也。」○鄭氏 惡也?」王 日 -陽氏 今也 我心 可 日 曰 日 赫 致 氏

反。伯助予。乃棄爾輔。載輸爾載,才再反,下同。將七羊乃棄爾輔。載輸爾載,才再反,下同。將七羊終其永懷,又窘求隕反。陰雨。其車既載,

可解脱之物,蓋如今人縛杖於輻以防輔毛氏曰:「窘,困也。」〇孔氏曰:「輔是

毛氏 車。」 爲迫。」 危,故難不至。苟其載之既墮,而後號伯以助予,則無 則墮女之載,乃請長者見助,以言國 氏曰:「大車重載,又棄其輔。」〇 曰: 止,君子永思其終,知其必有大 及矣。」 〇 董 將至,而棄賢臣焉,故曰:「乃棄爾輔。」君子求助於未 而求賢者,已晚矣。」蘇氏曰:「幽王不虞難之 曰:「乃棄爾輔,謂遠賢也。 曰:『終其 「陰雨則泥濘,而車易以陷也。」〇毛 _ _ 曰:「將,請 幽王日 鄭氏 永懷,又窘陰 氏 爲淫虐,譬如行 曰 : 曰: 【韓詩 也 輸 伯,長 **墮**許! 雨。二〇朱氏 ;規反。 章 也。 棄女車 險 句 難 而 也)鄭氏 以 不 蘇 知 氏 危 窘 故

已,復誨 前章既 言周 自 幽 助 王 之必亡矣,此章 日 乎?」無至於傾 「此何等時, 乃 懷 棄賢 不 而 能 誨

「車」、《毛詩正義》作「事」。

之也。

於禍難可知矣。」〇范氏曰:「治天下者,任 謂慎矣,猶以爲未也,而又屢顧爾僕,然後不至於多 重道遠,故以將車喻。」● 曰"「告之而不信,故又曰"『終踰絶險 絶險而不以爲意,則宜其覆矣。」○蘇氏 謂駕車者當如此,猶恐覆敗,而今乃履 將車者也。」〇歐陽氏曰:「戒其無棄爾 曾是不意。』」李氏曰:「不棄爾輔,員于爾輻,可 輔而益其輻,又顧其僕,使不覆所載者, 毛氏 輪騙。] 〇鄭氏曰: 以益輻也。」孔氏曰:「當無棄爾之車輔,益於爾之 今幽王乃終然踰於絶險之地,而不以爲意,其忽 (□:「員,益也。」○朱氏曰:「輔,所 「屢,數音朔。 也。 僕,

矣,亦孔之炤。音灼。憂心慘慘,七感反。念魚在于沼,之紹反。亦匪克樂。音洛。潛雖伏

國之爲虐。

威進曰:『夫子遂得潛乎?』文中子曰: 牛首之谿,登降信宿,從者樂。 不可也。」○《文中子》:「遊馬頰之谷,遂至 織者所麗。言危亂之世,有道君子,在朝不可也,在野 於深淵,亦爲罔罟者所獲。 不可以避,莫知所於。」〇長樂劉氏曰:「魚雖然潛伏 非能有樂。退而隱居,雖遁於山林之中,又姓名聞徹 慘慘,則幽愁之至也。」孔氏曰:「賢者在朝廷 此、故君子憂心慘慘、念國之爲虐 君子雖潜伏,無所容也。蹙而困之如 是以 衰亂之朝、譬如魚之在沼、非其所樂。 易見也。」〇毛氏曰:「慘慘,猶戚戚也。」 毛氏曰:「沼,池也。」○鄭氏曰:「炤炤 ○王氏曰:「魚在于沼,其爲生已蹙矣.)王氏曰:「潛雖伏矣,亦孔之炤,以譬 ﴿匪克樂也。」○蘇氏曰:「君子立於 士雖隱晦於山林,亦爲羅 姚義、竇 也

終焉。既而曰:『不可爲矣。』」險,曾是不意。』文中子喟然遂歌《正月》『其車既載,乃棄爾輔。』威曰:『終踰絶不我得。執我仇仇,亦不我力。』義曰:不我得。執我仇仇,亦不我力。』義曰:「潛雖伏矣,亦孔之炤。」 威曰:『聞朝廷

我反。

矣富人,哀此惸獨。

其鄰,昏姻孔云。念我獨兮,憂心慇慇。 彼有旨酒,又有嘉殽。 户交反。 給比 失志窮獨 比其鄰里,怡懌其昏姻,而昏姻甚稱説其爲善,則君子 也。」王氏曰:「君子困蹙而小人得志,❷有酒食以洽 小人徒乃群居飲 然,不知禍之將及也。」今國勢如 安,自以爲樂也。 憂之。昔人有言曰:『燕雀處堂,母子 殽,和洽其鄰里,與其親戚周旋,而 然,痛也。」〇李氏曰:「小人有旨 比也。」○毛氏曰:「云,●旋也。 毛氏曰:「洽,合也。」○孔氏曰:「比, ,其憂甚矣,慇慇則疾痛之至也。」○歐陽氏 酒 突决棟焚,而 以 相樂,殆燕雀之類 母子 毗志反。 我 恬 相 親 面 獨

今之無禄,天夭於遥反。是椓。陟角反。哿哥他仳音此。彼有屋,蔌蔌音速。方有穀。民也。」○《釋文》殽作肴,曰:「本又作稅。」憂,而猶有以酒肴與其鄰里親戚爲樂者,而我獨憂曰:「大夫既自傷將及禍,而又哀彼衆人,不知危亡可

富矣。 方且 孔氏曰:「佌佌然之小人,彼已有室屋之 鄭氏曰:「穀,禄也。」〇朱氏曰:「椓,害 矣。」〇王氏曰:「佌佌者有家,而 也。」〇毛氏曰:「哿,可。 毛氏曰:「佌佌,小也。 「民方無福,故天之夭孽並 有禄未艾也,而民反無禄。」 其蓛蓛然窶陋者,方有爵禄之貴 蓛蓛,陋 獨, 單 出 也。」〇 蓛 《蓛者 核喪 蘇氏

0

0

改

義》改。「云」,原作「去」,據四庫本、《墨海金壺》本及《毛詩正

[「]困」,原作「因」,據官內廳本、四庫本、《墨海金壺》本

寵,方轂而行也。」 「個,小貌。從人,從凶。《詩》曰:『個個個,小貌。從人,從凶。《詩》曰:『個個個人,小貌。從人,從凶。《詩》曰:『個個個人,小貌。從人,從凶。《詩》曰:『個個個人,小貌。從人,從凶。《詩》曰:『個個個人,小貌。從人,從凶。《詩》曰:『個個個人,小貌。從人,從凶。《詩》曰:『個個個人,小貌。從人,從凶。《詩》曰:『國人。王氏曰:『仙仙、蔌蔌者,極害之也。』富人猶之。王氏曰:『仙仙、蔌蔌者,極害之也。』富人猶之。王氏曰:『仙仙、蔌蔌者,極害之也。』富人猶

是,蓋甚可憐矣。 曰:「哿矣富人,哀此惸獨。」使民至之甚者,又就其間自較其淺深,故故曰:「土國城漕,我獨南行。」困苦敬曰:「土國城漕,我獨南行。」困苦勞役之甚者,又就其間自較其輕重,

章六句。《正月》十三章,八章章八句,五章

十月之交,朔月辛卯。日有食之,亦孔之《十月之交》,大夫刺幽王也。

孔之哀。 醜。彼月而微,此日而微。今此下民,亦

氏曰:「古之曆書亡矣,今世有周曆、魯 純陽,故謂之正月。十月爲純陰,故謂之陽月。 而食,陽弱之甚也。 天變之大者也。然正陽之月,古尤忌之。 夏之四月爲 則有之,議者疑其傅會而爲此也。」〇蘇氏曰:「日食 獨此詩爲周正,可乎? 幽王之六年。」二〇什方張氏曰:「《詩》有夏正無周正 ○李氏曰:『《唐志》云:『《十月之交》,以曆推之,在 不食者,或有頻交而食者。」此得之矣。」〇鄭氏曰: 動物,雖行度有大量,不能不少有盈縮,故有雖交會而 在表,雖依限而食者少。杜預見其參差,乃云:『日月 三日有奇爲限。然月先在裏,則依限而食者多。若月 道裏,則不食矣。又曆家爲交食之法,大率以百七十 之會。交會而日月同道則食。月或在日道表,或在 度之七。二十九日有餘而月行天一周,追及於日而 皆右行於天,一晝一夜,日行一度,月行十三度十九分 交會、謂朔也。周天三百六十五度四分度之一,日月 周之十月,夏之八月也。 毛氏曰:「交,日月之交會。」孔氏曰:「日月 純陰而食,陰壯之甚也。] 〇孔 漢曆幽王無八月朔食,而唐曆 八月朔日,日月交會而食。

其

患

首

氏

曰 古

則

曰

III

微

鄭

王氏

《春秋

陰盛

人於

則

也

加

食

陽盛

乎

何不 良 月 臧 告 彼 月 ? 凶 , 不 而 食, 用 則 其 維 行 其 常 四 或 此 無 日 政 而 不 用 其

考日

食之法,

丽

其年

卢

往

往

差,

者

蓋

漢

初

爲

之。

其

交

無

遲

速

盈

縮

日

漢

世

通儒

,未有以曆考此辛

卯日食者。」

毛氏

日

「醜,惡

也。」〇蘇氏曰:「

交

耶 ? 鄭氏 氏曰:「望而正於黄 于 政之謂也。 侯 爲常也 食非其常 行,則以 凡日月之食者,皆不用其常道。」不 行,道度 食,于何不臧」者,何也?』對 何不善。」〇王氏 善人也。 簡 日月之災。』○《前漢》 「《春秋》日食三十六,月食則未嘗書,豈月未嘗食 朔而正於黄道,是謂日壅月明 亦以爲常故爾。」○《左傳》昭七年: 曰 於士文伯 也。 四國 「告凶,告天下以 也, 臧,善也。」〇孔氏 此日 國 不用之者, 無政,不用 然比日食,則以陽侵 無政,不 曰:《詩》所 而食,則爲變大矣。」李氏 道,是謂臣 曰:「日月告凶,不用 甪 干 謂 其 君明 (),则() 相 凶亡之徵 用其良,不 劉 (良 曰:「猶言 謂「), 則 干 日 ()則陽 故 陰 向 爲之食矣。 犯 自 引 彼 也 也 斯 陰 不 蝕 也 善 其 用 之

爲陵。 爆爆于輙反。 常。 宜恐懼修省,改紀其政,而幽王曾莫之 時實事。」○朱氏曰 曰:「高岸爲谷,深谷爲陵,言易位也。」○陳氏曰: 岸陷爲深谷,深下之谷進出 高峰之上, 崒然崔嵬者皆崩落。 但日食,又爆爆然有震雷之電,其聲過 者。」憯,曾也。」〇孔氏曰:「幽王之時,不 尋傳》注:「雷電失序,不安不善。」○毛氏 毛氏 朱氏曰:「寧,安也。令,善也。」《前漢·李 曰:「崒,崔嵬。《爾雅》注:「崒,謂山峰頭巉巖 曰 沸、出。 山頂之高者崩,故陵谷由之以改易。」所陳皆當 百川之水皆溢出 (曰:「爗爗,震電貌。 震,雷也。」○ 哀今之人,胡憯七感反。莫懲 山冢崒徂恤反。 月 騰,乘也。 震電,不寧不令。 鞠 凶 :「災異之衆如此,是 用其行。」 崩。 山頂曰冢。」○鄭氏 m 相 高岸爲谷 乘,山之冢 「爲陵。 百川 高大之 沸浦味 曰 毛氏 頂 谷

> 天乃先· 〇王氏曰:「哀而怪之也。」 崒崩。高岸爲谷,深谷爲陵。哀今之人,胡憯莫懲。JJ 下。水泉沸騰,山谷易處。其詩曰:『百川沸騰,山 至。 也。』」《前漢》劉向上疏曰:「天變見於上,地變動 出怪異以 懲 也 此見天心 出災異以譴告之。 董子曰:『國家將有失道之敗, 警懼之。尚不知變,而 仁愛人君,而欲 不知自省,又 止 傷敗乃 工其亂 於 而

扇。方處。反。馬,楀音矩。維師氏。豔餘瞻反。妻煽音夫。聚側留反。子内史,蹶俱衛反。維趣七走皇父卿士,番維司徒。家伯爲宰,仲允膳

之數。冢宰,掌建邦之六典。皆卿也。是、蹶、横、皆氏。」孔氏曰:「父及伯、仲,是字之聚、蹶、横、皆氏。」孔氏曰:「卿士,六卿之外更爲都官,以揔六官之事也。」○鄭氏外更爲都官,以揔六官之事也。」○鄭氏外更爲都官,以揔六官之事也。」○鄭氏外更爲都官,以揔六官之事也。」○鄭氏則:「皇父、家伯、仲允,皆字。番、鄭氏曰:「皇父、家伯、仲允,皆字。番、

也。煽,言其勢盛,若火之煽然。方處,

言方處勢未變徙也。」鄭氏曰:「王淫於色,七

也。 也。」〇王氏曰:「求變異所生以用七子, 仔賦云:「悲晨婦之作戒兮,哀褒閻之爲郵。」煽,熾 曰:「閻妻扇方處。」言厲王無道,内寵熾盛。」〇班倢 《小雅·十月之交》篇曰:『此日而食,于何不臧?』又 七子所以見寵用事,則以豔妻煽 用國,宗周以喪。 妻,褒姒。美色曰豔。《前漢》谷永云「昔褒姒 也,掌司朝得失之事。]〇毛氏曰:「豔 士一人」,此言中士者,誤也。」師氏,亦中大夫 掌爵禄廢置、殺生予奪之法。 高爲先,而有不次者,便文以取韻也。」膳夫,上士 士也,掌王馬之政。孔氏曰:《序官》[趣馬,下 也,掌王之飲食膳羞。 之中未有單稱宰,以此知家伯是冢宰也。此大率以官 孔氏曰: 豔妻,言其配王以色而已,非以 「家伯維宰」,謂此宰夫也。」小宰、宰夫,經 豔妻驕扇,日以不臧」,注:「魯詩 此宰爲小宰。 内史,中大夫也 鄭司農《宰夫》注 趣馬,中 方處故

可解也。」○《釋文》蹶作歷。曰:「群小人用事,又有豔妻交結於內,則其勢蟠結不官有尊卑,權寵相連,朋黨於朝,是以疾焉。」○李氏子皆用嬖寵。 方熾之時並處位,言女謁行之甚也。雖

予不戕,在良反。禮則然矣。謀? 徹我牆屋,田卒汙音汙。萊。音來。曰抑此皇父,豈曰不時? 胡爲我作,不即我

也。」故作我以徙,而不即我謀,乃徹 皇父所爲自以爲是,鄭氏曰:「言其不自知惡 之,其餘則以類聚 荒」是也。」○鄭氏曰:「戕,殘也。」○范氏 宫而豬焉」是也。萊者,草穢之名。《楚茨》云『田萊多 萊。」孔氏曰:「汙者,池停水之名。《禮記》曰 『汙 卒,盡也。」○毛氏曰:「下則汙,高 是也。」〇朱氏曰:「作,動也。 朱氏曰:「抑,發語辭。」〇毛氏曰:「時, 曰:「前章備舉其朝之小人,而皇父實尸 長樂劉氏曰:「何爲於我民居有大興作,而不先 田 不獲治。 而已。1〇王氏曰:「言 卑者卒汙,高者 即,就也 我 牆 則

老,俾守我王。擇有車馬,以居徂向。 事,亶侯多藏。 皇父孔聖,作都于向。 專權足己,自比聖人。」作 邑也。」〇孔氏曰:「皇父封於畿内,當二 因其自聖而譏之曰 氏 自强之辭也。」〇朱氏 曰:「憗,强也,且也。」鄭氏曰:「憗者,心不欲 三卿。 名向上。」則向在東都之畿内也。」三有事 與鄭十二邑,向在其中。 毛氏曰:「向,邑也。 曰:「皇父甚愚,而 亶,信也。侯,維也。」○《爾雅 才浪反。 日 孔聖也。 杜預云: 『河内軹縣西 都 式亮反,下同。 孔氏曰:「《左傳》説 自 于向 不整 祖 謂 , 徙民 ,往也。」〇 甚聖,故詩 魚覲反。 鄭氏曰:「皇父 而 擇三有 國之 作其 遺 有地 桓 王

> 邑也。」 者,以往居 之向矣。」〇鄭氏 玉。 之人以爲三公,懼故老在位,盡出之,不遺一人以保我 至向亦當反,但去時盡將之耳。」〇陳氏曰: 甚也。」孔氏曰:「皇父矜形勢,盡將王官列職往向 自强留一老人以留衛王,則又不忠敬之 氏曰:「『不整遺一老,俾守我王』者,不 日: 三有事,亶侯多藏,則其用人維貨其吉也。」〇鄭 卿。 也。」鄭氏曰:「禮,畿内諸侯二卿。」〇毛 人。」鄭氏曰:「三卿皆取聚斂之臣。」○王氏曰: 「皇父擇其國之三卿,信維貪淫多藏 漢靈帝時,西園有三公之錢。在幽王時,此錢歸 「盡將舊在位之人與之皆去。」〇王 今立三有事 向。二〇董氏曰:「以實 曰:「又擇民之富有車 是 增 卿 以 比 氏 「擇多 列 曰 Æ 之 國

讒口囂囂。五刀反。下民之孽,魚列反。匪降黽民允反。勉從事,不敢告勞。 無罪無辜,

競由人。自天。噂子損反。沓徒合反。背蒲妹反。憎,職

哉? 從 「《韓詩》作警警。」 ○《説文》曰: 孽,未可歸於天也。」○《前漢》劉向上疏 見之狀如此,背則憎疾也。 鄭氏 無辜,讒 天之所爲也。 且見讒,而况敢告勞乎? 下民之孽,非 雖勞不敢自謂勞。] 〇蘇氏曰:「無罪 沓。」○毛氏曰:「職,主也。」○鄭氏曰: 而 沓,重複也。」毛氏曰:「噂,猶噂噂。 詩人賢者、見時如是、自勉以從王事 孽,災害也。] 〇蘇氏曰: 人,尊聲。 詩》曰:『密勿從事,不敢告勞。 背相憎。 」陳氏曰:「噂,聚談也。沓,猥并也。 曰:「囂囂,衆多貌。」○孔 **嗸** 整。』」《釋文》囂囂作警警,云: 專力爲此者人也,而豈 《詩》曰:『僔沓背憎。』」 噂噂沓沓,多言以相説 用如此小人在位,所以興 「噂,聚 「僔,聚也 ;氏曰: 沓,猶沓 小人相 無罪 也 天

^{箭反。}我獨居憂。民莫不逸,我獨不敢休。悠悠我里,亦孔之痗。^{莫背反。}四方有羨,徐○《釋文》沓作喈。

天命不徹,我不敢傚我友自逸。

故爲此辭。學《詩》者當以意逆之。」○王氏曰: 憂。 己。」陳氏曰:「不然,則 自逸。□○毛氏曰:「 之而已,故不敢傚我友 時,豈四方之民盡皆饒羨優游? 大夫方言己之勤勞, 氏曰:「四方之民,盡有饒餘,我獨居此 曰"「此所謂譏小己之得失,而其流及上者也。」 〇孔 天下病矣,而我所居里,則又甚病矣。」又 也。」〇王氏曰:「徹,通也。 毛氏曰:「悠悠,憂也。痗,病也。 息。]王氏曰:「凡民之不如也。」○李氏曰:「幽王之 時有潔身而去者,己獨不去,故曰:『我不敢傚我友 不通則以言其 民莫不得優游自逸,我獨不敢休 里,顧野王作 八窮也。 連。 不應不去也。」〇 親 自逸也。」范氏曰: 屬之臣,心 其窮,命也。 \sim 爾 雅 幽王之時, 以 羡,餘 能 爲 勉

《十月之交》八章,章八句

雨 歐陽氏 《序》云: 也 也。」則雨衆多者,其爲政令不得一也,故爲 『無,衆也。』《書》曰:『庶草繁蕪。』《説文》曰 首多『雨無 **所疑。」劉諫議** 詩七章,都無此義,與《序》絶異,當缺其 下者也。言衆多如雨而非政 今《雨無正》之名,據《序》曰:『雨,自上 詩之意, 名往往無義 無 》作『雨 正音政》,大夫刺 衆多如 || 雨 曰:「古之人於詩多不命題, 無政》, 其極,傷我稼穡」八字。」○董氏曰: 如《巷伯》、《常武》之類是也 無極》,正大夫刺幽王也。」比《毛詩》篇 例。其或有命名者,則必述 雨,而非 曰:「嘗讀《韓詩》,有《雨無極 正大夫刺幽 幽王 旃 낈 王也」。 也。 爲政 雨,自 **章** 也。 也。」今考 句》曰 正大夫 上下 而

> 烏反。 辜。 疾威 降喪饑饉,其靳反。 浩浩古老反。 若此無罪,淪音倫。 ,弗慮弗圖。 昊胡老反。 舍音赦。 斬伐四 天,不 胥 息魚反。 國。 彼有罪,既伏其 駿 旻密巾反。 ()音峻。 以鋪。 其

之慮 饉 饉。」〇孔氏曰: 王氏 何不長其德,既又生之,而又降喪亂 爲之。』天之生物,浩然其若無窮者,奈 無罪而被禍災者,無所歸咎,曰:『天實 誤也。」○《釋文》曰:「旻,本有作「昊天」者,非也。 亦昊天。」又曰:「定本作「昊天」,俗本作「旻天」、 曰:「舍,置也。 曰:「駿,長也。 ·鋪,徧也。」○蘇氏曰:「幽王之亂,民 以 鄭氏曰:「慮、圖、皆謀 斬 曰:「浩浩, 伐之哉? ,置而勿疑可 弗之圖乎? 廣大流通之意。二〇毛 「旻天,上有昊天,明此 穀不熟 淪,陷也。]○鄭氏 豈天怒之迅烈,曾 也。 彼 有罪 曰 若此無罪 饑、蔬不熟 也。」〇蘇 者, 則 既 曰 氏 弗 之 使 饑 氏

薰。 正》之篇曰:「若此無罪,淪胥以鋪。」《韓 漢・序傳》云「烏呼,史遷薰胥以刑」,注:「晉灼 之相與陷 「薰,帥也。 齊、韓、魯《詩》作薰。」師古曰:『《詩・小雅・ 薰者,謂相薰蒸,亦漸及之義耳。」 「《韓詩》作『薰胥以 溺, 胥,相也。 無 不 徧 焉,何也?」〇董 痛』、《章句》曰 痡,病也。』」《前 詩》淪字作 雨 曰 氏 無

諸侯,莫肯朝夕。庶曰式臧,覆芳服反。出我勩。夷世反。三事大夫,莫肯夙夜。邦君周宗既滅,靡所止戾。正大夫離居,莫知

范 曰 是也。」○毛氏 曰三事暨大夫,舉三公及大夫也。]○朱 長 毛 大夫,謂其屬。」李氏曰:「徐安道以謂《周官 臧,善也。」〇毛氏曰:「覆,反也。」〇 也。」王氏曰:「《周官》八職,一曰正,六官之長 氏 「三事大夫,王肅 曰:「周宗者 曰:「戾,定也。」○鄭 曰 …「勩,勞也。」○ 周爲天下之宗也。」 以三事爲三公。 氏 7日: 二 氏 孔氏 曰 正

> 爲惡。」 節也。 曰 : 其下 王今國危如此,當改用善,而 懲焉。」孔氏曰: 庶王之儆懼而 大臣 之禮也。 勩。』『三事大夫,莫肯夙夜』,無在公之 民 姓之宗也。既滅,言將有易姓之禍,其兆既見矣。」 滅者 范氏曰:「 之 王 至 心所定· 天日: 不使,其諸 大大夫 ,其滅之形 此 『邦君諸侯,莫肯朝夕』,無尊王 則 幽王 宜 、勞於 也。 反善矣, 靡所止戾,未知天之所 方 一君 屏棄故老,侮慢諸侯,其 用善,反出 成故 是 從 正大夫離 臣解 侯不王,故大夫憂之。 時 事, 庶 也。」朱氏日 體,國將滅亡,我 幾 周 王反 故曰:『莫知我 其 未滅 於爲惡,莫之 日 出爲惡。」○董 居,去位 望之, 周 ጢ 面 焦幾 宗,姬 日 也。 既 氏 出

不 所 如 臻。 畏于天? 何昊天,辟言不信? 凡百 君子,各敬 爾身。 如彼 行 胡 邁 不 相 則 靡

1氏曰:「辟,法也。」〇朱氏曰:「臻,

曰

曾

但

也。」〇毛

氏

曰

暬

侍

不可以 畏 不虐幼賤 文子曰: 身,不相畏也。 雖 其 我 言,王終莫肯信者,鄭氏曰:「如何乎昊天,痛 子呼天而告之,日 位者。」○蘇氏 至 「辟言不信,法語不從也。」如人恣行而忘反, 憩之也。爲陳法度之言,不信之也。」○范氏曰: 昏 群 也。」 人故也,畏天故也。」朱氏曰:「凡百君子, 不 亂 知 臣 王 『《詩》曰:「胡不相畏,不畏于天?」君子之 惡 君子不 其所至矣。]既已憂之,則 ,畏于天也。』 ,使皆敬其身。」〇王氏曰:·「世 而 鄭 自 不相畏,不畏天也。」○《左傳》:「季 氏 恣 也, 日: 曰 可 : : 亦各敬爾身而已。 以 『奈何 幽 凡 爲惡,自敬故 百 王 日益 君 哉 子,謂 不悛, 法度之 不 又告 衆 敬爾 也, 君 在

則患 居, 有問 不能禦 是恝乎?』」〇《釋文》「憯憯」作 盡 訊 曰 瘁,則我暬御 臣 而 御 「患難如此,則凡百君子,宜任其憂責。 然慘慘然 言 安之。」〇鄭氏 憯憯憂之,大臣無 也。 「暬,狎習相慢。」瘁,病 ,告也。」〇孔氏 莫肯夙 難之憂, 『王雖不 「凡百君子,莫肯以是告王者, 也 圃 《國語》曰:「居 欲聽其言,則亦答之而已,不 圃 退 一有譖言及己,則皆退 而已。 非 夜 -善,而 之。 其 朝 暬 蓋王所親厚聽用, 暬御 曰:「曾但侍 御、誰 夕於 飢 寢有 君臣之義, 豈可以 曰:「兵寇已成, 困 念之者。」王 肯任 已成,而 也。」〇鄭氏 暬御之箴。」○《説文》 王 矣。 之? 御 其 左 不 氏曰 意 丽 朱 能 雖 右 而 曰 岩 若 틴 氏 離 敢 恤 Ŧ 而 H

● 「子」、《經典釋文》作「千」。

戎

成不退,飢成不遂。

曾在登反。

, 暬思列

御,憯憯子感反。●

日

瘁。

徂

醉反。我

凡

百

子,莫肯用訊。

聽言則答,譖言則

退。

毛氏曰:

「戎,兵也。

遂,安也。」蘇

氏曰:

也。

《易》曰:『不能退,不能遂。』」〇

)鄭氏

御 如 揚 雄 爲 郎 於 哀、 平 之 世

是 也

瘁,徂 處休 哀哉 不能言, 醉 哿矣能 匪 舌 是出 言。 0 巧 言 尺 遂 如 反。 流 維 俾 躬 是

者,佞人之言也,此 氏曰:「言之忠者,世之所 又曰:「忠實之人,辭不能自達,而病其 流。J〇朱氏 可 地。」〇王氏曰:「言小人佞 矣,世所謂 出是舌,小人惡直,將共害之。」○毛氏 曰:「哀哉不能言之賢者,意雖欲言,言則忤物。 所以深嘆之。」 之難,出於舌 也。 氏 能曲折應變,無所凝 ,言之拙也。」○李氏曰:「非 曰:「瘁,病 哀賢人不得言。」○鄭氏 能 曰:「使其身處於安樂之 言 世 所謂 也。巧言從俗,如水 則躬受其瘁矣。」孔 也。」〇毛氏曰: 止,而 謂 能 不能 言也。」○朱氏曰: 俾躬處休矣。」○蘇 言 而 也。 獲 躬。 曰 常可 曰 : 福 巧 也。 言之 轉 可 若 氏

爾

天 維 子。 曰 于 仕 亦 一, 孔 云 可使,怨及朋 棘 且. 殆。 云不可使, 友。 得

怨之。」 之所 直道 知 仕 急也 曰:「朋友之道,相切以善。 枉道 毛氏 之急 者見怨於友,此 者王 謂 。」○蘇氏 日 :「于,往也。」○鄭 可 一之所 且 使 危 也 也。 曰:「人皆 謂 直道者得 不 何者? 口 仕之所 使,而 今從君 往 氏 罪于君,而 仕 以 幽王之世, 爲惡,故 日: 「: 難。」孔 耳,曾不 道者王 朋 友

反。 謂爾遷于王都, 室 ? 泣血,無言不疾。 日 予未· 昔爾· 有室 出居,誰 一家。 鼠 思 從 息

有去者 王氏 血 多畏,惟 徒 曰:「鼠思,憂思也。」范氏曰: 鼠爲 而 ,有居者。 也 ·,則告之使 氏曰:「仕之多患 甚。」 以 無 〇毛氏 家 辭之。 不忍王之 復遷于 曰 居 也,故 無 者 無 Ė 於是 都 「凡物之 與 君 去

章八句,三章章六句。《雨無正》七章,二章章十句,二章

八句。《祈父》之什十篇,六十四章,四百二十

吕氏家塾讀詩記卷第二十

吕氏家塾讀詩記卷第二十一

小旻之什

旻天疾威,敷于下土。 謀猶回遹,音聿。 何善善,將致亂也。」

我視謀猶,亦孔之卬。其凶反。 日斯沮? 在日反。謀臧不從,不臧覆用。

「《集注》作『謨猷回遹』。」

我視謀猶,伊于胡底。之履反。 其臧,則具是違。謀之不臧,則具是依。潝潝許急反。訿訿,音紫。亦孔之哀。謀之

漢》劉向上疏曰:「衆小在位而從邪議,歙歙相是而背祗也。」《爾雅》曰:「潝潝訿訿,莫供職也。」○《前蘇氏曰:「潝潝,言相和也。 泚泚,言相

王氏 至乎? 就之。」〇王氏曰:「謀猶如此,則亦何所 氏 Ξ ,故其 [:「謀之善者俱背違之,其不善者 曰:「其俗如此,亦孔之哀矣。」○ 猶俱也。」○鄭氏 違。 至於亂而已。」 詩曰:『歙 謀之不臧,則具是依。□○ 歙 訿訿,亦孔之哀。 曰:「底,至也 朱氏 謀之其 日 臧 依 鄭

是用 我 匪 龜既 成。 鄭氏 之道也。」〇范氏曰:「當其發言盈庭,莫不自以爲能 不 事 龜 也 行 知 者衆,是非相 」。」○鄭氏曰:「匪,非也。 成,誰云己當其咎責者? ,龜厭之,不復告其所圖之吉 邁謀,是用不得于道。 丽 不 譲過。 · 集。 曰:「猶,圖也。」〇毛氏 厭,於艷反。不我告猶。謀夫孔 汹 發言盈庭,誰 滿庭,而 毛氏曰:「謀人之國,國 奪,莫適可從,故 無敢決當是 敢執其咎? ト 筮 目 危則死之,古 言小 非。 「集" 所 動而 凶 事 爲 若 如 謀

> 此, 注》亦作『就 於道不進。 於跬步, 是用不 與不 何以 集、《韓詩》作『是用 行 言而無決,則於事不成。」() 而 異乎?」孔氏曰:「謀而不行,則 坐 圖 遠 近 是 於 不就』、《集)董氏 無 進

謀,是用不潰于成。 邇言是聽,維邇言是争。 如彼築室于道哀哉爲猶,匪先民是程,匪大猶是經。 維

出於此。」 哉? 古語曰『作舍道旁,三年不 法,不以大道爲常,其所聽而争者,皆 也。」〇毛氏曰:「經,常也。 之人謀之,人人得爲 曰:「程,法也。」○鄭氏曰:「大猶,大 末之言。以是相持,如將築室而 朱氏曰:「先民,古之聖賢也。」〇 〇朱氏曰:「哀哉今之爲謀,不以先民 異 論 其能 潰,遂 成 與 有 也。 毛 成 爲 道 淺 Æ

國雖靡止,或聖或否。方九反。民雖靡膴,火

使之執咎,

則莫適任患也。」君臣之謀事

如

不敢暴虎,不敢馮符冰反。

河。

人知其

靡膴、《韓詩》作靡腜,猶無幾何也。」

吴反。 流,無淪胥以敗。 或哲 1或謀, 或肅 或艾。 音刈。 如 彼 泉

陷溺 惡,謀而擇其善可矣。乃無所分别,則善者亦混而同 苟不疏其源而瀦蓄之,雖其流者亦相 泉水,苟疏而流之,則淤腐者從之而行。 之於上,則相與皆敗,無能爲矣。 賴以皆濟也。苟廢而不用,而使愚者 辟,猶有賢者在焉。苟能用之,愚者 鄭氏説。 大也。 曰:「胥,相也。」○蘇氏曰:「雖 曰:「艾,治也。」朱氏曰:「艾與乂同,治也。」本 定也。」膴,大也。」孔氏曰: 蘇氏曰:「止,定也。 · 腐敗而已。」 吕氏曰:「今國與民皆有善有 如泉流之清,淪而爲濁也。」○《釋文》: 無大有人,言少也。」幠,喜吳反。 〇朱氏曰:「淪,陷 范氏曰:「國雖靡止,無 「膴,王肅讀爲幠。 也。」〇 世 〇 丘 譬如 鄭 亂 幠 壅 與 可 民 所

> 莫知 如 履 薄冰 其 他。 戦戦兢 兢,己冰反。 如臨 深

淵

虎也。 如履薄冰。」此之謂也。」 馮河。人知其一,莫之其他。 敢譏議公子圍。」○《荀子》:「人不肖而不敬,則是狎 馮河之可畏也,不敬小人亦危殆。 也。 戰,恐也。 皆知虎不可暴而河不可馮,而不知小人 者,懼之甚也。」《左傳》昭元年晉樂王鮒曰: 之不可不畏也。『如臨深淵,如履薄冰』 馮,陵也。 毛氏曰: 「《小旻》之卒章善矣,吾從之。」注:「義取非唯暴虎. 如履薄冰,恐陷也。」〇范氏曰:「人 狎虎則危災及其身、《詩》曰: 『不敢暴虎,不敢 「徒搏日 兢兢,戒也。 他,不敬小人之危殆也。 暴虎,徒涉 **戰戰兢兢,如臨** 如臨深淵,恐墜 王鮒從斯義,故 馮 深淵 河。 戰

七句。 《小旻》六章,三章章八句,三章章

《小宛》,大夫刺幽王也。

三五

憂傷,念昔先人。明發不寐,有懷二人。宛於阮反。彼鳴鳩,翰胡旦反。飛戾天。 我心

二人。將喪其業,故思念之甚。」 〇《釋文》宛 之也。我從夕至明開發,不能寢寐,所思者唯此文、武 自勉强奮起,曾飛鳩之不如,以墜其先 鳩雖小鳥,亦有高飛及天之志。 而王不 故謂之明發也。」董氏以爲王基説。 氏曰:「夜地而闇,至旦而明,明 王,有懷文、武,哀其業之將墜也。」 孔氏 王之業。」〇蘇氏日 曰:「二人,文、武也。」○歐陽氏曰:「 木疏》曰:「鳴鳩,班鳩也。」○蘇氏曰: 毛氏曰:「興也。 「翰,羽也。」○毛氏曰:「戾,至也。」○孔 「文、武創業垂統,有此天下。今將亡滅,故憂念 宛,小貌。」〇陸氏《草 :「君子憂傷,念其 地開發, ○蘇氏 此

二人也。 之人也。其人孰謂? 即文王、武王。一人也。其人孰謂? 即文王、武王。

> 人之齊 各敬 聖 爾儀,天命不 飲 酒 温 克。 文。 彼 昏 不 知 壹 醉 H

臣 温 復也。」〇朱氏曰:「言齊聖之人雖醉,猶 醉日富,則用燕喪威儀,而臣下化之,天 其甚,故曰『壹醉日富』。」〇王氏曰:「壹 劉氏曰:「彼昏而不醒,壹志于酒,日 藴。」謂藴藉自持。 ○孔氏曰:「蘊藉,定本箋作温字。舒瑗云:『苞裹曰 曰:「中正通知之人,飲酒雖醉,猶能温藉自持以勝。 也。」毛氏曰:「醉日而富矣。」〇毛氏曰:「又, 也。」〇毛氏曰:「克、勝也。」〇蘇氏曰: 毛氏曰:「齊,正也。」〇孔 儀,天命不又』。 言 『各』,則 并戒其君 命將改,大福 被昏,斥 也。 恭自持以勝,所謂不爲酒困也。」鄭氏 幽王也。」〇陳氏曰:「富,益 不再矣。 作温者,蓋古字通用。] 〇長 故戒以『各敬 氏 曰 聖, 通

零。有子,蜾音果。蠃力果反。負之。教誨爾中原有菽,音叔。庶民采之。螟亡丁反。蛉音

子,式穀似之。

爲王有也?」今有教誨女之萬民用善道者 子,蜾蠃負之,以爲己子無難也。 今王豈以天下之衆 取桑蟲之子負持 曰"「力采者則得之。」○鄭氏曰"「蒲 肅云:『王者作民父母,故以民爲子。』」 也。 藿、《公食禮》云「鉶羹,牛用藿」是也。」 螟蛉,桑蟲 有主也,以喻王位無常家也。] 〇毛氏 命無常之意。」〇鄭氏曰:「藿生原中,非 曰:「上章既言『天命不又』,故此申述天 也。」〇孔氏曰:「教誨萬民而言子者,王 腰,取桑蟲負之於木空中,七日而化爲其子。」負,持 桑上青蟲,似步屈,其色青而細小。 曰:「菽者、大豆、故《禮記》稱「啜菽飲水」。 菽葉謂之 毛氏曰:「中原,原中也。 ○鄭氏曰:「式,用。穀,善也。」○李氏 蘇氏曰:「菽生中原、民無有不獲采者。 蜾蠃,蒲盧也。 喻有萬民不能治,則能治者將 而去,煦嫗養之,以 陸璣《草木疏》曰:「螟蛉 菽,藿也。 蜾蠃,似蜂而小 螟蛉之 孔氏 得 成 盧

斯邁,而月斯征。夙興夜寐,無忝爾所題大計反。彼脊令,音零。載飛載鳴。:亦似蒲盧將得而子也。」

我日

出卜,自何能穀?哀我填徒典反。寡,宜岸宜獄。握於角反。粟交交桑扈,音户。率場大良反。啄陟角反。粟。

歐陽氏曰:「交交者,參雜相亂之謂也。」

與争訟 自救,但持粟以求卜者,問其勝負。」○朱氏 成。《史記》曰:『百金之子,不死於市。』是貧者無財 行卜,求其勝負。」孔氏曰:「衰亂之世,政以 之人有獄訟之事,無可以自救,但持 而啄粟,喻肉食之貪也。」() 得不然也。」丘氏曰:「桑扈肉食者,今循人之穀場 有如國人失其常業,而至於窮寡,乃相 肉以食 六章言善人不安也。」彼桑扈食肉之鳥,今無 國之人皆失所也。呂氏曰:「五章言下民無告: 長樂劉氏曰:「穀,善也。」〇歐陽氏 氏曰:「窮盡也。」○蘇氏曰:「岸亦獄也。」○ 脂,桑扈不食粟。」○毛氏曰:「填,盡也。」鄭 盗脂膏食之,因以名云。」○《淮南子》曰:「馬不食 性。」孔氏曰:「郭璞云:「俗呼青雀,觜曲,食肉,喜 「此下二章,則言君子小人所苦,以見舉 竊脂肉食,今無肉而循場啄粟,失其天 毛氏 而入於岸獄。云宜者 曰 ,則相與群飛雜 「桑扈 ,竊脂也。」○鄭)鄭氏 亂循場而 曰:「我 ,謂其勢不 氏 争粟, 日 窮 日 曰 粟 賄

> 不能 岸、《韓詩》作犴,音同。云:『鄉亭之繫 文》曰:「填、《韓詩》作疹。 『何自而 犴,朝廷曰獄。』」《說文》作「宜犴宜獄」。 獄事以輕爲善,以重爲不善。 握 自直必矣,則雖 栗,以 能善乎?』」王氏曰:「方是時也,填寡 見 其 出 貧 卜,自何能穀乎?」○《釋 窶之甚。 疹,苦也 卜之曰

温温 如臨于谷。 臨 世,賢人君子雖無罪猶恐懼。」 墜也。董氏曰:「莊子以民木處,則惴慄恂懼。」如 毛氏曰:「温温,和柔貌。 于谷,恐隕也。」○鄭氏 恭人,如集于木。 戰戰兢兢,如履薄冰。 惴惴之瑞反。 如集于木 曰 「衰亂 小心, Ż 恐

伯奇之詩也。」
付。作焉。趙氏《孟子》注曰:「《小弁》,《小雅》之篇,《小弁步干反》,刺幽王也。大音泰。子之傳音

《小宛》六章,章六句。

弁彼鸒音豫。斯,歸飛提提。是移反。 何 ? 獨 心之憂矣,云如之何! 于 罹。 力知反。 何辜于天? 民莫不 我罪

毛氏 伯服,立以爲后,而放宜咎,將殺之。」〇 取申女,生大子宜咎。又説襃姒,生子 也。」二〇李氏曰:「楊子曰:「頻頻之黨,甚於鸒斯。」」 經》有鸒斯,非以爲辭也。《爾雅》亦曰:『譽斯,鵯鶋 者、語辭、猶『蓼彼蕭斯』、『菀彼柳 鵯烏。□●○孔氏曰:「此鳥名鷽,而 卑居,雅烏也。」孔氏曰:「卑居,又名雅烏,性好 飽,❷群飛而歸提提然,喻凡人之父子兄 『鸒斯』之目,是不精也。」董氏曰:「師曠《禽 以劉孝標之博學,而《類苑・ 穀,養也。罹,憂也。]○毛氏曰:「幽王)毛氏曰:「提提,群貌。」〇 ,出入宫庭,相與飲食,亦提提然樂, 曰:「樂乎,彼雅烏出食在野甚 郭璞曰: 『雅烏,小而多群,腹下白,江東呼爲 曰:「興 也。 弁,樂也。)鄭氏 鸒, 鳥部》立 卑居 斯 云 曰: 斯

> 罪伊 得以 也。」〇朱氏曰:「心之憂矣,云如之何 其説而不得,則不能 吕氏曰:「反於己而無罪,父母之不我愛,何哉? 父母。]趙氏《孟子》注曰:「親親而悲怨之辭也。」○ 之不如也。」〇毛氏曰:「何辜于天? 傷今大子獨不。]〇李氏曰:「凡民莫不 **(無可奈何而安之之辭也。)** 何 ? 相 養,而我獨見棄於父母,曾 舜之怨慕,日號泣于旻天于 無怨,故所以怨者,乃所 以 則 我

憂 踧 嘆,維憂用老。 傷, 踧徒歷反。 其 怒乃歷反。 周道, 鞫九六反。 心之憂矣,疢敕覲反。 焉如擣。丁老反。 爲茂草。 假寐

毛氏曰:「踧踧,平易也。 道 鞫, 窮 也。 惄, 思 也。」〇孔氏 周道,周室之 疾首。

我

心

永

如

⁰ 「鳥」、《墨海金壺》本、《毛詩正義》作「鳥」。

[·]甚」,原作「其」、《墨海金壶》本作「共」,據《毛

之深,未老而老也。長樂劉氏曰:「因憂而驟老 之將亡也。 文》曰:「擣,《韓詩》作疛,除又反。」 也□疢如疾首,則又憂之甚矣。」○《釋 神慣眊,至於假寐之中不忘永嘆,憂之 擣,言憂傷中其心如此。]〇朱氏曰:「精 復來者,故盡生茂草矣。] 〇王氏曰:「怒焉 遇,車轍馬蹄,蹂踐如掌,踧踧然坦平也。 今之諸侯無 耳。」長樂劉氏曰:「昔者周邦道路,有四時之朝宗觀 將見宫 「不脱冠衣而 以周道之平易,而盡鞫爲茂草,見其 孔 氏曰:「疾首 擣,如 1中荆 猶漢伍 有物之擣心也。」○鄭氏 棘露 寐 曰 ,頭痛也。」

」

一

李氏 個 沾衣也。』皆預言之 被 寐。 以謂淮 灰,猶 南王 日 病 也。 日 曰 如 國

依匪 天之生我,我辰安在? 維桑與梓,音子。 母。 曰:「桑梓,以遺子孫給蠶食,具器 不屬音燭。于毛,不離于裏。音里。 必恭敬止。 靡瞻匪父,靡

朱氏

歲而一 言母者,以人皆得父母之恩,故連言之。] 〇朱氏 乎?」〇孔氏曰:「大子爲父所放爾,非母放之,而 用 者 生之辰不善哉? 曰 愛,豈我獨無所離屬乎?」毛氏曰:「父之所 母之無不瞻 星,二十八宿也。 物也。《左傳》晉侯謂伯瑕曰:『何謂六物?』對 古凶。」孔氏曰:「言我初生之辰有所值,故知謂六 **豈我不屬于父母之毛乎?** 樹,己尚不敢不恭敬。」〇朱氏曰:「然父母之不我愛 『歲、時、日、月、星、辰。』服虔以爲『歲,歲星也。 十二 也。」〇王氏曰:「離,麗也。」〇朱氏 也。」〇朱氏曰:「毛,體膚之餘氣末屬 親母,故言依也。」〇孔氏曰:「屬, 「裏,心腹也。」○鄭氏曰:「辰,謂六物之 見父母之有所植,猶不敢不敬,况於父 周。 也。」〇王氏 無所歸咎,則推之於天,曰:『豈我 時,四 依 時 辰,十二辰也」。」 〇蘇氏 也哉? 也。 何不祥至是也?』」 曰:「尊父, 日,十日也。月,十二月也 **豈我不離于父母之裏** 然父母之不我 故言 瞻 티 : 日 連 日 屬

孚計反。 菀音 鬱。 千罪反。 譬彼舟流,不知所届。 彼 》柳斯, 者淵 在 鳴蜩 · 音丸。 音條。 葦韋鬼反。 嘒嘒。 音戒。 心之憂 淠淠。 呼 惠 反。

矣,不遑假寐。

無枝 豆反。 鹿斯之奔,維足伎伎。 氏曰 也。」 蟬也。 矣。」〇董氏 止也、《孟子》所謂「若窮人無所歸」也。」○長樂 知終所至者也。」王氏曰:「舟流者,蕩漾而 圃 所不容,而王獨不容其子。」今太子不爲王所容 大者之旁,無所不容。蘇氏曰:「物之大者,無 柳木茂盛則多蟬,淵深而旁生萑葦,言 朱氏曰:「菀,茂盛貌。」〇毛氏曰: 見放逐,狀如舟之流行無制之者,不 尚 □· 初 心之憂矣,寧莫之知 〇鄭氏 求其 嘒嘒,聲也。漼,深貌 雌。 猶假寐,此則不遑,其 曰:「萑葦、《韓詩》作雚 曰:「届,至也。 譬彼 其宜反。 壞胡罪 反。 雉之朝雊,古 追,暇 淠淠, 木,疾用 章。」 禍 蜩 無所 也。 劉 亟

> 王氏 如壞木之無枝,而曾莫之顧,何也?」○ 以 其親者。 留其群,雉鳴而 之鳴,猶知求其雌。」○蘇氏曰:「鹿走 勢宜疾,而 蔞,力侯反。 郭璞曰:『謂木病尫傴癭腫無枝條者。』瘣,胡罪 舒貌。」〇 孔 云"「譬彼瘣木,疾用無枝。 孔氏曰:「《爾雅》云:『瘣木,符蔞。』 某氏曰: 也。」〇毛氏 ○鄭氏曰:「寧,猶曾也。 其助也。 氏 .曰:「其憂如此,王晏然莫知也。」 .曰:「斯,辭也。」○毛氏曰:「伎伎, 親之不可去,非獨以其愛,亦 鄭 尫,烏皇反。 足伎伎然舒,留其群 今王獨棄后而逐太子,兀 氏 曰:「壞,應也,謂 曰:「雊,雉 求其雌,物無不有恩 傴,紆禹反。 符蔞尫傴,内疾瘣 鹿之奔走,其 鳴 也。 傷 瘦,於井反 病 也。 也。 磊。」 然 於 反 雉 而

鄭氏曰:「相,視也。行,道也。」○孔氏心,維其忍之。心之憂矣,涕既隕音蘊。之。

之。

行有死人,尚或墐音觀。之。

君子秉

相

息亮反。

彼投兔,他故反。

尚或先

蘇薦反。

使 也。 面 人之不如,則 路之死人,人宜惡而違之。 俗猶言「飛鳥人懷勿殺,殺之不祥」,此投兔之比。」行 所驅急投人,人哀其窮,則及驅者未至而先存之。今 氏 也。」鄭氏曰:「言此所不知,其心不忍。」〇孔氏曰: 望是也。」〇鄭氏曰:「君子,斥幽 秉,執也。」〇毛氏 〇孔氏曰: 謂不與走獸、死人有相知,其心不忍耳。] 〇朱氏 涕隕也 免暴露者,惻隱之心,人所宜 曰:「兔見迫逐而投人,人宜利而 乃或先之,使得辟逃。 幽王信讒,棄逐其子,曾視投兔、死 「埋於路傍,故曰 埋藏之名。」毛氏曰: 【其秉心亦忍矣,是以心 日 [路冢。 「隕,墜也。」〇 《左傳》曰 劉氏曰:「兔爲人 乃或墐之, 「墐,路 王 道 有 家也。」 取之 達相 也 故 憂

反。 君子信讒,如 不舒究之。 舍 伐木掎 音 或 捨 醻 彼 市由反。 寄彼反。 有罪, 之。 矣, 析薪 予之佗 君子 杝 不 吐 敕氏 賀

> 也。 氏 倚其巓也。」○鄭氏 酬,此作醻者,古字得通 鄭 不肯安舒。]〇朱氏曰:「苟舒緩 得即用之。 曰:「舍有罪 予,我也。] 〇毛氏 也。」〇朱氏曰:「舒 讒即受而 所奠之爵以行之,於後交錯相酬,名曰旅酬。 者,賓奠之,不舉,謂之奠酬。)孔氏 曰 氏 孔氏曰:「杝者,施也,言觀其裂而漸相施及。」 幽 曰 : 王心不愛太子之故,聞 曰:「掎者,倚 行之,故知是 幽 而以罪與他人,是從此而 醻, 如 有 王信襃姒之讒,曾不思審 旅 〕 醻 用。 旅 日 曰:「杝,❷謂 以以 也。 ,緩也。 。 酬 也。 酬 至三爵之後, 酒 「佗, 非奠酬 有二 孔 相 畏木倒, 氏 一等,既 醻,得 往加也。J 〇孔 曰 加 究,察也。」 也。 讒即 也。一孔 而究察 觀 乃 酢 酬 惠 舉 即 此 酢 丽 其 以物 逐 喻 嚮 皆 酬 理 愛 氏 得 者 賓 作

他」,原作「地

據《墨海金壺》本改。

下

^{● 「}反」,原脱,據四庫本、《墨海金壺》本、《經典釋

加己以非其罪,此所謂無理也。」

「伐木析薪,非愛之也,然亦不可以無質者,不欲妄踣之。析薪必隨其理者,不欲妄挫折之。與言今王之遇太子,不如伐木析薪。」○王氏曰:以言今王之遇太子,不如伐木析薪。」○王氏曰:以言今王之遇太子,不如伐木析薪。〕○王氏曰:「伐木析薪,非愛之也,然亦不可以無不,非愛之也,然亦不可以無之,則讒者之情得矣。」○毛氏曰:「伐木之,則讒者之情得矣。」○毛氏曰:「伐木

豉反。 梁,無發我笱。音苟。我躬不閲,遑恤我後。 輕發言,小人之爲讒者,尚屬耳 故君子不可易於其言,恐耳屬 有所觀望左右而生讒譖 而或陟其巔。 言之所由發也。」〇朱氏曰:「山 毛氏曰:「浚,深也。」○陳氏曰:「由言 威之生也,亦伺君子之向背如何耳。三形是卒 匪 由言,耳屬音燭。 山,莫浚蘇俊反。匪泉。君子無易夷 泉極深矣,而或入其底。 于垣。音袁。 也。 於垣壁間以窺伺之。 陳氏曰:「王無 于垣者, 極高矣, 無逝我

唐德宗將廢太子,李泌諫之,且曰:唐德宗將廢太子,李泌諫之,且曰:《小弁》八章,太子危矣。」「君子無本亂之所由生,言語以爲階也。《小弁》本亂之所由生,言語以爲階也。《小弁》、《小弁》八章,章八句。

385

巧言》,刺幽王也。大夫傷於讒,故作是

詩也

昊天泰幠,予慎無辜。 亂如此幠。火異反。昊天已威,予慎無罪。悠悠昊天,曰父母且。七餘反。無罪無辜,

○ 大夫。

「僭,不信也。」○毛氏曰:「涵,容也。」○丘朱氏曰:「僭始,不信之端也。」鄭氏曰:沮。辭呂反。君子如祉,音耻。亂庶遄已。又生,君子信讒。君子如怒,亂庶遄市專反。亂之初生,僭側蔭反。始既涵。●音含。亂之

疾也。 則亂庶幾遄已矣。 喜而納之,鄭氏曰:「福者,福賢者,謂爵禄之也。」 之,則亂庶幾遄沮矣。 猶喜也。」○蘇氏曰:「小人爲讒於其君,必 能不生。猜忌既久,則心所疑惑者,往往以爲有驗。 涵之於疑信之間。日月既久,心志感移,猜忌之心不 言,摇動君子,人君不爲之别白,遂致並畜於胸次,而 君信之,然後亂成。」陳氏曰:「小人以不根之 丽 以漸入之。其始也,進而嘗之,君容之 氏)朱氏曰:「君子見讒人之言,若怒而責 日 不拒,❷知言之無忌,於是復進。 沮,止也。 幽 王 祉,福也。」朱氏曰:「祉 也。」〇毛氏 今涵容不斷,讒信不 見賢者之言,若 曰 既 遄, 丽

^{●「}拒」,原作「懼」,據四庫本、《墨海金壺》本及蘇轍《詩蓋以爲譖字,是也。」正義》阮元《校勘記》引《詩經小學》:「傳『僭,數也」,正義》、所元《校勘記》引《詩經小學》:「傳『僭,數也」,不同。案《毛詩

談。 信盗,亂是用暴。 君子屢力住反。 分,是以讒者益 其止共,音恭。 盟,亂是用長。丁丈反。君子 盗言孔甘, 亂是用餤。 音 **勝**,而君子益病也。」 維王之卭。 其恭反。 0

匪

長亂矣。」穿窬之類,伺隙 而致也。君臣相疑,不能察其實,而但爲盟誓,適所以 既貳且疑,豈免屢盟? 則 如 曰 : 如伯有之亂,鄭伯與其臣下盟,蓋盟者生於君臣 以盗名之。□○毛氏曰:「餤,進也。」○鄭 邦國有疑,則殺牲歃血告神以相要束也。] () 鄭 曰 有疑,會同則用盟而相要也。」朱氏曰:「盟 鄭氏曰:「屢,數也。」〇毛氏曰:「凡 君子信讒,此亂之所以暴也。]〇孔氏 任 祉,以明是非好惡,而誣 "「盗,謂小人也。」孔氏曰"「讒者小人,因 「食之甘者,使人嗜之而不厭。 「邛'病也。」〇王氏曰:「不能 賢安能勿貳? 亂之所以長也。」李氏曰:「考之《春秋》, 去 抵 屢盟 邪安能 巇 罔誕謾衆至, 以罔善 丽 不 疑? 知 如 相疑 反 氏 氏 國

> 恭』。」 此讒人不能供其 用是之故 已。」○董氏 之人,其言甚甘,使人信之而不已,其 而日益 曰:「止共、《韓詩》作『止 職事,徒以爲王之病而 進 也。」〇朱氏曰:「 亂

獲之。 洛反。之。 猷,聖人莫之。他人有心,予忖七損反。 度待 奕奕音亦。 躍躍他歷反。 寢廟,君子作之。秩秩音帙。 **毚**士咸反。 兔,遇犬

貌。」〇孔氏曰:「《周禮注》云:『前曰 氏 廟,後曰寢。」則寢 朱氏曰:「興也。」〇毛氏曰:「奕奕,大 也。」〇孔氏曰:「躍躍然,跳疾。」〇毛氏 便文耳。」〇朱氏曰:「秩秩,序也。」〇鄭 曰:「猷,道也。」〇王 毚兔,狡兔也。」 廟 一 物。 孔氏曰: 氏曰:「莫,定 先寢後廟, 『蒼頡

0 四 庫 本、《墨海

貌。」○鄭

氏

日

碩,

大

也。二〇

歐

陽

氏

皆反 曰: 他 曰 我既皆得之,無所隱情。 有所能也。 道之爾。]〇朱氏曰:「此章言讒人之心, 而見獲。』 云: 『言其雖騰躍逃隱 策》曰: 遇 人有心,余忖度之。」」注:「韓嬰《章句 [趯趯,往來貌。]] 「毚,大兔也。」大兔必狡猾,又謂之狡兔。 犬者,言 「《詩》云:『趯趯毚兔,遇犬獲之。 覆 『東郭 興 此耳。」〇《史記》春 ○鄭氏曰:「此四事者,言各 逡者,海内之狡兔。」 因己能忖度讒人之心,故列 兔 逢 犬 則 其迹,或適與犬 被 而前後六句, 耳。 孔 申君書 氏 《戦 王 曰 遇 肅 或

反。 荏而甚反。 心焉歐陽氏於虔反。 碩言,出 染柔木,君子樹之。 自口 矣。 數所主反。 巧言如簧,音黄。 往 蛇 來行 蛇 以支 言

也。」〇歐陽氏曰:「蛇蛇,乃舒遲安閑之 梓、漆也。」〇朱氏 毛氏曰:「荏染,柔意也。 曰:「行言,行 柔木,椅、 道之言

> 彼 何

> 人斯,居

河

之麋。

音

眉

無

拳

音權

無

者,無所用耻焉。』此之謂也。」 耻,其顔厚矣。《孟子》曰:『爲機變之巧 蛇然徐爲大言。二〇歐陽氏 曰 : 焉足聽納於心也。] () 蘇 言,心焉數之』云者,謂往來行路之言, 得樹立,勿縱讒邪傷害之也。『往 人言巧,其聽之可樂如笙簧然。 言。人之聽往來行路之言者,或歌 讒言易人而難忘,聽之當如聽行路之 善人易摇而難立,護之當如護 「柔木,比柔善之人。王宜愛護,使 如風過耳,心焉嘗數之乎? 而無忌憚。」〇王氏 氏 曰:「徐緩 曰:「小人蛇 7日: □ 頑不 柔木。 讓 知 敢

態也。 厚矣」, 蛇碩言,出自口矣。 既不 爲 其所惑,坐見 巧言如簧,顏之 其

何? 爲猶將多,爾居徒幾何? 勇,職爲亂階。 既微且尰,市勇反。 爾勇伊

則非 有勇,伊何 有微之疾,而足跗音敷。 而敢主爲此亂之階梯也。 曰:「既無拳力,又無勁勇,亦易誅除耳, 之下有瘡腫、是涉水所爲。」脛、户定反。 「時有是人也。」〇朱氏曰:「居河之麋, 曰:「猷,謀也。 ○孔氏曰:「郭璞云:『骭,脚脛也。 足爲尰。」鄭氏曰:「居下濕之地,故生微尰之疾。」 麋。拳,力也。」○鄭氏 之,故曰何人。」〇毛氏曰:「水草交謂 鄭氏曰:「何人者 ○毛氏曰:「骭户諫反。 此?」〇《説文》曰:「瘇,脛气音氣 高 所 明爽塏音愷。之地也。」〇孔氏 與 聚 能 爲? 居 之徒 將,大也。」〇蘇氏曰 汝作爲讒佞之謀 ,斥讒人也。 衆幾 瘍音羊。爲微,腫 有尰之疾,爾 曰:「職,主也。」 何許人,而能 此人既 瘍,瘡也。」膝脛 賤 脚 鄭氏 而 大 假 骭 足 : 惡

腫。《詩》曰:『既微且瘇。』」

徒幾 至哉 詩 特賤讒人之辭,蓋言其本易驅除, 微尰之病?」則其 至陋,其力至怯,乃主爲 王不悟耳。 人指讒人言曰:「彼何人也 河,則 **?** 爲謀雖 爲之謀者亦不衆也。 曰大且 (所謂) 多,爾所 勇者,亦 亂 階,况 ? 此 居 何 加 其 非 之 所 以 居

《巧言》六章,章八句。

曰 : 温。 『昔周克商,使諸侯撫封,蘇忿生以温爲司寇。』則蘇國在 而譖蘇公焉,故蘇 何 王氏 公作是詩絶之。 其君,不義於其友,所謂大故 也,言其從行 春秋時蘇稱子,此云公者,子蓋子爵而爲三公也。」 人斯》,蘇公刺暴公也。 「暴也、蘇也,皆畿内國名。」○孔氏曰:「《左傳》曰 日 :「暴公爲卿 而已。 其 公作是詩 士而譖蘇公,不忠於 絶 不著 之也,不斥暴 其 暴公爲卿 而 譖也,示 絶之。 也。 故 鄭氏

恐 雖 由 君子之遇 好 而 所 小丈夫哉? 我,則喪 不我知」,欲出三物,要之以 歌以 己。 其 不 其復合也 此 疑 悔悟 丽 能 既絶矣,又告之以『及爾 Ë 極 其本心 如 ,更以善意從 人也, 仁而 反 此,我固不爲已甚。 蓋交際之道, 側,不殆於棄言乎哉? 與人絶,則 」, 諒 不 不忮。 我 我,固我所願也。 知 其 醜 故 絶 祖,而 暴公之譖 祗固拒,惟 也。 也 如貫 我豈若 當 使其 作 如 爲 此

一人從行,

誰爲此禍?

胡逝

我梁,不

人

鄭氏曰:「孔,甚。逝,之也。梁,魚梁門? 伊誰云從? 維暴之云。彼何人斯,其心孔艱。胡逝我梁,不入我

朱氏 知 也 也 鄭 「。」○孔氏曰:「其心孔艱,其持心甚難 而 也。J〇朱氏日 ·在蘇國之門外。」蘇氏曰:「梁·橋 氏 不入者,其必有故矣。 曰 曰:「孔,甚。 : 「彼何人斯,不欲 「逝我梁則必過我門, 逝,之也。 既 斥其 丽 梁, 人而 詰 也。 其所 魚 梁

> 必矣。」 門不入之喻, 從 者 則暴公之譖己也明矣。」呂氏曰:「託 則 暴 以道其反側之情。 公 也 夫以 從 情之不 暴 而 不 直 讒 我 過 我

音彦。我? 氏曰: 相隨 不如今也。 者與我情意 梁,而不入弔唁我乎?」〇丘 公已得譴讓也。 鄭氏曰:「二人者,謂暴公與其侣 而 「始謂我可,而今謂我不可也。」 行見王,誰作 始者不如今,云不我可 其云不我可乎,疑之矣。」蘇 厚,今乃不入我門,是始 女即 我是禍乎? 礻 爲 ()何故 氏 曰:「始 \近之我 也 時 蘇 者 女

曰:「女即不爲,何故近之我庭,使我得毛氏曰:「陳,堂塗也。」孔氏曰:「釋宮》云身? 不愧于人,不畏于天。

聞女之聲音,不得覩女之身乎?

女今

不人 信我,何 所 愧 畏 乎? 皆 疑 之未 察

彼何人斯,其 爲 飄 避遥反。 風。 胡

?

胡不自 我 南 胡 逝 我梁,祇音支。攪交卯反。 不自 北

南 ? 攪亂我心而已。」 北、自南,則與我不相值也。 今乃逝我之梁,則適所以 梁,適亂我之心,使我疑女?」朱氏曰"「自 毛氏 鄭氏曰:「不欲入見我,何不乃從我國之 ·朱氏曰:「言往來之疾,若飄風然。」○ 「祇,適也。」〇毛氏曰:「攪,亂 曰:「飄風,暴起之風也。」〇 不則乃從我國之北。 何近之我 鄭 也。」 氏

况于反。 **遑脂**音支。 爾之安行,亦不遑舍。爾之亟紀为反。 爾車。 壹者之來,云何其 **訏**? 行,

鄭氏 氏 而 ·曰:「極其情以疑之,我止欲言汝安 曰:「遑,暇。 行乎,亦不見汝閒暇 亟,疾。盱,病 而舍息。 也。」〇 止欲

> 我望汝之切乎?」 都賦》云『盱衡而語』是也。 也。《字林》云:『盱,張目也。』《易》云『盱豫悔』,《三 得壹者之來見我,於汝 車。」○鄭氏 言汝之急 「壹來見我,於汝何病哉?」〇朱氏曰:「盱,望 疾 丽 曰 : 「極其 行乎,汝 何不一來見我,如何而 情,求其意,終不 文 亦 閒 何病也?」蘇氏 暇 而 脂 汝之

也? 脂車也? 謂汝行之緩乎,何爲不少舍息而 謂汝行之急乎,何爲復有暇 見 而 我

否方九反。 爾還而人,我心易夷豉反。 不入,雖日 王氏曰: 氏曰:「爾之往也,既不入我門矣。」〇丘 鄭氏曰:「還,行反也。祇,安也。」〇朱 人,謂不譖我 氏曰:「儻爾還 其或一 「人則我心平易而不之怨也。」今還 難知也。 不 ·爲譖 , 則難. 來見我, 害,其可得 一而入,則我心平易無疑。 壹者之來,俾我祇也。 知。」董氏曰:「過我門矣而 而 耐 使我心安乎? 也。還而不入, 知乎?一一朱氏 而不

施。施,善也。」
《鬻文》曰:「易,《韓詩》作爲譖者。」(《釋文》曰:「易,《韓詩》作

反。爾斯。 貫,古亂反。諒不我知。出此三物,以詛側助伯氏吹壎,况袁反。仲氏吹篪。音池。及爾如

仲氏吹篪」,遂爲此説,皆求《詩》之過也。」如貫 物之在繩索之貫也。」 董氏曰: 〇李氏曰: 成公善篪。」淵,居弔反。 考》云:『古有塤、篪,尚矣。 周幽王時暴辛公善塤,蘇 寸。1《小師》注「篪七孔」,蓋不數其上出者,故七也 圍三寸,八孔,一孔上出,徑三分,横吹之。 云『大篪謂之沂』,郭璞云:「篪,以竹爲之,長尺四寸! 如鵝子,鋭上平底,形似稱錘,小者如鷄子。」《釋樂》又 爲之。』《爾雅·釋樂》云『大塤謂之嘂」,郭璞云:「大 小師職》作「塤」,古今字異耳。注云:「燻,六孔,燒土 曰:「土曰壎,竹曰篪。 鄭氏曰:「伯、仲,喻兄弟也。」〇毛氏 《世本》云:『暴辛公作塤,蘇成公作篪。』譙周《古史 「《世本》、《古史考》見此詩言『伯氏吹塤 稱,尺證 孔氏曰:「燻、用禮 反。 「如貫,弁貫珠 錘,直危反 小者尺二 如

> 爲鬼 面目,視人罔極。 哉 ? 次比 氏曰:「與女義如兄弟,和 年,既逐陽虎,盟國人於亳社,詛諸五父之衢。] 〇蘇 出豕、犬、雞之三物以詛盟,使讒否有決,令我不疑。」 物以詛之可也。」孔氏曰:「若實不譖者,則當共 比次,如物之在貫也。」女豈誠 年,季武子將作三軍 鷄、犬、豭以詛,毛遂取雞、狗、馬之血以盟也。 氏 皆以繩結之。」() 詛如此也。」○孔氏曰:「詛小於盟。 《左傳》襄十 則盟詛之。」王氏曰:「出此三物,蓋若鄭莊公令出 爲蜮、音或。 日 ,如物之在貫。 苟誠不 「三物、豕、犬、雞 我 朱氏 作此 則不 ,盟諸僖閎,詛諸五父之衢。 定六 知 也,則出 曰 : 好歌。 可 鄭氏曰: 得。 也。 諒, 不我知而 如燻篪,勢相 一犬、豕 「俱爲王臣,其 以 有靦土典反。 誠 民不 極 也。」〇毛 反 7、雞三 相信 側 蓋古盟 譖 我 相

隱藏。 **姡户刮** 是也。」孔氏曰:「作此八章之善歌、窮極爾反側 害於人乎? 氏曰:「好,善也。」〇孔氏曰:「反側者 其悔悟之心焉爾。」 其好也,是以極求其反側。 情。」〇王氏曰:「作是詩將以絶之也,而曰好歌者,唯 氏曰:「作八章之歌,求女之情反側極 人爾,日以面目與我相視無窮極,不可 匿形迹,能使我不見不覺,如鬼蜮之肆 飜覆不正直之義。]○歐陽氏曰:「汝隱 娇,面靦也。1然則靦與姡皆面見人之貌。」○**鄭** 反。 我安得不知汝之譖我乎?」○鄭 也。」孔氏曰: 我則不得而知汝。 極其反側 「《説文》云: 非惡之也 一靦, 今汝乃 ,有欲 面 於 之 見

何人斯》八章,章六句。

詩也。 詩 也,主宫内道官之長。」〇陳氏曰:「巷伯,寺人之長者也。 巷伯》,刺 名《巷伯》,以寺人解之,明巷 孔氏曰:「後宫稱永巷,是宫内道名也。 幽 王. 也。 寺人傷於讒,故作 伯即寺人也。」〇吕氏 伯,長 是

> 蘇公; 兼列於此,著其所以亂也。」 之不明可知。」〇董氏曰:「當幽王之世,大臣傷於讒,如 曰:「寺人,近習也。 小臣傷於讒,如寺人孟子,則上下其得以免乎? 近習日見于君,然猶傷於讒 , 則 幽 王

萋七西反。兮斐孚匪反。兮,成是貝錦。 人者,亦已大音泰。甚。 彼 譖

以 也。其文彩之異,小大之殊甚衆。古者貨貝是也。今 甲,以白爲質,黄爲文彩。」陸璣《疏》云:『貝,水介蟲 文。』李巡曰:『餘蚳貝甲,黄爲質,白爲文彩。 文。《釋魚》説貝文狀云:『餘蚳,黄白文。餘泉,白黄 也。」 蚳,直基反。 〇孔氏曰:「錦而連貝,故知爲貝 文也。」鄭氏曰:「錦文者,文如餘泉、餘蚳之貝 毛氏曰:「萋斐,文章相錯也。 也。」〇朱氏曰:「彼爲是者,亦已 人集作己過以成於罪,猶女工之集采 九真、交趾,以爲杯盤寶物。二〇鄭氏曰:「喻 曰:『緀兮斐兮,成是貝錦。』」 矣。」○《説文》曰:「緀,白文貌。 《成錦文。」○李氏曰:「喻讒 人織其罪 貝錦, 餘泉貝 太甚 錦 色 讒 文

哆昌者反。兮侈尺是反。兮,成是南箕。

人者,誰適與謀?

是實。 爾。 因物而大之名。《禮》於衣袂半而益一謂之侈袂。」 () 貌。」○《説文》曰:「侈,張口也。」○孔氏曰:「侈者, 日 鬵 鼎。」 舌。」○鄭氏曰:「適,往也。」○陳氏 然,踵狹而舌廣。]〇孔氏曰:「箕四星,二爲踵,二爲 毛氏曰:「南箕,箕星也。」鄭氏曰:「箕星哆 蘇氏曰: 説文》作『鉹兮哆兮』。 鉹,曲鉹也, 南箕之星本非箕,張大其口)董氏曰:「崔靈恩《集注》『侈兮哆兮』, 「誰往就汝謀乎? 貝錦、南箕,皆曰成是者,言我本 因萋斐、張大以成之爾。」○鄭 「哆、侈,皆張也。」毛氏曰:「哆,大 怪其言多且巧。」 以成其名 氏 無

言也,謂爾不信。 緝緝七立反。翩翩,音篇。 謀欲譖人。 慎爾

貌 毛 io」長樂劉氏 氏 翩翩、言念念爲譖、如高飛之禽, 曰:「緝 曰:「緝緝 緝 \square ,言能縷析 舌 聲。 翩 翩 萋斐以 翩 翩, 不能 成 往 經緯 自 來 已

語

也。

捷捷幡幡,芳煩反。 保慎爾言。」〇王氏曰:「不慎爾言, 者有時而悟,謂爾不信矣。」 言讒人之意 然,謀欲 也。」〇孔 也。」〇陳氏曰:「譖人者自謂得意,更宜 **以爲讒譖** 氏 日 -, 惟 : 以 謀欲譖言。 口 欲 害人。」〇李氏 舌緝 潛人 緝 爾, 豈不 無它 往 曰:「此 爾 來 誉 則 翩 爲 翩

既其女遷 誰不欲 之辭。」〇《説文》作「咠咠幡幡」。 曰 : 人者,人亦即之。使王好讒,故得譖人以自逞。 則遇譖之禍,既而遷及汝矣。」董氏曰:「即 者,上好譖,則固將受汝。 翩 毛氏曰:「捷捷,猶 ○王氏曰:「『豈不爾受? 也。」陳氏曰:「捷捷、儇利貌。 謂爾 逞乎? 不信,既其女遷,皆君子忠告 則其移於女也不久矣。」〇曾氏 緝 緝 也。 然好譖 幡幡,反覆貌。 既其女遷』 幡 幡 不已, 猶 然人 翩

人,矜此勞人。 驕人好好,勞人草草。 蒼天蒼天,視彼驕

作爲此詩。凡百君子,敬而聽之。

楊園之道

,猗於綺反。

于

畝丘。寺人孟

有北不受,投畀有昊。 二反。豺士皆反。虎。豺虎不食,投畀有北。彼譖人者,誰適與謀? 取彼譖人,投畀必

氏曰:「有北不受,投畀有昊,付與昊天 應屬,狗聲。」○毛氏曰:「神言『彼譖人者,誰 无也。」○朱氏曰:「再言『彼譖人者,誰 天也。」○朱氏曰:「再言『彼譖人者,誰 天也。」○朱氏曰:「再言『彼譖人者,誰 不受,言讒譖之人,物所共惡也。」○鄭 不受,言讒譖之人,物所共惡也。」○鄭

刑不試而民咸服。」「好賢如《緇衣》,惡惡如《巷伯》,則爵不瀆而民作愿,惡如《巷伯》。』言欲其死亡之甚。」子曰:思如《巷伯》。』言欲其死亡之甚。」子曰:『惡制其罪也。」〇孔氏曰:「《緇衣》曰:『惡

况卑人; 大夫,果多以讒 百君子,敬而 及大臣骨肉,但先自己始 曰:「讒人罔極,不獨譖己而已,必將 有此畝丘,詩人見之而 卑人也。」○孔氏曰:「於時王都之側, 畝丘,則必道楊園,言將譖大臣,必始於 人,字孟子。」〇王氏曰:「楊園下 曰:『謂丘如 丘名。」孔氏曰:「《釋丘》云:「如畝,畝丘。」李巡 毛氏曰:「楊園,園名。 猗,加也。 田畝 畝丘 聽之。」其後王后、太子及 日畝丘也。□○孔氏曰:「寺 一廢者。」 高 地,以 爲辭也。」○劉氏 也。 况大臣。 故曰:『凡 地, 欲陵 畝

巷伯》七章,四章章四句,一章五

何**,**一章八句,一章六句。

則相棄; 以遂其不父,子得以遂其不子,兄得以遂其不兄,弟得以 亡國喪身而弗可救。天下俗薄而朋友道絶,非天子之職 之義不行,而習以成俗,莫知以爲耻也。乃至人倫悖亂, 遂其不弟,夫得以遂其不夫,婦得以遂其不婦,皆由琢磨 有極矣。於是君得以遂其不君,臣得以遂其不臣,父得 琢磨之義不行。琢磨之義不行,則人不會其有極而 倫,皇建厥極,人君之所以夙夜者也。 ,朋友道絶,則莫非小人之交。」 風 其曰刺之,不亦宜哉?」〇吕氏曰:「急則相求,緩 長樂劉氏曰:「天子之於天下,無他職也,厚其人 》, 刺 恩厚不知,怨小必記,皆小人之交也。 幽 王 也。 天下 · 俗 是故朋友道 薄, 朋 友道 天下俗 歸其 絶

維予與女。音汝。將安將樂,音洛。女轉習習谷風,維風及雨。將恐丘勇反。將懼,

孔氏曰:「谷風,生長之風,取其朋友相調之貌。東風謂之谷風。將,且也。」〇三氏曰:「興也。」〇鄭氏曰:「習習,和

之甚。」 趨 汝便轉 與己厚也。」〇孔氏曰:「纔得且安且樂, 危難恐懼則相 澤是雨之事,但雨得風乃行,則潤澤亦由風,故《易》曰 須。」鄭氏曰:「風而有雨則潤澤行。」○孔氏曰: 長益 潤之以風雨」、是風雨共爲潤。」○丘氏曰:「在 利, 也 窮達相棄。」鄭氏曰:「棄恩亡舊,濂 [更棄我乎?」○毛氏曰:「言朋友 。」〇毛氏 親愛。 曰 曰『維予與女』,謂 風 雨 相 感 朋 友 潤 相

習習谷風,維風及頹。徒雷反。 **真**之豉反。 毛氏曰:「頹,風之焚輪者也。」孔氏曰 「《釋天》云: 『焚輪謂之頹,扶摇謂之猋。] 孫 「迴風從上下曰 鄭氏日 朋友之義出於天,其相求本非以 風,維風及雨」之辭,其義蓋可識矣。 也。故窮達若一,不知其 而已耳,離合安可常哉? 玩「習習谷 予于懷。 "「寘,置也。」〇毛氏曰"「風 頹,迴風從下上曰猋。」」 猋,必遥反 將安將樂,棄予如 將恐將懼 義, 則 炎曰: 遺。 利 利 害 宔

也。 相高。二〇鄭氏 薄 力,乃相扶而上,以喻朋友相率而成也。]〇王氏 風之扇物,則因其勢而 **医風從上** 相 也。 如遺者,如人行道遺忘物,忽然不 扶 而 而下,力薄不能更升。 上,喻 曰:「置我於懷,言至 朋 友 相 高 相 須 朋友相汲引,則德義 谷風與相遇,二風 ጢ 成。」孔 一親己 氏 日 曰

此其一端也。 子終之,無不可。」所謂「維風及頹」,者此其父始之,我終之。我始之,夫此其父之死,吾蔑與比而事君矣。昔此其父之死,吾蔑與比而事君矣。昔

小怨。不死,無木不萎。於危反。忘我大德,思我不死,無木不萎。於危反。忘我大德,思我習習谷風,維山崔祖回反。嵬。五回反。無草

「喻朋友安能不時有小訟。」孔氏曰:「良朋物之盛,莫過夏時,不能無不萎死者。」郵氏曰:壯,草木無有不死葉萎枝者。」孔氏曰:「長思,山巓也。雖盛夏萬物茂

《谷風》三章,章六句。

子不得終養爾。《蓼音六莪五河反》,刺幽王也。民人勞苦,孝

如此。」〇李氏曰:「《凱風》,母不安其三復流涕,受業者爲廢此篇,詩之感人《詩》至『哀哀父母,生我劬勞』,未嘗不朱氏曰:「晉王哀以父死非罪,每讀

● 下「不」,原作「小」,據《墨海金壺》本及《毛詩正義》

《蓼莪》,孝子不得終養之詩也。 此 養,則其歡 弃,不爲父所逐,不困 咎責、怨慕、哀痛如此。 室之詩 類求之。」 也 。《小弁》,太子見弃之詩 欣 可 知 矣。 於行役 觀《詩》者 苟不 爲 而 故 得 母 其 終 所

生我劬勞。 蓼蓼者莪,匪莪伊蒿。呼毛反。哀哀父母,

鳴》。 報 育 天地生育之功也。思我之生也,父母 莪即蒿,皆草木之微者,其茂盛 得養其父母者,見彼夢蓼然長 毛氏曰: 莪,解見《菁菁者莪》。 也。 我 者 ○歐 亦劬勞矣, 陽氏 興 也。二〇 曰:「周 而我不得終養 蓼 夢,長 人苦於勞役) 蒿,解 大 如此 大者,非 貌。 見 () 鹿 以 由

報父母之劬勞也。孟郊詩云:「誰言莪蒿不能報天地之生育,猶人子不能

新度,重度 F 诗。 F 诗。 T 草心,報得三春暉?」

我勞瘁。似醉反。 我勞瘁。似醉反。

蒿。」○鄭氏曰:「瘁,病也。」 紫赤。八月爲角,角似小豆角,鋭而長。一名馬新疏》云:「牡蒿也。三月始生,七月華,華似胡麻華而毛氏曰:「蔚,牡苡去刃反。 也。」陸璣《草木

耻。 父何怙? 則 缾 (靡至) 蒲丁反。 鮮息淺反。 音户。 之罄苦定反。 民之生,不如死之久矣。 無母何恃? 矣,維罍 出則銜恤 H 音雷。 無 之

則罍之耻, 大者受一斛。」罄, 毛氏曰:「缾 餅,譬則民也。 「恤,憂。 民之窮則君之羞。」〇 小而罍大。 盡也。 靡,無也。」〇王 罍,譬則君 鮮 享 孔氏曰: 也。 也。」〇 「罍形 氏 缾) 吕 氏 之罄 曰 鄭 似 壺, 氏

^{■ 「}苦」,原作「若」,據宫内廳本、四庫本、《墨海金壺》本

也。《詩》曰:『缻之窒矣。』」去徑切。 覩見,是其所以悲恨也。」○《説文》曰:「窒,空 無父母,出門則中心銜憂,旋來入門則堂宇空曠,不復 曰:「人則靡至,無所歸投 樂劉氏曰:「出 以 其生不如死 日 :「鮮,猶窮獨之義。言窮獨 無父何所依怙,無母何所倚恃。]○長 也。」〇孔氏 則銜無 窮之恤。」○曾氏 曰:「所以 也。」孔氏曰:「己 丽 公然者. 從役

報之德,昊天罔極。 育也。 暫捨也。」腹,懷抱也。 復,反覆也。 育焉。」顧,旋視 氏 循也。」長樂劉氏曰:「防其驚也,則拊之。」 () 毛氏曰:「鞠,養也。」〇孔氏曰:「拊,拊 曰:「畜,亦養也。」○鄭氏曰:「育,覆 孔氏曰:「謂其寒暑或身體嫗之、覆近而 丘氏曰:「顧,旋視。 也。 孔氏曰: 孔氏曰: 「謂去之而反顧 「謂置之於懷抱。 復,反覆,不 也。 朱 能 愛

我,長我育我。

顧我復我,出入腹我。

欲

父兮生我,母兮鞠我。拊音撫。我畜喜郁

反。

○無窮,不知所以爲報也。」○無窮,不知所以爲報也。」○李氏曰:「『拊我畜我』而下,皆重也。」○李氏曰:「《母之也。」○李氏曰:「『拊我畜我』而下,皆重

我獨何害?南山烈烈,飄避遜反。風發發。民莫不穀,

也。 貌。」○鄭氏曰:「穀,養也。」○蘇氏 王氏曰:「南 苦,此怨者之常辭。」 害也? ○孔氏曰:「它得孝養,己獨寒 疾也。」○王氏曰:「民莫不穀,我獨何害 風。」〇歐陽氏曰:「南山烈烈,望之可畏 傷己獨不得終養也。」朱氏曰: 民人自苦見役,視南山則烈烈然,飄風發發然,寒且 虐政之病人,如大寒之視南山 烈烈,氣之寒。」○毛氏曰:「發發,疾 飄風發發,暴急而中人也。」鄭氏曰: 山之氣烈烈。」〇丘氏曰 「我獨何爲遭此 圃 聞 日 飄

不卒。南山律律、飄風弗弗。民莫不穀、我獨

《墓丧》下章,国童童四司,二童童祭養父母,重自哀傷也。」 ○鄭氏曰:「卒,終也。我獨不得烈烈也。弗弗,猶發發也。」陳氏曰:「弗弗,烈烈也。弗弗,猶發發也。」陳氏曰:「弗弗,不不不不不不不不不不不不不不不

八句。《蓼莪》六章,四章章四句,二章章

縣西南。」「譚國在京師之東。」〇杜氏《左傳》注:「譚國在濟南平陵譚徒南反。大夫作是詩以告病焉。孔氏曰:譚徒南反。大夫作是詩以告病焉。孔氏曰:《大東》,刺亂也。東國困於役而傷於財,

所姦反。 君子所履,小人所視。 匕。 有饛音蒙。 必履反。 焉出涕。音體 **簋**音軌。 周道如砥,之履反。 飱,音孫。 **睠**音卷。 有捄 其 言顧之,潸 直 音 虯。 如 棘

毛氏曰:「興也。饛,滿簋貌。飱,熟食,

日 均。」○李氏曰:「在位之君子,則 之上也。」〇歐陽氏曰:「周道平直 也。 視之,爲之出涕,傷 蒙然滿者,簋中黍稷之飱也。 之飱饛然,其鼎之匕捄然。」孔氏曰:「言 蘇氏曰:「思先王之世,諸侯富足,其簋 木赤心。○ ① 孔氏曰:「砥,謂礪石,言其 毛氏曰:「睠,反顧也。 言其直。君子小人,在位與民庶也。] () 之於鼎。 尺。』謂桑祭也。吉禮用棘。 棘 簋盛黍稷。」 拔, 謂 ,赤心也。」孔氏曰:「《雜記》云:「·匕用桑,長三 黍稷也。孔氏曰: 「當是時也,周之所以取於諸侯者,平均正直。 既大,故須以匕載之,謂出之鼎,升之於俎也。 在下之小人,則瞻而 「此事在乎前世,過而 《禹貢》曰:『礪砥砮音奴。 必載之者,以古之祭祀享食,必體 長 貌。 「《禮》之通例,皆簠盛 今 不 鼎實,煮肉也。 匕, 有捄然長者,棘木載 潸,涕下貌。」(去矣。 視之。」〇 所 如古 以 丹。」矢則 也。 載 從今顧 履 煮肉必宵 而 解其肉之 鼎) 鄭氏 賦 蘇 而 稻粱 實。 行 役 平 凡 氏

然,是以顧之而出涕也。」 今之君子猶及行之,小人猶及見之。至於幽王遂不

心疚。音救。公子,行彼周行。户郎反。既往既來,使我公子,行彼周行。户郎反。既往既來,使我黝反。葛屨,九具反。可以履霜。佻佻徒彫反。小東大東,杼直呂反。柚音逐。其空。糾糾居

旦 賦斂小亦於東,大亦於東。] 〇蘇氏曰: 氏曰:「公子,不必諸侯之子,貴者之稱也。」○吕氏 做之貌。□○毛氏曰:「公子,譚公子也。」陳 也。」〇毛氏曰:「空,盡也。」〇董氏 輕薄不耐勞苦之貌。」呂氏曰:「佻佻,輕儇驕 也。」孔氏曰:「夏日之葛屦。」〇朱氏曰:「佻, 董氏曰:「柚,卷織者。」朱氏曰:「柚,受經者 曰:「杼,持緯者也。」《説文》曰:「盛緯器。」○ 蘇氏曰:「自周視諸侯,皆東也。」○孔氏 糾糾,疏貌。」○鄭氏曰:「葛屨,夏屨 小大皆取於東,東人之杼柚空矣。」董氏 「周行,大路也。」〇鄭氏曰:「疾,病也。 「行,即道也。 周行,周之道路。」朱氏 目:

> 反。 有冽音列。 人。薪是穫薪,尚可載也。 陽氏 之道路,則餘人可知矣。]〇朱氏曰:「奔 王氏曰:「公子不宜服役,今公子行彼周 曰:「譚爲東方小國,土地之出,麻絲其 走往來,不勝其勞,使我心憂而病也。」 薪。 契契苦計反。 寤歎,哀我憚丁佐反。 **氿音軌**。 「至於窮乏,以葛屨而履霜。」〇 泉、無浸子鴆反。 哀我憚人,亦 重也。」○歐 穫户郭

載以歸也。」○歐陽氏曰:「此告病之辭 鄭氏曰:「尚,庶幾也。」〇朱氏曰:「載 毛氏曰: 也。」〇蘇氏曰:「薪已艾矣,而復浸之則 嗟哀憐我譚國勞苦之民,極斂之則困病 浸漬我所穫之樵薪,以浸之則濕腐不中 也。」〇孔氏曰:「冽然寒氣之氿泉,無得 穫,艾也。 也。 譚大夫契契憂苦,而寤寐之中, 「冽,寒意也。 契契,憂苦也。憚,勞也。」(側出 日 沈 泉。 可息也。

而安之。」〇《釋文》浸作寖。 艾,則庶其 己 病 載而畜之。 矣,而 復 事 已勞,則 之則 病 庶 其 故 息 己

東人之子,職勞不來。音費。 西人之子, 粲 粲衣服。 ·,百僚力彫反。是試。 供王賦,而曾不見謂以爲勤,以譚人空竭爲常,不愧之 夫私 也。i〇歐 文。 衣 以勤歸。1即是勞來也。」西人,京 見謂勤。」孔氏曰:「東國之子,主爲勞苦,盡財以 曰 粲,觧盛也。舟人,舟檝之人。]〇孔氏 氏曰:「來,勤也。 曰:「職,主也。」朱氏曰:「職,專主也。」○毛 朱氏曰:「東人,諸侯之人也。」〇 試,用也。」〇鄭氏 服以相誇。 "「私人、皂隷之屬。《玉藻》云:『大 以不被勞來爲不見勤,故《采薇》序曰:「《杕 事使私人,擯以臣。』〇毛氏 舟人之子,熊羆是裘。私人之 陽氏 曰 : 至於操舟之賤,亦衣熊 周 孔氏曰:「「來,勤」、《釋 曰:「東人勞苦而 人方事侈富,潔其 師 人也。)鄭 日 杜 不 詁 氏

言賦役不均,群小得志也。」賢者之類,窶賤者用事而貴也。」○朱氏曰:「此氏曰:「私人之子,試於百僚,則是絶功臣之世,●棄之裘,而私家之人,皆備百官而禄食。」王

遂。 光。跂丘豉反。彼織女,終日 或以其酒,不以其漿。 君臣佩玉,五覇迭興,戰兵不息,解去紱佩,留其係璲 毛氏曰:「鞙鞙,玉貌,璲,瑞也。 不以其長。 佩璲者,以瑞玉爲佩。」○《後漢・輿服志》曰: 維天有漢,監古蹔反。 鞙鞙胡犬反。 佩 鄭 氏 璲,音 「古者 亦有 日

河, 有光 乃爲大佩,衝牙雙瑀璜,皆以白玉。」漢,天河 廢,秦乃以采組連結於璲,轉相結受,故謂之綬。 秦制而弗改,故加之以 以爲章表,故《詩》曰 「漢水之精也,氣發而升,精華浮上,宛轉隨流,名曰天 日雲漢。こ○鄭氏 而 無 所 明。」孔氏曰: 『鞙鞙佩 雙印佩刀之飾。 曰:「監,視也。」〇 ·璲」,此之謂 「楊泉《物理論》云: 至孝明皇帝 也。 紱佩既 也 漢承

❶ 「世」,原作「勢」,據宮内廳本、四庫本、《墨海金壺》本

爲長。 也。 鄭氏 庶乎其能 雲漢之光者,謂不能下監也。」而織女之七襄,則 雲漢有光,亦能下監我民乎? 者舉其終始,故七,即自卯至酉也。」 〇朱氏曰 氏曰:「肆,謂止舍處。天有十二次,日月星辰所止 毛氏 而言 我。歐陽氏曰:「譚人仰訴於天,言我民困矣,天之 東人或與之以鞙然之佩,而西人曾不 從旦至暮七辰,辰一移,因謂之七襄。」孔 跂然如隅。」然則三星鼎足而成三角,望之跂然。」○ 星 「古《爾雅 東人或饋之以 |名,在漢旁。|孔氏曰:「孫毓云:「織女三星 在天爲次,在地爲辰。星之行,晝夜雖各六辰,數 惟 曰 維天之有 天 琄 「跂,隅貌。」〇朱 》曰:『臯臯琄琄,刺素餐也。』 成文章以報我矣。 庶乎其恤 襄,駕也。 佩璲』,則古字作琄。 酒,西人曾不以爲 漢,則庶 我 駕, 爾。二〇董氏 其不言日月之明而言 謂 氏 乎其有以 更其 無所赴愬, 日 今《爾 肆 織 目 女, 漿。 也。 監 以

去智切。

畢,載施之行。户郎反。不以服箱。東有啓明,西有長庚。有捄天雖則七襄,不成報章。睆華板反。彼牽牛,

駕車 二星,不知其同異。」○丘氏曰:「服箱,猶言 之明 庚,續 『長幾充箱。』是車内容物之處。』日日|出,●謂 内謂之箱。《甫田》曰:「乃求萬斯箱。」《書》傳曰: 氏曰:「箱,大車之箱也。 氏曰:「《爾雅》以河鼓、牽牛爲一星。 貌。孔氏曰:「皖然而明。」河鼓謂之牽牛。」孔 毛氏曰:「報章,反報 爲啓明。 ‧也。」朱氏曰:「《易》曰:「服牛乘馬。」」○毛 也。 在 西 長樂劉氏曰:「金星朝在東,所以啓日 所 日 以 既 續 入,謂 日之長。二〇李 成 章 明 孔氏曰:「兩較之 也。 足爲 李巡、孫炎以爲 氏 睆,明星 曰 長 庚。 鄭 明 樵

●「旦」,原作「且」,據四庫本、《墨海金壺》本與《毛詩·

行列而已,何曾見其掩兔乎?」○朱氏曰:「至 捕 日之名,而無實光也。」雖有天畢,不能 車而 是,則天亦無若我何矣。」 爲畫,俾我營作。 來一去,是報反成章。」雖有牽牛,不能爲 不如人織相反報成文章。」〇孔氏曰:「織之用緯, 畢,畢星也。」○鄭氏曰: 之。」《月令》「禁羅網、畢翳無出國門」,是田噐也。」天 畢,所以掩兔 面 則 ○歐陽氏曰: 東見。 :鳥獸。」孔氏曰:「在天之畢,徒施於二十八宿之 `成章。鄭氏曰:「織女有織名爾,駕則有西 『啓明 輸物。 水在日 雖有 東,故日將没則西見。」」 找, 也。 「天雖有織女,不能爲 長庚,水星。 鄭氏曰:「啓明、長庚,皆有助 · 啓明、長庚,不能 孔氏曰: 「《鴛鴦》曰:『畢之羅 金在日西,故日 「行,行列 爲 我駕 我 也。」 我 助 [無東] 將 貌 掩 織 H 出

揭 許急反。 斗,不可以 維 南 居竭反 有箕,不 其 舌。 / 挹音揖。 可 維北有斗, 以 酒 簸 漿。 波我反。 維 西 南有 柄彼病反。 .箕、載 維 北 翕 之 有

> 所噬。 斗非 粃; 舌。 也。」〇朱氏曰:「是天非徒無若我何, 斗,四星爲斗,三星爲 爲踵,二爲舌,踵狹而舌廣,故 朱 亦若助西人而見困,甚怨之辭 引也。」○董氏曰:「箕,其踵似箕,且有 《廣雅》云:「酌也。」也。」〇鄭氏 斗,北斗 曰揭。」○朱氏曰:「斗西柄,亦秋時也。」 歐陽氏曰:「雖有箕,不能爲我簸 氏 徒不可用 斗,其方如斗,且有柄。 曰 雖有斗,不能爲我挹酌 斗西其 也。」〇毛氏曰:「挹, 斡 箕 星, 而已,箕引其舌,反若有 柄, 夏 反若有 秋之 柄,垂而下揭,故 間 所挹 曰:「翕,猶 酒漿。 見 箕四 也。 於 取 (短于反。 星,二 日 於東 湯糠

《大東》七章,章八句。

構古又反。禍,怨亂並興焉。董氏曰:《韓詩》作《四月》,大夫刺幽王也。在位貪殘,下國

『《四月》,繁征役也』。」

75.P? 四月維夏,六月徂暑。 先祖匪人,胡寧

後使之遇亂也。」○季氏曰:「乃夏之四朱氏曰:「興也。」○季氏曰:「凡可見維了。」 「季夏六月昏,大火中。」」○朱氏曰:「四月維了。則六月徂暑矣。先祖豈非人乎,而夏,則六月徂暑矣。先祖豈非人乎,而夏,則六月祖。」○毛氏曰:「四月維也。」王氏曰:「與也。」○李氏曰:「乃夏之四朱氏曰:「興也。」○李氏曰:「乃夏之四

反。亂離瘼音莫。矣,爰其適歸。 秋日凄凄,七西反。百卉許貴反。具腓。芳非

「爰,於也。」○毛氏曰:「適,之也。」○鄭氏曰:「瘼,病也。」○杜氏《左傳》注曰:《詩》曰「亂離瘼矣」,此傷離散以爲亂者也。」○毛氏曰:「離,離散也。」《家語》曰:此曰:「其,猶皆也。」○毛氏曰:「腓,病

之。」〇《家語》作「奚其適歸」。《左傳》注曰:「禍亂於何所歸乎? 歎氏曰:「凉風用事,則衆草皆病。」〇杜氏

冬日烈烈,飄風發發。民莫不穀,我獨秋日、冬日,猶云秋時、冬時也。

何害?

其尤。山有嘉卉、侯栗侯梅。廢爲殘賊、莫知

也。」〇李氏曰:「言山有嘉卉,是栗是梅鄭氏曰:「嘉,善也。侯,維也。尤,過

「廢爲殘賊,言幽王暴而剥下,下無完民也。」 蘇氏曰: 之,曾莫知其所以得罪之由也。」蘇氏曰: 莫知其罪。 民猶嘉卉也,今君忍而殘虐類。梅、栗,嘉美之卉,今廢爲殘賊,曾類。梅、栗,嘉美之卉,今廢爲殘賊,曾也。《考工記》言天下之大獸五:脂者,也。《考工記》言天下之大獸五:脂者,

曷何葛反。云能穀?相息亮反。彼泉水,載清載濁。我日構禍,

時, 泉水,猶有 皆濁,無有或清之時。]〇朱氏曰:| 日 何也。」〇丘氏曰:「我視彼泉水 也。」〇鄭氏曰:「構,猶合集也。 鄭氏曰:「相,視也。」〇朱氏曰:「載,則 ·構害,則曷云能善乎?] 則有濁時,不一於濁 時 而清,有時 而濁,而 也。 幽 , 則 我 王之時 曷之言 相 八有清 彼 Ħ

以仕,寧莫我有。滔滔吐刀反。江漢,南國之紀。盡瘁以醉反。●

毛氏曰:「滔滔,大水貌。」○鄭氏曰:

盡瘁以仕,而王何其不我有哉?」有所宗,而人有所賴。」○朱氏曰:「今也蘇氏曰:「王者如江漢之紀衆水,使天下「瘁,病也。」○朱氏曰:「有,識有也。」○紀也,謂經帶包絡之也。」○鄭氏曰:「紀,綱「江漢,南國之大水。」○朱氏曰:「紀,綱

張連反。匪鮪,于軌反。潛逃于淵。 匪鶉徒丸反。匪鳶,以專反。翰飛戾天。匪鱣

也。 之理。 毛氏 티 : 鷙鳥也。□○鄭氏曰:「翰,高。戾,至也。」 ·字或作鰲。」〇李氏曰:「若以爲鶉鵲之鶉,則無戾天 、鷻、❷鵰也。從鳥、敦聲。1字異於鶉也。」○《釋文》:)鱣、鮪,解見《碩人》。 鴟烏之類,其飛也布翅翱翔。」○《説文》云:「鳶 「鳶鳥 鵰似 티 : 鷹而大,其飛上薄雲漢。」 〇《爾雅 「鶉,鵰 醜,其飛 也。」孔氏曰:「《説文》云: 也翔。」《疏》云:「鳶,鴟 ○劉氏曰:「言

❶ 「以」、《經典釋文》作「似」,當據改。

)「鷻」,原作「鶉」,據陳昌治刻《説文解字》改。

曰:「雖欲高飛深藏而不可得也。」淵? 言非此四者,則皆罹其患矣。」陳氏翰飛戾天? 曾不爲鱣鮪乎,潛逃于怨亂並興,憂之辭也。曾不爲鶉鳶乎,

歌,維以告哀。山有蕨居月反。薇,隰有杞桋。音夷。君子作

其哀怜天下之志,非以爲其身也。」
其哀怜天下之志,非以爲其身也。」
我問見《四牡》。○毛氏曰:「桋,赤棘。」郭璞云:「赤树、瓣如而歧鋭,皮理錯戾,好叢生山中,❶爲車棘,树葉細而歧鋭,皮理錯戾,好叢生山中,❶爲車棘,附葉細而歧鋭,皮理錯戾,好叢生山中,❶爲車村,解見《四牡》。○毛氏曰:「桋,赤棘杞,解見《四牡》。○毛氏曰:「桋,赤棘杞,解見《四牡》。○毛氏曰:「桋,赤棘

《四月》八章,章四句。

《小旻》之什十篇,六十五章,四百十四句。

吕氏家塾讀詩記卷第二十一

❶ 「中」、《毛詩正義》、《爾雅注疏》重文、下「中」字屬下

與《毛詩正義》改。

「言」,原作「章」,據《墨海金壺》本與《毛詩正義》改。

二九〇

/家塾讀詩記卷第二十二

北 Щ 之 什

愈 則天下安得而説服哉?」〇王氏曰:「經營四方、出人風 者。《北山》之詩,則有「息偃在床」者,有「不已于行」者」 矣。觀《大東》之詩,則有『粲粲衣服』者,有『葛屨履霜』 曰:「公則説。」若不均,則雖征役未甚勞苦,而人亦將怨 於從事,而不得養其父母焉。 季氏曰:「孔子

陟彼北山,言采其杞。音起。 偕偕音皆。

`,朝夕從事。王事靡盬,音古。

憂我父母。

我從事獨勞也。不斥王而曰大夫,詩人

士

李氏曰:「杞,枸杞也。

《左氏》昭十二年

議,皆大夫之事也 山》,大夫 刺 继 王也。 役使不均,己勞

賓。 溥音普。天之下,莫非王土。率土之濱,音 賢,勞事獨多也。」出《小爾雅·廣訓》篇。 氏曰:「九州海環之濱,是四畔近水之處。」○王氏 《説 曰:「言土之廣,臣之衆,而王不均平,使 曰"「取數多謂之賢。《禮記》曰『某賢於 某若干』,與此同義。」《孔叢子》曰:「我從事獨 毛氏曰:「溥,大。率,循。濱,厓也。」孔 憂也。」 役,陟彼北 曰:「士子,有王事者也。」○鄭 莫非王臣。大夫不均,我從事獨賢。 王事靡盬,憂我父母,言以王事 朝夕從事,言不得休息。」〇 文》曰: 「 偕, 山、采杞 彊 也。一〇朱氏 而 食 也。一〇 曰 一、「大 朱氏 氏 〇朱氏 前 毛氏 貽 夫 曰 曰 親 行

0 改。 「二」,原脱,據《墨海金壺》本與《春秋左傳正義》補 圃」原作「囿」 據《墨海金壺》本與《春秋左傳正義

枸杞者。』」○毛氏曰:「偕偕,彊壯貌。」

『有圃生之杞』,●杜元凱注云: 『世所謂

李氏曰:「四牡彭彭然不得休息,王事傍

然不得已,蓋王之意,善我之未老,善

作瀕,徐鉉謂『俗作濱,非也』。」
《左氏》引《詩》亦然。 古無濱字,《説文》《左氏》引《詩》亦然。 古無濱字,《説文》衆而不使,即以廣大言之,所怨情異,故設辭不同。」衆而不使,即以廣大言之,所怨情異,故設辭不同。」
是以此學如此。」孔氏曰:「作者言王道之衰,傷境之忠學如此。」孔氏曰:「作者言王道之衰,傷境

鮮息淺反。 我方將。 旅力方剛,經營四方。 四牡彭彭、王事傍傍。布彭反。 傅毅詩曰「哀我經營,旅力靡及」,注:「旅,陳也。」○ 杜元凱注以旅訓陳。 衆力方盛猶可也。 旅力。」《秦誓》曰:『旅力既愆。』若《桑柔》之詩,以 同。」李氏曰:「毛氏以旅爲衆,案《桑柔》曰:「靡 氏曰:「將,壯也。」〇朱氏曰:「旅,與膂 已。」〇鄭氏曰:「嘉、鮮,皆善也。」〇毛 士耳,不得解爲衆也。 毛氏曰:「彭彭然不得息,傍傍然不得 如《秦誓》及此詩,但指作詩者及良 此旅力,亦是陳力也。」〇《後漢 旅亦訓陳、《左氏》『庭實旅百』、 嘉我未老, 有

弯四方
で使という
我之方
出
、以我
之力
方且
剛强
、可以

經

或燕燕居息,或盡瘁事

國。

或息偃

在

或不已于行。

燕居息,或憔悴事國。]] 則國事待我而集。以我爲賢耶,則厚禄居彼爲多。 畏咎。彼或出人風議,我則靡事不爲。 棲遲偃仰,我則王事鞅掌。 均。」劉氏曰:「彼或不知叫號,我則慘慘劬勞。 者。」○李氏曰:「自此以下,皆言役使不 不止也。」李氏曰:「有不止於行而馳驅 力勞瘁以從國事。」〇鄭氏曰:「不已,猶 毛氏曰:「燕燕,安息貌。 ○《左氏傳》晉伯瑕曰:「《詩》曰:『或燕 彼或湛樂飲酒,我則慘慘 盡 瘁事 以彼爲賢耶 於道 國 彼或 盡

之狀。言事煩鞅掌,不暇爲容儀也。今俗語以職煩爲氏曰:「鞅掌,失容也。」孔氏曰:「鞅掌,煩勞李氏曰:「有棲遲於家而偃仰者。」○毛或栖音西。遲偃仰,或王事鞅於兩反。掌。或不知叫號,戶刀反。或慘慘七感反。劬勞。

中。執掌,其言出於此。」○《釋文》「偃仰」作「偃鞅掌,其言出於此。」○《釋文》「偃仰」作「偃

디

维小心可乎下下四也。號,呼也。或不知叫號,謂深居安逸,

基 解 有 反 。 と 音 各 。 と 質 , な 参 参 れ 難 外 之 叫 呼 亦 不 知 也 。

或出 不爲 或 湛 都 人 i 南反。 風 音諷。 樂音洛。 議,如字,協句音宜。 飲 酒 或慘 慘畏 或 靡 事

《北山》六章,三章章六句,三章章氏曰:「出人風議,從事口舌也。」 王氏曰:「出人風議,從事口舌也。」

四 句。

自疧都禮反。兮。無將大車,祗音支。自塵兮。無思百憂,祗王之時,小人衆多,賢者與之從事,自悔與小人並。」《無將大車》,大夫悔將小人也。鄭氏曰:「幽

適也。」〇毛氏曰:「疧,病也。」〇蘇氏「大車,平地載任之車,其車駕牛。 祇,鄭氏曰:「將,猶扶進也。」〇孔氏曰:

無將大車,維塵 不出于頻。古逈反。 事,與之共事,難及其身,不可逃也。」 及之。」〇李氏曰:「猶小人不可與之共 曰 將 大 重 ·, 則 冥冥。莫庭反。 塵 汙之。 思百憂, 無思百憂 則 病

流濕。 也? 者, 慎,是德之基也。 取 明 維塵冥冥。』言無 友觀人,焉所疑? 子·大略篇》云:「君人者,不可 朱氏曰:「冥冥,昏晦也。 臣。 也。 所以 均薪施火,火就燥。 夫類之相從也,如此之著也。以 在憂中耿耿然不能出也。」〇《荀 匹夫者,不可以不慎取 相有也。 與小人處也 《詩》曰:『無將大車 道 取友善人,不可不 不同, 平地注水,水 類,與耿 何以 友。 以不 同,小 相 慎 友 友

祗自重直用反。兮。 無思百無將大車,維塵雝於勇反。兮。 無思百

鄭

氏

日

:「雝,猶蔽

也。

重,猶累

也

」。」王氏

則重而遲。」曰:「凡物之行,不爲物所累,則輕而速, 爲物所累,

《無將大車》三章,章四句。

篇但 鄭説,則《小旻》、《小宛》之類,有何義乎? 雅》『明明在下』,謂之《大明》, 之《小明》,自是名篇者偶爲誌别爾,了不關 仕之辭,如《序》之説是也,了無幽王日小其明之意。 《大 名篇曰《小明》者,言幽 介 |述征行勞苦,畏於得罪,不 明》,大夫悔仕 王日 於亂世也。 小其明,損其政 敢懷歸之事,乃是大夫悔 《小雅》『明明上天』,謂 歐陽氏曰: 詩義 事。 據 苟如 鄭謂 詩

雨。豈不懷歸? 畏此罪罟。音古。其毒大音泰。苦。念彼共音恭。人,涕零如求。野。二月初吉,載離寒暑。心之憂矣,明明上天,照臨下土。我征徂西,至于艽音

曰:「此大夫以二月西征,至于歲莫而未歷也。」○毛氏曰:「罟,網也。」○朱氏氏曰:「湖吉,朔日也。」○孔氏曰:「離,氏曰:「初吉,朔日也。」○孔氏曰:「離,離氏曰:「艽,地名也。」€氏曰:「艽野,遠荒蘇氏曰:「艽

之憂矣,憚我不暇。 歲聿云莫。音暮。念我獨兮,我事孔庶。 昔我往矣,日月方除。 之甚。」〇丘 罪罟』者,世亂矣,欲去而畏離罪 仕,進退既難,恐不免於禍,念彼不 隱居不仕者也。 得歸,故 雨也。」〇王氏曰:「『豈不懷歸? 友,閑居自樂,欲似之而不得,故涕 呼天 氏 而 曰:「共人,謂 訴 賢者久不得 之。 念彼共人, 睠睠音 直慮反。 其 毒 曷云其還, 温 歸,於是悔 大苦,謂 恭之人, 也。 畏此 零如 仕 心 眷 之

毛氏曰:「涂,涂凍生新也。」孔氏曰:「上云懷顧。豈不懷歸? 畏此譴怒。

鄭氏 身獨 二月初吉1, 毛氏 往,至今未知 曰:「憚,勞也。」〇朱氏曰:「昔以是 下云『日月方奥』,傳曰煖,即春 曰 日 而事衆,是以勤 「 孔, 「除,除陳生新也。」孔氏曰:「上云 謂始行之時,故言除陳生新, 何 甚 時 也。 可 還 勞而不暇也。」○孔 庶, 一, 而 温,亦謂二月也。」〇 衆也。」○毛氏 歲已莫矣,蓋 謂二 一月也。

歸 氏 ,畏此 懷反 《顧,恨 1 體怒而 悔 仕 於 不 不敢 隱 亂 而 故 歸 遭 念彼 耳。 此勞也。 共 我 睠 誠 睠 思 然

反。 政事 芳福反。 昔我往矣,日 共人,興言出宿。 祭不得 氏曰: 所以祭也; 未知還 伊 益 毛氏曰:「奧,煖也。」○鄭 菽。 ┊。]○蘇氏 戚 鄭氏曰:「興,起也。」〇朱氏曰:「今 也。」〇毛氏曰: 愈蹙。子六反。 治 (采蕭穫 「采蕭穫菽者,冬之事也。」〇董氏曰: 音叔。 有備,故憂之而 期, ,遺也。」〇毛氏 冒 穫菽,所以畜也。 亂 1月方 而政 心之憂矣,自詒伊戚。 曰 一菽之時而 世 豈不懷歸? 事益 面 奥。 「念彼共人,興言出 歲聿云莫,采蕭 感。」〇鄭氏 仕 「蹙, 促 一自遺 於六反。 以 不得 觀時之晚,所以爲畜爲 促急,是 曰:「戚,憂也 氏 此 也。」〇 曷云 曰 畏此 憂,悔仕之 日 也。」長樂劉 一自 以 「愈, 足反覆。 種户郭 其還 鄭 念彼 至 此 氏 猶

嗟爾 正 毛氏 不 内也。」○朱氏 是與。 安寢 君 可知也 (曰:「恒,常也。」○王氏曰: 子 也 無恒安處。 神之聽之,式穀 鄭氏 티 : \Box 畏此 「夜卧 昌慮反。 起宿於外 反覆,王 以 女。 靖 憂不 共 政 爾 能

位

側

宿

於

《小雅》曰:「靖共爾位,正直是 者,趣乎汙下。 共 私事自通於君也。不尚辭,不多浮華之言也 聽之,式穀以女。」」」。 事君 之所爲,用禄與汝。」〇《表記》:「子曰 以 歐陽氏曰: 大夫自相勞苦之辭。 也。」〇毛氏曰:「式,用也。」〇丘 「穀,禄也。」○朱氏曰:「以,猶與也。」○ 爾 福也。」〇鄭氏《禮記注》曰 位之職,惟正直 |相親。|○呂氏曰:「上達 不下達,不尚辭,非 自 「嗟爾君子, 者,所 由 以 是 云無苟偷安,但 爲 鄭氏曰: 與,則 主也。 者,進乎高明。 無恒安處, 其 彼謂孔 「不下達,不以 神將 與。 人弗 「神聽 氏曰 神之 子 乃是 佑 弗自 自。 汝 爾

疽與侍人瘠環,非其人而自之也。」

申言之也。 也。 歎。 則神將佑之矣,何必去哉?」卒章又 相勞苦,曰:「嗟爾君子,無恒欲安處 處休息 上三章皆悔仕亂世,厭於勞役,欲 苟静恭於位,惟正直之道是與, 至是知不可去矣,則與其 ጢ 不 可 得,故每章 · 有懷 同 歸 列自 之 安

是正直。 嗟爾君子,無恒安息。 靖共爾位,好呼報反。 神之聽之,介爾景福

毛氏曰:「息,猶處也。 《小明》五章,三章章十二句,二章 介、景,皆大也。」

章六句。

《鼓鍾 《毛詩》,依三家爲説也。」 河紀》注云『昭王時,《鼓鍾》之詩所爲作』者,鄭時未見 》,刺幽王 也。 孔氏曰: 鄭氏於《中 候 握

鼓鍾將將,七羊反。淮水湯湯,音傷。 淑人君子,懷允不忘。 憂心且

> 鼓鍾喈喈,音皆。淮水湝湝,户皆反。 憂心且 「言今我思古之善人君子,念而信之,未嘗忘也。」 懷允不忘』者,傷今而思古也。」李氏曰: 樂,久而忘反,故人憂傷。『淑人君子, 氏曰:「幽王鼓鍾淮水之上,爲流連之 南陽之東。」○《釋文》曰:「湯湯,流盛也。」 將,聲也。」〇《禹貢》曰:「導淮自桐柏, 孔氏曰:「鼓,擊也。」〇《釋文》曰 東會于泗沂,東入于海。」孔氏曰:「桐柏山 ○鄭氏曰:「淑,善也。 允,信也。」○王 將 在

悲。 淑人君子,其德不回。

子,其德不回,亦思古也。」 毛氏曰:「喈喈,猶將將也。」〇蘇氏 ○王氏曰:「湝湝,則既不溢矣。 淑人君 湝湝,水流也。」○毛氏曰: 「回,邪也。」 티 :

留反。 鼓鍾伐鼛,古毛反。淮有三洲,憂心且 淑人君子,其德不猶 妯。

勑

鼓鼓役事」,注云:「鼛鼓,長丈二尺。」《韗人》云:「 毛氏曰:「鼛,大鼓也。」《周禮・ 鼓人》「以鼕

久也。其地遠,其役久,則民怨而音變,悽苦之氣貫金 董氏曰: 石,人陶匏,故聞之者憂傷也。」 不若幽王也。」朱氏曰:「言不若今王之荒亂。」〇 爲之變動容貌,念古之善人君子,其 其流連亦甚矣。」〇孔氏曰:「憂結於心, 當淮水之溢 耳。)〇孔氏曰:「水中可居曰 鼓,長尋有四尺。」〇孔氏曰:「鼛,即 「妯,動也。 曰:「言水落而 「用於淮上,則其地遠也。用於三洲,則 猶,若也。」〇王氏曰:「作樂 至淮水之降,以言其久也, 洲見也。」〇毛氏曰 洲。」〇蘇氏 泉也,古今字異 (其役 德

用者十九絃。頌瑟長七尺二寸,廣尺八門, 宣使人樂進也。」〇孔氏曰:「人聞而樂進其善。」外, 言使人樂進也。」〇孔氏曰:「人聞而樂進其善。」以稱以為反。不僭。七念反。
「我欽, 鼓瑟鼓琴, 莲磬同音。以雅以鼓鍾欽欽, 鼓瑟鼓琴, 莲磬同音。以雅以鼓鍾欽欽, 鼓瑟鼓琴, 莲磬同音。以雅以

南,以 氏 傳》謂之金奏。」〇朱氏曰:「琴瑟在堂, 闕所未詳。○朱氏曰:「僭,亂也。」○孔氏 舞,文樂也。」〇歐陽氏曰:「季札見舞南籥者,曰: 禁,以爲籥舞。」○鄭氏曰: 樂曰昧,南夷之樂曰南,西夷之樂曰朱離,北夷之樂曰 笙磬在下。同音,言其 詩爲《周南》、《召南》,以雅以南者,不知南爲何樂,當 三舞不僭。周樂尚武,故謂萬舞爲雅。 簧,故或謂笙爲簧。 磬以石爲之,其制 笙以匏爲底,列十三管。 曰:「先言鍾者,先擊金以奏諸樂,《左 兮》。毛氏曰:「爲雅爲南也。舞四夷之樂,東夷之 長三尺六寸六分,五絃,後加文武二絃。 寸,二十五 二《雅》。南,二《南》也。」○籥,解見《簡 在《考工記・磬氏》。』〇蘇氏曰:「雅 美哉,猶有憾。1蓋以爲文王之樂。《詩》又以文王之 籥不僭,言三者皆不 「言幽王之不德,豈其樂非古歟 絃, 盡 用之。』《廣雅》云: 「雅,萬舞 和也。 匏 也。 计中笙 雅,正 也。」〇蘇 南 以 也,籥也 雅以 也。

樂則是,而人則非也。」

《鼓鍾》四章,章五句。

饗,故君子思古焉。音來。多荒,饑饉降喪,民卒流亡,祭祀不《楚茨徐咨反》,刺幽王也。政煩賦重,田萊

之盛,物品之豐,所以交神明, 吕氏曰:「《楚茨》極言祭祀 不得見之辭也。」 之?」〇蘇氏曰:「凡詳言之者,皆思 至于受福無疆者,非德盛政修,何以 於民者盡,則致力於神者詳。 福之節,致詳致備 , 所以 推明 所以 先 觀其威 逮群下。 王 事 神 致 受 致

以享以 翼翼。 我蓺魚世反。 楚楚者茨,言抽勑留反。 祀 我倉既盈,我庾維億。 以妥湯果反。 黍稷。 我黍 其棘。 以 與與,音餘。 侑,音又。 自昔何爲? 以爲 河酒食, 以介 我稷

毛氏 康成世,字猶爲薺。 曰:「薺,蒺蔾也。」而茨則以茅葺屋覆之名。 謂「趍以采薺」當爲楚薺之薺,慮後世誤也。」○《説文》 積。□○鄭氏 庾,是庾未入倉矣,故曰『露積』。 言『乃求千斯倉,乃求萬斯箱』,欲以萬箱載稼,千倉納 聚稼也。又曰「曾孫之庾,如坻如京」,是積粟也。下 庾。」孔氏曰:「《甫田》言「曾孫之稼,如茨如梁」,此 與、翼翼,蕃蕪貌。」〇毛氏曰:「露積 曰 黍稷之地。」〇孔氏曰:「我所種之黍與 「布地蔓生,細葉,子有三角刺。」」○董氏曰: 得成就。」〇王氏曰:「及其收也,則我 與然,我所種之稷翼翼然,蕃茂盛大,皆 曰:「妥,安坐也。 曰:「介,大也。」○鄭氏曰:「景,大也。」 茨,蒺 蔾 也。」孔氏曰:「《釋草》文。)王氏曰:「今棘茨之所生,乃自昔我蓺 抽,謂 曰:「楚楚,茨棘 其 曰:「十萬 條 其爲茨者,後人誤也。 抽發。」〇鄭氏 侑,勸也。」〇孔氏 貌。 日億。」○毛氏 《周語》云:『野有庾 鄭 티. 郭 氏 〇朱氏 鄭 然則當 璞曰: 康成 與

三九七

稷皆實: 宜。以介景福 又三飯」,注:「祝言而不拜,主人不言而拜,親疏之 爲酒 侑曰:『皇尸未實,侑。』尸又食。主人不言,拜侑。 升筵,祝、主人皆拜。妥尸,尸答拜,遂坐。 恐其不飽,祝以主人之辭勸之。」○《少牢饋食禮》「尸 黍稷爲酒食,以祀先祖。 民如 成井邑。 既 盈 長樂劉氏曰:「古者内自鄉、遂、外薄要、荒 食 此 也。 無 然後 與與然,比鄰之黍皆豐也。 ,以享以 故我倉盈於州都 所 藏 也。」 可以致力於鬼神。 Ź, 祀,以妥以 則 既有迎尸,使處神坐而食之。 露 ,我庾充於億兆。」其成 積 爲 侑,鄭氏曰 翼翼然,左右 庾 尸告飽,祝 於是以 其 數 以 至 2

烝嘗, 神保 祀 濟 祭 濟子禮反。 居良反 是饗。 于祊, 或剥 補彭反。 或亨,普庚反。 蹌蹌,七羊反。 孝孫. 有慶,報以 祀事孔 或 絜爾 明。 肆 介福,萬 牛羊。 音四。 先 祖 是皇, 或將。 壽 無 往

禮,主人自慤而趍其賓,賓客則有容儀,故濟濟蹌蹌「《曲禮》云:「大夫濟濟,士蹌蹌,是有容也。」祭祀之毛氏曰:「濟濟蹌蹌,言有容也。」孔氏曰:

曰 : 乃 王,其助祭之臣,其儀 子也。」〇孔氏曰:「介,大也。」〇 古語然也。]〇長樂劉氏曰:「孝孫,謂 也。」〇朱氏曰:「神保,鬼神之嘉 同。」〇鄭氏曰:「孔,甚也。」〇朱氏曰: 性》云『索祭祝于祊』,注云:『廟門外曰 亦通。□○鄭氏 ○朱氏曰:「鄭氏讀肆爲剔,謂剔其骨體而升之俎也 也。」」肆,陳也。」蘇氏曰:「肆陳其骨體於俎也 也。」剥,解剥其皮也。」〇毛氏曰:「亨,飪 之也。 孔氏曰:「亨,謂煮之使熟,故云:「亨,飪之 董氏曰:「自黍稷成爲酒醴,至其爲祭,乃烝嘗之時 也。」〇鄭氏 也。□○長樂劉 「明,猶備也,著也。」○毛氏 〇毛氏曰:「祊,門内 . 楚詞》曰:『思靈保兮賢姱。』匈_{于反。} 絜所祀之牛羊,爲烝嘗之祭。又曰: 「疆,境界也。」○孔氏曰:「古之明 日 曰: 氏 曰 「冬祭曰烝,秋祭 將, 絜者,在 濟 也。」孔氏曰:「《郊特 奉持 濟 然、蹌蹌然。 圃 曰:「皇,大 進之也。」 滌 祊。」 與 而 日嘗。 鄭氏 芻之 八此不 蓋 天

報以大福,萬壽無疆也。」 孫有慶矣。」〇丘氏曰:「孝孫有慶者,神 于祊,而祀事所以孔明也。」 焫, 先彫反。 ❶ 曰 夫遊魂爲變,無不之,無不在,求之不可一所,故祝祭 鬯求諸陰, 焫蕭求諸陽。 客之處,祀禮於是甚明。」王氏曰:「凡祭,裸 在,故使祝博求之平生門内之旁,待賓 進之者。]○鄭氏曰:「孝子不知神之所 之者,或亨煮之者,或陳之者,或奉持 也。」既絜此牲,其治之亦各有職,或解 「《周禮》祭祀之聯事,司徒奉牛,司馬奉羊,各有 "「夫然,故先祖是皇,神保是享,而孝 索祭祀于祊,求于陰陽之間 〇王氏 而 剥 司

壽 卒度,笑語卒獲。 音煩。 孔 執爨七亂反。 攸 庶,爲賓爲客。 或炙,之敕反。 踖踖,七夕反。爲俎 神保是格,報 獻醻市由反。 君婦莫莫。音麥。 孔碩。 以介福 交錯,禮 爲 或 燔 儀 豆 萬

祀之禮、饔爨以煮肉、廩爨以炊米。《少牢》云:「饔爨毛氏曰:「爨,饔爨、廩爨也。孔氏曰:「祭

毛氏 孔氏 爲豆 婦獻尸,兄弟以燔從。」彼燔與此燔同,則彼肝與此 是后主供籩豆。 也。」孔氏曰:「凡適妻稱君婦,故妾稱之爲女君也。」 火,易熟者遠之,故肝炙而肉燔也。」君 同。燔者,火燒之名。炙者,遠火之稱。以難熟者 知燔肉炙肝者,《特牲》:『主人獻尸,賓長以肝從。主 燔之數量。」❷言從獻者,謂既獻酒,即以此燔炙從之。 炙也。孔氏曰"「《量人》云"「凡祭祀,制其從獻 大也。」○鄭氏曰:「燔,燔肉 有 在門東)毛氏曰: 冷谷也。」孔氏曰:「執爨竈之人,皆踖踖然敬慎。」 丘氏曰: 甚多。 曰 曰:「《九嬪》:『贊后薦 南 :「豆,謂 北上,廩爨在饔爨之北。」時時,言爨竈 「莫莫、言清静 「爲俎孔碩,謂載牲體於俎甚 若簡躁 内 由后 羞、庶羞也。」孔氏曰: 不 能清静篤敬,故能 恭,則不能也。」〇 而敬至也。」〇 徹 也。 婦,謂后 豆籩。」 炙, 肝 近 炙 脯

- 郊特牲》作「如悦」、當據改。
 「先彫」、《經典釋文・周禮音義・甸師》、禮記音義
- 「量」,原作「然」,據《毛詩正義》與《周禮注疏》改。

0

事 有 醻。 獻。 也。」〇孔氏曰:「執爨有俯仰之容,君婦 宜也。」○毛 「古者於旅也 交,邪行爲錯。]○鄭氏曰:「卒,盡 牲》、《少牢》皆有其事。」○毛氏 客,故先言之。」〇鄭氏 薦,明日,又爲繹而賓敬其尸。繹雖在後,而尸尊於賓 此豆獻尸,又與賓客相獻酬也。」毛氏曰: 有二+品。」○朱氏曰:「爲賓爲客,言既以 賓尸尚有二羞,明天子之正祭有二羞矣。 天子庶羞 羞,羊臐豕膮,皆有胾 《有 「繹而賓尸及賓客。」○孔氏曰:「正祭之日,賓用之爲 「房中之羞,其 鬼)毛氏曰:「度,法度也。」○鄭氏 清静之德。 司 神 賓既 至 徹》云『宰夫羞房中之羞,司士羞庶羞』,注 旅,而爵交錯以徧。」孔氏曰:《特 鬼神安之,報以 酢主人,主人又自飲 **籩則糗餌** 氏 □語。」○朱氏曰:「獲,得 俎 曰:「格,來 醯。 豆. 粉資,其豆則酏食糝 肥美、獻 曰:「始主人酌 房中之羞,内羞也。1彼大夫 多 曰:「東西 쏌 福。」〇《坊 也。 得法。 酌 酢, 食。 賓 也。 賓爲 日 굸 其 爲 報 百

> 也。 堂上觀乎室,堂下觀乎上。《詩》云: 記 儀 大 酒 《卒度,笑語卒獲。」』」 其酒 在 以 尸飲三、衆賓飲一、示民有上下 室、醍酒在堂、澄酒在下、示民 爲尸,過之者趨走,以教敬也。 子云: 肉,聚其宗族,以 七日日 戒, 三日 教民睦也。 承 不 也 禮 淫

識矣。 與肝 從獻也。 記》之言, 爲俎孔碩,謂薦孰也。 **炙**,豈得謂之孔 鄭氏 則三代之祭祀,洋洋乎其 、以爲一事,誤矣。 碩 或燔或 必乎? 味《 炙, 燔 坊 肉 口 謂

時萬 既 市志反。 徂賚孝孫。 我孔熯呼但反。 齊既 時 飲食。 億 稷,既 **苾**蒲必反。 匡 卜爾 矣,式 丘方反。 百福, 芬孚云反。 禮莫愆。 既 如幾 勑。 一音機。 永錫 工祝致告, 孝祀,神嗜 爾極 如式。

説文》曰:「熯,乾皃。《詩》曰:『我孔

氏 祭將畢,祝致神意以嘏主人曰:鄭氏曰: 蘇氏 曰: 也。』」〇毛氏曰:「稷,疾也。」〇孔 式,法也。」〇孔氏曰:「王肅云:『齊,整 曰:「卜,猶期也。」鄭氏曰:「卜,與也。」○毛 者。」○鄭氏曰:「徂,往也。 賚,予也。」 熯矣。』」○董氏曰:「式,用也。」○鄭氏 曰:「莫,無也。 ○《釋文》曰:「苾芬,馨香也。」○朱氏 勞而乾竭。」而式禮莫愆,敬之至也。 爾 祝致神意,告主人使受嘏,既而以嘏之物往予主人。 善於其事曰工。」〇李氏曰:「善於爲祝 曰:「幾,期也。《左傳》曰:「易幾而哭。」 飲食芬絜,故報爾以福禄,使其來如 「勑,固也。」蘇氏曰:「勑,戒也。」○ 「王肅云:『匡,誠正也。』] 〇毛 「極,中也。 曰:「禮行既久,筋力竭矣,陳氏曰: 「謂不遲晚也。」其多如法。」」孔氏 愆,過也。]〇毛氏 中者,五福之所聚。] 〇 陳 日 氏 氏 氏

> 時億」,是其辭之略。」〇董氏曰:「《韓詩》作 夫之嘏辭也。天子嘏辭無以言之,此『永錫爾極,時萬 使汝受禄于天,宜稼于田,眉壽萬年,勿替引之。1是大 云:『皇尸命工祝承致多福無疆于汝孝孫,來汝孝孫 之福,至於時萬時億之多 其祭祀,整齊急疾,誠正慎 志反,又巨之反。」 曰:「此皆嘏辭之意。」孔氏曰:「《少牢》嘏辭 馥芬孝祀』。」○《釋文》嗜作耆,曰:「市 「謂來必豐足,不乏少也。」 () 李 固,故錫 也。」〇鄭 ·氏曰: 爾 氏 奉

遲。諸父兄弟,備言燕私。保聿歸。諸宰君婦,廢方吠反。徹直列反。不告。神具醉止,皇尸載起。鼓鍾送尸,神禮儀既備,鍾鼓既戒。孝孫徂位,工祝致

立于阼階上西面」,是尊者出稍遠也。此云徂位,明遠主人出立于户外西面、《少牢》告利成之位云「主人出民曰:「徂,是自此適彼之辭。位,是告利成之位。云畢徂位。 孝孫往位,堂下西面立也。」孔鄭氏曰:「既戒,戒諸在廟中者,以祭禮鄭氏曰:「既戒,戒諸在廟中者,以祭禮

饌,孔氏曰:「《膳夫》『祭祀,則徹王之胙俎」,其餘則 焉。」廢,去也 送尸,謂奏《肆夏》也。」《大司樂》:「尸出人,奏 曰 : 也。 ○孔氏曰:「尸,與神爲節度者也。 而尸謖,送尸而神歸。《釋文》曰:「謖,起也。」 曰:「載,則也。」〇孔氏曰:「鳴鼓鍾 ○朱氏曰:「皇尸者,尊稱之也。」○鄭氏 至,如見之也。」〇毛氏曰:「皇,大也。」 曰 謖,所六反。 讓當從賓客來。 謖,主人降。」此二者,皆祝告主人以利成,是致尸意 謖,祝前,主人降。1《少牢》祝告利成,即云:『祝人,只 子之養禮畢。」〇孔氏曰:「《特牲》告利成,即云:『尸 (肆夏)。□○鄭氏曰:「尸,節神者也。 成也。」《少牢》注云:「利,猶養也。 於大夫,故知至堂下也。《特牲》、《少牢》皆西面 "「鬼神無形,言其醉而歸者,誠敬之 「言皆醉者,所祭群廟,非止一神故也。」〇朱氏 孝子之事尸,有尊親及賓客之義,命當由尊者出 亦西面也。」〇毛氏曰:「致告,告利 ○鄭氏曰:「具,皆也。」孔氏 禮畢,義由於尸,非主人所當先發。」 尸 、出而 可徹 諸 神無形,故尸象 成,畢也。言孝 宰徹去諸 神醉 L', 故 以 知

> 受嘏之後,言祭畢告利成,送尸徹饌,與 于東序下。]所以留同姓燕也。] 〇孔氏 之意也。」祭祀畢,歸賓客之俎。 同姓燕之事。」 賓客之俎也。又《特牲》曰:"『祝命徹胙俎 與之燕、所以尊賓客、親骨 **籩。」不遲,以疾爲敬也。** 曰:「《特牲》、《少牢禮》皆曰:『祝執其俎以出。」是歸 不敢怠且緩,如神猶在也。」〇朱氏曰: 其屬徹之,故言諸宰,以膳 豆 而 E, 孔 氏曰:「《九嬪》:「祭祀,贊 夫是宰之屬 長樂劉氏曰: 肉 也。 「亦不留神 同姓 也。」孔 曰:「此 、豆、籩,設 后 示 則 婦 徹 留 籩 氏 豆

以附鄭氏之説,初無據也。 告主人,乃致主人意告尸。」此乃牽合 文云:「天子尊,節文備,祝先致尸意 大主人以利成之説,既得之矣。其下 孔氏論《特牲》、《少牢禮》祝致尸意,

君壽考。孔惠孔時,維其盡之。子子孫慶。既醉既飽,小大稽首。神嗜飲食,使樂具入奏,以綏後禄。爾殽既將,莫怨具

孫,勿替天帝反。

也。 之。」又曰:「燕、祭不得同樂,而云皆人者,歌詠 此章即陳燕私之事。祭時在廟,燕當在 首,謂頭拜至地也。」〇鄭氏曰:「惠,順 進,與燕之人無有怨者,長樂劉氏曰:「莫有 也。 異,樂器則同,故皆人也。」〇朱氏曰:「凡廟之制 寢,故言祭時之樂,皆復來入於寢而 極也。」〇孔氏曰:「上章云備言燕私,故 曰:「小大,猶長幼也。」〇董氏 毛氏曰:「綏,安也。將,行也。」○鄭 以 曰:『向者之祭,神既嗜君之飲食矣,是 怨而不足者。」而皆歡慶醉飽,稽首而 祭既受禄矣,故以燕爲將受後禄而 廟後寢,祭於廟而燕於寢。」 〇 朱 氏 曰:「且 於 曰:「替,廢。引,長也。子子孫孫,引無 使君壽考也。」又言: 『君之祭祀甚 鄭氏曰:「骨肉歡而君之福禄安。」 爾殺既 甚順於禮,甚得其時。]〇《爾雅 曰:「稽 綏之 氏); 前 順 言 奏 雖

> 辭也。」 之。」〇孔氏曰:「「神嗜飲食」以下,是慶 甚時,無所 也。』」《爾雅》注曰:「世世昌盛長無窮,是勿廢長行 志,外盡物。」子子孫孫,當不廢 不盡,董氏曰:「維其盡之,則内 而引長 盡

《楚茨》六章,章十二句。

《信南山》,刺幽王也。不能脩成王之業, 成五服,至于五千,州十有二師,外薄四海,咸建五長,是 濬畎澮,距川。暨稷,奏庶艱食,蒸民乃粒,萬邦作乂,弼 氏曰:「天下之土,昔爲水之所汩。而禹決九州,距四海 疆理天下以奉禹功,故君子思古焉。 下,而周公輔弼成王,廣五服爲九服,推后稷之法以踐禹 商道廢墜,而大王、王季緒理公劉之遺。文、武既有天 田法成於禹、稷久矣。夏道衰微,而公劉紹興后稷之業。 遂 功,遂成畎澮於天下。 饉降喪,民卒流亡,❶則畎畝不脩於天下。是以夫間之 ,不距於溝。 畛下之溝,不距于洫。 至於幽王,政煩賦重,田萊多荒 涂下之洫,不距于 長樂劉

「卒」,原重文,據宫内廳本、四庫本、《墨海金壺》本改。

0

饑

「川自六鄉而距于海、路自荒服而達于畿」之謂也。」謂『不能脩成王之業、疆理天下以奉禹功』也。疆理者、澮。道下之澮、不距于川。路下之川、不距于海。是所

后稷而謂之「曾孫」。播種,故《詩》言後王務農者,皆本之孫」蓋泛指周之盛王。周自后稷教民劉氏釋《序》之意善矣,但《詩》之「曾

信彼 原隰,曾孫田之。 九百夫之田,授民田有不易、一易、再易,通率二而當 成,有衆一旅。十里有五百人者,計成方十里,其地 尺,深八尺,謂之洫。]是甸在其中,傍一里以 子》云『方里爲井』計之,則邑方二里,丘方四里,甸方 甸。 以爲賦法。」○孔氏曰:「四井爲邑,四邑爲丘,四丘爲 甸,甸方八里。居一成之中,成方十里,出兵車一乘, 八里也。《匠人》既云『十里爲成』,即云:『成間廣 董氏曰:「南山 甸,治也。鄭氏曰: 兵車一乘,爲七十五人。 南 丘十六井,甸六十四井也。 山,維禹甸田見反。 ,終南山 我疆我理,南東其 「禹治而丘甸之、六十四井爲 而《左傳》説夏少康有 也。」〇毛氏 知方八里者,以《孟 之。 畇 治油 畇 畝 音 田 匀

時,王政衰矣,不明乎得失之迹者 畝南矣。其遂南入于溝,則畝東矣。」○孔氏曰 始。」〇王氏曰:「言信彼者,以見幽 長樂劉氏曰: 有洫、有澮、有川,以疏道之也。」○毛氏曰:「南 畛、有塗、有道、有路,以經界之也。 理,謂有遂、有溝 東,或南或東。」長樂劉氏曰:「其遂東人于溝,則 者,衡從其溝塗。」長樂劉氏曰:「疆,謂有夫、有 曾孫。」〇王氏曰:「疆者,爲之大界。 辟,除草萊以成柔田 所爲。」 哟哟, 墾辟 溝洫」,與《匠人》『井間有洫』同 也。 人》『同間有澮專達於川』同也。 ·雍州之山,荆岐既旅,終南敦物,則禹固治之矣。」〇 信乎彼南山 曾者,重也。)朱氏曰:「將言原隰)原隰,解見《皇皇者華》。 ,有四百五十人矣。 《傳》説少康盡舉大衆,故與出 「周京於鎬,南距于山,其田獨廣也。 之野,本禹所 自曾祖以至無窮,皆得 也。 其中 貌。」孔氏曰:「墾,耕其地 《釋訓》云:『畇畇,田 土 墾闢之事,故 地 也。 是則丘甸之法,禹之 差 賦 多 治。」董氏曰: 畎澮距川 〇孔氏 異。 ,則得 「禹 容 , 聞 ,與《匠 五 盡力乎 王之 推其 日 也。二 百 理 稱

畇畇爲昝昝也。」 《稍人》注曰:「丘乘,讀與『維禹敶之』之 説,敶是軍陣,故訓爲乘。 敶同,其訓 其畝者,順地勢及水之所趍也。」〇鄭 理,南東其畝。』.〇長樂劉氏曰:「南 道先王之事, 土之宜而布其利,故《詩 ○《左傳》齊國 日 乘。」賈公彦疏曰:「鄭據《韓詩》爲 佐 則 疑 曰:「先王疆理天下, 其 彼詩營營是均田之意,是以 不能 ***** 曰:『我疆 如 彼 故 也 氏 東 我

學反。既霑既足,生我百穀。之以霡亡革反。霂,音木。既優音憂。既渥,烏上天同雲,雨于付反。雪雰雰。芬云反。❶ 益

潤,故於雨言霡霂。」○《説文》曰:「瀀,澤多酒,故於雨言霡霂。」○鄭氏曰:「冬有積雪,春而語之霡霂。」○鄭氏曰:「冬有積雪,春而語之霡霂。」○鄭氏曰:「冬有積雪,春而雲,雲一色也,將雪之候如此。」○毛氏雲,雲一色也,將雪之候如此。」○毛氏

死星。I . 也。從 水,憂 聲。《詩》曰:『 既

瀀

闉易音亦。翼翼,黍翠彧彧。於六反。 既渥。』」

萬年。穡,以爲酒食。畀必寐反。我尸賓,壽考疆場音亦。翼翼,黍稷彧彧。於六反。曾孫之

易主,故曰易。」○孔氏曰:「翼翼然,閑 翼翼,謂八家一井,各有疆埸,萬 終用酒食之事。」〇長樂劉氏曰:「疆 賓,并祭末燕同姓於燕寢是 賓,謂助祭之賓酌 毛氏曰:「場,畔也。」《前漢書》張晏注:「至此 「斂穫曰穡。畀,予也。」〇丘氏曰:「與 謂)毛氏曰:「彧彧,茂盛貌。」()鄭氏 獻孰 食,并酌齊獻尸是也。❸ 齊獻尸,尸 也。 _/ 因 酌 此 祭 以 日 縱 埸 始 酢 與

- ❶ 「芬」、《經典釋文》作「芳」。
- ② 「以」,原重文,據宫内廳本、四庫本、《墨海金壺》本及
- 「齊」、《墨海金壺》本作「賓」。下「齊」字同。

收以爲 考萬年也。」 人心歡悦,以奉宗廟,則神降之福,故壽 酒 横 布 (食。 廣野, 右 酒食祭祀。 畀我尸賓,壽考萬年』者,公田 彧彧 翼 翼 成文也。 也 黍 陰陽和,萬物遂,而 稷 『曾孫之穡,以 彧 彧 謂 萬 井 所 爲 棊

執其鸞刀,以啓其毛,取其血膋。

音聊。

《前漢書 日 爲菹。」 氏 中爲公田,八家每家廬舍二畝半。」於畔上種瓜。」 二十畝爲八家治田之廬。」〇董氏曰:「井九百畝,其 也。 以 畝,❶公田十畝,廬舍在内,貴人也。 鄭氏曰:「中田,田 日 便其田事、《後漢》注: 私田在外,賤私也。」○丘氏曰: 「古者宅在都邑,田 鄭氏 剥瓜爲菹也。」鄭氏曰: 食貨志》:「瓜瓠果蓏,植於疆場。」() 曰:「祜, 中 「春秋井田 也。 於外野,農 福 農 也。 「公田百畝,内除 公田次之,重 人作 「剥削 ,計人受田 廬 淹漬 孔 時 氏 毛 則 百

> 祭以清酒、從以騂息營反。 者,貴四時之異物,順孝子之心也。」 菹 瓜,則地無遺利矣。」瓜新孰,獻於天子。 畔 出 Ė ,以供祭祀。]○鄭氏 丽 種 就 瓜 田 所 須 以 有 廬 便 舍。 地 也。 於 牡,享于祖考。 曰:「獻於先 Ξ H 氏曰: 中 種 疆 穀, 乃爲 一場有 祖 於

割 騂牲」,注以陽祀爲宗廟。」 曰: 尚之毛色。 牡,周尚赤也。 鬱鬯并五 丘氏曰:「清酒,清潔之酒 「鬱金香草,煮之以和鬯。 節 泛齊,二體齊,三盎齊,四緹齊,五沈齊。 事酒,二昔酒,三清酒。」〇毛氏曰:「騂 三酒諸臣之所酢,非祭用 也 周 齊,是用若玄酒,示不忘古 尚赤,故郊廟用騂。 孔氏 孔氏曰:「三代祭其廟,各用其所 日 「鸞,即 灣刀, 鬯, 鈴也 也。 《牧人》云『陽祀 刀有鸞者,言 釀秬爲酒也。 謂 言祭則 也。」孔 刀環有鈴 惟 Ŧī. 丽 Æ

門,麗于碑,卿大夫袒,而毛牛尚耳,鸞刀以刲,取 致其力故也。」○《祭義》曰:「祭之日,君牽牲,既入廟 之也。○○長樂劉氏曰:「王躬執鸞刀,以 授亨人,故謂之納亨也。納亨而謂之獻於祖考者,《充 字。一鄭氏曰:「祭之禮,先以鬱鬯降神, 《楚語》觀射父云『毛以示物」,韋昭曰:『物,色也。』是 曰:「執其鸞刀者,以親殺也。 啓牲耳之毛,豆薦其血,蕭僰其膋。]王氏 然後迎牲享于祖考,乃納亨時。」孔氏曰: 陽也。」定本及《集注》皆以此注爲毛傳,無「箋云」兩 之氣,是升臭也。《郊特牲》曰:『取膟膋燔燎,升首報 也。 人》云『碩牲則贊』,注云:「助君牽牲,人告肥。」是獻 「《大宰》云:『及納亨,贊王牲事。」謂牽牲入廟,將殺 實之於蕭,合馨香也。」孔氏曰:「膋者,腸間脂 昭云:「明不因故也。」」膋以升臭。 毛以告純。」血以告殺,孔氏曰:「亦《楚語》文。 韋 『毛血,告幽全之物,貴純之道也」,注:『幽,謂血也。』 其聲中節。] 毛以告純 ,乃退。」注: 以脂膏合之黍稷,寘之蕭,乃以火燒之,合其馨香 「麗,猶 繁也。 也,孔氏曰:「《郊特 毛牛尚耳,以耳毛爲 子孫之養其祖考,當自 合之黍稷, 性》曰 膟

> 也。 臭。 陽之義也。」 奠,然後,蕭合羶薌。 璋,用玉氣也。既灌,然後迎牲,致陰 魂氣歸于天,形魄歸于地,故祭,求諸陰 也。」〇《郊特牲》曰:「周人尚臭,灌 蕭合黍稷,臭陽達於牆屋。 鬱合鬯,臭陰達於淵 凡祭,慎諸此。 泉。 灌 故既 以 用 丰

皇。報以介福,萬壽無疆。是烝是享,茲苾芬芬。祀事孔明,先祖是

「先祖於是美大之,報以大福。」○董氏曰:「既有牲物而進獻之,苾苾芬芬,鄭氏曰:「既有牲物而進獻之,苾苾芬芬,香氣上達也。」○

《信南山》六章,章六句。

倬陟角反。彼甫田,歲取十千。我取其陳,《甫田》,刺幽王也。君子傷今而思古焉。

耘音芸。 食音嗣 止,烝之承反。 志 | 芸: 草也。 根深,能風與旱,故薿然而盛也。」附根,即此雝本也。」 以上,稍耨壠草,因壝其土以附苗根。 長終畝,一畝三畎,一夫三百畎,而播種於畎中。 氏 「一成之田九萬畝,公取十千畝,九一之法也。」() 田萬畝。 十夫,其田千畝。通十爲成,成方十里,成稅百夫,其 也。」鄭氏曰:「歲取十千,於井田之法,則一成之數 也。」〇朱氏曰:「十千,公田 毛氏曰:「倬,明貌。」〇孔氏曰:「甫,大 鍾。」〇孔氏曰:「鍾容六斛四蚪。」〇横渠張氏曰 也。 朱氏 曰 九夫爲井,井稅一夫,其田百畝。井十爲通, 助也 『后稷始畎田 或 我 「陳,舊粟也。」〇毛氏曰:「耘,除 欲見其數,從井、通起,故言十千,上地穀 髦,俊也。] 〇蘇氏 好,黍 農 我髦音毛。 止,息也。」〇 薿,茂盛貌。]〇王氏 本 自 稷 以以 也。」孔氏曰:「《前 古 薿 二耜爲耦,廣尺深尺曰 有 魚起反。 ŧ 毛氏 曰 今適 |-|-|-比成,❷壠盡 所 南 漢 攸介 取之數 成之 畝 日 畎, ❶ 苗 食 通 朱 攸 貨 或

> **儗儗。**」 ○蘇氏曰:「進其髦俊者,如 序,如此則無紅 也。 是存其 ○《前漢 士而勞之也。」毛氏曰:「治田得穀,俊士以進。」 其勤力,止其怠惰。]〇朱氏曰:「進我俊 蘇氏曰:「是以親適南畝而視其耘耔, 積如此。 田 取 歲 蓋以自古有 陳 取 新 以 萬 然其用之之節,又合宜 而 食貨志》曰:「 食農 畝 散其 以 腐 人, 年,是以 舊 爲 而 言積之久 ,以補不足,助不 國 不可食之患矣。」〇 用。」 漢龍力田之類歟? 或耘或芋,黍稷 陳陳相因,所 而有餘, 朱 氏 而 曰 有 給

休息之,又於 耔,而其 畝 今者,指周 以勞農,見農夫 黍 盛 稷 嶷 王之時也。 間 薿 進 散 然 其 丽 布 髦 盛 田 俊 言 野 者 乃 周 以 相 或 王 助 耘 適 勉 丽 或 南

0

[「]比」,原作「此」,據《墨海金壺》本與《毛詩正義》改。「日」,原作「田」,據《墨海金壺》本與《毛詩正義》改。

暱。其秀民之能爲士者,必足賴也。」管仲曰:「農之子恒爲農,野處而不之。古者士出於農,而工商不與焉。

以穀我士女。御牙稼反。田祖,以祈甘雨。以介我稷黍,)方。我田既臧,農夫之慶。琴瑟擊鼓,以以我齊音資。明,與我犧許宜反。羊,以社以以我齊音質。明,與我犧許宣反。羊,以社以

氏曰: 古之有大功者配之。 云郊、社相對,郊是天,則社是地。 齊,指穀體也。 朱氏曰:「齊,與粢同。《曲禮》曰 『社稷太牢。』則四方之神亦太牢。 ·祭之日,表叠盛告潔」,注云:『粢,六穀也。 毛氏曰:「社,后土也。 明築。』此言齊明,便文以 鄭《駮異義》以爲社者,五土之神,能生萬物者,以 「羊言犧,謂純色。」又曰:「《郊特牲》曰: 「器實日 在器曰盛 齊,在器曰盛。]〇孔氏曰:《肆 《祭法》曰: ,據已盛於器也。□○孔氏 此獨言羊以會句。」 『共工氏之霸九州 后土者,地之大名 孔氏曰:《中庸 協 韻 爾。」毛 器實日 「稷 師

也。 祀之。 之帝曰太皥,官曰句芒。火之帝曰炎帝,官曰祝融 地,故 朱氏曰: 陰祀,其犧用純黑色,其方祀則各以其方之色也。」〇 句芒在東,祝融、后土在南,蓐收在西,玄冥在北』是 四方歲徧」,注云『祭四方,謂祭五官之神於四郊也 迎四方氣於郊也。」孔氏曰:「《曲禮》云「天子祭 者,百穀之主,所以奉宗廟,共築盛,人所食以生活也 爲社稷,田正也。 也 水之帝曰 土之帝曰黄帝,官曰后土。 『乃立冢土。』又曰: 『以御田 王者莫不尊重親祭,自爲之主禮,如宗廟。《詩》曰: 志》云:「帝王建立社稷,百王不易。 社者,土也。 也,其子曰后土,能平九州,故祀以爲社。」句龍職主 家,大也。土,土神,謂大社也。 此祀在秋而并言四方,蓋秋成報功,則揔祭社爲 「蔡墨曰:『共工氏有子曰句龍,爲后土。 調其 孔氏曰: 御 周弃亦爲稷,自商以來祀之。」〇《前漢・郊祀 「四時迎五行氣於郊,以五帝、五官配焉。木 顓頊,官曰玄冥。] ○鄭氏 官爲后 迎 也。」〇毛氏 「《郊特牲》注云:『先嗇,若神農。』《春 有烈山氏之子曰柱,爲稷,自夏以 土,死以配神, 金之帝曰少皥,官曰 祖,以祈甘 曰:「田 田祖、稷神也。」方。 社而祭之。」 曰:「臧, 袓 雨。二注: [蓐收] 善 稷 土

之羊。 賴故也。」〇《釋文》:「齊,本又作齍。」 所以介稷黍; 也。」〇 年于田 神農。 女』,言『倉廩實而 雨。 鼓,●以迎田祖之神而祭之,以求甘澍 曰:「至前孟 我田盡善,農夫喜慶之故也。]〇孔 甘 樂祖也。二〇孔氏 田 官 功也。」〇丘氏曰:「所以祭社與方者, 作樂以御田祖 田祖者,生而爲 ,謂之田祖。先爲稼穡,謂之先嗇。神其農業,謂之 王肅云: 『大得我稷黍,以善我 害物則爲苦。」 祖、吹豳雅、擊土鼓、以樂田畯。」〇王氏 名殊而實同也。」〇《周禮・籥章》曰: 秋祭社 鄭氏 궁: 介稷黍,所以穀士女。樂歲,則士女多 ,祈甘雨,農事終則有始也。 曰 田 田田 春,又以琴瑟及擊 日: 1畯,死 與四方,爲五穀成熟報 「以絜齊豐盛,與我純 祖 始耕 知禮節』也。」王氏曰: 而爲田 \bigcirc 甘雨者,以 毛氏 \mathbb{H} 祖、若樂工之死而 者 謂 神農。」始 長 (物則) 祈 穀, 「凡國祈 其 甘 曰 教 雨 男 土 氏 其 色 由 善 爲

田畯子峻反。至喜。攘如羊反。其左右,嘗其曾孫來止,以其婦子。饁于轍反。❷ 彼南畝,

不怒,農夫克敏。旨否。禾易以豉反。長畝,終善且有。曾

孫

之,取其左右之饋而嘗之,以 如 也。」〇蘇氏曰:「民盡力於禾,其 否。二〇朱氏 饁饋也。』○蘇氏曰:「於是田 畝、勸稼穡也。農 孔氏曰:「王肅云:『曾孫來止,親 禾生樂易也。」長畝、竟畝也。」○朱氏 也。」〇毛氏曰:「易,治也。 有嗇夫,職聽訟,收賦稅。 抵以南爲正,故每曰 鄭氏曰:「饁,饋也。」〇 「有,猶多也。」〇毛氏曰:「敏,疾 「田畯,司嗇,今之嗇夫也。」《漢・百官表》鄉 庶幾終善且有。 曰:「言其上下 大務. 南畝。」〇鄭氏 ○蘇 事,使其 於是 王氏 氏曰: 王氏曰: · 相親 王 티 : 畯 無 知 「攘, 婦 《也。」○ 生 至 「禾易 其 所 竟 之 子 一而 循 畝 其 畝 喜 並 畎 大

^{● 「}報」、《經典釋文》作「輒」。

者,曰農夫敏矣。」

大繭則喜爾」,正此意也 矣、蓋其喜怒欣戚專在於農 然其 稱張全義曰「張公他無所好,見嘉穀 敏於田事如此,王者無由譴怒也。不 如 其相親無間也。見其禾之易治,竟畝 否」,曰攘者,喜之甚 下,田畯往來其 此 「曾孫不怒,農夫克敏」者,言農夫能 喜而曰 一,預知其收穫終當善而且多矣。 章言省耕之時,王者在 若一家也。 不怒者,若不敏於農則怒 間 「攘其左右,嘗其 葡 而 绺 取之疾,以 丽 上,耕者 撫 也。 深摩之, ? 阋 在

福,萬壽無疆。 求萬斯箱。黍稷稻粱,農夫之慶。報以介主反。如坻直基反。如京。乃求千斯倉,乃主反。如坻直基反。如京。乃求千斯倉,乃曾孫之稼,如茨徐私反。如梁。曾孫之庾,羊

鄭氏曰:「稼,禾也。謂有藁者也。茨

氏曰:「言黍稷 坻,則鱗比 於是求千倉以處之,萬車以載之。]〇蘇 非一矣。」〇鄭氏 也。 如梁,言其穹然也。」●○ 氏曰:「箱,車箱也。 云"「水沚曰坻。」是水中之高地也。」○毛氏 也,故以比禾積。] 〇鄭氏曰:「庾,露積 成」,梁,謂水上横橋。 屋蓋 王氏曰:「茨者,如束茅而積之者也。」○毛氏曰 覆屋,故箋以茨爲屋蓋,言其積聚高大如屋茨耳。] () 「京,高丘也。」《爾雅》云:「絶高爲之京。」○朱 梁,車梁也。」孔氏曰:「《孟子》「十二月興梁 溥天之下,莫非王土。」王土所生,莫 坻,水中之高地也。」孔氏曰:《釋水》 也 |。」孔氏曰: 丽 出也。 稻粱 曰 : 「《墨子》稱『茅茨不剪』,謂 橋有廣狹,得容車渡,則高廣者 介無所 「見禾穀委積之多, 如茨,言其密比 如京,則絶高 不有也。」 董氏 曰 : 日 一如 也。 以 茅

^{■「}然」,四庫本、《墨海金壺》本及朱熹《詩集傳》作

壽 祖 福 畯至喜。」四章所言,述二章「以御 畝」勞農之事也,故曰:「曾孫來止, 矣,不知其他也。此詩後二章皆述 稷稻粱之豐,以爲天下之美盡 稷稻粱」,農夫之慶也。 非 二章之意,三章所言,述首章「今適 也。 無疆。」自「曾孫之稼」以下,所謂 曾 」祈福之事也,故曰:「報以 「執訊 孫 之 稼 也 醜 」, 戦 鄭 氏 士之慶 以 蓋農 税 言 公介福: 也。 夫 視 在 大 前 萬 田 田 南 此 黍 陋

《甫田》四章,章十句。

篇而略之也。」 孔氏曰:「《序》不言思古者,《楚茨》至此,文指相類,承上《大田》,刺幽王也。言矜寡不能自存焉。

既 以 大 田田 庭 我 略之也。」 7. 覃以冉に 多稼, 且碩,曾孫是若。 反。 既 種 耜, 俶 章勇反。 載 南 既 畝, 戒, 播 既 厥 備 百 乃 穀 事

> 地,與地平。 事之。」孔氏曰: 既 相對, 命民 事 之根可拔。」○蘇氏 田 直也。」○鄭氏 肅 孔 將稼者,必先相 耒,手耕曲木也。」 耓,勑丁反。 寸。耒,耜上句木也。」.〇《説文》曰:「耜,耒端木也。 木爲耒。」《釋文》曰:「京云:『耜,耒下耓也,廣 戒)《繫辭》曰:「神農氏作,斵木爲耜,揉 於 器,孔氏曰: 備矣,至孟 以 氏 () 飭其具也。」○毛氏曰:「覃,利也。」 ·共發一尺之地,故計而耦之也。」修耒耜 出 南 俶 티 : 畝 五種,計 爲始,載爲事。]○毛氏曰:「庭, 至孟春,土氣升長,而冒覆於橛,則舊陳 種, 既 「兹箕之屬。」●此之謂 春土長,冒 耕 「此出於農書,以冬土定,故椓橛於 曰:「碩,大也。 擇 地之宜 耦 丽 曰:「取其利 其 耕 播 種 事,孔氏曰:「耕必二耜 之。 也。 而擇 〇 孔 橛陳根,可拔 其耕之也勤 ,其種。 耜 氏 朱 若,順也。 ,而始有 曰 戒。 氏 季冬 曰 ''; 具 是 而 五.

莠,似苗也。

孔氏曰:

「《仲虺之誥》曰:『若苗之

·稂,或字也。禾粟之莠生而不成者,謂之童蓈也。JJ

王之所欲。」李氏曰:「凡民之所以勤於農功如 MI ,則以『曾孫是若』故也,言民皆順曾孫之意。」 種之也時,故 其生者皆直 而大,以 順 是

也。 以下,至於卒章,自始及末,以次陳之 大田多稼」,總言之也。「既種既戒 稼雖有「如嫁女,有所生」之訓,

不必訓稼爲種也。

莠。 田祖有神、秉畀炎于治反。火。 反。 既方既阜,才老反。既堅既好,不稂音郎。不 鄭氏 也。 以在米外,若鎧甲之在人表,其種於地,則開甲始生。」 粟皮,故秠者一孚二米,言一皮之内有兩米也。 時也。」孔氏曰:「穗上已有孚甲也。,孚者,米外之 及其蟊莫侯反。賊、無害我 餘久反。)毛氏曰:「實未堅熟 《釋文》曰: 曰:「方,房也,謂孚甲始生而 去起居反。 「童、稂草也。 其螟莫庭反。 日阜。 《説文》作蓈,❶云: 田 穉。 稂,童粱 螣,徒得 甲者 未合 音稚。

苗

方而頭不赤。螣 賊。」孔氏曰:「皆《釋蟲》文。 矣而咸可剪 既實矣而未充滿曰阜。 矣,長樂劉氏曰:「穀粒之生,先有房甲,而後 文》曰:「穉,幼禾也。」○《釋文》曰: 耳,故犍爲文學曰:『此四種蟲,皆蝗也。』」 〇《説 説螟、螠、蟊、賊 而細耳。」或説云:『蟊,螻蛄也,食苗根,爲人患。」舊 心曰螟,食葉曰螣,食 有莠,若粟之有粃。1、粃似粟,莠似苗 生房矣、盡成實矣、盡堅熟矣、盡 一莠,粃草也。」○《國語》注云:「莠似稷而無實。」 秉,執持也。 一既似禾,實亦類粟。 χij 曰 完蝗也。 好。 種蟲也,如言寇賊姦宄,❷内外言之 畀,與也。」○鄭氏曰:「 而無 若擇種 既阜矣而未黄綻曰 賊似桃李中蠹蟲,赤頭,身長 稂莠。 去其細 陸璣《疏》云:『螟似子 根 日 也。」〇董氏曰: 粒 蟊 孔 氏日 ,鋤禾除其 食 堅。 齊好 節 充 「稂莠 既堅 實 杰 食

⁰ 0 義》改。 昌治刻《說文解字》改。 ·宄」,原作「究」,據四庫本、《墨海金壺》本及《毛詩 剪」,原作「節」,據《墨海金壺》本、《經典釋文》及 下一「節」同

勝之。 之民患,計之爲不難。」〇《釋文》:「秉、《韓 得人,只於《采芑》便『三千乘』,要以百井之民除 早能去其害。 詩》作卜。 陂,不得生也。 之田盡墾,何處不種? 且焚且瘞。」張氏曰:「三代盛時,必無蟲患,天下 捕蝗,引此爲證,夜中設火,火邊掘坑 之中,使消亡也。 有神乎? 稼之物,而可以養再生之稻。□○朱氏曰:「田 者偏甚。」王氏曰:「田穉,再生之稻也。 去其害苗 類 氣之和所致之。」〇孔氏曰:「蟲災禾穉 則 蝝螟之類,其去易於蝗。又况古人除田害亦易 無復稂莠矣。」擇種之善,民力之專, 雖有山林陂澤,亦人以時出入,瀦停水 ト,報也。」 則爲我持此四 且不論盛時,故災害不作,直人謀足以 此禱辭 縱或有之,亦人衆覺察,必豫 也。 蟲而付之炎火 姚崇遣使 井 祖 眛

彼 穫户郭反。 有 有遺秉,此有滯穗,音遂。 渰於檢反。 雨于付反。 穉,此有不斂力檢反。❷ 萋萋,七西反。 我公田,遂及我 興雨 伊寡婦之利。 私。 祁 穧。才計反。 祁。 彼有 巨 不 移

> 穗 米之秉,十六斛。禾之筥,四把耳。米之筥,則五升。 禾之秉,手把耳。筥,謂一穧。』然則禾之秉,一把耳 有名爲筥者。』《掌客》注云:『米禾之秉筥,字同數異 刈禾盈手之秉。 貌。 毛氏 ○董氏曰:「崔靈恩《集注》『不斂筥』亦音穧。」滯 也。又曰:「《聘禮》云『四秉曰筥」,❸注云:『此秉謂 井,井九百畝,其中爲公田,八家皆私百 及我私。」惟助爲有公田。」○孔氏 畝,同養公田。《詩》曰:『雨我公田,遂 穧者,禾之鋪而未束者。秉,刈禾之把 ,滯漏之禾穗也。」○鄭氏曰:「古者陰 `則地氣上騰,蒸爲濕潤,渰浸萬物。] 萋萋,雲行 祁祁、徐也。」○《孟子》曰:「方里 渰,雲興 筥, 穧名也。 若今萊易之間刈稻聚把 貌。 長樂劉氏曰: 「天將降 티 : 丽

0 0

注

6

[「]又」,原说,豦言勺應本、四車本、《醫每「祁祁」,原作「祈祈」,據《墨海金壺》本改。

[《]經典釋文》補。「反」,原脱,據宮內廳本、四庫本、《墨海金壺》本及

曾孫來止,以其婦子,饁彼

南

畝。

田

畯至

0

方禋音因。

祀。

以其騂黑

~,與其

6

有 視天物而慢棄之乎?」○董氏 曰 之惠,而 其豐成有餘而不盡取,又與鰥寡共之,蓋既足爲不 遺忘束縛之所不及者。 曰 : 凄。』」❶○《釋文》:「渰,《漢書》作 力所不能盡取,而矜寡享其遺利。」〇朱氏曰:「此見 滯 爲雨我公田耳,因遂及我之私田。二百穀齊熟,收 孔氏曰:「民見雲行雨降,歸之於君,曰:『此雨本主 及私 之心,先公後私。 陽 滯穗,故 刈促遽,力皆不足,而有不穫不斂,遺秉 氏曰:「雲欲盛,盛則雨。 ,謂成而折亂、秉穫之所不通者。)孔氏曰:「定本、《集注》穧作積。」 和 「穉、謂穗之低小、刈穫之所不及者。 弇凄凄』、《吕氏春秋》作『有 田爾。 風 亦不棄於地也。 雨 聽鰥寡取之以爲 時, 此言民怙君德,蒙其餘惠。 其來 秉,謂東而輦載之所不盡 不然,則粒米狼戾,不殆於輕 今天正 祁 雨欲徐,徐則入土。」其 祁然而 皆緣豐稔,農夫之 雨於公田,因 :「《韓詩》作 利。」長樂劉 不暴疾。 穧,謂刈 腌 黤。 者 凄 民 耐 氏 王

以享以祀,以介景福。

子,同饁彼農人於南畝之中。 爲别方之牲,非謂祭在陽祀陰祀之中也。」○長 爲二牲,鄭以騂、黑爲二色,故引《牧人》騂黝以明騂黑 黝牲。陽祀南郊及宗廟,陰祀北郊及社稷。 也。」孔氏曰:「《周禮・牧人》云陽祀用騂牲, 方,不知來方禋祀 其禋祀以 ^{趍穫事也。}』❸○陳氏曰:「王所來之方,致 也。」〇孔氏曰:「時耕者皆以其婦 劉氏曰:「王以其西成,乃出郊省民之斂 至,喜樂其勤 鄭氏曰:「騂,用 國語》内史過曰: 爲 報。」董氏曰: ,故得成穫。」②王氏曰:「喜其 ·¬, 則 以 、騂牲 其所 「精意以享, 禋也。」() 至之方而 也。 鄭 康成以來方爲四 黑, . 禋祀也。」○ 田畯之官 用 毛分騂黑 ,陰祀用 黝性 之與

❶ 「腌」,四庫本、《墨海金壺》本作「唵.

義》改。「穫」,據四庫本、《墨海金壺》本與《毛詩

[「]其」,原重,據宮内廳本、四庫本、《墨海金壺》本改。

介景福,農夫欲曾孫之受福也。」○朱氏曰:「以靡不祭之,示愛其民而爲之祈福也。」○朱氏曰:「以劉氏曰:「王者所出,山川原隰之有神護民之稼穑者,盛,以獻以祀,神饗之而報以大福。」長樂盛,以獻以祀,神饗之而報以大福。」長樂孔氏曰:「其牲或赤或黑,與其黍稷之粢

以爲韻句是也。牲。獨舉騂黑者,孔氏所謂略舉二方、來南方,則用騂牲。來北方,則用黑

九句。《大田》四章,二章章八句,二章章

諸侯,賞善罰惡焉。《瞻彼洛矣》,刺幽王也。 思古明王能爵命

以作六師。福禄如茨。韎音昧。韐音閣。有奭,許为反。瞻彼洛矣,維水泱泱。於良反。君子至止,

貌。」〇孔氏曰:「君子,諸侯也。」〇鄭氏都之所在也。」〇毛氏曰:「泱泱,深廣毛氏曰:「興也。」〇王氏曰:「洛水,東

故寵之以卿佐之任。」 有罪也。」○陳氏曰:「諸侯來朝天子,適有征伐之事 至此洛水之上,受寵錫之厚,而又帥天子之六師,以討 所謂『韎韋之跗注』是也。」朱氏曰:「言諸侯 使服韎韋之韐,而作六師也。《周官》 侯。 彼洛水而思古之明王,見其地而 也。 『凡有兵事,韋弁服』,先儒 命之厚也。『靺韐有奭,以作六師』者 人也。先王會諸侯於東都,於是爵 言韎韐聲如茅蒐。 衣,合韋爲之。《駮異義》云:『靺,草名。齊、魯之間 韎韐所以 毛氏曰:「韎韐者,茅蒐,染草 曰 ○孔氏曰:「奭,赤貌。」○王氏曰:「瞻 茅蒐,靺韐聲也。」〇孔氏曰:「靺韐,是蔽膝之 『君子至止,福禄如茨』者,言能爵 「茨, 屋 代韠也。 蓋 陳留人謂之蒨。三天子六軍。」 也。 鄭氏曰:「靺韐者,茅蒐染 如 屋 蓋 以爲《左傳 喻 也。 多 不見其 也 命諸 一 曰

故毛傳以洛爲宗周之浸水。洛水雖《職方氏》「河西曰雍州,其浸渭洛」,

出 於京兆上洛西 山,然 其 流 尚 此

詩所謂 洛,蓋指 東都 也

琫必孔反。 瞻彼洛矣,維水泱泱。 有珌。賓一反。 君子至止, 君子萬年,保其 鞞 補頂 反

土焉。」 氏 既爵命,又其賜予備物如此。]○長樂劉 以此證《書》。」〇王氏 甲以飾物。]〇董氏曰:「此本出於《三朝禮》,故許慎 時,又將延永迨其子孫,●俾克安於封 金也。白金美者謂之鐐。 琫 珌。」孔氏曰:「珧似琫。《説文》曰:「珧,蜃甲也。」 璗徒黨反。 琫,即容飾也。」天子玉琫而珧音遥。 下飾也。 《爾雅》曰:『黄金謂之璗,其美者謂之鏐。」鏐,即紫磨 毛氏曰:「鞞,容刀鞞也。琫,上飾。 曰:「天子尊賢樂善,非徒爵命之於一 丽 鏐力幽反。 孔氏曰:「鞞,今刀鞘也。 捧而璆音虯。 珌,士珕力計反。 (曰:「鞞琫有珌者,言 珕,蜃屬,而不及於蜃,用其 珌,大夫鐐 容者、容飾。 珌,諸侯 琫 而 音遼。 珌, 珕 珌

> 同。 瞻彼洛矣,維水泱泱。 君子萬年,保其家邦。 君子至止, 福 禄

既

室也。」 謂俱聚於諸侯之身。] 〇丘氏曰:「家邦, 朱氏曰:「同,猶聚也。」丘氏曰: 司 猶家 俱 也

《瞻彼洛矣》三章,章六句

其私人,故不使賢者之後復居其位,而棄絶之。」 幽、厲之衰而不忘也。」〇陳氏曰:「小人在位,欲以 之先王於國之子弟、盡其教養之方、故其成就若此、雖更 譽文章,威儀之盛,似其先人,以見不可廢絶之意。蓋周 矣。」〇朱氏曰:「此詩四章皆美賢者之類,功臣之世,德 者,直食其先人之禄,而不居其位。子若復賢,則居父位 《裳裳者華》,刺 臣之世焉。孔氏曰:「古者有世禄,復有世位。 小人在位,則讒 諂並進,棄賢者之類,絶功 幽 王也。 古之仕者 世 世禄 引進

「永」, 四 庫本、《墨海金壺》本作「年」。

0

裳裳者華,其葉湑思叙反。

兮。

我觀之子,

寫

兮。

我 《蓼蕭》。 譽處宜矣。」○董氏曰:「裳,古文作常。 朱氏曰:「夫能使見者悦慕如此,則其有 毛氏 今爲裳者,或篆體也。」 俱茂,以興賢者前後相繼而榮顯也。」〇 丘氏曰:「寫,喜而舒寫也。」〇譽處,見 氏曰"「之子,謂賢者功臣之子孫也。」〇 盛也。」○鄭氏曰:「覯,見也。」○長樂劉 曰:「興 ○陳氏曰:「華葉上下相承而 我心寫兮,是以有譽處兮。 也。 裳裳,猶堂堂也。

章矣。維其有章矣,是以有慶矣。 裳裳者華,芸其黄矣。我覯之子,維其有

如華之盛也。」〇朱氏曰:「有文章,斯有 色之上也。 毛氏曰:「芸,黄盛也。」○蘇氏曰:「黄, 福慶矣。」 有章,有文也。其文粲然,

裳裳者華,或黄或白。 乘其四駱,六轡沃若。 我觀之子,乘其 四

> 之盛。」 見《四牡》。 丘氏 티 : 「言白者,取 〇朱氏曰:「言其車馬威 韻便 也。」〇 儀 解

之。維其有之,是以似之。 左之左之,君子宜之。右之右之,君子有

以其子孫肖似之而如此也。」 之則無所不宜,以右之則無所不有,是 鄭氏曰"「君子、斥其先人也。」〇朱 曰:「言其先世之君子,才全德備,以左 氏

《裳裳者華》四章,章六句。

八句。 《北山》之什十篇, 四十六章,三百三十

吕氏家塾讀詩記卷第二十二

吕氏家塾讀詩記卷第二十三

桑扈之什

俗,不可以一日無之也。」 人倫也。序其義,則曰 而 親疎異情也、長幼異序也、内外異宜也、往來異守也。 言其風俗也。 《桑扈音户》,刺 文焉。長樂劉氏曰:「君臣,以言其朝廷也。 [相交,合而相紀,莫不成文而中於義理。 朝廷風俗之禮 幺 禮文也。 王 也。 而謂之文者,尊卑異位 君臣 朝 廷所以綱天下之風 上下動無 序其品,則 上下,以 也 禮 動 日

心,易其事矣。」 吕氏曰:「《桑扈》之詩作,則君臣肆其

祜。❶音户。 交交桑扈,有鶯其羽。君子樂胥,受天之

毛氏曰:「興也。」〇鄭氏曰:「交交,往來

竊脂; 雅》曰 貌。 古之君子,樂循禮義以受天福。」 曰:「幽王直情而恣行,無復禮文法度,思 朝廷,則天下亦觀視而仰樂之。」〇蘇氏 觀視而愛之。喻君臣以禮法威儀升降於 曰:「枯,福也。 也。〇毛氏曰:「鶯然有文章。」〇蘇 鶯其羽」者,正以其色之竊脂者言之,此則陸農師之説 雅》有竊毛,皆謂淺色。淺色,淺白也。『交交桑扈,有 者,竊其肉也。對竊丹言之,則竊脂者,竊其色也。 曰:「胥,辭也。」毛氏曰:「胥,皆也。」○鄭氏 『桑扈、竊脂; 桑扈,竊脂也。」李氏曰:「桑扈有二種、《爾 棘扈,竊丹」,此一種也。 鳩鷯,剖葦」,此一 竊脂飛而往來有文章, 對剖葦言之,則竊脂 種 也。『桑扈

屏。畢野反。 交交桑扈,有鶯其領。君子樂胥,萬邦之

出於身者。欲有作爲,未動其羽,而先奮其領,文綵四毛氏曰:「領,頸也。長樂劉氏曰:「領,所以首

●「祜」,原作「祐」,據四庫本、《墨海金壺》本及《毛詩正

足以屏萬邦矣。」 禦外以蔽内也。」 ○蘇氏曰:「樂循禮義,則張,鶯然可愛也。」屏,蔽也。」王氏曰:「屏之爲物,張,鶯然可愛也。」屏,蔽也。」王氏曰:「屏之爲物,

不難,受福不那。 之屏之翰,百辟音壁。爲憲。不戢莊立反。

兕徐履反。 不以禮,非所以受福,故戢而難,然後受福多也。」 也; 曰: 曰:「戢則不肆,難則不易。 翰四方而爲諸侯法,苟不以禮自戢難 氏 幹,所以當牆兩邊障土者也。二憲,法也。」〇 毛氏曰:「翰,幹也。 『楨、翰,幹也。」舍人曰:『楨,正也,築牆所立兩木也 日: 肆情焉,則亦不足以受多福矣。」王氏 「不戢,戢也。 不多,多也。」○蘇氏曰:「王者 觥古横反。 辟,君 也。 其觩,音虯。 不難,難也。 戢,斂也。]○毛 肆則放逸,易則傲慢。 孔氏曰:「《釋 旨酒思柔。 那, 詁 *\frac{\times}{\times} 屏 氏 鄭 而 多 動

> 傲慢,則福禄就而求之也。」 萬福來求。」」注:「謂飲酒者不徼幸,不 設,所以常自戢難也。」〇朱氏曰:「交際 傳》 曰:『兕觥 求之矣。」○《前漢 之間無所傲慢,則無事於求福,而福 也。」〇蘇氏曰:「旨酒之和柔,而兕觥之 作『兕觵其斛』,斛,角貌。』旨,美也。 「兕,角可以爲飲者也。」後世作觥,誤也。 然角貌。」○董氏曰:「《字書》作「兕觥其觓」,説 作 觓, 與 其觩,旨酒思柔。 此 字 同。 · 五行志》: 《詩 穀 《梁》注 匪徼匪 曰 思,語 許慎《説文 觓 傲 球 目 反 球

者,指古之人也。爲罰爵。如此詩,則指爲罰爵也。彼爲觥,如《卷耳》罍觥並陳,則不必指

袁反鴦於良反》,刺幽王也《桑扈》,四章,章四句。

彼交匪敖,五報反。

萬福來求

鄭氏曰

: 「兕觥

罰爵也。」○ 朱氏

日

觩

角上曲貌

頌》作捄、《

春秋穀梁

王殘害萬物,奉養過度,是以思古明王也。」交於萬物有道,自奉養有節焉。孔氏曰:「幽《鴛於袁反鴦於良反》,刺幽王也。思古明王

耦,飛則爲雙,性馴耦也。]〇孔氏曰:「《月令》 則執以掩物,故言畢掩。」〇王氏曰:「於其飛,然後畢 以時,於其飛,乃畢掩而羅之。」孔氏曰: 氏曰:「太平之時,交於萬物有道,取之 器。」○鄭氏曰:「君子,謂明王也。」○毛 也。」鴛鴦,匹鳥。」鄭氏曰:「匹鳥,言其止則 亦皆其將縱散時也。」〇孔氏曰:「舉 毛氏曰:「興也。鄭氏曰:「此交萬物之實也 曰:「交於萬物,其德如是, 之羅之,則不取其卵,弋不射宿故也。」 〇 鄭 氏 畢。』《釋器》云:『鳥罟謂之羅。』畢、羅 云『羅罔畢翳』,注云: 『罔小而柄長謂之 言興者,廣其義也。 獺祭魚而後漁,豺祭獸而後田 「小者未能飛,待其能飛而後取之。 ·禄也。」長樂劉氏曰:「先王之制,禽蟲之微如鴛 羅則張以待鳥,畢 則宜壽 一物以興 含考受 其 **前** 相 餘

> 意者,凡民取之,亦有禁令,不可常取也。必遂其生, 生育種類。煦養既就,然後于飛。于飛之時,乃可手 里以網之,張羅以待之也。苟非禮樂刑政之治于其 里以網之,張羅以待之也。苟非禮樂刑政之治于其 民,而中和浹於風俗,則仁民恤物之道,其能及於是 民,而中和浹於風俗,則仁民恤物之道,其能及於是 民,而中和浹於風俗,則仁民恤物之道,其能及於是 民,以言萬物之戴乎其德,與天無二也。『君子萬年, 天」,以言萬物之戴乎其德,與天無二也。『君子萬年, 不」,以言萬物之戴乎其德,與天無二也。『君子萬年, 不」,以言萬物之戴乎其德,與天無二也。『君子萬年, 不」,以言萬物之戴乎其德,與天無二也。『君子萬年, 在禄宜之』者,謂貴爲天子,富有四海,人以爲宜也。」 經濟,在梁,戢莊立反。● 其,左翼。 君子萬年, 至其,以言萬物之或乎其德,與天無二也。必遂其生,

○蘇氏曰:「惟俟其飛而後取,故其在梁既,還也,遠猶久也。鴛鴦休息於梁,明選,遠也,遠猶久也。鴛鴦休息於梁,明避,遠也,遠猶久也。鴛鴦休息於梁,明遐,遠也,遠猶久也。鴛鴦休息於梁,明遐,遠也,遠猶久也。鴛鴦休息於梁,明避、遠也,遠猶久也。鴛鴦休息於梁,明鄭氏曰:「梁,石絶水之梁。戢,斂也。

「莊」、《經典釋文》作「側」。

0

者戢翼而安。」

^{總證反。}馬在廐、音敷。摧采卧反。之秣音是,不必專以爲石絶水之梁也。 此詩獨以鴛鴦爲興者,詩人偶見人之

末。之。君子萬年,福禄艾魚蓋反。之秣音末。之。君子萬年,福禄艾魚蓋反。之。 主氏曰:「摧,芻也。」(鄭氏曰:「古者「秣,穀馬也。」 艾,養也。」(鄭氏曰:「古者「秣,穀馬也。」 艾,養也。(釋文》曰:「古者明王所乘之馬,雖之。大,養也。」 受國用也。長樂劉氏曰:「淮,今莝字也。」並,有事乃予之穀,蘇氏曰:「將用其力,則加之莝,有事乃予之穀,蘇氏曰:「將用其力,則加之莝,有事乃予之穀,蘇氏曰:「將用其力,則加之如此,故宜久爲福禄所養也。」蘇氏曰:「古者如此,故宜久爲福禄所養也。」蘇氏曰:「古者之以。君子萬年、福禄艾魚蓋反。之秣音乘繩證反。馬在廐,音救。摧采卧反。之秣音乘繩證反。馬在廐,音救。摧采卧反。之秣音乘繩證反。馬在廐,音戏。

懌。音亦。

綏之。 乘馬在廐,秣之摧之。君子萬年,福禄

鄭氏曰:「綏,安也。」

《鴛鴦》四章,章四句

蘿,力多反。 嘉。豈伊異人? 憂心弈弈。 是詩也。孔氏曰:「諸公,同姓之公也。」 有頍者弁,實維 不能宴樂同姓,親睦九族,孤危將亡,故作 類缺婢反弁》,諸公刺幽王也。 施以豉反。 音亦。 伊何。 兄弟匪他。 既見君子,庶幾説音悦 于松栢。 爾酒既旨,爾殽 爲音鳥。 未見君子, 暴戾 無親 與女 既

生也。 也。 通服之,故知皮弁也。」〇鄭氏曰:「實,猶是 服以即戎,冠弁則服以從禽,非常服也。 冠之大名。 有笄者亦以固頻。」弁,皮弁也。」孔氏曰:「弁者、 冠,頻弁。無笄者著頻,圍髮際,結項中,隅四綴。 舉頭貌。」○董氏曰:「頍者,圍項而結之也。 毛氏曰:「興也。 旨、嘉,皆美也。」〇毛氏曰:「蔦,寄 陸璣《疏》云:「蔦,一名寄生,葉似當蘆,子 稱弁者多矣,但爵弁則士之祭服,韋弁則 頍,弁貌。《説文》曰: 唯皮弁,上下 禮,緇布 _ 類 則

氏曰: 朝服以 曰 絲蔓連草上,黄赤如金。今合藥菟絲子是也,非松蘿。 豈 也 ? 薄 子,斥幽王也。]〇毛氏曰: 松蘿自蔓松上,生枝正青,與菟絲殊異。二〇《釋文》 意以菟絲 如 朱氏曰:「非他人也。」〇孔氏曰:「蔦與 而弗用,是乃君子所非也。」 |言王|當 用朝服燕,則知天子亦自以 言其宜以宴而弗爲 「言幽王服是皮弁之冠、是維 女 燕禮者,諸侯燕臣子之禮。 覆盆子,赤 一有異 也。」孔氏曰: 蘿 「在草曰兔絲,在木曰松蘿。」()鄭氏 女殽已美矣,何 依 王氏曰:「無以爲禮,君子弗非也。 《釋草》云:『唐、蒙,女蘿; 宴,天子皮弁以日 爲松蘿,故言松蘿也。 於松 人疏遠者乎? 黑恬美。」女蘿,兔絲 栢 「憂則心遊不定。」〇鄭 ,松栢存而茂, 也。 朝服燕也。」女酒 其經云:「燕朝服。」諸 以 皆兄弟至親。」 陸璣《疏》云:『今菟 不 禮,天子、 . 視朝。 「弈弈然 用 女蘿,菟絲。」毛 所 與 松栢 何爲乎? 與 族 曰 孔氏曰: 有以爲禮 氏 也 (宴者, 諸 己 無 <u>。</u> 孔 曰 「君 宴 美 侯 所 丽 侯

則憂,見則庶幾王樂之,王奈何獨不於王,譬如蔦與女蘿之託松栢耳。 不見亡,是存亡在松栢。」〇蘇氏曰:「兄弟之

顧哉?」

時。 既見君子,庶幾有 有 施于松上。 頍者弁,實 豈 伊異人? 未見君子,憂心 維 何 兄弟 臧。 期。 具 爾 來。 酒既旨, 怲 怲。 蔦與女蘿 爾 兵命反 殺 既

物,如春則食麥與羊之類是 鄭氏曰:「何期,猶 日 :「具,猶皆也。」〇毛氏)楊氏曰:「爾殺既 伊 時,君子之食惟 何 也。 日 他。」〇 期, 「怲怲,憂 辭 鄭 其時 也。 氏

先集維 相見。 阜。豈伊異人? 有頍者弁,實維在首。 盛滿也。 樂酒今夕,君子維宴。 霰。 臧,善也。」 蘇薦反。 兄弟 死喪 爾 甥 無 舅。 酒 日 既 旨,爾 無 如 幾 彼 居豈反 雨 殺

鄭氏曰:「阜,猶多也。」○長樂劉氏曰:

妬,丁故反。

無

道 並 進,

讒

巧

敗

必邁

反。

國

故

夕之存否。」 已,不知其他矣。』」王氏曰:「言今夕,則不謀 曰:『苟今夕有酒也, 無日,相見之無幾,無所復賴 之兆也。」〇蘇氏曰:「君子以是知死 曰:「霰,雨雪之兆。 不知用禮以 滯而爲雪。 而脅之,不相人,則摶爲雹也。盛陰之氣,在雨水則凝 陰之專氣爲雹。」盛陽之氣,在雨水則温暖,爲陰氣薄 丽 矣。」孔氏曰:「《大戴禮》曾子云:「陽之專氣爲霰」 遇温氣而摶謂之霰,久而 氏曰:「將大雨雪,始必微温,雪自上下, 有頻者弁,實維 爲霰,是霰 舅 謂 陽氣摶而脅之,不相人,則消散而下,因水 母 由陽氣所 稱之,則刺之甚矣。」〇陳氏 対対 在首,則言弁在首, 姊、 薄而爲之。] 〇王氏 王疎兄弟甥舅, 妹, 君子維以 妻 寒勝,則 族 也。」〇 相 而相告 宴 曰 大雪 而 之 而 鄭

類弁》三章,●章十二句。

車牽胡瞎反》,大夫刺幽王也。

褒姒嫉音疾

間 友,式燕且喜。 飢 澤不加於民,周人思得賢女以配君子, 《新宫》,昭子賦《車轄》。 作是詩也。 思得 也。」〇鄭氏曰:「式,用也。燕,飲也。」 車軸 匪渴,德音來括。 鄭氏曰:「逝,往也。」〇毛氏曰:「括,會 爲聲,又爲驅馳,其説本此。」○《釋文》曰:「舝 又曰:「牽,車聲也。」車鞬而行則有聲,故古人以間關 也。」〇董氏曰:「按《説文》:「牽,鞬也。」故謂之關 關 毛氏曰:「興也。 ○丘氏曰:「昏君之心,維婦人是從,故 牽無事則脱,行乃設之。」○朱氏曰: 車之牽兮,思孌力兖反。 盛 頭鐵也。」〇毛氏曰:「孌,美貌。」〇 德美色之女,往 董氏曰:「叔孫婼聘于宋,宋公享昭子,賦 攷其時,將爲季孫迎宋公女。」 間 音活。 關,設舝也。」孔氏曰: 迎之以 雖 季女逝兮。 無 「間關,設 好呼報 配

0 類」, 原作「頗」,據四庫本、《墨海金壺》本改。

幽

牽聲

反 匪 也。

姒之甚,思賢女之切。 德音來會,而 也。」〇朱 「凡人之燕飲喜樂,須賢友共之。 氏 曰 心如 飢 匪 飢 渴 也, 耳。」〇孔氏 若迎得此女,雖 匪 渴 也 疾 望 曰 褒 其

無朋友,亦將獨喜也。」

爾

,我心寫兮。

而教誨之,是以式燕且譽,而悦慕之無女居之。」○朱氏曰:「以令德來配君子之林,集者維雉。興王宫之貴,宜有碩鄭氏曰:「射,厭也。」○丘氏曰:「茂盛鄭氏曰:「射,厭也。」○丘氏曰:「爾,碩女也。」○

幾 雖 無旨 雖無德與女 酒 式飲 庶 ,式歌且 幾。 雖 舞 無 嘉 殺, 式 食 庶

柞薪,其葉湑思叙反。兮。鮮息淺反。我觀陟彼高岡,析星歷反。其柞子洛反。薪。析其

得見爾賢女,則心輸寫而無所憂矣。」(陳氏曰:「析薪者,以興昏姻。善乎,我來成為薪,其葉湑湑然茂盛。」丘氏曰:「柞木以爲薪,其葉湑湑然茂盛。」丘氏曰:「柞姓大以爲薪,其葉湑湑然茂盛。」丘氏曰:「柞伐其鄭氏曰:「陟,登也。」(孔氏曰:「析伐其

高山仰止,景行《釋文》下孟反,當不音。行止。

新昏,以慰我心。四牡茂口反。騑騑,孚非反。六轡如琴。觏爾

賢女爲新昏,則慰我心矣。」〇《説文》 「《詩》有之:『高 曰"「卬,欲有所庶及也。《詩》曰"『高 往迎之,如首章車牽也。 『四牡騑騑,六轡如琴』者,謂調 得,求之不已,將有得也。 應。」〇歐陽氏曰:「『高山 斃而後已。」○孔氏曰:「四牡之馬、騑騑 廢,忘身之老也,不知年數之不足也。 俛焉日有孳孳, 行止。』子曰:『《詩》之好仁如此,鄉道而行, 止』者,勉其不已之辭也。 行而不息。 六轡緩急調和,如琴瑟之 大道也。」《表記》曰:「《小雅》曰:「高山仰止,景行 毛氏曰:「景,大也。」○朱氏曰:「景行 表記》注云:「景行行止、《詩》作「行之」。」 卬止。□○《史記 山仰止,景行行之。二 孔子世家》曰: 使我見 仰止,景行 以謂賢 故其下則 和車馬 王得此 中 錐 行 相 云 難

車舝》五章,章六句。

營營青蠅,止于樊。音煩。豈開在反。《青蠅餘仍反》,大夫刺幽王也。

弟

君

子,無信讒言。

其言不可以直達,故必營營往來。]〇 之使去而復還,以比小人態狀可惡而又難遠。] 〇程 於物,無有紀極也。」〇陳氏曰: 止於物,則穢敗之。又從而生蛆,復變爲蠅。 而成者,青蠅也。 矣。1.1注:「惡,即矢也。」〇長樂劉氏曰:「蛆蟲所變 悌君子,無信讒言。」陛下左側讒人衆多,如是青蠅 曰: 『陛下之《詩》不云乎?「營營青蠅,止于藩。 夢青蠅之矢,積西階東,可五六石。 然,往來之飛聲。」獎,藩 佞人變亂善惡也。」《前漢・昌邑王傳》云:「王 曰:「蠅之爲蟲,汙白使黑,汙黑使白,喻 毛氏曰:「營營,往來貌。 . 樂,圃之藩。□○鄭氏曰:「豈弟,樂易也。」 日)孔氏曰:「君子,謂王者也。」○鄭氏 「讒人爲害如此,樂易君子無得信 「讒人之情,常欲污白以爲黑, 其飛之聲,則營營然亂人之聽。 也。」孔氏曰:「孫炎云: 「青蠅穢不潔之物、驅 以問郎中令遂,遂 歐陽氏曰:「營營 其穢 孔 敗 其

蓋古字也。」
營,《説文》作『營營』,小聲也。 樊作棥,子當持心樂易,不聽讒言也。」 ○ 董氏 曰:「營受之。」陳氏曰:「讒言多由持心傾險而後人,故君

盤杅之間矣,蓋憂之也。「營營青蠅,止于樊」,行且至于几席

「己與聽者爲二人。」孔氏曰:「謂見讒之人與「構,合也。合,猶交亂也。」○朱氏曰:毛氏曰:「榛,所以爲藩也。」○鄭氏曰:

人』者,蓋主見讒者而言也。」凡賢者無不被讒矣。而獨曰『構我二人君也。〇李氏曰:「當是時,小人得志,

《青蠅》三章,章四句。

液之。」則淫液,遲久之意也。」○《後漢・孔融傳》注:「《韓恩列反。近小人,飲酒無度。天下化之,君臣思列反。近小人,飲酒無度。天下化之,君臣思列反。近小人,飲酒無度。天下化之,君臣思利反。近小人,飲酒無度。天下化之,君臣思利反。近小人,飲酒無度。天下化之,君臣思利反。近小人,飲酒無度。疾液。音亦。武公上下,沈直林反。湎莫衍反。淫液。音亦。武公上下,沈直林反。湎莫衍反。淫液。音亦。武公上下,沈直林反。湎莫衍反。淫液。音亦。武公上下,沈直林反。湎莫衍反。淫液。音亦。武公上下,沈直林反。湎莫衍矣。 過 無

此詩五章,其前二章陳古如彼,其後三歐陽氏曰:「詩人之作,常陳古以刺今。

詩》曰:『《賓之初筵》,衛武公飲酒悔過也。』」

殽户交反。核户革反。維旅。酒既和旨,飲酒賓之初筵,右左秩秩。直乙反。 籩豆有楚,

章刺時如此。」

四八

大侯 獻爾發功。 曰:「天子宫懸階間 鍾鼓於是言既設者,將射 旨,猶調美也。 核之物。《籩人》云:「饋食之籩,其實棗、栗、桃、乾 對,故分之耳。其實核亦爲殺。《魏風》曰『園有桃 療。』療,乾梅也。 《内則》有桃諸、梅諸,謂乾者 實之殽」,是在箋之物,亦爲殽也。」 〇鄭氏 葅醢也。]○孔氏曰:「殽是揔名。 也。」楚,列貌。 曰 「《司几筵》注云:「鋪陳曰筵,藉之曰席。」」 〇 丘 曰:「秩秩然,肅敬 鄭氏曰:「筵,席也。 核、籩實、桃、梅之屬。」孔氏曰:「桃、梅,有 毛氏曰: 既 「左右,謂據筵上左右之人。」〇毛氏 音皆。 抗,苦浪反。 將射,乃云: 發彼有的,以祈音其。 鍾 「旅,陳也。」〇 鼓 殺,豆實也。」鄭氏曰:「豆實 既 ,妨射位,故改懸以避射也。 『樂正命弟子贊工,遷樂于下。』 孔,甚也。 弓矢斯 設, 也。蘇氏曰:「秩秩,有 初即席也。」孔氏日 舉 張 醻 此文殽核與籩豆相 改縣 偕, 鄭氏曰:「和 市 由 射夫 爾爵 反。 也。 齊一 既 逸 日 一孔氏 也。 也。」 同 逸。 氏 **其** 序

以 事未至,經云: 『不繫左下綱,中掩束之。』 至於將射 酬之下,始言大侯既抗者,鄉射之初,雖言張侯,而以 張三侯。」則天子亦前射三日,其侯射人張之矣。 量人、巾車張三侯。」《射人》云:『若王大射,則以 舉也。」孔氏曰:「按《大射》:『前期三日,●司 《大射》「巾車張三侯」,是諸侯之射張三侯也。」抗 射,供虎侯、熊侯、豹侯、設鵠。」天子之射張三侯也 子、諸侯之射、皆張三侯、故君侯謂之大侯。」〇孔 曰:「《射人》云: 『王大射,張三侯。」《司裘》: 『王大 奠之爵,交錯以徧也。」○ 毛 氏 曰:「逸 逸,往 酌賓曰醻。賓受之,奠於席前而不舉,至旅而遂舉所 西階,又無鍾磬,不足以妨射,不須改也。」 〇朱氏 懸者,諸侯與臣行禮略,三面而已,不具軒懸。 琴瑟之樂尚遷之,明鍾鼓之懸改之矣。 來次序也。 曰 在兩階之外,兩階之間有二建鼓耳。 《儀禮》,主人酌賓曰獻。 司正爲司馬,乃云: 『司馬命張侯,弟子脱束,遂繫 「舉醻,舉所奠之酬爵也。」又曰:「按 大侯,君侯 賓既酢主人,主人又自飲 也。 東近東階,西 鄭氏曰: 《大射》不言 馬命 貍 天 近 而 改

⁰ 期 |,《毛詩正義》、《儀禮注疏》並作「射」。

獸,其中射處皆二尺。《射義》云:『循聲而發,發而不 之功。」〇毛氏曰:「的,質也。孔氏曰:「大 射,則合諸侯之六耦。」《射人》説賓射之禮云:『王以 同,比其耦也。」孔氏曰:「《大司馬職》云:「若大 解也 謂之鵠。」是鄭意以侯中所射之處爲質也。」祈,求 爾爵。二則以的爲正鵠也。 失正鵠者,其唯賢者乎?《詩》云:「發彼有的,以祈 正大如鵠、皆居侯中三分之一。其燕射則侯中畫爲 射之侯,其中制皮爲鵠。 鄭氏曰:「獻,猶奏也。各奏其發矢中的 六耦。』則天子大射、賓射,皆六耦也。」○《鄉射禮》: 左下綱。1是將射始張之。」○鄭氏曰 也。」〇朱氏曰:「爵,射不中者,飲豐上之 云: 『以虎、熊、豹、麋之皮飾其側,又方制之以爲質, 『子與某子射』。」注云:「比,選次其才相近者也。」 🔘 圃 競云:『我以此求爵女也。』| ○蘇氏曰: 「司射比三耦於堂西,命上射曰『某御於子』,命下射曰 先王將祭,必大射以擇士。 『弓矢亦張,節也。』○朱氏 射者與其耦拾發,發矢之時,各心 賓射之侯,其中采畫爲 《司裘》注説皮侯之狀, **三** 將射,必先行 「大侯張 「射夫既 Ē

> 燕禮。 氏曰: 比其射夫而耦之,既耦然後拾發。 孔氏曰: 所射。大侯既舉而張之,其衆射之弓矢,於斯亦張。 侯及弓。孔氏曰:「既旅之後,止飲而行射,事君之 祖,其非祭與。」既安賓,然後改縣以避射。 所以養病也,求中以 爾爵。』祈、求也、求中以辭 記•射義》:「《詩》云: 發,以行此四矢。」求勝以爵其不勝。」○《禮 矢。』拾,更也。將,行也。四矢謂之乘。 「《大射禮》:『上射既發,挾矢,而後下射射,拾發以將 「行燕至安賓之後而行大射。」既旅,然後張 鄭氏曰: 「將祭而射謂之大射。 **以辭養也。**」 『發彼 爵也。 下章言[烝衎烈 有的,以祈 言射者更代 酒者 孔

安得謂之「大侯既抗」乎? 鵠而棲之於侯。殊不知舉二尺之鵠, 也。鄭氏偶忘互相備之例,遂以爲舉 射,命張侯,遂繫左下綱」,亦可互見 射、命張侯,遂繫左下綱」,亦可互見 好《大射儀》,雖前期三日張大侯,然

烈祖, 反。 室人入又。 有 籥余若反。 林。 其湛曰樂,各奏爾能。 **洽**户浹反。 爾 舞 酌彼康爵,以奏爾 純 笙 嘏 鼓 方古雅 **%** 百 禮 既 反。 和 奏。 賓載 子 百 禮 孫 時 既 烝 手 其 仇 衎 至 湛 苦 有壬 旦 反 南

也。」 E 氏 諸侯也。」〇朱氏曰:「錫,神錫之也。」〇 也。」〇毛氏曰:「壬,大也。」〇丘 曰:「籥舞,文舞也。 曰 : 言笙鼓則八音舉矣。」○鄭氏曰: 鄭氏曰: 林)孔氏曰:「百禮,事神之衆禮也。」蘇氏 曰:「純,大也。」〇 「百禮,九州諸侯所獻以助祭者,所謂『庭實旅百 · 衆也。」鄭氏曰:「壬,任也,謂卿大夫也。 樂也。」〇王氏曰:「烈,業也。」孔氏 |鄭氏 有功烈之祖。」○鄭氏曰:「洽,合也。」 秉 湛,樂也。」○蘇氏曰:「載, 日 籥而舞,與笙 籥,管也。」詳 「嘏,謂尸 干舞,武 , 與主人以福 朱氏 舞也。 鼓 見《簡兮》。 相 曰:「嘏, 應。」長樂 也。」〇 言文則武見矣! 「烝,進也 則 氏 鄭)毛氏 也 劉氏 氏 福 鄭 林

以射。 也。 又射。 爾子孫,皆獲湛樂也。」〇王氏曰:「『其 備也,言其禮之盛 『籥舞笙鼓、樂既和奏』、則所謂 以 備禮以成之也。」○朱氏曰:「百禮,禮之 祭擇士故也。 董氏 曰康讀曰 安也。」毛氏曰:「酒 氏曰:「室人,主 ○董氏 一章爲燕射。」○王氏曰:「大射禮,爲 日 和 載手仇,室人人又」,則賓主皆善 賓黨射 『烝衎烈祖,以 樂、各奏爾 之。 E 射必有禮樂。 先 抗、《記》曰『崇玷康圭」,謂玷上之爵也。」() 曰 「崔靈恩《集注》以一章爲大射 王用酒,常以祭祀,其飲 : 有備樂,斯 ,則手敵。 仇 既祭矣,於是乎燕。 |黨也。]○蘇 能」,則於 ,所以安體也。]○朱氏曰:「或 匹 大也。 治百 也 有大禮,斯有大樂 一, 所 有 主黨入射, 禮」,則 備 既 謂 是 禮 耦 錫 氏 又 以 也。」 爾 曰 所謂 有 射 成 福 則又 備 也常 燕則 ''; 及 之。 有 樂 王

也 曰 手 |。」丘氏曰:「以其養老養病,故曰安爵。」○ 敵 酌 丘丘 奏爾時,薦之以時物也。 氏 E. 手 敵, 病之爵, 對手之耦 也。 飲 不 中 孔 氏 氏

其坐遷,屢力具反。 反。 毗必反。 初 儀抑 1既醉 筵,温 抑。 是曰既 止,威儀幡 温 於力反。 其 恭。 醉,不知其秩。 舞僊 幡。孚袁反。 日 其 僊。 既醉止,威 未 音仙。 醉 止 其未 舍音捨。 威 儀 怭 醉 反

於儀 密也。 數也。」遷,徙也。 顧禮也。」幡幡,失威儀也。 也。」董氏曰:「《字書》以怭爲儀,毛以爲媟嫚,蓋 毛氏曰: 秩,序也。」〇孔 僊僊,軒舉之狀。」○毛氏曰:「抑抑 而不知禮 孔氏曰:「謂慎禮而密静。」怭怭,媒 「反反, 言重慎也。 ,此宜以其媟嫚終也。]○董氏 賓初 屢,數也。」〇王氏 氏 升筵 日 二、此 一,尚 蘇氏曰: 蘇氏曰:「反反 章陳 温 幡 幽 和 王 日 幡 柔 燕 嫚 慎 溺

> 亂無 然而 其未 慎。 出。」舍其本坐,遷嚮他 知其秩』也。」 其時,非可 坐而遷其位,是君臣可 賓主各有定位,以象天地日月之居其所也。 初即筵之時,能自勑戒以禮。 ጢ 恭 誤娛嫚。 至於既 起 次。」董氏曰: 醉,尚守威儀。 以 未 屢也。」武公疾之,又重言之,云 是日 醉之時 「犯貴朝廷、犯齒袵席 既 得而亂也,實主可得 幡 長樂劉氏 醉,不自知 威 失 已醉,威儀 處,長樂劉氏曰:「君 至於旅 威 儀 猶 儀 E 酬,而 能 「舞之奏各 其 鄭氏 反 所 常常 今則 丽 小人之態 反 日 易 怭 禮 | 謂『不 然 含其 也。」 「賓 怭 重 臣

是謂伐 其郵。 素多反。 籩豆, 屢 賓既醉止,載號胡毛反。 音尤。 既醉而 舞 僛 飲酒 側弁之俄,五何反。 僛 出 孔嘉 ,並受其福 起其反。 ,維其令儀 載呶。 是曰 女交反。 既 醉 屢 舞 醉 而 搓搓。 亂 我

叫也。」僛僛,舞不能自正也。」《説文》曰:「醉毛氏曰:「號呶,號呼讙呶也。 孔氏曰:「唱

脯

以

此 之所以 醉爲愆以喪之,是伐其德也。」○朱氏 是誅伐其德也。」孔氏曰:「醉前無失爲有德,既 醉則 下皆醉,受福而歸可也。」〇鄭氏曰:「賓 樂劉氏 失威儀,又號呶雜亂,籩豆亦無次序,至 之也。」王氏曰:「言人之始、未嘗不治、終至於亂。」 於屢舞。」孔氏曰:「已醉則不自知其過矣。」 〇長 俄,傾貌。]〇毛氏 也。」〇蘇氏曰:「此章申言其亂 舞貌。」〇王氏曰 ○歐陽氏曰:「刺王之君臣上下,飲酒 郵,過也。 長樂劉氏 , 則 孔氏曰 鄭氏曰: 出 無復有儀矣。」 甚美者,以其 ,與主人俱 日 "「數起舞傞傞然,又不能止。」 「但見側其弁,俄然而 「出,猶去也 曰:「福,謂徹俎 朱氏曰: 目 有美譽。 「郵,與尤同。」側,傾也 有 「傞傞,不止也。」 ?令儀 孔,甚。 歸胙也。 醉至若此, 日 爾 **≅**頽矣。」 而終誨 飲 氏 曰 酒 旣

反。 矧失忍反。敢多又。 俾大音泰。 史。彼醉不臧,不醉反耻。 凡此飲酒,或醉或否。 由醉之言,俾出童羖。音古。 中、鄭康成兩説合觀之,其義乃足。 醉而出」也。 降,奏《陔》, 實所執 内霤,遂出。 燕 怠。 匪言勿言,匪由 賓 醉 「並受其福」,當取劉 卿大夫皆出 北 既立之監,或佐之 面 脯 坐, 以 式勿從謂, 賜 取 勿 三爵不 鍾 一所謂 其 語。 薦 於門

執

既

微 日 者,立司正 氏曰:「監、史,司正之屬。燕禮、鄉射恐有解倦失禮 毛氏曰:「立酒之監,佐酒之史。」董氏曰: 「立之監以監之,佐之史以書之,古之慎禮如此。」〇朱 由,從 以監之,察儀法也。」○武,解見《式 朱 氏 也。」〇毛氏 曰:「謂,告也。」〇 曰 : 「羖羊不童 鄭氏

魚據

無

識

也。」鄭 也。」 孔氏曰:「飲 得從而告之,使勿至於大怠乎? 告之 大盡醉,舉坐皆猶狂也。」〇朱氏曰:「安 耻彼不醉者,而强之以酒。]〇孔氏 失其禮儀則 禮儀也。 使視之,又助 醉者,復設法以 而已,故知三爵是獻也 「禮有獻酢,有旅酬,及無筭爵。 使 ·不醉者,監與史反耻而罰之,是使之小 凡此 曰:『所不當言者勿言,所不當從者勿 出童首無角之羖羊,脅其無然之物,欲使息也。」 設言必無之物,以恐之也。 醉 〇王氏曰:「立監、史,本防人之失 飲 氏 爵者、獻也、酬也、酢 而妄言,則當罰汝,使出 **日** 酒 不醉者正其禮儀則善也 不善也。 則 酒 羖羊之性, 以史使督酒,欲 非 逼之。」○鄭氏 初 、酬也、酢也。」〇王 特 時 幽 ,或有醉者,或有 今反以醉者爲善, 牝 王之朝 牡 旅與無筭,不 有 角。」 也。」孔氏曰: 目 而 令皆 孔 氏 立 - 止三爵 氏曰 目 鄭 日 一監 不 醉 氏 羖

> 獻、酬、 酬賓。 爵, 語。 當立酒令云: 『非可言之言不得言,非可用之語 俗所謂飲酒之法,立監佐史,無使過醉,怠慢無 〇丘氏日 罰之,俾之必醉。 弗 弗間。❷ 也。」〇長樂劉氏曰:「幽 三爵而又不已,宜其沉湎淫泆如是甚矣。]〇孔氏曰: 温克。」彼小人者,三爵則已醉 又丁寧以戒之也。」王氏曰:「「人之齊聖、飲酒 所 Ŧ. 禮,主人獻賓,賓飲,而又酢主人。主人飲,而 弟至。 一用以爲娱。 醉 若有用醉人之言,則罰之以童羖。二女飲至三 已昏然無 也。 酢爲三爵者,言行三爵飲之時,非謂人飲 寶則奠之而不舉,則賓主皆不飲三爵矣。 衆醉, 而立監 勿從,謂告之也。 「此爲飲酒者設法也,爲主人者用,不 不 則淫亂邪 ·醉,則不爲 命史,俾臨視巡省。 衆皆醉矣,淫亂邪惡,穢 所識矣,况敢又多飲乎? 悪 王 或耻 百 飲 穢 醜 酒 丽 雜褻瀆,百醜 無所識 而弗爲矣。 ,無以娱於王 必與群衆,小人男女 在會之人,罔 矣,矧敢多於 雜褻瀆, 無俾大怠 興焉, ,反耻 又酌 禮 而 不當 從 \equiv 爵 又 世 得 指 以 而 面

- ●「牡」、原作「牝」、據四庫本、《墨海金壺》本及《毛詩正義》
- 「間」、《墨海金壺》本作「問」。

0

也。 呼 之匪 蓋 失其天下。 句,武公所以自處也。 以童羖。 睡而不寤矣,不識不知矣,矧敢多飲而又寤哉? 又耻於其身亦爲淫亂,故三爵之後,洋洋然昏矣醉矣 是以有不得已而與其燕飲者,心知其非而口不敢言。 留之以爲吾王一笑之歡也。 之,用以爲樂,慎勿言其非,恐愧厥心而弗復肯爲,故 言。 者 云『匪言勿言』也。 有醉劇而才於淫穢,巧于悖亂,匪可以言者,則褒而美 由諸侯疾怒,無有救之者,是足以見 又豈申侯所能爲哉?」 电。 幸其昏迷而大怠,用以爲歡焉。 常人則以爲憂,幽 禽獸之所弗爲,而幽王爲之,其滅亡乃自取之 于酒 羖無童者,俾之必出,所以困其不能慎言 由,道也。 其不道不 ,荒于色,悖于禮,瀆于義,皆大懈 其醉而善於悖亂違拂人倫之事,謂 匪由之人,常常延納,勿語于外, 如是之甚,申侯豈能殺之也? 幽王繼宣王至治之後,未易遽 王則以爲樂,故立史監 有敢道及醉人之非者 匪言勿言者,厥 其詳焉。 于 此二 其勿 厥 嗚 政

澠 曰 法 池 于髠説齊威 「某年某月日,秦王與趙王會飲 在 傍,御史在 王 請 趙 王日 王 鼓瑟,秦御 後。」秦王、趙王 酒 大王之前, 史前

> 明,故并録之。 柔敦厚之意,然論酗 中解此章,雖多牽强忿激,失詩 氏所謂「佐之史以書之」者也。 於戰 趙 法」者也。「或佐之史」,即御史也,董 也、《鄉射》注所謂「立司正以監察 趙 趙 王擊缻。」此古人 御 王 :史書之曰:「某年某月 鼓 國者也。「或立之監」,即 瑟 ~。」 藺 相 如 君燕飲之制, 請 酒之害,深 秦 王 目 擊 秦王 缻 劉 切 人 執 猶 顧 温 執 儀 法 召

《賓之初筵》五章,章十四句。

戕其生,不過用以 也 自是有危亡之禍。」○長樂劉氏曰:「先王之於昆虫禽獸 《魚藻音早》,刺幽王也。言萬物失其 教衰,陰陽不和 子思古之武王焉。鄭氏曰: 居鎬胡老反。京,將 ,網罟有制 ,罻羅有時,田獵有候,弋射有規,不 ,群生不得其所 存其類,則其仁不曰不至矣。 不能以 也 「萬物失其性者,王 自樂,音洛。 ,將不能以自樂,言 性 然上 王 君

之者,居鎬京,武王爲始。 ○孔氏曰:「幽王之詩,思古多矣,皆不陳武王。 此獨言 王氏曰: 所日用也。又豈有於物而不仁,於昆虫而不恤哉?」〇 其戾,有政以矩其 徒,用揔厥教。 及於八州,建伯 恤而全之,亦 恤 物之制,而 後天子食,日舉以樂』之義同 也」,及《王制》『旱乾水溢,民 吕氏曰:「《魚藻》之詩,與《孟 『惟賢者而後樂此,不賢者雖 「憂在天下,不爲小己之得失,❶故謂之君子。」 不 下 以鄉三物爲本,有禮以格其違,有樂以 立 可 無 (心,有刑以復其本,則五常者,吾民之 恤 正,分帥列長,尊乎道德之賢,以 得恤而全之也。 物之心,天下至廣,萬類維蕃,雖 刺王將喪鎬京,故陳武王也。」 是以先自于鄉遂, 無菜色,然 有此,不樂 子》所謂 爲 司 次 欲

飲

豈苦在反。樂飲酒。 魚在 在藻,有頒符云反。其首。 王在在 鎬

毛氏 朱氏 鎬,武王所都,在長安西上林苑中。」○ 曰:「頒,大首貌。」〇《説文》曰: .曰:「興也。」○藻,解見《采蘋》。○

在 曰:「豈,亦樂也。」○歐陽氏 在藻』者,言萬物之得其性 也。

> 魚在在藻,有莘所巾反。 酒樂豈。 乎 ? 『有頒其首』者,出游水面,則露其首,故見其頒大也。」 $\overline{\pm}$ 水生藻、陽氣在外、魚亦從之、不潜于淵而在于藻也。 充,有頒然其大首也。」〇長樂劉氏曰:「夏月之時,淺 「魚以依蒲藻爲得其性。」〇孔氏曰: 在 在於藻也。 在 鎬」者,謂 藻是魚之常處。既得其性,故 武 其尾。王在在鎬 王安其 樂 「魚何所 也。」毛氏 能 在

以便韻耳。」 然其長矣。」○李氏曰:「樂豈 面。既升而露其首,又降而 『有莘其尾』者,飽滿 毛氏曰:「莘,長貌。」○長樂劉氏 無虞,則 露其尾,幸 ,但倒其文 戲 於水 日

反。 魚在在藻,依于其蒲。 其居。 王在在鎬,有那乃多

鄭氏曰:「那,安貌。 方之虞,故其居處那然安也。」 天下平安, 王 無四

小」、《墨海金壺》本作「一」。

《魚藻》三章,章四句。

《采菽 古焉。」 樂劉氏曰: 王。幽王舉烽火徵兵,兵莫至,遂殺幽王驪山下。]]○長 之廢申后,去大子,申侯怒,乃與繒、西夷犬戎,共攻幽 大笑。幽王欲悦之,數舉烽火,其後不信,益不至。 烽燧大鼓,有寇至則舉烽火。諸侯悉至而無寇,褒姒乃 紀》曰:『褒姒不好笑,幽王欲其笑萬方,故不笑。 直遥反。 無信義,君子見微而思古焉。 孔氏曰:《周本 公》,刺幽 不能錫命以禮,數色角反。徵會之而 「君子見其禍亂必起於是,故曰:「見微而思 王 也。 侮慢 諸侯,諸侯來 幽王爲 朝

董、牛藿、羊苦、豕薇、皆有滑」、注云『藿、豆葉也。
朝,何錫予之。 雖無予之、路車乘乘證反。
朝,何錫予之。 雖無予之、路車乘乘證反。
即,至
其,不
五,不
五,正

者爾。」 君乎? 公而有是賜哉? 詩人取其賜予之至厚 公九章,其服用衮。 古之諸侯,豈皆上 劉氏曰:「菽,薄物,采以爲藿。然而 朱氏曰:「黼,如斧形,刺之於裳也。」○ 衮,是龍之狀也。」○鄭氏曰:「及,與也。」○ 而畫以卷龍也。」〇孔氏曰:「《玉藻》注云:「龍卷, 「采菽 可不敬,故或筐之,或筥之。 况諸侯之 龍於衣。卷,字或作衮。1然則以龍首卷然謂之衮。 諸侯也。玄衮,卷龍也。」又曰:「玄衮,玄衣 筥,受所采之菜。」○毛氏曰:「君子,謂 鉶,謂之鉶羹。」○孔氏曰:「王肅云:『筐 體,置之於俎,其汁則芼之以藿,調以醎酸,乃盛之於 苦,苦荼也。)猶設筐筥以待之,而况諸侯乎?] () 陳 雖無予之者,好之之心無已也。上 故當有以厚錫予之也。」蘇氏曰: 滑,堇荁之屬」是 也。 以 鼎 **煮牛**, 取 其 氏 不 書

❶ 「乘」、《經典釋文》作「繩」,當據改

者, 建之於裳, 九章之第八章也。玄者, 畫之於衣, 九章之第一章也。 黼上公之服九章。玄者, 衣之色也。衮

反。載駟,音四。君子所届。音界。 渒渒,匹弊反。鸞聲""。呼惠反。載驂七南巨斤反。君子來朝,言觀其旂。巨機反。其旂以,言采其芹。一機反。 其旂,言殺其旂。臣機反。其旂以入,言采其芹。

説,詩及《序》文皆無之。」

載駟,則騑也。」○長樂劉氏曰:「届,至也。」 之曰驂,四之曰駟。」董氏曰:「載驂,則驂也 敢馳驅故也。」○蘇氏曰:「駕者既服, 節也。」王氏曰:「嘒嘒,言其聲之細。聲之細,則無 葅,亦用待君子 出貌。 朱氏 醢。」」〇毛氏曰:「渒渒,動也。 出日涌泉。」○鄭氏曰:「芹,菜也,可以爲 "檻泉正出。」正出,涌出也。」○李氏曰:「水泉從下上 曰:「興也。」〇毛氏曰:「觱沸、泉 檻泉,正出也。」孔氏曰:「《釋水》云: 也。《周禮》:『芹菹 嘒嘒,中 而三 鴈

所届」者,乃言君子所至,車旂如此之盛爾。如鄭所曰:「詩但述諸侯來朝,車服之盛可觀爾。其曰『君子又見其馬,則知君子之至於是也。」歐陽氏侯來朝,則觀其旂。見其旂,聞其鸞聲,侯來朝,則觀其旂。見其旂,聞其鸞聲,

申之。 君子,天子命之。樂只君子,福禄下。彼交匪紓,音舒。天子所予。樂音洛。赤芾音弗。在股,音古。邪似嗟反。幅音福。在

❶ 「銜」,原作「御」,據《經典釋文》改。

矣。□≪荀子・ 矣。 隱不瞽 自其先祖廟,示不敢專,則以德受命,其得於神也 則路車乘馬,玄衮及黼是也。 曰:「天子之命,則有命爵,有命服,有命車。其命之, 之,神則以福禄申重之,所謂 之命,而申之以福禄也。」鄭氏曰:「天子 其服以起興。 于天子,恭敬齋邀,不敢紓緩也。 曰"「舒,緩也。」〇朱氏曰:「言諸侯 者,言行而緘束之。」倡束其脛,自足至膝,故 「邪纏於足謂之邪幅。《説文》曰:『縢,緘也。』名行縢 脛本曰股。 尺,長三尺,其頸五 朱,大夫素,士爵韋。三其制上廣 者衣皮,此存其象,故知以韋爲之。 俱是蔽膝之象,其 其 在下。」〇朱氏 他 彼交匪紓 服 「護順 謂 之韠 邪幅,如今行縢也。 以其身。 勸學篇》云:「君子不傲 制則同。 `,則天子所予矣。是以 曰赤芾在股,則邪幅 ,以韋 曰:「交,際也。」○毛氏 寸,肩革帶博二寸。 爲之。 《詩》 但尊祭服,異其名耳。 古者發大命,頒爵禄,必 人謀鬼謀也。」〇 曰:『匪 《玉藻》:『舞,君 孔 一尺,下 氏 曰 孔氏曰: 蓋 一交匪 在 韍 不 見 錫 因 下 韠 古

鄭氏曰:「興也。」○毛氏曰:「蓬蓬,盛福攸同。平平婢延反。左右,亦是率從。君子,殿多見反。天子之邦。樂只君子,萬維柞子落反。之枝,其葉蓬蓬。歩公反。樂只為,天子所予。』」

猶天子寵錫諸侯,俾之茂盛,反能殿天 盛 葉之蓬蓬 故葉之蓬蓬者 者,諸侯也。 極 子·儒效篇》云:「分不亂於上,能不窮於下,治辯之 旦 貌。 有葉以庇其幹者,皆由根本堅固、氣 曰:「柞之所以有枝以衛其株,枝之所 辯義通,而古今之異耳,故云:『平平,辯治。』」〇《荀 之義,故曰:「殿,鎮也。」一平,辯治也。」孔 也。 "「左右,諸侯之臣 大俾之然 「《堯典》云『平章百姓」、《書傳》作『辯章』,則 殿,鎮也。孔氏曰"「軍行在後曰殿,取鎮 《詩》曰: 『平平左右,亦是率從。』. 〇朱氏 ,反以衛其 也。 氣脉者,朝廷之寵 ,根本氣脉之所及。 根本,天子也。 根根 也。」〇長樂 株 而 爲之堅固 命也。 枝葉 劉 平 脉 议 氏 氏 重

也。 曰:「《韓詩》作便便,云閑雅之貌。」 便蕃左右,亦是帥從。」」杜預注:「便蕃,數 子,殿天子之邦。樂只君子,萬福攸同。 曰: 『平平,辯治不絶之貌。』則平平是貌 同。二〇王 右之臣,亦從之而至此也。] 孔氏曰:「服 君子,殿天子之邦。樂只君子,萬 ·並受其福』也。」〇朱氏曰:「又言其 》《左傳》魏絳曰:「《詩》曰:『樂只君 言遠人相帥來服從,便蕃然在左右。」〇《釋文] 而 益朝廷之固 氏 曰:「萬福 也。 攸同, 故曰 則所 : 狀 福 樂 也。 謂 左 只 攸 虔

福 樂只君子,天子葵其維反。 汎汎芳劍反。 禄膍頻戶反。之。優哉游哉,亦是戾矣。 紼 朱氏曰:「興也。」〇毛氏 , 壁 也。 「瑳,竹爲索,所以維持舟者。」○●郭璞曰:「緌 耀,矮也。孔氏曰:《釋水》云: 『紼縭維之。 然則紼 縭,矮也。」孫炎曰:『嗟,大索也。」李巡 楊舟,紼音弗。 訓 爲蹉 之。 羅力馳反。 曰:「紼,繂。 縭訓 樂只君子, 爲矮、矮又爲 維之。

> 又以 上,汎汎然 義 氏曰:「樂只君子,有功德而天子揆之, 之,則誕或 也,君子事王以義而已。苟王無義 之則懷,棄之則去,亦如舟之無定耳。」 緌以行之。」○蘇 戾,至也。」○鄭氏曰:「楊木之舟浮於水 繋,正謂舟之止 以非爲是,則君子 維持諸侯爾。」毛氏曰:「明王能 纚,《韓詩》云筰 ○歐陽氏曰:「紼纚維 諸 主氏曰:「君子所樂**,**樂王 諸 侯 福禄厚之也。」〇朱氏 優 優游 游 見 東西無所定,舟人以紼繫其 息,以絙繫而 而至於此 丽 信,忠或見疑,以是 也。」葵, 不追。」○《釋文》曰:「 氏曰:「天下之諸侯,撫 有憂而 也。」吕氏曰:「王以信 揆也。 維持之。 舟,如天子以爵 無樂矣。」〇丘 曰:「於是又 能 維持諸侯也。」 ○《釋文》曰 膍,厚也 以 義 爲非 以揆 膍 命

0

[「]〇一當刑。 此下至「維持之」,據《毛詩正義》,當爲孔穎達疏。

《韓詩》作肶。」

《采菽》五章,章八句。

骨肉之相附。」曰:「骨肉,謂族親也。以其父祖上世同禀血氣而生,如曰:「骨肉,謂族親也。以其父祖上世同禀血氣而生,如報反。 讒佞,骨肉相怨,故作是詩也。孔氏報弓》,父兄刺幽王也。不親九族而好呼

昏姻,無胥息徐反。遠矣。 輕騂息營反。角弓,翩匹然反。其反矣。兄弟怒? 此《棠棣》、《角弓》之詩所爲作也。」愛至者其求詳。夫戚而不見殊,孰能無《前漢書》杜鄴曰:「人情恩深者其養謹,

淵。角之中央,與淵相當。」」翩,反貌。」 ○鄭氏曰:「角之中,恒當弓之隈。」杜子春云:「隈,謂弓之〇朱氏曰:「角弓,謂幹、角、筋、膠、絲、漆也。又色。先儒以騂取其調利,則字當作鮮鮮,與騂同音。」色。先儒以騂取其調利,則字當作鮮鮮,與騂同音。」至氏曰:「與也。騂騂,調利也。」董氏曰:毛氏曰:「興也。騂騂,調利也。」董氏曰:

易以成怨。」 曰:「骨肉之親,無相疎遠。相疎遠, 蘇氏曰:「是以告之,使無 附,疎之則離,亦如 物,其體往來,張之則内 外反而去。」〇李氏 曰 「胥,相 也 歐 曰:「九族我 角弓 陽 嚮 氏 翩 相遠也。」鄭氏 而來, 弛之則 日 然而 則以親親之望 7親之則 反。二〇 弓 之爲

傚矣。 爾之遠矣,民胥然矣。爾之教矣,民胥

兄弟,交相爲瘉。羊主反。

此令兄弟,綽綽處若反。

有裕。

羊樹反。

不令

病矣。」王氏曰:「『此令兄弟,綽綽有裕』者,交相 而不變。 寬也。裕,饒。 鄭氏曰:「令,善也。」〇毛氏曰:「綽綽 「言王化之不善,此善兄弟,則綽 彼不善之兄弟,則 瘉, 病 也。二〇 由 朱 此 氏 綽 丽 交相 有 曰: 裕

故也。「不令兄弟,交相爲瘡」者,交相惡也。」 〇孔

民之無良,相怨一方。受爵不讓,至于己氏曰:「天下善人少,惡人多。」

斯亡。 身也。」 之所 耳。 躬自 彼 怨者哉?」〇王氏曰:「受爵不讓,專利 方。」〇朱氏曰:「相怨者,各據其一方 氏曰:「民喪其良心,不參彼己之曲直, 鄭氏曰:「良,善也。」〇朱氏曰:「一方, 而有之也。至于己斯亡,•怨之所歸,禍 人,使彼己之間交見而無蔽,則豈有 若以責人之心責己,愛己之心愛 方也。」〇毛氏曰:「爵,禄也。」〇王 集故也。」歐陽氏曰:「貪争不已,至於亡 薄 Щ 厚責於人也,則各相怨於一 相

宜饇,於據反。如酌孔取。老馬反爲駒,音拘。不顧其後。如食音嗣。

毛氏曰:「饇,飽也。」〇吕氏曰:「孔取

「已多 之。」〇孔氏曰:「此舉馬 之遇己亦將然。」毛氏曰:「已老矣,而孩童慢 之,遇之如幼 甚取也。」○鄭 丽 宜 飽 稚 矣,其 不自 氏 曰:「見老人,反侮 以喻之。」〇朱氏 顧念後至年老,人 酌之所取, 亦 已 慢

甚矣。」

取,曾不少加斟量也。 食者但知稱其饇飽之欲,酌者但知多所謂「不顧其後」也。其快意不顧,如也。被慢老者,獨能長少而不老乎?也。彼慢老者,獨能長少而不老乎?

人與屬。音蜀。 毋教猱升木,如塗塗附。君子有徽猷,小

曰:「猱,獼猴也。楚人謂之沐猴。老者爲玃,長臂者也。」○毛氏曰:「猱,猨屬。陸氏《草木疏》鄭氏曰:「毋,禁辭。」《説文》云:「毋,止之

❶ 「亡」,原作「忘」,據四庫本、《墨海金壺》本改。

猷 友,此之謂徽猷。」〇王氏曰:「君子 矣,非所以爲上之道也。 之教,是以塗塗附其壓,且相著 鄭氏 至德要道,民用 也。小人樂於不善,而王又益之以 曰『君子有徽猷,小人與屬』也。 骨肉,爲不善於上以倡之,是教猱 其所自能,不必教之也。今幽王又疎 也。1○長樂劉氏曰:「小人之爲不善, 「於此,則小人與屬於彼矣。」 曰:「屬,連屬 一,泥 也。 和睦,正其五品,爲 附,著也。 也。」《説文》曰:「屬,連 故陳爲 徽 , 美也。」〇 先 不可 上 有徽 之孝 王有 一之道 升 不 脱 善 薄

雨于付反。 消。 親親 也,宜其與屬而不可解也 莫肯下遐嫁反。 雪瀌瀌,符驕反。 長長之道,乃民之良心,非 見晛乃見反。 遺, 式 居婁 由 力 曰 外 住 音

> 麃麃 聿,劉 則政日治,故爲泰。 子,自昭明德以在民上,則民之惡德消矣。」今王曾 爲驕傲也。」○董氏曰: 彼哉?」歐陽氏曰:「謂王不以恩意下及九族,而 也。」〇王氏曰:「「雨雪瀌瀌,見晛曰消」者,譬之君 雪之瀌瀌盛也,見日而 鄭氏曰:「雨雪之盛瀌瀌然,至日將出 曰 : 衆則 反,云:""職,見日出 莫予之,居於其上而 毒,王苟有意綏之,亦釋然解矣。昌氏曰 其氣始見,則雪消釋矣。」〇蘇氏曰:「雨 ○《釋文》曰:「見,《韓詩》作曣,音於見 見現曰消,謂君子有徽猷也。 ○《釋文》曰:「婁,王肅云:『數也。」」○ ,見
>
> 現
>
> 東
> 消
> 。 」 「睍,日光也。」〇蘇氏曰:「遺,予也。」 瀌 瀌。」〇毛氏曰: 向同。」劉向疏曰:「君子道長,小人道消 泰者,通而治也。《詩》云:『雨 「瀌、《韓詩》作麃。」 「睍,日 也。」曰、《韓詩》作 屢驕焉,而何以化 雨雪之消,喻小人道消 消矣。 氣也。」《說文》 王 族 相 白

王之不肯降心下與族人者,以其居於

空,言其驕之非一也。

是用憂。 如蠻如髦,音毛。我雨雪浮浮,見晛曰流。如蠻如髦,音毛。我

狄,無禮義仁恩也。」王氏曰:「粲然有文以 義同。○○歐陽氏曰:「言骨肉相視 髦,夷髦也。」孔氏曰:「髦,西夷之别名。《牧誓》 曰『及庸、蜀、羗、髳、微、盧、彭、濮人』,❶彼髳此髦,音 地上也。」流者,流 高則浮浮。1○長樂劉氏曰:「浮浮,言積之厚而浮於 毛氏曰:「浮浮,猶 而 瀌 去也。 瀌 也。 王氏 日 蠻 如夷 也。 積之

而不顧,俗之薄極矣,皆王化之也。相怨相争奪而不止,已而暴蔑其尊老民皆化之,兄弟宗族,始則相病,已而民皆化之矣。三章、四章、五章遂言言王苟遠之,非徒王族之乖離也,民言王哉遠之,非徒王族之乖離也,民

如髦矣。

如蠻如髦,是謂大亂,故我是用憂也。」

接、驩然有恩以相愛、中國之道也。

中國道盡,則

如

曫

不親; 六章 之所憂也 何王 雪浮浮,見 驕,所以不降; 其不肯降心, 瀌瀌之可畏,王苟篤於親,則洗 之,小民其有 之以惡,既易如此,况於有善道以 因 猶 浮浮之雪,豈有消流之望乎? 雪之見日,群慝衆怨無復存矣。 風俗薄惡,宗族 [慨然 教 方且視宗族如 驕者,其病本也。 復 猱 丽 嘆 升 惟其 思上之化 世 木, 現 衰 Ē (九族不親,所以天下 而式 不 以塗 族 流」,其易消如此。 乖離,其勢雖 與屬者乎? 惟 薄 耄蠻 其不降,所以 附塗, 居婁驕也。 下,速於影響,導 王 八章申言「 又從 而不之顧,則 宜其 七章 而 如 (易也。 導之, 九 惟 然 奈 雨 何 如

《尚書正義》補。 「蜀」,原脱,據四庫本、《墨海金壺》本、《毛詩正義》及

0

《角弓》八章,章四句。

言朝王

屯。

者之不可朝事也。不中,丁仲反。諸侯皆不欲朝,直遥反。言王不中,丁仲反。諸侯皆不欲朝,直遥反。言王《菀音》柳》,刺幽王也。暴虐無親,而刑罰

自暱焉。俾予靖之,後予極焉。

有菀者柳,不尚息焉。 上帝甚蹈,音悼。

無

我安之,以待其改惡從善,而後我至焉,我安之,以待其改惡從善,而後我至焉,所為所王。」○八氏曰:「且俾此也。」○歐陽氏曰:「靖,安也。」○蘇氏曰:「君子之願庇於王,譬如行道之人,曰:「君子之願庇於王,譬如行道之人,曰:「君子之願庇於王,譬如行道之人,」。」○歐陽氏曰:「靖,安也。」○蘇氏曰:「君子之願庇於王,譬如行道之人,近也。」○歐陽氏曰:「靖,安也。」○蘇氏曰:「元,漢,茂本也。」○鄭氏曰:「尚,茂,茂木也。」○鄭氏曰:「尚,

馬,謂待其可往朝則往焉。」 無自瘵側界反。焉。俾予靖之,後予邁焉。 無自瘵側界反。焉。俾予靖之,後予邁焉。 之時,諸侯之朝,猶曰『我友敬矣,讒言之時,諸侯之朝,猶曰『我友敬矣,讒言之時,諸侯之朝,猶曰『我友敬矣,讒言其遲禍也宜矣。」○歐陽氏曰:「傷,小息也。」 其興』。今幽王暴虐如此,則諸侯之朝, 其連禍也宜矣。」○歐陽氏曰:「後予邁焉。 無自瘵側界反。焉。俾予靖之,後予邁焉。

前二章猶欲靖以待幽王之改,然後往 其所届。」王氏曰:「有鳥高飛,亦傅于天」者,尚 於何所至乎? 言其轉側無常,人不知 於何所至乎? 言其轉側無常,人不知 於何所至乎? 言其轉側無常,人不知 於何所至乎? 言其轉側無常,人不知 以四所至乎。 居以凶矜。

,此章言幽王之心不可測度,不知

每言夫居焉。 每言夫居焉。 每言夫居焉。」自古聖賢之論治亂, 要騙」也。傅説告高宗曰:「惟厥攸 矣。居以凶矜,即《角弓》所謂「式居 矣。居以凶矜,即《角弓》所謂「式居 矣。居以凶矜,即《角弓》所謂「式居 好,其惡日熾也,於是乎絶意於王室 以待之乎?」幽王方且自居以凶暴驕 其悛改之期也。故嘆曰:「曷爲予靖

《菀柳》三章,章六句。

吕氏家塾讀詩記卷第二十三《桑扈》之什十篇,四十三章,三百八句。

吕氏家塾讀詩記卷第二十四

都人士之什

及也。 其法守,民之用於萬物也,皆有常數,不敢過也,不敢不 卑,必有樂以固其分義,必有政以一其猷爲,必有刑以興 常,故服不變。」○長樂劉氏曰:「先王之於萬物,育之必 各得正其性命也。 有其道,取之必有其時,用之必有其制,然後品彙之微 服有常,能使民德歸一,抑抑威儀,維德之隅。 休燕也。 民,謂凡在民上倡率者也。 常,以齊其民,則民 《都人士》,周 反。見古人也。 **丈反。民,衣服** 上以是率於下,下以是事於上,苟不如是,無以容 休燕猶有常、 人刺衣服無常也。 故其域天下之心也,必有禮以範其尊 不貳,音二。從七容反。 鄭氏 ,則朝夕明矣。」○孔氏曰:「在上衣 德 曰:「服,謂冠弁衣裳也。 變易無常謂之貳。 歸壹,傷今不復共又 古者長 由德行有 從容,謂 容有 長 張

> 撮帶,雖則末儀,有以見民德之歸壹也。」 其民,則民德歸壹。1先王之治,於斯爲至矣。 然則裘笠於其身也。 故曰:『古者長民,衣服不貳,從容有常,以齊

遺言也。」 其民,則民德壹。』《詩序》蓋雜出於古之曰:『長民者,衣服不貳,從容有常,以齊 董氏曰:「《緇衣》,公孫尼子作也。 其書

章。 彼都人士,狐裘黄黄。其容不改,出言有 曰 也。 裼之」,注云:「君衣狐白毛之裘。 Ė 也。《玉藻》曰「君衣狐白裘、錦衣以裼之。 别野人也。」〇朱氏曰:「黄黄,狐裘色 者,即《喪服傳》所謂『都邑之士』,所以 ○朱氏曰:「都,王都也。」○吕氏曰:「都人士 毛氏曰:「彼,彼明王也。」○鄭 城郭之域曰都。」孔氏曰:「都者,聚居之處。 行下孟反。 君子,大夫士也。 君子狐青裘豹褎,玄綃衣以裼之。 孤之黄者多,黄狐之衣,非貴服也。」不改,有 歸于周,萬民所望。音亡。 孔子曰:"黄衣狐裘。」〇孔氏 士不 狐裘,黄衣以 衣狐白, 士不衣狐 氏 티 : ,辟君

彼君子·

女,

音悦。

反。

直如髮。

我不見兮,

彼都人士,臺笠音立。

緇側基反。

撮。

七活反。

常也。 言語又有法度文章。」〇丘氏曰:「不惟 也。」〇毛氏曰:「周,忠信也。」陳氏日 望而取法也。」〇孔氏曰:「都邑之士近 又歸於忠信,表裹如一,故爲下民所 衣服、容貌、言語之有常,其所行之行, 士冬則衣狐裘黄黄然,其容貌既有常 君子謂子囊忠。忠、民之望也。《詩》曰 此 政化,有道先被其德,無道先化其淫。 於學官、《毛詩》不得立,故服以爲逸也。」 今也。」○《左傳》襄十四年:「楚子囊卒, 氏有之,三家則亡。 云:「逸《詩》也。」孔氏曰:「《緇衣》注言此章毛 周,鎬京也。」〇鄭氏曰:「古明王時,都 『行歸乎周,●萬民所望』,忠也。」服虔注 時奢淫巧僞,都邑尤甚,故舉古以駮 章,文章也。」○鄭氏 今《韓詩》實無此首章,時三家列 曰: 于,於 仰

鄭氏 也。」前裘則冬所衣,此笠則夏所用。」 〇毛氏曰: 氏,天子之掌鳥獸者,諸侯頁屬焉。 氏曰:「笠本禦暑,因可以禦雨。《郊特牲》曰:「大羅 說夫須,莎草也,可以爲蓑笠。」以臺皮爲笠。」孔 僅 與也 人之士女。一章言長民者,故不言女。 張氏曰:「《都人士》始論長民者,次論 也。」〇毛氏曰:「綢直,密直如髮 曰 也。」 皆作之服也。 不下於庶人,則長民者所齊,野人有不 ·緇撮,緇布冠也。」○朱氏曰:「其制小, |章以下,統言男女也。|○吕氏曰:「禮 可撮 若是帛爲玄冠,則有制度,不得言撮。] 〇日 「君子女者,貴人之女,所以别民 日]鄭氏曰 「。」○王氏曰:「臺笠緇撮,在野 其髻也。」孔氏曰:「緇布冠制小,故言 「臺,夫須也。 「其情性密緻,操行正直,如髮之本末 綢直如髮,則其德性之善 陸璣《草木疏》云: 草笠而至,尊野服 を こつ 與衆 舊 都 女 氏

● 「乎」,四庫本、《春秋左傳正義》作「于」。

彼都人士,充耳琇音秀。 實。 彼君子女,謂復見今士女之然者,心思之而憂也。」無隆殺也。」〇鄭氏曰:「疾時皆奢淫,我不

之尹吉。我不見兮,我心苑於粉反。 氏 我心爲之苑結。」 也。」〇鄭氏曰:「苑,猶屈也,積也。」〇孔 也。」〇李氏曰:「周之所謂尹、吉,如晉之所謂王、謝 王室,家風不替,故見都人之女有禮法者,謂之尹、吉 元妃也。1是姞與周室爲昏姻也。 既世貴舊姓,昏連於 汾王之甥。1《左傳》鄭石癸曰:「姞,吉人也。 世爲公卿,周之舊族也。《韓奕》云:『爲韓姞相攸,言 曰『王謂尹氏』、《春秋》昭二十三年『尹氏立王子朝』、 謂之尹氏、姞氏之女,言有禮法。□○孔氏曰:「《常武》 尹氏、姞氏,周室昏姻之舊姓也。人見都人之家女,咸 氏曰:「尹吉,未詳。」鄭氏曰:「吉,讀爲姞 毛氏曰:「琇,美石也。」○孔氏曰:「王 肅云:『以美石爲瑱,塞實其耳。』] 〇朱 .曰:「我今不見古之士女,德服如是, 結。 后稷之

髮如蠆。勑邁反。我不見兮,言從之邁。彼都人士,垂帶而厲。彼君子女,卷音權。

帶,云:「本亦作帶。」 「養傍短髮不可斂,則因曲以爲飾。」邁,行也。」〇 邁也。」朱氏曰:「思之甚也。」○《釋文》帶作 王氏曰:「是不可得見也,得見則我從之 然,似婦人髮末曲 也。一鄭氏曰:「薑,螫蟲 之貌。《禮》:"大帶垂三尺。』]〇王氏曰: 毛氏 「長尾爲蠆,短尾爲蠍。」尾末揵其 日 厲,帶之垂者。」孔氏曰: 上卷然者 也。 也。 言 《説文》曰 反,舉 孔 「厲,大帶 厲 氏曰: 垂 也 帶

《都人士》五章,章六句。

《采緑》,刺怨曠 外,過期不返,與古異矣。」 卒、正、連、帥、屬、長不能正其所部,而鄉遂之兵久戍于 侯不朝,九伐之法猶存,而大司馬不能呼吸天下州牧, 踰 馬提六軍,起鄰牧,正之以九伐之法,則王者之師,未有 之以卒。卒有弗制,則正之以州。州有弗制,然後大司 教之耕以足其衣食也、教之文以興乎道藝也、教之武以 長,以統五國。國建侯,以統其民。而所以教之者三焉, 也。 襲商制,王畿之外,疆天下爲八州。州建牧,以統 之時反此,故賦《采緑》之詩以刺焉。]〇長樂劉氏曰:「周 防其禍亂也。 時而在外者,故男無久役,女無怨曠也。 卒建正,以統三連也。 王氏曰: 國有不順,則正之以屬。 「明盛之朝,外無曠夫,内無怨女。今幽王 也。 連建帥。 幽王之時,多怨曠 以統兩屬也 屬有弗制 幽王失道,諸 屬建 七卒 則 者 正

E反。薄言歸沐。 終朝采緑,不盈一匊。弓六反。予髮曲局,其

○鄭氏曰:「緑,王芻也。」《爾雅》曰:「菉,王毛氏曰:「興也。 自旦及食時爲終朝。」

終朝采藍,盧談反。不盈一襜。尺占反。五日 今改鄭氏説,以爲王芻,則當逸時字爲菉矣。」○李氏氏曰:「滿,辭也。」○鄭氏曰:「緑,易得之曰:「薄,辭也。」○鄭氏曰:「禄,易得之惡。解言歸沐,婦人夫不在,則不容飾。」○李氏氏曰:「滿,辭也。」○李氏不在,則不容飾。」○李氏氏曰:「漸,辭人夫不在,則不容飾。」○李氏年氏曰:「济,蓋以待君子之歸也。」蘇氏年氏曰:「予髮曲局矣,庶幾君子之歸而沐之。」 母:「予髮曲局矣,庶幾君子之歸而沐之。」 每。」郭璞云:「菉,蓐也,今呼鴟脚莎。」○李氏 一世:「予髮曲局矣,庶幾君子之歸而沐之。」

也。六日不詹,未久也,尚且望而憂之,又况於遲久而而不見也。」長樂劉氏曰:「詹,與 瞻同。 五衣蔽膝也。」」○朱氏曰:「詹,與 瞻同。 五衣蔽膝也。」○朱氏曰:「詹,與 瞻同。 五衣蔽膝也。」○朱氏曰:「詹,與 瞻同。 五衣蔽膝也。」○朱氏曰:「詹,與 瞻同。 五衣蔽膝也。」八氏曰:「藍,染草也。」孔氏曰:「藍,可以染鄭氏曰:「藍,未久也,尚且望而憂之,又况於遲久而不見也。六日不詹。音占。

矌 并,《詩》云:『五 弗 之性,陰陽 作歌 歸耶?」○《後漢 ,仲尼所録 正紀。 書 日 隔 爲 劉 絶其道 期,六日 瑜 上 疏 不 則 曰 ·詹。』 水旱 天 爲 怨 地

于釣,音弔。言綸之繩。之子于狩,尺救反。言韔勑亮反。其弓。之子

竿。 時所有之事 티 : 而 之納弓于韔 繩綎也。」〇丘氏曰: 釣竿也。 言綸之繩,謂與之作繩,此猶今人接綎謂 弋是繫繩於矢而射,謂之繳射。 韔中也。」○鄭氏 也。」〇孔氏曰:「韔,謂射訖 不 氏 「《釋言》云:「緍,綸也。」則 『繳,生絲縷也。』則釣與弋射,其繩皆生絲爲之。 可得也。」陳氏曰:「此怨辭也。 今遠行從役, 曰 :「之子,謂 丽 怨 中。 也。一〇 往釣,我則爲之緍繩 曰:「綸,釣 「言是子往獵,我則爲 朱 久而不歸,思其 氏曰 其 君子 則釣繳者, 綸是繩名。 「望之切 也。 繳 弛弓,納于 想象其居家 也。」孔氏 ,謂繫繩 ,愛之之 于, 《説文》 如 此 往 之

> 及 其 **鱮**,薄|言觀古玩反。 多,使觀者樂也。]〇丘氏曰:「君子善釣 孔氏曰: 釣 上章釣文在下,接 『維魴及鱮,薄 維 何 「上章兼 維 魴 音 言觀者』,言其 有狩 者。 而申之。二〇 防 此 此 及 鱮 偏言釣 0 音)董氏 叙。 得魚之 日 維 因 魴

《采緑》四章,章四句。》《釋文》曰:「觀,《韓詩》作覩。」

如此,今久而不

歸,故思

而述之也。

芃芃蒲東反。 人」,與四章「肅肅謝功」相當,故知宣王之時。」 氏曰:「《嵩高》言王命召伯定申伯之宅,又曰 [因 黍 卿士 苗 陳宣王之德,召伯之功,以刺幽王及其群臣。二〇孔 勞力報反。之。 示 刺 能 幽 黍苗, 行 王 召 也。 陰 上照反。 雨膏之。悠悠南 不 能 伯 膏 之職 古 報 反。 焉 潤 鄭 是 行 天 氏

毛氏 貌。」○蘇氏日 日: 興也。 芃 「宣王 九芃,長 國 大 申 貌 伯 于 謝 悠 使

先之。」 伯 膏 召公往營之。 召公之勞行者, 將徒役 :黍苗,哀今不能而思之也。」鄭氏曰:「召 南 行,衆多悠悠然,召伯 則 勞 猶 來 陰 勸 雨 説 之 以

丘

既集,蓋云歸哉。 我任音壬。 我 輦,力展反。 我車我牛。 我 行

與 浪反。 其牽傍,以載公任器」,注云:『牽傍,在轅外挽牛。』不 其牛也。 曰 : 又云牽傍牛者,此牛在轅之外,不在轅中,故别牽傍 日 傍』,鄭司農云:『凡封國若家,謂建諸侯,立大夫家 駕牛者也。」牛者。」鄭氏曰:「有牽傍牛者。」傍,薄 也。」玄謂「牛助,國以牛助轉徙也。 者。」○孔氏曰:「輦車,人挽以行。」車者,鄭氏曰: 毛氏曰:「任者,鄭氏曰:「有負任者。」〇孔 有將車者。」○孔氏曰:「此轉運載任,則是大車,以 將 「牽,在旁曰傍」。 車同 《地官·牛人》云『凡軍旅行役,共其兵車之牛,與 「謂器物 〇孔氏曰:「《罪隸》云「凡封國若家,牛 上文既云將車者,謂車 也。」〇鄭氏 人所負持。」 輦者,鄭氏曰: 此營謝 日 即封國也,宜使罪 「集,猶成也。」() 中有牛而將之。 罪隸牽傍之,在 有 ト 隷 牽 傍 助 下文 挽 爲 輦 前 氏

> 决。 解之使説也 者,俟我南行之功已集,蓋云歸哉。]謂 任者,我輓輦者,我將車者, 其勞苦憂思,故皆憂呼而諭之曰:" 伯之遇役夫 者,爲疑辭,亦爲發端。 『蓋有受我而厚之』,是發端也。」 氏 《禮記・禮器》云『蓋道求而未之得也』、《檀弓》云 티 : 蓋,不 如此。」〇丘氏曰"「 定之 《孝經》諸言蓋者,皆示不敢 辭 也 王氏 我牽傍 孔 一召伯 曰 氏 曰 我負 4 知 召 蓋

我 歸 處。 徒 我 御, 我師我旅。 我行既集, 蓋 云

乃是師 師從,卿行旅從。二〇孔氏曰: 百人爲旅,五旅爲師。 步行者,有御兵車者。」師者 毛氏曰:「徒行者,御車者,鄭氏曰:「士卒有 旅之人。 别而言之,歷 《春秋傳》曰 ,旅者。」鄭氏曰::「五 數以類 「旅屬於師,徒行御車, 「諸侯之制 上 |章也。| 〇王 君行

成之。 肅肅 謝 功,召伯營之。 烈烈 征 師, 召伯

氏

曰

「召伯之遇征夫如

此。

IJIJ 五.

宅,平淮夷故 謝邑之事也。」〇鄭氏曰:「營,治也。 棘陽縣東北 營謝功之肅,成征師之威,定申伯之 **,威武貌。征**,行 Æ 邑也。」《後漢志》:「南陽郡宛縣,本申伯國 曰 百里 肅 也。」 有謝城。」〇朱氏曰: ,嚴正之貌。」〇毛 也。」〇王氏曰:「召 訓 瓦 曰 功, 烈

原隰 則 寧。 平,泉流既清。 召伯 有成, 王 心

故也。」 功既 既平,則 謝邑,相其原隰之宜,通其泉水之利, 治曰平,水治曰清。」〇鄭氏曰:「召伯營 原隰,解見《皇皇者華》。 成,宣王之心則安也。」王氏曰:「原 疆 其 土田故也。 泉流 既 〇毛氏曰:「土 清, 則 理 其 溝 此 隰 洫

卿 天子,子萬姓者也。 士, 豈得 一,則無以鎮定南服。 方伯,分一面者 辭其憂責哉? 也。 大臣,慮 申 召穆公身爲 宣王 伯 之體 四方 雖 者 勢

> 焉,此 能察犬戎之禍,以復宗周,何暇 也。 江淮之間乎? 居 九 黍苗》五章,章四句。 必待召公告厥成功,而 重 真知職分者也。 宵 盰 之慮 此詩人所以思古也。 固 彼憂幽 未 嘗 王 王 心 日 經 近不 始寧 忘 略 乏

思見君子,盡心以事之。 隰桑》,刺 幽王也。 小人在位, 君 子 在

隰桑有阿,其葉 有難。乃 多反。 既 見 君

其樂音洛。 隰。 毛 氏 曰:「興也。」〇孔 如何? 氏

美貌。 桑有 曰"「阿那,是枝葉條垂之狀。」 〇朱氏 桑,枝條 以今驗之,實然也。]〇毛氏 呵, 桑宜在濕潤之所,隰之近 難然,盛貌。」○鄭氏曰:「隰中之 阿阿 則 其 然長美,其葉又茂 葉 有 難矣。既見君子 **□** 曰:「阿然 「下濕 盛。」孔氏 畔宜桑。 日: | | | | | | 日

其樂如何哉?」

隰桑有阿,其葉有沃。烏酷反。既見君子,

云何不樂?

長生三、「天、産也。」 長樂劉氏曰:「天、龍也。」

沃也。」毛氏曰:「沃,柔也。」

熙桑有阿,其葉有幽。於糾反。既見君子,

德音孔膠。音交。

之精神情意也。是詩三以隰桑爲興,皆形容樂見賢者

心乎愛矣、遐不謂矣。中心藏之,何日

忘之?

《表記》作瑕。」〇鄭氏注曰:「遐之言胡也。」〇朱氏鄭氏曰:「遐,遠也。」朱氏曰:「遐,與何同,

「謂,猶告也。」《表記》引「遐不謂矣」,注: 之意。」○李氏曰:「我心誠愛君子,雖遠之意。」○李氏曰:「我心誠愛君子,雖遠在野,豈不能遠告之哉?」《左傳》:「鄭伯亨在野,豈不能遠告之哉?」《左傳》:「鄭伯亨志。」,結於心也。」○李氏曰:「詩人自道其愛賢曰:「謂,猶告也。」《表記》引「遐不謂矣」,注:曰:「謂,猶告也。」《表記》引「遐不謂矣」,注:

所不知也。 先知覺後知,先覺覺後覺,賢者宜有 先知覺後知,先覺覺後覺,賢者宜有 是竭吾忠愛以裨補之,何其犯分躐 詩方思賢者而遽欲謂之,何其犯分躐 是以告衆人,衆人固無以告賢者也。是 以告衆人,衆人固無以告賢者也。是

《隰桑》四章,章四句。

以爲后,又得襃姒而黜申后,故下國化之,《白華音花》,周人刺幽后也。 幽王取申女

子當爲庶子之所宗,故稱宗也。」 子當爲庶子之所宗,故稱宗也。」 子當爲庶子之所宗,故稱宗也。」 子當爲庶子之所宗,故稱宗也。 與以,發人所入之女。姒,其字也,是謂幽后。孽,支庶也。宗,適子也。王不能治,己不正故也。」〇孔氏曰:也。宗,適子也。王不能治,己不正故也。」〇孔氏曰:也。宗,適子也。王不能治,己不正故也。」〇孔氏曰:也。宗,適子也。王不能治,己不正故也。」八氏曰:以安爲妻,以孽代宗,而王弗能治,周人爲以安爲妻,以孽代宗,而王弗能治,周人爲

之分。」
「詩以刺王,《序》誤作后字。自程氏曰:「詩以刺王,《序》誤作后字。自

我獨兮。 白華菅音姦。兮,白茅束兮。之子之遠,俾

菅,又取白茅纏束之。」○鄭氏曰:「之野菅耳。」○孔氏曰:「刈白華,已漚以爲菅。」溫之柔韌,異其名,謂之爲菅,因謂在野未漚者爲菅。」孔氏曰:「興也。 白華,野菅也。 已漚爲毛氏曰:「興也。白華,野菅也。 已漚爲

不猶。 英英白雲,露彼菅茅。 賤之序,而棄遠我,俾我窮獨失所也。」 氏曰:「菅,譬則后也。茅,譬則妾也。」今王亂 爲菅,白茅則用之裹束。物之美惡,其 子,斥幽王也。 用各有其所。 我,申后也。」〇程氏曰:「白華 興尊卑上下各有其分。王 俾,使也。」○陳 天步艱難, 氏 則 之子 漚 日 貴 以

也。 天地之氣,無微不著,無 毛氏曰:「英英,白雲貌。 而之子不猶是道也。」張氏曰:「英英白雲,且 道,則嫡妾當均 雲蒸露降, 曰:「猶,似也。」〇鄭氏曰:「猶,圖也。」天之道, 時運也。毛氏曰:「步,行也。」猶 氏曰:「雲爲質而露爲澤。」○程氏曰:「天步 雲者,露雲氣微,不映日月,不得如雨之雲耳,非無雲 曰:「以今觀之,有雲則無露,無雲乃有露。 若露濃霧合、則清旦爲昏、亦是露之雲也。」○陳 則 菅 被其寵。今天運艱難 茅 皆 被 其潤。 露亦有雲,言 , 如 也。 覆養。」孔 王如 言露亦 張氏 氏

滤符彪反。池北流,浸子鴆反。彼稻田。嘯歌均露及菅茅,何天步艱難,而之子不若是乎?」

傷懷,念彼碩人。

「沱,沱沼之沱通用此字,今别作池,非是。 流 以 高尊大,而 北流,是目所覩。」鄭氏曰:「豐鎬之間水北流。 毛氏曰:「滮,流貌。」〇孔氏 曰:「小水微流,尚能浸)丘氏曰:「碩 嘯歌 貌 《 詩 》 而傷 反不 懷也。」〇《説文》曰: , 卬五綱反。 人,謂 能 『滮沱北 通 流 幽 溉 其寵 \pm 稻 流。 也。」 田。 澤, 徒何切。」 徐鉉曰: 念此 「滮,水 王之崇 「言其 程 所 氏 干

煁。市林反。維彼碩人、實勞我心。 樵徂焦反。彼桑薪、卬五綱反。烘火東反。干

卬,我 以 曰 : 猶薪是穫薪也。」《少儀》云「抱樵」,注云:「未燃 孔 目 樵。」○毛氏曰:「桑薪,宜以 燃火照物,若今之火爐也。」○郭璞曰:「今之三隅 氏 「烓者,無釜之竈,其上燃火謂之烘。 曰 : 也。 「樵者,薪之一名。 烘,燎 也。 煁, 炷竈 樵彼桑 養人者也 本爲此竈 也。」孔氏 薪 ıĿ.

> 位 謂是 爲 外也。」○程氏 已。」○蘇氏曰:「譬如申后之賢,不獲偶王,而 氏曰:「人之樵取彼桑薪,宜以炊饔饎之爨,以養 爨烹餁,而 薪 竈 而 也。」 炷,音 可 叮 ,而所爲如是 如 專寵於嬖人也。 桑薪,薪之善者也,我反以燎於炷竈,用炤事物而 人也。 是,所以勞傷我 烘 于 志。 爲燎燭,棄妻自傷失 煁」者,物 言碩人者,言其居尊大之 曰 : 也 歐 「興王之捨嫡后之尊 維彼 陽氏 人心。 失 其 王之崇大,而 曰 所 言之子者,直 也 職 樵 也。」鄭 三棄之於 彼 薪 所 桑 宜 食

曰:「邁邁,不説也。」〇毛氏 我 朱氏曰:「懆懆,憂皃。」○王氏曰:「 褒姒,而聲容必見于外,不 必形見於外。]〇丘氏曰:「 説文》曰:「燥,愁不申也。 丽 不顧 也。」歐陽氏 曰:「邁,往也。」〇毛 曰 「有諸宫中 可掩也。 如幽王心 亦作慘慘。 邁 邁 然遠 竉 氏

聲聞于外矣。念子懆懆,而反視我邁邁,何哉?」 曰:「此章自傷其誠意之不能動 幽 幽 丽 **忡,孚 吠 反。」《韓詩》云:「意不説好也。」許云:** 「很怒也。」 ○《釋文》曰:「邁、《韓詩》及《説文》並作 .曾不感動,視我邁邁而去。」○朱氏曰:「鼓鍾于宮 \pm 王 視 寵 我 褒 姒 則 丽 愈邁 遠 我 邁 然 則 嘗 面 王 也。 疎 懆 遠 然 慘慘然憂戚 也。」 而 憂 程氏 思

碩人,實勞我心。有鶖音秋。在梁,有鶴呼各反。在林。維彼

程氏 其所處 之如養鶩而棄鶴也。」歐陽氏曰:「言二物皆非 則有間矣。 毛氏曰:「鶩,禿鶖也。」鄭氏曰: 而 鶩、鶴皆以)孔氏曰:「梁,魚梁 鶴 則飢矣。 ,如妾不宜居正位,而妻不宜被遠棄也。」 () 「今王使我不得其所,是以 今鶖在梁而鶴 (魚爲 幽 王進褒 食,然鶴之於鶩,清 也。」○蘇 姒 在林,鶖則飽 而 黜 「鶩之性貪。」 申后 氏 日 濁 礕

> 其德。 鴛鴦在梁,戢其左翼。之子無良,二三

者,幽 左,雄 左也。 鄭 不失其性也。 『之子無良, 能好其匹,於止得其所止。 如也。」 氏 曰:「戢,斂也。 ; 王無良,不一其德,鴛鴦之不 鳥之雌雄 左掩右,雌。」〇王氏曰:「鴛鴦 不可别者, 斂左翼者, 二三其德』 雄雌相從 以 翼 謂 右 右 掩 掩

俾我疷都禮反。兮。 有扁邊顯反。斯石,履之卑兮。之子之遠,

也。 毛氏 妾, 不可 病也 氏曰:「《隸僕》云『王行則洗乘石」,鄭司農云:『乘 石,所登上車之石也。」.○蘇氏曰:「扁,卑貌。」 疷 而不可 施於貴。 。」〇蘇氏曰:「石之施於履者,乘石 曰 石之扁然下者,可施於履之卑,而 「扁,乘石 以爲后,言物各有所施 譬如人之賤者,可以爲 貌。 王 乘 車 ·履 石。 之不 孔

可 喻 相類。《緑衣》之詩,專以緑衣取譬。 進彼,使我病也。」李氏曰:「此詩大抵與《綠衣 何也?]○歐陽氏曰:「棄妻指此 任不過於此。今王以卑人而加之上位,而遠弃申女, 人下,如妾止當在下爾。今之子遠我 改也。」陳氏曰: 雖不同,而發明嫡妾之分,則 「扁然之石,可 也。 履以乘車, 此詩 的則多取 石常 其受 丽 在

《白華》八章,章四句。

薄,大不念小,尊不恤賤,故本其亂而刺之。」之,故作是詩也。鄭氏曰:「幽王之時國亂,禮廢恩心,遺忘微賤,不肯飲於鴆反。食音嗣。教載《緜面延反蠻》,微臣刺亂也。大臣不用仁

命彼後車,謂之載之」,即云『教載』,絶之』,但見詩中云『飲之食之,教之誨之。後人增者。如《緜蠻》序『不肯飲食教載程氏曰:「《詩序》必是同時所作,然亦有

緜蠻黄鳥,止于丘阿。道之云遠,我勞如

不成語也。」

之載之。 何? 飲之食之,教之誨之。命彼後車

謂

之政,道僕掌貳車之政,田僕掌佐車之政,是朝祀之副 中也。」〇朱氏曰:「後車,副車也。」鄭氏 生爲丘也。」《卷阿》云:『有卷者阿。」知丘阿是丘之曲 託息焉,喻小臣擇卿大夫有仁厚之德者 曰:「小鳥知止於丘之曲阿静安之處,而 曰:「後車,倅車也。」〇孔氏曰:「《夏官》戎僕掌倅車 丘》云「非人爲之,丘」,李巡曰:「謂非人力所爲,自 曰:「緜蠻,聲也。」丘阿,曲阿也。」 孔氏曰: 毛氏曰:「興也。縣蠻,小鳥貌。 慰藉之,而日受其教誨。 及《聘義》皆言士爲紹擯。」 ○陳氏曰:「飲食以 也。」孔氏曰:「古者卿大夫出行,士爲末介,《聘禮 如何,則大臣我微賤者也。● 我者,内之 而依屬焉。」〇王氏曰:「道之云遠,我勞 曰貳,兵戎之副曰倅,田獵之副曰佐。」○鄭氏 孔氏曰: 「教誨雖於 長樂劉 《釋 氏

「則」,四庫本、《墨海金壺》本並作「刺」。

0

馬,而丘未嘗有厭。微臣附於公卿,出使於外,奈何曾事也。」蘇氏曰:「黄鳥之止於丘,飛行飲食,無不託則載之。」此大臣之所當施於從行小臣之之。」○孔氏曰:「從行遠道,不應初即無車,故言車敗起。」此大臣之所當施於從行小臣之人無費,●而無仁心,亦不肯也。故《論語》曰:「愛之人無費,●而無仁心,亦不肯也。故《論語》曰:「愛之人無費,●而無仁心,亦不肯也。故《論語》曰:「愛之人無費,●而無仁心,亦不肯也。故《論語》曰:「愛之人無費,●而無仁心,亦不肯也。故《論語》曰:「愛之

車,謂之載之。 畏不能趨。飲之食之,教之誨之。命彼後緜蠻黄鳥,止于丘隅。豈敢憚徒旦反。行?

不飲食教載之哉?」

不如鳥乎?」」

本如鳥乎?」」

本如鳥乎?」」

本如鳥乎?」

能極。飲之食之,教之誨之。命彼後車,緜蠻黄鳥,止于丘側。豈敢憚行? 畏不

謂之載之。

恐不能至其所也。」
于魯國。」極之爲言至也。非敢憚行,但李氏曰:「《國語》云:『齊朝駕,則夕極鄭氏曰:「丘側,丘傍也。極,至也。」〇

《緜蠻》三章,章八句。

人》:『掌繫祭祀之牲牷。祀五帝,則繫于牢,芻之三月。』曰牽。」○孔氏曰:「《公劉》云:『執豕于牢。』《地官・充鄭氏曰:「牛羊豕爲牲,繫養者曰牢,熟曰饔,腥曰餼,生不肯用也,故思古之人,不以微薄廢禮焉。能行,雖有牲牢老刀反。饔於恭反。餼,許氣反。(((()),,,,大夫刺幽王也。上棄禮而不《瓠户故反葉》,大夫刺幽王也。上棄禮而不

^{●「}費」,原作「貴」,據四庫本、《墨海金壺》本與《毛詩正

[「]緡」,四庫本、《墨海金壺》本作「緜」、《禮記正義》作

用,乃其宜也。」
用,乃其宜也。」
用,乃其宜也。」

開,在,在,以數一種。《空人》:『掌外内理者,性所居之處,故繫養者爲牢也。《空人》:『彙外內理者,性所居之處,故繫養者爲牢也。《空人》:『掌外內牢者,性所居之處,故繫養者爲牢也。《空人》:『掌外內牢者,性所居之處,故繫養者爲牢也。《空人》:『掌外內牢者,性所居之處,故繫養者爲牢也。《空人》:『掌外內牢者,性所居之處,故繫養者爲牢也。《空人》:『掌外內牢者,性所居之處,故繫養者爲牢也。《空人》:『掌外內字者,性所居之處,故繫養者爲牢也。《空人》:『掌外內字者,性所居之處,故繫養者爲牢也。《空人》:『掌外內字者,性所居之處,故繫養者爲牢也。《空人》:『掌外內字者,性所居之處,故繫養者爲牢也。《空人》:『掌外內字者,性所居之處,故繫養者爲字也。《空人》:『掌外內字者,性所居之處,故默曰。

毛氏曰:「幡幡,瓠葉貌。」○鄭氏曰: 「亨,熟也。熟瓠葉者,以爲飲酒之殖口。」李氏曰:「瓠葉新生,可以爲葅也。」○莊氏曰:「當其旨否,然後行獻酬之禮。」○杜氏《左傳》注曰:「古人不以微薄廢禮,雖氏《左傳》注曰:「古人不以微薄廢禮,雖氏《左傳》注曰:「古人不以微薄廢禮,雖不不以為其之。熟、瓠葉者,以爲飲酒之道。」○ 「傷今幽王雖有性牢饔餼,而不肯 「傷今幽王雖有性牢饔餼,而不肯 「傷今幽王雖有性牢饔餼,而不肯 「傷今幽王雖有性牢饔。」○蘇氏曰: 「傷今幽王雖有性牢饔餼,而不肯

君子有酒,酌言獻之。有兔他故反。斯首,炮白交反。之燔音煩。之。

也。」〇蘇氏曰:「獻,主人酌賓也。」氏曰:「炮之燔之者,將以爲飲酒之羞尾言也。」〇毛氏曰:「炮加火曰燔。」〇鄭斯首,言一兔也。」李氏曰:「兔以首言,猶魚以机氏曰:「斯,此也。」〇蘇氏曰:「有兔

言酢才洛反。之。 有兔斯首,燔之炙音隻。之。君子有酒,酌

也。」鄭氏曰:「報者,賓既卒爵,洗而酌主人也。」之宜,鮮者毛炮之,柔者炙之,乾者燔之。」酢,報以物貫之,而舉於火上以炙之。」○鄭氏曰:「凡治兔毛氏曰:「炕火曰炙。孔氏曰:「炕,舉也。謂

周反。之。有兔斯首,燔之炮之。君子有酒,酌言醻市

於賓,乃謂之醻也。」 醫賓而先自飲以道之,此舉醻之初。其實飲訖,進酒 瞎氏曰:「醻,道飲也。」孔氏曰:「醻者,欲以

《瓠葉》四章,章四句。

漸漸土衛反之石》,下國刺幽王也。戎狄叛

鄝、舒庸,又有舒龍,謂之群舒。」 楚」,已并言之,是楚之稱荆,亦已久矣。 舒鳩、舒鄝、舒庸之屬。」○孔氏曰:「《殷武》曰『維汝荆 病於外,故作是詩也。 之,荆舒不至,乃命將率所類反。 鄭氏曰:「荆 《傳》有舒鳩、舒 東征,役 ,謂楚也。 舒, 久

漸漸之石,維其高矣。山川悠遠,維其 武人東征,不皇朝直遥反。 勞

間,遠不可極,不曰悠遠乎?」〇孔氏曰:「鄭氏箋以 之字少,多相假借。 勞爲勞勞廣闊,字當從遼遠之遼。而作勞字者,以古 其山窮者,川斷之也, 也。不獨漸漸而已,其高峻峭拔,非攀緣則不可以 今五谿之路,莫不如此也。『山川悠遠,維其勞矣』者: 所歷之路石皆廉利,傷人之足,割馬之蹄,不可以踐履 也。』」長樂劉氏曰:「『漸漸之石,維其高矣』者,謂 漸漸之高石,長遠之山川,維其 漸,亦作嶃嶃。] ○鄭氏曰:「武人,謂將 也。」〇朱氏曰:「皇,暇也。」〇孔氏 毛氏曰:「漸漸,山石高峻。」《釋文》曰: 「王肅云:『言遠征戎狄,戍役不息,乃 詩又是口之詠歌,不專以竹帛相 其川盡者,山間之也。 重重相 勞苦 E が登。 「漸 更 帥

> 且死,莫保生還,故不皇言於朝覲也。」 長樂劉氏曰:「困之陟降之勞、❶疹以山嵐之氣、既 遼也。□○歐陽氏曰:「『武人東征,不皇朝 授,音既相近,故遂用之,此字義自得通,故不言當 矣」者,謂久處于外,不得朝見天子也。」

曷其没矣? 武人東征,不皇出矣。 漸之石,維其卒在律反。矣。山川 然孔氏之説,讀《詩》者所當知 解經不必改字,鄭氏以勞爲遼, 悠遠, 非 也。

漸

也。曷,何也。」〇毛氏曰:「没,盡 鄭氏曰:「卒者,崔嵬也。 之地,將不得出也。」 ○歐陽氏曰:「不皇出矣者,謂深入險阻 ○孔氏曰:「言所登歷,何時 謂山巓之末 可盡 徧 也。」 也。

于 有 征,不皇他矣。 豕白蹢,音的。 畢,俾滂普郎 反。 烝之丞反。 沱徒河反。 涉波矣。 矣。武 人東 月離

0 困之」,四庫本、《墨海金壶》本作「困以」。

常性 離 畢,西宮宿也。□○歐陽氏曰:「豕涉波 所克而得其妃,從其妃之所好故 往,南宫好陽,北宫好燠,中宫四季好寒也。 也,爲木妃。雨,木也,爲金妃,故星好焉。」推 曰 之中,惟雨 謂之陰星。《洪範》曰:『星有好風,星 矣。」○孔氏曰:「離,歷也。」○朱氏曰 則 異義同。 雨 雨。」孔氏曰:「畢爲月所離而雨,是陰雨之星,故 「畢,星名。」〇毛氏 名之爲駭,是躁疾於餘豕。」〇《爾雅》曰駭,與 「《釋豕》云:『四蹢皆白,豥。』駭者,躁疾之言。 毛氏曰:「豕,豬也。 有豕,無非 涿進 畢 也。 記征夫遠行之所見也。 也。 將雨之驗也。 行 ○長樂劉氏曰: 今其足皆 涉水波。」張氏曰: 好雨者、畢也。」鄭氏《洪範》注曰:『風、土 所 白 是憂,不皇及他也。 尤苦,故 [蹢也 白,涉 謂四 「中國有豕,純黑爲常。 謂征 波 [足連 曰:「月離陰 以爲言。」 深入蠻夷之域,爲山 蹢,蹄也。 而去,水患之多 「豕之負塗曳泥,其 肚皆白。」將 也。箕,東宫 役者,在 有好雨。 長 孔 履 樂 是由 氏 險 星 險 而 宿 可 好風 此而 劉 豥 曰 阻 也 則 雨 遇 月 知 南 字 川 氏

命之不暇,何皇及於他事哉?」之所困,雨水之所淫,戰敵未捷,病役相仍,救其

生

者,故特録之。 事之後,則三折肱知爲良醫, 其實,深可懼也。若作於熙寧安 熙寧安南敗事之前,則既其文 也。雖未知其爲何時,要皆有益 長樂劉氏之説,其辭 切 而 哀 而 若 於學 可信 南 作 未 敗 既 於

《漸漸之石》三章,章六句。

作是詩也。 以饑饉,君子閔周室之將亡,傷己逢之,故時,西戎、東夷交侵中國,師旅並起,因之《苕音條之華音花》,大夫閔時也。幽王之

草。 紫色之中有黄紫、白紫耳。 華本自有黄有白,而箋云『陵苕之華,紫赤而繁』,蓋就 云:「一名鼠尾,生下濕水中,七八月中華紫,似今紫 白華,麦。」舍人曰:『黄華名蔈,白華名麦。」陸璣《疏 黄。」孔氏曰:「《釋草》云:『苕,陵苕。 毛 ○蘇氏曰:「言周室之衰如是華也。」 氏 葉可染皂、煮以沐髮即黑。」如《釋草》之文,則苕 曰 □ 「興 也。 苕,陵苕也。 及其將落,則全變而黄。」 黄華,蔈; 將落 則

我所遇之世如此,不如不生之愈也。」已盡矣,徒見其葉耳。」○丘氏曰:「詩人言知毛氏曰:「華落,葉青青然。」蘇氏曰:「言華

云:「羊:牡粉,牝牂。」故知牂羊,牝羊也。」墳,大毛氏曰:「牂羊,牝羊也。孔氏曰:「《釋畜》人可以食,鮮息淺反。可以飽。

也。」〇鄭氏曰:「三星,心星也。」〇毛氏

"「罶,曲梁也,寡婦之笱也。」○莆田

矣,豈可以望其飽哉?」
與氏曰:「牝羊首小,今也羸瘰,反首大門身小。王氏曰:「昭中無魚而水静,但見三星在明堂者,正也。至于將没而望於魚笱之下,●其可在明堂者,正也。至于將没而望於魚笱之下,●其可在明堂者,正也。至于將没而望於魚笱之下,●其可在明堂者,正也。至于將没而望於魚笱之下,●其可在明堂者,正也。至于將没而望於魚笱之下,●其可之光而已。言饑饉之餘,百物彫耗如此,苟且得食足之光而已。言饑饉之餘,百物彫耗如此,苟且得食足之光而已。言饑饉之餘,百物彫耗如此,苟且得食足之光而已。言饑饉之餘,百物彫耗如此,苟且得食足之光而已。言饑饉之餘,百物彫耗如此,苟且得食足之光而已。言饑饉之餘,百物彫耗如此,苟且得食足之光而已。言饑饉之餘,百物彫耗如此,苟且得食足之光而已。言饑饉之餘,百物彫耗如此,苟且得食足之光而已。言饑饉之餘,百物彫耗如此,芍且得食足之光而已。言饑饉之餘,百物彫其如此,芍也。

《苕之華》三章,章四句。

子憂之,故作是詩也。中國背音佩。叛,用兵不息,視民如禽獸,君《何草不黄》,下國刺幽王也。四夷交侵,

李氏曰:「文王之於民,以不忍人之心,

何

周 矣。 乎哉?」 時,兵革不息,征伐 猶視之如 行不忍人之政,其 之所 而幽 以亡也。 王曾不之恤 傷,此周 之 民 興 所 不 無 休 不得 以 亡之鑒,豈 視 興 民 民之愁苦 其 也 如禽 (所矣。 幽 潤 甚 之 遠 此 而

營四方。 何草不黄? 何 日不行? 何人不將? 經

夫,獨爲匪民 草不玄? 暮矣,人可以休息之時也。」於是之間,何日不 行乎? 言常行勞苦之甚。]〇毛氏 不息,是其所以怨也。」〇王氏曰:「無草而不黄,則歲 曰:「氣則時經寒熱,物則華變死生,日月長久,征行 兵不息,軍旅 丘 ·言萬民何人而不爲將率所將之,以經營四方乎?」 何人不將,言萬民無不從役。」孔氏曰: 氏 何草而不黄乎? 曰: 「將,亦行也。」○鄭 何 自歲始草生而 人不矜? 言草皆黄 古頑反。 出,至 氏 也。 哀我征 歲 孔 用 晚 氏

> 氏曰 也。 孽者 鄭 玄,則又改歲矣。」○朱氏曰:「言從役過時而不得歸 鰥,古今字。一從役者皆過時 失其室家之樂也。 又黑腐,且將再生。」無妻曰矜。 氏 古者 ,將生必玄。 今則草玄至於黄,此豈非 曰:「玄,赤黑色。 「草既黄而死矣,歲暮之時,死而復生,其色既 師 出 哀我征夫, 豈獨爲非 不 踰時,所以 長樂劉氏曰:「草之黄者,則 始春之時,草牙 不得歸,故 孔氏曰:「矜 厚民之性 民乎?」王 民哉?」() 謂之 與

匪兕徐履反。 夕不暇。 匪虎,率彼曠野。 哀我征夫

董氏曰:

「《韓詩》作『何人不鰥』。

朝

之中,與兕虎禽獸無異乎?」 氏曰:「言征夫非兕非虎,何爲使之循曠 野獸,可常在外。 野,而朝夕不得閑暇 毛氏曰:「兕、虎,野獸也。」〇孔 率,循也。」〇毛氏 今非是兕,非是虎,何爲常循彼 曰: 也。」孔氏曰:「役夫若是 「曠,空也。」〇朱 氏 曰 空野

有芃薄紅反。 者狐,率彼 ☆幽草。 有 棧 士 板 反

之車,行彼周道。

與狐在幽草乎?」●
非禽獸,何爲行彼周道之上,常在外野,名也。」○孔氏曰:「狐本是草中之獸,人名也。」八氏曰:「狐本是草中之獸,人車,庶人乘役車」,此「有棧」是車之狀,非士所乘之棧車,役車也。」孔氏曰:《巾車》有「士乘棧丘氏曰:「芃,毛尾長貌。」○毛氏曰:

《何草不黄》四章,章四句。

《都人士》之什十篇,四十三章,二百句。

吕氏家塾讀詩記卷第二十四

「草」下、《毛詩正義》有「同」字。

0

吕氏家塾讀詩記卷第二十五

正 説已見「正小雅」。 大

文 王之什

《文王》,文王受命作周也。歐陽氏曰:「周自上 固 命作周,不言受命稱王也。」〇游氏曰:「君臣之分,由天 而興周者,自文王始也。其義如此而已,故《序》但言受 世以來,積功累仁,至於文王,威德並著,周國自此盛大。 芮質成爲文王受命之始故也。 地尊卑,紂在上而文王稱王,是二天子也。服事商之道, 至武王因之,遂伐紂滅商而有天下。然以盛德爲天所相 [如是耶? 《書》所謂『九年,大統未集』者,後世以虞 觀武王於《泰誓》三篇,稱

> 丽 知矣。孰謂至德如文王,一言一動,順帝之則,乃盗虚名 文王爲文考,至《武成》而柴望,然後稱文考爲文王,則 拂天理乎?」

可

知文王之德性。文王之德業固美,更得 之天下,正猶曹丕語禪讓之事,曰:『舜、 張氏曰:「文王之於天下,都無所與,惟 者於此而盡心焉,則凡其德性之藴,皆可見矣。」 詩人能道之。」朱氏曰:「文王之德業固美矣,詩 禹之事,吾知之矣。」觀《文王》一篇,便 正己而已。後世多疑文王行善以傾紂 人所以稱述之者,又極形容之妙,是以其辭尤粹。學

按《吕氏春秋》:「周公旦乃作詩,曰 命惟新。」以繩文王之德。」熟味此詩, 『文王在上,於昭于天。周雖舊邦,其

降,在帝左右。 文王在上,於音鳥。 命維新。 有周不顯,帝命不時。文王陟 昭于天。 周雖 舊邦,其

信非周公莫能作也。

毛氏曰:「於,歎辭。 昭,見也。 鄭氏

四 六五

顯乎? 曰 歐陽氏曰:「謂其俯仰之間,常如在帝左右。」○程氏 息。 之命, 豈不時 王在 顯、豈不時也,蓋古語聲急而然。」〇丘氏曰:「帝命不 顯 不 也。 也。二〇 若在上帝之左右,與之同運 及時而至乎? 周邦。」至文王而天命之,肇造區夏,則其 命維新矣。 天也,言文王與 著見 按后稷封邰,至太王始自豳來徙,❶至于岐山,是爲 周受封自后稷,則其爲邦舊矣。 ,是以爲帝命之時也。」朱氏曰:「猶言豈不 時,則所以甚言其時也。 「文王陟降,在帝左右。 於昭于天,歎 也。」不 上,而 蓋以文王德合乎天,一 朱氏 周 顯 雖 於昭于天,則有周之德,豈 及時而至也。」〇朱氏曰:「夫文 不顯,則所以甚言其顯也。 曰:「文 舊邦、二 顯 乎? 天同德也。]〇王氏 也 其 而其 德顯 王 不識不知,順帝之則,不 (德之昭明,上徹 不 時,時 在 命 命時, 上,尊 維 而無違也。」 陟 新 唯其道之 也。 , 則 間 董氏曰: 仰之 一 降, 不 曰: H 不 容 一帝 于 升

> 亹亹音尾。文王,令聞音問。不已。 也。詩於天人之際,多以陟降言之。 右,蓋聖人先天而天弗違,後天而奉天時 作聰明, 順 天理 也。」〇 蘇 氏 人日: 文 王 陟 ,與天如 降, 陳 在 錫 帝 哉 故 左

周,侯文王孫子。

文 王

孫子,本支百

世

凡周之士,不顯亦世。

賜 亹 也。」〇朱氏曰:「所謂亹亹文王,文王非 氏曰:「侯,維也。 有 有所勉也。蓋其純 曰:「陳,徧也。」 ○ 杜 毛氏曰:「亹亹,勉也。」○鄭氏 本 也。 也。 也。」〇李氏曰:「哉者,語辭也。」〇毛 《孟子》曰: 「惟文王亹亹,故其令聞亦不已,蓋有實者必有 者如是。 其德不 聞,聲聞也。 苟爲無本,七八月之間雨集, 「源泉混混,不捨晝夜。 已,則令問 氏《左傳》注 本,本宗也。支,支子 亦不已,而人見其亹 陳,敷也。」莆 亦不已。 盈科而後進 曰:「錫 曰 : 溝澮皆盈 田 「令, 李氏 鄭氏

0

[「]徙」,原作「從」,據四庫本、《墨海金壺》本改。

俗。《左氏》羊舌職、陳桓子、《國語》芮良 娓,勉也。』然則字當作娓。 《集注》作『娓娓文王』,按《説文》:『娓 曰:「《説文》無亹字,徐鉉以爲字當從女從尾,改之驚 氏曰:「非特文王之子孫也,凡周之士,亦皆世 氏曰:「凡周之士,亦皆世顯,則秉文之德故也。」〇李 不 德 而 諸侯,皆百世。」皆天命 則 其涸可立 而又及其臣子,使凡周之士,亦世 口 此所以爲徧賜也。] 〇 董氏曰:「亹 見矣。 以『不顯』二字歎之,以足其辭也。」王 顯乎,其亦世也」。 ,而與周 一百世爲諸侯,鄭氏曰:「其子孫適爲天子,庶爲 帝 天之所以錫文王,亦可謂至矣。]〇莆田鄭 敷 錫 而待。」又安能不已乎?」德盛 蓋其本宗 於 匹休焉。 周 維 。不顯亦世,猶曰『豈 也。 以文王孫子觀之,則 則 蓋言其傳世永久、 百世 不惟 |爲天子,支庶 宋氏《國語 如此 一亹文王, 如是,: 一而已, (氏曰: 世 世 補音 一而顯 佰 故

世之不顯,厥 夫,引《詩》作『陳 猶 翼翼。 錫 載 周』。」 思皇多士,生此 王.

> 國。 反。 多士,文王以寧。 王國克生,維周之楨。 音貞。 濟 濟子禮

生此 國,又待多士濟濟以爲安寧焉。 衆多之士,則可以爲國之幹,而文王亦 之楨也。」〇朱氏曰:「文王之國,能 恃以立也。 可知矣。」○顔氏《漢書》注曰:「美哉多士, 則以厥猶翼翼也。濟濟多士,秉文之德,則厥猶翼翼 爲君謀事、忠敬翼翼然。」王氏曰:「世之顯 士,本由 王以寧,蓋信乎其以寧也。」〇長樂劉氏曰: 賴以爲安矣。」《前漢書》王褒曰:「濟濟多士,文 貌。○鄭氏曰:「周之臣既 恭敬也。思,辭 鄭氏曰:「猶,謀也。」〇毛氏曰:「翼翼, 濟濟,多威儀也。」顏氏《漢書》注曰:「濟濟,盛 曰:「皇,美也。」○毛氏 養,樂於植材,反以自庇。」 周王之國也。」○王氏曰:「槙,國所 文王 教 周獲天人之助矣,故能 化 陶 範 也。」〇 而 後 生 也。 猶 顔 曰:「楨,幹也。 人勤於菑田 (氏《漢 世 丽 文王之天下邦 世光明 (書)注 「濟濟多 生此 生 ´; 其 周

古雅 穆 麗力計反。 侯。」〇孔氏曰:「此作在成王之時 孫,數甚衆多, 光也。」《爾雅》曰:「緝熙,光也。」〇朱氏 穆,深遠之意。」〇孔氏曰:「於,嘆美之辭。」 穆文王,於緝七人反。 曰:「周服,周之九服也。」〇朱氏 其數至多,不徒止於一億而已。」○鄭氏 毛氏曰:「麗,數也。」〇孔氏曰:「不億, 大命集焉。 王氏曰:「穆穆,敬 穆穆然文王之德不已,其敬如此,是 止,爲語辭。」○蘇氏曰:「假,大也。」○ 反。 〕王氏曰:「緝,續也。」○蘇氏曰 續光明,亦不已之意。]〇孔氏 、歸周本而美之爾。」○《孟子》曰 哉天命,有商 歐陽氏 不億。 以有商孫子觀之,則 上帝既命,侯于周服。 曰:「大哉天命,商 而上帝乃命之爲 也 孫 熙許其反。 子。 ,美也。」朱氏曰: 商之孫 敬止。 ',從後 子 周諸 之 可 「 熙, 日 티 : 以 其 假 穆

反將

王之蓋臣,無念爾

祖

于京。

厥作裸將,常服

黼

音甫

冔。

侯服于周,天命靡常。殷士膚敏,祼^{古亂反。}爲衆也。夫國君好仁,天下無敵。」」殷士膚敏,祼將于京。』孔子曰:『仁不可既命,侯于周服。侯服于周,天命靡常。既命,侯于周服。侯服于周,天命靡常。

數不同 亞裸,則裸將主人之事。而殷士來周助祭行 也。 以《小宰》「贊裸將」觀之,則裸將之事,有臣助之矣。」 爵行之也。 宰》云:「凡祭祀,贊裸將之事。」以將爲送,言裸 曰:「黼,白 之臣屬也。」膚,美也。 「裸,謂 毛氏曰:「殷士、殷 (黑謂 朱氏曰:「京,周之京師 黼自衣服之所有也。 周 之黼。」周冕無繢繡之飾,則殷 以 ,皆以黼爲裳也。」○孔氏曰: 人尚臭。 主瓚酌鬱鬯,始獻尸也。]〇孔 宗廟之祭,以裸爲主。 .與黑也。董氏曰:「黼繡於裳,雖 將,行也。」《周 祭服不止於黼,舉一章以表 侯也。 敏,疾也。 於禮 朱氏 「《繢人》云: 也。」〇毛氏 **冔亦不以** 王正正 曰 氏 禮 灌鬯者 疏 裸 商 《小 時 孫 日 送 后

也。 曰 : 以 爲 謂 商 服 袓 賓于王家。 其服矣。 曰 : 念爾祖文王之德乎?』蓋以戒王而不 念,猶豈得無念也,猶不顯之義。] ○ 孔氏曰 冕。] 〇鄭氏 深離常也 Ľ,使有· 士而 向 助 于 ,文王也。」○王氏曰:「商之孫子,侯 「蓋,進也。 上 於是呼王之蓋臣 「先代之後,統承先王,脩其禮物,作 《周祭也。」○董氏曰:「常服,則不 周,則以 ,猶所謂敢告僕夫云爾。」○《前漢》 裸將于京」,喟然嘆曰:『大哉天 膚美 疏曰:「孔子論《詩 九有之師矣。 不變其服,存商制也。」〇朱 殷 時王不敢變,而 敏 唯其靡常,故商之子孫,其 曰:「王,斥成王。」〇 冠 天命 疾者,乃反裸 也。 無念,念也。」朱氏曰: 靡常故也。天常命 夏 而告之曰: 今 侯 后 氏 》,至於『殷士 亦所以爲 曰 服 將于周 收 于 : 『得)周,所]: 「汝 毛 周 無 氏 氏 敢 戒 曰

帝

自

常。」蓋傷微子之事周,而 命,善不 忠蓋 蓋者,忠愛之篤,進退無己也,故謂之 可 不 · 傳 于 子 孫,是 痛 殷之亡也。」 以 富 貴 無

無念爾祖,聿于必反。 求 求禍, 哉?』」王氏曰:「足乎己無待於外之謂德。 氏曰:「駿,大也。」〇《釋文》曰:「不易, 永,長也。」〇鄭氏曰: 毛氏曰:「聿,述也。 喪 多福,則 脩德,則可以長配 王欲念爾祖,則在乎聿 言其難也。」○李氏 孟子》曰:『禍福無不自己求之者,商自 多福 師 宜鑒于殷,駿音峻。 ,帝乙已上也。」孔氏曰: 非有待於外也。」〇 周 自 殷之未喪 求 福, 天命 脩厥德。 日 天 朱氏曰:「聿,發語辭也。」 息浪反。 命不易。 :「無念爾祖,言成 毛 「師,衆也。」〇毛 何 一,而 脩厥德而已。 氏 容 福 曰:「殷之未 「殷自紂父帝乙 心 師,克配 永言配 禄 以豉反。 h 白來: 於 以德求 其 命,

衆則得國,失衆則失國。] 克配上帝。 命艱難,不可 帝矣。今其子孫乃如 以 自省焉,則知天命之難保矣。」王氏曰:「天 ○《大學》曰:「《詩》云:『殷之未喪師, 前 朱氏曰:「殷未失天下之時,蓋常配 間 雖 行 保恃 宜 監 有善惡,不 如 于殷,峻命不易。』道得 此,則後王 喪 衆 此,宜以 心,故 宜以 能 殷爲 爲 配 天以 監 也。」 王 而 \perp

有虞殷自天。 文王,萬邦作孚。 命之不易,無遏於葛反。 臨 王 者代天理物,操典禮命討之柄,以 天下,故曰「配命」,又曰 上天之載,無聲無臭。 爾躬。 宣昭 「配上帝」。 義問 儀刑

孔氏 曰:「儀,象也。」○毛氏 「義,善也。」〇鄭氏 毛氏曰:「遏,止也。」朱氏曰:「遏,絶也。」〇 `,信也。」○歐陽氏曰:「知天命之不 曰:「虞,度 曰:「宣昭,布明 也。 曰:「有,又也。」〇 載, 也。」〇毛 事也。」〇朱氏 曰:「刑,法也。 氏 日 毛

> 以 昭 曰 天,文王之所以爲文,則夫與天同德者, 爲文也,純亦不已。』夫知天之所以 易, 可得而言矣。是詩首言『文王在上,於 不顯。文王之德之純,蓋曰 於穆不已,蓋曰天之所以爲天也,於平 聲臭可象,正惟儀刑文王,當冥契天德,而萬邦信悦。 矣,此萬邦所以作孚。」張氏曰:「上天之載,無 天無聲臭可求,苟儀刑文王,則天德全 曰:「自絶于天。」」〇朱氏 丽 命之不易保,故告之,使無自絶其身。 ○朱氏曰:「《子思子》曰:『惟天之命 : 『儀刑文王,萬國 此,其旨深矣。」○《緇衣》:)吕氏曰:「凡欲配天命者,當法天。然 于天。文王 度殷之所以廢興,由於天命者如 無使 天命至 陟降,在帝左右,而終之 爾 躬 作 丽 曰:「當 止 文王之所以 朱氏 武王數紂之惡 布 明 ⊟: 善問 此。 「言天 爲

,所謂闢 四 門,明四目, 叮

昭義

問

蓋天命之大,非小知偏學所

與

怠,瞭然可識,愈敬懼而不敢怠矣。 也。又虞度商之興亡自天者,其敬其

《文王》七章,章八句。

王也。《大明》,文王有明德,故天復共又反。命武

使不挾子變反。四方。反。斯,不易以或反。維王。天位殷適,音的。明明在下,赫赫呼伯反。在上。天難忱市林

之正適也。」〇朱氏曰:「挾,謂挾 毛氏曰:「忱,信也。」○李氏曰:「易,乃 赫赫之命矣。王氏曰:「明明在下,王德之明也。 之、言在下者有明明之德、則在上者有 難易之易。」○毛氏曰:「紂居天位 也。」〇王氏曰:「今紂所居之尊,則天位 此天之所以難忱,而爲君之所 赫赫在上,天命之赫也。」達于上下,去就無常, 所傳之正 ,則殷適 也。 使不挾 以 不易 而 而 殷 有

方,其不可保恃如此。」

周也。栽者培之,傾者覆之,因其材眷顧周家,有加無已者,非天私我有天位殷適,使不挾四方,則下章所陳,

而篤焉耳。

行。大音泰。任有身,生此文王。周,曰嬪毗申反。于京。乃及王季,維德之摯音至。仲氏任,音壬。自彼殷商。來嫁于

朱氏曰:「京,周京也。」○鄭氏曰:「及, 生而言嬪者、《書》曰「嬪于虞」,亦是生稱之也。」○ 婦也。」孔氏曰:「《曲禮》曰:「生曰妻,死曰嬪。」此婦也。」八氏曰:「殷商,殷商之諸侯也。自周 年氏曰:「摯,國。任,姓。仲,中女也。」

鄭氏曰:「摯國中女曰大任,從殷商嫁爲言故也。」身,重也。」鄭氏曰:「重,謂懷孕也。」〇曰:「擊仲氏任,繫其夫而言故也。曰大任,繫其子而曰:「擊仲氏任,繫其夫而言故也。曰大任,繫其子而

與也。」○毛氏曰:「大任,仲任也。 王氏

合,在治户夾反。

之陽,在

渭

于貴反。

音

以大其慶、故克生武王焉。」 天錫大任以配其德,故克生文王焉。 承,物理自然,形影相附,不可以無實而取之也。 猶曰『釐降二女于嬀汭,嬪于虞』也。」() 而已然矣。]長樂劉氏曰: 志意也。」朱氏曰:「嬪于京,疊言以釋上句之意, 「言文王之賢,其所從來者遠,自其父母 婦 於周之京, 配 王 季 丽 「乾健而不息,坤順以相 與 (之共 文王天作之合. 蘇氏 行 德 王季 日

福。 維 此 文王,小心翼翼。昭事上帝,聿 厥德不回,以受方國。 懷 多

《左傳》晏子曰:「《詩》曰:「厥德不回,以受方國。 故 來附者。」〇李氏曰:「文王小心恭慎,明 無違德,方國將至。」」〇鄭氏曰:「方國,四 杜 鄭氏 事上帝,遂能 能 氏《左傳》注曰: 「懷,來也。」〇毛氏曰:「回,違也。」 朝諸侯 曰:「翼翼,恭順貌。昭,明也。」 一受此四 懷來 " 「 聿 , 惟 百 福 。 方來歸之國 蓋其德不 也。」〇 也 蘇 口 方 氏 君

天監

在

下,有命既集。文王初載,天作之

「合,配也。 洽,水也。」《地理志》「左馮 也。」〇朱氏曰:「載,年也。」〇毛氏曰 鄭氏曰:「監,視也。」〇毛氏曰:「集, 文王嘉止,大邦有子。

曰 文王之初載,則天爲作合。□○鄭氏 默定其配。」王氏曰:「商失其道,民既散矣。 風》。 生甫及申。1詩人述其所居,是美其氣勢。1○王氏 曰:「名山大川,皆有靈氣。《嵩高》曰:「維嶽降神 曰:「嘉,昏禮也。天之監照實在於下, 梁傳》曰:「水北爲陽。」○渭,解見《谷 文王生,則爲之生配於氣勢之處。」 孔氏 在下,有命既集,則唯文王爲能一天下,朝諸侯,故 其命既集於周矣,故於文王之初年,而 合,即《大雅·大明》之詩所謂在洽之陽。!」 〇《 **穀** 陽」,注:「應劭曰:『在郃水之陽也。」顏師古曰:『音)朱氏曰:「洽陽渭涘,當文王將昏之 「洽之陽,渭之涘, ○毛氏曰:「涘,涯 則莘國所 也。」〇 曰:「天於 在 朱氏 也。」 天監 翊 就 於 郃

爲矣。」期,而大邦有子,蓋曰非人之所能

其光。 親迎魚敬反。于渭。造七報反。舟爲梁,不顯大邦有子,俔牽遍反。天之妹。文定厥祥,

也。 其 殷時未有等制。」〇王氏曰:「譬天之妹,言 曰:「造舟,浮梁也。」○鄭氏曰:「天子造舟,周制也。 以文王所用,故制爲天子法耳。」《方言》 橋,故杜預云『造舟爲梁』,則河橋之謂 造舟者,比船於水,加版於上,即今之浮 舟。』孫炎云:『造舟,比舟爲梁也。』然則 幣也。」○孔氏 也。」蓋如今俗語譬諭物,云磬作然也。」〇朱氏 詩》文作磬,則俔、磬義同 「卜而得吉,則以禮定其吉祥,謂使之納 曰:「文,禮也。 毛氏曰:「俔,磬也。」孔氏曰:「此俔字、韓 生 德 文王敬重昏事 可 以 繼天也。● 上天之載, 曰:「《爾雅》云:『天子造 祥,吉也。」○鄭 ,始作而 也。《説文》云:『俔,譬 用之。 氏 後世 無 曰

> 無臭。 更爲梁者,欲其昭著示後世,敬昏禮也。」 舟,然後可以顯其光輝。」鄭氏曰:「迎大姒 氏 子,未爲君也。况周國自在渭旁,不是出疆。] 〇毛 儒以親迎于渭,謂天子須親迎。文王親迎時,乃爲公 既定矣,則文王親迎于渭也。」程氏曰:「先 配,故備 可以繼天,孰 曰:「言賢聖之配,王基始於是。 儀 其 刑 禮 文 文 能 王,萬邦作孚。 爲之配? 大姒 往請昏焉,以定其 然則 能 爲之 非德 祥。 面

「篤,厚也。右,助也。燮,和也。」○丘中。」○朱氏曰:「荷,嫁也。」○毛氏曰:生。保右音祐。命爾,燮伐大商。王。保右音祐。命爾,燮伐大商。王。保右音祐。命爾,燮伐大商。王。保右音祐。命爾,燮伐大商。

「生」,四庫本、《墨海金壺》本無此字。

0

氏

日

:「將言篤生武王之事,故又本

前

之也 爲商大矣。 助之命之,而使之順天命,陳氏曰:『書》言 於華國。」天又篤厚之,使生武王。 曰:「言大商,則乃所以大文武之德,以 王君天下於周京之地,故亦爲作合,使繼大任之女事 京矣,而克纘大任之女事者,惟此 「燮友柔克」,有和順之意。」以伐商也。」○王氏 「言天既生此文王矣,又生武王,夫是之謂篤。」保之 其長女來嫁於我也。鄭氏曰:「天爲將命文 -。] 〇朱氏 非德大,則不能變伐也。」 曰 : 天既 命文 王於周 王氏曰: 幸 國 之

予侯興。 殷商之旅,其會如林。矢于牧音目。 上帝臨女,無貳爾心。 野,維

> 衆,其 世以 旝如林」。」 石其上,發以機,以追敵也。《詩》曰『其 貳心。」○《説文》曰:「旝,●建大木,置 日 以力也。」 野。」〇王氏 伐 「以其衆寡之力,尊卑之位,宜 會聚 紂 ,不應復言侯興也。
」〇王 ○陳氏曰:「文王爲王,武 之 日 時 「明文、武之興 如 林 木之 盛 列 於 王 氏 牧

寡 紂以天子之威,如林之衆來戰 形容武王奉天討之心也。 計之私,豈得而容哉? 女,無貳爾心」,蓋設爲勉之之辭,以 方一心以奉天討,若上帝實臨之,較 方自眇然諸侯而起, 苟較强弱 ,其心必疑貳矣。 然當是 日「上帝臨 一時 而計 、 武 武 衆 Ŧ. 王

牧 野 洋 洋,音羊。 檀徒丹反。 車 煌 煌。 音

視也。

女,謂武王也。]○長樂劉氏

티:

貳,謂疑貳也。]○孔氏曰:「殷商之兵

在朝歌南七十里。一鄭氏曰:「侯,諸侯也。」

「牧野,紂南郊地名。」《釋文》曰:

「牧野,

氏

○毛氏曰:「興,起也。」○鄭氏

日

毛氏曰:「旅,衆也。矢,陳也。」○孔

0 刻《説文解字》改。 旝」,原作「禬」 據四庫本、《墨海金 下「旝」字同此。 一》本 及 陳昌 治

彼武王。肆伐大商,會朝清明。駟騵音元。彭彭,維師尚父。時維鷹揚,涼

《春秋傳》曰:『使勇而無剛者肆之。』 〇 莆田 父也。」毛氏曰:「師,大也。」○鄭氏曰:「尚父,吕 佐武王爲之上將。] 〇孔氏曰:「王肅 也。」朱氏曰:「肆,遂也。」〇蘇氏 揚也。涼,佐也。」○鄭氏曰:「肆,故今 望也,尊稱焉。」○毛氏曰:「鷹揚,如鷹之飛 氏曰:「師尚父、太公望爲太師 常法。□○孔氏曰:「彭彭,强盛也。」○朱 也。」《檀弓》亦言『戎事乘騵」,因武王所乘,遂爲一代 馬白腹曰縣。」孔氏曰:「郭璞云:「駵,赤色黑鬣 木之兵車。」〇毛氏曰:「煌煌 曰:「會朝者,會戰之朝。」〇 ○董氏曰:「水之緩流爲洋洋。」○ 孔氏 曰:「檀 戰地寬廣,兵車鮮明,馬又强盛,尚 『以甲子昧爽,與紂戰,不崇朝 曰:「洋洋,廣也。」朱氏曰:「廣大之貌。」 , 明)鄭氏 一而號 「肆,縱也 也。 鄭氏 而 曰: 尚 殺 父

彼武王。」」注云:「亮,助也。」漢・王莽傳》:「《詩》云:『時惟鷹揚,亮紂,天下乃大清明,無復濁亂。』」〇《前

八句。《大明》八章,四章章六句,四章章

毛氏曰:「緜緜,不絶貌。瓜,紹也。瓞,陶音桃。復音福。陶穴,未有家室。阻七余反。漆,音七。古公亶都但反。父。音甫。繇緜瓜古花反。瓞,田節反。民之初生。自土《緜彌延反》,文王之興,本由大王也。

于洛。漆水,出扶風杜陽縣俞山東,北入于渭。」○《漢巴、「沮水,出北地直路縣,東過馮翊祋祤縣北,東入民,周民也。」○朱氏曰:「自,從也。土,民,周民也。」○朱氏曰:「自,從也。土,民,周民也。」○朱氏曰:「自,從也。土,此也。言周人始生在此沮、漆之地也。」、此也。言周人始生在此沮、漆之地也。土,也。言周人始生在此沮、漆之地也。上,是,周民也。八路、上,不绝貌。瓜,紹也。瓞,老氏曰:「縣縣,不絕貌。瓜,紹也。瓞,毛氏曰:「縣縣,不絕貌。瓜,紹也。瓞,

孔氏 棄於邰,號曰后禝。《周語》曰:「夏之衰,棄稷不務 沮、漆之地,歷世亦縣縣然。 孔氏曰:「舜封 之胄也。中嘗衰小,後至於大王、文王 之家」,李巡曰:「謂門以内也。」郭璞曰:「今人稱家, 先公也。」 亶父,字。或殷質,以名言也。」 孔氏曰: 而不絶也。]○鄭氏曰:「公劉遷于豳 更大,故以瓜瓞况之。縣縣,則 矣,嗣歲之瓞則小,末則復大。 義出於此。二〇王氏曰:「先歲之瓜嘗 内曰家。」孔氏曰:「《釋宫》云「宫謂之室。 其内謂 也。」蓋以 沮 沮在豳地,但二水東流,亦過周地,故下傳云: 『周原 書 ○許氏《淮南子》注曰:「復,重窟 ○孔氏曰:「陶,《説文》云:『陶,瓦器 漆之間。<a>二古公,豳公也。古,言久也 日:「穴,土室也。」○毛氏曰:「室 理 志》「右扶風 「言其年世久古。 陶 「有豳鄉、(詩》豳國。」〇孔氏曰:「漆 去其土而爲之,故謂之陶。」 縣」, 後世稱前世曰古公,猶云 注 漆水在: 周,帝 言雖 也。」〇 其 (縣西。) 竈

古公亶父,來朝直遥反。 五反。至于岐下,爰及姜女,聿來胥宇。 側也。」〇鄭氏曰:「爰,於也。及,與也。」 陽」,注:「水南入渭。顔師 興焉。」〇《前漢・地理志》「右扶 公劉往居焉。至大王而 篇,説公劉適豳,其言甚詳。 也。滸,水涯也。」鄭氏曰:「循西水厓,沮、漆水 蘇氏曰:「朝,早也。」〇毛氏曰:「率,循 而居,故詩人舉而言耳。」及遷於岐周,而 也。豈穴居乎? 但豳近西戎,處在山谷,其俗多復穴 我先王不窋用失其官, 劉避狄,而來居杜與沮、漆之地。」 家之盛。孔氏曰:「《七月》云「人此室處」,即 而生王業,故本周之興,云于沮、漆也。」 ○《説文》引《詩》曰:「陶寝陶穴。」 云「自土沮漆」、《齊詩》作「自杜」,言公 ○蘇氏曰:「大王其始猶處於復穴,無室 毛氏曰:「姜女,大姜也。」〇莆田 而自竄于 走馬。率西水滸 蓋不窋已嘗失官逃竄,至 德益盛,得其民 戎狄之間。

《公劉 古曰:《詩》 風杜 幽事

厓漆、沮之側東行,而至於岐山之下。」 其 也。○○董氏曰:「顧野王作『來朝趣馬』。」 者,著大姜之賢知也。」王氏曰:「遂來相字 宇,居也。」〇孔氏曰:「古公避狄之難, 曰 ○鄭氏曰:「於是與其妃大姜來相 來以早朝之時,疾走其 :「聿,遂也。」〇毛氏 容之氣象哉? 疾, 苟如是之迫遽, 則豈杖策去邠 來朝走馬,形容其初遷之時,略 精神風采也。 鄭氏 三 三 : 以 馬,循西方水 爲 「胥, 避 惡 相 地 可 早 也。 Ħ. 居 雍 相

《釋草》又云:「芨,堇草。」郭璞曰:「即烏頭

也。

江東

室于兹。始爰謀,爰契苦計反。我龜。曰止曰時,築問原膴膴,音武。堇音謹。荼如飴。音移。爰

也 毛 曰 ,今三輔之言猶然。1 藋,徒弔反。」○孔氏曰:「《内 氏曰:「周原、沮、漆之間 「廣平曰原。」〇毛氏 堇,菜也。 「堇苴粉 榆。一 《釋文》曰:「《廣雅》云:『堇,藋 則堇 是 美 曰:「膴膴,美 菜,非苦荼之類 也。」〇鄭 氏

> 之南。 焞即契也,用以灼龜者也。」《士喪禮》注云:「楚,荆 事」,注云:「《士喪禮》曰:「楚焞置于燋,在龜東。」楚 計反。」○孔氏曰:「《春官・菙氏》『掌共燋契,以待ト 之篇曰: 『爰契我龜」,言刻開之灼而卜之。 挈,音 是契 是始 陽,故知周之原地,在岐山之南也。」膴膴然肥 爲開也。」〇鄭氏曰:「周之原地,在 執之以灼龜。『契,開』者,言契龜而開出其兆,非訓 也。」然則卜者,以楚焞之木,燒之於燋炬之火,既然 氏曰:「以甚言周原之美。」此地將 其所生菜,雖有性苦者,皆甘如 人呼爲堇。」然則堇者,其烏頭乎?」茶,苦菜 契,開也。」《前漢書》注云:「挈,刻也。 莆田 介灼其 與 孔氏曰:「《閟宫》云:「居岐之陽。」山南 鄭氏曰: 豳 龜 人之從己者謀,謀從,則 丽 ト之。二〇王氏 「飴,餳也。」〇毛氏 可居,故 曰:「爰始 飴 《詩 也。 又於 岐 日 也。 緜 Ш 於 Ŧ 口

0

[《]校勘記》謂作「荁枌」是。「苴粉」,《罨海金壺》本作「荁枌」,《毛詩正義》阮元

宜矣。 與堂,景山與京,降觀于桑。」則是其既有以 衛文公遷于楚丘,始曰:『升彼虚矣,以望楚矣。 建國,必相土地之宜。土地既善矣,然後稽之於卜筮。 其臣民以土功之時也。 止 命以土功之時,遂築室也。」李氏曰:「古之 之龜 ,則命其臣民止于兹也。 謀,謀之人 其後曰:『卜云其吉,終然允臧。』」 則又以 也 爲 吉, 爰契 與人 我 築室于兹,則 龜 謀契 曰時, 謀 之龜 相土 也 則 望楚 地之 也 既 命

迺宣迺畝。自西徂東,周爰執事。 迺題心止,迺左迺右。迺疆居良反。迺理,

度廣狹 氏 界。」蘇氏曰:「疆、畫 地利可宣。 水可理。」○蘇 樂劉氏曰:「謂畫其經界,則田可疆; 東西列之也。」〇鄭氏曰:「迺疆 毛氏曰:「慰,安也。」〇蘇氏曰: 曰 也。」長樂劉氏曰: 豳 **畎**導不失厥地之勢, 與周原,不能爲 氏 日: 一經界也。 宣, 「樹蓺不失厥土之宜 則田 道 理,分土宜也。」〇長 西東, 溝 原可 洫 正其溝洫,則 `敵。」 也。 據至 「左右 理其 鄭 則 經

> 田畝 莆田 盡 曰:「言築室耕田,無不勸樂也。」 云: 『乃左右開地 氏曰:「既築室于兹矣,乃勞來其臣 百里,豳又在岐山 自西,據至周之時從水滸 曰:「據公宫在中,民 慰之,乃安集其臣 今爲栒邑縣西南 從水滸言 周 出 ,徧也。」○毛氏曰:「爰,於也。」 「鄭氏曰:「乃疆理其經界,乃播 ,於是從西往 力也。」朱氏曰"「言靡事不爲也。」〇孔氏 也。 ,行正東,乃得周岐山,在長安西**北** 孔 西北四百里。二〇朱氏 氏 東 置邑,以 日 丽 民而止之。」〇 言 之人, 偏執 也。 居左右,故王 豳 在 周 居其民。」 鄭志》曰 原 西 事矣,言 北 孔 丽 種 民 〇王 日 豳 經 肅 氏 地 其 而 言

直。縮色六反。版以載,作廟翼翼。乃召司空,乃召司徒。俾立室家,其繩則

下 制之正 繩則方正而直矣。 鄭 氏 相 承 曰:「俾,使也。 而起。 也。 既 孔氏曰: 依此繩直之處,起而築之,以 Œ 則 「營度位處,以繩正之,其 以索 繩者,營其廣輪 縮 其 築 繩 方

之事,故召之,使立室家之位處。」孔 曰 : 以障土,用之相承載也。」〇王氏曰:「繩謂之縮,以 東其板,板滿築訖,則升下於上,以相承載。]〇李 作卑,曰:「本又作俾。」 先,廐庫爲次,居室爲後。]〇《釋文》俾 基址必正也。 類是也。」〇長樂劉氏曰:「其繩則直,揆其 曰:「位處者,即《匠人》所謂「左祖右社,面朝後市」之 居處,授民之耕種,此章始營公室焉。」 衡 曰:「《左傳》凡言興土功,則言板幹,蓋立木兩傍,所 也。」〇毛氏曰:「君子將營宫室,宗廟 ○鄭氏曰:「司空掌營國邑,司徒掌徒役 而繩縮故也。」翼翼,嚴顯也。」〇長樂劉氏 「二章言遷,三章、四章言先營民之 縮版以載,築其垣墉必 堅 氏 爲

毛氏曰:「捄,虆也。《釋文》曰:「劉熙云:「豪,

盛土籠也。」」〇《説文》曰:「捄,乘土於器也。」 氏曰:「五板爲堵。李氏曰:「《公羊傳》「五版 治也。」○張氏曰:「馮馮,削土聲。」○鄭 之聲,則其聲之衆也。」〇董氏曰:「登登,則 蘇氏曰:「薨薨,聲也。」董氏曰:「薨薨,如 之度,言運土以進也。」〇王氏曰:「度,傳土也。」〇 ○孔氏曰:「鄭以度猶投,語異意同。」○《釋文》曰 陾,衆也。 爲堵,五堵爲雉」,何休以爲堵四十丈。許慎《五經 其聲之應也。」○蘇氏曰:「削屢,重復削 義》:『《戴禮》及《韓詩》説,八尺爲版,五版爲堵,版廣 尺。」八尺曰尋,是一丈二尺。《鼓人》云:『以鼛鼓鼓 起也。」〇毛氏曰:「鼛,大鼓也。 「度、《韓詩》云:『填也。』」○張氏曰:「度,讀如法 捄,捄之者衆多陾陾然。 之意。二〇孔氏 役事。」○李氏曰:「凡此皆是形容築牆 一一尺。」孔氏曰:「《韗人》云:『爲臯鼓,長尋有四 一尺,積高五板爲一丈。」其説異同,姑兩存之。」 興 度,居也。」鄭氏曰:「度,猶投 日 「掘土實之於虆謂 既取得土,送 長一丈 陾 之 虫 度

曰:「言勸事樂功也。」 直。」〇王氏曰:「既作廟矣,於是營宫室, 人自勸功,鼛鼓之 百堵皆興,則營宫室也。 氏曰:「削屢馮馮者、謂牆成脱板,削其堅凸以 投之於版中,則築之登登。」○蘇氏 居之亟疾,其聲薨薨然。]○李氏曰: 至 既成而削之,其聲馮馮然堅也。」長樂劉 牆 上。 牆 上之人受取 節,反弗勝也。」毛氏 鼛鼓弗勝,則 而居 於版 就平 既 中。

應門將將。 迺立皐門, 未有制度,特作二門,其名如此。 臯、應者,則臯、應爲天子之門明矣。 記》云魯有庫門、《家語》云衞有庫門,皆無云諸 『正門謂之應門」,而無皋門、《爾雅》有闕也。」○朱氏 應,故以臯、應爲王門之名也。]〇董氏曰: 雉門,天子應門。」魯以諸侯而作庫、雉,則諸侯無 毛氏曰:「王之郭門曰 「《書》天子有應門、《春秋》、《書》魯有雉門、《禮 孔氏曰"「《明堂位》云"『庫門,天子皐門。 七羊反。 皐門有 迺立冢土, 戎醜攸行 伉。 苦浪反。 皐門,王之正門 及周有天下,遂尊以 意者大王之時 迺立應門, |《爾雅 侯 皐 曰

> 也。 制 社之名也。」 有事乎社而 也。」〇毛氏曰: 内事也。 冢土,大社 曰:「伉,壯也。」將 爲天子之門,而 `以爲天子之法。大社之名,唯施於天子。」 戎,大 醜,衆也。」〇王氏 自内 也。 諸侯不 後出,謂之宜。」孔氏曰:「宜,祭 以及外,故於卒言立冢 將, 孔氏曰:「大王立 「起大事,動大衆,必先 · 得 嚴正 立也。」伉 曰:「宗廟,官室 也。 冢,大 高 此社,後 取 也 \pm + 其 氏

厥問。 唯其喙許穢反。 道兑吐外反。 肆不殄田典反。 柞子洛反。 矣。 矣。 厥愠 混 棫 音昆。 音域。 ,紆問反。 拔 夷 脱 蒲貝反。 亦不隕 徒對反。 矣,行 韻謹反。

曰 : 承上起下之辭。」○蘇氏 怒也。」○毛氏曰:「隕,墜也。」○ 毛氏曰:「肆,故今也。」朱氏曰:「猶言遂也 「周秦 「小聘 郭璞云:『桵、小木也、叢生有 人謂柞爲櫟。」棫,白桵 問 柞,櫟 日 如誰 也。 「殄,絶也。 刺 陸 實 璣 如 也。」孔氏 《 疏 耳 鄭氏 ₩ ∐

喙而息也,奔趨者其狀如此。」○朱氏 奔而 其聘問之好。俟我之植木拔然生柯葉, 孔氏曰:「拔拔 全白,無赤心者爲白桵。1二説不同,未知孰是。1 () 行道兑然成蹊徑,疆理葺治,則昆夷疾 能殄絶昆 曰:「大王所愠,謂昆夷也。 昆,字之誤也。」○毛氏曰:「駾,突也。」 赤可食。」陸璣《疏》云:『王蒼説棫即 奔突竄伏,維其喙息而已,言德盛 曰:「兑,成蹊 《説文》曰:「鶃,馬疾行貌。」○吕氏曰:「喙,張 遠我 也。 矣。」〇朱氏 夷。」❷○陳氏曰:「亦不隕 也。」〇丘氏 然 生 柯 曰:「混 葉 曰:「混,當 也。」〇 言大王雖不 夷畏之而 毛 而混 墜

柞

也, ●其

材

民 軍 之蟄、未有不積而 隕 也,故 廢其聘問之禮。 國之容雖備,然大王猶未敢輕 服 不敢 殄絶 所 能施,不屈 蓋 愠 寒暑之節 之夷狄 而 能 龍 亦 用 伸 蛇 其

夷

自

王,義皆未安。《孟子》曰「文王事 此章或以爲專指大王,或以爲專指 頭鼠竄之不暇矣,是固消長之理也。 葱,輪蹄輻湊,則昆 業光大而不可掩,郊關之内,鬱鬱葱 謂厚矣,然猶有樂天之事焉。 栢斯兑。帝作邦作對,自大伯王季。」 矣》之詩曰:「帝省其山,柞棫斯拔,松 夷」,文王猶事 然則「柞棫拔矣,行道兑矣」,安可 「昆夷駾矣,維其喙矣」之事乎?《皇 也 重 以 王 季,三以文 昆夷,則大王安得 夷不待攘斥,自奉 Ŧ, 至於王 畜 之 可 文 車

0

0

記》謂作「三」是。 "言大王雖不能殄絶混夷之愠怒,亦不隕墜已之聲 「言大王」至「昆夷」,疑有脱文。 王」、《墨 蓋雖聖賢,不能必人之不怒己,但不廢其自脩之 海金壺》本作「三」、《毛詩 朱熹《詩集傳》云: 正 義》阮元《校

文王 業積 指 以 耳。 施 爲 文王之詩 屈 伸之理,始於大王 乎? 蓋 緫 叙 ,而終於 周 家 \pm

甫反。 予日 予曰 虞芮如鋭反。 質厥成,文王 有奔奏,如字。 有 疏 附 门,予日 予曰有禦魚品反。 有 先 蘇 薦反。 蹶俱衛反。 後 胡 侮。亡 厥 豆 生。 反

曰: 孔氏曰:「 附。」相道前後日 文王。」〇毛氏 走而歸趨之。」武 與《易》所 成,與《周官》所謂『書其刑殺之成』同。」 蘇 翊,平陸 ○毛氏曰:「蹶,動也。」○王氏曰:「生, 王氏曰:「質 氏 「虞、芮質 「率下親上曰疏附,孔氏曰:「率疏者令親 曰 : 喻天下以王德,宣揚王之聲譽,使天下皆奔 有 謂 間 虞在 『觀我生』同義。」〇毛氏 原 臣 厥 曰:「虞、芮之君,相 先後,喻德宣譽曰 焉,則虞、芮之所讓 陝之平陸,芮在同之馮 成、訟 厥 折 衝 成者,質其争訟 曰禦侮。」○張 獄者不之紂 1奔奏, 與 而 也。 也。

> 北。 之間。既克崇,然後涉渭作都於豐。 聞之而歸者四 謂曰:『我等小人,不可以履君子之庭。』 也。 服從之國亦衆。 孟子言『文王方百里起』。 王迹,至於文王,其始猶國於岐山之下,其地甚狹,故 乃相讓以其 大夫,大夫 女異路,班 境,則耕者讓 田 「文王之德 虞、芮質厥成,則東北既集矣。」○鄭氏 盍往質焉?』乃 而 不 讓 白 平。 所 然其政猶行於西南而已,未能及於東 所争田爲間 "畔,行者 不 爲 以 .十餘國。」蘇氏曰:「大王肇 提挈。 乃 卿。二國之君,感 至 相 其後既克密須,而國於岐 然者,由 謂 讓 相 入其朝,士讓 曰 路 與 田 而退。 朝 其地既廣,其所 有 西伯 周。 疏 其邑,男 **、附、先** 曰 : 而 人其 相 爲

後、奔奏、禦侮之臣力也。」

之也。 虞、芮質厥 曰有奔奏,予曰有禦侮」,言我無 然震動,深省 予日 成,則道 有 其 疏 所 附 自生者,懼 化 予日· 行 矣。 有 先後,予 文 王 以 以 致 致 蹶

「山木茂盛,萬民得而薪之。」以

喻文王

養

穆不已也。 此文王與人爲善也,至公無我也,於此,是皆諸臣之力爾。德盛而不居,

《緜》九章,章六句。

辟音壁。 芃芃薄紅反。 棫雨逼反樸音上》,文王能官人也。 屬叢生謂之枹。」《考工記》云「凡察車之道,欲其樸屬 者。」孔氏曰:「《釋木》云:「樸,枹也。」孫炎曰:「樸 毛氏曰:「興也。芃芃,木盛貌。 人言芃芃然棫樸茂盛,採之以備薪槱,毛 毛氏曰:「趣,趨也。」○歐陽氏曰:「詩 氏曰:「辟,君也。 者,亦謂根枝迫 而微至」,注云:『樸屬,猶附注,堅固貌也。』此言樸 桵也。」○鄭氏曰:「白桵,相樸屬而 槱,積也。」○濟濟,解見《文王》。 王,左右趣七喻反。●之。 棫樸,薪之槱音酉。之。 连相附著之貌。」○
毛氏 君王,謂文王也。」〇 棫, ○鄭 曰 生

> 肾年三、三元素素。毒素。毒素战为五数之盛也。」 次感也。」 一次,左右之臣趨而事之,以見君臣育賢材美茂,官之以充列位。而王威儀

反。髦音毛。士攸宜。濟濟辟王,左右奉璋。音章。奉璋峨峨,五歌

氏曰: 裸爲然。《祭統》云:『君執圭瓚裸尸,大宗伯執璋瓚 特性》曰:「灌以圭璋。」故知璋爲璋瓚,祭之用瓚,唯 氏曰:「《玉人》云大璋、中璋、邊璋、皆是璋瓚也。 祭祀之禮,王裸以圭璋,諸臣助之,亞裸以璋瓚。]〇孔 毛氏曰:「半圭曰 也。」〇歐陽氏曰:「言在宗廟,則奉璋助 助王裸,小宰又助之,是助行裸事,非獨一人。」〇毛 亞裸。」《小宰》云:『凡祭祀,贊祼將之事。』然則大宰 之,亦有趣向辟王之意。」〇鄭氏曰:「奉 祭,皆髦俊之士。」〇朱氏曰:「左右奉 『峨峨,祭也』,舍人曰:『峨峨,奉璋之貌。』』 髦,俊 峨峨,盛壯也。 璋。」鄭氏曰:「璋,璋 孔氏曰:「《釋訓》云 瓚 也

● 「反」,原脱,據四庫本、《墨海金壺》本與《經典釋文》

淠匹世反。 璋之儀峨峨然,故今俊士之所宜。」 周王于邁,六師及之。 彼涇音經。舟,❶烝之丞反。 徒楫音

接。

用。 之。」〇陳氏曰: 汲汲然而及之,不待戒命而至。」〇歐 氏曰:「涇在 雅》莫非天子之禮,詩人之作,或以後事言之。」〇王 兵,雖累萬之衆,皆稱師。 孔氏曰:「《瞻彼洛矣》云「以作六師」、《常武》曰「整我 曰 : 曰:「淠淠然涇水中之舟,衆徒 六師」,皆謂六軍爲六師。此六師亦六軍也。春秋之 氏 風》。 之橈,或謂櫂。』《釋名》云:『在傍撥水曰櫂。』」 〇 曰:「楫,櫂也。」《釋文》曰:「《方言》云:「楫謂 毛氏曰:「淠,舟行貌。」〇涇,解見《谷 曰:「王所官人,入宗廟,居軍旅 曰:「于,往 「六師,六軍也。」毛氏曰:「天子六軍。」〇 文武之材,各任其事也。」 ○鄭氏曰:「烝,衆也。」○ 周 也。 地 「周王有所行邁,則 ,興所見 邁,行也。] 〇朱氏 軍之言師,乃是常稱。《大 也。」〇 以 毛氏 鄭 楫 陽 師 氏 口 鄭

> 倬陟角反。 邁,六師及之」之速也。 淠彼涇舟,烝 彼雲漢,爲章于天。 徒楫之」, 以 周 興 王. 周 壽 \pm

遐不作人。

光采。」〇陳氏曰:「聖人久於其道,而 在上,爲天之文章,猶賢人在朝,爲國之 有雲漢以爲之耳。□○歐 氏曰:「天之蒼蒼,豈自有章哉? 董氏曰:「遐不作人,甚言其作也。」〇蘇 氏曰:「遐,遠也。」○孔氏曰:「作人,變 漢,即天河也。 天河,在箕、斗二星之間。 〇 董 氏 雅》曰:「箕、斗之間,漢津 毛氏曰:「倬,大也。 舊造新之辭。」朱氏曰:「謂變化鼓舞之也。」() 「文王是時九十餘矣,故云壽考。」〇毛 曰:「昭回于上,所以言章。」〇鄭氏曰: 也。」疏曰: 雲漢,天河 陽氏 曰 「劉炫謂是天 也。」《爾 「雲漢 則

⁰ 本篇下同 據《墨海 金壶》本及《毛詩正

下化成,此『周王壽考,遐不作人』之

謂也。」

我王,綱紀四方。 追對迴反。琢陟角反。其章,金玉其相。 勉勉

也。 得有傅哉?」丘氏曰:「有雕琢之文,金玉之質, 紀。」孔氏曰:「《説文》云:「綱,網紘 也。」○鄭氏曰:「罔罟張之爲綱,理之爲 也。」孔氏曰:「章是成文、則相是本質、故以相爲質 氏曰:「章,文章也。」〇毛氏 師》『掌追衡、笄』,則追亦治玉也。」玉 也。」綱者,網之大繩,舉綱能張網之目,故張之爲綱 毛氏曰:「追,雕也。 表裏如一,所以爲賢也。」○吕氏曰:「所以 琢使之就器 紀四方, 「文王作人,外則使有文,内則使)董氏曰:「玉不琢,不成器 紀者, 别 維持 理絲縷,故理之爲紀。] () 也。 丽 然非養成其質,則文其 不墜者,皆官人之效。 金曰 雕 曰 ,鄭氏曰: 曰:「相,質 ···, 作 也。 Ĕ 琢。」〇鄭 有 氏 紀,別絲 猶追 質。」 曰: □◎追

君子,干禄豈弟。

《棫樸》五章,章四句。雖文王無爲,猶勉勉於斯而不已也。

禄焉。孔氏曰:「言文王受其祖之業也。」后稷、公劉之業,大王、王季,申以百福干《旱户但反麓音鹿》,受祖也。周之先祖,世修

瞻彼旱麓,榛侧巾豆。楛音户。濟濟。豈弟害,然「干禄百福」之語則不辭矣。季,申以百福干禄」之説,於理雖無季,申以百福干禄」之説,於理雖無后師傳以爲文王之詩,故有「大王、王篇師傳以爲文王之詩,故有「大王、王

也。」〇《釋文》曰:「豈,樂也。弟,易也。」〇《釋文》曰:「豈,樂也。弟,衆多大屈以爲釵。」〇毛氏曰:「濟濟,衆多赤,莖似蓍。上黨人織以爲牛莒箱器,也。麓,山足也。」〇榛,解見《簡兮》。也。麓,山足也。」〇春氏曰:「旱,山名朱氏曰:「興也。」〇毛氏曰:「旱,山名

求福 矣,猶曰『其争也君子』云爾。」 之求歟?」朱氏曰:「豈弟君子,則其干禄也豈弟 氏曰:「周家世以樂易爲德,故其子孫之 先祖豈弟之道,所以興盛受福也。]〇 濟濟茂盛,興此周家之豈弟君子,承其 王 曰:「瞻彼旱山之榛楛草木,得麓之氣 也。」〇丘氏曰:「此篇凡言君子者,斥文 也。」〇毛氏 也,亦遵是樂易而已,其諸異 曰:「干,求也。」〇程氏 (乎人 陳

資用乏匮,君 亡,藪澤肆既,民力彫 義曰:「夫旱麓之榛楛殖 易樂干禄焉。 見王業之盛也。 棫斯拔,松栢斯兑。」皆以山林之茂, 矣。」《皇矣》之三章曰:「帝省其山,柞 緜》之八章曰:「柞棫拔矣,行道 樂之有焉?」然則所謂 若夫山林匱竭,林麓 子將險哀之 故《周語》言此章之 盡 ,故君子得以 一, 田 「榛楛 不 暇 疇 "; 而 荒 濟 蕪 何 散 兑

下也。」〇程氏曰:

「鎮密温潤之玉瓚,其

瑟所乙反。彼玉瓚,黄流在中。 氏説 興,則《 者,蓋當時 周 所 語》不能盡其 見之實 也。 、義,當 至 豈弟君子 於詩 如程 人 、發

福禄攸 孔氏曰:「《玉人》云:"裸圭尺有二寸,有瓚,以祀宗 鄭氏 之狀,以圭爲柄,黄金爲勺,青金於外,朱中央矣。]〇)毛氏曰: 降。 曰:「瑟,潔鮮貌。」程氏曰:「瑟,密 「玉瓚,圭瓚 也。」鄭氏日 圭

命作伯 叢子》曰: 之,使之芬香條鬯,故謂之秬鬯。 黍一秠二米者也。 瓚,其柄之圭長尺有二寸。其賜諸侯,蓋九寸以下。」 王季爲 有槃,口徑一尺。」則瓚如勺,爲槃以承之也。 廟。」《典瑞》注引《漢禮》:『瓚槃大五升,口徑八寸,下)鄭氏曰:「黄流,秬鬯也。孔氏曰: 酒在器流動,故謂之黄流。」殷王帝乙之時 於西,受圭瓚秬鬯之賜。二攸,所也 一西伯,以功德受此賜。孔氏曰:《孔 『吾聞諸子夏曰:殷王帝乙之時,王季以九 **柜鬯者,釀柜爲酒,以鬱金之草** 草名鬱金,則黄如金 天子之 「秬,黑 也。 和 瓚

蓋古文以瑟爲卹也。」」 矣。|〇董氏曰: 酌於瓦缶,則如盛德必享於禄壽,而福澤不降於淫 中所盛, 作『卹彼玉瓚』,賈公彦曰 降也。」朱氏曰: 必黄 流 「鄭衆於《周 「明寶器不薦於褻味,而 也。 豈弟 : 君 `禮》引《詩》, 二 子, 彼玉瓚 則 黄流 福 禄

鳶悦宣反。飛戾天,魚躍于淵。豈弟君子, 申上章干禄之義也。

清酒

遐不作人。

<u></u>所」也。 謝 氏 及至乎上,聳身直翅而已。1 然後知鳶飛更不用力,亦 謂『魚川詠而鳥雲飛,上下自然,各 也。」〇程氏曰:「作,興起之於善也。」〇 類。」孔氏曰:「《蒼頡解詁》以爲鳶即 朱氏曰:「興也。」○鄭氏曰:「鳶,鴟 《似之。」李氏曰:「《抱朴子》曰:『鳶飛在下無力, 氏 曰:「戾,至也。」○鄭氏 曰:「鳶飛戾天,魚躍于淵 然自得,而 詩人之意,言如 不知其所 以 此 然而 氣象,周家 曰 然。 鴟也。」○ 猶韓 週 王者之作 得 遠 作 其 愈

故也。」
○陳氏曰:「人才至周而盛,雖由周之子孫遠不作人,然其所由來者,亦先世之孫遠不作人,然其所由來者,亦先世之

『既載,騂息營反。 牡既備。 以享許丈反。自矣,此《序》所謂「受祖」也。 萬陶久且熟者,則不能然。 其來蓋有權人之盛,至於如鳶飛魚躍,非積累

《周豊》主曰:「鄭司農云:『青酉,祭』以祀,以介景福。

之酒。」玄謂 告日 孔氏曰:「或作者於後據周所尚而言之。」 〇 朱 氏 成。」○鄭氏曰:「既載,謂已在尊中 也。」〇毛氏 言年豐畜 ·方文王時,周固未有所尚,而騂牡蓋以色自别爾。」○ 周禮》注曰:「鄭)孔氏曰:「騂牡,赤牡之牲也。」董氏曰: 博碩肥 「備,全具也。」○鄭氏曰:「景,大 腯 碩 謂其畜之碩大蕃滋也。 也。」孔氏曰:「《左傳》云:『奉牲以 曰:「清 酒,今中山 司農云: 『清酒 酒 既 載,騂牡既 冬釀 酒 接 醴 祭 以 也 而 祀

報,後 先饗報,而子孫受福 曰 嘉栗旨 "「此章言子孫承受其業,致其 人載 謂 其三時不害,而民和年豐 酒 備性 , 以 享 祀 也 其先 也。」〇 君。 誠 孝之 程 祖 氏

神所勞力報反。矣。 豈弟君子,瑟彼柞棫,民所燎力召反。矣。 豈弟君子, 章言作人,後章以報祀繼之。 先祖遺子孫之業,莫大於人材,故前

勞來。」 燎。 之事 助。」〇孔氏曰:「上言祭以福,此言得 草,●養治之使無害也。」程氏曰:「今人種榆 亦焚之使茂。□○鄭氏曰:「勞,勞來,猶言佽 程氏曰:「瑟然,密茂之狀。」○鄭氏 ·柞棫之所以茂盛者,乃人熂燎除其旁 君子 柞棫所以 , 所以 得福者,正 得茂者,正以爲民 以爲 神 所 所 熂 福

反。豈弟君子,求福不回。 莫莫葛藟,力軌反。施以豉反。于條枚。芒回

盛, 其求福也無所回 日 文》 朱 曰 施 ൬ 已。 貌。 氏 「君子承其先祖之道 喻子孫依緣 曰:「枚,幹也,可 「不回,謂無邪回它道也。」〇 「葛也藟也, 曰 施者, 程氏 : 興 曰:「莫莫,柔蔓之狀。」○程氏 謂 也 依緣 延蔓於木之枝 邪,唯承 先人而起。」〇李氏 木之條 毛 爲杖。」●○ 氏 一, 以 其先祖之道 曰 幹。」○《説 求福禄, 本 莫 丽 鄭 程 茂 氏 氏

《旱麓》六章,章四句。

助 但 而然也。」 思齊側皆反》,文王所以聖也。 也。 天性,德有所 0 歐 陽 由 氏 .成。」〇孔氏曰:「言文王之聖,有 曰 「文王所以聖者,世有賢妃 鄭氏曰: 「言非 :所以 Ż

[「]杖」,原作「枚」,據陳昌治刻《説文解字》改。「熂」,原作「愾」,據《毛詩正義》改。下一「熂」同。

京室之婦。大姒嗣徽許韋反。音,則百思齊大任,文王之母。思媚美記反。周姜,

斯男。

姒每思慕任姜, 文王由大任而成德可知矣。]○歐陽氏曰:「大 婦道者,大任也。」〇李氏曰:「觀《列女傳》載胎教: 室之婦。」王氏曰:「爲人母,盡母道, 者爾,亦可以見其多也。」言此莊敬之大任,乃 男,舉成數而言其多也。又曰: 《春秋傳 文王之母,實能媚于周姜,而稱其爲周 昭也,并伯邑考、武王爲十八人。」然此特其見於書傳 曰:『管、蔡、郕、霍、魯、衞、毛、聃、畢、原、豐、郇,文之 王之妃也。 也。」○孔氏曰:「周、京,俱是地名。」○孔氏曰: 王之妃大姜也。」京室,王室也。」朱氏曰:「京,周 朱氏曰:「思,語辭。」〇毛氏曰:「齊,莊 「京師王室之婦。」○毛氏曰:「大姒,文 媚,愛也。 ,長樂劉氏曰: 徽,美也。」〇朱氏曰:「百 周姜,大姜也。朱氏曰:「大 而繼其美聲,有不妬忌 「婦人以不妬忌爲正心之本。 爲人婦,盡 則

> 而子孫衆多。」李氏曰:「古者親迎之禮,父南向,而子孫衆多。」李氏曰:「古者親迎之禮,父南向, 下以敬先妣之嗣,❶若則有常。」夫爲人婦而必事其先 本以敬先妣之嗣,❶若則有常。」夫爲人婦而必事其先 如之事,此古之賢女也。以大任而能愛大姜,以大姒 此之事,此古之賢女也。以大任而能愛大姜,以大姒 此之事,此古之賢女也。以大任而能愛大姜,以大姒 此之事,此古之賢女也。以大任而能愛大姜,以大姒 此之事,此古之賢女也。以大任而能愛大姜,以大姒 此之事,此古之賢女也。以大任而能愛大姜,以大姒 此之事,此古之賢女也。以大任而能愛大姜,以大姒

于寡妻,至于兄弟,以御牙嫁反。 惠于宗公,神罔時怨,神罔時 氏 是宗廟先公、書序》云『班宗彝』、《中 鄭氏曰:「惠,順也。」〇孔氏曰:「宗公, 曰:「宗,神也。」○張氏曰:「未追王,故稱公。」○鄭 庸》云『陳其宗器』,皆謂宗廟爲宗。」毛氏 曰"「刑'法也。 適妻唯一,故言寡也。」蘇氏曰:「寡妻,猶言寡小君 曰 : 「時,是也。 寡 妻,適妻也。 恫,痛也。」〇毛氏 恫。 于家邦。 音通。 孔氏曰: 刑

《儀禮注疏》改。 疏》改。「妣」,原作「姒」,據四庫本、《墨海金壺》本及「勗」,原作「隆」,據四庫本、《墨海金壺》本及《儀禮注

0

門,而至于兄弟,以御于家邦 曰:「『刑于寡妻,至 氏曰:「言接神人之得其道。」〇《孟子》 鬼神歆之無怨恫者,其儀法 妃,所以助之者深。 文王上有聖母 也。」 「王肅云:『以迎 」,言舉斯心加諸 御 迎 也 治天下國家。二〇朱氏 7,所以 鄭 氏 彼而 成之者遠。 故能順于先公, 于兄弟, 御,治 己。 也。」〇 也。」〇 内施 以 御 曰 内有 孔 于 氏 於 曰 家 張 閨 賢 而

無射音亦。亦保。 雝雝於容反。在宫,肅肅在廟。不顯亦臨,

守 朱氏 毛氏 也 日 曰:「不 無射,無厭 言文王平居在宫中, 雝 雝, 顈 "; 幽 也。 和 也。 隱之處 ○歐陽氏 肅 肅,敬 也。」〇毛氏 則離 日 也 雝 然而

> 如是。」 陽氏曰:「不以人所不見而怠,常端莊若有所臨。」雖 氏 無厭射, 和 曰 0 : 有 事在 雖居幽隱,亦常若有臨之者。 亦常有所守焉, 宗 廟 則 肅 肅 言其 然 而 純 敬。」○ 而 不 朱 己 歐

孚格,可謂 聖人,神人之主 孚格者,當於此章觀之。 得爲主之道矣。 也。 如 前 章 所 欲 求 載 所 神 聞 以 人

亦式,不諫亦入。 肆戎疾不殄,烈假古雅反。不瑕。音遐。不問

日 也。 也。 也。」〇毛氏曰:「假,大也。」〇陳氏 毛氏曰:「肆,故今也。戎,大也。 瑕,玷也。」○歐陽氏曰: 而 式,法也。」〇毛氏曰:「不 入於善。」朱氏曰: 事 亦人,言性與天合 殄,絶也。」○歐 雖未嘗聞,舉必中法,又不 「雖事之無所前聞 陽氏 也。」〇 「光大 曰 : 聞亦 歐 而 烈,光 疾,害 ·待 陽氏 日 無 者,而 瑕

後中道哉?」不思而得矣,豈待於有所聞、有所諫,而善。□○李氏曰:「其德性可謂不勉而中,亦無不合於法度。雖無諫諍之者,而亦未嘗不入於

殄,烈假不瑕J也。 聖,光大而不可毀缺,所謂「肆戎疾不 更、玁狁之難則其餘也。文王之德, 夷、玁狁之難則其餘也。文王之德,

譽髦斯士。 肆成人有德,小子有造。古之人無斁,音亦。

肅云:「周之成人皆有成德,小子皆有所造爲,進於善此,故士皆化之,成人則有德,小子則有無厭也。 譽,名譽也。」○《釋文》曰:無厭也。 譽,名譽也。」○《釋文》曰:無厭也。 譽,名譽也。」○《釋文》曰:無、故士皆化之,成人則有德,小子,童子朱氏曰:「冠以上爲成人。小子,童子朱氏曰:「周之成人皆有成德,小子皆有所造爲,進於善

曰:「《韓詩》作『古之人無擇」。」 内也。終言「譽髦斯士」,則化成乎天下矣。」〇董氏又之美也。」王氏曰:「初言大任、大姒,則化成乎又之美也。」王氏曰:「初言大任、大姒,則化成乎以之美也。」至氏曰:「人所以致是者,蓋由文也。」〇朱氏曰:「人所以致是者,蓋由文也。」〇朱氏曰:「人師以致是者,蓋由文也。」〇朱氏曰:「人師以致是者,蓋由文也。」〇朱氏曰:「人師以致是者,蓋由文也。」〇朱氏曰:「人所以致是者,蓋由文也。」〇

疑哉? 题,以爲古之人,復何辞,其心一也。典謨作於虞夏,其稱倦,其心一也。典謨作於虞夏,其稱倦,其心一也。典謨作於虞夏,其稱。故此詩以是經天地生生之大德也。故此詩以是聖人流澤萬世者,莫大於作人,所以

四句。鄭氏作四章章六句,今從毛氏。《思齊》五章,二章章六句,三章章

世脩德莫若文王。孔氏曰:「定本「皇」下無《皇矣》,美周也。天監代殷莫若周,周世

矣」字。

究九又反。 維與宅。 之,憎其式廓。苦霍反。 皇矣上帝,臨下 維此二國,其政不獲。 爰度。待洛反。 -有赫。 乃眷音卷。 監 上帝耆匡夷反。❶ 觀 維 四方、求民 彼 四國,爰 西顧,此 之

氏曰:「謂所歸就也。」○程氏曰:「此泛言天 傳日:「耆,致也。」」○毛氏曰:「式,用也。 度」,天惟求民所定,故君不善則絶之, 佑下民,作之君長,使得安定也。『維此 天乃赫然下視四方,求民之所歸矣。」鄭 廓,大也。宅,居也。」〇王氏曰:「大哉, 謀度也。」○莆田鄭氏曰:「耆,厎定也。」 四方也。」〇程氏曰:「究,尋究也。 程氏曰:「耆,致也。《頌》云:「耆定爾功。」毛氏《武 曰:「莫,定也。二國,殷、夏也。 明也。下章云『王赫斯怒』。」〇毛氏 毛氏曰:「皇,大也。」〇程氏曰:「赫,威 一國,其政不獲。 維彼四國,爰究爰 四 度, 國

土,以王天下也。」
出了,可與居天子位也。」程氏曰:「謂使其居西川大而爲虐者,乃眷然西顧,維此周雖鄭氏曰:「天察四方之國而底定之,憎其國,求謀有德之君,使王天下。」○莆田國,求謀有德之君,使王天下。」○莆田國,求謀有德之君,使王天下。」○莆田如彼夏、商二國,不得其政,則於四方之

天立厥配,受命既固。 概如羊反。● 之剔它歷反。之,其壓鳥簟反。其趣。 要如羊反。● 之剔它歷反。之,其壓鳥簟反。其之辟婢亦反。之,其檉敕貞反。其椐。羗居反。 反。脩之平之,其灌古亂反。其栵。音例。啓 反。解之平之,其灌古亂反。其栵。音例。啓

日菑也。」自斃爲翳。」孔氏曰:「生木自倒,枝葉覆菑,孔氏曰:「立死之木,妨他木生長,爲木之害,故也。」屏,除之也。」○毛氏曰:「木立死曰孔氏曰:「作,攻作之也。朱氏曰:「作,拔起

❶ 「匡」、《墨海金壺》本及《經典釋文》作「巨」。

^{)「}反」,原脱,據《墨海金壺》本、《經典釋文》補

氏 醫者也。○孔氏曰:「脩理之,平治之也。」 地爲陰翳,故曰翳也。」○朱氏曰:「或云小木蒙密 柳也。孔氏曰:「河柳,謂河傍赤莖小楊也。 程氏曰:「謂脩治其叢列,使疏密正直得其宜。」○毛 之辟之,謂芟除也。」〇毛氏曰"「檉,河 爲栭栗。」程氏曰:「行生曰栵。」」 ○程氏曰:「啓 之剔之、謂穿剔去其繁冗、使成長 歐陽氏曰:「此章乃本周作宅之始,岐周 氏 皆美材,可爲弓幹,又可蠶也。」串,習也。」〇程 『弓人取幹,柘爲上,檿桑次之。』.○朱氏曰:「檿與柘 云:『檿·桑柘屬,材中爲弓。』《冬官·考工記》云: 腫似扶老,今人以爲馬鞭及杖。□○程氏曰:「攘 郭璞云:「栭樹,似槲樕而庳小,子如細栗,今江東呼 〇毛氏曰:「檿,山桑也。 之民,樂就有德,皆共 孫炎云:「樻,腫節,可以作杖。」陸璣《疏》云:「節中 疏》云"「皮赤,枝葉似松。」」据,樻也。」孔氏曰: 日 曰:「夷,平也。 「灌,叢生也。 載路,猶滿路也。」 栵,栭也。」孔氏曰: 刊 ·除樹木而 孔氏曰: 「郭璞 也。」 陸璣

> 言民歸往也,其來者習其平易。]〇蘇氏 之君於岐周也。」〇吕氏曰 也。」〇朱氏曰:「帝遷明德 邑居。」陳氏 固而不易矣。」 言天命終歸之,必成王業 天,而立之使王,則其受命,堅固而 曰:「歸之者載路而不絶。」〇程氏 朱氏曰:「天以其德可配天,而立之於此,則其受命堅 也。歐陽氏曰:「謂立其德可配天者以爲君也。」〇 也。」〇《釋文》曰:「翳、《韓詩》作殪 「天立厥配,受命既固,言天以其 云: 『因也。』因高填下也。」 E. 「此言成 周 作邑之始,太王 ,謂遷此 「串夷載路 (德之配 7明德 曰 不易 一之初

命之矣。歸往之者載路而不絶。民歸之,則天以來,世以平夷爲治,民串習其平夷,《周頌》曰:「岐有夷之行。」周自太王

斯兑。徒外反。帝作邦作對,自大音泰。伯王帝省昔井反。其山,柞棫斯拔,蒲貝反。松栢

篤其 季。 君也。 在忽、遂之間。」○程氏 大之奄。]是荒、奄俱爲大義。]〇程氏曰:「奄字之義 錫,予也。」〇毛氏曰:「喪,亡也。 奄,大 也。」孔氏曰:「《釋言》云:「荒,奄也。」孫炎云:「荒 曰:「篤,厚也。」○程氏曰:「載,辭也。 王季,周道大興。』|〇毛氏曰:「善兄弟 去而適吴。太王没而不返,而後國傳 季之生文王,知其天命之必 配 謂。」毛氏曰:「兑,易直也。」〇毛氏曰:「對 歐陽氏曰:「省,視也。」〇王氏曰:「拔 天作邦,謂 周家之治,以山爲興也。」○鄭氏 ノ慶。 友。」○朱氏曰:「兄,謂太伯。」○鄭氏 .也。」○孔氏曰:「王肅云:『太伯見王 維 此 丘氏曰:「天以聖君爲己配。 其修幹之謂。 兑者, 悦澤外見之 載錫之光,受禄無喪,奄有四方。 王 季,因 興周 國 心則友。 曰 也。 「帝省其山、言天 作配,謂爲 則 在王 友 作對 其兄 ,謂文王 一季,故 於 則

反。 德音,其德克明。克明克類,克長克君。 王此大邦,克順克比。《釋文》必里反,當作 維此王季,帝度待洛反。 施以豉反。于孫子。 失。至于文、武,而奄有四方也。」 鄭氏、孔氏説。其德如是,故能受天禄而 光,猶曰彰其知人之明,不爲徒讓耳。 其心之自然。既受太伯之讓,則益修 避季,則 也。」〇朱氏曰:「王季所以友其兄者,因 天性,因心則然,非學而 程氏曰:「維此 而文王得起,是興國生君,在 於王季而文王起。」孔氏曰:「由太伯讓於王季, 也。」是乃自太 比于文王,其德靡 ,以厚周家之慶,而與其兄以 也。」〇王氏 季 疑於弗友,故特先言其 伯、王 王季 悔。 季 因心則· 其心。 ',因心則 ·太伯、王季之時也。」 時 既受帝祉,音耻 則 能 然矣, **貊**武伯反。 友者,言其 也。 友,又述 讓德之 以 太 伯 :毗志 其 其 其 本 友 伯 不 讓

512

義曰 不 正應和曰莫。」《釋詁》云:「貊、莫,定也。」郭璞云: 「《左傳》、《樂記》、《韓詩》貊皆作莫。《左傳》云:『德 孔 故人慶其賞。 日 故作者以王言之。」○《左氏傳》曰:「慈和 曰:「王季未得稱王,其實君其國耳。 「王,君也。 也。 服 「皆静定也。」! ○程氏 氏曰:「服虔云:『發號施 心,猶言天誘其衷,使能 ·此章述王季之德。」○朱氏 ·倦曰長,賞慶刑威曰君。」朱氏曰:「不僭 氏日 日 勤 「擇善而從 度。」〇毛 順。」〇丘氏曰:「比,親也。」《左氏傳》 非徒能 施 : 「天開 無私□類。」○《左氏傳》曰:「教誨 莫然而定,無 福 不濫,故人畏其刑。」❶○鄭氏 也。 王 氏 之日比。」〇鄭 明,又能類。 季稱王者,追 度其心。」《左傳》曰:「心 曰: 施、延也。」 曰:「類,肖也。」《左傳 「貊,静 譁 制 氏 今能知之而 **令**, 也。」〇程 也。」孔氏 日: 「 義 以其追號爲王, 〇程氏 曰:「靡, 王也。」孔氏 天下皆 也。」〇孔 帝 日 度 曰 能 徧 應 其 無 制 氏

> 有也。 德。」○莆田鄭氏曰:「能爲人之長、能 克踐之者,明及之而 也。」〇李氏曰:「後世亦繼其德,比 比其民人也。王季本非當立,其 人之君,故使之主此大邦,又能 王,其德無有可恨。]〇程氏 福禄,而能施及於孫子,此二句結之,而 言王季 既 明,又能 行 弗 類 **!類,**所 曰:「既受天 也。 惠 以 是 立 非 ||者天 爲 順 親 爲 至 誠

徂旅,以篤于周祜,音户。以對下王赫虎格反。斯怒,爰整其旅。反。羨,錢面反。誕但旦反。先登反。羨,錢面反。誕但旦反。先登反。羨,錢面反。誕祖旦反。先登

先登于岸。

密人

刑不濫,故人以爲威也。」於義較長。
云:「克君,賞慶刑威也。言其賞不僭,故人以爲慶。
云:「克君,賞慶刑威也。言其賞不僭,故人以爲慶。

毛

氏

曰:「無然,無是也。」〇程氏

曰

以對于天下。

以按安旦反

徂共,音恭。

四九五

無然歆許

金

援歆羨者,皆有心者也。

文王之心,與斯民速濟乎大

師

旅,以

·文王以無心得天下,雖赫怒用師

皆出

於無

心

也

密」,注:「《詩》密人國,即今寧州也。」 〇丘氏曰: 今有共池,即共也。」○《前漢・地理志》「安定郡陰 在今寧州。 年五伐、有伐密須、犬夷、黎、邘、崇、未聞有阮、徂 以阮、徂 之鼓」是也。箋以阮、徂、共皆爲國。《魯詩》之義,亦 曰:「王肅云:『密須氏,姞姓之國。』《左傳》曰『密 曰:「經以涉川譬涉難,登岸者,無難之地。」○毛氏 偏黨也、反側 赫,怒貌。]〇毛氏 |國助紂犯周,文王伐之之事。□○張氏曰:「密地 羨,愛羨也。 近 國有密須氏,侵阮,遂往侵共。」孔氏 、共皆爲國名。 畔。 阮,國名。共,阮國之地名,皆在今涇州。 也、頗僻也、皆安於疆 畔援,黨比 長樂劉氏曰 孫毓云:『案《書傳》,文王七 登岸,既濟之義。」王氏 畔 也。 謂 畔而違中者也。」 疆 歆,欲之動 畔。 書》所 共 須 稱

曰:「旅,師也。 下旅,密人也。 按, 將。 池。 無矢我陵,我陵我阿。 依其在京、侵自阮疆、居良反。 王一怒,而安天下之民。」 周祐,以對于天下。」此文王之勇也。 『王赫斯怒,爰整其旅。 征伐之始也。]〇《孟子》曰:「《詩》云: 家之福,以答天下望周之心也,此文王 難者也。」於是有密人不共,拒我大邦之 遏止密人徂共之師。 程氏曰:「文王赫然而怒,整其 命。」〇張氏曰: 萬邦之方,下民之王。 度其鮮息淺反。 「侵阮,直至共之地。」() 原,居岐之陽,在渭之 無 救亂安人,以厚周 飲我泉,我泉我 以遏徂莒,以篤 陟

曰 : 孔 程氏曰:「依,馮也。」孔氏曰:「依,止 也。」〇鄭氏曰:「陟,登也。」〇毛氏 氏 曰:「京,是周所都之邑。」 「侵自阮疆,言文王却自阮疆而 也。」〇 張氏 去伐

下於險難,此謂順天征伐之道。

吕氏曰:

强,無以

貪欲

而 動。

惟是所先者,濟天

也。] 〇程氏

.曰:「天謂文王,無黨援以

○鄭氏曰:「篤,厚也。

祜,福

也。

止也。」朱氏曰:「上旅,周師也。

文

我

岡

王初遷,已在 居渭 邑是歟?]○鄭氏曰:「地在 密須,於是相其 爲暴擾之辭也。] 〇蘇氏曰:「文王 宗廟,遷其重器異矣。 異、陵阿泉池、皆視之猶我也 曰 然後侵之。」所陟之岡,即 疆 在周之京,所整之兵,既按密人,遂從阮 文王徙宅於程,蓋謂 周書》稱文王在程,作《程寤》、《程典》,皇甫謐云: 曰:「孫炎云:『别,不 鮮,善也。」毛氏曰:「小山别大山曰鮮。」○孔氏 日 將,側也。 「池,水所聚也。」○鄭 一 :「聖人一視而 · 、 矢, 鄭氏曰 水之側 出以侵密。 陳 岐山,在岐山 方,則也。」〇朱氏曰:「 ,後竟徙 「大陵 也。」孔氏 高 歐陽氏曰:「言周師先據勝 此也。」箋嫌 同仁,則 相連也。二〇 原 曰 之陽,是去舊都 都於豐。」孔氏曰:「太 丽 曰 问。 此 氏 ·爲我岡。」〇 徙 曰 蓋 天下 無 此 都 :「度,謀也 得 一戒其 即是豐,故云: i焉,所 |岐山之南, 毛氏 陳 王 無 兵 氏 與 軍 彼 於我 不遠也 謂 既 毁 文王 楊 我 曰 曰 陵。 其 克 不 氏 地

詢

闕駰以爲本周之程邑也。」○孔氏 之所歸往。」李氏曰:「下民之王,追稱之也 水,營建國都,乃爲萬邦之所法則,下民 岐之東南三百里耳。」〇《前漢・ 『後竟徙都於豐。』知此非豐者,以 地 此居岐之陽。 理志》曰: 日 「背山 「安陵 豐,則 跨

音容。 援,音 帝謂 夏以革,不識 音荀。 文王,予懷明 用 都,以爲三軍之鎮,故曰「依其在京」。 袁。 兵必有根本之地,文王 爾仇 與 爾 方,同爾兄弟,以 不知,順帝之則。 臨 德。 衝,昌容反。 不大聲以色,不長 以 爾鉤 帝謂文王 駐兵於國 伐 . 崇 古侯反

氏 爲大。」〇鄭氏曰:「夏,諸夏也。」 革,更也。」〇 也。 梯也,所以 物,以梯倚城,相鉤引而上。 曰"「仇方,即崇也。」○毛氏曰"「鉤, 毛氏曰:「長夏,長大也。 孔氏曰:「毛以 曰:「詢,謀 衝 衝 車 鉤 也。」孔氏曰 引 也。 H 城 怨耦曰仇。」 援,即引也。」 臨 者。 臨 孔氏曰: 者,在 〇丘氏 上臨 鉤援 臨 下 車 鉤 鄭 夏

尚也; 聰明 之明德,上帝之所懷也。]〇 色爲政,不以革命 化之感人,雖不見其聲色,而其應之疾,人之惡不及長 其 氏 大而革也,言不待遅久而化 曰:「不長夏以革,未詳其義。」程氏曰: 人曰:「聲色之於化民,末也。」」〇朱氏 虎而作豐邑。」〇毛氏曰:「墉,城也。」〇 名。 迹也哉? 通,故所過者化,所存者神,豈暴著其 征 紂,紂囚西伯於羑里。 爲 臨 伐。 文王 程 車、衝 、聲色 而 曰 無 氏曰:「 "「天謂文王,予懷爾之明德,不 道。」朱氏曰:「按《史記》,崇侯虎譖 曰譖西伯者,崇侯虎 者,從傍衝 革,兵也; 車之法。」 一,當謀 天理也。」 人化。 是不發見大其聲色也。 (爾馬 不識不知 有中國。」〇朱氏曰:「或曰: 突之稱,故 不尊尚强大兵革,而人自服也。」 鄭 紂赦西伯,賜之弓矢鈇鉞,得 仇 〇朱氏日 夫聖人之誠,感 氏 之方。 也。 也。」○張氏曰:「不以聲 知二 曰 : 順帝之則 西伯歸三年,伐崇侯 「崇侯 車不同。 程氏曰:「帝 同 「此皆文王 爾 兄 虎 兵 ^;
不 弟之 西 書 無 倡 故 伯 有 其 聖 形 不 紂 於 作

> 成。」吕氏曰:「言文王其德不形,而功無迹,與天同 體而已。 化者,謀而伐之,則天 聖人之化如 國 不長夏以革」,雖難 爾 雖興兵以伐崇,莫非順帝則 攻 伐 此 之具, ,而天下 以 伐 有 强 下皆 爲 通 昏惡之甚 2,然與 而 仇 非 善 之 ₩我也。 」 丽 (不大 王 不 業 能 言

之實 縦私 聲以 聲以 謂侈大與變革 事外飾 也 色, 色立 意 矣。 調聲 矣; 文既 無 音與笑貌 外飾 也。 「不長夏以革」,則不 同 「不大聲以 · , 無 訓 私 詁 也 意,此 亦 夏 當 色,則 相類。 以 明 革 德

無拂 仡。 附 馘 臨 古獲反。 衝 四方以 魚乙反。 閑閑,崇墉言言。 安安。 公無侮。 是伐 是類是馮,馬嫁反。 是肆,是絶 臨衝 茀茀 執 訊 音 是 音弗。 信。 忽, 連 四方 崇墉 是致 連, 以 仡 攸

程氏曰:「閑閑,徐緩之狀。」〇毛氏曰:

也。」孔氏曰: 輕者,肆焉則可。」」○程氏曰:「肆,謂縱攻也。」○毛 氏 也。 氏曰:「忽,滅也。」〇朱氏 也。」〇王氏曰:「仡仡, 壯也。」〇 使之内附也。」〇毛氏曰:「茀茀, 日黄帝。」二〇王氏曰:「致,致其至也。 禮,依郊祀而爲之。禡,祭造軍法者。 以事類祭之,在南方,就南郊祭之。《肆師》注曰:「類 出,類于上帝,祗於所征之地。1《尚書》夏侯、歐陽説: 也、碼也,師祭也。」〇孔氏曰:「《王制》云:「天子將 也。J〇程氏 曰:「肆,犯突也。」孔氏曰:「《左傳》云:「若使 而獻其左耳曰馘,罪其不聽命服罪,故取其耳以計 連,徐也。王氏曰:「連連,屬而弗絶也。」攸,所 曰 馘。」孔氏曰:「《玉藻》云聽嚮任左,故不服者殺 執所生得者而 ·曰:「於内曰類,於野曰碼。」鄭氏曰:「類 馘,獲也。 曰:「安安,不輕暴也。」〇毛 「拂,拂違也。」○程氏曰:「崇侯 也。二〇 不服 訊問之。]〇毛氏曰:「連 鄭氏 水者,殺 曰:「訊,言也 EI. 其神蓋蚩尤,或 而獻其左耳 「拂,戾 鄭氏 疆 功

> 降。1夫始攻之緩、戰之徐也,非力不足 崇,三旬不降,退脩教 戰也。」古者出征,類于上帝,馮于所征之 王之師也。」 留,而罪人不可以不得故也,此所謂文 及其終不下而肆之也,則天誅不可以 文王緩攻徐戰,告祀群神,以致附來者,而威德被于四 之神明,其伐合神明之道也。」朱氏曰:「言 故於馘也,安安然審重。朱氏曰:「皆城下之 聖人之伐,殺其犯順者,非 服,故文王遂加之兵,執訊 也,非示之弱也,將以致附而全之也。 方也。○○朱氏曰:「《春秋傳》曰:『文王伐 地,所以暴明其罪,告之神明。伐而 迷惡,當文 王始伐之。 而復伐之,因壘而 徐緩之時,則不 輕 連連之多。 肆 殺戮 告

《皇矣》八章,章十二句。

靈臺》,民始附也。文王受命,而民樂其

歡樂之,謂其臺曰靈臺,謂其沼曰靈沼,有靈德,以及鳥獸昆蟲焉。張氏曰:「民之歸文有靈德,以及鳥獸昆蟲焉。張氏曰:「民之歸文有靈德,以及鳥獸昆蟲焉。張氏曰:「民之歸文有靈德,以及鳥獸昆蟲焉。張氏曰:「民之歸文

王,而以靈臺爲天子之制,則悖理甚矣。《泰誓》三民,而以靈臺爲天子之制,則恃理甚矣。《泰誓》三以下,皆講師之贅説也。按《武成》「文王以下,皆講師之贅説也。按《武成》「文王以下,皆講師之贅説也。按《武成》「文王以下,皆講師之贅説也。按《武成》「文王以下,皆講師之贅説也。按《武成》「文王以下,皆講師之贅説也。按《武成》「文王以下,皆講師之贅説也。按《武成》「文王以下,皆講師之贅説也。按《武成》「文王以下,皆講師之贅説也。按《武成》「文王以下,临人意為不過如孟子之説而所以謂之靈臺爲天子之制,則悖理甚矣。《泰誓》三

豈有文王之時已僭天子之臺哉? 者,不過司徒、司馬、司空,猶未備天子六卿之制,文王生前不稱王之明驗也。 武王牧野誓師所告至《大誥》、《武成》追王之後,始曰「文考文王」,此篇,紂尚在之時,武王之稱文王,止曰「文考」而已。

成之。 經之營之。庶民攻之,不日經始靈臺,經之營之。庶民攻之,不日

能樂也。」

樂其有麋鹿魚鼈。古之人與民皆樂,故

説文王之德,勸其事,忘己勞也。」

曰:「先王之爲臺榭也,榭不過講軍逸,蓋一弛一張,無非事也。 楚椒舉察天人之意。 因以疏瀹精神,宣節勞文王之作臺,主於望氛祲、觀民俗,以

日不廢時務。瘠磽之地,於是乎爲地,其爲不匱財用,其事不煩官業,其居,臺度於臨觀之高。其所不奪穡實,臺不過望氛祥,故榭度於大卒之

營之。庶民攻之,不日成之。經始勿成之。故《周詩》曰『經始靈臺,經之暇,於是乎臨之。四時之隙,於是乎之。城守之木,於是乎用之。官僚之

則椒舉所引詩末二句,在它章矣。然則章句其傳伏」,蓋全舉前二章之文也。若以首章爲章六句,甚協,若愈於毛、鄭。今觀椒舉舉詩止於「麀鹿攸句,或以爲前二章章六句,後二章章四句,於文義伏』,其言得之矣。」毛、鄭以此詩爲五章章四仗』,庶 民 子 來。 王 在 靈 囿,麀 鹿 攸亟,庶 民 子 來。 王 在 靈 囿,麀 鹿 攸

甚遠,未易以意改也

又。 麀音臺。 鹿攸伏。 經始勿亟,居力反。 庶民子來。 王在靈囿,音

築牆爲界域,而禽獸在其中。」○《説文》曰:「囿,苑有 養禽獸也。」孔氏曰:「《春秋》「築鹿囿」,則囿者 猶子爲父來也。」〇毛氏曰:「囿,所以域 鄭氏曰:「亟,急也。」〇丘氏曰:「子來, 也。 牝麀。」○毛氏曰:「攸,所也。」○朱氏 垣也。」●○《爾雅·釋獸》云:「鹿,牡麚, 可 來。』焉用速成其以勦民也?」。蓋速成出於民之意則 速成,❷叔孫昭子曰:「《詩》曰:「經始勿亟,庶民子 來也。」李氏曰:「《左傳》云:「樂郎囿,季平子欲其 曰:「經始勿亟,文王恐煩民,令勿亟作 出於君之意則不可。 庶民子來,如子趨父事,不召 出於君之意則爲勦民,出於 而

0

0

刻《説文解字》改。「苑」,原作「宛」、據四庫本、《墨海金壺》本及陳昌治

[「]季」,原作「李」,據宫內廳本、四庫本、《墨海金壺》本

孳乳得其時。」○長樂劉氏曰: 信之而弗疑也。」 囿 其所而伏,不驚動也。」王氏曰:「麀鹿攸伏,則 子》注曰:「文王在 民之意則 ,徒御非少,不驚不逸而攸伏者,無害獸之心,鹿則 義》云:『於臺下爲囿沼。』] ○趙 見 其得民心 也。 此 囿 「鹿易驚易逸,王 孔 中,麀鹿懷任,安 氏 日)氏《孟 鄭 在 駮 靈

璧。

廱。

靈沼,於物音刃。魚躍。麀鹿濯濯,直角反。白鳥翯翯。戸角反。王在

在 不知囿之爲 於仁而自 樂劉氏曰:「麀鹿濯濯者,行止自若也。白鳥翯翯者」 鄭氏曰:「鳥獸肥盛喜樂,言得其所。 沼 孔氏曰:「娛樂遊戲,亦由肥澤故也,二者互相足。」 飛鳴自適也。 沼魚盈滿其中,皆跳躍,亦言得其所。」長 毛氏曰:「濯濯,娱遊 沼,不知沼之爲沼,亦如相忘於江湖。 池也。 遂也。」〇 於牣魚躍者,魚驚則潛,今牣而躍者,習 物,滿也。」蘇氏曰"「物,充也。」○ 囿,亦)鄒氏 如 曰:「麀鹿之在 在 也。 於 山 翯翯,肥澤也。 林。 魚鼈之 囿

> 鏞。 **虡**音巨。 自非 及潛魚,豈能及此?」 音 容。 文王之德,上 維 於 樅,七凶反。 音 烏。 葼 論 飛 鼓 賁 鳥, 鍾 扶 中 云反。❶ 於 及 走獸,下 樂 辟 鼓 維 音

以縣 티 : 毛氏 大也。こ〇鄭氏 樂》云:『大鍾謂之鏞。』李巡曰:『大鍾音聲大。 鼓謂之鼖』是 尺,鼓四尺,中圍加三之一,謂之鼖鼓。」注亦云「大 牙之樅。樅,峻峙貌也。」實,大鼓也。 版 鋸齒,爲之飾,又以彩色爲大牙,其狀隆然, 爲虡,謂横牽者爲栒。 賁,大也。 也。 樅,即崇牙之貌樅樅然也。」○朱氏曰:「樅,崇 「縣鐘磬者,兩端有植木,其上有横木,謂直 鐘鼓也。 日: 樅,崇牙也 故謂大鼓爲賁鼓。《韗人》云: 也。」鏞 植者曰虡, 設大版於上,刻 曰:「論之言倫也。 大 栒上加之大版,刻版 鍾 鄭氏曰: 横者 也。」孔氏 畫 以 曰 「虡也 爲飾。二〇 栒。 孔氏曰 『鼓長 栒也 ,謂之崇 業, 捷業 得其 孔 立 , 所 如 老 氏

[「]扶」、《經典釋文》作「符」。

水旋丘 即旋丘之水,而其學即所謂澤宫也。 教天下春射秋響,尊事三老五更,在南方七里之内。 事於泮宫」者,蓋射以擇士云爾。」」○孔氏曰:「鄭氏 不得立焉。 蓋始於此。 學以樂而得 爲主者矣。 與今不同。 之詩曰: 其水半之。蓋東西門以南通水,北無也。 廱,諸侯曰泮宮。1説者以爲辟廱,大射行禮之處 外而觀也。」〇朱氏曰: 内有地,猶如璧然。 爲習樂之所也。 觀者。」孔氏曰:「璧,體圓 倫 ·辟廱」亦爲樂名。 左氏》説: 駮異義》云:『《韓詩》説: 毛 理 氏 乎 如 皆無明 「振鷺于飛,于彼西廱。」説者以廱爲澤,蓋 ? 日 璧, 天子靈臺,在太廟之中,壅之以靈沼,謂 記 及周 2名歟? 蘇氏引莊周言『文王有辟廱之樂』,遂 孟子所謂 鼓 》所謂 文。 節 張 有 水 與 觀者。 而曰『古人以樂教胄子』,則 天下,遂以名天子之學,而 子亦曰:『辟廱,古無此名, 以水繞丘,所以節約 玄按: 旋 鍾 樂以學而得 『序者,射也』,則學蓋有以 「魯人將有 《王制 也 丘 泮宫,諸 一。」蘇 辟廱者,天子之學,所 如 《靈臺》一 而内有孔。 壁 》論學曰: 氏 2名歟? 事於上帝,必 侯鄉射之宫 日 辟 篇之詩 蓋古人之學 此水亦 雍 觀者, 論 天子曰 則 故《振 是 講 又以 其 未 圓 也。 鷺 也 節 以 知 以 射 侯 制 而

> 郊矣。』袁準《正論》云:『辟廱,大射養孤之處。』」 之 ? 與民 此。 衛 樂之情也。」 於,嘆辭也。 司業,父師 大夫甚親,游宴之暬御,征行之扈 『無所 同樂 或疑《靈臺》之詩,叙臺池苑囿, 彼蓋未嘗深考三代,人君 往 ,胡爲以 司成,則樂者 而 鄭氏 不與髦俊俱焉。 以 論 辟 ... 「論: 爲 雍 固學士之所 倫、蓋 學校 倫 無 與 勦 樂 正 士

臺,有

靈囿,有

靈沼,

有壁廳

則

辟

雍及

靈

皆同

處

薄紅反。矇音蒙。瞍蘇口反。奏公。於論鼓鍾,於樂辟廱。鼉徒何反。鼓及於論鼓鍾,於樂辟廱。鼉徒何反。鼓及

其皮堅厚,可冒鼓。」李氏曰:「《上林 足,長丈餘,生卵大如鵝 陸氏《草木疏》曰:「鼉,形似 日 「擊鳴鼉之鼓。」則以鼉皮爲鼓可 鼓聲也。」一有眸子而 :「逢逢,和 也 無 《釋文》曰:「《埤 見曰 卵, 知矣。二〇 矇 甲 蜥 如 · 蒼 》 云 眸 : 賦》曰: 鎧 蜴 毛氏 子 甲 四 \boxminus

鍾 臺 樂者 矇 池 瞍 鼓之樂也,皆民樂之辭也 方奏 鳥 ,矇瞍之 獸之樂也,後二章樂文王 其 事 事 也。 也 一,聞 前三章樂文王 鼉鼓之聲, 有 有 知

《靈臺》五章,章四句。

繼文王。」 受天命,能昭先人之功焉。鄭氏曰:「繼文者,《下武》,繼文也。 武 王有 聖德,復扶又反。

于京。 下武維周,世有哲王。三后在天,王配

神 文王 是在後。」○毛 鄭氏曰:「下,猶後也。」孔氏曰:「居 在 鄭 天也。」〇毛氏 也。」〇朱氏 氏 曰 :「京,謂 氏 曰 曰:「在天,既没 「三后,大王、王季 曰:「王,武 鎬 京 也。」〇王氏 王 下世 也。」 而 其 即

> 誰 ? 配彼在天者。」 在 維周,世 上,武王以 曰 協家 其在天,則大王、王季、文王。 其 大 ~,則武 王、王 |有哲王。]] | 陳氏 武功續終于下,故 王是也。 季、 文 王 在鎬京者,足以 以 曰:「哲王 文 日: 德 造 下武 始 謂 于

周王業之成,必曰「武」焉。《頌》所謂「嗣武受之」也。武王一戎下者,繼上之辭也。下武之繼文,即

之孚。 王配于京,世德作求。永言配命,成王

王之所以配三后者,則以維世德是求○鄭氏曰:「孚,信也。」○李氏曰:「武長也。」○李氏曰:「武蘇氏曰:「配命,配天之命。」蘇氏曰:「作,起也。」○鄭氏曰:「永,

❷ 「皆」下,四庫本、《墨海金壺》本有「述」字。 ● 「鼓瞍」、《墨海金壺》本、《毛詩正義》作「瞽矇」。

티 : 至于武王,然後 故 武 陳 也 大王 一,起 王 日 肇基王迹,王季其勤王家,文王大統未集. 配 而 天,然 求 自西自 三三后 其 先 後 「東,自南 之孚,著于 世 成王者之信。」王 一之德 自 北,無思不 以 繼 民 之也。」 人人矣。 服 氏

維則。 成王之孚,下土之式。永言孝思,孝思

後能爲成王之孚。」

於是?」 者,以武王之孝而 孝思』。」〇李氏曰: 故,繼其志,述其事故 曰:「武王既成王業,天下 成王之孚。下土之式,則 成矣,則下土以爲式。 毛氏曰:「式,法也。」〇王氏 蓋求 其 世 德 丽 成 Ŧ 一之孚。 咸法則之,亦法其孝 民 「下土之所以 則之故 武王作求,至 也。故曰『永言 孝思之至, 亦維先 日 也。」朱氏 : 王 人之 爲 孰大 思 於 而

之祜

昭

> 兹 誤。」 德」。 所 爲 哉?]() 武 氏 武 鄭 順 王 크 : 以 王 氏 來 董氏曰: 媚之者,維 也 字。 許, 之孝,能 日 準約 服 : 「媚, 孔氏 繩 〇毛氏 又《集 此詩 事也。」〇 其 「《淮南子》云:『應侯順德。」」 日 : 嗣 愛 袓 上下 順 先 注》 武。 曰 : 也 其 王 順 及鄭箋引《易》, 亦 德以 蘇氏曰:「天下 「侯,維 一之事 兹 於 德,定本作『 作順,疑定 萬斯 此 應之。 者,豈 也 也。」〇鄭 年,受天 然 本 慎 明 則 思

兹,承 哉嗣 鄭氏 先之蹤跡也。」○鄭氏 鄭氏曰:「祜,福 所自來 服 約也。」〇毛氏 曰:「兹,此 上『昭哉 ,有自來矣,其道本 也。 許, 嗣 語 也。」〇 也。 服 助 曰:「武,迹也。」〇 也。」〇蘇氏 丽 曰:「於萬 ○陳氏曰:「 言也。 陳 於繩 氏 曰 : 武 約 斯 王昭 其祖 昭

祖父。』」《大雅》曰:昭兹來御,慎其考之言。」(《後漢·祭祀志》注:「東平考之言。」(《後漢·祭祀志》注:「東平

年不以爲遠也。」曰:「不遐有佐者,四方皆來佐助,雖萬也。」○孔氏曰:「佐,助也。」○吕氏致胙,諸侯皆賀。」○鄭氏曰:「遐,遠致胙,諸侯皆賀。」○鄭氏曰:「遐,遠朱氏曰:「賀,朝賀也。周末秦强,天子

《下武》六章,章四句。

功 所 曰 事,下四章言武王君天下,服四方,定鎬京,安後世 聲,卒其 文 也。」 :「繼文 施之事,皆繼伐之功,故言『繼伐』以揔之。」〇蘇氏 \pm 有聲》,繼伐也。 伐 功 言繼 也。 其 文德。 孔氏曰:「經上四章言文王之 繼 武王 伐 者, 能 又兼 廣文王之 言 其 其

厥寧,適觀厥成。文王烝哉。文王有聲,通尹橘反。駿音峻。有聲。通求

求厥寧。」 觀 寧。』」余律切。 詞 也。] 〇蘇氏曰:「文王之所以 君也。」 吕氏曰:「烝,君也,衆也,皆所以得衆爲君 誠得人君之道。」○《説文》曰:「欥,詮 述大其先人之聲耳。凡求其所以安, 曰:「觀,當如字讀。」〇毛氏曰:「烝, 鄭氏曰:「遹,述也。 駿,大也。」〇李氏 也。 爲君也。」〇鄭氏曰:「君哉者,言其 其所以成,無非述之者,此文王之所 從欠,從曰。《詩》曰:『吹求 董氏曰: 「孫毓引《詩》曰: 有聲者,能 厥

豐。文王烝哉。 文王受命,有此武功。既伐于崇,作邑

而已。 陵西南。] 〇孔氏 説文》曰:「酆 所伐邘耆、密須、昆夷之屬 周周 文王 武武 一所都 功,非獨 在 京 皆是 伐 兆 杜

後 作邑也。」 也 ,故特言之,爲 别言 伐崇者 作 以 邑 其 功 張 最 本,言功成 其 伐 乃 最

築城 其欲,遹追來孝。 王后烝哉 欲 Ξ: 王 稱 于豐,此述作豐之制。」〇朱氏曰:「文 也 曰 王築豐邑之城,因舊減 曰:「后,君也。」〇孔氏曰:「上言作邑 Z: 毛 后 也 」○ 鄭氏曰: 「棘,急也。」 陳氏曰:「作豐之制,不爲侈大,唯其 氏曰:「淢,成溝 伊減,况域反。 而 減,其溝也,廣深各八尺。」○孔氏曰: 『成間有滅,減内之地,其方十里。』.○《釋文》 「《韓詩》作漁、深也。」 ○陳氏曰:「匹,稱 亦指 ,述追先人之志,而來致其孝耳。 已。」〇朱氏曰"「非欲亟成己之所 匪革其猶,聿追來孝。」〇《釋文》 曰 文 :「或作 王也。」 作豐伊 也。」鄭氏曰:「方十 棘。」欲作慾,曰 ○《禮 匹。 爲 限 器》引《詩 匪 而築之。」 棘居 毛 力反。 里曰 人》 氏

辟。

音璧。

皇王烝哉。

「或作欲。」

攸同,王后維翰。王后烝哉。 王公伊濯,直角反。維豐之垣。音袁。四方

氏曰:「四方於是來歸,而以文王爲楨幹也。」 示天下知所歸往,天下皆倚以爲賴。」朱 也。」〇吕氏曰:「文王至此 曰:「濯有 吕氏曰 王 其國」,蓋統言之也 公,如《易》所謂「王公設險,以 [濯 鮮潔之意。」○毛氏 如 、滌,言明白而不昧。」 曰 明 建都邑, 翰, 張氏 守 幹

豐水東注,維禹之績。四方攸同,皇王維

굸: 東。 豐,人于河」,是豐水入渭,東注于河。 河。 鄭 注 京在 氏 『豐、鎬皆在長安之西 豐、鎬相 孔氏曰:「《禹貢》曰『導渭自鳥鼠同 曰:「豐水,禹治之使入渭, 豐邑在豐水之西,鎬 豐水之東,以 去二十 時 五 里。」 驗 南。』言豐邑 丽 知 績,功也。」〇毛 之。 京 《後漢 在豐 在 常帝 穴,東會于 曹 東 水 王 水之 地 世 注 之西 理》 紀 于

也。」〇 指武王也。」 言 也。 蘇 氏 也。」〇張氏曰:「時武 正居其中者,於是思禹之績,而 功。」董氏曰:「詩 氏 皇王烝哉』。」朱氏曰:「皇王,有天下之號 四 曰 李氏 方 之 豐水 一, 大 曰 所 也 人論周之建都 之所以 以 「指 歸 豐. 周 鄭 王既 東注 見周之成功也。」 者, 水 氏 在豐、鎬,而 以 曰 得天下,故 者,禹之 武 言 \pm 1 武王 維 豐 君 功 之 君 水

服。皇王烝哉。鎬京辟癰,自西自東,自南自北,無思不

中 ___ 焉 于 池 西 理志》曰:「鎬在京兆尹 毛 南 也。」《皇覽》曰:「文王、周公冢皆 。」張氏曰: 鎬 氏 邑之可容也 〇長 有鎬池。」《古史考》曰:「武王遷鎬,長安豐亭鎬 曰:「武 以 樂劉 諸 侯 周 王作 之 氏 家自 朝 故 上林苑中。」孟 邑於鎬 覲 越 后 稷 豐水之東作鎬 四四 居邰,而 夷之來王,非 京。」《後 在 公劉則 康云:「長 鎬 丽 聚 漢 作 居 京 於 社 安 地

> 雍之在 服也 者,未之有也。」」 此 張 始子來也。」○朱氏 成也。民之歸 之時,天下無思 時, 一, 大 始 氏 民之歸者日衆,其地有不能容,必至于遷。」() 。《孟子》曰: 爲天子之學。 王 曰 邑 鎬京者,武 「靈臺 岐 而 文王又遷 周 辟 不服,於此尤見 亦 雍 當武 王之學 『天下不心服 曰:「無思不服 久 于 文王 豐, 矣, Ŧ. 至 非 武 也。 作 之學也 王 謂 鎬 則 王. 至 辟 京 居 業 鎬。 丽 雍 此 辟 之 Ŧ. 雍 至 而

之。武王烝哉。 考卜維王,宅是鎬京。維龜正之,武王成

記 出 鄭氏曰:「考,猶稽 天下君也。」 曰:「言武王稽天命,宅鎬京,定都 沙注曰 龜 兆 加 正 卜之。宅,居也。」○鄭氏 :「武王卜而謀 之,武 王. 也。 築 成之。二〇 居 稽疑之法,必 此鎬邑, 吕氏 以 龜 禮 則 契

體求也。

作,蓋有本末具載,精粗兼舉者矣,

非大告武成之前所能致也。詩人之

無思不服」,創業而「詒厥子孫」,故

亦有言其意而略其事者矣,不可以

《序》言武王「繼伐」,而此詩未嘗一

孫與子特互言之,皆謂子孫也。

言及武王之伐功,何耶?

定都而

豐水有芑,音起。武王豈不仕? 謀,以燕翼子。武王烝哉 詒 以之反。

子1,則武王之事也。」〇王氏曰:「雖貽之以謀,非翼 乎?」〇蘇氏曰:「故遺其子孫之謀,以 子亦不能以燕也。」 生芑菜,况武王豈不以澤及後人爲事 翼,敬也。」〇孔氏曰:「豐水猶以潤澤 ○朱氏曰:「武王豈無所事乎?「詒厥孫謀,以燕翼 安後世之敬者。」孔氏曰:「以安敬事之子孫。」 曰:「詒,遺也。」○毛氏曰:「燕,安也 毛氏曰:「芑,草也。仕,事也。」○陳氏

四 句。 《文王》之什十篇,六十六章,四百一十

吕氏家塾讀詩記卷第二十五

五〇九

吕氏家塾讀詩記卷第二十六

也。

生民,本后稷

也。二〇

鄭

氏

時

生 民 之 什

反。 載夙,載生載育,時維后稷。 厥初生民,時維姜嫄。 制禮,推尊后稷以配天,故爲此詩,言其所以尊之。」 本,可以相配。是故王者皆以祖配天。」○蘇氏曰:「周公 配郊天焉。《禮記》稱『萬物本於天,人本於祖」,俱爲其 《生民》,尊祖也。 武之功起於后稷,故推以配天焉。 孔氏曰: "周公、成王致太平,制禮,以王功起於后稷,故推舉之以 飲許金反。 克祀,以弗音拂。 **攸介音戒。攸止。** 后稷生於姜嫄,音原。 無子。履帝武 生民如何? 克禋音 載震真慎反。 敏,密謹 文

鄭氏曰:「厥,其也。

初,始也。」〇朱氏

"「民,人也,謂周人也。」〇毛氏

日

則散字加於「攸介攸止」全句之上,皆不成文也。」(迹大指處。」○朱氏曰:「以敏字係於『履帝武』之下 帝武敏、武、迹也。 氏曰:「帝,上帝也。」○《爾雅》曰:「履 去意亦同也。」○毛氏曰:「履,踐也。」○鄭 鼓。』《檀弓》云:『巫先祓柩。』皆祓除凶惡之義。 模者配之。變媒言禖者,神之也。□○鄭氏 《周禮・女巫》云:『祓除釁浴。』《左傳》云:『祓社釁 無子,求有子。」〇孔氏曰:「《周語》云:『祓除其心。』 日,用牛、羊、豕之大牢,祀於郊禖之神,蓋祭天而以先 禮。」〇孔氏曰:「燕來,主爲産乳滋蕃,故重其初至之 矢,于郊禖之前。」○鄭氏曰:「二王之後,得用天子之 往,后妃率九嬪御,乃禮天子所御,帶以弓韣,授以弓 必立郊禖焉。玄鳥至之日,以大牢祠于郊禖,天子親 享曰禋。』禋祀,祀郊禖也。」毛氏曰:「古者 能也。」〇孔氏曰:「《外傳》云:『精意以 毛氏曰:「后稷之母。」 弗之言祓音拂。 姜姓者,炎帝之後,有女名嫄。」〇 也。」毛氏曰:「弗,去也。 敏,拇也。」郭璞曰:「拇 ○鄭氏曰:「克, 祓與 去

田鄭氏曰:「民賴五穀以生,其初生此民者誰與? 早也。育,長也。」○王氏曰:「《縣》所謂 禖,以祓除其無子之疾,而得其福也。 夫,姜嫄正妃,配合生子,人之常道。《詩》何故但歎其 妃,稷爲嚳子。張融云:『即如諸書之説,則帝嚳 世言之。《大戴禮》、《史記》諸書,皆以姜嫄爲帝嚳上 日 維姜嫄也,以后稷生於姜嫄故也。] () 鄭氏 后緡方震」,皆謂有身爲震也。」 〇毛氏曰:「夙 之生后稷如 母,不美其父? 云:『介者,相助之義。』」○《釋文》曰: 動,謂懷任而身動也。《左傳》曰『邑姜方震』、『大叔 震,有娠也。」毛氏曰:「震,動也。」〇孔氏曰: ·厥初生民』,則本其 ·民之初生」,則本由大王之興。 姜嫄,當堯之時,爲高辛氏之世妃。 「謂爲其後世子孫之妃也,未知其爲幾世,故直以 曰:「歆,饗也。」〇孔氏 「姜嫄得祈郊禖者,是二王之後得祭天也。」祀 周、魯何特立姜嫄之廟乎?」一姜嫄 何乎? [由后稷而起也。] 莆 乃禋祀上 日]:「孫 此所 一帝於 日 孔氏 炎 謂 郊 是 孔 聖

> 郊禖之時,時則有大神之迹,姜嫄履之, 則言其疾而不遲也。」〇張氏曰:「生民 而生育。』其所生育,是爲后稷。 跡之拇,以歆郊禖之神,助祭而止,則 足不能滿,履其拇指之處。]〇王氏曰: 氏曰:「物之異於常物者,其取天地之氣弘多,故其生 之始,何嘗便有種? 固亦因化而有。」蘇 之事不足怪,人固有無種而生。 然按《史記》亦云: 『姜嫄見大人迹,心忻然欲踐之。 禖,履帝嚳之迹而行將事齊敏。 鄭氏説姜嫄見大人迹 怪,其説蓋廣如此。]〇朱氏曰:「毛公説姜嫄出 不然,河圖洛書,稷、契之生,皆於《詩》、《易》不以爲 也或異。學者以耳目之陋,而不信萬物之變。聖人則 踐之而身動如孕。」則亦非鄭之臆説矣。」 而履其拇。二家之説不同,古今諸儒多是毛而非鄭。 「《列子》曰:『后稷生乎巨跡,姜嫄履 厥月,先生如達。 他末反。不坼 載 當民生 夙,• 祀郊 娠

勑宅反。 誕彌面支反。 不副, 孚逼反。 無菑音災。 無害、以赫

^{」,}原作「戴」,據四庫本、《墨海金壺》本改。

厥 氏曰 比之。 稷雖是最先生者,其生之易,如羊子之 也。」〇朱氏曰:「居然,猶徒然也。」〇孔 左脇,獲三人焉。剖其右脇,獲三人焉。』《禮記》曰: 毛氏 毛氏 云:『陸終娶於鬼方氏,曰女潰。 孕三年不乳,乃剖其 牽,从是。□○孔氏曰:「羊子以生之易,故 名羔,未成羊曰羜,大曰羊。□○王氏曰:「達之字,从 也。從羊,大聲。1薛琮答韋昭曰:『羊子初生,逢,小 十月而生。」〇朱氏曰:「先生,首生也。」 也。」莆田鄭氏曰:「彌,滿也。」 〇鄭氏曰: 爲天子削瓜者堛之。1是堛爲裂也。1○毛氏曰: 赫,顯也。]〇 達,羊子也。」孔氏曰:「《説文》云:「達,小羊 曰"「姜嫄之子,先生者也。」○鄭氏曰: :「婦人之生首子,其産多難。 其生之時,不坼剖不副裂其母,故 曰:「誕,大也。 坼、副,皆裂 帝不寧,不康 有不甚通者,疑但發語 鄭氏 禋祀 也。」又曰:「《楚世家 朱氏曰:「此篇多誕字,皆 曰:「康、寧,皆安 ,居然生子。 辭耳。」彌, 此 終 后

> 孤。 寘之寒冰,鳥覆翼之。鳥乃去矣,后稷呱 ^{符非反。}字之。誕寘之平林,會伐平林。誕 誕寘之豉反。之隘於懈反。巷,户降反。牛羊腓 其 乎,而使我無人道而徒然生是子也?」 使之生易,是天意以 矣。)朱氏曰:「上帝豈 母 無災殃無 患 害。 不寧不康我之禋祀 此顯其有神靈也。」 天 既祐令有 身, 又 音

王氏曰:「實,置也。腓,辟也。字,愛也。」○朱氏曰:「會,值也。」○蘇氏曰:「覆,蓋也。翼,藉也。呱,泣聲也。」○朱氏曰:「無人道而生子,或者以爲不特,故棄之。」○孔氏曰:「無人道而生子,或者以爲不年氏曰:「牛羊而辟人者,理也。置之平本,以爲人所收取。王氏曰:「嬰兒未有所來,則又適會伐平林者,收而生之。」○蘇氏曰:「中羊而辟人者,理也。置之平本,則又適會伐平林者,收而生之。」○蘇氏曰:「真,置也。腓,辟也。字,愛毛氏曰:「真,置也。腓,辟也。字,愛

氏 以爲適與人會而收之,未足以 寒冰,而鳥 而生稷,其生正當冰月,故得棄之冰也。」大鳥來 冰。]〇孔氏曰: 曰:「人往收取,鳥乃飛去矣, 后稷遂 翼覆之,一翼藉之。」○王氏曰:「寘之 然而泣矣。」 |覆翼之,則爲異甚矣。|○孔 「姜嫄以 玄鳥至月 ()爲異 也,則 丽 禋祀,在 又誕 日子十月 真之寒

匍音蒲。 荏 反。 實覃徒南反。 一菽斾斾 ,莫孔反。 以就口食。 匐, 瓜 蒲貝反。 蒲北反。 實計,况于反。 **瓞**田節反。 蓺 禾役 魚世反。 克岐 唪唪。 (穟穟 其 厥聲載路。 之荏 宜 ?,音遂。 反。 布孔反 而甚反。 克嶷,魚極 麻 誕 菽 實

呱

呱

風》。 毛氏 也 也。」蘇氏曰:「岐岐嶷嶷,峻茂也。」 〇朱氏 曰:「載路,滿路 戎菽,大豆也。」 斾 。」○毛氏曰:「荏菽,戎菽也。 自能 毛毛 「覃,長 氏曰: 食也。」○鄭氏 斾 也。 也。」〇匍 然,長也。」王氏日 「岐,知 訏,大也。」○陳 意 匐,解 曰 : 也。 「蓺,樹 鄭氏 見《谷 嶷, 曰 : 枝旟 曰 識 氏

也。 揚起也。」○禾, 嶷嶷然,有所識别也。」〇王氏曰:「以 長且大,其聲則載於路 養之事。] 〇蘇氏曰: 苗好美也 其遊 穟穟、幪幪、唪唪,言皆異於常人所種。」 志,言天性 口食者,言其稍 ○孔氏曰:「上既言收取后稷,此説 聞 地之宜,宜穀者稼穡之,民皆法之。 能)孔氏] 鄭氏曰:「就口 之,舉棄爲農師,天下得其利。」下章 匍 列 王氏曰:「蒙,密也。」 し戯,好 匐,則岐 也。 又曰 曰:【《周 也。」〇長樂劉 孔氏曰:「種禾則 種 王氏曰:「成秀也。」 幪幪然,茂盛 一:『及爲成人,遂好耕農,相 解見《七月》。 植 岐然意 長 麻麥,麻麥美。』即 本紀》曰:『棄爲兒時 食之時 免乳,以就 「后稷之生, 唪 有 矣。」〇鄭氏 唪然,多實 使有 所 ?,則有 氏 知 日 行列。」穟 也。 毛氏 口 「斾 種殖之 食 其 也。 體 其貌 其長 此 也。 曰 施、 實 章 堯

《集注》唪作菶、《説文》亦云,唪字讀若 菽。」〇《説文》曰:「穎,禾末 知。」○《釋文》 曰:『禾穎穟穟。』」○董氏曰:「崔靈 瓜瓞菶菶』。」 也。」○《説文》嶷 菽 作 作啜, 叔, 曰:「叔,或作 曰 : 也。 小 《 詩 · 兒 恩 有

實票,即有邰他來反。家室。徐秀反。實發實秀,實堅實好,實顯營井反。厥豐草,種之黄茂。實方實苞,實種實褎,誕后稷之穡,有相息亮反。之道。 茀音弗。

鄭氏 毛氏 嘉穀也。」毛氏曰:「黄,嘉穀也。茂,美也。」〇 褎,長也。]〇王氏曰: 草盛曰茀。 苞 曰:「《集注》以 甲甲 種 日 曰:「相,助 而未坼 治茀亦謂之茀,猶治 豐,茂也。」〇蘇 種也。 也。 也。 方爲房。二〇朱氏 褎,漸長 實方實苞,此漬其種 「發者,其華發也。」 茀,治 亂 氏 也。」毛氏曰: 也。」王氏 謂之亂也。」〇 曰:「黄茂, 日 曰 董

必透 氏 草 惟后稷 細即能蕃殖,粒之大者,無過於豆。 曰 : 力於田者,或有一耕即種,其收即天幸也。殊不知 氏曰:「有相之道,贊化育之一端也。 助之力。」孔氏曰: 曰:「杜 國 長樂劉氏曰: 爲栗。」是栗爲穀熟貌。」○蘇氏曰:「栗,不秕也。」○ 氏曰:「《左傳》云:「嘉栗旨酒。」服虔曰:「穀之初 末也。實繁碩,故垂末也。」栗,其實栗栗然。 也。」長樂劉氏曰: 如竹管 鄭氏曰: 堅者,其實堅也。)毛氏 也。」《釋文》曰:「邰,今京兆武功縣。」〇孔 風不能生,十必失其四五矣,此人力之不盡 「后稷之掌稼穡,有助之道,謂 `; 則 ≢ 後 預 曰:「穎,垂穎也。王氏曰:「穎者,垂 發,發 云『武 盡人力之助。」〇董 發中 嘉 種之黄茂」以下,皆説 「栗,謂收及時 穀 管 而 功縣 得 出。 時 「秀,謂將實也。」 〇王氏 殖 「言種之必好,似有神助。」〇 也。」〇孔氏曰: 所 , 故 治釐城1是也。」() 好者,其形味好也。」 而栗澤。」 邰,姜嫄 種之黄茂。」 氏 氏 如土又倍於粒 曰:「治 今農民未見 「苗之將 鄭 去 始穟 曰 秀,心 Æ 孰 孔

旦"「以邰爲姜嫄父母之國,於經無所考據。」○《釋君,此或絶滅,或遷徙,故以其地封后稷也。」○李氏周人亦世祀姜嫄焉。」孔氏曰"「邰國應自有使即其母家而居之,以主姜嫄之祀,故使即其母家而居之,以主姜嫄之祀,故盛,故言黄盛以揔之。」○朱氏曰:「后稷盛,故言黄盛以揔之。」○朱氏曰:「后稷

文》曰:「茀、《韓詩》作拂。」

畝。恒之糜芑,是任音壬。是負,以歸肇音門。維芑。音起。恒古鄧反。之秬秠,是穫是誕降嘉種,維秬音巨。維秠,孚鄙反。維糜音一合鄭箋、横渠之説觀之。 人事盡處,即是天理。有相之道,當

兆

祀。

穀也。」」寶,音糜。恒,徧也。」孔氏曰:「言種之廣同,郭璞云:『寶,今之赤粱粟。芑,今之白粱粟,皆好也。 芑,白 苗 也。 孔氏曰:「《釋草》糜作虋者黑黍之大名。 秠,是黑黍之中有二米者。」糜,赤苗黑黍之大名。 秠,是黑黍也。 秠,一稃二米也。毛氏曰:「秬,黑黍也。 秠,一稃二米也。

也。」〇王氏曰:「后稷既即有邰家室矣, 氏 多,故以恒爲徧。 今,未聞下穀與人也。《詩》美后稷能大教民種嘉穀、 子》:「魏王問子順曰:『寡人聞昔者上天神異后稷, 則又擇嘉種而誕降之,以教民蓺。《孔叢 也。」負者,背負之也。」〇毛氏曰:「肇,始 肇祀。」 以利天下,故《詩》曰「誕降嘉種」,猶《書》所謂「稷降播 而爲之下嘉穀,周遂以興。』答曰:『天雖至神,自古及 穫,而棲之於畝,負任以歸,而始祭焉。」 糜也、芑也。」○ 種,農植嘉穀」也。」」所謂嘉種,則秬也、秠也 王氏 朱氏曰:「秬、秠言穫畝,糜、芑言任負,互文耳。」 〇 曰 日 : 「任者,肩任之也。蘇氏曰:「任,擔 「后稷始受國爲祭主,故 定本作恒、《集注》作亘字。」〇王 蘇氏曰:「徧種之、既成 日

烝之浮浮。 簸波我反。 誕我祀如何? 禮 反。 軷,蒲末反。 或蹂。 載謀載惟,取 或舂傷容反。 音柔。 載 (燔音煩。 釋之叟叟, 蕭祭脂。 或揄,音由。 載 烈, 所留反。 取 羝 或 興 都

 \overline{H}

一六

嗣

云反。 之。』此用羝,亦伏體軷上。」菩,音負,又音倍。 人》云伏瘞亦如之,鄭司農云:「伏,謂伏犬以王 柏爲神主。 氏《周禮》注曰:「行山曰載。 羊白羝」者也,是亦以牡爲羝也。」畜,許又反。粉,符 牡。《釋畜》云:『羊牡粉,牝样。』」郭璞云『粉,謂吴 毛氏曰:「羝羊,牡羊也。 葛》。 意爲説也。] 〇 溞,蘇 炊之氣。」傳以洮米則有聲,烝飯則有氣,取《爾雅》之 氏曰:「淅米,謂洮米也。」 叟叟,聲也。 氣也。」樊光引此詩。 氣 穗。」〇毛氏曰:「釋,淅星歷反。 毛氏 ○鄭氏曰:「惟,思也。」○蕭,解見《采 『抒,取出也。』○長樂劉氏曰: 謂抒米以出 也。」孔氏曰:「《釋訓》云:「溞溞,淅也。 样,子郎反。牡,音母。❶ 〇孔氏 曰:「揄,抒食汝反。 既祭,以車轢之而去。」〇孔氏曰: 臼也。」○《釋文》曰: 曰:「脂,祭牲之脂也。」○ 孫炎曰:『溞溞,淅米聲。 刀反。 封土爲山象,以菩芻、棘 洮,徒刀反。 **軷**,道祭也。 臼也。」孔氏曰: 孔氏曰:「祭不用 「蹂,以脱其 「《蒼頡篇》云 米也。 烰,音浮。 浮浮, 芻,初 烰 烰 烰 烰 一《犬 鄭 孔

> 臭也。」或取羝以犯軷,或燔之,或烈之,四 也。 樂劉 者皆祭祀之事。]〇毛氏曰:「以興來歲 蕭,合馨香也。」〇王氏曰:「取蕭祭脂,則宗廟之祭升 脂,毛氏曰: 祭祀之事也。長樂劉氏曰:「載謀,謂卜日擇士 曰: 旦 俱反。 酒及簠簋之實。]〇朱氏曰:「謀、惟,戒 氣浮浮然。」〇鄭氏曰:「釋之烝之,以爲 其聲溲溲然。 又炊之於甑爨而烝之,其 曰:「或蹂禾取穀以繼之。」○孔氏 在碓而舂之,或使人就臼而抒之。」〇長 之事,以所得秬、秠、糜、芑之粟,或使 「既蹂舂得米,乃浸之於盆,淅而釋之, 載 即今之炙肉也。○孔氏曰:「此言將 謂加火燒之。」貫之加于火曰烈。」孔 惟,謂致齋滌慮也。」於是或 氏曰:「或播以揚其糠。」〇朱氏 轢,音 歷。 「取蕭合黍稷,臭達牆屋。 瘞,於 制 反。 傅 火 取 曰 既奠,而後爇 燔 蕭 以 티 : 孔 氏 氏

⁰ "牡音母」"《墨海金壺》本作「牝音品

繼 據、《有司 『或春或枕』,故鄭衆於《春人》引此 》《説文》曰:「舀,抒臼 往 恒 歲 . 得 也。」孔氏曰:「欲以興起來歲,使之繼嗣 豐年也。」〇董 徹 鄭 康成亦以『或舂或枕』。」 氏 티 : 也。 「《韓詩》 以沼切。❶ 作 往

肇祀。庶無罪悔,以迄許乙反。于今。始升,上帝居歆。胡臭亶都但反。時,后稷卬五郎反。盛音成。于豆,于豆于登。其香《詩》云:『或簸或舀。』」

四豆之實,皆有葅醢,是豆爲薦羞葅醢也。《公食大夫 器》云:「木豆謂之豆,瓦豆謂之登。」《天官·醢人》掌 居 葅醢,大羹之器也。或言其器,或言其實,互相備 之烝之,簠簋尊爵之實也。 禮》云:「大羹涪不和,實於登。」是登爲盛大羹也。 古之羹,不調以鹽菜。 湆者,肉汁也。」〇王氏曰: 豆,薦葅醢也。 毛氏曰:「卬,我也。木曰 鄭氏曰: 歆,享也。 「始升,其馨香始上 登,大羹也。」孔氏曰: 羝,俎實也。 董氏曰: 豆,瓦曰 「《傳》曰 豆、登則 一行 登。

> 氏曰:「迄,至也。」〇 神 鄭氏曰:「何芳臭之誠得其時乎?」李氏 升,而上帝已安饗之,言應之疾也。] 〇 既立,豈后稷得祀天耶?」〇朱氏曰:「其香始 後也。后稷於舜不得爲二王之後,况主堯祀者,虞賓 亦然乎?」○董氏曰:「先儒謂后稷得祭天者,二王之 郊上帝,成王之賜,伯禽之受,皆非禮也。而謂堯與稷 天下,郊天配以后稷也。先儒謂后稷祀天,殊不知 氏曰:「前章言后稷肇祀,爲祭宗廟,此章言後世 于豆登,謂周室尊祖以配天之祭也。」李 以來,前後相承,兢兢業業 百穀以肇祀。]〇曾氏曰: 李氏曰:「因郊天之祭,而念后稷之始得 曰:「言得其時也。《士冠禮》曰:『嘉薦亶時。』」○ 悔,獲戾于天,閱數百 臭,香也。」○鄭氏 食 氣謂之歆。」 胡, 曰:「亶,誠 何)王氏 也。」〇 年而此心不易,故 日: -「自后稷肇 惟恐一 朱 也。」〇毛 我今盛 氏 有罪 曰

解字》改。
● 「沼」,原作「治」,據《墨海金壺》本及陳昌治刻《説

用心如此也。」曰:『庶無罪悔,以迄于今。』言周人世世

八句。《生民》八章,四章章十句,四章章

奇,養老乞言」,則誤也。」 踐行葦」,而曰「仁及草木」,有「以祈黄耇」,而曰「尊事黄乞言,以成其福禄焉。朱氏曰:「《序》以詩有「勿木,故能内睦九族,外尊事黄耇,音苟。養老《行葦章鬼反》,忠厚也。周家忠厚,仁及草

之歟?講師見《序》有忠厚之語,而附益治,則得之,然非此詩之義也。意者自「周家忠厚」以下,論成周盛德至

具爾。體,維葉泥泥。乃禮反。● 戚戚兄弟,莫遠體,維葉泥泥。乃禮反。● 戚戚兄弟,莫遠敦徒端反。彼行葦,牛羊勿踐履。方苞方

行,道也。」〇葦,解見《豳風》。〇朱氏朱氏曰:「興也。」〇毛氏曰:「敦,聚貌。

戚,内 也。」〇鄭氏曰:「敦敦然道旁之葦,牧牛 猶勿也。」具,猶俱也。」○蘇氏曰:「爾,近 相親。」○鄭氏曰:「莫,無也。 曰 : 傷之哉?」〇 葦方苞方體,其 羊者毋使躐履折傷之。]〇李氏曰:「此 氏曰:「葉初生泥 抱籜也。」○鄭氏曰:「體,成形也。」○毛 此詩 四 損 當從毛氏。一章以行葦興兄弟,宜作 言燕樂,宜作六句。 六句。二章言陳設,宜作四句。 「勿,戒止之辭 句。 .相親 三毛氏七章,二章章六句,五章章 鄭所同 鄭氏析爲八章。 也。」孔氏曰:)陳氏曰:「兄弟不可相遠。」 (葉又泥泥而美,又孰忍 也。 泥。 也。」〇丘 「親親起於心内,故言内 朱氏曰:「柔澤貌。」 戚 後四章則不 敦 彼行葦 以文義考之, 氏 朱氏曰:「莫 日 -可增

及《經典釋文》改。
● 「乃」,原作「仍」,據宮内廳本、四庫本、《墨海金壺》本

此也。 語之外矣。下章之燕樂,皆所 近之乎? 乎 方 ? 體 ,維葉泥泥」, 「戚戚兄弟」,其 毛氏以戚 忠厚之意藹然,蓋 戚 其可 爲内相親,唯體之 使 可 疎 华 遠 羊 見 以 加 踐 樂乎 於 不 履 親 之

授 或 冗 肆之筵,以然反。 有緝七習反。 御。 或授之几。 肆筵 ?設席,

深者爲能識之。

設 曰 鄭氏曰:「緝,猶續 者,或有授之以几者。] 〇鄭氏 ○孔氏曰:「時王心實悦,鋪 也。」鄭氏曰:「年稚者爲設筵而已,老者加之以几。」 之筵,所以 上者稱席。」○毛氏曰:「設席,重席也。」 曰:「在下爲鋪陳,在上人所蹈藉,故在下者稱筵,在 毛 曰 氏 「緝御,踧踖之容也。」 ○長樂劉氏曰 一席授几 日 鋪 :「肆,陳也。」○鄭 陳 行 曰 7、又有: 筵。 燕 禮 音延。 相 也。 也。 續 設促 代 授之几者,優尊 藉 御,侍 曰:「老者 而 遽,或有陳之筵 之日 氏《 侍者。」長樂劉 [席。]孔 周 也。」 禮 旣 学注 毛 肆 氏

> 感反。 或獻或酢,才洛反。 特授几 氏曰: 陳 氏 日 更其 Щ 薦,或 僕 已,又有侍御之人。」 非 八御,所 特 肆筵 燔或炙。 洗爵奠斝。古雅反。 以 優 而 老,不暫闕其 嘉 又 有 **稅**脾婢支反。 :重席。 侍從也。」○ 醓 非 他

朦,渠略反。 或歌或咢。 五洛反。

醢

以

以擩葅。 毛氏曰:「斝,爵也。 也。 虔《通俗》云:『口上曰臄,口下曰函。』」〇《説文》云: 用 豆,韭葅醯醢」是也。」○鄭氏曰:「燔用 其無汁者,自以所用之肉魚鴈之屬爲之名也。 也。」鄭氏曰: 稼┛也。」○蘇氏 醓 函,舌也。」又云:「口裹肉也。」歌者,比於琴瑟 爵。」孔氏曰: 肝 肉汁 孔氏曰: 咢。」孫炎云: 。」〇毛氏 禮,籩豆偶,有醓必有葅。 也。 蓋用肉爲醢,特有多汁,故以醓 「經傳諸言歌者,皆以絃和之。」徒擊 「薦之禮,韭葅則 曰 「謂之斝者、《明堂位》注謂「畫禾 曰 : 聲驚咢也。」○ 「臄,函 醯醢,蓋醢之多汁 夏曰醆,殷曰 ·醯醢也。」○孔氏曰: 也。 《醢人》云『朝士之 鄭 孔氏曰:「服 氏 肉,炙 醯,所 爲名。 日 者 周

則 氏 或燔其肉,或炙其肝,以爲羞。 爵爲揔稱。 洗爵醻客,客受而奠之不舉也。」 孔氏日 加殽」,定本作嘉,唐改從定本。」 「所洗、所奠,一物也。《儀禮》飲觶者亦云『卒爵』,是 日 孔氏曰:「定本、《集注》經皆作嘉。」鄭 脾之與臄。 「以脾函爲加,故謂之嘉。」○董氏曰:「舊書作 於客曰獻,客答之曰 「於獻酒之時,則用醓醢以薦之, 作詩者因洗、奠之别,變其文耳。」 酒殽既備,又作樂助歡。」 酢。 所加! 主 人又 〇孔 殽

鍭。」孔氏 弓、士盧弓。1 此言敦弓,即 何休《公羊》注亦曰:『天子彫弓,諸侯彤弓,大夫嬰 氏曰:「敦與彫,古今字之異。彫,是畫飾之義。《弓 曰:「《荀子》云:『天子彫弓,諸侯彤弓,大夫黑弓。」 人》爲弓,唯言用漆不言畫,則漆上又畫之。]○李氏 毛氏曰:「敦弓,畫弓也。天子敦弓。」孔 曰 「《方言》云: 金 鏃 作 所謂『天子彫弓』也。」 關 木 西日 反。 箭 翦 江. 羽 淮 謂

> 亭。 以此爲燕射,於燕旅酬 曰:「既燕而射,以爲樂也。」孔氏曰:「王肅 則曰右賢於左。若左勝,則曰左賢於右。」〇朱 之、射以中多者爲賢。」《鄉射禮》曰:「若右勝 也。」〇丘氏曰:「均, 氏 三分,一在前,二在後1,彼注云:[三訂之而平者,前 有鐵重也。」四矢皆輕重鈞亭,故言四 鍭。」則鍭者,鐵鏃之矢名也。」○《後漢 其民户出雞羽三十鍭。] 〇毛氏曰: 序賓以賢,謂以射中多少爲次序。」 E : |孔氏曰:「鍭,是矢參亭者也。《矢人》「爲鍭矢 「舍,釋也。」孔氏曰: 之後乃爲之。一鄭氏 徧 也, 「釋,謂 謂 . 鍭既均。] () 四 「鍭,矢參 南 既射 鍭 蠻 徧 曰 傳 放 Æ 釋 鄭 矢

王肅 此兩 以爲大射。 孫爲主之上,豈先爲燕射而後酌 射之説、謂燕射、旅酬之後乃爲之、不當設文於曾 儀禮》,王肅之説是也。 :大射擇 以 章,鄭玄以 士 爲燕射。 一時也。 抑不知此篇乃成周燕宗族兄弟之詩 按《儀禮》,燕射如鄉射之禮,射 爲將養老大射擇士 以詩之所叙,考之 ?酒哉? 孔穎達難 遂從鄭氏 王肅燕

薄矣。 治。若一一拘牽《禮》文,則其味消此詩,當深挹順弟和樂之風以自陶計、當深挹順弟和樂之風以自陶

如樹,序賓以不侮。敦弓既句,古豆反。既挾子協反。四鍭。四鍭

以

祈黄耇。

卿大夫。若其君,則使人屬矢,不親挾也。」 〇 丘 氏 四鍭,故知已偏釋之也。案《大射禮》,滑三挾一个,謂 不以中病不中者也。 曰:「言其貫革 植之也。」王氏曰:「言其貫之力如植也。」〇朱氏 於帶間,挾一以扣絃而射也。 氏曰:「搢者、插也、挾、謂手挾之。 挾一个。言已挾四鍭 賦》曰"「彫弓斯彀。」○鄭氏曰:「射禮,搢三 句字雖異,音義同。《説文》云:『彀,張弓也。』《二京 孔氏曰:「既句,是引滿時也。」又曰:「彀與 一. 四 鍭 如 而堅正也。」〇朱氏曰:「不侮 .樹,言皆著於侯,●如以 射以中多爲雋,以 ", 則 射禮每挾一矢,今言挾 已编釋之。」孔 射用四矢,故插

不侮爲德。」

曾孫維主,酒醴維醹。如主反。酌以大斗,勝者也,故繼之曰:「序賓以不侮。」曰:「序賓以不侮。」「四鍭如樹」,專言「四鍭既均」,泛言射者也,故繼之

度而爲主人,言曾孫,明先王亦然也。] 〇 李 氏 氏曰:「周之先王,皆親親而敬老。 又以不侮矣,而爲之主者,則曾孫也。」孔 見《南山有臺》。 也。一〇孔氏曰:「祈訓爲求。」〇黄者,解 柄也,《漢禮器制度》注「勺五升,徑六寸,長三尺」是 孫,皆以爲成王,則誤矣。」醹 於成王之時,則蓋謂成王也。 毛氏曰:「曾孫,成王 醹,厚酒也。」大斗,長三尺也。」孔氏曰: 「成王之爲主人,而酒醴皆厚矣,遂 〇王氏曰:「序賓以賢, 也。 厚 而説者於他詩 也。《説文》曰 成王承先王之法 朱氏曰:「此 所 一謂 謂曾 詩 其 作

❶ 「侯」,原作「鍭」,據《墨海金壺》本改。

言」也。」○王氏曰:「以祈黄耇,則《序》所謂「養老乞也。」○王氏曰:「以祈黄耇,則《序》所謂「養老乞用蘄眉壽,永命多福」、「用蘄眉壽,萬年無疆」,皆此類頌禱之辭。按古器物欵識多此語。如云「用蘄萬壽,酌大斗,以祈求黄耇也。」朱氏曰:「祈黄耇,酌大斗,以祈求黄耇也。」朱氏曰:「祈黄耇,

其。以介景福。 黄耇台湯來反。背,以引以翼。壽考維祺,音黃耇台湯來反。背,以引以翼。壽考維祺,音言,皆在其中矣,不必專指一端也。 酌大斗而祈黄耇飲之也,頌禱與乞

氏曰:「景福,大福也。」 毛氏曰:「景福,大福也。」○八里氏曰:「台背, (論背、者、老,壽也。」○董氏曰:「子,電, (論背、者、老,壽也。」○董氏曰:「子,頭,謂引之以 (論背、者、老,壽也。」○董氏曰:「子,頭,謂引之以 (論背、者、老,壽也。」○八氏曰:「谷之言 (論背、者、老,專也。」○八氏曰:「台之言 (論背、者、老,專也。」○八氏曰:「台之言 (治背、大老也。」鄭氏曰:「台之言 (為言、大名也。」)

景福也。 黄耈相導左右成王,庶其登壽考而介前章言成王厚酒醴以酌黄耇,此章言

四句。鄭氏作八章章四句,今從毛氏。《行葦》七章,二章章六句,五章章

首。 《既醉》,大音泰。 平,無所施爲,但燕群臣而已。」○陳氏曰:「君臣湛湎 若是乎?」 恭於上,於是因祭祀之餘,旅酬徧及,非夫大平之時, 上,而天下之民穀粟不繼,饑窮無聊,朝夕相聚,欲爲戎 君子之行下孟反。 君雖有酒,豈能獨樂? 平也。 焉。 丘氏曰:「成王之時,天下大 夫唯民俗安靖於下,君臣 醉酒 飽 德,人有士 肅 於

曰:「周自文、武至於成王而天下平,無王也。」○鄭氏曰:「景,大也。」○蘇氏「君子,斥成王也。」○朱氏曰:「爾,亦指朱氏曰:「德,王之德也。」○鄭氏曰:

❶ 「介」,原作「戒」,據《墨海金壺》本及《經典釋文》改。

也?」〇陳氏曰:「燕接之間,恩澤充足,故言『既飽以 飽之以德。」昌氏曰: 所 而 燕於寢,旅酬 復 事,故 君子作詩,言王 至 無筭爵,醉之以 「既飽以 德,孰觀是禮而 與 群 臣 酒 祭 有得 畢,

丽

既醉以 昭 明。 酒 爾 殽 既 將。 君子萬年,介爾

明 之永作明君也。」丘氏曰" 如此,故欲其君有萬年之壽。] 〇 朱氏 曰: 炙。」」○《國語》晉獻公令司正實爵與史蘇,曰:「賞女 牲體實之於俎 鄭氏 曰:「天又光大汝成王,與之以昭明,使 以爵,罰女以無肴。」○毛氏曰:「將,行也。」 ,明德也。」○李氏曰:「成王之待臣 曰:「殺,俎實也。」孔氏曰:「歸俎 亦奉持 也。 而進之意。] 〇王氏曰:「昭 《楚茨》篇:『爲俎孔 「謂發其智慮也。」)碩,或 孔氏 者 燔 下 以

昭明 公尸嘉告。 有 融,高朗令終。令終有俶、尺叔 反

氏曰: 融,明之盛 也。」《春秋傳》曰 明

> 告之。」 之? 蓋有其始矣。」〇朱氏曰:「今固 又令終,所謂「攸好德」,「考終命」也。」○陳 言告之,謂嘏辭也。」〇丘氏曰:「言群 終,善終也。古器物銘云「令終」「令命」。」 〇毛氏 明也。」〇鄭氏曰: 終也,而 願王明盛而又獲善終也。」朱氏曰:「高朗 曰:「王之所以能 曰:「俶,始也。」○鄭氏曰:「嘉告,以 (未融。」○毛氏日 既 有其始矣。 : 「令,善也。」朱氏曰:「令 高明善終者,何由 「朗,明也。」朱氏 於是公尸又嘉 「虚 知 氏 而

其告維 也。 周之追王止於大王,則宗廟之祭, 之尊者乃公尸也。自「既 祭之受福,以明頌禱之實也 「高朗令終」,皆祭畢 何 ? 自「令終有俶」至於卒章,皆追 籩 豆 静嘉 朋友攸攝,攝 而 燕 醉以酒」 頌 禱 之辭 以 至

威 《儀。

儀之事、《祭義》所謂『濟濟漆漆』是也。]○王氏曰: 相斂攝以威儀,又曰:「各自收斂,以相佐助爲威 曰:「《傳》所謂馨香而無讒慝之意也。」 助祭者又 踖踖,爲俎孔碩。君婦莫莫,爲豆孔庶」同意。」○陳氏 言告者,是何故乎? 之友人也。」○鄭氏曰:「攸,所也。」○蘇 也。 潔清 ○王氏曰:「其設之也不譁,而爲之也至美。 與『執爨 美,鄭氏曰:「籩豆之物,潔清而美,政平氣和所致。」 曰:「攝,撿也。」〇孔氏曰:「公尸以 指助祭者。」陳氏曰:「共事之人。」○蘇氏曰:「王 籩 攝以威儀,則其助祭也,莫或敢慢,與『既齊既稷,既 既飭1同意。」當神之意也。」 嘉,言其新美而時也。」〇朱氏 $\overline{\nabla}$ 而美也。」長樂劉氏曰:「静,言其滌濯且敬 解見《伐柯》。 由祭饌則潔 鄭 氏 曰:「朋友 E 静 清 嘉 善 氏 加

時節。」○朱氏曰:「孝子,主人之嗣子鄭氏曰:「孔,甚也。」○孔氏曰:「時,謂

善也。」○ 毛氏曰:「匱,竭也。類,意深矣。」○ 毛氏曰:「匱,竭也。類,曰:「祭祀之終,有嗣舉奠,所以致其傳付祖考德澤之也。《儀禮》,祭祀之終,有嗣舉奠。」昌氏

年,永錫祚才路反。 其類維何? 替也。 竭矣。 嗣子之孝舉奠於後,其孝可謂 成王與助祭者,威儀既得其宜, 神之錫汝以善,宜其永永不 室家之壼。 胤。羊刃反。 苦本反。 君 源 子 源 又有 萬 不

年,景命有僕。 其胤維何? 天被皮寄反。爾禄。君子萬

鄭氏曰:「被,覆被也。」〇毛氏曰:「僕

而爲天命之所附屬,下章乃言子孫言祚耳。」○朱氏曰:「言當使爾被天禄,句末而轉之,故云『其胤維何』,其實先『永錫祚胤』,謂祚及後胤也。此章因其附也。」王氏曰:「屬也。」〇孔氏曰:「前章言附也。」王氏曰:「屬也。

士,從以孫子。 其僕維何? 釐力之反。爾女士。釐爾女

之事。」

無不賢者矣。」 無不賢者矣。」 無不賢者矣。」 一文而有士行者。從,隨也。天既予女, 以女而有士行者。從,隨也。天既予女, 以女而有士行者。從,隨也。天既予女, 大言。使 以女而有士行者。從,隨也。

《既醉》八章,章四句。

持盈守成,神祇祈支反。祖考安樂音洛。之《鳧音符鷖於雞反》,守成也。大平之君子,能

所依? 惟能持盈守成,神祇亦得安矣。」易。故所以美其能守之也。」○李氏曰:「人苟不安,神何也。孔氏曰:「物極則反,或將喪之。成之既難,守亦不也。孔氏曰:「物極則反,或將喪之。成之既難,守亦不

殺既馨。公尸燕飲,福禄來成。 鳧鷖在涇,公尸來燕來寧。爾酒既清,爾

鷖,鳧屬。」孔氏曰:「《蒼頡 小,長尾,背上有文,今江東亦呼爲鶻。]陸璣《疏》云: 也。孔氏曰:「《釋鳥》「鸍,沈鳧」,郭璞云:「似鴨而 朱氏曰:「興也。」〇毛氏曰:「鳧,水鳥 其上皆公尸也,故言公尸之尊者。」〇鄭 當成王之時,爲王尸者,有文王、武王, 「大小如鴨,青色,卑脚,短喙,水鳥之謹愿者也。」」 在沙,謂公尸和樂,如水鳥在水中及水 氏曰:「爾者,成王也。」〇毛氏曰:「馨, 也。」一〇涇,解見《谷風》。 旁,得其所爾 香之遠聞也。」〇歐陽氏曰:「鳧鷖在涇 「《鳧鷖》言天子之祭,而言公尸,何也? 鄭氏 曲爲分别,以譬在宗廟 在渚、在潨、在亹,皆水 解詁》云:『鷖,鷗 〇張氏曰:

如字。殺既嘉。公尸燕飲,福禄來爲。于僞反,協句殺既嘉。公尸燕飲,福禄來爲。于僞反,協句鳧鷖在沙,公尸來燕來宜。爾酒既多,爾

也。」毛氏曰:「厚爲孝子也。」「宜者,宜之也。」○鄭氏曰:「爲,猶助毛氏曰:「沙,水旁也。」○長樂劉氏曰:

校下。 湑,思汝反。 爾 殽 伊 脯。 公 尸 燕 飲,福 禄 鳧鷖在渚,之與反。 公尸 來燕 來處。 爾酒 既

宗,福禄攸降。公尸燕飲,福禄來崇。鳧鷺在潨,在公反。公尸來燕來宗。既燕于渚。」處,止也。」○湑,解見《伐木》。毛氏曰:「渚,沚也。孔氏曰:「水中高地爲

水也。」宗,尊也。」○莆田鄭氏曰:「于宗,

毛氏曰:「潨、水會也。《説文》曰:「小水

入大

毛氏

曰:「申,重也。」○歐陽

氏

曰:「詩

人嘉樂成王有顯顯之德,以宜其民人,

曰:「知人則哲,能官人。安民則惠,黎民懷之。」()

酒欣欣 **鳧鷖在亹,音門,公尸來止熏熏。** 後艱。」 芬,香也。」〇鄭氏曰:「令王自今,無有 也。」熏熏,和説也。欣欣然,樂也。 注云:「浩,水名也。 水路,令水勢斷絶也。」〇《後漢書·馬援傳》「浩亹」, 宗廟 毛氏曰:「亹,山絶水也。」孔氏曰:「謂山當 ,燔炙芬芬。公尸燕飲,無有後艱 也。」〇吕氏 亹者,水流峽山間,兩岸深若門 曰 「崇, 積 而 許云反。旨 大也

《鳧鷖》五章,章六句。

下之民也。人,在位之人也。」《臯陶謨》 毛氏曰:「假,嘉也。」○陳氏曰:「民,在天。保右音又。命之,自天申之。假樂君子,顯顯令德。宜民宜人,受禄于假樂者,嘉成王也。

威

憲憲令德」。《左氏傳》亦作「嘉樂」。又申重之也。」○《中庸》作「嘉樂君子,反覆眷顧之不厭。既保之右之命之,而反覆眷顧之不厭。既保之右之命之,而而受天之禄。」○朱氏曰:「天之於成王,

王。不愆起連反。不忘,率由舊章。干禄百福,子孫千億。穆穆皇皇,宜君宜

儀 干 雅》曰: 皇,以遵成王之法者。」○《釋文》作「且 先王之禮樂政刑也。」〇蘇氏 也。率,循也。]○長樂劉氏 侯 曰:「天子穆穆,諸侯皇皇。」〇孔氏曰:「君,諸 鄭氏曰:「干,求也。十萬曰億。」〇《爾 I群匹。 禄而得百福,故其子孫之蕃,至于千 抑 且王」,曰:「一本『且』並作『宜』字。」 也。王,天子也。」〇鄭氏 抑 爲天子,庶爲諸侯,無不 「穆穆,敬也。 受福 德音秩 無疆,四方之綱。 秩。 無 皇皇,美也。」鄭氏 怨無 曰: 日: 惡,烏路反。 曰:「成王 穆穆 「愆,過 「舊章,

> 鄭氏 受無疆之福,爲四方之綱。」 臨下無有怨惡於人,率用群臣 歐陽氏曰:「言成王有威儀,有令德,其 類也。」鄭氏曰:「匹,耦也。」朱氏曰: 秩,有常也。」〇莆田 氏曰:「從衆之欲,而己不自爲,是以 之,王享其福禄, 日: 「3 抑 抑 揔其綱紀 也。」〇毛 鄭氏 而已。二〇 「群臣也。」 氏 群匹 曰 以 : 共 蘇 秩 能

于天子。不解住買反。于位,民之攸塈。許之綱之紀,燕及朋友。百辟卿士,媚眉備反。

器反。

在上,與臣下燕飲而樂之。」○朱氏曰:「塈,息也。」○李氏曰:「紀綱既正,無爲也。」○鄭氏曰:「娟,愛也。」○毛氏曰:「些,一首臣。」○鄭氏曰:「娟友,群臣也。」丘氏曰:「諸侯也。」○鄭氏曰:「燕者,燕飲也。」○毛氏曰:「大作綱,小作紀。綱爲統,紀董氏曰:「大作綱,小作紀。綱爲統,紀

作「匪解」。位,而爲民所安息也。」○《釋文》「不解」「百辟卿士,媚而愛之。維欲其不解于

由 勞則下逸矣。 在下,而樞機在上,上逸則下勞矣,上 之者,蓋臯陶賡歌之意也。民之勞逸 解于位,民之攸塈」也。方嘉之又規 憂者,怠荒而已。 此上下交而爲泰之時也。 卿士言之也。 史友」、「内史友」,則朋友者,合百辟 泰誓》曰「友邦冢君」、《酒誥》曰「太 **|休息也。** 「不解于位」,乃民之所 君燕其臣,臣媚其君, 此詩所以終於「不 · 泰之時 所

《假樂》四章,章六句。

詩也。 政,戒以民事,美公劉之厚於民,而獻是《公劉》,召康公戒成王也。 成王將涖音利。

> 志也。」 甚微,以戒其盈。 劉,雖在戎狄之間,復修后稷之業。」〇王氏曰:「周之 也。 有公劉,言乎其時則甚微,言乎其事則甚勤。 衰,去稷不務,不窋失其官,而奔戎狄之間。 窋 孔 氏 生 后稷 鞠 \Box 陶 《周 本封 ,鞠陶生公劉」,是后稷之曾孫 稱事之甚勤,以懲其逸。 本 於邰。」《史記》曰:「夏后氏 紀》云『后 稷 生不 不窋 蓋召公之 窋 稱時之 孫公 政

囊。 戈戚七歷反。 篤公劉,匪居 迺 裹音果。 乃郎反。 餱音侯。 揚,爰方啓行。 思輯音集。 匪康。 糧 , 音良。 迺場迺疆,迺積 用光,弓矢斯張。干 于槖他洛反。 迺 于

其大也。」○董氏曰:「無底曰橐,有底曰囊。」○ 毛 傳》稱陳乞欲立公子陽生,盛之巨囊,内可以容人,是 肉, 寘諸橐以與之。 橐唯盛食而已, 是其小也。 《公羊 糧,糗也。] 〇毛氏 囊。」孔氏曰:「《左傳》稱趙盾見靈輙餓,爲之簞食與 積,委積 也。」〇 毛氏曰:「篤,厚也。」○鄭氏曰:「康,安) 董 氏 也。 朱氏曰:「露積也。」餱,食也。 曰:「場,畔 曰:「小日 也。 疆, 彙,大曰 界也。

也。

氏

曰

柄也。

行,而 治其 其官 其餱糧,思 劉之於民也,其在西戎,不敢寧居。 蘇氏 稱之,以教成王。」○朱氏曰:「言厚哉公 公劉,復修后稷之業,始居於豳,故召公 於是以其弓矢斧鉞之備,爰始 田田 , 犇於戎狄之間, 再世不顯。 曰:「后稷始封於邰,傳子不窋而 遷國於豳焉 疇,實其 以 輯 (倉廪。 和 其 人民,而光顯 既富且强, 迺 其 其 孫 國 以 失

毛、鄭以公劉居於邰,而遭夏人亂 遷於豳 且以爲在 部 有 疆 場積

> 意象 備,然後裹糧治兵,拓大境土,而遷都 于豳焉。 戎,至公劉 》、《史記》參之,蓋自不 在其封内也。 整 人迫逐,乃棄 一暇,不見 國都雖遷,向之疆場積倉, 而復興疆場積 迫 而去。 逐 之 倉。 窋已竄 事。 攷之是章, 内治 以 于 國 既 西

《小序》之有所去取,諸家之未次先 終。自《公劉》之次章訖於終篇, 先兄己亥之秋,復修是書,至此 有所損益,姑從其舊,以補是書之 後,與今編條例多未合。 今不敢復 往歲所纂輯者,皆未及 刊定。 則 而 如

闕云。

反 在 丽 篤公劉,于胥斯原。 原。 無永嘆。 琫必孔反。容刀。 何以舟之? 他安反。 陟則在巘,魚輦反。 維玉及瑶,音遥 既庶既繁,既順 **鞞**必頂 迺宣, 復降

順, 原之 名。 瑶 平日 刀。]〇朱氏曰:「此章言至豳 也 既 重 而 者,刀鞘之名。 舟 孔 肅 毛 無 衆 氏 居民也。」〇孔氏 氏 ,本又作 圃 鞞琫容刀」,言公劉帶此佩 猶安也。宣,居之徧 由原 E 公劉帶美 長 原 偏 相 曰 也 既 嘆思其舊 而升巘,復下在原。言反覆之, 郭 邑居之所也。」○《釋文》 謂廬井。三巘,小山 厚乎公劉之相此原 璞云:「山 胥, 下 多矣,既順矣,皆安今之居, 甗 琫者,鞘之上。」() 日 玉 相 鞞,上曰 也。 及 形如累 瑶 宣, 曰 公劉之相 并鞞 "「瑶,是玉之别 徧 兩 琫。」 也。 也 别 鄭 甑,上大下 0 於大 以 琫 氏 而 **『**維 孔 而上 孔 居 相土也。 容 日 氏 此 氏 民、民 曰 Ш 티. 原地 Ė 玉 飾 下 小。」 也。 蝉 三王 及 Ż Ш 廣

也。 攀跋 公劉 涉 陟 ,賤者之事,非 巘 降 原,其 绺 貴 如 此 者所 視其 能 堪

> 時廬 岡 公劉,逝彼 乃親 旅 苦,斯 何 ,于時言言,于時語語 所 也 佩 于 其 服 京。 所以 百 以 乎 泉,瞻彼溥音普。 如 ? 京師之野,于 爲厚於民 是 之佩 則 維 服, 玉 也 及 敷 親 ,時處 瑶 原。 如 是 鞞 處, 之 迺 琫 勞 陟 容

篤

南

觀之, 以 也。」 矣,則經畫以定之,曰 自下觀之,則往 瞻彼溥原」,只看百泉之往處,便知地形 時,是也。」〇横渠張氏 京 脊,乃見其 之間,視其 脊臼 鄭氏曰:「逝,往。 廬賓 地,乃衆民所宜居之野 ○蘇氏曰: 岡,絶高謂之京。 則陟 旅 此可 廣 可居者於京,謂可營立都 南 原 出 以施 百泉 「公劉之營京邑也審矣 可居之處,乃升 而 瞻,視。 覯 教令,此可 而望 此 京 日 公劉往 可 師 以居民,此 廣 溥 『逝彼百泉 也。于,於。 原 審 之彼 廣 以 其 南 也 議 可 自上 Щ 百 邑。 政 Ż 泉 可 Ш

君之宗之,爲之君,爲之大宗也。」

之,君之宗之。生,酌之用匏。步交反。食音嗣。之飲於鴆反。筵俾几。既登乃依,乃造其曹。執豕于篤公劉,于京斯依。蹌蹌七羊反。濟濟,俾

俾,使也。」〇陳氏曰:「蹌蹌濟濟者,禮室。其既成也,與群臣飲酒以落之。鄭氏曰:「公劉之居於此京,依而築宫

於牢中,以爲飲酒之殽。」酌之用匏,儉以質也。則殺禮也。孔氏曰:「乃使人造適其群牧,執其豕乃依几矣。曹,群也。執豕于牢,新國設筵設几。」○毛氏曰:「賓已登席坐矣,容之盛也。」○孔氏曰:「公劉使人爲之

之時,暫 宗,其事 宗,其相 遺民,而盡俘以歸。 以畀楚,楚司 屬其民,上 久矣,於此 定經制,使上下相維也。 食之飲之、君之宗之」,謂既 相 爲詐諼之計, 維 始日 須。 |則皆統於君,下 煮 `馬致邑立宗焉,以 如 君之者,言公 春秋之末,晉 此 也。 當典刑廢 猶必 古者 公劉之爲 則 立宗焉。 1劉之 建 各 執 饗 壞 國 統 燕 誘 蠻 垂 其 於 整 君 立 丽

前乎此者,可知矣。

其陰陽,觀其流泉。其軍三單,音丹。度待洛篤公劉,既溥既長,既景迺岡。相息亮反。

皆什 今更言其僅足三軍 徹,與《孟子》 『百畝 則是單而無副。 國之制三軍,以其餘卒爲羨。今公劉遷 其土宜 人,以其餘爲羨。]羨,謂家之副 徹。」孔氏曰:「《小司徒》云:『凡起徒役,無過家 徹之,使出稅以 單者,無羨卒也。 於豳、民 異,故相之也。 陽,山北爲陰。 或北,皆須正其方面,故以日景定之。 大名則 蘇氏 相 且 其陰陽寒暖之宜,水泉灌溉之利 長矣,於是考之日景,參之以 -。 三 王 〇王 曰:「宫室既成,則治其 ,以授野人。」孔氏曰: 始從之,丁 氏 流泉,所以灌溉。] ○鄭氏曰:「大 但 以《周禮》言,三軍三萬七千五百人。 廣谷大川,有寒有暖不同 曰 丽 爲 徹 國 度其隰與原田之多少 同。 ,何也? 前既言 用 夫 孟子説三代税法,其實 丁也。 適 什 滿 既 「民居田畝,或南 今言其軍三單 田 三軍之數。 前既 而税謂之 庶既 原。 高 ' ; 所宜 岡 山 既 南 則 廣 爲

> 之即。 遡其過 篤公劉 丁亂反。 三軍, 西之田以廣之,而豳人之居於此 山 曰:「周之徹法,自公劉始。」〇毛氏 爲將言其後『爰衆爰有』也。」〇 國,則其 輯 允,信也。」○蘇氏曰:「於是又度)朱氏曰:「民至此始受田,有常産矣。_)疏曰:「豳於漢屬右扶風,爲栒邑縣。 其 西日夕陽。荒,大也。」〇鄭 于豳 古禾反。 民, 止基迺理,爰衆爰有。 則 是 軍 三軍 斯舘 爲 · 僅 澗。 既 足而 大國之制。 庶 止旅迺密, 涉渭爲亂,取厲 린 既 繁』。 且 言其僅足者 於是始爲大 今所 **芮**鞫居六反 夾其 益 氏 謂 (皇澗 取 李氏 大。」 其 曰 僅 曰 鍛 Ш 足

氏 澗 毛氏 水之旁。 曰:「夾其皇澗,遡其過澗,皆布 名 也。 曰:「舘,舍也。 水之外曰鞫。]〇朱氏曰:「此 遡,郷也。 過, 正 絶流 澗 名 也。」 亂。 店 ○ 鄭 澗

章揔叙: 《詩・大雅・公劉》曰:芮鞫之即。」」蘇氏 來居 也。 水之内曰隩。」 曰:「芮水出吴山西北,東入涇。 州,其川涇汭」,注云"『汭,在 之衆,日以益密,乃復即芮鞫而 〇毛氏曰:「芮,水厓也。」〇鄭氏曰:「芮之言内 地日以廣矣。]〇孔氏曰:「《職方氏》『雍 於此矣,乃疆 厲, 砥 涉渭1 其居有夾澗者,有遡澗者。 時,以此成民居及宫室也 其所 取 石 始終 材 也。 理其田野,則日益 面 爲之,以往 也。亂, 鍛、鐵也。 芮鞫,芮水之外也。」 舟之截 來 此言 取 居之,豳 **上繁**庶. 其止 既 厲 流 豳 其 止. 横 地。 始 居 基 渡

焉。 編日衆,規摹 止旅迺密,芮鞫之即」,風氣日 公劉》六章,章十句。 周之王業,既兆 日廣,有方興未艾之象 宇此 開,民

泂 音 迥 酌 召康: 公戒成王 言皇天親

> 有德,饗有道 也

加 甫云反。 酌彼 饎。 行潦,音老。 尺志反。 挹音揖。 豈弟君子,民之父母。 彼注兹,可

以

餴

毛氏 《孟子》曰:「雖有惡人,齊戒沐浴,則可以 賤之水,苟挹之於彼,而注之於此,則遂可以 母,則皇天親之饗之矣。」蘇氏曰:「雖行 子, 豈不爲民之父母乎? 彼,而注之於此,尚可以餴饎。 之親。」〇朱氏曰:「遠酌彼行潦,挹之於 教之、易以悦安之、民皆有父之尊、有母 酒食也。 曰:「餴,蒸米一熟。 氣流也。」然則蒸米謂之餴,餴必餾而熟之。」〇朱氏 曰餴,均之曰餾。」《説文》曰:『餴,一蒸米也。 故云流潦也。」餴,餾也。 曰:「行者,道也。 所以爲戒成王也。」 日 「泂,遠 豈弟君子,民之父母,樂 潦者,雨水也。 而以 也。 水沃之,乃再熟也。」館 孔氏曰:「孫炎曰:"[蒸之 行潦,流潦也。 行道上雨水 民歸之如 祀上 豈弟君 帝。 以 餾,飯 流聚 餴 孔氏 潦汙 饎 彊

泂 彼行 潦, 挹彼注 兹, 可 以 濯 音 雷

豈弟君子,民之攸歸。

饗有道,「民之攸歸」之類也。」故言祭耳。」○横渠張氏曰:「皇天親有德,耳》云「我姑酌彼金罍」,則饗燕亦有罍。以此論祭事,耳》云「我姑酌彼金罍」,則饗燕亦有罍。以此論祭事,耳》云氏曰:「濯,滌也。罍,祭器。」孔氏曰:毛氏曰:「濯,滌也。罍,祭器。」孔氏曰:

豈弟君子,民之攸塈。 泂酌彼行潦,挹彼注兹,可以濯溉。古愛反。

《泂酌》三章,章五句。 溉亦是洗名。」〇鄭氏曰:「塈,息也。」 孔氏曰:「《特牲》注云:『濯,溉也。』則

吉士也。《卷音權阿》,召康公戒成王也。言求賢用

歌,以矢其音。有卷者阿,飄風自南。豈弟君子,來游來

有大陵卷然而曲,迴風從長養之方來人也。矢,陳也。」○鄭氏曰:「大陵曰阿。毛氏曰:「興也。卷,曲也。飄風,回風

也。 留。 迴風。 之上,而賦其事,因遂歌以爲戒也。」 亦如此而已。」○朱氏曰:「豈弟君子,指王 者阿,則 ○《釋文》曰飄作票,曰:「本亦作飄。」 始備 氏、王氏之説 虚 從毛氏。 當從朱氏。 此章具賦、比、興三義。其作詩之由 其爲陵也不大,則其化養也不博。 喻 矢,陳也。疑召公從成王遊於卷 中、屈體、化 不虚中,則風無自而入。 虚中屈體之大陵。 王 以卷 屈 其 以 養萬 阿 因 也。 待 飄 卷 飄風自南,則 賢 三説 阿飄 物 風 者。 爲比 面 不屈體,則風無自而 風 興求賢,因以 相須,其義 王 而 王之求賢,則 則當如 氏 化養萬物之 發興,當 曰 有 鄭 阳 卷

爾彌爾性,似先公酋在由反。矣。伴奂爾游矣,優游爾休矣。豈弟君子,俾

也。」〇董氏曰:「能充其性,則能似其先曰:「伴奂優游,閑暇之意。爾,皆指王鄭氏曰:「伴奂優游,自休息也。」〇朱氏

無間之謂也。」〇毛氏曰:「酉,終也。」君矣。」〇王氏曰:「彌者,充而成之,使

辭也。 忘舊也,祝之所以戒之也。 也。 周之尊老,故其祝成王,遠本先公,不 於無虧闕之地也。 性,似先公之克終而 自 而優游矣。 國家閑暇,君臣游衍,可謂 章以下,皆召公陳其詠歌之辭 彌爾性者,祝其進益成就,至 所願乎成王者,惟充其 似先公者,召公, 릲 俾爾者,祝 伴 奂

子,俾爾彌爾性,百神爾主矣。 舜土宇昄符板反。 章,亦孔之厚矣。 豈弟君

川鬼神之主也。」 (一次、大田:「百神爾主矣、爲天地山土宇大而且著,其厚甚大,不可以有加土宇大而且著,其厚甚大,不可以有加土;大而且著,其厚甚大,不可以有加土;一、大也。」(蘇氏曰:「章,著毛氏曰:「晚,大也。」(蘇氏曰:「章,著

土宇既厚,惟祝其彌爾性,長爲百神

主百神矣。上二句嘆而美之,下三句以逸欲虧其性,則天位難保,將無以之主而已。天子者,百神之主也。苟

祝而戒之也。

前後兩章亦然。

享此福也。」○蘇氏曰:「嘏,福也。常,常安矣。」○鄭氏曰:「弗,福。康,安也。废矣」○鄭氏曰:「弗,福。康,安也。陳氏曰:「爾受天命,累世已久,福禄已

之乎? 其意蓋在其中矣。 先公,主百神而常純嘏者,果何以致未及於求賢,然成王所以彌爾性而似自三章至此章,皆嘆美祝戒之辭。雖

豈弟君子,四方爲則。 有馮符冰反。有翼,有孝有德,以引以翼

氏曰:「在前則有馮,在側則有翼。」〇王毛氏曰:「有馮有翼,馮依輔翼也。」〇蘇

右。」○鄭氏 氏 曰 以 티 : 引 引 「則,法也 其 前 以 翼 翼 其 左

非 其 也? 後王 間者矣。故宣王之在内者,唯云「張 也。 是詩 者之行非 一端,必日 孝有德之人,在王左右,以引以翼,然 辭從 輔翼,必多得有孝者、有德者,然後 成王之左右前後,當有所馮依,有 益 :孝友」。 師 消 所 焉 |德罔愆,可以爲四方之法也。 傅之器」,皆此意也 以興起善端、涵養德性、鎮其 其邪,日改月化,有不在言語之 容 雖 「以引以翼」,自賢者言之也。 蓋人主常與慈祥篤實之人處, 「有馮 不迫。 戒 而蕭望之亦謂 求賢,然詠 有翼」,自成王言之也。 至此章始明言賢者之 「有孝有德」,何 歌以 張敞材輕 道之,故 躁 所 可

> 子, 四 方 爲 綱

綱紀。」 禮義 則有 則 鄭氏 之則有令望。」〇 相 毛氏 卬 副。」○蘇氏 卬然高 相 曰 善聲譽,人望之則有善威儀, 切瑳,體貌則 「令,善 「顒顒,温 朗 曰:「遠之則有令聞 如玉之圭璋 也。 陳氏 貌 顒 王 曰:「爲四 顒 有 印 然敬 賢 印 也。 臣 順,志氣 人聞之 與 貌 方之 ·, 近 德 之以 行

德,以引以翼」,則 此章與前章相 承, 顒 有馮 顒 印 有 翼,有孝 吅 如 圭 如 有

鳳皇 藹 藹 王多吉士,維君子使,媚于天子。 于飛,翽翽呼會反。 璋,令聞令望」矣。❷ ,靈鳥也。 其羽, 亦集 爱止

毛

氏

曰:「鳳

凰

雄

鳳,

雌

曰

0 聞, 原作 據四 庫本、《墨海金壺》本及蘇轍《詩

顒 顒

卬

印

如圭如璋,令聞令望。

豈弟

君

聞」,原作「問」,據四 庫本、《墨海 金壺》本

媚愛也,非邪媚之謂也。」 則維王之所使,而皆媚于天子矣。 羽,而集於其所止矣。 也。」〇朱氏曰:「鳳皇于飛,則 凰 善士藹藹然。」〇 凰。] 〇鄭氏 至 ,故以喻焉。 曰:「翽翽, 蘇氏曰:「藹 媚,愛也。 藹 羽 藹王多吉士, 也。 王之朝 翽 因 翽 衆多 時 其 鳳

爰止」,言其萃聚也 自此以下,廣言人材之盛也。「亦 集

藹王多吉人,維君子命,媚于庶人。 鳳皇于飛,翽翽其羽,亦傅音附。 鄭氏曰:「傅,猶戾也。 命,猶使也。 于天。 親 藹

鳳皇鳴矣,于彼 「亦傅于天」,言布散也。 高岡。 梧桐生矣,于彼

愛庶人,謂撫擾之。」

音皆。 陽。 蓁蓁布孔反。 萋萋,七西反。 雝 雝 喈 朝

朱氏曰: 興下章之事也。」〇毛氏曰:

> 之處也。」 梧桐不棲。」〇孔氏 梧、桐,一木耳。」○朱氏曰:「 凰鳴也。」○鄭氏曰:「 也。二蓁蓁萋萋,梧桐 '榮,桐木」,郭璞曰:『即梧桐也。』然 槻 Щ 東日 梧」,郭璞 朝 陽。 孔 曰: 『今梧桐。』又 氏 盛 曰:「孫 岡, 也。 曰:「《釋木》 Ш 炎曰: 離離 朝陽,明 「朝 喈喈 鳳 先 凰 見 云 則 非 日

馳。 君子之車,既庶且多。 矢詩不多,維以遂歌。 君子之馬,既閑 且

555

喈喈矣。君子之車馬衆多,則亦足以 曰:「承上章之興也。 鄭氏曰:「庶,衆。 閑, **奉奉萋萋,**則 習也。」〇 朱氏 離 待 雝

高岡。 棲 13鳴其 顯地 間 也。 可 謂 梧桐, 得其所矣,故極 嘉木 也。 言 鳳

凰

賢者矣。」

0 注疏》改 原作「 「儭」 據《墨海金壺》本及《毛詩正義》、《爾

召公言初陳 乎此也。「矢詩不多,維以遂歌」者, 有其時,有其具,召公所以欲成王勉 載之,其光華和樂,殆非形容所及也。 也。意不能已,遂歌而至於累章耳。 六句。 卷阿》十章,六章章五句,四章章 今王之車馬既 萋之盛 詩以戒王,其 雝 雝 多既閑,苟得衆賢 喈 喈之樂, 辭 本 以 东 形 多 容

變 大 雅

穆公,康王之後,名虎。」 穆公,康王之後,名虎。」 《民勞》,召穆公刺厲王也。」 《民勞》,召穆公刺厲王也。」 《民勞》,召穆公刺厲王也。 《民勞》,召穆公刺厲王也。 《民勞》,召穆公刺厲王也。 《民勞》,召穆公刺厲王也。 《民勞》,召穆公刺属王也。

吕氏曰:「《民勞》,皆諫辭也。」

而

竊其權,以爲寇虐則爲之,故無

以定我王。 式遏寇虐, 憯七感反。 以 民 綏四 也。 下。 幾可 亦 而 不畏天明也。」〇蘇氏曰:「人未有無故 從善也。」〇鄭氏曰:「汔,幾也。康、綏 謹察小人將以害政也。章末之言,皆丁 皆安也。 寧反復勸 中言『無縱詭隨』、『式遏寇虐』者,欲王 吕氏曰:「五章章之始皆言『民亦勞止』、 中 『惠此中國』者,欲王息民而固根本也 妄從人 勞 國, 柔,安也。」〇吕氏曰:「憯不畏明, 京師者,諸夏之根本。]〇毛氏 以小安之乎? 方。 뱌 京師也。 汔 惠,愛也。 (者也,維無良之人,將悦 王之辭,使之去危即安,去惡 無縱 許 詭 反。 四方、諸夏 俱毀反。 不畏明。 可 愛京師之人以安天 今周民罷勞矣,王 小 康。 隨, 柔遠能 也。憯,曾 以 惠 謹 此 無 中 其君 티 : 邇 良。 國

曰:「《尚書》注以能爲恣,則此云侞者,與恣同,謂順 伽其近者。」《釋文》曰:「伽,檢字書,未見所出。」 疏 矣。」〇朱氏曰:「詭隨,不顧是非而 止之,至於爲寇虐而欲遏止之,亦 定矣。」〇李氏日 隨 人也。能,順習也。」鄭氏曰:「能,猶伽也 無畏之人止,然後柔 ,則無良之人肅。 :「不於詭隨之時 無良之人 遠 能 邇 肅 一**,** 而 妄隨 已 則 而 王],順 晚 禁 室 宼

無所限極 小人不畏天明, 苟縱 詭 言而 隨 隨之人,誠覆邦家 」,乃所以 喪邦, 也。 曰 謹 惟予言而莫予違, 無 良 之人 而 丽 不 遏寇虐 遏,其爲惡 也。 無 也 縱 則 適其意也。」

逑。 遏 民 亦 曰 勞止, 汔可小休。 虐,無俾民憂。 氏 無縱詭隨,以謹惽音昏。 「言使民無離散也。」情似 曰:「休,止息也。 無弃爾勞,以爲王休。 惠此 逑,聚也。」李氏 **怓**。女交反。 式 中 國,以爲 譁也。 民

女也。

孔氏曰:「孫毓云:「戎之爲女,詩

人通訓。」

惡

也。

敗,壞也。

無使正

道

民 女王之美。述其始事者,誘掖之也。」 猶 功 也。 無 廢 女 始 時 勤 政事之功,以 爲

國。 俾作慝。吐得反。 亦勞止, 汔可小息。 無縱詭隨, 以謹罔 敬慎威儀,以近有德。 極。 惠此京師,以綏 式遏寇虐, 四 無

禮貌苟衰 當敬慎其威儀、則能親近有德之人、蓋 曰:「罔,無。極,中也。」李氏曰:「不中也。」 毛氏曰:「息,止也。 ○李氏曰:「敬慎威儀,以近有德,言王 ,則有德之人去之矣。」 慝,惡也。」○鄭氏

虐,無俾正敗。戎雖小子,而式弘大。 民 俾民憂泄。 亦 毛氏曰:「愒,息。泄,去也。鄭氏曰:「泄 猶出也,發也。」醜,衆也。」○鄭 勞止, 汔可小愒。起例反。 惠此中 此章諫厲王遠小人近君子也。 無縱詭隨,以謹醜 厲。式遏寇 氏曰:「厲 壞。 戎,猶 . 國

戒之。」 《易》曰:『君子出 之外違之、况其 之,况其邇者乎? 式 自 ; 用 遇, 也 而女用 弘 事 猶 其言善,則千里之外應 ,於天 廣 邇 出其言不善,則千里 也。 者乎?」是以 下, 甚 今 王 女 廣 雖 大也。 小 此 子

殘。 民 遏寇虐,無俾正反。 王欲玉女,是用大 (亦勞止, 汔可 李氏 也。」〇蘇氏曰: 子者也。」〇王氏曰:「正,敗者敗 也 鄭氏 盡 無縱詭隨,以謹繾音遺。 反而 曰 國 用大諫正女。 爲 「王乎,我欲令女如玉然,故 不正也。 小小安。 無有殘、言國無殘敗之禍 曰:「欲 「繾綣,小人之固結其君 惠此中 正反,則無正矣。」 使王德 此 綣。 穆公至忠之 國, 起阮反。 純 或 而 諫 無 式 有

《民勞》五章,章十句。

遠,是用大諫。 爲猶不遠。 同姓,周公之胤也,人爲王卿士。」疏曰:「畿内之國。」 上帝板板,下民卒癉。 板音版》, 凡 靡聖管管,不實於亶。猶之未 伯 刺 厲 王 也 當但反。 0 鄭 氏 出話不然, 凡 伯 周

民上。 則 恣。」 言也。 出 管,言王無聖人之法度,管管然以 謀不能遠圖,不知禍之將至。 常道矣。 鄭氏曰:「卒癉,盡 毛氏曰:「板板,反也。 必 知禍之將至也。 話 戰戰兢兢,不敢苟作。 以誥之,厲王不以爲然,而且 ○朱氏曰:「天使下民皆病,則反 則矯 其所謀皆不遠,惟耽樂於目前 管管,無 天降禍如此,可不慎哉? 誣 詐 爲, 所依 人苟 病 何 也。 也。 所不 癉,病 知聖人之法度 猶,謀 亶,誠 其心既無聖 至 也。 一哉? 靡 聖 管 也。 也。」 肆 心 自 其

不實之於誠信。」惟其謀猷如此不遠,我是用曰:「其心以爲不復有聖人,恣己妄行,無所依據,又

大諫也。」

矣。辭之懌音亦。矣,民之莫矣。無然泄泄。以世反。辭之輯音集。矣,民之洽天之方難,無然憲憲。天之方蹶,俱衛反。

説。 毛氏 民 泄 艱難於王,王何爲欣欣然不懼?」是不能 憲憲而不顧,沓沓而不已。李氏曰:「天方降 曰:『天方爲艱難,以震動周室。 蹶、震動也。 欲害之之心,而出 志也,畏王之無厭 、祗以速亂 泄,猶沓沓也。 莫,定也。」〇蘇氏曰:「難,艱難也。 曰:「憲憲,猶欣欣也。 厲王暴虐恣 丽 己。 丽 好言焉,民今洽 輯,和。 求以自免耳。 民之不順,非 治 .' 行,故告之 蹶, 合。 無爲是 動 苟無 有 以 也。 異 服

我雖異事,及爾同寮。我即爾謀,聽我關五

毛氏曰:「灌灌,猶

蹻

蹻

驕貌

有

就也。 卿之言而風之也。」陳氏曰:「責其用事之臣。」 吕氏曰:「『我雖異 警然不肯受。 芻蕘,薪采者。」○鄭氏曰:「及,與。 執政公卿言也。 及爾同僚者乎?」 急事,女無笑之。先民,古之賢者。]〇 **俱爲卿士。** 〇毛氏曰:「寮,官也。 孫,不能用其謀也。 王氏曰:「躢嚻,自大之意。 我雖與 就 服,事也。 女 爾 不敢 而謀,女反聽我言,警 職事異,乃與女同 事,及爾同僚』者,與 芻蕘尚所當詢 斥王,託與執政公 嚻嚻,猶警警也 我所言乃今之 言自大而不 即, 官 况

爾用憂謔。多將熇熇,許酷反。不可救藥。亂反。小子蹻蹻。其略反。匪我言耄,莫報反。天之方虐,無然謔謔。虚虐反。老夫灌灌,古

五四

孔氏 藥之也。」與此「救藥」同意。 曰:「《列子》曰:『曾不發藥乎?』左氏曰:『不如聞而 救也。二〇鄭 信 侮也。 爲也,苟俟其益 女以憂爲戲耳。 知 以喪國家。」安得以 文》:「熇熇,火熱貌。」(之,是驕之意。」熇熇然,熾 其 而驕之,故曰:『非我老耄 日 不可,而盡 言天方將爲虐,李氏曰:「言天之將虐 《説文》: 「如人病甚,不 氏 「蹻蹻、舉足高也。」以足高之意觀 曰:「老夫,自謂也。」〇 多,則如火之盛,不可 其 夫憂未 爲 欵 戲)蘇氏 誠 圃 盛 可救 以告之,少者不 至 不信哉? 也。」李氏曰: 日: 而救之,猶 以藥。」王氏 而妄言, 謔 謔 老者 ||《説 乃 復 口 戲

莫我敢葵。 卒迷,善人載尸。 天之方懠,才細反。 卑身,求得於人,曰體柔。」然則夸毗者,便僻其形體 孔氏曰:「《釋訓》云:「夸毗,體柔也。」李巡曰:「屈己 毛氏曰:「懠,怒也。 喪亂蔑資,曾莫惠我 無爲夸苦花反。 民之方殿屎 夸毗,以體柔 師 許伊反。 毗。 人 威 也 則 儀

> 天之牖民,如壎許元反。 圭,如取如 無資。 肯惠施 言語。 疾痛 已,畏禍故也。」葵,揆 威儀 以應天,無爲便辟。」○鄭氏曰:「君臣 也。」〇陳氏曰:「天方怒女輩,汝宜 以順從於人。」殿 《説文》作念。 呻 盡 吟, 王氏曰:「善人載尸,則不言不爲,飲食 王曾莫惠我師,多瘠罔詔 以 迷亂,賢人君子則如尸矣,不 攜。 **賙贍衆民。**」○ 屎、《説文》作呼。」蔑,無。 而莫敢揆 屎, 攜無日 也。 呻 吟 益 如篪,音池。 其事者,故民 民 也 牖 王氏 第困 《釋文》曰: 民孔 티 : 如 此 也。」 如璋 **資**, 尺 曾 喪 誠 如 · 復 殿 民 之 財 而

牖 其易也。」○李氏曰:「苟能順天之理以 爲璋,合二璋則成圭。」〇 也。 毛氏曰:「牖,道也。 民 如璋如圭,言相合也。」孔氏曰:「半圭 則教不肅而 成,其 蘇氏曰:「攜,取, 如 壎如篪,言相 (政不 . 嚴 丽 治 和

之多辟,匹赤反。

無自立辟。

婢亦反。

者,言其無求多 苟 文言之耳。 將 求 益於民, 今之民既多邪 則 也。 牖 民之道變易矣。 特言攜者,以帶 解矣, 而 王 又 L 益

不作聦明爲邪僻以亂之,行其所無亂雖極矣,道之者,固有簡易之理。

事

,斯可矣。

爲邪僻,何以牖民哉?

宗維 价人維藩,大音泰。 壞,無獨 翰 び斯畏。 懷 德維 寧,宗子 師 維 垣 維城。 大邦 /維屏, 無 俾 城 大

侍 以 爲 善人也 屏翰 之名。」〇朱氏 孔氏 毛氏 善人也。 曰:「翰,幹也。」○李氏 曰 國家者,在此數者。 曰:「价,善也。」○王氏曰:「价 藩 大衆也,大邦也,巨室也,王 「藩者、園圃之籬 垣屏翰也。 大師,大衆也。 曰:「屏,樹 宗子,同姓也。」 티 : 大宗,巨室也。 荷懷之以 也。」〇毛 「王所 垣者,小 待以 氏 所

> 皆壞而 也。 間 子 則 然,則乖 氏曰:「懷德維寧,則德是五者之助。 城如之?』所謂「宗子維城」是也。」〇 於中,則『宗子維城』,亦當以 無有不寧矣。 亦當以德懷之。 《左氏》曰:『君其修德以固宗子、 獨 離 居,獨 耐 城壞。 居 宗子維 而 所可畏者至矣。」 詩人以『懷德維 城壞, ·城,言同 則 藩 德懷之 垣 姓 之宗 屏 寧 朱 翰 何

輔也。前章告以爲治之本,此章告以爲治之

旦,及爾游 無 敬天之怒, 敢 **、馳驅。** 衍 無敢 昊天 戲 日 豫。 明 ,及爾出 敬天之渝, 玉。 昊天 用 朱 反。 曰

也。 也。」〇鄭氏 毛氏 昊天在上,仰之皆謂之明。 來,游溢相從,可不慎乎?」〇横渠 曰 王,往。 戲 豫,謂 曰:「渝, 旦, 明。 逸 豫 變也。 游, 也。 常與女出 行。 馳 及,與也。 驅 衍, 自 溢 恣

五四

然也。」 湯、文、武之道。 君皆庸主耳,孔孟告之,無非堯、舜、禹、 此者,蓋古人責難於君,以孔孟之時其 『在帝左右』是也。而凡伯亦告厲王以 者乎?」○李氏曰:「末章所言、《文王》 王之君臣不知敬也,亦知其有日監在兹 蹶也,虐也,懠也,其怒而變也甚矣,而 只在左右。」〇朱氏曰:「《板》,板也,難也, 王。昊天曰旦,及爾游衍」,●言鬼神體着萬物,鑒察 曰:「在《詩》,亦儘說鬼神,如云【昊天曰明,及爾出 在也。 非仁也。 『昊天曰明,及爾出王。 曰旦,及爾游衍」,無一物之不體也。」又 禮儀三百,威儀三千,無一事而 「天體物而不遺,猶仁體事 乃知古人之事君,無不 而無不 昊 天

《板》八章,章八句。

三句。 《生民》之什十篇,六十四章, 四百三十

0

「及」,原作「反」,據宮内廳本、四庫本、《墨海金壺》本

吕氏家塾讀詩記卷第二十六

吕氏家塾讀詩記卷第二十七

蕩 之 什

蕩唐黨反》,召穆公傷周室大壞也。 歐 之所以爲《蕩》,由詩有『蕩蕩上帝』也。 而遠思文王、殷商也。」〇蘇氏曰:「《蕩》 亡,而自傷周室爾。 陽氏曰:「穆公見厲王 所以言不及厲王 無道,知 其 必

其命多辟。 蕩蕩上帝,下民之辟。必亦反。 匹 一赤反。 天 生 烝 民, 其 疾威 命 匪 上 谌。 帝,

《詩序》以爲『天下蕩蕩,無綱紀文章』,

則非詩之意矣。」

歐 陽氏日 「蕩蕩,廣大也。」〇吕氏 曰

亦林反。❶

靡不有初,鮮克有終。

鄭氏曰:「多辟,多邪僻。烝,衆。 呼天之辭也。」○毛氏曰:「辟,君也。」○ 能者養之以福,不能者敗以 〇王氏 始爲無所歸咎之辭,而卒自 人少能以善道自終,是以致此大亂。 者,因厲王之疾威。又呼天而告之也。」 寡。克,能也。」〇李氏曰:「疾威上帝 威乎上帝,吾王之命何多僻乎? 者衆,則『鮮克有終』。『鮮克有終』, 地之中一也,則『靡不有初』。 有不可信者,其降命之初 〇朱氏曰:「諶,信也。 天生衆民,其命 蕩蕩乎上帝,吾王 曰:「民受天地之中,所謂命 菲 下民之君乎? 無不善者,而 取禍。 解之如此。」 敗以 取禍 受天 窮而 也。 則 蓋

命靡諶矣。」

文王曰咨,咨女殷商。 曾是彊禦,曾 是培蒲

亦」、《經典釋文》作「市」、當據改。

反。德,女興是力。 侯反。克,曾是在位,曾是在服。 天降滔他刀

惡。 是 何哉?」 禦、掊克,是謂滔德。」○蘇氏曰:「天降 事 以 位、在服,皆彊禦掊斂好勝之人也。 毛氏曰: 歐陽氏曰: 二一章以 人以 也。 戒於初,而厲王踐 言此等事,皆殷紂所行。 滔,慢也。」〇王氏曰:「所使 妖孽天下,女又興 彊禦,彊梁禦善也。 下,乃條 而行之於終也。」 陳 丽 文王 服,服 王 者 任 之過 在 政

力,言任之之堅也。

慮反。侯祝,周救反。靡届靡究。懟。直類反。流言以對,寇攘式内。侯作側艾王曰咨,咨女殷商。而秉義類,彊禦多

義類」爲事,乃『彊禦多懟」,有忠告善懟,怨也。」○王氏曰:「女爲人君,以『秉朱氏曰:「而,亦女也。義類,猶善道也。

作詛。」 鄭氏曰:「侯,維也。 道 而詛祝無極已。」〇《釋文》曰:「作,本或 曰:「作祝,詛也。 「類』也。」○鄭氏曰:「寇盗攘竊爲姦 則 而王信之,使用事 以 流言 對 所 届,極。 爲 與群臣乖争相疑, 如 於内。」〇毛氏 此, 究,窮也。」() 非 所 宄 秉

以對。」
語以應之,而心不在焉,故曰:「流言故曰:「彊禦多懟。」其聞規諫,謾爲浮無道之君,雄猜忌克,不責己而怨人,

無卿。 背布内反。 反。 文王曰咨,咨女殷商。 于中國,斂怨以 無側。 爾德不 、爲德。 女息白交反。 剪, 不明 以無陪 爾德 蒲 **烋** 火交 時 口 無

也 自矜氣健之貌。」無背無 毛氏曰:「炰烋,猶彭 無 陪, 無 陪貳 **浜側,後** 也。 亨也。 無 無 鄭氏 卿, 臣 日 無 側 炰 卿 無 ±

文王

一答,答·

女

放殷

商

如

蜩

如

塘,音

唐。

如

故 君,是非顛 也。二〇 了, 而 也。 朱氏 力行之也。」〇李氏 故曰: 陳 氏 : 倒 「斂怨以 曰 7,邪正 "不明 · -紂 錯 爾 虚 爲 亂 德, 驕 德 ,無人以 作 多多 時 日 氣 '無背 爲 於 亂 可 輔 中 無 世 怨之 弼之 國 側 之

酒,不義從式。 文王曰咨,咨女殷商。 號式呼, **一俾晝作** 夜。 既 愆 爾 天不 企,靡 湎 面善 明 靡 反。 晦。 爾 式 以

爾

德不明

無陪

無

郷。二

讙 也。 蘇 之容止,又 爲民也,未嘗 止,容止也。」()陳氏 云:「飲酒 氏 呼,使晝日作夜,不嘗 式,用 「天不使爾沈 曰:「湎,沉湎 齊色曰湎。」 無 也、法也。」〇 明 位使汝 無 **湎於酒** 一然則 晦 沉 也。 而 曰:「天之立 湎 湎 飲酒 者,湎 視 孔氏曰: 疏 "; 而 如 日 此。二〇 惟 不 然 · 息。 不義 齊 既 □ 酒 君, 之 朱氏 之從 愆 誥 叫 ※注 以 汝

器反。于中國,覃及鬼方。沸如羹。小大近喪,人尚乎由行。内奰

皮

笑語 氏曰:「《釋虫》云『蜩、蜋蜩,螗』,❶舍人曰: 毛 延及 氏 也 蝘,亦蟬之别名耳。」 奰,怒也。 方語不同,三輔以西爲蜩,梁宋以東謂爲蝘。」然則 及鬼方,莫不怒也。」〇孔氏曰:「覃及, 紂之時,君 人化之甚,尚 |。」孔氏曰: 「《易・既濟》," 「高宗伐鬼方。」 」 ○ 氏 主氏 日 也 沓 :「飲酒號呼之聲,如蜩螗之鳴。 日 曰: 沓,又如湯之沸,羹之方熟。 「蜩,蟬. 臣 「昏 欲 失 亂如 從 道 也。 如 而 此,故 螗, 行之,不知其非。」 此,且喪亡矣。 蝘 内 音偃。 鬼方,遠 自 中國,外 『皆蟬 也 螗 其 鄭 方 也 殷 時 孔

文王曰 聽,大命以 用 舊。 咨,咨女殷 雖 無老成 傾 商。 尚 有 匪上帝不 典 刑 時, 殷不 莫

❶ 「螗」下、《爾雅注疏》有「蜩」字。

五四七

曾是莫聽,此大命所以 刑 圖先王舊政,然典刑尚在,可 不 用舊 ,舊法也。」○王氏曰:「雖無老成人與 氏 致此 非 上 過爾。 一帝爲此不善之時, 老成人,舊臣。 傾也。」 循 但以 守 也。 典 殷

殷鑒不遠,在夏后之世。揭,紀竭反。枝葉未有害,本實先撥。蒲末反。文王曰咨,咨女殷商。人亦有言,顛沛之

大命,國命也。

侯未盡 蓋 之本也。又曰『殷鑒不遠,在夏后之世』 先撥」者,謂紂時宗廟社稷猶在,天下諸 絶。」〇歐陽氏 毛 曰:「揭,蹶貌。 ,以王爲無道 穆公作詩時周室尚存,然知 將 氏 蹶,枝葉 曰:「顛,仆。 叛,但王自爲惡盈滿 未有 曰:「『枝葉未 ,根本先壞爾。 撥,猶絶也。 折 沛, 傷,其 拔 也。」〇 而禍敗爾。 有 根 言大 注害,本 王者,國 本 其必亡 實 鄭 木 先 實 掦 氏

又鑒厲王也。此言傷之尤深者。」夏之亡矣。謂今既然,則後之興者,當者,言非獨文王之鑒殷,殷之初興,亦鑒

《蕩》八章,章八句。

愚。 抑 維斯戾。 己亦當慎威儀矣,不必分别也。」 且如此詩首章言威儀,以刺王之不能慎其威儀也。 '説此詩者'分别以爲如何是刺厲王,如何是自警,非 抑》,衛武公刺厲 抑 ;威儀,維德之隅。 人亦有言,靡哲 庶人之愚,亦職維 王,亦以 疾。 自 哲人之愚,亦 也。 李氏曰: 然則 也 不

道行 必形 角也。 視其 氏 『抑抑威儀,静密也。』]隅,廉也。」孔氏曰:「隅 毛氏曰:「抑抑,密 曰 於外故也。」〇鄭 :「德,譬則宫城 隅 心平,可外占 廉者,稜也。 ,則宫城 角必有稜,故云『隅,廉』。] (三王 之 中 丽 也。 知内。 也。 氏 可 曰 : 知矣。 孔氏曰:「舍人曰 儀,譬則隅也 「古之賢者 今王暴虐 有諸 中, 者

天性 賢 也。 王 疾。』〇鄭氏 氏 者 賢者 之疾 **⊟** 皆 佯 「『庶· 而爲愚,畏懼於罪 愚,不爲 也。 曰:「衆人無知,愚是 人之愚,亦職維 孔子曰:『古 容 貌, 如 也 不 者民 疾』者, 肖 然。」 有 其 則 常

修 王非 此 亦 飾, 同。 詩 有言者,時人之語 以 特自燕喪 愚以求免,其 蓋 威 至切至 儀爲主,乃 威 儀,至 近,莫過 (時蓋) 也。 自古論 一使賢 可 於 知矣。 者皆不 此 修身者之 也 敢 厲

爲

民

[則,則所以

爲國者略備矣。」

威儀,維民之則。順之。訏况于反。謨定命,遠猶辰告。敬慎無競維人,四方其訓之。有覺德行,四國

鄭氏 歐 得 미 陽 賢人。得賢人,則天下化。]〇李氏 「苟能 動 氏 曰:「競,强 人,則 曰:「覺,警動 得人,則四方皆訓效之矣。」〇 四國服從矣。」〇毛氏 也。 也。 人君爲政, 言德行修著, 無 强 日 於

其

下。 氏 時告之。政事既 曰:「人君必先任 **訏** 曰:「猶 然後先事而大謀以 大也。 "; 圖 謨, 謀 也。 修、又能敬其 賢 也。 則, (臣,内 定政 辰, 法 也。 秉 時 (命,遠 德 也 、威儀、 以 圖 服 以 面 天 氏 鄭

在于今,興迷亂于政。 信,覺 行, 計天下之安危; 動 本 猶 以 長 而監百世之損益 之大端 時 ·其切近者言之,以承前章之意也 辰 慮 、而謀,以定其命矣,猶 (可謀,以定其命矣,猶 民 四國順之。」所謀不 以行 告。」用人也,修德也,出 却 而 民之大者 播告 顧,思其 既 不 焉,故曰:「訏謨定 備,又終之以 以 言。 所終,稽其所弊,然後 也,故 ,所謂大其謀 所謀 德行者,不 顛覆厥德,荒 曰:「有覺 不止於一 未 止 威儀 一於一身,而 敢輕出 命 也。 命, 也 言 湛 時, 德 既 復 丽

五四九

呂 南 反,下 敷 求先 同 \pm ,克共明刑 酒 女雖 湛 樂從, 弗念厥 紹

慢之謂也。」李氏曰:「曾不知先王之成法,以敬其 敷求先王,克共明刑」也。 樂之從,弗念爲人子孫當紹 迷亂 專 歐 念之也。」〇王氏曰:「弗念厥紹,故『罔 顛 「荒,廢。湛,樂也。」○王氏曰:「汝雖 陽氏 覆 以刺王。」〇王氏曰: 厥 于政』者,今厲王興而 日 德,以荒湛 ··「一章、二章皆汎論 于 酒。一〇 「『其在于今,興 克共者,不敢 迷亂于政也。 祖考,言當 鄭氏 ,此章乃 曰 湛

明刑。」〇鄭氏曰:「敷,廣 心也。」

馬,弓矢 夙 肆皇天弗尚,如彼泉流,無淪音倫。 興夜 寐,洒埽 戎兵,用 廷 内,維 戒 戎作,用遏 民之章。 胥以亡。 脩爾 他 歷反。 車

如 氏 上所刺,故今皇天弗尚也。」李氏曰"「天 曰:「『肆皇天弗尚』者,厲 \pm 所爲,

陷,

原作

滔

據四庫本、《墨海金壺》本改。

蠻

方。

氏 事之起。 備也。」○鄭氏曰:「用戒戎作,用此 除 臣 曰 : 前之樂,而 是脩潔其朝廷爾。 幾免陷溺也。」〇李氏曰:「洒 逷,遠也。」○陳氏曰:「王若不慎 亡也。」〇毛氏 之易矣。言無者,戒之欲其不至是 之也。 天所不尚, 則淪胥以 弗崇尚者。」○毛氏日 ○歐陽氏 日 ,以爲民之章。 相陷溺而俱亡矣。● 正宜早夜自爲 「胥,皆也。」〇朱氏曰:「弗尚,厭 「用攘蠻夷而逖之也。」 蠻方,九州之外不服者。」 曰:「淪胥以亡者,君臣皆將滅 忘意外之變,故 曰:「洒,灑。 脩戎器以防内外 「淪, 當時沉荒于酒,貪 率也。」○ 戒 立,如 |婦庭 章,表 之以 心内,只 了, 則 備 脩 也。 泉 鄭 兵 武 Ħ 庶 潔 君 流 弃 氏

質爾人民,謹爾侯度,用戒不虞。 慎 爾出

話 敬 爾 可磨也。 威 儀 ?,無不 斯言之玷,不可爲也。 柔 嘉 白圭之玷,丁 簤

磨,言語一失,莫能救之,其戒深切矣。」 尚可磨鑢而平。]〇朱氏曰:「玉玷尚可 氏曰:「玷,缺也。」○鄭氏曰:「玉之缺, 「話,言也。」○鄭氏曰:「嘉,善也。」○毛 侯,則將有不虞之禍起。」〇朱氏 也。天子苟内失其人民,而外慢其 毛氏 ·蘇氏曰:「侯度,天子所以御諸侯之度 曰:「質,成也。」歐陽氏曰:「質,定也。」 日 諸

柔者,遜順之辭也

不可逝矣,無言不讎,無德不報。惠于 友,庶民小子。 無易由 孔氏 且。 之。」〇毛氏曰:「莫,無。捫,持也。」〇 不聽我言者。 如是,假有不善人,無執 曰:「王無得輕易於言語,無得言 言,無曰苟矣,莫捫音門。 子孫繩 言往則 繩,萬民靡不 不可復 改、故須 持我舌, 朕舌。 承 慎 朋 面 茍

> 遠。『出其言善,則千里之外應之』,『不 以 孔 禍矣。」○孔氏曰:「朋友,謂諸侯及卿大 萬民亦莫不承順之矣。惠之所及,子 於朋友,以及庶民小子,則子孫繩繩然, 機,其施報必然,不可掩也。 王苟能 善,則千里之外違之」。 言行,君子之樞 也。」〇朱氏 夫等,下及庶民之子弟小子。] 〇蘇 且受其福,則怨之所積,雖子孫亦受其 曰:「子孫繩繩而不絶也。」 言出乎身,加乎民。 前 氏 '`; 朕 曰:「《釋 爲 通言。] 〇鄭氏 曰:「讎,答也。」〇李氏曰 行發乎邇 我 曰:「逝,往 也 らり 見乎 氏 惠

予 相 視爾友君子,輯音集。 在 爾室,尚不媿 覯 由言,言之所由 神之格思,不可度思,矧可射音 于 I發也。 屋 柔 漏 爾

顔,不遐

無

不

Ŧī. 五.

善,必

美。」〇鄭氏

日

止,容止

也。

李

氏

曰

辟

君

也

君

之爲

必

臧

:

戒懼 測度, 慎 于屋 曰 : 漏。 而莫予見 遠 歐 和 其 毛 柔 陽 乎其 獨 漏 遠也。 也。 覯 氏 其 氏 視 又豈可 然後 也 了, 見 顔 曰 : 爾獨居於室中之時, 曰 也。 所 不 以 也。 是則修之至 「輯, 不 遐 矧,况。 接之,以 厭 戒 可。 當 覩 ,遐也。 王 倦 格,至也。」 知神之至 和 起 恐懼 無 丽 也 射,厭 習 居 不 日 詩 左 也 此非 乎其 爲 敬 西 人語 右 善道 乎 也 北 也 當庶 ? 所 顯 當 不可 隅 鄭 常 不 明之處 , 則 友 謂之屋 此 氏 加 君 朱氏 言 得 不媿 曰 此 庶 子 當 而 面

小子。 儀。 桃,報之以 辟 爾 不僭 爲 德, 不 俾 賊 李。 臧 鮮息淺反。 俾 彼 嘉 童 而 淑 角 不 慎 爲 爾 實 則 止 虹 不 投 户 公 我 愆 反 干

惑 施惡,無報我 虹 李之必然。」〇毛氏 者。]〇毛氏 不 曰:「不僭不賊, 童羊 爲 桃 厲 ,潰也。」〇王氏曰: 陳氏 屢言之。 嘉」,欲其 僭 止,不愆于 子耳 報李,蓋 不 王不君,故 差,不 王 善 日 一 而 聽,使至 ·, 非 求 爾以 而 賊害,則未 、盡君: 曰:「僭,差也。」○横渠 其 必 慎其容止,不過 其理也。」 以以 儀」,此 欲 角 戒 然之理。 民 善之理。 善 則人當效之,猶投 何 天下 德之善 以「君爾 應之不悖, 丽 一覆者 曰:「童, 詩 民 以 童無 · 有 以 寧 實此 彼小人 也。 威 謂 善 爲 有 不 儀 童 | 愆於 應 德 角 無角者也 可 是 九曹耳 此 之,猶 爲主, 停 而 理,譬我 猶 日 淑 以 理 角, 威 桃 童 導 慎 臧 張 爲 牛 Ŧ. 投 故 爾 報 法 傯 宵

恭人,維德之基。其維哲人,告之話言,順 **桂**而甚反。 其維愚人,覆謂我僭,民各有心。 染而漸反。柔木,言緡之絲。 温 温

之。告愚人,反謂我不信。民各有心, 不信也。語賢知之人以善言,則順行 善言也。」〇鄭氏曰:「覆,猶反也。 人,乃德之質。」〇毛氏曰:「話言,古之 氏曰:「柔和之木,乃弓之材。 「人必先觀其質性之如何也。」○横渠張 人則被之弦以爲弓。」●○歐陽氏 一者意不同也。」 曰:「緡,被也。柔忍之木荏染然, 温恭之 티 :

者,有不可告語者。 章所言是也。 告語矣。武公猶拳拳不能自已焉,下 此章言人之質有美有惡,故有可告語 若厲王,蓋不可

於音鳥。乎音呼。小子,未知 手攜之,言示之事。 匪面命之,言提 **鴻溪否。** 音鄙。 音 啼 匪

> 其耳。 誰 夙 知 借 而 莫音暮。 日 未 知,亦既 成 ? 抱子。 民 之靡

是非; 否。 鄭氏 教戒,則豈有早知而 自滿。」○朱氏曰:「人若不自盈滿 矣,不幼少也。」〇歐陽氏曰:「靡盈,不 此言以教道之,孰不可啓覺? 假令人 云王尚幼少,未有所知,亦以 我非但以手攜掣之,親示以其事之 日 我非但對面語之,親提撕其耳 「臧,善也。 於乎,傷 反晚成者乎?」() 抱子長大 王 不 宗能受 知

毛氏曰:「莫,晚也。」

不可告語,猶疑其未知臧否也 武公之於厲王厚矣,故不忍遽斷 以

昊天孔 藐藐。 我心慘慘。七感反。 美角反。 昭,我生靡樂。 匪用爲教,覆用爲虐。 誨爾諄諄,之純反。 視爾夢夢, 莫空反。 聽 我

柔忍」至「爲弓」十五字,據《毛詩正義》應爲鄭箋。

未知,亦聿既耄。 莫報反。

下。 諄 王, 圃 略。∫○歐陽氏 藐藐然不人也。」

」

鄭 恣,不用忠臣。」○毛氏 意夢夢然,我心之憂悶慘慘然。 天乎乃甚明,察我生無可樂也。 也。」〇鄭氏曰:「孔,甚。 毛 爲教之也,覆以我爲虐之也。」 反以爲罪也。]〇王氏曰:「匪 氏 臣言甚至,而 口語諄諄然,王 曰 : 「夢夢,亂 曰:「君暗於上,臣憂於 君聽甚 也。 聽聆之,藐藐 日 氏 忽,不以 慘慘,憂不 曰:「我告 昭, 「聽我藐藐, 明 視王 愬其自 以 也 爲德, 然 諄 忽 教 之 樂

天不 悔。 於乎小子,告爾舊止。 忒。 天方 既 耄 他得反。 艱 既老大矣,甚言之也。 ,非謂其老也,猶今人責未 難 曰 回 喪 **遹**于橘反。 厥 國 聽用我 取 譬不 謀, 其德,俾 更 無 事 民 大

> 者哉? 幾 民至於困急而 如夏商,其類不遠,天豈復有差忒不 曰 爾者,非 大棘,大困 鄭 聽 "「天方艱難周室, 曰吾將喪其國, 氏 我,猶可不至於大悔也。」〇蘇 曰 然王曾不悟,益爲邪僻之行,使 我妄言、皆據舊事之已然者、 急也。」〇歐陽氏 止, 無告也。」 辭 也 不 忒 日 不 差忒 「我所告 也 然 譬 氏 庶

之,言示之事 曰 以爲此詩乃追 自做,韋昭謂《 追 國語 史記》載武公以宣王三十六年即位 刺 「在于今,興迷亂于政」,曰「匪 之語乎? 影亦 二聽用: 稱 武公年 我謀,庶 刺 懿》即《 匪 厲 史記》、《國語》殆未 王。 九 面 + 抑》也, 説者 無大悔」,夫豈 命之,言 今考其文,如 五作《懿 提 手 影以 其 携 遂

大棘。

喪,無以芘蔭其民之譬也。

劉,殺也,殺

可據,一以詩爲正可也。

《抑》十二章,三章章八句,九章章

風有隧」,以爲芮良夫之詩。」 國,在馮翊臨晉縣。」則在西都之畿内也。 伯,周同姓,國在畿内。」則芮伯,姬姓也。 侯,王卿士 桑柔》,芮伯 也,字良夫。」〇孔氏曰:「《書序》注云: 刺 厲 王 也。 鄭氏曰: 「芮伯 《左傳》引『大 杜預云:『芮 畿 内諸

劉。 兄音况。 菀音鬱。 蔭。」(茂 均 毛氏 盛者,彼桑也。 也。 所暴,不見芘蔭 盛 瘼音莫。此下民,不殄心憂。 티 : ○王氏曰:「及採其劉,則其下民爲 填音塵。 彼桑柔,其下侯旬,捋为活反。 瘼,病也。」〇孔氏曰:「菀然 於此之時,人息其下,維 「興也。菀,茂盛貌。 兮。 其葉稚 倬彼昊天,寧不我矜。 而瘼矣。 而 柔濡,故菀 王失 倉初亮反。 旬,言陰 德 均 采 而 然 得 其

> 大貌。」 號天而 心,悲之益久而不已,王氏曰"「愴則滋久也。」 本作况。] 〇蘇氏曰:「君子憂之,不絶於 塵、填字同,故填得爲久。」 ○《釋文》曰:「兄, 塵也。」孫炎曰:「烝,物久之塵。」則塵爲久義。 賜人之物,則益滋多,故况爲滋也。《釋言》云: 也。」孔氏曰:「倉之爲喪,其義未聞。 也。」〇毛氏曰:「倉,喪。兄,滋。 下,故以爲 於人,常見捋采爲空枝,而 葉,而詩人獨以桑爲譬者, 言盡之也。」○歐陽氏曰 訴之也。」〇 喻也。」〇鄭氏 鄭氏 : 惟桑 他 曰:「倬, 人不 티 : 况,訓賜 木 「殄,絶 得 以 皆 填,久 蔭 葉 有 **『**烝 其 明 也 用 枝

泯。 四 哀,國步斯 牡騤騤, 旟旐 面忍反。 頻 民靡 有 有黎, 具禍 翩。 亂生 以燼。 一不夷, 於乎有 靡國 不

泯,滅也。」〇蘇氏曰:「厲王之亂,天下蛇曰旐。翩翩,在路不息也。夷,平。毛氏曰:「騤騤,不息也。鳥隼曰旟,龜

促 陽氏曰: 曰 : 有 民,秦曰 殘滅也。」○王氏 征 也。 陳氏 黎,則是黔首靡有孑遺 伐 不 具,猶俱也。 「皆爲灰燼。」〇毛氏曰: 티 : 鄭氏曰 息 黔首,黎則黔首之謂 一, 故 嗚呼可哀乎,國運如此之頻 其 :「亂日生不平, 民 曰:「黎,黑也 見 俱遇此禍以爲燼。」 其 車 馬 也。」〇鄭 「頻,急也。」 旌 也。 無 旗 周 或 而 民 厭 氏 靡 歐 黎 見 苦

往 ? 國步 至今爲梗。 、蔑資,天不 君子 古杏反。 實維,秉心 · 我將。 無競。 靡所止疑,云 誰生 厲 階? 徂 何

Į, 梗 疑,云徂何往 亂 運 鄭氏曰:「將,猶養也。」○陳氏 而果 ,疑於所 困窮,天不我養。」〇王 病也。」〇歐陽氏曰:「「君子實維 何 所 往 往 也?! 』也。」朱氏曰:「徂,亦 ,天下皆是 毛氏 氏 也 曰: 日 則 写靡 往 一欲 曰 一 厲, 世 所 避 굸 止 禍 國 往

也

甚急矣,我之在邊

垂甚勞也。」

序

憂心慇慇,念我土宇。 病 ? 心, 適遭之耳。 歸咎於上之辭 心 怒。 無 而何人生此 競 意若禍有根 自西 誰 其實刺 生 徂 厲 也。 東,靡所定處。 禍 階 说原,其 禍由王致也。」 ? 我生不辰,逢天僤 亂之階, 言 君子本 至 來也遠,而 一今爲 爲 無 梗』者, 今人之 彊 多我覯 争之 今人 民 都

但反。 痻,武巾反。 氏曰:「念己之鄉土居宅也,我 勞役也。 無所安定而 時,正逢天之厚怒,使我 ○鄭氏 毛氏曰:「宇,居。僤,厚也。 曰:「辰,時 孔棘我圉 又自歎傷 居處,是逢天怒時,故遭此 也。 多矣,我之所 從 瘠,病也。」○孔 西 圃 圉,垂 往於東 生不 遇 也 . 得

爵。 爲謀 胥及溺? 爲 誰 能 毖, 亂况 執熱,逝不以 斯 削 濯? 告爾 憂恤 其何能 诗 淑,載 爾

熱耳。 得其道 毛氏 以 持熱物。 則 蘇 憂也 丽 相 其所當憂, 誨之以叙 氏 不濯者,賢者之能 日 朱氏曰: 與 曰:「毖,慎 入於陷溺而已。」 逝,猶 ,適所以長亂而自削耳。 今王之所任者,其 「王豈不爲謀且慎 「序爵、辨别賢否之道也。」執熱,手 去 ム也。 也。二〇 胥,相。 已 序爵,次序賢能 爵。 亂,猶濯之 鄭 及,與 氏 何能善 曰誰 日 故告之 能 也。 然 恤 1哉? 能解 執熱 而

^{普耕反。}云不逮。好是稼穡,力民代食。稼如彼遡風,亦孔之僾。 音愛。 民有肅心,荓

穯

維寶、代食維好。

毛氏 息,謂 亂 也。」孔氏曰:「唈者,風唈人氣,故云使)鄭氏曰: 悶 喘息。」○蘇 曰:「遡,嚮也。 然 如 「使人唈然,如嚮疾風 遡 風 氏 之 吧 曰:「君子視 僾, 唈。 而不息。」〇 荓,使 人不能 厲 不 李氏 王. 能 也 息 之 息

> 也。 食。」〇歐陽氏 輕於民力也。 之間,則其不 使之至於不逮。 曰 王不然也。」 好』者,稼穡 故芮伯告王曰『好是稼穡』,言 民 有 肅 可 然之心,本無 逮者,非民之罪也,王 其有功於民者,則使 寶,當以禄養賢才, 曰:「『稼穡惟寶、代 民 無得 以 怠 趨 慢, 事 於 丽 乏 食 使 畎 王 丽 不 維 代 敢 之 畝 乃 刺

荒。靡有旅力,以念穹蒼。痒。音羊。哀恫音通。中國,具贅之芮反。卒天降喪亂,滅我立王。降此蟊賊,稼穡卒

歐陽氏 稼穡 痛 食節 朱氏曰:「滅我所立之王。」而 屬 盡 乎 也 ·中國之人皆空虚。」〇毛氏曰:「贅, 盡 曰 朱氏 賊。 痒,病也。 病。」〇鄭氏曰:「蟲食 曰:「天降喪亂,將滅亡我王 日 耕種 「言危 曰稼,收斂曰 恫,痛 也。 《春秋傳 歳又: 也。 》曰『君若贅 具,皆。 蝗螟爲 苗 穑。 根 曰 災, 卒, 蟊

色也。」 與 Ē ー, 與 氏 同 此 曰: 贅同。」荒,虚 言困之極,無力以念天禍 「穹蒼,天也。 也。」〇 穹言形,蒼言 朱 氏 曰 : 也。 旅

民卒狂 相。 維 此 惠 維 彼 君 民 不 順 人所 自 瞻。 獨 俾 臧 秉心 宣 自 有 猶,考慎 肺 其 俾

惑也。」 也。 鄭氏 衆,考察慎 者,以其内能 也。」〇朱氏曰:「自 其 、輔相之行,然後用之,言擇賢之審。」 李氏曰:「古者順道之君,爲 自 曰 :「惠,順。 有 肺 、擇其相。」 (秉持其心,外則宣謀猷 腸, 自 宣,徧。 獨俾臧 ○鄭氏 有 意 猶,謀 見 ,自以爲善 曰:「臧,善 百姓瞻 也。 也。 狂, 于 仰 考

皆非天下之所謂善,乃自獨使之善也。不順之君,其所施爲,其所任用,善惡出於天下之同然者,蓋曉然易見

瞻彼 中林,甡 民所 耳。 以 其 惑亂 肺 性所巾反。 腸 也 不 與 其鹿。 人 同 不 朋友已譖 미 曉 解 了**,**子 此

念反。 退無不陷焉者。」 友相譖,不能相善,曾鹿之不如,是以 鹿輩耦行,甡甡然衆多。」○蘇氏 曰 : 毛氏曰:「甡甡,衆多也。谷,窮也。」孔氏 不胥以穀。 「谷,謂山 「胥, 相也。 谷。 墜谷,是窮困之義。] () 人亦有言,進退維谷 穀,善也。 視彼林中 2曰:「朋 鄭 進 氏 其

喜。 維此聖人,瞻言百里。維 遠知 狂以 於百 毛氏 及然,猶謂之安者也。」〇朱氏曰:「 曰:「胡之言何也。」○李氏 匪言不能,胡斯畏忌? 喜。 禍 里,無遠不 曰:「膽言百里,遠慮 福於未萌,其所瞻視 所謂抱火厝之積薪 察也。 若夫愚 被愚 曰 也。」〇 人,覆 之下,火未 而言者 人, 「聖人 鄭 則 狂 反 至 則 氏 以

不能言也,如此畏忌何? 言王暴虐,人

不

敢

諫

也

復。民之貪亂,寧爲荼毒。 維此良人,弗求弗迪。維彼忍心,是顧是

惡行。」 也。 毛氏 毒之行相侵暴,愠恚使之然。」〇孔 言其忽賢者而愛小人。 有忍爲惡之心者,王反顧念而重復之。 下之民,苦王之政,欲其亂亡,故安爲荼 曰:「荼,苦菜。 國 曰:「迪,進也。」○鄭氏曰:「良,善 有善 人,王不求索,不進 毒,螫蟲。 貪,猶 皆惡物,故 **松也。** 用之。 天 氏

爲式穀。 大風有隧,音遂。 之行,有所從而 毛氏 其 式,用。 、徑隧,由於空谷而起,以 티: 維彼不順,征以 「隧,道 征,行也。」〇陳氏 有空大谷。 來,必從大空谷之中作 也。」〇鄭氏曰:「大風 分中垢。 維此良人,作 古口反。 興人之爲 티<u>.</u> 大

> 醉。 大風有隧,貪人敗類。 之所有於外也。」毛氏曰:「中垢,言闇冥也。」 善爲不善,皆有 小人之行也,以播 垢,穢也。 匪用其良,覆俾我悖。 言善人之作也,以用 所從來也。」○ 其穢。 言 蒲對反。 中垢,器 「則對 蘇 誦 發其 其 氏 善, 曰 中 如

嗟爾朋友,予豈不知 則 毛氏 言以告之則如 敗之故耳。 也。」〇李氏曰:「王之性本善,但以貪 聽之言。」○蘇 起也有道 使我爲悖逆之行,而從貪人之所爲也。」 貪人之言故 『類之所由敗也。」○鄭氏曰:「聽言,道 曰:「類,善也。」○蘇氏 ,類之敗也有自。 也。 道聽之言則答之,誦詩書之 醉,此所以見王之先入於 氏曰:「誦言,先王之言 厲王既已不用其良,反 而 作? 如彼飛蟲,時 貪人在上, 日 : 「風之

蘇氏曰:「朋友,其僚友也。」○鄭氏曰:亦弋獲。 既之陰女,反予來赫。

密以天下之事忠告,反謂予來相恐也。」 ^{有中也。}『既之陰女,反予來赫』,予至誠 獲』,千慮一得也。 曰:「『予豈不知 爲弋射者所得。 ○《釋文》曰:「赫,本亦作嚇。 以梁國嚇我』是也。」 嗟爾朋友,親 而 而作,如彼飛蟲,時 之,往也。」〇横渠張 切瑳之也。 朱氏曰:「言彼之所言,亦必 鳥飛,亦 《莊子》云 亦弋 氏 肼

詈。力智反。

雖曰匪予,既作爾歌

克。民之回遹,職競用力。民之罔極,職涼善背。爲民不利,如云不民之罔極,職涼善背。爲民不利,如云不蟲,時亦弋獲,豈無一二或中者乎?」之曰:「予豈不知而妄發哉? 如彼飛之曰:「予豈不知而妄發哉? 如彼飛厲王之朝,舉無信芮伯之言者,故告

善背之人,爲民所不利之事,如恐不勝朱氏曰:「民之所以貪亂不知止者,由此工爲反覆也。」○鄭氏曰:「克,勝也。」○毛氏曰:「職,專也。」○朱氏曰:「職,專也。」○

民之未戾,職盗爲寇。涼曰 言,所以深惡之也。」 競用力而然也。 而 力爲之也 民之所 回 遹 , 邪僻也。 以邪僻者, 不可, 反覆其 覆背善 由 此 輩

得其情,其事已著明,不可掩覆也。」此亂非我所致。然我已作爾歌矣,言已民曰:「我薄告之以不可,已爲爾反背而氏曰:「我薄告之以不可,已爲爾反背而氏曰:「戾,定也。」○蘇氏曰:「民之

歎喪 也。 道,而憂其不能改也。 民務農,而居位 皆極言其亂也。 聽任之際,屢致 此詩本厲王之亂,在於用小人,故於 **亂**飢 七章因 (饉之可哀也。八章言治亂 前章息民務農之言,而 心意焉。 食禄者不可不 五章告之以聽任之 六章復告以息 一章至四章, 審 深

欲諫而 十章言 古而 疎 毁之俗成於下,自傷處斯世之難也。 反覆諷切之也。 章至十六章,皆託 而 二章言治亂皆有所自來,治由君子, 而厚小人,民不堪命而王不知也。十 之分,蓋其君 弃君子者,由小人之先入也。十四 亂 傷今也。 由 不敢也。 朝皆小人,安其危 小人也。 向背用捨, 九章言君暗於 十一章言王弃君子 十三章言王之所以 與公卿儕輩言,以 所 而 繇 利其 臣 異 思

《桑柔》十六章,八章章八句,八章

又反。行,百姓見憂,故作是詩也。鄭氏曰:孟反。欲銷去起呂反。之,天下喜於王化復共烈,内有撥亂之志,遇裁而懼,側身脩行,下《雲漢》,仍叔美宣王也。宣王承厲王之

三 E ン《卜 稚 》,冶 於《六 月 》,言仍叔,周大夫也。」○朱氏曰:「烈,暴虐也。」

也。無是心,安得有是功哉?也。其《大雅》始於《雲漢》,言其心也。其《小雅》,始於《云漢》,言其功宣王之《小雅》,始於《六月》,言其功

之人? 神不舉,靡愛斯牲。 倬彼雲漢,昭回 孔氏 氏曰:「瞻仰昊天,不見雨候,於是歎 焉。」〇朱氏曰:「夜晴則天河明。」 時旱渴雨,故宣王夜仰視天河,望其候 毛氏曰:「回,轉也。」○鄭氏曰:「宣 氏曰:「雲漢,謂天河也。昭,光也。」 舉矣。」○蘇氏曰: 人之無辜,而遇此喪亂饑饉也。」〇 群神,無不祭 靡、莫,皆無 「薦,重。 曰:「倬然明大,彼天之雲漢。」〇鄭 天降喪亂,饑饉薦在見反。 一于天。 也。 也。 「禮國之凶荒 臻,至也。]〇 圭璧既卒,寧莫我聽。 王氏曰:「群祀之廢,則 言王爲旱之故,求於 王曰於乎,何辜今 ,則索鬼神祭之。」無 鄭氏 臻。 毛氏 曰 無不 靡 傷 Ŧ. 王

旱既 所 大甚 主氏 愛於 一,藴 曰:「神晏然莫我聽。」 三牲 隆 ,禮神之圭 蟲 蟲。 不殄禋祀,自郊 壁, 又 己盡 矣。」 祖

宫。 帝不 莫尊於后 人鬼 互以 莫尊於帝,又不顧我也。」○蘇氏曰:「窮 天言奠其禮,見燔其物; 其物。孔氏曰:「奠,謂置之於地。 旱氣也。」」○毛氏曰:「蘊蘊而暑,隆隆而雷,蟲蟲而 熱。」〇鄭氏曰:「隆 盛 曰 〇毛氏曰:「上祭天,下祭地 王 "「爲旱故絜祀不絶,從郊而至宗廟。」 氏 臨。 蟲蟲 上下奠 禮與物,皆謂爲禮 相 「自郊 ?内外上下,無不禋祀矣。 曰:「旱既大甚矣,則其 通。」宗, 耗斁丁故反。 加 稷,既 瘞, 徂宫,上下奠瘞,則 · 熱也。」李氏曰:「《説文》曰:「蟲蟲 尊也。 靡神不宗。 無 隆 事神之物,酒 以 而雷,非 下土,寧丁我躬。 地言瘞其物,亦奠其禮 勝旱災。 丁,當 雨雷 后稷不克,上 也。」〇 食牲玉之屬 也。 ,奠其禮 瘞,謂埋之於 (氣蘊 在郊 天神 在宫 之神 1之神 王 地 鄭 氏 也 也 示 氏 隆

當之,無使人人被其患也。」而無告,故曰與其耗敗下土,寧使我躬

雷。 旱既 不我遺。 於是 遺餘,胡爲尚不相畏哉? 孤獨之皃。] 〇蘇氏曰:「天將不復使我 之後,周之餘民,僅有遺者,而上天又降 也。 早災,使孑然而無復有遺。」孔氏曰:「孑 上。」●○朱氏 懼,兢兢然,業業然,如有 可 \pm 推 氏曰:「『旱既大甚,則不可推』者,不 大甚,則 周餘 摧落矣。」 業業,危也。」〇鄭氏 知其 胡不相畏 黎民,靡有孑遺。 故也。」○毛氏 不 曰:「孑然、盡貌。 ·可推。 ? 先祖于摧 兢兢業業,如 日: 昊天上帝, 先祖之業,將 雷霆 曰:「心動 「兢兢,恐 在雷反。 近 言大亂 發 於 意 則 如

及《毛詩正義》改

正,則不我助。父母先祖,胡寧忍予?云我無所。大命近止,靡瞻靡顧。群公先

所也。」衆民之命,近將死亡,曾無視顧 官,雩祀百辟卿士有益於民者」,注云:『百辟卿士,古 也。」鄭氏曰:「百辟卿士,雩祀所及者。」〇孔氏曰: 哀閔之。」〇毛氏曰:「先正,百辟 皆不堪,言我無芘蔭而處。 炎,熱氣也。」〇鄭氏曰:「旱氣大盛,人 之上公以下,勾龍、后稷之類。□○歐陽氏 毛氏曰:「沮,止也。 「正者,長也。先世爲官之長。《月令》「仲夏,乃命百 父母先祖,胡寧忍予, 赫赫,旱氣也。 詩人述宣王訴于 陳氏曰:「未知死 卿 日 面

父母及先祖爾。」

帝,寧俾我遯。 憂心如熏。群公先正,則不我聞。昊天上爲虐,如惔音談。如焚。我心憚徒旦反。暑,旱既大甚,滌滌徙歷反。山川。旱魃蒲末反。

水。王氏曰:「山枯川竭,如滌濯然也。」魃,旱神毛氏曰:「滌滌,旱氣也。 山無木,川無

我遯 也。 故曰: 『苟吾之不善,不當天心,則寧使 民也。」 公先正,則不我聞,亦上文意。」○蘇氏 見焚燎然。 曰:「宣王所以祈旱者至矣,而莫之答, 「旱氣生魃而害益甚,草木燋枯 去 以 憚,猶畏也。」○李氏 避賢者,無以我 之也。 熏, 灼 也。」 2曰:「群 鄭 此 氏 如

明神,宜無悔怒。 社不莫。音暮。昊天上帝,則不我虞。敬恭旱? 憯七感反。不知其故。祈年孔夙,方旱既大甚,黽勉畏去。胡寧瘨都四反。我以

政所失而致此害?」〇王氏曰:「胡寧瘨吃,病也。天何曾病我以旱,曾不知爲也。」〇朱氏曰:「憯,曾也。」〇鄭氏曰:故黽勉不去,以求濟斯難。畏,不敢故黽勉不去,以求濟斯難。畏,不敢既又以爲弃位以避憂患,非人主之義,蘇氏曰:「始以旱故,欲遯去以避賢者。

恨 何 肅 氏曰:「即「以社以方」是也。」天曾不度知 祈來年於天宗」是也。」祭四方與社又不 我 年甚早,孔氏曰:「《月令》「孟春,祈穀上帝。 以至矣。」○鄭氏曰:「虞,度也。 也。」 事 由 以旱,憯不知 當 明神如是,明神宜不恨怒於我,我 遭 此 早也?」○ 其故 則王之自 毛氏曰:「悔, 反也 我祈豐 我心, 孟冬,

左右。 **疚**音救。 旱既太甚 云如何里? 靡人不周,無不能止。 哉冢宰。 一,散 無 友 趣七口反。 紀。 鞫 居六反。 馬師氏, 瞻卬昊天, 哉 庶 膳夫

官之長 此 蘇氏 財不足以爲禮,則無友紀。」○横渠張氏曰:「友,宜作 曰:「人道相友,則吉凶慶弔,有紀以合之。旱大甚 群臣朋友。」鄭氏曰:「人君以群臣爲友。」○王氏 諸 曰:「旱既)鄭氏 也。 勤於事 疚,病 曰:「鞫,❷窮也。 而困 甚, 人也。 或 於食,以此言勞 用 窮 空竭,無以 哉病哉者, 庶正, 衆 紀綱

> 能 也。 宣王遭旱,始欲以身當之而不得,中 俚』之俚同 之憂何?』」朱氏曰:「里,與《漢書・季布傳》『無 令有所修造。」大夫不食粱,士飲酒不樂。」 物,則凡皆可止去。」○鄭氏 自庶正 除治之。」祭事不縣,孔氏曰:「不縣其樂。」膳夫 馬不 ○横渠張氏曰:「靡人不周,無不能止 徹膳,左右布而不脩,孔氏曰:「布列於位,不 兵,故令強其兵也。」 馳 夷之隸,各以其兵服守王門外,且蹕」。 師氏弛其兵,孔氏曰:「《師氏》『掌使其屬,率 也。」〇毛 王愁悶於不雨 於 · 秣。 其終 而 **,**當爲無聊賴之義。」○蘇氏曰: 孔氏曰 下,皆使 仰 日 而 訴 「趣馬之官,不以粟秣養其馬。」 之於 道 歲 周急於民,若供御之 但 凶,年 天日 不除,孔氏曰:「不使人 仰天曰:『當如 穀 欲以身逃之而 將 曰:「里,憂 不 使 世掌近王之 登 我 「里,居 如 則 何 我 居 趣 四

0

[「]酉」,四庫本、《墨海金壺》本作「有」。

[「]鞫」,原作「鞠」,據四庫本及《毛詩正義》改。

作悝。」《爾雅·釋詁》云"「悝,憂也。」○郭璞曰:哉?」」○《釋文》曰"「里,本作連,《爾雅》

「注"《詩》曰:『悠悠我悝。』」

成。 昭假 惠其寧? 瞻卬昊天, 音格。 何求 爲 無 有嘒呼惠反。 我,以戾庶正。 贏。 音盈。 大命近 其 星。 瞻卬昊天,曷 止,無棄爾 大夫君子,

毛氏 氏 乃所以定衆正 君子,所以竭其精誠,而 所以事神者無餘矣。」〇朱氏曰:「大夫 天,唯見有嘒 而 修之。 弃其前功,當益求其所以昭假于上者 我 以安寧乎?」〇 口無餘矣。 曰:「嘒,衆星貌。假,至也。」○ 「宣王以旱之故,遂瞻望仰視) 吕氏 若此者,非求爲 曰:「昭,明也。 也。 然光明之衆 雖今死亡 瞻卬昊天,果)蘇氏 日 助 我之一 將近,然不 王 星,未有 昭 贏,餘也。 我 假于天 亦 何 身 於昊 何 時 孔 可

> 爲哉 天,曷惠其寧,渴雨之至也。」 寧而庶官定者 以 定 也。」〇鄭 爾 庶 正 而 氏 르, 曰 未 瞻 有 印 民 不

《雲漢》八章,章十句。

崧高維嶽,駿 國名。」 氏曰: 平,能建國 《崧高》,尹吉甫美宣 尹 吉甫、 親諸侯,褒保毛反。 申伯,皆周之卿 音 峻。 極 于天。 王 也。 土 也。 維 天下復 申伯焉。 嶽 尹,官氏。 降 神, 音 服。 申 生

蕃,四方于宣。甫及申。維申及甫,維周之翰。四國于

嶽,四 申、有 北嶽恒。 之祀,述諸侯之職。 毛氏曰:「松,高 而高曰崧。 降神 [嶽也。 齊、有 靈 郭 堯之時,姜氏爲四 和 璞 注 氣 許 東嶽岱,南 曰:『今中嶽嵩高 以生申、甫。」李氏曰:「山 也。 貌。 駿,大。 於周, Ш 嶽 大 衡, 則有 伯 而 蓋依 極, 。 掌 高 西 此 1甫、有 至 嶽 名。」 ,四嶽 也 崧。 大

之,蓋當如此。鄭氏乃遠取訓夏贖刑之,蓋當如此。鄭氏乃遠取訓夏贖刑於王室者。甫雖不見於經,以文意考甫、申,意者皆宣王時賢諸侯,同有功

南邦,世執其功。南國是式。王命召伯,定申伯之宅。登是南國是式。王命召伯,定申伯之宅。登是亹申伯,王纘祖管反。之事。于邑于謝,

法,式也。申伯亹亹然勉於德,以賢人鄭氏曰:「亹亹,勉也。纘,繼。于,於。

所都 伯,召虎 南邦傳嗣也。」 營謝邑,以定申伯之居。」○ 也。」〇蘇氏曰:「謝,周之南土也。 宛縣,在洛邑之南也。1作邑於謝,蓋申伯本國近謝。 之國皆統理。」孔氏曰:「杜預云:「申國 故諸侯之事,改大其邑,使爲侯伯,南 爲 「登,成也。」○陳氏曰:「世執其功者,以 ○王氏曰:「爲申伯建國而曰邑者,國之 ○孔氏曰:「申伯之賢,當使南國法之。 王 之 亦 卿 日 也。」〇孔氏曰:「王乃命召伯先 士 邑,作邑于 佐 王 有 功,王 豐,商 又 毛氏曰: 邑翼翼 欲 使 [在南陽 繼 方 其

遷其私人。 庸。王命召伯,徹申伯土田。王命傅御,王命申伯,式是南邦。因是謝人,以作爾

故謝邑之人而爲國,以起女之功。 毛氏居,王乃親命之,使爲法於南邦。因是鄭氏曰:「庸,功也。召公既定申伯之

티 : 事之臣也。」私人,家臣也。」孔氏曰:「私人者,對 二牧而當一井。」〇李氏曰:「徹,什一之法也。」() 就國也。」 人降,獻私人。二〇王氏曰: 王朝之臣爲公人,家臣爲私屬也。《有司徹》云: [主 氏曰:「御,治事之官也。蘇氏曰:「傅,王治 税。」❷孔氏曰:「九夫爲井。 庸, 也。」徹者,定其井 隰皋之地,九夫爲 「遷其私人,使 牧, Ē 其 牧 毛 賦

王

寢廟既 蹻 申伯之功,召伯是營。 ,渠略反。 成,既成藐藐。 鉤膺濯濯。 直角反。 有俶尺叔反。❸ 王錫 申 伯, 四 其城, 牡 蹻

謂 孔氏曰:「鉤者,馬婁頷之金鉤。 寢廟,定其人神所處。」○毛氏曰:「藐 曰"「俶,始也。」○鄭氏曰"「作城 之。」〇毛氏曰:「俶,作也。」〇 伯所營,《詩》曰:『肅肅謝 李氏曰:「申伯之功,言城謝之事 藐,美貌。 有樊纓也。 蹻蹻, 壯貌。 案《巾車》:『金路、 鉤 膺者,謂膺上有飾 鉤、樊纓九就。 膺, 说功,召 樊纓 王 郭 伯 乃 也。 氏 及 召 誉

> 成告王,王乃賜申伯爲將,遣之。」 車如上公。湿濯,光明也。」○鄭氏曰:「已 姓以封。」申伯異姓,而得此賜者,以其命爲侯伯,故得

士。 土是保。 遣 申伯 錫爾 1,路車 介圭,以作爾 乘 馬。 寶。 我圖 爾居,莫如 往近王舅,南 南

謂之介。非諸侯之圭,故以爲寶。 馬,四馬也。」〇鄭氏曰:「王以正禮 故贈送之以大路之車。]〇毛氏曰:「乘 孔氏曰:「王於是發遣 非所以分異姓也。 寸而下。」〇王氏曰:「介圭,非諸侯所宜有也 毛氏曰:「寶,瑞也。」鄭氏曰:「圭長尺二寸 伯之國,故復有車馬之賜,因告之曰: 『我謀女之所處,無 『賜爾介圭,以作爾寶』,則 如南土之最善。』〇 市伯,令使之國, 諸侯之瑞圭,自九 加 態馬

⁰ 「定」、《毛詩正義》作「正」。

[「]正」、《毛詩正義》作「定」。

[「]尺」,原作「叉」,據四庫本、《墨海金壺》本及《經典釋

○孔氏曰:「皆命遣之辭。」 三之舅。」○鄭氏曰:「保,守也,安也。」己,其聲相近,故箋申之云如彼己之己。」申伯,宣己,辭也,如『彼記之子』之記。」○孔氏曰:「近得爲非常禮也。」○毛氏曰:「近,己也。鄭氏曰:非常禮也。」

走也。 专主,在《周官》雖天子所服、《韓奕》 有言,在《周官》雖天子所服、《韓奕》 主证,在《周官》雖天子所服,《韓奕》

申伯 以 還 岐周,故餞之於郿。 峙直紀反。 南 在鎬京之東南。 謝。」孔氏曰: 命 時 鄭 Ě 于岐周而還反也。 氏 ,謝于誠歸。 信邁,王餞賤淺反。 蓋 曰 省 一:「邁,行也。 其粻,音張。 岐周,故于郿還南者 「郿、於漢屬右扶風、在鎬京之西。 自鎬適申,塗不經郿。 申伯既受命,王餞,還歸 王命召伯, 徹申伯 于郿。 式遄市專反。 謝于誠 餞,送行飲酒 亡悲反。 歸 時宣王蓋省視 誠 北就王 其 行。 上疆。 申伯 也。 申

> 也。 國也。 峙具其糧 伯未發之時,王豫命召伯,令治申伯之國疆境。 糧。式,用。 王氏 多倒。」○朱氏曰:「郿,在鎬京之西,岐周之東。」○ 宿之委積,用是速申伯之行。」孔氏曰: 伯土界之所至,峙其糧者,令廬 疑於行之不 後適申,故言北就還 是詩 粻,莫不曲盡 意周浹,綜理微密,蓋 前 今曰『徹申伯土疆』,則其疆定矣。」 載 言信邁誠 食,在道無闕乏,故得疾至。] ○王氏 曰 「王既餞之,則申伯於是實歸其 封申伯如遷其私人,以 一个个 果故也。」○鄭氏曰:「粻 遄,速也。王使召公治 申伯土田』者,乃始疆之 南也。 歸,蓋以見王之數留 宣王之待元舅,其恩 言「謝于 如此也。 誠歸」,古人之語 市 峙其 有 又以 中 止 申

元舅,文武是憲。反。周邦咸喜,戎有良翰。不顯申伯,王之申伯番番,音波。既入于謝,徒御嘽嘽。吐丹

毛氏曰:「番番,

勇武貌。

徒御,徒行

者

文武皆足法也。」 皆曰:『汝有良翰蔽矣。』文武是憲,言其 武也。」○蘇氏曰:「申伯既入于謝,周 伯,顯矣申伯也。 也。」〇鄭氏 御 車 戎,猶女也。」〇毛氏曰:「不顯 也。」 曰:「申伯 朱 氏 文武是憲,言有文 曰:「嘽 之貌,有威武 嘽 衆 有 申 番 盛

大 者,工師樂人誦之以爲樂曲。] 〇鄭氏 國,使之皆順,其聲譽聞達於四 毛氏曰:「作是 曰:「以此順直之德,揉服萬邦。 全德耳,非謂既文武又柔直也。]○孔 『柔惠且直』,辭 曾氏曰:「前章所謂『文武』,後章 、也。」○蘇氏曰:「肆,極也。」○王氏 I. 強異 師 之誦 而實則同,皆 也。」孔氏曰:「詩 曰 曰 : 方。二〇 不 順 美 所 碩 之 氏 其 謂

> 申伯 氏 美申伯而 曰 而)孔氏曰:「以贈 二此 日 能 一、以 :亦所以美宣王,故爲宣王詩也。] 感動人之善心,故謂之風也。]○鄭 雅 己。 此贈申伯者,送之令以爲樂。」 也 丽 申伯 謂 之風 申伯,則此詩之作,主 有德,王能建之,美 了; 則 以 辭 不 迫 切,

其間固有風之體也。 「其風肆好」,蓋詩有六義,是篇雖

《崧高》八章,章八句。

室中張仲反。興焉。《烝民》,尹吉甫美宣王也。任賢使能,周

賦詩以相娛樂,則人君之美莫大焉。」何也? 蓋人君委任得人,而僚友之間,甫贈行之詩,而序詩者皆以爲美宣王,陳氏曰:「《崧高》、《烝民》二詩,皆尹吉

❶ 「也」、《毛詩正義》作「者」。

呼報反。 天生烝 兹天子,生仲 民, 是懿德。 有 Ш 物 甫 有 天監 則。 有周,昭 民之秉 **彝**,音 假 于下,保 夷。 好

此。」〇楊氏曰:「近取諸身,百體五 美也。 毛氏 君臣、父子之則也。 於忠,爲父而止於慈,爲子而 之於君臣、父子、夫婦、長幼、朋友,皆物 加四字而已,而語自明矣。今之説《詩》者,殊不知 故好是懿德。』」楊氏曰:「孟子釋《詩》,於其本文 内也。」〇鄭氏 傳》説晉文公納定襄王,王賜之樊邑,則樊在東都之畿 樊國之君也。 也,而各有則。 知道乎? 故有物必有則,民之秉彝也。 而字仲山甫也。 》《孟子》曰:「孔子曰:『爲此詩者,其 身之則也。 曰:「烝,衆。 仲山甫,樊侯也。」孔氏曰:「爵爲侯 韋昭云"『食采於樊。』僖二十五年《左 《周語》稱樊仲山甫諫宣王,是山 曰:「監,視。假,至也。」 爲君而 視聽言動必由禮焉, 則,法。 夫婦有别,長幼 止於仁,爲臣而 彝,常。 止於孝,此 一藏,達 一甫爲 懿, 此 止

> 甫。 也。 能以明德,感格于天而在下 蓋謂此也。」〇朱氏曰:「昭假于下,言周 之德,昭明乎下,用保兹天子,而 故『好是懿德』。」○李氏曰:「天視 序 朋 皆天理之常,故曰『民之秉彝 董仲舒曰: 『上天佑之,爲生賢佐。』 友 (有信, 此 大婦、 朋友、 也。 長 生仲山 幼 有周 之則

子,生仲山 好德 惟皇上帝,降衷于下民,固莫 曰:「天監 也。 蓋有 甫。」 有 周 。, 昭 鍾氣之粹者焉。 假 一一一下。 令色,小心 保兹天 不 秉 故 彝

明命使賦。 翼翼。古訓是式,威儀是力。天子是若, 仲山甫之德,柔嘉維則。令儀令色,小心

勉也。」○毛氏曰:「若,順。賦,布也。」之遺典也。式,法也。」○蘇氏曰:「力,色,顔色容貌。翼翼,恭敬。古訓,先王鄭氏曰:「嘉,美。令,善也。儀,威儀。

賦之。」
〇王氏曰:「天子有明命,則使仲山甫

甫之德 發而措之事業也。 脩也。「天子是若,明命使賦」,言其 色,小心翼 斯爲 柔 「古訓是式,威儀是力」,言其學問進 嘉維 沒弱,不得謂之柔嘉 則」,不過其 翼」,言其表裏柔 此章蓋備舉仲山 則 矣。 也。 過其 嘉也。 則

外,四方爰發。 王躬是保。出納王命,王之喉舌。賦政于王命仲山甫,式是百辟。音壁。纘戎祖考,

匪

解

,以事一人。

此,則 甫乃世其家也。□○朱氏 辟之長,而繼 李氏曰:「王命仲山甫 鄭氏曰:「百辟,百君。戎,猶女也。」 知 納,行而復之也。 Ш 甫之祖考當爲 女之祖考而保我王躬。』 曰:『我以 曰:「出,承 喉舌,所以 是官矣,爲 汝 爲 而 觀 百 布 Ш

不發應。」 (一鄭氏曰:「布政於畿外,天下言也。」 (一鄭氏曰:「布政於畿外,天下

莫

養君 仲山 者,保其身體,傅之德義之謂 式云者,表率儀法之謂 德,人則典司 甫之職,外則 政本, 緫 領 諸 出 侯, 則 巾 經 也 内 保云 則 四 輔

仲山甫明之。既明且哲,以保其身。夙夜肅肅王命,仲山甫將之。邦國若否,音鄙。章蓋備舉仲山甫之職。

説者或謂仲山甫事宣王,則保身者,而後可以保身。甚矣,保身之難也。發, 哲者,明之實也。「既明且哲」,明,亦哲也。並言之,則明者,哲之

謂「小心翼翼」矣。 身遠害,則君子賤之耳。 受之父母,不敢毁 其身,奉事其主者,無一 王之時,群臣之任遇莫先焉, 至於偷生徇私,養小失大, 非 丁, 豈 全身遠害之謂 |爲治亂而增損哉? 傷,本非 蓋 誤 毫怠忽,信 仲山甫在 矣,保身 身體髮膚, 如是 末 丽 節 省 而 乃 察 宣 所 全

不畏彊禦。仲山甫,柔亦不茹,剛亦不吐。不侮矜寡,人亦有言,柔則茹音汝。之,剛則吐之。維

孔 吐 山 者則茹食之,剛者則吐出之。喻見寡 此 甫 則 氏曰:「人有常言,人之恒性,莫不 言仲 首舉仲山甫之德,獨以「柔嘉 則 侵侮之, 彊盛者則 既言其喻,又言其實以充之。」 不然。 Ш 甫之德,剛柔 不侮、不畏,即是不 避畏之。 不偏也。 維 維則 ጢ 有 仲 弱 柔

> 人亦有言,德輔餘久反。 德,亦 蔽之。 方,其 可知矣。 曰「柔惠 \sim 松松 維仲 高 稱 且 山甫舉之,愛莫助之。 直。 申 如毛。 伯 番 然則 番 民 鮮克舉 入德之 終論 其

之,我儀圖之。 衮職有闕,維仲山甫補之。 度也。 職 氏 ○陳氏 惜乎莫能助之者。 儀作義,曰:「毛如字,宜也。 愛,惜也。 然而衆人寡能舉之。 言耳。」○毛氏曰:「儀,宜也。」○《釋文》 鄭氏曰:「輶,輕也。人之言云德甚)毛氏曰:「衮冕者,君之上服也。」○鄭 有 闕,能補之者,仲山甫也。] 〇 我於是而謀度其能舉之者,則惟仲山 其德如是,故能補衮職之闕。 曰 衮職者,不敢斥王之言也。 仲山! 「圖者,圖謀之。」朱氏曰:「儀 甫能 多仲山 獨舉此 我,吉甫 甫 德 之德 鄭作儀。」 自 而 甫而已。 行之, ,歸功 我 朱氏 王 也

子》日 『惟大人爲能 格君心之非 仲 Ш

甫 有焉。』

每懷 仲山 靡 甫 及。 出 甫,城彼東方。 祖 四牡彭彭、八鸞鏘鏘。 四 、牡業業。 征夫捷捷 七 在 羊反。 接 反

王 命

仲

Щ

不合。」 不及 蘇氏 徙薄 姑, 菑也 其馬業業 遷其邑而定其居,蓋 方,齊也。古者諸侯之居逼隘,則 仲山甫使行,言其盛也。] 〇毛氏 彭彭,行貌。 (事也。 |。」孔氏曰: 「《史記・齊世家》云: 『獻公元年、 曰:「王 都 治臨 丽 東方,則齊也。」〇鄭 捷,其徒 命 菑。一計 鏘鏘,鳴聲。 仲山甫城齊,祖 獻 公當夷王之時, 捷 去薄姑, 捷 而 以此 敏 而 一祭而行 車 氏 與 常恐 王. 馬 於 日 「東 此 臨 傳

仲 徂 四牡騤騤,求龜反。 齊 甫 式遗 永 懷 其 ,以慰其心。 八鸞喈喈。 吉甫: 作 誦 音皆。 穆 如 仲 清 Ш 風 甫

日 騤騤 3、猶彭 彭 也 喈 喈 猶

> 鏘 也。 清微之風,化養萬物者也。]〇: 永懷,蓋有所不安者。 躬,補王闕,尤其所願。 「式遄其歸,不欲其久於外也。 赋政于外,雖亦仲山 也 「述其美,以慰安其心。」○曾氏 永懷,既行而有所懷思也。」〇 而告以遄歸,所以安其心 遄, 疾 也。 言周 之 甫之職,然保王 尹吉甫深知之, 城彼東 望 仲 朱氏 穆, Ш 方,其心 甫)鄭氏 티 : 曰 也。

烝民》八章,章八句。

韓 侯。 命。 奕奕梁山 年,史伯對鄭桓公曰:『武王之子,應、韓不仕。」 旦 夜匪 反。 奕音亦》, 尹吉甫 鄭氏曰:「韓,姬姓之國也。 解。 王親 不庭方 ,維禹 虔共音恭。 命之,纘戎祖考。 以以 一旬之。 佐戎辟。 美宣 爾位,朕命不易。 有倬其道,韓侯受 王 後爲晉所 也。 無 廢 能 滅。 朕 錫 幽 命諸 王 夙

或作 氏 有 作 北。 其貌 云 也。」」〇《釋文》曰:「倬,明貌。 倬然之道,此韓侯所從朝周以受命者 韓侯,故先叙其國,●曰:『梁山之下,有 所謂治梁及岐者,在今同之韓城。將言 梁山 山 王自謂也。」〇孔 日 被於此山者,自禹之後無傳焉。」〇 晫。」○陳氏 最 侯伯也。」〇鄭氏曰: 氏 禹甸之者,决除其災,使成平田 『當紹繼汝祖考之舊職,復 「虔,固也。」〇鄭氏曰:「古之恭 共。 倬倬然,著明。」○蘇氏 奕奕然。 高大,爲國之鎮,所望祀 ,除水災,鄭氏曰:「梁山之野,堯時 曰:「奕奕,大也。 榦,作楨 梁山,今左馮 曰:「梁山,禹治水,其功 榦而正之。 氏 朕,我也。」〇毛 曰:「王親自 「梁山 甸, ,定貢賦。」受 曰:「《禹貢》 治 焉,故美大 ,於韓國之 翊 戏辟, 也 《韓詩》 夏陽 命之 ,俱遭 禹 氏 鄭 治

> 庭也。」 以『夙夜 不庭方,謂不寧侯也。」蘇氏曰:「不庭,不 不復改易,當『榦不庭方』,以佐汝辟也。 戒使其『無廢朕 伯。二〇 Ē 匪 氏 懈,虔共爾位」,又 命」,『虔共 : 既 命之纘 爾位」。 汝 戒以朕 祖 考, 既 命 戒 又

弗音弗。 莫歷反。 圭。入覲于王,王 四牡奕奕,孔脩 錫。❷音羊。 **鞗**音條。 錯衡。 革金厄。 郭 苦郭反。 玄衮赤 且 錫 張。 韓 舄,音昔。 侯。 韓侯 鞑苦弘反。❸ 淑 入覲,以其 旂 鉤 綏章, 簟 膺鏤音 淺幭 介

鄭氏 毛氏曰:「脩,長。 張,大。 曰 :「韓侯乘長大之四牡奕奕然,以 覲,見也。」〇

及

⁰ 0 蘇轍《詩集傳》改。 ·錫」,原作「錫」,據四庫本、《墨海金壺》本及《毛詩正 叙」,原作「欽」、《墨海金壺》本作「序」, 據四 庫 本

⁰ 及《經典釋文》改 義》改。 「苦」,原作「若」,據宫内廳本、四庫本、《墨海金壺》本 本篇内同

茀,漆 爲茀,明吉車之等漆之也。」○毛氏曰:「錯衡 文衡也。」孔氏曰: 享。□○鄭氏曰:「此覲乃受命,先言受命 「《巾車》云王之喪車五乘,其五曰漆車藩 於竿首」者。然則緩者,即交龍旂竿所建,與旂共 鳥羽而用之。」或以旄牛尾爲之,綴於幢上,所謂「注 氏曰:「即《王制》所謂「天子殺下大綏」者。「夏采」注 鄭氏曰:「善旂,旂之善色者也。」綏,大綏也。」孔 之。」〇毛氏曰:「淑,善也。 者,顯其美也。」王氏曰: 孔氏曰:「箋以入覲于王爲行享禮,介圭則是爲享之 云:「徐州貢夏翟之羽,有虞氏以爲綏。 後世或無,染 物。《大行人》陳諸侯見王之禮,云:『廟中將幣 ○鄭氏曰:「覲於王而 爲瑞也。」朱氏曰:「覲禮,執圭贄,所以合瑞 高》以介圭爲所執之瑞,則此言介圭,亦 時 ·漆席以爲之。 覲 爲貴賤之表章,故云綏章。」○鄭氏曰:「簟 於宣王。」〇孔氏 簟以爲 此車禫所乘也。」禫將即吉,尚以漆席 車蔽,今之藩 「錯置文采爲車之衡。」○孔 奉享禮,貢其國所出之寶。]〇 「謂韓侯來朝,多錫以厚 曰:「毛氏於《崧 也。」孔 交龍爲旂。 蔽,注 氏 丟 也。 曰

纓也。 綏章,於紼後建之,簟茀在後,衡 往往者,言其非 爲小環,往往纏搤之。」孔氏曰:「轡首謂之革。 上也。○○鄭氏曰:「鞗革, 《玉藻》言有『羔幦』、『鹿幦』、《春官・ 淺,虎皮淺毛也。 者,蓋以去毛之皮施於軾之中央,持車使牢 毛之皮也。軾者,兩較之間有横木可憑者也。 金路矣。 金路,鉤樊纓」,注云:『金路無錫有鉤。」此言鉤膺,必 當馬之額盧,在眉眼之上。按《巾車》「玉路,錫樊纓。 是也。樊,讀如『鞶帶」之鞶,謂今馬大帶纓。 也。」孔氏曰:「馬鞅鉤,以金爲之,膺上有飾,即樊纓 赤舄,赤色之舄。]○鄭氏 氏 「新複」,皆以有毛之皮爲幦。幦是覆蓋之名,覆在軾 幭、《禮記》作幦、《周禮》作複。 莫歷反,字異而義同 鞹,革 曰:「玄衮,以玄爲衣, 鉤膺鏤鍚,鞹鞃淺幭,鞗革金厄, 而得有鏤錫者,蓋特賜之。] ○毛氏 也。 眉上曰鍚,刻金飾之,今當 鞃, 軾中也。 一二處也。」○王氏曰:「淑旂 幭,覆式也。」孔氏曰: 孔氏曰:「鞹 謂轡也。 曰:「鉤 而 巾車》言『大複』、 畫 以衮龍。 當盧者 膺, 固 在 以金 :者,去 曰 : 鞹鞃 也。 則

皆在前。」

蒲。 鮮魚。 其贈維 出 侯氏 酒百 其 袓 蔌 一**,** 出 【燕胥 壺。 何 ? 音速 宿 其殺 于 乘馬路車。 屠。 維 何 ? 維 音徒。 何 ? 維 筍 顯父音甫 籩豆有且,子 炰 恤尹反。 薄交反 及 鼈 餞

多 也。 之,又使送以 蒲始生水中!是也。」贈 以火熟之也。鮮魚,中鱠者也。]〇毛氏 酒 曰:「蔌,菜殽 餞送之,故有酒。」○孔氏曰:「清美之 名也。」○鄭氏 祖於國外畢乃出宿。」〇毛氏曰:「屠,地 國 鄭氏曰:「祖,將去 ,乃多至於百壺。」○鄭氏 ,必祖者,尊其 蒲,深蒲也。 胥,皆 也。 車馬,所以 也。」〇鄭 曰:「顯父,周之卿士也。 送也。 孔氏曰: 、所往,去則 諸侯在京師未去者 而 犯 軷 氏 贈 「《醢人》注云『深蒲 王 也。 曰 厚 既 曰:「炰鼈 如始 意 使顯 「筍,竹 既覲 也。 行 而 前 反

然,榮其多也。」朱氏曰:「胥,辭也。」於顯父餞之時,皆來相與燕,其箋豆

且

然則此所謂「侯氏」,或者專指韓侯《覲禮》稱來朝之諸侯,皆曰「侯氏」。

也

| 敷 ?

之子。 祁祁巨移反。 韓侯取妻,汾符云反。 八鸞鏘鏘,不顯其光。 甥。 則河 氏 顯 蹶之里,蹶 水之上,故詩人因以號之。孔氏曰:「彘於漢 曰:「汾王,厲王也。 也。」〇毛氏曰:「蹶父,卿士也。」〇鄭氏 朱氏曰:「此言韓侯既覲 也。 曰 東永安縣也、永安西臨汾水。」姊妹之子爲 王之甥,卿士之子,言尊貴 韓侯迎止,于蹶之里。 每 光,猶榮也。 如雲。 父之里。 車皆有八鸞之聲。」○毛氏 韓侯顧之,爛其盈門。 王之甥,蹶俱 氣有光榮也。] 〇孔 百 諸娣大計反。 厲王流 兩 而還,遂以 ,百乘。 于彘 百 兩 衛反。 也。 從之, ?,在汾 彭彭, 不 親 训 父

諸 也。」鄭氏曰:「媵者,必姪娣從之。」○孔氏 雲,韓侯 曰 其妻出 侯 祁祁, 娶九女,二國 於 於蹶父之門,諸娣隨 是 徐 回 靚 顧 也。 丽 一勝之。 視之,見其 如雲,言衆 諸 而 娣 鮮 從之如 ~,衆妾 多 明粲 也。

爛然,其盈

滿於蹶父之門也。」

訏。 反。 反。 蹶 鹿噳噳。 父孔武,靡國 淺 甫 使於天下。 居,韓國最樂。」〇毛氏曰:「訏訏,大也。 毛氏曰:「姞,蹶父姓也。」○鄭 有虎。 相,視。 相攸,莫如 况甫反。 毛者也。」〇鄭氏 甫然,大也。 愚甫反。 川澤寬大,衆魚禽獸備有,言 慶既令居,韓姞燕譽。 筋音房。 攸,所也。 國國皆至。 韓樂。 不 有熊有羆, 噳噳 到。 触音序。 曰:「甚樂矣,韓國 然, 衆也。 蹶父甚武 孔樂韓土,川 爲于僞反。 爲其女視 有貓 甫甫, 麀音憂。 如字,又武交 貓,似 健,爲王 韓 氏 姞 其 澤訏 日 其 虎 所

> 喜其有 諸 也。」〇王氏曰:「韓侯娶妻,何豫於王 安之,盡 富 此,乃所謂邦之榮懷也。」 宣王任賢使能,然後汾王之甥, 而詩言此? 國賢君之所願娶。 也。」〇朱 侯所卑侮,則 :此善居 其 婦 氏 蓋汾王失道,王室幾喪,爲 道, 也。」〇鄭氏曰:「韓姞 曰:「慶,喜也。 王 有顯譽。」蘇氏曰:「譽,樂 甥亦安能 而威儀備具光顯 相 攸? 更爲 則 樂 如

溥彼 蠻 韓城 能展 其私,使之内外 古者任遇方面之臣,既盡其禮 其 宣 樂,亦莫不在其 意 Ŧ. 王 涉歷邦國之多,非必國國皆至 蓋 能 錫韓侯,其追其貊。 布自竭,爲王室之屏翰。 ,燕師所完。 在 錫命諸侯,而因道其娶之盛 於此。 光顯 八中矣。 而王室尊安,人情暇 以先 ,體安志平,然後 靡國不到,特 祖受命,因 武伯 反。 詩人述 也 復 恤 時

百

獻其 北 或 貔 因 音毗。 以 其 皮,赤豹黄羆 伯 實 墉 實 壑, 實 畝 實 籍

氏曰: 郭 於王。」〇《釋文》曰:「壑,城池 池,治其田 爲之伯焉。 之以追人、貊人,受之以北方之國, 也。 壑,言高 之百國也。 城也。」〇毛氏曰:「因時百蠻,長是蠻 國 鄭 也。」〇朱氏 「王以韓侯之先,因是百蠻而長之,故 丽 國之城壑也。 璞 氏 也。」疑韓 ·籍。1是籍爲税之義也。] ○ 孔氏 鄭氏曰:「撫柔其所受北面之國。」實 墉 曰:「一名執夷,虎豹之屬也。」陸機 曰:「溥,大也。」〇毛氏 「籍,税也。」孔氏曰:「《公羊傳》曰: .其城、深其壑也。」○蘇氏 畝,正其 韓侯於是 初 日 追、貊, 封 "「董氏曰:『燕,召公之 《釋獸》云:『貔,白狐。』 時,王命以其衆 税法,以時貢 戎狄 命 諸 國也。 侯 티 : 日 公各修 也。」〇 其 爲築此 奄, 師 使 所 所 其 曰 孔 鄭 有 城 復 錫 實 服 撫 衆

> 文黑。 皮,則豹、羆亦獻皮 曰 : 貔似 羆 大 虎 於 熊, 或 曰 也。」 有黄 似 熊。 羆 赤豹, 赤羆 毛 貔 赤 而

此, 杞之類,皆合諸侯爲之。 政 春秋之時,城邢、城楚丘、城緣陵、 也。 則 周之盛 時 命 燕 城 霸令尚 韓 固 如 城

《韓奕》六章,章十二句。

《江漢》,尹吉甫 命召公平淮夷。 《江漢》、《常武》二篇,同 徐州 陳氏 醜虜。』故知淮夷之地不一。以地 同言淮夷。 南 《常武》之詩又曰:『鋪敦淮墳,仍 楊州 有 日:「淮夷之地 夷,則淮夷之在北 召虎既平淮 有 鄭氏曰:「召公,召穆公也,名虎。」 夷, 美宣 則淮 王 不一,徐州 也。 夷之在南者 夷,而 爲宣王之詩,而 者也。 能 興 告成 在 衰 楊州 淮 撥 于王 理考 也 北 亂

路矣。 淮北之夷 之夷也。 之,日『江漢之滸) 曰 『率此淮浦 若在淮 (也。若在淮 王 王 北 7,則江 一命召 ,省此徐土』者,是 南,則徐土非聯接 漢 虎』者,是 非所 由 淮 之 南

舒,淮夷來鋪。 淮夷來求。既出我車,既設我旟。匪安匪 江漢浮浮,武夫滔滔。吐刀反。匪安匪遊,

之地矣。」

淮夷是求是鋪,言用命也。]○鄭氏 水之北。當淮之南北,皆有夷也。] 〇王氏 召公伐淮夷,當在淮水之南。 江安豐縣界。」則江漢合處,在楊州之境也。 浪之水,過三澨,至于大別,南入于江。」是到大别之 孔氏曰:「《禹貢》:「嶓冢導漾,東流爲漢。又東爲 曰:「行者皆莫敢安徐,曰吾之來也,維 南,漢與江合東流也。《漢書·地里志》:『大别,在廬 鄭氏曰:「江漢之水,合而東流浮浮然。」 武夫滔 車, 戎車 滔 也。 則 鳥隼曰旟。] 〇朱氏曰: 以 其 衆 魯僖所伐淮夷,應在淮 浙 也。」〇蘇氏 如此,則 曰 :

> 豐縣。 南人江 щ 不同哉?」 至安豐一千五百里,豈江漢相合,古今 口,亦曰夏口。江東,即鄂州江夏郡也。 氏 鋪 日 山之北,漢口 陳 「杜預云:「《禹貢》『漢水至大别, ,在江夏界』,疏謂大别在 按漢水人江,乃今漢陽軍之大别 也。 陳 師 以 是也。 伐之也。」〇勃 漢 口 亦曰 廬 江 海 沔 安 胡

諸侯之師以伐之歟? 夷絶遠,於經文頗不合。或者會江漢胡氏辨江漢合流,既得之矣。但去淮

靡有争,王心載寧。方,告成于王。四方既平,王國庶定。時方,告成于王。四方既平,王國庶定。時江漢湯湯,書羊反。武夫洸洸。音光。經營四

蘇氏□:「遂經營其旁國,以告於王。」庶,幸。時,伐淮夷,服之,復經營四方,告功於王。「洸洸,武貌。」○鄭氏曰:「召公既受命孔氏曰:「湯湯然,流盛。」○毛氏曰:

叛戾乖争者。」 是也。載之言則也。」〇孔氏曰:「無有

我疆 于理,至于南海 江 漢之滸,音虎。 王 士。 匪 一
灰
音
救
。 命召虎。 匪 棘,王 國來 式 辟 極。 四 方, 疆 徹

止。 焉 病。 也。 此 以 命召公闢四方之侵地,而 之滸而伐之,非 事 召虎也。∫○ 所藏古器物銘 公,與公復于王之辭。 朱氏曰:「此 以見復文、武之境土也。」 耳。 病之,非以急之也,使來於王國 也。」〇陳氏曰:「王命召虎,自彼 ○李氏曰:「于疆 棘,急。 再言『江漢之滸』者、繫上事、起 召公於是疆理 鄭氏 極,中也。」〇 下 識,蓋 謂宣王臨 四 曰:「滸,水涯 一 章 古人文字之 皆述 工其 首尾大 于理,至于南 江漢之地 地 治其)蘇氏 王 了,至南 抵 册 疆界,非 也。 曰 : 類 命 海 取 常 今人 而 江 召 海 中 命 漢 下 穆

> 南海」。 淮夷在南,故極其遠而言之,曰「至于

用錫爾祉。翰。無曰予小子,召公是似。肇敏戎公,王命召虎,來旬來宣。文武受命,召公維

以 蘇 其事 來。 功也。」〇毛氏曰: 毛氏 曰:「汝今無以我爲小子,不足與有爲,當繼召康公之 小子之故,自當繼似汝 功以勸之。] () 陳氏曰:「汝不必言事我 命,召康公爲之楨幹之臣,故述其祖之 名奭,召虎之始祖 也。」〇朱氏曰:「自江漢之滸言之,故 福。」 氏 ,以布王命。」

」

鄭氏曰:「召康公・ 言王 曰 : 曰:「旬,徧也。」○蘇 命召虎,來此江 汝 敏 於戎 「敏,疾。 也。 事, 昔文王、武王受 先祖康公。」李氏 公,事 氏 我是 漢之滸,徧治 曰 用 宣 也。」〇 汝

肇,始也。自召康公之後,其風烈寂

寥無 聞 矣。 至穆公始復, 敏 於 從 事

繼 其烈。

釐力之反。 命,自召祖命。 卣。 音酉。 爾圭瓚,才旱反。 告于文人,錫山 虎拜稽首,天子萬年。 秬 土 音 Ē 田。 鬯初亮反。 于周受

使受山 彝。 故卣盛之。」○鄭氏 尊,使以祭其宗廟,告其先祖。]〇孔氏 鬯者,芬香條鬯也。王錫召虎以鬯酒 也。」〇鄭氏曰:「秬鬯、黑黍酒也。 孔氏曰:「賜汝以圭柄之玉瓚。」文人,文德之人 曰:「《釋器》云:『卣,中尊。』案《鬱人》 毛氏曰:「釐,賜也。 「掌和鬱鬯,以實彝而陳之」,則鬯當在 卣』者,當祭之時乃在 ,用也。 而此及《尚書》、《左傳》皆云『秬鬯 川土田之賜,命用其 岐周,周之所 宣王欲尊顯召虎,故 曰:「周,岐周也。 九命賜圭瓚秬鬯。 起,爲其先祖之 彝。 祖 賜時未祭, . 召 如 康公受 岐 謂之 周

德

治此

四

國

599

壽。

虎拜稽首 統》芸: 無可 在焉。]拜稽首者,受王命策書也。 采地。今虎嗣其業,功與之等,故 命」,明非京師,以虎祖康公,在 靈,故就之。 明 明 以報謝者,稱言使君壽考而 『賜爵禄必於大廟。」以岐是周之所起,有别廟 天子,令聞音問。 ,對揚王休。 孔氏日 「時實周 作召公考,天子 岐周事文、武 不已。矢其 世 往岐周命之。 而 特言一于 己。 臣受恩 有功 m 周 文 萬

氏曰: 鄭氏 曰 : 休命,以對揚於王,下以告成於召公。」 朱 氏曰:「王休,王之休命也。 召虎受此 作,爲也。」〇毛氏曰:「考,成也。」○陳 德,洽此四國」,此召虎所以 曰:「『明明天子,令聞不已。 言武功之不可恃,亦所以戒之也。」 「作召公考,當闕之以俟知者。」 〇 毛 曰:「揚, 江漢》六章,章八句。 施也。 稱 洽,和洽 揚。 對,答。 也。」〇朱 稱 願 休, 矢其 其君之 文 氏

反。

不

事,因以爲戒然。《常武》,召穆公美宣王也。有常德以立武

祖,大師 赫 赫 其篇 朱氏 明明, 日 皇父。整我六師,以 「詩中 王 一命 卿 ·無『常武』字, ±, 南 仲 脩 大 召穆公特名 我 音 泰, 下 戎。 回 既

敬

既戒,惠此南國。

氏 事。 王時 則以 董 尤顯。」○蘇氏曰:「宣王命其卿士皇父, 其字,則皇父也。」○鄭氏 孔 南 也。」〇王 氏 征 曰:「當恭敬而 氏 C 五 五 五 五 曰:「伐其暴亂,所以惠之也。」 徐 命將以 南仲爲太祖。言其官,則 曰:「赫 方,皇父以 也。 氏 本 曰:「所命之卿 **赫明** , 以修我戎,是治其甲兵之 臨之,戒懼 祖者,因有 卿 明者,宣 士而 兼太師。二〇孔 曰:「南仲,文 王 而 士,言其世 世功,於是 命將之顯 大師。 處之。」〇

> 戒我. 處,三事就 王 謂 師 尹 氏, 旅。 緒。 命 率 程伯 被淮 休 浦, 父。 省此徐 左右 土。 陳行 · 户 不 留 剛

土 曰"「三農,上、中、下農夫也。」○朱氏曰:「徐 農,生九穀」,注云:「三農,原、隰及平地。」〇朱氏 事,皆就其業。」孔氏曰:「《太宰》『九職, 地,以患苦其民。」」 氏 孔氏曰:「《司馬職》云:『大師,掌其戒令。』○ 馬。」〇鄭氏 命司 馬。]浦,涯也。]〇孔氏曰:「上命元帥,此 曰:『往循淮之上而視徐土,無久留 策書,命此 當宣王時,失其官守,爲司馬氏。』是程伯休父嘗爲司 尹吉甫也。」程伯休父,始命爲大司 曰:「《楚語》曰:『重黎氏,其在周,程伯休父其後 毛氏曰:「尹氏,掌命卿 ,徐州之土,淮北之夷也。 曰:「使之左右 馬,王謂 程 티 : 其内史大夫尹氏,汝當 國之伯字休父者 「軍禮,司馬掌其誓戒。 陳 〇 鄭 其 行 ± 氏 列,而 曰:「三農之 蘇氏曰: 下章所謂 馬。 爲 戒 一尹 — 曰 令之 大 處其 李氏 蘇 司 也 氏

馬,以六卿副之耳。」 親命太師,以三公出 皇父,而此章又『命程伯休父』者, `徐方」、『徐國』,亦 即 將, 此 而謂 爾。 内史 章 蓋 既 司 王 命

霆,徐方震驚。 遊。徐方繹音亦。● 騷,震驚徐方。如雷如赫赫業業,有嚴天子。王舒保作,匪紹匪

其上,不遑安矣。」 緩,而徐方之人,莫不震 嚴哉天子也。 《説文》曰:「紹,糾緊也。」○毛氏曰:「遊, 也,人望其赫赫業業之威 曰:「騷,動也。」〇蘇氏曰:「王之南 遊也。」○朱氏曰:「繹,連絡也。」○毛 毛氏曰:「舒,徐也。 王氏曰:「赫赫,顯也。 曰:「作,行也。」○蘇氏曰:「紹,急也。」 然王則 保,安也。]○鄭 徐 動 而 業業,大也。」〇 而畏之, 曰 ,如雷霆 安行,不急 有 征 氏

王奮厥武,如震如怒。進厥虎臣,關呼艦反。

仍執醜虜。截彼淮浦,王師之所。如虓火交反。虎。鋪普吳反。敦淮濆,符云反。

敦厚之陣於淮 其虎臣之將,闞然如虓怒之虎。令布陳 怒其色,言嚴 孔 浦,王師之所」,截然不可犯之貌。」 虜。」○毛氏曰:「虎之自怒虓然。」○朱 揚其威武,如天之震雷其聲,如人之勃 也。《老子》曰:『攘臂而仍之。』『截彼淮 鋪敦,厚集其陣。」○朱氏曰:「仍, ::「進,鼓而進之也。」〇王氏曰: 曰 : 「既到淮 威 水濆涯之上,就執 之可懼也。 浦,臨陣將戰,王乃奮 即進而前 其 衆 就

濯征徐國。山之苞,如川之流。緜緜翼翼,不測不克,上旅嘽嘽,吐丹反。如飛如翰,如江如漢,如

孔氏曰:「王旅,王之師旅。」○毛氏曰:

^{♪ 『}亦」,原作「繹」,據四庫本、《墨海金壺》本及《經典釋

絶。 氏曰:「濯,大也。」 測,不可知也。 以水喻。」〇李氏曰:「緜 止。」〇孔氏曰: 可驚動,故以 也。」孔氏曰:「山之基本。」〇陳 已疾,翰又疾於飛,若鷹、顫之類,❶擊擊衆鳥 軍旅之衆,其廣長似之也。」○毛氏 嘽 鄭氏曰:「江漢,以喻盛大也。」孔氏曰: 「如鳥之飛。 嘽 翼翼,不可得而亂。」〇朱氏曰:「 盛 也。 翰,其中豪俊 Щ 不克,不可勝也。]〇毛 「兵法有 一喻。 疾 如 動則 飛 也。」〇孔氏曰: 動 緜,不 不 氏 有 摰 Ξ. 日 静 可禦止, 如 一苞,本 ",静則 翰 可得 如 山 者 鳥 一之苞 也。 鄭 不 故 而 不 氏

曰還歸。 功。四方既平,徐方來庭。徐方不回,王王猶允塞,徐方既來。徐方既同,天子之

蘇氏 日 也]。] 〇朱氏 "「既來,已來 與 曰:「猶,道 他 或 同 曰:「塞,充塞 服於王。」○鄭氏 告 也。」〇鄭氏曰:「允、信 服。二〇孔 也 氏 曰 : 曰 : 〇 鄭 既 氏

> 也 也。」〇劉氏曰:「武成則戒黷,故曰還歸 道甚大,而遠方懷之,非獨 庭 所謂『有常德以立武事 來 。」〇朱氏日 止於義也。」 王 庭 也 一、「於是王 旦, 猶 違 因 一命班 也 以 兵威然也 爲戒』者此 師 還 矣,言王 歸 振 旅

《常武》六章,章八句。

音牟。 夷 此大厲。 瞻卬昊天,則不 瞻卬音仰》,凡伯刺 瘳。 賊蟊 勑留反。 邦靡有定,士民 疾,靡有 ·我惠。 茂届。 幽王大壞 孔填 【其瘵。 罪罟不收,靡 (音塵。 也。 側界反。 不寧 降

氏曰:「厲,亂也。」() 毛氏 而 仰 訴 티 : 之辭也。 填,久。 言天不惠養我,使久不 歐 厲,惡。 陽 氏 曰 : 瘵,病 「述民呼天 也。 _ 朱 也。

其病。 蟲。 罔罟,凡此皆民之所以病也。」 氏曰:「《大田》傳曰:『食根 羅 賊之害禾稼 邦靡 安而 曰賊。』」○孔氏曰:「蟊賊,是害禾 國 夷,平也。」〇鄭氏 網天下而 有所定,則民受其福。 蟊疾,是害禾稼之狀。○蘇氏 有 降 於是有小人爲之蟊賊 此 定 大 加 不收斂,亦無止息 · ●無有止息時。 悪 士 謂 民 命此 日 病 也。」〇王氏 「届,極 幽 無所定, 王 ″,刑罰 曰 爲君 施 時。」 也 蟊 刑 則受 爲之 稼 食 罪 故 曰 回 如 節 蟊 使

夫無罪者。覆,猶反也。收,拘也。説,人,女覆奪之。此言王削黜諸侯及卿大人,女覆奪之。此言王削黜諸侯及卿大覆説^{音稅。}之。 此宜無罪,女反收之。彼宜有罪,女人有土田,女反有之。人有民人,女覆奪

> 亂 反。 哲 匪 夫成城,哲 爲 降 鴟。 自 天,生自 處之反。 [婦傾 城。 [婦人。 婦 有 懿厥 長 匪教 舌,維 哲 婦, 匪 厲 誨 爲梟古堯 之階。 時 維

婦

寺。

爲美。」」○鄭氏曰:「長舌,喻多言。」○ 厥哲婦』,顔師古注云:『言幽王 喻褒姒之言。」〇李氏曰: 足以傾城 氏曰:「城,猶國也。」○歐陽氏曰:「士 其荒昏,則婦言是用故 王氏 李氏曰:「婦人之多言,乃爲禍 ○鄭氏 多才智者,則能興人之國。]○王氏 婦人以無非無儀爲善,無所事哲,哲則 哲,知也。」〇朱氏 曰:「幽王 曰:「厥,其也。 而已。」〇陳氏曰:「懿,美也。」 如 上所 曰:「傾,覆也。」○鄭 梟鴟,惡聲之鳥, 刺, 也。」〇毛氏日 「漢谷永舉『懿 則荒昏故 :亂之階。」 以 哲 日

0

及《毛詩正義》改。下二「稼」字同。「稼」,原作「嫁」,據官内廳本、四庫本、《墨海金壺》本

言婦 \pm 不用教誨之言,維婦寺是聽也。」 歐 寺者 陽 氏 予類 而 、 婦 言爾。」○蘇 寺 者 謂 婦 人與寺 氏 曰 人。

反。極 ● ?

伊胡爲慝?

如賈音古。

三倍,蒲

罪

君子是識。

婦無公事,休其蠶織

鞫人

忮之豉反。

忒,譖始竟背。

音佩。

豈曰

不

宜也。 鄭氏 鄭 朝廷之事,其爲非宜猶是也。」孔氏日 者,小人所宜知 不至矣乎? 陳氏曰:「極,至 已。」〇鄭氏 背之。 李氏曰:「其始也譖是人,其終也又從 者,好窮屈人,忮害轉化,其言無常。] 〇 害。忒,變也。」〇鄭氏曰:「婦人之長舌 氏曰:「鞫,窮也。」〇毛氏 今婦人休其蠶 蓋其好惡予奪,惟其口之出 「識,知也。 曰 何尚爲 也。 也。 「胡,何。 買物 悪 君子反知之,非 如是而 桑織紝之職,而 丽 而有三倍之 未已也?」 慝,惡也。」 窮人,豈 曰:「忮, 其 而 而

> 人之不 宜 與 朝 廷 公 事, 而 休 止 蠶 織 惟 干 預 男 子

人之云亡,邦國殄瘁。似醉反。 胥忌。不弔如字,又的。● 不祥,威儀不類。 天何以刺? 何神不富? 舍爾介狄,維予

閔也。 哉 ? 瘁,病 其威 予胥忌而已。凡百大臣之忠賢者也,與忠賢之大臣 君子之正王者。王氏曰:「王乃舍狄弗治,顧 幾王懼而 胥忌,則孰與王爲善者乎?」夫天之降不祥**,** 悟,將有夷狄之大患。舍之不忌,而 毛氏曰:「刺,責 儀 凡以王信 也。」〇蘇氏曰:「介,大也。 天何用責王? 0 自脩。 朱 氏曰:「 用婦人之故。 今王遇災而不弔,不 也。 類,善。 神何用不富 今 王 一遇災 王曾 MJ 弔, 굶 王 不 庶 與

^{♪ 「}蒲」,原作「滿」,據四庫本、《墨海金壺》本及《經典釋

^{) 「}又」下、《經典釋文》有「音」字、當據補

即了《 明·不慎其威儀。又無善人以輔之,則

國之殄瘁宜矣。」

之是(w)。 矣。天之降罔,維其幾矣。人之云亡,心 天之降罔,維其優矣。人之云亡,心之憂

鄭氏□:「幾,近也。」○毛氏曰:「幾,危也。」優,多於前也。」○毛氏曰:「幾,危也。」「天降禍以執有罪,如罔之執禽獸也。鄭氏曰:「降罔,下羅罔。」○蘇氏曰:鄭氏曰:

曰「心之憂矣,心之悲矣」。 曰「人之云亡,邦國殄瘁」,故此傷之譬之曰「維其優矣,維其幾矣」。 前章前章曰「不弔不祥,威儀不類」,故此

鄭氏曰:「檻泉,涌出也。孔氏曰:「李巡

然,所謂天者,亦豈可外求哉?不可扶持,天則無不能鞏固也。雖克,能也。幽王之國勢,自人觀之,則

八句。章句從毛、鄭,分章從王氏。《瞻卬》七章,三章章十句,四章章

公,故謂之《召旻》,以别《小旻》而已。」蘇氏曰:「因其首章稱旻天,卒章稱召《召旻密巾反》,凡伯刺幽王大壞也。

旻天 民卒流亡,我居圉魚呂反。 疾 威 ~,天篤 降 喪。 滇都 卒荒 田 反。 我 饑 饉

中也。」 瘨,病 也。 氏 陳 曰:「疾,猶急也。 氏 曰 國 : 曰:「凡言天者,上天也。」〇 也。 「圉,垂也。」〇 中 至邊境盡空虚。」朱氏曰:「居,國 民卒流 一,民 篤,厚也 鄭 氏 盡 流 曰:「荒,虚 移。二〇 喪,亂也。 鄭 毛 氏

靡共,音恭。 天降罪罟,蟊賊 實靖夷 爲蟊 毛氏 人也 曰 氏曰:「昏椓,昏亂椓喪之人也。」〇蘇 潰潰,亂 「香 日 賊,以潰其内。椓,夭椓 主氏 靖,與 :「訌,潰 我 椓,群不恭之人。」〇毛氏 潰潰回 邦 也。」〇 曰:「昏椓靡共,潰潰 『俾予靖之』同意。 内訌。 則 **遹**,音律。 (也。]○蘇氏曰:「小人 孔氏氏 所 户工反。 使 冷靖 曰 實靖夷我邦。 夷 |潰 昏椓 我者,非其 也。」〇朱 潰 夷,與 1 回 然 日 角 氏 反 邪

亂生不 夷同 意。」

臯

兢兢業業,孔填 **皐然緩** - 皐音羔。 不 危 在 無異也。」 侮,政教不行,後犬戎伐之,而周與諸侯 隊也。」○鄭氏 乃曾不 毛氏曰:「皋皋,頑也。」〇 也。 安也,我王之位又甚 位,自不知其缺 天降 天下之人,戒懼 知其爲玷 而 **泚泚,音紫。** [罪罟],所謂「天之降罔」也。 不共職, 泚泚 (音塵。 曰:「兢兢 也。」〇朱 也。」〇毛氏曰:「貶, 不寧,我位 曾不知 危怖甚久矣。其 然以苟訿 一隊矣。 ,戒也。 王氏 其 氏 日 孔 玷。丁簟反。 言見 貶。 爲事 「鬼

苴。 如 彼 毛氏 七如反。 歲旱,草不潰户對反。 我相 「潰,遂也。」○鄭氏 此 |邦,無 不 茂, 止 如 日 彼 棲 「天下 音 西

之人,如旱歲之草,皆枯槁 上之棲苴。」蘇氏曰:「苴,枯 草也。」 無潤 澤 王 加 氏 樹

棲草也。」○鄭氏曰:「潰,亂也。」○ 「民蕩 析離散,●無復生理,故 孔 如 氏 彼

彼疏 維昔之富,不如時。 斯粺,皮賣反。 胡不自替? 維今之疾,不如兹。 職兄音况。

曰:「我視此邦,無有不亂。」

粺九,鑿八,侍御七。」❷○孔氏曰:「《九章・粟米之 見小人食君子之禄也。」○毛氏曰:「替, 細,故數益少。四種之米,皆以三約之,得此數也。」 侍御二十一。』言粟五升,爲糲米三升。以下則米漸 料。」鄭氏曰:「疏,麤也,謂糲米也。 米之率,糲十, 氏 法》云:『粟率五十,糲米三十,粺二十七,鑿二十四: 甚也。」〇毛氏曰:「彼宜食疏,今反食精 未嘗若今之疚也。今之疚,未有若此之 鄭氏曰:「時,今時也。兹,此也。」〇毛 李氏曰:「小人當食疏而乃食精粺,以 曰:「疚,病也。」○朱氏曰:「昔之富 ,主也。小人何不自廢退,使賢者得 况,兹也。引,長也。」○鄭氏 曰:

> 進 ? 曰:「乃復主此禍亂之事,而日滋月長也。」 乃兹復主長此爲亂之事乎?」李氏

音哉。❸ 我躬。 中。溥音普。斯害矣,職兄音况。 池之竭矣,不云自頻。泉之竭矣,不云自 斯弘,不裁

時徧 氏曰:「是不裁王之身乎?」 人猶復專益大之,是豈不烖我躬乎?」鄭 所從起也。」○鄭氏曰:「溥,猶徧也。 竭,由内之不出。」〇朱氏曰:「言禍亂有 蘇氏曰:「池之竭,由外之不入。 泉之 曰:「頻,厓也。泉水從中以益者也。」○ 鄭氏曰:「池水之益,由外灌焉。」〇毛氏 有此内外之害矣。」○朱氏曰:「小

昔先王受命,有如召公。 日 辟 音闢。 國 百

`據《毛詩正義》及下文改。

⁰ 改。 析 原作「折」,據官内廳本、四 庫本、《墨海 金壶》本

侍」原作

哉」、《經典釋文》作「災」。

維今之人,不尚有舊。 壓百里。於乎哀哉,里,今也日蹙子六反。● 國百里。於乎哀哉,

(召旻》七章,四章章五句,三章章

九句。《蕩》之什十一篇,九十二章,七百六十

吕氏家塾讀詩記卷第二十七

文》文。 「子」,原作「水」,據四庫本、《墨海金壺》本及《經典釋

吕氏家塾讀詩記卷第二十八

周 頌

者也。」 禮 蘇氏曰:「《周頌》皆有所施於禮樂,蓋 而作頌,非如風、雅,有徒作而 不 用 因

諸侯於明堂。」即此時也。」切以爲不然。❶ 洛邑,居攝五年時。」〇孔氏曰:「周公朝諸侯,正在居攝 至於成洛邑以朝諸侯,則於《書》無所見。」○鄭氏曰:「成 殷,侯甸男邦伯。」則是周公營洛邑之時,諸侯皆在也。 六年。《明堂位》云:「踐天子之位,以治天下。 六年,朝 於《召誥》、《洛誥》。按《召誥》曰:『周公乃朝用書,命庶 侯,率以祀文王焉。 清廟》,祀文王也。 李氏曰:「周公之營洛邑,見 周公既成洛邑,朝諸 按《洛誥》云:

> 朝諸侯而已。 成洛邑在於七年,非在於五年。朝諸侯者,特相 武王騂牛一」,此所謂「祀文王」也 文王者、《洛誥》所謂「王在新邑,祭烝歲、❷文王騂牛一, 在十有二月,惟周公誕保文武受命,惟七年。」則 周公非自居南面,而受諸侯之朝。 率以祀 是周 成 至以 公

廟中嘗見文王者,愀然如復見文王焉。」 然則祭宗廟之盛,歌文王之德,莫重於 壹倡而三嘆,有遺音者矣。]〇朱氏曰: 「《書大傳》曰:『周公升歌《清廟》。』 苟在 《清廟》,故爲《周頌》之首。」 ○孔氏曰:「《禮記》每云『升歌《清廟》』, 〈樂記》曰:「《清廟》之瑟,朱弦而疏越,

於音鳥。 廟。不顯不承,無射於人斯。 士,秉文之德。 穆清廟,肅雝顯相。息亮反。 對越在天,駿音峻。 穆,美也。] 〇朱氏 奔走在 濟濟多

毛氏曰:「於,歎辭。

0 切」、《墨海金壶》本作「竊」。

0 ·祭烝」,四庫本、《墨海金壺》本及《尚 書正 義》作「烝

五九

顯也、承也,如此無射於人矣。」鄭氏 諸侯多士,駿奔走在廟,則 曰:「於是文王之德,可謂顯矣。成王率 在其左右,是對越其在天者。]〇王氏 也。」〇朱氏曰:「洋洋乎,如在其上,如 皆執 實顯 於清 是不光明文王之德與? 在天之神。 在天,文王精神在天。 駿,大也。朱氏曰: 助也。」〇蘇氏曰:「於乎美哉,其祀文王 之耳。] 〇毛氏曰:「肅,敬。雝,和。相, 鄭氏曰:「廟之言貌也。死者不可得,●立宫室象貌 「駿,大而疾也。」俱奔走而來在廟中助祭。」 〇王氏曰:「秉文王之德,故能對越文王 曰 清廟者,杜預云:「蕭然清净之稱也。」」 「穆,又有深遠之意。」○《釋文》曰 行文王之德。 相其禮。」〇鄭氏曰:「濟濟之衆士, 廟也。有肅肅其敬, 雝雝其和者, 言其承之也。 駿奔走在廟,以承清廟之事 此文王之德,人無厭之。]○蘇 言其光明之也。是不承文 對,配。越,於也。 可謂承矣。 日:

英不秉文之德也。「相維辟公,天子奉也。」○朱氏曰:「謂文王之澤,久而不忘。」○朱氏曰:「謂見尊奉也。」○朱氏曰:「期,語辭也。」
 「秉文之德」,顯相、多士,凡助祭者,祭之諸侯,皆顯相也。「濟濟多士」,祭之諸侯,皆顯相也。「濟濟多士」,祭之諸侯,皆顯相也。「濟濟多士」,祭之諸侯,皆顯相也。「濟濟多士」,祭之諸侯,皆顯相也。「斯,語辭也。」
 「秉文之德」,顯相、多士,凡助祭者,皆在也。 周公及助祭之人。凡執事者,皆在也。周公及助祭之者。以執事者,皆在也。

《清廟》一章八句。

祭之氣象,不言可見矣。

穆穆」,言顯相之肅雝,則成王穆然奉

周公繼之,天下太平,以爲文王之德之致也,故以告之。」文王之樂歌也。」○蘇氏曰:「文王受命,未終而没,成王、《維天之命》,太平告文王也。 孔氏曰:「太平告

0

字。此句、《毛詩正義》作「死者精神不可得而見」。「得」下,四庫本有「見」字、《墨海金壺》本有「見故」二

我文王,曾孫篤之。 德之純。假以溢音逸。我,我其收之。駿惠維天之命,於穆不已。於乎不顯,文王之

無間 賦與萬物者 天道 於天道亦 不止,行而不已。]〇程氏曰:「天命,即 但言天命周家無窮。」〇毛氏 曰:『大哉,天命之無極。』○鄭氏 之德之純」,蓋曰文王之所以爲文也,純 亦不已。」李氏曰:「《中庸》亦是斷章取義。 ·命,猶道也。天之道,於乎美哉,動 曰天之所以爲天也。 中庸》曰:「『維天之命,於穆不已」, 甚 言其 氏 斷 也。言天之自然者曰天道,言天 純則舉大本也。] 〇朱氏曰:「溢 先後。二〇王氏 曰 : 不 顈 Ė 「溢,盈溢 也。」○蘇 日 天命。天命不已,文王 純則 氏曰 無 曰:「不顯者,乃所 『於乎不顯,文王 也。」○横渠 二無雜,不 :「假,大也 曰:「孟仲子 張氏 Ė 曰 之 텕 純 丽

> 朱氏曰:「後王又當篤厚之而不忘也。」 也。」〇蘇氏曰:「惟爾子孫,世益厚之。」 大順文王而厚之,則可以保太平之業 皆厚之,非維今也。」○李氏曰:「後世 之子而下,事先祖皆稱曾孫,欲 盈 M 而 駿 被 被於物 及 惠 於我,我既受之矣。」 一大順 也。 也。曾,猶重 收,受也。 言文王 也 使 鄭 之 後

即短。 害。 之意,本勉後人篤厚之而不忘。 厚行之」,於文義未有害也。 説詩者非惟有鑿説之害,亦有衍説 説,皆當以此 行者,固亦在其中矣。 説益 則意味深長。衍一「行」字,意 如此詩「曾孫篤之」,毛氏謂「 至王氏遂 詳 风例之。 而無 云「篤力行而 復餘 但曰「曾 味矣。 然詩 有所 所謂 凡 孫 之 味 篤 能

《維天之命》一章八句。

文王武功之舞、歌《維清》以奏之、成童以學之。」 維清緝熙,文王之典。肇音召。禋,音因。 爲舞,名之曰《象》。」〇横渠張氏曰:「武王初有天下,象 者敷?」〇孔氏曰:「文王時有擊刺之法,武王作樂,象而 也。」〇朱氏曰:「《祭統》曰:「下而管《象》。」豈所謂 王也。將舞《武》,則先歌《武》,是以《武》之《序》曰「奏 《象》,則先歌《維清》,是以《序》曰『奏《象》舞』,其辭曰文 也。」〇劉氏曰:「《象》則文王之樂,所謂象箾者,蓋文舞 ·勺》」,《勺》,大舞也。 『十五學舞《象》」,《象》,則 《大武》』,其辭曰 『於皇武王』 也。 《内則》 『十三學舞 維 清 文王之舞謂之《象》,武王之舞謂之《武》。 》,奏《象》舞 也。 孔氏曰: 奏《象》之樂 象箾 南 迄 籥

其成雖當周公之世,然其禎祥見於文也。」○蘇氏曰:「迄于周公,遂以有成。也。」○横渠張氏曰:「肇禋,始大祀文王也。」○世氏曰:「此清明而緝熙者,文王之典也。」○王氏曰:「缉,續。熙,廣也。」○王氏曰:「缉,續。熙,廣也。」○華氏曰:「典,袪也。肇,始。禋,祀也。善,任曰:「典,法也。肇,始。禋,祀也。

王矣。」

《大宗伯》曰:「以禋祀祀昊天上帝。」謂「肇禋,以文王配帝」,始於此也。周公宗祀文王於明堂,以配上帝,所

《維清》一章五句。

年,退而復辟,則成王於是即政,亦非復其位,蓋復其事 是以周公當國而治事、非攝其位、蓋行其事也。 《烈文》,成王即政,諸侯助祭也。孔氏曰:「成 之。念兹戎功,繼序其皇之。 疆,子孫保之。 烈文辟音壁,下同。公,錫兹祉福。 王有即位、有即政,則周公之未嘗攝位明矣。」 也。故此詩之《序》曰『成王即政』,即政非即位 年即位而稱王。雖稱王矣,而不能治王事,故未嘗即政 王,成王乃祭祖考,戒諸侯。」○蘇氏曰:「武王崩,成 王即政,諸侯助祭之樂歌也。 無封靡于爾邦,維王其崇 謂周公居攝七年,致政 無競維人 惠 也。 其後七 我 無 成

↑ 「許」,原作「詩」,據四庫本、《墨海金壺》本及《經典釋

乎前王不忘!四方其訓之。不顯維德,百辟其刑之。於

君。」〇王氏曰:「『無競維人,四方其訓 乎?」○鄭氏《烝民》箋云:「百辟,百 或 得人,則四方皆訓效之矣。」〇李氏 王氏曰:「念祖考之戎功,則師衆之不缺。」○鄭氏 則繼其序者益大矣。」朱氏曰:「皇,大也。」○ 以專利,無靡以傷財,則王之所崇 孫其永保之。』〇王氏 此祉福矣。惠我君臣,以 明文章者,君人之辟公。」〇歐陽氏 毛氏曰:「烈,光也。」〇孔氏曰:「有 莫光顯者,修德也。百辟其有不爲 ○朱氏曰:「崇,尊尚也。」○毛氏曰: ·戎,大也。」〇蘇氏曰:「念其先祖之功, 呼助祭之諸侯曰:『烈文辟公,文、武錫 家疆矣。」○李氏《抑》詩解曰:「苟能 乎,維得賢人也。 目 無疆之休,子 「戒之以無封 得賢人,則 也。 日 法 光

> 諸侯胥 也? 恐天 國爲 欲其 則中 也,是乃吾之所保也。」 能使人至誠出於仁義,則其彊也,其顯 未有仁而遺其親,未有義而後其君。 侯名譽出境,是乃力征經營天下,惴 德善胥訓胥效也。 不釋也。先王之戒諸 辟其刑之』者,戒之以務德也 之」者,戒之以 王不忘』者,言如上所云,則前王所念 四方訓之,百辟刑之,則欲其各 國强矣。 下軋己之私 蓋所謂德者,以至誠 人矣。 :訓胥效,則能以天下爲一家, 而先 欲其 用 人也。 意。 内則百僚 儒以 顯 侯 ,顯則中國尊 何足 示不 謂先王不欲諸 也,欲其競,競 出 顯 於仁義也。 以 師師,外則 『於乎 維德 語 中 以 前 百

《烈文》一章十三句。實寵嘉之。

保之。彼徂矣,岐有夷之行,如字。子孫康之。彼徂矣,岐有夷之行,如字。子孫天作高山,大音泰。王荒之。彼作矣,文王之樂歌也。」〇蘇氏曰:「周之初時,祀猶及先公。」

從而 其夷易之道,子孫保之不替也。」 岐山,始荒而有之,亦既 曰:「夷,易也。」〇蘇氏曰:「大王遷 曰:「康,安。徂,往。 山、大王自 鄭氏曰:「高 「荒,奄也。 荒,大也。」〇横渠張氏曰: 安之,文王既逝矣,岐周之人, 鰯 太 Щ, 遷焉。」○勃海胡 王遷居,奄有之。」毛氏 謂 岐 「闢而大之也。」() 行,道也。」〇毛氏 山 作之矣。 也。 天 氏 生 文王 鄭氏 世 日 此 日 於 高

至祭地祇於方澤。」地之樂歌也。]〇蘇氏曰:「郊,謂冬至祭昊天於圓丘,夏地之樂歌也。]〇蘇氏曰:「郊,謂冬至祭昊天於圓丘,夏《昊天有成命》,郊祀天地也。 孔氏曰:「郊祀天

《天作》一章七句。

肆其靖之。康,夙夜基命宥音又。密。於緝熙,單厥心,康,夙夜基命宥音又。密。於緝熙,單厥心,昊天有成命,二后受之。成王如字。不敢

及,詩必從之。 也、然則《周頌》有康王子孫之詩矣。 之,盡其心以定天命也。」〇蘇氏曰:「此 公制禮,禮之所及,樂必從之。 成康』,世 詩有『成王不敢康』,而《執競》有『不 以爲受命之基者,至深遠矣。 之,將成其王業,不敢 將祚周以天下,既有成命矣,文、武受 朱氏曰:「宥,宏深也。 肆其靖之,盡其心矣,故能定之也。] (於乎,可歎美也。」〇蘇氏曰:「單厥心, 毛氏曰:「二后,文、武也。」〇鄭氏 ○毛氏曰:「宥,寬也。」○孔氏曰:「於, 成王不敢康,成此王功,不敢自安逸。 或 以爲此言 故《頌》之施於禮樂者 康 成 密,静密也。天 寧,夙夜積德 王 言,誦 又續 樂之 康 \pm 而 日 所 周 顯 釗 廣

畏相,必不是周之成王。」 有四方,非自成、康始也。」李氏書曰:「成王 有四方』。 康,夙夜基命宥密」,又曰『自彼成康, 矣,後世無容易之。 成王非基命之君,而 且詩 曰『成王 周之奄 不 敢 奄

《昊天有成命》一章七句。

周道 物成之時 於帝,而人成形於父,故季秋享帝,而以父配之,以季秋 祖。』故冬至祭天而祖配之,以冬至氣之始也。 義起之也。」○朱氏曰:「程子曰:「萬物本乎天,人本乎 文王親也,配文王於明堂,亦以親文王也。 天,所以尊之也,故以后稷配焉。后稷遠矣,配稷於郊 器用陶匏、牲用犢、其禮極簡。聖人之意,以爲未足以 明堂之樂歌也。 亦以尊稷也。 本,故於季秋之月,有大享之禮焉。 法不必然。」〇陳氏曰:「古者祭天於圓丘,掃地而 上帝」、《月令》『季秋,大享帝』。但《月令》,秦世之書,周 我將》,祀文王於明堂也。 備矣。 然則郊者、古禮、而明堂者、周制 明堂而曰帝,所以親之也,故以文王配焉。 即《孝經》所謂「宗祀文王於明堂,以 天,即帝也。 孔氏曰: 尊尊而 也,周 萬物 一祀文王 郊而日 親親 行事, 成形 公以 報 配 於

> 文王,既右饗之。我其夙夜,畏天之威,于 我將我享,維羊維牛,維天其右音又。 式刑文王之典,日靖四方。 伊嘏古雅反。 之。

儀

時保之。

蘇氏 渠張氏曰:「維天其右之,不必饗之。」〇 獻也。」○鄭氏曰:「右之,右助之。」○横 鄭氏曰:「將,猶奉也。」〇毛氏曰:「享, 曰:「佑,助而歆饗之。」時,是也。」○陳氏 維受福於文王,文王既右而饗之。 曰:「《特性》、《少牢》皆祝以神辭嘏主人,與之以福。」 安四方。] 〇鄭氏曰:「受福曰嘏。 氏曰:「儀,則。式,象也。」○毛氏曰: 刑,法也。」〇陳氏曰:「法文王之典,以 歌是詩於文王,併言所以配享之意。」)李氏曰:「雖曰享吾之祭,亦豈 我而饗此乎?」蓋 (曰:「奉其牛羊而獻之,曰:『天其 故當夙興夜寐,亹亹怵惕,畏天之 不敢必也。」〇鄭 可 自滿 孔氏 孔 氏

五九七

命可以長保矣。」 威。」〇朱氏曰:「夙夜畏天之威,然後天

威」,而不及文王者,統於尊也。 王,所以法天也。 之,不敢加一 典, 日靖四 明 天,所以畏文王也,天與文王一也。 式其典,日靖 之」,言祀文王也。 文王之樂歌,必先言祀天,而 右之」,言祀天也。 文王。「我將我享,維羊維牛,維 《我將》一章十句。 堂祀上帝,而文王配焉,故 辭焉。 方。 四 方。 卒章惟言「畏天之 伊嘏文王,既 「 儀 於天,維 天不待贊,法 於文王,則 式 刑 庶 文 次 此 言 其 右 王 天 詩 文 儀 響 響 之 其 祀 雖

祭山川。《左傳》云昔武王克商,作頌曰『載戢干戈』,明于方岳之下,乃作告至之祭,爲柴望之禮。柴祭昊天,望柴望之樂歌也。武王既定天下,而巡行其守土諸侯,至《時邁》,巡守告祭柴望也。孔氏曰:「巡守告祭

此詩周公作也。」 此篇武王事也。《國語》稱周文公之頌曰『載戢干戈』,明

戢側立反。 嶽 德,肆于時夏,卢雅反。 允王保之。 言震之,莫不震疊。 時邁其 , 允王維后。 、邦,昊天其子之,實右序有 干戈,載橐音羔。弓矢。 明 昭 有周,式序在 懷柔百神,❷及河 我求 位 周 懿 喬 載 濆

方嶽之下,來安群神,望乎山川,皆以尊方嶽之下,來安群神,望乎山川,皆以尊而修職也。」○鄭氏曰:「武王巡守,諸國警動之,而諸侯皆警懼不。柔,安。喬,高也。」○歐陽氏曰:「武王巡守,諸國警動之,而諸侯皆警懼不。柔,安。喬,高也。」○歐陽氏曰:「武王巡守,諸國警動之,而諸侯皆警懼。懷,在民曰:「護,動。疊,懼。懷,在民曰:「萬,行也。」○鄭氏曰:「時出毛氏曰:「邁,行也。」○鄭氏曰:「時出

^{● 「}刑」,原脱,據四庫本、《墨海金壺》本補。

❷ 「懷」,原作「壞」,據宮內廳本、四庫本、《墨海金壺

弓衣,一名韜。」○鄭氏曰:「懿,美也。 之曰:『信乎,王能盡爲君之道也。』〇 樂歌之大者稱夏。]〇孔氏曰:『《春官・鐘師》『以鐘 保天下也。」鄭氏曰:「陳其功,於是《夏》而歌之。 美德之士也。 必求文德以 治病,而不可以養生。 氏曰:「文猶膏梁、武猶藥石、藥石可 被乎中國,則信乎能保天下矣。』 〇 爲休息。又益求懿德之行而脩之,使 諸侯之在位者,斂其甲兵而收藏之, 周也,其巡守則以慶讓黜陟之典,式序 陳也。」〇朱氏曰:「則又曰:『明昭乎有 氏曰:「戢,聚。橐,韜也。」孔氏曰:「橐者 鄭氏曰:「式,用也。 載之言則也。」〇毛 則莫不懷柔。人神各得其所,詩人推 卑祭之。信哉,武王之宜爲君也。]○ 《奏九夏』,注引吕 曰:「以諸侯,則莫不畏威。 施中國。 但求文德而 叔 玉 云:『《肆夏》、《繁遏》、《渠》、 所謂 武王取天下 施之,則可 懿德者,非 以百神 李 廣 與

《渠》、《思文》也。」」皆周頌也。《肆夏》、《時邁》也。《繁遏》、《執競》也

職,則「昊天其子之」可知矣。天下者也。「時邁其邦」,人神莫不受人之宗子,主一家者也。天之子,主

《時邁》一章十五句。

反。 皇。 《執競》,祀武王也。孔氏曰: 明,鍾鼓喤喤,華彭反。 執競武王,無競維烈。 降福穰穰。 如字。 自彼成康,奄有四方。 既醉既飽,福禄來反。 如羊反。降福簡簡,威儀反 磬筦音管。 不顯成康,上帝是 「祀武王之樂歌也。」 斤斤紀覲反。 將將,七羊 其

孔氏曰:「《釋言》又云:『奄,蓋也。」鄭於《閟宫》、《玄成大功而安之也。皇,美也。奄,同也。成功。」○毛氏曰:「不顯成康,不顯乎其子以自强不息。』人君亦自强,然後可以子以自强不息。』人君亦自强,然後可以

六00

喤,和 爾。 故 福 反,言重慎 簡,大也。」〇毛氏《賓之初筵》傳曰:「反 命而 四方,使其明無所不至。」〇毛氏曰:「喤 遠矣,至於武 曰:「惟能如 而 强不息之心,故 斤斤,明察也。]〇朱氏 李氏 神降之福 競,此其所以 言祭祀 所以反復至未艾也。」 有天下也。」〇蘇氏曰:「周 ,皆以 也。 曰:「既醉既 奄爲覆,覆四 將將 也。」〇毛氏 之時, 此,故上帝美之,所 王 祭終飲福,威儀 集也。 成大功而安之。」〇 以其功 成而安之,然後 鍾 方同 皷 飽,蓋祭終而 ?烈之盛,天 曰:「
武王 爲 曰:「反,復也。」 管磬之樂皆和 穰穰,衆 己 有,與 備具,此 傳 能 也。 Ż 以 下 持 不 飲福 興 異 李氏 莫 奄 集 其 也。」 世 得 白 有 大

《執競》一章十四句。

也。」〇《國語》云:「周文公之爲頌,曰:「思文后稷,克配《思文》,后稷配天也。 孔氏曰:「后稷配天之樂歌

徧

養也。」〇朱氏曰:「后稷貽

我民以來

牟之種。」○李氏曰:

「此乃天命后稷,率

莫匪 思文 詩知其周公所作,其餘不可得而知也。」 邁》乃周公作,餘詩乃他人所作 彼天。』」是此篇 爾 無此 后 極 稷 疆 (',克配: 爾界,陳常于時夏。 貽音夷。 周 公所 彼 作。 天。 我來牟,如字。 立 李 也。 氏 我 《國 曰 **烝**之丞反。 語 惟 所 思文》、《時 以唯 帝 民

鄭氏 朱氏 也。」《廣雅》又以爲『來,小麥也。牟,大麥也。』」() 遺 氏曰:「極,中也。」〇孔氏曰:「昔堯遭 言民賴后稷復其常性。」○鄭氏 之命,使衆民無不於爾后稷得其中正 洪水,后稷播殖百穀,存立我天下衆民 天,言其播種之功,可以 祖 《孟子》曰『麰麥播種而耰之』,趙岐曰:『麰麥,大麥 也。」〇毛氏曰:「牟,麥也。」李氏曰 有文德之后稷。]〇朱氏曰:「克 曰 日 「育,養也。」〇蘇氏曰: 「思,語辭也。」○鄭氏曰: 配 天 也。」〇 曰 「率育 配 毛 先 彼

後教之」也。」曰:「遂使常道得陳於中國,所謂『富而育斯民,無有內外彼己之殊。」○陳氏

《思文》一章八句。

吕氏家塾讀詩記卷第二十八《清廟》之什十篇,十章,九十五句。

吕氏家塾讀詩記卷第二十九

臣工之什

祭遣於廟之樂歌也。」《臣工》,諸侯助祭遣於廟也。孔氏曰:「諸侯助

譙郡 罰,莫先於田 之事,莫急於新 之善惡,其慶始於土地辟,田 事者,由 之政。諸侯 於稼穡之際,故其於農 始於土地荒 ,概可見矣。」 張氏 [此故 曰:「先 蕪, 助成王祭,其歸 野 也。 田野不治。 土地之政 畬之勤 王深 先王巡四 知禮義 事,常首 則夫先 制諸侯之賞 夫唯 而 [岳,較 一野治, 戒之 之本 戒 先 王 諸 其 諸 以 天 原 之 侯 侯 下 起

> 反。 反。 鳥。 春。 嗟 來咨來茹。 嗟 鎛,音博。 用康年。 皇來牟,將受厥明。 亦又何求? 臣 工 如 敬 **奄觀銍珍栗反。艾。音刈。** (預反。 命我衆人,庤持耻反。乃錢子踐 爾 在 如何 公。 嗟嗟 新 一保介,維莫音暮。 王 明昭上帝, 迄許乞 畬? 釐 力之反。 音餘。 爾 於音 成 之

之也。 **□** 迂晦,不若高 文,高誘注云: 『保介,副 持兵,故曰保介。 措之于參保介之御閒」,以爲車 也。」〇朱氏曰:「保介者,蓋保其君而 其身, 戒其 孔氏曰:「成王、周公將遣諸侯,不直 「釐,賜也。」○鄭氏曰:「咨,謀。 曰:「在公,凡公家之事也。」〇蘇氏曰 建辰之月,在周正爲建寅之月。 「嗟嗟,勑之也。工,官也。」○朱 鄭氏據《月令》『天子親載耒 卿 誘之明白。 大夫 按《吕氏春秋》亦 以警切之。」〇毛 也。」鄭氏 暮春,在 右 茹, 之説 有此 衣 夏 甲 戒 : 氏 氏 度 戒

氏 農器。」○朱氏曰:「艾、刈同,穫也。」○蘇 農之事,必有一銍、一耨、一銚,然後成農。] 是三者皆 鎒。 氏曰:「庤,具。錢,銚。孔氏曰:「《說文》 氏云:「《説文》曰:『銍,穫禾短鎌也。」《管子》云:『一 柄尺,此其度也。 曰:「錢,銚,古田器。」《世本》曰:「垂作銚。」」餺, 我衆人』,則諸侯之衆莫非王人。」〇毛 樂歲。衆人,庶民。] 〇王氏曰:「言『命 則 至 儒 已向暮,農事不可緩也。」〇毛氏曰:「田 ·耨,芸田也。 六寸,所以入苗間。 二**銍,穫也**。」孔 將,大。迄,至也。 歲曰新,●三歲曰畬。○○鄭氏 春祠宜在建卯之月。 於 謂 孔氏曰:「李巡曰:『鋤也。』《吕氏春秋》云『耨 遣之,遂戒其群臣 商、周 朝聘烝 一既錫 諸 侯朝 雖 享,猶用夏 其耨六寸,以間稼也』,高誘注云: 成 改 正於王,因 法,有所不知 正朔,特以 於皇、於美。 百工 祭畢遣之,時春 Æ 助祭於廟,祭 是月爲 曰:『戒爾 祭用 ,則來咨度 康年, 歲 仲 闩**,** 首

> 受其 之間,則已觀銍艾矣。」 其新畬之如何,觀其 以定之。二〇 戒使命衆人,各庤乃錢鎛以治田。 於乎美哉,后稷教民稼穡,求得來牟,大 李氏曰:「既至其國,果何求 曰:「爲天所享,迄至于今,用康年也。 『今既暮春矣,爾之田 (明。]朱氏曰:「來牟當夏而熟。」〇 朱氏 曰:「既 土地或闢或荒也。 事 如 又問 何 哉 ? 哉 之日 王氏 奄忽

監我有周,而常賜之豐年也。「明昭上帝,迄用康年」,言明昭上帝,

《臣工》一章十五句。

之文。但雩以龍見,當在孟夏之月,爲《月令》者錯置於孔氏曰:「《月令》『仲夏大雩,帝以祈穀」,實是雩爲祈穀曰:「《月令》「孟春祈穀于上帝,夏則龍見而雩」是與。」〇《噫於其反嘻音僖》,春夏祈穀于上帝也。鄭氏

❶ 「一」、《毛詩正義》作「二」。

并引者,以傳無「祈穀」之文。」仲夏,故不引之。《左傳》稱「啓蟄而郊,龍見而雩」,此不

爾耕,十千維耦。 厥百穀。駿音峻。發爾私,終三十里。亦服 噫嘻成王,既昭假音格。爾。率時農夫,播

夫有 耕爲 著。 十三里少半里也。 田 爾。二〇 欲富其民而讓於下,欲民之大發其私 服其耕事,萬人畢出 其大發爾之私田,終三十里。 帝矣,我今率是農夫,播其百穀,曰:『 氏曰:「言我之成其王業,既昭 王氏 川之間萬 , 夫間有遂, 十夫有溝, 百夫有 假,至也。 於是民 .曰:「噫嘻,歎辭。」○鄭氏 澮,萬夫有川。]此萬夫之地,方三 耦。」〇毛氏曰:「私,民田 鄭 氏 夫,故有萬耦。」孔氏曰:「一 大事其田,萬耦 曰:「《周禮》曰: 時,是。 言三十里者,舉 而並耕也。二二人 播,種也。」〇朱 同 也。 而民 凡 假于爾上 曰 時舉也。 洫 治 言 亦 野 上 並 皆 田 爾 夫

> 所不足 也。 十三里餘百步。」〇蘇氏曰:「言人事盡矣, 乘,❶是萬也。❷ 夫有百步,三夫爲一里,則百夫爲三 交相愛也。」 則先其公。 百畝,方百步,積萬夫方之,是廣長各百夫, 上之告民,則先其私。 雨 耳,是以 日雨 我公田,遂及我私』, 告之天也。 民之奉上, 私,民田 以 百 百

《噫嘻》一章八句。

容。 來助祭之樂歌也。」 王,夏、殷也。其後,杞也、宋也。」〇孔氏曰:「二王之後 振鷺于飛,于彼 振鷺音路》,二王之後來 在彼無惡,在 西 此 雝 無 我客 助 斁。 祭也。 戻止! 音 亦。 庶 氏曰: 亦 幾 有 夙 斯

毛氏曰:「興也。振振,群飛貌。鷺,白

夜,以永終譽。

^{● 「}百乘」,原作「乘是」,據《墨海金壺》本及《毛詩正義》

[「]是」,原作「百」,據《墨海金壺》本及《毛詩正義》改。

庶幾其 鳥。 斁之有?」朱氏曰:「在彼知天命無常,惟德是與 在此無斁者、崇德象賢、修禮以 必若夏、商之季,然後 人皆愛之,無厭之者。]〇蘇氏 居其國,無怨惡之者。 有此容,言威儀之善如鷺然。 有潔白之德。 西郊,故曰西廱。] () 辟廱有水,鷺所集也。」〇朱氏曰: 澤,無取於西之義也。」〇王氏曰: 其心服也。 窮」,亦是意也。」○陳氏 也。」李氏曰:「成王告微子曰 【與國咸休、永世 ,統承先王,厚之至也。」 能 在我不以彼墜其命 夙夜,以永終譽,此愛之至 也。」孔氏 來助祭於周 鄭 氏 日 日 曰 可以 在此,謂其來朝, 澤名爲雝, 耐 「在彼 西西 「先儒多謂辟廱 有 「杞、宋之君, 廟,其至止亦 厭 在彼 雠 於 日 在彼,謂 · 蓋 作賓 無惡者 彼,崇德象 :「然猶 在 無惡。 辟 西 有 也 此

《振鷺》一章八句。

《豐年》,秋冬報也。孔氏曰:「秋冬報之樂歌也。」

反 豐年多黍多稌,音杜。 爲報歟?」○鄭氏以秋冬爲烝嘗,挾祖妣以爲説耳。 以祈爲郊,則季秋大享明堂,安知不併歌《豐年》之詩以 氏曰:「烝嘗,爲秋冬報。 ○陳氏曰:「《噫嘻》祈之於春夏,《豐年》報之於秋冬,是 也?」〇蘇氏曰:「報,謂秋祭四方,冬祭八蜡 而報之宗廟,於人情物理不類,然則報者亦云上帝可也。 億及秭。咨履反。 載芟》、社稷之詩、其辭與此同。 體之詩。 祖妣,必履反。 祈曰上 |帝,而報不曰上帝者,省文耳。|○鄭 爲酒爲醴,音禮。 以洽百禮、降福孔皆。 烝嘗者,宗廟事也。 亦有高廩,力錦反。 鄭氏胡不改之爲烝嘗 烝畀 祈之上帝 必寐 且 萬

國呼稱爲稌。三〇朱氏曰:「亦,助語 廩唯藏粟 毛氏曰:「稌,稻也。」孔氏曰:「郭璞曰:「今沛 萬曰 所容,兼米兼粟也。」○毛氏曰:「數萬 也。」〇王氏曰:「豐年者,天之功也。 烝,進。 藏米日)孔氏曰:「毛氏言『廩,所以 億 ,數億至億日秭。」○鄭氏 廩。』《明堂位》『米廩」,則廩之 界,予也。」〇毛氏 也。 而《地官 [• 廩 曰:「皆,徧 人》注 藏 穗」,則 辭 曰 云 也。 利 至

六〇五

也 和 曰:「我所以爲此酒醴者,進 以洽百禮』者,天地之功 熟。1○王氏曰:「『爲酒爲醴,烝畀祖妣 黍利高燥,稌利下濕也。 之地高燥,其穀宜黍; 多稌,無所不利 高 。」朱氏曰: 洽百禮。 而 寒者 「洽,猶備也。」 降福無所不徧者,上帝之力 黍 ~, 利 也。」李氏曰: 荆陽之地下濕,其穀宜稻」,是 下濕 豐年之時,或高或下,無所不 而 暑者稌 也。」〇李氏 「《職方氏》『雍冀 與祖妣, 多 以 黍

《豐年》一章七句。

牙樹 圉。 定制禮, 有瞽有瞽,在周 祖,本或作『合乎太祖』。」〇朱氏曰:「通言先祖也。」 曰:「始作樂而合於祖之樂歌也。」○《釋文》曰:「合乎 有瞽》,始作樂而合乎祖也。 厥 魚古反。 羽。 聲, 功成作樂。 應 肅ध和 既備乃奏,簫管備 田 懸鼓,靴音桃。 心之庭。 合者,大合諸樂而奏之。]〇孔 鳴,先祖是聽。 設業設處,音巨。 鄭氏曰:「王者治 舉。 磬柷尺叔反。 我 喤 客 - 隍音 戾 氏

止,永觀厥成。

鼓也。 應、鞞在建鼓東、是爲一器。 上角也。」〇毛氏曰:「應,小鞞也。 之。 旁,應鞞之屬也。」〇孔氏曰: 在懸。」○鄭氏曰:「田,當作轉。❷ 小,田宜爲大。《明堂位》云『周人縣鼓』,是周法鼓始 鼓謂之鼓,❶小者謂之應」,是應爲小鼓也。《大射禮 所以 得掛繩於上,故可以爲懸也。置羽者,置之於栒、 四十人,中瞽百人,下瞽百六十人。二業,大板也 以爲樂官者,目無所見,於音聲審也。 卷然可以縣也。 「崇牙,刻畫之爲重牙,即業之上齒也。 毛氏曰:「瞽,樂官也。 植者爲 飾栒爲縣也。 縣鼓,周鼓也。 虚, 衡者爲栒。崇牙上飾 樹羽,置羽也。」孔氏曰: 捷業如鋸齒,或曰 故知應,小鞞也。 「以經傳皆無田鼓之名 孔氏曰:「《釋樂》云『大 鄭氏 棘,小鼓,在大鼓 日 《周禮》:『上瞽 以其形卷然 田,大 應既是 矇也。 書

- 正義》、《爾雅注疏》作「鼖」。
 下「鼓」字,四庫本、《墨海金壺》本並作「田」。《毛詩
- 「朄」、《墨海金壺》本與《毛詩正義》並作「朄」。下同。

0

之廟 聲美 也。」〇孔氏曰:「瞽人、作樂者、皆在周 笛,形小,併兩而吹之。こ〇王氏曰:「喤喤,厥 如篴,併而吹之。」《釋文》曰:「篴,字又作笛。」 璞曰:「簫,大者編二十三管,長尺四寸, 小者十六 所以起樂也。 於庭宇。 ○孔氏曰:「謂並吹兩管也。《小師》注云:『管,如 管,長尺二寸。《風俗通》云:『簫參差象鳳翼。』三管, 上有二十七龃龉刻,以木長尺櫟之。」〇朱氏曰:「柷' 漆筩,中有椎,投椎於其中而撞之。 椌者,明用木爲之。 柷用木,則圉亦用木也。 柷,狀如 圉 石 知 而《太師職》云『令奏鼓朄』,注云:『爲大鼓先引。」故 簫 ,持其柄摇之,旁耳還自擊。」○朱氏曰:「磬, 田當爲棘。」鞉,鞉鼓也。」孔氏曰:「鞉,如鼓而 ,楊也。」❷孔氏曰:『《樂記》有椌楊之文,言木 磬也。」○毛氏 「《釋樂》云: 「大簫謂之言,小者謂之筊。」」○郭 廷。 也。」〇鄭氏曰:「我客,二王之後 編竹管, 業、虡、鼓、磬、柷、圉,皆設之 既備具,乃使瞽人擊而奏之。」 圉,所以止樂也。」○鄭氏 如今賣餳者所吹也。孔氏 曰:「柷,木椌也。● 敔,狀如伏虎,背 日

> 言其 客,二王之後,適來至此,與聞此樂。 猶終也。 徧更而奏焉,故謂之成。」 成,成功也。」李氏曰"「成,如『簫 位1,蓋以此爲盛耳。1○朱氏曰:「觀,視也。 故特言之。」朱氏曰:「夔述舜樂,亦曰「虞賓在 祭之人多,獨言我客者,以二王之後尊, 相奪倫。 喤喤然,和集諸聲,皆肅敬和諧 Ē 小 氏 `,所以爲備也。」○孔氏曰:「作之 先祖之神,於是降而聽之。 簫也,管也,尤其器之小者。 韶九成』之成 而鳴,不 我 助

《有瞽》一章十三句。

曰:「季冬薦魚,春獻鮪之樂歌也。冬言季冬,春亦季春鄭氏曰:「冬魚之性定,春鮪新來,獻於宗廟。」○孔氏《潛在廉反》,季冬薦魚,春獻鮪于軌反。也。

0

[↑]同。 「椌」,原作「控」,據《墨海金壺》本及《毛詩正義》改。

[「]楊」,原作「揭」,據《墨海金壺》本及《毛詩正義》改。

多魚。有鱣張連反。有鮪,鰷音條。鱨音嘗。猗於宜反。與音余。漆音七。沮,七余反。潛有寢廟。」冬月既寒,魚不行,乃性定而肥充。」 猶有也。《月令》:「季春,薦鮪於寢廟。季冬,天子嘗魚,先薦也。《月令》:「季春,薦鮪於寢廟。季冬,天子嘗魚,先薦

鰋

音偃。

鯉。

音里。以享以祀,以介景福

《潛》一章六句。

『禘其祖之自出,以其祖配之』是也。」七。』周之太祖,即后稷也。禘譽於其廟,以后稷配,所謂「周人禘譽。」又曰:『天子七廟,三昭三穆,與太祖之廟而也。」○劉氏曰:「大祖,即后稷。」○朱氏曰:「《祭法》:《離》,禘 大音泰。 祖 也。 孔氏曰:「禘太祖之樂歌《離》,禘 大音泰。 祖 也。 孔氏曰:「禘太祖之樂歌

壁。● 公,天子穆穆。於音鳥。薦廣牡,相予有來雝雝,至止肅肅。相息亮反。維辟音

肆祀。 文武維后。 燕及皇天,克昌厥後。 天。」〇鄭氏曰:「右,助也。」〇王氏曰: 也。」〇蘇氏曰:「大哉,皇考之安我也 其臣明哲,其君文武,故能安人,以及於 曰:「綏,安也。」○陳氏曰:「孝子,自謂 也。」〇王氏曰:「皇考,武王也。」〇鄭氏 子也。言諸 其至也敬。 氏曰:「廣,大也。」○王氏曰:「廣牡,碩 敬和也。」○朱氏曰:「於,嘆辭也。」○毛 鄭氏 大肥腯之謂也。」○朱氏曰:「其來也和 毛氏曰:「相,助 烈考,謂文王也。」〇毛氏曰:「文母,大 介以繁祉。既右音祐。 曰:「雝雝,和也。 假 哉皇考,綏予孝子。 其助祭者公侯,其主祭者 侯助祭,薦大牡以相予之祀 也。」〇王氏曰:「穆穆 烈考,亦右文母。 肅 肅,敬也。」() 宣哲維 綏我眉 天

^{● 「}壁」,宮内廳本、四庫本、《墨海金壺》本及《經典釋

姒也。」

稱也。 天,用能昌大於後,居王位而行禘禮, 賢聖,再造區夏。 所安者上及於皇 武王,綏予小子以已成之業。其君臣 之樂歌,以告大祖,曰:「大哉,我皇考 故成王於禘之時,推其得禘之由 禘禮於大祖者,皆文王、武王之功也。 禮,不王不禘。 者,文王之稱也。 皇考,永世克孝。」故皇考者,武王之 之頌曰:「遭家不造、嬛嬛在疚。 於乎 章本之於文王、大姒焉。《閔予小子》 得天下,故歸功之言,詳於武王,而卒 致哉?」文、武雖同建王業,而武王 王、大姒之所右助也, 豈予小子所能 丽 膺壽祉之多,是皆武王之力,而 烈考與文母 周 所以 相 配 王天下,得 而言,故烈考 宣 文

《雠》一章十六句。

日: 《載見》之作也,成王未即政歟?」 成王即政,諸侯助祭。 載見賢遍反》,諸 「諸侯始見武王廟之樂歌也。」〇蘇氏曰: 《載見》言諸侯始見乎武王廟,則 侯 始 見 子武 王 廟 「《烈文》言 也 孔 氏

雅反。 雅良。 雅良。 雅良。 雅克。 雅克。 雅言保之,思皇多祜。 音户。烈文辟 林有烈光。率見昭考,以孝以享,以介眉 和鈴音零。央央。鞗音條。革有鶬,七羊反。 載見辟音壁。● 王,曰求厥章。龍旂陽陽,

《爾雅》云:『有鈴曰旂。』郭璞曰:『懸鈴於竿,畫交龍也。」○鄭氏曰:「諸侯來見,則曰求法臣也。」○鄭氏曰:「諸侯來見,則曰求法臣也。」○鄭氏曰:「諸侯始見君王,謂見成也。」○鄭氏曰:「諸侯始見君王,謂見成也。」朱氏曰:「載,發語辭

0

[「]壁」,四庫本、《墨海金壺》本及《經典釋文》作「璧」。

綏以 文王」。 臣皆受其福也。」〇鄭氏曰:「純,大也。」 之享其福也。此又言光大文章之諸侯 皇,美也。 孝子之事,以獻祭祀之禮。□○李氏 考也。」○毛氏曰:「享,獻也。」○鄭 文王當穆、武王當昭、故《康誥》稱『穆考 氏 曰:「率之見於武王廟,使助祭也。 朱氏曰:「按《商頌》『鶬鶬」,鄭云:「聲和也。」」〇朱 貌。」孔氏曰: 曰:「廟制 也。」〇毛氏曰:「昭考,武王 思皇,與『思皇多士』同。思,語 朱氏曰:「諸侯始來見王,禀受法度 鄭氏 多 福 「休,美 而此詩及《訪落》皆謂武王 ,俾繼續廣大其純嘏,以見君 17,太祖| 美哉,多福之如此也,是天子 即 氏 **鞗**革,轡 《韓奕》所云『鞗革金厄』是也。」〇 曰 也。」〇 居中,左昭 : 央 李氏 央 首 然 也。 右穆。 也。」〇 曰:「烈,大 而 有 鶬, 音 辭) 朱氏 以致 日日 爲 周 金 聲 也。 氏 昭 廟

> 之緝熙于純嘏 廟,受此 其 車 服 載見》一章十四句。 之 眉 盛 壽之福。 如 ,蓋均福于諸侯之辭。」 此, 而 以多福 率之以 綏諸侯,使 祭 武 王 之

信信。 氏曰:「微子來見祖廟之樂歌也。」 《有客》,微子來見祖 追之,左右綏之。既有淫威,降 敦都回反。 有客有客,亦白其 殷命,殺武庚,命微子代殷後,既受命,來朝而見。] 〇 也。 再宿曰信。」〇譙郡張氏 之,故玉言之。」〇毛氏曰:「一宿曰宿 之賢者,與之朝王。 來,威儀萋萋且且。又選擇衆臣卿大夫 敬慎貌。」○鄭氏曰:「微子乘殷之馬 毛氏曰:「殷尚白。」○蘇氏曰:「亦,仍 言仍殷之舊也。」〇毛氏 言授之縶,陟立反。 琢陟角反。 其旅。 馬。 開也。 言敦 有萋 以縶其馬。 ·曰:「宿宿者,凡 有客宿宿 鄭氏曰:「成王既 琢 有 者,以 日: 福 且,七序反。 孔 「萋且 夷。 有客 美

威福 淫威矣,而今也降福孔夷,蓋逆順之理如此。 武庚、禄父叛,以周公之聖臨之,蓋二年而後克,其用 樂,所謂淫威也。有淫威,則所享宜 也。」〇王氏曰:「統承先王,用天子禮 無方也。」〇毛氏曰:「淫,大。 也。」〇蘇氏曰:「左右綏之、言所以安之 子,其所館宿,可以去矣,而言絆其馬, 力艱矣。故於微子之來見也,則告之曰:『昔者既有 意各殷勤。」〇朱氏曰:「追之,恐其已去 大,故降福孔易也。」什方張氏曰:「自管、蔡以 鄭氏曰:「縶,絆也。 宿者再也。 ,非苟而已也。」 信信者,凡再宿者再也。」 周之君臣皆愛微 夷,易 凡吾之 盛

《有客》一章十二句。

舞之。」舞之,大武》也。鄭氏曰:「《大武》,周公作樂《武》,奏《大武》也。 鄭氏曰:「《大武》,所爲舞也。」○孔氏曰:「秦《大武》文樂之歌也。●周公所爲舞也。」○孔氏曰:「秦《大武》文樂之歌也。●周公

開厥後。嗣武受之,勝殷遏於葛反。❷劉,耆於音烏。皇武王,無競維烈。允文文王,克

音指。

定爾功。

詩在於止殺。」 ○毛氏曰:「於乎大矣,武王無競之功,文 王时,能開其子孫之基緒。遏,止也。」 三門武,嗣子武王。」○朱氏曰:「《武 三門武,嗣子武王。」○朱氏曰:「文 三明之矣,武王嗣而受之。勝殷止 三明之矣,武王嗣而受之。勝殷止 三明之矣,武王嗣而受之。勝殷止 三明之矣,武王嗣而受之。勝殷止 三明之矣,武王嗣而受之。勝殷止 三世,能開其子孫之基緒。遏,止也。」 三世,能開其子孫之基緒。遏,止也。」

《武》一章七句。

吕氏家塾讀詩記卷第二十九《臣工》之什十篇,十章,一百六句。

●「文樂之」、《墨海金壺》本及《毛詩正義》作「之樂」。

❷ 「於」,原作「放」,據《經典釋文》改。

六一

吕氏家塾讀詩記卷第三十

閔予小子之什

曰:「嗣王朝於廟之樂歌也。」曰:「嗣王,成王也。除武王之喪,始朝於廟也。」○孔氏曰:「嗣王,成王也。除武王之喪,始朝於廟也。鄭氏《閔予小子》,嗣王朝直遥反。於廟也。鄭氏

玩其辭,知其哀未忘也。」朱氏曰:「成王免武王之喪,而朝於廟。

○匡衡曰:「煢煢在疚,言成王喪畢思也。」○毛氏曰:「疚,病也。庭,直也。」鄭氏曰:「閔,悼傷之言也。造,猶成

歎文王、武王也。 繼此而不忘耳。」○鄭氏曰:「於乎皇王 私也。」〇朱氏曰:「今我夙夜敬止者,思 武王; 不忘也。」 直心陟降。』」朱氏曰:「言文王一陟一降,直而 王,終身能孝。 業,崇大化之本也。」〇鄭氏曰:「皇考, 自傷嬛嬛無所依怙,曰: 『於乎我皇考武 遭武王崩,家道未成,嬛嬛然孤特在憂 也。」〇鄭氏曰:「可悼傷乎,我小子耳, 慕 病之中。」〇蘇氏曰:「成王始見於宗廟 意氣未能平也。 皇祖,文王。]○毛氏曰:「序,緒 維念我皇祖文王,以其 我繼其緒,思其所行 蓋所以 就文、武之

《閔予小子》一章十一句。

之樂歌也。」 《訪落》,嗣王謀於廟也。孔氏曰:「嗣王謀於

蘇氏曰:「《閔予小子》,成王朝廟,言將

之詩也。」《訪落》,謀所以繼之繼其祖考之詩也。《訪落》,謀所以繼之

艾。五蓋反。● 將予就之,繼猶 下,陟降厥家。休矣皇考,以保明其身。 維予小子,未堪家多難。乃旦 訪予落止,率時昭考。 乎悠哉,朕未有艾」者,歎昭考之道悠, 以循我昭考武王之德。]〇王氏曰:「『於 昏塞之患。」○蘇氏曰:「予將謀之於始, 鄭氏曰:「美矣哉,我君考武王。」〇王氏 祖之直。」〇朱氏曰:「家,猶言國也。」〇 曰:「保其身,無危亡之憂。明其身,無 分。涣,散也。」〇王氏曰:「紹庭,紹皇 『艾,歷也。』.○毛氏曰:「猶,道。 是。悠,遠也。」○孔氏曰:「《釋詁》云: 曰 毛氏曰:「訪,謀。落,始。率,循。 自 「將勉强從就之以繼其道,而恐泮涣 以 爲幼稚 未有所歷 於乎悠哉,朕 也。二〇李氏 反。 判 紹庭 音奂。 未

> 予小子,未堪家多難」者,自以爲幼稚 薄,苦前哲之高遠也。]〇王氏曰:「『維 涣」,皆是仰先王之盛德,歎眇躬之凉 忘」,然歎美皇考,則此意在其中矣。」 祖,陟降庭止』同意。雖不言『繼序思 之直道保明其身也。此詩與『念 武王能紹文王之道,以陟降厥家。其 曾氏曰:「成王自言未堪家多難,因 直道于上下,俯仰於家,未嘗少離。」 未堪王室多難也。]〇李氏曰:「紹文王 不合也。自『訪予落止』以至『繼 "休矣皇考,以保明其身』,蓋言以 《訪落》一章十二句。 兹皇 猶 歎 文 Ŧ

嗣王之樂歌也。」〇《釋文》曰:「敬之,一本無之字。」《敬之》,群臣進戒嗣王也。 孔氏曰:「群臣

進

● 「五」,原作「立」,據四庫本、《墨海金壺》本及《經典釋

于光 予小子,不聰敬 無 敬之 示 我顯德行。下孟反。 曰 明。 高 敬之、天維 高 在 佛符弗反。 上, 此。 顯 陟 思 降 時 厥 日 命不易以豉反。 就 仔音兹。 士,日監 月將,學有緝 肩,古賢反。 在 兹 哉 熙 維

之易。 甚 察,王之一陟一降於其 時,是也。仔肩,任也。」〇朱氏曰: 氏以爲變易之易,不如杜元凱以 朱 曰 臣進戒于王,曰:『敬之哉,敬之哉,天道 曰:「將,進也。」○鄭氏曰:「佛,輔也 事也。」○鄭氏 注:『奉承其命甚難。』]〇毛氏曰:「士, 一明,其命不易保也。 子。二〇朱氏 氏 「王既承其戒,答之以 曰:「思,語辭也。」〇李氏 此者, 《左傳》引『命不易哉』,杜 王 不 曰:「監,視也。」〇朱氏 曰:「我不聰而未能敬 可不敬也。二〇 無謂其 事 丁, 天 謙,曰: 無 高 曰: 日 爲 Ш 孔 不 元 不 難 「群 氏 凱 吾 鄭

> 增緝 臣 然 可 歐 修之德行也。」鄭氏曰: 輔助我所負荷之任,而告示我 願 陽 廣 學 氏 大,而至於其道光明然。 焉 日 庶 幾 「但當以 日 有 所 日月勉强積學,而 「緝熙,光明也。」 就 月 有 以 更賴 所 顯 進 然 群

《敬之》一章十二句。

詩人述其事而作此歌。」樂歌也。周公還政之後,成王因祭在廟,而求群臣助己樂歌也。周公還政之後,成王因祭在廟,而求群臣助己《小毖音祕》,嗣王求助也。孔氏曰:「嗣王求助

拚芳煩反。 蜂, 孚逢反。 予其懲,直升反。而毖後患, 鄭氏曰:「天下之事,當慎其小。 慎,後爲禍大。」 飛維鳥。 自求辛螫。 未堪家多難,予又集于 音釋。 莫予荓 肇允彼 小 普經 桃 時 不

曰:「荓,使也。蜂之爲物,善辛螫。」禹氏也。螫,毒。肇,始。允,信也。」○王氏毛氏曰:「毖,慎也。」○鄭氏曰:「懲,艾

音了。

敢不毖也。」鄭氏曰: 르 鳥』者,成王於是始信小物之能成大,不 矣。』〇王氏曰:「『肇允彼桃 患,蜂不可使 矣,畏慎後復有禍難。』| ○朱氏 臣以自輔助 也。 而悟其姦,故曰:『予其懲於此,而 而作亂,周公以王命舉兵誅之,歷 於國,成王信之而疑周公。 也。」〇鄭氏曰:「始者管叔及其群弟流 化而爲鵰,故俗云鷦鷯生鵰,言始小終大。二〇鄭氏 氏 日 孔氏曰:「陸機云:『今鷦鷯是也。微小於黄雀,其雛 曰:「荓蜂,掣曳也。」〇孔氏云:「《釋訓》作甹夆,古 .亂,猶鷦之飜飛爲大鳥也。」○横渠張氏曰: 故今周公歸政,成王受之,而 蓼,言辛苦也。」朱氏曰:「蓼,辛苦之物 拚飛,翻飛也。」○毛氏曰:「堪,任 「桃蟲,鷦也,鳥之始小終大者。」 孫炎曰: ●『謂相掣曳入於惡也。』」 ○ 毛 也。 丽 使之,則是 曰:『我其創艾於 「管、蔡如鷦鳥之小,後叛而 至後三 自 蟲 分拚飛 求辛螫 日 慎 往 求 年 監 「既 猶言 維 後 時 賢 乃 叛 言

> 地,其柰何捨 曰 初爲鼠, 「予方未 後爲 虎,不 我 堪 必 而弗助哉?」 多 謂 難 桃 而 蟲 化 爲鳥 又集于辛苦之 也。 蘇 氏

辛螫,謂信管、蔡之時也 「莫予荓蜂」,言莫如予前之使蜂 自 求

《小毖》一章八句。

曰 : 畝。 載芟載柞,側伯反。 稷。」○蘇氏曰: 姓祈祭,當主於泰社。 民社。1與耕籍異月,俱在春時,故以春總之。《祭 「籍田,甸師氏所掌。王載耒耜之田,天子千畝,諸 云:『王爲群姓立社曰泰社,王自爲立社曰王社。』此爲百 載芟所銜反》,春籍田 反。 「《月令》:『孟春,天子躬耕帝籍。 籍之言借也。 其耘,音云。 · 「王社,在籍田中,籍田所祈也。」 借民力治之,故謂之籍田。]〇孔氏 徂隰徂畛。 其稷與社共祭,亦當謂 其耕澤澤。 而 祈 社 稷也。 仲春,擇元日,命 侯主侯伯,侯 音釋。 鄭 千耦五 泰 氏 侯 百

0 炎」,原作「茭」,據四庫本、《墨海金壺》本及《毛 詩正

 \Box

光。 賜反。 音亦。 南畝 妣,以洽百禮。 緜 反。 亞 ,匪今斯今,振古如兹。 緜 侯 思媚其婦,有 有椒子消反。 其麃。表嬌反。 旅 其達,有厭於豔反。 萬億及秭。 播厥百 侯 彊 穀,實函 侯 有飶蒲即反。 其馨,胡考之寧。 音姊。 依 以 載穫 其土。 , 有 户南反。 嗿 爲酒爲醴、烝 其傑。 濟濟,有實 勃感 有 其香, 略其耜,俶 反。 斯活。 厭厭其 其 其 邦家之 匪 饁 (積,子 畀 且 于 苗, 有 祖 輒

也。 也。」〇毛氏 路也。」朱氏 氏 官・柞氏》『掌攻草木及林麓』,是除 夫之務去草焉,芟夷藴崇之。」是除 鄭氏曰:「載,始也。」〇毛氏 曰芟、除木曰柞。」孔氏曰:《左傳》云:『如農 亞,伯之次 曰 亞, 隰, 也。 日: 「 日 叔 新 旅者,衆子弟也。」()鄭氏 也。 或 發 田 主,家長也。 曰 旅,子弟也。」李氏曰: 畛,田 也。 畛,謂 畔 也。 草曰 木 日 -日 畛之外則 舊田 作。」〇 伯,長子 **芟**也。 日 有 除 《秋 鄭 徑 草

> 取 畛,父子餘夫俱行,强 者千耦,言趨時 則澤澤然解散。 始芟柞其 力之人,隨主人所左右。」〇李氏曰:「嗿者, 《春秋》之義,能東 能佐助它事者也。」以 曰:「成王之時,萬民樂治田業,將耕,先 人飲食之聲也。」毛氏曰:「嗿,衆貌。」○鄭 民」,孔氏曰: 曰:「饁 彊 亦依其夫,言相 :「婦人行饁 傭賃,務疾畢已, 「略,利也。」〇 有 餘 ,饋饟也。依之言愛也。」○鄭氏 草木,土氣 力 「謂其人强壯,❶治一 者。 ,爲夫者則愛其 也。 於是 謂 西之曰以。」朱氏曰: 孔 慰 周 閒 或往之隰,或往 當 烝達 有餘 耘 勞 氏《大田 禮 民,今時 種 除 苦 \Rightarrow 日 其 而 力者相助, 也。」〇 也。」〇毛氏 夫之田有餘 根根 和 以 株,輩作 傭 婦,爲婦 彊 耕之,) 李氏 賃也。 曰 予 为, Z 又 氏 任

及

^{● 「}壯」,原在下「田」之上,據四庫本、《墨海金壺》本

然達地 苗,受氣澤厭足也。] 〇蘇氏曰:「縣縣,詳 傑,言傑苗厭 者,其齊等之苗 茂者,其傑立之苗 耕於南畝 也。」〇朱氏 也。」〇毛氏曰:「麃、耘也。」〇蘇氏 也。」《釋文》云:「《爾雅》作繹,云生也。」 曰:「農夫既去草木根株,以此利耜,始 曰:「達,出地 王 播 其種皆函生氣而生長,而其苗 濟濟,人衆貌。」〇鄭氏曰:「有實,實 **麃」,則既苗** 肅 生也。」〇 猶 其耘 以 而 種 俶 门以 生。二〇孔 也。 」, 則 爲 曰:「積,露積也。」○孔 種其百穀也。」〇李氏 始,載 然特美也。」王氏曰:「傑然之 蘇氏 也。」〇毛氏曰:「有 實,種子也。 丽 既耕 也。一 耘 也。 氏曰:「有 曰:「驛 爲事。」 吅 既苗 耘。 王 厭 而耘 氏 厭 驛, 函, 今日『 曰 然 厭 鄭 苗 合也 然 則 而 則 鄭 驛 厭 生 長 日 緜 前 丽 曰 曰 驛 成 氏 密 其 氏 大 特

> 香也。 日 : 者, 耇老也。 達之祭祀,賓客,無所不洽也。」〇朱氏 秭,故可爲醴,而進與祖妣,以和百禮 古也。」〇李氏曰:「其實之多,萬 **耇。』」孔氏曰:「謚法,保民耆艾曰胡。」○** 緜爲善,恐 以養耆老,則胡考之所以安也。」◎李氏 〇王氏曰:「以洽百禮 曰:「且,此也。」○王氏 者以椒言香。」胡,壽也。」○李氏 曰:「非特此日 ,其所由 以燕饗賓客,則邦家之所以光也 穫 椒,猶 刈 傷 濟 《士冠 苗 |來遠矣。]○陳氏曰:「振古 飶 濟 方有此也,非特今日方有 也。」〇孔 也。 然。」〇毛氏 禮》祝 孔氏曰:「椒木之氣香,作 ,既烝畀祖妣 曰:「振古 氏 曰: 日 曰:「胡 小永 「至於大 「飶,芬 毛 億及 則 氏 舉 m

0

合」、《毛詩正義》作「含」、當據改。 據四

庫本、《墨海金壺》本、朱熹《詩

《載芟》一章三十一句。以來,皆如上之所謂也。」

歌也。」《良耜》,秋報社稷也。孔氏曰:「秋報社稷之樂

音徒。 之挃挃,珍栗反。 音博。 實函 墉,其比 有捄音虯。 百室盈 瞻,視也。 利也。」」〇鄭氏曰:「良,善也,利善之耜。 利之狀。舍人曰:「畟畟,耜人地之貌。」郭璞曰:「嚴 毛氏曰:「畟畟,猶 伊黍,其笠音立。 斯 蓼。 斯趙,徒了反,又徒少反。 止,婦子 活。 毗志反。 其角。 音了。 或來瞻 筐、筥,所以盛黍也。」〇毛氏 良耜,俶載 積子賜反。 寧止。 荼蓼朽止,黍稷茂 如櫛,側瑟反。 以似以續,續古之人。 女, 伊糾。 [測測· 殺時犉如純反。 載 南畝。 之栗栗。 筐 也。」孔氏曰: 以 居黝反。❶ 丘 薅呼毛反。 以開 一方反。 播 厥 其崇如 止 百室。 及筥, 百 其 缚 「是刃 L 穀, 牡, 穫 茶

> 勤苦。 也。 曰: 也。」〇毛氏曰:「挃挃,穫聲也。」〇王 屬也,但水陸之别耳。味苦氣辛,能殺物,今人用以藥 氏 曰 : 笠,以田器刺地,薅去荼蓼之事,言 之物也。」○鄭氏 饟伊黍,此則言婦子行饁之器,與所 子來饁者也。」〇李氏曰:「載筐及筥, 溪取魚,故又曰茶毒。今南方人猶謂之辣茶,亦一 穢。1然則田有原有隰,故並舉水陸穢草。1○朱氏曰: 荼,亦穢草,非苦菜也。王肅云:『荼,陸 蘇 先儒説茶,但云苦菜,莫詳其爲何物。)鄭氏曰: 日 氏 「《説文》云:『薅,拔田草也。」」〇毛 "「蓼,水草也。」孔氏曰"「蓼,是穢草。 黄牛黑脣曰犉,社稷之牛,角尺。」 日 栗栗,緻也。] 〇 草穢既除而禾稼茂,禾稼茂 : 糾 「捄,角貌。 然,笠之輕舉 曰:「饁者見戴糾 毛氏 有來視汝,謂 也。」〇《釋文》 曰:「墉, 案此詩,則蓼 穢。 蓼,水 而 閔 然 其 之 盛 其 城 氏 婦

0

笠,所以禦暑雨也。

趙,刺也。」〇

[「]反」,原脱,據四庫本、《墨海金壺》本及《經典釋文》

其先也。」○《釋文》犉作橭,曰:「本亦其此迫如櫛齒之相次。」○李氏曰:「於是殺臣畢,故各享其樂。」○鄭氏曰:「於是殺臣畢,故各享其樂。」○鄭氏曰:「於是殺臣畢,故各享其樂。」○鄭氏曰:「於是殺臣畢,故各享其樂。」○鄭氏曰:「於是殺民財百室而納之,百室既盈矣,而婦子其此迫如櫛齒之相次。」○李氏曰:「於水歲,繼往歲也。 續古之人,庶幾不養,繼往歲也。 續古之人,庶幾不養,於是與一種。」○《釋文》犉作橭,曰:「及其成熟,乃穫刈成熟。」○孔氏曰:「及其成熟,乃穫刈成熟。」○孔氏曰:「及其成熟,乃穫刈成熟。」○孔氏曰:「及其成熟,乃穫刈

《良耜》一章二十三句。

考之休。
《絲衣》,釋、賓尸也。鄭氏曰:「繹,又祭也。天子以祭之外。」
○孔氏曰:「繹、賓尸之樂歌也。」
「經、商謂之形。」
○孔氏曰:「繹、賓尸之樂歌也。」
「經、賓尸也。鄭天夫曰賓尸,與祭同日。周諸侯曰繹,以祭之明日。卿大夫曰賓尸,與祭同日。周諸侯曰繹,以祭之明日。卿大夫曰賓尸,與祭同日。周諸侯曰繹,以祭也。東氏曰:「繹,又祭也。天子

門外。」〇毛氏曰:「自羊徂牛,言先小後 上而小口者。』□○吕氏曰:「自堂徂基,乃所 曰:「鼎圜弇上謂之鼒。」○孔氏曰:「孫炎曰: 『鼎斂 大也。大鼎謂之鼐,小鼎謂之鼒。]鄭氏 内, 祊之於東方, ❷失之矣。』 繹於門内爲失, 明其當在 堂也。』繹禮在門不在廟、《郊特牲》曰:『繹之於庫門 其色赤而微黑 此絲衣相當,爵色之麻弁。《士冠禮》注云: 皮弁,皆不以絲爲衣。《土冠禮》有『爵弁服,純衣』,與 衣也。」○鄭氏曰:「載,猶戴也。 孔氏曰:「爵弁之服,玄衣纁裳,皆以絲爲之,故云絲 而祭於王,士服也。繹禮輕,使士。」孔氏 「《雜記》云:『士弁而祭於公。』禮有冠弁、韋弁、 「《釋宮》云:「門側之堂謂之塾。」孫炎曰:「夾門 「俅俅,恭順貌。 曰:「絲衣,祭服 ,如爵頭然。 純衣,絲衣也。二〇毛氏 基,門塾之基。」孔氏 也。 紑,潔鮮 弁,爵弁 『爵弁・ 貌。

「祊」,原作「枋」,據《墨海金壺》本及《毛詩正義》、《禮「肜」,原作「彤」,據《墨海金壺》本及《毛詩正義》改。

正義》改。

吳不 臣 子既以臣爲尸,不可祭罷 曰:「字又作兕觥。」○横渠張 壽考之休也。」〇《釋文》兕觥作光觵, 貌。]〇朱氏曰:「思,語辭。 致 先小後大,或先大後小,反復展視,所以 位 勤 着冕服,言弁已是不冠冕也。」)毛氏曰:「吴,譁也。」○鄭氏 後 大也。 ,故其退尸 敖、不讙譁、不傲慢、恭敬獲福 敬也。」〇孔氏曰:「觩然,設兕 乎 降 於 鼐鼎. 此 而 , 也皆有 乎 徂 及 基也。 鼒,先大後小也。 〇 王 漸 便使 氏 自羊 曰 言絲 柔,和 氏 出 祖 「自堂 日 曰 衣 門 牛 己 也 而 示不 天 觥 是 就 徂

嗣王以武功之成由周公,告其成於宗廟之歌也。」明篇,疑皆樂章之名爾。」○横渠張氏曰:「《酌》,周公没,《勺》」,即此詩也。然此詩與《賚》、《般》,皆不用詩中字《酌》,告成大武也。朱氏曰:「《内則》曰『十三舞

| 絲衣》|| 章九句

是用 於鑠 孔氏 也。 蘇氏 業,爲有嗣矣。 之所爲也。 武 晦 助之者。」〇歐陽 用。」〇蘇氏曰:「退自循養,與時 朱氏曰:「言武王之初,有於鑠之師 也。」〇鄭氏曰:「載,則。 也。」〇毛氏 也。」〇鄭氏曰:「純,大。 之衆也。二〇歐 也。」〇孔氏曰:「王師,王肅云:『武 七報反。 大介。 王之功,興此王業,成王寵受而承 而 舒 蹻蹻 灼 益 〔曰:「熙,光也。」○鄭氏曰: 反。 明, 「於,嘆美。」○朱氏曰: 王之造, 載用有嗣,實維爾 我 \pm 其後既 載 龍 師 口:「蹻 用 實維爾公者,武王用師 受之,蹻 遵 有嗣 氏 陽氏曰: 言蹻 純 日 光 : 「我龍受之者,謂 者 時 蹻,武貌。 蹻然 矣,則天下無不 謂 晦 蹻 介,助也。」 允,信也。」 「遵養,循 公允師 居 後世能 武 表 時 (功,成 反。 純 「龍、 習時晦 造, 熙矣, 王之 而不 之 王

實天下之至公,信可謂王師矣。」

《酌》一章九句。

桓桓武王,保有厥士。于以四方,克定厥綏萬邦,婁力注反。豐年。天命匪解,音懈。如此。」

云:『於乎周道,乃昭見於天。』」〇李氏年,數有豐年。桓桓然有威武。王肅鄭氏曰:「綏,安也。」〇孔氏曰:「婁豐豕。於音鳥。昭于天,皇以間之。

臣:「士,與熊羆之士、虎賁之士同。」○ 是氏曰:「間,代也。」○鄭氏曰:「皇,君 也。」○王氏曰:「師之所處,荆棘生焉。 大軍之後,必有凶年。桓,武志也,而曰 「綏萬邦,屢豐年」,則其爲武志也,而曰 大命亦匪解也。」○蘇氏曰:「武王用兵,蓋爲天下除 大命亦匪解也。」○蘇氏曰:「武王度商, 於周,久而不厭也,故武王桓桓,保有其 於周,久而不厭也,故武王桓桓,保有其 於周,久而不厭也,故武王桓桓,保有其 於周,久而不厭也,故武王桓桓,保有其 於周,久而不厭也,故武王桓桓,保有其 於周,久而不厭也,故武王桓桓,保有其 於周,久而不厭也,故武王桓桓,保有其 於周,久而不厭也,故武王桓桓,保有其 於周,久而不厭也,故武王桓桓,保有其 於周,久而不厭也,故武王桓桓,保有其

《桓》一章九句。

齊來代反》,大封於廟也。 齊,予也,言所以

「櫜」,原作「橐」,據四庫本、《墨海金壺》本改、

0

錫予 我徂 文王既勤止,我應受之。敷時繹音亦。 者。」〇孔氏曰:「大封於廟之樂歌 維求定。 也。 時周之命,於音烏。 氏 曰 : 二武 王 也。」 伐 紂 時 繹思 封 諸 臣 思, 有 功

戒之也。」 嘆使諸臣受封賞者,繹思文王之德,以 下之定 文王之功德在 下之安定而已。」〇王氏曰:「大賚善人, 敢專也。」〇朱氏曰:「布此以賚有功, 天下至矣,其子孫 我往以此 毛 曰:「敷,布也。時,是也。繹,尋繹也。」 建以 蘇氏 氏 曰:「勤,勞。 他。」(爲諸 티 : 求定。」○蘇氏曰:「文王勤 「思,辭也。」○鄭氏曰:「 〇朱氏曰:「此周之命也,又 侯,與共天下,則所以 Ĺ 一面 應受而有之,然 可 應,當也。] 〇朱氏 尋繹者,所以 水水天 求天 而 勞 不 今

《賚》一章六句。

於音鳥。 時之對,時周之命。 嶽,允猶翕許及反。 文》曰:「崔靈恩《集注》本用此注爲《序》文。」 般也。」今考詩中無此意,當闕之。孔氏以「般,樂也」爲 樂歌也。」〇朱氏曰:「鄭氏曰: 鄭氏曰: 〈序》文,曰:『定本「般,樂」爲鄭注。』 未知孰是。」〇《釋 般薄寒 泛》, 皇時周 巡 也。」〇孔氏曰: 守手又反。 , 陟其高山, 嶞吐果反。 河。 敷天之下,裒蒲侯反 『般,樂也。」蘇氏曰 「巡守 而 祀 四 丽 祀 嶽 一四嶽 河 海 河海之 Ш 也 『遊 喬

之嶞。 之對者 喬岳, 其功者,此周之命也。」〇王氏曰:「裒 者合爲一。」陟其 也。 功於民,是以至 氏曰:「猶,道 君是周邦而巡守。二〇王氏 鄭氏曰:「皇,君。喬,高也。 鄭氏曰:「河言翕者,河自大陸之北敷爲九,祭 則巡守之所 嶞,狹 , 裒其神而對之, 以祭祀 丽 Ш 也 於敷天之下,無 急 長 也。 陟,無所不至。」〇 而 翕 道於大河,思其 河,大河受衆水 陟其 曰:「戀 高 於乎美哉 山 不總 也 Ш 嶞 時 答 有 謂 時 ıΠ

《閔予小子》之什十一篇,十一章,百三	《般》一章七句。	周之命者,能懷柔百神,則受命長矣。」
三十		_

七句。

吕氏家塾讀詩記卷第三十

吕氏家塾讀詩記卷第三十一

魯頌

無疆,居良反。

思馬斯臧。

歌詠先祖之功烈也。」體猶列國之風,●非若商、周天子之頌,用於祭祀,以告神之歌。」朱氏曰:「其辭特以贊美當時之事,其先氏曰:「此雖名爲頌,而體實國風,非孔氏曰:「此雖名爲頌,而體實國風,非

反。有皇,有驪力知反。有黄,以車彭彭。思駠駠牡馬,在坰之野。薄言駉者,有驕戶橘命、作詩、不相干也。」

郭璞 驪馬白 又使馬得其所養。」○毛氏《芣苢》傳曰:「薄 外曰 辭也。」〇毛氏曰:「牧之坰野則駧 也。」〇李氏曰:「坰之野,其水草甚美,既不害於農 地耳。」鄭氏曰:「必牧於坰野者,辟民居與 坰。」○曾氏 曰:「腹,謂馬 毛氏曰:「駉駉,良馬腹幹肥張也。 日 郊,郊外日 |跨日 『跨,髀間 肚。 日: 驈,孔氏曰:「孫炎曰:"驪,黑色。」 也。」 幹,謂馬脅。」坰 「坰野,乃魯人牧馬之常 野,野外日 然則跨者,所跨據之處。」黃 ,遠野也 林,林外 駉然。 良 孔氏 邑 H

● 「列」,原作「烈」,據宫内廳本、四庫本、《墨海金壺》本

改

驪 又良,飲食得其時,則自肥健耳。」〇 田馬、駑馬給官中之役。」彭彭、有力有容也。」 衛之處。《校人》之注以爲二百十六匹爲一廐,每 禽之法,反覆思之,無有竟已。 其思之深廣無窮也。」鄭氏曰: 乃有驈有皇,有驪有黄。此等用之以駕 也。」〇孔氏曰:「薄言駉者,有何馬也? 氏曰:「彭彭,張也。」〇鄭氏曰:「臧,善 三閑也。 赤者也。」諸侯六 驪。」黄騂曰黄。 孔氏曰:「騂者,赤色,謂黄 白 及廣博。」 車,則彭彭然。」○朱氏曰:「思無疆,言 (檀弓》云:『夏后 閑。 鄭氏曰:「坰之牧地、水草既美、牧人 ,孔氏曰:「《月令》: 曰 田馬、駑馬。孔氏曰:「閑,謂馬之所在,有限 皇,孔氏曰: 諸侯有四種,其三種别爲一閑,駑一 朝祀所乘爲良馬、征伐所乘爲戎馬、田路駕 氏尚黑,戎事乘驪。1故知 閑,馬 「黄 『孟冬,駕鐵驪,象時之色。』 白色雜名皇。」❶ 四種,有良馬、 乃至思馬斯善,多其所 「僖公之思遵伯 純 種 純 而分爲 黑 黑 一廐爲 而 王 戎 曰 雜 曰

> 隹。2 駉駉 伾。 敷悲反。 牡 有胚,符悲反。 馬,在坰之野。 思無期,思馬斯才。 有騂有騏,音其。 薄言駉 者 以 有 車伾 騅

音

騂」,謂 明者。 雜毛也。」黄白雜毛曰點,孔氏曰:「郭璞曰:「今 牲用騂,是騂爲純赤。 之桃華馬也。二赤黄曰騂,孔氏曰: 黄」,止一毛色之中自有淺深,與此二色者異,故不云 是体有二種之色相間雜。 而微黑,今之騘馬也。 毛氏曰:「蒼白雜毛曰騅,❸孔氏曰"「 上云『黄騂曰黄』,謂黄而微赤; 赤而微黄。」蒼騏曰 言赤黄者,謂其赤而黄,其色鮮 《顧命》曰「四人騏弁」,注云: 上云『黄白曰皇,黄 □騏。● 孔氏曰:「謂 周 此云『赤黄日 人尚赤,而 雜毛 騂 青 曰

0

0

皇」,原作「黄」,據四庫本、《墨海金壺》本及《毛詩正

Ø 「隹」,原作「騅」,據宮内廳本、四庫本、《墨海金壺》本 及《經典釋文》改。

⁰ 及《毛詩正義》改。 「騅」,原作「錐」,據宮内廳本、 四 庫本、《墨海金壺》本

義》改 「蒼」,原作「倉」,據四庫本、《墨海金壺》本及《毛詩正

久也。」 才 青 ,多材也。」〇王氏曰: 黑 騏。」 騏 者,黑色之名。」 伾 「思無期 伾 有 (),思之 力 也

反。 斁,思馬斯作。 駉駉牡馬,在坰之野。 有駱,有駵有雒,以車繹繹。音亦。 薄言駉者,有 驒 思 徒 無 泂

無厭倦也。」〇蘇氏曰:「作,奮起也。」 〇毛氏曰:「善走也。」〇鄭氏曰: 氏 騣馬,故赤身黑鬣曰駵。」黑身白鬣曰雒。」○王 氏曰:「駵,是色名。 駱,孔氏曰:「鬣,馬之騣也。」赤身黑鬣日 「色有淺深班駁隱鄰,今之連錢騘也。」」 白馬 毛氏曰:「青驪 曰 「繹繹,屬也。」朱氏曰:「繹繹,不絶貌。」 説者以駵爲赤色,若身、鬣俱赤則 驎日 驒,孔氏曰:「郭璞 「斁、厭也 黑鬣 駵,孔 E:

駠 有 騢 駉 無邪,思 , 有 驔 音 簟。 牡馬,在坰之野。薄言駒者,有駰音因。 斯 有魚,以車袪袪。● 起居反。

毛 氏曰:「陰白 雜 毛 日 駰, 孔氏 曰 郭 璞 思

馬

徂

邪, 徂 耳。」〇吕氏曰:「僖公修牧馬之政,以誠 日 日 : 無斁」、『思無邪』。 心行之,故言『思無疆』、『思無期』、『思 則未必知此也。 也。」〇蘇 也。三袪袪,强 長名爲驔也。二一目白 丽 曰: 「一目白,瞷。二目白,魚。」郭璞 「骭,脚脛。」然則骭者,膝下之名。 曰 言以蔽之, 曰 者,其効也。 有會於其心,是以 驔,孔氏曰:「《説文》云:「骭,骹也。」郭璞曰: 郭璞曰:「彤、赤也、即今赭白馬是也。」」豪骭 陰淺黑,今之泥騘。二彤白 一出於正。」〇鄭氏曰:「徂,猶行 氏 曰:「孔子曰:『詩》三百 健也。」〇王氏 與《衛風》『秉心塞淵 思無邪。」昔之爲詩者 孔子曰:『讀《詩》至此 馬之所以 曰 魚。 取之。」蓋斷章云 雜 蓋謂豪毛在骭而白 孔氏曰: 毛 臧、才、作、 曰 **:** 曰 騢 似 ~爾 一思 ", 孔 魚 雅 無 目 氏

⁰ 下「袪袪」同。 袪 袪」,原作「祛祛」, 據四庫 本、《墨海 金壶 一》本

善政,其效皆若此,然非獨牧馬而已。」牝三千』之意同。古之賢君,誠心以行

《駉》四章,章八句。

《有駜備筆反》,頌僖公君臣之有道也。 反。 有駜有駜,駜彼乘繩證反。 在公明明。 飛貌。 强貌。」王氏曰"「養之使駜也。」○鄭氏曰"「僖公 歐 朱氏曰:「興也。」〇毛氏曰:「駜,馬肥 也。」朱氏曰:「鷺,鷺羽之翿,舞者所持也。下,如飛 明,脩明其職也。]〇毛氏 起夜寐,在於公之所。]○歐陽氏曰:「明 之用臣,必先致其禄食。禄食足,而臣莫不盡其忠。」 丽 醉言舞,于胥樂兮。)孔氏曰:「四馬曰乘。」○鄭氏曰:「早 下也。」○毛氏曰:「 陽氏曰: 鷺,白鳥也,以興潔白之士。」〇 振振鷺,鷺于下。 「振鷺,取其脩潔翔集有威儀 咽咽: 黄。 鼓節也。」○鄭 曰:「振振,群 鼓咽咽,烏玄 夙 夜在公,

> 氏曰:「于,於。胥,皆也。」○蘇氏曰: 氏曰:「唐公之時,君臣無事,燕樂以遂其醉者或起舞以相樂,和之至也。」○鄭氏燕之以禮樂。士之來者,如鷺之集,其燕之以禮樂。于之來者,如鷺之集,其孫之以禮樂。 任公明明,言未始不在公也,僖公於是氏曰:「于,於。胥,皆也。」○蘇氏曰:

「有駜有駜」,興僖公有臣之壯盛歡,君臣於是皆喜樂也。」

所謂「君致其養,臣盡其忠」者,蓋莫「有駜有駜」,興僖公有臣之壯盛也。

不在其中矣。

胥樂兮。酒。振振鷺,鷺于飛。鼓咽咽,醉言歸,于有駜有駜,駜彼乘牡。夙夜在公,在公飲

退也。」○鄭氏曰:「飛、論群臣醉欲有餘惠。」○鄭氏曰:「飛、論群臣醉欲「夙夜在公,在公飲酒、言臣有餘敬、君王氏曰:「牡、剛强之材也。」○毛氏曰:

在公載燕。自今以始,歲其有。君子有有駁有駁,駁彼乘駽。呼縣反。夙夜在公,

穀, 治孫子, 于胥樂兮。

《有駜》三章,章九句。

美而大,則君臣之辭歟? 有所未獲,而欲終之,則其所獲尚小也。 之功,予亦疑焉。 宮、閟宮,僖公因舊而修,是以不見於《春秋》。 克淮夷、《閟宫》言作新廟、《春秋》皆不載,世疑之。泮 紂之不善,不如是之甚也。 ·僖公修泮宫」,無「能」字。」〇蘇氏曰:「此詩言作泮宫: 泮水》,頌僖公能脩泮宫也。 孔子録之,可乎?」曰:『維可之,是以録之。 ,而去其所不可,此孔子之所以爲《詩》也。」子貢曰 然此詩有之、「式固爾猶、淮夷卒獲」、 或曰:『以君臣而爲此辭可也 是以君子惡居下流,天下之 孔氏曰:「定本云 今此詩之言,其 至於淮夷 録其所

思幹半大,專子主心,其中反。 魯安 是上,則已矣,此達者之所自諭也。」 ,以惡者之所自諭也。」 大嘗以廢《周書》,蓋好惡之言必有過者,要不以惡爲善仁伐不仁,何其血之流杵?」夫二子之言信矣。然孔子惡皆歸焉。」孟子曰:『吾於《武成》,取二三策而已。以至

呼會反。無小無大,從公于邁。言觀其旂。其旂茷茷,蒲害反。鸞聲噦噦。思樂泮水,薄采其芹。其巾反。魯侯戾止,

也。」〇王氏曰:「觀其旂 也。」孔氏曰:「止者,至而止住,故云至,非訓止爲至 觀之,采其芹也。」〇毛氏曰:「戾 成以爲東西門、《説文》以爲東西牆,其説不同。」 「芹,水菜也。樂僖公脩泮宫之水而 王氏曰:「思,發語 「泮者、諸侯鄉射之宫也。 蓋東西門以南通水,北無也。」〇朱氏曰:「《説文》謂 外,圓如璧,四方來觀者均也。泮之言半也。 廱,諸侯泮宫。」鄭氏曰:「辟廱者,築土廱水 毛氏曰:「泮水,泮宫之水也。 茂茂,飛揚也。」李氏曰:「無小 聽其鸞,其聲噦噦 辭也。」○ 西南爲水,東北 而 ,其物 夜 茷 有 節。」李氏曰 無大,從公 鄭氏 爲牆」。康 天 子 八止,至 半水者 日 辟 往 有 之

于邁 詩 人從僖公之樂也。」〇孔氏曰 作。」 而自 一, 國 人無 稱 其君爲 長 幼 ,皆從公 魯侯者, 而 Ⅰ:「魯 因 往 其 以 見 作 王 威

笑,匪怒伊 蹻。 思樂泮水,薄采 居表反。 教 其 馬 其 蹻蹻,其音昭昭。 藻。 魯侯戾 止 其 載 色 馬 載 蹻

而

孔氏《采蘋》疏曰:「藻,水草也。」〇 康 氏曰:「載色載笑,則《洪範》所謂 語,未嘗有所怒也,教之而已。」〇 曰:「載色,色温潤也。」○蘇 「僖公之至於泮宫,好其顔色,和 曰:「其馬蹻蹻,言强 而 「其音昭昭,僖公之德音。」〇 色』者也,夫然後能教也。」 盛 也。」〇 氏 毛 其 鄭 日 丽 王 笑 : 氏

酒。 此 思 既飲 泮 醜 水,薄采其 旨 酒,永錫難 介茆。 老。 魯侯戾止,在 順 彼長 半 屈 飲

> 僖公之教人,三章則又言至泮水與賢者 李氏曰:「一章言僖公之至泮水,二章言 老,使之順從長道,以屈群衆。」至氏曰: 與其群臣 毛氏曰:「醜,衆也。」〇蘇 云:『江南人名之蓴菜,生陂澤中。』 ○○ 毛氏曰:「茆, 之辭也。」 飲酒也。」〇朱氏曰:「此章以下,皆頌禱 順彼先生君子之長道,而屈服此魯國之群衆也。」〇 在泮飲酒者,與先生君子飲酒 飲酒於泮宫,咸願神錫之以 鳬葵也。」《釋文》曰: 氏曰:「僖公 鄭 也。 氏 鄭 曰 小同 難

求伊 則。 穆 穆魯侯、敬明其德。 祜。 允文允武,昭假烈 音户。 敬慎威儀、維民 祖 靡 有 不孝,自 之

鄭氏 武 也 假,感格 也。」〇毛氏曰:「假,至也。」朱氏曰: 靡有不孝,信僖公之孝也 曰:「則,法 也。」〇朱氏 也。 曰:「祖,周公、魯公 允文允武,信文信 無無 所不

禄 至 ,乃自求之也。」 也。」〇李氏曰: 「自求. 伊祜,魯侯之福

服。 淑 明明魯侯,克明其德。 間 矯矯 如 臯 陶,在泮獻 居表反。 虎臣,在 囚 既作 泮 洋宫, 獻 馘。 淮 古 夷 獲反。 攸

未嘗 將出 之左 所 奠於學,以訊 得其人。」〇孔氏 獄之吏如臯陶者獻 鄭 ጢ 夷,而反在泮宫,使武臣獻 淑,善也。 明其德,修泮宫而 深考 反 以 氏 有 在 耳。 征,受成於學。 能 日 此 泮宫也。] 〇朱氏 淮夷之功, 服 「克,能。 孔氏曰:「謂臨陣格 詩乃頌禱之辭,冀其有是 也。 囚,所虜 馘告。」故僖 矯矯,武 曰:「《王制》曰:『天子 德化行,於是伐淮夷 而疑 攸, 所 獲 囚,言伐有功,所 出 者。 此 征 貌。 日 也。 殺之,而 詩之妄,蓋 公既伐淮夷 執 :「或謂 馘,又使 僖公既 馘, 所 有罪,反 言僖 取其耳。」 信公 格者 善 伐 公能 任 聽

> 耳。 下 士 ·章 倣 克廣德 此。

濟濟多 南。 120、音凶。 烝烝 在泮獻 皇皇,不吴音話。 功 心 桓 桓 不揚。 于征 不告于 狄 彼 東

之東南。」烝 氏曰:「東南,斥 謂心德寬洪,並無 孔 曰:「訩,訟 皇皇,盛也。● 氏曰:「不揚、戢也。」〇朱氏曰:「 「狄,攘而逖之也。」○蘇氏曰:「古狄、逖通。」○ 服彼東南。」《釋文》曰:「狄,遠也。」〇王氏 「皇,美也。」○鄭 桓,威武貌。」 〇孔氏 之官者。二〇 氏曰:「濟濟然多士,皆能廣其 烝 也。 猶 不吴不 王氏曰:「不告于訩 淮 氏曰:「吴,韡 進 無以争訟之事,告於治 褊躁。] 〇毛 夷。 進 日 ·揚,肅也。」〇鄭 也。」〇毛氏 孔氏曰:「淮夷,在 「狄彼 氏 也。二〇 東 (南,遠 德 烝 曰 : 日 「桓 氏 烝 王 鄭

0

改。

原 √作「成 」,據《墨海金壺》本及朱熹《詩 集

遠淮 氣所 於是乎隘矣。 也。」〇李氏曰:「人心 夷之功、『烝烝皇皇,不吴不揚』,未 使,一有毫髮之利, 惟其心廣,故其 可謂 則忿 廣 而 矣, 征 争,其 伐 惟 有 爲 心 逖 血

徒御 固 角弓其觩,束矢其搜。色留反。戎車孔博, 爾 無斁。 猶,淮夷卒獲。 音亦。既克淮夷,孔淑不逆。式

嘗争訟

,惟『在泮獻功』而已。」

子於是告之,使益 式,用也。」〇蘇氏 行 朱氏 士卒競勸,故能 其言。鄭注《大司寇》「束矢」云:「古者一弓百矢。」 卿云"「魏氏武卒負矢五十个。」荀則毛氏之師,故從 曰:「其發則搜然而勁。」○蘇氏曰:「搜,矢疾聲。」○ 也。」〇毛氏曰:「五十矢爲束。」孔氏曰: 蘇氏 者,御車者,皆無 鄭氏曰:「東矢搜然,言勁疾也。」孔氏 曰:「觩,弓健貌。」鄭氏 博,廣大也。」○鄭氏曰: 克淮夷甚善而 曰:「僖公兵戎精繕, 固 厭倦 其道 也。 ,庶幾淮夷 曰:「言 淑,善 不逆。 持 也。 「徒 絃 「荀 可 急

> 以 盡 得 也

翩

懷我 勑金反。 彼 好 飛 元龜象齒,大賂南金。 音。 鴞,于嬌反。 憬九永反。 集于泮林。 彼淮夷 來 食 我 獻 其 桑 黮

黮,桑實也。」○鄭氏曰:「懷,歸也。 毛氏 食貨志》云:『龜不盈尺,不得爲實。』.○鄭氏曰: 憬,《説文》曰:『覺悟也。』] ○王氏曰: 音。]○李氏曰:「喻淮 鴞恒惡鳴,今來止於泮水之木上,食其 寶,其所獻之物,是大龜 南,謂荆陽也。」●○鄭氏曰:「 桑黮,爲此之故,故改其鳴,歸就我以善 三品。」○孔氏曰:「淮夷來 琛,寶也。 大,猶廣也。」〇毛氏曰:「賂,遺 曰 : 「翩,飛貌。 元龜,尺二寸。」孔氏曰:「《漢 鴞,惡聲之鳥 夷慕泮宫之化也。 象 八魯國 協。 荆 又廣賂 陽貢金 獻 其琛 也。 也。

0

四庫本、《墨海 下「陽」同 金壺》本作 揚」、《毛詩正義

《泮水》八章,章八句。我以南方之金。」

俾民稼穡。有稷有黍,有稻有秬。音巨。奄穋,音六。稙徵力反。● 穉菽麥。奄有下國,元。其德不回,上帝是依。無災無害,彌月悶宮有侐,况域反。實實枚枚。赫赫姜嫄,音關之,而其實則未能也。」 既曰:「此詩所謂『居常與許,復周公之字』者,人之所以氏曰:「此詩所謂『居常與許,復周公之字』者,人之所以氏曰:「此詩所謂『居常與許,復周公之字」者,人之所以

也。毛氏曰:「先妣姜嫄之廟在周,孟仲子曰:「是由魯之田。」〇告氏曰:「閟宫,魯廟,非有魯之由。」〇吕氏曰:「閟宫,魯廟,非王封建之辭,魯公受賜之命,言其所以王封建之辭,魯公受賜之命,言其所以正,任者將美僖公,追述遠祖,上孔氏曰:「作者將美僖公,追述遠祖,上

有下土,續禹之緒。

後種先熟謂之稑。□○李氏曰:「菽,大豆。 先熟曰稺°1《内宰》鄭司農注云: 『先種後熟謂之穜 早晚之異稱耳,非穀名也。《七月》傳曰:『後熟曰重 廟。 閱,深閉也。」毛氏曰"「閱,閉也。」○毛氏 終十月而生子,不遲晚。」〇毛氏曰:「先 是馮依。 乎顯著姜嫄也,其德貞正不回邪,天用 也。」〇毛氏曰:「枚枚,礱密也。」王氏曰: 「后稷生而享有百福,播種五穀,猶天所 「枚枚、辨也。」〇鄭氏曰:「彌,終也。 曰:「仙 先妣。」以此知姜嫄之廟在周。 禖宫也。』○孔氏曰: 鄭氏曰:「奄,猶覆也。」○朱氏 姜嫄祀郊禖而 稙,後種日 奄有下國,堯封之邰也。」○鄭氏 ,清净也。」○蘇氏曰:「實,鞏固 其任之又無災害,不坼 生后稷,故名姜嫄之廟爲禖宫。 穉。」孔氏曰:「重穋稙穉,生熟 「《大司樂》云: 言其在周,則魯無其 「舞《大濩》以 不副 티 : 赫 享

[「]黴」,原作「微」,據《墨海金壺》本及《經典釋文》改。

食。禹平水土,后稷乃教播種,故曰『纘也。」○鄭氏曰:「堯時洪水爲災,民不粒曰:「秬,黑黍也。」○毛氏曰:「緒,業

王迹也。 陽,四方之民咸歸往之,於時而有王迹 者,殆因肇王 居岐,蓋諸侯之能興邦者,本不必云肇 故云是始斷商。」○曾氏曰:「大王去邠 鄭氏曰:「翦,斷也。 大王 ,故曰太王 成》,猶有 言之過而删之乎?」〇王氏 武王既有天下,推其寖盛之 天命不妄,所廢興皆其至 所不 迹之語言之過耳。聖人於 肇王迹。所謂『實始翦 取者,其於《魯頌》,豈 自 豳徙居岐 티 : 商

> 也。 伯禽之事。」 臣咸有功。 『上帝臨女,無貳爾心』也。」○鄭氏曰: 之地。」〇鄭氏曰:「虞,度也。」〇朱氏 虐,天欲誅之,武王乃致天之誅於牧野 於文王、武王,繼太王之業,於時 曰:「敦,治而勝之也。 咸厥功,輔佐 曰:「無貳無虞,上帝臨女,猶《大明》云 敦,治。 致其至者,武王也。」○孔氏曰: 旅,衆。 而周公亦與焉,故下章言 咸,同也。」〇朱氏 商家 之

饗是宜 之山 忒。皇皇后帝,皇祖后稷。享以騂犧,是 宇,爲周室輔。 王曰叔父,建爾元子,俾侯于魯。大啓 秋而載嘗,夏而 龍旂承祀,六轡耳耳。 ·將將,七羊反。 川、土田附庸。 ,降福既 福衡。 多。周公皇祖,亦其福女。 毛炰蒲包反。 乃命魯公,俾侯于東。 周公之孫,莊公之子。 白牡 春秋匪解,享祀不 一 騂剛,犧素河反 裁側吏反。 爾

不虧 籩 圃 陵。 昌 豆 俾 大 不 ·崩,不 爾 萬 · 震 不 而 舞 臧,保彼東 洋洋,孝 騰。 三壽作朋,如 孫 方,魯邦是常 有 慶。 俾 爾 出 熾

於諸 也。 毛氏 爲我周家之輔。』既告周公以 也 「《孟子》曰: 凡四等。」不能五十里,不達於天子。 公侯皆方百里,伯七十里,子男五十 鮮于氏曰:「錫之山 意,乃策命伯禽,使爲君於東。」○導 魯公以爲周公後,故云:『大開女居,以 首子,使爲君於魯。」謂欲封伯禽也。 魯國也。 也。」〇鄭氏曰:「叔父,謂周公也。 《孟子》曰:『天子之制,地方千里, 地非不足也,而儉於百里。」而 侯 曰:「王,成 日 成王告周公曰:『叔父,我立女 附 庸。」《王制》同。 『周公之封於魯,爲方百 王 也。 一川,謂境内之 元,首。字,居 〇王氏 封伯禽之 Щ 曰 里 江 Ш

爲方四 之」,注云:『陽祀,祭天於南郊。」是天子祭天南郊 宜 君祖后稷,其牲用赤牛純色。 忒。」○鄭氏曰:「皇皇后帝,謂天也。 成 春秋,以明冬夏。] 〇孔氏 毛氏 十里,三等雖不同,惟公侯皆方百里,居上等焉。」() 其國 王以周公功大,命魯郊祭天,亦配 之旂,承奉宗廟祭祀。 轡。」〇毛氏曰:「耳耳然,至盛也。」〇鄭 也。」〇鄭氏曰:「交龍爲旂。四馬,故六 官 轡耳耳然。□○李氏曰:「享祀 氏曰:「春秋,猶言四時也。」孔氏曰:「錯 『大啓爾宇』,不過謂公侯方百里,伯七十里,子男 一封以七百里、欲其强於衆國」、其説不 之,多 目 也 也。」孔氏曰: 爲 百里 與之福。]〇毛氏曰:「 則 諸 「周公之孫,莊公之子,謂僖公 儉於百 侯 也。」李氏曰: 之地 「《牧人》云『陽祀,用騂 里。 曰:「其車 四百 所乘四 并附庸言之,則 「鄭氏據《明堂位》, 里。 天亦 馬,其六 無 · 建 騂,赤。 蓋 詩 之以 有 交龍 饗之 特 牲 人言 差 言 鬼

同也。 牲 ? 夏則 祖謂 中得齊大夫子尾送女器,有犧尊, 云:「白牡、殷牲也。 嘗而言始者,秋物新成,尚之也。」○毛 孔氏曰:「《封人》注云:「楅設於角,衡設於鼻。」」秋 曰 也。」孔氏曰:「《公羊傳》云:『魯祭周公,何以 氏曰:「白牡,周公牲也。 稷。』《禮運》曰:「魯之郊禘,非禮 赤牛純色。」○李氏曰:「皇皇,大之至 下,是以命魯公孟春祀帝于郊,配 ·剛,特也。」白牡謂白特,騂剛赤特也。」○孔 六天之説。」○鄭氏曰:「周公皇祖 公其衰矣。』孔氏以帝謂感生帝,此則 明堂位》曰:"成王以周公有勳勞於 「將將,盛美也。 周公用白 養牲。 伯禽也。載,始也。 魯公諸侯,不嫌也,故從周制。」《說文》曰: 然則象尊,尊爲象形也。 牡, 楅 衡其角,爲其觸骶 魯公用騂剛,群公不毛。」何 周公死,有王禮, 大和 秋將嘗祭,於 中, 騂剛,魯公牲 ,謙不敢與文、武 魯郡 也 人也。 此 以 以 於 阮 也。 地 氏 阜 泥 后 天 犧 周 爲

> 有沙飾 則有全烝。 有似於堂房。 堂位》曰:『周以房俎。』房,謂足下跗也。 即娑之字也。」〇毛氏曰:「毛魚,豚也。」孔氏 烝。」如彼文次,全烝,謂全載牲體, 登。」大房,半體之俎也。」孔氏曰:「大房、《明 謂大古之羹。鉶羹,謂盛之鉶器。其大羹,則盛之於 者,煮肉汁不和。 羽飾,與司農飾以翡翠意同,則皆讀爲娑。 尊,飾以翡翠。 腹之上畫爲牛、象之形。」」毛氏曰: 折,則房烝是半體可知。」 氏曰:「羹、大羹、鉶羹也。 魚之也。□●○孔氏曰: 禮圖》云:『犧 「《封人》『祭祀有毛炰之豚」,注云: 『爓去其毛而 也。」〇孔氏曰:「鄭司農云:「獻讀爲 王公立飫,則有房烝。 然知是半體者、《周語》云:『禘郊之事, 象尊,以 鉶羹,肉味之有菜和者也。 尊 飾 象鳳 ○鄭氏 以 「胾,謂切肉。」〇毛 凰。」此傳言犧尊 牛,象尊 日 親戚燕饗,則有殽 孔氏曰:「大羹 殺烝,謂體解節 萬 飾 上下兩間 傳言沙. 「犧尊 以 大羹: 者,沙

●「爓」,原作「爛」,據《墨海金壺》本及《毛詩正義》、《周

廟 ^{爲三也。」}○朱氏曰:「此言僖公致敬郊 取 也。 氏 ○朱氏曰:「三壽,未詳。或曰:『願公壽與岡、陵等 也。」○鄭氏曰:「三壽, 「震,動也。 氏曰:「俾,使。 舞 、堅固也。」王氏曰:「壽考之三卿,爲公朋 曰:「孝孫有慶,孝孫得享其福。」○ 也。」〇毛氏曰:「洋洋,衆多 而神降之福,國人稱願之如是也。] • 虧、崩,皆謂毀壞也。」〇毛氏曰: 騰,乘 臧,善。 也。」朱氏曰:「震騰,驚動 三卿也 保,安。 也 常, 岡、陵, 也。 鄭 守 李

是膺,荆舒是懲,則莫我敢承。 熾,尺志反。 綅,息廉反。 重直龍反。 公車千乘,繩證反。 有千歲,眉 俾爾昌而大,俾爾耆而艾。五蓋反。 弓,公徒三萬。 俾爾壽而 烝之升反。 無 有害 朱英緑縢。 富。 徒增增。 黄髮台背, **貝** 胄 直友反。 徒登反。 如 字。 俾爾昌 . 二 矛 壽 戎 朱 而 狄

毛氏曰:「大國之賦千乘。」孔氏曰: 『成方十里,出革車一乘,兵車 乘,甲士三人, 『司馬

壽

也。 有文章也。 也。 也。 朱綅,以朱綅 者,舉成數也。]〇毛氏曰:「貝胄,貝飾 縢爲繩。□○鄭氏曰:「二矛重弓,備折壞 以爲矛之英飾。弓束以緑繩。 百里之國,通有千乘也。] 〇朱氏曰:「英,矛飾 鄭氏曰:「大國之賦適滿千乘,苟盡用之,是舉國而 大國三軍,合三萬七千五 車之法,左人持弓,右人持矛,中人御。 包氏注《論語》,以謂 曰:「成出革車一 萬」數不合者,此自謂計地出兵,非彼三軍之車 步卒七十二人。』計千乘,有七萬五千人,與下『公徒三 《説文》曰: 故其用之也,大國三軍,次國二軍而已。]○李氏 孔氏曰:「重弓,謂内弓於鬯,鬯中有二弓。」 兵 縢,繩也。」孔氏曰:「朱英,絲纏而朱染之, 胄,謂 『綅,綫也。』然則朱綅 兜鍪。 乘,千乘之地,方三百十六里有奇。 綴之。」孔氏曰: 古者井田,方里爲井,一井爲乘 貝非爲胄之物,故知以貝爲 縢,謂約之以繩,非 百人。言三萬 「貝者、水蟲 直謂 赤綫,以 ·也。」〇 甲 訓

0

原 脱, 四 庫 本、《 墨海 金 壺 》本及 人朱熹 ※ 詩

安 言僖公治其軍旅,繕其車甲器械,故 背。」〇蘇氏曰:「壽胥與試者,願其壽, 楚之與國,故連言荆舒。 其伐戎狄則無文。」○孔氏 年,經書『公會齊侯等伐楚』。 一名荆。● 狄,南艾荆及群舒,天下無敢禦也。」〇孔氏曰:「僖四 時 連 曰:「眉壽,秀眉,亦壽徵。」○孔氏 曰:「設辭慶之,使汝昌大而熾盛,汝長 其强也。」鄭氏曰:「僖公與齊桓舉義兵,北當戎與 也。」〇鄭氏曰:「懲,艾也。」〇蘇氏曰: 無有害,無有患害。」〇蘇氏曰:「此 可 也。」 綴甲也。○○孔氏曰:「烝徒增增,進行之 相 無 而富足,髮有黄色之髮,背有台文之 以當戎狄,懲荆舒,而莫之禦也。 增增然衆多。」〇毛氏 與試其才,以爲之用也。」○鄭氏 不 欲 其昌大壽考,而託之以爲 曰:「膺, 群舒,又是 日 其 章

宋。至于海邦,淮夷來同。莫不率從,魯弥山巖巖,魯邦所詹。奄有龜蒙,遂荒大

侯之功。

鄆讙龜陰之田」,謂龜山之北田也。 蒙,山也。」孔氏曰:「《春秋》定十年:「齊人來歸 朱氏曰:「願其有功如此。」 有此二山,故言奄有。] 〇鄭氏曰:「荒,奄也。 孔氏曰:「泰山之高巖巖然。 大東,極東也。海邦,近海之國也。] () 魯之界,二國皆以爲望也。二〇朱氏曰: 『昔者先王以爲東蒙主』,謂顓臾主蒙山也。 詹,與瞻同。」〇毛氏 曰:「龜,山 《論語》説顓 泰 山在 魯之境内 曳云 也。

夷蠻貊。武伯反。及彼南夷,莫不率從。莫保有鳧繹,音亦。遂荒徐宅。至于海邦,淮

敢不諾,魯侯是若。

也。」〇毛氏曰:「宅,居也。」〇朱氏曰:「《禹貢》「徐州,嶧陽孤桐」,謂嶧山之陽,有此桐木毛氏曰:「鳧,山也。」 飛い山也。」 孔氏曰:

↑ 「一」,當據改。 「一」,四庫本、《墨海金壺》本作「楚」。按《毛詩正義

之四山 從之國也。」 是順也。」○蘇氏曰:「龜、蒙、鳧、繹,魯 有命則莫敢不應。]〇李氏曰:「惟魯侯 也。 若,順也。」○孔氏曰:「莫敢不諾 ,其餘則東南勢相聯屬,可以 謂徐國也。」〇鄭氏曰: 諾, 應辭

反。

兒 宜大夫庶士,邦國是有。 許,復周公之宇。 天錫公純嘏,古雅 之母 協。 氏曰:「令妻,令善之妻也。 鄭氏 曰:「桓元年,鄭伯以璧假許田,桓公以許與鄭。」(鄭氏 風。」〇孔氏曰:「宜其大夫之與衆 也,魯朝宿之邑也。常,或作嘗,在 也。 「常、許,魯南鄙 曰:「燕,燕飲也。 曰:「純,大也。 僖公娶於齊曰聲姜,母 魯侯 眉 、西鄙。」鄭氏曰: 受福 燕喜,令妻壽母。 壽 既多受祉,黄髮 令,善也。」〇朱 保 日嘏。」〇 ·薛之旁。J〇孔 魯。 壽母,壽 居 曰 一許 毛氏 常 祝 考 成 與

> 反。 孔碩,新廟奕奕。音亦。 徂 來之松,新甫之栢,是斷音短。 未復者 者也。」〇蘇氏曰:「常、許,魯之故地 慶,使 宜其室家臣庶,以保有其國 亦壽徵。」○《釋文》曰:「兒齒,落更生細 國,僖公常保有之。」〇鄭氏曰:「兒齒 是尋是尺。 與 也。 之 相 願其壽考,以復魯之侵地 松桷音角。 宜 也。 邦 奚斯所作,孔曼 有舄,音昔。 國 是 也。 有, 是度,待落 魯之邦 路寢 괌

與榱,是椽之别名。」舄,大貌。 毛氏 也。」〇朱氏曰:「新廟、僖公所修之廟。」 曰:「八尺曰尋。 甫之栢,於是斬斷之,量度之。]〇毛氏 氏曰:「僖公修造寢廟,取徂來之松、新 ○孔氏曰:「奕奕然,廣大。」○鄭氏 奚斯所作者,教護屬功,課章程也。」〇 曰:「徂來,山。 桷,榱也。 新 甫,山也。」〇 路寢, 孔氏曰:「桷 日 正 孔 之

萬。

且碩,萬民是若

且大。」○朱氏曰:「萬民是若,順萬民之修也,廣也。」○孔氏曰:「言廟甚長廣而護其事,屬付工役,課其章程。」○鄭氏曰:「曼,孔氏曰:「奚斯,公子魚也。爲之主帥,教令工匠,監

句,二章章十句。十二句,一章三十八句,二章章八十二句,一章三十八句,二章章八

望也。」

吕氏家塾讀詩記卷第三十一《駉》四篇,二十三章,二百四十三句。

吕氏家塾讀詩記卷第三十二

平,依我磬聲。

於赫

湯

孫,穆

穆

一厥聲。

我

思

成。

鼓

淵

淵

暳

嘒

既

和

且.

商頌

樂,故周大師 鄭氏曰:「自正考父至孔子時,又無七篇。 於周大師,以《那》爲首」,韋昭云:『名頌,頌之美者。』 是孔子七世之祖。《魯語》云『正考父校商之名頌十二篇 緡公生弗甫何,弗甫何生宋父,宋父生正考父。]正考父 歌也。成王殺武庚,封微子啓於宋,代武庚爲商後。 微子至戴公,凡十君。 周之大師,以《那》爲首。 樂廢壞,有正考甫者,得《商頌》十二篇 那》,祀 成 有《商頌》。」 湯 也。 戴公,當宣王時。《世本》云:『宋 微子至 孔氏曰:「祀成湯之樂 于 戴 周用 其 八六代之 間 於 自

奏鼓

簡

簡

衎

我烈祖

湯孫奏假,古雅反。

猗於宜反。

與

音余。

那

·與,置

我

靴 音

桃

夷懌。 鼓有斁,音亦。 執事有恪。 曰 注云"「鞉,所以節樂。」是樂成由鞉也。《學記》曰: 氏曰:「《王制》曰「天子賜伯、子、男樂,則以鞉將之」; 『下管鞉鼓。』蓋 之,傍耳還自擊。] 〇 歐 者。]〇毛氏 毛氏曰: 鼓無當於五聲,五聲不得不和。」是樂之所成在 靴與鼓也。」孔氏曰:「靴,如鼓而小,持其柄 太 歐陽氏曰:「湯孫,斥主祀之時王 甲以下 「美商之樂,歎而多之也。」〇朱氏)鄭氏 衎,樂也。」鄭氏 自古在昔 置,讀如『置器」之置。」○鄭氏 「猗, 歎辭。 顧予烝嘗,湯孫之將 日 萬 至紂,皆 舞 「簡簡 , 先民有作。 自 有 鞉鼓,樂之所成也。」孔 虞 陽氏曰:「《書》 奕。 可爲 **三** 那,多也。」〇 夏以來舊物常用 和大也。」〇毛氏 我有嘉客,亦不 「烈祖、湯也。」 湯孫,不 温恭朝夕, 知 Ħ 王 曰 爾。 所 氏 於 採

者爲是。□○王氏 必 僾然 其聞之遠。 不成也。」按此句與下篇「綏我眉壽」之語相似,莫知何 曰:『思,辭也。 於其思,故謂之思成。」〇朱氏曰:「思成,未 曰:「以是安我所思之人,見其所爲齊者非有也,而 有 安我 感 斥 三日,乃見其所爲齊者。 語,思其志意,思其所樂,思其所嗜。 禮記 磬,玉磬也。 聞 和平也。」孔氏曰 有 格 者 心必有 乎其嘆息之聲」,此之謂 聞乎其容聲; 于祖 何 心 相奪倫。 》曰『齊之日,思其 王爾。」〇朱 所 考也。」○ 見乎其位; 思 安我以成也。」或曰:「安我所思,無 暳 丽 堂 下 日 嗤, 知 成之,謂 是玉磬者 與玉磬之聲 「淵淵 「禮、設樂懸之位、皆鍾 氏 諸縣與諸管,聲皆 鄭 細 出 也。」〇 氏 户 周 以 深也。 曰 : 祭之日,入室, 神 居 「奏假,奏樂以 旋出 丽 鍾、鼓、磬、管同 聽,愾 明來格也 處,思其笑 「綏,安也 思成。」蘇氏 鄭 一户,肅 相 氏 深以言 依 然 ''; 亦 鼓 然 和 或 生

鄭氏 滌蕩 毛氏 兆衆大也。」○鄭氏曰:「嘉客,謂二王後 舞,干舞。」〇王氏曰:「有奕,萬舞之綴 盛也。」朱氏曰:「庸、 樂之美其聲。」孔氏曰:「穆穆然而美者,其樂之 氏 非石磬也。 樂器,磬非樂之主,而 成湯也,奏樂以樂 來助祭者。 然也。」〇毛氏曰: 音聲。□○歐陽氏 曰:「依我磬聲者,言與堂上之樂諧也。」○横渠張 烝』。」○蘇氏 制》、《祭統》言四 至于再三者, 管籥作於堂下,其聲依堂上之玉 曰 ;其聲,樂三闋,然後出 曰 曰:「恪,敬 玉磬,聲之最 《益稷》曰『戛擊鳴球』,謂玉磬也。」○王氏 「穆穆,美也。 亦不悦懌乎,言悦懌也。」 曰:「商人尚聲,臭味未成 蓋詩 日 云『依我磬聲』,明 也。」〇孔氏 時祭名,皆曰『秋嘗冬 其烈祖 鳙通。□○鄭氏 「大鍾日 無定體 「其述樂而 和平者,養心。」〇 於盛 口成湯。 作 迎牲,故其祀 庸。 矣湯孫,此 者之意或 間 此 曰: 斁斁然 異 於是鞉 稱 (於常 湯 「萬

湯 自古。 父曰: 『先聖王之傳恭,猶不敢專,稱 曰:「將,奉也。 恭敬之道,古人所行,不可忘也。 昔,先民有作,温恭朝夕,執事有 氏 作 者之後,皆 無 孫之所奉者,庶幾其顧之也。」 曰:「恪,敬也。」〇朱氏曰: 相 奪 古曰在昔,昔曰 倫 陳 於 來 庭, 助 至 湯其尚 祭,無不和悦者。]() 而 於 祀事畢矣。 九 獻 先民。二〇蘇 顧 予烝嘗哉,此 之 後 「自古 於 鍾 1格,言 閔 時 鼓 氏 在 馬 毛 曰 王 交

《那》一章二十二句。

之義。 毁。 宣王皆以 袓 之玄孫 之,號爲中宗。]〇孔氏曰: 烈祖 有功,而宗有德,不毁其 貢禹説 也。 》,祀中宗也。 時毀。 王 有桑穀之異, 者宗有德 古文《尚書》説經稱中宗,明其廟宗而不 廟不 へ廟。 懼 鄭氏曰: 「祀中宗之樂歌也。 而 · 毁。 匡 修 一衡以 德, 「中宗,商王太戊, 宗而 商 爲 道 一般中 復 復 毁, (興,故 -宗,周 禮,王者 非尊 表 成

> 之將。 音格。 采故反。 所。 我受命溥將。 我眉壽,黄耇無疆 羹,既戒既 嗟 嗟 刻 既 來饗,降福 載 祖 衡,八鸞鶬 清 平。 有 酤 秩 自天降康,豐年穰穰。 **,**音户。 鬷假無言,時 斯 無 祜 鶬。七羊反。 疆。 賚我 申 顧予 錫 思 無 靡 成。 ·烝嘗, 以 疆 有争。 假 錯 亦 及 如字,又 以享, 湯孫 來假 有 爾 綏 和 斯

福乃及女之此所。□○歐陽氏曰:「爾,時主 也。」〇孔氏曰:「既載清酒於樽以酌 之主也。]〇毛氏曰:「酤, 以申錫於無疆,以及爾之所。」鄭氏曰:「其 爲祖,中宗之後世以 也。」〇毛氏曰:「申,重也。」〇蘇氏 祖,戊亦可 則『嗟嗟烈 歐陽氏曰:「《序》言『《烈祖》, 嗟乎我烈祖成湯,有秩秩無窮之福,可 以丙爲祖矣。 祖』者,中 ·宗也。 中宗爲祖 湯之後 如 酒。 丙 祀 一,此常 世 以 中宗」, 甲爲 曰 以 事 湯

必正』,注云:『篆,轂 也。 然聲和。」孔氏曰:「《考工記》云『容轂 也。」鸞在鑣, 界我所思成之人,猶言『烝畀祖妣」,古語質 故 者,乘篆轂錯衡之車,駕四 黄耇之福也。□○鄭氏 肅恭而舉動得禮,所 譁,又不交侵其職 也。」〇歐陽氏曰:「執事之臣,總 陽氏曰: 曰:「鬷,總。 羹者,五味調,腥熟得節。] 〇朱 羹』,乃是直陳祭時酒與羹爾。」 〇 曰:「上言『既載 戒,夙戒也。平,平和 神明 歐 孔氏曰:「軧者,長轂之名,以皮纏約,而朱漆之 陽 始 「神賚我,使成祀事也。」 ○鄭氏 、 賜之, 我所思 氏 謂 曰: 助 四馬則八鸞。 祭之諸 假,大也。總大無言,無 「約 約也。」彼言篆觀,即此 清 位,以見在廟之人,皆 軝 侯也。 酤」,下言『亦 而得成。」蘇氏曰: 以 錯 日 神 也。」〇 衡 明錫以眉壽、 馬,其鸞 諸 「以假 約 侯 軝, 必直 歐 日 來 氏 (也。 」 鶬 以 ?約軧。 陽 助 無 毛 有 鶬 曰 和 享 鶬 以 氏 氏 祭 飾 争 和

> 宗來格而享其祭,報之以福。 故獲得豐年穰穰然。」○歐 祭。」〇朱氏曰:「言我受命廣大,而 受天命溥將,天降豐 故 予烝嘗哉,此湯 以豐年黍稷之多。」孔氏曰:「從天下平安之福 者,謂諸侯既至 曰:「祀 曰:「人既助之,天又應之,然後 云來饗者,謂神來至而歆饗也。」○蘇氏 享者,謂諸侯者來助,致享於 溥將 也。 ,溥且大。」

> 」

>)

> 歐陽 中宗而曰湯孫者,有天下以 而助享 孫之所奉也。」 陽氏曰:「上云以 穰 也。」〇 氏 使我 曰 一、「我 神也 蘇 曰 備 〇 王 其 庶 氏 物 時 尚 幾 天降 日 氏 衵 而 顧

疆」也 禮》載祭祀燕享,每始言羹定。 羹熟爲節,然後行禮。 及爾斯所」,言流慶無窮。 其後蓋 亦亦 有和 未 艾 羹,既戒既平」、《 也, 定,即戒 所謂 今方 申 於 儀 無 爾

者,得其 時 謂 羹」,皆言祭之始 和歲豐,祭禮得成,所謂 也 此 所 説也。 謂 既載 也。 清酤」、「 豐 年 可 穰 以 亦 穰 備 有 物 和

《烈祖》一章二十二句。

亦表顯之、號爲高宗云。」○孔氏曰:「祀高宗之樂歌也。」 宗玄孫之孫也,有雊雉之異,又懼 玄鳥》,祀高宗也。 美也。」 祖 祖 王氏曰:「《玄鳥》祀高宗之詩,而上 一,下有 下稱 其孫 以 貽 其 子而已。 孫子,是乃高宗之功 鄭氏曰:「高宗、殷王武丁,中 而脩德,殷道復興,故 蓋 上有以 紹其 頌 其

有。 武丁孫子,武王靡不勝。 天命玄鳥,降而 ,四海來假,來假祁祁。 湯,正域彼 商之先后,受命不殆,在武丁孫子。 是承。 邦畿千里,維民所止。 四方。 生商,宅殷土芒芒。 方命厥 龍旂十乘,大糦尺 景員維河,殷 后,奄有九 肇域 古 彼 帝

受命咸宜,百禄是何。

氏 群后也。」○毛氏 徧告諸侯也。」鮮于氏曰:「隨其所在之方,而命 之先祖 者成湯。]〇李氏曰:「正域彼四方,正 武湯也。」○鄭氏曰:「武湯,有威武之德 亳之殷地 也。」〇鄭氏曰:「自契至于湯八遷,始居 李氏曰:「生契 記其祈福之時,故言『天命玄鳥』。」去艺,大貌。 鳥至日,以太牢祀于高禖。」玄鳥春分而至,氣候之常 率與之祈于郊禖而生契,故本其爲天所 毛氏 命,以玄鳥至而生焉。 燕燕, 鳦也。」色玄,故又名玄鳥。《月令》:「仲春,玄 方之疆域。」○鄭氏曰:「方命其君,謂)王氏曰:「古帝命武湯,言古者上帝命 鄭氏 曰:「玄鳥, 鳦 「覆有九州,爲之王也。」○孔氏 曰:「契爲堯司徒,有功封商。」○ 有娀氏女簡 而受命,國日以廣大芒芒然。」 日 而謂之商者,契封於商 「九有,九州 也。 狄,配高辛氏帝。 孔氏曰:「《釋鳥》云: 春分玄鳥降, 也。」〇鄭 其

耳。 武丁孫子哉?」〇毛氏曰:「畿,疆 氏謂『高宗之孫子,有武功,有王德於天 孫。」○曾氏曰:「所謂武王者,皆成湯 使分助四方之祭故與?」○蘇氏曰:「湯 世世受天命無有危 君,罔不受命,遂奄九州而 始受命,以正域四方之諸 乘者,疑諸侯當朝者,歲以 也。」〇朱氏曰:「商世諸侯多矣,而止 奉承而進之。」《釋文》曰:「大糦、《韓詩》云大祭 ○鄭氏曰:「止,猶居也。」○曾氏 下」者,此非所以稱繼體守文之君。 『武王靡不勝』,言湯無敵於天下也。 於祭之時,有大黍稷之食,此諸侯於是 曰:「乃有諸侯建 ·肇域彼四海」,殷受命咸宜,豈所以 邦畿千里,維民所止,人於其所歸 再言『武丁孫子』,當念其祖 龍 殆,以至武丁之子 旂者十乘,來 服數爲節,又 有之。 侯。 四方之 助 其 後 赴則 也。 曰 也。 祭。 况 鄭 稱

> 荷通。」 也。 也。」〇朱氏曰:「「景員維河」之義未詳。」 〇 朱 氏 意。 禄是何,謂檐負天之多 曰:「咸宜,無不宜也。」○鄭氏曰:「百 如衆水之赴河。」王氏曰:「景,與「既景乃岡」同 蘇氏曰:「其至者祈祈而多,其大而 毛氏曰:「景,大。員,均。 也。」〇鄭氏 止 ○《釋文》曰: 焉。 員,與『聊樂我員』同義。 皆來朝覲 商之盛 曰:「假,至也。 「維河、王肅以 貢獻,其至也祈祈然。」〇 時,邦 畿千里,民所 河,蓋武丁孫子所 福。」朱氏日 爲河水。二〇 何,任 祈祈,衆多 一一何 也。 歸 均, 赴 都

《玄鳥》一章二十二句。

以大禘爲殷祭,謂『禘祭宗廟』。」○王氏曰:「《長發》,《長發》,大禘也。孔氏曰:「大禘之樂歌也。王肅

則帝嚳。」○横渠張氏曰:「《長發》大禘,禘其祖之所自出,禘也。」○横渠張氏曰:「《長發》大禘,禘其祖之所自出,及《祭統》言『春礿、夏禘、秋嘗、冬烝』,則夏祭宗廟亦名禘爲小,則禘其祖之所自出爲大矣。」○孔氏曰:「《王制》時之禘故也。今曰大禘,則商有四時之禘故也。四時之時之祕故也。今曰大禘,則商有四時之禘故也。四時之以爲大禘之詩也。《雝》、《序》以爲禘太祖,周無四

方將,帝立子生商。 土方。外大國是疆,幅隕音圓。 既長。 有娀濬哲維商,長發其祥。 洪水芒芒,禹敷下

商室也。」
商室也。」
年氏曰:「有娀氏始大,故帝立其女之子,而造也。」朱氏曰:「有娀氏國方大之時,帝立子生商天祐契,使賢而生有商國也。」○王氏興之由,『有娀方將,帝立子生商』,謂上興之由,『有娀方將,帝立子生商』,謂上明之由,『有娀方將,帝立子生商』,謂上明之,與已佐禹,是其祥久見也。又説商時,契已佐禹,是其祥久見也。又説商

烈,海外有截。才結反。達。率履不越,遂視既發。相息亮反。土烈逹。率履不越,遂視既發。相息亮反。土烈玄王桓撥,本末反。受小國是達,受大國是

毛氏曰:「玄王,契也。」○王氏曰:「『受 「契之爲人,武而能治。」○王氏曰:「『受 三『玄之又玄』是矣,不必爲黑也。」孔氏 三『玄之又玄』是矣,不必爲黑也。」孔氏 三『玄之又玄』是矣,不必爲黑也。」孔氏 三『玄之又玄』是矣,不必爲黑也。」孔氏 三『玄之又玄』是矣,不必爲黑也。」孔氏 三『玄之又玄』是矣,不必爲黑也。」孔氏 三『玄之又玄』是矣,不必爲黑也。」孔氏 三『玄之又玄』是矣,不必爲黑也。」 三『故呼爲王,非號爲王也。」○蘇氏曰:「桓,武 本鳥降而生,故曰玄王。」」○蘇氏曰:「桓,武 本鳥降而生,故曰玄王。」」○蘇氏曰:「桓,武

小,能 土居夏后之世,承契之業,人爲王官之 昭明子相土。二〇鄭氏曰:「截,整齊也。 民,則既發以應之矣。]〇毛氏 也。」〇朱氏曰:「言契能率不越,遂視其 者,循行無所踰也。」〇蘇氏曰:「履 言其無所不宜也。」○王氏曰:「『率履不 意。」朱氏曰:「達. 小 十里起,豈相土之後嘗中衰歟?! 之外率服,截爾整齊。」朱氏曰:「其後湯以七 土,契孫也。」孔氏曰:「《殷本紀》云:『契子昭 ,出長諸侯,其威武之盛烈烈然,四 或 是達,受大國 達其道也。 ,通達也。 達,與『在邦必達』同 是 達」者,隨 受小國大國,無所不達 曰:「相 所 受 ·越 明 大 相

時反。帝命式于九圍。躋。子兮反。昭假古雅反。遲遲,上帝是祗,諸帝命不違,至于湯齊。湯降不遲,聖敬日

嘗去之。至於湯而王業成,與天命會蘇氏曰:「商之先祖,既有明德,天命未

曰 : 焉。□○朱氏 與『成王之孚,下土之式』同意。」李氏曰: 聖敬又日躋升, 曰: 下,各爲九處 九州也。」孔氏曰:「謂九州 李氏曰:「式,法也。」○毛氏曰:「九圍 曰 : 久也。言其純亦不 帝命之爲法於天下也。」 以能祗上帝,故帝命式于九圍也。式, 假,言感假。」○鄭氏曰:「祗,敬也。」○ 「昭假 示 「湯生 . 遲 2,言疾 昭 也 規圍然,故謂 曰 假上帝也。」〇鮮 應期 : 也。 以至昭假于天。 降, 丽 ·已也。」〇王氏 躋,升 降,適當其 之九圍 九圍者,蓋以九分天 生 也。」〇 也。」〇 也。」〇朱氏 于氏 時。 王 日 毛 曰 氏 氏 其

優,百禄是遒。子由反。何天之休,不競不絿,不剛不柔。敷政優受小球音求。大球,爲下國綴張衛反。旒。

大球,小國大國所贄之瑞也。」○鄭氏毛氏曰:「球,玉也。」○王氏曰:「小球

教,則優優而 不急躁,不太剛 趙,聚也。」○孔氏曰:「又述湯不争競, 也。」〇毛氏 荷其天之福 〇李氏 侯 『七旒」,是旌旗垂者名爲旒也。] 〇孔氏曰:「諸 日 心 「《大行人》及《考工記 「繋天子,如旌旗之旒,綴著於縿。」 綴 曰:「諸侯皆服屬 猶 日 結 也。」〇鄭氏曰:「不競,不争 和 也。 ,故百禄聚而歸之。」 「絿,急也。 猛 旒 ,不太柔 》説旌旗之事,皆云『九旒』、 · 旌 之垂 於我,此 優優,和也。 弱,敷陳 者 也 所 以 孔 政 負

戁奴版反。 受小 云 英俊厚德之君。」〇朱氏曰:「駿厖之義未詳。」〇董氏 曰:「駿之言俊也。」〇孔氏曰:「鄭以爲,湯爲下國 也。」〇毛氏曰:「駿,大。厖,厚也。」鄭氏 王氏曰:「小共大共,小國大國所共之貢 何天之龍。 · 共音恭。 「《齊詩》作駿駹,謂馬也。」○毛氏《蓼蕭》傳 龍, 不竦,小勇反。 寵 大共,爲下 也。」〇孔氏曰:「荷天之榮 敷奏其勇,不震不動。不 百禄是總。子孔反。 國 駿 ()音峻。 **尨**,莫邦

豕韋,彭姓也。顧、昆吾,己姓也。

此

紀當時用

師之序也。」〇鄭氏曰:「韋

商

矣。

韋、顧

既伐,而

昆

吾、夏桀次之,

桀與三蘗皆不能

遂

其惡,而天下截然歸

吾也,皆桀之黨

也。

湯

既受

命征

三蘗也,本則夏桀,蘗則韋也、顧

不義,昆、民

火,誰敢禦我?」〇毛氏曰:「苞,本也。」

○朱氏曰:「蘖,旁生萌蘗也。言一本生

武王載斾,蒲貝反。 莫達。九有有截,韋顧既伐,昆吾夏桀。 烈,則莫我敢曷。 李氏 氏曰:「曷者,誰何之謂也。」○鄭氏 毛氏曰:「武王、湯也。 竉 恐懼之心,百福所以總而歸之也。」 不戁恐,不竦懼 建斾持鉞,興師誅 日 一「又陳 毛氏 日 進其 : ,毅然以天下自任,無有 苞有三葉,五葛反。 有虔秉鉞,音越。 戁 勇,不可震,不可動 有罪,其威 恐。 施**,**旗也。」○王 竦, 懼 勢如 如火烈 也 莫遂 日 猛

弘曰"「是昆吾稔之日也。」」《檀弓》注曰"【桀以乙 黨於桀惡 十八年《左傳》云:「二月乙卯,周毛得殺毛伯過。 長 後八姓,己姓昆吾、 夏桀則同時誅 , 湯先伐韋、顧, 克之。 ·顧、温,彭姓豕韋,則商滅之矣。 也。」孔氏曰:「《鄭語》云祝融其 昆吾、 昭

昔在中葉,有震且業。 卿士,則伊尹也。 降,猶『維嶽降神』之降,言天賜之也。 爲官名。」〇孔氏曰:「昔在中間之世,湯 衡,平也。 伊尹,湯所依倚而取平,故以 前世中衰時與? 未興之前,國弱而危懼也。二〇朱氏曰: 毛氏曰:「葉,世也。業,危也。」○孔氏 曰:「震,懼也。」〇鄭氏曰:「阿,倚。 ·承上文而言昔在,則前此矣,豈謂湯之 實維阿衡,實左音佐。右音又。商王。 天下也。」〇劉氏曰:「禘于太祖,則功 虔,敬也。「有虔秉鉞」,敬天討也 言至於湯,得伊尹而 允也天子,則湯也。 允也天子,降予 卿

> 臣與祭,故言伊尹 也。

《長發》七章,一章八句, 句,一章九句,一章六句。 四

其阻,莊呂反。 撻他達反。彼殷武,奮伐荆楚。 《殷武》,祀高宗也。 孔氏曰:「祀高宗之樂歌也。」 ,湯孫之緒。 裒蒲侯反。 · 荆之旅。 有截其 罙面規反。

所

之功。」 武丁之世,不知楚君何人也。] 〇蘇氏曰:「自盤 國也。」孔氏曰:「周有天下,始封熊繹爲楚子。 壹。」〇朱氏曰:「湯孫之緒業,皆高宗 高宗所伐之處,國邑皆服其罪,截 武以伐其國。]○鄭氏曰:「所,猶處也。 庚没而殷道衰,楚人叛之,高宗撻然用 毛氏曰:「撻,疾意也。 荆楚,荆州之楚 【然齊 於

衆無所遁逃,窮而保聚,如 深人其阻,衰荆之旅。J謂入巢穴, 勾踐棲於 其

會稽之類也。

是字。 ^{啼反。}羌。莫敢不來享,莫敢不來王,曰商維女荆楚,居國南鄉。昔有成湯,自彼氐都

克之,則告之曰: 四 自 者。 不至哉?』] 遠夷,一世一見於王。」○王氏曰:「荆楚居國 孔氏曰:「首章言伐楚之功,二章言責 南鄉,比之氐羌則 之義。」〇鄭氏曰:「氐羌,夷狄國 此商之常禮也。 夷事中國,乃常道也。] 〇蘇氏 .彼氐羌,莫敢不來享,莫敢不來王,謂 昔成湯之世, 享,獻也。 世見 『爾雖遠,居吾國之南 近國 雖氐羌莫敢不來朝, 况於女荆楚,則曷敢 王。」孔氏曰:「氐羌 爾。 成湯之時, 日 在 西 既 方

追。

命于下國,封建厥福

辟,勿予禍適,直革反。稼穡匪解。音懈。天命多辟,音璧。設都于禹之績。歲事來

毛氏曰:「辟,君。

適,

過

也。」〇

鄭

氏

毛氏

曰:「商邑,京師也。」〇

鄭

氏

티 : 天命降監,下民有嚴。 狄率服,則天下無事,所先者農事耳。」 懈,庶可以免咎矣。』.〇李氏曰:「言 見於王,以祈王之不譴,曰:『予稼穡 夏之君,凡建國 來王也。] 〇蘇氏 曰 「多,衆也。 于禹 衆君,諸侯 曰:「荆楚既服,天命諸 不僭不濫,不敢怠 迹者, 咸以 也。 來辟 歲 事 夷 匪 來 猶

國,而『封建厥福』,蘇氏曰:「封建其所當福。」「不僭不濫,不敢怠遑」,則天命之於下係、皆在下民,則『下民有嚴』矣。惟略監,皆在下民,則『下民有嚴』矣。惟是,皆在下民,則『下民有嚴」矣。惟是氏曰:「不僭不濫,賞不僭,刑不濫

靈。壽考且寧,以保我後生。 商邑翼翼,四方之極。赫赫厥聲,濯

濯

厥

此高宗所以受命中興也。」

孫也。」 之享國五十有九年。我後生,謂後嗣子 中興之盛如此。 朱氏曰:「赫赫厥聲,濯濯厥靈,言高宗 聲也。濯濯,光明也。 ^{恭敬。}」○孔氏曰:「赫赫, 倣,乃四方之中正 極,中也。 商 邑之禮俗, 壽考且寧云者,蓋 也。」孔氏曰:「翼翼然禮 靈,神靈 顯盛也。 翼 翼 然可 也。」〇 聲,美 高宗 則

旅楹有閑,寝成孔安。 斵陟角反。是虔,松桷音角。有梴,刃連反。❶陟彼景山,松栢丸丸。是斷音短。是遷,方

景山,掄材木,取松栢易直者,斷而遷問"「寢,廟中之寢也。」○鄭氏曰"「升稅。」○鄭氏曰"「放楹,衆楹也。」○朱氏氏曰"「丸丸,易直也。遷,徙也。梴,長氏曰"「鬼人」。」○朱氏氏曰"「鬼人」,為直也。 遷,徙也。極,長氏曰"「泉」,以為直也。」○朱氏曰"「鬼人」,為直也。」(朱氏曰"「鬼人」),為

之之詩也。」

○孔氏曰:「謂徙之來歸也。」○孔氏曰:「安,所極,會有閑然而大。」○朱氏曰:「安,所長桷者,椽也。椽以長爲善。陳列其長桷者,椽也。椽以長爲善。陳列其長桷者,椽也。椽以長爲善。陳列其之。」孔氏曰:「以松爲屋之榱桷,有梴然而方正而斵之。」〇朱氏曰:「虔,亦斷截。」之之詩也。」

七句,一章五句。《殷武》六章,三章章六句,二章章

《那》五篇,十六章,百五十四句。

吕氏家塾讀詩記卷第三十二

[「]列」,原作「烈」,據四庫本、《墨海金壺》本及《毛詩正「刃」、《經典釋文》作「丑」,當據改。

義》改。

後 序

世求詩 莫知折衷。 漢興,言《詩》者三家、毛 六經遭秦火多斷缺,惟三百篇 人 (之意於千百載之下,異論紛紜, 氏 最 幸 著。 而 後 獲

未 泳 西 其 編帙既多,傳寫易誤,建寧所刻益又脱遺 者始知所歸一 其善者,萃爲一 共之學不止於是 就 聖 漕 友丘漕宗卿惜其傳之未廣,始鋟木於江 獨 臺。 涯,至以此得疾且 東萊吕伯共病之,因取諸儒之説, 此書粗 噫 ! ,今東州士子家寶其書。 書,間或斷以 伯共自少年嚅嚌道 備 誠 ,然使學者 不可 死, 使 六經皆有論 己意,於是學 因 其 是 無 書以 傳。 真,涵 著 而

> 先王 君事父,則 壬寅重陽後 所 以 厚 於聖學之門戶豈小補哉? 人 倫、 日 美教化,君子之所 ,錫山尤袤書。 以 事 淳

熙

同。 德等九人銜名,是必從萬曆本出 本,前有顧《序》,後有南京吏部後學 余未之見。得見者,清嘉慶辛未聽彝堂 次爲萬曆癸丑陳氏刊本,有顧起元《序 四行,行十九字,當出於天祿藏本之一。 也。 墨海 得宋本於豐存叔家」。 氏 影先 以 明嘉靖辛卯傅氏刊本有陸釴《序》,稱 此 後 金 此 禄 瞿 覆 壺》、錢氏《經苑》、胡氏《金 與各本參校行款,獨與原書條例 琳 氏 一十四 印,其源 鐵 琅 琴 宋 銅 行,行十九字,均與 本 劍 大 樓 抵 余見有殘本,亦 所 出 藏 於 十二行, 嘉 孝宗 也 靖 刊 史 張 此 行 時 本。 氏 樹 刊

> 誤。 條 者 兩 相 本各脱 天水之名槧矣。 亦 然則 尚 曆本、聽 有 十條。 是刻也,豈特駕衆本而上之, 九 亦 條 無 彝堂本 脱 獨嘉靖本源出宋刻,所 竊恐其所據之本不 海鹽張 漏。 · 各 張 脱 元濟。 氏 十 本 條 凡 脱 能 + 抑 無 脱 胡

又有顧 嘉靖間: 款與此 是書在 本。 海 出 諸 眉 佳 瞿氏藏書目以宋本校各本,歷舉宋本 南昌 金 陸 山賀春卿刻,鶴山魏氏爲之序。 「處,今摘録 今以此 壺 本,益多譌 一, 但 鄞陸氏釴得宋本於豐存叔,刻 ,宋有建寧巾箱本,又有蜀 氏起元《序》,刻於萬曆間, 本不同,參以古體,頗亂舊文。 `所刻, .載朱《序》,不載尤《序》,行 本參校,如卷首《條例》 如 左 但據 脱。 顧本,并未 近邑 中張 氏《 · 見陸 墨 明 有 即

「諸家或未備,以己説足之,録於

身而 氏 也」五大字,下又有「范氏 三大字。《十月之交》第八章注 腢」七大字,下又有《釋文》曰『音愚, 各本皆脱 此 增 自 十二小字,下又有「而 「《釋文》曰『頻小反,脅後髀前 車攻》第七章注,「故自左膘」,下有 每 底,至也。」王氏曰:『其俗如此,亦孔 曰」三大字。《小旻》第二章注,「朱 友自逸』二十四小字,下又有「 曰『故不敢傚』」,下有「我友自 '肩前也」'」九小字,下又有「爲上殺」 本概低二格,與《條例》所云合。 「東萊曰」三字,接寫諸家之後。 第十九卷《彤弓》注以下不復提 條之後,比 『具猶俱 去者,己獨不去,故曰我不敢 加 此本獨全者,如《小雅 諸家 也二,下有「鄭氏 解低 射之,達於右 字寫。」各本 日『時 肉 曰: 有 也 其

曰」,下脱「父母,指文王 如《周南・汝墳》末章注,「長樂王 六大字。有陸本未脱而顧本又脱 氏曰」十五大字。《頌 雅・大明》第四章注「王氏曰」,下 舒鳩、舒鄝、舒庸」三十三小字。 之,是楚之稱荆 孔氏曰《殷武》曰『維汝荆楚』,已并言 氏曰」,下有「孔,甚也。 辭」十七大字。《小明》第二章注「鄭 氏曰:"憚,勞也。]朱氏曰」十五大字。 不閱,遑恤我後者,無如之何,自決之 注,「毛氏曰『念父孝也』」,上有「我躬 之哀矣。二十八大字。《 烈,大也」,上有「休,美也。 洽之陽、渭之涘,則莘國所在也。 漸漸之石》序注「舒庸」,下有「之屬 孔,甚。邇,近也。』鄭氏曰」十 ,亦已久矣。《傳》 庶,衆也。 小弁》第 載見》章注 也。 李氏曰」 毛氏 《大 八 氏

舉

也

胡

有之。 射」」十四小字。(嘉靖本、錢本、胡本 脱「孔氏曰『行燕至安賓之後而行 後改」,下脱「縣以避射」四大字,下又 字。 躬不閱,遑恤我後。王氏 大字。《小雅・小弁》末章注、「故 胡本均不脱)《閟宫》末章注,「路寢、 牧之坰野」,上脱「毛氏《芣苢》傳曰 均不脱)《魯頌• 之曰」下脱「毋逝 修之廟』」十一 正寢也」下脱「朱氏曰『新廟,僖公所 『薄,辭也』」九大字。(嘉靖本、錢本、 則國家彊矣」,下脱「李氏《抑》詩解曰 至陸、顧 八大字。(嘉靖本、聽彝堂本、錢本、 『苟能得人,則四方皆訓效之矣』:十 《賓之初筵》首章注,「既安賓,然 如《周 兩本不脱而張本獨 頌 大字。 駉》首章注,「毛氏 我梁,毋 烈文》注,「得賢 (嘉靖本不脱) 發我符。 日一十九 脱者,又 大 我



慈湖詩傳

〔南宋〕

王承略簡

張 陳 撰 春 錦 珍 春

校點

王正一

漢廣	苤 苢	兔罝	桃夭	螽斯	樛木	卷耳	葛覃	關雎	周南	卷 一 :	慈湖詩	四庫全書	序	校點說!
											傳自序	·全書提要 慈湖		明
												湖詩傳二十卷		
	· · · · · · · · · · · · · · · · · · ·	· · · · · · · · · · · · · · · · · · ·			· · · · · · · · · · · · · · · · · · ·									
七	五。	四	Ξ	_	0	七	五	_		_	_	_		_

目

録

邶	卷三	翳虞	何彼穠矣	野有死鏖	江有汜	小星	摽有梅	殷其靁	羔羊	行露	甘棠	采蘋	草蟲	采蘩	鵲巢	召南	卷二	麟之趾	汝墳
· · · · · · · · · · · · · · · · · · ·	· · · · · · · · · · · · · · · · · · ·																: : : : : : : : : : : : : : : : : : : :		

乘舟 五七 五五	五六	五五	北風 五四	北門 五三 衛	泉水	簡兮 五〇 車駅	旄丘······· 四九	式微 四八	四四	苦葉 四三		撃技 型つ 君子偕老		柏舟 ·································· 三五 卷四 ··································	慈湖詩 傳

目 録	緇衣 〇〇	鄭	丘中有麻 九九	大車 九七	采葛 九七	葛藟	兔爰 九五	中谷有蓷 九四	揚之水 九三	君子陽陽	君子于役 九一	黍離					有狐	伯兮 八七	河廣 八六	芄蘭 八五	
111	溱洧 一五	野有蔓草 — 一四	出其東門 一一三	揚之水 一一三	子衿 一一二	風雨 一一一	東門之墠 一一一	丰 一一〇	褰裳 一一〇	狡童 一○九	蘀兮 一〇九	山有扶蘇 一〇八	有女同車 一〇八	女曰雞鳴 一〇六	遵大路 一〇六	羔裘 一〇五		大叔于田 一〇二	叔于田 一〇一	將仲子 一〇〇	

	澤陂	株林	月出	防有鵲巢	墓門	東門之楊	東門之池	衡門	東門之枌	宛丘	陳	權興	渭陽	無衣	晨風	黄鳥	終南	蒹葭	小戎
	一六九	一六九	一六八	一六七	六六六	一六六	一 六 五	一 六 五	六四	六三	六三	一六三	一 六 二	六二		六〇	一五九	一五八	五三

狼跋	九罭	伐柯	破斧	東山,	鴟鴞	七月	MA	下泉	鸤鳩	候人	蜉蝣	曹 · · · · · · · · · · · · · · · · · · ·	+	匪風	隰有萇楚	素冠	羔裘	橧
:	•	•		•		:	i			Ė	•	i	:	i	•	į	•	•
一 九 五	一 九 四	九三	一 九 二	八八八	一八七	一七九	一七九	一七八	一七六	一 七 五	七四	一七四	一七四	一七三	七二	七一	七一	一 七 一

由儀 二一三 無羊	南山有臺 二一〇 斯干	崇丘 二一○ 人 我行其野	南有嘉魚 二一〇 黄鳥	由庚 二一〇 白駒	魚麗	華黍 二〇八 / 小雅二	 南陔 二〇八	杕杜 二○七 │ 沔水	出車 二〇五 庭燎	采薇 二〇五 鴻鴈	天保 二〇二 吉日	伐木	常棣	皇皇者華 一九九 / 六月	四牡 一九八	鹿鳴 一九七 / 彤弓	小雅一 一九七 湛露	卷十一 一九七 夢蕭

目 録	北山 二八九	小雅四 二八九	卷十四 二八九	四月 二八六	大東 二八二	蓼莪 二八〇	谷風 二七九	巷伯 二七五	何人斯 二七二	巧言 二六九		小宛 二六一				传》十三 ······ 二六一	雨無正 二五七	十月之交 二五三	正月 二四八	節南山 二四三
七	角弓 三二六	采菽 [:] [] []	魚藻 三二三	賓之初筵 三一八			頻弁 三一三		桑扈 三一二		卷十五 三一二		瞻彼洛矣 三一〇	大田 三〇六	甫田 三〇四	信南山 三〇二	楚彂 二九六	鼓鐘 二九四	小明 二九二	無將大車 二九一

皇矣 三五八	思齊 三五五	早麓 三五三	棫樸 三五一	緜 三四四	大明 三四二	文王 三三八	大雅一 三三八	卷十六 三三八	何草不黄 三三七	苕之華 三三七	漸漸之石 三三六	瓠葉 三三五	緜蠻 三三四	白華 三三四	隰桑 三三三	泰苗 三三一	采緑 三三〇	都人士 三二八	菀柳 三二八	慈湖詩傳
崧高 三八七	雲漢 三八六	桑柔 三八五	抻 三八四	蕩 三八四	板 三八三	民勞 三八三	卷阿 三八二	泂酌 三八二	公劉 三八一	假樂 三八〇	鳧鷺 三七九	既醉 三七七		生民 三七三	大雅二 三七三	卷十七 三七三	文王有聲 三六九	下武 三六七	靈臺 三六五	Л

目 録	噫嘻 四〇三	臣工 四〇〇	思文 三九九	執競 三九八	時邁 三九七	我將 三九七	昊天有成命 三九五	天作 三九四	烈文 三九三	維清 三九三	維天之命 三九一	清廟 三九一	周頌 三九一	卷十八 三九一	召旻 三九〇	瞻卬 三八九	常武 三八九	江漢 三八八	韓奕 三八八	烝民 三八七
九		般 四一九	齊 四一九	桓 四一八	酌	絲衣 四一六	良耜 四一六	載芟 四一四	小毖 四一三	敬之 四一二	訪落 四一一	閔予小子 四一〇	武 四〇九	有客 四〇九	載見 四〇八	雝四〇七	潛 四〇六	有瞽 四〇五	豐年 四〇三	振鷺四〇三

樓鑰答楊敬仲論詩解	附録	殷武	長發	玄鳥	烈祖	那	商頌	卷二十	閟宫	泮水	有駜	駉	魯頌	卷十九
四四七	四四七	四 四 四	四四〇	四三八	四三八	四三六	四三六	四三六	四二七	四 二 五	四 二 四	四 二 一	四 二 一	四二

校 點 説 明

事 孝宗乾道五年(一一六九)進士,官終寶謨閣學士, 人稱慈湖先生。 ·蹟具《宋史·道學傳》。 楊簡(一一四 南宋明州慈溪人(今屬浙江省)。 一一一二二六),字敬仲,號慈湖,

總結其學術思想。 編纂的《慈湖遺書》中。 程,明心爲修養之本。 他主張心即是道,宇宙變化即是人心的 楊氏師 從 陸九淵,是心學派 其學説主要體現在門 《宋元學案》之《慈湖學案》, 主要代 表人物之 變化過 人弟子

在《自 過《詩 之作。 無邪」的 序》中譏子夏爲小人 經》來闡發其心學主張,善於發明《詩經》「思 楊氏以 《書或名《詩解》,或名《詩傳》,爲楊氏説《詩》 精 神 和 心學思想來解 貫之旨。 儒。 楊氏解《詩》十分大膽 釋《詩經》,同時,也通 赞同《毛詩序》出自

> 《爾雅》、《左傳》、《禮記》諸 解,差失良多,不足憑信。 衛宏之說,故對《毛詩序》極力加以貶斥。 至陸德明《釋文》,則 書,毛傳、 鄭 箋、 又以爲 孔 多 疏

好

諸

異音。

可謂目空前儒,無所避畏。

而論, 附 當,甚至有親 異,自成一家之言。 旁徵博引,上自先秦諸儒,下至當時學 詁文字,或串釋句意。 般引用吴棫《詩補音》正音讀,明叶 未發,創 會亦勢所難免。 各篇正文一般分音釋和詩解兩 無慮三十餘家,皆 獲 頗 問田 豐。 當然, 家野人者,故其説多能發前 爲求一字之安,期歸 其考證名物,訓 因其重義理, 能斟酌去取,要在折 韻。 個 輕考據,穿鑿 者,即今所見 部分,音 詁字句,往 詩解則 於 訓 釋 釋 衷 或 人 所 往 訓 至 同

之 焦 書、《宋史·楊簡傳 而、《宋史·藝文志》與《宋史藝文志補》均不著録 城《國 一,在學術史和思想史上具有重 楊簡《慈湖詩 史經籍志》載「《楊氏傳》二十卷」,黄虞稷 傳》是宋代《詩》學最 》和《慈湖學案》也未曾提及。 一要的 重要 意 (的著 義。 明 然 此 作

親見。 姚集》著録書名,而焦氏、黄氏所著,或據舊文,亦非 《千頃 《詩解》」而 堂 蓋自明以來,是書即已亡佚。 書 目》 無卷數,注曰「佚」。 同。 清 朱 彝 尊《 經義 朱氏 考》則 根 據樓 著 (鑰《攻 録 作

他 集》所載其與楊 内 書》本(簡稱四庫本)和民國二十三年(一九三四)張 永樂大典》中輯出,勒爲二十卷,又從《慈湖遺 論辨若干條及館臣案語等,各附本解之下。 補録《自序》一篇、《總論》四條,而以 鏞刻《四明叢書》本,二種皆爲輯本。 是書今天常見的版本主要有文淵 簡論《詩解》書 一通,附於卷首。 樓 閣《四 四庫本從 庫 書》 媿 其 全

可通 於書 四庫本所輯《總論》,而從《攻媿集》中重新輯 考》中輯出《慈湖詩傳自序》一篇,冠於書前。 答楊敬仲論詩解》一 者,均 四 明叢 其文字與館臣所案或有不同,只要文意尚 一仍其舊。 本書》本 祖於四庫本,又從朱彝尊《經 通,並《詩解》二十餘條,附 出《樓 不 録 取 義

作爲輯本, 四庫本 和《 四 明 叢書》本訛 誤甚多。

> 等字。 方式。 孔子諱。 字情況比較複雜,在内容上,既有宋諱,又 對影響文意的異文,我們也詳爲校記。 底本中明顯 3 如《詩補音》。 整,故此次校點以其爲底本,以四庫本爲主要校本。 慈湖詩傳》引書甚博,且所引之書,有今已亡佚者 四 則填滿筆畫 一些新的問 明 叢 有鑒於此,我 在形式上,亦有改字和缺筆 な書》本い 另外、書中還避諱「狄」、「胡」、「虜」和「夷 的 題。 我們儘量仔細覈實原文,力求準 糾正了四 ,不出校。 訛 誤,且 由於《四 們對 有版本依據者,予以 庫本不少訛誤, 回 明叢書》本較 改的字皆詳爲校記,缺 兩種不同的 書中的 但 有 四 是 庫本 清 也 校改。 避諱 處 諱 産 確。 完 理 及 生

詳 目。 本書原有目録過於簡 略此 次整 理編製了一

個

筆

於學力,難免有誤,請專家學者指 正。

限

點者 王承略 王 正 陳錦春 張 春 珍

校

《詩》而誤會其意者,則「無邪」之教,正 《魯論》所記聖人之言,正恐後世必有不善讀 者,又往往穿鑿以文己之説,要於「温柔敦 章句訓故,不失之碎,則失之泥,而究宣 之,詠夫婦男女之事者, 殆十之七。而《關 而難 教,尤多昧焉。 厚」之旨,去之既遠,至於《魯論》「無 子不能作是言也。 辭,則《詩》固有不可甚解者矣。久之,乃悟 雎》爲風始,所詠乃至「反側」、「思服」并見乎 得其解。 讀《魯論 蓋三百之《詩》,今即二《南》觀 求其符於聖訓 爲政》之二章,始未嘗不疑 然從來說《詩》者,規規 ,釐然有當於 邪」之 養 非 理 于 夫

序

無折」,「仁」、「武」、「美好」之云,反復言之,

《叔于田》諸什并非刺詩,「不當以厥 《易》,既駭怪流俗,被異端之斥,説《詩》亦 爠。 當。 有。 無駭異矣。 文》,時亦在駮辨之列。 此類,皆駮毛義。即《左傳》、《爾雅》、《釋 檖皆果實,可食,喻秦國人材皆可用也。」凡 又名山棃,又名鹿棃,亦名鼠棃。 如櫻桃,可食。楊檖實似棃而小,一名赤羅 棣,隰有樹檖」,皆以山、隰之木相配,不宜云 二章,「『六駮』,疑『赤駮』之訛,下章『山有芑 之惡,掩前時京人愛叔之善。」又謂《晨風》之 不猶人,以故千百年來,訾聱之者,往往 人心之本者,其惟《慈湖詩傳》乎? 博覽廣證,訓釋至精。 櫟實橡也,今俗曰橡斗子,味如栗。 然其務從本心證人,究極義理,期 然細抽 繹《詩》意,「懷」、「畏」、 淺學者視此,乃不能 如謂《將仲子》、 櫟、駮、棣 慈湖 叔 歸 棣 段 至 迥 説 面

之比。 年九月,後學張壽鏞序。 其人,庶幾知余言之非阿好也。 發。今余敘此書而刊之,亦冀異日復有攻媿 湖於當時已得樓攻媿之賞音,謂皆前輩所未 《詩傳》刊行之。 薄耳。 抽繹經辭爲之者,絕非駁難立異、穿鑿文飾 以證其言大率根據《魯論》「無邪」之教,而復 湖與朱《傳》多同。世之訾警慈湖者,正蹈淺 風》之「六駮」,朱亦據陸《疏》釋作梓榆,是慈 諷莊公,以戒抑叔段,則容有之耳。 至於《晨 也。即《將仲子》亦賦實事,初無刺意。若微 又曰「喜其無傷」。 刺 豈 詩。 可 謂 昔揚子嘗稱異世必有知揚子雲者,慈 余曩既校刊慈湖《易傳》,兹復取其 刺? 於《大叔于田》既曰「鄭人愛之如 朱子於《將仲子》,亦不謂其 **謹引其説之一二冠於篇端** 是《叔于田》二詩,賦實事 民國二十三 此 爲

《説文》、《爾雅》、《釋文》,以及史傳之音注

四庫全書提要・慈湖詩傳二十卷

《永樂大典》所載,裒輯成編,仍勒爲二十卷。 附 解》書一通,附於卷首。 又從《慈湖遺書》內補録《自序》一篇、《總論》 所録,皆據史志所載,類多虚 是書之目闕焉,則彝尊所説爲可信。蓋竑之 考》注曰「已佚」。今海内藏書,咸集祕府,而 稷《千頃堂書目》尚載其名,而朱彝尊《經義 是書原本二十卷,焦竑《國史經籍志》及黄虞 書目,亦多未見原書,固不足盡據耳。 [條,而 本解之下,以資考證。 宋楊簡撰。 以《攻媿 簡有《慈湖易傳》,已著録。 集》所 其他論辨若干條,各 載樓鑰與簡 至其總論列國、雅、 列。 虞稷徵刻 論《詩 今從

> 鑿。 釋《淇澳》爲多牽合,而詆子夏爲小人儒。 《爾雅》亦多誤,謂陸德明多好異音,謂鄭 取,旁徵遠引,曲暢其説。其考核六書,則自 員」之「員」爲姓,以「六駮」爲「赤駮」之訛 籣之學出陸九淵,故高明之過,至於放言自 足深信。篇中所論,如謂《左傳》不可據,謂 恣,無所畏避。 其他箋釋文義,如以「聊樂我 成不善屬文,甚至《自序》之中,以《大學》之 據《後漢書》之説,以《小序》爲出自衛宏,不 劉》以下諸篇? 其傳。 豈亦如吕祖謙之《讀詩記》獨 其《公劉》以下詩十六篇,則《永樂大典》不 書大要,本孔子「無邪」之旨,反覆 頌之篇,《永樂大典》此卷適缺, 「天子葵之」之「葵」有向日之義,閒有附會穿 然其於一名一物、一字一句,必斟 抑在明初即已殘缺耶? 無從採録。 發明。 缺《公 酌 康 · 載 去 而

古音者,固未可全以爲準焉。 顧炎武亦嘗作《韻補正》一書,以糾其失。考 作,頗爲雜濫。《補音》久佚,惟此書所引尚 古音,其病與《韻補》相等。《朱子語類》謂 存十之六七。然往往以漢魏以下之韻牽合 摭《詩》、《騷》以下,及歐陽修、蘇軾、蘇轍之 爲《韻補》五卷。《韻補》明人有刻本,其書採 詁經者比也。昔吴棫作《詩補音》十卷,又别 同異,自成一家之言,非其所作《易傳》以禪 以下,以至方言雜説,無不博引。 無不悉蒐。 才老《補音》亦有推不去者」,蓋即指此 其訂正訓 詁,則自齊、魯、毛、 可謂折衷 類。

慈湖詩傳自序

爲《周南》、《召南》,其猶正牆面而立也歟。」 父,遠之事 之所至、《詩》亦至焉。 其道則一,故曰吾道一以貫之。」又曰:「志 四方,不能專對。 又曰:「誦《詩》三百,授之以政,不達。 曰:「興於《詩》,立於禮,成於樂。」又曰: 可以興,可以 魚曰:「汝爲《周南》、《召南》矣乎? 「《詩》三百,一言以蔽之,曰思無邪。」又謂伯 詩》、《書》、《禮》、《樂》、《春秋》,其文則六, 孔子曰:「小子何莫學夫《詩》?《詩 君,多識於 觀 可以 雖多,亦奚以爲? 群,可以怨。 《詩》之所至,禮亦至 鳥 獸草木之名。」又 人而不 邇之事 《易》、 使於

子曰:「仁、人心也。」變化云爲、興、觀、群、 禮,天地之大義」,本心也,《柏舟》「憂鬱而 雎》「求淑女以事君子」,本心也,《鵲巢》「昏 至焉。」嗚呼至哉! 平常而求深遠,舍我所自有而求諸彼學者, 樂,樂也。得失吉凶、《易》也。是非、《春秋》 他」,本心也。由是心而品節焉,禮也。 不失其正」,本心也,《鄘•柏舟》「之矢死 而爲意而後昏。不起不昏,直而達之,則《關 怨,孰非是心? 孰非是正? 人心本正,起 無所不通。孔子曰:「心之精神是謂聖。」孟 人心自善,自正,自無邪,自廣大,自神明,自 也。善心雖興,而不自知不自信者多矣。 而歌之詠之,其本有之善心,亦未始不興起 昏,昏而困,困而學,學者取三百篇中之詩, 也。達之於政事、《書》也。 禮之所至,樂亦至焉。 至道在心,奚必遠求 樂之所至,哀亦 逮夫動乎意而 靡 和

閒 又曾子數子夏曰: 不雜者。 獨 愛,相 曰「女爲君子儒,無爲小人儒」,蓋謂子 有所不一,則阻則隔。 所不通,無所不一,是謂不面牆 也。 怒,爲怨,可也。 不可 於緝 苟自 有所感興而 吾心所自有之六經,則無所不一,無所不 成,雖學有三者之序,而 三千」,皆我所自 7日《周· ,退而老於西河之上。 授之以政,可也。 勝 熙純一,粹 信 臨 窮之形色,可 其 南》、《召南》者,自其首篇言之,亦其 相治, 毛公之學,自謂本諸子夏,而孔子 本 曲折萬變,可 有 可 而 然和 邇事 有 學 也。 一吾與 而 禮 也。 樂,不勉 父,可也。 不可亂也,是謂 焉 道無二道,正無二正 爲哀,爲樂,爲喜, 使於四方,可 , 則 女事夫子於洙泗之 使西河之民疑 也。 心無三者之異。 相 與群 經 有所觀於萬 而 禮 遠事君, 中, 有所不可 居,相 百 也。 無 立。 公女於 親 爲 曲 夏。 通 通。 爲 物 相 至 口 知 耐 禮

> 補録 乎 ? 子夏 有善者,今閒取焉。 夏之胸中若是,其學可以弗問 罪二 夫子 \初未嘗有章句,徒傳 也。 齊、魯《詩》今亡,韓有其説。 爾 罪 喪爾子, 也 喪 喪 爾 爾 案: 親 明 此篇從朱彝尊《經 爾 其 使 説 民 罪 而 未 三也。」: 轉 知 有 韓 丽 聞 與 至 圃 焉 毛 於 夫子 況於 亦 爾

慈湖詩傳卷

慈溪楊 簡敬仲 撰

宋

參差荇菜,左右芼之。 參差荇菜,左右采之。 求之不得,寤寐思服。 參差荇菜,左右流之。 關雎鳩,在河之洲。 之切,至於寤寐不忘。 是詩后妃思得貞静之淑女以事君子,求之 之心,鬼神之心,百聖之心。 無僞之心,不忌不妬之心,即道心,即天地 窈窕淑女,鐘鼓樂之。 窈窕淑女,琴瑟友之。 窈窕淑女,君子好逑。 悠哉悠哉,輾轉反側。 窈窕淑女,寤寐求之。 猗歟至哉,此誠確 雎鳩關關 貞

敷 ? 所好,又思采荇供祭之時,參差在水,淑女 求淑女以事君子,后妃之職也。 女,君子之所好,尤爲賢后妃之所好。 淫麗之色,此無邪之心。《民勞》之詩曰 君子之所好求,好求夫貞静之女,非好夫 静窈窕似之。 静之音,居河洲,尤見貞静氣象,淑女之貞 求淑女不可得,至於寤寐思服於心,悠哉 相與左右,比肩共取於流水之中。寤寐思 或曰「好仇」,仇,匹也,義亦通。 貞静之 以 悠哉,輾轉反側。 念淑女之德如雎鳩之貞静,又思亦君子之 之變化歟? 妬之意介其閒乎? 惠此中國,以爲民逑」,謂副民之所求。 鐘鼓樂之,油然純誠之心,兹非道 兹非即天地之心歟? 兹豈不知道者所能 逑,求也。 誠 思以琴瑟友之,又思 切如是, 詎有毫髮忌 窈窕淑令之女, 兹非 故后妃思 測識 即 其 天 地 蓋 萬

關

周

南

傳》曰 家皆以 爲刺。 《 詩 詩 采詩者取之,則其名未必本有,他人加之, 自 知。 亦未可知 曰《鴟鴞》」,遂謂篇名皆作者所自名。然 孔疏引《金縢》云「公乃爲詩以貽王,名之 所未知。如其未知,但誦詠二《南》之詩, 無邪」之言,世之所知。 雖明告之不省也,故曰「百 此,而後爲不 人或有感動,斐然而 然道心興起,不知手之舞之,足之蹈之。 韓、毛異義。 孔子以「思 無《序》 歐陽氏曰:《關雎 爲 佩 也。 康 玉 爲 一晏鳴 Ŧ · 面牆。 可 周 孔子不作《詩序》,旨在於 政 也。 毛以 南 無 、《關雎》歎之』,瓚 衰 symp邪」一言蔽三百篇,「思 之 學者 爲美,齊、魯、韓咸以 \sim 詩 關 作 召 「思無邪」之實,世 雎》 ,忽然而忘,他日 面 南 》,齊、魯、韓三 <u></u> 腦,比: 者 姓 前 一詩,而齊、 漢 日用 必 比 心 而 曰 杜 而 通 是 欽 不 平

> 《燕禮》皆用《周南 樂而 当。 刺 覺;寐,寢也。」《鄉 立。 不言其詩,致此 説淑女以刺時。」」然周公之時,康王 柝,鼓人上堂。 君子,憂在進賢,不淫其色」,其義是也 句》曰:'人君退朝,后妃御見有度,應門擊 失守、《關 而又曰「哀窈窕,無傷善之心」,則差失詩 召南 此《 詩 甚 《毛詩序》曰「《關雎》,樂得淑女,以 不淫,哀而不傷」之言,乃言其音,❶ 本詩初無此情,乃不悟孔子《關 魯 明。 詩 鵲巢》《采蘩》《采蘋 雎》刺 心し。」《 矧其辭旨情狀亦甚著,平心静 差誤。 今内傾於色,故 世, 後 陽 飲 漢 注 ジ明 雎 《毛詩》傳曰 酒 禮 一样 帝 一》、《鄉 》,則《關 詔 君《 曰 詠《 一書 韓 射 雎》非 齃 **「**寤 猶未 詩 應 雎 雎 西己 斊 門

) 「言」,原脱,據四庫本補。

下 ? 之情狀 子屢以 作之人,以支離人心,欲後世誦: 門弟子宜有所問。 於鄉樂,用於邦國,周公必已經意。又孔 周公自以意爲之,則僞辭也。 之詩也。 誦 之所作,又序其所以然之故,則誦詩 有之正心。若於本詩之外,贅曰 之詩,知皆屬正辭正情,足以感發人 篇略同。 獨於二《南》而不然? 見其國,又見其人,又見其故,至於本詩, 〈邶》而下,情狀不白者,猶或强爲之辭,奚 次人當 詩 人不知所以 而《毛詩序》不明言太姒,何 而 啟 自明。 當是孔子之所誨告,不欲明言所 非太姒作,則武 爲之。 伯 魚,啟 推世考德 若太姒 然, 門人。 而此通言后妃之德,餘 油然動於中,發諸聲 深念夫二《南》,用 本無 又屢言《關 王 ,則《關 周公述太 此情,武 何以風動 [某國 詠 雎》太姒 也? 三百 者首 雎 所 某 王 天 姒 篇 人 自

《少牢饋食禮》言「某妃」,則大夫妻亦 妃。 音,自中自 門弟子審知其旨,毛公自言其學自子 妃之德,蓋天下之通義也,故鄉樂用 如雲翳日, 《關雎》言「哀窈窕,無傷善之心」,詩 《序》,則大乖 聖人之微意邪? 今《周南》多通言后妃,《召南》亦泛言夫 而謂之《序》邪? 人,大夫妻罕指其人,豈亦果有所自,猶 無此 又乖矣。至於曲 詩中何但 可 無此情。 殫 凡民曰 情。 ·舉 ? 於《殷其靁》言「勸以義」,詩 於《摽有梅》言「男女得以及時」, 無此情,正言其不及時。 如 正,渾渾 \sim 妃耦,則士庶之妻通稱妃。 《東漢 矣。 塵 積 (書)謂 推其意,穿鑿其説 鑑 自《邶》以下多指 故孔子不作《序》。 一融 若置諸篇端,又名 矣。 融 衛 丽 無 宏作《毛 況 所 於 不 置 通 之妙, 此類奚 詩序》, 諸 其人, 中 中 如 Ì, 首 后 按 稱 於

爲菜也 敢支離 女,左右共助,以荇爲菜,謂熟之和之,成 謂菜用蘋藻也,然則芼之爲菜也。 羹」,謂以菜爲羹也。 曰:「芼,擇也。」其義未安。《禮》云「芼 情文疑阻,惟可作訓詁 旨沈没於雲氣塵埃之中,吁其甚矣。 成其義而謂之《序》。 不 聞子 。毛公、衛宏益差益遠,使聖人大 夏爲書,而毛公始 又云「芼之以蘋藻」, 蓋子夏親 於後。 有傳,衛宏 《毛詩》傳 近聖人, 思得淑 其 有 無 又

敷 ? 《補音》云:「芼,多讀如邈,未詳。」簡 無用今房六切一讀者。簡竊意方言所至 刻石『咸服』與『滅息』叶。』《詩》一十有六, 叶,秦泰山 又作犕。《士冠禮》三加祝皆『服』與『德』 用 韻 ",亦不 《補音》云:「思服,蒲 刻石「賓服」與「脩飭」叶、碣石 ·拘拘 反切, 況芼音之轉 北 切,一作匐 如 觀古 邈

> 漢《天馬歌》『友』與『里』叶,崔駰《達旨 不同, 起』叶、《楚辭・九章》『長友』與『有理』叶 殷喜』,❷《易林 也。《史記・龜筴傳》『與之爲友』叶『民衆 書》『采』與『水』叶。 郭璞《客傲》『采』與『裏』叶,陸雲《贈顧 禮者與?』杜篤《論都賦》『采』與『己』叶 安。 音》云:「右采,此禮切。 母? 今讀當亦有所自,特微訛 『此夫文而不采者與? ·友』與『己』叶。」按: 采有此苟切,友有云 安知服非扶北 匐作 蒲 北 切 坎之乾》『孝友』與『興 則 切,即 可 瑟友,●羽軌 簡 服 荀卿《賦 與今房六 然易. 作 蒲 知 北 爾。 而致有 切 切, 切 則 \sim 朋 尚 補 同 未

0

[「]殷」,原作「咸」,楊簡避宋諱「瑟」,原作「琴」,據四庫本改。

回改。 ◎ 「殷」,原作「咸」,楊簡避宋諱改字,據武英殿本《史記

二音皆舌居中,則尤叶。 「樂」之餘音亦頗叶「芼」音。若「芼」、「樂」育,無作云九切者,今定從一讀。《詩補有一,無作云九切者,今定從一讀。《詩補九切,宜從兩讀例。而《詩》用友韻,凡十

害澣害否、歸寧父母。 言告師氏、言告言歸。薄汙我私、薄澣我衣。 集于灌木、其鳴喈喈。葛之覃兮、施于中谷, 集天灌木、其鳴喈喈。葛之覃兮、施于中谷, 集天灌木、其鳴喈喈。葛之覃兮、施于中谷,

『所奇』叶,陸雲《贈鄭虔季》『喈喈』與『芳嚌,或承之衰。』徐幹《齊都賦》『喈喈』與喈。」「《太玄・樂》首:『鐘鼓喈喈,管絃嚌『舟張辟雝,鶬鶬相從。八風回回,鳳凰喈『和張辟雝,鶬鶬相從。八風回回,鳳凰喈

好小數,以爲氣無箕子。 斁』與『諾』叶,與『石』叶。 箕音同。 荄兹也」,顔師古曰:『荄,音皆。』 古荄與 池』叶,❶《説文》以皆得聲。 臣《奇布賦》『無斁』與『濯』叶。 ·射』,古射亦弋灼切。」 無斁、弋灼切。枚叔《七發》『無 『箕子者,萬 石,常約切。 漢蜀 《禮記》作 人趙 物 賓 殷 方

切,而《廣韻》、《集韻》無此字音。《釋文》切,而《廣韻》、《集韻》無此字音。《釋文》母。猗歟至哉! 此又道心,即天地之心,即鬼神之心,即百聖之心。道不離於日即鬼神之心,即百聖之心。道不離於日即鬼神之心,即百聖之心。道不離於日即鬼神之心,即百聖之心。道不離於日

●「鄭虔季」,文淵閣《四庫全書》本《陸士龍集》作「鄭曼

六

省。 鹹,鹹有深下義。 味也」,蓋本「延」義。 从鹵,从 學。 其差之甚者。 也 先儒 義,故《集韻》云:「楚人名深曰潭。」按:樓 從,然則《爾雅》不可 深廣也。 有宛然中深之狀。「實覃實訏」,后稷之聲 鬼方。深、遠義通。《大田》「覃耜」,耜端 也」,則未安。《蕩》曰「覃及鬼方」,謂深及 愷悌、發也」、「憯、曾也」、「振、古也」,此 爾雅》固多差。且如謂「誥、誓,謹 徒南切」,方音不同,不可知也。 云 「蔓延相被及」。《説文》:「覃,長味也。 ,無乃重複乎? 不思五 「覃、爾雅 徒用葛推義, 故水中深曰潭,加水以别其字。 一味何 鄭康成雖好述古,猶不能 釋言》「流、覃也。 '獨鹹 **學即「厚」字,有深厚之** 釋覃 《爾雅》謂 盡信。《説文》曰「長 溜下 曰 延。 作鹹, 覃,延也」,郭注皆 一覃,延 然 从 旱,鹹省 而 海深 施 鹵, 謂 也, 也, 即 故 鹹 延 盡 延

> 之。 **0** 《集韻》以爲利耜,止以《詩》傳、《釋文》爲據。 省。 字」八句,今本無之,當是從樓説删定。 斯》「我心易也」、《韓詩》作「施」,於以知施 而不獲,又轉音爲剡,又轉字爲耜。 見《易》有「剡木爲耜」之義,故以覃爲利。 然中深之狀」下,尚有「故曰覃耜。 剥棗」,剥音普卜反,荆公以爲養老者剥棗之皮而 施於中谷,亦未爲重複也。 聲。 音異,其來久矣,故《釋文》云:「以 有深義,今之言潭潭是也。 止取其聲而無義。 曰潭。」潭字在六書中爲形聲,如江、河从水,而工與 此二「覃」字更望考之。」又按"鑰集所載此條、「宛 《詩》曰: 潭、《説文》从水,覃聲。 後行田野閒,群兒相呼扑棗,方知《釋文》之有自 實覃實訏。」」徒含切。 潭从水,覃亦取其聲,非有義 覃卻 覃耜之音剡,疑是方言! 《集韻》: 無深義。葛之蔓延,故 毛傳殆未親見耜,徒 今正其義,平聲 『一説楚人名深 又『癉, 按:《何人 後儒求其 豉反。」 如一八月 也。 篆文覃 _ 如 説 潭 司

0

媿集》(以下稱「樓鑰《攻媿集》」)補。 「者」,原脱,據四庫本與文淵閣《四庫全書》本樓鑰《攻

《春秋傳》曰:『言歸於好。』」薄,猶 覃》,后妃之本也。后妃在父母家,則 以 不敢之意,故薄也。《毛詩序》曰:「《葛 謂之亂,❶故此處治汙謂之汙。 疏云:「鄭 也。 也 師 於女功之事,躬儉節用 於師氏之前有 以公對私爲深淺。」蘇氏曰:「言,辭也。 也。」即曷也。《書》曰:「時日害喪。」治亂 莫莫,闊大之貌。 灌 射音義同。」毛傳曰:「私,燕服也。 云:「《詩》曰:「服之無斁。」」疏云:「斁、 也。』《爾雅・釋詁》云「射, 。」夫人善心即道心,婦人志於女功,躬 傅,則可 衣爲公衣,澣謂濯之耳。言其功淺 木,叢木。《爾雅》云:「木族生爲灌。」 濩,煮之也。 '以歸· 肅敬之心,欲略汙澣,頗有 安父母,化天下以 精曰絲,粗 毛傳曰:「中谷,谷 ,服澣濯之衣,尊敬 日紹。 厭 也」,郭注 害,何 斁,厭 略 婦 志 也。 也, 中 道 在

陟彼崔嵬,我馬 觥,維以不永傷。 不永懷。 采采卷耳,不盈頃筐。 痛矣,云何吁矣。 陟彼高岡,我馬玄黄。 虺隤。 陟彼砠矣,我馬瘏矣,我僕 嗟我懷人, 寘彼 我姑酌 彼 我姑酌 金 罍,維以 周 |彼児 行。

吴棫《韻補》改正。《説文》觵以黄得聲,俗從《補音》:「姑黄切。按:原本「姑」誤作「如」,今依行,如字,京語頗與「筐」叶。觥,吉横反,

❶ 「亂」下,四庫本有「治擾謂之擾」五字。

八

《廣雅》云枲耳,亦云胡枲,江東或呼常枲, 敷。 也。 《毛詩》傳曰:「卷耳,苓耳也。頃筐,畚 曰: 「云器之易盈 器小而難於取,傾而出之可也,以是得名 空之也,故俗謂筐、筥之極小者爲空,蓋以 光 屬,易盈之器也。」今俗謂頃爲空,謂覆 叶、《左氏傳》聲伯之歌曰『懷』與『瑰』、 引《詩》皆作觵。」痡,音鋪。 疏》云:「卷耳,白華,細莖,蔓生。 '歸」叶,揚子雲《酒箴》「懷」與「危」叶。」 ·懷』與『歸』叶,劉向《九歎》「懷」與『頹. 東京賦》「允懷」與「來摧」叶,漢《房中歌 胡 苓耳,形 《集韻》 或曰作畜。」音本。 劉楨《魯都賦》『觥』與『觴』叶。 隈 切。 引《説文》:「畚,騈屬,蒲器 《釋名》:『懷, 如 鼠 而不盈者,憂思深 耳,叢 斷,音瓶。 生 《補音》:「永 如 口 盤。 也。」張 可煮 陸 也。 鄭箋 鄭 璣 而 衡 氏

旨,而曰「又當輔佐君子,求賢審官」。 《左氏》差誤亦多,周 《七月》「遵彼微行」,謂桑下徑也。《小弁》 婦 多,不可盡信。 路益明。 君夫人勞使人之歸也,殊無輔君子求賢審 曰:「牝雞之晨,惟家之索。」《卷耳》之詩 詩》傳不詳考,遂因其誤,謂周之列位。 謂周行也」,此《左氏》釋《詩》誤爾。 之好我,示我周 氏曰:「《詩》有三『周行』,此及《大東》皆 璫。」吕氏曰:「周行,周道也。《大東》詩 道路、《鹿鳴》乃道義。」《鹿鳴》之詩曰「人 「行有死人」,行,道路也,則周行爲周通之 曰 爲茹,滑 人而干人主 『佻佻公子,行彼周 而 若如《春秋傳》云「各居其列,所 少味。 爲《毛詩序》者因是又差其 之職,豈 行」,示我以周家所行 四 月 世釋《詩》之誤者 行」,行 中生子,如婦 不大亂? 亦道也。」朱 而《毛 人耳 爾

之禮。《記》云:「大饗廢夫人之禮。」未 勞役於道 公父文伯之母以 蓋以《聘禮》使還,無夫人饗。按《國語》魯 康成詳於考《禮》,亦不敢正言,而曲 諸儒終不 官之情。 役,夫人憂閔之情。夫人采采卷耳,而 之,夫人又賞勞之。 廢,故見諸《詩》歟? 師亥曰「男女之饗」。 夫 有是禮,亦有是情。 君、臣同體,君、夫人又同體,故古者夫人 通 處,故采不盈筐,因念是臣之賢,而今寘諸 盈 人人思 道而遠役。 傾筐,以其憂閔是臣 使臣 敢謂實有其事,不敢明言。 觀是詩,宛然有君夫人憂閔賢 路 一, 酌 升陟崔 惟賢故使之,惟賢故懷之。 金罍以勞其歸之情 好禮聞,因嘗饗其宗老, 嵬之高, 有情斯有禮 於是序言使臣 是當時有男女相享 使臣之還,君既 奉使出 謂 疆,不遑 踰 ,禮無僞。 Ш 狀,而 其説。 一之勞 雖 響勞 之道 鄭 臣

> 《毛詩》傳曰:「寘,置也。 勞之,喜其既歸、既見、既勞,不復 少飲食以勞享」之辭,皆喜其遠歸之情狀。 懷矣。今俗語有「且喜」之辭,有「且 如一家也。 也,馬亦勞苦而 《毛詩》傳曰:「玄馬 雷之象。 黄金飾,尊大一石。 説:金罍,酒器 玉,諸侯、大夫皆以金,士以梓。 黄 諸臣之所酢。」《爾雅》云:「山脊 也。』《爾雅》云「兕似牛」,郭注云:「一角 金罍。」 《周禮 疏云:「《韓詩》説:天子 姑,且也。 也,諸臣之所酢。人君以 虺隤矣。 · 司 '尊彝》云: 病 金 我姑酌 視則黄。 飾 言我 陟,升也。 龜 目,蓋 金罍之 「皆有」 馬者,親 兕觥 《毛 永 曰 刻 人君 酒 罍 辦 永 罍, 岡。 爲 之 以 具 憂 雲

0 有 下 原 作 稱 「云」,據四 阮刻本)《毛詩正義》及《周 庫 本、 阮元刻《十三 禮 注 疏》改。 經 注 **※本** 甚 亦病 稱歟? 土 云"「土山上有石者。」而毛傳曰「石 器,以七升之觥爲罰爵歟 詩皆無爲罰之意,得非周公作禮,始定禮 公堂,稱彼兕觥,萬壽無疆 觩」,明爲罰而不犯。」然《七月》卒章「躋彼 其不敬者』。《桑扈》、《絲衣》皆云『兕觥其 觥撻罰之事」,❷《春官・小胥》職亦云『觥 散」,●不言觥之所用。《禮圖》云:『觥大 七升,以兕角爲之。』《地官》『閭胥掌其比 角。』《特牲》『二爵、二觚、四觶、一角、一 者獻以爵,賤者獻以散,尊者舉觶,卑者舉 七升」,疏云:「《禮器》曰:『宗廟之祭,貴 也。 曰砠」,差矣。 毛傳曰:「瘏,病 也。」云何者,謂説何言則可,蓋閔之 卒於長吁,無言以繼之。猗歟至 《爾雅》云「土戴 韓詩》説觥五升、《毛詩》説觥 石 ? 」,與此《卷耳》 爲 抑角 祖, 也。 、爵之異 郭注 Щ 痡 戴 大

南

旨 足以興起人之道心,此孔子删《詩》之大 不必推求其人。三百篇中,或誦或歌,皆 覃》、《卷耳》當亦太姒之詩,然觀《詩》者正 非道心歟? 歟 ,而人知此信此者亦寡。 ,此憂閔其使臣之心非正心歟? 即《關雎》、《葛覃》之心。 IE. 《葛 心

南有樛木,葛藟縈之。 南有樛木,葛藟纍之。 《毛詩序》差誤既多既甚,理難盡信。 有樛木,葛藟荒之。 詩》傳亦未嘗言后妃,亦未嘗言不 是詩,殊 無后妃之狀,惟 樂只君子,福履成之。 樂只君子,福 樂只君子,福履綏之。 言 君 子 爾。 履將之。 · 妬忌。 今觀 《 毛

可蓋」,原誤倒

據四

庫本乙正

0

⁰ 「二觚」,原作「三觚」,據四庫 儀 閣」,原作「閣」,據四 禮注疏》改 庫本改。 本、 阮刻本《毛詩正義》與

察 ? 食,酢 亦延蔓 義同。 也。 下曲 甚。 序》,果明驗矣。 可告語矣。 忌。」 獨 此 原本脱下「故」字,今校補。 朻」,釋者引是詩「樛木」爲證,蓋朻、樛音 南,故取以 爲 喻 「木枝以下垂之故,故葛也、藟 鄭箋又從而和之,故諸儒從其後 是詩當曰君子逮下也。 《序》者始 君子 縈,旋也。」《爾雅·釋木》云「下曲 曰 至是益信《東漢書》謂 而不美。」作是詩者,偶見樛木 樛。 生。 陸 禮賢下士,故賢士之在下者由是 璣 爲喻,不必遠書南 學者觀書,奚可雷同,不復 按: 今鄭箋本「木」誤作「本」。 綏,安 葉似艾,白色。其子赤,亦 云:「藟,一名巨苽,似 立其説, 曰 與毛公傳異,而又差謬太 得纍 而蔓之。」簡 "「后妃不 衛宏作《毛 毛傳曰:「木 土也。 也,按: 燕爽, 而 鄭箋 在 考 詩 妬 其 可 曰 不 謂

> 嗚 呼 ! 與福 之徧 又祝 者多樂易。詩人於是贊其德曰樂哉君子, 而升。大抵自賢滿假者多嚴厲,虚懷下士 偶不同也。只、《説文》曰:「語已辭 則其體大矣,故主大義,其轉音則子漾反 將軍者,將軍衆而與之俱也。 子,贊之祝之之心,皆道心,而 曰 信其爲道者,「百姓日用而 只,語音也。 將 俱也。 其福曰 持 也。 此逮下之心,與夫詩人愛敬其君 曰 將者,與之俱也,願君子行履常 相 願 曰將順,曰將迎,皆與之俱也。 止、只、之皆一音,而記之者 解,即次第皆與之俱也。 君子常有 福 而 不知」也。 安。 人往往 能將其 荒者,蒙 也。 軍 曰

螽斯 揖 羽 兮。 ,薨薨兮。 羽、詵詵 宜爾子孫,蟄蟄兮。 宜爾 兮。 子孫,繩繩兮。 宜爾 子孫,振 振兮。 螽斯 羽, 螽 揖

_

也 作舂 蠰 非 蜒。J餘同《詩》疏。 螽 聲,聞數十步。」」按:《爾 也。 黍 璣《疏》云:『幽州人謂之舂箕。 螽,❷蚣蝑」,舍人曰:『今所謂舂黍也。』 蝑也。」疏曰:「此言螽斯也,《七月》云斯 陸 土蟲,一名虴 谿」者,殆蝗邪? 此螽斯也,若蝗則多矣。《釋蟲》「土螽 介謂 ,蚣蝑」,釋曰: ,蝗類也。 ,文雖顛倒,其實一也。 璣《 或謂 色或青或毼,能跳能 黍之狀作聲者,乃閒 「螽,蝗也。」《毛詩》傳曰:「螽 之螣。」許慎云:「蝗,螽也。」蔡 疏》云: 似 蝗 長而 「今人謂蝗子爲螽子,●兖州 蜢,今俗 而 小,斑黑,以 「《周南》作 然長 青,長角,長股, 蝗生子於土 而 飛。 見不多,春黍殆 雅 蜢 故《釋蟲》云『蜤 青,長角,長股, 螽斯,一名蜙 蜢」者,即 • 兩 若旱乾, 釋 股 春箕 中,釋日 蟲 相 股 斯, 鳴 切 即 蝗 蝗 作 者 蜤 春 陸 蚣 邕 0

> 不妬 音輕 推原及於不妬忌者,意謂止言子孫衆多 斯羽」喻子孫衆多爾、毛傳亦未嘗言后 如繩 其多。 羽,謂 振,整也。子孫多,故曰振振。 民、宜人、宜黍稷、宜 災則 羽 亦多於他蟲。 作 多相比密。 茅 清歟。 忌,惟《序》乃言不妬忌。 然。 曰 勝其多,害稼甚。 羽多。 薨薨,言其盛飛 蝗,不 蟄蟄,盛 子孫長少次第循序,或行或列 然則 爲災 子孫 若稍多,亦害稼。 而有聲也。 螽 則 多,謂之宜 斯 曰 家。 作 平 謂 蝽 聲。 時 是 蜢,亦 振 爾。 螠 《序》所以必 振, 子孫 是詩以「螽 音真者,鄉 揖揖,言其 蜢 蓋盛 多 詵 在 肅 猶 說,言 能 田 而 敬 悉 閒 妃 爲 官

刻

本《

爾

雅

注

振

振」,原不重

,據四庫本補

下一「蜤」字同。「蜇」,原作「蜇」,據四庫本及阮「謂」,原作「爲」,據四庫本改。

邪之有? 則義味不深,故推及之。吁! 往亦本毛義,而又多置己意焉,故益差。 宏之學,又不逮毛公遠甚。 求其義? 多如螽斯羽,何邪之有? 姓日用 面 詩言之,則爲贅,則爲不知道。 「思無邪」而已,初無高奇幽深。 牆之見。 丽 不知」。 既無邪僻,非道 不妬忌雖爲善,而於《螽斯》之 不悟道不離于平常,故曰 孔子以 一言蔽《詩 而何? 振振、繩繩 衛宏作《序》往 此正學者 於以驗衛 今子孫 何必外 三百 , 何 曰 衆

桃之夭夭,灼灼其華。 室。● 桃之夭夭,其葉蓁蓁。之子于歸,宜 桃之夭夭,有蕡其實。 之子于歸,宜其室家。 之子于歸,宜其家

之子,女子也。 桃生榮夭好,其華灼灼,女之顔色似之。 婦 人謂嫁曰歸。 其居室家

> 實之貌,有子之象也。 甚宜,不必分「男有室,女有家」也。 也。 也。 也、相安也、此夫婦和樂之正情也、非邪 宜之象也。 道。 及后妃所致,又及不妬忌。不妬忌誠善 道心也。爲《序》者不達是道,必於詩外推 而於《桃夭》之詩言之,則爲贅,則爲不知 益驗《序》果衛宏所作 「歸妹,天地之大義也」,説以動 毛傳亦未嘗言后妃不妬忌所致,於以 妹,少女也。 宜其家人,一家之人咸宜 雖說,而非邪。 其葉蓁蓁,庶 正 蕡者 心 歸 事 也 咸 妹 僻 之

東謂華爲敷。」陸德明 《補音》云:「其華,芳無切。 敷。」《易》曰『枯楊生敷,老婦得其士夫』, 亦云:『古讀 郭璞云:『江 華如

家室」,原作「室家」, 據四庫本及阮刻本《毛詩正義

0

乙正

『華』與『都』叶。揚子《反騒》『重華』與『蒼歌》『瑶華』與『離居』叶。漢《齋房樂章》《記》曰:『不當華而華。』楚大夫屈原《九

子樂湑,長利止居。」家,公胡切。《左氏叶、《易林》云:『桃夭少華,季女宜家。 君當得陰麗華。』《急就章》『芫華』與『藜蘆』梧』叶。光武曰:『仕宦當作執金吾,娶妻

告僕夫。」屈原《楚辭》『厥家」與『封狐』叶。不可重,●用不恢于夏家。獸臣司原,敢逃歸其國,而棄其家。』虞人之箴曰:『武傳》伯姬之占曰:『姪其從姑,六年其逋。

又曰: 『長鋏歸來乎,無以爲家。』揚子雲《戰國策》歌曰: 『長鋏歸來乎,食無魚。』

《酒箴》「家」與「乎」協

龜筴傳》:

『漁者

『爲阿家』,家即姑也。未詳。」按:華有胡幾何家,誰名爲預且?』或曰:家本音姑,

瓜切, 今定從一讀。❷ 且,子余切。 詩》八用華韻,七用家韻,無 家 有 居 牙切, 宜 從 有 叶 兩 此二音者 讀 例。 而

四

肅 肅 肅 箋云:「干也、城也,皆以禦難也。」《爾雅 肅兔罝,施于中逵。 肅兔罝,核之丁丁。 張罝捕之也。」《爾雅・ 云「兔罟謂之罝」,李巡曰:「兔自作徑路 丁,核杙聲也。 毛傳曰:「肅肅,敬 肅兔罝,施于中林。 「干,扞也。」孫炎云:「干,盾,自蔽扞。」鄭 赳赳, 也。 赳赳武夫,公侯腹心。 赳赳武夫,公侯好仇 赳赳武夫,公侯干城。 武貌。』《爾雅》云: 釋宫》云「樴謂之 兔罝,兔罟也。丁

「定從」,原作「從定」,據四庫本乙正

^{● 「}重」,原作「從」,據四庫本及阮刻本《春秋左傳正義》

⁷⁰⁸

明。 莊 化,獨《序》有是説,則《序》爲 城,公侯之好逑,所信任如腹如心,則「成 張施其罟。中達,達中也。 后妃之化,則偏矣。 中,武王、十亂輔德於後所致,而《序》惟言 王季、文王積德於上,太任、太姒協德於 人有德,小子有造」。 德容如此,可以爲公侯禦難衛民,如干如 周德化之盛,至於兔罝之武夫,赳赳肅 兔罝者之賢,公侯之所好所求也。 達。」此達,山林中九達之徑爾。 木聲。』』《爾雅 丁 杙」,郭注云:「橛也。」是詩疏云:「此 |逑||字之差。《關雎》云「君子好逑」,此言 肅 ,連椓之。《伐木》傳亦云: 簡誦詠《兔罝》之詩,亦覺起敬起慕, 子諒之心,油然而生,不知所以始,亦 釋宫》云:「九達謂 於是乎驗此乃太王、 毛傳未嘗言后 中林,林中也。 衛宏所作益 ■丁丁,伐 仇,疑 施,謂 妃之 肅 之 丁

報仇。二

辱之,王 兮,託天報仇。』《史記·龜筴傳》: 《補音》云:「好 古所同,天地四時之所同,鬼神之所同 不知所以終,道心融融。 曰: 『爲王餓死兮,誰者憐之? 難遺之,❷江河必 仇,渠之切。 此人心所同,千 漢趙王之歌 怒, 吕氏 囚 務 絶理 求 而

人於邪,則昏則迷。《芣苢》,無邪之詩也。采采芣苢,薄言韬之。采采芣苢,薄言韬之。采采芣苢,薄言韬之。采采芣苢,薄言韬之。采采芣苢,薄言稱之。

0

[「]伐」,原作「杙」,據四庫本及阮刻本《毛詩正義》改。

殿本《史記》此句作「辱而囚之,王雖遣之」,當據改。「囚而辱之,王難遺之」,「遺」,四庫本作「遺」。案武英

廣陵 也。 雅 略也。 注云:「今車前草,大葉,長穗,好生道邊。 采其竇」,孔 掇 本旨。 之「和 襭。」蓋扱衽而扱之於帶也。《汾沮洳》「言 搯,取之易也。 迫之意。掇,取之易也。《易》曰:「患 及他用乎? 無 人采之,此容或有之。 又安知芣苢無他 坦 釋草》云「芣苢,馬蕮。 也。」《毛詩》傳曰「拾也」,即搯 邪 其葉如車前草大,其味亦相似,徐州、 釋器》云:「執衽謂之袺。扱衽 人食之。」據此,則芣 《無説之中,外起意説,必推及於 平,則婦 則 言,語 芣苢雖 無 往 疏引陸璣《疏》云: 殆不可必言婦人也。 助之辭也。 而 人樂有子」,雖非邪言,實失 捋則一握,所取多也。 非 「車前,所治難産,遂謂 道。 先儒不 馬 薄言,有優 蕮,●車前」,郭 首 亦 知 也。 「今澤蕮 可 道 食矣。 薄, 謂 以 游 后 顧 \Rightarrow 之 爾 爪 至 不 猶 治 婦 妃 於

《易大傳》曰:「百姓 言 ? 大滑。 孔子曰「予欲無言」,正以明道 外求説。且「采采芣苢」之時,何説之可 邪即道,道心庸常,無可言者,正不必於詩 旨,則不在 兩存之,以俟後人。然孔子所取是詩之大 所得采。」然周亦西戎之地,二説 國,各賫土地異物,以爲貢贄,非周 駮云:「《王會》所記雜物奇獸,皆四夷 書・王會》云「芣苢如李、出於西戎」、王 之牛舌草,可煮作 江 名當道,今藥中車前子是也。 東 呼 掇、捋、袺、襭之時,何説 爲 其子治 蝦 是。 蟆衣。」 孔子所取,取 婦 茹,按"原本「作」字誤「其」。 人 陸 日 難 璣《 用 産。」王 疏 而 **※**云: 不 其 無俟乎言。 之可 知。」孔子 (無邪。 幽州 肅 不同, 南 引 車 · 言 ? 婦 人謂 前 遠 基 周

❶ 「馬鶇」,原脱,據四庫本及阮刻本《爾雅注疏》補

矣。」非謂民無此道也,民日用此道 知,故鮮德。 曰 「中庸之爲德也,其至矣乎? 其實庸常日用皆道,學者迷 民 丽 鮮 自 久 不

焉,故必求説索意。

叶、《司馬相如敘傳》『有』與『始』叶。 禪頌「有」與「祉」叶、《龜筴傳》「有」與「紀」 《説文》痏、洧、鮪皆以 襭,或作「擷」。 作云九切者,今定從一讀。 九切,宜從兩讀例。 「有」與『畤』叶。」按:采有此苟切,有有云 西都賦》「有」與「里」叶,傅毅《洛都 《補音》:「有 而《詩》十 有得聲。 ·用有韻 《史記 羽 軌 班固 賦》 影封 切。 無

翹翹錯 南有 漢之廣矣,不 漢之廣矣,不可泳思。 喬木,不可休息。 薪,言刈其楚。 可 泳 思。 之子于歸,言秣 漢有游女,不 江之永矣,不可 江之永矣,不可方思。 可 求 其 方 馬 思。 思

翹翹錯薪,言刈其蔞。 漢之廣矣,不可泳思。 不思而得」之心。孔子曰:「下學而 此不敢犯禮之心,即正 推於文王也。《序》曰:「《漢廣》,德 萬 知我者,其天乎?」知此者,奚止千無一, 心,非精微之心。 鬼神之心。彼不知道者,必以爲粗 及也。文王之道被于南國,美化行乎江 王矣。毛傳曰:「南方之木美。 姒,惟曰「后妃之德」,則《漢廣》不必 不可用。 心,而贅爲説焉,則亦足以亂人之道心,故 言非不善,惟 之域,無思犯禮,求 . 無 -? 思,辭也。」疏云:「以上竦之故,不可 知夫《關 無惑乎爲《序》者不足於此,而 不明乎道,不明乎是詩之道 吾則 雎》太姒之詩而 而 之子于歸,言秣 江之永矣,不可 不可 曰 心,亦道心,亦 此 得也。」是其 即不勉 喬,上 不言太 其 方 上 丽 近之 天地 推 廣 駒。 思 達, 中, 爲 漢 所

也。

褿 可永泳 又永長,不可方筏,喬木 而有或舟或筏之不同。江既湍急深險,而 水》云:「大夫方舟。」然則 又云「舫,舟也」,郭注 桴」是也。 桴浮於海」,注云「編竹木,大曰筏,小曰 之稱,簰謂之筏。」《爾雅》釋引此《漢廣》 泳 就 云:「水中爲桴筏也。」《方言》云:「泭 曰:『潛 可 不可方思」以釋「舫,附」。 ·舫、泭也」,郭注云:「水中 而 犯 而 求。 「永,長。方,附。」《爾雅·釋言》云 郭 禮 止 ",皆以· 息。 注 ጢ 行逆 刈楚、刈蔞,以秣馬、駒,是退 舫、方,桴、泭音義同。《釋言》 云: 求。」《爾 漢 喻女之貞潔,不可遽 流 上有 百 水 步,順流 底 雅 游 行 釋水》云「潛行 女, 不可休 也 以貞潔之故,不 並 舫、 **淪論** 七里。」三毛傳 《晏子 簰 方雖 息 兩 筏。」孫 語》云「乘 船 _, 江 然 7。」《釋 春秋 通 不以 漢 用 謂 炎 爲

> 及駒,將以親迎歟? 馬。五尺以上曰 爲馬」,以次差之,故知五尺以上也。」秣馬 『八尺以上爲龍,七尺以上爲騋,六尺以上 爲茹。」毛傳曰:「秣,養也。 莖正白,生食之,香而脆美。 數寸,高丈餘。 魚 草中之翹 雜薪之中 以 蔏蔞」,郭云:「 ·蔞」字,今增。 也。」陸璣《疏》云:「其葉似艾,白色,長 禮 求之也。 翹 丽 生下田, 然。」疏引《爾 刈其楚楚者。 游,或作 好生水邊 商 蔞,蔞蒿 駒。」 疏曰: 初出 遊」。 正 正 可啖,江東用 雅 也。 毛傳曰:「蔞, 月根芽生,旁 六尺以上曰 ||《廋 其葉又可 錯,雜 釋草 按 原本脱下 人》云 ·》「購 也 一,於 蒸 羹

英熒曄以藂被,●緑苔鬖髿乎硎上。帆蒙《補音》云:「泳,于誑切。郭璞《江賦》『紫

八

❶ 「曄」,原因避清聖祖諱誤作「煜」,據四庫本改。下同。

實,命鹿爲駒。」」

馬通。 籠 易姓莽。」顏師古:「莽,莫户切。」案:必 牛馬」、《索隱》:『音姥。』《漢書》『僕射莽 之無女」叶韻、《九歌》「縶四馬」與「擊鳴 傳》辛廖之占曰:『震爲土,車從馬。]又童 易馬爲莽者,以 何 舫、方同。」馬,滿補切。 方,甫妄切。 之豫》曰:『川 左蒼龍,右白虎。」野,上與切。 鼓』叶韻。《漢樂章》:『靈之下,若風 屈 謡曰:「鴝鵒之羽,公在外野,往饋之馬。」 力侯切。 『水中爲 「原《離騷》經『登閬風 以 羅謀反」,孟 蓋 今言莽,明德皇后惡其先人有反, 一嶼,萍 泭 其駒, 筏 爾爾 也。 深難遊 實 康 馬與莽皆滿補 一讀 出 曰:『征 雅》『舫、泭也』,疏 漢廣》:「不可方思。」 而漂泳」,正用 居侯 ,水爲我憂。 而紲馬」與『哀高 秦瑯琊刻石『澤及 和三年,通合侯 切。 《易林 切。 其蔞,一 多虚 《左氏 此 굸: 讀。 馬。 讀 F. 蹇

> 遵彼汝墳,伐其條枚。 魴魚赬尾 遵彼汝墳,伐其條 溢出 濆」,郭注引《詩》曰:「遵彼汝 前之書,當以《爾雅》爲正。《爾雅》他文 初、哉、首、基爲始何 元命苞》云「子夏問 有可疑,而此 「墳」,殆字誤歟?《爾雅》古書,●《春 爾 雅 ,别爲小水之名。」然則《毛 ,王室如燬。 釋水》云「漢 「 汝 濆 肄。 雖則. 既 未見君子,怒 夫子作《春秋》,不 」,則《爾雅》乃孔子 辭旨 爲潛,江 見君子,不我 如 重 燬,父母 複 爲沱, 墳。」「大水 明 如 著,❷ 詩》 調 孔 遐 汝 邇。 棄。 飢。 秋 作 爲 雖 以 以

古, 原 作「占」,據四 庫本改

毛

詩

>

别

無 明

證。

毛

傳

曰 **:**

「遵,循

也。

濆」,原作「墳」,據四 1庫本改。 下 同

色瘦病,如魚勞尾赤。所以然者,紂在上, 之辭也,日 字 君子。 其夫婦既見,則 當音朝。 甚者之疾狀。 虚 側,思念其夫,怒焉 也。 也。 悼」云云,又云憂也、悵也。 潁、陳、楚之閒通語也。 遐,遠也。 汝,水名 輖」,輖亦無義,不悟其訛也。 悼、怒、悴、慭,傷也。● 自關而東,汝、 如飢。 一訛而爲「輖 調, 孔,甚,邇,近 夫遠役未歸,其妻伐薪於汝濆之 朝也。 《釋文》音周,未安。 雖食難 也。 赬,赤也。 今不遠棄我矣。 諸儒咸以調爲朝,蓋本「朝」 枝曰條,榦 肄,餘也。 曰「不我遐棄」,敘情相 」,再訛 飽 如朝 ,雖暫飽旋飢,此勞心 也。」揚子《方言》云 魚勞則 而爲「調」歟? 今 飢。 汝謂之怒,秦謂之 · 曰 枚。 斬 婦人敬其夫曰 君子勞苦,顔 勞心甚,則 尾 而復生日 蓋因別本作 既見君子, 赤。 怒, 燬, 火 飢 肄 悦 氣 意

> 不知是詩之道而外求。 當時事情,而首言道化,於以知爲《序》者 其君子,猶勉之以正也。」是《序》雖足以見 也。文王之化,行乎汝墳之國,婦 之心,即道心。《序》曰:「《汝墳》,道化 君子之心,憂累及父母之心,勉君 或逃,懼將得罪,累及父母。 而父母甚近。 王室如 火燬,暴亂不得寧也 意恐其夫或憚其勞苦,或怠 是詩憂念其 雖 則 子以 人能 如 燬 関 行 Œ.

按"此篇《永樂大典》「麟」字、「趾」字下皆遺。 麟兮。 麟之趾,振擬公斉,于嗟麟兮。麟之定,振振 麟之趾,振振公子,于嗟麟兮。麟之定,振振

慈湖詩傳卷一

0

「方言」,原作「言方」,據四庫本乙正。

慈湖詩傳卷二

宋慈溪楊 籣 敬仲撰

召

南

維鵲有巢、維鳩方之。 維鵲有巢,維鳩居之。 鵲有巢,維鳩盈之。 詩 孔子曰:「歸 而無爲。爲《序》者不明乎道,故不足於此 婦之即天地,則一而不二,正而不邪,化生 如鳲鳩」,又及於「國君積行累功」,如此爲 周 ,而於詩外起説,曰「夫人之德也」,「德 `南》、《召南》而欲不正牆面,不可得矣。 妹、天地之大義也。」人知夫 之子于歸,百兩成之。 之子于歸,百兩將之。 之子于歸,百兩御之。

維

敷 ? 音亟然。 勝身色毼,而稍長大。 侯,此亦假他巢之應也。故文、武之世已 穀」,未安。 考之當如此詳密。 鳲鳩爲鴝鵒。按"樓鑰云"「多識鳥獸草木之名, 首有竦毛,鴝鵒亦有之,而鴝鵒身色黑,戴 云「搗鵴」、《方言》云「戴勝」,今審究戴勝, 鴿亦鵲鵴之音。凡鳥名多用其音、 有童謡曰:「鴝鵒跦跦,公在乾侯。」矧 五年》「鴝鵒來巢」,●而公如乾侯,終於乾 鵴者乃居鵲巢,是爲鴝鵒。 爾 雅・釋鳥》云「鳲鳩,鵠鵴」,郭云「布 布穀一名穫穀,其音渾然。 穫穀色毼,頸有斑者。 音如布穀者不居鵲巢,音如 **鸤鳩之爲鸜鵒甚明,浙人呼爲八哥** 豈《埤蒼》考之未 《魯昭公二十 李氏 鴝鵒 亦以 其 審 鴝

0 「二」,原作「三」,據樓鑰《攻媿集》卷六十七、阮刻本 春秋左傳正義》改。

歸。 **鵒也。** 巢,居鵲之成巢」,不言鳲鳩均 衛宏之《序》與鄭康成之箋言之。 必推言均一之德。 姻夫婦之禮,鳩居鵲巢,如婦來居夫室,不 此姪娣相比,故云「方」歟? 兒 盈,滿也。」「子貢方人」,謂 也。」 毛傳云:「將,送也。方,有之也。 以爲車有兩輪,故稱兩。」鄭箋云:「御,迎 送御皆百乘。」疏云:「《書序》云『武王戎 知 鵒竦毛直上,又自不同。《鸤鸠》之「刺不壹」,正所謂 之步姑,其性雖拙 車三百兩」,皆以 曰:「百兩,百乘也。諸侯之子嫁於諸侯 此 帅 乃鴝鵒。 「成之」,成其禮歟? 觀是詩,惟言婚 人呼爲阿 郭景純云布穀,固已失之。歐公言拙鳩,極然不 吕氏具載,皆未當也。」《毛詩》傳 八。 粗能爲巢。 所謂音如布穀者,乃今斑鳩, 一乘爲 毛傳惟言「鳲鳩不自爲 戴勝首有竦毛向 兩。 比方人物 婦人謂嫁日 一之德,獨 《風俗通 鳲鳩誠 也 俗 鴝 鴝 謂

> 道,剖學者正面之牆。 道,剖學者正面之牆。 道,剖學者正面之牆。 道,剖學者正面之牆。 道,剖學者正面之牆。 道,剖學者正面之牆。 道,剖學者正面之牆。 一之意不甚著,而婚姻 有均一之德,其在此詩,則或可略言,不可

謂居 居慮切。」故《補音》用王肅讀魚據切。 居,次有天禄、石渠,校文之處。』 《廣雅 衡《西京賦》:『外有蘭臺、金馬,遞宿 戚戚其懼。』揚子雲《衛尉箴》:『茫茫上 《補音》云:「居,姬御切。《周易》:『屯見 去聲,姑自切矣。御,即「迓」之方音。 注云:「凥,几聲。今居乃『箕倨』字也。 天,崇高其居。 詩》:『昔我之隊,畏不此居。 而不失其居,蒙雜而著。』韋玄成《復玷 有姬音者,姑慈切。 設置山險,畫爲防禦。」張 今方言有之,則 今我度兹. 《聘 簡 迭

同耳。居,姑自切,庶於「迓」音通。豈至禮》以「訝」爲「梧」,梧、御同音,特高下不

漢世

始

轉而爲魚據切歟?

之事。 之祁祁,薄言還歸。 之? 公侯之宫。 于以采蘩? 于 以 采 于沼于 繁? 被之僮僮 沚。 于 澗 于以用之? , 夙夜在公。 之 中。 于 以 公侯 被 用

可居 於其旁采之也。 也。 蒿」,郭云:「白蒿也。」《釋水》云:「水中 執蘩菜以助祭。』《爾雅 心,即天地鬼神之心。 祭祀之心,勤敬之心,即道 被,皮寄切。 詩》疏云:「白 于,於,沼,池,沚,渚也。 者 曰 洲。 僮,音同。 蒿非 小 于澗 洲 水菜,此言沼沚 曰 之中,亦謂於曲内, 渚。 · 釋草》云「蘩,皤 祁,巨私 毛傳:「蘩,皤 心,即聖賢 小 渚 公侯夫 反。 曰 者 沚 此 「, 謂 人 之 供 蒿

> 職 遲,而: 言非不善,而不明夫人之敬心,惟 還 意,故曰 也。 也。」薄,猶 非水中也。」毛傳曰:「宫,廟也。 歸 」,猶求諸外也。 雖 僮僮,竦敬也。 非肆 薄言,故曰 可 略也。 也。 以 還歸,而其 《序》曰「夫人不失職 言,語助 祁祁。 夙,早也。 肅 一、敬若 祁祁之容 Ź 辭 祁祁 有 也 日不失 被,首飾 不 ,舒遲 雖 敢之 也 薄 舒

薇。 覯止,我心則夷 喓喓草蟲,趯趯阜螽。未見君子,憂心忡 止,亦既覯止,我心則説。 言采其蕨。 亦既見止,亦既覯止,我心則降。 未見君子,我心傷悲。 未見君子,憂心 陟彼南 亦既見止,亦既 惙 惙 陟 Ш 彼 ,言采其 亦 南 既 Щ 忡。 見

「胡攻切。《孟子》曰:『洚水者,洪水也。』喓,於遥反。趯,託歷反。降,《補音》:

狀 爲螽 同。 釋: 相從與,以是爲 巡 見《螽斯》篇。 螽。」蔡邕云:「螽,蝗也。」 蝗即 蜢蜢 色,好在茅草中。」按:原本「茅」誤作「毛」。李 喓 注 雅 後來降,公不有功。」」惙,張力反。 賦》『五降』與『八風』叶, 雲《河東賦》『下降』與『豐隆』叶,馬 降」與『雄』叶,韓愈《劉統 楚 ,則與《爾雅》負蠜之名符合。 曰:「蝗子也。」陸璣云:「今人謂 草 ·引此詩「趯趯阜螽」以釋「阜螽,蠜」,「喓 解 陸璣云:「小大長短如蝗也,奇音,青 子,兖州 釋蟲》云「阜螽,蠜。 蟲」以釋「草螽,負蠜」。● 草蟲,一 四 用 『降』韻,徐 草蟲名負蠜 人謂之螣。」許慎 名負蠜,一 名。 觀 邈皆胡 是 草螽,負蠜 詩 ,則草蟲 名常羊。」郭 阮 軍碑 籍《 首 攻 章 궁: 切 寄懷 草蟲鳴 詞》: 爾爾 相 與 デ詳釋 `融《笛 從 鐢 」, 郭 揚 蝗, 雅 琳 詩 之 爾 注 子

> 菜 和。 夷平。 夫也。 阜螽躍 詩》傳曰: 情,又何以知 邪,即《鵲巢》之道,歸妹之義,天地陰 云:「江西謂之鼈。」按:今鄭箋本作「鼈」。 太甚乎。 人取焉者,婦隨而不倡,樂而不淫,正 既見、既覯,我心則降下、安止,則説樂 「大夫妻能以禮自防也。」本詩初無自 於憂心忡忡、惙惙,至於傷悲。 也 衛宏不明乎道,故於詩外起説 莖、 覯者, 覯遇。 夫久於外而 而 從之,以 「薇,菜也。」疏 葉皆似小豆,蔓生,其味亦如小 爾 其非 雅 士妻? 釋草》云「蕨,虌」,郭 喻夫婦 未歸,其妻念之深, 明著夫婦之道, 引 之道 穿鑿害道 陸璣云: 及其歸 君 無無 子 防之 日 陽之 丽 而 一 山 乃 聖 非 丽 謂 順

雅注疏》改

❶ 「草蟲以釋草螽」,原作「草螽以釋草蟲」,據阮刻本《爾

思其夫,故云。

思其夫,故云。

思其夫,故云。

思其夫,故云。

是於水邊。」釋不引陸璣《疏》,云以供宗廟祭祀。」而《爾雅》云「薇,垂水」,以供宗廟祭祀。」而《爾雅》云「薇,垂水」,以供宗廟祭祀。」而《爾雅》云「薇,垂水」,豆。藿可作羹,亦可生食。今官園種之,豆。藿可作羹,亦可生食。今官園種之,

之? 有齊季女。 維錡及釜。于以奠之? 宗室牖下。誰其尸行潦。于以盛之? 維筐及筥。于以湘之?于以采蘋? 南澗之濱。于以采藻? 于彼

按:此篇《永樂大典》闕卷。

勿翦勿敗,召伯所憩。蔽芾甘棠,勿翦勿拜,蔽芾甘棠,勿翦勿伐,召伯所茇。蔽芾甘棠,

《補音》:「伐,一讀扶廢切。《周官·大司

召伯所説

賦》亦與「世」叶。 跋。』麦,一讀蒲昧切。《周官》『中夏,教茇 叶,左思《魏都賦》『伐』與『制』叶。 之不伐兮,三黜終不弊兮。 昌宗皆讀扶廢切。 馬》「九伐之法」、《考工記》「以象伐也」,劉 郤正《釋譏》『敗』與『乂』叶。」 味切。荀卿《賦篇》:"功立而身廢,事 舍」,鄭注云:「茇,讀如萊沛之沛。」敗,蒲 音跋,犬走貌。《詩》「勿翦勿伐」。 撥切,字本作友。《開元五經文字》: 能屬兮。」徐幹《西征賦》『西伐』與『舊制』 『留滯』叶、《漢書・敍傳》『敗』與『制』叶 而家敗。 棄其耆老,收其後世。』賈誼《鵬 東方朔《七諫》『滅敗』與 柳下妻誄惠曰: 『夫子 豈弟君子,永 或作 一讀蒲 ,成

「茇,草舍也。召伯止舍棠下,國人被其棠,杜也。憩,息也。説,舍也。」鄭箋云:范氏曰:「蔽芾,盛也。」《毛詩》傳曰:「甘

外説,如此爲《周南》、《召南》,豈不面牆? 乃國人之道心。 也。」召伯誠 其義,曰:「召伯之教,明於南國,美召伯 敬賢德之心,忠厚之心,乃油然發於中,曰 豈非道心? 爲《序》者未明乎道,乃外求 伐而倒之如拜也。 赤白 也。」《杕杜》傳曰「杜,赤棠」是也。《周禮 陸璣《疏》云:「赤棠與白棠同耳,但子有 四明 赤棠子滯而 白棠皆可以言杜,而白者非杜之常歟? 德 勿翦勿伐」、「勿敗」、「勿拜」,不勉不强 中 ·杜,甘棠。」又云:「赤者杜,白者棠。」然 ·夏,教茇舍」,注曰:「舍,草止 思其 山之東有杜而白 美惡。 人,敬其樹。』《爾雅 可美,而是詩念賢感德不已, 酢,無味,俗語云『澁如杜』是 子白色爲甘棠,少酢,滑美。 不明本詩之道心,而徒求 説,本或作「税 ,地名曰 釋木》云 杜,則赤棠、 也。」拜, 此愛

> 角,何 獄 ? 速我訟,亦不女從。 以穿我墉? 厭浥行露,豈不夙夜,謂行多露。 以穿 雖速我獄,室家不足。 我 誰謂女無家,何以速我訟? 屋 ? 誰 謂 女 無家 誰謂 鼠無牙, 何 誰謂雀 以 速 雖 無 何 我

《關中詩》『訟』與『空』叶、《易林・井之益 首:『從不淑禍,不可訟也。 《張二侯頌》『夜』與『故』叶。 含枉莫訟。 功也。』摯虞《愍懷太子文》:『昔之申生 叶,『晨夜』與『露』叶。 長夜』與『誤』叶,『五日六夜』與『暮』叶 魂》: 『娱酒不廢,沈日夜, 鐙錯。』陸雲《歲暮賦》『夜』 夜、《補音》:「允具切。 明月照夜』與『故』叶,『獨宿憎夜』與『故 今爾之負,抱冤于東。」潘岳 原本脱此六字。 訟、《太玄·從 與『暮』叶, 從徽徽,後得 《易林》『被髪 蘭膏明 滅, 又 華 招

·訟』與『功』叶。」

此貞女不可干犯之正心、即道心、而《序》 敘貞女終不從於非禮之心,是謂正心,即 此貞女爾,是訟非必召伯所聽也。 我獄 聖賢之心,可以通天地,感鬼神,感動萬 之俗微,貞信之教興,强暴之男,不能侵陵 明,必不置貞女於獄。《序》曰:「又衰亂 知道之通患。 覩,有道而莫之見,故旁推外索,此學者不 之心。孔子所取者在此,爲《序》者面 貞女也。」《序》意惟歸於教,終不省是詩 曰「召伯聽訟也」,又失之矣。 疑 不 多露也,故不行露。 亦多露,豈不可以 雀 知我實未嘗爲女所汙也。 有 ,往往或者疑我已從女,女已有家也 ·角,不. 知雀實 夙,早也。 夙 夜而 如非禮之汙我,女速 無 角也。又喻鼠 早行多露,夜行 故雀穿我屋 召南之境有 謂夫行 召伯賢 牆 世 明 穿 則 無

也。毛傳曰:「厭浥,溼意也。」《爾雅·釋不從女也。室家不足者,終不與女爲室家墉,疑於有牙,而實無牙。女雖强汙我,終

宫》云:「牆謂之墉。」

羔羊之革,素絲 羔羊之皮,素絲五紽。 羔羊之縫,素絲 《補音》:「皮,蒲禾切。 其有皮,丹漆若何?」,蛇,徒何反。」 皮,犀兕尚多,棄甲則那?」役者 切。《左氏》:『華元謂役者曰:「 類。所以改番爲皮者,以番與皮同 皮。」案:國人所以諱者,以 游爲魯相,蕃子 跛皆以皮得聲。 羔羊之裘,委蛇之容,道心和 五總。 五緎。 白襃《魯國記》曰:『陳子 也。 退食自公,委蛇委蛇。 委蛇委蛇,自公退食。 委蛇委蛇,退食自公。 國 《説文》波、坡、頗、 人 爲諱 番 與蕃字 融,百 曰 改 牛 形 聖所 則 蒲 番 從 禾 相 \Box

同

蛇者,徐行委曲之狀。相者有曰「鵝行鴨 也。 於私 前襟一 非,而轉音蛇之音移,蓋陸德明好異之過。 縫裘, 之。」疏所謂視見其五者,謂 也。 組紃,以英飾裘之縫中。若爲線,則所以 云:「五 縫也」,孫炎曰:「緎之爲界域。」《詩》疏 **紽敷有五。」《爾雅・釋訓》曰「緎,羔裘之** 之皮以爲裘,縫殺得制。 絲以英裘。 蛇」,因《韓詩》作「逶迤」,遂以《毛詩》爲 委蛇者,行步委曲 視之見其五,故皆云五焉。 家也。」朱氏 毛傳 |與「紽」協韻,若音移,則不協。 非飾 縫敷? 范氏曰:「退食者,退而食 一緎既 日 大夫羔裘以居。」疏:「用羔 也,故《干旄》曰:『素 爲縫,則五紽、五 小日 曰:「自,從 羔,大曰 [如蛇也。」《釋文》作 素絲爲 兩袖各二,及 羊。 也。 總亦爲 織素絲 英飾 公,朝 古者 絲), 其 委 爲 組 綘 裘 素

況

其道 豈曰無之? 學者率舍常而求奇,舍近而求遠,故日用 曰"「《詩》三百,一言以蔽之,曰思無邪。」 邪即道,故曰「中庸」,又曰「王道平平」,又 舒遲雍容,雖無義之可尋,而庸常即 《君子偕老》「委蛇」之義同。 羔羊,容或有之,而詩旨不甚明著。 之政,在位皆節儉正直,德如羔羊。」比 羊》、《鵲巢》之功致也。 叶,東方朔詩『蛇』與『挼』叶。」毛氏此義與 曲。 云:「沈讀作委委蛇蛇。」《序》曰: **『蛾』叶,郭璞《流沙贊》『委蛇』與『餘波』** 蛇」與『九歌』叶,張衡《西京賦》『蛇』與 步 尾蝼蛇,畫地爲河。」揚子雲《反離騷》『委 1,爲貴人相」,鵝鴨行亦委曲,蛇行 而 《補音》:「蛇,唐何切。 不自知。 惟不明是詩之道,而旁求外 文王之化、《鵲巢》之功 召南之國,化文王 《易林》:『長 《釋文》 道,無 惟 「《羔 亦 見 文 德 委

取,爲害道爾。毛傳亦無《序》意。

何斯違 殷其 殷其 振 振振君子,歸哉歸哉。 振 靁 君子,歸哉歸 靁,在南 在 斯,莫敢 南 Ш Ш 之下。 達息。 一之陽。 哉。 殷其靁 何斯違斯,莫或遑處。 振振君子,歸哉 何斯違斯,莫敢 一,在南· 山 \或遑。 歸 之側 哉。

君子。 故 爲臣之義,未 因《序》曰「勸 以訖事早歸,此人之常情、常言。 子亟行,莫敢少止。 閔其君子勤勞之心,自是 毛公亦未嘗有此義。 宏强起其説,曰「勸以義」,詩中無此情 日 ·君子爲君使,功 何此言違,莫敢或遑也。 愛之,故美之。 以 得歸也」,詩旨、人情斷 義」,遂曲説求合乎《序 ?未成。 急趨期會,異於平 雷方動,雨將至。 歸哉歸哉,臨 正 歸哉歸哉,勸 心、道心。 振振 鄭 ",歎其 斷 康 違 時, 也 君 平 衛 以 成 告

> 清則 真。 無 違,故曲就其説,亦鄭不知道,與《序》同 道,故穿鑿其義 義 南 之容。《螽斯》云「子孫振振」、《麟之趾》云 以靁生義,亦鑿,非詩人本情。 又鄭不善於文,又好穿鑿故也。 乃分衆義,●各置篇端」,意謂古作而 之實,以爲毛公之前已有《序》,曰「至毛公 振振公子」,皆言肅敬。 此。 萴 日 陽。 毛傳謂「振振,信厚」,其義未安。 爲「殷」,本詩方音則然,何必改讀? 隱 蓋因 殷,陸音隱,未安。「隱」音之輕 爾 夫衛宏不 鄭不 知漢史衛宏作《序》 知庸常、 鄉音之輕清者爲 振振, 又諸/ 無 邪 不敢 之即 肅敬 儒 多 Ш

摽有梅,其實七兮。求我庶士,迨其吉兮。

「義」,原作「議」,據四庫本及阮刻本《毛詩正義》改。

摽有 摽有 按: 梅,頃筐塈之。❶ 梅 其 實三兮。 求我 求我庶士,迨其謂之。 庶 士,迨其今兮。

此篇《永樂大典》闕卷。

征,抱衾與灍,寔命不猶 寔命不同。 嘒彼小星,三五 嘒彼 在東。 小星,維 肅肅宵征 參 與 昴。 夙 夜在公, 肅 肅 宵

引此詩。《漢志》二十八舍亦作『畱』,言陽 氣之精畱 · 雷」、《説文》以 補 音》: 也。」 「 昴, **丣得聲。** 力求反。 《集韻》音畱 毛、 鄭 義 皆 二, 正 作

傳謂 以 在 星或三或五,三非謂 嘒,微小貌。 星有大小,此獨言小者,妾自 自況。 東,乃宵征時。 三心五 在東,亦衆妾在旁之象。 「三五」與「小星」連文,謂 噣, 所見小星三五在 四 時更見」,其 心,五非 謂柳也。 比其 義 東,因 未 微 安。 也 毛 小

> 下也。 往進御 於貴而能逮下。《序》曰:「《小星》,惠及 勞,在夫人則 賤者,正也。 裯 小如衆 星。 首明妾安於命之正,亦微差矣。 猶,如也。 於君,知其命有貴賤,能盡其心矣。」然不 惟知是道,故賤安於賤而不僭,貴而不驕 賤雖勞,而心安於命。 征」,則不敢不敬。 連, 南,正有夫人之象。 ",單衣也。 則別起意。 此 夫人無妬 於君 則明指參、昴大小不齊,大如夫人, 妾,命寔不同。 也。 夫正一而 抱衾 貴 參、昴皆有大星,亦皆有小 則 忌之行,惠及賤妾,進 夙 佚, 與 夜奉公事,不敢不 宵征,夜行也。 後章「維參與昴」文不 稠,以進 已矣。 知有貴賤而 也。 是詩言「肅肅宵 御 在妾則賤則 者,道也 故 也。 自安於 妾賤, ·勤。 御 雖

⁰ 壓」,原作「暨」,據四庫本及阮刻本《毛詩正 義》改。

也、《韓詩》作「實」。 不猶者,己之命不如夫人之命也。 寔,是

嘯也歌 也處。 悔。 江有汜,之子歸,不我以。不我以,其後 江有渚,之子歸,不我與。 江有沱,之子歸,不我過。不我過,其 不我與,其後 也

릲 汜。」」又曰:『洍,從水,臣聲。 《説文》:『汜,從水,已聲。《詩》:「江有 里。』按:原本脱「楚詞」以下二十字,据《韻補》補入。 爲,畢已復還 水》: 『決復人爲汜。』汜,已也。 汜,音祀、《補音》:「養里切。 韻》皆養里切。」簡考祀,●祥里切,其義則 「江有洍。」』徐鍇曰:『汜、洍音義 『出自湯谷,次于蒙汜。 後人欲别其爲水,故讀作祀歟? 而入也。 《楚詞 自明及晦,所行幾 天問》: 爾 如出 《 詩 》: 同。』《集 雅 有所 《集 釋

> 韻》於汜、洍又並音祀,❷象齒切,亦皆以 此詩爲 證。 按: 此段音釋下應有詩解、《大典》原

恐有脱簡

林有樸樕,野有死鹿。 野有死麕,白茅包之。 舒 丽 脱脱 兮,無感我帨兮,無使尨也 白茅純束,有女如 有女懷春,吉士誘之。

按:此篇《永樂大典》闕卷。

之車。 子,平王之孫。 齊侯之子。 何彼穠矣? 唐棣之華。曷不肅雝? 何彼穠矣? 其釣維何? 華如 維絲伊緡。 桃 李。 平王之孫 齊侯之 王姬

穠,奴容反。 説見《桃夭》。 棣,徒帝反。 \Rightarrow 補音》:「車,斤於切。 華,音敷,下同,

劉

- 「祀」,原作「記」,據四庫本改。
- 0 音」,原作「言」,據四庫本改。

簡謂居有姬音,乃姑慈切 車 熙《 今方言有之,而士大夫則必斤於切 也 居音。』引《易》『載鬼一車』、《詩》『王 孤』叶用,尤顯然見其爲居,其論疏矣。」 一爲證。 釋名》:『車,古者音居,言行 今曰「車、式遮切」、韋昭謂從漢 不知華本音敷,而『車』與『塗』、 ,則車亦有此音, 所 낈 姬之 始 居 有 人

姬 成 已有 故穿鑿: 言 未 有懷德之心,有敬貴之心。 詩 是詩言王姬下嫁,親迎盛禮,車從 行,然而無邪也。 往 肅 Ŧ. 明乎道,意二《南》之詩必 人又知 車。 | 姬之車 肅 雝之德 曲 敬之狀,矧從者咸肅敬乎? 鄭既不達於文,衛、鄭皆又不 推 王姬文王之孫,迎者齊侯 ,而《序》以 肅 ,鄭箋又釋「之」爲「往」,謂 **雝爲王姬之德**,夫車行和 無邪即道,即德。)爲王 姬 有德義 雖不指言德 執婦 八之子, 道 可 肅 詩 衛宏 言 门以以 雝 知 明 王 緩

> 乎 ? 彼穠 郁李。 皆言王姬車從之儀 如櫻桃。● 矣。 雀李,亦曰車 注云:「似白楊。」陸璣云:「薁李也,一名 緡,綸也。</ 《爾雅·釋木》云「唐棣,移」,郭 武王女,文王孫,適 道 如此爲《周南》、《召南》,其亦正 ,穿鑿可笑。 毛傳曰: 盛乎? 王姬之車 許慎曰: 又有赤棣,子如郁 ·下李。 其 華 「穠,猶戎 也。 如此言《詩》,適 『白棣也。』華 ·如唐: 也。 然則唐 其華或白或赤。 齊侯之子。 棣 戏戏 初章 「唐棣之華 也。 也。 棣之華、 李而小。」何 ·如李 以 豈不 唐 牆 伊 病《詩 棣 面 肅 丽 肅 本作 移 維 ; 而已 雝 雠

可食。」義較勝。 鍇《説文解字繫傳》引《爾雅注》亦云:「棣樹子似櫻桃,如櫻桃,可食。」中華書局影印道光年間覆影宋鈔本徐如櫻桃,可食。」中華書局影印道光年間覆影宋鈔本徐本《爾雅注疏》「常棣,棣」郭注云:「今關西有棣樹,子本《爾雅注疏》を本皆如此。阮刻

王姬者,備諸禮節而後可也。《韓詩》「穠」綠爲緡,而後可以喻齊侯之子,所以獲迎則太宗不復稱神宗矣。」其釣維何? 必以氏曰:「本朝太宗稱神宗,及神宗稱神宗,氏曰:「本朝太宗稱神宗,及神宗稱神宗,言車從儀物可知矣。平王,猶言寧王也。李

作「茙」。

雞,不諱治國之治,然偏傍之同者已或諱 不諱「孫」者,漢雖 既皆音「詢」,俱爲 古:『信合韻音新。』」案:「荀」與「孫」古 書・敘傳》「孫」與「瀕」叶,又與「信」叶,師 《元后誄》『孫』與『新』叶,馬融《笛賦》『孫』 卿。』《五子之歌》『孫』與『君』叶,揚子雲 補音》:「孫,須倫切。《荀卿書》注 漢宣帝名詢、劉 「聲」叶,崔駰《韈銘》「孫」與「臻」叶,《漢 向編 嫌名、劉向獨諱 不諱嫌名,如 録,故 以 荀 以雉爲野 卿 「荀」而 爲 孫

之,不能盡如三代之時矣。

《毛詩》傳曰:「茁,出也。 葭,蘆也。 蓬,《爾雅·釋草》云「葭,蘆」,郭云:「葦也。」者蓬,壹發五豵,于嗟乎騶虞! 彼茁者葭,壹發五豝,●于嗟乎騶虞! 彼茁

時獲騶虞瑞獸焉,咸歎訝之,故曰:「于嗟草名也。豕牝曰豝。騶虞,義獸,白虎黑文,不食生物,有至信之德則應之。」陸璣文,不食生物,有至信之德則應之。」陸璣立。「騶虞,白虎黑文,尾長於軀,不食生生子常多,故别其少者之名。」彼葭蓬始生生子常多,故别其少者之名。」彼葭蓬始生生子常多,故别其少者之名。」彼葭蓬始生生子常多,故别其少者之名。」後襲、不食生事後之。有五豵聚焉,而射者一發之。有五豵聚焉,而射者一發之。有五豵聚焉,而射者一發之。

[「]發」,原作「廢」,據四庫本及阮刻本《毛詩正義》改。

平騶虞。」《序》曰:「《騶虞》、《鵲巢》之應也。《鵲巢》之化行,人倫既正,朝廷既治,天下純被文王之化,則庶類蕃殖,蒐田以天下純被文王之化,則庶類蕃殖,蒐田以天下純被文王之化,則庶類蕃殖,蒐田以天下純被文王之化,則庶類蕃殖,蒐田以一切、惟曰「有至信之德則應之」,以明獲以致騶虞乎? 豈以預策無他證,而始曰「仁如ゝ物之。首言「《鵲巢》之應也」,豈毛公本以為之。。 古言「《鵲巢》之應也」,豈毛公本以為之。 一切,惟曰「有至信之德則應之」,以明獲以致騶虞乎? 豈以簡策無他證,爰而不信歟。 本詩無「如」義,而宏立説曰「仁如」,無乃不可乎? 宏爲《序》差失至多,「如」,無乃不可乎? 宏爲《序》差失至多,也。《翳虞》、《鹊巢》之應。《翳虞》、《鹊巢》之應。《翳虞》、《鹊巢》之應。

慈湖詩傳卷二

慈湖 詩傳卷三

宋慈溪 楊 籣 敬仲

撰

亦有兄 覯閔 威儀 我心 我 彼 既 棣 匪 無 柏 多 棣 弟 舟,亦 石 酒 不 不可 不不 , 受侮不少。 以以 미 可 敖 汎 選也。 轉 以 以 其 據。 也。 遊 流 憂心 我 我 静言思之,寤辟 薄言往愬,逢彼之怒。 耿 心 心 耿 悄悄 匪 匪 不 席 鑒 寐 不不 不 惧 愠 如 如 于 可 可 有 群 卷 有 以 隱 茹 摽。 也。 小。 憂。

微

汎

邶

日 静言思之,不能 居 柏 舟 月 諸 喻 明胡迭 君子 而微。 堅操,不 奮 飛 心之憂矣,如匪 肯 轉 而 從小人。 澣 衣。 吕

> 誤也。 章所謂 言,故 猶 茅連茹」,於兄弟取 弟,凡相親近皆可以言兄弟。 弟,朋友亦 喻,申言此意也。 據 無智,不能知 如茹 古 氏 非 爾,言兄弟 不 可轉,我心斷 曰 : 我 之通 能 往有所愬,忽逢彼怒,方悟爲兄弟 無 彼,君也。兄弟,比肩同朝者也,下 群 如鑒之照物,毫髮靡遺。 如 酒 連 可 小」者是也。 **可** 舟 一,通 人也。 之心難. 以言兄弟,鄰國 汎 以 不可轉 知兄弟之心乎? 汎 遨 威儀棣: 無 遊忘憂也。」 喻爲 非無兄弟, 知 所 而從邪 婚姻 也。 依 切。 棣,日用 泊。」毛 初信! 也。 亦 石 亦 《易》曰 我 獨 雖 可 可 惟 心匪 云爲,奚 以言 以言 兄弟 堅 傳 匪 不 自 不 席 可 責 重 可 日 鑒 拔 信 之 兄 之 以 兄 所 而

於 以 可 群 爲質,其 雜義利 小。 而行之,致 覯 不 過 可 憂 雜 閔 如 既 此 可 選 多,受侮 憂 擇 心 也 悄 亦不 悄 君子 見愠 少。 義

?

時,仁人不遇,小人在側」,此猶未甚 欲 憂鬱不可爲喻,如衣不澣積垢之衣,静思 衛日往月來而漸微,猶日賐月削也。」此 也 此 辟 奮飛而不能 ,而正心也。 拊 檀弓》曰 心也。 摽,拊心之聲也。 也。 孔疏曰:「居、諸者,語 『何居。』歐陽氏曰:「傷 《毛詩序》曰「衛頃公之 雖憂 害於 苦 心 助 如

絺兮綌兮,淒其以風。我思古人,實獲我心。緑兮絲兮,女所治兮。我思古人,俾無訧兮。緑兮衣兮,緑衣黄裳。心之憂矣,曷維其亡。緑兮衣兮,緑衣黄裹。心之憂矣,曷維其已。

此篇《永樂大典》缺卷

天地晦蒙,日用不知

,故聖愚不同。

已,設詩人之正心。

正心,道心也。

斯其

遇

m

不可歟。

詳觀詩情,憂鬱不通,道心變化

道。至曰「言仁而不遇也」,意正於不

終温且惠,淑慎其身。 瞻望弗及,實勞我心。 燕燕于飛,下上其音。 瞻望弗及, 泣涕如雨 之子于歸 燕燕于飛,差池其羽。 野。」司馬相如賦 賦》『野』與『宇』叶。徐鍇亦云:『野,經典 子雲《太僕箴》『野』與『魯』叶,曹植《閒 平均,●我 公在外野。』《穆天子傳》王答謡曰:『萬民 上與切。《左氏傳》童謡 差,楚佳 ,遠于將之。 切,又於宜 顧 見汝。 『漭泱之野』與『浦』叶 反。 先君之思,以勖寡 仲氏任只,其心塞淵 之子于歸,遠送於南 瞻望弗及,佇立 燕燕于飛,頡之頏之。 之子于歸,遠送于野。 比及三年,將 曰 : 《補音》: 『鴝鵒之羽 「于野 以泣 復 ·, 揚 居 丽

[《]穆天子傳》卷三改。「民」,原作「年」,據四庫本及掃葉山房《百子全書》本

指

(,而一片相送之情,哀傷不已之意,念仲

雎》之詩而

不曰太姒,則是詩固亦不必定

陳

女,陳在衛南,故曰「遠送于南

以《關

戴嬀

夷考是詩,宛然有莊姜送戴嬀之狀。

無作索年切者。」 叶,與『勤』叶,又與『新』叶,兩與『根』叶, 班固《東都賦》「淵」與「珍」叶,又與「鱗」 辭 任,亦林反。《補音》:「淵, 《貞符》『南』與『心』叶、《淮西雅》『南』與 『音』叶,《裴處士墓銘》『南』與『君』叶。」 陸雲《喜霽賦》『南』與『音』叶,唐柳宗元 徐鍇《繫傳》曰:『《毛詩》或用南爲荏音。』 養萬物也。』《説文》以羊得聲。羊,音荏 只用 心切。《白虎通》曰:『南之爲言任也,任 更卒歸誠,自請因。 ·招魂》『淵』與『侁』叶、《急就章 野。二上,時掌反。《補音》:「南,尼 司農少府,國之淵。] 一均切。《楚 *: •

《周禮》:「六行:孝、友、睦、婣、任、恤。」 似歟? 任者,任人之事歟? 之至,故首言之。塞實無僞,淵静不撓,温 語音大小歟? 毛傳曰:「仲,戴嬀字也。」 上其音,輪音隨車上下歟? 曰"「戴嬀將歸,顧視其衣服。」毛傳 燕飛去。 動,感而遂通天下」之故。 送仲氏之歸,如 無所不通,而非放逸邪僻,是謂「寂然不 則至正至善之心,人所自有。 也。 讀之,使人閔傷之心隱然以生,而非 「飛而上曰 氏之善、塞淵、温惠,皆正也、善也。 至今 嗚呼! 其將歸 差池其羽,李曰:「不齊。」鄭箋 頡,飛而下曰頏。」車上下阪其 三百篇一 也,出入前卻似之與? 下 仲氏每任其事 旨也。 其話别感激, 喜怒哀樂 有能達 了, 親 邪僻 日 是

0 就」,原作「救」,據四庫本改。

三八

先君莊公歟? 也勖勉寡人。然則「寡人」,莊姜自謂歟?惠終久,淑令謹慎,以思及先君之故,其别

胡能有定,報我不述? 居月諸,東方自 寧不我報? 處。 日居 人兮,德音無良。 是冒。乃如之人兮,逝不相 月諸,照臨下土。乃如之人兮,逝不古 胡能有定,寧不我顧? 日居月諸,出自東方。 出。父兮母兮,畜我不卒。 胡能有定,俾也可忘? 好。 日居月諸,下土 胡能有定, 乃如之 日

處。胡能有定,報我不述」,惡之甚也。非君,以至困窮」,猶未害於義也。傷之而君,以至困窮」,猶未害於義也。傷之而居,猶之可也。而詩曰「德音無良,逝不古臣,猶之可也。而詩一一。而,乃深惡無禮之詩,正也,故聖人取

報也。 也。 非怨父母也,困窮及此。今婦人窮極 不定,則國亡矣。報云者,父母養子,子當 若能有定,寧不我顧。 分,日區處,日 以古人之所處處我,今世語曰處置,曰處 臨,猶呼天云。逝,豈「誓」之訛 釋見《柏舟》。人至於窮極則呼天,日月照 禮悖亂之可惡,豈不正乎? 居、諸,語助 豈不長傲慢不敬之心乎? 甚不可者。觀 不義。 無道之甚,國有危亡之勢。 此詩,正不必究知「之人」爲何人,惟見無 所當施於夫也,非 人」猶不敢明言之,諸儒拘於《序》,遂入於 施於莊公則悖矣,施於州吁可也。 定則可忘矣。 胡能 使歌此詩者以「之人」爲莊公歌之, 有定,使我可忘,忘者,不憂思 相處, 曰處事, 誓有決意 父兮母兮,畜我不卒, 莊 姜所當施 不顧我,害及一人。 何能有定? 耶 ? 於莊公也 且一之 誓不 呼

號,亦閒有此言。不述,不循常禮也。

則懷 曀曀 終風 終風 終風 其 且曀,不日有曀。 且霾,惠然肯來。 且暴,顧 陰, 虺 我 虺其靁。 7則笑。 寤言不寐,願言則嚏。 莫往莫來,悠悠我 謔浪笑敖,中心 寤言不 寐,❶願 是 思。 悼。

切。 ❷ 麰。 城。 《補音》:「霾,陵之切。《説文》以貍得聲。 解人頤」之類,今人尚能知之。」思,息兹 陵之切。 會鄭伯於時來」,杜預曰:『滎陽東有釐 顏延年《答謝靈運詩》『霾』與『暌』叶。 、終風》,惡其暴亂無禮之詩,正也。 釐,音來。」《漢書·劉向傳》引『我 如『無説《詩》,匡鼎來。 兹,子之切。❸《廣韻》、《集韻》同。 「衛莊姜遭州吁之暴,見侮慢」之詩, 《釋文》亦云古音棃。《春秋》『公 匡説《詩》, 《毛詩 來,

> 鄭箋云:「今俗人嚔,云人道我。」 願汝則嚏也。又曰:「願汝懷念我也。」● 言,語助也。俗云「人言人嚏」,今我言汝, 惟自傷悼而已。若是,則不如不來之愈 來,而終無禮。 厲之音也。 晦也。不日,不見日光也。 矣。終風,終日風也。 憂思也。 也,故曰不如一切莫往莫來。 諸儒不悟無邪之爲道,故曲 憂思不安之甚,至於不寐 皆喻昏亂暴戾 顧我則笑,謔浪笑敖,中 霾,雨 也。 虺 推其義,失之 土 悠悠我思, 虺 也。 忽惠然 其 、雷,暴 曀,陰 耐 寤 丽

「息兹」,原作「切慈」,四庫本作「息慈」,據文淵閣《四「寤」,原作「悟」,據四庫本及阮刻本《毛詩正義》改。

庫全書》本《韻補》改。

0

「汝」,原作「如」,據四庫本改。「兹」,原作「慈」,據四庫本改。

下。 我信兮。 偕老。于嗟闊兮,不我活兮。 爰居爰處,爰喪 從孫子仲 鼓 其鍵 死生契闊,與子成説。 平, , 踴 陳與宋。 躍 以其馬。 用 兵。 土國 于以 不我以歸,憂心 城 執子之手,與子 求之? 漕 于嗟洵兮,不 我獨 于林之 有 南 忡。 行

婉孌是嘉,政違五行』」云云。 「《左氏傳》載《夏書》云:「有此冀方,今失其行。 陽,可以興兵。 茫反。 《左氏傳》晉趙鞅之占曰: 『是謂 與『荒』叶。 兵」與『元王』叶,揚子雲《并州牧箴》『兵』 三句入韻,『戎兵』與『六王』叶,會稽 卿《賦篇》『貳兵』與『疏堂』叶,秦東觀 鐘,土當反。● 「甲兵」與『自彊』叶、《史記・龜筴傳》『甲 ,乃滅而亡。」曹植《夏桀贊》「夏道既衰,生此桀王。 南行,户 漕,音曹。 利以伐姜,不利于商。」荀 郎 荀卿《 切。 《補音》:「兵, 按:《韻補 賦篇》『禮儀 亂其紀 三》尚有 刻 列 石 沈 晡

> 廣》。 《史記· 反。 即忡字。 叶。古行止之行皆户郎切。』《詩》二十有 而 用此讀。」竊疑方今言心忡,之用切,心 之盛行」與『詳』叶、《楚辭》『蜷 五,無叶何庚切者。 『百姓莫行』與『詳』叶、『熒惑退行』與『亡』 行』與『鄉』叶,❷『歷吉日兮余 勅衆切。 糧]叶,『命蹇邅 惕動也。 説,爰厥反。 下,後五切,説見《采蘋 龜筴傳》「風 《補音》:「馬,滿補切。」説見《漢 潘岳《悼亡詩》『周旋忡驚惕』正 《廣韻》、《集韻》不見此 而不能 忡, 勅中反、《補音》: 將 丽 行』與『將』叶。 行』與『黄』叶 局 將 契,驅 顧 行』與 之字,殆 而 曳 憂 不

[「]土」,原作「上」,據四庫本改。

⁰ 胡克家刻《文選》改。 鄉」,原作「卿」,據文淵閣《四庫全書》本《楚辭章句》、

遠而 信我本初偕老之言。信,音薪。 信」、「歐致越信」,張衡《思玄賦》「啟金縢 音》:「信,斯人切。 揮涕也。] 用此音義,則不必改字矣。 韻》,學即榮字。 偕老矣。于嗟今之闊别,國亂,君必敗,將 實,其孰信」、《序傳》『虔其忠信』、『包漢 不我活矣。」洵,「嫭」之訛 而乃信」,顏師古皆音新。 复」,复亦婢也。 而無二。 闊别,其相愛相悦之心,有成而 又執子之手而言曰: 又《集韻》: ●「洵,音荀 閔其妻將 嬶獨,將不得 班固《幽通賦》「苟 也。 《白虎通》: 《韓詩》作 案《集 「與子 無虧, 《補 無 舉

有

凱風自南,吹彼棘心。 棘心夭夭,母氏劬勞。 高辛者,道德大信也。」」

韻」,原作「音」,據四 庫本改。

《補音》:「南、尼心切。」説見《燕燕》。下,睍睆黄鳥、載好其音。有子七人,莫慰母心。爰有寒泉、在浚之下。有子七人,母氏勞苦。凱風自南、吹彼棘薪。母氏聖善,我無令人。

後五切,説見《采蘋》。

悦母而 慰其母 之孝心爾,況未必果成其嫁志 責也。 大害義,大失孔子本旨。 猶不能安其室,故美七子能盡其孝道,以 序》曰: 汲,資以生養。 喻,以凱 棘,難長養者。心堅,尤其難者。子以 畏暑喜風,故南風人樂,人謂之凱 黄鳥好音猶能悦人,今七子而不能 心,而成其志爾。」此「成其志」一言 安慰之,皆其子自責之辭。 「衛之淫風 風 喻 母。 今七子而不能養母 泉在浚下,猶爲邑人 流行,雖有七子之母, 孔子自取其自責 《毛詩 ,子自 風。 所 自

> 不臧。 來? 百爾君子,不知德行。不忮不求,何用來? 百爾君子,不知德行。不忮不求,每云能瞻彼日月,悠悠我思。道之云遠,曷云能雄雉于飛,下上其音。展矣君子,實勞我心。雄雉于飛,泄泄其羽。我之懷矣,自詒伊阻。

患。 隔 思其平時誠實之德,故曰:「展矣君子,實 曰:「展,誠也。」夫久役,婦思之不已,又 上其音,宣公小大其聲,怡悦婦人。」毛傳 《毛詩序》曰:「《雄雉》,刺衛宣公也。 知其必亂,宜去之。猶豫未決,今果罹其 爲淫亂,我已念之於懷矣。 朱氏曰:「此詩皆女怨之辭。」毛傳曰 亂不恤國事,軍役數起,大夫久役,男女怨 曠,國人患之,而作是詩。」 君不可以言刺 雄雉見雌雉,飛而鼓其翼泄泄然。」方公 也。 大夫久役,夫婦阻隔,乃我自詒 毛傳曰:「治,遺 也。」鄭箋云:「下 夫婦相 與謀 此 淫

匏有苦葉,濟

有深涉。

深

則

厲、淺

則

有

而忮之本義支而已矣。 欲,欲則有所求矣。 離 正 好攻戰,故勞民久役,故男女怨曠。 心 也。 動,如四時之錯行,如日月之代明,如 人之本心自静止安止,而 義未安。字從心,從支,夫由本心以往,則 不善,言之不足也。毛傳曰「忮,害也」,取 善?」❷其意深譏公心忮多欲,故淫亂,故 勞我心。」此言君子誠實,亦猶《殷其靁》婦 IE 而已,無意無欲。不由本心而支焉,則 不忮離,● 丽 卒章告衆君子 其夫曰「振振君子」,皆稱 人邪,離無意無欲之正 不求 此其末流,致害雖多, 欲, 曰:「豈不 禹曰:「安汝止。」 則 應 何 雖 用 丽 知 其 有 而 視 德 入於淫 夫之善 凡 不 聽 行 水 鑑 言 百 臧 ?

之中萬象畢見,而非動也。 須我 未泮。 0 0 得聲。 音。 友

牡。 濟盈,有鷕雉 雝 招招 雝 鳴 舟子,人涉卬 雁 旭 鳴。 日 始 濟盈 旦。 否。 不濡 士 軌,雉 如 人涉卬否, 歸 妻,迨冰 鳴求其 吅

瀰

音》:「軌、舉有切、車 揭,❸苦例反。 音》:「否,補美切。 遒,夭口切。」旭,許玉反,又呼老反。 首『軌』與『遒』叶、《永》首『軌』與『後』叶。 封域,或朝 瀰, 《太玄・鋭》首『軌』與『醜』叶、《装 彌 (或否。 爾 反。● 然協「涉」韻,則宜挈、孑二 相侵 秦《琅邪 轍也。❺ 鷕, 暴亂,殘伐不止。] 以 小反。 《説文》以九 議 »: 『各守 《補 補

用」,原作「容」,據四 心」,原作「必」,據四 庫本改。 庫本改。

彌」,原作「瀰」,據四 揭」,原作「挈」,據四 庫本改。 庫本改。

車」,原作「舉」, 據四 庫本改

今從《韻補》增入。 析毫釐,擘肌分理。」」按: 衡《西京賦》: 益 郤 己。 正 | | 釋機 彼平仲之和羹,亦獻 『街談巷議,彈射 聞 仲尼之贊 原本無《西京賦》四 可 商 而 1、感鄉 臧 替 否。 否。」 校 一句, 剖 張 之

深亦可 盈,雉鷕然其鳴,牝牡相求,不顧禮義之不 曾不 又音冽。 皆不至於溺没。 雖不材,刳其中 苦葉》矣。』●叔向曰:『苦匏不材於 濟而已。』魯果以莒人先濟。」此詩言苦匏 見魯叔孫穆子,穆子曰:『豹之業及《匏 厲、《説文》作『砅』,履 國語》:「諸侯伐秦,及涇,莫濟。 毛詩序》曰:「衛宣公與夫人並爲淫 若苦 以 揭,褰衣渡水也。」今所濟瀰瀰其 履石 . 匏與。 而 ,則濟可 渡,淺 而公與夫人没溺於淫慾, 厲 者、揭 石渡水。 則可以 以深涉。 者,《 揭 釋 力智反 衣 其 晉叔 文》 次,則 人,共 丽 亂 渡, 有 向

見《關雎》。

從。 林》呼老反。 涉必須友至乃涉,此喻非 毛傳亦云「我」,音之輕清者爲 子招招,人咸趨 然。不敢正言,以 溺。 可 日始旦,昕 旭者 · 迨冰未泮。」 禮 ', 情 \sim 必夫婦之正, ,明著之名。」《説文》旭讀若好。 動 昏禮》: 意決,妄曰 也。 補音》:「友,羽軌切。」其説 「奠生雁 有儀有時,明君、夫人之不 涉 《禮》「冬合男女」, 少,我 小喻大,以士喻 而 「濟盈不濡 後 則不 行 行 可 其匹 也 涉。 事 必昏 軌,甘 類,不可 印 孔 吅 歟 疏 君。 故曰 昕。 我 云 心 字 也。 舟 相 我 旭 陷

采葑采菲,無以下體。德音莫違,及爾同死。習習谷風,以陰以雨。黽勉同心,不宜有怒。

❶ 「有」,原作「及」,據四庫本改。

既 既 以御冬。宴爾新昏,以我御窮。 顛 遑恤 弟。 誰謂 行道 有喪,匍匐救之。 不我能慉,反以我爲讎 矣,泳之游之。 我屑以。 覆。 詒 阻 !我肄。 茶苦? 涇以 我德,賈用不售。 我 遲遲,中心有違。不遠伊邇,薄送我畿。 既生既 後。 毋逝我梁,毋發我笱。我躬不閲, 滑 不念昔者,伊余來塈。 就 濁, 湜湜其沚。● 其甘. 育,比予於毒。 其深矣,方之舟之。 何有何亡, 黽勉求之。 如 薺。 昔育恐育鞫,❷及爾 宴爾 我有旨蓄,亦 宴爾新昏,不 新 有洸有 昏 一, 如 就 凡民 其 兄如 淺

『捄、居尤切。』」售、《補音》:「時周切。樂云:「《漢・谷永傳》以救爲捄、《集韻》:鬼反。死、《補音》:「想止切。」救、《補音》鬼反。死、《補音》:「想止切。」救、《補音》と怒」、《元后傳》『曲陽最怒』、《賈彪傳》を、《補音》云:「《漢・酷吏傳》『無值甯成怒、《補音》云:「《漢・酷吏傳》『無值甯成

府《隴 忌中休。こ 誤 人市賣,貴者恒難售。 功多信不售。』韓愈《送劉師服 「滕」,今改校。 頭水歌》:『將頓 就 解郅支裘。 樓 豈不畏憔悴,爲功 蘭 膝,按:原本「膝 勿令如 詩》: 『齎材 李牧

谷風 謂誓、誥爲謹,謂愷悌爲發,謂 無差失耶? 其是者從之,非者勿從可也。 也,其書則古矣。古人豈 尊,以爲周公、孔子、子夏共成之,不可 包》,雖知其爲孔子以前之書,後學妄意 義未安。《爾雅》差繆多矣。 棄其舊室。』《爾雅》云「東風謂之谷風」, 毛詩序》曰: 爲 東風,此 「衛人化其上,淫于新昏 類 不 可 殫 舉。 據《春秋 皆聖人,皆 譖 風 爲曾, (之來) 元 信 也 於 謂 推 而

739

「沚」,原作「止」,據四庫本及阮刻本《毛詩正義》改。

原作「鞠」,據四庫本及阮刻本《毛詩正義》改。

遠 則先陰。 苗之風乎? 不然,谷者或一 7,人惟 見其 陰雨,喻 習習則和也,陰陽和則雨 「穀」字之訛,如穀 自 Щ 夫婦之和。 谷 而 至,故 今爲夫 日 派雨,長弟 谷 風 所 養 歟 怒 穀 雨

加

出,故思昔日之和,如習習之風,如陰

如

也。 之蕪菁,趙、魏謂之大芥。」《爾雅》云「菲, 《爾雅》云「須,葑蓯」,孫炎曰:「須,一名 陳、宋之間謂之葑。」❸陸璣云:「葑,蕪菁。 葑 怒」。 雨。 州或謂之芥。」《方言》:「蘴、蕘,蕪 蓯。」●《坊記》注云:「葑,蔓菁也。❷ 陳、楚謂之曹,齊、魯謂之蕘,關 今縱不相說,亦宜「黽 葑,須也,芥也。 菲,芴也, 葍類也。 勉同心,不宜有 西謂 菁

幽

其戀戀茫茫之狀如此。 不薄送我至於畿乎,而截然棄絕,不相 畿,其名尚存也。 哀辭也。 《坊記》引此詩,承「仕則 羹。 今莫違昔日之德音,而至 追念夫婦相好之初,誓同死生,此德音 體,謂根。 之下,則采葑采菲,無并取 也。菲,芴也。」二菜蔓 有 毛。 河内人謂之宿 \equiv 見出而歸,其行遲遲,心若有失 月 拔其本根,喻己見棄 中 ٠, 烝 去畿 轛 菜。」毛 爲 伊 畿者,故商王之 一菁與 不 於此 邇,不遠 茹 稼,田 其下體也。 傳 滑 也,怨辭 营之類 曰:「葑, 美。 Щ 則不 也 出 可 也。 也 也 也。 漁 送 何 下 須 作

「菁」,原作「著」,據四庫本改。 蓰」,原 作「從」,據四庫本改。

葑」,原作「風」,據四庫本改

食。」陸璣云:「菲,似葍,莖麤,葉厚而長

改

類

草

生

下

溼地,●似蕪菁,華紫赤色,可

也。」《爾雅》又云「菲, 莨菜」,郭璞云:

芴也」,郭璞云:「土瓜也。」 孫

炎曰:「葍

[「]草」,原作「土」,據阮刻本《爾雅注疏》與《毛詩 Œ

渭 新昏 弟。 世始有「茶」字。 雅》多差誤,未必然。古書有茶而無茶,後 當 也。 視 歎 自 用 爾,叢低草類。 梁、笱乎? 笱,言棄妻將去,猶顧 輕易使我與毫末家事,其情欲舊婦 沚」,其清自若也。 則荼猶甘 ī去也。 也。 我。 目 並 時之辭情。 諸 流、雖爲涇濁所浸、而渭水常「湜湜其 如涇水之濁,謂失其禮,非 我如渭水之清,自謂初昏得禮之正 『我身不容,安得恤 儒謂 我躬尚不見視,我去後,豈恤 以,用也。 歐陽氏曰:「毋逝我梁,毋發 如薺也。 畿爲門内者, 此賤 《釋草》云:「茶,苦菜。」《 誰謂荼苦,比我中心之苦, 荼雖苦而甘,或者謂即 者 屑,猶輕也 爾雖新昏是宴,不肯輕 魚 爾安於新昏,如兄如 梁、 惜其家之物。 亦 魚笱,皆其 後事乎?』閱 所考據, ĪĒ. 言爾 也。 一我之 棄妻 既 安而 不 涇、 茶 非 爾 我 肯 Щ

無

窮竭。 不能 也。 所 覆,淫於新昏,則我既生育子姓於爾家,既 既阻遏之,是特意阻之。 終於不售。 之。夫婦至親,乃一 亡,我勉力求之。 漸 丽 財用足,不窮矣。 之時,一如旨蓄禦冬。 乏無之時。今爾宴於新昏,但以我禦窮苦 旨,美也。 爲。 涉,或如游翫 長矣,乃比予於毒,如毒之可畏而 何有何無,謂日 慉養我,反以我爲讐怨。 鞫,窮也。蓋爲長久計。 深則方以 蓄,聚也。 昔之育子也,●惟恐養育之道 而涉。 後或 人情温 且 凡民 旦 用所需之物或 舟,淺則泳之。 蓄聚美物,以禦冬月 棄妻自言勤苦之切 言初 斷 是以 有喪, 飽 棄,若不 則 昏 我有 雖强 「窮,則 易 及今爾 猶 生縱肆。 匍 賈賣 德 相 棄之。 有 歌 知今 匐 善, 念。 或 詠 救

源作「者」, 據四庫本改

0

24 七

四 八

爲關 無 時燉爲梁」,鄭司農 梁。」《白華》云:「有鶖在梁。」《王制》云: 河。 濁涇。」●《鄭志》云:「渭 人》云:「維 之時,止息從容,情好之美。毛傳云: 也。 洸 石,其泥數斗。」潘岳 獺祭魚,然後虞人入澤梁。』《獻人》「掌以 絶去所經見。 胡逝我梁。」《有狐》云:「在彼淇梁。」《候 壓,昔也。」《漢書·溝洫 邪。 洸 空, 婦 盡遺 其 人既絶 武 以筍承其空。」是詩刺邪 我以勞苦之事,不念昔者予始來 鵜在梁。」《鴛鴦》云:「鴛鴦在 潰 潰 去,至涇 小渚曰沚。』《何人斯》云: 其 怒。 云:「梁,水堰 《西征賦》云:「清渭 丽 肄, 在 志》云:「涇水 云也。」箋云: 東河,涇在 窮 也。 堰 · 所 塈 水 思 而 西 盡

乎泥. 露? 牽》「大燕且喜」、「大燕 明》「式穀以女」、《楚茨》「式禮莫愆」、《 夷式已」、「式月斯生」、「式訛厥心」、《小 又思」、《斯干》「式相好矣」、《節南山》「式 有嘉魚》「嘉賓式燕以樂」、「以衎」,「綏之 義,有更義。《鹿鳴》「嘉賓式 至如此微乎,而疊言之。式有敬義,有 式,更也。 也。」鄭箋云:「式,發聲。」鄭義 式微者,微乎微者也」,郭璞云:「言至微 此忠愛其君之詩也。《毛詩序》曰:「黎侯 寓于衛,其臣勸以歸也。」《爾雅 中? 式微 式 方言有之。更微更微,意曰 微, 胡不 歸 ? 且譽」、「式飲庶 微君之躬 燕以 》曰「大 敖」、《 亦未安。 胡 百 南 決 爲

幾」、「式食庶幾」、「式歌且舞」、《角弓》「式

涇」,原作「淇」,據四庫本與胡克家刻《文選》改

式微

式

微,

胡

不歸?

微君之故, 胡爲

乎

中

亦不以爲衛邑,但其説亦鑿 衛邑,未安。 鄭箋、孔疏 中,皆言勞苦之狀。毛傳謂 衣履。 故有更義。中露,露中也,謂嘗曉行 有慎」,皆訓更也。 休」、《多方》「天惟式教我用休」、《畢命》 勿替有殷歷年」、《君奭》「我式克至于今日 「式化厥訓」、《立政》「式敬爾由獄」、「兹式 遄其行」、《時邁》「式序在位」,《召誥》「式 居婁驕」、《皇矣》「憎其式 而式弘大」、《蕩》「式號式呼」、《崧高》「式 泥中者,雨行或雨 式者,車前第二横木, 亦無 霽 廓」,●《民 中 所考證,王 圃 露、泥 行泥 露露 濘之 中 勞》 氏 皆

兮伯: 也? 日也? 旄丘之葛兮,何誕之節兮。 三兮,靡 必有以也。 何其 所 與 處 同。 也? 狐 裘蒙戎,匪 瑣兮尾兮,流離之子。 必有 叔兮伯兮,何 與 也。 車不東。 何其 久 叔 多

叔兮伯兮,褎如充耳。

叶。 切。 ❷ 《太玄》『守此節』與『一』叶,『守其節』與 《補音》:「節,子悉切。 外若一,事無表裏。」』《易林・坎之萃》『長 記》: 『語曰: 「上下合同,可以長久。 叶,木華《海賦》『節』與『質』叶。久,舉里 柔節』與『實』叶,「亦不知節』與『吉』叶。 久』 與『福祉』 叶。」 子,即 『節』與『栗』叶。 '鄰」叶,"詘其節」與"術」叶。 、周易》『失家節』與『失』叶,『以中節」、『剛 宋玉《招 秦嶧山刻石三句入韻,「久」與「起」 魂》『久』與『里』叶。 郭璞《客傲》『節』與『跡』 《 説 文》以 里反。 《季布敘 即 褎,由 得 **©**史 傳 聲。 中

救反。

「憎」,原作「增」,據四庫本改。

❷ 「舉」,原作「與」,據四庫本改。

與者,是必有所以然之故也。 相 疏廢也。」處,即今俗所謂處置也。 衛。 疏闊,因 子久寓于衛,登旄丘之上,而見其葛節之 「叔、伯,呼衛之諸臣。」朱氏曰:「黎之臣 按"《字林》作「堥丘」。 丘 責于衛也。」●《爾雅 與 一。」《毛詩》傳曰: 詩 (也,何其久也,久而不聞,所以 衛不能 序》曰 託以 修方伯連率之職,黎之臣子以 起興。」鄭曰:「衛人於君 狄 人 誕,闊 •釋丘》曰:「前高,旄 一前 逼 逐 高 黎 也。」鄭箋云: 後 侯, 下曰 怨而 黎侯 必有 相 旄 不 處 寓 丘 迫 相 以 事 于

> 切之。 用充耳 吾流離 尾 也 瑣 褎 塞 尾如 耳,而 飾 貌。 此, 不 而 充 聞 衛 耳 知 大夫盛 盛 也。 服 用 服 至是 以 而 塞 過 稍 耳。 譏 如

山有 彼美人兮,西方之人兮。 簡兮簡兮,方將萬舞。 左手執籥,右手秉翟。 碩人俣俣,公庭萬舞。 榛,隰有苓。云誰之思? 有力如 赫如渥赭,公言錫 日之方中,在前 虎 執轡 西方美人。 如 E 爵。 組 處

中 句云:「時祭習舞,以日中爲期,❷碩人在前列上處。 此篇《永樂大典》缺卷。據樓鑰集載所解「日之方中」二 ,將中也。 碩,大也。 大德之人,俱具德容也。」❸鑰論 方

0

也

尾,末

也。

黎之臣子流離失所,故

瑣

0

無

與

同

患

難

者

耳。」王氏

曰 :

瑣,

細

故數而言曰:非衛大夫之車不來東也,特

之久,見衛之大夫過者甚多,終莫有動心,

曰 :

『狐裘蒙戎、黎侯所

寓

在

衛

東。

羈

旅

也。

吕氏曰:「蒙戎,狐裘之貌。晉士

一萬

子」,原作「于」,據四庫本改。

⁰ 本改。 「俱具」,樓鑰《攻媿集》作「俣俣」。 時」,樓鑰《攻媿集》作「將」。 「期」,原作「斯」, 據四

處,❶則近而易察之地。 云"「前輩曾云"「日之方中,則明而易見之時。 君猶不能見,況幽遠者乎?』此 在 前 上

意甚切。」

以寫我憂。 之永歎。 言邁。 毖彼泉水,亦流于淇。 女子有行,遠父母兄弟。 出宿于干,飲餞于言。 諸姬 遗臻于衛,不瑕有害。 思須 ,聊與之謀。 按:「坭」字從《韓詩》。 與漕,我心悠悠。 出宿于沸、飲 有懷于衛,靡日不 問 載脂 我諸 我思肥泉,兹 姑 載 駕言出 **菜**牽,還 餞于坭 ,遂及伯 ·思。 遊 車

同。 知。」又曰:『主好議 篇》:『知不 氏》鄭注云: ❷『媒之言謀也。』《老子》: 思,息兹反。兹,子之反。《廣韻》、《集韻 其 安易持,其未 謀、《補音》:「謨杯切。 用愚者謀,前車 兆易謀。」荀 論 必善謀。 Ė 《周官 卿《成 一覆,後 莫不 未 媒 理 相

> 《漢·夏侯序傳》『害』與『世』叶。王粲《阮 《釋文》云:「《韓詩》作『坭』。」姊,將几反。 籍誄》『害』與『滯』叶。」 害、《補音》:「瑕憩切。 胏,子禮反。 眉者,則尤叶也。《氓》詩『謀』與『絲』叶。」 叶,《哀時命》『深謀』與『逮之』叶。 續,主執持。」屈原《天問》『爰謀』與『揆之』 謀』與『基』叶。 鵬賦》「謀」與『時」叶。 坭,乃禮反。《毛詩》作「禰」, 每見人語音亦有謂媒爲 《二子乘舟》同。 揚子雲《廷尉箴 賈誼

之水也。 毖者,深遠未能遽達之謂 女,而不得歸 泉水毖矣,亦流于 衛乎? 有懷于衛 也。 淇。 淇者, 摩 我 日 爲 衛 不 衛 國

處」,原脱,據四庫本補。

⁰ 鄭」,原作「郭」,據四庫本改。

Ŧi.

豈 夫家。 記 軷 後 兩章皆先言出 側。」此詩飲酒殆未必然。 宿于干乎,飲餞于言乎。 不忘本,嫁女終念其父母家。 有兄弟,義難歸寧,惟可致問姑姊。 人心 乎,又言女子有行,既遠父母兄弟矣,義從 歸之切」。曰安得出宿于泲乎,飲餞于坭 之辭也。 可歸之道也。 世 》:❸「出祖,釋載 一言 ·, 故 ,皆所嫁國 親 非獨 酒于其側 與 矧今父母終,惟諸姑及伯姊在,雖 屬 同 事 或宗婦餞送之乎? 心知其不可,姑與之謀,恐或有 女,有姪娣焉。 嫁 盡 地名。❷ 諸 從古 宿,次言飲餞 孌,婉美之貌。泲、坭、干、 姬 曰 (*,祭酒 聊 餞」,蓋取 制? 謀 毛、鄭亦云「衛女思 歸 毛傳謂「祖 聊之爲言非 脯 釋載爲始行, 衛 惟 乃飲 ,非事情殆 取 0 《 詩 又思安得 諸《聘禮 其大體 古 酒 者 于 而 必 嫁 所 如 此 其 舍 出 歸 與

> 其舝。 也 牽」,豈脂其舝乃設其舝歟?● 禮 ? 以脂塗之,爲滑易也。」據疏,則 關車之舝兮」,毛傳 文》曰:「舝,車軸 仲氏之歸,夫人遠送于野,亦豈沿 加 婦人之儀,毛傳意度不合詩情。 以 在 脂舝其車」,孔 就道,必 遨 遗, 以遊」,異乎《酒誥》之義矣。 思 《堯典》略有賓餞之義,《禮 或 無 速也。 疑 邪 回還 獨 爾 而折。 脂 臻,至 疏曰:「脂車設舝。」《 其舝,而 頭 邶 金 曰:「閒 邁,往也。言,語助 也。 也。」《車舝》云「閒 柏 舟 鄭箋 文 齃 \cong 曰 設整 微 不止 登車 曰 : 經》未 毛傳 我 載 \sim 燕 無 古常 一於脂 出 脂 也 燕 酒 門 釋 載 覩 曰

姬, 原 作 姊」, 據四庫 本改。

所嫁」,四庫本作「嫁時所經之」,於義較勝、

上「其」,原作「具」,據四庫本改 記」,原作「既」,據四庫本及阮刻

見也。」 侯,父母終,思歸寧而不得,故作是詩以 序》曰:「《泉水》,衛 丽 궁 雅 於不 思之,欲乘車 毛傳曰:「所出同,所歸 有 長歎。 過 過 「兹,此也。 釋水》曰: ·敢往,故曰「我思肥泉,兹之永歎」。 差有 也。」吕氏 須與 害也。」此意其或可之辭也, 出 /漕 「泉歸」 曰: 「不 自衛 遊 自衛而 以以 女思歸也。 而 異 寫 - 瑕有、 來 出 異,爲肥泉。」《爾 除 來 所 同 我憂。」《毛 害, 所經邑,故又 流 渡水,故思此 ,肥。」鄭 謂 嫁于 歸 而 衛 自 箋 諸 詩 終 不

딘 政 政 已焉哉,天實爲之,謂 出自北門,憂心殷殷。 焉 事 事 ·哉,天實爲之,謂之何哉! 埤益我。 埤遺我。 我入自外,室人交徧 我人 自外,室人交徧 之何 終窶且貧,莫知我 哉 王事 王事 摧 敦 讁 適 艱 我 我。 我 我

已焉哉,天實爲之,謂之何哉!

門,《補音》:「眉貧 門』與『根』叶,按"原本「根」誤「恨 切。 荀 卿 \sim 成 相 賦 篇

辭・九章》『門』與『貧』叶。 司馬 相 如《大 『門』與『神』叶。按"

原本「神」誤作「補」。

《 楚

『門』與『頻』叶。《張良敘傳》『門』與『心』 人賦》『門』與『垠』叶。 揚子雲《河東 賦》

叶。]窶,其矩反。 艱,《 補音》:「居 銀 切。

《周官》『以恤民之艱阨』,鄭注云:『故 書

《釋名》:『艱,槿也。』按:原本「槿」誤「恨」。●

艱爲槿。』崔駰《大理箴》『艱』與『人』叶, 衍《顯志賦》『艱』與『絃』叶,陸機《贈弟詩 馮

詩則憂苦而 陳一叶。」 歸之天,此正心也。

不

思

而

艱」與「辰」叶,柳宗元《閔生賦》「艱」與

0 恨」,四 |庫本作| 「根」。

休休。 隱也。 嚮陰, 鑿矣。 息偶 也 盡。 遺,與也。」猶加 我,其勞如此,而窶貧之甚,室人無以自 朱氏曰:「王事既適我矣,政事又一 皆王事也。 窶蓋貧之狀也。 字可也。《爾雅・釋言》云:「窶,貧也。」 而 也。」鄭箋云「國有王命役使之事」,鄭義未 靁》之「殷」。 言其不得志,非孔子本旨也。 忽發,不 交讁我。」毛傳曰:「讁,責也。 遺,加 出北門,因有此言。」毛傳謂 何必於有命? 謂之何哉,何言也。 鄉音輕清,故曰 勉而 也。」《韓詩》説云:「敦,迫也。 蘇氏曰:「政事,國之政事。」 適,猶來也。 此《北門》陸亦音隱,然皆如 自 也、授也。 中 毛傳曰:「適,之,埤,厚 道 凡事之涉於王朝者, 也 殷殷,亦猶《殷 王事惟來我所, 已焉哉,猶俗言 丽 張氏曰:「游 毛 殷殷者,隱 北門背 詩 敦,厚 : 序》止 埤益 崩 安 其

> 其告。」 不知彼也。鄭云:「言君政偏,己兼

《爾雅》。 只且 霏。 其虚 北 手同車。 風其涼,雨雪其雱。 其徐,既亟只且! 惠而好我,攜手同歸。 莫赤匪狐,莫黑匪烏。 其虚其邪,既亟只且! 惠而 北 風 好我,攜手同行 其 其階, 惠 虚 其 而好 按:「徐」字從 徐,既 雨 雪其 攜 亟

有菱,詳見《葛覃》。 音紙。且,子餘反。北風其喈,喈音有箕、徐。」《爾雅》作「徐」。亟,紀力反。❷只,徐,《毛詩》作「邪」。《毛詩》笺云:「邪,讀如行,《補音》:「户郎切。」説見《擊鼓》。徐,

[「]力」,原作「津」,據四庫本與上每古籍出版社影印「己」,原作「也」,據四庫本及阮刻本《毛詩正義》改。

禄琳琅藏宋本《經典釋文》(以下簡稱《經典釋文》)改。❷ 「力」,原作「律」,據四庫本與上海古籍出版社影印天

雪,怨而不露 手同 行 而 也。 去 女美。 躕。 静女其變,貽 自牧 歸荑,洵美且 我彤管。 異。 彤管有煒 匪 女之爲

説懌

美人之貽

之乎。

其

謙

虚、其舒徐,今盡而爲急亟之行

其

惠

順

於我

丽

好我者

相

與攜

不

敢言

威

虐

而

言北風

丽

之稱賢者,今盡變矣。

既,盡也。

其不得已

而不去?

三章之終同此一辭者,深念夫向

矣。衛國並爲威虐如此,豈不可畏?

惡得

而去者,以是之故也。又不赤者非狐,既爲

而已。 妃群妾以禮御於君所,女史書其日月,授 待進御。」君雖愛之而不得見,惟 女史彤管之法, 史不記 變,婉美也。 毛傳曰:「静,貞静 曰:「城隅者,後宫幽閒之地,處於 以非 當進御之時,不 毛傳曰:「古者后 也。 過,其罪殺之。 姝,美也。」 吕氏 · 敢 夫 搔 輒 人必有 幽 首 見 踟 閒 也。 躕 面

退之。當御者以銀環進之,著于左手。 之以環,以進退之。 生子月辰 心則以 金

以城 則 相 赤貌。」鄭箋云:「彤管,笔赤管也。」毛傳 爲女之美,此 貽 ,雅正也。 隅、彤管爲比物,取 則爲 静女 説 一 懌。 有彤管之法度,此 義 未安。 張 氏 曰:「牧, 以 彤管

静 女其 姝 俟 我 于 城 隅。 愛 而 不見, 搔 首 踟

興

了, 可

以

公觀,可

以群

二, 可

以怨。」

吅

不過,怨之正

也。

孔

子曰:

|《詩

可

以

姓不

親

莫不

相

攜

持

面

去焉。」

劉氏

曰

喈,風聲也。」狐、烏,隱言,意同

雨雪。

怨

御、著于右手。

事無大小,記以成法。

曰 :

《北風》,

刺

虐也。

衛國並

爲威

《虐,百

或同行或同車,去者之衆也。《毛詩序》

無不黑者。既爲衛國之臣矣,無不威虐者。

狐矣,無不赤者。

不黑者非烏,既爲

烏

矣,

觀此 《序》蓋以是詩居《北風》、《新臺》之閒,故 武公、文公之詩乎? 貽我以賢美之妃,以易無德之夫人,而 以爲刺。 詩末章辭情未必其然。然則安知是詩非 德,是爲美人而貽之也。 異。今以貽静女,非説其美矣,以其有美 説鑿矣。 之始生也。 非獨茅也。」毛傳曰:「牧,田官也。 實。」吕氏曰:「《大過》『枯楊 因 牧 「《静女》,刺時也 成作『荑』,則所謂荑者,凡草木根芽皆是 、鄭・清人》文公之詩,而序於昭公之前 以 地 |可以通矣。矧是《序》亦未能知衛君 贈夫 ,多草木 洵,信也。牧所歸荑,信芳美且 詳觀詩辭,又非陳古。 人也。 本之於荑,取其有始有終。」毛 根如芽。 歸荑,以 衛君無道、夫人無德。」 《詩》不可以世次定, 甸 《毛詩序》 人供果蓏 備齏菹 生梯」,鄭康 鄭箋義 荑,茅 一,供 之屬 Ĕ 本 思 豆.

之爲何君。

魚網之設,鴻則離之。 新臺有洒 新臺有泚,河 《爾雅·釋訓》曰 《毛詩序》曰:「《新臺》,刺衛宣公也。 篨。」❶《晉語》云:「籧篨不可使俯,戚施 以名云。」《方言》云:「簟之粗者謂之邃 戚施之疾不能仰,面柔之人常俯,似之,亦 之人視人顔色,常亦不伏,因以爲名也。 柔也」,郭注云:「籧篨之疾不能 清如之。毛傳:「燕,安也。婉,順 之,而作是詩也。」水清曰泚,言新臺 伋之妻,作新臺 「河水 水 瀰 浼 浼。 瀰。 于河上 「籧篨,口柔也。 燕婉之求,得此戚 燕婉之求,籧篨 燕婉之求,籧篨 而 要之。 俯 戚施 國 一; 口 不 不 也。」 一之潔 人惡 · 鮮。 施 殄。 納 柔 丽

❶ 「粗」,原作「精」,據四庫本改

浼歟? 言》: 是詩深惡淫邪,是爲「思無邪」。 之喻,俯首爲恭媚 得魚,而鴻麗之。 曰 : 施。 敷 ? 宣公要之,故以爲喻。 其顔色似之歟? 善,指宣公也。 伋,爲安爲順。 可 洒」作「漼」,❷故七罪反。 洒」爲「漼」音,則不可。 使仰。」麤簟難於卷曲,故不俯之疾似之 「猶云病 洒,即「洗」字。 「挽音漫,●洼洿也。」河水濁,故云浼 《釋詁》云:「鮮,善也。」齊女來 音漫,則與「殄」叶 而不死也。」魚網之設,欲以 宣公求媚婦人,故常仰 本求安順,今乃得籧篨 郭 齊女之來,本以嫁伋,而 惡之,故比之籧篨、戚 ? 洒掃清潔如 離,附麗 心愧而 殄,絶也。 · 韻。 而《釋文》改 首 也。 洗。 《 韓 俯 蘇氏 戚 耶 嫁 [《]方 詩 施 於 視 不

> 切。」説見《泉水》。 景、《補音》:「舉兩切。 師古《匡繆正俗》云「上有郢音,●炳 景』與『清響』叶,陸機《贈弟詩》『絶景』與 只如今讀」。 『上』叶,炳,補兩切。」❸上,是掌切。 ·攘攘]叶。 郭璞《畢方讚》『景』與『炳』、 未詳。 願言思子,不瑕有 害,《 夏侯湛《抵疑》『惠 補音》:「暇 與 而 憩 景 顔 與

一子乘舟,汎汎其逝。

著見 是詩憂閔二子,而卒章曰二子則無 面 去也,是詩大正之道也。 亦有害也,則伋、壽争先爲死之狀,宛然 ,而亦成父之惡,爲有害也。 汎汎其景,滅没 伋 瑕矣, 亦 口

0 0 灌」,原作「淮」,據四庫本改。 音」,原作「言」,據四]庫本改。 庫本改。

補」,原作「與」,據四

子 乘 舟 汎汎其景。 願言思子,中心養養。

[[]匡],原作「糾」,案當是楊簡避宋諱改字,今回 .改。 下

五八

語辭也。 一字水光之中也。二子非舟人,乘舟必傾乎水光之中也。二子非舟人,乘舟必傾乎水光之中也。二子非舟人,乘舟必傾乎水光之中也。二子非舟人,乘舟必傾乎水光之中也。二子非舟人,乘舟必傾乎水光之中也。二子非舟人,乘舟必傾乎水光之中也。二子非舟人,乘舟必傾乎水光之中也。二子非舟人,乘舟必傾

慈湖詩傳卷三

慈湖詩傳卷四

宋慈溪楊 籣 敬仲

撰

之死矢靡它! 之死矢靡慝 柏舟,在彼河 汎彼柏舟,在彼中河。 ! 側。 母也天只,不諒人只! 母也天只,不諒人只。 髧彼兩髦,●實維 髧彼兩髦,實維 我特。 我儀 汎彼

頗。 耳革,失其義也。覆公餗,信如何也。』《古 俄。』《太玄·争》首:『陽氣氾施,不偏不 何切。《周官》注:『儀作義,二字古皆音 髡,徒敢反。髦,音毛。 儀、《補音》:「牛 物與争訟,各遵其儀。』《周易》:『鼎

> 坡。 終始,六位時成。● 本脱此二字。 鎮也。』《禮統》曰:「天之爲言神也,按"原 《白虎通論》曰:『天者,身也。 天之爲言 天下平也。』《荀子・成相篇》『参天』與『人 又曰: 『時乘六龍,以御天也。雲行雨施 待』,❷徐廣:『檥,音儀,一音俄。』《爾 文尚書》:「無偏無陂,遵王之義。」陂,音 原《九歌》『沖天』與『愁人』叶、《九章》『薄 人』叶、《賦篇》『天』與『形』、與『成』叶。屈 「巖,魚奇切」。字或作凩。天,鐵因 《韓詩》:『儀,我也。』《史記》『檥船 陳也,❸珍也。』《周易》:『大明 時乘六龍,以御天。] 切。 雅

鄘

改。 船」,原作「舡」,據四庫本、《韻補》及武英殿本《史記 「髦」,原作「毛」,據四庫本及阮刻本《毛詩正義》改。

0 0

「也」,原作「者」,據四庫本及《韻補》改。

6

六」,原作「立」,據四庫本及阮刻本《周易正義》改。

曰: 蚤死,其妻守義,父母欲奪而嫁之,誓而 以再嫁爲邪也。只,語辭也。 貞吉,從一而終也。」慝,邪也,誓不爲邪 不 其母曰此天也,母不信我乎? 諒,信也 不 河中 吕曰:「儀以夫爲法也。」鄭箋云:「舟 不言拂髦,則知此 母,總、拂、髦」,按: 柏堅,喻堅操不可移改。《内則》「子事父 年切者,下同。 天』與『順人』叶。」《詩》二十有三,無叶 天」與『僞名』叶。 上天,高賢愉樂民人。」班固《西都 ,故作是詩以絶之。」 事二夫,故謂 事二夫。矢,誓也。 \ 柏 - , 猶婦 舟》,共姜自 人之在夫家,是其常處。」貞 只,音紙。 夫爲 「髧彼兩髦」謂其夫也 原本脱「總」字。 漢《樂章》:『飛 特。《易》曰:「婦 誓 至死誓不他適。 也 慝,他得反 衛 《毛詩序》 世子共伯 婦事舅 龍 **賦》『當** 秋 弗 呼 女 在 姑 他 游

> 所 牆有 牆有茨,不可束也。 中冓之言,不可詳也。 所可道也,言之醜 可讀也,言之辱也 茨,不 可 掃 也。 也。 中冓之言,不可讀 中 所可詳也,言之長 牆 **冓之言**, 有茨,不可 不 可 道 襄 也 也。 也。 也。

也。隱人之惡,亦正也。牆所以限内外,惡亂,正也。不可道,恥也,隱也。恥,正

勝其多矣。《毛詩序》曰:「《牆有茨》,衛 者,言之猶長。 亦訓上。此次章韻叶。 然《爾雅》亦多差。按《書》「懷山襄陵」、 者,言之猶醜。而況其不可道者乎? 之。」」 日曰:「中冓,蓋閩内隱奧之處也。 而去之也。朱曰:「讀,誦言也。」所可詳 行著矣。毛傳曰「襄,除也」,蓋本《釋言》。 中冓之言,若曰閨門之言也。」其所可道 漢・梁王共傳》「聽中冓之言」,注:「應劭 惡之,欲掃去之,而不可得而 内外,其意著矣。《爾雅》云:「茨,蒺藜。」 曰:"構,謂舍之交積 曰: 『中冓,材冓在堂之中也。』 顔師古 今乃有可惡之蒺藜焉。其惡公子頑之亂 **贊養襄哉」,皆訓上。《詩》「終日七襄」,** 刺其上也。公子頑通乎君母,國人疾之 使併言其不可詳者,則 材 惟言有茨束者,束 木也。 掃也。 應説 《 前 不 淫 近

> 公、宋桓夫人、許穆夫人。」 烝於惠公之母,生子五人:齊子、戴公、文而不可道也。 宣公卒,惠公幼,其庶兄頑

也? 也。 蒙彼縐絺,是紲袢也。子之清揚,揚且之顔 瑱也,象之揥也,揚且之皙也。 兮,其之翟也。鬒髮如雲,不屑髢也。玉之 象服是宜。子之不淑,云如之何? 君子偕老,副笄六珈。 展如之人兮,邦之媛也。 胡然而帝也? 瑳兮瑳兮,其之展也。 委委佗佗,如 胡然而天 Щ 玼 如 兮玼 河

狄。翟音轉而下,亦與「髢」叶,亦猶《關下、 一等。《易林·離之姤》曰:「君臣不和,而孳。《易林·離之姤》曰:「君臣不和,上下失宜,宋子笑歌。」《儀禮·士冠禮》:上下失宜,宋子笑歌。」《儀禮·士冠禮》:

帝反。 「年」叶。」 機《歎逝賦》『顔』與『然』叶,郭璞《江 司 以 袢,音絆。 鬒,音軫。 雎 顔」與「鰱」叶,陶潛《讀山海經詩》「顔」與 馬相如《大人賦》『孱顔』與『連卷』叶 彦得聲。宋玉《神女賦》『顔』與『言』叶 》「芼」、「樂」 瑳,音磋。 顔,《補音》:「魚堅切。《説 髢,音悌。 皆音 展,音戰。 轉 瑱, 丽 吐 下 殿 , 縐,側 故亦 反。 救 揥, 叶 賦 ·, 陸 文》 反。 也 敕

盛 聞。」毛傳謂「委委,行委曲。 飾 説甚莫」。 能 宜. 其能與君子偕老者,必如下文所言盛服 者。」鄭箋云:「如今步摇上 ,編髮爲之。 與君子偕老。 則 原本「盛」訛 能與 毛傳 君子偕老。 魚」。 笄,衡笄也。 曰:「副者,后 云如之何,猶俗語云「更 其德足以 今子不淑,宜其不 稱之,服之爲 珈,笄飾 佗佗,德平 飾、古制 夫人之首 之最 未

> 義。 服之詳,鄭亦不過言褕翟 也。 《羔羊》詩「委委蛇蛇」,❶「委蛇,沈讀 詳未之聞也。 言,然則服必 之義同。 所加 笑。 易。 自褕翟 人之象,日月星辰 蛇」,皆音佗,唐何切。 蛇蛇」,引《易林》「蝼蛇」、《反 山,其狀之委曲旋環 意疑若舜所云「星 人君之象服,則舜所云: 『予欲觀古 重積歟? 鄭無箋,諸 Щ 而下,如王后焉。」毛傳既不明言象 無 鄭箋云:「象服,謂褕翟、闕翟 不 容, 有所象。 孔疏謂以象骨飾服,未必然 佗佗,積 儒 河 之屬。」侯伯夫人之服 亦 無 牽强。 者如 不 《君子偕老》「委蛇 辰之屬」,而 象以 潤 而 、闕翟,不釋 河。 高 象其德,而 敷? 委委者,首 穿鑿 離 補 騒》「委 不 其 幾 音》 敢 委委 於 高 其 明 以 飾 可 如

❶ 「羔」,原作「高」,據四庫本改。

文》同。 熱之氣也。」王氏曰:「暑服則 夏則裏衣縐絺。]孔疏云:「展覆彼縐絺之 蓋謂 世閒 磨。」毛傳謂「顔者,顔角豐 之狀似之。《詩》曰:「如 治玉亦謂之瑳矣。 所以自斂飾也。」音如「絆繫」之「絆」。 《説 蹙者。展衣,字之誤,《禮記》作『襢衣』。 之靡者爲縐,當暑袢延之服也。」鄭箋云: 極 上,是當暑紲去袢延烝熱之服 后妃六服之次,展衣宜白。 禮有展衣者,以丹縠爲衣。 其美,極 其德有以 所 無 瑳者,治玉之謂。 如 其嚴盛,如天然,如帝然,以爲 天上 稱 此 方治而 乎? 人也。 否也。 切 治石謂之磋 未磨瑩,故 胡爲乎若 滿。 蒙,覆也。 如磋,如琢 **縐絺,絺之蹙** 也。 加 毛傳曰 紲絆焉 《方言》 袢 . 是 ? 延是 \Box 則 絺 縐 如

「黸」,原作「矑」,據四庫本改。

0

送我乎淇之上矣。 期我乎桑中,要我乎上宫,是。 期我乎桑中,要我乎上宫,送我上矣。 爱采麥矣,沫之北矣。云誰之思?,其之上矣。 爱采麥矣,沫之北矣。 云誰之思?,其之上矣。 爱采麥矣,沫之北矣。 云誰之思? 美孟庸矣。 为我乎桑中,要我乎上宫,送我乎淇之上矣。

名》:『兄忪亦曰兄章,舅忪亦曰舅章。』●沫,音妹。中,《補音》:「諸良切。《釋

《毛詩序》曰:「《桑中》,刺奔 《補音》:「辰羊切。 下同。」簡謂尚猶上也,亦有平聲。 疆」叶,黄香《九宫賦》『宫』與『綱』叶。」上 《泗水高祖碑》『中』與『傷』叶,胡綜《大牙 顧林兮忽荒。修余兮袿衣,騎霓兮南上』。 堂」叶,班固《泗水張敖銘》「南宫」與「無 音》:「居王切。屈原《九歌》『朱宫』與 賦》『中』與『常』叶。」要,音邀。宫,《補 顔師 五,能處中也。次六,不以讓也」。 爲鍾,鍾者,章之轉也。』《太玄・成》首『次 『皆尊章』,師古注亦云:『今關中俗呼 古《匡繆正俗》既言中有章音、《漢書》 《楚辭》『臨淵兮汪洋 也。 衛之宫 班 二龍 舅 固

妾,期於幽遠,政散民流,而不可止。」毛傳室淫亂,男女相奔,至于世族在位,相竊妻《毛詩序》曰:「《桑中》,刺奔也。衛之宫

❶ 二「舅」字,原並作「舊」,據四庫本改。

邪_? 音,亡國之音也。 音,亂世之音也,比於慢矣。 事實以紀其情。 明言姜、弋、庸乎? 都朝歌以北是也。 故《序》曰「刺 刺者之辭也。 於弋必託 皆送於淇水之上? 豈於姜必託以采唐 處或同,豈一一皆要見於上宫? 淫者畏人之知,託以爲采,期於幽遠 將爲淫奔,託名於采唐、采麥、采葑。 草》云:「唐、蒙、女蘿,兔絲。」 曰 ·沬,衛邑。」《書》曰「明大命于沬邦」,蓋紂 桑中》、《溱洧》幾於勸矣,何以「思 :「爰,於也。 曰此非 以采麥,皆人協韻爾,以是知皆 奔」。 總言淫者之情狀 淫者之辭也,刺者之辭也。 **縱桑中之地闊遠,相期之** 唐、蒙,菜名。」《爾 其政散,其民流,誣 姜、弋、庸,皆著姓也。 《樂記 使果淫者之辭, \Rightarrow É. 桑閒濮 而非 毛 豊 一 一 鄭 傳 雅),詎敢 的 或曰 衛之 上之 將敘 上行 曰 • 也, 無 釋

> 私 其 朱殆謂鄭注爲非,然《樂記》非聖人全書 平公鼓之,是之謂也。」桑閒 於濮水。後師 者,昔殷紂使師 鄭玄注《樂記 記》者未達乎作者之旨,所以刺 遂謂「桑閒」即此篇,無乃 也。《桑中》非淫者之辭,乃刺者之辭。 言其邪,而止曰比於慢,此疑辭。 孔子曰: 『思無邪。』」鄭、衛在中,不敢全 日 耐 不可止也。」朱曰:「桑閒, 鄭 衛比 於慢者,比, 》云:「濮 涓過焉,夜聞 延作靡靡之樂,已 水 之上 司 近 在 而寫之,爲晉 也。 似 一濮陽二 地 即 而 亂非爲 蓋作《 亦曰: 非 丽 有 此 乎? 篇 而 自 桑 樂 閒 亂 朱 沈

沉也」。《釋名》:『兄,荒也。故青、徐人《補音》:「兄,虚王切。《白虎通》『兄者,鵲之彊彊,鶉之奔奔。人之無良,我以爲君。鶉之奔奔,鵲之彊彊。人之無良,我以爲兄。

柳 謂 與『黄』叶。 叶,❶『喜爲吾兄』與『觴』叶,『駕迎吾兄』 與『長』叶、《易林》『以福爲兄』與『光』 亦不昌,昌乃在其兄。』《楚辭・天問》『兄』 不爲狼?』《急就章》:『畢稚季,昭小兄。 寧』叶。」❷ ·奔』與『人』叶,棗據《船賦》『奔』與 堯舜,樂禹湯。」晉謡 兄爲荒。』漢 奔奔,逋 語 曰: 『雖有親兄,安知其 珉 曰:『後十四 切。 崔駰《七依》 年,晉

姜也。 彊彊 言鳥獸之行,如鶉鵲然。首章言兄,則刺 《毛詩》傳曰:「兄,謂君之兄。君,國小 箋云:「奔奔、彊彊,言其居有常匹,飛則 相隨之貌。 君。」《毛詩序》曰:「《鶉之奔奔》,刺 韓詩》傳曰:「奔奔、彊彊,乘 誠 衛人以爲宣姜, 鶉鵲之不若也。」鄭 有乘匹之狀,詩辭無不若之意。 刺 宣姜、頑非 匹 耦。」觀奔 匹之貌。」 衛 奔、 蓋 官

不從。惟衛宏之《序》有異耳。鄭則從衛《序》,今則刺宣姜爲小君。毛傳與韓傳未見其異,以子頑,頑爲惠公之庶兄也。末章言君,

星言夙駕,説于桑田。匪直也人,秉心塞淵,卜云其吉,終焉允臧。靈雨既零,命彼倌人。以望楚矣。望楚與堂,景山與京,降觀于桑。以之榛栗,椅桐梓漆,爰伐琴瑟。升彼虚矣,定之方中,作于楚宮。揆之以日,作于楚室。

京、《補音》:「居良切。揚子雲《交州牧

騋牝三千。

船」,原作「舡」,據四庫本改。

^{● 「}光」、原作「先」、據四庫本改。案文淵閣《四庫全書》 不與掃葉山房石印《百子全書》本《焦氏易林·大有之 本與掃葉山房石印《百子全書》本《焦氏易林·大有之

燕》詩。 聲相 《南都賦》:『開 切。 招 身、爲王主田。』《太玄・失》首『田』與『根』 皆或從京。」信,音官。 賦》「千」與「門」叶。 脈連,❷隄塍 叶,韓愈《越裳操》『田』與『臣』叶。 田,❶政惡傷民。』《節之井》曰:『宣髮 善人。』《易林 喪其田。」漢童謡:『邪徑賊良田,讒 與『大荒』叶。 榱邊薄盧瓦屋梁」。 與『永昌』叶、《急就章》『門户井竈 箴》「京」與「荒」叶,班 魂》『千』與『人』、與『侁』叶。 近。」晉輿人之謡曰:『佞之見佞,果 顔師 千,《補音》:「倉 古《急就章》注云:『古者田 相輑。」淵,一均切,説見《燕 《説文》麠 噬嗑之未濟》曰 寶灑 陳琳《武華 劉邵《趙都賦 流,浸彼 固《東都 田、《補音》:「地 與 新切。 鰮 稻 以 班固合 賦》『鎬 賦》『漢京』 田。 『徑邪 畺 》按: 廡 (楚辭 得 囷 西都 溝 張 口 原 京 京 陳 衡 龍 害 因 澮 賦 本

> 詩。 之比》: 『騋牝龍身,日馭三千。』正 趙都二二字脱。 曰 龍 『千』與『仁』叶。❸《易林 趾 龍 身。 門, 眉 貧 切。 用 此 觀

音來。」

《毛詩序》曰:「《定之方中》,美衛文公也。 濟**,**立 馳》。 澤,衛師敗績,遂滅衛。 殷富焉。」《春秋》「魯閔公二年十二月,狄 市,而營宫室,得其時制,百姓 公攘夷狄而封之,文公徙居楚邱,始 衛爲狄所滅,東徙渡河,野處漕邑。 人衛」、《左傳》:「衛懿 齊桓公使公子無虧帥 戴 公以 廬 于 漕。 宋桓公逆諸河,宵 公及狄人戰于 許 穆 車 夫 三百 悦之,國家 人 乘、 賦 齊桓 建 載 滎 甲 城

0

[「]徑邪」,原誤倒,據四庫本乙正。

[「]連」,原作「通」,據四庫本改。

[「]仁」,原作「人」,據四庫本改。

之後。 以 日 璞云: 文也。 十二月矣。《春秋》『正月城楚邱』,而 室也。 毛傳曰:「椅,梓屬。」陸 時者、《左傳》曰:『凡土功,水 日出 正。」鄭謂小雪時,孔疏云:「小雪則在 日於作宫室之後者,作詩協韻,故交錯 星昏 四方,鑿矣。宫言大體,室言内室。 室。」方,將也,初也。 士三千人 梓實桐皮曰椅。」爰,於也。 曆校之,僖二年閏餘十七,則閏在正月 至 而 人以定東西南北 中,於是 「定,正也。 《爾雅·釋天》云「營室謂之定」,郭 正月之初,未冬至,故爲 畢。』則冬至以前皆爲 楚宫,楚邱之宫也。」鄭箋曰:「定 以 戍漕。」《毛詩》傳曰: 可 以 作宫室皆以營室中爲 營制宫室,故 昏中於南方,鄭箋謂 ,乃作宫室。 機《草 他年於此伐 木 土 昏 得 疏》 功之時。 Ī 謂 時 而言揆 「定,營 揆,度 而 ě 也。」 之 云得 栽 周 爲 誉

惟 雨。 疏 也。倌人、主駕者。」相地定國、卜既吉、有 信 即楚宫之址 《左傳》稱晉侯登有莘之墟也。」以望楚邱 亦善,則可矣。降觀于桑者,桑正其所也 登高遠望,見其所善,又至其所 詁》云:「景,大也。」今陰陽家 定言漕虚,或登他墟亦可望。《爾雅 Щ 又望其傍堂邑,及景山與京邱。 者,以文公自漕而徙楚邱,故知升漕虚 虚 之,以爲琴瑟,餘 地有故墟,高可登之以望,猶僖二十八年 雨 雨 善,非特當今而已。」毛傳曰:「零, ,漕虚也。 止,故命倌人見星而 零者,疏 焉,而遂霽,衛 京,高邱 也。 而 也。」孔 楚邱,有堂邑者。 不 然後 所用不 驟 人 疏云:「知『虚,漕墟 "; 雨 下,孔 喜 盡 焉 丽 夙 記。 即 駕,欲厥明早 疏云: 以 止之義 相 而 此 虚亦不必 毛 景山,大 審觀之, 地,亦先 雨 「終然 傳 爲 日 神 落 釋

典》脱,今補入。 行也。 十乘。季年,乃三百乘。」按:「魯僖」以下,《大 惠工,敬教勸學,授方任能。 文公大布之衣、大帛之冠,務材訓農,通 年》:「齊桓公城楚邱而 對。《廋人》:「馬七尺曰騋。」《魯僖 之騋牝亦三千矣。」問國 朱云: 既命 一非 駕倌人,己乃説 獨 此 人誠 封衛,衛國忘亡。 君之富,數馬 實淵深,其 元年,革車三 止 於 桑 公三 所 田 商 之 以 蓄

也,不知命也。 兄弟父母。乃如之人也,懷昏姻也。大無信弟。朝隮于西,●崇朝其雨。女子有行,遠蝃蝀在東,莫之敢指。女子有行,遠缀

也。」蝃蝀,毛傳曰:「虹也。夫婦過禮,則奔之行,按:《詩序》「行」作「恥」。國人不齒《毛詩序》曰:「衛文公能以道化其民,淫

是大無信,必欺 豈曰淫奔? 必誨之以善也。 之女。懷,思婚姻故也。 兄弟矣。此宜憂戚,有所不忍,豈可不由 況淫奔之行乎? 速,莫非天命也。 父母之命而 有卑下義。 佚之氣感之歟? 正之氣,而陰爲主,故常遠日。 亦虹也。 日 虹 在 氣 盛。」孔 西則 虹非天地之常氣,乃陰陽繆感不 虹 虹見則雨。 淫 見東方,無 疏 奔乎? 云 云 作以 以遲,故奔歟? 隮,升也。 衛人猶莫 日 行之。 在 乃如之 在 女子有行,遠父母 東 幼承父母之誨, 日 . 傍 敢 則 朝 不 指 今而奔焉, 人,指淫奔 之時。」隮, 虹 有崇義,暮 其人道淫 知 蝃 見 婚 嫌,而 西 姻 方, 遲

鼠有皮,人而無儀。人而無儀,不死何

相

「西」,原作「南」,據四庫本及阮刻本《毛詩正義》改。

0

不遄死? 何俟 爲? ? 相 相 鼠 鼠 有 有 齒 體,人 丽 而 無 無 止 禮。 人 人 而 而 無 無 止 禮 示不 可胡 死

羅。」《 昭 如下 言」、《開元五 嬀 之可爲? 子胥死而成義兮,屈原沈於汨 忌作,非屈原《楚詞 正 以爲得聲。《史記》引《書》「居南交南爲」, 儀 皮、《補音》: 讀爲作訛。● ·切,一讀吾禾切。 「或寢或訛」、「民之訛 ❷「五戈 遊乎清波。 〈漢書 讀魚奇切,一 王莽 經文字》皆作「譌」。 切。」「爲」 业。 《楚辭•哀時命》:按:此嚴 寧幽隱以遠禍兮,孰侵辱 讀 蒲 讀牛何切。 「知貪餌之近死兮,不 傳》「以 糜 切, 與「 勸 爲 讀 爲,一 南 蒲 皆 僞 《説文》 何 當 讀于 切 有 韋

能 毛詩序》謂 正 工其群臣 べ相 丽 刺 鼠 在 位承先君之化,無 刺 無 禮 也 衛 文 禮 公

> 不合。 傳亦同。衛文公誠有禮 則 岸,曾不如 猶有所限 襲,曾不如鼠之有皮,猶包括其體 詩人深疾之情狀 先君之化,淫風 章、全篇,而執一言以爲説,亦陋 俟」,俟,待也。 禮儀而已哉? 皮,人而無儀,此無儀謂淫泆無恥 觀此辭情,蓋深疾淫蕩之甚者也。 儀 特 也。 更韻 是詩 \sim 序》 啃 欲 鼠之猶 所謂「 固 申 人無止,蕩然淫 未殄,猶 曰「不死何爲」,曰「不死 多 曰「胡不遄死」, 遄, 速也 言深疾淫縱之意,故云。 甚 有齒。 無儀」 差 著。 繆 」、「無禮」,豈 有如 一群臣 此《 相,視。 卒章「體」、「 此 肆 肅 詩 與 無無 正,而 甚矣,毛 也。 所 不觀全 鼠 詩 刺 .所 特 猶 無 情 禮 齒 畔 藏 有 承 何 無 殊

章」,原作「偉」,

據

四

庫

作_, 原作「化」,據 四 庫 本改。 本改

孑孑干旄,在浚之郊。素絲紕之,良馬四之。

都。 馬六之。彼姝者子,何以告之? 予之? 孑孑干旌,在浚之城。素絲祝之,良 彼姝者子,何以畀之? 孑孑干旟,在浚之 有美德,詩人美之,故云姝也。 『《干旄》之忠。』」彼姝者子,謂賢者。賢者 絲,束帛也。 以帶馬。 紕,所以織組 此 曰:「干與竹竿字 卿建旃,大夫建物,首皆注旄焉。」時有建 牛尾注於干首。」鄭箋云:「《周禮》:『孤 朱曰:「孑孑,特出之貌。」李巡 旌 素絲組之,良馬五之。彼姝者子,何以 來 至浚之郊。」毛傳 良馬,所以好賢也。」程曰:「素 以東帛乘馬行禮於賢者。」李 ·也。」王氏曰:「素絲爲組,所 通 用。 曰:「浚,衛邑。 《 家 畀,與也。 語 曰:「旄 티 :

> 所以贈送賢者亦有理,但古者幣用玄纁 文於彼。」然則紕之者,謂織 産以馬四疋。《家語》云:「總紕於此,成 傳》楚公子棄疾見鄭子皮以 訛者多,鄭説頗通。 六,馬之益多,見其禮之益 作屬。屬,著也。」按:三字原本脱。 隼爲旟,析羽爲旌。」●又云「州里建旟,斿 而下至於宰,❷咸建旟。 車載旌」,注謂「游車,王之木路」,而此 何以與之,何以告之也。《司常》云:「鳥 謂 「注旄首曰旌。」據「州里建旟」,則自州里 云干旌者,以旌、旗通稱歟?《爾雅》云: 卿大夫士之致禮於賢者如此,不知賢者 程曰:「馬四至於五、 鄭箋云:「祝,當 也。 馬 加。』《春秋左 六疋,見子 凡《詩》字 程謂素絲 詩

析」,原作「祈」,據四庫本及阮刻本《周禮 注疏》改。

Ø 里」,四庫本作「長」,於義較勝。

之謂 孔 衛文公臣子多好善,賢者樂告以善道也。」 之」、「六之」,爲説不通。 箋本於《爾雅》:「旌旗: 維以縷。」然首章惟言紕,又繼 以古制歟。 曰 而 ·祝」作「屬」,素絲之幣相屬不一歟? 都。」《毛詩序》曰:「《干旄》,美好善也 子删《詩》,惟取其大體之善,不可 此 乎? 曰 素 絲 不然,則以 次曰 · 豈 周 組之、豈特取其組織 衰,古制 組 練旒九,飾以 東帛 毛傳曰:「下邑 寖 廢 乎? 曰「良馬 而 用 鄭謂 詳 成 素 傳、 組 五 文 責

大夫跋 視爾 視爾 馳 善懷 載 不 其野,芃芃其麥。 不臧,我思不遠。 沙,我 臧 驅 ,亦各有行。 ,我思不 , 歸 唁 心則憂。 衛 閟 侯。 既不我 許人 陟 驅 既不我嘉,不能 控 彼 馬 于大邦,誰 (尤之) 衆稺 阿 悠悠,言至 丘 嘉,不能 一,言采 其 旋 旋 於 且 因 狂。 濟。 反。 漕。 蝱 誰

載

極 ? 我所之。 大夫 **分君子**, 無我有 龙。 百 爾所 思,不

七二

如

《賦篇》: 辭 • 彦。 荀卿《賦 而 朕 經:『相道之不察兮,延佇乎我將 反、《補音》:「反,浮臠切。 詞》三句。❶ 歸來,山中兮不可 同。 驅、《補音》:「袪 反 車 漕, 也,邛邛兮天下之咸蹇也。」按"原本脱 招隱士》:『禽獸駭兮亡其曹,王孫 陸雲《九愍》『駈』與 以復路兮,❷及行 篇》三句 『忽乎其 音曹,《 簡謂即今「曹」音之轉。 潘 1. 尤切。 補音》: 岳《西 極 以久 之遠也, 攭兮其 留。』」按: 迷之未遠。』 《釋文》『駈』, 征 『流』叶。」唁, 「 徂 賦》「不反」與 屈 候 原《 切。 原本脱《楚 反。 不 離 荀 相 能 ^ 楚 音 口 旋 兮 音 逐 卿

復」,原作「服」,

據四庫本改。

句」,原作「字」,據四庫本改。

以亡得聲。」行、《補音》:「戸郎切。」芃、音叶。」蝱、音盲、《補音》:「謨郎切。《説文》『蓬轉』叶、《太玄・失》首『反』亦與『轉』

蓬,思亡反。❶

衛 得 歸唁矣。 宗國,哀閔兄弟,人心所不能自已者也。 知父母終,於禮不可歸。 許大夫既不以我爲嘉善,●我亦不能旋反 涉,我心憂之,殆不如己親往唁也。 有 弱,不量力而往,又如狂爾。 以許國至小,而欲救衛,如衆稺幼,力至柔 《載馳》詩言「歸唁衛侯」,則知衛女。 所滅,許穆夫人欲以許救衛,而士大夫皆 許人尤之,衆稺且狂」,則知衛懿公爲狄 ,當有濟 而不遠? 事實、皆所思也。念許大夫往衛唁問 視爾不以我爲臧善,●我所 渡 嘉,善也。 也。 爾 既 臧,亦善也。 不 旋濟者,自許 以我歸 馳驅至漕,非 唁 爲 哀閔 後言 思安 亦心 臧 歸 跋

> 所思深閟哀切至是,非實行野而往控也。 究極救衛之事? 百致其思,不如我徑往控告也。 中,徑往控告大邦,誰可因之以濟? 莫肯往救。 心,心各有所欲行。許人尤之,謂衆稺狂, 我今所懷思亦善,非爲惡也。 也,治氣結實。 邱》云:「偏高,阿邱。」《爾雅》爲義未 善,我所思安得而 「有卷者阿」,偏 我思出 采蝱 高 而阿 許大夫君子無尤我。 不深閟? 而行野,行芃芃之麥 ,欲以療 曲 敷 ? 大抵人各有 憂鬱之氣。● **爾** 之,往· 蝱,貝母藥 雅 誰 也。 盡 爾 釋 口

0

案:此处疑有脱文。「思」上,四庫本有「九」字。「亡」,四庫本作「之」。

[「]我」,原作「之」,據四庫本改。

我爲」,原誤倒,據四庫本乙正。

[「]氣」,四庫本作「疾」。

《毛詩序》曰:●「《載馳》,許穆夫人作也。

「載、辭也。草行曰跋、水行曰涉。」兄、又義不得、故賦是詩也。」毛傳曰:閔衛之亡、傷許之小、力不能救、思歸唁其狄人所滅、國人分散、廬於漕。許穆夫人敗其宗國顛覆、自傷不能救也。衛懿公爲閔其宗國顛覆、自傷不能救也。衛懿公爲

慈湖詩傳卷四

「詩」,原作「氏」,據四庫本改。

0

慈湖詩傳卷五

兮,列樹芋

·荷。

按:

原本

脱

此

句。

橘

柚

萎

枯

音》:「烏

何切。

東方朔《七諫》『搴玄芝

宋慈溪楊 籣 敬仲

撰

奥,緑竹如簣。 兮咺兮。有匪君子,終不可諼兮。瞻彼 匪君子,充耳琇瑩,會弁如星。 子,終不可諼兮。 如琢如磨。 瞻彼淇奥,緑竹猗猗。 有匪君子,如切如 寬兮綽兮,猗重 瑟兮僩兮,赫兮咺兮。 有匪 瞻彼淇奥,緑竹青青。 主較兮。 君子,如 善戲謔兮,不爲 金如錫,如 瑟兮僩兮,赫 有匪 圭 淇 如 君 有

奥,於六反, 又烏報 反。 猗, 於宜反,《 補

> 恭反。較,古岳反。 儺,烏可、乃可二切。」] 簡按: 王叔和《 青,如字。 雅》作「烜」、《毛詩》作「咺」。 諼,況元反。 鳥可切,亦與「磋」叶。 兮,苦李旖旎』,徐邈云:『旖旎,《詩》作 會,如字。 訣》云「阿阿緩若春楊柳」,阿、猗 簣,音責。 琇,音秀。 猗,於綺反。 瑩,音榮,又音營。 僩,遐板 通 反。 重,直 歟 **爾** 脈 猗

衛

自修也。 劉曰:「淇水之旁,至今多美竹,他處弗迨 曰:「如切如磋者,道學也。 君子之德似之。 必似鳴。』匪者,文章之謂。」《爾雅 也。」王氏曰:「《考工記》曰:『且其 **| 厓内爲隩。] 淇奥緑竹有潤澤文章之美,** 瑟兮僩兮者,恂慄也。 觀全 篇 미 見。 。 如琢如磨者, 赫兮咺兮 《大學》 | | | | | | | | (匪色,

學》、《爾雅》亦未必以諼爲忘。❶ 著見 敷 ? 見於外也。 之又磨之,由麤至精也。瑟,其文理之密 磨」,孔子是之。其意蓋謂切之又磋之,琢 害道。子貢嘗引此 也」,取吾一貫之心而截截然判裂之,殊爲 學也」、「此自修也」、「此恂慄也」、「此威 受之,非外也。 亦有如切如磋之意。 雖師友切磋,亦吾心 已,他人不能力爲也。 之力歟? 至於琢磨,則微矣。 《大學》文。《大學》之意 盛德至善、民之不能忘也。」《爾雅》盡 暖」曰「忘」,誤觀《大學》之文爾,況《大 「, 威 如此,終不可得而妄議也。 毛傳謂「僩,寬大也」。 儀也。 諼, 詐也, 妄言也。 有 而《大學》太分裂,曰「此 斐君子,終不 詩「如 然其自改過 ,謂切 切 赫煊,光輝 如 可 磋,如琢如 諠 磋者,師 君子文德 惟 毛傳直 兮者, 毛傳 :自修 用 力, 釋 著 儀 道 mi 友 載 道

> 箱長 農云:「龍,當爲尨。 玉璂。 去車牀三尺三寸,謂之式。 輕。」如簣,排密也。 之。』、《冬官・考工記》「玉人之事: 圭,天 子用全,上公用龍,侯用瓚,伯用將」,鄭司 二寸横一木,謂之較,以便適手憑倚。」疏 孔疏云: 之縫中。 瑩,其光之明瑩歟? 雖玉石雜,亦玉之類。 言 龍、瓚、將皆雜石色。 「諸侯以 四尺四寸三分,前一後二,横一木,下 諸侯及孤卿大夫,各以 《弁師》云:『王之皮弁,會 飾以 石」,語 玉,皪皪 有未 吕和 尨,謂雜色。」鄭玄謂 鄭箋云:「會,謂弁 玉多則重,石 盡 而處,狀似星 琇,其色之蒼然。 叔 又於式上二尺 琇、瑩皆從玉 云:「古者車 其等爲 多則 五 也 采

❶ 「忘」,原作「妄」,據四庫本改。

以 者 賂。❷ 爲君。 於國,曰 卒。」又《楚語》:「左史倚 戎,平王命爲公。 曰: 『昔衛武公年數九十有五 旁,謚曰共伯,而立和,是爲武公。 上。 反。」 也。」《史記》:「衛 諫,以禮自防,故能 奥》,美武公之德也。 不 稱 訓 交戒我。 其 · 載 無謂我老耄而舍我,必恭恪 導我。」」夫武公在位五 共伯人釐 |善戲謔 善,至 此 和以其賂賂 共伯 説。 自卿以 聞 於 《釋文》云:「猗,依也。● ,非大善也。愛其 弟 此 一二之言,必誦 侯羨自 下,至於師長士,苟 和 也。 釐 武公在位五十五年, 有 入相於周,美而 士,以襲 侯卒,太子共 寵於 有文章 《毛詩 殺,衛人葬之釐 相 釐 十五 攻共 一、又能 序》曰: 責 侯, (人,無 志 矣,猶箴儆 於朝 申公子亹 年 而 (伯於 佐周平 多 伯 作是 聽其 ·而卒, 納 在 與 朝夕 餘 所不 於綺 之, 朝 侯 之 墓 立 詩 規 淇

> 則 審如《史記》所云,❸則武 略無禍難之意,則《序》與史 共伯之妻守義不嫁,作《鄘 死」,夫年四五十而死,亦不可謂 長於武 而《大學》釋其詩曰「盛德至善」,何也? 其即 公,而《毛詩序》曰「衛 位之時已 四十餘矣。 公乃 所 柏舟》之詩 其兄 世子 弑君之賊 載皆可疑。 蚤 共 共 死。又 伯 伯 早 又

考槃在日 考槃在 考槃在陸,碩人之軸。 寬』與『賢』叶,白居易詩『王家庭院寬』與 寬,《補音》:「區權切。 依」,原作 阿,碩. 澗,碩 「倚」,據四 人之邁。 人之寬。 庫本及《經典釋文》改 獨寐寤宿,永矢弗 獨 獨 寐 寐 韓 寤 寤 愈《閔己賦》『平 歌, 言, 永 永 矢弗 矢 弗 過。

[「]史」,原作「是」,據四庫本改。 「賂」,原作「賄」,據四庫本及武英殿本《史記》改

七八

戈。 也。 讀寬音之轉,自與「言」叶,亦不必枯爰切 翟」「髢」叶之類同。邁,苦禾反。 天』叶。」簡謂 告,音谷。 與《關雎》「芼」「樂」叶、《君子偕老》 寬音輕清, 宜枯 爰切。 過,音 始今

澗。 今世謂相往來曰相過。 宿臥也。 草徑歟? 傳之已誤也。 喧。 獨 山 旋轉之謂,言其步武回旋其 毛傳曰:「考,成,槃,樂也。 永矢弗過」同音。 諼」曰「忘」,蓋誤從《淇奧》毛傳,不知 寐及 夾水之處迫矣,碩人居之,自以爲寬。 諼者,字訛 曲陵曰阿。」《爾雅》曰:「高平曰 寤 歌,自樂也。 而 碩人常所往來經過歟? [言曰:「永矢弗諠矣。」諠,音 邁、《韓詩》作「鳻」,意者其 也。 凡制字,皆有義。 **諠**,言也。 離此 賢者困窮之時,有 而之彼曰 中,不復他往 山 鄭箋 夾 水 當 陸。 軸 過, 與 毛 釋 日

> 《序》率外求其説。 彼矣。 意 ? 多祖毛説,而又以己意成之歟? 是益驗衛宏作《毛詩序》,漢史可信。 此又見。 業,使賢者退而窮處。」《序》每失詩旨,於 者,天厭之。」」則知矢有誓意。 言不信,於是退處之義甚明,不復疑貳,故 而退,正也,道也。 曰:「《考槃》,刺莊公也。不能繼先公之 決其辭,矢其誓, 君雖有過,豈可以刺? 論語》:「夫子矢之曰:『予所否 此詩自決於退處,豈有刺君之 曰弗誼,曰 毛傳亦不言刺莊 衛宏不知道,故其 弗告,亦弗 言碩人 《毛詩序 公,以 宏雖 知 作 時 渦

膚如 巧笑倩兮,美目盼兮。 東宫之妹 碩 人其頎,衣錦 凝脂,領如 ,邢侯之姨,譚公維私。 、製衣。 婚婚 , 齒如瓠犀, 螓首蛾眉。 碩人敖敖,説於農郊。 齊侯之子,衛 手 如 侯之妻, 柔

濊 四 無使君勞。 () 鱣鮪 牡 有驕,朱憤鑣鐮,翟茀以朝。大夫夙退, 發發。 河 水洋洋、北 葭菼揭 揭,庶姜孽 流活 活。 孽,庶 施 罛 濊 士

有朅。 頌》: 此 鋒猶駭電。』袁宏《三國名臣贊》『顧 也。 按:盻、盱、眄、《韻補》皆匹見切。 所注、許慎所引、陸德明所釋,皆作『盼』而 不作『盻』,以是知變而爲『盻』者,殆未遠 从目,兮聲。』孫愐止有胡計切一音。 從目、分,孫愐『匹莧切』。又『盻,恨視也, 盻,《補音》:「匹見切。按:《詩》與《論 語》作『盼』,毛與《釋文》作『盻』,《説文》盼 變」叶,義皆當作『盼」,而字乃用『盻』。 **ユ類所** 又有從目從万、從目從丏、皆眠見切。 『烈烈黥布, 耽耽 〔見,無· 慮數十,乃無一作『盼』,而其 其眄。 陸機《高祖 名冠 彊 毛氏 功臣 楚,

反。菼,他覽反。揭,居列反。如字。眾,音孤。濊,呼活反。發,補末按:《説文》引「美目盼兮」,匹莧切。活,接皆與『倩』、『絢』相叶,蓋不用考矣。」簡

雅 其文之著也。』《春秋左傳》曰:「衛莊公娶 屬。」《中庸》曰:「《詩》曰『衣錦尚絅」,惡 毛傳曰:「領,頸也。 於齊東宫得臣之妹,曰莊姜,美而無子,衛 之所服也。《説文》曰:「褧,檾也。 之太著。 夫人翟衣而嫁,今衣錦者,在塗 也。」禪,音丹。衣錦尚之以禪衣,爲其文 毛傳曰:「頎,長貌。」鄭箋云:「褧, 人所爲賦《碩人》也。」《爾雅·釋親》曰: 女子謂姊妹之夫爲私。」荑新生,白而柔。 釋蟲》云「蟦, 蠐螬。 蝤蠐,蝎 蝤蠐,❶蝎」,孫 也。」《爾

「蝤」,原脱,據四庫本及阮刻本《爾雅注疏》補。

0

言》並不言馬蚻,如 馬 蚻 雅 **蚻**,謂之夜蟬,顙 雅》又云:「蝒馬,蜩。」《爾雅注 而 曰:『齒 之在糞土中者名 崛 \overline{Z} 木中者謂之蝤蠐,謂之蝎。』《爾雅 而長,故以比頸。」《爾雅》邢昺疏云: 曰 梁、益之閒謂之蝎。」《爾雅》又曰「蝎 炎 **蚻者也。」《方言》云:「其** ,其小者謂之麥蚻,有文者謂之螓。』《 方。」鄭 • 釋蟲》云「蚻蜻蜻」,某氏 日 麥蚻者,豈異名而或大小耶 瓠棲,瓣」,郭曰:「瓠中瓣也。 「蝎,桑蠹。」孔 孫炎 如瓠 蠐 箋 曰:「蝎,木蟲 棲。」」毛傳 謂 云:「螓, 之蟦 廣 蟦 而 蟬 蠐,❷又名蠐螬。 疏云:「以 蠐 方。 ጢ ó 謂 青,或 曰:「螓首, 所謂 關 也。」《爾 蜻 東 大者謂 解 蜻 在木 蚻 毼,夜鳴 謂 ? 此云 疏》及《方 也。」 之蝤 蜻 • 蠶 雅》 釋草 中, 《 詩 之 蛾 顙 其 在 \sim 蜻蜡 蠐 蝒 其 爾 蚻 爾 鳴 又 蝒 廣 蝎 白

> 爲飾。 外 翟 容,徐步自適,有若遊敖之狀 羅 眉 曰:「憤,飾也。 他詩偶同耶? 文,不假 美目盼兮,素以爲絢兮。」]言其以質素生 舍於農郊農田之閒,非城邑,於是休舍從 婦 鐵 羽 甚 人乘車不露見,車之前後設障,以 ;飾車。 也 美 《論 鑣 丽 外物 鐮,盛貌。 語》:「子夏問曰:『巧笑倩兮, 著 茀,蔽也。』《釋文》曰: 名扇汗,又排 即 爲 毛傳曰:「敖敖,長貌。」 蠶蛹 飾 人君以 也。 翟,翟 所 變者 朱纏 豈此闕文耶? 沫。」孔 車 鐮扇 也。 爾 敷? 雅 汗 夫人 「鑣,銜 疏 $\stackrel{\circ}{\mathbb{Z}}$ ``**,** 且 굸: 毛 蛾 以 以 傳 既 抑

蠐字衍。」

⁰ 0 下同。 又「名」下「蟦蠐」、《爾雅注疏》阮元校勘 名」,原作「 蠐螬」 原 誤 如」,據 倒 據四庫 四 庫 本及阮刻本《爾 本及阮刻 本《爾雅 雅注 記 引 注 浦 疏 疏》改。 鑓云:

小 是。 大魚 傳曰 青黑❶,大者不過七八尺。 大者名王 石磧上釣取之,大者千餘斤。 下,背腹皆有甲 河下頭來上。 呼爲黄魚。」然則 甲,無鱗,肉黄。 爲 案:《爾雅•釋魚》首「鯉鱣」,故毛傳 次其 引 使君勞於政事,而不得與夫人相親 莊公之配,故謂大夫朝於君者宜早退 蔽 ·者名 此 ,謂之茀,因以 陸璣 魚,而 :「眾,魚罟。 羽使相迫也。」朱曰 詩 似 鮛 翟 鱏 亦云: 茀 鮪。」 郭璞 而 蓋 短 鱣身形似龍,鋭頭,口 - , 縱廣 發 「二魚出江海,三月中,從 **鼻**,口 注云:「鯉,今赤鯉 厭 大者長二三丈。今江 ₩,≪ 郭 翟羽爲之飾。 翟 鱸,鯉 璞 也。 四五尺,今於盟 以 在頷下,體有邪行 韓 爲二魚,審訂 厭,於涉反。 也。 詩》作「鱍 「國人樂得以 鮪形似 鲔, 鮥 命 也。」毛 車 厭 鱍」。 在 因以 鱣 津 也。」 鮪, 鱣, 無無 逆注 翟 若 東 額 而 東 爲

> 也。 雅 健 上僭。莊姜賢而不答,終以無子,國 夫 者。」宜使大夫,而此云庶士者, 傑之義。 按:孽孽、《韓詩》作「囐巘」。 「《碩人》,閔莊姜也。 莊公惑於嬖妾,使驕 「薍或謂之荻。」鄭箋云:「庶姜,謂 云:「蘆,葦也。 加 也。』《伯兮》云「邦之桀兮」,則桀亦 孽孽,言姪娣之多也。」《毛詩序》曰 來,言其多者。 釋 草》云「葭,蘆。❷ 《毛詩》作「有朅」,殆訛 薍,似葦而小。」陸 毛傳曰 《韓詩》傳云:「桀, 菼,薍」, : 庶 揭 也。 士從 姪娣 璣 ,揭,長 人関 $\widetilde{\Xi}$ 郭 有俊 大 送 注 爾

八

惟

見齊姜始歸於衛,其聲燄儀物

之盛,

國

而憂之。」《毛詩序》固多謬誤,詳

觀

是詩,

^{●「}蘆」,原作「盧」,據四庫本及阮刻本《爾雅注疏》改。 淵閣《四庫全書》本《毛詩草木鳥獸蟲魚疏》改。 「似鱣而青黑」,原作「如鯉而有青黑」,據四庫本及文

自

子而 之道,其作《序》率多贅辭,曲爲之説。 儀物之盛,平正無他。 其無子爾,未必謂《碩人》之詩以閔莊姜 不見其有憂閔之意。《左氏》所言,亦因 夫人相親之情,殊非其後追 使君勞」,則尤其以衛君新 人説之,故敘詠其事 作 也。 此亦猶《何彼穠矣》,敘言昏 衛宏不達平正 至曰「大夫夙退, 有嘉禮,欲其 書,其辭 一無邪 氣 姻 無 略 與 無

于嗟女兮,無與士耽 桑之未落 爾卜爾筮,體無咎言。 不見復關 女之耽兮,不可説也。 將子無怒,秋以 氓之蚩蚩,抱布貿絲。 送子涉淇,至于頓 7, 泣涕 ,其葉沃若。 漣 爲 漣。 丘 期。 于嗟鳩 既見復關 以爾車來 桑之落矣,其黄而隕。 士之耽兮,猶可説 乘 匪 匪來貿絲,來即 彼垝 我愆期 兮,無食 垣 ?,子無 以 以以 ,載笑載言。 我 望 一復關。 桑 賄 良 我 媒。 也。 葚。 遷。 謀

> 信誓旦旦,不思其反。反是不思,亦已焉哉! 淇則有岸,隰則有泮。 静言思之,躬自悼矣。 言既遂矣,至于暴矣。 三歲爲婦,靡室勞矣。 女也不爽,士貳其行。 《楚辭・九章》『丘』與『時』叶、《易林 之遯》『丘』與『時』叶。」將,七羊反。 垝,俱 箕,修劍拄 傳》史蘇之占: ●『爲雷爲火,爲嬴敗 謀,音眉。丘、《補音》:「祛奇切。《左氏 我 不利行師,敗于宗丘。』齊謡 絲,息之反。蚩,尺之反。貿,莫豆反。 徂 爾二 歲 頤。 食貧。 攻 狄 兄弟 夙興 淇水 及爾偕老,老使我怨。 總角之宴,言笑晏晏。 士也罔極 不能,❷下 夜 不 湯 知 湯,漸 寐,靡有 曰:『大冠 ,咥其笑矣。 ,二三其德。 ·壘枯 車 ·朝矣。 帷裳。 · 履 丘 姬 若

·狄」,原作「敵」,據四庫本改。

氏」,原作「史」,據四 庫本改。

毁反。 反。 左顧 毛傳曰:「氓,民 亦可户浪切,亦叶。咥,許意反,又尺二 古初宜一音,後世欲别其詳,故有去聲。 漸,子廉反。行、《補音》:「户郎反。」簡謂 應瑒《正情賦》「隕」與「鳴」叶。湯,音傷。 與『金』叶。」隕,于貧切,《集韻》:「墜也。」 詩》「耽」與「金」叶,陸雲《贈鄭虔季》「耽」 箴》:『牧野之禽,豈能復耽?』張翰《雜 耽、《補音》:「都森反。 禹錫《佛衣銘》『關』與『遷』叶。」葚,音甚。 過之師》「關」與「冤」叶。 也。 『賢』叶,●郭璞《客傲》『關』與『絃』叶,劉 喬關」與「翩翩」叶,盧諶《覽古詩》「關」與 《易林・師之兑》「關」與『泉』叶、《大 右盼,將有所擇而誘,心未有所主之 泮,音判。 關、《補音》:「圭元切,横 《補音》以「哉」叶「思」韻。 也。」蚩蚩者,泛然而來 揚子雲《兖州 劉歆《遂初 木持門 賦 牧

> 言。 之高危者。 止,庶幾子無怒,秋以爲期。」又言我登 約女奔後,女愧恥而止,男復至以爲問 至於已見誘而情親,故稱之曰子。 狀也。時女未見誘,情未交親,故謂之民。 男怒而不 有期約於初矣,而此猶以卜筮爲言者,慮 往,欲其以車來迎。 爾車來,以我賄遷,我則往矣。 爾其卜乎? 關,載笑載言。 垣,以望復關。 女曰:「匪我愆期,子無良媒,故我心愧 泆矣。沃若,喻色盛、情盛之時。 鳩食桑 此似 肯也。 正婚而 初望不見,泣涕漣漣。 或筮乎? 若占體無咎,則以 明己心在於子,情深如此 復關,子所居也。 無媒,遽誘 況昏 將,幾也,庶幾也。 禮 有 卜筮,因 吅 交親,亦淫 蓋 垝垣,垣 恥於 往往男 後見復 以 , 故 垝 既 自 爲 面

❶ 「諶」,原作「湛」,據胡克家刻《文選》改。

八四

鄭箋云:「士有百行,可以功過相補。至於婦人無外事,醜。按:樓鑰云:「毛傳云:「女與士耽,則傷禮義。」樂也。説,解説也。今俗説亦以女淫爲大甚過則醉。桑落黄隕,喻色衰、情衰。耽,

畔岸 帷裳,言見弃而歸也。」罔極,言士放蕩 車 若是女之耽兮,則我不可説矣。」如此,則得詩之意,不 也。 初「抱布貿絲,來即我謀」,後又以車來,則非女之奔之 教。 維以貞信爲節。」然功過 鄭氏之説之害教也。」毛傳曰:「 也 近得 其言曰: 「始者以士之耽兮,故我今日猶可説也。 也。 爽,差也。」朱曰:「淇水漸 一説:無與士耽,已是自悔而反正之言,蓋其 貳其行,言與其始不同,是爲二。 相 補,則士可耽也,每疑其 帷裳,婦 其車之 人之 無 害

> 怨。 心,不復 泮,皆有涯際可度。 悼而已矣。 知爾,知則咥其笑矣。 至於今矣,乃至於以暴見加矣。兄弟特不 興,未嘗至於明旦而起。 以惰者常有晝寢也。 者,雞鳴 老使 泮,水土之際也。 我 而起。 怨」, 可親,茫然莫知所止,故 初謂及爾偕老也,至老又使 則 夜寐,言未至於夜未嘗寐 知非三 士心 朝則明矣,言雞鳴夙 淇則: 静而思之,惟 歲 言,語 有 而 他 有岸, 隰 遂 ·¬,婦 助 弃。 前 不 也。 又 得 則 自 夙 有 我 興 + 傷 既 曰

之時,禮義消亡,淫風大行,男女無别,遂也。《毛詩序》曰:「《氓》,刺時也。宣公亦已焉哉,已,止也,今俗語「休休」之謂

背誠是未嘗思慮及之,今亦無如之何矣。

已,不思其反背也,不料其至是也。此反

與誓約,不止於一

日,申誓堅約,重複

不

罔極」。方總角相從宴樂,言笑和晏,相

緩,故止言三歲。詩曰「總角之宴」,又曰

初爲婦之三歲,其勞勤

如此。

其後

舒

竭力,不以室家之勞爲勞。」止曰三歲者,

之多。朱曰:「靡,不也。三歲爲婦,盡心

又不止於二而已,又至於三焉。

言其變改

道,悟百姓 心,故亦不信人之心。 其本心之善,未始磨滅。 正,即復道心。人雖至于大惡,特其昏爾。 聖經,明道之書也。 曰道心。 反則也」,正《氓》詩悔過反正可美之道也。 其告於廟之合於禮。《易》曰「其吉則困 之故也。《春秋》雖誅魯桓之大逆,而亦 不可之。道之不明也,我知之矣,皆諸 差謬多矣,獨此《序》庶幾焉,而陳又從 之《記》,異哉 情之常,何美之有?」吕伯恭取陳説而 相 反正,刺淫泆也。]陳曰:「見棄而悔,乃人 自 [悔,喪: 奔誘。 ツ, 昭 如日月矣。 其妃耦,●故序其事 意動情遷,始失其道。 華落色衰,復相弃背。 日用之機,則三百篇平正 諸儒之爲論 深知夫人心即道,故 有能 諸儒 信此 不自信己之 也。 以 或乃 風 心之即 《序》辭 焉 能反 一無邪 困 儒 載 丽 書 而 美 丽

> 之。 佩玉之儺。 母兄弟。淇水在右,泉源在左。巧笑之瑳, 籊籊竹竿,以 泉源在左,淇水在 淇水滺滺,檜楫松舟。 釣 于淇。 右。 豈不 女子有 爾思 -? 駕言出 行,遠父 遠 莫致

按:此篇《永樂大典》缺卷。

雖則 容兮遂兮,垂帶悸兮。 芄蘭之支,童子佩觿。 佩韘, 能 不我 甲。 芄蘭之葉,童子 雖則 容兮遂兮, 佩觿,能 不 佩 我 垂 韘。 知。

韘,失葉反。甲、《韓詩》作「狎」、《毛詩》作

悸兮。❷

作「狎」與「萃」,並案斷云:「狎字、萃字從《韓詩》。」於「能不我甲」之「甲」,「垂帶悸兮」之「悸」,四庫本分别「妃」,原作「配」,據四庫本及阮刻本《毛詩正義》改。

義爲長

0

叶 然則狎宜音協 甲 揚子雲《太玄• 《 楚 甲 辭 補 音》: Щ 賦》首『甲』與『裂』叶。」 鬼》篇『犀 「吉協 反。 甲』與 按: 原 本「吉 了 接

之貌。 之佩也 群臣 同 戲 子而 爾爾 容兮,自矜、自 戲 觿,早成其德。」雖 男女未冠笄者佩容臭,惟成 生。」然則柔 韓 詩影 語 語 雅 不親群 以譏也。不能知人,此反謂 佩 , 宛然可 以 此幼君自尊大,自用,不知人,不親 爲 觿 因言容貌 釋草》云「雚,芄蘭」,郭 譏,多有 人君治成 ,毛傳曰:「觿,所以 臣,反謂之能,亦戲語 弱 見。 莊之貌。遂兮,自用、自 有 佩服 童 垂帶萃兮,按:此「萃」字本 則 此 稚之狀。 佩觽 人之事, 類。 而 能 及此,亦言徒有 能 人佩觿。 不我知,此 雖 案:《内 不 解結,成人 童 我 能,今世 爲譏 子 7狎]亦 丽 今童 「蔓 則》 也 爲 爲 佩

> 《爾雅 雅》云: 云: 굸: 《春秋左傳》曰:「 티: 也。 帶不 環,二物 草》又名女青,又名白 見 著右手巨指。』」《毛詩》「狎」作「甲」,《爾 儀 詩》言決拾、《 箙 「狎」本耶? 「一名蘿 「雚芄蔓生,斷之有白汁,可啖。」陸 「刺惠公也。 一, 矧 能 其 甲,狎 射 相 釋草》曰「雚一名芄蘭」, 中 似。 有 無 則 摩, 佩焉, 德 車 佩 也。」豈作《爾雅》此篇者不 抑 也 -攻》傳 幽 韘。 驕 初,惠公之即 本毛 州 益 而 帶 環。 孔 人謂之雀 無禮,大夫刺之。」 傳耶 可 Ē. 聚 疏 以言萃。 然女青终非白 而 云: ? 『決,鉤 長 《毛詩序 位 ·飘。」《 故 郭 也 禮 韘, 弦 \Box 少。」 璞 》 及 也 本 璣 注 決

之。 誰謂 誰 河 廣?一 謂 河 廣? 葦杭之。 曾不 容 誰 謂 刀。 宋 遠 ? 誰 謂 宋遠 跂 予 望 ?

終,未安。朝者,一日之上,故朝崇義 是上日。 則可望見者。箋云:「小船曰 也。」鄭箋曰:「予,我也。」誰謂宋遠,我跂 河之理,思往之切,甚言其河之非廣也。 也。」豈春秋時河已東南決耶? 渡」,服虔曰:「南河,濟南之東南流 耶?《史記》「文公之子成公時,晉從南河 廣,豈濟水東南流,而又北入海者,亦稱 時,●衛已遷國河南,無河 夫人思宋,義不可往,故作詩。」然文公之 人,衛文公之妹,生襄公而出。 《毛詩序》曰:「宋襄公母歸于衛, 釋名》云。「三百斛曰刀。」毛傳皆以崇 曾不容刀」之意亦然。毛傳曰:「杭,渡 止,故作是詩也。」《詩》箋云:「宋桓公夫 謂不待崇朝之久而已可到,亦甚 .可渡。 襄公即位, 刀。」劉熙 一葦無杭 此 思而不 亦猶 日 爲 河 河 河

> 字,亦猶刀後世加舟作「舠」。 遠,所載似可信也。不曰欲見母,而 見舅者,恐傷其父之意也。」杭,即古「航 以往。二、味此詩,推其母子之心,蓋不相 公曰:「請使目夷立。」公曰:「何故?」 出與廟絕,不可 者,以夫人爲先君所出,其子承父之重,母 言宋非遠也。孔疏云:「所以義不得往 曰:「臣之舅在衛,愛臣,若終立,則 曰:「《説苑》曰:『宋襄公爲太子,請於桓 以 私 反,故義 不得也。」吕 不可 欲 對

首疾。 容 ? 自伯之東,首如 伯兮朅兮,邦之桀兮。 其雨其雨,杲杲出日。 焉得諼草? 飛蓬。 言樹之背。 伯也執殳,爲 豈 一無膏 願言思伯,甘心 願言思伯, 沐, 王 誰 前 適 爲

❶ 「時」,原作「詩」,據四庫本改。

八八

使我 心海

按: 此篇《永樂大典》缺卷。

有狐 有狐綏綏,在彼淇梁。 狐 爵之誓曰:『使黄河如帶,泰山如厲,國以 歌》「荷衣兮蕙帶」與「逝」、與「際」叶,漢封 也。 帶、《補音》:「丁計 與『戾』叶。 永存,爰及苗裔。』《易林 滯」叶。 根帶」,劉伯莊音 級緩,在彼淇側。 綏綏,在 著於衣,如物之繫帶也。』《楚辭 陸雲《贈 彼淇厲。 杜篤作《論 鄭虔季》『帶』與『乂』 蔕。 切。 心之憂矣,之子無 心之憂矣,之子無裳。 心之憂矣,之子無帶。 《史記·平準 《釋名》:『帶, 都 ・歸妹之訟》『帶』 賦》『衿帶』與 • 書 服 九 蔕

有

狀,亦有遲疑綏綏之貌。 丽 雄 氣 以見心愧於中,又欲縱不能止,愧赧 襄之似雄狐者,言雄則知有雌焉。 疑爲義,則《詩》取 淫,故意此詩「有狐綏綏」亦有爲匹之意 綏,魯道有蕩,齊子有歸」,以齊襄與文姜 凡是皆因 同毛説。 綏 而不知他無所據。 而爲《序》曰:「男女失時,喪其妃耦。」 不在役,故有二心而惰,如狐疑不決之 ,則無淫匹之意。 貌,有遲疑綏綏之狀。 一行貌。 朱又謂「綏綏、獨行求匹之貌」, 夫《齊· 之子,無室家者」。 喻 南山》之詩 《周易》凡言狐皆取 久勞役所,其心思家 於狐 且《氓》之詩,其 此《有狐》 亦狐 日 疑 宏本毛説 雄 言狐 爾。 發於 不 狐 目 狐 綏 鄭 削 齊

是詩

婦

人閔其君子久役,貧無

以

爲衣

也,

而

諸儒紛紛意度牽合而無據。

毛傳謂

「綏

叶。」●服,扶

北

切

⁰ 士龍集》改 义」,原作「又」,據四庫本及文淵閣《四庫全書》本《陸

後。 喪耦 喪耦之不可合,良可發笑。 失時 無服爲喻,穿鑿太甚。 言,後學咸 未見誘,則日 曰 厲」作「砅」,水中 淇厲」、「淇側」。石絶水曰梁。 子。豈有情 非 服役於淇水之上,故曰「在彼淇梁」、 失 時 從 ,矧《序》、傳差誤,備 而 氓 未親 爾。 不 可 而 有 及既見誘而 改。 遽稱子者? 石 衛《序》至於 可 毛傳至 履亦危矣,故 非 以 情親,始 《説文》 一人失 述 (失時) 喪耦 無 其前 裳

投我 報 好 永以爲好也。 也。 也,永以爲好也。 以 投我 木 瓜 以木桃,報之以瓊瑶。 ,報之以 投我以木李,報之以瓊玖。 瓊 琚。 匪 報 也,永以 匪 報 也 匪 爲

厚也。

永以爲好,

至忠也。

無

非

道也,正

觚,皆以瓜得聲。《左氏傳》衛侯夢人之譟瓜、《補音》:「攻乎切。《説文》孤、罛、呱、

物也。 也。 《木瓜》,見苞苴之禮行」,未必果聖人之言 詳觀《木瓜》之詩,所謂木瓜、木桃、木李, 良夫,叫天無辜。」《易林 與夫瓊琚、瑶、玖、❷皆爲喻爾,非實有是 續斷參土瓜, 亭歷桔梗 曰: 『登昆吾之虚,綿綿生之瓜。余爲渾 不止於《木瓜》也。 玉黑色者。 補音》:「舉里切。《説文》:『玖,石之次 豳·七月》:「七月食瓜,八月斷壺。」玖, 窮老獨居,莫爲種瓜。』《急就章》: 『遠志 《孔叢子》所載,亦有乖 而《孔叢子》言孔子讀《詩》曰「吾於 讀若芑。」」● 是詩 龜骨枯。」」簡案: 薄來厚往之意,至 漸》之辭 戾不可信者

) 「瑶」,原作「瓊」,據四庫本改。

不必究見何人薄來,何人厚往也。 衛宏作

李 ? 《序》,推考衛國事狀,他無似此者,惟齊桓 齊施莫大之惠於衛,奚可比木瓜、木桃、木 報齊之詩。 封衛,衛人有厚報之情,故謂 衛人雖思所以報齊,而衛方能國,弱 然不思衛人亦何敢爲此辭? 此衛人欲厚

之時,或城楚丘 欲報之辭。 曰「匪報也,永以爲好也」,乃已報之辭,非 安知非齊桓使公子無虧戍 遺衛車馬器服之時,齊人 漕

微甚矣,豈能致厚報過齊桓之所施?

矧

衛耶? 所作之詩,衛人得之,或衛人歌之,故屬之 又安知非士大夫報施之詩耶?

慈湖詩傳卷五

九〇

慈湖詩傳卷六

東人呼粟

爲築。」遠望茫茫,似

黍

離

曲禮》曰:「稷曰

明築。」郭璞云:「今江

宋慈溪楊 簡敬仲撰

摇,憂傷莫能去。李曰:「呼天而愬,曰

致

摇

此者何人哉?

含蓄其辭,不欲指斥其人

苗也,行邁見之,爲之靡靡、遲遲,中心

似稷苗穗,故曰「彼黍離離」耶?

彼稷之

王

憂。 穗。 知我 彼黍 悠悠蒼天,此何人哉! 者 離 不知我者,謂 行 邁靡 離,彼稷之苗。 , 謂 我 靡 心憂。 中 我何求。 心如醉。 不知我者,謂 行邁 彼黍離 靡 悠悠蒼天,此 知我 靡,中心 者,謂 離,彼稷之 我 何 摇 我 求。 摇 何 心

人哉!

彼黍離離,彼稷之實。

行邁

靡

靡,中

我何求。

悠悠蒼天,此何人哉!

心如噎。

知我者,謂我心憂。

不

知我者,

謂

無飢 渴

思。 君子于役,不知其期。 棲于桀,日之夕矣,羊牛下括。 日之夕矣,羊牛下來。 君子于役,不日不月。曷其有佸? 君子于役,如之何勿 曷至哉? 君子于役,苟 雞棲于塒, 雞

毛傳曰: 鑿牆 而棲曰塒。」《爾 雅 釋宫

王

穗,音遂。噎,《説文》以壹得聲。

九

周大夫行役,至於宗周,過故宗廟宫室、盡

也。」《毛詩序》云:「《黍離》,閔宗周

也。

作是詩也。」

爲禾黍。

閔周室之顛覆,彷徨不忍去,而

湖 詩

《毛 知 即 知 君 不 思念其君子而 君子行役無期 何, 也 可 有 굸: 不 也。」雞 云 道 道 其 .檢括 歸。 計 詩 惟曰:『君子 心,故 可以 雞 非 ,不知婦念其君子之心,非邪 「今寒鄉穿牆 徒 序》 棲 婦 猶 念 防 佸,會也。 日 于 人作,而 言 歸 閑。 外推 日 : 君子,終無 月 杙 刺 栖,羊 已,初 朱曰:「君子行役之久,不 爲 度,大夫 而 $\overline{\sim}$ 其 而況 有 又 不 桀。 君 必曰大夫作耶? 説 括者,羊牛歸宿之所, 棲 牛 ?無飢 子 無 3,殊爲 雞,皆見《詩 于 猶 知其 歸 鑿 (思其 于 刺王之意。 王乎? 下來,君子于役 期。 渴, 垣 役 不害道。 何 而 危 *, 亦 至是 時 棲 難 刺 庶幾 是詩 可 爲 以 平 僻之心, 衛宏不 又何 末 以 塒」, 風 杙 王 爾。」 婦人 如 來 焉。 也 以 之 會 必 而 橛 郭

陽 陽,左執簧,右招我由房。 其 樂 只

> 只 且 且 ! 君 子 陶 陶,左 執翻,右 招 我 由 敖。 其 樂

者 羽 纛 簧。 也。 簧似 **龡 竽 、 笙 、 塤 、 籥 、 簫 、 篪 、 邃 、 管 」 ,** 簧,是簧之所用,本施於笙。 逃責。 云"「路寢房中可用男子。」毛傳曰:「 三簧。」《月令》「仲夏,調竽、笙、篪、簧 皆樂之貌。 既逃責,可以無愧,故樂也。 薄葉也。」郭璞云: 是詩 舞 也 , 豈慮其未知, 而 黔翳 《鹿鳴》云「吹笙鼓簧」,言吹 也。」右 別器。 鄭司農云:「竽,三十六簧。」《鄭志 君 君子之所憂者,懼其失道 子 也。」鄭箋 "遭亂 手 孔 孔 招 疏 疏 相 ,我,俱 謂 云:「簧者 물 與隱 「大笙十九簧,小笙十 失期 三器皆有簧, 「翳,舞 遯,仕 在 郭 ? 樂 《笙師 , 笙管之中 官 於伶官,苟 陽陽、陶 者 抑 也。 而 所 以 非 笙 圃 》「掌 른 持, 其 招 不 則 别 二,則 翿 陶 之 新 教 鼓 器 金 今 禄

平時,亦非此詩之情。章句儒不知道,率 招 進 好穿鑿,不 之意,乃衛宏自起意説。 曰:「《君子陽陽》,閔周也。 爲禄位,全身遠害而已。」本詩初無 ,故導之耶? 知 日 敖者,謂舞位。《毛詩序》 用平常之即道,故 相招爲禄仕亦 君子遭亂, 曲 閔 推 在 相 周

説。

歸哉? 子,不與 楚。 月予還歸 懷哉懷哉,曷月予還歸哉? 揚之水,不流束 揚之水,不流束薪。 彼其之子,不與我戍甫。 哉? 我 戍 許。 揚之水,不流束蒲。 彼其之子,不與我戍申。 懷哉懷哉, 曷 懷哉 懷哉,曷 月予還 彼其 乏

不行者似之。彼其之子,不與戌申,彼子激揚其水,勢力甚弱,雖束薪不能流,令之其,如字。或作「記」者,方音轉訛也。

敷 ? 語。 者曰 我同 柳有兩種,皮正青者曰小楊,其一種皮紅 楚,亦薪之異名。《漢廣》云「翹翹錯 説。懷哉懷哉,曷月予還歸哉,思歸 因以譏王政之不均,亦有令之不從,不與 故使畿民而民怨歟? 罐之楊也。」」●《尚書》有《吕刑》之篇,《禮 乃令之不至,不往戍者也。今俗亦有此等 曰:「董澤之蒲,可勝既乎?」今又以爲箕 刈其楚」。毛傳云:「蒲,草也。」鄭箋云: 令不能流之,則其令非强大者,以 「蒲,蒲柳。」孔疏云:「陸璣《疏》云:『蒲 · 戍申、甫、許歟? 與,猶爲也。 大楊,皆可 久戍者怨歟? 以 其令侯國往戍 爲 抑久戍者思歸而怨, 箭幹,故《 抑令更戍者不從也 束薪易於流 春秋 而不從 薪、蒲爲 **'薪'**,言 心也。 行,而 傳》

) 「楊」,原作「揚」,據四庫本及阮刻本《毛詩正義》改。

九三

九

四

潁 南 家,周人怨思焉。」言刺 姓。 也。 水》,刺平王也。 趙,亦此類也。 後,同爲嬴 實不戍甫、許也。 王 姓 記 爲甫侯。」《周語》云:「祚四岳爲 湯縣。 母 昌府,爲許昌郡 曰 》引之皆作《甫刑》, 許猶 1姜,氏 既重章以變文,因借甫、許以 家申國,所戍唯應戍申,不戍甫、許 言甫、許 在。」是申與 吕,在今蔡州 姓。 曰 者 有 簡思《毛詩序》曰:「《揚之 <u></u> 不撫其民,而遠屯戍于母 以以 吕。 」 又 曰 史記》、《漢書》多謂 即即 六國時,秦、趙皆伯 其 (甫、許) 唐 孔安國 非。 同 新 許 出 蔡縣。 州 同爲姜姓。 四 「申、吕 申,在今鄧 Ξ 岳,俱爲 許, 侯伯 言申 「吕侯 雖 秦 在 益之 ·, 其 賜 衰, 今 州 爲 姜 平 後

中谷· 嘅其嘆矣,遇人之艱難矣。 有 蓷 ,暵其乾矣。 有女仳 中谷有 離、嘅 蓷 其嘆矣。 ",暵其

修茂者,暵燥矣。

初濕者,今暵矣。宜水

脩矣。 離,啜其泣矣。 人之不淑矣。 有女仳 中谷有蓷 離 啜其泣矣,何嗟及矣。 ,條其歗 ,暵其濕矣。 矣。 條其 有女仳 遇

《補音》:「脩,式竹切。 口,肅聲」,又云:「籀文嘯從欠。」 切、集韻》:「吹氣若歌。」《説文》「嘯,从 來』,亦式竹切。 又名脩縮也。』《莊子》『翛然而往,翛然而 《釋文》一作蓨。」歗,息六 《釋名》:『腊 脯

爾爾 《本草》:『茺蔚,一名益母。』劉 《疏》云: 中,宜水之草也。 間,是也。 以臭穢之草自況,不見 也。」李曰:「臭穢草也。 · 蓷,臭穢。』即茺蔚也。」谷中多水,蓷 雅 釋草》云「萑,蓷」,郭云: 「舊説及 《韓詩》及《三蒼》説悉云益母 今遇旱暵,則乾矣。 魏 博 士 親於夫也。」陸 妻爲夫所 周 元 明 皆 歆 棄,故 云 茺 曰 生 其 其 菴 璣 蔚

也。 道,故多贅説 初無閔 而 文》云:「歗,吹聲也。」條者,其歗音之長 室家相 蓷》,閔周 窮而棄其妻乎?《毛詩序》曰:「《中谷有 者,又曰不淑 之草今遇暵乾,其失所之狀可覩矣。 人之艱難 似 憂苦,非邪 條 周之情,衛宏贅辭也。 敷? 棄爾。」毛傳曰:「仳, 也。 , 則 啜 知 ,則知士德之薄,豈有君 夫婦 饑 者,流淚下入 也。 饉 日以 宏不達無邪平正之 然有貧 衰薄,凶 口也。 困 惡不淑,正 别 不 也。」《説 午饑 因 詩 子 日 饑 饉 遇 中 困 饉

于罿 後,逢此百憂,尚寐無覺! 我 有兔爰爰, 爰,雉離于罦。 生之後,逢 我生之初,尚 雉 此 離 我生之初,尚 于 百 羅。 罹 無 尚 庸 我生之初, 寐 無 我生之後,逢 有兔爰爰,雉 .無造。 吪! 尚 我 有 無 生之 兔 爲。 此 離 爰

百凶,尚寐無聰

欲 寐而 比。 附麗 謂 聰,其意同。 緩行,不至觸冒。 小人之狀,雉文明比君子。 毛 生之後,逢此憂離 人得志而 人多幸免,而君子多陷于罪。 爲其文明也。 爾雅·釋器》云「繴謂之罿,罿,罬也。 泛之罦。 無 |傳曰:| 我生之初,尚 寤 作吪謬之音,則 于羅網,其 也。 罦,覆車也」,郭注云:「今之翻 暇 羅之設,所以取鳥獸。 爰爰,緩 逸,而君子 聰,聞,寐中有所 雉性耿介,多罹其中。 寤 罹 則 禍 無 禍 意。 又憂苦矣。 難 所爲,言 必寤矣。 患之多,願寐 似之。 罹 言文明,則意若差。] 小 鳥 禍 按 網 患。 兔狡如小人,爰爰 無事。 爲 君子 樓鑰云: 聞 欲 世亂罔密,小 羅 離 無 則 無 议 麗 覺、無 覺 吪 無 及 雉 兔 雉 吡。 者, 罬 我 自 有 非

「寤」,原作「寐」,據四庫本改。下一「寤」字同。

九六

道 雖 信,諸! 《毛詩序》曰:❶□《兔爰》,閔 誤,亦不 隱怨,無 用 車 覆 心。 無此《序》亦可。 也 也 復車,網 猶 侯背叛 有 可 爲也、造也。 敢著明。 可以掩兔者也。 兩 深 轅 信。 敗節。」❷容有此 ,中施胃以 然孔子 是詩 而《序》文贅,反足以亂 是詩憂苦無聊,雖有 無 取此 捕 邪, 周 鳥。 物 事。 也。 孰 詩之道心, 五名。」庸 孫 無道 《序》多 桓王失 炎 曰

謂 謂 緜緜葛藟,在河之漘。 終遠兄弟,謂他 緜 緜 他 他 人昆,亦莫我聞 葛藟,在河之滸。 人父,亦莫我顧 人母。 謂他 終遠兄弟 終遠兄弟,謂他人父。 緜緜葛藟 人母 ,謂他人昆。 ,亦莫我有。 , 在 河之涘。

葛與藟在河之滸綿綿不絶,今也人而不如葛與藟,釋見《樛木》。 緜緜,蔓延不絶也。

戍于母家」,與此詩 兄弟則明矣。 水》云:「滸,水厓。」《釋丘》云「涘爲 觀《揚之水》序言「平王不 皇甫士安以 曰 : 也。 注》本亦作桓 棄其九族焉。」《釋文》作「刺 親之,亦莫我顧,言其略不相 終不改,終棄遠 之,故以 本亦作 「《葛藟》,王族 尚不相 刺平王。 況 也 顧 爲桓王之詩。❸ 王。」桓、平不必深辨,其譏 譏邪非 何望 其兄弟,反 人 案:《詩譜》是平 誰 刺 亦相 其 平 無 邪,雖怨 Ė 相 過 應。 撫 也 親 謂 覬 其 ? $\stackrel{}{\sim}$ 崔 桓 丽 他 其 民 顧,言其 周 爾 王, 《毛詩序》 靈 正 終 人爲父而 室道衰 雅 一,道: 丽 改。 恩《 Ė 遠 詩 也 釋 屯 遠 集 甚 今

[「]詩」,原作「傳」,據四庫本改。

^{) 「}詩」,原作「時」,據四庫本改。) 「節」,原作「師」,據四庫本及阮刻本《毛詩正義》改

聞,而況於厚禮乎? 相報知,故曰「亦莫我聞」。 如無我焉,故曰「亦莫我有」。不相聞,不 稱他人爲兄,而不親我。 謂峻下曰瀉。不,殆衍字。《釋親》云: 所洗,故深歟? 夷上洒下,不漘。岸上,滸」,郭璞曰: 「晜,兄也。」晜,即「昆」字。 洒 深也。 不,發聲。」洒,即「洗」字,爲水 或「瀉」之音而訛歟? 何止於不親我 稱 凡百尚不相 他人爲母 俗

如三歲兮。一日不見,如三秋兮。彼采艾兮,一日不見,彼采葛兮,一日不見,如三月兮。彼采蕭兮,

按: 蕭,《補音》:「 蕭」與『愁』叶。」艾、《補音》:「魚 楚辭• 原本 此三字 九歌》「蕭」與「憂」叶,又《九嘆》 脱。 疏 説文》以又得聲。 鳩 切。 按: 原 本此六字脱 ĮΙχ 《 尚 切。

書》皆作『艾』,無作牛蓋切者。」書》『乂三德』、『從作乂』、『乂時暘若』、《漢

香。 莖,可作燭,有香氣,故祭祀以 下,原本缺,今從《正義》補入。 蒿,似白蒿,白葉,莖麤,科生,多者數 璣云:「今人所謂荻蒿者是也。 草》云「蕭,荻」,李巡曰:「荻,一 以爲懼讒言之人,亦可笑矣。《爾雅·釋 世何人,則意之而已。意之而曲推穿鑿 即道,遂曲推其義,以爲懼讒。 非僻,非道而何? 情相愛相念之篤,誠有此相好相 熟觀《采葛》之詩,朋友相好有如此者,人 許慎以爲艾蒿,非 毛、衛不知平正無邪之 也。」 按 即不 脂 名蕭。」 或云牛尾 「釋草云」以 念,非邪 爇 二之爲 知 陸 何

敢。大車啍啍,毳衣如璊。豈不爾思? 畏大車檻檻,毳衣如菼。豈不爾思? 畏子不

有如皦 子不 奔 穀 則 異 室, 死 則 同 穴。 謂 予不 信

日

事乃理。 按"原本脱此二句。《三略》"『主任舊齒,萬 穴、補音》:「户橘切。 《淮南子》:『水居窟穴,人民有室。』 主聘巖穴,士乃得實。』《易林 《説文》為以穴得

乾之咸》曰:『三人求橘,反得丹穴。』《 蹇》曰:『蟻封户穴,天雨 之觀》曰:『河水孔穴,壞敗我室。』《震之 `猿穴」與『不密』叶。」 將集。』孔融詩 へ需

遇 淫 譏笑也。 仕王朝。 内諸侯,則加一等,服子男之服,或子男入 卿大夫之服,自玄冕而下。』●大夫出封 《春官·司服》:『子男之服,自毳冕而下。 相語 者 雖 畏 有此。❷ 故人傳而盛行,官得而采之,故 毳衣者,乘車以出,決男女之訟。 丽 止息,而情終不忘。他日 詩 人述 而爲之詩,所 以 相 畿

> 之。 於語言,聞于外,使人得而歌之爲笑也 熾,故有此。 未必信,有如皦日」,所以誓也。 不得而合矣。死必同穴以葬。 又曰「不奔」,陳情之切,有曰「生則異室 人敷暢其辭,故又曰「啍啍」,又曰「如璊」, 安善,故此詩謂生曰穀。 青色如之。 陳情,曰:「豈不爾思? 當時決訟事狀著矣。 衣而決訟者。 曰 思 毳衣繢裳,繡有五 無邪 璊,玉赤色,毳服内之赤色如 退而休止,心自知非,何敢形 穀,善也。 言大車 菼,蘆初生,毳服 檻 檻, 畏子而 他日男女忽遇 今俗謂 一色焉。 毳 衣 若謂予言 夫人欲 子,謂 無 不敢。」詩 如 病 変, 故 方 之 舙 丽 則

0

玄」,原作「元」,

避

清 聖 祖

玄燁諱,今回改,下文不再

此」,原作「人」,據四庫本改 出

毳」,原作「之」,據四庫本改。

安有同穴之誓? 衛《序》非。毛傳曰:今,大夫不能聽男女之訟」。治古無淫俗,毛傳亦不曰陳古,獨衛宏《序》曰「陳古刺人性善,終不磨滅也。是詩情狀非陳古,周衰,淫風雖流行,而公論終難磨滅。以

檻檻,車行聲也。

啍啍,重遲。」

我佩玖 來食。 施。 丘中 丘 有麻,彼留子 丘中有李,彼留之子。 中 有麥,彼留 · 嗟。 子 國。 彼留子嗟,將其來 彼留子國, 彼留之子,貽 將 其 施

漢 本脱。 叶,陸機詩亦然。」施,詩戈切。 嗟、《補音》:「遭哥切。 讓《章華賦》『嗟』與『波』叶,阮籍《詠懷 ·嗟』與『河」叶,郭璞《江賦》『嗟』與 高 祖戚夫人歌「施」與「何」叶。 《楚辭 · 天問》「安施」與「伊 按: 此三字原本脱。 按: 此三字原 何一叶, 公阿 詩 邊

> 脱。 《説文》:『或,邦也。』孫愐『于逼切』,徐鍇 默。 李。 切。 將自適于丘園之中矣,將來食丘中之麥 國,子嗟父。」鄭箋云:「子嗟放逐,言子 而 矣,食其李矣。初去朝,未至丘 國,著其世賢。」施施,自適之貌。 毛傳曰:「留,大夫氏。子嗟,字也。 曰:『俗作古獲切。』」玖、《補音》:「舉 周 將其來」。 嗟、曰國,其字歟? 别也,維親故熟知 穆公鼎》『南國」、『東國』,皆作『或』。 《博古圖 古人亦有以一字字者,如顔淵、冉有。 《説文》正引此詩,而讀如芑。」● 國、《補音》:「越逼切。 詩人留子之親故,故貽我 周 南 留子 宫鼎》『光 毛傳謂子嗟、子國 丘園 按"此三字原本 相 有 中,故 言子 麻、麥、 南 佩玖 國气 日 嗟 子 里

「芑」,原作「苞」,據四庫本及陳昌治刻《説文解字》改。

爾。 黜,●念之也。 子嗟、子國。 名字子賤、子騫、仲突、仲忽,則嗟亦其類 則句不文。後世未有以嗟類爲字,然古者 顔回字淵,又字子淵,則留子 是詩蓋惜留子之賢 衛宏《序》曰:「莊王不明, 而見退 或果字

鄭

子之粲兮。 蓆兮,敝予又改作兮。 兮。適子之館兮,還予授子之粲兮。 還予授子之粲兮。 緇衣之宜兮,敝予又改爲兮。 。緇衣之好兮,敝予又改造 適子之館兮,還予授 適子之館兮, 緇衣之

按:此篇《永樂大典》缺卷。

將仲子兮,無踰我里,無折我樹杞。

賢人放逐。」

樹檀。 之 ? 也,人之多言,亦可畏也。 言,亦可畏也。將仲子兮,無踰我園,無折我 畏也。將仲子兮,無踰我牆,無折我樹桑。 **豈敢愛之**? 畏我諸兄。 畏我父母。 豈敢愛之? 畏人之多言。 仲可懷也,父母之言,亦可 仲可懷也,諸兄之 仲可懷

《毛詩序》曰: 小不忍,以致大亂焉。」而詩無刺意。 叔失道,而公弗制。 按"「南都賦」以下原本脱。 檀。]便、毗連切。 《易林·臨之蹇》:『手詘 檀、《補音》:「徒沿切。 而高者也,故立此字以寄音,今方言有之。 栟櫚, 柍柘檍檀。 「《將仲子》,刺莊公也。 張衡《南都賦》:『楈枒 結根聳本 將,請 祭仲諫, 也。 ,垂條嬋媛。』」 不便,不能 而公弗聽 請音輕清 伐

0 賢」,原作「情」,據四庫本改。

豈敢愛

00

按"此三字原本

脱

孔子取 而已矣,是者是道,非者非道。 云爲之閒,三百篇多此類。 始雜,然其本心之正,亦閒見互出於日用 道,故曰道心。因物有遷,意動而昏,始亂 詩之善,不可。 之情,與夫其後欲殺其弟之志,而盡掩是 以爲刺。近世蘇氏亦推及他日隱微未著 言」,此畏忌之心,非慢易之心也。夫不忍 .春秋》書其至于廟之合禮。 《氓》詩悔過, 殺其弟之心,畏忌之心,此即道心,而《序》 言。曰「畏父母」、「畏諸兄」、「畏人之多 實愛也。今人實愛而曰不敢愛者,每有是 者,親愛之真情也。曰「豈敢愛之」,其情 杞」、「無折我樹桑」、「無折我樹檀」。 諫 莊公所爲也,誠有不忍殺其弟之意。 百一臣 其反正之心。 請除之」,故是詩曰「無折 人心本善,本正,人心 聖人無私善,無私 天下是非二途 魯桓大惡, 我云 我 祭仲 即 樹

也。祭仲之言誠有利害,然有可思念者。以非掩是。檀,木之美而堅者。懷,思念怒,平心是非,皆以明道,不以是掩非,不

河陽」、《穀梁》作守。班固《答賓戲》『孔終洵美且仁。叔于狩,巷無飲酒。豈無飲酒?豈無服馬? 不如叔也,洵美且武。不如叔也,洵美且好。叔適野,巷無服馬。叔竟且什。叔于符,老無飲酒。豈無飲酒?叔于田,卷無居人。豈無居人? 不如叔也,

至簡,至近至平常,故曰中庸。庸,常也。游,猶不知之,而況於後世乎? 蓋道至易至日至者知之。雖有子路、子夏、子張、子道之不明久矣,自孔門惟三月不違仁,月篇于西狩』,●顔師古音守。」

[「]西」,原作「四」,據四庫本改。

箋云: 也。 爲道。 也。 美且 外求 意 ? 乘馬。』』《毛詩序》曰:「《叔于田》,刺莊公 愛叔之善,殊 本旨矣。 道心也,《毛詩序》乃皆曰「刺莊公」,大失 心也,道心也,無邪僻之思也。 正 省自不信爾。 人 洵,信也。」疏引《釋詁》「詢,信 心 ,自無所不 仁, 而歸之。」 叔處于京 其説,以 即 無飲 惟不知是 「服馬 《叔于田》之詩,愛叔美叔,人 道 則 《大叔于田》詩中,曷嘗有不義之 酒」、「無服 雖謂 故 ,猶乘馬 通 爲 厥 故夫日用庸平,人皆不 曰 ,●繕甲治兵,以出于田 之無 害道 後 詩 日 道 叔 平正無邪之即道心? 用 心。 人可 段之惡,掩前時京人 也。 馬」意同。 無非 豈無居 人 《易》曰:『服牛 也,言其不足道 道者 心 本 人,不 顧 孔 也」爲證。 體 鄭箋云: 子取 自 人 如 之 知 自 善 叔 或 善 故 此 其 不 自

> 于田 掤忌,抑鬯弓忌 射忌,又良 上 在 藪,火烈具阜。 叔 叔 |藪,火 無狃,戒其 于 襄,兩驂鴈 ,乘乘鴇。 田,乘乘 (烈具 御 忌。 舉。 馬。 行 傷 女。 叔 兩 執轡 馬 服 抑 襢 叔 慢忌 齊 磬 在 叔 裼 首 控 藪,火 于 如 暴 叔 兩 忌, 虎 組 田 烈 發罕忌。 驂 抑 乘 獻 兩 如 縱 具 乘 驂 于 送忌。 揚。 公所。 手。 黄。 如 舞 抑 叔 叔 兩 釋 在 善 服 將 叔 叔

之。《釋文》云:「或作《大叔 襢,本又作袒。」❷忌,并如字。 以有兩《叔于田》,故于篇目加「大」字以别 補音》:「姑宏切。 左氏》、《穀梁 傳》皆作『黑肱』。 《公羊傳》『書黑弓』, 于田》者,誤。 下同。 《儀禮 弓,

又」,原作「文」,據《經典釋文》改

説

⁰ 删 處上 原 有「不」字,據四 庫本及阮 刻本《毛 詩 正 義

《七發》『弓」與『潯』叶。」 友朋。』《楚辭・九歌》『弓』與『懲』叶,枚乘 翹翹車乘,招我以弓。 今文改弓爲 侯道五十弓,弓二寸,以爲侯中」,注 肱。』《左氏傳》引古詩 **豈不欲往?** 畏我 궁

狀,故 愛叔之言也。毛傳曰:「乘黄,四馬皆黄。 裼暴虎,曰請叔無狃狎,切戒其恐傷女也。 云:「獻于公所,進之君也。」京人見叔 也。」鄭箋云:「列人持火俱舉。」毛傳曰 無舒縱之狀。 而馬騁於彼佀之。● 者,總纰於此,成文於彼。 駕乘馬而田狩,執持其轡如織組 乘馬,四馬也。 檀裼,肉袒也。 雜毛曰鴇。」《爾雅》郭注云:「今之鳥 曰 如舞。 惟兩驂居轅外,有舒縱之 兩服、兩驂,共爲四馬。 毛傳曰:「烈,列,具,俱 暴虎,空手以搏之。」箋 兩服 馬居轅閒軛下, 御者執 轡於此 織 組 乘

> 馬。 音 秋左傳》云「公徒執冰而踞」,字與「掤」異, 矣,抑叔執鬯以弢弓矣。 罕,希也。 兩驂在左右如手。阜,盛也。 馬,或縱馬 射,其御又良。 音不同爾,今惟當隨所書而讀之。 與兩服 驄。」疏云:「毛色黑白,而復 助之音,以字寄音,而《釋文》「音記」者,方 兩服,又兩首昂舉,故曰上襄。 上邱陵也。 者,名鴇,今謂之烏驄。」兩服,中 同。 襄,亦有上義。《堯典》「襄陵」,言水 相次序微斜,故曰鴈行。 冰、犢丸、蓋即箭筒、其蓋可以取 馬慢矢發希,抑叔釋 而騁若送去然,皆言善御之狀。 馬以高者爲美。 磬,盡 也。 弢,吐刀反。 或 以最良馬爲 盡 有雜毛相錯 兩驂在 慢,遲也。 一力控 掤 央 忌者,語 以 夾 叔善 覆矢 止其 轅 **奉**

佀 原作「侣」 據四庫本改

前《叔于田》。 好勇,不義而得衆也。」此《序》之非,釋見曰:「《大叔于田》,刺莊公也。 叔多才而飲。 鬯弓,謂弛弓而納之鬯中。《毛詩序》

中軍作好。

中軍作好。

中軍作好。

一時,國人不過,國人不過,國人不過,國人不過,國人不過,國人國國。

一方,國人不過,國人國國。

一方,國人不過,國人不過,國人國國。

一方,國人不過,國人

觀是詩,雖不知高克與文公事情之詳,而

而已。兵車之法,將居鼓下,故御者在 習旋車,車右抽刃,自居中央,爲軍之容好 將也。高克之爲將,久不得歸,使其御者 「左、左人、謂御者。右、車右也。 尺,夷矛三尋」,鄭注云:「八尺曰尋,倍尋 左。」毛、鄭皆曰容好,則好上聲,而 車建二矛,長短,故重累而高歟? 惟可言雙英耳,不 重英歟? 孔疏謂「酋矛有二,備折壞」,則 夷矛也。」《考工記・廬人》「酋矛常有四 彭,衛之河上,鄭之郊也。 「呼報反」,非。 曰常。」此箋必曰異矛者,以長短,故得言 地名也。 心,起人敬正之心。 其慢易 「清者,高克所帥衆之邑也。二矛,酋矛、 不 介,甲也。矛有英飾。」鄭箋云: Ē 可 陶陶,音摇,則翱翔逍遥之 刺 可 可言重 毛傳曰:「清,邑也 速,足 消與軸,皆河上 一喬。 喬,高也 以 消 人慢易之 中軍,謂 箋云: 陸 德 明

危國亡師之本,故作是詩也。」 素惡高克進之不以禮,文公退之不以道, 克將兵,而禦狄于境,●陳其師旅,翺 序》曰:「《清人》,刺文公。高克好 意。 上,久而不召,衆散而歸,高克奔陳。 不顧其君。文公惡而欲遠之,不能。 韻,亦不若是太拘,或平或側無定。 而陸「徒報反」,亦未安。《詩》中叶 (利,而 《毛 使高 公子 翔河 詩

羔裘豹 羔裘晏兮,三英粲兮。 羔裘如濡,洵直且侯。 林・師之井》曰:『范子妙才,戮辱傷膚。 王』,❷《漢書》作『侯』。 侯、《補音》:「洪姑切。《史記》『斬盧胡 鵒跦跦,公在乾侯,徵褰 相 飾、孔 國 一, 封 武 ||爲應侯。||張衡《西京賦》||侯|| 有力。 彼其之子,邦之彦兮。 彼其之子,舍命不渝。 彼其之子,邦之司直。 《左氏傳》童謡 與襦。』《易 曰

> 司直。」 《春秋左氏 辭》『侯』與『圖』叶。」其,如字,又音記。 仲舒敘傳》「侯」與「車」叶,柳宗元《弔 與「拘」叶,揚雄《解嘲》「侯」與「驅」叶、《董 傳》曰:「彼己之子,邦之 · 模弘

朝。 其 善 也。洵,信也。 子之賢也耶? 以風其朝焉。」鄭自莊公以來,固非有道之 侯必有訓,不可得 傳曰:「侯,美也。」蓋公侯伯子男皆美 次篇《遵大路》言君子去之,安知非美此 是詩乃親見在位之賢者,愛之敬之,故頌 也。 朝多小人,而 而《毛詩敘》曰:「言古之君子, 傳曰:「侯、君也。」《韓 大夫羔裘如濡,光澤之至 而知,大槩美稱也。 是詩 親 見,非言古也 君 亦

秋」,原作「寇」,據四庫本及阮刻本《毛詩正義》改。

0 胡王」,原作「徒鞮」,據四庫本與武英殿本《史記》改。

者,所 變也。 言「五紽」、「五緎」、「五總」,皆爲縫中之英 袖各二缝,并中前缝爲五缝,故《羔羊》詩 而已,并中前縫爲三縫。皮之小者,左右 以柔爲貴。古者素絲以英裘,此曰三英 社稷也。晏,和柔也。 孔,甚也。」言甚武有力,出則執干戈 猶 者反,棄舍也。 也。彦,士之美稱。 易 見三縫 直 《毛詩》傳曰:「豹飾 子 諒 也。 見危授命 子亦 皮之大者,左右袖 稱 以羔羊之皮爲裘,• 其 圃 善 ,緣以豹皮也 不變也。 爾。 舍, 沈書 脯 一縫 渝, 衛

故也。 兮,不寁好也。 遵大路兮,摻執子之袪兮。 遵大路兮,掺執子之手兮。 無我惡兮,不 無我魗 寁

飾

遵,循也。 ,猶惡也。 摻,攬也。 好,善也,美也。 袪,袖 也。 遵大路以追 寁,速也

> 己? 欲其遲留也。《毛詩序》曰:「莊公失道 其行不速故也。不速,則善也。 君子去之,國 留君子,攬執其袪,無惡我,我欲君子遲遲 直挽而遲留之也。 人思望焉。」何 止于思 愛之,而 望 丽

佩以問之。知子之好之,雜佩以報之。 知子之來之,雜佩以贈之。 宜言飲酒,與子偕老。 將翱將翔、弋鳧與鴈。 女日 雞鳴,士曰昧旦。 琴瑟在御,莫不静好。 弋言加之,與子宜之。 子興視夜,明星有爛 知子之順 《之,雜

兼此四者,而制其宜。《楚辭 與『虧』叶,揚雄《長楊賦》『加』與『夷』叶。 有所設,剛有所施,弱 加、《補音》:「一讀居之切,《三略》:『柔 有所用,强有所 天問》「加 加

⁰ 「羔」, 原作「黑」,據四庫本改。

賦》「加」與「過」叶,魏明帝《桐詩》「加」與叶、《七諫》「加」與「何」叶。● 張衡《西京一讀居何切,《楚辭・九懷》「加」與「和」

柯一叶。」

乎 ? 乎? 閑 《史記》曰:「以弱弓微繳,加諸鳧鴈之 御,莫不静好。 婦相好,故言及此。有琴焉瑟焉,惟其 宜飲酒,以所加鳧鴈薦也。 焉,弋射鳧鴈。」言,語助也。 星爛然。以有星明,故窗牖微明似昧 曰 : 上。」宜之爲言美而稱 夫婦相警夙興也。 女曰:「雞鳴 静。 「子興視夜如何其?」及士興 知子之所 知子之所順協者,其 知子之所招 矣。」 夫婦 愛好 士又曰: 士 來者,其 和樂,不淫於色,故覺 也。 曰:「昧 其 夫婦同其樂也, 與子偕老,夫 以 「吾將翺焉翔 以 议 加之,中也。 雜 雜 爽 雜 視,則 矣。」 佩 佩 佩 問 報 贈 旦, 之 所 明 女 之 之

> 乎 ? 情。 謂此詩 牙之類。」《説文》云:「珩,佩上玉也。 序》曰:「陳古義 玉 傳》曰:「佩玉上有蔥珩,下有雙璜,衝牙、 隱處野外之詩也。 説德而好色? 也。」鄭自莊公以 蠙珠以納其閒 也。』《玉 半璧也。 居中央,以前後觸 ,世子佩瑜 毛傳曰:「雜佩者,珩、璜、琚、瑀、衝 夫 i陳古。 婦 藻》云「佩 琚,佩 同心, 玉,士佩 。」《玉藻》云:「大夫佩 然詎可謂舉鄭國之人皆不 詩言翱翔弋鳧鴈,蓋賢者 玉 來固 以 好 詳觀詩辭,殊非陳古之 名 也。」《玉府》鄭注引《詩 玉 刺 賢 也。 有 無道,鄭多淫風,故 (樂善 瓀玟 今,不説 衝牙」,鄭注云: 瑀,玖,石次玉 如 玉。」《有 此。 德 而 《 毛 好 女同 水蒼 璜, 色 詩

●「何」,原作「和」,據四庫本與文淵閣《四庫全書》本《楚

車》「佩玉瓊琚」、《邱中有麻》「貽我佩玖」。

彼美孟 將 有 《序》曰 翱將 訓 削 呼痛 或 詩之情,熟觀 之」,則過矣。 助 非 女同 嘗有功于齊,齊侯請 善 是 人而名君,大逆 ,故作是詩。 吾耦也。」遂辭之。 ,婉而彰,愛而忠。 詩深言孟姜之善 哉 毛 且孔子非 翔,佩 姜 車 傳 「鄭人刺 洵 顔 티 : 惟孔子作《春秋》,奉天道 玉 美 如 一將將。 且 此 舜 又謂見逐 鄭 忽 詩 都。 華。 親 而《毛詩序》謂「 臣 也。 則 迎 彼美孟 則悖 知之。 而亦不言同 有 將 故 妻之,忽曰:「齊大, 追考時事,則太子忽 同 國 又累篇言刺忽。 女同 酁 可書 而後刺之,益非 車 人惜其失大國之 將 亂 也。 姜,德音不忘。 行 翔 又曰「忽」,以 天常,不 鄭 顔 佩 忽。 舜 車者之不 如 國 玉 舜 瓊 木 可 今 而 人 英 琚 槿 此 以 鳴 刺 筆 此

> 謨》。 在 美,且有賢德之音 也 中。 子忽辭 都, 猶好也,見《書• 齊 而 ,惜其失大國之助,隱然 他 娶 雖 美 禹謨》、《皋陶 然 彼 孟 姜 尤

山 山 紅 薬。紅,蘢古 而《 山宜 蘇,扶胥小木也。』《爾雅 美非美然」,詩人方含隱,不敢指 狂 今不見賢俊,乃 有 有 爾 草爲: 一、葉大而 且,喻不肖。 橋 扶 雅 序》曰「刺忽」,大悖也 |有扶蘇, 隰宜 松,隰有 蘇 》疏 龍鼓,語轉耳。」陸 , 隰 引 赤 有 此 游龍。 つ, 白 ,其大者蘬」,郭注云: 荷 詩 《毛詩序》曰 華。 見不 色,生水 有荷華,國宜 遊 不見子 不見子充,乃見狡 肖。 龍 澤 璣云:「一名 釋草》云「荷,芙 爲 子 都,乃 中,高丈 毛傳 刺刺 證。 都,喻賢 忽 有賢 切其 曰 見 張 也。 一俗 狂 横 餘。」 「扶 俊 俊。 童 且 渠 馬 所 岼

狡,謂在朝之小人。若以喻君,則悖逆也」,斷斷乎無此義。狡童,猶狂且。狂、于書,疑亦以美著也。」毛傳謂「狡童,昭公董云:「子都,世之美好者也。子充,不見根如龍也。」《釋文》云:「橋,本亦作喬。」

甚矣。

爾性」之類,不惟是愛君。如古稱我爲朕,未至如秦以曆兮蘀兮,風其漂女。 叔兮伯兮,倡予要女。蘀兮蘀兮,風其漂女。 叔兮伯兮,倡予要女。蘀兮蘀兮,風其漂女。 叔兮伯兮,倡予要女。

能餐兮。彼狡童兮,不與我食兮。維子之彼狡童兮,不與我言兮。維子之故,使我不

分别之嚴也。」

故,使我不能息兮。

『前』叶。」 「餐』與『乾』叶,韓愈《秋懷詩》『餐』與 沐三握髮,後世稱聖賢。』摯虞《思逝賦》 沐三握髮,後世稱聖賢。』摯虞《思逝賦》

君,憂其禍即至,故不能餐,不能安息也。 程傳與《序》之失,遂不復思而從其悖也。 此狡童謂狂臣,擅命之小人也,故不親君 此校童謂狂臣,擅命之小人也,故不親君 此,不與君子言,不與君子食,謂疏遠之, 不與禄廩也。 子,謂鄭君也。蓋根本于 諸儒咸謂狡童指昭公,無乃大不通乎?

「之」,四庫本作「凡」。

《毛詩序》曰:「刺忽也。

不能與賢人圖

❷ 「禄廩」,四庫本二字互乙。

0

《山有樞》「子之衣裳」、《宛丘》「子之湯 兮」,「子」皆指君。 公子翬謂隱公曰「百姓安子,諸侯説子」, 君之善,誣君子以詈君之大罪,奚可哉? 賢者禄食者權臣 事 **子,權臣** l擅命· 也。」然則强臣 ,●非昭公也。 擅 權 没君 則 子愛 不 與

也且! 洧。 子惠 人 ? 子不我思, 豈無 思我, 狂童之狂 褰裳 也 涉溱。❷ 亘! 他士? 子惠思 子不 · 我 我,褰裳 思 狂童之狂 · 豈 無 涉 他

子,謂 用,❸此語 思,豈無他人?」言君固自 「子惠思我,我則褰裳涉 退處而心不忘君,故作《褰裳》之詩 狂童之狂也且」,疾所任用乃狂妄小人 鄭君也。 深譏焉 鄭君遠賢而近小人,賢者 圃 婉 者也。 漆而 有他人 來。 卒 直 爲 子不我 言 之任 曰 日

> 或至迂僻,亦猶《左氏》曰「豫凶事」歟? 國正己也。」詩中安有此情? 腐儒苦思, 尽《序》、傳之繆誤甚著甚多。是《序》曰: 尽以《序》、傳病詩,曲推强釋,良可笑。不 反以《序》、傳病詩,曲推强釋,良可笑。不

裳錦褧裳。 裳,衣錦褧衣。 昌兮,俟我乎堂兮,悔予不將兮。 子之丰兮,俟我乎巷兮,悔予不送兮。 辨與九歌兮,夏康虞以 巷、補音》:「胡貢切。 叔兮伯兮,駕予與行。 叔兮伯兮,駕予與歸 自縱。 《離騒》經: 不顧 衣錦褧衣 裳 難 "『啓九 子之 錦 以 圖 褧

「褰」,原作「蹇」,據四庫本改。「臣」,原作「君」,據四庫本改。

0

0

「用」,原作「而」,據四庫本改。

下同。 ❷ 「褰」,原作「蹇」,據四庫本及阮刻本《毛詩正義

歸。

今車 女悔 則與之行矣。」衣裳錦 其文之著也。」古者衣裳中錦外絅,風俗率 也。 也。 如此,故雖衰 上加襌縠焉 之,猶未至於深絶也。 覬女之或從也。 亂也」,則差矣。 悔矣,悔過之心,聖人取焉。《序》總曰「刺 和 《毛詩序》曰:「昏姻之道缺,陽倡 女不從,男不得已而退,猶俟於門外也,猶 、製、襌。」蓋以襌縠爲之中衣,裳用錦,而 ,男行而 先言巷,後言堂,更韻也。 丰,豐滿也。 而告長 Щ 迎予, 女不隨。」觀詩意 上叔 世 《中庸》曰: 則與之歸矣。婦人謂嫁 猶未變。 今女悔,縱未從,而姑送 此悔而作詩,求復諧者 伯 巷,門外也。 曰:「今車 褧,言衣裳已具飭, 昌,盛也。 「衣錦 絅、褧音義 誠有之,然今 駕 男親 鄭箋云: 而 尚褧,惡 將,猶送 丽 迎 迎 陰 亨, 同。 不 丽

東門之栗,有踐家室。豈不爾思? 子不東門之墠,茹藘在阪。其室則邇,其人甚遠。

我即。

焉。 町町者。 士則 東門之平墠,又有茹藘之草在其阪,阪又 染絳。〕坂,大坡不平。 矣。毛傳曰:「東門,城東門也。 我即,故有甚遠之歎。是詩女則 有栗木焉。 茹藘,茅蒐」,郭注云: 其家室中之人,女之所慕者。 正。 《毛詩序》、槩曰「刺亂」,其半差 茹藘,茅蒐也。』《爾雅 踐,行也。 行道之旁,有家 「今之蒨 也,可以 釋草》云 墠,除地 淫矣,而 而其不

夷? 風雨蕭蕭,雞鳴膠膠。既見君子,云胡風雨淒淒,雞鳴喈喈。 既見君子,云胡不

不瘳? 風雨如晦,雞鳴不已。既見君子,云不瘳? 風雨如晦,雞鳴不已。既見君子,云

既見君子,喜而失其憂,故夷平也。思。胡,何也。夷,平也。亂世賢者多憂,詩序》曰:「思君子也。」詩曰「既見」,非詩於,曰:「思君子也。」,以引之也。而《毛是詩美君子不改其度也。鄭有君子,雖居是詩美君子不改其度也。鄭有君子,雖居

三月兮。不來? 挑兮達兮,在城闕兮。一日不見,如不來? 挑兮達兮,在城闕兮。一日不見,如音? 青青子佩,悠悠我思。縱我不往,子寧青青子衿,悠悠我心。縱我不往,子寧不嗣

毛傳:「青衿,青領也,學子之所服。」鄭箋曰:「刺學校廢也。 亂世則學校不修焉。」思如此之切,而彼乃若是耶?」《毛詩序》是追恨曰:「我一日不見,如三月之久。因久不見之學子,乃挑達于城闕之閒,於

「廢學業,但好登高,見於城闕。」闕

《爾雅 毛傳 襟。 嗣,續 綬。」程曰:「挑, 曰襟,一曰帶。 衿非領,毛傳、郭注皆誤。 衿有二義: 前不交,續以左右二衽而後交。《方言》 之襟,衣所以交於前者,以有衽也。 毛傳謂領者,取《方言》之交,取《爾雅》之 引《士昏禮》「施衿結帨」爲證。此衿非襟, 隨 又云「衿謂之袸」,郭注云:「衣小帶。」疏 「交領。」《方言》云:「衿謂之交。」《釋器》 云"「學子而俱在學校之中,己留彼去,故 襟謂之交」,謂此 而 然襟非領,乃袂也。 曰 思之爾。 釋器》云「衣皆謂之襟」,郭注云: 也。 : 「佩, 女曾 然襟狹似帶,故因名歟? 禮 **:** 佩 不傳聲問我,責其忘己。 輕 玉 也。 躍。 也。 父母在,衣純 領亦因是 達,放 古謂之衽,亦謂 士 瓀 恣。」 珉 圃 而 以青。 交,而 鄭 衣身 青 組

者,謂於城之闕處置門,其兩旁城土高而

稍闊,可以登而望遠。

不信。 終鮮兄弟,維予二人。無信人之言,人實無信人之言,人實廷女。揚之水,不流束薪。

縞衣綦巾,聊樂我員。出其闉闍,有女如荼,出其東門,有女如雲。雖則如雲,匪我思存。

雖則如荼,匪我思且。 鄖闕。 盛多。 妻也。 千,齊州人,其先本彭城劉氏,十世祖凝之,事宋爲起部 助耳。」縞衣綦巾,我自樂之。 語助也。於義自通,何必牽强又改字?」以此知員亦語 無此姓也。況此詩解内云:「陸德明以《爾雅》云「徂,存 郎。及齊受禪,奔元魏,以忠烈自比伍員,因改姓員,古 也」,❷牽合上章「思存」,改「且」作「徂」,甚無謂也。 疏言「樂我之心耳」。 盛,而我心不在焉。我自有員姓 出其東門,有女如雲之盛。 按"樓鑰云"「此説未然。 《春秋》有鄖國,亦作「邙」。 吾妻縞衣茹藘爲飾,雖芳麗不 云、員古今字,助句辭也。 縞衣茹藘,聊可與娱。 毛、鄭不解「員」字、 如荼,亦言其 雖 則 者,❶吾 如雲之 漢中有 唐員半 ·如東 且,

「自」,原作「則」,據四庫本改。

門之女,而亦聊可

與娱。

鄭多

淫

1新棄舊

0

及本詩詩解改。

四

也。 爲 都。」陸德明以《爾 蒼艾色。 上章「思存」,故改「且」作「徂」,❷甚 釋宮》云:「闍謂之臺。」茹藘,蒨草,染 鄭云:「綦,赤黑色。」是詩毛傳 所 有 室家焉。」詩 五 飾。 自 争 取 夫 通 陸好異,多有此 , 0 也。 婦 ,何必牽强 鄭箋云:「闍,讀當如 兵革 相 圛 與 而《毛詩 一曲城 中殊無此 不息 不替,不 序》曰 也。 ,男女相 又 雅》云「徂,存 (改字? 病。 以 情。 閣,城臺。」《爾 外 且,語 《顧命》「綦弁」, 棄, 関 色動 況 彼都人士 民 亂 心,聖 舊 助 也, 人思 也。 曰:「綦, 音子 也 無 牽 保其 人之 雅 徐 於 謂 合 之 色

逅 有 相 蔓草 一人,婉如清揚。 遇 - , 零露 適 我 願 漙 兮。 兮。 邂逅 野有 有 美 蔓草 相遇,與子偕臧。 人,清揚 - , 零露 瀼 婉 瀼 兮。

野

反

,今從舊音。

邂

零 婉兮。 子曰: 謂 也。 路違 親。 不 孔子 天下賢士也。 漙 雨 亦有單字者,後人輒爲團字。 吕氏《字林 其 程 期 鄭詩》『零露霉兮』,古本有水傍作專 · 本 下 了? 遭程 Ļ 小 丽 命 顧謂 作專,訓云 -亦作「 「《詩》不云乎? 會」,審 子行之。」《毛詩序 邂逅相 零,落 子路:「取 子 有閒,顧 斷 團 於塗,傾 斷 如《序》言,則孔子 於斯不贈,則終身不能 遇,適我願兮。] 今程子 露貌,音上兖切。」 也 乎 顔 無 謂子 師 溥者 是 東帛以贈先生。」子 古《匡 蓋 理。 路,子路 『有美一人,清 而 影 露貌。 語終日,甚 蔓生之草,露 繆 7日「男 正 如 党政 俗 蓋當 初。 *\frac{\times}{\times}. 女 時 以 思 見 揚 孔 相

改 五」,原作「互」,據四 原脱,據四庫本與樓鑰《攻媿集》補。 庫本及阮刻本《毛詩正

見,以 所 稱其賢。 心 或謂之揚。」其以 見。 相契合也。 相 詩 《方言》云: 遇 詠之端。 之樂,視 鄭 雖 瞳 亂,先王之澤猶未泯 子 「目黸瞳之子曰 景物皆樂,故 凡《詩》言美人,皆 多揚 動 ,故名歟 即 盱, 所 ?

在

野豈無賢者。

溱與洧 訏且 溱與洧,方涣涣兮。 訏 曰 1觀乎? 觀 且 信 也。 毛 樂。 樂。 乎? 也。 詩序》曰:「《溱洧》, 「溱、洧, 殷, 瀏其清矣。 維士與女,伊其相謔,贈之以芍藥。 維士與女,伊其相謔,贈之以芍 將,大 士日 士曰 衆也。」 「既且。 既且。 兩水名。 也 一。」《易》曰: 鄭箋云: 士與女,殷其盈矣。 士與女,方秉蕑兮。 且往 且往觀乎洧之外,洵 蕑, 「 既, 觀乎洧之外,洵 刺 蘭 風 亂也。」毛 已也。 也。 行水 訂,大 洵, 傳 女 女

> 涣。」水則涣散,女曰:「往觀矣。」且, 也。 助,語之止辭。 也。 於是乎相謔,其終贈之以芍藥。 洧之外。」「往觀」不載「女曰」者,意明省文 誤,豈未見芍藥而意之耶? 矣,故詩人刺之。毛傳謂「芍藥、香草」, 未必然。 其華甚美,始即此爾,而無香氣。 之辭也。 遂曲 璣云:「今藥草芍藥無 非 戲謔之甚也,語 士女相謔者自作是詩也 謂洧外信甚寬大,甚可樂也。 相謔 爲之説。 然士與女相戲謔如此,已大亂 ,毛無傳,鄭箋謂行夫婦之事 敘其事,所以著其惡也,刺之也 不思「士曰」、「女曰」,詩人 女又曰 淫 穢 也。 二如 香 或疑是詩 氣。」毛傳亦 此 今藥草芍藥, 則 伊, 相謔,謂 士與 往 不 正 猶 觀 ', 殆 女 語 彼 乎 名 陸

慈湖詩傳卷六

慈湖詩傳卷七

宋慈溪楊 簡敬仲 撰

光。 雞既 庶予子憎 東方明矣,朝既昌矣。 蟲飛薨薨,甘與子同夢。 鳴矣,朝既 盈矣。 匪東方則明,月出之 匪雞則鳴,蒼蠅之聲。 會且歸矣,無

兮既明』與『桑」叶、『步列星而極明』與 霜雪之將將,日月之光明』。 智之明」與『詳』叶,『爲天下明』與『忘』叶, . 契玄王生昭明』與『商』 叶,又引古詩 『如 (補音》:「明,謨郎切。 荀卿書『昭昭乎其 《楚辭》『夜皎

> 重讀。 《房中歌》『承帝之明』與『彊』叶,『唐虞之 乃蒼蠅之聲爾。」妄言以卻 雞既鳴矣,朝既盈矣,乃曰:「匪雞則 玄·遇》首:「幽遇神,及師夢。」」 也。』夢,莫滕反、《正月》詩『視天夢夢』沈 與有明也」與「剛」叶。 韻。《周易》『其辨明也』與『長』叶,『不足 元首明哉』與『股肱良哉』、『庶事康哉』爲 叶,會稽刻石『追首高明』與『莊』叶。 『方』叶。 '明',音亡。』《白虎通》:『清明,風者清芒 揚雄《甘泉賦》『夢』與『繩』叶、《太 秦東觀刻石『原道至明』與『陽』 徐邈《楚辭》釋音: 雞鳴之告。 鳴, 蒼 漢

齊

猶曰:「甘與子同夢。」是詩兩言「子」,皆 光爾。」荒淫之狀益著。 者已昌盛矣,乃曰:「匪 言,以卻告者。東方明矣,士大夫之詣 蠅有聲,明晏有甚於雞鳴時矣。 荒淫 東方明,乃月出之 蟲薨薨,日出矣, 妄 朝

我謂

謂婦人。《君子偕老》「子之不淑」、「子之 陳賢妃貞女夙夜警戒相成之道」,則差矣。 之士大夫明矣。荒淫至于此極,《毛詩序》 其意已明,故此言「會且歸」者,其指來朝 無久伺之勞,庶不憎惡予與子也。 大夫,且行歸矣。」會者,相將之意。 清揚」,皆謂夫人也。 諸儒不知《序》之不足盡信,率以《序》解 歸之哀公,容或有之。 朝既盈」、「朝既昌」,則士大夫來朝既久, 詩》,其有阻礙,必至于委曲穿鑿牽合。 又曰:「彼來朝之士 但「思賢妃也。 前言 歸 故 則

道兮。 子之還兮,遭我乎峱之閒兮。 昌兮,遭我乎峱之陽兮。 兮,揖我謂我儇兮。子之茂兮,遭我 我臧兮。 並驅從兩牡兮,揖我謂我好兮。 並 一驅從兩狼兮,**揖** 並驅 乎 從 子之 峱 兩 之 肩

> 還,音旋。 《孟東野失子詩》『閒』與『賢』叶。」簡 也。」司馬相如《上林賦》:『赤瑕駁榮, 京語「閒」之餘音亦有「肩」音。 叶,曹植《瑟瑟歌》『閒』與『阡』叶,● 月,錯落其閒。」張衡《南都賦》『閒」與『顛』 都賦》: 臿其閒。 曰:"「黄肩弩也。」晉灼曰:"「黄 •李廣傳》『自以大黄射其裨將』, 『裛以 **鼂采琬琰,和氏出焉。**] 班 閒,《 藻繡,絡以 補 音 *; 編連。 居 賢 (肩即 切。 隨 固 觀 侯 黄 服 韓 \sim 明 西 雜 閒 虔 漢 愈 今

旋也。 《毛詩》傳謂「還,便捷之貌」,未安。 驅從逐兩肩。❷ 忽遭我于峱 其初相遭未揖,及並 山 之閒,于是子與我並 還,回 驅從

全反。

瑟瑟」,原作「琴瑟」, 據四庫本改。

與我」,原誤倒 四 庫 本乙正。

曰:「伏三茂三月。」、啄住,澤伏、立方良也。好,美也。臧,善也,猶好也。毛傳茂、昌,皆謂盛也。言氣貌之盛,美之之辭肩,乃揖我,謂我儇兮。儇,駿捷之稱也。

營兮,遭我虖嶩之閒兮」,顏師古注曰: 名狼。」《毛詩序》曰:「《還》,刺荒也。哀名狼。」《毛詩序》曰:「《還》,刺荒也。哀公好田獵,從禽獸而無厭。國人化之,遂公好田獵,從禽獸而無厭。國人化之,遂

還」、《韓詩》作『營』。之,往也。嶩,山名《齊國風·營》詩之辭也。《毛詩》作

言往適營丘,而相逢于嶩山也。」董氏曰:也,字或作『峱』,亦作『巎』,音皆乃高反。

茂、昌,三者皆地名也。」然平觀文勢,則郊,故諸書或異。」崔靈恩《集注》:「還、「考于《地記》,嶩、峱、巎皆山名,在齊之

「士大夫聚説 毛 ,故刺之。」 詩 》謂 還、茂、昌 田 事,以 爲 紀貌 是· 爲 戲樂,而 也。 孔 荒廢 疏 曰 政

而,尚之以瓊英乎而。 以瓊瑩乎而。俟我於堂乎而,充耳以黄乎乎而。俟我於庭乎而,充耳以青乎而,尚之俟我於著乎而,充耳以青乎而,尚之

《漢•地理志》言齊地風俗,引:「《齊詩」

《藝文志》謂「《齊詩》咸非其本義,魯最爲曰:『俟我於著乎而。」此亦舒緩之體也。」

之说也。 去二家而取魯,夫考之亦洋矣。近之」,然則班固謂爲舒緩之體者,《魯詩》《《》:"《》:"《》:"《》)》,《》:"《》),《》),《》),《》),《》),《》),《》),《》),《》),《》

從? 又況毛傳猶未明言刺不親迎,至衛今《毛詩》止一家之説,況多謬誤,奚可盡之説也。 去二家而取魯,其考之亦詳矣。

言何世,則臆説也。考本詩三章三言「俟宏作《毛詩序》始明言「刺時不親迎」,亦不

待也。 無 耳,所以懸瑱者,或名爲紞」,亦有 宁。」而毛傳曰:「門屏之閒曰著。」孔 聖人取焉,正以庸常平夷之即道也。諸儒 不知道,故穿鑿 而已,三百篇蓋多平正無他,雖無深旨,而 孔子曰「齊一變,至於魯」,則齊之禮儀亦 詩,而次昭公之詩之上。 之不可以次言也明矣,《清人》,鄭文公之 《還》、《東方之日》皆荒淫之詩,而是 于其閒,當亦非美,故曲推其説。夫《詩》 我」,殊非陳古之情。 著」與「宁」音義同。 一事一時之善乎? 況是詩亦特美其禮儀 典 「人君五色,臣三色」織之,未必然。 據,惟 《爾雅・釋宮》云:「門屏之閒謂之 雖當衰亂,風俗豈盡變而爲惡,無 以 此詩 而爲説,其害道甚矣。 曲推其説。且以素爲 衛宏蓋意《雞鳴》、 鄭康成 況齊俗近于魯, 謂 理。 以素充 疏謂 詩 但 初 次

> 《説文》曰:「瓊,赤玉也。」玉石之雜 之于紞 之瑩者歟? 瓊英,其精英歟? 尚者,著 者耳。瓊華,其色之盛者歟? 人》云「天子用全」,則公侯以下皆玉石雜 者,謂懸紞之末,所謂瑱也。』《考工記•玉 雜裳」之謂乎? 皆可也。 素」、「以青」、「以黄」,安知非「玄裳、黄裳、 成不善屬文,不達文理。是詩「充耳以 裳、雜裳可 先,見鑿甚矣。《士冠禮》「玄端,玄裳、黄 士玄裳,中士黄裳,下士雜裳。] 于以驗康 鄭風》言「俟我乎堂」,亦謂 端敷? 也」,而康成妄析其義 是詩 禮 儀,其 康成云:「瓊華 親迎也 瓊瑩,其色 親 迎 歟 丽 赤

闥兮。在我闥兮,履我發兮。兮,履我即兮。東方之月兮,彼姝者子,在我東方之日兮,彼姝者子,在我室兮。 在我室

日 >>, 洧 》同 長 能 室,此 旁推其説,衛宏不知道,其作《序》率類此。 者,未必果發也。 然「履我即」者、未必果即之也。 夜,或在室,或在闥,刺彼,故其事不一也 使發足而與之俱往也。 姝者子,忽在我之闥兮。 使即之爲淫也。即,就也。此肆焉,無所 平躡漢王,其意即通,無俟乎言也。 忌者也。 者,駭之而情深也。 子,●忽在我之室兮。 東方之日兮,日始出之時也。 淫 以 禮化 奔者之惡也。 刺衰也。❷ ,作詩以刺 則或有所忌者。 也。」夫不 東方之月兮,月始出之時 君臣失道,男女淫奔,不 《毛詩序》曰:「《東方之 淫奔 本詩惟刺 刺 履者,以足躡我 淫 也。 再言「在我室兮」 既入夜,又不入我 此 奔, 闥,門也。 與《桑中》、《溱 或 而 淫 彼姝美之女 在 刺 奔 「履我發 國 朝 也。 而《序》 履我, [衰,是 履我, ',猶陳 或 彼 在

> 則莫。 斯柳樂圃,狂夫瞿瞿。不能辰夜,❸不夙東方未晞,顛倒裳衣。倒之顛之,自公令之。東方未明,顛倒衣裳。顛之倒之,自公召之。

老反。 叶。 賦》:『長嘯哀鳴, 類、 揚雄《元后誄》『顛』與『盈』叶。」倒,都 命隕顛。』《噬嗑之未濟》『顛』與『民』叶。 偃蹇杪顛。』漢童 《易林·賁之豐》曰:『採 補音》:「典 謡『黄雀巢其 因 翩 切。 翻 互 司 經。 馬 相 薪 夭矯枝格 顛』與『人』 如《上林 得麟,大

顛倒衣裳。日未出,而東方先明。晞者,觀是詩,知公未明而召群臣,臣急趨之,故

[「]女子」,原誤倒,據四庫本乙正。

[「]辰」,原作「晨」,據四庫本及阮刻本《毛詩正義》改。「也」,原作「世」,據四庫本及阮刻本《毛詩正義》改。

瞿瞿 職 于事? 時,則夜未終必令報夜終,遂使挈壺氏 不時,挈壺氏不能掌其 方未明》,刺無節 忽早忽夜,皆不可測。 而莫矣。大抵狂躁輕妄之人,忽急忽緩, 夜,言全不識早夜,若非太早而夙,則太遲 何益于事哉? 圃 政事,然失時失節,乃輕躁狂妄,如折 又其微明。 焉。 ,刻漏錯 ,驚視之狀。狂者驚視,急于爲□,又 柳質柔細 無足爲禁也。 亂 未晞,則益早矣。 晨夜,謂早夜也。 也。 一而以 朝廷興居無節 《毛詩序》曰:「《東 (爲圃) 又如 職 焉。」公號令失 狂夫 之藩 公如 籬,何 瞿 不能 如勤于 號令 瞿 柳 然。 失 益 樊

既 啃 南 日 Ш 崔 魯道 歸 崔 止,曷又懷止? 有蕩,齊子庸 雄 狐綏綏。 魯道 止 葛 屨 有蕩,齊子 既 五 曰 兩, 庸止, 曷又 冠 由 緌 歸 雙

> 之何? 析薪如 從止? 之何? 蓺麻. 必告父母。 如 之何? 匪 斧不克。 既曰告止,曷又鞠 衡從其 取 畝。 妻 如 之何? 取 正 ? 妻如

匪媒不得。

既曰

得止,曷又極止?

《補音》:「雙,疏工 滿罪切,古作晦,《説文》以每得聲。 無雙』。 局然自縛,或隻或雙。』《史記 臧《格虎賦》:『耳目喪精,❶ 黄童』、『荀氏八龍,慈明無雙』、『任文公智 公、「五經無 『雙』與『東』叶。 禍與福因, 高唐賦》『畝』與『止』叶、《楚辭》『畝』 緌,如誰 刑 雙許叔重」、『天下無雙江 與 《後漢》語『殿中無雙丁孝 反。 德雙。」揚雄《河 切。按:原本三字脱。 從,音縱。 ・龜筴 值 網 畝, 丽 東 傳 宋玉 衝。❷ 賦 與 讀 夏 孔

「精」,原作「粗」,據四庫本改。

「網」,原作「網」,據四庫本改。

愈《元和 、招海賈文》『畝』與『覩』、『舞』叶。」 芷 叶 暑』叶,班固《西 讀 滿 補切、易林 • 聖德詩》「畝」與『祖」叶,柳宗元 張 衡《東京 都賦》「畝」與「矩」叶,韓 賦》『畝』 歸妹之坤》『畝』與 與『已』 叶。

之意。 歸 狀 赧 雖由 然無制之意。 公歸者,明初往,襄公之惡未成。 矣。 慾已縱而不能 狐,皆取 知其對雌。 詳觀《南山》之詩,其刺襄公鳥獸之行亦著 發諸 則成矣明矣,故止言其歸。詩人于是 .魯道而歸,身則在塗,心則在魯,其愧 南山崔崔,有人君尊嚴之象。 有蕩者,因道路平 精 疑象。 「綏綏」。 神, 狐 首章不言齊襄往,而 止,心愧沮而若疑。 見諸 之爲獸多疑、周易》凡言 襄公爲 《衛風 步武,有遲 鳥獸 ・有狐》亦 蕩,以寓 行,與文姜淫 疑 未 譏 綏 又齊 有 惟 言雄 明 言 魯 疑 綏之 及 . 蕩 襄 貮 襄

> 姜矣。 無别 妻如之何? 種 之甚也。 想而知矣。 字。縱放之狀,不可得而知。 爲淫矣,曷又極 獸之行又著矣。 葛屨雙止,非類 致其譏 冠緌,居首之物,所尊所貴者也。 謂其又懷文姜也。 兩,當是文姜與其姪娣或從者,共五人也。 也。 庸,常也。 蓺麻如之何? 티 : 既 首章「曷又懷 非謂常在魯道爲可也,言其縱 曰告止,謂文姜初嫁,既告于 必告父母」。衡,横,縱,直 既 而並 日 其縱 據此,則所亂又不止于文 齊侯既常在 歸齊矣,曷又懷之也?」 葛屨,至賤之物也。 處,以尊而混卑,則 放也 衡從其畝,以喻「取 止,其 ? 魯道路之中 從, 據此, 意 同 即 今也 可以 縦縦 蓺 五. 鳥 與

[「]其愧赧」,四庫本作「愧慾雜錯」,義勝。「芷」,原作「芝」,據四庫本改。

惡也。 已也。 其 體益輕,故曰子,亦爲之隱也。《毛詩序》 言歸者,亦結證其惡,齊人不敢預料其君 宜,謂婦人則難。 自魯發夕,齊人何由知之? 子發夕」,謂襄公則明。 言,言鳥獸行,而微其 廟 則謂魯桓不能制文姜。齊侯來淫而歸,惟 夕」、「齊子豈弟」尤難通。 姜」,既于是詩文旨難通,而《載驅》「齊子發 止,言魯桓既得文姜矣,齊侯曷又極之不 亦兼明淫亂之匪 (妹。 「《南山》,刺襄公也。 《詩》稱君曰「子」固多,齊君至是,其 極,猶鞠 大夫遇是惡,作詩而去之。」 曷又鞠止, 也。毛傳謂「齊子、謂 至于《敝笱》所言「齊子」, 一媒。 窮之不已也。 辭者也。 既 苟謂文姜,則文姜 齊人之詩,言「齊 日得 鳥獸之行 謂男子豈弟則 止, 曷又極 匪 媒不得, 鞠之爲 ',淫乎 文 于

> 無田甫田 婉兮孌兮,總角丱兮。 田 不充給,田必蕪穢,維有莠草驕驕然。 人治田,無得田此 爾雅•釋詁》云:「甫,大也。」孔疏 甫 田 ,維莠驕驕。 ,維莠桀桀。 大田。若大田過度,力 未幾見兮,突而 無 無思遠人,勞心切 思遠 人 (), 勞心 分分。 怛 恒。 忉。

無

遠人不難致,此有德,則彼至矣。曰 孌,言少年貌美。 維莠驕縱桀出,則良 遠人,則其君之無德、徒勞可見矣。 思遠人,徒勞心 其含護不敢言而卒已之意可見。 也」,孔疏謂「兩角丱然,未及幾次見之,而 大田,徒勞罔獲。 序》曰:「《甫田》,●大夫刺襄公。 突然已冠弁矣」。 忉忉 驕,縱. 此末章雖平言無譏,而 毛傳謂「總角、聚兩 苗 耳。」遠人,諸侯也。 不興不實矣。 也。 桀,桀出 無禮 《毛詩 無思 如田 也。

甫」,原作「大」,據四庫本及阮刻本《毛詩正義》改。

以求者非其道也。」 而求大功,不修德而求諸侯,志大心勞,所

盧重鋂,其人美且偲。盧重環,其人美且鬈。

其樂,同其獲,故百姓聞而説之,其聲令令而奉之,愛而樂之。順時遊田,與百姓共啓。言人君能有美德,盡其仁愛,百姓欣以風焉。」毛傳曰:「盧,田犬。令令,纓環以風焉。」毛傳曰:「盧,田犬。令令,纓環以風焉。」

用此道 賢者,民悦其田也,亦正也,道也。 曰:「重環,子母環也。 人之道心,而況于六經之大旨乎? 其君,正也,道也。 之詩,則《叔于田》之類也。襄公雖無道, 之。以《鄭·清人》文公之詩,而次于莊公 而不聞其暴民,故田而民悦之歟? 詩中。《盧令》未必果襄公之詩。 之惡,而兩《叔于田》之詩,京人未嘗不説 不可以次序觀,不可以執一觀。 故曲推其説,以爲陳古以風。不知《詩》之 之意。蓋《序》、傳以襄公之詩,不應有美 陳古,則宜每章稱仁稱德,而次章曰「鬈」, 然。」考《序》及傳皆謂 末章曰「偲」,又三章皆曰 曰「其人」,其辭指今,非陳古也。 而不知,故不明己之道心,又不知 不然 陳 鋂, 一 ,則齊有士大夫之 古, 「美」,殊非陳古 丽 本 環貫二也。 以 詩 果襄公 百姓 鄭 辭 叔段 情

鬈,好貌。偲,才也。」釋「鬈」曰「好」,未

安。鬈,其須之卷曲歟?

敝 敝笱在梁,其 敝笱在梁,其魚魴鰥。 笱 鰥、《補音》:「姑倫 '舜閔按'原本二字脱。 在 梁 其 魚 魚 筋鱮。 唯 唯 切。 齊子歸 在家,又何以鰥? 齊子歸止,其從 齊子歸止,其從 楚辭 止,其 ・天問 從 如 如 如 水 雨 堯

之 ? 盟,而文姜不行。 桓 年,齊僖卒。 爲二國患焉。」此 惡魯桓公微弱,不能防閑文姜,使致淫亂 (毛詩序》曰:「《敝笱》,刺文姜也。 如 謫文姜,姜以告。 齊 魯桓公娶齊僖公女文姜,魯桓 申 繻 十 五 諫 焉。 非 至十 年,魯桓雖嘗與 魯 夏四月,齊人殺 齊 桓 襄 人 時 年,魯桓 于是通文姜,魯 詩 也, 始 何 齊 為魯桓。 齊人 與 襄 + 以 文 會 四 明

《南山》同,亦含隱矣。 子》:「衛人得鰥魚,其大盈車。」鱮,亦非 歸,不言齊襄之往者,齊人不敢預言其君 也。 甚小之魚,欲易韻。 于惡。及成惡而歸,始形于言。 道大都,與文姜淫 防閑其母,止齊襄之來,致齊襄 詩其魯莊二年姜氏會齊襄于禚、四年 迹,未至于若是詩所述肆行而 夫齊人未殺魯桓之前,齊襄與文姜爲淫之 文姜之惡也。 因鰥連文,意在鰥也。 魚之器。 襄公,并譏魯莊微弱及文姜也。 享齊襄于祝丘已後之詩歟? 「網魚 魴,亦中魚。 敝敗之笱,在 得 ·鱮,不 其從者如雲。 喻魯莊微弱, 不 如啗茹。」亦 又鱮,至不美之魚 已也。 鰥魚之大,見《孔叢 魴雖非甚大之魚 于 魚梁。 言其盛 惟 是詩齊 無忌 言 喻 疾 不 鰥,大 符者,捕 其意與 齊 能 齊 驅 也。 如 姜氏 襄 襄 以 于 人譏 丽, 魚 之 禮 頣 通

不姚告,二女何親?』

魴。 鱗。 濟、 魾 魾 又見齊襄之肆惡 での那 其 潁魴 遼東 (多如· 其鄉 郭 · 璞云: 疏 魚 語 梁 水,言其 也。 티 : 水 魴 居就 陸 廣 江 無 特 (疾驅也 侕 璣 東 忌 肥 糧 薄 云: 呼 也。 而 、梁水 肥, 魴 厚, ,既見魯之無 『魴,今伊、洛 釋 魚 恬 紡。こ 尤美于 爲 而少力, 魚》云「魴 編,一 中 制 名 國 細

汶水 汶水 四驪 載 驅 智所 不 無 夕 第,而. \,《補音》:「祥龠 盈 湯 濟濟 滔滔,行 薄 處,能 郭璞《江賦》: 湯 薄 握。』李興《諸葛亮表間之文》: · ; 垂 簟 無 所 人 人 轡 茀 無 /儦儦。 彭 濔 朱 規 朝 彭 濔 鞹。 夕。 鄭? 『域之以 切。 魯道 魯道 魯道 魯道 舒之彌 日 籴 有蕩 居 有蕩 有蕩,齊子遊敖 有蕩,齊子 月 盤巖,豁 南子》:『施之 于六合,卷之 諸,時 ,齊子豈弟 齊子 發夕。 酁 之以 隕 翔 其

> 交錯。」」 羞以 祭文》: 『故人淒其相 洞 瞻彼日 壑, 嘉蔬,薦以 疏之以沱汜,鼓之以朝 月, 歲聿云夕。 清酌。」陸雲《夏府 悲; 寒暑窮 同祖 夕。」 行 化 君 于今夕。 陶 .潛《自 誄 四 辰

弟 馬 與 ? 道焉 禦, 云: 之路車,有朱革之質 亦 曰:「簟,方文席 後謂之蔽。」郭 薄薄,車行之聲 輿革前謂之報,後謂 皆 ,樂易從容之貌。 寓蕩然無制之譏。 以簟衣 「騋, 牝。 鐵 孫炎曰 夕而 驪之色。」 軾。 發者,亦 驪,牡。」是 「驪,黑也。」《爾雅・ 注云:「茀, 蔽, 也。 也。 垂 轡,徐 有愧于中,不敢朝 而羽飾。」魯道平蕩 以簟衣後 雖 齊君夕之發車 車 爾 刺 之蔽 詩 雅 譏,而 行 以韋靶後户 孔 之狀 竹 曰 疏 釋 前 户。 茀。 辭 器 云 謂 也。 釋 婉 ·, 趨 之禦 $\frac{1}{2}$ 毛 畜 駟 發 魯 傳

其 都,與文姜淫,播其惡于萬民焉。」 姜,及濡留不肯旋反之狀。 「《載驅》,齊人刺襄公也。 貌 解雖 翺 婉,其譏實深。 翔、遊 敖、 垂轡,皆從容候 彭彭 疾驅于通 《毛詩序》曰 ',盛貌。 儦儦 道大 待 文

四矢反兮,以禦亂兮。舞則選兮,射則貫兮。 簽既成兮,終日射侯,不出正兮。展我甥兮, 儀既成兮,終日射侯,不出正兮。展我甥兮, 巧趨蹌兮,射則臧兮。猗嗟名兮,美目清兮。

抑 閑其母,失子之道,人以爲齊侯之子 猗嗟,嘆辭,此嘆辭有美有傷。 人傷魯莊公有威儀技藝,然而 (毛詩序》曰:「《猗 辭 孔子言「文王之狀, 頒然 也。 上言「昌」,言「長」,此又言 嗟》, 刺魯莊 不能 昌,容色之 公也。 丽 以 焉。」 長」。 禮 防 齊

猶稱也,言其威儀技藝之可名也。」朱 蹌。」射則甚善也。臧,善也。朱曰:「名, 焉。」《射人》之職:「王五正,諸侯三正, 清明也。儀既成兮,言威儀習熟成就也。 人稱譽其威儀技藝之美有名譽也。 趨蹌之巧,趨步之有儀也、《禮》曰:「士蹌 全在驢瞳,言人之美多在精神,故多言 莊公乃齊襄公時,當曰姊妹之子。 之子曰甥。」蓋據《爾雅 卿大夫二正,士亦二正。」《毛 侯,即今之垛。 揚」。 二尺曰正。 日黸瞳之子盱,或謂 子之清揚」,曰「清揚 爲侯,廣與崇方,參分其 揚」,故曰「抑」。詩人言貌多言「揚」, 此言若何之揚兮,真美目之揚也 外孫 正,即 日 甥。」鄭箋 帖,即 婉兮」、《方言》云: 之揚。」蓋目之精 釋親》而云。 (廣, 而 鵠。 1詩》傳 云"「姊妹 《梓 鵠 意謂 曰 神 孤

湖 詩

之亂。 以 也。 者,矢正中鵠,貫而穿之也。 以禦亂,今魯莊射不出正,而不能禦閨 四方之亂。」反者,射終而反其 非 曰 :勁者也 爲齊侯之子焉」,贅矣,失孔子之旨。 射禮 而婉 誠 必 其解 選者 也 乘矢者,鄭箋云:「象其 ,鄭謂于倫等最上也。 孌, 譏也。 《毛詩序》謂 言目 欠也。 四矢,乘 射所 能 門 禦 矢 貫

好 貌。 之美 也

補人。

服。」三句一 臣下脩飾 德。J 秦泰山 令月吉日 ,始加 刻石:『皇帝臨位,作制明法 韻。」按:「士冠禮」以下,從《韻 廿有六年,初并天下,罔不賓 元 服 棄 爾 幼志 順 爾成

使縫。 謂 未成爲婦。 見之禮。舅姑存,則婦人三月然後祭行 後執婦功。」案《士昏禮》,舅姑殁,乃有廟 曰:「摻摻,猶 至冬猶謂葛屨可以履霜,利其賤也。」毛傳 履霜。」鄭箋云:「葛屨賤,皮屨貴。 毛傳曰:「夏葛屨,冬皮屨。 助祭也。 魏俗使未三月婦縫裳者,利 裳,男子之下服。賤,又未可 鄭箋云:「言女手者、未三月、 纖 纖 也。 婦人三月廟見,然 葛屨,非 魏俗 所 以

縫 人,即「摻摻女手」之人。 襋之,缝領也。 美,好 使好人服其勞。 也。 要之, 佩其象揥。

維是褊心,是以

爲刺

《補音》:「服,鼻墨切。

按"原本三字脱。

《易

也。」毛傳曰:「要,被

也。

練,領

也。」好

服

摻摻女手,紡績繕織。』《士冠禮》云:

林•

困之中孚》曰:

絲紵

布

帛,人

所衣

要之襋之,好人服之。

好人

提提,宛然左

糾糾葛屨,可

以

履 霜。

摻摻女手,可

以 縫

裳

魏

卑,右爲尊。 以《園 骨搔首名曰 也,刺魏俗之褊心也,而《序》必推及其君 儉嗇褊急,而無德以將之。」夫本詩刺魏俗 刺褊也。 爲贅辭,徒惑後學。 屨》之詩,辭情不及其君。 爾雅》云: 有桃》觀之,其君誠褊嗇陋甚,而《葛 魏 「提提,安也。」凡辟當左,左爲 揥。 地 宛,婉娩柔順之容也。 陿隘,其民機巧趨利,其 《毛詩序》曰:「《葛屨 衛宏不知道,率 以象 君

彼洪之子,美如英。美如英,殊異乎公行。後其之子,美如英。美如英,殊異乎公行。美無度,殊異乎公路。彼汾一方,言采其桑。彼汾沮洳,言采其莫。彼其之子,美無度。

之。箋云:「其采莫之事,則非公路之禮王肅、孫毓皆以爲大夫采菜,鄭康成亦如

美如玉,殊異乎公族。

其言大夫之義甚明,無俟于釋乎? 也。」毛傳曰:「路,車也。 乎 ? 注》「《序》曰『其君子儉以能勤」」、《釋文》 也。公族,公屬。」不釋「殊異」之義,● 他官 君儉以能 亦必此本爲正,惟他本《毛詩序》則曰 刺。 箸,赤節,節一葉,似柳葉,厚而長,有 洳,潤溼之處。 者。莫,菜也。 生,可以爲羹,又可以生食。 莫。』」言,語 酸迷,冀州人謂之乾絳,河 今人繅,以取 爲比,而獨以公路、公行、公族爲 毛傳曰: 勤 َ ٥ 助也。 「汾,水也。 陸璣《疏》云:『莫,莖大 苟以爲君采,則 藚,水蕮。」孔疏 繭緒。 鄭謂 其味酢 公行,從公之行 「無度,不 沮洳,其 汾之閒 Ŧi. 何爲不以 方通 而 云: 滑 可尺 謂之 漸 謂 「其 比 毛 之 始 如 沮 洳

● 「釋」,原作「擇」,據四庫本改。

不取。鄭箋云:「公族,主君同姓。」《毛詩 斷,寸寸有節。」陸璣以爲今澤蕮,郭氏 脣」,郭注引《詩傳》曰:「水蕮也。 之路車,非掌從公之行也。《爾雅》「蕢,牛 謂「公路,主君之軞車,庶子爲之,晉趙盾 宣 也。 云:「軞車,戎車之倅。」是詩公路正掌公 爲軞車之族是也」,其箋未 魏,豈能盡用? 謂「公路」與下「公行」一也,引《春秋左傳》 君之儉陋,寖至于采莫、采桑,不知其 詩惟譏公路、公行、公族,而不及他官者, 大抵上無禮教,則公族多不學文。近君習 車之官,而采莫菜于汾水之沮 公路,凡爲公路者,不如是也。 寸」,言美之至也。 二年晉事爲證,亦不甚明。 英,如「舜英」之英,美如華也。 況毛傳三釋甚明。 美則無度矣,但 必當。 以後晉證古 洳 豈有掌路 乎? 殊 孔 如 服 鄭箋 不可 異 虔 所 續 疏 是 平

己,音近,釋見《崧高》。之子」,其、己者,音近,韓、毛記音不同。●勤,刺不得禮也。」《韓詩》三章皆作「彼己」。曰:「《汾沮洳》,刺儉也。 其君儉以能序》曰:「《汾沮洳》,刺儉也。 其君儉以能

行國。 勿思。 哉,子曰何其。 知之,蓋亦勿思 其。心之憂矣,其誰知之。 不知我者,謂我士也驕。 園 有桃,其實之殽。 園有棘,其實之食。 不知我者,謂我士 心之憂矣,其誰 心之憂矣, 彼人是哉,子曰 也 其誰知之,蓋 心之憂矣, 罔 知之。 極。 我 歌 彼 其誰 且 人是 聊 以 何 亦

此甚,知不得其道也,知失其條理而至是殺,過于儉矣。儉,美德也。而過焉,至于殺者,肉之有骨者也。今儉而以桃實爲

0

行 非 沮 思爾 之?」重言「知之」者,誠寡也。 其無政 也。 于歌 未安。詩人于是曰:「我心憂矣,其誰 他書作「何居」者,亦當音如字,其義亦通。 之,其説爲何也。 士君子也。 失其條 桃食棘,國人以爲善,而智者以 也。 其」與「居」蓋記音不同,陸德明「音基」, 孟子》曰 ,雖本自昭然,而士大夫之有知者寡矣。 于國中 洳》之是非,人猶易知。 彼 謡,歌音長,謡音短。 得其條理者,雖不過儉,而 知此 事 人是哉,謂君所 理 ', 亦 了, 而 :「無政事 者 理者,自古以來罕其人也。 而驕,謂我不樂君之至儉爲 以 , 雖 末流至於危亂 舒憂。 殺 其,音如字,其義自通。 桃 ",則財 食棘,而 罔 爲是也。 極 《 園 不知我者 也。 用不足。」故殺 ,謂責人無已 有桃》之是 財 女蓋亦不 財 爲憂。憂 憂鬱而 用自 用 子姑言 謂 亦 《汾 豐。 匱 知 驕 我 發

> 矣。 不足以發明詩情,徒爲謬贅,而諸儒率宗 失矣,忽云「德教」,曹不知類。 是,奚止不能用其民 憂其 《毛詩序》曰: 亦安能有所爲哉? 宏此《序》奚足以知此詩? 民,而無德教,日以侵削,故作是詩 者觀智者率如 也,謂論治無有窮已、無有畔岸也,彼無 廣韻》曰「小棗」,今所在 其言妄繆,惟 君, 國小 而迫,而 此。 可發笑。 有桃 毛傳 亦拱手以受侵削 而已哉? 儉 沙,刺 目 以 有之,小 使宏居 嗇,不能 魏君 詩也。 「棘, 棗也。 凡政 此《序》 儉 也 魏朝 而圓 事]。 |衛 用其 大夫 陋 而 旣 皆 若 己 智

瞻望母兮。 夜無已。 陟 彼 **岵兮**,瞻望父兮。 上慎 母曰嗟予季行役,夙夜無寐。 旃哉,猶來無 父曰 嗟 啃 予 子行 陟 彼 記 役,夙

之,何也?

來無死。 兄曰嗟予弟行役,夙夜必偕。上慎旃哉,猶慎旃哉,猶來無棄。陟彼岡兮,瞻望兄兮。

爾爾 首 將 辭 切。 也。』」餘見《豐年》詩 可 臣之母。勞謙紡績,仲尼是紀。」偕,苟起 紀。」●蔡邕《崔夫人誄》曰:『昔在敬姜,陪 『以天爲父,以 曰:『陟屺望母,役事未已。』《淮南子》: 母、《補音》:「滿罪切。《易林・泰之否》 與儷按:原本誤作「儼」。 雅 『次三,失其 九辯》:『四時遞來 按"「淮南子」以下,原本脱 釋山》云:「多草木,岵。 明月 銷 地 鱳 爲母,陰陽爲經,四 體 而 也。 減毀。』《太玄 偕。 而卒歲兮,陰陽不 去四十四 次 四,賓 白日晼晚其 無草 字。 主 時爲 木, 偕 楚

毛傳曰 弟之至情,乃天下之大道,故爲是贅也。 乎大國」,皆詩外之贅辭 散,而作是詩也。」所謂「國迫而數侵削,役 父母按"「父母」已下,原本脱去二十三字。 兄弟離 思念父母也。 死 以後期獲罪也。 死之微辭也。 于彼而不反也。」無止,即無死之微辭 上番、上陣。 無寐,閔其不得寐也。 又戒己曰:「上慎之哉。」今俗亦曰 登岵山,望父之在所,思父臨行謂己曰: · 嗟予子行役,早夜無有已時。] 閔之也。 也。 《毛詩序》曰:「《陟岵》,孝子行役 「旃,之也。季,少子也。」行役者 卒曰:「猶當來歸,不至永止 國 必偕,戒之必與衆偕,慮 無死,謂其毋過于勇而必 迫而數侵削,役乎大國 無棄我,亦祝 也。 不知父母兄 上役、 其 其 無

屺。二而

是詩《毛詩》傳曰:「

無草木,站。

有草木,屺。」孔疏云:「當是傳寫誤也。」

❶ 「紀」,原作「祭」,據四庫本改。

畝之外兮,桑者泄泄兮,行與子逝兮。十畝之閒兮,桑者閑閑兮,行與子還兮。十

士王載言書》作「旋」。 大過之矣。還,本亦作「旋」,李習之《答進了語之餘音如軒,而《補音》遂「何甄」,則原語之餘音如軒,而《補音》遂「何甄」,則以,其一,則以,然,以,其一,則,以,其,以,以,以,

泄 字。 居相宅者相 只十畝之閒,桑者之多若是,故道途中謀 故假借「防閑」之「閑」以寄其音,實非 中閒」之「閒」,與「閒 ·釋文》云:「閒,亦作 「閑」。」字本亦作 閒」,閒暇也。 ,猶沓沓也 采桑者雖閒暇,然采者多,故曰閑閑。 謂曰:「行與子迴還兮。」泄 ,亦多也。 惟有 閒 暇」之「閒」渾聲,❶ ,故寬暇。 行與子逝往兮,言 後 世 古 以

> 故外推贅説 刺。 不感人邪僻之情,莫非道者。 道,不知是詩無他,亦無邪,詠 矣、況詩中本無刺國之意。 曰: 民無所居焉。」若曰 此處迫隘,不可謀居而 「《十畝之閒》,刺 惟 曰 國削 小,民無所居」,則 國以 時 無道致侵削 也。 他往。 言其國 蓋 宏不達是 《毛詩、 而歌之,必 衛宏不 不 削 則 可 序》 小, 知 刺 可

瞻爾 瞻 不稼不穡,胡取禾三百億兮? 坎坎伐輻兮, 寘之河之側兮, 河水清 不稼不穡,胡取禾三百廛兮? 坎坎伐檀兮,寘之河之干兮,河水清且 爾 庭 庭 有 有 縣 縣特兮? 貆兮? 彼君子兮,不素食兮。 彼君子兮,不素 不狩不 不狩不 苴 - 獵, 胡 獵,胡 餐 一漣猗。 直 一猗。 兮。

❶ 「聲」,四庫本作「殺」。

三四

瞻

爾

庭

有縣鶉兮?

彼君子兮,不素飧

兮。

不

坎

坎

如偪。 獻以 矣,乃重太息。』《易林• 壅不塞。 轂既破碎,乃大其輻。 餐。』輻、《説文》以畐得聲。 餐 登山 畐,芒迪反」,簡疑輻芳逼切爾,庶與今讀 策,偶進一言。 補音》:「蘇昆切。 伐 《荀子》引《逸詩》:『涓涓流水,●不 輻,虎在我側。」」簡案:《廣韻 釋彼官責,慰此 郤正《釋譏》:『時 蹇之中孚》曰 許慎凡 事已敗 輻皆讀 素

傳曰 也 有美如此,而寘之河干,是不用之也。 檀,❷木材之堅美者,君子之美材 河水清漣。」孔疏云:「河水性濁,清 風行水成文曰漣。 「坎坎,伐檀聲。 伐檀以 <mark>実,</mark>置 也。 俟世 干,厓 似 用 之。 毛 則

0

不異母

類。 也。」中士倍下士,上士倍中士,大夫倍 「下士與庶人在官者同禄、禄足以 然皆貈之通名,而其閒微有不同歟? 睡。 難待。 士,小國之卿二大夫。 人》云:「夫一 江東呼貉 稼,斂之日 之將出,則河水先清。」」毛傳曰:「種之曰 云:「貈子,貆。」《字林》云:「貈,似狐,善 人壽幾何?』《易緯》云:『王者太平嘉瑞 **貁謂之貌。」《廣雅》云:「貌,貁也。** 其子名貆。」郭云:「其雌者名澀,今 襄公八年《左傳》云: 爲 穡。 **貈**貌。」❸《字林》云:「熟,貍 廛,田 貆,獸名。《爾雅 百畝。」《孟子》 禄其税十一,則 『俟河之清 釋 代 曰 《遂 潤 <u></u> 耕

疏》改。

下

同。

[·] 綾」,原作「鉄」,據四庫本、阮刻本《爾雅注 檀」上,原衍一「□」,據四庫本删。 流」,原作「説」,據四庫本改。

⁸²⁸

照 今江 獠」。 著矣。 税。 獵 궁: 稼,斂之曰 與 箋云:「宵田 稼、穡相對,皆先稼 爾。」孔疏云:「曾孫之稼,非唯 在位貪鄙、無功而受禄、君子不得 小國,卿禄十六夫,止當得百六十廛之禾 士禄二夫,上 夫之税,始當一夫之獲。下士禄一夫,中 湯誓》云『舍我穡 也 獵 通 ●「冬獵爲狩。」又云:「火 ご孔 東亦 别,故以獵 今取三百廛,爲三百夫,其貪冒之狀 于晝夜,狩 郭注云:「《管子》曰:「獠獵畢弋。」 《毛詩 疏 呼 穡。若 獵 一士禄 曰 序》曰: 爲 兼 爲宵田 「經云『不 獵。」《釋天》云 獠。 於 四夫,大夫禄 事一,非 散 而 四 或曰 「《伐檀》,刺貪 則 後穡,故 時。 ,此對文耳。 相 唯 狩不 即 若《周禮 通。」《釋 斂之也。 今夜獵 田 獵一 知種之日 八 爲狩。」鄭 種之也。 宵田 夫。 仕進 散 則 載 天》 也。 以 魏 則 爲 狩 鑪

> 之。 爲億。 也。 傳以時事言之,故今《九章算術》皆以 之數。」孔疏云:「萬萬日 特。」鄭箋云:「十 不必皆宵田 田 十億畝」,是億 九百萬畝,《而《王制》云『方百里,爲田 毛傳所謂空之義 十 姓、千品、萬官、億醜」,皆以數相十,是億 ·萬也。 獵」、《王制》云『佐 直,直波 知古億十萬者,以田方百里,於數 箋以《詩》書古人之言,故以 秉,把也。《聘禮》注云『秉,謂刈 也。」素,即 也。 爲十萬也。 也。 萬 萬 日 車 萬 毛傳曰:「輻 億。 · 今 俚 止 曰 億,今數然也。 億。 《 楚 則 三百億,禾秉 語 百 所 語》云 潤 三 姓 謂 古數言 \coprod 歲 檀 萬 獵 三百 九 爲 即 萬 輻

0

0

天》。下《釋天》同。 田爲獠」均不見於今《經典釋文》諸本,見於《爾雅·釋「天」,原誤作「文」。案「冬獵爲狩」、「火田爲狩」、「宵

[「]於」,原作「爲」,據四庫本及阮刻本《毛詩正義》改。

云 漘,厓也。」「小風,水文轉 禾 淪」也。 盈 「囷,圓倉。」《爾雅 把」是 毛傳曰:「圓者爲 也。」毛傳 日 釋鳥》云「鷯 : 如輪」,所 囷。」《匠人》注 檀 可 以 爲 鶉。 以 輪 釋

鼠所化者。● 鶉,舊説云蝦蟇所化者也。」鶉。《爾雅》疏云:「鶬,即上云駕鴾,母田

其雄鵲,牝庳」,郭云:「鶉,鶴屬。」今曰

鸙

二義。

卿飧二牢,大夫飧一牢,士飧少牢。」《説「公飧五牢,侯、伯飧四牢,子、男飧三牢,毛傳曰:「熟食曰飧。」《秋官・掌客》云:

無人焉。上其堂,則無人焉。俯而窺之,曰:「晉靈公使勇士將殺趙盾,人其門,則文》云:「飧,水澆飯也。」宣六年《公羊傳》

之飧。《鄭志》答張逸云:❷「禮,飧饔大多食飯,夕則食飧。」鄭箋云:「飧,讀如魚飧方食魚飧。」孔疏云:「從夕食,言人旦則

非

可

素,不可

與『不素飧』相配,故易之

飧盛禮 乃生牢。毛曰熟食,正得夕食本義。 誤,不止于是。 也 毛傳 亦以充夕食爾。 熟食即 毛傳即非言飧,盛禮 魚飧 鄭 徒爲 飧饔、魚飧 異。 鄭 飧 所謂 初 亦 無 有 牽

逝將 碩 逝將 碩鼠 逝 碩 溶 鼠 鼠 碩 是詩言去之而適樂土,則怨君 鼠 去女,適彼樂郊。 碩 去女,適彼樂國。 碩 去女,適 碩 無 鼠 鼠 鼠 無 食我黍, 無 無 ~彼樂· 食我苗。 食我麥。 食 我 土。 黍。 則 君 樂郊樂郊,誰之永號? 三歲貫女,莫我肯勞。 樂國樂國,爰得我直。 三歲貫 \equiv 樂土樂 貪 歲 加 貫 重斂之狀 (女,莫 女,莫我 土,爰得 可 知 我 也 肯 我 肯 可 德。 所 顧 覩

❷ 「志」,原作「吉」,據四庫本改。 ● 「鼠」,原作「獵」,據四庫本及阮刻本《爾雅注疏》改

慈湖

詩傳卷七

勝其苦而長號 郊,誰復永號于女之土乎? 永,長也。 之。又莫肯勞我也。 益以 樂國,而得其直,則居是國爲不得其直矣, 德者,施德于我也。莫肯施德于我也。適 逝,「誓」字之訛歟? 我,于是斷棄曰:「誓將去女,適彼樂土。」 輒從之,致其習慣而不已。又莫肯顧念 也。 字自有二義,文勢自明。 民,不修其政,貪而若大鼠也。」據此,末章 鼠》,刺重斂也。 重斂蓋三歲矣,民積怨,曰三歲重斂,而民 義,故特轉爲 「勞」當如字。 明重斂之非理。 碩,大也。 大鼠,謂君也。 去聲。 也。 有音去聲者,乃後世欲别 國人刺其君重斂,蠶食于 《毛詩序》曰:「《碩 適樂土,則得所矣。 勞者,閔其勞而勞 其實古不轉音,一 誓將去女,而適 貫,慣也。 樂 不

;

慈 湖 詩 傳

慈湖 詩傳卷八

宋慈溪楊 簡敬仲

撰

無已太康,職思其憂。 蟋蟀在堂,役車 無已太康,職 蟋蟀在堂,歲聿 無已太康,職 邑百姓,莫 聲,許慎 邁,力制切。 讀 躉 思其 思 不于 按"原本三字脱。 其休。 一其逝。 其 如 外。 居。 厲。 邁。 好樂無荒,良士休休。 今我不樂,日月其 好樂無荒,良 今我不樂,日 好樂無荒,良 孔 陳 |臧《格 列 《説文》以躉爲 路 隅, 虎賦》: 士蹶 月 士 咸 漢 邁 雇 稱 慆 蹶 瞿 萬

居者足矣。

好樂惟不可荒,豈有良士

而

 \sim

《釋 足矣。」謂無過於樂足矣,又思其本職 從容自樂? 又告之曰:「但無已太康樂 矣,役車亦休 除去,歲事更新,愈無休暇之時,何爲 叶韻,不必平 以「除」、「居」爲去聲,殆不必也。 孫。」毛傳曰:「聿,遂,除,去也。」 歲。」 云:「今趨織 與「際」、與「會」叶。 龍集甲子,四時成歲。」皇甫謐《釋 曉《贈傅休奕詩》: ·蟲》云「蟋蟀,蛬」,按:原本三字脱。 魏文帝《 也。 ·側同。 矣,今我乃慘慘不樂。 述 征 賦 一名蜻蛩,楚人謂之王 「三光飛 蹶,居衛 蟋蟀在堂矣,歲 邁 與 景,玉衡代邁 反 歲 中。 勸 凡《詩 陸 之所 乎 日月 其 德 邁 明 郭

蟋蟀

在堂、歲

聿

·其莫。

今我不樂,

日月其

除

唐

矣, 矣。 呼 平 警切之詩,而《序》謂之「刺晉僖公」,誤 儉 衛 儒因之爲《序》。 焉」,亦謂之儉 可 慆 荒,豈有良 思其外。 倫 晉君,何得每以 反以《序》病《詩》。 觀 用。 ,人情之常也。 宏之《序》是從,亦異乎 ! 」,亦謂之儉乎? 殊 過 良 本詩: 何 也,滔 孟子於《武成》猶不盡信,而後世 不 士休休,其 爲 書》 可 周 乎 者。 情 土 終 思 曰 滔 面 狀 デ? 「其 内 歲 而 良士 昭然。 \sim 蹶 千載之下,牢不可 爾 心 外,足矣。 邁 不 過 蹶 三章三言「良士」,若 心 雅 常樂, ~,往也。 《蟋蟀》乃晉國之士相 樂 ? \sim - 爲辭? 也。 然急,不少舒徐乎 東方 休 先 疏謬多矣,此 休焉,其 思其 儒 孟子矣,遂 好樂 未 無 倡 既思其居,又 明》二 好樂惟 憂 擬人必於其 所 説 惟 無 既誤 口 如 狂 無 拔。 懼 憂, 有 釋 荒 不 至 夫 後 瞿 足 ? 誳 於 惟 嗚 容 不 足 可 休

> 也,而 用禮 初無定式,意 休,正言。 故 唐堯儉德之大矣」,故《詩序》 始拘《孔叢子》載孔子曰「吾於《蟋蟀 因附會孔子之言。 Ħ 唐。 ,乃有堯之遺風焉。」唐 謂 之唐,本其風俗,憂深 而 瞿 先儒 瞿 所欲言則言。 一、蹶 以 後 蹶 稱晉 ,反言。 「, 故 叔 其 作 疑 虞 思遠 三 : 淺 詩 陋 初 而 之 協 爲 封 刺 $\stackrel{\cdot}{\Rightarrow}$ 韻 侯 丽 晉 見

有車 有鐘 有 言考, 有 有 陸 以 |璣《草 漆 栲 ·馬, 喜樂,且 樞 鼓 隰 隰 弗 隰 失其聲也。」《爾雅》「栲, 弗 木 有 鼓 有 馳 有 栗。 榆。 以 杻 疏》云: 弗 弗 永 考。 驅 日。 子 子 子 有酒 有 庭· 有 宛 宛 許 宛 衣裳, 其 其 其 慎 食, 内, 死 死 死矣,他 讀栲曰糗,今人 矣,他 矣,他 弗洒 弗 何 曳弗 不日鼓瑟? Щ !弗埽。 樗」,疏亦 人是 人是保。 人入室。 婁。 愉。 子 子

Ш

且

Щ

山

帝 之憂也。 瑟者,何也? 艱」,皋陶曰「兢兢」,然而堯舜垂衣而 使之曳其衣裳,馳 甚矣,夫率然輿論之暗合乎道也。 夫他人 有入室之狀,爲國者宜憂宜懼,而是詩乃 壽。」韓愈《路常侍墓銘》「保」與「咎」叶。」 歌》:「加被寵,咸 井》『考』與『臼』叶。 林 范 四字脱。 云: ·肘』叶。」保、《補音》:「補苟切。 庸 困之巽》『皇考』與『飲酒』叶、《萃之 蠡 作歌 故有「宛其死矣」之漸,有「他人人 曰:『上帝不考,時變 許慎 考、《補音》:「考、去九切。 《説文》以万爲聲,又曰 今晉君直憂悴無聊 讀 則堯、舜、禹之憂,非憂悴 栲 堯、舜曰「欽哉」,禹 日 其車馬,考其鐘 糗。」杻,女九反。 相保。 邊讓《章華賦》『考』與 德 爾,豈能 施大,世曼 是守。』《 万音 漢《房中 鼓 按: 曰「克 日日 洒 治 無 原本 糗 國 聊 易 所

乎? 悴 國 其意,非謂果使晉君終日喜樂不憂思也。 謀取 其國,有財不能用,有鐘鼓不能以自樂,有 二山 於君言刺,大悖。 朝庭不能洒埽,政荒民散,將以危亡,四 溺心文字,故其陋至是。《毛詩序》 千古如一日,奚永日之難度? 謬甚。❶ 日 之樂也。 室」之證。 . 無 **「難度。** 危如此,奚可一日忘 其國 聊 有樞》,刺晉昭公也。 孟子》曰: 爾 學者惜寸陰,學者 若飲食作樂,則可以永日。」是説 家而不知,國人作詩以刺之也。」 孔疏 永日 如以 曰:「永日,人而 猶終 辭 「説《詩》不 餘得 圃 日 已矣, 豈 之。 其憂? 也, 不 觀 且 百 以 能修道 得 學不爲己, 年如 是詩,當得 但不 無 辭 不 永長 事 誤 一, 志。 」 人國 可 以 曰 則 憂 日

▶ 「説」,原作「詩」,據四庫本改。

也

孔

疏

<u>궁</u>

走馬

謂之馳,策

馬

謂

《爾雅·釋木》云「蓲,茎」,郭云:「今之刺

樗」,郭云:「栲似樗,色小白,亦類漆樹。」相似,皮及木理異耳。《釋木》云「栲,山榆。」疏引是詩爲證。 榆之類有十種,葉皆

無異,葉似差狹耳。』此爲栲者,似誤也。疏引:「陸璣《疏》云:『山樗,與下田樗略樽」 郭云 『桃似檀 色月白 亦类淺梅』

棣,細葉,葉新生可飼牛,材中車網。關西其聲耳。」《釋木》云「杻,檍」,郭云:「似栲櫟。許慎正以栲讀爲糗,今人言栲,失栲,葉如櫟木,皮厚數寸,可爲車輻,或謂

枝葉茂好。二月中,葉疏,華如楝而細。杏而尖,白色。皮正赤。爲木多曲少直,

呼杻子,一名土橿。」陸璣《疏》云:「葉似

云:「保,居也。」毛傳:「洒,灑也。 考,擊也。」毛傳:「婁,亦曳也。愉,樂也。」鄭箋或謂之牛筋,或謂之檍。 材可爲弓弩幹

之驅。」

既見君子,云何不樂? 揚之水,白揚之水,白石鑿鑿。 素衣朱襮,從

憂? 揚之水,白石粼粼。我聞有命,不敢以素衣朱繡,從子于鵠。既見君子,云何其

石

子于沃。

告人。

《補音》:「鬱縛切,『其葉沃若』 君所 鑿,子落反。襮,《字林》:「方沃反。」沃 切。 鑿,使石潔白。衣素表朱,遊戲臯沃。 酌。」劉向《新序》夏民之歌『沃」與『樂』字、 有大野,厥號曰 『六轡沃若』沈重讀。 漢 蹻』字叶。《易林・震之屯》曰:『揚水潛 **、願,心志娛樂。**」正 鵠、《補音》:「居號切。 地 理志》『鵠澤』,孟康音告。《吕氏 沃。 鳳卵 郭璞《沃民讚》: 用 此 是吞, 按"原本三字脱。 詩。」白,僕各 徐 靈膏是 邈

四

謂之 繡 生厓 炎注《爾雅》云『繡刺黼 侯當服之也。鄭箋云:「丹朱爲純 石。 毛傳曰:「鵠,曲沃邑也。」《説文》曰: 人欲進此服,去從桓叔。 衣,大夫之僭禮也。」大夫服之爲僭, 領謂之襮。』《郊特 之,則詩文自見。」《爾雅·釋器》云:「黼 於晉國, 歐 春 繡是刺 繡 黼 黼 陽氏曰:「揚之水,其力弱,不能 秋 ,當爲綃。」毛傳曰: 爲義。」曲沃欲并晉,已有命令施行。 石閒曰 丹朱中衣。沃,曲沃也。」孔疏 繡, 》鳴 昭公微弱,不能 之,故繡 如白石見於水中。 乎其羞 白 與 粼粼。』《考工記》曰:「五色備 黑 爲刺名,繡刺 一,用 謂 牲》云:「繡 之黼。」 志慮也」,高誘 制 文以褗領」,是取 曲沃, 「襮,領也。 君子 故 其 民 而 以 鄭箋 黼 謂 爲 桓 從 丹朱 黼 桓 也 叔 流 音 云: 云 諸侯 叔。」 知 之强 而 浩。」 小水 移白 或 諸 毛 孫 樂 中

> 民 也。 水,説見《王》、《鄭》二《揚之水 晉,大悖也。 沃焉。」君言刺,大悖也。 以封沃、沃盛强、昭公微弱、國人將叛 聞 曰:「《揚之水》,刺晉昭公也。 心之無常,有國者不可以不懼也。 而 國人將叛昭公,無德政 不敢告人,懼 是詩悼晉之昏,惡沃之悖,明 禍 及己 分國封 也。 也。 昭公分國 沃, 毛 沃謀 詩 非 而 序 禮 并

情矣,大悖也。《序》又曰「君子見沃之盛 之憂,而《毛詩序》曰 沃也,其情主晉也。 所并,憂而作是詩也。曰彼其之子,彼 是詩 憂昭公也。 知彼沃之盛强,昭公將 刺 遠條且之餘,有 晉 昭公也」, 不言 曲 爲

其之子,碩大且篤。

椒聊且,遠條且

椒聊且,遠條且

椒聊之實,蕃衍盈

匊。

椒聊之實,蕃衍盈升。

彼其之子,碩大無朋

微卷。 云爾。 盛 言多過實,率類此。 匹,言曲沃 太遠,殆周衰,古量寖隳而寖大歟? 椒聚生成捄、《詩》云「有 實,今一捄之實,蕃衍盈升。」鄭意謂 升。」夫其外三寸,其中小矣。 毛傳曰: 《本草》同。 曰: 國 强 於升。」《奧氏》:「爲量,鬴耳三寸,其實 爲升,上徑一寸,下徑六分,其深八分。 毛傳曰: 兩手曰匊。」鄭氏箋云:「椒性芬 也。 焉」,政者,正也。 ,能修其政,知其蕃衍盛大,子孫將有晉 「聊,語助也。」崔靈恩《集注》謂古者 凡枝條之遠者,多不蕃盛。 椒實成聚有捄狀。 一團如捄,捄者,卷曲若圓之勢。 椒椒 事 吕曰:「古量二升曰 聊,椒 勢碩大,無與爲並 也。」 遠條,言雖遠 沃悖矣,何政之有? 孔 捄棘匕」,❶ 古升至小 疏 引 陸 也。 匊 條 此言遠 香 璣《疏 小亦蕃 一去匊 常 蓋 而 無朋 匊大 團 情 勢 少

> 助也。 桓叔 條 凡百盡舉之矣,非止喻子孫。 之盛,不盡本詩之情。 曰「篤」,義不止於子孫之蕃矣。且,語 亦盛,喻沃之盛大若是也。 施德篤厚也。 吅 諸 椒 儒 聊 獨 喻 謂 篤,厚也,言 曰「碩大」, 沃勢盛大。 喻沃子孫

者何? 兮,如此邂逅何? 人。子兮子兮,如此良 綢繆束薪,三星在天。今夕何夕? 夕何夕? 星在隅。 今夕何 見此粲者。 夕 ? 綢繆束楚,三星在户。 人何? 見此 子兮子兮,如此 邂 綢繆束芻,三 逅。 見此 子兮子 粲 良

切。韓愈《駑驥詩》:「力小苦易制,價微芻、《補音》:「側九反。轉爲平聲,則側鳩

❶ 「匕」,原作「棘」,據四庫本改。

懷》: 道兮溷側,懷德兮何覩?』司 不可以聚得, 歌》:『搴芳洲兮杜若,將以遺乎遠者。 者,《補音》:「掌與切。 當從平聲。按:吳棫《韻補》隅作魚侯切。 隅」與『流』叶。 音》「側九切」無據,當從平聲。按"吳棫《韻 石『無不臣者』,《索隱》音渚。 補》亦微有異同。 汾隅」與『侯』叶。」《補音》「語 《易林》『侯伺 音》:「語 補》引韓愈此詩 力易酬 隅」與「休」叶,亦從平聲讀者。 鼓嚴簿、縱獠者。 『天門兮地户,孰由乎賢者? 渴飲 П 切。 作 抑必欲以「芻」、「隅」協「逅」字耶?❸ 山隅」與『憂』叶,❷「家在 聊逍遥兮容與。』王褒《 初 揚雄《反離騷》『或鼻祖於 尤切,❶ 斗水,饑食一 轉 江河爲阹,泰山 爲 平聲, 亦從平聲讀。 《史記》秦瑯 據此,則《補音》與《韻 馬 束芻。』《 《 楚 口 則 相 切」無據 魚 [爲櫓。] 隅,《 如 辭 引梁鴻詩 侯 琊 賦 無 切。 九 正 時 九 刻 海 補 補

> 芻。 楚」,楚,薪之整整者。● 詩》:『并包畜養,無 星在天焉。 薪、楚略同。 或實豆俎。 敢有違者?』柳宗元《牛賦》:『或穿緘 母,道里夷易,無敢難者。』韓愈《元和 易林 綢繆纏束薪芻於野,莫夜而 離之剥》日 由是觀之,物無踰者。」」 言其著明者,不必指心 《漢廣》云「翹翹錯薪,言刈 異 『從喬彭 細 《説文》謂刈 鉅。 祖 億載 歸,見三 西 萬 指參 草爲 聖德 過 年 其 王

四庫本改。「引韓愈此詩作初尤切」九字,原爲大字,在「隅」上,據

0

0

) 「整整」,原不重,據四庫本補。

0

近,乃適相邂逅而苟合者,非初有定意也。|此男奔女。 見此粲者,此女奔男。 見此邂室中,見三星當户。 今夕何夕, 見此良人,|也。 在隅,謂在天之旁角。 在户,謂人在|

之,而以告人也。亂世淫奔以爲常,故明兮子兮,如此良人何,以無素具,無以延女而後爲粲。今夕何夕,驚喜之辭也。子妻謂夫爲良人。粲者,美女之稱,不必三妻謂夫爲良人。粲者,美女之稱,不必三

伙焉?

洧》也。而《毛詩序》言「《綢繆》,刺晉亂作。詩人敘其惡而刺之,如《桑中》、《溱

以告人。三章指

事

不同

知

非

淫者

所

自

謂心星。毛公亦多差誤穿鑿,不可盡信。三星爲參,三星在天,可以嫁娶。鄭箋又也。國亂,而昏姻不得其時焉」,蓋毛傳謂

大姓。」

邂逅。」 廣漢張氏亦曰:「若謂婚姻,則

不

得

稱

菁。 人 ? 嗟行之人,胡不比焉? 有杕之杜,其葉湑湑。 人無兄弟,胡不佽焉? 獨行景景,豈無他人? 不如我同父。 嗟行之人,胡不比 獨行踽 有杕之杜 人無兄弟,胡不 不如 踽, 「, 其 我 豈 同姓。 葉菁 無 他

音》:「桑經切。 睘,音瓊。本作「煢」,又作「焭」。 按"原本訛作「卬」。 古鍾鼎『姓』作『生』。 以生得聲。 《左氏傳》『公孫生』亦作『姓 按"原本三字脱。 自有平,不 漢童 謡 避高賢 『游平賣 《説文》 姓,《補 及 印 姓

敷 ? 《釋木》云:「杜,甘棠。」又云:「杜 花白 棠。」然今四明山之東凹 菁菁,獨行於道者踽踽 以 爾雅》亦多差誤。 是 得 名。 然 則 地名曰杜 曰 杕,盛也。 杜 曰 棠, 其 其 通 地 杜 葉 稱 赤

四五

本二字 散 杜 惟 意謂 相 比 盛 獨 伙 之 親 屬 刺 助 非 爲 豈 脱。 居 一,乃相 ? 親 時 無 美 而無兄弟,將爲沃所并爾。」 心, 故 也。 他 也。 無 意謂 人 依 親 不 ? 君 嗟 無 相 非 相 不能 親,不 行 助。 不 兄弟,故不相 比 道之人,胡不比 如同父之兄弟 也。 《毛詩序》曰 親其宗族,骨 如 人無兄弟, 杜 枝葉相 伙 助 相 肉 《杕 胡 焉 比 親 離 明 不 ? 相 之

維子之好。 之故。羔裘豹褎,自我人究究。豈無他人? 羔裘豹袪,自我人居居。豈無他人? 維子

親 服 之司 袖 鄭箋云: 也。 愛之意。 口 曰 直 自以 袪。』《鄭 則 「羔裘豹 我 知 居 羔 爲我,人爲人,居居 居,有倨之意。 風》「羔裘豹 裘,豹飾 袪,在位卿大夫之服。 其 "飾」, 袖 居,止 卿大 又云「邦 然 大夫之 無 也。 相

> 嘗 ?

悠悠蒼天,曷其有常。

不恤 父以 臣 嚴冷無以復 究,極也。 事 居 所 ? 居 作歟? 其民」,本詩辭情不然。 來,相依承之久,而不忍 維子 蓋嚴 究究,言其人我截然之極也,言 之故。 冷不 加 \sim 也。 毛 相 詩 故, 好,舊好也。 親 序》謂「晉 之狀。 舊 也。 人刺 輕 其 豈 是詩 自 無 去之歟? 其 他 乃 在 其家 祖 人 位 乃 미

母 鴇 集于苞桑。 肅 黍,父母何怙?)何食? 翼,集于苞棘。 肅 鴇 羽,集 悠悠蒼天,曷其 王事 于 ·苞栩。 , 靡盬 悠悠蒼天,曷其有 王事靡盬 不能 王 事 有 ,不能蓺黍稷,父 蓺 靡 極 稻 盬 不不 粱 肅 所。 ()父母 肅 能 鴇行 肅 蓺 何 肅 稷

母 後,大亂 毛 `,而作此詩也。」是詩惟憂念父母爾, 詩序》曰: 五世,君子下從征 |《鴇 羽 ×, 刺 役 時 ,不得養其父 也 昭 公之 初

盬者,不盬壞。 赤粢粟。白苗,今之白粢粟。 云"「今江東人呼粟爲粢。」《釋草》云「虋, 鳥連 《疏》曰:「今柞櫟也。• 赤苗。苞,白苗」,郭璞注云:「赤苗,今之 有行列也。」《曲禮》曰:「稷曰明粢。」郭璞 毛傳曰:「行,翮也。」疏云:「以鳥翮之毛 曰:「盬,不攻緻也。 斗。其殼爲汁,可以染阜。」孔疏曰:「鴇 炎曰: 物叢緻者爲稹。」按:原本「緻」字脱,今補 木》云:「栩,杼。」郭云:「柞也。」陸 集,止,苞,稹; 無刺时之情。 蓺,樹也。」孔疏云: 爾雅・釋言》云「苞,稹」,郭云:「今人呼 蹄,性不樹止,樹止則爲苦。」毛傳 「物叢生曰苞,齊人名曰稹。」《釋 毛傳曰:「肅肅 王 栩, 事不蠱壞,以勤勞故也, 「盬與 怙,恃也。」鄭箋云 杼。 其子爲阜,或言阜 鴇 蠱 皆好穀。」靡 性 字異義同。」 ,鴇羽聲 不 樹 止 也。 璣 孫

> 其以晉迫于王畿,故王命行焉,而有王事? 公將兵伐曲沃莊伯,桓王又使號仲伐曲沃 常,平常也。 止矣。 「不能得蓺稷黍。」既不及蓺黍稷,則 「曷,何也。」何時我得其所哉? 至于極則 何所恃以爲食? 無暇,故不及種 故世以「靡盬」爲勤勞無暇之稱。 曷有其極,言無極 曷時復常也。 蓺 黍稷稻粱。 嘗,猶 食也。 ,則勞役 周平王常使虢 今俗 箋云: 惟勤勞 語 無已。 父母 云

按"此篇《永樂大典》缺卷。 豈曰無衣六兮? 不如子之衣,安且燠兮。豈曰無衣七兮? 不如子之衣,安且吉兮。

有杕之杜,生于道左。彼君子兮,噬肯適我

●「柞」,原作「作」,據四庫本改。

周。彼君子兮,噬肯來遊。中心好之,曷飲中心好之,曷飲食之? 有杕之杜,生于道

之之意。 意,惟衛宏妄起《序》説,蓋宏不思華 者、蓋以生於道左、疑其特生孤立之狀、故 之?」曷,何也。 晉 杕杜 士心,此以臣美君,正也。武公并晉,二年 左,人必遊觀之情,武公滅晉則罪矣,而 起斯義。 公寡特,兼其宗族,而不求賢以自輔焉」 之述之,而《毛詩序》曰「刺晉武公也。 噬物必決之,故曰噬歟? 方士君子悦之, 噬肯適我。 五達之地,武公始并晉國,禮士方急,故四 國。 有華焉,況生道左,人所遊觀,喻晉居 武公中心好之,曰:「何以飲 毛傳亦初無寡特之意,亦有美 而二章辭情大體不然,殊覺 好士之情如此,故詩 決然欲來仕於 噬,決然之意。 生道 有美 [人美 武 得 食

曲處也。又周行,亦道路之别名。謬若此類多矣,不可盡信。道周,周繞回而卒,其勤勞禮士之心宜未遽衰。《序》差

其室。 其居。冬之夜,夏之日。百歲之後,歸于與獨旦? 夏之日,冬之夜。百歲之後,歸于與獨旦? 夏之日,冬之夜。百歲之後,歸于與獨旦? 夏之日,冬之夜。百歲之後,歸于與獨旦。 萬生蒙棘,蘞蔓于野。予美亡此,誰與獨

薪也。 生。 藤有二種,有其子白者。 謂之烏服。」今四明亦有之,謂之老烏服 細,其子正黑如 楚,必託楚而 婦人嫁而從夫,所託者夫而已。 無楚,葛何依 陸璣《疏》曰:「蘞,似栝樓,葉盛而 生。 燕薁,不可 ? 如蘞蔓于野, 無野,蔓何 鄭箋謂「所美,謂 食也。 如葛 必託 託 幽 州人 生蒙 楚, 丽

戰

了,則國

君 ?

獨也。 則獨 伴寂冷乎? 伴休息乎? 也。 君子也」。予之美者,今亡此矣,言其夫亡 處矣。 亡其所依託 息,休息也。夫亡則獨息爾,誰 誰與處乎? 「誰與獨息」、「誰與獨旦」,皆 夫亡則獨寢以達旦矣,誰 ,故以葛蘞爲喻。 言無人以伴其幽 亡夫, 與 與

所美愛者,吾君也。 壙。」言此者,婦人專一,義之至情之盡,謂 長時尤甚。居,墳墓也。」又云:「室,猶冢 傳曰:「長也。」鄭箋云:「思者於晝夜之 終當同穴祔葬也。 獨,故每以獨爲言。 憂思其夫之情也。必曰獨者,寡婦義當守 詩序》曰:「《葛生》,刺晉獻公也。 誰侜予美」,此「予美」指其君也。蓋謂 聊以 人多喪矣。」夫本詩婦思其夫也。 (被通 此,則此「予美」謂夫也。 《陳風 誰 夏之日,冬之夜,毛 爲讒言,以侜 防有鵲巢》云 好攻 誑 子 吾

及於君 衛宏不知夫婦之道正大,故外推其説,以 焉。 既失詩人之情,又失先聖

舍旃舍旃, 苟亦無然。 采葑采葑,首陽之東。 舍旃舍旃,苟亦無然。 采苦采苦,首陽之下。 舍旃舍旃,苟亦無然。 采苓采苓,首陽之巔。 音 》: 音封 《集韻》:『顛,典音切。』王襃《 在阜巔,鄉昧爲昏,小人成群。」」信,《補 『巔』與『根』叶、《易林·比之解》曰: 巔、《補音》:「典因切。《説文》以顛得聲。 石山巔,費種家貧。』《隨之明夷》曰: · 斯 人切。」爲,如字,下同。 人之爲言,胡得 人之爲言,苟亦無從。 人之爲言,苟亦無與。 人之爲言,苟亦無信。 人之爲言,胡得焉? 人之爲言,胡得焉? 洞 簫 焉? 日 『耕 賦》

其君? 忠告曰:「讒言誠有甘苦可采之狀,苟亦 前 所見以入詠。 辣。 無據信,舍之舍之。」旃,之也。然,是也。 生于山者尤辛辣,今俚語言人之嚴厲 攻善良,其厲虐似葑之辛。 之,又以苦恐之,則君無不從。 之甘,以禍患懼其君則似苦。 者多。《毛詩序》言「獻公好聽讒言」,夫讒 傳,則「苓」字之訛歟? 凡《詩》音存字 草,葉似地黄。」首陽,山名也。《釋草》云 言必爲可采之狀,無可采之狀,則 毛傳曰:「苓,大苦也。」《釋文》曰: '蘦'大苦」,郭璞注云:「今甘草也。」據 後左右,必隨依君意而 下、曰東,亦兼寓意乎? 首陽山在河東之蒲坂縣南,詩人 讒言不一,以利欲誘其君 Щ 有人君尊高之象,曰 人之歟? 讒言不離君之 葑,芥也 既以甘 其終將 則 何 詩 即 即 似 以 巔 其 其 訛 日 誘 蘦 動 甘 痛 毛

> 故從毛傳。 市也。況苦與葑皆菜,則苓者蘦,亦菜也, 山中而深,必掘地深入乃可取,此言采,則 山中而深,必掘地深入乃可取,此言采,則

慈湖詩傳卷八

慈湖詩傳卷九

宋慈溪楊 簡敬仲撰

秦

者不樂,逝者其耋。 君子,並坐鼓簧。 阪有漆, 隰 有 鄰》,美秦仲也。 車鄰鄰,有馬白顛。未見君子,寺人之令。 御之好焉。」失詩人之情矣。 鄰鄰,言車之 其國而不去之也。 是詩士樂秦國之盛,説秦君之優禮,願仕 有栗。 今者不樂,逝者其亡。 既見君子,並坐鼓瑟。今 秦仲始大,有車馬禮樂侍 阪有桑,隰 而《毛詩序》曰:「《 有楊。既見 車

者不於此樂焉止焉,苟逝往他國,必其耋 情親禮優,若朋友然,故士樂爲之臣,曰 舉其大。既見秦君,燕禮相好,並坐鼓瑟, 美,漆、栗、桑、楊咸可食用,樂秦之盛,姑 傳》所謂「董澤之蒲」。」車如此盛 木》云「楊,蒲柳」,郭云:「可以爲箭,《左 字。《小雅•正月》云:「瞻彼阪田。」坂上 雅 也。 老而已矣,不復有過於秦者矣,不復得志, 可以充籩實,桑可以 有漆木, 隰中有栗木。 傳報之事,使寺人傳告焉。令,使也。《爾 多,若居室之比鄰。 曰阪。」郭璞云:「陂陀不平。」陂,即「坡」 士自他國而至秦,未見秦君,則有寺人司 •釋地》云:「下濕曰隰。」又云:「陂者 寺人,内小臣也。」君子,謂秦君也。 白顛,毛傳曰 蠶,楊可以 漆可 以爲器用,栗 矢。 ,馬如此 :「的顙 《釋 今

五

《禮舊圖》云:「雅瑟長八尺一寸,廣 底孔也。 記》云:「清廟之瑟,朱絃而 寸,廣一尺八寸,二十五絃, 絃謂之番。番,嬴 素女鼓瑟,哀不自勝,乃破爲二十五 絃。」《世本》曰:「庖犧作五十絃,黄帝 云"「長八尺二寸,❶廣一尺八寸,二十七 老且 八寸,二十三絃,其常用者十九絃,其餘四 死亡矣。 簧,釋見《王 釋樂》云「大瑟謂 也。 風 頌瑟 • 盡用之。」《樂 君 疏 越。」越,瑟 長 子 之灑 陽 七尺二 陽 一尺 絃。」 使 郭

奉時 駟鐵 遊 于北 碩 諺有之曰:「人莫知其子之惡,莫知其苗 辰 孔 園 1阜,六 補 牡 辰 音》 四 轡在 馬 牡 既閑。 孔碩。 常 手。 約 切,大 輶車 公曰左之,舍拔則 公之媚子,從公于 鸞鑣,載獫歇 也。 《禮記 狩。 獢 獲

> 纍纍,綬若若耶?」」拔,蒲 民歌曰:『牢耶 反,又音由。 有鑠。』《説文》以 之碩。」《太玄 • 石 斷》首 石得聲。 耶 ? 五. 鹿 我 末反。輶 \sim 漢 客耶 心 • 孔 ? 石 碩 ¨; 由 ′,乃後 顯 印 何

Ŧi.

盛也。 之媚子,當是公之子。 驂内轡納之於觼,故在手者惟六轡爾。」公 轡,四馬當八轡矣。 黑色。」鐵者,言其色黑如鐵。 曰: 有田狩之事,園 《毛詩序》曰:「《駟鐵》,美襄公也。 心,而後有是詩 「鐵,驪,阜,大也。」孔,甚也。 孔疏云:「《檀弓》云:『夏 也,而《序》不及之。 囿 之樂。」公得士民之歡 諸文皆言六轡者,以 媚者,美稱也。 每馬有 后氏 阜,壯 始命 毛傳 毛 尚

周易・離》卦云:「大耋之嗟。」

[「]嬴」,阮刻本《爾雅注疏》作「嬴」。「二」,阮刻本《爾雅注疏》作「一」。

牡

傳

從

也。 曰 : 括 喙歇獢。」 作「歇獢」。 官・獸人》文。」鄭箋云:「拔,括也。」毛 ,則獲其獸。 「閑,習也。 長喙曰獫,短喙 鄭箋云: 《爾雅》:「狗屬:長喙獫,短 輔,輕 『冬獻狼』以下,皆《天 「置鸞 日 也。 歇獢。」今從《釋文》 於 獫、歇獢,田 鑣,異於乘 犬 傳 車

小

韻》云:

「鑣,馬銜。」

説同 也。」孔 在軾。』又《大 經解》注引《韓 和 , 在 ,故鄭依 毛氏二説。● 疏 鑣 云: 日 川之。 鸞。』箋不易之。 戴 「鱒、 禮 詩内 謹 《蓼 和 保傅》篇文與《 傳》曰: 案云: 所 蕭》 在 傳 經經 《異義 『鸞在 經 티 : 無 無明文, **「**在 《韓詩》 一衡,和 正 文。 軾

> 韓愈《畫記》有 遊於北園,以車 或異,故鄭爲兩解。」朱曰: 》箋云:『鸞在 殷、周或異,故鄭亦不駮。3 ·騎擁田 載犬,蓋 鐮。」 以 犬者,亦 無 以 明 休其 田 文,且 《商 此 事 足力 類。」《廣 已畢,故 頌 殷 • 也。 周 烈

文茵暢 念之。 言念君子,温其在 騏駵是中,騧驪是驂。 其 戎俴 板 收,五 屋 轂 俴駟孔群, ,駕我 亂 我 楘梁輈。 心 騏 <u>щ</u> 馵。 · 公 矛 猛 邑。 四 龍盾之合,鋈 言念君 游環脅驅 方 牡 錞。 何 孔阜,六 爲 子,温 蒙伐 期? 陰 有苑 以 轡 其 靷 胡 觼 在 如 鋈 然 軜 手。 玉 我

在

0

戴」、阮刻本《毛詩 「載」,阮刻 本《毛詩正 正 義》校勘記引浦 義》作「戴」,當據改 饄云 當

云」,原作 駮」,原作 「較」,據四庫本及阮刻本《毛詩正 「六」,據阮刻本《毛詩正義》改。 |義》改。

語 傳

Ŧī.

四

載 韔 寢 鏤 載 膺 興。 交 厭厭良人, 秩秩德音 韔 弓, 竹 閉 緄 縢 言 念 君

是詩 敘車馬之詳。不以敗聞,故其辭平。 尹 驍 賦 》: 賦》「驅」與「御」叶。」簡 漢 路」叶、嵇康賦『驅」與『赴』叶、黄香《九宫 騎電騖。』蔡邕《釋誨》『驅』 書音義》驅、駈皆居 補 婦 鋈,音沃。 『舉烽伐鼓,申令三驅。 人閔其君子之從戎,閔 音》:「《周 馵,之樹反 官》『驅逆之車』, 謂 懼 輕 切。 懼 班固《 與『數』、 加 切。 輕車 思 朝,音 霆激 之, 衛 東 蕭 宏 因 與 都 該

戎。 宏曰「能 車 子」爲得其情。 不熟觀本詩情旨,旁求外説,贅矣。 申 小戏》,美襄 西戎方强 婦 人能 」,亦非也。 閔 前 公也。 夫婦至情,奚勞勉强 其 征 君子焉。」惟 夫婦正情,天地大義 伐不休,國人 備 其 兵 甲, .此「閔 則 以 其 矜 討 曰 其 而 西

下, 如 處,防木理之斷折也,故 即 也。 之差於是益 前,惟梁隆起。 至衡之上而嚮下句之,如屋梁之隆 以爲文章歷録然。」轅從軫以前稍曲而 者,轅也。 收, 心 相傳爲然。 疏 鄭箋云:「此群臣之兵車,故曰小戎。」孔 朝, 輈上句 此 朝,故曰 云:「『俴,淺』、《釋言》文。『收,軫』者 固 皆 軫 蓋以軫所以收斂所載,故名收焉。 毛傳 非 有 屋之梁」,非 也。 宏之所知 是 曰 : 正 梁輈。 五楘梁輈,以皮革五處束之,因 衡 五,五 萌。 軫者,車之前後兩端之横木 情 也。 小小 此曰 而 五 也 東也。 自 戎,兵 也。 而孔 束),故雜 梁 不 輈五 施 知 朝,不曰梁衡 疏 今 屋 于如 曰 謂 楘, 東,東 車 推 其 「五楘梁 衡 也。 外 與 屋梁隆 有 歷 説,滋惑人 天 衡 則 録 有 倭,淺; 地 平 横 起。 歷 也 "; 孔 爲一, 輈 横 起 居 上 轅 曲 其 輈 輈 梁

禦出 椁其漆内而中詘之,以爲之轂長」,注云: 軫,其深八尺。 『兵車之輪崇六尺有六寸 農云:「隧,謂車 三尺二寸。」《考工記》又説『車人爲車, 柯,有參分柯之二』,則大車 内,從前軫至後軫,唯深四尺四寸也。《車 隧』,注云:『兵車之隧,四尺四 淺爲長也。 騏,騏文也。 左足白曰馵。」孔疏云:「兵 人》云大車『牝服 車廣、衡長,參如一。 車言淺軫長轂者,對大車平地載任之車爲 續 揜 毛傳曰 ·六尺六寸之輪,漆内六尺四寸,是爲轂長 靷 軌 也。 也。 也。 游 靭,所 文茵,虎皮也。 脅驅,慎駕具,所以 《考工記》云『輿人爲車,輪崇、 環 朝 以引也。 興深也。」]則兵車當興之 案 環 參分車廣,去一以爲 原本「牝」誤作「牡」。 也。 鋈,白· 暢轂,長 游 ·從前 止入也。 在背上,所以 金 寸。 也。 軫至後 轂 鄭 陰, 也。 續, 柯 司

之。 也。 服 靷者,以皮爲之,繫于陰板之上,令驂馬引 横側車前,所以陰映 也。『陰、揜軌』者、謂 駕之具,驂馬欲 環,所束驂馬欲 謂之靷環也。 疏云:「游環者,以環貫靷,游在背上, 前,垂輈上。 著服馬之外脅,以止驂之人。 揜軌 無常處,貫驂之外轡,以禁其出。 柯,因以爲度。」」鄭箋云: 也。兵車之轂比之爲長。 上繫於衡,下繫於軫,當服馬之脅,愛慎乘 長三尺,轂長半柯』,是大 而 定本作「靷環」。 何以此車衡之長唯六尺六寸,止 驂馬 鋈續,白 貫兩驂馬之外轡,引轡 頸不當衡,别爲二靷以 人,則此皮約之,所以 出,此環牽之,故所以禦出 此軌,故云揜軌 脅驅者,以一條皮, [金飾 輿 下三面 鄭司 「游環 車之轂長尺半 續靷之環。」孔 農 材 在 脅驅者。 云:『斧 以 背上, 容二 板木 在 止 也。 弓[爲 故 軾

五六

六轡,釋見《駟 騏,詳 玉,而今遠役,亂我 念君子從戎,今在 林木,民以板爲屋。」秦戎之郊多板屋 直 足白 郭璞曰: 馵足。」《釋畜》云:「馬後右足白,驤。 傳》稱 文茵,虎豹皮之屬。馬之雜色有文者名 熙《釋名》云:「鋈,沃也。」續,續靷端 鐵 吾能 名,謂銷此白金以沃灌靷環。」今俗以 車 釋器》云:『白金謂之銀。』鋈非白金之 |名馵。]《地 爲飾,錫亦白亦 **,**馵。』《釋畜》又云「膝上皆白惟 止之。」是横 釋見《曹風 郵 無 馬膝上皆白惟馵,後左 案: 卹 理志》云:「天水隴 説 鐵》。 原 本「故云」二字脱 己之御,云: 軌之前 板屋。 金類,未必 、心曲、 鳲鳩》。 。 毛傳曰:「黄馬黑喙 別有 心之深曲處 思君子 《易》:「震 皆銀 驂馬二 兩朝將 哀二年《左 西, 温 腳 也 一
朝 和 歟 Щ 白 錫 也。 也。 絶 也 如 ? 多 者 爲 左 劉 鋈

也。 在邑之時, 牽挽,故知納驂内轡繫于軾前。」毛傳 爲觼,軜之於軾 軾前。」孔疏云:「驂馬内轡之末,鋈 箋云:「軜之觼,以白金爲 《説文》云:「黄馬黑喙曰 言六轡,明有是轡當繫之。 孔疏云:「盾以木爲之。 曰:「龍盾、畫龍其盾也。 黑如鐵。 騧」,郭璞曰:「今之淺黄色者爲騧 在敵 外兩馬謂之騑。」《爾雅》云「白 爲騂馬。 驂,兩騑也。」孔疏曰:「若身、鬣俱 日 騧。 婦 邑,未 人雖因 |箋云: 《駟鐵》毛傳曰:「鐵,驪。」毛傳 車駕四 温温然和 必然。 [君子遠役 「赤身黑鬣 前。 [馬,在· 也。 四馬八轡,而 邑者,君子所居 ,而思其未從 内兩馬謂之服 騙。」驪,鐵 朝,駿内轡 思念之及此,方 合,合而 日 飾 驂馬内轡 駵 也。 馬 中 經、傳 軜 黑 載之。」 也,色 赤 中 之邑 戎 不 金 也。」 繋 馬。 喙 在 在 服 丽 皆 須 于 則 曰

戰馬皆被甲也。 傳》説齊侯與晉戰,云『不介馬 用淺薄之金,以爲四馬之甲。 爲閉,置於弓隈,然後以繩約之。 弓於韔中也。 云:「鏤膺,有刻 也。韔,弓室也。膺,馬帶也。交韔,交二 畫雜羽之文於伐,故曰蒙伐。《方言》云: 甲也。甚群者,言和調蒙龐也。討,雜也。 蒙,討羽 也。 胡 云:「俴,淺也。」謂以 焉,念其君子也。毛傳曰: 曲 今以何爲期,言何日可歸也。 盾,關東或謂之 酸。」毛傳曰:「虎,虎皮 爲若是 禮》曰『進戈者,前其鐏,後其刃。 孔,甚也。办,三隅矛也。錞,鐏也。 也。伐,中干也。 也,言何故 閉,紲,緄,繩,縢,約。]箋 **厹矛,三隅矛,刃有三角。** 金 飾 薄金爲介之札。 也。」孔 丽 興 戎 苑,文貌。]箋 「俴駟,四介馬 疏云:「以竹 也。 而馳之」,是 成二年《左 胡然者,言 **俴駟**,是 我念之 進矛 介,

> 《春官·巾車》説五路之飾皆有樊纓,注謂 云: 組縢。」然則一名**彰也。《考工記・弓人》**注 備損傷也。 **靱**,注云:『靱,弓檠也。 膺亦近腹矣。《既夕・記》説明器之弓云有 今馬大帶也。 也。膺,胸也。鏤膺是馬帶,若今之鏤胸 是大盾,故以伐爲中干。干、伐皆盾之别名 辨其等,則盾有大小。」襄十年《左傳》説狄 彼注云:"鋭底曰鐏,平底曰 虒彌建大車之輪,而蒙之以甲,以爲櫓。 戟者,前其錞」,是矛之下端當有錞也。● 云:『五盾,干、櫓之屬,其名未盡聞 司兵掌五盾,各辨其等,以待 『紲,弓靱也。』《詩》言金路皆云鉤膺。 以竹爲之。』引《詩》云:『竹閉 彼謂在腹之帶,與膺異也,然 弛則縛之於弓裏: 錞。』《夏官》 軍事」,注 也。 櫓

「矛」,原作「予」,據四庫本及阮刻本《毛詩正義》改。

0

Ŧ.

此。毛傳曰:「厭厭,安静也。」 秩秩,猶每每,不一也。愛而念之,故思及又思其德性厭厭静善,其德音又秩秩皆善。婦人思念其夫遠行,或寢或興,勞勤道途。

從之,宛在水中 之湄 央。 遡洄 兼葭 人,在水之涘。遡洄從之,道阻且右。遡游 在水中坻。 蒹葭淒淒,白露未 蒼蒼,白露 從之,道阻且長。 遡洄 從之,道 蒹葭采采,白 沚 爲霜。 阻 所謂伊· 晞。 且 遡游從之,宛在水中 躋。 露未已。 所謂伊人,在水 人,在水一方。 遡游從之,宛 所謂 伊

露 葭易生之草,彌望無際,蒼蒼其盛。 兼似 爾雅 凝 也 焉而爲霜 在 可食牛。 釋草》云「蒹,薕。 而細,高數尺。」陸璣云:「蒹,水 ',則所謂蒼蒼者',黄而衰矣。 葭,可以爲薪爲薄。」夫蒹 葭,蘆」, 郭云: 及白

> 也。 長。 水 央,凡是皆形容伊人不肯自至之意。 禮,得非古說譏秦不能以禮致賢歟? 失德小人在側,故賢者不肯至歟? 説久而浸失,故毛傳穿鑿歟? 取,然咸以禮爲言。《序》刺襄公未能 必有以害之歟? 之,實爲疵。 以 上曰遡。沿流 人在側歟? 喻 「白露爲霜」、「未晞」、「未已」之意,❶殆有 涯 秦國 道德自重,不肯自至,秦不得斯人而 游者游於水中而從之,而伊人在水中 微 升則勞而難右,亦言回曲之意。 曲 雖 如眉 盛 其所以不能致伊 德禮之未至歟? 有 歟? 洄曲行陸以從之,而 以 毛傳、衛《序》雖穿鑿無 害 溪者,水之涯涘,方舟 其 盛 矣。 人者,有小 雖盛 所 然考本詩 謂 道 逆流 躋,升 湄者, 一,而 伊 阻 用 古 且 用 周 衰 丽

❶ 「晞」,原作「稀」,據四庫本改。

多。又白露未已,霜露摧之,其衰甚矣。央。淒淒者,衰之初。采采者,人采取之以濟之地歟? 坻,小渚。沚,亦同,亦猶中

壽 裘。 終南 屺有堂。君子至止,黻衣繡裳。 考不忘 何有? 顔如 渥 丹,其君 有條 有 也哉。 梅。 君子至止, 終 南 何 佩玉將將, 有? 錦 衣 有 狐

秦君 之,得是詩於秦歟? 愛而説之,作是詩也。 周人作之,秦人歌 求亦渠之切。」屺,音起,或作「紀」。 賤貧富不可求兮,正身履道以俟時兮。』古 曰:『送我貂 裘、《補音》:「渠之切。《易林 曰:『蔡侯兩裘,久苦流離。』《大過之困 说文》以求得聲。 至周之終南,終南之人感秦君之德, 裘,與福 曹大家《東征賦》: 考之史,則周平王避 載來。』來, 陵之切。 剥之巽 『貴

ΤŢ 也。 南 君之德也。 日: 從崔靈恩《集註》。《爾雅》云「畢,堂牆」,李巡 哉」,美其儀容之盛,真國 君錦 報之,無以贈之也。 有其地。 洛,平王封襄公爲諸侯,賜之岐以西之地 犬戎之難,東遷洛邑。 古文以爲終南。 爾,有堂爾。 南 又以兵送護平王東遷、念無以報之。 曰戎無道,侵奪我岐之地,秦能攻逐戎,即 也。」《地理志》稱 何有? 「厓似堂牆 屺者,殆山之雙巄似 壽考,祝秦君之壽也。不忘,不忘秦 衣狐裘,顔如渥丹。 終南之人感襄公既力戰以救周, 不過有條爾,有梅 毛傳曰 尤言其無所 曰 昭 畢。」終南 扶風武功縣東有大山 四年《左傳》曰「荆山 君子,謂秦君 「終南,周之名 秦襄公以兵送至 TT 有,無以 君 歎 曰 「 其君 歟? ?何有? 也。 爾。 按"「屺」字 贈 古已 言無 也。 Ш 有 中 君 也 終 屺 以

裳者 與諸 侯,受顯服。大夫美之,故作是詩以戒勸 末。 也。 |《終南 美乎黻冕。」亦以 衣,衣裳之總稱。《書》言十二章,黻 人》:「黑與青謂之黻,五色備謂之繡。」黻 而 狐白毛之裘,則以素錦爲衣覆之,使可裼 郭璞云:「今山 白,材理好,能溼,可爲棺木。」《玉藻》曰 今山椒也。 南 「條,槄,梅,枏也。」《釋木》云「槄,山榎」, 君 澤 衣狐白裘,錦衣以 九州之險」,是一名中南也。 舉黻,則餘包之矣,故孔子曰:「禹致 欲 侯服章雖不同,而皆 袒而有衣曰 也。」今俗 》,戒襄公也。 明備 亦如下田 五 楸也。」陸璣《疏》云: 曰 色之美。 黻爲衣裳之總稱。 裼。」鄭箋云:「渥丹,赤 紅 潤。 裼之」,注云:「君 楸爾,皮葉白,色亦 能 1有黻。 取 《毛 《考工記 周 詩 地 此又 毛傳 一,始爲 序》 天子 居其 槄 티 : 日 曰 諸 繡 繢 衣

「能取周地」,非也。
卒,至子文公始能取其地,●而衛《序》曰雖受逐戎有地之誓,十二年伐戎至岐而雖受逐戎有地之誓,十二年伐戎至岐而

六〇

維此 彼蒼者天,殲我良人。 交交黄鳥,止于楚。 誰從穆公? 子車 彼蒼者天,殲我良人。 維此仲行,百夫之防。 交交黄鳥,止于桑。 彼蒼者天,殲我良人。 維此奄息,百夫之特。 交交黄鳥,止于棘。 毛詩序》曰:「《黄鳥》,哀三良也。國人 鍼 虎,百夫之禦。 誰從穆公? 誰 如可贖兮,人百其身。 如可贖兮,人百 如可贖兮,人百其身。 從穆公? 臨其穴,惴惴 臨其穴,惴惴 臨其穴,惴惴 子車 子車 **I**其身。 其 仲 鍼 其 其 奄 慄 虎 慄 行 慄

❶ 「子」,原作「于」,據四庫本改。

Ш

有

苞

,隰有樹檖。

未見君子,憂心如醉。

意

可見矣。「憂心欽欽」已上,皆指先君。

刺穆公之意。案史記殉者百七十人,未 刺穆公以人從死,而作是詩也。」本詩初 必 無

皆穆公命之使殉己也。 三良而已矣。哀三良,正心也,道心也,故 之深。戎狄之俗,以從死爲常耳。是詩 殆穆公惠愛,人人 哀

孔子取焉。 若是詩以殉葬爲善,孔子將删

然。孔疏曰:「止于棘,得其所。今良臣 去之。交交,其飛相交也。「交交桑扈」亦

也。」 防,言其智勇足以護防百夫。百夫之禦, 從死,是不得其所。」朱曰:「以所見起 盡殺曰殲,言殺良人之多也。 百夫之 興

言其忠勇足以當百人之敵,可禦百夫也。

鴥彼晨 未 如 何如 見君子,憂心靡樂。 何 風 ,鬱彼北林。 ,忘我實多。 如 未見君子,憂心欽欽 Щ 何 有苞櫟,隰 如 何、忘我實多。 有 六 駮。

如何如何,忘我實多。

樂得聲。 櫟,盧狄反、《補音》: 《左氏傳》『在櫟』、《釋文》: 「歷各切。《説文》以

蘇林音藥。」톍觀「風」與「林」、「棣」與「檖

灼切。」輔櫟,力各切。《漢書》「都櫟陽」,

書

不叶,此則亦不必叶。

《毛詩序》曰:「《晨風》,刺康公也。

忘

穆

飛貌。 公之業,始棄其賢臣焉。」毛傳曰:「鴥,疾 晨風,鸇也。」《釋鳥》云:「晨 風

鸇。」毛傳曰:「先君招賢人,賢人往之,鴥

則飛 疾如晨風之飛入北林。」程曰:「林木茂盛 鳥所集,朝廷有道則賢者所就。」未見

有敬心焉,不敢忽易也,故曰「欽欽」。 君子,思見君子,以未得爲憂,憂思之中, 如

何如 乎昔者。 何,而今乃不然矣。 雖不敢明指 ,而隱然念其先君之 今忘我實多,異

王

矣,故曰「忘我實多」。 如何如何,而今不然也。忘我舊臣,蓋亦甚 子,憂心靡樂如醉。 名鹿棃,一名鼠棃。」夫櫟、駮、棣、檖皆果實 可食。」陸璣云:「一名赤羅,一名山 安。下章云「山有苞棣,隰有樹檖」,皆山 可食,喻秦國人材皆可用。 羅」,郭云:「今楊檖也。 木》云:「常棣,子如櫻桃,可食。」「檖,一名 隰之木相配,不宜云獸。 謂 叢 云:「駮,赤李。 赤駮」之訛乎? 櫟實橡也,今俗曰橡斗子,味如栗。」毛傳 生 「駮,如馬,倨牙,食虎豹」,諸儒説皆不 苞。 秦人謂柞櫟爲櫟。 子赤。」安知 《詩》中字訛者亦多。 思見賢者,其切如 是詩與《權輿》相類 實似棃而小,酢, 《爾雅·釋木》 昔先君未見君 此「六駮」非 孫炎 黎,一 日 《釋 此

于興師,修我矛戟,與子偕作。 矛,與子同 與子同裳。 案:此篇《永樂大典》缺卷。 仇。 王于興師,修我甲兵,與子偕行 豈 曰 無衣? 與子 豈 曰 同 澤。 無衣?

黄。 瑰 我送舅氏, 玉 佩 我送舅氏,悠悠我思。 日至渭陽。 何以 贈之? 何以贈之? 路 車 瓊 乘

秦是時都雍,至渭陽者,蓋東行,送舅氏於 詩也。」熟詳詩辭,殆非追思而 子,贈送文公於渭之陽,念母之不見也,我 公之母,晉獻公之女。文公遭驪姬之難 曰:「母之昆弟曰 見舅氏,如母存焉。及其即位 未反而秦姬卒。 母之昆弟爲舅。」鄭箋云:「渭,水名也。 穆公納文公,康公時爲太 [舅。」《 爾 雅 作者。 思思 釋親 而 毛傳 作是

豈 日

無衣?

與子同袍。

王于興師,修我戈

康

《毛詩序》曰:「《渭陽》,康公念母也。

陳

黄 董曰: 送也。 玉。」太子奉公命而送舅所贈,公贈之也。 用純、諸侯則玉石雜、故知瓊瑰是美石次 陽。 諸侯也,故人 外姓,革路以 咸陽之地。」孔 晉在秦東,行必渡渭。」毛傳 馬皆黄 「《巾車》『金路以封同姓,象路 乘黄,四 也。」孔 君之車曰路車。」朱 封 疏云:「雍在渭南。 [馬也。 四衛,木路以 疏云:「佩玉唯天子 瓊瑰,石而 封蕃國」,皆 E E 日二 次 水北曰 以封 玉。 戸贈 乘

飽。于嗟乎,不承權輿。 不承權輿。於我乎,每食四簋,今也每食不於我乎,夏屋渠渠,今也每食無餘。于嗟乎,

按:"此篇《永樂大典》缺卷。

子之湯兮,宛丘之上兮。洵有情兮,而無望

慈湖詩傳卷九

其鷺翿。 鷺羽。坎其擊缶,宛丘之道。無冬無夏,值 兮。坎其擊鼓,宛丘之下。無冬無夏,值其

遇其 之。《毛詩序》曰:《宛丘》,刺 所觀仰。坎,擊之聲也。羽、翻,一也。 淫荒昏亂,遊蕩無度焉。」史記無所考。 者所持以翳身,亦以指 人有情,但無望爾。 惠,於人有情,今俗語亦 邱》云:「宛中,宛丘。」陳君 央下, 曰宛丘。● 指君也。 裳》「子惠思我」、《山有樞》「子有衣裳」,皆 子者,陳君也。《狡童》「維子之故」、《褰 舞 也。 毛傳曰:「湯,蕩也。 缶,瓦器,擊之爲樂,今亦有 洵,信也。」《 望,謂譽望,謂 麾。 有 此 無冬無夏,值 雖 四方高,中 爾 遊 此 幽 雅 蕩 曰 不 公也。 爲 信 而 鄭 人 於 慈 釋

❶ 「丘」,原脱,據四庫本及阮刻本《毛詩正義》補

大夫也。」于此益驗衛宏作《序》與毛異義。箋亦云:「子者,幽公也。」毛傳曰:「子,

穀旦于逝,越以 穀旦于差,南方之原。 東門之枌,宛丘之栩。 者,榆· 言杼斗。』、《釋訓》云: 也。」穀旦,猶俗云好天氣,晴和之旦也。 之容也。 爲阜,或言阜斗。 于苞栩。』陸璣《疏》云:『今柞櫟也。 疏 枌。《釋木》云「栩,杼」,郭云:「柞樹。」邢 葉,卻著莢,皮色白。」」然皮白 之皮色白者名枌。 爾雅・釋木》云「榆白、枌」、邢疏云:「榆 云:「栩 有十種,葉皆相 釋 一名杼。 鬷邁。 詁 其殼爲汁,可以染阜,或 郭璞云: 『枌榆先 《詩 子仲之子,婆娑其下。 視爾如荍 不績其麻,市也婆娑。 「 穀, 「婆娑,舞也。」蓋 似,惟皮色白者名 • 唐 善也。 風》云:『集 ,貽我握 亦 有 差, 其 子 無 椒 生 荗

井 葵。 男女棄其 之粉》,疾亂 情好也。 也。 《釋草》云「荍,蚍衃」,郭璞云:「今荆葵 無言」,騣亦總也。 色,美如芘芣之華。」女遺我 云"「男女交會而相悦,曰:『我視女之顔 少葉,又翹起。」陸 期會之處 男子 鄭箋云:「鬷,總也。」欲男女合行於其 其著者。 友如陳,葬原 麻,而舞於市。《春秋》:「莊二十七年, 爾。 似蕪菁,紫緑 似葵,紫色。」謝氏云:「小草,多華 出 而 椒,芬香之物。」《商 舊業,亟 逝,往也。 乎? 擇 也。 女。 《仲。」則陳有原氏。 子仲,皆 毛傳 幽 南 《毛詩序》曰:「「《東門 會於道 色,可食,微苦。」鄭箋 璣云:「芘芣,一名荆 公淫荒,風化之所行, 方 越,於也。 曰:「荍,芘芣也。」 原 氏 路,歌舞於市 一握之椒, 之女,不績 頌》稱「鬷假 邁,行也 交 所 其

六四

姜? 豈其食魚,必河之鯉? 豈其取妻,必豈其食魚,必河之觞? 豈其取妻,必齊之衡門之下,可以棲遲。泌之洋洋,可以樂飢。

宋之子?

《毛詩序》曰: 喻 能 雖 喪無聊,故詩人誘掖之歟? 弱,凡百不振。 是陳嘗請昏於二國,二國不從。 亦有可樂者焉。 從容盤桓也。 自樂也。 曰:「衡門,横木爲門,言淺陋也。」棲遲, 無立志,故作是詩,以誘掖其君也。」毛傳 立能國? 小,亦足自立自樂,奚必娶於齊、宋 喻 君任 泌之水洋洋自樂,雖飢不足食, 臣 鄭箋乃以食魚、娶妻皆以 「《衡門》,誘僖公也。 言雖至貧陋之所,亦可從容 何必聖人,亦取其忠孝 重以請昏齊、宋不獲,益 齊,姜姓。 宋,子姓。 詩意言陳國 陳君 愿而 而 當 質 爲 後 沮 而

湯、文、武之君也,豈得謂之無立志耶?以啓之。若君有必求聖臣之志,則亦禹、已。箋説非。陳君惟其懦而無志,故作詩

(史記》僖公無所書。

東門之池,可以 東門之池,可以 東門之池,可以漚麻。 《毛詩序》曰:「《東門之池》,刺 其君之淫昏,而思賢女以配君子也。」疾之 之正 配君子,笑歌晤言,有以浸潤漸漬,成人君 笑晤言,固足以 云:「姬、姜,婦人之美稱。 城池也。」鄭箋云:「淑姬,賢女也。」孔疏 隱不露,詎敢 爲言甚矣,犯矣,非詩人之情也。 一德,故 以 心漚紵。 漚 曰疾之耶? 漚 菅。 深入人心。 麻、漚紵、漚 彼美淑 彼美淑 彼美淑姬,可與晤 毛傳曰:「池, 姬 姬 思得賢女,以 閨門之内,歌 菅 可 可 時也。 爲 與 與 是詩 晤 晤 語。 言。 疾 含 晤

行,字本作「苧」,後世績苧如絲之細,故作下五寸有白粉者柔韌,宜爲索,漚尤善。」野菅。」陸璣《疏》云:「菅似茅而滑澤,根野,相語相曉諭之謂。《釋草》云:「白華,

哲哲。● 東門之楊,其葉肺肺。昏以爲期,明星東門之楊,其葉牂牂。昏以爲期,明星煌煌。

「紵」、「紵」字非古也

《昏禮》:「行事必 《毛詩序》曰:「《東門之楊》,刺 秋,何也? 不逮秋冬。」《禮》曰「冬合男女」,毛傳言 也。」毛傳曰:「牂牂、盛貌。 交,男女之義也。 女留他色,不肯時行,乃至大星煌煌然。」 姻失時,男女多違,親迎,女猶有不至者 鄭箋云:「親迎之禮以昏時 聖王 用昏昕。」昏昕,陰陽之 制禮寓義,使人知 言男女失 時 也。 時 昏

妹,天地之大義也。」男女之事,即天地之大義。《易》曰:「歸

六六

知 墓門有棘,斧以斯之。 夫也不良,歌以訊之。 鴞, 尸 味酸。 而不已,誰昔然矣。 墓,死所。 之。」《龍龕手鏡》『雖醉切』●,亦引此詩 文字》『誶,音祟』,注云:『《詩》:「歌之誶 原本三字脱。 旨,則《毛詩序》言「刺佗」,情狀著矣。 而以訊爲誶,以之爲止。」 驕 人哀,則 反。 荆棘、惡木。 \sim 釋文》又作『誶』,《開 訊,《補音》: 為一般。 訊予不顧 墓門有梅,有鴞萃止。 夫也不良,國人知之。 鴞,惡鳥。 斧以斯析之。 「息 顛 悴 詳 倒 切。 元 思予。 味辭 五. 按: 梅, 經

鏡」,原作「鑑」,楊簡避宋諱改字,今回改。

[「]哲哲」,原作「哲晳」,據阮刻本《毛詩正義》改。

⁸⁶⁰

《序》又曰「陳佗無良師傅,以至於不義,惡 加于萬民 焉」,蓋 罪 師 傅。 詩辭有欲 殺 所

欲殺所任之人,則佗之罪狀亦著矣。 夫也 任邪惡之人之意。 斧以斯之,直欲殺之。

知其不良,君豈不知之? 不良,指所任也。 《序》謂之師傅,國人皆 知之而不已,乃

焉惕惕

任用之。誰昔然矣,言昔始用之者誰也。

禍 此 也 亦默譏先君不能去小人,使傅佗,致此 作此歌詩以告之。訊,告之也。

予,我也。予告之而不顧,終用不良之夫,

往蔡 顛倒 則 禍敗之至也必矣。 淫、果爲三弟及蔡人所共殺。《補 時,則思予之言矣。 顛倒,禍敗之謂也。 後佗益 長惡,數

音》:「思予,演女切。 曰:『予,當讀 如 與,不當讀 顔 師 古《匡繆 如 余。 正 《詩 俗

或敢侮予」、「將伯助予」、「女轉棄 眇 眇 以 愁予」、「何壽夭兮在 了,

爾。」苕草多矣,其華一色,讒夫之多通

積

構

成之

黨似之。

廟中之唐以甓甃砌,今俗以

巧

爲

予,古今字」,非也。』未詳。」 予」,皆無余音。 鄭康成《曲禮》注云「余、

忉。 防有鵲巢,邛有旨苕。誰侜 中唐有甓,邛 有旨鷊。 予美? 誰侜予 **美**? 心焉

心

忉

也。 之致,必由積累而成,如鵲巢漸 似綬。」歐陽曰:「讒言惑人,非 路謂之唐」,孫炎引《詩》:「中唐有 甓」,郭璞曰:「鄜 《毛詩序》曰:「憂讒賊也。 「旨,美也。」《爾雅 君子憂懼焉。」毛傳 釋草》云「鷊,綬」,郭璞云:「小草有 苕,草也。 侜張, 甎 釋宫》云「瓴甋 曰:「防,邑也。 也。」《釋宫》云「廟 誑 也。」鄭箋云: 宣公多信 言一 邛,丘 謂之 甓。 雜 讒 日 色 中

六七

乎 ? 喻也。 則臣以君爲美。宣公有嬖姬,生子款,欲 風 言「旨」者,讒言固令人美 者,吾君也,故曰誰爲讒言,以侜誑 以 言設 立之,終於殺太子,必有讒者。● 言行,則小人進,君子退,國亂且敗矣。 • 葛生》亦曰「予美」,則婦以夫爲美,此 動人心似之。 詐,次第而至者,謂之排砌,此唐甓之 予心忉忉其憂也,惕惕其懼也。 鷊草雜色成文,讒言排砌甚美,足 義同貝錦。 詩人之所美 聽 也。《 吾 唐 君 兩 讒

佼、姣同,美也。僚,白歟? 懰,清歟?光之白歟? 皓者,月愈上而光愈盛歟?月出照兮,佼人燎兮。舒夭紹兮,勞心慘兮。月出照兮,佼人燎兮。舒须翘兮,勞心惕兮。月出皎兮,佼人憭兮。舒窈糾兮,势心悄兮。

之意。」 當月出之時,而見佼人之僚燎,潔歟。 當月出之時,而見佼人之僚燎,潔歟。 當月出之時,而見佼人之僚燎,潔歟。 當月出之時,而見佼人之僚

而爲「慘」者,傳寫之訛。或二字互用,故慘,七感切」。此詩音、義皆當作「懆」。變何,之也。」「慘,毒也。」《唐韻》「懆,采老切。「喿」。二字古蓋通用。《説文》:「懆,愁詞》「名喿豹産,勳齊往蹤」,又以「參」爲記》「摻板棰」,《索隱》音操。《吴谷朗碑《補音》云:「古書「静躁」或作「贂」。《史

❶ 「者」,原脱,據四庫本補。

人之稱,雖言美好,而非善之也,乃詩人之曰:「此詩用字聱牙,意者其方言歟?」佼「慘」爲「懆」,又云:「憂而不樂也。」」吕以「慘」爲「懆」。●《開元五經文字》書以「慘」爲「懆」。

鄙辭。

《序》曰「刺好色」,是。

駕我乘馬,説于株野。 胡爲乎株林? 林,從夏南爾。」豈但詩 之。公曰:「適株 也。 之「戮夏南」。靈公實從南之母淫,而 夏姬,驅馳而往,朝夕不休息焉。」毛傳 「從夏南」者,託辭於夏南,隱惡也。説,舍 曰:「株林,夏氏邑。」楚殺徵舒、《左傳》謂 《毛詩序》曰:「《株林》,刺靈公也。淫乎 易韻 徵舒,字子南。 爾 毛傳言大夫,未安。 從夏南。 林。」詩人曰:「匪適 乘我乘駒,朝食于株 車已駕,則有司請 人,國人皆云。 匪適株林,從夏南。 雖有其 一株 乘 所 曰

事,詩辭未必及此。

碩大且儼。寤寐無爲,轉輾伏枕。 心悁悁。彼澤之陂,有蒲菡萏。有美一人,與萠。有美一人,碩大且卷。寤寐無爲,中與萠。有美一人,碩大且卷。寤寐無爲,中與,有蒲與荷。有美一人,傷如之彼澤之陂,有蒲與荷。有美一人,傷如之

● 「故」,原作「字」,據四庫本改。

七()

《序》,差謬不 此固國人之所美所愛也,故曰「有美 矣。 耶 ? 英」、「美如玉」,亦謂大夫。 説,憂思感傷焉。」諸儒遂謂此「有美一人」 泄 矣,傷如之何?」往往或聞靈公與孔寧、儀 詠以稱程子。《汾沮洳》「美無度」、「美如 蔓草》「有美一人」,亦謂美德之士,孔子嘗 爲婦人,誤矣。 人」,蓋比 曰:❶「刺時也。言靈公淫於其國,男女相 人」、「彼美人兮」,謂美德之人也。《静女》 ·碩大且卷」、「碩大且儼」,豈女子之容 美人之貽」,亦謂美德,不謂其色。 一子請殺之,公弗禁之時也。 冶 君臣俱淫,餘皆從靡,❷獨泄 諫 漢史謂衛宏作《毛詩序》,屢考衛 靈 一公君 德於 臣 蒲、荷。 考他詩、《簡兮》 「西方美 淫 蒲與荷 亂 ,公告孔寧、儀行 詩 生于水中,至潔 人曰: 況此 而《毛傳序》 「美則 治直諫 詩 《野有 所謂 父 美

> 必也。 歟 草》云: 以 荷葉亦名爲 俗亦曰鼻涕。 其情狀將至于殺,故哀痛日 行父怒,將殺之。 隆,外形卷彎歟? 實蓮。」蕑,其蕸之異名歟? 生於澤陂,故鄭改爲蓮。 目曰涕,自鼻曰泗。」諸儒不易其説,而 百爲俱廢,至于涕泗滂沱。 是得 ? 輾轉,亦見《關雎》。 名歟? 亦愛賢者,不忍言殺 「荷,芙蕖。 蕑 毛傳 敷? 荷者,芙蕖 不 碩大、卷、儼,皆言德容 謂 其葉蕸,其 - 正言, 荷葉 「蕑,蘭」,而 與華率 然改字未 圃 夜,一 之總 毛傳曰:「自 也。 惟曰 卷者,其背 華菡萏,其 名。 相 然審之, 無所爲, 傷,不敢 蘭 安,豈 閒 未 \sim 豐 釋 岢 嘗

[「]傳」,疑爲「詩」之誤。

❷ 「皆從」,原作「從皆」,據四庫本乙正。

庶見素冠兮,棘人欒欒兮,勞心慱慱兮。

見矣。

中心是悼。 心憂傷。羔裘如膏,日出有曜。豈不爾思? 切。羔裘翱翔,狐裘在堂。豈不爾思? 我 羔裘逍遥,狐裘以朝。豈不爾思? 勞心忉

也。」 也。 《毛詩序》曰:「《羔裘》,大夫以道去其 服 祭服朝。」言「如膏」、「有曜」, 蜡而息民,則有黄衣狐裘。 遥遊 益 國小而迫,君不用道,好潔其衣服 鄭箋云:「諸侯之朝服緇衣羔裘,大 著 晏,而不 矣。❶ 言豈不爾思,則去國之情 能自强於政 治,故作是 今以 則好潔其衣 朝服 燕 , 逍 詩 君

見素鞸兮,我心藴結兮,聊與子如一兮。見素衣兮,我心傷悲兮,聊與子同歸兮。庶

《禮》:「既祥,而縞冠素紕。」傷時服未終「庶見」二字,宛然有刺其不能三年之意。《毛詩序》曰:「《素冠》,刺不能三年也。」

異乎常人之舒徐也。庶見棘人之樂樂,而曰:「棘,急也。樂樂,瘠貌。」哀者急蹙,而遽釋,曰庶見其素冠,猶之可也。毛傳

之薄,而亂亡之將至也。詩人與同志者偕不可得也,故勞心慱慱而傷悼之。傷風俗

行,見不能三年者,相與傷悲曰:「且與子

服,故曰得見其素轉,猶之可也。彼色服同歸乎?」素韠本常服,非喪服。傷彼色

俗之不可革,曰聊與子如一而已矣。聊,

者,蓋靺韐、爵鞸矣。

如一,同志也。

❶ 「益」,原作「蓋」,據四庫本改。

庶

七七

猶 **靺韐,**蒨色。 不忘本,始名蔽膝 有衣裳,唯以皮蔽 且 也 禮 玄端,爵轉,如爵頭色。 ്: 「皮弁服、素韠。」太古 膝。 日 鞸。 後聖雖制衣裳,而 爵 弁服,韎 未

誄 陽 爲 結。」古詩:『青青陵中草,傾 華發萼,夏繁其實。 揚雄《解嘲》:『周罔解結,群鹿争逸。 語:『言語相結,天下爲一。』按:原本八字脱。 文》以吉得聲。 (補音》:「結,激質切。 ,修之吉。 春 十二,合爲六七。」皇甫 被 經綸至 惠 澤,枝葉 君子執之,心如結。」蘇 道,終始自 《荀子 可 秋風 攬結。」 成相篇》: 『治 按:原本三字脱。 . 結。 謐 逐暑,冬冰乃 釋 陸 華 德 機《陸 勸 晞 與 影。『春 朝日。 行 《説 滿 抗 離 秦 復

> 知。 之無家。 隰有萇楚,猗儺其華。 隰有萇楚,猗儺其實。 夭之沃沃 夭之沃沃,樂子

七二

樂子之無室。

家,夫婦之道。 蔓延不已。首章曰「樂子之無知」,二章曰 不延。蔓延有縱慾之象。 過一尺,●引蔓於草上。」萇楚未長,則蔓 云:「今羊桃是也。 桃,或曰鬼桃,葉似桃葉白,子似桃。」陸璣 草》云「萇楚,銚弋」,名羊桃,郭云:「今羊 淫恣,而思其無情慾者也」,則微差。 慾之時也,而《毛詩序》曰「國 是詩大夫不樂夫君之淫恣,而思其未 樂子之無家」,三章曰「樂子之無室」,室 樂子未有知時、未有室家 華紫赤色,其枝莖弱 如君長 人疾其 則 君之 《釋 有 情 慾 情

隰

英與言溢。」

[「]尺」,原作「丈」,據阮刻本《毛詩正義》與《爾雅注疏

「歸妹,天地之大義也」,自無淫慾,如天地而知男女之道,生於正情,不動私意,則善之心,自神之心,即道,故曰道心。 雖長時、未有情慾之時,則知今淫恣,詩人之所時、未有情慾之時,則知今淫恣,詩人之所

絪縕

,如水鑑中之影象。

好音。 誰能亨魚? 匪 匪 風 風 發兮,匪 飄 分,匪 溉之釜鬵。 車 車揭兮。 上嘌兮。 顧瞻周 顧 瞻周道,中心弔兮。 誰將西歸? 懷之 道,中心怛兮。

亨,普庚反。鬵,音尋。揭,《毛詩》作飄」與『笑』字、『照』字叶。」嘌,匹遥反。飄,《補音》:「匹妙切。曹植《感節賦》『遠

也。疾風發發,車疾如揭,檜國之政,急疾匪風,非平常之風也。匪車,非平常之車

偈」、《前漢》王吉引《詩》作「揭」。

今補入。 平也。 民僻,故以興上下焉。」按" 車者,人所爲,以興民俗。 天氣順則 治,人情所然。 周道者,則己將歸之也。」●程曰:「亂極思 願慰之以好音。 我則願爲之溉其釜鬵。誰將西歸? 甑 曰: 【《匪 嘌,疾車之音也。弔,哀喪也。《毛詩序》 之道,故顧瞻西周之道途,而 如 上德修則政舉,法制 也。 、此,故詩人之心怛而驚,而思周道之和 魚亦可 東周無足云矣,所思者,西周文、武 風》,思周道 甑 風者,天之動,以興上政。 以見思之之甚,言有能 蒸。 備則 朱曰:「誰能烹魚? 也。」溉,滌 車成,政教 「朱曰」以下原本缺 益感傷焉。 也。 風時 衰則 我則 興

慈湖詩傳卷九

❶ 「則」上,原衍一「是」字,據四庫本刪。

慈湖 詩 傳卷十

宋慈溪楊 籣 敬 仲

曹

撰

蜉蝣之翼 蜉蝣之羽,衣裳楚楚。 曹君 暮 狹 又君臣 人。」夫國之存亡治亂,由所任之賢否。 爾雅 而 掘閱,麻衣如雪。 死。」《毛詩序》曰:「昭公好奢, 任 長,有角,黄黑色,叢生糞土中,朝 (,采采 昏愚,無所用其心,惟奢潔其衣服, 群 釋蟲》云「蜉蝣,渠略」,郭云:「身 小,小人以類 衣服 心之憂矣,於我歸 心之憂矣,於我歸 心之憂矣,於我歸 面 進 ,如蜉蝣之多。 而任 説。 息。 處 今 小 生

義,喻 暮死。 我室 羽。 朝 國 行而歸。 偕行途中,遇衣裳楚楚者,因動心憂懼, 悲兮,聊 於我歸處者,亦猶《素冠》之詩言「我心 自喜,而 者,蜉蝣 楚,猶濟 生於糞土。 浮 「國小而 毛詩序》總 小 諸侯,有天下,何患乎小? 游 蓋 而 而 度 群 説 迫,如蜉 曰群 其卑汙不足比數,亦如 日 掘糞土而出覩陽明。 濟 迫 與子同 事 小 此 曰「歸於我室而處息乎」、「歸 識 也。 ·君者心憂焉,憂國之亂 不 旦 話 無 小之衣服 而衣裳侈潔,亦如蜉 見卑汙之甚 知 乎」,惟同 法以自守」,皆贅 「刺奢也」,不盡 采采,采色之備 蝣之穴乎? 歸兮」。 亂 亡之將 特 特 志 蓋詩人與同志 如蜉 也。 故故 至 湯 事情 相 群 閲 蝣 如 蜉蝣微 以七 説。 也。 親 蜉 小 羽 有觀覩之 7蝣之有 也。 方蜉 耳。 蝣 亡也 干 豈 又曰 掘 朝 以 於 者 傷 蝣 里 而 輟 閲 楚 生

七四

維鵜 維鵜 薈兮蔚兮,南山 彼候人兮,何戈 兮,意指賢者,而 芾 尋 藻》云:「一命緼芾黝珩,再命赤芾蔥 記・廬人》云:「戈柲長六尺有六寸,祋長 謂「荷戈與祋」之候 之禮降,無上士。 禁令,以設候人。 及歸,送之於境。」諸 十人。」其職云:「各掌其方之道治,與其 士六人,下士十有二人,史六人,徒百有 棄薄其正室也。《夏官序》云:「候人,上 是詩傷賢人失所,群小得志,至於淫縱,而 , 轉也。大夫以上, 赤芾乘軒。 有四尺。」《説文》云:「没, 殳也。」《玉 在梁,不濡其咮。 在梁,不濡 「朝隮。 其翼。 (與役。 荷戈與祋,迎送賓客於道 小國,殆下士爲長。 彼其之子,不遂其媾 婉兮孌兮,季女斯 彼其之子,不稱 彼其之子,三百 人,其徒耳。 彼候 《考工 赤芾 其 珩。」 飢 服 人 所 侯

> 棄其婦。 以爲食,彼小人乃富貴縱肆,好色淫恣,而 稱其服,小人不宜 不當以喻賢者,不若歐陽氏之説爲長。」彼小人乃不 不濡其翼味,如彼小人竊禄於高位,而不稱其服也。」鵜 魚而食。今乃邈然高處魚梁之上,竊人之魚以 按:樓鑰云:「歐陽氏曰:『此鵜當居泥水中,❶以自 魚而 不濡其翼。咮長如 大如數升囊,群飛入水 路。 無度,一至於此。 百人,雖大國無是 ·媾,厚也。」❷張氏曰: 彼其之子,意指小人,乃服赤芾者三 不得食魚,喻賢者宜得禄 媾,婚媾也。 『不遂其媾,不稱其寵待也。 赤芾 鵜鶘,喙 也。 此,而亦不濡,是當食 按: 鑰又曰: 「毛氏 而 食魚。 其 赤芾。 竉 長尺餘,頷下胡 用小人, 蕩然 今也在梁, 而 賢者貧 不得禄。 食,而 日 無

「當」,原作「常」,據四庫本、樓鑰《攻媿集》及《四部業

「厚」,原作「孕」,據阮刻本《毛詩正義》及樓鑰《攻媿集》改。

刊三編》影印南宋孝宗時刻《詩本義》改、

0

謂

遂

意

亦

曰

稱意。」

世

俗

常

窮

無

字、 情慾。 蝀也。 故次章曰: 蝃蝀也,彼《蝃蝀》之詩首章曰:「蝃蝀在東,莫之敢指。」 親 《集注》作『嬒』。」蔚,文也。 餒窮於室。 氣。 上,不念幽居季女飢。]陳氏曰:『壯者趨利於山 失所,至於斯飢矣。 之所溺,固有其妻雖婉孌而自不説者, 縱按:原本脱下「淫縱」二字,今校補。 於色,厭飫 「林木南山薈蔚時,工斤樵斧競朝隮。 衛莊姜雖美而不見答,蓋不樂静正而 `雖未必盡得詩人之意,然其説猶雅馴。 ,如不爲婦也,故曰「季女」。 一「嬒」字,又「婉孌季女」,遂生此説。 南山 季女者,年少之妻。以其未嘗相 人莫敢指者,乃陰陽交感不正 小人肆志於上,則君子困窮於下。」張 「朝隮于西,崇朝其雨。」至今朝日在東,則 ·; 喻 則 在高位。 放 逸而好色。 按: 鑰又曰:「張氏詩曰: 朝隮,喻淫縱 情 南山 董 舉知趨利 不悦之,則 者,惟其意 然朝隮 飢 日 今爲一[媾 朝 則 隮 ,則弱者 「 薈, 放於 寶非 陳一 青冥 之 如 淫 暇 蝃 虹

> 高位 子,而好近小人焉。」不盡詩情 序》曰:「《候人》,刺近 如有齊季女,而曰「如不爲婦」,亦覺費辭。 此詩初不言虹, 見於西。 ,朝隮喻淫縱,亦不成詩語,宜有以更之。」《毛 夕日 在西 而徑以朝 ·; 則 虹 出於東。 小 人也。 蝀則不可。 鮮 有見於南者。 共公遠 若以 既曰 南 季 Ш 君 詩 且. 喻 女

其儀 其 儀 淑人君子,正是國人。 **鸤鳩在桑,其子在** 淑人君子,其帶伊絲。 鳲鳩在桑,其子七兮。 不變,如結之不解。」毛傳 曰 其子,朝從上下,暮從下上,平均如一 鳲鳩,釋見《鵲巢》。 不忒,正是四 一兮,心如結兮。 「崔靈恩《集注》作『其義一兮』,一而 棘。 國。 正是國人,胡不萬年。 鳲鳩在桑,其子在榛 其帶伊絲,其弁伊騏 鳲鳩在桑,其子在梅 毛傳曰:「鳲鳩之養 淑人君子,其儀 淑人君子,其儀一兮。 曰:「飛 **不**忒 一。」董 在 梅

雅•釋畜》云馬屬,獨不言騏,母其雜色之 云: 之文也。《顧命》云「四人綦弁」,鄭玄云: 之青黑者謂之騏。 弁,皮弁也。」孔疏云:「皮弁,常服 者,刺不稱 箋云:「其帶伊絲,謂大帶也。」言此帶弁 在桑,其子每章異木,言母 蓋 雜 駁」、「黄白,騜」、「驪白,鴇」、「蒼白,騅」、 馬總謂之騏,故無定名歟? 云:「鹿子皮。」《顧 ·丹白,騢」之類,則又其專名歟? 其總稱 青黑曰綦。」王肅云:「赤黑。」孔安國 則成文歟? 本於先儒 色則日 「青黑色。」鄭師馬融,故祖其説。 騏歟? 其服。 ,謂皮弁用白鹿皮。又因毛傳 孔安國曰「騏文、鹿子皮」, 毛傳曰:「騏,騏文也。」 毛傳曰:「騏,騏文也。 此謂弁色如騏,如騏馬 命》馬本作「騏 常不 其閒「駵白, 移 也。」 也。」馬 弁, **爾** 鄭

也。」孔疏曰:「養之長大而飛。

鳲鳩 常言

有騏文之義,世俗鹿子皮必有文,故 敷 ? 義。《尚書》「四人綦弁」皆士,其以士賤 傳「騏」之文義,又合《爾雅》「騏」無定名之 爵弁色如雀頭赤色,則異色而 子皮,非先王之心。馬、鄭青黑之説,蓋 用白羊之皮乎? 爲 通。 裳、雜裳可也」,則士用雜色皮弁、於義 故所服皮弁不得用純白,惟可用雜色之皮 飾玄纁」之類歟? 有青黑歟? 年者,詩人思古之淑人君子,胡不萬年,壽 是説。❷ 先王制禮,大抵上質而下文。 **綦、**騏通用歟? 然古者不用 故王肅又意之爲赤黑,亦「禮 況先 皆無經據。 《士冠禮》「玄裳、黄 王不殺 難得之物,安 治,則 相類者,其 今姑從毛 胡不 合而 用 知 以 鹿 · 萬 亦

「是」,原作「其」,據四庫本改。「獨」,原作「猶」,據四庫本改。

七八

古。 考至今。 不一也。 不得而進矣。《毛詩序》曰:「《鳲鳩》,刺 使古之淑人君子至於今尚存,則小人 在位無君子,用心之不一也。」 傷 今小 Ĺ 用 事 ', 不 不 正 圃 思

《靈臺》詩『年』與『神』叶。《春秋》『公子年 本四句脱。 終乎永年。』《漢書·序傳》:『封禪郊祀 爛熳而無成。 《楚辭·哀時 首:『次五,無益人也。次六,利當年也。』 《補音》:「萬 夏侯湛《抵疑》『佞』與『傾』爲韻。」 夫』、《左氏》、《穀梁》皆作『佞』。 佞,平聲。 登秩百神。 又《西都賦》「年」與「麟」叶,又 協律改正 命》:『生天地之若過兮,忽 年,禰音切。《太玄• 願一見陽春之白日兮,恐不 ,❶饗兹永年。』按:原 務》

冽彼下泉,浸彼苞蕭。 愾我寤嘆,念彼京周。冽彼下泉,浸彼苞稂。 愾我寤嘆,念彼周京。

芃芃黍苗,陰雨膏之。 冽 《釋草》云:「稂,童粱。」陸璣云:「禾黍爲 明,知吉凶,知者似之,亦失所。 彼下泉,浸彼苞蓍。 成。黍苗得陰雨則如膏。毛傳曰:「郇伯 草,賢者似之,亦失所。 故也。故我愾然寤嘆,思念周道。蕭,香 似之。今田家謂田冷者不善,以陰氣大盛 浸之,尤見無陽和之氣。 伯,有治諸侯之功。」言上有明王,又有 郇侯也。] 鄭箋云: 其所,故憂而思明王賢伯。 童粱不實,有下民飢虐之象。 苞稂,寒泉 「馬餼不過稂莠。」童,幼。 穗而不成崱嶷然,謂之童 「郇侯,文王之子,爲州 四國有王,郇伯勞之。 愾我寤嘆,念彼京師 蓍,可 冽彼下泉,虐政 粱。」《魯語 叢生者曰苞 雨者,和 以筮,通 士民皆 順 所 失 神

❶ 「正」,原作「五」,據四庫本與武英殿本《漢書》改

下民不得其所,憂而思明王賢伯也。」曰:《下泉》,思治也。曹人疾共公侵刻,下泉之冽矣。泉出地下曰下泉。《毛詩序》作,以勞來之,則士民如蒙膏雨之降,異乎

豳

載績。 歸。 倉庚。 喜。 栗烈。 斧斨,以伐遠揚,猗彼女桑。 日遲遲,采蘩祁祁。 四之日 七月流火,九月授衣。 (秀葽,五月鳴 七月流火,九月授衣。 七月流火,八月萑葦。 載玄載黄,我朱孔陽,爲公子裳。 女執懿筐,遵彼微行,爰求柔桑。 舉 無衣 趾。 無褐,何以卒歲? 三之日于耜 蜩,八 同我婦子, 饈彼南畝, 田 女心傷悲,殆及公子 月其穫,十月隕蘀。 一之日觱發,二之日 七月鳴鵙,八月 蠶月條桑,取 春日載陽,有鳴 畯至 春 四 同 彼

> 陰。 稱彼兕觥,萬壽無疆 月滌場。 穋,禾麻菽麥。嗟我農夫,我稼既同,上人執 始播百穀。二之日鑿冰沖沖,三之日納于凌 我農夫。九月築場圃,十月納禾稼,黍稷重 室處。 官功。畫爾于茅,宵爾索綯。 熏鼠 月食瓜,八月斷壺,九月叔苴。 剥棗,十月穫稻。爲此春酒,以介眉壽。 在宇,九月在户,十月蟋蟀入我床下。 斯螽動股,六月莎雞振羽。 之日于貉,取彼狐貍,爲公子裘。 二之日其 同,載纘武 四之日其蚤,獻羔祭韭。 ,塞向墐户。 六月食鬱及薁,七月亨葵及菽。八月 朋酒 功。 斯響,曰殺羔羊。 言私 嗟我婦子,曰爲改歲,入此 其豵,獻豜于公。 七月在野,八月 九月肅霜,十 亟其乘屋,其 采荼薪樗,食 躋彼公堂, 穹 窒 五 月

吠切。《説文》廢以發得聲。『壹發五豝」、火,虎隗反。觱,音必。發、《補音》:「方

音》:「虎隗切。《説文》:『火,燬也。』物 鷙。」」 饁,炎轍反。 雄《校獵賦》:『玄冬季月,天地隆烈。 賦》:『奉車既引,先輅乃發。鸞旂皮軒 之,未能即廢。』《太玄·應》首:『次七,惡 物權輿於内,徂落於外。』張衡《西京賦 栗烈,力制切。 於高冥,按:原本訛作「真」。 窮疾足於方外。』 敗類也。 原君傳》『而未發』,亦云: 『十九人輕笑 通帛蒨斾。』●桓麟《七説》:按:原本 記音・孔子世家》『發中權』,發音廢。 柏」、今改。『騎不失蹤,滿不虚發。 雨 獻 則皆毀 爾 雪飄飄,冰雪慘烈。 發功」, 次八,應其發也。」張衡《東京 壞 也。 徐 古『厲山 邈 《方言》:『煤,火也。』呼 皆讀 畯,音俊。火,《補 百卉具零,剛蟲 如 氏」亦作「烈」。 廢 劉 伯 彈輕 垣桓 莊 伞 二誤 搏 萬 揚 中

> 《泰之旅》曰:『從風吹火,牽騏驥尾。』《需 《同人之家人》『子』與『與』叶,《同人之恒 覓反。莎,素何反。子,《補音》:「讀與 之漸》曰:『穿匏挹水,篝鐵然火。』」萑,户 同人之漸》曰:『魁行摇 『子』與『所』叶。《太玄・去》首『子』與 『戸』叶。《易林・師之泰》《隨之睽》皆 官反。斨,七羊反。❷猗,於宜反。 之坤》曰:『從風放火,荻芝俱死。』《未濟 之大有》曰:『乘舟渡濟,載冰逢火。』《剥 言有輕重,故以火爲燬 也。』《汝墳 「子」與『女』叶、《夬之萃》『子』與『主』叶 ·主』叶。《韓非》曰:『慈母有敗子,嚴家 **\sqrt{** _ 王室. 如 燬。 也。」按:《易 尾,逐雲吹火。] 孫 炎 日 鵙,圭 林 一方

0

塊切。

郭璞曰:

楚轉語也,猶齊言焜火

[「]七」,原作「也」,豦《涇典澤文「蒨」,原作「舊」,據四庫本改。

[《]廣韻》改。
《廣韻》改。
《廣韻》改。
《下記本《毛詩正義》及

歌》『嘉薦芳矣,告靈饗矣。 告靈既饗,德 不眉 無格 按:《衛風 成,復斷獄於長壽。」」瓜,按"原本脱此字。 縱於副 缺,歷兹長久。』梁元帝《玄覽賦 奠》詩:『咨此 證甚多。饗、《補音》:「虚良切。 與? 有父母 散髮巖岫』,此則音授也。」』按:張衡《東 是?」答曰:「兩音皆通。 之字,北人讀爲受音,南人讀授音,何者爲 京賦》『三壽』與『國叟』叶。 身女好而頭 |臧』,《郊祀歌》||闢 壽」,此則音受。 顏師古《匡繆正俗》:『或曰:「年壽 虜。」」●墐,音覲。 后,踰啓誦 木瓜》、《補音》「攻乎切」,引 馬 而無牝牡者與?』王 含生,躋彼仁壽。淳移 首者與? 丽 爲首。 嵇康詩 壽、《補音》: 流離,抑 《南山有臺》『遐 屢化而不壽者 荀卿《蠶賦》: 既論 頭 不祥。 》: 『惟 漢《房中 神養 儒 一儉《釋 殖 而 雅 籣 肅 天 酉

> 矣。」《堯典》火星昏中於南方,以正仲夏, 火。」或曰星火,◎大火之次也。 心星 也。火,心星也。《堯典》曰:「日永星 流者,星隨天輪轉 行周天之度不盡,積二千年 秦之《月令》,則季夏昏火星中,則知日 年未爲甚久,天運未大變。 昭昭矣。 則至六月而火星漸流,至七月則西流之狀 下也。九月霜 大火之次,故心星亦名火。 時所紀。 是詩大旨已見「豳 百僚,山河饗」,顔師古皆讀如 時用夏正。七月流火,建申之月 自堯至后稷之曾孫公劉居郊,歷 始降,婦功 釋。 丽 下 也。 謂邠之始國,當是 (成,可 毛傳曰: 二千年,而 前 日 鄉。」 益 後 東行,星 以 月矣。 授衣 流 IE. 歲 至 居

❶ 「虜」,原作「隸」,據四庫本與《韻補》改。

[「]星」,原作「大」,據四庫本改。

吹角。 也? 周時安得有此俗語? 尤不足取。 名悲栗,一 之日、二之日、三之日、四之日,用周正 西流 月,農緯 此語。」毛傳謂「栗烈,氣寒也」,其以是 以驚中國之馬。 至 發,風寒也。 益烈,人股戰栗也。按:樓鑰曰:「毛氏曰:「觱 烈風吹籬端之虚管作聲也。 吹觱篥也。❶ 豳 明言正月、二月、三月、四月,以明其實敘 益 也。 事 西 也。 流 無風而寒,於是爲至。」只如此説足矣。 以今驗昔,則事狀可考也。 邠亦西羌之地。 夫既敘邠 名笳管,龜兹之樂也。 厥耒。 觱發者,寒風勁發,萬籟盡鳴 「褐,毛布也。」《夏小正》 栗烈,氣寒也。」王氏曰:「風而寒,尚非 心 經 後世之樂始有譜,其音以爲衆籟之首, 野俗有語 星 緯,束也。 事,用夏正矣,而 實 不動 栗烈者,丑月 「籬端吹觱篥」,謂 其聲悲栗,羌人吹之, 隨 股戰而栗,漢人始有 東其耒云爾」 觱篥,羌人所 天 西 轉 然亦 又曰 日 觱栗,一)敷? 寒 故 一 正 一, 何 氣 不 如 日 其

> 子,同來致餉於南畝。 修耒耜。 于耜,始修耒耜也。」《月令》:「季冬,命農 者,用是見君子之亦有耒也。 況七月正是西成之時,農事於此至重 農者多以天星爲候,故三言「七月流 喜」,鄭箋云:「田畯,司嗇,今之嗇夫也。 夏之二月,咸舉趾而服其私田矣。 於正月已「初服于公田」,❷則四之日,即 也」,❸孫炎曰:「農夫,田官也。」毛傳 「四之日,民無不舉足而耕矣。」《夏小正》 田大夫也。」《 ,將以 而言也。 用之也。毛傳曰: 孟春,天子躬耕帝籍。]毛傳曰: \Rightarrow 《爾雅 小雅 • 甫田》云「田 釋言》曰「畯, 畝獨 日南者,姑舉 郊 耒與 地 我婦 耜 晚 農 火」。 畯 日 而 寒。 夫 至 我 兩

[「]吹」,原脱,據四庫本補。

^{) 「}於」,原作「月」,據四庫本改。

❸ 「曰」,原作「田」,據四庫本及阮刻本《爾雅注疏》改。

事。 令》「季春,具曲 政 相 傷,而況於春時? 其群行采蘩時,見其 皤蒿」,郭:「白蒿也。」婦人女子易於感 氏 蒿也,所以生蠶。 祁祁,衆多也。」山陰陸 離黄,即《葛覃》黄鳥是也。」毛傳:「蘩,白 也。 曰「殆及公子同歸」。 衆農則終日矣。 生,桑亦始生而柔。 美者。懿,美也,謂竹工之精細者。蠶 庚,離黄也 云:「載,則也。 言「九月授衣」,衣、食,最其急者。 事有節敘,不亂 語 曰:「今洗蠶種尚用蒿。」《釋草》云「蘩, 公子之歸時差早,女子之歸次之,故 五畝之宅,樹之以桑。」懿筐者,筐之 傷悲之態。 豫儲 懿筐,深筐也。 陽,温也。」毛傳曰:「倉 植筥筐」,注云:「曲, 君猶躬耕。 萑葦,可以爲曲 如 孔疏云:「倉庚,一名 此。 毛傳曰:「薍 微行,牆 公子宜親 鄭 下 其 農 有 始 徑 簺 薄 爲

桑也。 勞鳴,將寒之候。 五月則鳴,邠地晚寒,鳥 麻事起矣。玄,黑而有赤也。 清且漣漪」,亦語 斷猗」、《大學》作「斷斷兮」。 《伐檀》「河水 伐之,乃采其葉。猗,語辭也。 斧,方銎曰斨。」遠條揚起,手所不及者則 鄭箋云:「條桑,枝落之采其葉也。」毛傳 至秋堅成,則謂之萑。」郭云:「 也,養蠶器也。」陸璣云:「薍,或謂之荻, 物之候從其氣焉。」不曰爲君裳,而 陽,明也。 毛傳曰:「鵙,伯勞也。載績,絲事畢,而 曰:「斨,方銎也。」《破斧》傳云:「隋銎 侯之夫人加之以紘綖,卿之内子爲大帶, 公子裳」者,按《國語》「王后親織玄紞,公 命婦成祭服」,此魯公父文伯之母所言,周 先取其大,次取其小,事情之常也。 祭服,玄衣纁裳。」鄭箋云: 辭也。 猗彼女桑,柔稺之 朱,深纁也。 《書》云「斷 蘆 葦 日「爲 也。 「伯 曰

八四

鳴。」是其異也。」穫,穫禾 《夏小正》云:『正月,螗蜩鳴。 蜩」,郭云:『小而青赤。』與此鳴蜩 宋、衛之間謂之螗蜩,陳、鄭謂之蜋蜩,秦、 葉青,刺人,有實,七月采。」《釋蟲》云: 矣夫。」●鄭箋云:「《夏小正》『四月,王萯 謂之秀。」而《論 禮。 禮 隕,墜也,亦見《鄭風 晉謂之蟬。」孔疏曰: 秀葽』,其是乎?』《本草》云:「萯生田中, 實曰秀。』《爾雅•釋草》云:「不榮而實者 夫人親 公子服歟 于貉,往搏貉以自爲裘也。狐貍,以共尊 蜩,蜋蜩,螗蜩。」《方言》云:「楚謂之蜩 則 又邠 然。 織 ? 《七月》之詩乃序邠 在西陲之間,爲禮 其君之服,故邠人之所 毛傳曰:「葽,草也。不榮 語 》曰:「秀而不實者,有 「《釋蟲》又云『蜺,寒 蘀兮》。 也。 益 簡 事 七月,寒蟬 蘀, 鄭 了, 邠 八朴,則 供, 〈箋云: 槁 不同 則 用 也。 而 君 爲 夏 0 0

> 者。 《釋蟲》云「螒,天雞」,郭云:「小蟲,黑身, 者,人縱言有 翅數重,其翅正赤。」《爾雅》疏云:「斯螽 切,作聲聞數十步者是也。」《釋文》曰: 角,長股,股鳴者也。 名酸雞。」陸璣曰:「莎雞如蝗而斑色,毛 云: 也。」●毛傳曰:「纘,繼也。 十月入我牀下,皆謂蟋蟀也。」不首言蟋 赤頭,一名莎雞,又曰樗雞。」李巡曰:「一 三歲曰豣。 屋四垂爲宇。」鄭箋云:「自七月在野,至 名蜙蝑,一名春黍,蝗類也。 其同 斯螽,蚣蝑。」蘇曰:「即螽斯 者, 大獸公之,小獸私之。』《釋 君 如此者, 臣及 民 五月中,以 意自相應,人亦自 同 習 豕一歲日 兵, 長而青,長 兩股相 因 也。 出 蟲 蟀 田

田」,於義較勝。

[「]同習兵因出田」,阮刻本《毛詩正義》作「因習兵俱出「矣」,原作「以」,據四庫本及阮刻本《論語注疏》改。

相所拔者是也。」朱曰:「菽,豆也。」十 薁,二者相類。」李曰:「葵可茹,公儀爲 株。』車下李即 改矣。 林園中,有車下李三百一十四株,薁李 毫壽也。」孔疏云:「《晉宫閣銘》云:『華 毛傳曰:「薁,蘡薁也。 陳敘及此,以見親愛至情、久勞將休之狀。 曉。 而語其婦子曰:「我婦我子,今歲將 室其室之孔穴,熏鼠令出其窟。《士虞禮 出 本草》云:「鬱,一名雀李,一名車下李。」 云『祝啓牖嚮』,嚮、牖一名也。」●朱曰: 塞向,以當北風。」❷嗟,嘆也。 篳户,以荆竹織門。 也。 毛傳曰:「穹,窮;窒,塞也。 人此室而處乎?」此家人常談。 稻也。 墐,塗也。 鬱,按:原本五字脱。 十月爲春酒,三月而 庶人篳户。」孔疏云: 通風,故泥之也。 剥,擊也。❸ 其長老 薁 眉壽, 向,北 李 酒 窮 詩 月 即 穹 始 魯 而 嘆

> 後熟 圃 成也。 給我家人也。今農夫猶自稱曰 苴荼之蓄,供以常食。 亦曰:「叔,拾也。」鄭箋云:「乾荼之菜。 壺。」壺、圓器也。 壺、瓠音義同。《説文》 木也。瓠至八月堅成,則 也。 而已。 然,故必待久而後清。 月爲春酒,猶未爲久也。 壺,瓠也。 同 日 地。 眉生毫毛,爲壽考之相。」毛傳曰: 蓋古者未知 重,先熟日 漢之中山酒冬釀,接夏而 毛傳曰:「春夏爲圃,秋冬爲場。 叔,拾也。 穋。」箋云:「納,内也。 以 苴,麻子也。 繒 食我農夫者,猶曰 鄭箋云:「介, 今俗 囊壓 斷截之,可以爲 酒,至唐 農家。場、 爲 酒,及 成,則 樗,惡 助 月 猶 --

[「]嚮」,原脱,據阮刻本《毛詩正義》與《儀禮注

[「]以」,原作「北」,據四庫本改。

[「]擊」,原作「繫」,據四庫本及阮刻本《毛詩正義》改。

八六

陋矣。 謂 指粟爲禾? 種 云。 胡麻、蕡麻及豆、麥,何必於稻、粱之外定 之字,禾邊作童是穜藝之字。今人亂之已 熟謂之種,後種先熟謂之稑。」《釋文》云: 之種,而獻之于王」,鄭司農云:「先種後 官 禾者,以粟又爲黍、稷、稻、粱之通 亦總言諸禾先熟後熟。下文總言諸禾及 是粟苗」。夫禾者,穀、粟之總稱。 穜、稑 有禾,云即是粟,此説蓋起於董仲舒云「禾 久。」氾勝之《種植書》於黍、稷、稱、粱之外 治 『重』作『種』。《説文》云禾邊作重是重穋 稻、秫、秫諸禾歟? 甚 於 農民固以粟爲禾,然亦以稻爲禾。 多,陶 内宰》「韶王后帥六宫之人,而生穜 場 或以稷爲穄、穄、粟同 而 内 隱居從氾説,以禾爲穀之數,亦 此既言黍、稷、則所謂禾者, 之 电 倉 也。」 董仲舒所謂粟苗爲 稷, 類。 粟 也。 農人相 (稱,故 \sim 稻 稑 天

> 鑿冰之意。」孔氏曰:「沖沖,非貌非聲,故云鑿冰之意。」 用。 都 謂 慮寒氣之傷人也,按: 鑰又曰:「毛氏曰: 「沖沖 勤勞罕暇如此。 不敢緩者,以播穀之事又將始矣。 乘者在下,故曰 也。」毛傳曰:「宵,夜也。 而治之,則屋在 云:「女當晝取茅歸,❷夜作絞索,以 曰:「宫功,公室之役也。」箋云:「爾,女 左傳》曰: 邑,執公宫之事矣。」同,皆也。 日 亟,急也。」急乘屋者,覆蓋之也。 : 我 『深山窮谷, 稼既皆 乘龍、乘舟、乘車。 下矣,故曰乘。 鑿冰之時,擇沖和之日, 内于 固陰沍寒,❸於是取之。」豳 困 倉 綯,絞 則 所 可 今升屋 也。」箋 范氏 民 以 以 待 事之 乘 上入 所 時 亦

正

4義》改

[「]固」,原作「涸」,據樓鑰《攻媲集》與阮刻本《春秋左「畫」,原作「盡」,據四庫本及阮刻本《毛詩正義》改。「囤」,阮刻本《毛詩正義》作「囷」,當據改。

時。夏頒冰,●是其後用時也。」《月令》: 民 寒,盛冬安得有沖和之日? 也。 者,以韭新出,故薦之。 其凌。』」程曰:「其蚤 조 不嚴,故可以朋 ·仲夏,天子乃獻羔開冰,先薦寢廟。」祭韭 如 凌人》: 鰯 兩樽曰朋。」豳在戎狄之間,君民之分 此。 一地晚寒,故可夏正月藏冰。 毛傳曰:「凌陰,冰室也。」孔疏 ·『正歲· 酒羔羊,躋公堂,稱兕觥 十有二月,令斬冰,三 不如只從毛說。」豳公愛 ,用之於獻羔祭韭 毛傳曰:「滌,埽 案《天

家。予羽譙譙,予尾翛翛,予室翹翹,風雨所予所捋荼,予所蓄租,予口卒瘏,曰予未有室繆牖户。今女下民,或敢侮予。予手拮据,鬻子之閔斯。迨天之未陰雨,徹彼桑土,綢鴟鴞鴟鴞,既取我子,無毁我室。恩斯勤斯,一

云

「東齊謂

根曰杜。」董

曰:

「石經作『桑

而

爲豳公之壽。

漂摇,予維音曉曉

詩旨已見「邠」釋。 巢也。」朱曰:「鬻此子,誠 與巢者,呼鴟鴞而告之。鄭箋云:「室,猶 門》云: ❷「有鴞萃止。」此詩喻鳥之愛其 也。」《大雅・瞻卬》云:「爲梟爲鴟。」陸 鴞,鸋鴂」,郭 人家凶,賈誼 云:「鴞大如班鳩,緑色,惡聲之鳥 「狂,茅鴟、怪鴟、梟鴟」,釋曰:「此 日. 取之,其毒 喻王室。」毛傳曰:「迨,及也。」《方言》 鴟鴞,喻爲惡者。子,喻管、蔡。 甚矣。 所賦 鵬 過 爾爾 況又毀我室 鳥是也。』《陳 類。」《 雅 可憫憐。 釋 爾 鳥》云「 雅 耶?」程 也 别 風 繼 今既 鴟 室, 云 慕 璣 類 覻

「墓」,原作「塞」,據四庫本改。

已矣 勞敝 敝 補。 曰: 風 室家之故。」毛傳曰: 能 租 \Box 曰 挶 出 《説文》云:『撠,持也。』 挶」、《大典》誤作「拘」,下 牖 也 免乎大 雨 持 同。」毛傳 人處也。」毛 箋云:「我作之至苦如是者,曰 户 漂 而 也。」毛傳曰:「茶,萑 蓄,積,租,取也。」王曰:「與租 捋 薍 朱 夫周 也 毛不密比,風吹之翛翛也。 翹 摇 ·; 取 爲 曰 · 贵 予 翹,危也。」譙譙,憔悴也 鳥 在。 公欲成 曰 也。 室 之難。」按:《大典》脱此八字,今校 |惟欲其 傳曰: 子,子 牖 萑苕. 茶, 者 塘,病 维 Ŧ 苕 同。 未 二譙 巢之通 於 勤 「拮据,撠 謂 華, 如之何,音曉 於 亂 也 今改 薍 譙 撠 未作 政 之 可 殺 Ē 挶 手 苕 氣 事 藉 秀 病 如 也 處。 挶 也。」孔 圃 巢 穗 謂 孔 何,其 口 也。」按: [我未有 已 者。」 大亂 也。 以 疏 翛翛 翛 户 病 耶 嘵 賦 手 云 故 翛 綢 ? 丽 如 之 程 朱 疏 爪 其

> 子曰 否判 也。 政 事 : 周 雖 流言何 公欲 勤 爲此詩者 君 成王 心 自 易惑 勤 而 ,其知道 作, 於學,學 流言終不 亂 乎。 何 自 而 德 起 已 性 乎), 亂終: 明, 賢 作

親 倉 我 鸛 有 我 町 果 我 我徂 蜎 我 東 結 庚 徂 敦 鳴 徂 畽 羸 徂 蜎 其 瓜 于 東 于 鹿場 東 之實,亦施于 東 者 曰 東 飛 苦 垤 縭 Ш 山 蠋 Ш 歸 Ш 九十 烝 一,婦 慆 , 慆 ,熠耀宵行。 , 慆 , 我 慆 熠 烝在 燿其 在 歎于 慆 慆 慆 心 慆 三栗薪。 · 其 桑 不 不 西 不 不 室。 字。 羽 歸。 野。 歸。 歸 歸 悲。 儀 之子于歸 我 自 洒 我 不 伊 我 敦 其新 制 我 來 我 埽 來 可 威 彼 來 彼 來 自 穹 窒 畏 在 獨 不見,于今三 自 自 裳 自 孔 東 也 東 室 東 宿 衣 東 嘉 零雨 -,伊 一, 蟰 , 我 零雨 勿 了, 零 零 ,皇駁其 ,其舊如之 亦在 征 可 蛸 雨 士 雨 其 懷 在 聿 其 其 車 行 其 馬 年 濛 户 至 也 下 枚

衆也。 栗、『韓詩》作「漻」,力菊反,長茂也, 《毛詩》作「栗」。 或 曰

宏作《序》,詎 周公之至情,豈章别解釋之所能 矣,獨二章爲 圃 則有所不盡。 章,序情閔勞足盡不略,而每章别而言之, 使民,民忘其死,其唯《東山》乎?」詳觀 於人,序其情 望女也,四章樂男女之得及時也。 其完也,二章言其思也,三章言其室家 是詩也」,詳考詩情不合。 士」,此語得之。 毛詩序》曰「周公東征、三年而歸、勞歸 歸 是詩其 而非專言其完也。 歌 能知聖人之心? 而 然? 首章雖見其不死於征役,完 以勞歸 閔其勞,所以説 而繼曰 民忘其死,乃詩 士乎? 「大夫美之,故 又曰:「一章言 四章皆言其 序情関 聖人之心, 也。 盡 君子之 ? 外之 説 勞, 衛 以 之 作 思 四

即 曰: 也。 也。 如此曲折,乃道心之變化,如 意 不自知其心,故不 其 征、民忘其勞矣、未必有慆慆不歸之念也。 歸士之己也。 音同歟?《大司馬》:「大閱,銜枚而 也。」《尚書・康誥》云「見士於周」、注亦以 正牆面。 丽 王朝作是詩,以序歸士之情,凡言「我」,謂 士爲事。《周頌・敬之》「陟降厥士」、《桓》 保有厥士」,皆謂事。 ,始失其道。 人之心也。人心即道,故曰 所以盡人之情也。 王朝作詩,以序其情,自爲是辭也。 「慆慆,言久 程氏曰:「東山、所在之地也。」毛 苟微害夫人之道心,周公必不 孰知夫作歌勞歸士,序情閔 以周公大聖,將衆士以東 此諸儒所以紛紛雜雜,而 也。 知 聖人之心。 及自東來歸,又道塗 古士、事通用,其以 濛, 雨 四 |道心。 貌。 時之錯 離 可 人惟 進。」 心 此 傳 用 事 行

九〇

所 此,其閔勞不已之情可見。 其情,閔其勞,故言及此也。 遇 動,念家之情 再起意,我自 念,其歸 怨苦於上 濛 然之零 士必不作勞苦之念,而上之 也, 雨 而 東 西悲。 而 自悲 零, 初 聞 落 耳。 此人之至情,非 曰 也 歸也。 寄音於室家, 我東曰歸, 其 每章首必 勞 我 苦 心 入 誠 有 及 序 感 又 可

野 戰乃銜枚,故曰行枚。《大司 圃 勿爲銜枚之具來也,言今無用 蠋 枚如箸,銜之,有繣結于項中。」毛傳 興懷 有桑林,有蠋 蜎,則此 ,桑蟲也。」烝有升義,有衆義。 井中 也。 蜎 歸 蜎,謂 士宿車 烝焉。 蠋 下,軍 之狀光潔如 歸 塗所覩, 政,士 也。 馬 注 行而進 示 感 蜎 可 也。 時 曰 굸: 蟲 離 物

多怪。 此蟲。❷ 鼠 火。」孔疏引此云:「燐者,鬼火之名,非 也。 底及土坑中 蛜蝛,一名蜲蜲。」一名鼠負,言鼠背 别名。」《本草》云:「鼠婦, 爲螢火,非鬼火,亦未安。 火之稱。陳思王《螢火論》謂 火也。」下文曰「不可畏也」,則謂熠燿 「久血爲燐」,許慎云:「 也。」施于宇,蔓延於屋上也。《淮南子》云 羸 姑,《 栝 町 樓 爾雅》「蟠、鼠 郭璞注《釋蟲》云: 畽 今作「婦」,「婦」字 也 鹿 ,常著鼠 迹也 伊 威 熠 委 負」是 背,故名之也。 燿 黍 謂兵死之血 燐 也 田野多燐,不足 一名負蟠,一名 一伊 也。 似 也。 「熠燿宵行 乖 威, 蠨 多在 理 燐, 螢 蛸 鼠 :多負 甕器 爲 婦之 長 爲 如 灭 葈 名 螢 踦 鬼 鬼

曰

「若制彼衣裳,今歸矣。」勿事行枚,言

伍

也

日

獨

宿

者,閔

其未

有

室家之樂,

故

云

也

敦敦

然,宿卧

之狀。

毛傳

曰

_; __

果

^{) 「}負」,原脱,據四庫本補。) 「蜎」,原作「涓」,據四庫本改。

蛸、町 濕 見「于垤」之義,惟胡德輝《蒼梧雜志》言之最明,云: 室 鳴于垤,詩意與「零雨其濛」同。 蟻 鬼火」,故曰不可畏也,乃可懷思也。 耳 云:「毛公齊人,自知之,解不甚詳。 書云:「山 水,長鳴而 見夜行之燐火,與夫果 家荒蕪,形容其狀如前。 蛛長脚者,俗呼爲蟢子。 鼠 爾雅》差誤 家也。 一,聞其夫將歸 負」,後别行 ·名羊負萊 而上冢。」按"以上二十字原本脱,今校補 雨爲苦。 睡、 鹿迹 將陰,❶ 東蟻冢有極 喜也。」孔 也。 不 婦嘆, 而未得也。 ,感傷 一,此其誤耳。 蛜蝛 **爾** 則穴 疏 雅 ,委黍」,似二<u>蟲</u> 念其 高 而 曰:「將雨,則 處 羸 釋蟲》前 嘆 大如冢 末言「熠燿,燐, 壯夫不在家,其 、施宇、伊威、鳙 先知之。 毛傳曰:「垤, 也。 勞也。」按: 孔疏亦未明 長踦,小蜘 鄉 墓 婦嘆 然。 人 云「蟠, 鸛 樓 思復 蟻 肾不 樓 好 然 出 澼 行 于 鸛 鑰

> 其盛。 也。 意,正念其勞也。 集蟻垤而鳴。 到 繹 之夫也。 役今歸且至矣。 之説,乃樓引胡氏語,非樓氏説也。 蟻冢上土。 意總於上,孟子所謂丘垤,以是知丘是自然高處, 垤1字分曉。 情狀至於此,可謂閔勞之至。 于薪,曰自我不見此瓜三年矣。 其圓,烝延蔥薪之上。 山東,蟻冢有極高大者,如冢墓然。 經傳「鸛鳴于垤」謂垤爲丘垤,❷非 穹窮窒塞其鼠穴,所以然者,謂 蓼、蓼同。 『共盤馬於蟻封』,亦謂此 瓜之苦者,可 正以雨將作,故婦嘆于室。 蟻知雨,鸛喜雨,以其類也。」方説得「于 若「我征聿至」自在下句、「婦嘆于室」 我者,歸 士歸 以 而 蓼蕭、 顧其家,苦瓜 爲器,其狀 士 洒,灑,埽,拚 也。」按: 蟻冢,蓋荆公未嘗 自 每天將雨, 有蠋 蓼莪, 謂 如《殷其雷》之 推盡 也 此則蟻冢 ",嘆 在 皆 敦 我 垤乃 則 桑, 征 延 然 婦 士 鸛

「陰」下,阮刻本《毛詩正義》有「雨」字,當據補。

「新繹經傳」,樓鑰《攻媿集》及本書附録作「新經」。

序情関 甚也。 見,傾耳聽之不聞」也。 帨。 黄白 舊皆悦也。 交落帶繫於體,因名爲禕。緌,繫也。」孔, 帨巾也。」郭璞云:「即今之香纓也。 地大義,哀樂相生,孔子以爲 人之禕謂之縭。 猶 有 曰 曰 : 「歸妹。」《爾雅》之釋馬屬「駵白 飛,其 苦 九十其儀,言多儀也。」《釋器》云「婦 瓜 縭,婦人之褘也。 其新昏者甚嘉矣,其舊昏如之何 勞,喜其歸 在 羽熠 薪 嗚 乎 ! 孫 燿光明。 時 炎曰: 未 縭,矮也」,孫炎曰 而遂室家之好,其新其 寒 孰 肅 駵,赤 女之嫁曰歸。 知夫夫婦正情,天 是詩當次《鴟鴞》 母戒女, 晴 暄 「明目視之不 色也。」毛 之 日 施 《易》 禕 褘邪 衿 颗。 倉 結 傅 庚

> 既破 哀我 周 哀 公東征 我 人斯,亦孔之休 我斧,又缺我銶。 人斯 一**,** 四 亦孔 國 是吡。 之將。 哀我 周公東征 既 破 人斯. 我 斧 一,四國 了, 又 ,亦孔之嘉。 缺 是 我

九二

事情。 鑿。 管、蔡、商爲三監。 旨矣。孔將、孔嘉、孔休,是詩之旨也。 毛傳曰:「四國,管、蔡、商、奄也。」《書序 伐,其毁破豈小小哉,總言破折之多可也 折我之多 也。」既破我斧,又缺 曰:「隋,孔形 之心矣。毛傳 或 毛詩序》曰:「周大夫以惡四國焉。」失詩 可哀不可惡,作是詩者知道矣,知周公 「武王崩,三監及 鄭指喻毀周公,傷成王,二者亦 叛亂 也。 之禍,民 毛以 狹 曰:「隋 而 案:《周禮 淮 斧斨爲喻禮義,固 我斨,喻三監、淮 長也。」「斨, 人 夷叛」, 罹 銎 曰 毒,致管、蔡誅 斧。」《説文》 孔安國亦以 太宰》「建 方銎 不 夷 盡 斧 穿 破 四

既破

我斧,又缺我斨。

周公東征,四國是皇。

周公東征,而四國咸尊大周公,惟周公之 作「四國是皇」,義亦嘉。皇者,尊大之稱。 自奄。」然則所謂淮夷者,奄也。 序》曰:「成王東征淮 其牧,立其監,設其參,傅其伍 四國是匡」,賈公彦引以爲據。 輔」,注云:「監,謂公、侯、伯、子、男各 國。《書》:『王啓監 夷,遂踐奄。 厥亂爲民。」《 「陳其 然《毛詩 《齊詩》作 成王 、殷,置 歸 書 德 也。

其

心,四國之民之所共知也,惟其君昏頑耳。 心無私焉。不得已而征之,其惻怛愛敬之

也? 孔,甚,將,大也。作詩者,其 人知周公東征,定亂 知其 、爲甚大者,知其爲 而已,安知 道 知 也 其 道 周公 乎? 爲 大

豆有踐。

不 皆可哀也,而周 行之,其道 曰:「鑿屬曰 審其狀。」 益明。 吪 錡,木屬日 吟 公之征爲甚大也 東征之士 也 四 銶。」孔疏云:「皆 國之民歌周 與 夫四國之人 公之 毛傳

> 孔休也,道也。 周公之心,無私喜,無私怒,豈惟與東征之 銶,鑿屬也。」解云:「今之獨頭斧。」 同心,與天地同 甚嘉甚休也。 征之士與四國之民誠可哀,而周 士同心? 遒,斂 與四 也,四 哀我 國之民同心,與天下之民 心,故曰孔將也、孔嘉 《韓詩》云:「錡,木屬。 人斯,深得周公之心。 國之叛 者 斂 公之征爲 肅 也 也、 東

不得。 伐 柯 如 伐柯伐柯,其則不 何? 匪斧不克。 遠。 取 妻 我覯之子,籩 如 何 ? 匪 媒

德。 王執 《毛詩序》曰:「《伐柯》,周大夫 不知也。」言刺,大悖。 誠於周公,則公可安矣。《金縢》之書 書以 惟 朕 小子其新逆。」則成 泣曰:「今天動 是詩周 成成,以 王 人欲 於周公無 彰 刺 周公之 成 朝 廷之 謂 王 成 盡

也。 禮,而政柄不歸,故《九罭》云:「公歸無 間 以泣之心,與周公之心,相去本無間,以其 以伐木爲柯,二柯相去甚不遠。 周公之心? 不以媒,何以伐柯? 何以得妻? 所。]又云:「公歸不復。]其故何也? 錯,籩豆之薦行踐以致禮,而其中心猶 其疑釋然。及公歸,燕饗之禮雖設 有踐,亦見《小雅・伐木》。 後隱然之疑,復有以間之,故未合。 公而不任之以政,猶伐柯而不以斧,取 髮未盡之疑,終以前者流言之故,今雖尊 跋》之詩,何也? 而《序》曰 不委之以政也。 矣。 我惟見周公籩豆有踐而已,意謂成王 丽 刺 周 焉,可 詩人於是再發其義,曰 人 猶 詩人致意,含隱不露如此 謂誣屈 有 成王雖深感周公之德, 伐 柯 ,可謂悖厲。 **×**, ≪ 九 成王執書 罭 ,獻酬交 何以得 執 lpha觀,見 斧柯 妻而 歸周 有 籩豆 \sim 狼 毫

公歸兮,無使我心悲兮。歸不復,於女信宿。是以有衮衣兮,無以我惡遵渚,公歸無所,於女信處。鴻飛遵陸,公凡罭之魚,鱒魴。我覯之子,衮衣繡裳。鴻

惟 禮,公服自衮冕而下。《釋器》云「緵罟謂 公之大聖。 德量之不大,惟可 則毛傳謂大魚,非也。 鯶,赤眼。」然則鱒、魴非大魚,孔 爲鯿。」陸璣《疏》云:「鱒 云:「鱒似鯶子,赤眼者。 江東 九囊也。」《釋魚》云「鮅、鱒、魴、魾」, 之九罭」,孫炎曰:「九罭,謂魚之所 緵罟,小魚之網也。 是詩大旨,已見《伐柯》。 可以得鱒、筋耳,不可以得大魚,喻成王 之子,謂周公也。 以 鱒、魴,大魚也。」周之 用中材,不 此詩謂九罭之網, 毛傳 似 鯶 曰<u>,</u> 而 覯,見也 可 人呼魴 疏 「九罭 以 鱗 亦云, 入有 得周 細於 郭 璞 魚

巳°O 悲耳。 信。 之愈也。 悲,曰公歸 其所以居之。詩人於是託辭,曰於女 政。 處、信宿乎,言朝廷無位居公也 我惟見周公衮衣繡裳而已,而王不委之以 夫是以惟有衮衣而已,詩人不 鴻飛宜登天,今也遵渚而已、遵陸 公歸宜復冢宰之位,今也不復, 公歸 而 無位以處之,不如無以公歸 丽 不 復故位,徒 使我 再宿 ·勝其 心 信 爲 無 而

狼跋其胡,載疐其尾。 躐; 授 讀如公孫于齊之孫。」周公欲進 則跆其尾。」鄭箋云:「公,周公也。 是詩 疐其尾,載跋其胡。 公以 疐, 跆也。 本 政,如 情已見《伐 狼跋其 老狼 八 柯 》。 有胡,進則躐其胡,退 公孫碩膚,赤舄 公孫碩膚,德音 胡。 欲退 毛傳曰:「跋, 一則又深 ,則成王 孫,當 不瑕 几 几 未

狼

也。 爲得之。」孫,異順 周公不失其聖。猛奚若虎豹,胡獨取狼 於無瑕也。 赤舃几几,愛敬之辭也。 蓋以狼之跋疐比四國,而周公處其中不懼也。」此説最 繞於人之四旁甚疾,人爲之戰懼自失,然後食之。詩人 以類、是以香草譬君子、惡鳥譬小人。 泰,赤舄几几然也。]又云:[先儒以狼跋疐不失其猛,興 以其有貪欲故也。 退困險。詩人取之,以言狼之所以致禍難 獸之貪者。猛於求欲,故陷於機穽羅 之才,則臨機應變,不無差失,功業終不盛 人乎?』程氏之説美矣。 雖進退不可,亦何至如狼之跋疐? 是 民人社稷之重,非召公、畢公諸賢所能了, 、欲退不可,如狼疐其尾。按"樓鑰云" 嘗得其説於蜀人楊少卿民望,云:「狼之遇人,先旋 使雖巽順,雖碩大,而無膚敏 若周公者,雖在 也。 然詩中無機穽之意,猶未爲 碩,大也。 其盛德之音,終 危疑之地,安步舒 故程氏有云: 繋。 豈 也? 有以豺狼興 前跋後 膚,敏 危困 詩人比興 如 是者 遠,進 「周公 也。 『狼 盡 聖

0 遵 陸 而已」, 四 字原脱,據四 庫本補

知。 也。 大。 鴞》之前,是詩在公歸之後,《序》差。 豈涓潔小節之士所能 狼有胡,謂頷下垂胡。 咸宜,保民人社稷數 徐施,如四時之運行,如日月之代明,時 公之心,天之心也。 頟垂也。』』《毛詩序》曰:「《狼跋》,美周公 周大夫美其不失其聖也。」流言在《鴟 周公攝政,遠則四國流言,近則王 久矣,政 卒 歸 於 廣大容覆,而又 、周公。 測識哉。 百 《説文》云:『胡,牛 年之安。 公何 孔疏:「老 嗚 心 變應 呼 哉 示 措 1

平則讀如胡。 玄•衆》首: 白玉 《補音》:「不瑕,洪孤切。《史記・ 傳》:『日辰不全,故有孤 之瑕。』《禮記》引《詩》『瑕不謂矣』,鄭云: 瑕之爲言胡 一有瑕。 『軍或纍車,文人摧孥,内 事有所 也。』秦晉以前,凡從叚者,在 魏晉之間讀如何,齊梁之後 疾, 亦 虚 有 。黄金有疵, 所徐。』《太 龜 筴

> 詩》『暇』與『坐』叶。」 與『拊』叶,●又以遐爲古。 此以遐爲何也。 與『羅』叶。 峩]叶,此以霞爲何也。 瀣兮,餐朝霞。』曹植《洛神賦》『升朝 人賦》:『回車朅來兮,會食幽 含朝霞 讀 『出渌波』叶。 爲胡 ?,精神 加 切。 陸機《應嘉賦》『遐』與『波』叶 入而 左思《蜀都賦》『霞』與『峩 楚辭 韓愈《元和 粗 氣除。」司 遠遊 又《魏都賦》『遐』 白居易《效陶 *****: 聖德詩》『瑕 都。 馬 漱 相 呼吸 正 如《大 [霞] 與 陽 沆 丽

慈湖詩傳卷十

① 「瑕與拊叶」,案文淵閣《四庫全書》本《五百家注昌黎① 「瑕與拊叶」,案文淵閣《四庫全書》本《五百家注昌黎

宋慈溪楊 籣 故

小

雅

如仲撰

式燕以 呦呦鹿 賓,鼓瑟鼓琴。 視民不恌,君子是則是傚。 吹笙鼓簧,承筐是將。 呦呦鹿鳴,食野之苹。 ,以燕樂嘉賓之心。 敖。 鳴,食野之蒿。 呦呦鹿鳴,食野之芩。 鼓瑟鼓琴,和樂且 人之好我,示我周 我有嘉賓,鼓瑟吹笙。 我有嘉賓,德音孔 我有旨酒,嘉賓 湛。 我 有 我有 昭。 嘉

也。』《釋草》云「蒿,酤」,郭云:「今人呼爲 爾雅・釋草》云「苹,藾蕭」,郭云:「藾蒿

慈湖詩傳卷十一

小雅

也。 序》曰: 言善,故君子心服之,法則之,傚學之。 其簧。 傳以視爲示,非。式,更也。敖,從容遊行 言乎? 於燕樂從容之次而相告語 孔,甚也。 久。」德音者,中心之德,發諸聲音甚昭明。 毛傳曰:「行,道也。恌,偷也。湛,樂之 股,葉 大公至正之道,故後世君臣咸講學此道。 其間有相好者,示我以周家所行之道。 夫 太王、王季、文王、武王、周公所行,乃天下 喻燕賓。 行幣帛也。」鹿有文而美,相呼而食,故以 青蒿,香中炙啖者。」陸璣 曰:「呦呦然,鳴 更燕以敖,致其重複慇懃也。《毛詩 如 鄭箋云:「承,猶奉也。」嘉賓燕樂, 「《鹿鳴》, 竹,蔓 簧者, 笙中發聲之物。 顧視其民不恌薄,豈非有德之 生 圃 燕 澤 相 群 中 呼。 臣嘉賓也。」今《儀 下 云:「芩莖如釵 筐, 地 鹹 **佐屬** 吹笙以 處。」 也。 毛 所 其 낈 傳

891

九七

九八

禮 卿大夫稱客,諸侯稱賓」。 賓射之禮親故舊朋友」,又「諸侯之使臣 (鹿鳴 三新 存 鄉 案:《周 飲 酒 禮、諸侯燕禮 禮 》「以賓禮 天子儀同 大射禮 親 邦 或 皆 以 歌

飛載 懷歸 歸 ? 不遑 盬,我心傷悲。 四 翩翩者鵻,載飛載止,集于苞杞。 牡騑騑,周道 將母 下,集于 是用作歌,將母來說。 王 事 駕 靡盬 苞 彼 一倭遲。 四牡 栩。 四 不 駱 騑 王 遑啓處。 載 騑 豈不懷歸? 事靡盬,不遑將父。 嘽 驟駸 嘽 翩翩者鵻,載 駸。 ·駱馬。 王事靡 豈不 王 豈不 事 盬 懷 靡

釋,遇 毛傳曰: 盬 毛詩序》曰:「《四牡》,勞使臣之來 以 一,河東鹽池。」●鹽 王事不 風 亦釋。 「盬,不 山 以不 毛傳 堅 堅 固 取 遇 固 也。」《 此 水 義 不 則 乎 ? 敢 釋,❷遇 説 徇 文》 私 朱 而 曰 火 曰 也。」 則 廢

> 道也 《序》本於古義。然古義非孔子之爲,衛宏 是詩勞使臣之來,故閔其勞,序其 牡騑 公。』《説文》曰 作《毛詩序》蓋本於毛公,毛公本於古。毛 舊説乎? 以《天保》以 毛傳以周 言,則内、外之治一道也。 有殷天子在上,而文王敢擅治禮樂 儒,則子夏設有義,亦難 自謂其學自子夏,孔子嘗戒子夏無爲 騑者,横齊之狀乎? 委曲遲回,我心傷悲,念其父母 道爲 此語 上治内、《采薇》以 : 岐周之道者,豈本於「文王 雖見 騑 | 驂旁 於《魚麗》之《序》, 盡信。 馬 周 以歌詩言, 也 道者,周通之 \Box ° 下治外」之 況 6 然 以 (情也。 義 小人 則 則 也。 四 理

[「]鹽」,原作「盬」,據四庫本及陳昌治刻《説文解字》改。

❷ 「鹽」,原脱,據四庫本補。

^{♪ 「}驂」,原作「騑」,據陳昌治刻《説文解字》改'

之來,

今可

以

將

母矣。

將

母

以來

告

我

者。」邢 考本 鳩。」李巡曰:「今楚鳩也。某氏引《春秋》 雅 云: 使者似之。 小鳩 行者跪則少安。 馬 之於樂,皆 檵 風 毛 茹微苦,子秋熟,正 云『祝鳩氏司 集于苞杞」爲證。 傳 黑鬣臼 」,郭云:「今枸 「嘽嘽 -詩,初 鴇羽》。 也。 雖 釋 謂 疏 鳥》云「鵻其,鴂鳰」,郭云:「今鵓 駱。 幽 云: ·, 喘 周 無 武 州 栩,今皂斗木也,詳釋見《唐 叢生曰苞。 公作樂,以 此 王有天下 「一宿之鳥。 徒」,祝鳩即 息 人謂之鷱 遑,暇; 情,毛義 毛傳:「鯡,夫不也。」《爾 之貌。 杞也。」 邢 赤。 一名地骨,春生,作羹 啓,跪,處,居也。」 以 ?穿鑿。 馬 作歌 歌 《釋木》云「杞,枸 鵖。」一宿之鳥, 來 勞 文王之道 點 陸璣云:『今 疏引《四 則 所 以 其, 夫不』 喘 凡周 燕勞 制 息 毛 詩 使臣 牡 白 傳 歌 然

> 將父可知矣。 乎。諗,告也,慰勞親愛之辭也。將母

> > 則

我馬維 我馬 我馬 我馬 皇皇者華,于彼原隰。 按:此篇《永樂大典》缺卷 維 維駰,六轡既均。 維駱,六轡沃若。 、 騏, 六轡如絲。 駒,六轡如 濡 駪駪征: 載馳 載馳 載 載 馳 馳 載 載 載 載 大,每 驅 驅 驅 驅 周 周 周 周 爱咨諏。 懷 爰咨詢 爰咨度。 爰咨謀。 靡 及。

常棣之華, 樂且孺 友生。 戎。 兄弟鬩于牆 脊令在原,兄弟急難。 死喪之威,兄弟孔 喪亂 儐 爾籩 既 妻子好合,如鼓瑟琴。 鄂不 平、既 ,外禦其 豆,飲 華韡。 懷。 安 侮。 酒 且 每 凡今之人,莫如 原隰裒矣,兄弟求矣。 之飫。 寧。 有良朋,況也永歎。 每 雖 有 兄 有 良 弟 以朋,烝 兄 兄弟既 弟,不 既 兄弟。 具,和 也 翕 如 無

100

和 樂 且 湛 宜 爾 室 家, 樂 爾 妻 帑。 是 究 是

圖,亶其然乎

按: 間。 見詩意。」 孺子之真情。 意境未深。 帑,子也。」湛,和樂之至。」鑰論曰:「此解亦平,然説詩 婦、父子和順孝慈,如琴瑟之和。 具,和樂且孺」,云: 其和樂不足以盡之,又且湛矣,如 子止以好合,尚能如鼓瑟琴之和樂。 謂兄弟無故,其樂又何止籩豆飲酒而已,其和樂又且如 寧,乃謂兄弟不如友生乎?]此正詩之本意也。 和樂且柔孺,言辭氣柔巽也。 言凡人以「儐爾籩豆,飲酒之飫」爲樂者。 兄弟既具,如 此篇《永樂大典》缺 前 章引陳曰: 此詩極言兄弟之間,如《伐木》極言朋友之 如孺慕之孺,有不可解於心者。 「兄弟之急難 「孺有柔義。 卷。 據樓鑰集載其解 其妻其子情好合同,言夫 相 既具,猶曰皆在於是。 湛酒湛色然。 毛傳曰:「翕,合也。 救助如此,及其既 兄弟翕合而 兄弟 凡 此二 如 無間 此方 人 章 安 既 妻

伐木 嚶其鳴矣,求其友聲。 丁丁, 鳥 鳴 嚶嚶。 相彼鳥矣,猶求友聲。 出 自 幽 一谷,遷 于 喬 木。

求友者,可以自幽

而

明,自卑而

升,因鳥

取

伐木于阪,釃 既 矧 坎 寧 伐木許許 民之失德 有肥牡 適 坎鼓我,蹲蹲舞我。 伊人矣,不求 也。 所謂 《詩》曰「惠于朋友」、「視爾友君子」,是詩 聲,呼其 之聲,友 乃其常言。 朋 是詩燕 有所謂朋友故舊哉? 友故舊」, 不 來 率土之濱,莫非王臣,豈群臣之外, 友者,同 乾餱 釃 以 群臣之樂歌 **,**微 友倡 侣 酒 速諸舅。 我 多故 酒 《書》曰「臣鄰」、曰「友邦」 蓋失其情矣。 有衍。 友 生。 也。 以 弗 有 姓諸父、異姓諸舅、皆群 藇。 也。 愆。 顧 出 也,而《毛詩序》曰「燕 寧適不 既有肥 **籩**豆有 於粲洒 有酒 神之聽之,終和 自 迨我暇矣,飲此 鳥 幽谷,遷于喬 伐木丁丁,非一人 鳴 湑 嚶嚶,非 夫君以臣 來,微 治
対 踐 我 埽 '; 無酒 兄弟 陳 速諸 我 饋 7. 清矣。 有咎。 爲友 無 且 酤 八 鳥之 平。 父。 遠 簋 我 臣

出 湑。」孔疏云:「筐,竹器也。 用茅也。 酒者或用筐,或用草,於今猶然。 人,王祭不 人之聲也。 木柔,勢順刃利,則許許然。 傲慢,爲悖厲,爲危亂矣。 於遠。● 及是心因物有遷,意動情流,爲 和於朝,民人和於野,諸侯和於外,四 人之所同。 通,爲孝,爲順,爲謙和,爲衆善。 是心,神 圃 和 虚 喻 藇,美貌」,未安。 已矣。 也。 平之福,非自外至。 中 如與人然,故曰藇。 謙 和。 相,猶 僖四 是一者,在人爲心。 供,無以 其機一動,其應如響,故聖賢 此 毛傳曰:「以筐曰釃,以藪 觀 虚中 年《左傳》曰『爾貢包茅不 也。 謙和 釃 縮酒』是也。」毛 君能 酒 夫通天 藇者,酒從 神必 以草,酒 求賢以爲友,必 大抵丁丁乃 許許,亦非 藪,草也 聽之,終致 心無所不 地神人,一 用草者, 草 由 傳 [夷和 注 謂 出 面 漉 曰 其

> 也。 夫八豆八簋,其周衰,諸侯僭禮歟? 簋。」又案《周禮》無上大夫,然則公食上 也。」按《公食大夫禮》:「上大夫六豆六 適自不來,無使言我不顧念也。」毛傳曰: 速,召也。 理之常,毛傳執一,不可。 之狀也。 云:「《聘禮》注云:『饗,❷謂 粲,鲜 用筐而 明貌。 釃 微 加之以草,亦可也。 酒 圓 不必一 無 有肥羜而 曰簋。天子八簋。咎,過 也。 鄭箋云:「寧召之, 於筐,以 已,是非 羜,未成羊也 淳太牢 草 此人情事 釃 享 之可 以 孔 禮。 大 飲 疏

難拘必。安知肥羜之非太牢耶? 鄭箋《詩》非《儀禮》,不可備文。承文協韻,勢賓也。』」今此唯有肥羜而已,是非享禮。

[「]夷」,原作「裔」,據四庫本改。下同。

禮注疏》改。「饗」,原作「響」,據四庫本、阮刻本《毛詩正義》與《儀

有切 舅。 毛傳 也。 行。 同。 其咸在燕所甚近也。 民之失德,以乾餱之 當燕。」衍者,酒寬盛 曰 爲必然之説,則難矣。 遂爲失德。 有 公食大夫禮有黍稷也 商 陳饋 愆。 賓、《伐木》之詩,則 頌 兄弟,即左右臣鄰,同 「王饗有體薦 磋匡正之義,故首章言之。 尊之曰父曰舅,親之曰友曰兄弟。 餱,糧之乾者,至微末也。 自秦焚書,禮文蓋 八簋 一宿酒」,未安。 愆,謂不分或分之不平,皆謂 烈 「湑,茜之也。 一食禮 然則飲食臣友,奚可不盡心? 祖》 ě. ",燕有: 」,蓋以諸侯燕禮無黍稷 既 也。 **豈一宿以上皆謂之** 諸父諸舅,禮 宣十六年《左傳 不可考,而 折 載 然公食大夫禮 酤, 俎。 姓諸父,異姓諸 清 籩豆必 酤。」毛 公當享,卿 其有愆違, 宿 無遠,言 2薦必 諸 酒 傳 也。 愆 儒 文 不 惟 謂 違 踐 好 友

謂

者,與 之辭 也。 播之聲詩 成,却復來飲王之湑酒矣,今姑飲酤 而 酤,亦可 酒飲我。 章敘諸父諸舅親族之尊者燕樂歡洽 酤 和矣。 | 敷 ? 舞以樂我。 是章蓋周之君臣和 周 "「有已成之酒則莤之,以清湑之 以飲我。」坎坎擊鼓 時 商近古,又祭禮尚古,故用酤 歟 無已成之酒,則 燕群臣之湑 ? 迨我他 嗚呼,君臣之間至於是,可 日 酒大異矣。❶ 洽,嘗有是言,故 閒暇,俟王 雖一 以 樂我, 宿以 ,索酒 酒之 之清 蹲 上 此卒 亦 之 蹲 口

罄無不宜,受天百禄。 俾爾多益 天保定爾,亦孔之固。 ,以莫不庶。 俾爾單 降爾遐福 天保定爾,俾 序,何 維 日 福 爾 「不足。 戩 不 穀。

⁰ 與」,原作「歟」,據四庫本改。

無疆 享。 天保定爾,以莫不興。 茂,無不爾或承。 日之升。 用飲食,群黎百姓,徧爲爾德。 如川之方至,以莫不增。 禴祠烝嘗,于公先王。君曰 神之弔矣, 詒爾多福。 如南山之壽,不騫不崩。 如山如阜,如岡如陵, 吉蠲 爲 民之質矣,日 如月之恒,如 ト爾,萬 饎,是用 如松柏之 壽 孝

此切。

易》: 荒」,又曰「聲 **籩列陳**,庶幾 享,《補音》:「虚 受福也。』又曰:『井渫不食,行惻也。● 王明,受福也。1秦瑯琊刻石:『皇帝之德, 福天子」,顔師古曰:『福,古逼字。』《周 畐聲。《漢・賈誼 奄虞,蓋來孔 《補音》:「筆力切。 『乃徐有説,以 宴 享」,顔師古皆音香。」福, 氣遠條,鳳 享。 良切。 傳》『疏者或制大權,以 按 **:** 中 滅 直 原本三字脱。 除 漢《郊祀 也。 凰來翔。 凶 一災,烈 利用祭祀、 歌》『嘉 從示, 神夕 騰 求 八

與『職」叶。」簡疑孚力切,恐古「逼」字亦有中歌》「福」與『德」叶。班固《明堂詩》「福」存定四極。誅亂除害,興利致福。」漢《房

《毛詩序》曰:「《天保》,下報 孔,甚也。 道、《序》大率若是。 天保定爾, 福禄之,以答其歌。」夫上之禮其下,與下 下臣也。臣亦歸美於王,以崇君之尊,而 下下以成其政,臣能歸美以 詩,而《序》謂之能,蓋求諸心外,殊爲害 之敬其上,愛敬之情,發於中 云:「下下,謂《鹿鳴》至《伐木》,皆君所 所受之福盡厚。 爾,謂 程、朱皆曰 王 也。 單,盡 報其上 上也。 「除舊生新 也。 心, 亦甚固 播 焉。」 天俾爾 君能 於歌 以 箋

0

案阮元《校勘記》云:「古本上有『其』字。」「行」,原作「心」,據四庫本及阮刻本《周易正義》改

 $\overline{\overline{\circ}}$

四

不 謂 之反。 雅 戩 是詩祝頌之辭,重複不已。 如 福、莫不興、如山 日 喻福之隆高 H 遐,遠也。 詩云「實始戩 穀,善也。」盡善云者,猶云單 言之重複,愛之至也。 天 爾 能自己之情形見於此。 重複 何福不除,又曰多益,又曰莫不 ĴĬĬ 穀,又曰罄無不宜,又曰 , 故 使爾獲 雅》義 水之方至,繼繼增益,且莫知其 釋地》云: 日維 又重複 無不 益之多。」莫, 釋多差。 天降爾 日不足,言福無 也。 興隆,如 ·商」,《爾雅》謂「戬,福也」, 「大陸 阜,小 如阜、如岡 下之愛其 遐遠之福 罄無 Щ 一曰阜。 Щ 如阜,如岡 無 朱曰 也。 不宜,罄,盡也。 **、窮也。** 上,祝之頌之, 如 岡 吉,卜日之吉 百禄,又曰 既曰 ·· **,** 無 大阜日陵。」 厚、多益 陵、如川 : (

(

(

) 庶,猶多 山 有滿足之 單厚,又 庶,又曰 脊。 如 興者,衰 (窮也 陵,皆 也。 也 爾 遐 口

至也。 禮 》: 矣。 福也。 信。 其本有之性質。 民之質矣,言民化上之德也,民不浮僞,復 曰君,先公尊先公嘏 卜,知也。 今人常言亦曰卜 箋云:「君曰 毛傳曰:「君,先君 烝。」孔疏云:「《詩》以便文,不依先後。」 酒 炊黍稷也。 也 食」,殊未 日用飲食, 蠲 春日 《詩》難 神自言則曰卜,詩人稱 治,遺也。」言神之感 潔 也。 殫紀,姑言所本之黍 安。 而毛傳於是本《爾雅》,謂 祠,●夏曰 卜爾,尸嘏主人傳神 言百姓,則群 饎 皆爲王之德。 爾爾 黍 也 辭 雅》多 稷 也。 尸 禴,秋曰 也 ,所以 知。 毛傳 差繆 格,而遺 祭禮 臣亦在其 王之德善 神則 不 象神。」 日 嘗,冬 稷。 有 難 Ė 辭 日 饎 弔 王 王 也。」 以 僖 以 中 줆 鄭 周 盡

❶ 「祠」,原作「祀」,據四庫本改。

茂, ❶ 不 福 之福 又 食。 臣 如 可 如 民 民心 葉葉 南 之德 拔 月 本 而 弦 無 山 立. 也 乏 亦無 密 就 無常,惟 放 矣。 比 逸 久 盈 山 然不善。 焉 壽,不 縆,絃。 亦 喻 如 , 則 天下之人心,無不 有 上之從。民心善, H 人本有之德性 崩 騫 方 德非外爲,即 (升,有 壞 不 月上弦, 者, 崩。 如松 進 騫, 則 丽 日用 自 就 拔 無 柏之 承 則 不 也。 退。 盈 比 王 失 飲

采薇 憂心 采薇 彼 王 采薇采薇,薇 靡室 爾 事 采薇 烈烈, 靡 維 靡 釆 盬 何 家 薇 不 薇 玁 載 薇 亦剛 遑啓處。 亦柔 維 飢 狁之 亦 常 載 作 渴。 故。 之華 啃 啃 啃 憂 曰 我 日 不 曰 · 遑啓居 歸 戍 心孔疚,我行 歸 歸 彼 未定,靡 曰 曰 日 路 歸 歸 歸, 斯 歲 小心 猴 何 ? 歲 亦 使 亦 狁 亦 不來。 憂 之故 陽 歸 莫 君子 聘。 旷 止 啃

> 之車。 日戒? 依,小人所 我心傷悲,莫知 今我來思,雨雪霏霏。 一月三捷。 戎車 玁 腓 狁 駕 既 孔 彼 駕 我 四 棘。 哀。 四 牡 四 牡 翼 昔我 牡 行道 (翼,象 業 四 往 業。 牡 遲遲 矣, 騤 弭 騤。 豈 載 魚 楊 敢 服 柳 渴 君 定 載 依 子所 豈不 居 依。 ?

按:此篇《永樂大典》缺卷。

央央。 狁 瘁。 我出 召彼 彼 我 于 旟 出 襄。 僕 王 我 旐 我車,于彼郊矣。 天子命我 命 車 夫,謂之載矣。 斯 昔我往· - ,于彼: 南 , 胡 仲, 不 收矣。 往城 施 ; 城 斾 于 黍 彼 ? 設此旐矣,建彼旄矣。 王 稷 自 朔 方。 事多 憂 方 方 心 華。 出 難 悄 赫 車 維 悄,僕 今我 赫 彭 謂 彭 南 其 我 了, 旂 來 棘 仲 來 夫 矣。 旐 況

●「柏」,原脱,據四庫本補。

於王

歸 ? 赫赫南仲,玁狁于夷。 倉庚喈喈,采繁祁祁。 赫赫南仲,薄伐西戎。 見君子,憂心忡 雨 雪 載 畏此 塗 籣 王 書。 事 忡。 多 喓喓草蟲,趯 難,不 既見君子,我 執訊 春日遲遲,卉木萋萋。 遑 獲醜,薄言還歸。 ()啓居。 趯阜螽。 心則 豈不 降。 未 懷

既濟》曰: 『車不利載,請求不得。』鄭氏 叶。」載、《補音》:「節力切。 牧、《補音》:「莫筆切。 考』、『載起載行』,皆曰: 難,乃旦反。 阮籍《大人先生傳》『牧』與『則』叶、與『國 雄《青州牧箴》『牧』與『極』叶、與『石』叶。 (詩》「載馳載驅」、「春日 按: 『載之言則也。』」 載陽」、『在宗 原本三字脱。 《易林・蹇之 揚 載 於

疑爲異篇。「喓喓」之詩,言南仲伐西戎。詩,至「畏此籣書」而止。自「喓喓」而下,是詩皆勞歸之詩也。詳考「我出我車」之

異矣。 也。 也。 於旄之干矣。 旟,龜蛇爲旐。]孔疏曰:「設此旐,而 謂天子爲殷王者,蓋不考《序》之爲差 也,不思《序》初不可盡信也。 春日 野外曰牧。」程曰:「謂我,命我也。」 天子, 棘,急也。」《周 遲遲」、「薄言還歸」,與「 諸儒不以爲疑者,以惟《序》之從故 周王也。 彼旟 禮 旐 鄭箋云:「載, 斯 司常》: 何有不 《爾雅》曰: 雨 「鳥 雪載 斾 斾 屬之 裝 隼 諸 謬 者 爲 載 儒

言襄。 蟲,趯 南 哉」,皆謂上也。 乎?」《司常》:「交龍 「方,朔方。」《書》「襄陵」,又曰 :仲之未歸,我未見也,則忡忡念之。 趯阜螽,釋見《召南• 劉曰: 「王命載之於竹簡。」喓 北方地勢漸高,則北 爲 旂 ~; • 草蟲》。 毛 贊 傳 此 喓 贊 曰 征 及 襄

[「]交」,原作「蛟」,據四庫本改。

也, 功,而 還率也。」 嘉卉,侯栗侯梅」,則以木爲卉也。卉,其 草》云「卉,草」,而《小雅・四月》曰「山 情,故云。《凌人》「正歲十有二月,●令斬 冰」,亦言世俗所習之夏正。 言正歲夏之春也。 故略也。 曰:「訊,問也。 木之異名歟? 自「喓喓草蟲」二章而止,以西戎之患 之於草蟲 南仲既歸,我既見,則喜悦而從之,如阜螽 其徒衆也。」倉 七月》。 玁狁之難亦已夷矣,併言其功也。 諸儒言「薄伐西戎、春日遲遲」、 也。 《毛詩序》曰:「《出車》,勞 末章美南仲不獨伐西 其魁首當訊問者。 其卉木之通 人習於夏正,此敘人 庚、采蘩祁祁,釋 **爾** 稱歟? 雅 醜,類 7 小, 有 見 程 有 釋

夫邇止。

·杕之杜,有睆其實。 王事靡盬,繼嗣我日。

有

杞。 日月陽止,女心傷止,征夫遑止。 逝不至,而多爲恤 痯痯,征夫不遠。 其葉萋萋。王事 止,女心悲止,征夫歸止。 陟彼北 王事靡盬,憂我父母。 靡盬,我 匪載匪· 卜筮偕止,會言近止,征 來,憂心孔疚 心 檀車 傷 悲。 幝 有 山,言采其 幝, 杕之杜 卉木 四 萋 期 牡

《詩序》曰:「《杕杜》,勞還 雅》云:「十月爲陽。」李曰:「 《唐風》。 邱曰:「萋萋,新葉。」卉,釋見前篇 征夫,如今已閒暇 箋云:「遑,暇也。婦人思望其君子,憂傷 言其行役以日繼日,無有休息之期也。」鄭 曰:「杜之有實,秋冬之交也。」杕杜,釋 靡盬,釋見《小雅·四牡》。 且歸 也,而尚 役 繼嗣 也。 不得 我 吕 我 《 爾 日, 見. 氏

「有」,原作「月」,據四庫本改。

載乎? 《大明》云:『檀 也。 序 幝,敝貌。 當歸 王曰 已 疾,病也。」婦 六句序征夫之勞,末一句方序女心,謂 檀》云伐輪、伐輻 孝曰:「杞雖 傷 夫將歸,其不遠矣。 箋云:「載,裝載也 也。」吕氏曰:「杞之可食,春莫矣。」李崇 生,作羹茹,微苦。」箋云:「杞,非 止者,語助也。 逝。」 ·征夫,後三句序女心之思望。 悲 孔,甚。 者, 啃 「會,合。」卜筮之言皆言近矣,謂 而猶未至,故多 非已啓行 征 皆序其情 痯痯,罷貌。」前二章皆前 人 劉曰:「期逝者 人思念其君子, 傷 可食而苦。」孔疏云:「《伐 杞,《爾雅 悲 車煌煌。」 ,是檀可以 而來乎? ,感時 女心 八爲憂。 觸 悲 \Rightarrow 毛傳 爲車之輪、 邢 物 謂 止 我憂心 曰 恤 疏 耐 至此 今非 所期 謂 憂 曰 : 生悲 云:「春 征 也。 泛目 甚 Œ 章 四 常 夫 輻 也。 病 前 旬 幝 菜 時 裝 征 其

> 蓋王 四 日 章 近 一親征 序 爾 情 謂 閔勞, ,故不及將率歟? 征 夫所 在 如《 甚 東 邇 Ш 1 》,皆勞歸 不然,則勞將 筮 合言 如 士。 此

南 陔

與

、士異禮歟?

白華

魚麗于罶,鱨鯊。君子有酒,旨且多。

魚麗

于

華

黍

物其旨矣,維其偕矣。物其有矣,維其時矣。鯉。君子有酒,旨且有。物其多矣,維其嘉矣。罶,鲂鯉。君子有酒,多且旨。魚麗于罶,鰋

❶ 「憂」,原作「者」,據四庫本改。

揚也。 外釋。 明, 《毛詩序》曰「《魚麗》,美萬物盛多,能備 嫼。 此詩。 神明 道 以 況差謬不一,且以爲道耶,則内、外一致。 保》以上治内、《采薇》以下治外。 者 勤,終於逸樂,故美萬物盛多,可以告于神 今《周易》如字,麗 也」,斯言已贅矣。 離,麗也」、《釋文》不音,何於此力馳反? 《爲歌詩耶,則《常棣》既以閔管、蔡之失 丽 作,則 則於詩外作説、爲贅滋甚、徒亂大旨。 是詩自 ,則何得 罶」,邢 嫠婦之笱 《序》非聖人作,況復乖謬,義當 鯊,鮀也。」《爾雅 惟 不知道者,乃爲贅説。 武王已崩矣,何得言文、武告於 和平,自雅正,無非道者,不 自 疏 稱君子。 謂 曰:「曲, 附 之罶。」《毛詩》傳 而又繼曰「文、武以《天 也。 鄉飲酒、燕禮歌 薄也。」《釋器 釋訓》云「凡曲 毛傳 曰 : 《易》 始於憂 鱨 禮 俍 廢

頰,通 魚大而 也。 以薄 鯷, 江 圓 魚。 云:「今吹沙小魚,體圓 陸璣《疏》云:「鱨,一名黄揚,今黄頰 呼爲黄魚。 有邪行甲,無鱗。 文,則三魚也。 魚》云: 罶, 一,圓而 鱣,大魚,似鱏 爲魚笱者名爲罶。」罶者,魚所留 似燕頭魚、身形厚而長大、頰骨正 曲 語。」《爾 東呼 梁也,寡婦之笱也。」郭璞云: 有力鮮飛者。 長 「鯉, 鱣。 也。 鮎爲鮧。 鰋,今鰋,額白 雅•釋 而郭璞注云:「鯉,今赤 毛傳曰:「鯉,鮦也。」《 大者長二三丈,今江 鰋,鮎。鱧,鯇。」據 丽 鱧 短鼻,口在 徐 魚》云「鯊,蛇」,郭 丽 州 鮦 有點文。」非正 人謂之揚,黄 也。 魚。 鯇, 鮎,别名 領下 魚是 今腫 「凡 也 此 釋 東 魻 體

雅

Ë

鰋、鮎

是

魚,孫炎亦從之。

旨,

乃六魚。今鮎魚身雖圓長,而首鰋

匾,《爾

魚,似鱒而大。」據郭今注,則不止於三魚

《補音》:「維其時矣,上紙切。 參 賦 後 是,亦上紙切。 言皆有,謂 王肅作『是』。 也 時。』王粲《七釋》:『不以 願所喜,乃今逢時。1《史記 廢缺,其鄉飲酒、公燕禮之外,用此亦多。 『富有天下,貴爲天子,然而 時。 日 1月以並 有者,多之别 協三 進德脩業,與世同 備 昭兮,合厚德於四時。」」 靈之純 壹兮, 也。 《易林·兑之蹇》曰:『心 斂 時 名。 時,正得其 五. 今俗 福, 正 志 理。』李尤《陽 馬 • 龜 語 階 大傲 易道,不 時 融 播時 衡 亦 也。 作『是』。 以 欲 筴傳》: 云 百穀 偕 統 禮文 以 無 理。 者 厭 身 德

由庚

賓式 南有 以 樂。 燕以 嘉 南有 魚,烝然罩罩。 衎。 嘉魚 南有樛木 ,烝然汕 君子有酒,嘉賓式 ,甘瓠纍之。 汕 君子 有 君子有 酒, 嘉 燕

> 酒 君子有酒,嘉賓式燕 , 嘉 賓 式 燕 綏之。 又思 翩 翩 者 鵻 烝 然 來 思

賓之和樂。 之來集。 得而致。 瓠得以纍之。 喻以禮致嘉賓也。 嘉 鄉飲酒、燕禮間歌 魚》,樂與賢 鵻,釋見《四 聚而已,又有燕禮 魚,以 喻 思,皆 瓠以喻嘉賓,故曰甘。 嘉 也。」 牡影 衎, 賓。 使君子不謙恭 語 和 \sim 助 此詩、餘禮用之當 也。 以樂之也。 烝,衆也。 式,更也。 毛詩序》曰: 也。 木樛曲 又,燕親之至也 ,則嘉賓不 罩,捕 不獨衆賓 汕汕 逮 **|《南有** 嘉賓似 下 一, 喻 亦多 魚 故 嘉 鯡 口 嘉

崇丘

樂只君子,邦家之光 樂只 南 山 君子 有臺,北 `, 萬 壽 Ш 有萊。 無期。 樂只君子,萬壽 南 樂只君子,邦家 山 有桑 北 Ш 《之基。 無 有 楊。

南山 南山 樂只君子,保艾爾後。 樂只君子,遐 樂只君子,德音 有枸 有杞,北 '; 北 不 山 山 有楰。 T有李。 不已。 眉 壽 樂只君子,遐不黄耇 樂只 南山 樂只君子,民之父母。 君子 有栲,北 ,德音是茂 Ш 有 杻

情讞 門,而魯以不恢。」桓 箴》:❶『《春秋》 勳 也。 陵之切。 『芝』叶。 孔姬,挾悝登臺。』《漢樂章》:『天馬徠,龍 七言:『衛尉曰 萊,藜也。」徐鍇《説文繫傳》曰:「此言萊 補音》:「臺,田 日 築土堅高,能自勝持也。」漢《柏梁臺 決嫌疑。』《易林· 遊 總領從官柏 有萊, 陸機《挽歌》「臺」與『騏』 閶闔,觀玉臺。』揚雄 :周御交戟禁不時。 刺 陵之切。 飴 譏,書彼泉臺,兩觀 梁臺。 切。 君山《仙賦》『臺』與 損之恒》曰: 《釋名》:『臺,持 陸 廷 璣《草木 尉 《將作大 曰 一叶。」徠 「良 光禄 平 疏 雉 匠 夫 理

> 蔓華。 叶。又『下』與『厚』皆後五切,亦叶。」然則 也。 後,下五切。 **耇宜果户切,而《補音》「果羽切」,失母** 叶,韓愈《元和聖德詩》『耇』與『午』、『古』 與『舉』叶,陸機《愍懷太子文》『耇」與『字』 音庾。耇、補音》:「崔駰《慰志賦》『耇 源 隱遁棲。 切。」鍇知 鄭國在前,白渠起後。 揖清波 郭璞《游仙詩》:「京華遊 《爾雅》作『釐』,與『萊』同, 減 朱門何足榮? , 陵阿掇丹荑。」 枸, 俱羽反。 同爲婁才切,不知同 《漢 諫 詩》: • 溝 舉臿 洫 鄉 未若託蓬萊 志》白渠之歌: 國 漸 爲雲,決渠爲 俠 世 爲 一,垂烈 窟, 陵 婁才 之 Ш 楰, 於 臨 林 切

後。 命》:「使梟揚先道兮,白虎爲之前後。 雨。」韋孟 迺及 夷 王,克承 厥 緒。」嚴 忌《哀 時

⁰ 將」,原脱,據文淵閣《四庫全書》本《揚子雲集》補。

《毛詩序》曰:「《南山有臺》,樂得賢也。」 《客難》「後」與「鼠」叶,揚雄《河東賦》「後 雲霧 궁 云:『舊説夫須,莎草也,可爲蓑笠。』《都 毛傳曰:「臺,夫須 鄉飲酒、燕禮間歌此詩,詳釋見《魚麗》下。 與「敘」叶。 人士》云:『臺笠緇撮。』《十月之交》曰: 「「臺、夫須」、《釋草》文。● 又陸 丽 入冥兮,騎 又《趙充國贊》「後」與「武」叶。 白 也。 鹿而容與。」 萊,草也。」 東 方 孔 璣 疏 朔

衆多。 牡》。 乃更韻,亦明其材實皆美。 栲、杻、釋見《唐風 枸,枳 次章桑、楊、杞、李、栲、杻、枸、楰、 が枸゚❷ 楰, 鼠 . Ш 梓。」 杞,釋見《四 有樞》。毛傳 孔 疏 曰

爲草之總名。」臺、萊皆草衆多,喻賢人之

.田卒汙萊。』《周禮》云:『萊五十畝。』萊

苦楸。武王、周公之時,所任皆賢,所賓禮 壽不遐遠乎? 之盛茂,又祝其萬壽無有疆限。又祝 德音不已,言人稱頌之不已。 又美其 爲斯民之父母,民賴之以生養也。 之,以爲邦家之基本。祝祈之,願其萬壽 皆賢,故燕樂之,飲食之,敬之,愛之,贊美 蜜。』《釋木》云『楰,鼠梓』,郭云:『楸屬 指,每長數寸,噉之,甘美如飴,謂 굸: 生毫毛,爲壽考之相。 而無有期限。又美之,足爲邦家之光輝 也。」」今江東有虎梓,山楸之異者,人謂 「枸樹高大似白楊,有子著枝 黄髮耇老不遐遠乎? 又不特祝頌其身而 端、大如 又美其 之木 日 眉 眉

則枸木多枝而曲,所以來巢也。

陸璣《疏》

0 0

枸、《釋木》無文。

宋玉賦曰『枳枸來巢』,

[「]文」,原作「云」,據四庫本改。

[「]指」,原作「枝」,據阮刻本《毛詩正義》改。「枸」,原脱,據四庫本及阮刻本《毛詩正義》補。

也。」然古書耆艾,老壽也。又祝其保壽爾已,又祝其保養爾後人。毛傳曰:「艾,養

由儀

後也。

斯,零露濃濃。 孔燕豈弟。宜兄宜弟,令德壽豈。 考不忘。 瀼 燕笑語兮,是以有譽處兮。 蓼彼 渡。 **雝**,萬福攸同 蕭 既見 斯,零露湑兮。 蓼彼蕭斯,零露泥泥。 君子,爲龍爲光。 既 見君子, 鞗革沖沖。 既見君子,我心寫兮。 蓼彼蕭斯,零露 其德不爽,壽 既見君子, 蓼 彼 和 戀 蕭

是詩天子燕諸侯之樂歌也,而《毛詩序》曰宜思羽切,而《補音》「賞羽切」,何也?闢,駭汗如寫。揮刀紛紜,争切膾脯。」」然則關,駭汗如寫。揮刀紛紜,争切膾脯。」」然則寫、《補音》:「賞羽切。諺云:「書三寫,魚成寫、《補音》:「賞羽切。諺云:「書三寫,魚成

心傾 抵喜樂之辭,無所不致其美。其德 有龍矣。 爽,是亦譽之也。 之服,自衮冕 次者亦有賜焉,是謂處,今謂之處分。 又稱譽其善,其有功德之大者,有錫命 之如是。 其情如之。見諸侯如見湑露之蓼蕭,喜樂 其清,豈不可愛也哉。 同。 或曰衆也。 不成文。蕭,香草,而又盛茂。蓼,茂也, 澤及四海」,爲義不明。 寫, 夫香草蓼然其茂,又零露其上,湑然 車服華盛,豈不燁然有光。❶ 一無藏襲。 君子,謂諸侯也。 《蓼莪》及《東山》「蓼薪」音義 而下。 壽考不忘,祝頌其 侯氏 與之燕,且 王者之親愛諸侯, 載龍 諸儒爲説,雜錯 既見君子,我 旂 笑 以 朝 且 壽 不 "; 則 語。 公 差 考 大

改。 「燁」,原作「煜」,當因避清諱缺末筆而誤,據四庫本

臺》施 所同 也。 安 猶 當 其壽考又安樂也。 遠」,是詩曰「宜兄宜弟」,皆謂諸侯也。 鄰, 曰友邦, 悌,譽其德也。 曰: 於諸侯乎? 首之鞗革沖沖,柔白者見焉。 宜者,善之之辭也。 叔父,異姓謂之伯舅、叔舅,其親之則曰 小國之臣,而況於公侯伯子男乎?」和鸞 不 也 日 亦未泯 忘 「昔者明 也,亦祝之也。 德 萬 同者,諸侯不一人也。 於鄉 豊, 年,而 也 難離 賓,施於群 和樂也。 泥 曰兄弟。 王之以 則祝其萬 況王於諸侯乎? 泥 王於諸侯,同姓謂之伯父、 其 ,霑濡 和。 侯氏車止 自《士禮》尸嘏其主人 弟,悌 孝 既美其德之令,又 《伐木》曰「兄弟 臣,猶曰 福 也。 治 萬 也宜矣。 天下也,不敢 福 亦君臣上下之 順 孔,甚 ,則馳御。 攸同,攸,所 也。 和鸞之音 萬壽,而 也。 甚安豈 《孝經》 南 Ш 燕 願 遺 臣 況 有 無 \Box

> 湛湛 湛湛 湛湛 其桐其椅,其實離 飲,非至醉則不歸。 云。 「露,以夜降者也。 毛傳曰:「陽,日也。 毛詩序》曰: 露斯, 露斯 露斯,在彼杞棘。 湛湛之露,非 ,在彼 匪 陽 慢草。 不 [《湛] 離。 晞。 至曙則不 因其夜飲,近 露》,天子燕諸侯 燕私慇懃之意。」毛傳 厭厭 豈弟君子,莫不令儀, 顯允君子,莫不令德。 厭 晞,乾也。」歐陽 厭 夜飲,在宗 夜 飲 乾。 取 醉 厭 以 、載考。 無 厭 也。 爲 曰 歸 之 比

成也。 之,於異姓其讓之則止。 曰:「豐,茂也。」鄭箋云:「載,則也。 不成也。」豐草、杞棘,更辭協韻 公酒而樂,桓公命以 『臣卜其晝,未卜其夜。』於是乃止,此 夜飲之禮,在宗室同姓諸 火 、繼之。 昔者陳敬 敬 侯 歐 仲 仲 陽謂 則成 飲 日 考, : 柜

雖其間 黍》、《 丘》、《南山 《毛詩序》之大患,患在 海。」《鹿鳴》、《伐木》、《南陔》、《白華》、《華 周之燕饗諸侯,豈 蕭》亦燕諸侯之詩,又異其義曰:「澤及四 椅之實離離可觀,喻諸侯多儀之可 稱其令德明著,人所允信,有實德也 棘,棗木也,非 序》者之好異,亦昭昭 露被草木,如王恩被諸侯爾,無他義也」。 魚麗》、《由 亦有 有臺》、《由儀》,皆燕諸侯之詩。 通 荆 用,不專於燕諸侯,而爲 棘之棘。 庚》、《南有 禮 矣。 一詩而 每詩輒異其義。 君子,謂 :让哉? 嘉魚》、《崇 諸 《蓼 觀。 桐、 侯。 夫

讀

彤 我 彤弓弨兮,受言藏之。 鐘鼓既設,一朝饗之。 有 弓弨兮,受言橐之。 嘉賓,中心喜之。 我有嘉賓,中心好之。 彤弓弨兮,受言載之。 我有嘉賓,中心貺之。 鐘鼓既設,一朝右之。

> 鐘鼓既設,一朝

一里。 瑯琊刻石 『載』與 『意』 叶,按"原本「意」訛 尉箴》『載』與『尉』叶、《晉祠 都兮,更統世以 薺不同畝兮, 蘭茝幽 女承筐,亦無貺也。』《楚辭 氏傳》伯姬之占曰: 『士刲羊,亦 弨,尺昭 備』叶。」橐,古刀反,醻,市由 衁 弨,弛貌。]平王錫晉文侯秬 呼光切。』《補音》:「載,子 屈原《九章》『載』與『置』叶,崔 反。《補音》:「貺,虚 自貺。」按"原本四句脱。 而自芳。 • 廟歌 反。 惟佳人之永 九章》: 王 ·例切。 以 鬯圭瓚, 》『載』與 無 切。《左 講 功諸 脚《太 衁 德習 徐 『茶 也。 侯 秦 貌 作

射。 也。」毛傳曰:「彤弓、朱弓也。 彤弓一、彤矢百,盧弓一、盧矢百,馬四匹。 毛詩序》曰:「《彤弓》,●天子賜有

「弓」,原作「公」,據四庫本改。

0

授學射者、使者、勞者。」載,承也。 弓:王、弧、夾、庾、唐、大。 彤弓之名。言講德習射, 防乎 之中心實貺之。禮所以行中心之誠,故禮 也。 黑 當唐弓、大弓也。 以彤弓貺之,非特以禮文加之而已,其王 獻王,王受而藏之,以待有功也。」實,諸侯 言,語助 爲弓者皆漆之,以禦霜露。漆之爲色,赤、 其體强弱之名。 百人,策命爲侯伯。 襄 ,受而載之,將以貺賓也。中心喜之,故 、彤矢百、玈弓矢千,秬鬯一卣,虎賁三 丽 王賜晉文公大輅之服、戎輅之服、彤弓 僞,又曰去僞。 嘉者,善之也。 也。 彤既 王曰:「受而藏之者,工成 爲 彤、兹者,弓色之異稱。 (赤,則 《夏官• 我有者,親之之辭也。 孔疏 孔 疏 知 則彤弓、周 물 玈 司弓矢》有 唐弓、大弓以 者爲黑也。」 「《周 「唐、大者 出諸 禮 禮 \forall 六 無 而 府

汎

轁 **貺之、右之,所以賓之也。** 也。 醻,報也。」 毛傳

六

菁菁者莪,在彼 菁菁者莪,在彼中阿。 菁菁者莪,在彼 也。 汎楊舟,載沈載浮。 雅・釋草》云:「莪、蘿,蒿也。」陸 長莪菁菁然。」觀詩辭,君子於人材,可以 樂之矣。」考本詩,則《序》文微差。 「樂育材也。 是詩善君子養育人材也。《毛詩序》曰 也。」毛傳曰 莖可生食,又可蒸,香美,味 大陵 戸阿。 0 君子能長育人材,則天下喜 中 中 「菁菁,盛貌。 陵。 沚。 君子能長育人材, 既見君子,我心則休 既見君子,錫 既見君子,我 既見君子,樂且 中 頗 阿 我 心 似 璣 如 則喜。 有儀 百 阿 蔞蒿 阿 굸 **爾** 朋 中

⁰ 「毛」,原脱,據四庫本補

禮 之「載」,語助也。其舟或沈或浮 敷 ? 詳玩終篇 多矣,喻 安也。 朋,枚直錢三,是爲貨貝五品。鄭箋云: 其直有差。 有大貝、牡貝、幺貝、小貝,皆二枚爲一朋, 者名阿。水中小渚曰沚。《漢·食貨志》 我心 之。我心則喜,所謂 相 材衆多,大小如楊舟,無所不包載而養育 賜我百朋,得禄多。」莪香美,故以比人材 言養育,不可言長。君子見善類而樂,又 至於無算樂,或歌是詩歟 敬 '則休',所謂人材者',得所依歸',而其心 而 楊木之舟,輕而善載。 《詩》云「有卷者阿」,則陵之有阿曲 有禮儀,又錫之以百朋之禄。 人材大小,無 ,其養育人材之意見矣。 其不盈寸二分,漏度,不得爲 人材者,其心喜也。 不 包載 「載沈 而 養育之。 ,則所載 鄉飲酒 載 雖人 浮

吉甫燕喜,既多受祉。 飲御諸友、炰鼈膾鯉。 薄伐玁狁,至于大原。 織文鳥章,白斾 有嚴 戎車既安, 玁狁匪茹 四牡脩廣,其大有顒。 我服既成,于三十里。 比 玁狁孔熾 六月棲棲,戎車既飭。 閑、《補音》:「應場《 叶。」今京語閑音之餘有虚焉切之音。 物四 有翼,共武之服。 驪 〜整居: ,我是用 ,閑之維 如 輊 、央央。 焦穫。 如 軒 則。 急。 侯誰 馳射賦》『閑』與『仙 來歸自鎬,我行永久。 文武吉甫 元戎十乘,以先啓行。 王于出行 王于出 四牡既佶 侵鎬及方,至于涇陽。 共武之服,以定王國。 薄伐玁狁,以奏膚公。 維 四 此 牡 在矣,張仲孝友。 六月 騤騤,載是常 征,以 征,以 ,既信 ,萬邦爲 既 佐 成 王 天子。 且 我 王 憲。 閑 國。 服 服

詩『天之方難、無然憲憲』、毛云:『憲憲、 左』,鄭氏:『憲讀 補音》:「虚言切。 如 《禮記》『武坐,致右憲 軒,聲之誤也。』《板

憲,

《毛詩序》意,歷舉諸雅盡 切。 猶 之,而不可 燕之,作是詩而歌之也。 玁 與福爲市。 而 方,至於涇陽,然後伐之,而又不過逐 是 呼,孔子没,諸儒雜説,榛蕪大道。 而大意謂失道 是而非。 王國微弱,是不取之也。 天子。」是詩孔子取焉,取其無邪也。 奉王命而出 損》「仲友」與「鯉」叶,或用 狁孔熾,宣王命尹吉甫帥師伐之,歸 欣 已,不嗜殺也。 而非,故學者不得而知。夫玁狁侵 《易林 欣 也 其間固多謬妄之義,無益之文, 以是亂孔 · 屯之小過》曰:『初憂後喜" 征也,故曰:「王于出征 八佾列陳,飲御嘉友。』《需之 亦 而 如 軒 致四夷之交侵,則亦有 致禮以勞吉甫之歸,愛 _ o 子所取之大旨 友,《補 《序》之所論,似 廢,則四夷交侵, 所謂王于出征 此 詩。」 音 ***** 惟 羽 以以 而繹 出 鎬 其 佐 之 及 似 嗚 丽 軌

> 月亦間· 風 凉,冬則極寒。 冷意,麥秋之寒」,則不可。 猶依依,言其不安也。」」雖未爲定論,言以爲「栖栖,有 不安也。」李氏曰:『如《論語》「栖栖」同,注●:「栖. 按 意,時有麥秋之寒也。按:樓鑰集有此七字。 月,建巳之月也。 不明矣。 常而求異,故旁推外索,雜説紛紛,而道 故亦不知人,不信人。 非昏放,人心即道。 無非 敬之,道也。 秋熱。」若中原、北方,則立春便温和,入夏便熱,入秋便 • 鑰論云:「毛氏『棲棲,簡閱也」,蘇黄門曰:「棲! 七月》所序寒暑與江 道者。道心人所自有,放逸則昏。 [有寒。 是詩朝廷所 宣王在西周 不嗜殺,正也。 今四月,周六月。 棲,淒也。 諸 俗諺云:「江南、兩浙 ,四月,豈 作,故 舍近而求遠,棄平 儒不自知,不自信 南同,今江 復又冷也?」《 用 愛敬,正 淒 鎬京 周 演,有 正 去豳 南 也, 苟 鰯 始 栖 棲 冷 六 刀 又 寒

^{● 「}如」,本書附録作「與」,當據改。

伐,明 文帝詔 毛傳曰 謂 亦 功也。」奏、奏聞戰功於上、今俗謂之奏捷。 姑 色。」我服 毛物也。」孔疏云:「四驪, 供同。」師之勝敗,惟在整與不整而 有顒然昂起之狀。 貴乎有 陣之交,陣 「有嚴有翼,言將 釋文》曰:「比,齊 飭,齊正 近。 平難而已。 日所行也。 在 征伐非王者之本心,不得已而伐之, 不然,則 日 嚴 車 「嚴,威嚴也。 謂 也。」 敬之德,其善無窮。 卞。 動者敗,此斷 「吉行五十里。」師行三十里, 凡師 膚,敏捷也。毛傳曰:「公, 車 棲 軍行棲宿於軍 四牡脩長又廣大,其大又 帥之德也。」朱曰:「共與 中 行服用之具皆成 棲,多歟? 同 薄之爲言輕略 載 也。」毛傳 是常 翼,敬也。」蘇曰: 斷不易之論 駟馬皆鐵驪之 所 服 中、東 孔 敬則有德 曰:「物, 用之物。 疏 也。 也。 己。 日 Ш 薄 漢 兩

静則明 所忌。 國。 翼翼小心,敬也,則足以供武之事,以定王 或敗 敬則 六師之所心服,亦敵人之所服。 扶風 益 之鎬,長安、洛陽代爲帝都,而濟陰有長 方也,皆北方地名。」孔疏云: 者。」《釋地》云「周 鄉,漢有洛縣,此皆與京師同名者也。」」侵 秋》「公至自晉」、「公至自楚」,故知 鎬,我行永久」,言吉甫自鎬來歸,猶《 鎬京,故 至 出 涇水之北。 (池陽縣瓠中是也。)毛傳曰:「鎬 茹,入也。 而不懾不亂,謂之善敗,故貴乎有翼。 能 而侵入周地之焦穫。 毛傳 謀,敬則始終如 ,静則不 王 基駁曰:『據下章 日 一 亂。 玁狁不自退而入其國,乃 水北 有焦穫」, 焦 敬則 日 穫, 一,雖勝 陽。 不忽,敬 周 整居者、安然 郭 地 毛 云 三王 傳 而 璞 接 二來 敬 則 不 曰:「今 於 肅以 同 則 驕 有 玁 歸 千里 也、 備 春 爲 狁 無 安 自

==

可有些、憑、瓜、里。 哉女,胃可者之哉。吐雅•釋天》云:「錯革鳥曰旟。」自《禹貢》章,錯革鳥爲章也。 白斾,繼旐者也。」《爾

及四者之皮,則此織文鳥章,謂織而爲革已有熊、羆、狐、貍。織皮,謂四者之織毛

鳥之文章也。鳥羽有異色,錯雜而織之。

云"「鳥隼爲旟。」《司馬法》:「兵車一乘,然也。《釋天》云"「繼旐曰斾。」《司常》

也。毛傳曰:「輊,擊,信,正也。」鄭箋

甲士三人,步卒七十二人。」元戎,猶先鋒

如軒,然後適調也。信,壯健之貌。閑,習云:「戎車之安,從後視之如摯,從前視之

出之而已。吉甫,尹吉甫也。有文有武。也。」毛傳曰:「薄伐玁狁,至于太原,言逐

臣上下咸喜矣,●多受賞賚之祉。來歸自憲法。吉甫振旅而歸,王設燕禮,於是君憲,法也。」武能却敵,文不窮追,萬邦之所出之而已、吉甫 尹吉甫也 有文有运

侯也」,郭注引此 孝友。」意張仲諸友,皆吉甫同行之官屬 鎬, 而 之臣處内。」箋云:「張仲,吉甫之友,其性 曰:「侯,維也。 侍,●又加其炰 御,侍也。今飲之酒,又使諸友恩舊者同 張仲尤其 我行永久,序情 友善,其副歟? 鼈 使文武之臣征伐,與孝友 「侯誰在矣」。 膾鯉珍美之饌。」毛傳 閔 勞也。 爾爾 鄭 雅》「維 笺云:

其車三千,旂旐央央。方叔率止,約軧錯 薄言采芑,于彼新田,于此中鄉。 四騏翼翼。 其車三千,師干之試。 薄言采芑,于彼新田,于此菑畝。 路車有奭,簟茀魚服 方叔率: 止 , 鉤 方叔 乘 方叔涖 膺鞗 其 涖 四 革。 騏 止

[「]喜」,原作「善」,據四庫本改。

[「]恩」,原作「思」,據四庫本及阮刻本《毛詩正義》改

珩。二

淵,《

補

音

「於

巾

切。

開

元

五

經

繡裳。

辦

貞

亮

以

爲鞶

·兮,雜

伎

藝

以

爲

《思玄賦》:『襲温恭之黻衣兮,被禮義

之

方叔 陳師 鴥彼 如霆如雷 蠢爾蠻荆,大邦爲讎。 其車三千,師干之試。 八 補音》:「衡、户郎切、横也。 鞠旅。 率止,執訊獲醜。 瑲 飛 瑲。 隼,其飛戾天,亦集爰止。 顯允方叔,伐鼓淵淵,振旅 顯允方叔,征伐玁狁,蠻荆來 服其命服,朱芾斯皇,有瑲蔥珩。 戎車嘽 方叔率止, 鉦人 方叔元老,克狀 嘽 《楚辭 嘽 方叔 嘽 · 焞 焞, 其猶 (伐鼓 翼翼 涖 · 九 威。 止

弗。珩,音衡,《補音》:「部郎切。張衡『裳』叶。」瑲,七羊反,本亦作「鎗」。芾,音壯之謙》『衡』與『郷』叶。《急就章》『衡』與叶。《易林・泰之晉》「衡」與『强』叶,《大

歌》「衡」與「芳」叶,又《惜誓》「衡」與「藏」

淵字宜從一均切。咽,亦如字。《有閟》詩「鼓咽咽」。』《集韻》『竊』與『咽』文字》:『竊,音因。《詩》:「伐鼓竊竊。」

得已而 《司馬法》:「兵車一乘,甲士三人,步卒七 盾也。干以扞禦。 十二人。」程曰:「師干,猶云兵甲也。」干, 菜,宜馬食。 菜也。莖青白色,摘其葉,白汁出,胞,可 言,發語辭。」陸璣《草木疏》曰:「芑菜,苦 生食,亦可蒸爲茹。」朱曰:「此即 歲曰新,三歲曰畬。涖,臨。」 也。」毛傳曰:「芑,菜也。 蠻荆爲亂,宣王命方叔帥師伐之,歸 以燕之。《毛詩序》曰:「宣王 用 師 特以 軍行采之,人馬皆可 禦難 師干,古語,明先王不 而已,不務於殺 田 程曰:「薄、 歲日 食 今苦蕒 一 菑, 二 也。」 南 而作

故云: 鉤 風 試 言『鉤膺,樊纓』者,以此言鉤是金輅 右齊馳, 金輅之事以説之。 就幹 膺,樊纓也。」孔疏 舞習 鳲 有頭」,彼茅蒐染爲頭,故知赤貌也 一鉤 鳩》。● 如翼 也 膺, 樊 騏 而 飛。 馬 纓 車 之雜 在膺之飾,唯 毛傳 也。』《 四 **云** 馬,其馬皆騏。 色者, 「《瞻彼洛矣》云 **三** 巾 車 「奭,赤貌 詳 有樊 釋 注 ',故引 見《 云: 曹 左

樊纓之飾,又以鞗皮爲轡首之革而 户。』《齊風》云: 後户。」「竹後謂之蔽」,郭云:「以 爾雅》「輿革 士喪禮》下篇「薦馬纓三就」、《巾車》「金 有魚皮爲矢服。 ·鉤,婁頷之鉤也。」鉤用金,在頷之飾 樊纓」者,絛纓文 後謂之茀」, 「簟茀 其馬 婁頷有鉤,在 朱鞹。」孔 / 交織 郭云:「以 如 樊 簟 :"垂之。」 疏 籬 |膺有 衣 韋 也。 也 後 靶

> 約之。 稱歟? 朱。 尚 也。 象,赤芾臣象」,與《玉藻》合,故毛 蔥玉之珩。」《玉藻》云:「再命赤韍黝珩 也、《駟鐵》:「輔車鸞鐮。」孔疏云: 黄朱芾也。 爲 中 三命赤韍蔥珩。』《周易 蔥,蒼也。 急 旅。」毛傳 鄉 朱之近黄者爲赤、朱、赤色相似,故 疾,而 軍旅有鳥隼之旟,象用 鷹隼 鄉 錯衡,文衡也。 《司常》云:「鳥隼爲旟。」《釋鳥 中 三命蔥珩。」其鸞在鑣 醜,❷其 師律貴乎嚴 也 日 皇,猶煌 鄭 「軧, 箋 飛 云: 煌也。 也暈。」蓋 長 瑲 瑲 整。 轂之軧也。 交龍 困 不整 師 聲也。 瑲, 珩 》卦「朱 擊 爲旂 急 一, 雖 鑣 搏 傳 疾 「所 聲 朱芾 馬 之鳥 芾 日 朱 徒所 龜 也。 佩 通 黄 君 銜 而 蛇

讀

樊如鞶,

則改字,未安。

鄭謂纓以

五

采。

[「]鳲」,原作「鳴」,據四庫本改。

[「]鷹」,原作「膺」,據四庫本及阮刻本《爾雅注疏》改。

又 曰 : 見爾。 兼掌 鐃、鐸,無鉦 人焉」。 似鈴,柄 見,故反曲 動 必 止鼓。』《大司馬》云:「鳴鐃且卻。」《説文》 金則不鳴鼓,鳴鼓則不鳴 而是詩言鉦 以來,古軍政漸壞,鉦、鼓各有人,梏於所 之,鼓以 右,跬步 鼓人》注云:「 敗。 鴥 明 金 彼 軍 今諸軍皆有金隊、鼓隊,誠如鄭云。 此因: 鼓。 飛 獨,鉦 中 孔疏亦不能援古以證其非。 動 唯 律 隼 命。 上下通。』《鼓人》云:『以 説 之。」鄭箋謂 嚴整,士卒不敢妄動,進 隼旟就 人伐鼓,明一人而掌二事,鳴 孔 ,其飛戾天,●亦 也。《説文》云:『鉦,鐃也。 以箋此詩,謂言鉦人伐鼓互 毛傳曰:「伐,擊。 也,鐃也。」則 疏 鐲 云: 如 列,行陣嚴 小鐘 「《周禮》有錞、鐲 「鉦也、鼓 金。 集 (鐲、鐃 然 $\stackrel{\wedge}{\sim}$ 整 地官》鼓人 而 則 也, 丽 止 鉦 鉦 相 起 退 金鐃 蓋鄭 各 以 正 類。 論。 静 妄 鐃 有 左

> 鼓, 鼓 淵 小者。 類,致亂惑鼓動鉦静之義,不可。 師干,習其進退 亦人咸信之。允,信也。《大司 整,軍政所貴。 意,定則 止全在鼓鉦,陳 也,❷鐲 曰 曰:「人曰振旅。」方叔將征 中軍以鼙令鼓。」淵淵,鼙音也。 淵、 以 「元,大也。 然則所謂鉦者,惟鐃耳。 金鐲 闐 《書》曰:「 特相 止 闐 節 而 類爾。 皆 鼓 極、故鞠 有整 ,鼓以進之,振旅以習退。 方叔文譽甚顯著,其 師 五官之長,出於諸侯,曰 以 班 則先鼓。 金鐸 《鼓人》云「以 師 整 亦有 不亂 振 **|通鼓** 旅。」《 窮義。 蠻荆 之意。 鞠 諸 」**,**惟 有 儒 , 馬 》云 軍 試試 春 鼙,鼓之 制 金 鞠 徒 金 秋傳 **|政,進** 定之 毛 材 錞 肄 定 以 鐃 傳 其 宵 嚴 相 止. 和

[「]飛」,原脱,據四庫本補。

[「]正」上,原衍「之」字,據四庫本删。

天 子 之老。 猶之爲獸,猶豫遲緩。 猶 道 也。」《尚 大凡人心得其 書》作 一猷 , 駕

類。 敷 ? 是以 千,二十二萬五千人。豈承亂之後,特置 聖賢無不遵道 道者,舒徐優游。 也。 壯其猶。 傳,見諸《詩》、《書》。 謂之反犬。 故自古承襲,以猶 朱曰 蠻荆聞其名,而皆來畏服也。」其車三 夫通三才,貫萬事,無非道者,故古 執其渠魁而 「方叔,蓋嘗與於北伐之功者 後人欲別 而行,每言曰 爲道。 失其道者,急疾躁 當訊問者,又獲其 自武事言之,故曰 其義,故易置其 **す、犬,一也。** 道。 古 語 動 醜 克 犬 流 犭

展也大成。

我車 之子 田 車 · 于苗 既 既 攻、我 好 選 四 徒囂囂。 馬 牡 孔 既 阜。 同。 建旐 東 四 有 牡 設施 甫 龐 草 龐 ,駕言 ,搏獸于敖。 ,駕言徂 行 狩。 東

其

(盛歟?

柴。 如破。 決拾 庖不盈。 彼 四 既 四 牡,四 蕭 黄既駕,兩驂 伙 之子于征,有聞 蕭 **,**●弓矢既 馬鳴,悠悠 牡 奕 奕。 調。 不猗。 赤 斾 芾 無聲。 射 旌 不失其 金舄 夫 既 徒 同,助 御 允矣君子, 會 不驚,大 馳,舍矢 同 有 我 駆

四

讀思 叶。 切。 或从 表,騰藻蔭之奕奕。』陸雲《喜霽賦》『奕奕 延袤之廣廡,矯凌霄之高閣。 宏嗣説之,舉其大略。」陸機《七徵》:『敷 亦與『閣』叶,又《祖德頌》『奕奕』與『廓』 (補音》:「奕奕, 積切, 替, 陸沖《風賦》『奕』與『薄』叶。金鳥, 班固《奕旨》:『北方之人,謂 知 歲 讀 所 在 七雀切。 一, 與 讀 鵲 夷益 同。 《説文》或 切,一 《太玄 秀清輝兮雲 棋爲奕。 讀弋 从 住, 灼

「飲」,原作「次」,據四庫本及阮刻本《毛詩正義》改。

0

雄《甘泉賦》『繹」與『錯』叶。」讀弋灼切。宋玉《九辨》『繹」與『廓』叶,揚『舄」與『漠』叶。● 有繹,一讀夷益切,一首:『足金舄,不忘溝壑。』陸雲《逸民賦》

大也。 纏旃以爲門,裘纏質以 軍事尚整也。 爲高屋,蓋馬之高大也。馬閑習之,齊同 則攻者治也。」按字書訓釋、《説文》並以龐 不及之。黄曰:「《考工記》五工皆言攻, 人美之曰大成,謂德政之兼隆也,而《序》 使能、諸侯心服、以禮而田、軍政整暇、詩 《毛詩序》曰:「《車攻》,宣王復古也。 田獵而選車徒焉。」是詩有以見宣王任 土,修車馬,備器械,復會諸侯於東都,因 王能内修正事,外攘夷狄,復文、武之竟 ,轚則不得 田者,大芟草以爲防,或舍其中,褐 毛傳曰:「東,洛邑也。 左者之左,右者之右,然 爲樹,間容握,驅而 甫, 賢 宣

> 助也。 狩。」詩維言選徒,選擇其卒徒也。 不曰車 也。』《春秋傳》曰:「春蒐,夏苗,秋獮,冬 門中之闑。」毛傳曰:「之子,有司也。 竿,以爲門之兩傍。又以裘纏椹質,以爲 獵曰苗。 草,禽獸所依,故駕車東行而田狩。 梅、栗爲嘉卉,則卉草蓋兼木焉。 言草。《爾雅》「卉,草」,而《四月》之詩 草、謂薪、楚之類歟? 發,抗大緩。諸侯發,抗小緩。 之道也。」毛傳謂芟草 下,故戰不出頃,田不出防,不逐奔走,古 發,按:原本三字脱。 後焚而射焉。天子發,然後諸侯發。 孔疏云:「以織毛褐布纏通帛旃之 囂囂,聲也。 然後大夫士發。 維數車徒者爲有聲 以爲防,則所謂 薪從草 ·, 則 獻禽於其 甫大之 薪 言,語語 天子 諸侯 亦 夏 謂 可 甫

0

[「]漠」,原作「莫」,據四庫本與《韻補》改。

三六

侯赤芾 道。 搏 今宣王之東都,而諸侯 同者,王不巡 宗、遇之常 曰會,殷見曰同。」考此,則會者,非朝 朝 見 所 Ш 救 地 而設旄牛 及《序》俱未 者 潤 | 鄭在: H 云東 之下,平曠可以 **,夏見曰宗,秋見曰覲,冬見曰** 今 近 繹者,不絶 同 于 決, 車 。」《周 敖鄗 有 金舄。舄,達屨也。 敖,先使有閱習也。 素 鉤 甫 祭 尾 禮 所 弦 草, 安。 之間、士季七覆於敖前 陽。」吕曰:「敖, 於旐之首。」鄭箋云:「 狩, 而 禮 攻 也。 也 即 治 大宗 孔 而 有 此地。」之子于苗選 屯兵,翳薈可以設 是謂 不 疏 拾,遂也。」《大射 時 諸 於 乎來 侯 咸朝,來者不絶於 伯》云 會同 此 咸 時 朝 見者之名 毛傳 建 時見日會,殷 有 山 選 焉之名也 立 名。 繹。 遇。 春 也 旐 日 「敖,鄭 於車 ... 言諸 , 則 毛傳 見 晉 **ジ** 覲 時 毛 儀》 伏。 也 徒 見 日 師 傳

不 侯心 射夫 皆能 稱 勝其 伙。 諸侯、卿、大夫、士皆決拾以次而射 使不阻矢也。」諸儒言依,俱未安。 者 之,著右巨指,所以 義未盡,凡弓矢之非 發,諸侯發而後大夫、士發之次 也,以朱韋爲之,著左臂,所以遂弦也。 司 而已。 一所以 Ė 射 依者,人敘次也,謂天子發而 服禮 多。 也。 既 中 調,謂弓矢强 袒 皆 ·獲。 決 決 調和 夫者,男子之通稱。 順 中 兩 而發之。 遂, 、故助: 柴者 ·獲,又助 驂 則曲 不 鄭 在 「, 掌 我舉 鉤弦而闓之。 盡 弱 拾者 注 衡 也,積也 王舉積禽 良者,其 其道,不 與 軛之下,故多偏倚 · 掌也。 矢 1,所以 輕 決, 謂 患 重 王曰:「猗 止於弓矢相 1,於以 同者,言其 收拾左袂 以 害曲 相 也。 遂,射 積 象 得 後 天子、 禽也 故曰 鄭 明諸 諸 骨 折 箋 箞 侯 決 爲 不

唯善御

者

兩

| 驂不

. 倚

雖

馳

丽

一 無 田

盈」,明不多殺也。 疏謂「大庖、君之庖也。《禮》『一 注云:「帛續旐末爲燕尾者。」《司 田畢也。《爾雅 晉,大夫馳」,而此蕭蕭馬鳴,悠悠斾 二曰賓客,三曰充君之庖』。] 此 「大庖不 法度也。《周禮》「凡王提馬 良曰:「吾爲之範我 ^{焕然。]}箋云:「矢發則中,如 如破,方見射者之善。」不惟此詩意明、《孟子》一段亦皆 按 良爲之範,則嬖奚不能 者之善也。 析羽 不失其馳。」則不失者,不失法度也。 兩驂不倚,❶ 樓鑰云:「此一 徒 爲旌」、《釋文》:「注旄首曰旌。」孔 御不驚,見其不暴不駭,文、武、成、 蓋不善射者必待御者爲之詭遇則獲,故 御者之善也。 段不 •釋天》文「繼旐曰斾」,郭 獲 以禮 盡 一。惟御者不失其馳,而 其義。 馳 不失其馳,舍矢如 驅。」引《詩》曰: 而田,不以縱 蘇黄門曰: 槌破物也。」王 丽 走,❷諸侯 曰乾豆, 常》云 四四 旌者, 欲而 破,射 範, 舍矢 黄 旣

> 《爾雅 也。 荆,復竟土,此則諸侯所以復會之情歟 政之兼隆,故信宣王之大成。 聞其 虧於德,有德者或失於政,是詩言宣 無聲,於以益明宣王之任賢使能。 囂囂,餘無聲也。 之子,謂王朝主軍政之人也。 東田,其政令嚴整,寂無諠譁之聲。 上,去穀七里,穀人不知,可謂 云"「晉人伐鄭,陳成子救之,舍於柳 康之道,於是乎復興,故詩人美之。 東田 大成,大全也。允,信也。 釋訓》云: 而 無聲也,善其整也。 凡事唯言其大體,有 「徒御不驚,輦者 率衆 有 觀 有 唯前 聞 政者 於 從 無聲。」 展,誠 人雖 也。」 威 舒之 王 選 王 ? 曫 德 聞 徒 箋 或 丽

「倚」,四庫 本與樓鑰《攻媿集》作「猗」。

地官

•

鄉師》「大軍旅會同,正治其徒役

阮刻本《周禮注疏》有「田」字、當

與 所以載任器也,止以爲蕃營。 其 輂 辇 注 云: 輂 駕 馬 《司馬 輦 人 法》 輓

曰: 輦。』故書『輦』作『連』。」夫《司馬法》「兵車 十人而輦,殷十八人而輦,周十五人而 鉏 周 行 **,周辇加二板二築。]又曰:『夏后氏二** 曰 輜 『夏后氏謂輦曰余車,殷曰 辇。 **輦**,一斧、一斤、一 鑿、一梩、一 胡奴車 ʻ, O

《爾雅》特云輦者也,豈凡徒皆稱輦者歟 卒者,徒行者也,何止於輦人之數? 乘,甲士三人,步卒七十二人」,所謂 ? 而 步

《爾雅》多差歟。毛傳曰:「自左膘而 之,達於右腢 孔疏亦疑諸徒皆謂徒行,此獨以爲輦,豈 爲 上殺。 射右 耳 本,次之。 射

射 中

力取。」鄭箋云:「每禽三十。」 則 得 取 禽。 古 者以 辭 讓 取,不

三八

勇

獸之所同,麀鹿麌麌。 升彼大阜,從其 瞻彼中原,其祁孔有。 吉日維戊,既伯既禱。 燕 天子。 群 醜 既張 漆沮 以御賓客,且 儦儦俟俟,或群或友。 吉日 田 車 旣 我弓,既挾 之從,天子之所。 庚午,既差我馬 好,四 以 牡 我失。 酌 孔 醴 阜。

發彼小豝,殪此大兕。 悉率左右,以 (補音》:「禱,當口 切。 《易林・兑之咸

《離之訟》《小畜之坎》『禱』皆與『酒』叶。_ 俟,于紀切。 《開元五經文字》亦音矣。

《毛詩序》曰: 傳曰:「維戊,順類乘牡 「《吉日》,美宣王田也。」毛 也。 伯,馬祖 也。

疏

焉。

其餘以

與大夫士,以習射於澤宮。

 \mathbb{H}

毛不獻,不成禽不獻。

禽雖多,擇取三十

射左髀,達於右鶻,爲下殺。

面傷不獻,踐

雖

得

禽,射不中,不得取禽。

田

雖不得禽,

⁰ 改。 胡胡 (奴」,原作「薄笨」, 下同 據四庫本及阮刻本《周 禮 注

鹿

牝

曰

麀。

麌

麇,

衆多

也。」《韓奕》:「麀

也。」毛傳:「外

事

以

剛 日。

差,擇也。

0

云:

云:「醜,衆也。 天駟。』《釋天》云『天駟,❷房也』,郭注 官・校人》云『春祭馬祖』,注云:『馬 禱,馬祭也。」孔疏云:「伯,長也。 戊辰歟?」《爾雅 爲獲,亦不必專爲求無傷人。與「廐焚,不問馬」之意不 傷人,亦未爲的當。 按:樓鑰云:「毛以檮爲禱獲,固已贅矣。 獸,豈亦忍於多殺哉。禱者,禱 物慎 『龍爲天馬,故房四星謂之天駟。』」箋 鄭箋云"「戊,剛日也。乘牡,順 劉曰:「田之前二日也。」朱曰:「其 弓矢馳驅之間,或偶傷人,故禱歟? 獲 也。」禱 將 用 狩田而用馬,故禱於馬祖,不必專 田 未 馬 · 釋天》云: ●「既伯既 丽 必 力,必先爲之禱 升大阜,從禽獸之群 爲獲 也。 先 此謂 其 王 無 其祖。 清禱其 **愛** 於 傷 祖 類 人 禽 無 也。 也。

也。」

侔。

也。

禱

禱

重

子首發,諸侯、大夫、士次發,有司悉率左 率左右二列,各供其事,天子燕安焉。天 右士伍畢發,天子至是燕安無事矣。 待然,故曰俟。俟或聚而群,或兩而友,悉 所。」中原,平原之中也。 泥此「從」字。」樓尚書云:「驅禽獸至天子之 自説治水,此詩自説從漆沮驅禽而至天子之所,似不必 云「被之祁祁」,又云「祁祁如雲」,皆言盛 漆、沮之會歟? 者,從入渭水。 作「麌」。 麀麌麌。」❸《説文》:「噳,群口相聚。」本亦 或儦而行,或不行 孔,甚也。瞻彼中原,其盛甚有,謂 《禹貢》「雍 按:樓鑰云:「漆沮既從、《禹貢 然則天子之所,其在渭、 州 而止,止則若有 祁,盛也。 漆 沮 既從」,從 《詩 豕牝 所 潤

上「天」,原作「文」,據阮刻本《毛詩正義》改 「天」,原作「文」,據阮刻本《爾雅注疏》改。

麌麌」,原脱,據四庫

施諸 施 謂 也。」孔疏云:「且酌醴與群臣。」案:毛 爲 云:「賓客,謂諸侯也。 君爲大賓,其臣爲大客,賓、客相通稱。」箋 賓客者,惟諸侯耳,故《周禮》六服之内,其 饗諸侯,每云饗醴,●命之宥。 天子之所 張弓挾矢而射之。」孔疏云:「《左傳》天子 兕當之而殪,喜其獲大,故形 角 曰:「御,進也。」李曰: 曰 諸 重 俎 青色, |物慎微者,將用馬,先禱馬祖,則慎 實也。」毛傳曰:「饗禮,天子之飲 馬 耳 殪 重千斤。 , 死 ,而衛宏 序》差謬 也。 \sim 作《序》連言接下, 初爲小豝而發矢,忽大 釋 可 攪 覩矣,又率如 既 酌醴而飲群臣,以 》云「兕 逐 獸矣,於是 於詩。 似 牛 此 乃 微 朱 傳 於 謂 酒

> 鴻鴈于飛,哀鳴嗷嗷。 之子于垣,百堵皆作。 爱及矜人,哀此鰥 寡。 鴻鴈 維此哲人,謂我劬勞。 雖則劬勞,其究安宅。 于飛,集于中澤。

維

彼愚人,謂

我宣

驈

《補音》:「寡,果五 平,親屬既寡。 既寡,天多陰雨。」《易林・大過之泰》曰 傳 『寡』與『輔』叶。 域傳》作「母寡」,而此作「母 相 固《幽通賦》[寡]與[御]叶。 ·吏多民寡,尊卑相苦。」《吴子》曰:『薪芻 當年少寡, 近。」蓋未知此。 》『斬宛王母鼓之首」,顔師古曰 獨 悼惠先壯,實爲東土。」班 與 《史記·敘傳》:『天下已 孤處。』東方朔《七諫 《韓詩外傳》:『三升曰 切。 《三略》軍 ·鼓」,寡、鼓聲 \sim 漢 書 讖 $\stackrel{-}{\sim}$ 陳 日 西 湯

鴻鴈于飛,

肅肅其羽。

之子于征, 劬勞于野。

詩》外生説

⁰ 醴 原 作 禮 據阮刻本《毛詩正義》與《春秋左 傳正

者,果何義也。 音。 宅。 京」、《周官》注引《書》「宅西曰昧谷」,《史 因此而誤。」藉使改宅爲度,不知謂度音度 宅。」」《周官・縫人》注「度、音宅」,正謂此 李興《諸葛亮碑辭》:「昔爾之隱,卜惟此 仰,安全正朔。 『金華啓逢,大人有作。 世其宅。」班 保其位,隱處安林薄。官夫樂其業,士子 庚北渡,牧野是宅。」馬融《笛賦》:『王孫 神之廷。惟寂惟寞,守德之宅。」廷,音定。 文宅、度同。」揚雄《解嘲》:『爰清爰静,遊 觚 兖州牧箴》:『成湯五徙,卒都于亳。 説文》:『託也。』《漢書》注:『臣瓚曰:古 而陸德明云:「古文宅與度字相近 仁智所處,能 觚, 寡也。』」《補音》:「宅,達各切。 固《 《禮記》引《詩》「宅是鎬 國師 泗 無規廓?』張協《七命》 上 是封,先營是宅。」● 樊噲贊》: 『命惠 繼明代照,配天光 盤 膽

危既宅」,皆正書「宅」爲「度」。 漢去古未記》引《書》「五流有宅」、「五宅三居」、「三

遠,故所讀尚

如此

皆作,雖上下一時劬勞,然其究終則 壞,他日何以禦寇,故建議築垣興役,百堵 得所安止。大夫又爲長久之慮,覩 而復反其所,如鴻鴈之飛,而集於中澤,爲 民人之失所,尤哀鰥寡孤獨之罹禍 其國都,故之子劬勞於野。之子於是矜閔 夫也。 亂定,之子出而招來安集之,使反 鴈之飛。肅肅,羽飛之音也。之子,周大 愚者不知也。 是詩美周大夫長慮興謀,築垣 厲王之亂,國人奔散,如 以 安民,而 可以 垣 民 圮 去 鴻

925

0

宅|。 陳第《毛詩古音考》與顧炎武《唐韻正》並作「光榮舊「營」,四庫本作「榮」。 案此句文淵閣《四庫全書》本明

閔。 勞 之徒也。 謂我宣驕好作爲耳。 潰 散,不安其居,而能勞來還定,安集之,至 詩序》曰:「《鴻鴈》,美宣王也。 者,詩人視之子如己也,故其辭云。 於鰥寡,無不 水 散 也 差者多。 安 其居矣。 維此明哲之人,謂 如 彼 鴻 愚 謂我,皆謂之子 鴈之飛,其哀 者 得其所焉。」考本詩近之矣。 宅,居 所知不及遠,所爲苟且 也。 作是詩者,知之子者 招 集與夫興築爲 卒章復追念萬 鳴嗷嗷,可 也。 丽 萬民 詩 而《毛 曰 哀 一, 乃 離 我 劬 可 民

庭燎 夜如 君子至止,鸞聲噦噦。 鸞聲將將。 有煇。 何 其? 君子至止,言觀其旂 夜如何其? 夜未央,庭燎之光。 夜如 夜未艾,庭燎 何其? 君子 夜 至 鄉 晣 晨 晣。 止

其

煇煇。 [煇]。 《詩》與《左傳》驗之,合音芹字。 振,●取號之旂。」武 之謡曰:「丙之晨,龍尾 音》:「渠斤切。」孔武仲云:「旂從斤。 之光漸微,而見熏煇,煙光相 訛作「璞」。 勤。」此一音多類此 記》「旄 相似,故後人相承誤矣。』《左氏傳》晉下 人手足,去眼煇之。」又『薰粥」,『薰』作 珊 張衡《西京賦》:『金戺玉階,彤庭 期稱道」,注云: 嚮晨之時,東方之明升矣。 瑚 琳 碧, 瓀珉 仲所 璘彬。』」按:原 引 旄 伏辰。 即 雜。旂、《補 期, 此 芹、畿 也 或 袀 本「璘 爲 服 庭 \sim 禮 陽 聲 以 燎 振

音。 《毛詩序》曰:「《庭燎》, 箴之。」其者,語 夜如何其,詩人自起問端也。 助 也。 當如字,不 美宣 王 也。 夜猶未 必 作 因 以

補音》:

「煇,許云切。

《史記》:『斷戚夫

定。 樺皮、松明之類,皆謂 麻燭,卻非熟盆也。」今本無熟盆之説,當是從樓説刪 可以照者,皆謂之燭。 今之臘燭也。凡點火而明者,❷如麻骨、樺皮、松明之類 立於地,而然其上,照耀一庭,故毛謂之大燭,司農謂之 必以燭」,「童子隅坐而執燭」,又如「顔叔之秉燭」,非如 餅,毛謂大燭,司農謂麻燭,皆是也。古者如「男子夜行 毛傳以爲大燭,未安。」樓鑰論云:「今説亦未安,孰乃麻 有異焉。今俗曰��盆者,庭燎歟? 燭庭燎」,故書「墳」爲「蕡」,鄭司農云: 也。』《秋官・司 毛傳曰:「庭燎,大燭也。將將,鸞 是從未央而至未盡,從未盡而至鄉明也。」 中央。」胡云:「二章云未艾,三章云鄉晨, 中也。《説文》云"「央,中央也。」《廣雅》 云:「央、極,中也。」《秦風》云:「宛在水 ·費燭,麻燭也。」按:樓鑰集此下有「然則與庭燎 樓尚書云:「凡點火而明者,如麻 烜氏》「凡邦之大事,共墳 今祭祀所用庭燎,以麻骨一大束 燭。 麻燭,束麻骨。」 ,麻滓也,音詵。 鑣 聲

> 子乎? 者。 焉,亦不可。不由乎中而能治天下者,未 者,天下之中制也。不及焉,固不可。 箋云:「朝禮,别色始入。」夫爲國以禮 朝,此諸侯在其中也。李曰:「《左傳》: 《郊特牲》曰:「庭燎之百,由 之有也,故箴之。一車四馬八鸞。鸞在馬 嚮晨而見熏也。 断,明也。 皆有鸞聲。 曰:『盡也。』則艾爲盡意。」毛傳 也。」然則天子之庭燎百歟? 秦后子曰:「一世無道,國未艾也。」」注 毛傳止謂諸侯,則卿大夫不得謂之君 不得與於朝乎? 噦噦,徐行有節也。」有煇,庭燎 至於旂,則獨 天寖明,故得觀其旂。 凡乘車詣朝者 ,諸侯。 君子,來 齊桓 曰:「断 載旂以 一公始 禮 過 鄭 朝

[「]詵」,原作「説」,據樓鑰《攻媿集》改。

[「]點」,原作「照」,據四庫本與樓鑰《攻媿集》改。

鑣,鑣,銜也。 一馬二鸞。

母 ? 載 嗟我 沔 寧莫之懲。 可弭忘。 揚。 按: 此篇《永樂大典》無解,恐是遺脱 彼 兄弟, 流 沔彼流水,其流湯湯。 念彼 水,朝宗于海。 鴥彼 邦 我友敬矣,讒言其興。 不 人諸: 飛 蹟 載 隼,率彼 友。 起 鴥 載 莫 彼飛 行。 中 八肯念 陵。 。 鴥彼飛隼,載 隼, 心之憂矣,不 亂, 民之訛 載 飛 誰 載 無父 止 飛

之石 渚。 鶴 其下維穀。 魚在于渚,或潛在淵。 鳴 樂彼之園、爰有 于九皋,聲聞于野。 可以爲錯。 他山之石,可 鶴 樹 鳴于 樂彼之園,爰有 檀 以 其 魚潛在淵, 九皋,聲 攻 下 玉 -維蘀。 聞 或在 于天。 樹檀 他 山 于

亦賢矣,豈昏然殊不辨賢否者哉。不能無《毛詩序》曰:「《鶴鳴》,誨宣王也。」宣王

質雖未 也。 聽不 宣王。 不粹美。 斦 薄鄙賤,隨風 樂彼園,唯樂其樹檀 聲聞,其賢易知。 善委曲。 言,自古難受。 況賢人吉士,忠信質直,不 至堅而美,忠實力諫之臣似之。 蔽 在淵、在渚,實有可 雖堯舜不以爲易。 楮也。 能 爾 能 毛 隨 亦曰 傳 石,比直言率直之臣。 精 王 無 從木,者聲。」非從木也。 楮,不材 又世 粹,而 曰 : 以宣 意上下,宣王惑之。 過。 規 可 東西,一 「穀,惡木 王 衰道微,士失教養,多率直 不 也, 可 聰 粹 以 其有德譽未著, 取, 大賢德譽著聞 明,有所不足之君, 曰 美 爲 爾,其下皆蘀 風 無所守,小人似之, 逆耳之言,是以 而 錯 可 也。」《説文》云: 這王未. 以 也 攻 大抵逆耳之 他 玉 知 詩又 知 山 人難 也。 如 如 玉,比 之石 曰 檀木 魚 鶴 難 子 輕 潛 鳴 ПП

慈 湖 詩 傳

慈湖 詩傳卷十一

撰

宋慈溪楊簡敬 仲

小

雅

居 ? 低止? 祈父,予王之爪 祈父,予王之爪 祈父, 亶不聰。 牙。 ±. 胡轉 胡轉予于恤,有母之 胡轉予于恤,靡 子 于 恤, 靡 所 所 止

首 : 曰 : 《補音》:「牙,訛 其牙,發以張 薑 |狼牙,亭歷桔梗龜骨枯。||韓愈《毛穎傳》 『夷其牙,或飫之徒。』《毅》首:『豨毅 『虎聚磨牙,以待豘豬。』《太玄·夷》 弧。』《急就章》:『款冬貝 胡切。 《易林 訟之鼎 母母

> 知此。」 結而 《豫州牧箴》:『陪臣執命,不慮不圖。王 意。」自吾爲 互。《漢書》『宗族盤互』,顔師古曰:『盤 《周易·大畜》『豶豕之牙』,鄭氏 皆當讀如五。 吾』,應劭音鉛牙。 中山之占: 『不角不牙,衣褐之徒。』揚 室陵遲,喪其爪牙。』《漢 「祜」叶,班固《東都賦》「雅」與「武」叶,此 交互也。 互,聲之轉 牙本如 字或作牙,若犬牙 揚雄《長楊賦》『雅』與 吾,雅亦 爾, • 地 本如伍 師 理 古 相 【讀牙 志》『允 或 入之 也。 未 如 雄

是詩刺 悖。毛傳曰:「祈父,司馬也。」鄭箋云: 也」,是固宣王之不知人也。 「《書》曰 『若疇祈父』,謂司馬。」恤,憂也。 祈 父 也, 圃 **毛** 詩 序 言刺了 日 王,則大 刺 宣 王

王之爪牙之士,當爲王閑守之衛,女何轉 云:「此勇力之士,責司馬之辭也。 司馬掌兵甲以守封圻,故曰圻父歟? 我 乃 箋 藿。 所謂 伊人,於焉逍遥?

是詩 其以宿衛之士從征役矣,末章復曰 移我於憂,使我無所止居乎?」吕伯恭 ,見宣王變古制者二焉。 前兩章既 刺 讀

亶不聰。 胡轉予于恤,有母之尸饔」,有親 「祈父,

老而

無他兄弟,其當免役征,古必有成法,

馬獨不聞乎? 故責其不聰。 其意謂此法人皆聞之,彼司 乃驅吾從戎,使吾親不免

毛傳 按: 薪水之勞也。 原本「前兩章既刺」以下脱,今據《讀詩記》補入。 日 :「低,至也。 責司馬者,不敢斥宣王也。 亶,誠也。 熟食曰

三十九年, 饔。」劉曰: 户 戰於千畝,王師敗績於姜氏 , 主也。」《周語》云: 宣 王

> 豫無期。 嘉客。皎皎白駒,賁然來思。爾公爾侯,逸 皎皎白駒,食我場苗。 縶之維之,以永今朝。 繁之維之,以永今夕。 皎皎白 所謂伊 駒,食我場 人,於焉

音,而有遐心。

在彼空谷。

生芻一束,其人如

玉。

毋金玉

爾

慎爾優

游,勉爾

遁

思。 思。

皎皎

白駒

遠行客。 幕,以引方客。」古詩: 析,備不速客。』《太玄·童》首:『大開 若若耶?』《易林• 北岳,天神貴客。』《師之頤》曰: 辯》『客』皆與『薄』叶。 『牢耶石耶? 五鹿客耶? 印何纍纍,綬 補音》:「客,克各切。 驅車策駑馬,遊 未濟之豐》曰:『崔 『人生天 《楚辭 《漢 戲宛 • 石顯: 與洛。』《左 地 九章》、九 間,忽 『重門撃 傳》: 帷 如

恪。』案:古客皆讀如恪。」

氏傳》『以陳備三窓』,徐鍇

曰:『今俗作

善其宜 有乘白 意 脱「吕伯恭曰」一段,今據《讀詩記》補入。 其遂忘世也,故以 俯 侯尚逸豫 言之矣。 含蓄未發,其辭氣則慘然不樂。至三章明 來以爲榮,復深歎其所處非其地也。 廟之人也。 徘徊少留。」吕伯恭曰:「所謂 久今朝。 來,使食我場中之苗。 箋云:「永,久也。 毛 助 而眷然别賢者,其情意可識也。 賢者遠遯空谷,處困窮而享淡薄,雖 也 1駒而 遁 倳 愛之,欲留之。」吕曰:「逍遥者, 賢者去朝適野,時事可 丽 程 丽 日 于焉逍遥、于焉嘉 去者。 曰 亦有訣别之意也。二「思」皆 不懼乎? :「末章言其遠遁而思之之 宣王 毋 願此去者乘其白駒 縶,絆,維,繫 之末,不 有遐心 仰 我則絆之繫之,以 而 勉之。」按"原本 慨然責公卿, 能 客,既 伊人,蓋廊 用 知。 遁云者, 賢, 也。 四章疑 文字其 爾公 其言 賢 而 鄭 者

> 補入。 乎其不可親矣,然猶覬 谷,生芻以秣之,而其人之德美如玉,蓋邈 賢者既遠遯 所 詩雖中有諷朝廷之義,而 云:「優游,使待時也。」《毛詩序》 吕曰:「言爾公爾侯,不敢斥君也。」箋 不以遺問我。」朱曰:「歎其 而不見絶也。」按:原本「程曰」以下脱,今據《經説 大旨,惜賢者之去而已。 「《白駒》,大夫刺宣王也。」言刺,大悖。 享 生芻 孔 疏 三 矣,國之好賢者,猶望其相聞 束 而 「毋得自愛音聲貴如 르, 然其 其相聞 不明指 人之美如 乘白 加 無絶 玉。 駒 金 玉 入空 此詩 日 也。」 玉 也 是

明。言旋言歸,復我諸兄。黄鳥黄鳥,無集鳥,無集于桑,無啄我粱。此邦之人,不可與不我肯穀。言旋言歸,復我邦族。黄鳥黄黄鳥黄鳥,無集于穀,無啄我粟。此邦之人,

旋言 于 栩 無 ,復我諸父。 啄 我 黍。 此邦之人,不可與處。 言

歸

相去有不以禮者。 毛傳曰:「宣王之末,民人室家離散,妃匹 復我諸兄、復我諸父,

夫。 未必 婦人有歸宗之義。 妃匹。 夫死 而夫家之人不居養之,又其邦族 每日「此邦之人」,殆非謂其 穀,善也。」熟觀詩 辭

與辯 不肯以善道相 明 是非 處也。又曰此邦之人,不可 婦人無再適之義,夫死無

之薄大略相似,故曰此邦之人,不我肯穀,

此義之不可易者,如黄鳥必 子,則小宗撫之。 不然,則近屬居養之。 集於木,必 啄

誠不以富,亦祇以

異。

哉 ? 以告我邦之親族。 粟。 者」之「復」,是有 吾粟,如禁黄鳥 今夫家乃棄絶之, 曰無 故婦人不得已,而曰言旋言歸,吾將 無集 歸 此「復」如「有復於 宗之意矣。 木, 無 啄 居吾家,無 栗,豈 言,語 理 助 王 食 也

> 父母 言刺,大悖。若於詩外立論,則宣 也。 無怨王之意,而《毛詩序》曰「刺宣王 而曰諸父,蓋既寡又無父 旋,還也。 此婦,他邦之女也。 也。 Ŧ 是詩 也, 不 固 其 Ė 初

根本,而釋詩者不當若是。

我行: 我行其野,言采其葍。 昏姻之故,言就爾宿。 爾不我畜 其野,蔽芾其樗。 ,復我邦家。 不思就姻,求爾新特 爾不我畜,言歸思復。 我行其野,言采 昏姻之故,言就 其蓫 爾 居

《序》言刺王,又大悖。 非 誠宣王失道以致之。而詩人無刺王之情: 之,而《毛詩序》曰「刺宣王」,豈以 不足爲言,故必推至於王乎? 饑饉之歲,遠依婦家,而見棄焉,作是以絶 者非道。 是是非非,孰 事無小大,是者道, 非 道者? 風 俗 此 至是, 饑歲 細故

所同欲,故以爲言,以明其無益於事 祇、只、職音一,而記者異歟? 爾 改嫁其婦 特,夫也。 灰中温噉之。 营,幽州 蹄。JJ初欲依婦家而居,及其見棄,則次章 家 居 遠 爲異爾。 復,反其故居也。 釋見《甘棠》。 人不事二夫,故夫有特名。 曰「言就爾宿」而 棄禮 矣。 釋草》無文。 依婦家 處相依,爾不畜養我,我則復歸本 犯 鄭箋云: 人謂之燕 营,其根正白,可著熱 異者,異乎常也,怨辭之婉者也 義 故曰 《鄘 婦 如 家居 我以 此,誠不 饑荒之歲,可蒸以 陸璣《疏》云:『今人謂羊 E 柏舟》:「實維 爾不 陸璣《疏》云:「葍,一名 「蓫,牛蘈。」孔疏 野 與爾婚姻之故,故就 ,所居有 思舊 一宿,不敢久處也。 足 以 是時知婦家將 姻 爲 樗焉 而 富,亦適以 富者,人之 我 求新 特 禦 ,而徒 蔽 '。」婦 ·邦之 饑。 云 特, 芾

父母相謂爲婚姻。」爲不義也。《爾雅》云:「婦之父母、壻之

四

0

何 ? 乃安 噲噲其正,噦噦其冥,君子攸寧。 泣喤喤,朱芾斯皇,室家君王。 生男子,載寢之牀,載衣之裳,載弄之璋。 維羆,男子之祥。 如暈斯飛,君子攸躋。 君子攸芋。 約之閣閣、椓之橐橐。 築室百堵,西南其户。 兄及弟矣,式相好矣,無相猶矣。 秩秩斯干,幽幽 (斯寢。 維熊維羆 如跂斯翼,如矢斯棘 乃寢乃興,乃占我夢。 ,維虺維蛇。 南 維虺維蛇,女子之祥。 Щ 風雨 爰居爰處 殖殖其庭,有覺其楹 如竹苞矣,如松茂矣 攸除 大人占之,維 乃生女子 小如鳥 小鳥鼠 下筦上簟 ,爰笑爰 似續 吉夢 斯革 攸去 妣 祖 其 乃 熊

❶ 「知」,原作「之」,據四庫本改。

唯酒食是議,無父母貽罹。寢之地,載衣之裼,●載弄之瓦。無非無儀,

以雄。 之以肱、畢來既升。牧人乃夢、衆維魚矣、旅 訛。 九十其 旐 維旟矣。 維 思 誰 維旟矣,室家溱溱。 物,爾牲則具。 謂 ,其耳濕濕。 爾牧來思,何蓑何笠,或負其餱。三十 爾無羊? 三百維群。 爾羊來思,矜矜兢兢,不騫不崩。 犉。 大人占之,衆維魚矣,實維豐年。 爾 羊來思,其角 或降于阿,或飲于池,或寢 爾牧來思,以薪以蒸,以雌 誰 濈 謂 濈。 爾 爾 無 牛 牛 ? 麾 或 來

> 池。 《羽獵賦》:『相與 鷄鶩滿堂壇兮,鼃黽遊乎華池。」劉邵《趙 諫》:「鸞皇孔鳳, 蓋以沱爲池,不知池本爲沱也。 書》『無爲山林陂池』,皆徒何切。 漢書》引《周官》『川 通作『沱』。《説文》從水,它聲。 「沱沼之沱通用此字,今别作池,非是。」鉉 泊如四海之池,遍觀是耶謂何?」●揚雄 《詩》『滮池北流』,正作『沱』。《漢樂章》: (補音》:「于 灌以 岐 〈梁,益 池, 唐何 集於靖冥之館,以臨 日以遠兮,畜鳧駕 以江河。」東方朔《七 _. 曰 呼 切。 池 停水 嘔夷』、《後漢 曰 《説文》引 徐鉉曰: 《集 池。 《前 鵝。 韻 珍

[「]裼」,原作「褐」,據四庫本及阮刻本《毛詩正義》改。

[「]甍」,原作「亮」,據樓鑰《攻媿集》改。

③ 「斯翼」,楼鑰《攻媿集》作「如暈」,是。

[「]何」,原脱,據四庫本及武英殿本《漢書》補。「遍」,原作「偏」,據四庫本與武英殿本《漢書》改

湖 詩 傅

九歌》: 『終剛 寇之繇,皆以雄韻陵,邵言是也。』《楚辭 中《無羊》與《正月》,及《襄公十年》衛卜禦 切,張叔皮用舊韻。」』孔穎 作 燐,積灰生蝿。」或疑張 鼠 也。』又云:『張叔皮論曰:「賓爵下華,田 類 夫出征,而喪其雄。1皆是繇辭。 陵, 都 正月》《無羊》皆以 露偪其轡,海水窊隆揚其波。 山 于陵切。 領。 一嶽,飛 郎王邵云"「古人讀 上騰,●牛哀 賦 東結潦河。」索靖《草書狀》: 魂魄毅兮爲鬼雄。]漢沙麓之占:『陰 又云: 『古人讀雄與陵爲 燕 《左氏] 北 相 連 强 追 昭 虎變,鯀化 1兮不可凌,身既死兮神以 耐 正義》云:『兆 餘 雄韻陵、韻蒸,是其 差池。」」雄、《補 南 叔皮讀熊爲能,著 熊與雄者皆于 屬 達 呼 爲雄,久血 曰:『案《詩 玄熊對 池。 如山 韻。 繇辭法皆 騏 西 《 詩 一陵,有 音 踞 驥 盼 `陵 爲 事 乎 暴 大

> 子啼瘖,早失其雄。」」 爲 麋鹿悲鳴,思其大雄。』《兑之節》曰 翶 陽 翔桂 雄 以以 林 火 ,爲衆鳥雄。』《蠱 相 乘。』《易林 之无妄》曰 謙之需》 [:『妻 曰

四

《爾雅 以問 糧 語 耳常濡濕。牛羊之寢,或作訛魘之音。 息。」孔疏云:「毛色别異者,各三十 此謂其羊之多,故其角戢聚,言其盛。 曰:「黄牛黑脣曰犉。 載戢干戈」,以不用,故戢 助 ,從牛羊之所宜,適以 諸野 也 釋畜》云:「黑脣,犉。」《毛 劉曰: 人,其言則然。 「牧之者,日 戢,聚 篇内言「思」,皆 順 聚 持 其 也。」《 而束藏之。 雨 性 具, 圃 詩 詩》傳 也。」 蕃 齎 営 其 牛 餱

0

改

田田 原 作「日」,據四 庫本及阮刻本《春秋左

隔處。 以來。 故又取魚以爲詠。 者、謂歲熟相供養之祥也。 飽,奚暇及於漁 言魚之多也。」毛傳曰:「旐旟,所以聚衆 占之者,所獻吉夢也。箋謂人衆相與 也。」箋云:「溱溱、子孫衆多也。」《周禮》 魚,又夢見旐與旟。」歐陽曰:「衆維魚矣, 登棚也。箋云:「牧人乃夢見人衆相 薪、蒸,或麾之以肱,羊亦從而畢升。 則騫而他之,或崩墜岸下。 此矜兢之狀。羊群行於途,不以杖防擊, 薪,牧羊以蒸歟? 故鄭箋云:「女之祭祀,索則有之。」●「 「占夢獻吉夢於王」。此牧人之夢,而大人 曰 薪,細曰蒸」,所以擊牛羊之杖。 牛羊雌雄 羊矜矜兢兢,以畏牧者之擊,故有 哉 日閒雜群無害,惟牛 苟非豐年,則尚懼其不 以雌以雄,謂雌雄皆 《毛詩序》曰:「《 惟粒 牧者雖不以 食有 牧牛以 捕 與捕 夜則 升, 無 魚 驅 麄

> 監 ? 成 ? 憂心 昊天不惠,降此大戾。 問弗仕,勿罔君子。 天,不宜空我師。 四方是維。 莫懲嗟。 謂何? 天方薦瘥,喪亂弘多。 民言無嘉,憯 式月斯生,俾民 君子如夷,惡怒是違。 瑣瑣姻亞,則無膴仕。 節彼南山, 如 不自爲政,卒勞百姓。 節彼南山,有實其猗。 恢,不敢 尹氏大師,維周之氐。 維石巖巖。 天子是毗,俾民不迷。 戲談。 不 弗躬弗親,庶民弗信。 寧。 式夷式已,無小人殆。 不弔昊天,亂靡有定。 昊天不傭 君子如届 赫赫 憂 國 既 心 師 赫赫師尹,不平 駕彼四 尹,民 如 卒 () 俾民 ",降此 斬, 醒,誰 秉國之均, 牡 具 不弔昊 何 心闋。 爾 鞠 用 四 汹 瞻 國 不

0

[「]索」,原作「素」,據四庫本及阮刻本《毛詩正義》改。

дц

四

平,我王不寧。 相爾 作誦,以究王訩。 項 領 矛 矣。 我 膽 既 四 方 不懲其 夷 既 式訛爾心,以畜萬邦 蹙 爆,如 蹙 心,覆怨其正。家父 靡 所 相 騁。 醻 矣。 方 茂 昊天不 爾 惡

届。』按: 母矣。 届 千,不終朝 企山 如驚鳧之失侣,倏 氣切,古作『暨』。 叶。」然則宜地 筴傳》『殆』與『起』叶。 《易林・睽之益 叶,又《九章》『殆』與『恃』叶。《史記・龜 殆、《補音》:「《楚辭·天問》『殆』與『止』 聲曜紛紜 ·殆』與『祉』叶、《小畜之大有》『殆』與『齒』 。]王粲《浮海賦》:『吐星出 峙,若翔若 膴,音武。 原本「識」訛 澤 而 浸 濟 里切、《補音》「養里切」,失 所 宇 作「試」。 滯。 何晏《 如六龍之所掣。 届,音戒、《補音》: 内。 届。」劉邵《趙都賦》: 峨 元 木 峨 景 華《海 正 嶫 福殿 蝶, 罔 日,天與水 朝 賦 賦 ,莫不來 越三 識 『鷸 「鳥 「居 所

> 按: 盧敖 際。 詩:『至于有周,歷 音》:「萬邦、卜工切。 信未達乎從容。□徐邈讀畜許六反。◐ 惑兮,自壓按 得聲,《補音》:「眭桂切,止也。」《補音 釋名》:『邦,丰也,封有功於是也。』章孟 誦,疾容切。 原本「赧」誤作「郝」。 願承閒 所不届。』 其 『聲哀哀而 深 不 丽 測, 而學誦。 自恃兮,徑淫 宋玉《九辯》: 『然中路而迷 闋,苦穴反。 其 懷高丘兮,思愁 廣 世 實 無 《説文》以丰得聲。❷ 會 絶 性 臬。 同。 在 愚 曀 邦 陋 章 《説文》以癸 丽 王 以 亥 道 愁 劉 赧 褊 所 廱 而 向 聽 不及, 淺 了。』曹 思 《補 譖 九

植《 邦。 嘆 》**:** 責躬詩》: 武武 則肅 烈,文則 時 雍。 受

邈 ·原作「貌」,據四庫本改。

丰」,原作「半」,據四庫本與陳昌治刻《說文解字》改

禮 維嶽降神 覬《西嶽 慎徽 又《大預舞歌》: 『群生屬 既 襌 一上下 喜 炎漢,君 五典,元教遐 「, 翕 和 是 碑詞》: 『赫赫在 ,實生群公。」」 同。 臨 萬 萬邦。』《晉食舉歌》: 邦 無服之喪,以畜萬邦。」魏 通。二孔 禮 儀卒度,物有其容。」 子曰:「無 上,以畜萬邦。 命、奄有庶 ●既 體之 邦。 宴

具,俱,瞻,視,惔,燔也。」據此,則異 《孝經》嘗引此。 **毛** 師,大師,周之三公也。 直如斬截。 知其本「截」字也。 云「節」者,❷記其音,失其本字歟? 也。」言刺,大悖。《釋文》:「節,在 洪範》之「師 〕 詩 序 》 則 殆 非 曰:「《節南山》, 謂 師尹 尹 尹 惟日」矣。 氏 , 居 毛傳 今京語 高 其 尹,尹氏,爲大師。 師 日 位,民具瞻似之。 _; _ 表 然觀《孝經》之 謂截 家 尹正之通 赫 父 赫, 爲 刺 節 切 盛 石削 反。 幽 貌 乎 稱 此 王

> 是也。 乎 ? 鄭箋云:「責三公不如山 故曰 也。 異義同。」非 曰"「薦,重,瘥,病,弘,大也。」箋 猗其長也。」毛傳曰: 形雖未滅,其實已絶滅。 戲談。民心憂苦恐畏,至於此極,則國之 敷 ? 「天今又重以 爾瞻,今乃民憂心如惔燔,畏 後 雖 或 國以民爲固,民心離 言尹氏, 用,猶 既 山 既卒斬 曰 之生物,其氣均 不 文 爲 疫病。」孔 異 又隱 敢 也。 矣,師尹 八義同· 戲 其惡。 蘇 談, 也。 「實,滿,猗,長 曰:「山之實,草木 宜 疏 何 平如 斬,絶也。 ,則國從之亡矣, 未 之爲 赫 今京語荐音薦 曰:「薦與 爲 敢 赫 爾 而 一**,** 無 遽 威虐,不 師 也。」 不監察之 指 尹 卒,盡 尹 荐文 云 毛 也。 不 民 氏。 傳 猗 敢 具

「此」,原作「比」,據四庫本改。

食」,原作「石」,據武英殿本《晉

0

四四

Ŧi.

衆,謂 平,綱 求 其 乃 又 自 不 不 周 雅 音是字 乎,奈何! 病,人死喪,國 謂,談也,有何 賢 书, 愍 ·然,詩 古 敘 其 也 根 》差謬良多,不可 言之善, 其 聖 本之 心 尹 維 民死 曰 今弗問弗察, 能,上之人當 賢 氏 咸 非 我 人 四方、毗輔 爾 咸詢衆 之罪 離 地。 於 於 如 亦 丽 《爾雅》雖 不 則 饑 此 是 猶 師 説 均 氐, 擾 不 截 雖 饉,瘥病憂苦,餘不 ,然亦不宜 尹 平, 日 也。 庶,尹 亂 方憯 音 謂 復云云,唯 弗 本也。 盡 天子,使民 大 求 曾 則 之盡 節 信 多。 躬 又天災荐臻,連 曰「憯,曾也」,而 又不 弗 虐,略 不 也 而 弗 獲 用 空其 如 尹 親 職 民憂苦怨讟 盡 呼 之 信 仕 Ш 氏爲大師 當 空 呼 不 不懲創。 尹),不當 庶民 進, 師 我 天 秉國之均 迷。 謂 氏 切 衆 敗 民 曰 何 大 乙之言。 荒 死 今 乃 可 昊天 喪 待 人之 车 也 師 怠。 爾爾 也。 者 是 廉 其 嗟 無 瘥 面

之欺 説 傳 相 壻之父母 姻 也。 用 爲不善,故今更勸之止。 已平,故詩人更使之平夷。 子,當更平夷其心,已前日 用之耳。此衰世秉政者之常談,而 恥 至於危殆。 亞次 亞,則 詩 日 ? 往 人知尹 式,更也。 詩人終不棄絶,戒 罔 往 ·問親 姻婭之小小者, 圃 也 君 有 膴, 無厚 尹 相 子。 氏 氏 疏 厚 不惟 \Rightarrow 謂 君子 仕。 釋 日 也。 必 爲 尹氏 小人用心 訓 彼 苟 不 危其國, 嘗 婚 《釋親》云: *\frac{\times}{\times} 未嘗 以 能 非 諭 姻。 欺罔, 無與膴 腎 正 盡 以 致 而誨之,日 而 遵 能 某 兩壻 亦危其身。 又曰 瑣 雖 問 論 正 之所爲。 文過 賢 小人自謂 雖 用 用 瑣 不 仕 道 於我,故 某 相謂 「婦之父母、 親 無 平, 則仕 ,姑寬 能 飾 人必 小 戚不 爲 ·也。」毛 爲亞。」 勿 非 而 己,止 詩 奚 (小人) 瑣 爲之 以 罔 任 自 者 人 止 不 不 用。 謂 睯 小 及 君 多 任

届

至也

闋

息

也。

禍

亂

皆小人致之,君

曰 :

日月鞠凶。」天不

極之凶。

汹,凶也。

大抵人窮

則呼天若歸怨,而

實

非怨天

也。

窮。

止

物。

至於止,則

義。

革

雖

柔,而

固

可殫數。

峨

基」之問,則知其爲古書。然古書豈一一 基,經也,設也」、「振,古也」、「務,侮也」、 峨、祭也」、「每有、雖也」,差謬若此,奚 庸,常也。昊天不 《釋文》「鞠」作「鞫」,然皆有 《爾雅》非 謂「愷悌、發也」、「憯、曾也」、 足以 也。 也。 不 窮 《前漢 惠順,降此大災戾。 牔 據子夏「初、哉、首、 可以釋「昊天不 循平常, 矣,故世言以 止物。 其 公、孔子之書,先 釋 非 言》雖曰 ②劉 瑣 匊,亦 領者, 丽 向 忽降 . 引 ※詩 所 傭 鞠 亦 傭 此 爲 以 姑 窮 則視 相尚 子如 懌 服 蹙靡所騁」,言無 於是思所之之國,而 服之頸。 如 言日月益甚也」。毛傳曰:「病酒 王不自爲政,使尹爲政,卒勞百姓。 豈不知秉成之人? 詩 怒亦遠矣。 君子,如平夷用之,不偏用小 ··, 則 馬 此 人 頸 曰: 至,則 相爾 ,猶幽王、尹氏 歡 賢 項 然如賓主 者宜去。 兩驂雁行,咸 領正當衡下, 矛, 誰 民 違,遠也。 秉 心 欲 國之成乎?」成 息矣,安矣。 相 所 相 也,故 我駕 可 殺 醻 言雖不指怨,則 四 往 傷 鄭箋謂「式月斯生, 酢 衡 方 驤首,見項領焉。● 也。 四 矣。 矣。 曰 政 有 牡 我 醜 兩 方爾盛其惡, 一, 欲 人,則民 及 或

均也。

訩,訟也」,而

降此鞠

鶭

儒

不

審考,竟相

推崇。

猶

政

也。

曰

醒。

皆聖人作?

不膴厚

者,亦

或可

未

能

專

用

之惡

問。

是寬

爲之説

領」, 原作 頸」, 據四 庫本改

喜怒不常如

既

夷

平

悦

軛,正

叉兩

有所之。

國

事

深

歸

德

齊莫能

瞻四

方,蹙

此 此 故故 章謂王歟? 賢 思 遯 昊天不平常,而乃降亂 下 文曰 以 究 王 汹 或 貝

而王信之,故王亦怨正人。覆,反也。言心,反怨正人。蓋小人於是歸罪於正人,危有狀,故我王亦不安寧。然不自懲創其此章謂王剱。 昊天不平常 而乃陷亂 國

也。敬化爾心,心畜養萬邦。訛者,化而孟子,亦此類也。」究言王之凶德。式,敬盡忠竭誠,不憚誅罰,故自載字焉。寺人

不怨小人,而

反怨

Ē

人。孔疏云:「家父

是一人也。

德,故欲訛其心,使化其舊也。孔疏云:改也。本心善,則可以訛矣。今王有凶

後。

好言自口,莠言自口。

憂心

愈

愈,是以

夫有孔父者,其父正考父,其子木金父。矣。」但古人以父爲字,或累世同之。 宋大之卒七十五歲。 若幽王之初,則八十五年「桓十五年,天王使家父來求車,上距幽王

此

家氏或父子同字

·,未必是

人也。

《雲

上帝,伊

誰

云憎

?

謂

山

蓋

卑,爲岡爲陵。

民

年矣。引之以證仍叔,是周大夫耳,未必 宣王之卒七十六歲。 若當初年,則百二十 伯,仍氏或亦世字叔也」。 來 聘 , 春 秋 時 , 趙 氏 世 自 稱 桓 孟 五年, 智氏 上 世 距 稱

四四

딨

正月繁霜,我心憂傷。民之訛言,亦孔之將。

父母生我,胡俾我愈? 不自我先,不自我念我獨兮,憂心京京。哀我小心,癙憂以痒。

有侮。 殆,視天夢夢。 于誰之屋? 其臣僕。哀我人斯,于何從禄? 憂心惸惸,念我 瞻彼中林,侯薪 既 克 有定,靡 無禄 侯蒸。 人弗勝。 民 瞻烏爰止 之 無 民今方 辜,并 有皇

「引」,原作「行」,據四庫本改。

0

漢》序云「仍叔」,箋引《桓五年》「仍叔之子

音》:「局,訖力

切,

曲

也。

《集

韻

意

與「側」叶。

賈

誼

鳥

賦》「意」

與

入于左腹

,獲心意

慇慇。

殺。

治比

屢

禄,夭夭是椓。哿矣富人,哀此惸獨 憂心慘慘,念國之爲虐。 彼有旨酒,又有嘉 魚在于沼,亦匪克樂。 載輸爾載,將伯助予。 終其永懷,又窘陰雨。 之方揚,寧或滅之。 憂矣,如或結之。 今兹之正,胡然厲矣。 燎 則,如不我得。 倫有脊。哀今之人,胡爲虺蜴。 之訛言,寧莫之懲。 顧爾僕,不輸 曰予聖,誰知鳥之雌雄? 佌佌彼有屋,蔌蔌方有穀。民今之無 謂地蓋厚,不敢不蹐。 其鄰,昏姻 天之抓我,如不我克。 執我仇仇,亦不我力。 爾 載。 孔 赫赫宗周,褒姒威之。 召彼故老,訊之占夢。 其車既載,乃棄爾 潛雖伏矣,亦孔之炤 終踰絶險,曾是不意 無棄爾輔,員于爾 云。 念我 謂天蓋· 維號斯言,有 瞻彼阪田, 獨兮,憂心 高 彼 心之 ',不敢 求 輻 輔 我 焉? 璜臺十成,誰所極焉?」劉向《九嘆》 也。』《楚辭·天問》:「厥萌在初,何所意 爲法式。宇縣之中,承順帝意。」《周易》: 《釋文》音列。《禮記·祭法》『厲山 意,乙力切。秦之罘刻石:「經緯天下,永 『節』叶。 流,涼風厲。 厲』與『泊越』 叶。 音》:「力蘗切。 爲拮,毛氏訓拮爲撠。 局,訖 『挶,亦作「撠」、「局」,皆當音戟。」」厲,《補 南狩之志,乃大得也。 (左氏傳)作『烈 **肇革,即鞶裂。** 挶,戟持也。 力切。 顏延年《馬賦》[厲]與[悦]叶。] 白露凝,微霜結。」又『厲』與 从手,局聲。《鴟鴞》詩以挶 字或作「蒿」。』《説文》: 《禮記》『男鞶革』,注云: <u>п</u> 《詩》云:「垂帶如厲。」 左思《蜀都賦》:『大火

不局。

《開元五經文字》:

具

有菀其特。

四 九 劉邵《趙都

賦

氏],

五〇

喪」, 痒,病也。 亂 之訛歟? 尤不知所憂,憂則不危矣,故惟 心,凡民嗤嗤,固不 乃差訛之言。 傳亦曰:「此夏四月。」而有繁霜,陰陽 《毛詩序》曰:「《正月》,大夫刺幽王 京京,如京之大,且根固不移歟? 月,周之六月,乃夏之四月,純陽用 字從手,此詩當從手。 音》:「都木切。 七年夏六月朔,日有食之。 言刺,大悖。正月,正陽之月。 詩》作「炤」,陸德明音灼。 息 爲災異也。 二叶 曰「天曷不降威」之類,非平常之言, 顔 痒雖在外,而使人不寧,殊爲擾 我憂如 師 孔,甚,將,大也。 古 民之訛言,如 《集韻》:『椓,都木切。』」 讀 鼠 能深憂。 炤 病伏穴中,人所不 常中 哿,哥我 椓,陟角反,《補 庸 危國之君 大史 》作 曰「時 反。 反。 魯昭 昭 我獨 獨我憂 抑兢兢 謂 事。 公十 日 此 也。」 ·知。 臣 害 乖 毛 毛

民,將 也。 也。 爲臣僕。」言不幸遭國之將亡,與此無辜之 亦以爲臣僕,故箕子曰:「商其淪喪,我罔 俱也。」古者以罪人爲臣僕,亡國所 良可發笑,笑則玩侮從之矣。 不知君子之心,反見笑侮,以爲腐儒 欲言則言。我憂心愈愈,日以益甚。 口 後?」父母生我,豈欲使我憂病? 惡可知也。 害。 也。」王曰:「莠,惡也。」蓋穀謂之善,則 致之,故比 ,莠言自口,皆出自小人之口,唯其意所 亂世君子退伏,小人肆行。 鄭箋云:「此何不出我之前,居我之 此 隨 憂禍 以淪陷,而并爲臣僕,未知將復從 於痒在 非賢 疾痛呼父母,而傷己適丁是 (者所致 外。 介乃彼 毛傳曰:「瘉 朱曰:「并, 昏 君 好言自 俾,使 小人自 癙憂, 」。」

0 虜」,原作「獲」, 據四庫本改。 能

莫之懲耶

?

可

得

圃

盡

殺。

至是,民亦不

曷不降威」。

桀殺龍

逢,紂殺

者

俗則身危。

時不

陵,則、

憎

誰耶?

蒸在

未定故也。

屋

中

也

王

臣皆自

謂

聖

唯

朝廷之閒

具

曰

何

人

而受禄,如

道,而其訛言,或曰「時 既定,人未有不爲天所勝者。 中,視天夢夢,若無能爲者,不知此 也。」蘇曰:「中林之木,莫不摧毀,而維 人終於禍敗矣。謂山卑 「人定能勝天,天定亦能勝人。」有皇上帝, 焉,其殘之也甚矣。民 亦不可言卑矣。 曰:「烏之爲物唯 林,林中也。 憎善人耶? 方其未定,何所不至? 可謂之卑賤矣,亦可畏矣,寧 舉國之人皆有是言,則亦 民亦將叛,亦不 召彼故老,稍知懼矣,而訊 鳥飛,不知將止於誰之屋 <u></u> 爾 日曷喪」,或曰「天 憎惡 郭 ? 民 雅》云: 能 雖 食, 申包胥曰: 力在危殆之 卑賤若不 人也。 而其爲岡 可 已則 得 /維 天理之 丽 及其 則惡 止其 殺。 侯 不 足 爲 薪 之占夢,而 從上依世則道廢,違上離 焉如懼,曰:『彼不達之君子,豈不殆哉? 不敢不曲局。 蜥蜴、蝘蜓,守宫也。」遭亂禍,謂 也 予聖,誰知鳥 容 地 既不遇,恐不終其命焉。 興善,己獨由之,則曰非妖則妄也,故賢 語》曰:「孔子讀《詩》,至《正月》六章,惕 否,孰是孰非。 至愚者則然。 言者,非誕也,乃有倫序,有脊理。」朱 比干,皆是類。 曰:「曲者,曲 也。」王氏 蓋厚,不敢 ,脊理也。 不及政 蜴,螈。」《釋魚》云: 之雌 不蹐」,言上下畏罪,無 曰:「人號 既昏愚如此,安能知孰賢 身 地雖厚,不敢不重足。 「謂天蓋高,不敢不局 毛傳 也。」毛傳曰:「蹐, 争也。 雄。 曰:「局,曲。」孔 君 %呼而:

出此

|局蹐之

所

自

謂

Ë

天雖

高

《家

蠑

螈

累足

疏

孰

大亂 有 利 矣。 之。 乎正矣,今則厲矣。 者,小人終慮君子之至,非其 平日 不得我,不容避逃,執我如仇 狀既著,昏君亂臣不無微恐,既召故 君子,其摇扤危殆似之。 抓,如不我克,必摧必死,特 今也有菀其特,獨其無 平矣,今乃在坡陂 乎?」俗言蝘蜓傷 哀今之人,胡爲肆毒 滅之者乎? ,故曰宗周。 也。毛傳曰:「厲,惡也。」宣 雖急求如此,而亦不我力,終於緩 ,詩人知其必滅周 勢急不得已而 阪。 阪 田 ,即今之山 《釋文》曰:「威,●齊人語 幽王 ,與衆禾齊等,則安矣**,** 人,藥所不治。大坡 求賢,既求 惑 如火燎方揚熾,寧 以害人, 也。 襃女以 朋。 及乎國勢危 田 周爲天下 如獨 同 `敵然,亦 風 夫田 而使之至 我, 爲后,自此 類,惺: 王之時,庶 (立無朋⁾ 雨之所摇 [在隰則 則 之所 亡之 老謀 無 非 如 或 弛 禮 恐 家 此

> 將 賢者。 壞之義。」箋曰: 幣焉」,服虔 平,猶隳成。] 昭 六年》『鄭人來 持之力,今又棄之矣,故此 亂 諸伯長老成以助予乎? 曰:「今人縛杖於輻 爾 輔,其隳壞爾載也必矣。 有窘焉,如又窘 懷矣,然猶 也 輔, 墮 ,群小得志,而其閒猶有賢輔,亦或 猶 三都是 雨 滅之也。」如 伯者,老成長伯 中 [有未 行 曰 : 也。」毛傳曰: 車 輸 四 於陰 終之意。 『隳,輸 輸煙 平了, . 年《左傳》曰『寡 已有陷 前章 防輔 雨。 所 也。」疏云:「子路 公羊 之賢 也。」是 無 濘之憂,況 其 序 及隳爾載,乃求 今終其永懷,又 車 「員,益也。」 疏 車 及矣。 也。 章云。 · 傳 》 稱。 可 旣 訓 謂 \sim 載,乃 曰 輸 君 魯 王 長 輔 爲 將 隱 孔 賴 室 又 慮 「輸 隳 隳 公 疏 扶 雖 喻 棄 棄 永

) 「威」,原作「滅」,據四庫本改。

也。 慇爾。 有 姻則尤甚也。 箋云:「彼,尹氏大師 有旨酒嘉殽,唯與其鄰友親治燕樂,其昏 賢者憂心慘慘,憂念國之爲虐,禍將至也。 也。此非詩人自謂,謂他人之賢者也。 賢德外著,自不能掩,其昭亦甚焉。 非樂於窮隱也。 爲意乎? 終踰絶險,喻終濟大難矣。今乃曾不以是 察之,察其所備,察其所安。屢察,不止於 已知其賢,亦未可悉以聽其所爲。又當屢 者也。」屢顧爾僕者,又以 曰:「益之於爾之輪 屋 察。察其果賢、果勝任,則不隳厥載矣。 謂 毛傳曰:「佌 小人之徒歟? 君子潛隱退遯,如魚在池沼,亦 云,語 世亂,不得不潛伏也。 助也。 佌,●小也。 輻。」箋曰:「僕,將車 也。」彼,小人也。 言其徒興第建宅 喻知人之難 念我獨憂心慇 蔌蔌, 孔,甚 此 彼 陋 然 雖

> 也。 衆民 訛爾。今讀如「桃之夭夭」。 上「夭」字似「天」,故《毛詩》作「天」字,微 故曰無禄。而亦并言凡民,不止于言己。 人所施,皆暴虐剥割,富人罹此,猶之可 禄食。言禄,則食在其中矣。 其多矣。 焉,咸有穀之可食矣。 者不一也。 其惸獨之人,何以堪之? (如草木方長夭夭,而有以椓害之。小 皆謂群小 蔌者,如蔬蔌之多歟? 徒屬 言飽食者,則不勝 也。 至民,今則. 詩人失禄 故哀之。 其下 無

彼月而食,則維其常。此日而食,于何不臧。日月告凶,不用其行。四國無政,不用其良。彼月而微,此日而微。今此下民,亦孔之哀。十月之交,朔日辛卯。日有食之,亦孔之醜。

● 「佌佌」,原作「佌仳」,據四庫本改。

休。 棸子 沓背憎,職 處。 皇父 無辜,讒 則然矣。 爗 亶侯多藏。 不慭遺一老,俾守我王。 岸爲谷,深谷爲陵。 爗 有 内 卿 天命不徹,我 抑 震 居徂 史, 士, 羨,我獨 此皇父,豈曰不時? 電 徹我牆屋,田卒汙萊。 口 皇父孔聖,作都于向。 · 囂囂。 向。 蹶 競 番 由 寧 維 維 人。 居憂。 黽 不 司 趣 **令**。 不敢傚我友自逸 下民之孽, 匪降自天。 勉從事,不 徒,家伯 馬, 悠悠我里,亦孔之痗。 楀 哀今之人,胡 民莫不逸,我獨不 百 維 Ш 維宰,仲允膳夫, 師氏 沸 胡爲我作,不 敢 騰 目 告勞。 豔 擇三有 予不戕,禮 Щ 層莫懲 冢 擇有 妻 崒 煽 無 事 崩 敢 嶂 罪 即 方 車

王, 也 群 是 一而《 詩 小 言刺悖,又失詩人本情。 用 蓋 毛 事 深 詩序》曰「《十月之交》,大夫 `, 因 怨皇父之遷邑,❷傷王室 日 食、 Ш 沸、山 崩之變 孔 疏 無 刺 而 굸 政 幺 作

> 六月甲 則 非 月先 于房,瞽奏鼓。」』」凡 災,於是乎百官降物,君不舉辟移時,樂 雖 鼓,祝用幣,史用辭。 史曰:『在此月也,日 季平子曰:『止也。 各自有道。 有食之,於是有伐 率以百七十三日 日 依 也。 凡食皆災也。 月之食, 限 在 孔子曰: 戌朔,日有 而 裹 ()、依 食者少。』《魯昭 雖至 本 限 無 「聖人有 而 有奇 朔 常 彼平子、太史之説,皆起 鼓 食 食之,祝史請 相 時 唯正 是平子、太史之説皆 用 過分 者 逢,而 爲限。 故《夏書》:「辰 幣,其 多。 日 國,日月不 公十七年》: 月 而未 月 道有表裹。 朔 若月 而日 交會之術 餘 慝 至,三辰 則 所 先 未 月行 否 在 作 用 食。 」 不 夏 太 集 奏 有 日 大

^{) 「}父」,原作「天」,據四庫本改。) 「競」,原作「兢」,據四庫本及阮刻本《毛詩正義》改。

用

Ш

頂

國,猶 之,則 則國 之甚 何若 不行於四國,故 唯不用賢良,而用小人,故四國無政。 食猶爲常,而非甚醜也。 月食則維其常者,較之日食災甚,則以月 感災見,日月不行其所常行而有異。 有算所不及。 於曆家之好諛其君者,隨事旋爲之説,以 食,則光微。月,臣道。日,君道。 事之人。 失 康成不善屬文,故云。今之人,謂今 也。」鄭箋謂「崒、崔嵬」、未安、文勢不 曰冢。」朱曰:「令,善也。 是之不臧也。 言四 君道大失。天、地、人同此 其 (政,民 方。 哀以告曰: 行 至 孔,甚也。 王者統四方,小人在上 失其 四 精於曆,亦謂闕於君 國皆無政。 毛傳曰:「震,雷也。 所,故云亦孔之哀。 「胡爲深憯而 日食,君失其道, 醜,惡也 崒者,崩陷 臧,善也。 日有 氣, 又曰 不 日 一, 政 德, 四 办 氣 食 月 0 子以内史爲左右手。

之失。 懲也?」《爾雅》釋「憯」曰「曾」, 膳夫、趣馬親近,内史職掌尤要切,古者天 尊矣,而居趣馬之次,則以權寵敘 之,仲允、棸子、蹶、楀 孔疏謂「有不次者,便文取韻也」,其説未 盛肆,不由官常,此章惟以權寵次第爲序。 而次司徒之下者,權居其 方處,言方處未變徙也。」家伯 豔妻煽方處,故曰煽,言勢盛若火之煽然。 生,以用七子,故七子所以 番、棸、蹶、楀,皆氏。」王氏曰:「變異所 豔。」鄭箋云:「皇父、家伯、仲允,❶皆字。 爲深允。皇父權寵 毛 傳 曰:「豔 最 妻, 又次之。 盛 ,番次之,家伯 (次也。 褎 見 姒。 寵 師 雖爲冢宰, 用 亂世 蓋《爾 事 可覩矣。 氏,其職 美 了則以 色曰 私意 雅》 次

伯 (仲) 原誤倒,據四庫本及阮刻本《毛詩正義》乙 Œ

朱 曰:

「卿士、六卿

上。」則: 列 皇父擇其 其 内,當二 孔 曰 有 髙 民 我 之外, 於向,不先就我謀,遂徹我牆 父豈曰我所爲不是乎。時,是也。 或有之,然權 與與 國 (中,杜 居以 疏 所遷役,有所 者卒萊。 '以遷於向'以有車馬之故。 一詩 也。 日 也。 更 向 廣宫室,致我不獲治田,下者卒汙 卿。 人 爲 毛傳曰 在 預 「《左傳》 國之三卿, 因其 今鄉俗亦云:「不愁我留一家, 都 乃曰 東都之畿内也。」皇父封 今立有三事,是增一 官 初 自聖,而 不 在 :「亶,信 治闢,禮 予不戕敗女,王建都邑, 以 泂 桓 總六官之事。」 内 王 信維貪 職。 與 軹 譏之曰 鄭 縣 抑,猶 也。 則然矣。 十 二 淫 西 屋以遷,或 或作我 侯,維 多藏之人。 有 孔 又 邑, 卿, 地 朱 聖 胡爲 也 王氏 於畿 名 向 也。 以 也。」 以 説 比 向 在 闢 役 作 皇 容

非一 之只也。 噂噂、沓沓,憎惡重 之,不恤人心之不樂也。 謹敬 音同 自天,皆人所爲也。」民不敢面 且見讒,敢告勞乎? 徙居於向, 故取以爲三事。 云:「憖,且也。」蓋老者族盛,多藏 俾守 言》云:「慭,傷也。 又曰:「兩軍之士皆未憖 秋傳》曰:「昊天不 職」同。 人,故有競致 也。 丽 衛 意 我 毛傳曰:「痗,病 只由 異歟? 王 以 4 曰 富 小 宛 説 人,競致 其 無留者,又擇有車馬 然 也 《説 之狀。 邑。 複深切 愁。」 一 日 楚潁、 鄉 此下民之災孽,匪 談, 文》曰: 皇父勢力足 亦 之間 或时 此 也。 也 蘇 凡 無 甘 災孽 謂 日: 7 經 毫 也。」《 與 日憖。」其 憖 羨,餘 憎 職, 傷也。」《方 髮 典 也。 爾 而 差。 語 無 一, 問 猶 背憎 廣 助之 也。 群 俗 罪 以 傳 韻 厚 也 小 降 徙 語 猶 春

幽王惑

褒姒,

而

以

爲后

」,衛宏作《序》亦

幽王之時,天下 方 猶 有 病 굸。 魯詩》之所以終於不行,亦以有此類歟? 獨鄭箋依《魯詩》,殊爲好異,今不從。

王

不去也。」《前漢》谷永云「昔襃姒用國,宗 之臣,不能自已。]陳氏曰:「不然,則不應 敢傚我友不憂國而自逸。 不敢休暇,今天命既閉塞不通徹,我終不 以爲意,不懷深憂,故亦可以言逸。 寬餘,我獨居憂。民雖病,而愚者、疏者 氏曰:「徹,通 我所居里則又甚 也。 病矣。」●四 毛傳曰:「親屬 我獨 不

食,于何不臧。]又曰:『豔妻扇方處。』言 周以喪。 魯詩《小雅・十月之交》篇曰: 『此日而 閻妻驕扇,日以不臧」,注云:

震。 異。」然《周語》言幽王二年,西周三川皆 厲王無道,内寵熾盛,政化失理,故致災 《史記》亦云,與此詩「百 川 沸 騰 符

此詩合。《史記》言幽王嬖褒姒,毛傳亦曰 《周語》又云「幽王時,岐山 崩」,又與

> 臧,覆出爲惡。 莫肯夙夜。 辜。若此無罪,淪胥以 浩浩昊天,不駿其德。 行邁,則靡所臻。 止戾。正大夫離居,莫知我勩。 旻天疾威,❷弗 邦君諸侯,莫肯朝夕。 如 慮弗圖。 凡百君子,各敬爾身。 何昊天,辟言不信。 降喪饑饉,斬 痡。 含彼 周宗既 有 三事大夫, 罪,既 減,靡 伐 庶 四 伏 如 國。 胡 式 彼 所 其

曾我暬御,憯憯日 出 聽言則答,譖言則 不相畏? ,維躬是瘁。 不畏于天。戎成不退,飢成不遂。 哿矣能言,巧言如流,俾躬 淬。 退。 凡百君子,莫肯用訊。 哀哉不能言,匪 舌是

⁰ 「甚」,原作「其」,據四庫本改。

旻」,原作「昊」,據四庫本及阮刻本《毛詩正

休。 昔爾出居,誰從作爾室? 都, 日予未有室家。 于天子。亦云可使,怨及朋 維 日 于 仕 孔 棘 鼠思泣血,無言不疾。 且殆 友。 굸 不 謂爾遷于王 可 '使,得 罪

是出,維躬是瘁。』」
云:『出,又音吹,去聲。故《詩》曰:匪舌云:『出,又音吹,去聲。故《説文繫傳》
編,音鋪。《韓詩》作「痡」,《毛詩》作「鋪」。

風 也。 王之詩、先儒拘於刺、故不敢言平王。 弁》、《巧言》、《巷伯》、《四月》等篇,宛然幽 交》或以爲厲王,奚可遽信? 既滅」,又曰「謂爾遷于王都」,則平王時 同,或得或失。 幽王詩,未安,蓋拘於刺也。 歷考諸本,斯本爲善,而韓、毛之《序》咸謂 清人》不可以其次,●豈諸儒未之 先儒作《序》,不可盡信。《序》意異 《關雎》或以爲刺、《十月之 是詩曰「周宗 厥後《小 《鄭 事

> 國。 既降喪亂之禍,又降饑饉之禍,以 謬,不可盡信。駿,善也。謂天不善其德 《爾雅》曰:「春爲蒼天,夏爲昊天,秋爲旻 敷 ? 天,冬爲上天。」爲義未安。 皓歟? 天有日、月、星、辰、雲漢之文,故 情。 浩,廣大無際也。 曰昊天歟? 蒼天言其色,上天言其高 之世,陰陽乖戾,雨則淫雨,晴則久旱。浩 因首章脱簡,妄鑿斯説,殊爲不可。 序》又曰:「雨,自上下者也。 衆多如雨 知 ? 而非所以 以《序》病《詩》,以末病本,不可。《毛 困窮怨天,人之常言,而心實不敢怨 昊字日在天上,光明皓白,明白而 蓋雷 爲政也。」考本詩何嘗有 同 不 察, 昊天,其以 忽焉 昏 忘 《爾雅》多差 浩浩爲音 乃 人之常 斬伐四 此 衰亂 意 ? 皓

● 「鄭風清人」,原作「鄭人清風」,據四庫本改。

大難 至也。 王 我勩 宜其莫肯夙夜勤勞。 夫,則兼言中、下大夫矣。 事、宅乃牧、宅乃準之三事。此言三事大 大臣苟且怠惰,莫肯夙夜,孜孜三事,宅乃 國亂蕩析,群臣 及無 也。 其禍 殺幽 更其辭 慮 故 無罪無辜之人,乃又俱淪胥以痡。 弗圖 曰「不畏于天」,則不怨天之實著矣。 又 辜。 宜 宜 勞。 王驪山 而三事大夫如故,則知其不能! 痛,病也。淪,沈没也。 ,是謂「既伏其辜」。 謀。 正大夫,上大夫也,即 ,呼旻天而怨之,曰急疾其威,弗思 即 周宗 詩人,忠勤之臣 朝 既棄彼有罪。 下,虜襃姒。● 覲 既滅,蕩然無 有朝 離居,所居遠於朝,故莫知 邦君諸侯,當王 朝 夕 也。 辜,罪也。 王辱臣死,今幽 舍,棄也。 朝之禮。 往往群小并罹 卿也。 所止戾。 怨天降饑饉 平 王 一新立, 君死, 死節 今乃 一國之 若 殆 戾, 相 此 謂

> 不相 乎 ? 此 ? 善矣。 胡 岸 天不 也。 子」,非君子也,姑 是勉凡百君子,各敬爾身。 既極,庶曰今式 莫肯朝夕,不匡 如何昊天,不伸正法。 反乘亂侵周,如鄭取温麥、取成周禾之類。 敢 言,助 不 臻,至也。 降禍以法治之。 畏也,不畏王 不肯夙夜,不肯朝 不畏於天乎? 乃反出爲惡。 相畏? 也。 言蕩然無所 八臧矣。 胡敢不畏天? 輔王室。 法辟 日 一朝也。 君子也。 不 畏 覆,反也。 不伸,言亂者肆 如彼 臧,善也 伸,信也。 夕,覆出 幽 天之福 所謂 「凡 胡爲不相 (止極。 行邁, 王既殂 果君子也, 莫肯夙夜 一,意謂 往往 爲惡 詩 靡 善 辟,法 百君 畏 人於 所 禍 禍 諸 今將 至 淫 如 侯 變

「妫」二,是说一「吾」子。「虜」,原作「掠」,據四庫本改。

0

助」上,疑脱一「語」字。

六〇

已,不復更恤他人。 如 言,則可矣。哿,可也。至於小人之巧言 我躬憂悴,故不得已有言。 欲言也。今兹有言,非但事口舌而 子,不肯若是也。哀哉,我本不能言者,不 其 謀。 急且危殆。 侍衛之人,猶慘慘日饑瘁,而 喪亂饑饉如此,凡百君子,又莫肯訊問 暬,親狎也。《説文》云:「狎,習也。」親狎 畏。兵戎成而不退,其謂申侯、西夷、犬戎 成不遂者,降喪饑饉,無食以遂人之欲也。 勢益張,平王度不可支,故謀東遷歟? 立之王也。 是不畏新立之王 水流瀰瀰無窮,惟欲俾躬自取於休美而 、有譖言,則當退之,無答。 聽人之言,則當有 孔,甚也。 至於反出爲惡,尤其無 也。 維 莫肯朝夕,是不 棘,急也。 日 以答之,無拒 仕宦 於是又曰 奈何凡百 況於他乎? 一,而 然則豈 國 己。 事甚 所 畏 絶。 能 維 君 :詢 饑 忌 新

> 泣血。 無邪也,故孔子取焉。● 王東遷,雖未能 自爲之也。詩人蓋輔平王 去朝,出居於外,又誰從作爾室耶? 洛邑新邑,百官居室未備。 者,曰爾遷王都乎? 乃曰予未有室家,如 久衰亂,無人材可 天子聽其言, 斯人不可使,則 亦云可使,則朋友將怨我罪我之違道。 可 一言而不疾痛者。詩人於是析之,曰昔爾 任 非 甚小甚陋,勢不可已,故憂泣無 其人。 加 是詩句 復興王道 得罪 使斯人。若順旨而從之, 使,謂稍 任 於天子。 !使多 ,而是詩大體 非 東遷者 思慮如鼠 稍可共輔王室 其 朝多小人, 人 ,若有日 也。 戀穴 亦 世 則 平 有 爾

慈湖詩傳卷十二

0 子」,原脱,據四庫本補。

慈湖詩傳卷十三

宋慈溪楊 簡敬仲撰

潝潝訿訿,亦孔之哀。 謀臧不從,不臧覆用。 旻天疾威,敷于下土。 謀之其臧,則具是違。 謀猶回遹,何日斯沮 我視謀猶,亦孔之邛。

發言盈庭,誰敢執其咎? 我龜既厭,不我告猶。 謀之不臧,則具是依。 謀夫孔多、是用不集。 我視謀猶,伊于胡底。 如匪 行邁謀,是用

是經。 道 謀,是用不潰于成。 維邇言是聽,維邇言是争。 或 [雖靡止,或聖或 如彼築室

慈湖詩傳卷十三

小雅三

否。 人知其一,莫知其他。 泉流,無淪胥以 民雖 靡膴,或哲或謀,或肅 敗。 不敢暴虎,不敢 **戰戰兢兢**,如臨 **滅艾。** 深淵 馮 如彼 河。

如履薄冰。

深履薄,懼之甚也。」此説似勝,不必更加委曲。」 皆知虎不可暴,河不可馮,而不知小人之不可不畏。 知聖智所及,當大有爲,亦無所懾。 無慢易忽略,❷而亦戰戰兢兢。」鑰論曰:「范氏曰: 庸近柔懦之士所執常論,❶然而人知其一,莫知其他,不 按:此篇《永樂大典》缺卷。 據樓鑰集載所解云: 但聖智雖不懾,亦 「此固 人 臨

小

雅

Ξ

中原有菽,庶民采之。 彼昏不知,壹醉 明發不寐,有懷二人。 宛彼鳴鳩,翰飛戾天。 日富。 人之齊聖,飲酒温克。 我心憂傷,念昔先人。 各敬爾儀,天命不又。 螟蛉有子,蜾蠃負之。

論」,原作「渝」,據樓鑰《攻媿集》改

、原作「漫」、據四庫本與樓鑰《攻媿集》改

如履薄冰 集 宜獄 生。 我 教 于木。 日 誨 斯邁 交交桑扈,率場 爾 子 握粟出 惴惴 式 丽 穀 月 ١, 小 似之。 斯 心, 征 自 啄 如臨于谷。 何 題 粟。 能 夙 彼 穀。 興 脊 哀我填寡,宜 夜 令, (寐,無 温 戰 温 載 戦 恭 飛 忝 院兢兢 人,如 載 爾 鳴 岸 所

言倍也。』《史記正義》『負命毀俗』、『庶士 音》:「《禮記》『天子負斧依』,●注:『依 音,或《易林》 切 毛傳曰:「宛,小貌。」陸氏《草木疏》曰: 負禄』皆讀如倍。」填、《韓詩》作「疹」,音 重 富,《補音》所 鳴 ,唯曰叶韻,別無 職 鳩 岸、韓詩》作「犴」、《毛詩》作「岸」。❷ ,樂且日富」,而遂音偪。 斑 鳩 也。 引唯《易林 字訛,不可 毛 傳曰 證,未安。 ・坤之萃》「 知 鳴 也。 下文又夷 富或有二 鳩 鶻 負,《 福 鵬。 補 之 益 優

> 鳩, 鶻 項 鳥》云 小 鳩,一名鶻鵃,今之斑 如布穀,音渾濁。 巢》之鳩,亦名鴝鵒,其聲鵠鵃。 之婆餅焦,形小如雀,青黑色,多聲,若《鵲 也。」斑鳩 多聲。」按舊説 杜 羽。』郭云:『似 斑,一 鵬亦 注 應「宛彼」及「翰飛」之義,則 一名鳴 止 鶌 種 『鶻 稍大聲。 而 鳩 并 鳩。《月令》云:「鳴 鳴。 羽皆斑。 鳩 鶻 及《 Ш 鵃」, 惟 鶻 斑 廣 「鷓鳩,鶻鶻」者,俗 鵲 鴝 鳩 鵰 雅》皆云 而 疏 鵒 也。」 有 鳩。」孫 曰 小,短尾,青黑色, 多 種 皆 飛 種**,** 舍 =斑 而 此 止 炎 人 春 斑鳩之音 鳴,又身 鳩 티 : 秋 詩 耐 曰 鳩 種 □:『鶻 鳴鳩 左 殆 拂 惟 鳴 傳 頸 非 其 鶌

0

戾,至也。」蘇

日:[]

翰,

羽

也。」《爾

雅

釋

[「]禮」,原作「補」,據四庫本改。

岸」四字,據四庫本删。
❷ 「岸」,原作「犴」,據四庫本改。又,其下原衍「毛詩

昺釋日 地 蠮螉也。 毛傳同, 鸁 原,原中也。菽,藿,螟蛉,桑蟲 故曰「不又」,欲其知懼也。 臣俱荒醉,故言各。 不止,故詩人戒之曰:「各敬爾儀。」以君 爲酒所困。 勝也。」齊聖飲酒温 將旦而天發明也。毛傳曰:「齊,正,克, 王、武王歟? 憂傷懷念,不寐至於明發, 昔先人,謂先王,即下文「有懷二人」,其文 鳴 謂 之性 ?,蒲盧· 鳩 鴝 ,其翰飛尚能戾天,豈王者而 鵒 詩人之心憂傷,傷時王之荒怠,故念 細 也。 也。 郭璞云:「蒲盧 √ 説 俗謂螟蛉爲桑蟃,亦曰娀女。」邢 腰 彼昏昏不知壹醉,則日益甚 純 純 餘釋 負,持也。」《爾 文》云:『細腰 雄 見《鵲巢》。 無子。』陸 天命一去,將不復至, 和,不肆縱,能勝酒,不 即即 雅 細 強云: 毛傳曰:「中 土 夫以 腰蠭,俗呼 蠭 也。 也。 反不 宛 「螟 蟲 然 》與 蜾 蛉 天 而 如 之

> 蒲盧,言將得而子也。 善也。」今有教誨女之萬民用善道者,亦似 蜾蠃得以負而去。」鄭箋云:「式,用;穀, 母,故民有子喻。 惟其葉則非所愛,故庶民皆得采之。此喻 言藿也。」蓋以菽實有主,庶民不得 菽飲水」。葉謂之藿、《公食禮》云:「**鉶** 之。」孔疏曰:「菽、大豆、故《禮記》稱 小。 天命無常,有德者皆可得之。 羹,牛用藿。』此經、傳、箋明采取其葉,故 化爲其子。]揚子《法言》云:『螟蛉之子殪 而小腰。取桑蟲,負之於木空中,七 而逢蜾蠃,祝之曰:「類我,類我。」久則肖 者,桑土小 或在草萊上。● 青蟲 也。 王肅亦云:「螟蛉有子, 蜾蠃, 似步屈,其色青 天命之去就,率因 土蟲 王作民父 也 而采。 日 似 而 「啜 丽 蠭 細

❶ 「萊」,原作「菜」,據阮刻本《爾雅注疏》改。

所生。 乎陷於岸獄也。 場啄粟,可 言遭誣陷而 虞之不殺,竊脂之不穀。」交交,謂交錯 門《古史序》云:「聖人之不爲不善,如 子》曰:「馬不食脂,●桑扈不食粟。」蘇 訛而爲「題」。 母」,故古語多以民爲子。題,本「題」字, 民 雖 民 飛行歟?❷ 名竊脂,食肉之鳥也。 當日邁月征,早興遲寐,勤勞政治,無忝 題,視也。」脊令既飛且鳴,勤動不止,我 ,嘴曲,喜盜脂膏食之,因以名。《淮 心從彼戴彼矣。 有民,若不能 心之去就,故又取 蓋以時王昏醉,而主諷諫也。 謂 率,循也。 無告者,桑扈食肉,而謂 是 題,視也,故毛傳、鄭箋云: 自撫,則彼有德能撫之者 非 《釋文》云:『鄉亭之繫曰 顛 《書》曰「元后作民父 心螟蛉、 倒 郭璞云:「俗 矣。 樓尚書云:「此 蜾 惟其填寡、 嬴之喻, , 明 呼青 桑扈 其 率 黄 ·薢 我 丽 騶 南

> 淺。 藍。 其前又别有兩句云「桑扈、竊脂。 既不屬,亦覺其言泮涣。 耶?」鑰論云:「此章言貴賤皆同,前輩大率如此説。 獄也。」又云:「民勞苦,握粟出卜問,何自 用乏,而況於疹病、孤寡、貧弱之徒,●宜其尤甚于人犴 犴, 自 事甚易見,試 云:「鳥今不得食而率場啄粟,喻食肉富貴者,今猶失所 桑扈,彼何嘗能食穀乎?」按:樓鑰集引此 有兩義,非名竊脂也。 注"「竊藍,每青色。」然其云竊脂,謂其色淺白也 冬鳸,竊黄。 朝 廷曰 獄。』《説文》作『宜犴宜 桑嶌,竊脂。 握 粟 「桑扈、竊脂」、《爾雅 以 其曰 「夏廌、竊玄。 卜之,❸謂握 棘寫,竊丹」者,竊皆訓 鴻 鷯,剖葦』,注云 獄。 能 粟 秋鳸,竊 Ш 釋鳥 以 榖 試 此 意 善

0

0

集》改

[「]飛」,原作「魚」,據四庫本改。「馬」,原作「鳥」,據四庫本改。

[「]握」字同。 「握」,原作「掘」,據四庫本與樓鑰《攻媿集》改。「飛」,原作「並」,據四庫本改。

^{)「}藍」,原作「脂」,據阮刻本《爾雅注疏》及樓鑰《攻媿)「況」,原作「觀」,據樓鑰《攻媿集》改。

懼 谷。 序》謂是詩刺幽王也,鄭云刺厲王。 不敢 多孤 當時從樓説删定。 能察。若以爲卜筮之卜,則益差矣。」今本與所引小異 彼何當能 獄也。 其率場啄粟,可謂是非顛倒矣。 不善,如翳虞之不殺,竊脂之不穀。」《小宛》正謂此竊脂 「食肉,好盜脂膏。」蘇黄門《古史序》有云:「聖人之不爲 戒如此,則必不荒飲亂 谷,深者也。 放肆,惟恐墮失。 立寡特。 此事甚易見,試 食穀乎? 此章蓋言遭誣陷而無告者,桑扈食肉,而謂 思古温温恭人,如集于木, 簡謂填,長也。 言是非在目前,分明如此,而上不 戰戰兢兢,如 握粟以卜之,謂握粟以試桑扈, 惴惴· 惟其填寡,宜乎陷於岸 政矣。 小心,如臨于 正真之士, 履薄冰,恐 《毛詩

假 踧 何辜于天,我罪 弁彼鸒斯,歸飛提提。 寐 踧 周道 永 嘆 涂維 ,鞠爲茂草。 憂用 :伊何。 老。 心之憂矣, 疢如疾首 我心憂傷,怒焉 心之憂矣,云如之何。 民莫不穀,我獨)于罹 如 擣

> 淠淠。 君子無易由言,耳屬于垣。 君子不惠,不舒究之。伐木掎矣,析薪杝矣。 舍彼有罪,予之佗矣。 莫高匪 死人,尚或墐之。君子秉心,惟其忍之。 矣,寧莫之知? 相彼投兔,尚或先之。行有 遑假寐。 在 ? 不屬 之憂矣,涕既隕之。君子信讒,如或醻之。 尚求其雌。 維桑與梓,必恭敬止。 于毛,不離 菀彼柳斯,鳴蜩嘒嘒。 譬彼舟流,不 鹿斯之奔,維足伎伎。 譬彼壞木,疾用無枝。 于裏。 知所届。心之憂矣,不 靡瞻 天之生 匪父,靡 無逝 有灌者淵, 萑 Ш ,莫浚匪 一我,我 雉之朝雊, 我梁,無發 心之憂 依 匪 辰 安

擣、《補音》:「當口切。」今言傾倒之倒,●踧、徒歷反者非,當子六反。怒,乃歷反。

我符。

我躬不閲,遑恤我後。

下「倒」,原在「遺音也」下,據四庫本乙正。

先。』韓愈《祭兄文》:『柰何於今,又棄而 魂》:『鄭衛妖玩來雜陳,激楚之結 禮切」,未安,失母矣。先,蘇薦反,《補 音》:「思晉切,先後也。《楚辭 《天問》「在」與『子」叶,又「在」與『趾」、 之頤》「在」與「喜」叶、《晉之蹇》「在」與 在、《補音》:「《易林・坤之訟》 「在」與 以縫表,又以縫裏。」辭或擬此。屬,音燭。 切。」荀卿賦:「簪以爲父,管以爲母。 音》「漿理切」,未安。《補音》:「母,滿罪 『死」、『止』叶。」❷然則音薺,而《補音》「此 『起』叶,●《鼎之睽》「在」與「禮」叶,《大過 詩》「梓」與「紀」叶,然則宜即理切,而《補 猶 「紀』叶。《楚辭・離騷》『在』與『理』叶, 衡《南都賦》「梓」與「里」叶,潘尼《贈 鏃蔽日兮敵若雲,矢交墜兮士争先。』《招 謂之斗,古之遺音也。 梓、《補音》引張 九歌》: 獨 陸 既 秀 機

> 佗,音他。 人切,去則思晉切。墐,音覲。予,音與。 先。生不偕居,疾藥不親。」」古先平則斯

0

0

葉山房石印《百子全書》本《焦氏易林》改。「訟」,原作「兑」,據四庫本及文淵閣《四庫全書》本、掃

[「]小」,原脱,據四庫本補。「止」,原作「子」,據四庫本改。

葉山房石印《百子全書》本《孔叢子》改。「不」,原作「而」,據四庫本及文淵閣《四庫全書》本、場

武 子放逐所由之道,見荒蕪而益感傷也。 子之情也。● 之過大而不怨,是愈疏也。」而《毛詩序》曰 怨,親親也。《小弁》,親之過大者也。 也。 也。 遭放逐也?」心之憂矣,云如之何,云,言 「太子之傅作焉」,審如《序》云,則傅述太 養,不得如鷽之反哺歟? 得所,傷己見放逐而不得歸。又不 語云:「平善安樂。」于,語助。罹,罹憂禍 白者亦反哺。」暮而 宜咎,將殺之。」簡博詢野人云:「烏 楚烏。毛傳曰:「幽 得甚莫」,即如何。孟子曰:「《小弁》之 謂之踧,❷足相次也,亦猶叔次伯之義 不敢言父母之過。今俗云「説甚莫」、 呼天曰:「我何辜乎? 又説襃姒,生子伯服,立以爲后,而 踧踧周道,鞠爲茂草,蓋 群歸,不勝其多。 王取申女,生太子宜 穀,善也。 我罪爲何,而 獲侍 今俗 羨 頸 親 太 鸒 腹 放

> 寧,如有疾也。朱曰:「桑梓,以遺子孫 苦,往來稀寡,故鞠爲茂草。 故復作浮熱。 老。」 疾者,病時作熱。 非真寐。假寐之中,忽焉長嘆。 衣之狀。假寐者,閉目休視,聊以寧神,實 言》甚詳惄有不伸之義。 稠 也。 不植焉。 商旅出於其途者多,人物蕃庶,道途 而爲「鞫」歟? 憂之之深,未老而老也。」劉曰:「因憂驟 食、具器用者也。」毛傳曰:「父母之所 密如接武 周之盛時,德政所及,諸侯朝覲者多, 今上無德政,諸侯 而行踧 心火上炎攻頭,故首亦不 **惄者,憂鬱不伸之意。《方** 踧然,故道 憂甚者心火失所, 憂之甚,有如 鞠,養也。 不朝,民 途蕩蕩,草 王氏曰: 往來, 罹 訛 給 擣 憂

傅」,原作「傳」,據四庫本改。

蠶

接」,原作「按」,據四庫本改

一六八

也。」 生萑葦。言大者之旁,無所不容。届,至 毛傳 物」。」然今俗以人生之歲月日辰推吉凶 星,二十八宿也。辰,十二辰也。是爲六 四 之吉凶 言瞻。 十八宿。 有所謂五星及餘星,亦多驗,又不 歲星之神,左行於地,十二歲而 時、日、月、星、辰是謂也。」」服虔以爲「歲, 侯謂伯瑕 情苦。毛傳曰:「辰,時也。」鄭箋謂六物 無瞻 屬於毛,内不屬於裏,而 樹 [時也。 , 己尚不敢不 箋云: 티: 而 母親,言依。 不在父,無依而 日,謂十日 曰我辰安在,而罹凶至是 孔 曰:「何謂 蜩 「柳木茂盛則 疏 蟬 曰:「昭七年《左傳》:『晉 ·恭敬。 也。 也。 六物?」對曰: 離 漼 麗 不在母 深 況父母之身乎? 無所容身,言放逐 多 月,十二月也 也。 蟬 貌 ,淵深而 也。父尊, 譬之外不 淠淠,衆 週。 ·止於二 「歲、 乎? 時, 旁

之,成其墐者。 耶 ? 樂也。 Щ 得逃避。」劉曰:「人哀其窮,及驅者未至, 而投人,人宜利 云:「行,道也。」道中 知之? 獨,如彼無枝之壞木。 之朝雊,尚求其雌,而我獨不得有室家之 《釋木》云「瘣木,苻婁」,某氏曰: 立少休,而 内疾瘣磊,故疾 云: 『譬如瘣木,疾用無枝。』」苻婁 舟之流行,無制之者,不知終所至也。」孔 也 疏曰:「斯,辭也。」箋云:「雊,雉 先存之。」毛 詩情 言今太子不爲王 壞木内疾,外枝枯 幽王當亦知之,知之則何不見 在 我放逐 此 傳 君子,謂幽王也。 而取 也。 用無枝。 E. 在途,不得少休 之也。 王氏 所容 有 我心憂如此,寧 墐,路冢 死 落,傷己放逐 曰:「兔見迫 鹿之奔,猶或 而 人,尚 乃或先之,使 見放 小也。 逐,狀 王之執 有 也。」箋 鳴 $\overline{\wedge}$ 7匡偃 覆 也。 掩 逐 念 無 單 雉 伎 加

,匪泉乎?

人亦得而入之。今此怨辭,

改從倚義。毛傳曰「析薪者,必隨其理」,之。我父子至親,而王忍之。隕,隊也。之。惠,愛也。」孔疏:「言幽王信褒姒之之。惠,愛也。」孔疏:「言幽王信褒姒之之。惠,愛也。」孔疏:「言幽王信褒姒之之。那愛也。」孔疏:「言幽王信褒姒之之。那愛也。」孔疏:「言幽王信褒姒之之。我父子至親,而王忍之。隕,隊也。以從倚義。毛傳曰「析薪者,必隨其理」,

外人雖不得而知,懼其終知也。亦猶山雖 高,人終得而登之。泉雖深,人終得入之。 高,人終得而登之。泉雖深,人終得入之。 高,人終得而登之。泉雖深,人終得入之。 屬垣也,謂室中之言,他日無人不知之,● 屬垣也,謂室中之言,他日無人不知之,● 屬類也。王氏曰:「『無逝我梁,●無 敬取此喻也。王氏曰:「『無逝我梁,●無 於我笱』者,太子放逐,而其憂終不忘國。 『我躬不閱,遑恤我後』者,無如之何,自決 之辭。」

❶「無人」,四庫本作「人無」。 慎無辜。亂之初生,僭始既涵。亂之又生,慎無辜。亂之初生,僭始既涵。亂之又生,無。❸ 昊天已威,予慎無罪。昊天泰幠,予 亦非。

《廣韻》曰:「杝,離也。」《釋文》:

勅氏

反。」離析母子,如薪杝

而析之矣。

悠悠昊天, 曰父母

真。

無

罪

無

辜 •

亂

如

此

孔疏曰:「佗,謂他人也。」言「舍有罪」以

上,皆怨之之辭也。

既有怨言,又懼轉而

莫深

曰莫高者,匪山乎? 人得而登之。

上聞於王,將重獲罪,故卒章有恐懼之意。

❷ 「逝」,原作「遊」,據四庫本改。

信 讒 君 子 如 怒, 亂 庶 遄 沮 君 子 加

祉 子 庶 遄 己。 君子 屢 盟,亂 是 用 長。 君

信盜,亂 是 用暴。 盜言孔甘,亂 是用 餤 匪

其 止 一共,維 王 之邓。 奕奕寢 廟 君子 作

躍躍 秩秩 大猷 毚兔,遇犬獲之。 ,聖人莫之。 他人有 荏染柔木,君子樹之。 心,予忖度之。

往 來 行 言,心焉數之。 蛇蛇 1碩言 出自 口 矣。

如簧,顔之厚矣。 彼何 人斯 ,居河之麋。

無 勇,職爲亂階。 既 微 且 尰 爾 勇

何? 爲猶將多,爾居徒 幾何

補

音》:「威、

畏同。

天 威,

棐

忱

今

作

書》作 ·畏』。《禮記》引《書》『德威惟畏』,今《尚 畏。」泰,●本作「大」。 長,直張 反。

(補音 ·殺鮮放度,周公爲盟。 「盟,謨郎 切。 《史記· 大任十子,周以宗 敘傳

林 强 。」又曰:『不 解 之益》: 『黄 背何盟 池要盟 , 桓 一, 越 公以 國 昌。』《易 以

> 《補音》:「 淑兮,窮與達其 强』叶。」餤,音談,蓋「惔」字之訛。 恒 之蠱 \succeq 班 盟 固《幽 與 (必濟。 『梁』叶 通 賦》: 『懿前哲之純 哀孤 觀 矇之眇眇兮 之泰》「盟」 與

七〇

將圮絶而罔階。」顏師 古曰:『濟,合韻子

齊切。』揚雄《冀 州牧箴》: 『六國奮矯,乃

絶其維。 牧臣司冀,敢告在階。』班 固《西

與『隈』叶。 都赋》「階」與「迷」叶。 皇甫謐《釋勸》『階』與『頹』叶。 曹植《應詔 詩》『階

潘尼《乘輿賦箴》「階」與「恢」叶。」階,居奚

切 ,簡疑音荄。

泰幠者,太大也。 我父母,我 且,語助。 慎,謹慎也。」呼 毛傳曰:「幠,大也。」歐 無 罪 幸,而 文 承 丽 E 訴,曰 使 降 我 濁[降 遭 悠悠昊天,爲 此 威之意 大 亂 也 也

泰一, 原作「秦」,據四 庫本改。 靖 熾。 益 即盜賊之行也。故徑言君子信盜,是以亂 於人,故屢盟。屢盟,適足以長亂。 怨而不露,故云。 政亂,言語不足以 功,而反及小人,故亂不已,詩情在是也。 反怒其賢,故亂不沮。 速止亂。 亦已亂。 施福祉,必當其功。 泛言君子。 怒則足以止亂。如喜,喜亦足以止亂。此 背未明,喜怒未著。 確信其讒矣。 初生,其始差失之意,既渾涵於其中,猶向 今人言語亦有如此者。❶ 暴。 共之德則無,而徒爲王窮極之禍耳。 邛 **餤者**,「煐」之訛歟? 盜言甚甘,深入王心,亂是以 遗,速也。君子一怒一喜,庶乎 今也雖有所怒,以怒不當罪,而 君子怒當其罪,故沮亂。 此君子謂王。凡君子如怒, 賢能進而 及亂之又生,則 雖有所祉 小人爲亂如此, 僭,差也。 小人退,故 ,祉不當 讒 亂之 取信 喜則 君子 쌿

> 樹立。 者蛇蛇舒徐,必爲大言。 情狀,❷覬王心勿聽,曰焉足數之也,彼讒 微致其巧,使人主不覺其譖 畏不敢與抗,如柔木荏染,王宜愛護,使得 賢者居衰亂之朝,爲群小所陵壓,賢者謹 毛傳曰:「毚兔,狡兔也。 心,予皆知之。知民心必離,四方必叛,彼 者,王之心、讒人之心、萬民之心、四方之 者,「窮」之音而字訛歟? 讒者如狡兔,亦將遇犬而獲之,禍且至矣。 者,明今無之也。「他人有心,予忖度之」 子作之」,言此者,有懼其 「秩秩大猷,聖人莫之」,莫,廣大也。 讒者之讒譖賢者,必於往來行言, 碩,大也。大言 在染,柔意也。」 「奕奕寢 (將爲 ,故詩人言其 墟之意。 (廟,君 言此

[「]有」,原脱,據四庫本補。

[「]狀」,原作「然」,據四庫本改。

無

實也

,其

巧

口

湄。」蘇曰:「時有是人也。」拳者,有威力, 人。』《釋水》云:按:原本三字脱。 「水草交爲 厚矣,●詩人又啓王以察奸之狀。 何人者,斥讒 人也。 賤 而惡之,故 箋 日 何

於王

,何得言刺?

可 意 俗曰權柄,曰權勢,蓋古者以「拳」字寓此 取之狀,曰既無權,又無勇,職足以 ,後世轉 崩 權 字。 此章又數讒言 爲亂 無

人爲所畏服之謂,即後世所謂攬權之意。

尰 階而已。 了,骭瘍1 爲微,腫足爲尰」,郭璞云: 職,猶只也。 《釋訓》云「既 「 骭 微且

有。 憎可笑之病。此疾賤者多有之,士大夫罕 脛 也。 戲侮之,曰既微且尰矣,縱爾有勇,亦 瘍,瘡也。」曰微、曰尰,又指其可

腳

何足

道?

爾之所謂謀猶,又將多耶

?

爾

所居徒衆幾何?

言無幾寡弱,歷數無

刺幽 道,獨王信之耳。《毛詩 王也。 可 大夫傷於讒,故作是詩。]大夫 侮之狀。 序》曰 蓋 無 非 言 「《巧言》, 其 不 足

七二

門 ? 爾還 何人 爲此 彼何 其聲,不見其 今,云不 壹者之來,俾我祗也。 爾之亟行,遑脂 胡逝我梁,祇攪我心。 禍? 丽 斯,其爲 人斯,其 伊 入,我心易也。 我可。 誰 云從? 胡逝我梁,不入唁我? 身。 飄 爾車。 彼何人斯,胡逝我陳。我 風。 孔 不 維暴 製。 愧于人,不畏于天。 胡不自北,胡不自 爾之安行,亦不遑舍。 還而 伯氏吹壎,仲氏吹篪 壹者之來,云何 之云。 胡 逝 不入,否難知也 我梁,不入 二人從行 始者不 其 南。 ", 盱 聞 我 彼 加

[「]色」,原作「色色」,據四庫本改。

序,毛氏作『屯戍』,韓氏作『屯舍』。」

朱曰:「彼何人斯,不欲斥其人而言也。」

爲鬼爲蜮,則不可得。有靦面目,視人罔極。及爾如貫,諒不我知。出此三物,以詛爾斯。

作此好歌,以極反側。

處。 司馬相如《上林賦》:『若此輩者,數千百 《七諫》:『哀形體之離解兮,神罔 固知謇謇之爲患兮,余忍而不能舍也。 《穀梁傳》皆作『荼」,❷音舒,自舒而孳。 九天以爲正兮,夫惟靈修之故也。」東方朔 又有傷遇切一音、《史記》:『舍者,日月所 舍省聲。』《公羊傳》書『君舍』,●《左氏》、 『舒,从邑,舍聲。』又曰:『余,語之舒也, 舍、《補音》:「商居切,息也。《説文》: 惟椒蘭之不反兮,魂迷惑而不知路。』 嬉遊 舍者,舒氣也。」屈原《離騷》經:『余 往來,宮宿館舍。』《揚之水》詩 兩 丽 指 無

所謂暴者。」更當考。」詩人於暴情疏,非所怨 明畿内。』此説亦不定,鄭漁仲曾辨此,云:「周之畿内無 内諸侯。徧檢書傳,未聞畿外有暴國。今暴公爲卿士, 在河内温縣,是東都之畿内也。《春秋》爲公者,多是畿 知果暴公否。鄭氏以蘇、暴皆畿内國名,孔疏云:「蘇國 不言蘇,而《序》言之。 暴公者也。按:樓鑰云:「此詩之《序》必有所傳,詩 而絶之。」詳觀是詩,非刺暴公也,刺其從 鄭箋云:「孔,甚,逝,之也。 暴公爲卿士,而譖蘇公焉,故蘇公作是詩 也明矣。」《毛詩序》曰:「蘇公刺暴公也。 夫以從暴公而不入我門則云云,以構我禍 其心有故矣。 也。」孔疏曰:「其心孔艱,甚難知也。」朱 曰:「逝我梁,則必過我門,然而不入者, 既而 一詩中只有「維暴之云」一句,不 詰其所從,則暴公也。 梁, 魚 梁

[「]茶」,原作「茶」,據四庫本改。「君舍」,原誤倒,據四庫本乙正。

理 小 也 甚 公。 云云。 魚梁,而 先發者也。時己遭譴 二人之中,必 謂彼何人斯者 非。 矣。 此 傳 同,必相唱 而 也 即即 入中 禍 厚,今則頓薄。 亦未 譖 云我非是也,云我不 也。 此詩 學者觀 二人相從 怨斯 己,是深可憾者,累章 此 心爲 漢 嘗 云不我可之謂也。《釋宫》云「堂 不 斯)史謂 既 有 人 入慰 和 人於我,始者不如今。 非 書 與己情本甚 奸 有 也。 刺暴 利, 而 鹵 語言蘇公刺暴公,及《序》始 衛 唁 此 行,其 莽,千載通 聞今謂 宏作《毛詩序》,益驗 我乎? 曰 人先 而 王所聽信,惟此二人。 公,則作者亦 誰 其 責 (,故曰 爲 一暴也,其 言未嘗 發譖 親,今乃 -合道 我不 我此禍,蓋言 -情狀 始斯 人 患,前屢指 我。 理 禍 可,可,猶 不依 也。 未 甚 與暴 二人 之爲 始於 胡逝 著 必 則所 傍 大 果 相 抵 是 其 和 īF. 我 我 我 蘇 宏 甚 毛 從

> 蓋以 舍止 行,有故則 況譖於王 北 ? 縱 侮也 而 之我魚梁,而 風,●喻其過門之疾也。 不入見我者乎? 見其身故也。 不見其身。 何人斯,胡爲近逝我陳,我既聞其音聲, 途 又遑脂 爾 謂 明 平 之陳」, 不 丽 胡不自我所居之南 ·時過 矣。 愧 徑過我 爾 丽 於人,不 亟 車 夫其 不見 加 門必 郭璞云: 不 行 譴 豈 門而 入我門以見我,祇攪我 追,暇 於我。 其 人見,今則累累不入見, 至 有近至於陳, 其特示 謂 畏 相親 身者,不來 不 爾 於 堂下 也 凡行有二,平則 安 愛者, 胡不自我所居之 ? 天乎? 相疏 行耶 於以 謂 至門徑 乃必 爾 ? 今乃至是。 外,特致 聞 見 驗斯人實 亟 其聲, 我,我 過我門 其 行 亦 也。 爲 不 耶 心 其 遑 安 飄 不 乃 彼 圃

❶ 「其爲」,原誤倒,據四庫本乙正。

情也。 者尺二寸。 平易。 作『塤』,古今字異爾。注云:『壎,六孔, 燒土爲之。」郭璞云:『大如鵝子,鋭上平 竹曰篪。」孔疏曰:「壎、《周禮 昨者壹來,徒使我極其敬而已矣,不敢通 辭,不順之辭。 此。 見於盱。倘爾還 中不安,故目睛亦不安而多動,其愧 動,故名。 瞳之子曰盱,或謂之揚。」蓋黸瞳之子每揚 云何其目視之盱定不動也。《方言》:「黸 尺四寸,圍三寸,一孔上出,横吹之。小 我,其心中有物,故發見於外者情狀若 小者如雞子,六孔。篪,以竹爲之,長 屢過 還而 祗者,敬之極。 我 然則盱者,目睛多 《廣雅》云八孔。」」我與爾如 不 門,不人見我。 人, 其心難知 而入見我,則我心漸釋 則否矣。 毛傳 矣,言其奸深。 否者,不然之 曰:「土曰 中閒嘗一 動 小師》職 也。 其 心 壎 來, 伯 小 而 形 萋兮斐兮,成是貝錦

譖

著。 得見。今汝則靦然於面 好歌,以究極斯人反覆傾側之狀 其瘡如疥。」」爲鬼爲蜮 中,投人影則殺之。或曰含沙,射人皮肌 射影,江淮水皆有之。人在岸上,影見水 淫女惑亂之氣所生也。]陸璣疏曰:『一名 足,生於南越。 疏云: 《洪範 以雞。蜮,短狐也。 爾之此事。」毛傳曰:「君以豕,臣以犬,民 實不譖,則當如豕、犬、雞之三物,以詛 之貫,情如 氏吹燻,仲氏吹篪,音聲相應和,貫串 今乃相譖,如不 視人罔極 兄 弟 謂 五行傳》云:『蜮如 南越婦人多淫,故地 伯 知我心者。 目 仲爾,豈 反側,不正直也。]孔 視 情 ,其體隱藏 深 目之間,情 無底也。 誠 孔疏 不 知 則 曰 : 我 鼈,三 多 狀 不可 也 如 蜮 其 盟 若 索

彼譖人者,亦已大甚。

七六

敬而 謀 ? 視彼 不信。 謀 ? 哆兮 于畝丘。寺人孟子,作爲此詩。 有 其女遷。 北。 :聽之。 驕人,矜此勞人。 侈 取彼譖人,投畀豺虎。 緝 捷捷 有北不受,投畀有昊。 兮, 緝 驕 翩 成 幡 人好好,勞人草草。 翩,謀欲譖 是 幡 「謀欲」 南 箕 潛言。 彼譖人者,誰 人。 彼 譖 豺虎不食,投畀 慎爾言也 人 楊園之道,猗 豈不爾受,既 者 蒼 凡百君子, 天蒼天, 誰 ,謂 適 適 與 爾 與

跡 翩 按"原本四句脱。 師 草兮根陳。 殺人。』陸機《大暮賦》: 補音》: 歌 ,忽即有 也 『魏其翩翩,好節慕聲。』《晉載記 『涼州鴟苕,寇賊消。 孫綽 而得玄。 翩 松柏兮鬱鬱,飛鳥兮翩翩。」 天 翩 幡、《補音》:「芬邅切,猶 台 紕苓切。● Ш 釋 賦 二名之同出,消 「庭 **「**泯 樹兮華落 鴟苕翩翩 漢 色空以 書 墓 》京 合 翩 愁 序

> 分愆切。❸ 民,蠢蠢黎番。 圖 根於夏葉,終三代而 窔兮,●電 憐。」蕃,分愆切。 雪落兮翻翻。 下翩翻。」魏文《寡婦賦》:「水凝兮成冰, 京賦》:「建戲車,樹 者,皆與「先」爲韻 蟠」,叶韻 樂以終日,等寂默於不言。』《説 無 引,孰能 於三 幡 揆 亦當作此讀。]案: 倏 揚雄《甘泉賦》:「雷鬱 而 按 忽於牆 處 傷薄命兮寡獨,内惆悵 率土克庭,萬國奉蕃。」藩 原 旃?」傅玄 本 張 修飾。 翻,芬邅切。 藩。 治始蕃。 衡《南 無 誤 鬼魅 仮僮 作 都賦》:「 詩 非 字以 無 不能 純德 文》作『蟠 一逞材,上 張 律 顒 番得 衡《 自 於巖 顒 之 固 兮自 恣 宏 逮 兆 西 罄 語

紕 水」,原作「小」,據四 原作「紪」,據四 庫本改。 庫 本改。

律」,原作「伊」,據四庫本改 分」,原作「兮」,據四 庫本改。

頻眠 蟠。 贈旃? 雲《寒蟬賦》「望北林以鸞飛,集樛木而 鯉臇鰕魚,炮鼈炙熊蹯」,讀蹯汾乾切。 術,故將去 濡,❷時乘赤 反。 以 陽,爲屏 兮,半長 名都篇》「歸來燕平樂,美酒 至潘尼《贈陸 切。 彰信義於嚴時,稟清誠乎自然」, 左思太沖《魏都賦》「琴高沈水 寸晷爲實,豈無璵璠」,讀璠 塗 爲藩 此音今皆不復見矣。 而下 而 鯉 林 燔」,讀燔汾 而 顛。」晉陽后文:「 機詩》「今子徂 本 周 枝 旋。 菴 藹 師 門 乾切。 四 斗 使火 海 十千。 東, . 蔭 濟 以 曹植 讀 而 芬 何 焉 濟 燔 龍 陸 膾 驗 邅 以 不 南

「哆、侈,皆張也。」陳曰:「南箕本非箕,張罪,猶女工之集采色,以成錦文。」蘇曰:衆。」鄭箋云:「喻讒人集作己過,以成於也。」陸璣云:「貝,水介蟲,其文彩之異甚也。」陸璣云:「夷,水介蟲,其文彩之異甚

人也。 所立之幡也,恐古無此。 조: 譖順適人意,反覆不定之狀如此。 按:樓鑰 捷者、讒言敏捷也。 過,●旁映譖惑,使人不覺其讒,皆謀欲 覺其譖。 爾。」誰適 大其口 爾言,則聽者 至此也。 人之常言,訝人之巧計,則曰誰 是者,言我 「幡幡誠有反覆之意,然謂之隨風翻覆,則 雖然,亦有 以成其名爾。 翩翩者,或往或來,片語 緝緝者,讒 與謀者,非謂 本無! 有 時 是實, 患 而 秦已有幡信之書,未知幡信起 幡幡者,隨風 悟,謂 人細 焉。 因萋斐張大以 貝 果有 錦、 王氏曰:「不 密 爾不 縷績,使人不 南 人與之謀,❸ 箕,皆 ·信矣。」捷 與之謀 翻覆,巧 翩 是今釋道 成之 然 慎 譖 而 成 而

「濡」,原作「滯」,據四庫本祧「讀璠」,原脱,據四庫本補。

[「]非謂」,原誤倒,據四庫本乙正。「濡」,原作「滯」,據四庫本改。卷十五同

[「]然」,原作「言」,據四庫本改。

事。 畝敷?❶ 《釋邱》云:「如畝,畝 天。毛傳曰:「楊園,園名。 所歸,則曰投畀于昊天乎? 之祐也。 之所爲,意欲天禍之。矜此勞人,覬蒙天 柰何。天下人情人事之極,未嘗不歸之 豺虎不食者,甚言讒人之可惡,雖豺虎食 屬,狗聲。或作『犲」。」投,拋擲而棄之也。 而不毛。昊,昊天也。」既有北不受,而 人,猶惡之不食也。 毛傳曰:「北方寒涼 人之巧也。 得志,故好好。 亦將譖汝,將遷移其禍於女。驕人、讒人 乎爾者,反乎爾。 草草,亂擾之狀。呼天曰願天視驕人 彼譖人者,誰適與謀,此再言譖 猗者,「倚」字之訛歟?❷ 畀,與也。《説文》:「豺,狼 王 勞人,被讒者,惟任勞苦之 豈 爾譖言既行之後,他人 不 · 受 ? 邱。」其低 然天下之理 畝邱,邱名。」 惡之極,無 平長 狹 無 如 口 抑 出

> 名内小臣, 時人以其職號之稱爲巷伯也。 臣,爲長主巷之伯,唯 臣者,母以《周禮》無巷伯之官,每奄 官之長。主宫内者皆奄人。巷伯是内小 巷,是宫内道名也。」伯,長也。 伯」之字,而名篇曰《巷伯》者,《釋宮》云: 屬:❸「寺人,王之正内五人。」本詩無「巷 其禍未至於不可言歟? 邱,寺人孟子之所居也。寺人孟子所以 公然自出其名者,寺人親近於王,雖被讒 「宫中巷謂之壼。」王肅曰:「今後宮稱永 依」之音 丽 字非 歟 ? 内小臣耳。 楊 《周禮》天官之 袁 之道 主宫内道 一猗乎 蓋其官 雖 小 敢 畝

官」,原作「宦」,據四庫本改。伯」,原作「內」,據四庫本改。

[「]天」,原作「周」,據四庫本改。「倚」,原作「猗」,據四庫本改。

如《巷伯》,則

爵

不

瀆

丽 民

作

愿

, 刑

不

試

丽

注疏皆云「讒人譖寺人、●寺人又傷 也。」 伯》, 也 ? 長 特長者之常稱,❷亦不必拘其職之果長 寺人之長。 内 者,故不敢以爲伯,自古拘儒率有此 官之屬奄宦 儒所以不敢以寺人爲巷伯者,以《周禮》天 及巷伯 戴記 曰 而 :「巷伯,寺人之長。」巷伯,即寺人。 也。 小宦固奄宦之長,就寺人之中,又自有 而 衛 孟子 聽命行事歟? 宏作《序》,誣之曰「刺幽 刺 得非寺人所常居者在 放 故 幽 寺人掌王 「孔子曰:『好賢如《緇 詩情惟惡 王 以 小臣 長者,亦可稱伯。 也。 名篇」, 寺人傷於讒,故作是詩 爲長,寺人内豎皆其次 正 讒者,並 内, 《毛詩序》曰: 是説 丽 太 稱 巷, 無 迂 王也」。 巷伯者, 又況伯者, 怨王之意, 曲 衣》, 聞 召呼則 **③** 其 陳 惡惡 佘小 蔽。 將 非 先 氏 巷 何

> 習習谷風 習習谷風 將恐將懼,寘予于懷。 將安將樂,女轉 ,維風及雨。 維 Ш · 程嵬。 棄予。 習習谷風 無草 將恐將懼 將安將樂,棄予 礻 死 (,維予 **维** 無木 風 · 與女。 及 不 如 萎。 遺。 頹

忘我大德,思我 小怨。

補 音》: 子, 演女切。 **©**匡 繆正俗》 讀

如與。」

谷風,釋已見《邶》之《谷風 其 之情,謂憂患將至,將恐將懼 又習習而和,人之相與和洽者似之。 和 洽如此。 至於將安將樂,則女心 \gg , 則 風 ?維吾與· 與 雨 轉改 是詩 俱, 女

^{·「}皆」,原作「者 」,據四 」,據四庫本改。 庫本改。

[「]之」,原作「也

原作 傳」, 據 四 本改、

謂 而 暴風 棄 從 上降下日 釋 天》云 頹,頹,下 焚 輪 謂 也。 之 頹 然 俚 諸 儒

焚。 以 而 外,忽然 下也。字從秃,亦無 頹日 此厲氣 無 丽 頭 興,衮衮如 所發,野 風,言其不知 人 輪。 遇 頭 之謂 所自 此 衮塵 或駡之,非 È 敷? 來,多見 奮 亦 大抵 野 如 俗

若將加諸 此。 義。 本旨率於初章見之,後 將恐將懼,如置予於懷中。 是章言頹,謂 膝,退. 人若將墜諸淵 其見棄之時,暴 章更韻,或 棄予 所謂 烈 如人 進人 遽 别 如 起

詩

木不 遺忘物,不復措意矣。 可畏之狀。 姜,其 中 至於寒氣暴烈,無草不死,無 見棄,加 以 維山 暴 烈之狀如 崔 嵬,有巖險 之。

宏 推 而 忘我大德,思我 又曰「天下俗薄,朋友道絕焉」,此 其 無 説 邪 ,聖人取焉。 曰 刺刺 幽 小怨,故至於此。 王」,本詩初無刺王之意。 衛宏不明斯道,必旁 是詩 兩 語 正

> 故必至於旁推外取,先儒多同 俗,亦本詩所 雖 與 詩 情 不 無 乖 背 大 然 抵 亦 不 贅 悟正 矣。 此 心之即 0 推 言 風

八〇

久矣。 莫不穀,我獨不卒 不穀,我獨 德,昊天罔 我,長我育我,顧我復我,出入腹 入則靡至。 缾之罄矣,惟罍之恥。 蓼蓼者莪,匪莪伊 蓼蓼者莪,匪莪伊蒿。 無父何怙? 極 何 父兮生我,母兮鞠我。 害。 南 蔚。 山 南 無母何恃? 烈烈 山 哀哀父母,生我勞瘁。 哀哀父母 律 鮮民之生,不如死之 飄 律 飄 風 了,生我 風 發 我。 出 弗 發。 則 欲報 拊 弗 銜恤 劬 民 我 莫 之 民

毛傳曰 蒸在 蓼薪」,蓼亦音六,**義** 「蓼蓼,長 大貌。」《 亦同。 韓 莪,釋見 東 Щ

⁰ 然」,原作「然然」,據四庫本改

怙義尤大。 復,反覆也。 反 有生不如死之心。此自古孝子之同心,故 父母亡,唯己獨存,謂之鮮民。 之窮則君之羞。」鮮,寡也,孤 也。 曰久矣。無父何怙,無母何恃,怙猶恃也, 哀不已。罄,盡也。 王氏曰:「瓶,譬則民 此父母已終,追感以勞役不得終養,故哀 長茂,因感念父母之生育我也,亦劬勞矣。 其茂,匪莪則蒿,以其相類。 則莪、蒿、蔚皆蒿,而種不同。 云:「蔚,牡蒿也。」郭璞曰:「無子者。」然 蒿,鼓。 菁菁者莪》。 云:「生者,本其 面 罍,譬則君也。 瓶之罄則罍之恥,民 而告至。毛傳曰:「鞠,養也。」鄭氏 蔚,牡菣。」 鼓,去刃 出則銜無窮之憂恤,入則靡所 腹,懷抱 蒿,釋見《鹿鳴》。《釋草》: 氣 也。」孔疏 也。 顧,旋 見莪蒿生育 人子哀痛 覩莪之蓼蓼 獨之謂 曰:「母懷 反。 視也。 陸 也。 璣

> 以人。 之,則如孝子哀念父母,言之不足,而屢言 日夕則使歸復。 匐能行稍遠,則使之復。 積寖默養不覺之意。愛我,故顧視我。 姙以養我,又拊循我。」《爾雅》云:「鞠,生 有又義,謂每每顧我。復亦有反覆義,匍 至於長大,父母長之也。 然則畜之所以得養義者此歟? 土田生禾特盛,❸異於他田,殆黑墳之義。 至以手輕擊拍之也。❷ 也。」抱之急,亦有拘鞠義。● 淮南子》曰:「玄田爲畜。」今農人謂黑沙 曰鞠,曰 畜,曰育,義略同。 父母懷抱我以出 畜者,乳食之也。 育,亦養義,而 出則 拊者,愛之, 囑之早復, 生養之, ,懷抱我 析 而 復 有 釋

[「]哉」,原作「于」,據四庫本改「義」,原作「養」,據四庫本改

[「]特」,原作「時」,據四庫本改。

禍 律,飄 之辭。 其怨。 也 穀矣,彼父母 聞 穀,善也 非 至。 政如之,然而末 之, 而今亡矣。 大無極,不 害」通爲「曷」,曷,何也。 視,而 患曰平善。害,曷也。《孟子》引《湯誓》 烈風 「時日曷喪」, 此言何我獨罹禍之甚也,則知民皆罹 至北風吹,南 風弗弗」,皆哀痛之心聲也。 複言之。 南 矣,非喻 此孝子哀 哀痛之情,自形見 民之窮苦者多矣,而 山烈烈,飄風 可得 南 存,則猶爲善也。 Ш 章 而《尚書》曰「害喪」,則知 虐 欲 而 痛,觸 烈 山寒氣多暴烈。 政。 律律、弗弗,則 報 報 烈 父母 也 而 目 瓶 鳴,飄 而況於不 發發」,「南 .感 之德 罄 今俗云曷者 於辭 傷 罍 無非 恥 今俗以無 猶日 風 如 ·, 已 氣之閒。 風少 雖敘 或曰 發 得 昊 莫不 山 哀 微 發 終 天 下, 甚 殺 所 律 痛 寓 虐 而 養 廣

> 微 也。 民人勞苦,孝子不得終養爾。]本詩怨 困 苦 ,而《序》云「刺王」,誣矣,悖矣。 《毛詩序》曰:「《蓼莪》, 矣, 我 獨 不 得卒養父 母 此 刺 所 妣 以 王 爲害 也

鞙佩 心疚。 之子,百僚是試。 亦可 霜。 子,粲粲衣服。 我憚人。 小東大東,杼柚 君子所履,小人所視。 有饛簋飱,有捄棘匕。 息也。 璲 佻佻公子,行彼周行。 有洌氿泉,無浸穫薪。 不 薪是穫薪,尚 以 東人之子,職 其 舟人之子,熊羆是裘。私 其空。 長。 或 以其酒,不 維天 睠言顧之,潸焉 周道如砥,其直 可 糾糾葛屨,❶ 有 載 勞不 既 也 漢,監 往既 契契寤歎,哀 來。 以 哀 人其漿。 亦 我 來,使我 西人之 可 有 憚 如矢。 出 以 光。 涕 人 履

❶ 「屨」,原作「履」,據四庫本及阮刻本《毛詩正義》改。

以簸 庚。 睆彼 跂 彼 揚 有捄 織女,終日七襄。 牽牛,●不 維北有斗,不可以挹酒漿。 天畢 ·, 載 以 服 施之行。 箱 雖則七襄,不成報章 東 有 維 南 啓 [明,西 有 箕,不 維 1有長 南 미 有

箕,載翕其舌。

維北有

斗,西柄之揭

缺焉 之道 唯 鼎 簋 《序》蓋次章之意,非 砥之平,如矢之直,君子行餐飪之禮,小人 者始至之禮,有鼎飪 作《毛詩序》云「東國困 大夫作是詩」,蓋 熟觀是詩,譏王政 於諸侯之使,使者之屬作是詩也。 有蓋 瞻視 實。 ,故詩有「東人之子,職勞不來」之譏。 今也不然,諸侯之使者至王朝之禮 ,黍稷之器。 赤,棘心也。 而已,是謂 『貴賤· 宏 〈隳廢,貴賤無章,而 排,曲 砥,礪石 焉。 其 考 初 詩 於役而傷於財 有章,乃天下平直 以蓋蒙食日 意 貌。 之 也。 未 也。 匕,所以 精 飱者,使 周 也。 而衛 道 不 湾譚 饛。 宏 禮 如 載 宏

> 諸侯 重。 是詩 羆是裘」,是小人反侈富僭禮,君子反窮困 朝勞來之禮缺也。 職,猶只也。 不蒙見禮,是不得其 也。」「柚 以使者不見禮 皆居東。 而曰「大東小東,杼柚其空」,周居西 侯國貧困,至於以葛屨 ·**❷**所以卷織者。」貢 使者唯只勞役於往來,而 《説文》曰:「杼,盛 而又曰「舟人之子, 而 平也,不得其直 作, 因 賦 以 而 竭 譏王 履 盛, 霜。 緯 賦之 故 也 器 熊 王 糾 曰

其空。 怨辭 故反 結爲屨。 也。 顧 周 其所深痛者 葛屨施 道,爲之潸 於暑,而 然 則以 出 可 涕。 使 以 圃 毛傳 履 不見禮 霜 乎? 日

0

睠

反

顧

也。」言,語

助。

公子,

使者

也

本篇内同。「院」,原作「腕」,據四庫本及阮刻本《毛詩正義》改

[「]柚」,原作「軸」,據四庫本改。

平直 異常 之臣 憚 之子,則只勞役, 束 也。 今俗 之人,則粲粲衣服,侈富 行益 也。 曰 薪,其行勞矣。 也。 者之屬憫公子 公子往來於道路勞苦,使我心疾病,是 佻 而 憚 佻 也。 ,百僚備試。 7,亦可息 人。 不寐而 薪歟? 語云「心放不下」,契契如提持不下 《釋水》:「氿泉穴出。」此穴出,仄 勞,故人憚之。 郭注曰:「從旁出也。」毛傳同 行 丽 諸 舟 貌 侯之使者獨 穫,刈 人賤者,而 寤歎,哀我使人,畏憚道 薪重,尚 也,怨不 周 ,也,以 泉又浸之,•則薪益重,負 行 而 言周 也。 不蒙勞來之禮 周 契契者,憂思著 見使者之屬作 得 可 道 之家 衣熊羆之裘。 薪 不禮焉,是不 而雍容,是不 以車 丽 是 也 息 所 臣 釋 也。 而 门就 穫之薪, 1見《卷 載。 用 東 途,故 得 得 寵 私 西 諸 哀 是 耳 心。 其 愛 家 其 周 侯 我 謂 負 出 詩 使 0

> 洪水上 有 不 監 缺,●黍稷稻粱之不充也。 或當 東人則常 璲, 結之,有所 平 使者之禮 視之,⑤亦頗有光意,謂 襄義,襄,上也。 如漢也。 直 玉 用 也 及陵 也。 漿, 則 私 勞 事 織女,經星,本不動 也。 而 不 家 鞙 役 則 及,是不 鞙 以 而 結 困 又《書》云「 備 然 酒 佩,言其 《書》曰「懷山 窮, 百 佩 不 僚 又 璲,曾 得其平直 以 使 漿,其侈 常 亦 周王 維 至 思日 優游 譏 夫 不 万 一之昏 則 渦 有 以 襄 也 暇 禮 禮 贊 漢 爲 陵 天 如 佚之 贊 物 闍 」,謂 運 6 長 西 丽 此 襄 又 我 大 丽 而 丽 J 於

「大缺」,原作「文猷」,據四庫本改。

[「]璲」,原作「琢」,據四庫本改。「曰」,原脱,據四庫本補。「又」,原作「入」,據四庫本改。

^{) 「}我」,原作「監」,據四庫本改。) 「漢」,原作「光」,據四庫本改。

故曰 宿 呼牽牛星爲擔鼓,擔者荷也。」今毛傳作 充箱。』是謂車内容物之處爲箱。」《釋天》 車「牝服二柯,有三分柯之二」。 也。 襄。 襄。 云「何鼓謂之牽牛」,●郭璞云:「今荆楚人 「《甫田》『乃求萬斯箱」,《書傳》曰: 『長幾 織 星,至終日,則天運歷七辰,故詩人取 「睆,明星貌。 河鼓」,其以三星中大旁小,居天河之中, 俱通 名也。」 Щ 河鼓歟? 箱,大車之箱也。」《考工記・車人》大 箋亦 雖則終日七上,而不成報贈 使者之還,當 上也,日可十餘上。 思贊贊而上去也。 孫 李巡曰: 云:「自旦 炎 日 河鼓 星類鼗鼓、擔持、摇擊之二 「河鼓、牽牛,皆二十八 「河鼓之旂十二星,在 謂之牽牛。 有 一至暮 報 今俗機織上前,謂 今夙興跂 章。」 歷 七辰,因 毛 孔疏云: 服,牝 傳 文 望 謂 章 曰 喻 織 服 七 之 女

> 謂 故 禮物缺 異。 毛傳曰:「日 天》云:「明星謂之启明。」启,通作「啓」。 唯覩西方長庚之星,此外則缺 挽之。牽牛之星不以服箱 鼓之下别指牽牛,與李、孫同,亦與《爾 乘馬」,服者,❷有所事 大,所别指牽牛不 河鼓爲二星,與《爾雅》異。今天文家於河 牽牛北也。」如李巡、孫炎之意,則以 也。 明 若據 星 使者夙興唯覩東 也。 爲長庚。 毛 使者當有饔餼之禮甚盛,今缺 傳 旦 以 出 庚,續 睆 謂 其 爲 明星爲 明 也。 明 大。 也。」
>
> 日 方啓明之星,夕息 星 ,譏饔餼車載之 《易》 貌, 載任之車 啓明,日 然也。 則 入,明)曰「服 河 /牽牛、 既 鼓 ', 牛 星 釋 人 4 明

^{▶ 「}何」,原作「河」,據四庫本及阮刻本《爾雅注疏》改。

❷ 「服」,原脱,據四庫本補。

[「]續」,原作「讀」,據四庫本及阮刻本《毛詩正義》改。

不簸 名。 惟 獻之饌 反若有所挹取於東也。」譏意同上。 缺也。毛傳曰:「挹,뢪也。」뢪,音拘。 覩,但見其在南,故曰箕星,❸星以 次行 掩 狀如叉,網施其上。箕,東方之宿也,而 長 南 賦 .兔也。」天上畢星捄然而 在 有箕」者,暑月箕星在南,夜涼人所熟 揚 不可以簸揚,譏所致米筥於使者之禮 斂 列之閒而已,●無能 庚 諸 而 方 於使者也。 , 在 侯 出 而 顧 西之 른 ,若翕其舌而 南。 歐陽曰:「斗西其 畢, 毛 傳 取畢弋之畢 掩禽,爲歸 曲 反之, 譏王 曰 ,徒施之於星 畢 似 ·, 所 禽 箕 柄 朝 箕 得 畢 羞 曰 以

予 ? 我 適歸 四 獨 月 • 何 維 秋日淒淒,百卉具腓。 害。 夏,六月 冬日 Щ 烈烈, 有嘉 徂 暑。 飄 卉,侯栗侯 風 先 發 袓 發。 亂離瘼矣,爰其 匪 梅。 人,胡 民 莫不穀, 廢 爲殘 寧 忍

> 匪 構 賊 君子作歌,維以告哀。 瘁以仕,寧莫我 鱣 莫 禍 匪鮪 ,曷云能穀 知 其 ,潛逃于淵。 尤。 ? 有。 有。 相 彼 滔 泉水 匪鶉 滔 Ш 江 有蕨 漢,南國之紀。 匪 載 鳶,翰飛戾天。 薇 清 載 ,隰有杞 濁 我 杰 Ħ

八六六

灌夫曰: 顧。 《補音》:「予,演女切。 公綏《嘯賦》『濁』與『木』叶。」天,《補音》: 『如何奄忽, 摧身后土。 「濁」與「俗」叶,酈炎詩「濁」與「禄」叶,成 鐵因 厨 玉切。 嗟嗟皇穹,胡寧忍予。」]濁、《補音》: 切。」鱣,張 『潁水濁,灌氏族。』劉 孺子之歌「濁」與「足」叶,民歌 連 反。 鮪,于 俾我榮榮,靡 曹植《文帝誄 軌 向《 反。 九数 瞻靡

畢」,四庫本作「星」。 徒」,原作「從」,據四庫本改。

[「]故」,原脱,據四庫本補。 爱」,原作「奚」,據四庫本及阮刻本《毛詩正義》改。

淵。 賦》: 『恥纖靡而 林・ 天,魚躍于淵。 補 音》:「一均切。《旱麓》詩: 雖有鋒門,不 益之小 畜》曰:『鴻 愷弟君子,遐不作人。』《易 不服,賤奇麗而不 . 能 危身。」班 飛戾天,避 固 「鳶 珍。 || 東 飛 害 戾 捐 都 於

人乎? 之月,淒淒然草木俱 徂 夏正,以人情習用之安,有不可易者。 詩謂自 故亦多言夏正。《周禮》所謂「正歲」者,亦 著之詩也。大抵詩多出於常情之所習用, 烈烈,亦言夏正 事,當夏世也。 極,直發其情,❷用人情言習用夏正者,❸ 金於山,沈珍於淵。」 豳 注往 也。 七月》紀月用夏正者,●敘豳 四 胡寧 月 而 始終勞苦於炎暑之中,先祖 ·忍予 此四月、六月、秋淒淒、冬 夏,至六月之終而暑往。 者,作歌之君子,勞苦困 丽 痱 不之祐也。● 病,而 漸黄落,愁憂 至於秋 公時 此 非

> 善也。 訛歟? 草也。 也。 也。 烈烈,飄風發發」,亦謂 疾病之廣莫也。 者覩景觸目,無非 百草俱痱,豈獨草病而 山有嘉卉,侯栗侯梅」,此謂栗與 ·卉,草」,差誤矣。《爾雅》差誤 城,明 「維,侯也。」栗、梅,嘉· 烈烈,飄風之聲也,亦猶《蓼莪》「南 害,甚也,詳釋見《蓼莪 卉者,草木之總稱。腓者,「痱」之 民莫不平善,我 惟殘賊之人乃當廢。 離,離散 亂離. 也。 愁憂。 時人· 疾苦如此,於何適歸 獨 木不 烈烈爲 **爾** 罹憂 多離 卉 ·病乎? 雅 也。 今我非 **%** 禍 風聲。 散。 亦多,此言 • 釋草》云 **爾** 梅 廢 何 瘼者, 之如 殘賊 又曰 其 爲 雅 嘉 Ш

0

殘

直」原作「真」 者」,原作「考」,據四庫本改。 據四庫本改。

習」,原作「夏」,據四庫本改。

祐 原作「怙」,據四庫本改

曰 作者自稱君子,非君子不能作是詩也。 桋,皆得安其所,言我失所,反不如之也。 無所逃遁之情如此。 使我得爲鱣、鮪 鳶 也。 滔滔 至於瘁病,如此仕宦,寧莫有我身。 能 穀善安平。 是 託 南國之經紀,意喻己遠役,經紀南國之事。 爲 日 而 穀,更無穀善 日 謂 物以 何,明無罪而 見 則將翰 鳶,鷙鳥 ,有遠行 構 鵬 不已於行。 廢,言栗、梅 喻 似鷹而大,其飛 意。 飛 相彼泉水,猶清與濁雜,我 構,結 也。 而 勤勞不已之狀。 惟 得罪 ,則將潛逃於淵矣,其畏禍 相 往戾天矣。 廢 以 雖 匪鶉匪鳶,使我得爲鶉 開雜 也。 得罪而莫知其過尤之 棄,故不在 自 也。 況,不 Ш 也。 純 上薄雲漢。」《爾 有蕨薇, 隰有杞 濁 於憂禍 我匪 滔滔江 如構禍 敢 竭盡 朝 明言自伐 鱣 而遠役, , ●曷 鶉,鵬 「漢,爲 其力, 匪 清 鮪 李 굸 則 如 0

> 人》。 國,故曰「下國構 亂並興焉」,宏此《序》雜然非情,徒見言 鴟。 「大夫刺幽王也。 而歧,爲大木 戾,好叢生山 璞注云:「赤楝樹葉細 棟也。」《釋木》云「桋,赤棟。 雅 貪殘」,其實辭旨不然。 日 郭曰:『布翅翱翔。』」鱣、鮪、釋見《碩 杞,釋見《四牡》。 鳶 鳥 醜, 中, 也。」衛宏作《毛詩序》 其 禍 在位貪殘,下國構禍 中爲車 飛 也 見言殘賊,●故 而歧鋭,❷皮理 輞。 毛傳 翔 白 曰:「桋,赤 釋 白棟 者棟」,郭 曰:「鳶 以 葉 南 恕 爲 員

慈湖詩傳卷十三

● 「楝」,原作「楝」,據四● 「於」,四庫本作「如」。

庫

本

及

阮

刻

雅

下同

❶ 「賊」,原作「賤」,據四庫本改。❸ 「輞」,原作「賤」,據四庫本及阮刻本《爾雅注疏》改'

風

慈湖詩傳卷十四

宋慈溪楊 敬仲撰

方將。 賢。 事鞅掌。 或盡瘁事 率土之濱,莫非王臣。 議 知 事靡盬 ·彼北山,言采其杞。 或 ПЦ 四牡彭彭,王事傍傍。 號, 旅力方剛,經營四方。或燕燕居息, 靡事不爲 或湛樂飲酒,或慘慘畏咎。或出 國。 ,憂我父母。 或慘慘劬 或息偃在牀,或不已于行。 勞。 溥天之下,莫非王土。 偕偕士子,朝夕從事 大夫不均,我從事 或棲遲偃仰,或王 嘉我未老,鮮我 或 獨

王

陟

小

雅

四

不

身。」」議,魚羈切,論也。 賢。』《史記・敘傳》:『莊王之賢,乃復 吏朋 書·公孫敘傳》:『既登爵位,禄賜頤賢。**●** 陳。」又曰:『子産之仁,紹世稱賢。』《漢 桀紂以亂,湯武以賢。』《三略》軍 『哀平之卹,丁傅莽賢。武嘉戚之,乃喪厥 布衾蔬食,用儉飭身。』◎《何王敘傳》: 施均。』《賦 民。』又曰:『堯讓賢,以爲民。 汎愛兼,德 篇》:『曷爲賢明君臣? 云: 『字多錯誤,以 或問曰: 『今人讀議爲宜,得以通否?』 補音》:「賢,下珍切。 黨、各進所親。 篇》:『或厚或薄,帝 賢爲形。」荀 招舉奸枉,抑 劉向《校列子録》 《匡繆正俗》: 上能尊主愛下 卿《成相 不齊均。 讖: 『群 ; 挫 仁 國

0 頤 原作 「顧」,據四庫本、武英殿本與百衲本《漢書》

飭 原作「飾」,據武英殿本與百衲本《漢書》改。

0

改。

河 子》、《荀子》、《左氏》皆作「普天之下」。● 士歟? 王」,宏考《詩》鹵莽率類此。 《周官》所謂卿者,正大夫也,然則作詩者 子,則與士子偕行者不一也。次章怨大夫 之不均,以大夫秉政,役使士子不均也。 枸杞者。」行役于外,采杞而 年,●有圃生之杞」,❷杜預注云:「世所謂 在 李曰:「杞,枸杞也。」《左傳》「昭公十二 駰《達旨》:「行有枉徑,而我弗隨。 答 誰使正其真是兮,雖有八師 爲。」故知議有宜音。』」東方朔《七諫》: 「高陽 曰:「古無『濱』字、《説文》作『瀕』,徐鉉 予,唯世所議。」今釋氏亦有宜音。 土 牡 》。 無 『《詩》云:「或出人風議,或靡事不 而衛宏作《毛詩序》曰「大夫刺 故而 不獲侍 委塵兮,唐虞點灼 養,❸故 憂 而不可爲。」崔 食。 **靡** 盬 父 母。 偕 Щ 毁 解見 偕 <u></u> 臧否 議 孟 幽 ±

> 方。 貌。 謂 召也。」吕曰:「深居安逸,雖外之叫呼亦 朱曰:「旅與膂同。」毛傳曰:「叫,呼, 怨其心不愛我也,故具言不均之狀 老,善我方壯大,旅力方剛,可以 曰傍傍。鮮,善也。將,壯大也。 義。」《孔叢子》曰:「我從事獨賢,勞事 謂之賢。《禮記》曰某賢於某若干,與此 多也。」出《小爾雅 『俗作「濱」,●非也』。」王氏 詩人之意,謂 傍傍,多貌。 言不獨一 雖 嘉我使 廣訓》篇。 事,又旁出,故 我 日 丽 「取取 不 彭 嘉我 經營四 于下。 彭, 均 數多 也 未 盛 獨 同

「二」,原脱,據阮刻本《春秋左傳正義》補。

[「]圃」,原作「囿」,據阮刻本《春秋左傳正義》改

^{) 「}侍」,原作「待」,據四庫本改。

下「子」,原作「氏」,據四庫本改。

[《]吕氏家塾讀詩記》及陳昌治刻《説文解字》改。

有 手掌也。」●議則 則在御者之手。 須用孔説,今説頗迂。 任此勞,故世以煩勞爲鞅掌。按"樓鑰云" 詩士子其職卑矣,其鞅在掌,方駕車馬,故 曰 晉車七 止 不 重言者,協韻故 毛氏曰:「鞅,失容也。」孔氏曰:「鞅掌,煩勞之狀。」只 所譏而不切之謂風,亦從容和緩之狀。 韅,在胸日 無 知也。」棲,謂安止。 爲者久 百乘,韅靷鞅靽」,杜注云: 鞅既在馬腹,如今之肚兜,不應在人之 也。 靭,在腹曰鞅,在後曰靽。」此 有 也。 所 韅、靷、鞅、靽皆在馬之身,維轡 偃 辨 臥 \sim 難。 左傳》「僖二十八年, 則仰矣,與息偃同。 遲,謂遲久,言其安 風者, 譏風 「在背 也。

無將 無將大車,維塵雝兮。 無將大車 疷 不,音 大車 祈 **-**,維塵! 一、祇自 補 冥冥。 I塵兮。 音》: 無思 「 疷, 無思百憂,祇自重兮。 無思百憂,不 百憂,祇自 眉貧 (切。) 出 底兮。 于頻。 劉 氏

> 叶。 疷當爲 聲。」頻,古迥反。 塵冥冥。濟濟多士,文王以寧」,又讀爲平 《晉·樂志 音》:「冥,●莫迥切。 同,亦訓病。 如「緡」與「緍」皆音民。 唇」,❸讀如珉,或疷亦自 **詹」武巾切,一音昏。** 七經小傳》云:「博 至傅咸賦《毛詩》云『無將大車 痕,痕,病也,字誤。」而《桑柔》詩 地 字書「民」與「氏」多互 郊饗神歌》「冥冥」與「景」 士 《集韻》「痕」與「珉」 \sim 集 一讀疷 韻 有珉音。❹ 恐此詩 爲邸,非 正引 此 ., **6**維 本 用, 《補 詩 也。 作

「不應」,二字原脱,據四庫本與樓鑰《攻媿集》補。

0

「氏」,原作「昏」,據四庫本改。

「疷」,原作「底」,據四庫本改。「痻」,原作「絽」,據四庫本改。

·詩」,原作「傳」,據四庫本改。 「冥」,原作「珉」,據四庫本改。

二九

之。 異於初,謂 焉,不明者惑於小人之小善 故。 多。 于熲之小,明 者,雖深思 任,小人之事,故以比 牛。 同,其義同。 詩言無近小人,近小人適以累己。 云:「大車,載任之車。」孔疏云: 其果悔則明矣,不止于熲,則憂思爲 宏《毛詩序》曰「大夫悔將小人」,非 是 詩 何以 及其敗事誤己,雖憂思在於百 疷,病 祇,只也。 「犨」,音雕 《酒誥》曰:『肇牽 譏 不 曰 明 之冥 也。 祇自塵、自疷、自重? 百其憂,適足自病,其 丽 所見終不遠,所行所 自塵,塵汙己也。 冥 近 小人之不 祇、只、職一音,而記 小 可 豈古借字耶? 人,雖 也 小人。 車大,則 車 可 雝 ·牛服遠 愛無 近,明 寸能,惑 擁 益 智之不 也 賈。」 「其 今京語 也 ¬, 塞 大車 任 者 不 鄭 也 了**,** 不 無以 明 者 無 丽 車 氏 有 丽 也 出 是 任 疑 明 如 塵 不 載 駕 簺 使 益 衛

> 累 謂 也。 擁 爲 雝 音 輕 清 故 也 0 箋 굸 重 猶

明

崩

上天,照臨

下土。

我征徂

西,至於艽野

式穀 宿。 恒安處。 歸 ? 憚我不暇。 罟。 念彼 心之憂矣,自詒伊戚。● 念彼共人,興言 聿云莫。 云其還? 二月初吉 豈不懷 以共人,涕零 以 昔我往矣,日月 畏此 女。 靖 念我獨兮,我事 ,載離寒暑。 譴怒。 政 共 念彼共人, 睠 歸 嗟 事愈蹙。 爾 ? 爾 如 位,正 君 畏 昔我 雨 子,無 此 ō 方 歲聿云莫,采蕭穫菽 心之憂矣,其毒太苦。 直 往矣,日 反 除 豈不懷歸? 覆。 礼 是 睠 恒 與。 庶。 曷 安 懷顧。 嗟 굸 息。 月 爾 神 心之憂矣 其 方 君子, 之聽之, 還? 靖 豈不 畏此 奥。 共 爾 出 曷 懷 歳 罪

❶ 「飴」,原作「貽」,據四庫本及阮刻本《毛詩正義》改。

位,好是正直。神之聽之,介爾景福 《東京賦》『府庫』與『未暇』叶,《七辯》『閒 名》:『戚,蹙也。』《説文》蹙以戚得聲。● 暇』與『東素』叶。」奧,子六反。《補音》: 切。 除,音余。 集韻》戚、蹙皆子六切。 戚,子六反。《左氏傳》作『蹙』。 賈誼《鵬 莫,音暮。《補音》:「暇 賦》『閒暇』與『故」叶、張 《太玄・清》首: 胡胡 《釋 故 衡

吉也。 乃日月方奥之時,非二月初吉。 寒之月,寒苦之極,故首章言之。 始行,非也。 鄭箋云:「征,行,徂,往也。」鄭謂 傳曰:「艽野、遠荒之地。 照知我之憂勞。❷ 明明上天,照臨下土,窮困者呼天,謂天必 ·孚于肉,其志資戚。』」 此二月,周二月,建丑之月 至于艽野之日,適當二月初 蘇曰:「艽,地名也。」毛 初吉,朔日 自初 其始行 也。 以二朔 往 也。」 大 方

> 《周禮》兼用「正歲」,正歲,夏正也。 繁盛曰余。 義不可施於建巳之月,除其余乎? 爲余。」鄭箋此詩云:「四月爲除。」「除」字 敬之人。我念之,涕零如 先寒而後暑者,便文也。 余,除者,字之訛歟? 言其網密,無所逃罪。 極。今豈不念歸? 今在位爲政,則必相好,必不使我至于此 之毒,且曰大苦。共人,謂 暑,至是大寒,故曰 昔往之時,豈謂歲暮方還乎? 載離 畏此罪罟。罟,網也。 《爾雅》云:「四 昔我往矣,日 寒暑, 雨,意謂 憂勞至甚 周盛時 離 使共 在 歲暮, 一, 故 罹 萬 月方 位 也。 月 物 人 恭

丑月之終乎? 以二月初吉至艽野,二月,

⁰ 蹙以戚」,原作「戚以蹙」,據四庫本改 `原作「之」,據四庫本改。

去國 乎? 況歲 大抵優柔寡勇之人,自有進退之念,而 出宿焉。 言,語助也。 必不肯仕於亂國,故興言出宿。 而不能去,乃自取此憂戚也。 自 猶未至於甚,豈謂其還而政事愈蹙急乎? 巳之月時也。 之事則甚庶而衆。心之憂矣,憚而畏焉 習熟,故云歟 丑 懷歸,皆追言在道未還之時。 誠無小暇。 作,故言二月用 詒 月 伊 暮又有采蕭穫菽之勞。 而 也 戚 復 於正歲爲歲暮矣。 則 豈不懷歸舊廬,畏成反覆。 也。 焉,反覆可 還 此心睠睠反顧昔之共人,豈不 於是勇作于中,而決其去,而 ? 昔往之時,政事雖已蹙急, 治,遺也。 之 、周正。 念我 時 云 笑 一身獨兮,而我 歲 至言歲暮, 可 蓋悔其仕於亂國 暮 鄙 此詩士大 者 心之憂矣,念 小亦且 奥,暖也,建 念彼共 興,起也 丑. 月 則人言 獲 既已 之)所任 夫所 罪 人, 亦 終

> 也。 之。 義,景亦有明義。《毛詩序》曰: 穀,善也。 親正直,則神聽之,更善於女。 之使去。 能 大夫悔仕於亂世也。]詩言采蕭穫菽,殆士 於位,亦足免咎。 與乃可。 未能去之君子, 知 《爾雅 其 不 曰出宿,則去之矣,不止於悔 君子雖靖共爾位,又必惟正 可,而: 今亂國 謂有善祥以貽女也。 》介、景皆大也。 終於決去。 日無. 非 咎未必免,苟去亂 正 如 直 他 也,爾勿謂 恒安處 於是嗟歎 然 式,更也 □◎小 介亦 末章 而 而 我 已也 已,勉 明》, 有 ·申言 或 靖 直 而 助 丽 共 是 告

淑人君子,其德不回。鼓鐘伐鼛,淮有三洲,懷允不忘。鼓鐘喈喈,淮水湝湝,憂心且悲。鼓鐘將將,淮水湯湯,憂心且傷。淑人君子,

❶ 「終」,原作「中」,據四庫本改。

不僭。 欽,鼓 憂 心 i 且妯。 瑟鼓琴,笙磬同音。 淑 Ĺ 君子,其德不 以 雅 猶。 以 南, 鼓 以 鐘 籥 欽

尺。』《韗人》云: 傳》時 洲,作詩者賦其當時所見也。」《周禮》「鼓 傷。」李曰:「言今我思古之善人君子,念 雞切。 人以鼛鼓鼓役事」,注云:「鼛鼓,長丈二 淮水之上,爲流連之樂,久而忘反,故人憂 孔疏云:「鼓,擊也。」王氏:「幽王鼓鐘 而信之,未嘗忘也。允,信也。」毛傳曰: 僭,七林反。● 聲輕清,故有此平音。 非衆所奇。』」湝湝,户皆反、《補音》:「弦 賦》:「磬管鏘鏘,鐘鼓喈喈。 回,邪也。鼛,大鼓也。」吕曰:「淮有 補 人語曰: 『生世不諧,作太常妻。』」 後漢謡:『諧不諧,在赤眉。』《周澤 喈 喈, 「皋鼓,長尋有四尺。」孔 居 奚 切。 徐 制度之曲 幹《 齊都 于

> 寸,二十五弦,盡用之。」熊氏云:『瑟 有孔,其在底下者名越。』《樂記》云:『清 番,贏也。❸ 三弦,其常用者十九弦,其餘四弦謂之番。 次歌管象,而夏籥序興,❷則籥居後歟? 切者 云:『雅瑟長一尺八寸,廣一尺八寸,二十 不僭差,不相奪倫也。 疏 也。」妯者,其「抽」之音 郭云二十七弦,未見所出。 爾雅・釋樂》「大瑟謂之灑 雅,二《雅》。 云: 1如抽 鼛 焉。 卽 頌瑟長七尺二寸,廣一尺八 皋也。」蘇 南,二《南》也。」樂先金奏, 不猶,不若是 籥,釋見《簡兮》章。 而字訛歟 曰:「水落 一,邢疏 也。 《禮圖》舊 ? 蘇 而 兩 洲見 굸: 憂之 頭

[「]包」,京年「愛」,蒙り重な「七林」,四庫本作「子心」。

^{□ 「}夏」,原作「憂」,據四庫本改。

[「]嬴」,原作「嬴」,據四庫本及阮刻本《爾雅注疏》改。

九

簧。」《郷射・記》曰:「三笙 | 管匏中,施簧管端,大者十九簧,小者十三 之。」《禮記》云:「女媧之笙簧。」《釋樂》云 之馨」,郭注云:「馨,形似犂錧,以玉石爲 加二弦,爲少宫、少商。」《釋樂》云「大磬謂 分,五弦。』、《爾雅》邢 未詳長短。《廣雅》云:『琴長三尺六寸六 之離」,郭注云:「或曰琴,大者二十七弦, 廟 毛詩序》曰:「《鼓鐘》,刺幽王也。」 大笙謂之巢,小者謂之和」,郭注云: 之瑟 、朱弦 丽 疏 越 。』』《釋樂》云「大琴謂 疏云:「文王、武王 和而! 成 列

稷。 介景 或剥或亨 庾維億。 楚楚者茨,言采其棘,自 福 我黍與與,我 以爲酒 濟 或肆 濟 蹌 **|**或將。 食,以享以祀,以 蹌 稷 絜爾 祝祭于祊,祀 翼 翼。 昔. 牛羊,以 何 爲? 我 倉 妥以 往 既 事 我 (侑,以 礼 盈 烝 蓺 崩。 嘗。 我 黍

> 爾殺 孝孫徂 諸父兄弟,備言燕私。 鼓鐘送尸,神保聿歸。 錫 萬壽 萬壽 先祖 百福,如幾如式。 告,徂賚孝孫。 禮儀卒度,笑語卒獲。 君婦莫莫,爲豆孔庶。 爾 旣 攸 無疆 極 是 门, 時 將,莫怨具慶。 位,工祝致告 皇 酢。 萬 神保是饗。 我孔熯矣,式禮 執爨踖踖 時 苾芬孝祀,神 億。 既齊既稷,既 禮 [',爲俎i 既 孔 樂具入奏,以 諸宰君婦 神具醉止,皇尸 爲賓爲客,獻醻 孝孫 神保是格,報以 儀 惠孔 醉 既 既 孔 有 備 莫 嗜 時,維 飽 碩 慶 飲 愆。 一廢徹 匡既敕。 (,或燔 小 小 鐘 報 食。 鼓 其 綏後 大 以 工 盘 載起 既 或炙。 稽 介福 交錯 不 祝 1 遲 首 禄 戒 爾 永 致

子子孫孫,勿替引之。 神嗜飲食,使君壽考。

0

下同

蓺」,原 藝_, 據 四 庫本及阮刻本《毛詩正

術六字,今删。亦與『光』叶,『往有慶』與『光』

叶,❸亦與『亡』叶。《太玄》『廷人不慶』與

叶,❻『大有慶』與『當』叶,❸壽鏞按:原本此下 作『羌』。《周易》『乃終有慶』與『疆』叶, 或从方、彭。」●與『旁」同。」慶,《補音》: 内祭。《詩》:「祝祭于鬃。」』又曰:『鬃, 切,旁也。《説文》:『鬃,⑥从示,彭聲。 門 聲。《易林·巽之蹇》曰:❷『磝磽白石· 靈祇乏祀。」」●祊,補彭反,《補音》:「蒲光 按"原本訛作「磝磝」。● 不生黍稷,無以供祭, 作「禩」。1●字書凡有異音者,多以異得 又『保郊祀于社』,鄭氏皆云:『故書「祀」 祀、補音》:「《周官》「以血祭社稷五祀」, "必有餘慶"與『殃」叶,『中正有慶」與『光』 ·今《漢書》亦有作「羌」者,班固《幽通賦 ·慶未得其云已」、《漢書》作『慶』、《文選》 蕭該《漢書音義》:『慶,音羌。』」又曰:

> 愈《劉統軍銘》:『提將之符,尸我一方。 慶」與『明」叶,●「體不慶」與「疆」叶。 『裳』叶,『于謙有慶』與『疆』叶,●『得不

配古公侯,維德不爽。

我銘不忘,後人之

慶。]明,謨郎

切。爽,師莊切。」碩、《補

「林」,原脱,據四庫本補

禩」,原作「禮」,據四庫本改。

0

·按原本訛作礉礉」七字,原作「作嗷礉」,爲大字,據

「乏」,原作「之」,據四庫本改。

「鬃」,原作「繋」,據四庫本與陳昌治刻《説文解字》改。

「彭」字蓋衍、 ·光」,原作「剛」,據四庫本及阮刻本《周易正義》改。 「从方彭」,案陳昌治刻《説文解字》云:「 槧,或从方。」

爲衍字而删去。案阮刻本《周易正義》困卦象辭 ·大」上,四庫本有「中有慶與剛叶」六字,張壽鏞誤以 困于酒食,中有慶也。 據于蒺蔾,乘剛也。」

于」上,原衍一「有」字,據四庫本删。 有」,原脱,據四庫本及阮刻本《周易正義》補

9

明」,原作「民」,據四庫本改。

0

二九七

詩 : 切。 綢繆,迺 音》:「位,力入切。 左思《魏都賦》: 『量 音》:「起巾切。 各。凡格,少用今各領切一音者。」愆、補 格」,顏師古音各。『善格五』,❸孟康 《史記》『沮誹注格』、❷「廢格明詔」、『廢格 寸旬,涓吉日。 陟中壇,即帝位。] 江文通 沮事」,劉伯莊皆音各。 《漢書》 『太后 古圖》鐘鼎篆『王格大廟』字,●皆作『各』。 『席』字叶。帛,僕各切。席,祥龠切。」格, 枚叔《七發》『膾炙』與『錯』字、『帛』字、 碩,乃後有鑠。」」炙,《補音》:「陟略切。 ·親」、「墳」、「恩」、「原」、「文」叶。 原,魚倫 補音》:「《説文》:「格,从木,各聲。」《考 柳宗元《閔生賦》『愆』與『聞』叶。」《補 『英俊著世 常約 與時髦匹。」曹植《禹贊》:『舜將 切。 功,多士 韓愈《祭兄文》『愆』與 太玄 濟 斷》首: ,所位。 『我心孔 眷 顧 成 音 議

> 春秋》「公即位」爲「公即立」。」 農: 『立讀爲位。』古者立、位同字。 《古文 圖 官》『建國之神位』,故書『位』作『立』,鄭司 按:原本四 崩殂 ,揚龜獻吉。文物充階,具僚在位。』《周 , 告 天 禪 [句脱。 位。 王融《太子文》:『辯域 虞氏既没,三 年禮畢。」 展

餘積。」其俗所謂 之地。」毛傳曰:「露積曰庾。」《甫田》云: 王氏曰:「今棘茨所生,乃自昔我蓺 有三角,刺人。」朱曰:「抽,謂其條抽發。」 草》文。郭璞注云:「布地蔓生,細葉,子 鄭箋云:「茨,蒺藜也。」蓋用《爾 曾孫之庾,如坻如京。』《周語》云:「野有 画數? 四旁及上維結以 雅 黍稷

⁰ 0 泪誹注格」,武英殿本與百衲本《史記》並作「廢格 篆」,原作「象」,據四庫本改。

⁸ 格」,原作「各」,據四庫本與武英殿本《漢書》改

祊

在

廟門之西。」而

語》:「高子皋曰:

祊。」祭于祊,尚

《郊特牲》曰:

也。」不知何所據,而鄭箋同之。 外。」《祭統》曰:「詔祝于室,而出于祊。」 于祊。」《禮器》曰:「設祭于堂,爲 宫》云「閍謂之門」,郭注引《詩》云:「祝祭 肆其骨體於俎者,有奉持而進之者。」《釋 云:「冬祭曰烝,秋祭曰嘗。 不飽,祝以主人之辭勸之,是侑也。」箋 坐而食,於是拜以安之,是妥也。 億。」毛傳曰:「妥,安坐也。 保,安也。」皇者,尊大之也。 孝孫尊大先 有解剥其皮者,有煮熟之者,有 也。」孔疏云:「迎尸 「直祭祝于主,索祭 『《周禮》「繹祭于 求 爾。 毛 諸遠者 傳曰:「祊 箋云:「十萬 祭祀之禮,各 侑,勸也。」 毛傳 與? ,, 使 爲其 門内 '祊」, 祝 祊 曰 \sim 處 家 乎 于 嫌 簺 神 曰 甚也。、 也。 遠火之稱。」毛傳曰:「莫莫,清静敬至 慎。」丘曰:「爲俎孔碩,謂載牲體於俎 是后、主共籩豆。」此言爲豆孔庶,不 也。」孔疏云:「《九嬪》『贊后薦徹豆 大也。」孔疏云:「燔者,火燒之名。 也。 孫,謂天子也。」毛傳曰:「爨,饔爨、廩爨 肉,廩爨以主米。 共籩豆。」 孔疏云: 與「介」字相似,故通 孫之辭。 孝孫萬壽無疆,是爲有慶。 祖之誠於是乎著,神安是饗,報以大福,使 「燔,燔 燔,取膟膋。 爾雅》云「竹豆謂之籩」,亦豆也。 君婦,謂后也。祭祀之禮,后、夫人 庶,衆也。箋云:「始主人酌賓爲 肉也。 介有大義者,以古者字畫「大」字 炙,肝炙也。 「祭祀之禮,饔爨 執爨竈之人, 踖踖 炙,炙肉也。」箋云: 用歟? 此先祖嘏其孝 皆從獻之

有其事。

藁

丽

覆之,惟

. 不 屋

云:「介,助

劉

曰:「孝

以

煮

主

俎

炙者

甚

敬

一言籩

籩

之齊。 稻粱 式。幾,期也,毛、鄭皆曰期。 百 其物苾芬馨香 先祖所告之辭,往賚孝孫,曰爾致孝於祀, 也, 曰:「善於其事 愆,敬之至也。 矣。」陳曰:「勞而乾竭。」蘇曰:「式禮 至旅 以萬壽,所以 交,邪行爲錯。 語 獻 熯,乾 福 。」毛傳 亦從之矣。 如先祖 雖熯乾勞 而交錯以 有黍稷,又匡整,又敕而敬正,此即 既 稷者,黍稷之稷。 .貌。_ 獻主人,主人又自 所期, 蘇 報 「格,來,酢,報 ,神嗜爾之飲食,已卜 徧。卒,盡也。 竭, 百 莫,無也。」簡謂「式,更 度,法度也。 曰:「行 酢孝孫也。」《説文》曰 協韻,故止云稷。 工。齊,予也。」工祝致 更能 如孝子孝 於禮 言稷 禮 既 飲 孫所當得之 無 先祖嘏 ,則黍舉矣, 古者于 久,筋· 也。 齊者, 五齊 酌 愆。 賓 東 既 毛 曰 知 力 孝孫 西 旅 醻 有 爾 傳 莫 竭 爲 也

利養之禮已成也。 西 諸在廟中者,以祭禮畢,孝孫往位堂下極 壽,此又申言其詳。 錯之先,而至是乃言者,前 億,無不富矣。祝傳致嘏辭,當在旅 加 之有?❶ 曰使之永保之。云爾獲極,則獲福是萬 已,不必求諸幽遠高深, 人能自信此心之即極,勿 此孝祀之心是已,即 中,自正,自順,自 永錫爾極,非以極與之也。 天下極至之道。 箋謂 也。」毛傳曰 「致孝孫之意,告尸以利成」,則悖 何不永之有? 「致告,告利成。」利 此 此工祝自致告於尸也 清 箋云:「鐘鼓既戒,戒 心不改,則 明,自 此 王 而此 永 動 整敬 一神,自 已言 人心自善,自 錫之爲言,猶 加 己臻 改,則何 極 正之心是 介 廣大,即 亦 成,謂 其極 福 無失。 醻 ... 失 萬 交

^{●「}有」,原作「自」,據四庫本改。

殊矣。 稽 則慢矣。」箋謂 諸宰徹去諸饌,君婦籩豆而 者悟何思何慮之心,則「不疾而速,不行 是故 露,無非教也。 丽 光於四海,無所不通。」又曰:「哀樂相 陋甚矣。孔子曰:「孝弟之至,通於神 無體,孔子猶曰莫知其鄉,而康成曰 曰 也。 皆醉矣,於是載起。 安然而歸。 矣,非孝 遲,非 聽之,不可得而聞 無往 正明目而視之,不可得而見也。 鄭不 人皆具此神,無死生之異,無往來之 箋云:「廢,去也。 而 孫 非 知 欲 所 歸 保,安也。」鄭謂歸於天,●非 神所歸也,然則神 疾 以 當 也。 也。 庶物露生,無 疾 言 爲敬,則太甚。 也。 知心,則知神矣。 毛 箋云:「載,則 也。」又曰:「風 傳 具,皆也。 曰 尸出 「燕 른 非 -何歸 教 丽 特不 不遲,遲 而 也。 也 於是尸 可 「歸天, 盡 傾耳 雨 此心 也? 徹 生, 明 其 山 霜 而 學 神

> 心, 焉。」然是詩辭氣頗不迫切,疑非 饉降喪,民卒流亡,祭祀不饗,故君子思古 茨》,刺幽王也。 辭。 引長,不斷絶之謂。 則皆盡之,願子子孫孫勿替廢 慈義。孔,甚也。 無有 曰神歆嗜君之飲食,使君壽考。 云"「同姓之臣燕,已醉飽,皆再拜稽首, 祭之後,凡百不失其道,則 姓則 私恩。」箋云:「祭祀畢,歸賓客之俎。 或平王時詩歟? 惠,順也。」又稱贊其君 怨者,而皆慶君,是其歡也。」後禄 留 與之燕,所以 政 孔時,祭不失時 煩 《毛詩 賦 尊賓 有《黍 重,田 客 」, 曰 甚 序》曰:「《楚 離》之意焉 不 「親骨 萊多荒 而引長之。 · 失 福。 幽王時人 恵,惠 此 也。 肉 其 饑 者 也。 君 有 慶 簺 同

神所歸也然則神何歸」,據四庫本改。「云載則也神安然而歸保安也鄭」,原作「所云是不知

然《關雎》不言太姒,此不必深辯

穀。 我疆; 福,萬壽無疆 苾苾芬芬。 受天之祜。祭以清酒,從以騂牡,享于祖考。 場有瓜。是剥是菹,獻之皇祖。 酒 信彼 執其鸞刀,以啓其毛,取其血膋。 益之以霢霂。 食。 疆 南 我理,南東其畝。 畀我尸賓,壽考萬年。 場翼翼,黍稷 Щ ,維禹甸之。 祀事孔明,先祖是皇。 既優既渥,既霑既足,生我百 彧 畇畇 上天同雲,雨雪雰雰, 彧。 原隰 曾孫 中 ,曾孫田之。 曾孫壽考, 是烝是享, 田 之穡,以 有 報以介 廬 疆 爲

按: 同。」古『陳』作 云:『四丘爲甸,讀與「維禹敶之」之「敶 旬、《補音》:「 掌令丘乘田之政令」,按:原本四字脱。 原本「劭」誤作「昭」。 地 『敶』。 鄰 切,丘 「有蜿之龍,來遊郊 劉 劭 甸 也。 瑞 龍 《周 賦 官》 注

> 貌。 聲。』孫愐『于逼切」。《玉篇》作『戜』,隸 甸。 與『屬』叶、《易林・臨之明夷》『優渥』與 酌,●兼二儀之優渥。」嵇康《琴賦》『優 都之函宏,傾神州 仍頹,朱光以渥。」左思《吴都賦》:『伊 祖功臣頌》:『彤雲晝聚,素靈夜哭。 渥,烏谷切。 `惑]作『彧』,别音于六切。」❷ |斛]叶。]彧,音郁、《補音》:「於逼 《説文》作『惑』,『水流 應節 合義,象德效 《説文》從水,屋聲。 而 温檀。 仁。二《補 也,從 仰 南 音 陸 斗 川, 切 機《 金精 以 「既 或 棋 漢

詩? 董曰:「南山,終南山也。」鄭箋云:「刺幽王」,則未可知也,亦安知非他王《毛詩序》謂「君子思古」之詩,是也。而謂

别」,原作「列」,據四庫本改。

[「]斗」,原作「汁」,據四庫本改。

如

饒洽。 敷 ? 矣。 爲善,以 「小雨日 之所宜,而或南之,或東之。」雲色同,則 溝塗。 古者一畝三甽,甽長終畝,隨 發」,而毛傳謂曾孫爲武王,則 曾,重也。《武成》曰「惟有道曾孫周 者、雖玄孫、來孫以至于無窮 溝洫。」墾闢而勾之使平曰 曰:「曾孫某侯某。」諸侯 里,出兵車 「信彼南 爲甸 雨,下也。 王氏曰:「疆者爲大界,理者 翼 而鄭箋謂春 毛傳曰:「場,畔也。」兩畔有疆場, 然。 , 甸 霢霂。」益之以霢霂,俗以 日 山之野,禹治而丘甸之。 繼 一乘。」《論語》曰:「禹 方八里,居一成之中。 毛 雪 傳 雪爲豐年之兆。毛傳 爲未善,詩 謂 而益之以 讓畔,其説 五. 的 小 意亦 廟 哟。《曲 ,皆稱曾孫 丽 、鑿矣。 似 而 ,潤澤則 或 衡 雨 不 E 盡 成方 六 十 以 曾 繼 日 從 地 可 力 彧 是 雪 下 勢 其 必 王 乎 + 孫 应

此以其盛者言也。餘釋見《楚茨》。 曰:「取膟膋燔燎。」冬祭曰烝。 有鈴。」鄭箋云:「膋,脂膏也。」《郊特牲 故《詩》又曰「廣牡」、「犉牡」、「白牡」、《 望祀,各以其方之色也。」牲祭,生必用 人》云:「凡陽祀,用騂牲。 曰「玄牡」。 雖五齊,亦就中取其清者薦之。《商頌》亦 酒最卑,諸臣之所 玄酒,未安。此清 種瓜。」毛傳曰:「剥瓜爲菹也。」箋謂清 中也。農夫作廬焉,以便其田事,於畔上 謂薦之尸與賓致孝有禮,故尸嘏曾孫曰 彧,茂盛貌。 用騂牡、周尚赤也。」而《周禮・地官・牧 壽考萬年,受天之祜。」箋云:「中田 「清酤」,必非三酒中之清酒。 孔疏曰:「鸞,即鈴也,謂 種曰稼,斂曰穡。 酢 酒 固 也。 [非三酒之清酒,三 此所謂清酒 陰祀,用黝 烝, 盛 毛傳 畀,與也, 日 書》 牡 牲 爲 \mathbb{H}

惟

意

所

擬

何

晏

 $\stackrel{\sim}{\sim}$

景

福

殿

賦

⋞

其

祜

伊

慶。 鼓,以 之稼,如茨 我 倬彼 求千斯倉,乃求萬斯 畝 田 攸 以社以 自 ,終善且 畯至喜。 士女。曾孫 介 古 報 攸止,烝我髦士。 有 甫 御 以介福 年。 方。 田 田 如梁。 有。 歲取 祖, 攘 我 田 今適南畝 萬壽 來止,以 以 其左右,嘗其旨否。 禾易 曾孫 十千。 祈 既臧,農夫之慶。琴瑟 曾孫之庾,如 甘 無 箱。 不怒,農 ,或耘 雨,以介我稷 以我齊明,與 我取 疆 其婦子。 黍 或耔 其 稷稻粱,農夫之 夫克敏。 陳 坻 季稷 饁 食我農 如京 彼 黍,以 我 南 薿 曾 畝 薿 乃 孫 長 穀

傳 賦 幾 鄙 有 陷 切。 <u>~</u> 補音》: 『宣之四子, 『器冷絃調,心 大理。』按: 《説文》從文,每聲。 「羽軌切。」 原 淮 本「理」 閒手敏。 陽 聰 敏,《 字 敏。 脱 補 觸 漢書 舅氏籧 嵇 音 抱 ***** 康 如 一母 志 篨 琴 敘

> 以今爲 安。 年。 爲畝。 君子 自 何,宜 則取新以 積,故猶得取其陳以食農人。 農人壯者 秉,百畝十千秉,一 倬,高也,言禾之茂 子,獎理切。」 步之畝,歲得禾百 毛傳曰:「甫,大也。」古者六尺爲 衛 傷 毛傳 諸儒 宏作 爾 成王 今而 以今二百四十步一畝推之,則古 孫子。❶ 初 咸以 養老歟? 《序》曰: 一; 孔 思古焉。」康成惑於《序》說,故 不 ·以爲 今適南畝爲成 疏 同之,其實牽合,文理 克明 夫之田 秉,秉,把 成 $\overline{\ }$ 丽 不獨· Ŧ, 甫 長 克 也。 田 今有 哲 亦無思古之説。 歟? 》, 刺 至之時 也。 克 齊 年,自古 歲豐有 聰 幽 步,步 十 克敏。』 殊未 王 甫 畝 也。 田 有 餘 千 百

❶ 「孫子」,胡克家刻《文選》作「子孫」。

昭

公二十九年《傳》曰:

「共工氏有子曰

句

❸

脱「九州也其」四字。能平九州,故祀以爲社。」 敷 ? 髦,俊也。 鄙之政令、祭祀。]其祭也,宜衆士在焉。 鄰長,亦不命之士歟?《鄙師》:「各掌其 曰『齊明』,便文以 也。《周官》自鄙師、酇長、里宰、皆士也。 除草也。耔,雝本也。」介,其「届」字之訛 尊信之。又康成不善屬文,故於此牽合。 知《序》乃宏作,謂《序》作於毛公之先,故 禮,當有此詩。 宏《序》差謬多矣,康成 秋 今適南畝,平王之時歟? 毛傳曰:「耘, ,共工氏之霸九州也,其子曰后土,按"原本 齊與粢同。●《曲禮》曰:『稷曰明粢。』此 始平王之時歟? 平王末年,始作《春 《詩》若是之類多。届,至也。烝,衆 東遷之初,禍難 衆髦士皆 協 至而 韻 之餘,宜其尚遵 爾。」《祭法》曰: 止也。 朱 曰: 不 周

> 通,以 **饁之旨否。」毛傳曰:「易,治也。長畝,竟** 田畯於是至而喜,攘卻其左右 王肅曰:「農夫務 釋見《信南山》。曾孫來止,王視農事 「農夫,田官也。」穀者,粒食之稱。 祈年于田祖,龡豳雅,擊土鼓,以樂田畯。」 設樂以迎祭先嗇。」《周禮·籥章》:「凡國 祖,先嗇也。」鄭箋云: 通。」所謂方者,蜡祭歟? 毛傳曰:「田 龍,爲后土,后土爲社。」❷《郊特牲》 爾雅・釋言》云「畯、農夫也」,孫炎曰: 八蜡以 謹 祀四方,四 民 則 也。 事,使其婦子 方年不順 順成之方,其 「御、迎、介、助也。 《成,八 并饁 ,而嘗其所 曾 饋 蜡 曰 也, 孫 也 乃 굶

^{●「}粢」,原作「梁」,據四庫本改。

[「]則」,阮刻本《禮記正義》作「財」,當據改。

其言曾孫之稼,蓋以王者兼統,凡 處之,萬車以載之。」箱者,車中 邱》云:「絶高謂之京。」箋云:「求千倉以 耕 「坻,水中之高地。」本《秦風 不屋,其高如京。 如梁。庾,釋見《楚茨》。庾,殆即今之囤, 禾也,有藁者。❷ 茨,屋 之灾, □以荒 曾孫不怒,由農夫克敏于事。 於一時,并敘其終也。 言其後秀實 之矣。今不怒,知農勤 畝 梁,車梁也。 一月輿梁成」,水土之横橋也。 ,皆曾孫之稼也,故末章曰「黍稷稻粱, 也。」朱 ,秋省斂。」曾孫省斂,以其善有而 曰 줆 惰 京,高邱也。」《孟子》曰「十 有, 所穫多也。」詩之所敘,不 而 稍低者,坻。 所穫 猶 多 有年。 無幾者,則王將怒 《孟子》曰:「春省 也。 蓋也。」毛傳曰: 兼 終善 其有無水旱 箋云:「稼 容物之處。 鄭箋云: 稼之高茂 且 萬物之 不怒。 有 《釋 止 又

> 敷 ? 也。 稱矣,古今異禮 按:《少牢饋食禮》嘏辭 以介福,萬壽無疆」者,「以社以方」之嘏 農 大之福,❸使之得萬年之壽,無有 而通上下歟? 爲采。《地官 此箱言萬、倉言千者,公賦也。 萬年」唯可 夫之慶」,言萬 穟能養粟,其遠者則爲粟,益遠 介,大也。 施於天子,自宰相以下,不得 · 倉人》惟言粟人, 殆舉其 黍稷稻粱,備序四者。 孔疏云:「報我農夫 民 也。 亦曰 農 以 「萬年」,今則 有 倉穟,古道 年 疆 ·爲慶。 境。」 以大 者 「報 中 則

俶載南畝。播厥百穀,既庭且碩,曾孫是若。大田多稼,既種既戒,既備乃事。以我覃耜,

[「]灾」,原作「交」,據四庫本改。

下「大」,原作「夫」,據四庫本及阮刻本《毛詩正義》改。「者」,原作「云」,據四庫本及阮刻本《毛詩正義》改。

春秋》作于平王之末年。

餘釋見《甫田

于《孟子》「《詩》亡,然後《春秋》作」歟?

婦子。 秉,此· 我私。 其騂黑,與其 火。 及其 既 方既 有弇淒淒,興 蟊 有滯穗,伊寡婦之利。 饈彼南畝,田畯至喜。 阜,既堅既 彼有不穫穉,此有不斂穧。 賊 無 **介黍稷。** 害我 好,不稂 丽 \blacksquare 以享以祀,以介景福。 祈祈。 穉。 田 不 曾孫來 祖 雨我公田,遂及 莠。 來方禋祀,以 有 神,秉 去其 止 彼有 以以 (螟螣 畀炎 遺 其

萋」、《吕氏春秋》引《詩》曰「有晻淒淒, 覃,音潭。 雨祈祈。 晻,陰雲也。」 雨我公田,遂及我私」,注曰 弇,音奄,《毛詩》作「有 ;渰 興 萋

此 ? • 次《瞻彼洛矣》,宛然平王之詩也。 刺 幽 此 王, 詩非刺詩,而衛宏作《毛詩序》以 是詩殆 非 平王時 也。 宏謬誤 詩 歟 ? 良 繼《甫 (多) 奚 宏蓋 田 止 爲 拘 \approx

> 敷 ? 不獲,靡然從之。 爲耜」之義,故以覃爲利 文如水, 所戒 敘之。 訏」,后稷呱音深廣也。 「覃及鬼方」,因 其耜宛然有微深之狀,故曰「覃 入曰覃。 生廣義。 之覃兮」,葉大而 子弟,相與告戒農事也。 豐年大概。 大田 亦不一其事,無 者,彌望平遠闊大。 毛傳殆未親見耜 種者,藏 一方如潭,故加竹去水而異其音 水之深曰潭,加水 今俗謂墜下曰覃,又謂善没者深 既 其 種 蔓墜,有深意。 既 種 又轉音爲 也。 戒」以下,乃從初次 所不 ,徒見《易》有「剡 甚多曲折萬狀, 戒者,父老戒其 大田多稼者,言 · 備。 後儒求其 以 》刻,又 别其字。 覃,深 耜 「實覃 轉 説 「葛 也。 字 而 木 深 實 第

奚」,原作「矣」,據四庫本改。

字義如

此類,因古傳注而浸訛

《釋 賊。 也。 類。 也 陸 非 郭 曾 故曰 庭。 多, 者,阜實外皮無楞。 可 白庭似之,故曰「庭」。 曰 |璣《疏 其 孫 以言方,亦有楞、方不著,而渾然如 璞曰:「似莠。」殆非 稂 蟲》云:「食 今 不 毛 賊 所種 凡草之莠于田 「俶,始,载,事 食根,蟊。」郭 ,釋見《信南山》。 碩歟? 禾穟白實密比,平 也, 傳 似 . 得 日 桃 曰:「螟 ,弱不能 謂 己, 其實 李 王心順焉,故曰 中 心 食 正 蠧 璞直 似 螟。 良禾,●而童 其 根 實,徒取地力,當 閒 《釋草》云「稂,童 也。」堂下門内之地 蟲 方 曰 字 者,皆莠也。 一以蟲食所在 義, 而 穀之狀似楞,楞 以 偃視之若平地 蝨, 也。 赤頭, 食葉,蟘。 頭 田 平 不 疇 莠與 「曾孫是若」。 食節 聲 身長 赤 廣大成 穉 如 良 無 其 曰 字。 一爲名。 螣 食 丽 所 苗 卓 賊 耘 梁」, 童 · 蝗 節 實 細 成 除 苗 異 實 亦 而 王 E

> 炎, 蠕 是歟? 之蟲,而 火而死。 大抵未至于堅實 者,螻蛄。 心之蟲,●不白而 以所親見而言,曰食苗 耳。」 螢而微大,人名之曰 衣,❸時露首食 蠧 曰 書。 : 此 或 蜢 或多見食苗 食葉者 説 四 爲 付畀于炎火之中焚之也。 農人謂田 多。 又禾將實初花時 굸 種皆蝗也。」實 , 其 苗, 彼 蟊 ,則亦可以 微長,殆一 無翼者,故不 祖有神, 蟲 圃 |天蜱。 I葉者, 螻 其 以 心者,白而稍長, 蛄 所 食 不同,今或 也 苗 出 蠕 ', 有 如 言 所謂 _ 之糞 蟲 節 神秉執 穉 蜢 蟲 犍 之蟲 也。 能 蝗 賊 食 包 爲 飛 飛 蟲 者,豈 類 爲,似 食 蟲 害稼 多 似 身 者 文 也。 授 秉 根 朴 食 爲 又 學 如

⁰ 實」, 」,原作「稂」,據四庫本及阮刻本《毛詩正義》改 原 作「食」, 四 庫 本 改

其」下,原衍一「所」字,據四庫本 其蟲」,原脱,據四庫本補。 删

有此 故 之語 雨 其謂是歟? 初年,避難東遷,恐懼勤 耕而藝之者。 助」,亦誤爾。 尚誤以禹排淮泗 可。 在孟子,亦意之爾,非確然之辭也。 助爲有公田,由此觀之,雖周亦 貌。」●世以雲興日 畀炎火, 淒淒」,《吕 不 者,不必 ,蝗于稼將 -穫,而 辭。 孟子曰 私,私 謂 蝗畏雨,此繼「秉畀炎火」之後 謂 他 漢 氏 螠 :「『雨我公田,遂及我 熟則爲害。 蝗 日 洗 田也,民所受之田 民愛公上,故有此先公後私 蜢 春 公田者,閒田。 書》 蝗 即 稍 蝗類 秋 而 丽 蜻 有 作『黤』。 .》作「有 注之江,此云「雖 雨 實 蜢 云 爾。 至, 也。 盛 則 政,民心本善,宜 又稼將實尚 則 丽 麻 寡婦取焉。 韓 穉禾不堅好, 日興 害稼甚則 敘次役民 祁 淒 詩 也。 淒」。 》作「 助也。」 祁, 私」, 雨 平 王 雲 有弇 需 周 孟 \Rightarrow 孔 日 所 亦 子 其 亦 惟 釋 興

> 謂景 《豐年》「烝畀祖妣,以洽百禮」,享人鬼,祭 以大景明之福,神之所嘏也。 天神地祇四望。 享禋 用黝牲。」《國語》:「内史過 通」也。 《牧人》之職: 「陽祀用騂牲,陰祀 喜,喜其多稼庭碩 事,使其婦子 所利。」曾孫來止,王省民之斂也。 農 滯漏之禾穟。 斂之穧束。 疏 以社以方」之方也,謂「順成之方,其蜡乃 云:「彼處有不穫之穉禾,此 也。」」騂、 又彼處有遺餘之秉把,此 並鰪 此皆主不暇取,唯是寡 黑異祀,祀不 以享以祀,通言祭祀也。 也。 歸 南 畝、田 來方禋祀、祀者、 曰 官於是至 降福明著之 止 處 于 「精 有 一也。 人務 婦之 不 處 而 有 收

雲興」,原誤倒,據四庫本與《經典釋文》乙正

原 脱 據四]庫本

室。 君 瞻 子 韐 彼 至 洛矣,維水 瞻彼洛 有 奭 止 以 鞞琫 矣,維水泱泱。 作 、泱泱。 :六師。 有珌。❶ 瞻彼洛矣,維 君子至止,福禄如茨。 君子 君 萬 子至止,福 年,保其 水 泱 泱。 家 禄

既

同。

君子萬年,保其家邦。

王,殊 詩 不足以入詠。 周 王氏 備之意。 洛水。」然「君子至止」有平王遷洛之義 方氏》河西曰 ·以作六師」有平王避難遷洛,作六師修禦 洛,宗周 (所祝之辭 固 鎬 示 京之溉浸水。 曰:「洛水、東都所在 必辯其爲何人何世之詩。 未 安 君子萬年,保其家邦,以新遷,詩 溉浸水」者。❷ 也 也。 雍州,其浸謂洛」,故以 衛 以《關 宏因毛傳,遂以 是詩言大體,溉 孔安國云:「漆沮 雎》不言太 蓋 也。 品以《夏· 毛 爲 姒 浸 因 官 傳 小水, [毛、衛 刺刺 為宗 則 以 一名 幺 餘 職 爲

> 也。 궁 《左傳》所謂『韎韋之跗注』,是也。」吕 同,謂 珌,士珕琫而珕珌。 而 韐。」鄭箋云:「茅 差誤,不 《周官》 『凡有兵事,韋弁服』,先儒 此詩所謂洛,指東 珧 琫, 珌,諸侯 奭然而赤。」毛傳曰:「 朝野安平,皆受福 得 上 不 飾。 辩。 璗 琫 珌,下 侕 福 え蒐, 韎 都 禄 璆珌,大夫鐐 也。 如 飾 禄 茨 幹 也 齊人名蒨 也。 草 聲 鞞,❸容 -之繁盛 也。」 天 王 子 琫 氏 孔 玉 以 刀 爲 丽 曰 目 琫 鞞 爲 疏 韎 既

我心寫兮,是以有譽處兮。裳裳者華,芸其裳裳者華,其葉湑兮。我覯之子,我心寫兮。

琫」,原作「瑋」,據四庫

本改

❸ 「鞞」,原作「韠」,據四庫本改。下同。❷ 「溉」,原作「既」,據四庫本及阮刻本《毛詩正義》改。❶ 「琫」,原作「韓」,據四庫本及阮刻本《毛詩正義》改。

慈湖詩傳卷十四

按: 此篇《永樂大典》缺卷。

慈湖 詩傳卷十五

宋慈溪楊 簡敬仲 撰

小

雅

五

兕觥其觩,旨酒思柔。 之屏之翰,百辟爲憲。 交交桑扈,有鶯其領。 交交桑扈,有鶯其 潮 彼交匪敖,萬福來 不戢不難,受福不那。 君子樂胥,萬邦之屏。 君子樂胥,受天之祜 求

宛》。 《毛詩序》謂是詩刺 然,有文章。胥,相也。」君子之相交,雖盡 王初年歟? 規風平王歟? 交飛之多,故 桑扈,竊 詩辭 曰交交。 幽王也,亦未必然。 無痛切之意,不則 脂也,詳釋見《小 毛傳曰:「鶯 或 幽

> 惟戢惟難,故動静云爲,無非道,無非禮 也。 辭爾。 古王者與群臣 王情狀則著。 不多,此有所風 其受福多。 將累己,卻之不受,猶儺也。 斂,不放逸也。 以爲萬邦之屏衛。 起人心,興起治道,百辟咸取法焉。 正,不特萬邦賴之爲屏而已。 不一而足。禮生於心,心正 天之祜。 毛傳曰:「領,頸也。」更韻,故更 其歡樂, 然其本原生於王心之不放逸。戢 君子相交相樂,而不失其禮,故足 而禮文無缺,如桑扈之有文,故受 那, 燕飲,●上下無失禮,其罰 鄭箋云:「兕觥,罰爵也。 多也。 也。 難,卻不祥也。 大抵得乎禮者 言受福不那,其風平 不戢不難 則國正,天下 難、儺字同 又如翰然興 凶惡之事 ,則受福 ,其致利 憲,法

⁰ 「古」,原作「故」,據四庫本及阮刻本《毛詩正義》改。

子相交相樂,不以傲慢,故萬 爲 爵 不求福,而福自來求我矣。是章規風之意 徒 傲 也。 觩 然陳設而已。」其飲旨酒思和柔,不 罰 爵之設,所以致其 福 戒 隨 也 之。 彼 我 君

明矣,當時燕

飲有傲者歟?

之。 福 禄艾之。乘馬 遐 鴛 福。 鴦 禄綏之。 鴛鴦 于飛,畢之羅之。 乘馬 在梁,戢其左翼。 在 在 厩,摧之秣之。 厩,秣之摧之。君子萬年, 君子萬年, 電福 君子萬 君子萬年,福 年, 宜 禄 其 宜

艾,耆老也。 安止之態,亦喻 賢也。得賢則無所不利,壽考福禄咸隨之 在厩,亦喻得賢。 鴛鴦甚美,而得賢材似之。畢之羅之,得 在梁者,不飛 綏,安也。 得賢 而 摧之秣之,喻得 啃 也。 得賢爲輔,德修 戢其左翼,優游 厩, 亦 喻 . 賢 賢 材。 也。 政

> 美。 此詩辭氣無傷今思古之意,而《毛詩序》以 爲思古之詩,且云「刺幽王」,殊未安。 無所不極 行,民安氣和,無所不宜。 平王 其至。 初遷恐懼 以 魯僖公而 ,亦有賢輔,宜有此 詩人愛敬 頌之,備 稱 :極其 頌,

嘉。 爾 既見君子,庶幾 既旨,爾殺既 子,庶幾説懌。 蔦與女蘿,施于松 于松柏。 有頻者弁,實維 酒 既旨 豈伊異 未見君子,憂心奕奕。❷ 爾 人 ? 殺 時。 有 既 有頻者弁,實維何期 伊 臧。 上。 兄弟匪 阜。 豈 何 ? 伊異人? 未見君子,憂心 有頍者弁,實維在首。 **豈伊異人?** 爾酒 他。 既旨,爾 蔦 兄弟 與 女蘿 兄弟 既 怲 具 見 殽 爾 來。 怲。 君 既 酒 施

義

^{●「}君」、原作「奔弈」、據四庫本及阮刻本《毛詩正●「君」、原作「奔弈」、據四庫本及阮刻本《毛詩正義》改。

相見。樂酒今夕,君子維宴。舅。如彼雨雪,先集維霰。死喪無日,無幾

清,寂然 雅、既夷案: 懌,弋灼切。孫莫榮《啓期贊》:「榮心 之泰》『柏』與『落』字、『樂』字叶、《蹇之訟》 作」叶。 ·柏」字與『樂』字叶。」②奕,弋灼反。 補 柏』與『薄』字、『樂』字叶。 柏」與『若」叶,并「作」字叶。《易林 音》:「柏,逋莫切。● 淡 泊。」陸雲《喜霽賦》「懌」 原本誤作「怡」。 既懌。 《 楚 何劭《遊仙 辭 濁 九 以 詩》 歌 鼎 與 徐 説 温

服 服 弁者多矣,爵弁則士之祭服,韋弁則 弁,以日視朝。」諸侯燕群臣之禮,諸侯 云:「頍,舉頭也。」《玉藻》云:「天子皮 毛傳云:「頍,弁貌。 滅地。 常用之。 今毛傳謂王皮弁者 孔疏云: 「弁者,冠之大名。」稱 弁,皮弁也。」《説文》 ,謂王亦 服 以 以 朝 朝

> 《書》與《冠禮》有爵弁無韋弁,則知爵弁即 兄弟甥舅也。 弁,服之在首者,伊何而服之也? 子,赤黑,甜美。菟絲,蔓連草上,生黄 名。 蒙,女蘿。女蘿,菟絲。」郭注云:「別四 自蔓松上,生枝 如金,今合藥菟絲子是也。 云:「蔦,一名寄生,葉似當盧,子 菟絲,松蘿 韋弁歟? 弁上下通服之。 即 在草曰菟絲,在木曰 戎,冠弁則 《詩》曰:『爰采唐矣。』』《釋文》云: 也。」《釋草》無蔦,惟曰:「唐 毛傳曰:「蔦,寄生 服 爾酒 正青,與菟絲異。」 以從禽, 《周禮》有韋 既旨,爾殺既 松蘿。」陸璣《疏 非常 非 服 分無 也。 松 也 嘉,其微 蘿 」類然之 所以 如 女蘿! ...爵弁, 松松 覆 惟皮 燕 蘿 赤 盆

·酚」,原作「邵」,據四庫本與胡克家刻《文選》改

0

[「]逋」,原作「通」,據四庫本改。

其 情 也。 親之誠意哉 之亡矣,故曰死 怒,戎計已合,王國 悦不 且樂酒今夕,王維 國將喪亡,其 何 王 也,謂 幾悦懌,庶幾有臧善也,乃不臧善。 奕奕、怲怲,憂王、憂國。 宜善撫之,愛敬之。 松柏,喻同 情 也。 時 二,蓋 謂 臧也。 也。 與此 人憂慮 所 同姓、異姓之親 不悦、不善,謂傲慢 親 少 同 燕禮之時,兄弟俱至,豈宜有不 者惟 之之辭 .姓、異姓之親,皆依託於王,王 無 如彼天將降雪, 兆 如之何, 無 毛 愛敬爾。 喪 往 日 詩 也 姑 無 ·;, 猶 破亡,則兄弟甥舅 往 序 彼其· 備 日 也。 先 》謂 則 此 云 宴 相 著。 言 不 今 俚 曰 未見 是詩 儀 今既見君 蔦與 無 見亦無幾 姑 久 則小霰先集。 非 丽 是 禮 語 也,無多 他 舍且飲酒 已,安有 王 (女蘿 諸 也。 時 也 人 日 申 公刺幽 君子, 子,庶 何 · 憂 施 侯 亦從 兄 非 矣。 期, 親 $\dot{\mathbb{E}}$ 日 心 弟 於 别

> 笄,康成讀 有 詩 族,孤 弁也」,故知「無缺項」《禮》注誤 康成自言先注《禮》,後始見毛傳。 丽 中,且引《詩》「有頻者弁」 不 王 禮》皮弁有 宴樂而 Ë 差 》,則無是說。 也。 一謬,而 危將亡,故作是詩 暴戾無 康成注《冠禮》謂 無禮 缺 已 笄無缺 爲 行於 親,不能宴樂同姓 ,詩言甥舅,則 類。 豈悔《禮》注之未安歟? 世,不 項 然始見毛傳謂 緇 也」,是 頍 爲 布 可追改。 圍 譜 冠 不止 髪 有 詩 《際,結 及箋《 河親 《禮》注 缺 於 情 案 : 項 同 狀 睦 無 毛 九 項 姓 非

林,有集 德 閒關 無 且譽,好 嘉 音 殺,式· 來 車之舝兮,思孌季女逝兮。 括。 爾 維 食庶幾 無 鷮。 雖 射 無 辰 好 雖 彼 友,式 雖 無旨 碩 無德與女,式歌且 女,令德 酒 燕 ,式飲庶幾。 且 喜。 來 匪 教 飢 依 匪 式 彼 渴, 平 燕

陟

刀

鮮 安樂、言甚於常時。 燕安且喜樂也。 配,則正而不淫,德音聞著。 傳 渴 我觀 如 逝,往也。季,少也。]朱 故作是詩。」鄭箋云:「疾襃姒之惡,思孌 德澤不加于民,周人思得賢女以配君子, 幽 牡 彼 女有德者,往迎之,以配幽王,代襃姒 者,德容之美。 毛 仰,《補音》:「五剛切。」《説文》作「卬」。 渴。 王也。 曰 也,望其德音來會,而 傳曰:「閒關,設 騑 高 騑 爾 出 「括,會也。」 德音 苟孌女來 ,六轡如琴。 ,我心寫兮。 析 襃姒嫉妒,無道並進,讒巧敗國 其 柞 《毛詩序》曰:「《車舝》,刺 薪 式,更也。 配 強無 牽 人之常情,於相好之 覯爾 高山 析其 也。 心如 曰:「匪飢 來 仰止 相 新 柞 今方言多云 變,美貌。」變 會者, 昏,以慰我 薪 好之友,我 思賢女如 飢渴 ,景行行 其葉湑 孌 耳。」毛 也,匪 女 也。 心 兮。 止 重 來 更 飢

於王 也。 象。 昏禮用昏昕,取其陰陽之交,天地之大義 碩德之女。或曰:「辰,晨也。」謂 碩女居之。」辰,擇吉也。 曰 **:** 鳴。」陸璣《疏》云:「鷮尾長,肉甚美。語 似鹿而小,鷮亦文采,而肉最美,有碩德之 郭璞注:「鷸 平地者也。 喜。毛傳曰:「依,茂木貌。 友最 「茂盛之林,集者維鷸,喻王宫之貴,宜 ,鷂雉、鷸雉、 今以昕 碩,大也。大德之女也。 『四足之美有麃,兩足之美有鶴。』」 樂。 我 則更燕安且 今喜樂之至,雖 辰往迎碩 鷮,雉也。」《釋鳥》雉之屬不 雉,即 **烏雉、鷩** 鷮 將譽王,好王 女,以令德 雞 雉 也。 思擇吉辰 無 ,●不可 平林,林之在 好 長尾,走 邱氏 友, 而 無厭 來 亦 斯 時。 ?,迎彼 勝數 教 曰 : 燕 告 射 有 麃 Ħ 且

⁰ 鳥 原作「鳥」,據四庫本改。

草 彼柞 固似之。其葉湑兮,湑者,扶疏之狀。以 知瑟者,堅膩之貌。 如析薪析而啓之也。《大雅・旱麓》云「瑟 也。 德 ., 樂其 雖非 喜。重言複辭,至於是也。女,謂王也。 得賢女來配,以代襃姒,如飢如渴之情,深 旨酒 也。 思切念。若王納賢女,去襃姒,誠不勝其 於王,而喜王不勝,●更歌且舞。 蓋其 亦庶幾也。 如「以德報」之「德」。 棫 酒 幽王昏迷閉固,不可告語,詩人直 (人,則施德惠以與之。 嘉,亦庶幾也。 ,式更飲焉。 **,詩人故思碩女以令德來教** 以女教王,雖非禮之常,而 ,民所燎矣」,又曰「瑟彼玉瓚」, 謂之湑、《伐木》云:「有酒湑我。」 雖無嘉殽,以喜樂,故更食焉 以樂,故再飲。 柞薪,堅實之薪,王閉 蓋其善甚也。 高岡,有王之象 我雖無德以 幺 也。 雖非旨, 常情當 王 一無道 雖 則 一欲 思 施 無

> 耶 ? 仰,景明之行當行之。 得彼心中玲瓏也。 轡如琴,迎碩女,覯見爾之新昏 納,此事 山 將盡寫以告王。今人患苦人之蔽塞,曰 見王爾。 啓也,其葉散離 於草中,散落則 意亦微異,當從「之」。 如柞薪堅固,不可啓告。 今若如析柞 兮」,露亦疏矣。 、説文》云:「湑,莤酒也。」莤,草也。 ,猶言高岡 止,猶之也。 理甚著明也。 覯,見也。 也,亦喻王也。 mi 疏矣。 幽王閉 疏,不併蔽矣。 玲瓏,亦疏朗之意。 音相近,故記者不同, 使我多得見王,我 《蓼蕭》云「零 襃姒當去,碩 安得四牡騑騑, 塞,如頑鐵堅石, 王者天下所 ,以慰我心 但 女當 :薪析 釃酒 我 安 鮮 小

> > 1011

勝」 原作「甚」,據四庫本改

0

誉 誉 誉 誉 誉 誉 青 青 青 補音 蠅 蠅 蠅 止 止 止 于 于 于 一汾 榛。 棘。 樊 0 乾 讒 讒 豈 切。 人 人 弟 罔 罔 君 左 極 極 子 思《 一,交亂 構 無 贈 我 信 妹 四 艬 詩 國

張華詩「藩」與「篇」叶。」案:原本七字脱。「藩」與「僣」叶。晉陽后文「藩」與「賢」叶。皆作「藩」,古藩亦汾乾切。崔駰《司徒箴》

樊」與『篇』叶。

《漢書》昌邑王、戾太子傳

常 也。 變亂 白 歐 日 説 也。」 稱 使黑,汙黑使白。」案:原本四字脱。 陽 文》作『營營』,小聲也。」箋云: 豈,樂也。 善惡也。 樊,藩 孔 棘、榛, 疏云:「君子,謂 營營然, 也。」鄭箋云: 言止於樊,欲外之,令遠 更 弟 韻 順也。 爾。 往 來 董氏曰:「營營, 豈弟 之飛 蠅 今王。」《毛 之爲蟲, 和 聲。」毛 順,君子 極極 喻佞 清猶 詩 物 汙 人 傳

「《青蠅

》,大夫刺

幽

王也。」孔

疏

是

目

既

醉,不

知

其

秩。

賓既

醉

止

載

號

載

其罪。 大也。 也。 不已,至交亂四國。」先言四 曰 讒 三 人**,** 二人,或謂皆見讒者。 言不一, 謂 人 其 君 事 與 亦不 見 讒 之人 一,聚合以 國 構,結也, 明其 也 罪 構 成 之 之

賓載手: 其 賓之初筵,温 錫 烝 發彼 大侯既 酒 曰 賓之初筵,左右 未 既 統行烈祖 爾 既和旨,飲酒 醉 醉 純 有 仇,室 的 抗 止 嘏 止 , 威 以 ,弓矢 子 威 儀 儀 人 洽 温 孫 祈 秩秩。 人 斯 孔偕 抑 幡 其 其 百 爾 恭。 又。 禮 爵 抑 幡 湛 張 其未 酌彼 其湛 百禮既 籥舞 舍其 射夫 鐘鼓既設 籩 曰 既 豆有楚、殽 醉 醉 康 既 坐 曰 遷 止 至 止 樂 同 爵 一,有壬 ,樂既 , 威 以 各 , 威 舉醻 屢 獻 儀 舞 儀 奏 奏 爾 核 爾 怭 僊 反 爾 有 逸 和 發 維 僊 怭 反 奏。 時 能 林 功 逸 旅

蓉賦

丹輝

拂

紅

飛

鬚

垂的

斐披

赩

0

或與『爵』爲韻。

古亦讀子藥切,潘岳《芙

凡此飲 彼 側 亂 匪言勿言,匪由勿語。 醉 解不 我籩 而 弁之俄 不出 酒 臧,不醉 豆 ,或醉或否。 ,是謂伐德。 屢 屢 舞 舞 反恥。 '傞傞'。 僛 燍。 飲酒孔 既 式勿從謂,舞俾大怠。 既立之監,或佐之史。 是 由醉之言,俾出童羖。 醉 曰 既 而 育,不 嘉,維其令儀。 出 並 受其 知 其 福 郵

何反。

三爵不識

,矧敢多又。

也。 張衡《思玄賦》:『冀一年之三秀兮,遒白 日。 抗。」」案: 露之爲霜。 醻 設、《補音》:「書實切。 暑氣雲銷,獻酬乃設。 即「酬」字。 《既夕禮》『抗席』、『抗衾』。 妍羽翔迥,清風盈室。』」案:原本六字脱。 四句從《韻補》補入。 時亹亹而代序兮,疇可與乎比 抗、《補音》:「居 停神静思,且以 閔鴻《羽扇賦 的、《補音》: 郎 音 剛, 切,舉 永

書》凡『尤』皆作「郵」,然韻不叶。」傞,倉若曰『不知其誰」。箋義假借爲『尤』。《漢一音垂。衛地古字多假借,或以郵爲誰,赫,散涣熠爚。」」郵、《補音》云:「《集韻》

雅 《毛詩序》曰:「《賓之初筵》,衛武公刺 也。」 可 然《魏風》曰「園有桃,其實之殽」,則核亦 楚, 殺核衆旅也, 謂有秩敍不亂也。 也。 梅有核之屬也。 而作是詩也。」左右秩秩,意謂下文籩豆 下化之,君臣上下,沈湎淫液。 以言殺。 》訓秩秩爲智,非。 衆賓之飲酒,威儀齊 幽王荒廢,媒近小人,飲 箋云:「和旨, 餘 雜 殺, 物 雜也。 葅 調 醢之屬甚 美也。 酒 武公既 箋云: 核, 無 度。 孔, 甚 謂 **爾** 多。 整 天 時

[「]閔」,原作「關」,據四庫本改。

酒。 當先設,而於「飲酒孔偕」之次,始言「鐘 文。 瑟。 樂逸逸。 既設」者以此。 説,未可 縣 ? 之禮,不言改縣,何以知天子之禮 遷之,明鐘鼓之縣改之矣。」然《大射》諸 弟子贊,工遷樂於下」,孔 鼓 大侯,君侯 正 縣 文可考,惟《鄉射禮》「未旅將射 於是言既設 醻 鄭《禮》學雖詳,亦閒有差誤。 況言「既」,亦非 天下事理 即 鄭爲意説,孔因之,況大射禮 「將祭而 面 信也。 ·酬也。 在《禮》,始酌 皆縣 也。 者 不 ,將避射 射謂之大射。」下章言「烝 又況作詩異乎序禮,鐘 復其 詩本意言飲酒,故先言飲 抗 可固 將 舉 獻 始 射 也 執,況他 設。 之曰獻,再 改 當 日 縣 ,疏云: 酢。 有燕 改 也 舉 縣 醻 毛傳 無 射之禮。」 「琴瑟 鄭 往 ?,樂正 改縣之 酌 改 亦 然 以 來 之日 必 曰 縣 不 禮 天 鼓 鼓 和 改 正 遷 侯 猶 命 無 子

> 案 : 惟言大侯,益 云:「若王大射,則 注云:「此 布侯,畫以 下 僛僛、傞傞者乎? 燕射甚明。 百禮既至」,於是乎燕 説 「天子熊侯,白質。 「張獸! 而見。是詩言因「烝 衎 燕 綱,至將射乃繫左下綱。 ,改爲大射 烈 《大射 祖 侯,則王 其 禮》「張三 虎豹。 所 豈有將祭,擇 非 非 以 謂 以 祭 驗 爠 也。 息 歟 張侯久矣,其始不繫左 其 士布侯,畫以鹿豕。」● 諸侯麋侯,赤質。 以 侯 心燕。」《 ? 侯」、《夏官 言 射。 康 貍 也, 衎烈祖 燕 成 步張三侯。」是詩 鄭 鄉射 燕 士大射,而 詩言醉舞,其爲 不善屬文,屢屢 射。 更 射 一、以洽 《梓人》云: 毛 記》云: 則 孔 傳 張之。」 疏 燕 射 百禮。 大夫 궁 有 射 人》 舞 之

「燕射之禮,自天子至士皆一侯,上下共射

0

畫」,原作「畫」,據四庫本及阮刻本《儀

注疏》改

籥而 求也。 行 所以養病,求中以 禮》注云:『四寸曰正,正五重,鵠居其内, 雅》説之明,宜從之。』此肅意。賈逵《周 槷則質也,舊云方四寸,今云方六寸。《爾 而方二尺。』。《射義》引此詩云:❷「祈,❸ 正,正方二尺也。正中謂之槷,方六寸也。 禮》鄭衆、馬融注皆云:●「十尺曰侯,四尺 『二尺曰正,四寸曰質。』又引《爾雅》云: 功。」毛傳曰:「的,質也。」孔疏云:「《周 也 曰鵠,二尺曰正,四寸曰質。』 王肅亦云: 之。」箋云:「射夫,衆射者也。 「射,張皮謂之侯,侯中謂之鵠,鵠中謂之 禮,品節 舞,與笙鼓 既比衆耦乃射,各奏其發矢中 衎,樂也。 求中以辭 又爲 詳矣。 相應。」●烝,盛也。 爵也。 洽,溥也,猶備也。 辭養也。」毛傳曰 酒者,所以養老, 有酢,有嘏,有 獻 , 因祭 亦冬 的 猶 「秉 交 之 奏

> 禮乎? 錫 《爾雅》多差失,未可盡信。 孫其湛,其湛曰樂」者,此言祭時,先祖既 君也。」又云「壬,大也」,雖 諸侯、卿大夫、士也,故鄭謂壬爲卿大夫, 又有不任事之衆諸侯,意謂祭訖不可不燕 獻,有旅酬,每有餕,有歌,有舞,有八音, 百禮既至,猶盡也。 有爵賞之施。 爾雅》謂「林、侯,君也」,毛傳亦云:「林, 賚 我以純一不雜之嘏, 使子孫皆湛 禮文廢滅,不可備知,總言百禮。 士禮有祀爨,而況於天子之 而有任事之大夫、士, 「錫爾純嘏,子 本《爾雅

「義」,原作「儀」,據四庫本及阮刻本《禮記正義》改。「衆」,原作「箋」,據四庫本及阮刻本《毛詩正義》改。

旅酬」,原誤倒,據四庫本乙正

[「]鼓」,原作「歌」,據四庫本及阮刻本《毛詩正義》改'「祈」,原作「析」,據四庫本及阮刻本《禮記正義》改'

[「]賚」,原作「賁」,據四庫本改。

飄 爵。 其 抑之反也。 也。 之衆諸 揚動,不謹 反反者,每每反顧其身也,謹於禮。 射,則手敵。主黨入射,則又手敵。」康,安 敵 燕 也 親 也。 禮 樂。 秩 輕之狀也。 也。 一,固欲咸燕樂也,則祭罷豈容無 子 中 而射,故「各奏爾能 放,醉 蘇曰 酒可以安養衰病,故飲不中之爵曰 孫。 之嘏 凡與祭執事之大夫、士,及餘 所 王氏 謂 侯,多是吾先祖之子孫,及 先祖之錫嘏,固欲徧 湛 辭,有子孫其湛之辭,有 重 甚 其心怭怭者,容不 以 者 曰:「室人,主黨也 也。 香 抑 奏爾時,薦之以時 即 甚 抑,卑恭 舍其 樂之謂 也。 0 坐 毛 載,則也 一而遷! 也。 傳: 也 「號 是 怭怭 和順,不 屢舞 及其 殆 燕? 賓黨 呯 物 異 不 此 天 者 優僊 幡 仇,匹 讙 也。」 子 姓 執 釋 子 · 抑 幡 知 康 之 呶 因 孫 事 文 祭

> 也。 之,必有其言也。 己則勿語 取未醉者恥之。 之,佐之史以書之,古之慎禮如此。 足之狀也。 大怠也。 司正之謂乎?」箋云:「彼醉 可,不然則不可 是自伐其德也。 禮,則賓主並受其福 傞傞,則不 也。」俄者 不 知 此戒其勿從反恥之謂。 其 誰 非 俄 止 其 有 其所當言則勿言 醉 既 一於僛 然 不 醉 也。 言此者,疾之也。」式,敬 飲酒 而 由 知 而 戒勿從其言,無 斜 側 醉之言、妄亂之言,則 人 出 董曰:「立之監 其 而 也。 也 醉而 (嘉,維不 已,❷幾於 則合乎禮。 俄 箋 不出 謂,言也。 · ; 非 則已不善,復 然, 云 禮事 失令儀則 , 則 忽 使 傾 監 側 失禮 然 合乎 至於 以 倒 由 也 恥 監 平 失 傾

也

僛

僛

舞不能

自

正

也

郵

誰

也

不了, 讙 呶 原脱,據四庫 原誤倒,據四 庫本乙正

然無所識矣,況敢又多飲乎? 丁寧以戒一使深戒也。」朱氏曰:「女飲至三爵,已昏云:「云俾出無角之羖羊,脅以無然之物,罰之。俾出童羖,羊必有角,無童者。箋

魚在 魚在在藻,依于其蒲。 魚在在藻,有頒其首。 和樂也 僛 樂不亂 其 所 今王居焉,得其所矣,當豈樂飲 其首頒然不亂,王與群臣燕樂,有禮不亂 如之。王何在? 在鎬京,武王之所居也。 魚何在? 僛 在 Y、搓搓. 也。 藻,有莘其尾。 ,如武王之豈樂也,而今不然矣。 ,非荒淫無度之樂也。 側 、韓詩》云:「頒,衆也。」詩 在藻也。 弁之俄,其亂甚矣。有莘其 藻,水草也。在藻,得 王在 王在在鎬,有那其居。 王在在鎬, 豈樂飲酒。 在鎬 當如魚之和 飲 酒。 酒樂豈 豈樂, 意 謂

> 故以 焉。]言刺,非詩人之本情,又大悖。 詩序》云: 王將失其 居若此者乎? 甚言其得所也。 草也,一根一葉相連,此亦衆而不亂之物 尾,魚尾如莘也。莘,音辛。一名細莘,藥 (喻之。 (所居 「刺幽王也。 蒲亦水草,魚亦在藻,又依蒲 矣,其亡將不敢明言。 甚言鎬京之美也,其意憂 王居武王之所居,那有其 君子思古之武王 《毛

樂只君子,殿天子之邦。樂只君子,萬福 之 ? 只君子,福禄申之。 駟,君子所 匪紓,天子所予。 言觀其旂。其旂淠淠,鸞聲嘒嘒。 衮及黼。 采菽采菽,筐之筥之。君子來朝,何錫 雖無予之,路車乘馬。 觱沸檻泉,言采其芹。 湢 赤芾 樂只君子,天子命之。 在 維柞之枝,其葉蓬蓬。 一股,邪 又何予之? 幅 在 君子來朝, 下。 載 驂 彼 攸 交 載 子

同。 禄膍之。優哉游哉,亦是戾矣。 維之。樂只君子,天子葵之。 平 平 左 右 亦 是率從。 汎 樂只 汎 楊 君 舟,縛 子, 福 纙

毛傳曰:「菽,所以芼大牢而待君子也。詩》作「纚」。 編,音离。《爾雅‧釋水》作「縭」,●《毛

其葉以 曰 羞之牛。」食亦有牛,舉饗則 凡 於鉶 俎 孔 云:『饗、食、賓、射,案:原本二字脱。 地之毛,故謂之芼。 王 羊則苦,豕則薇。]箋云:「菽,大豆也。 筐, 饕賓客有牛俎,乃用鉶羹,故使采之。」 疏 賓客之事,共其牢禮 ,即《公食・記》『鉶芼』是也。 其汁則芼之以 궁 爲藿。 日筥。 以以 鼎煮牛, 三牲、牛、羊、豕。 毛傳曰:「君子, (藿,調 <u>~</u> 地官 取其骨體,置之於 積 以鹹 食可知 、膳之牛。』❷又 牛人》云: 酸 芼以 乃 謂諸 共其膳 矣。」方 以草菜 盛之 采

> 出 泉出 曰 出 服》: 卷龍 姓以金路,異姓 「天子賜諸侯氏 之服,自毳冕而 侯伯之服,自鷩冕而下,如公之服。 與黑謂之黼。」箋云:「玄衮,玄衣而 尚 也 。」言,語助 :「濫、檻音義 也」,李巡曰: 以 _0 |箋云: 也。 貌。」《釋水 爲 「諸公之服 薄。」毛 黼,黼 也。 賜 傳 諸 以 》云「濫泉 以 黻 「水泉從下上出 下,如侯伯之服。《 覲 ,自衮冕而 同。」毛傳曰:「檻 曰:「玄衮,卷龍 侯 箋云:「芹,菜也。 象路。」毛 謂 車服」,鄭注云:「賜 以 絺衣也。』《周禮 車 馬 Ē 下, 言 傳曰: 出 如王之服 雖 曰 正 無 「觱沸 涌 也。 ^泛予之, 出 子男 可以 泉 畫 一,湧 司 正 釋 同 以 白

禮注疏》改

❷ 「牢」,原作「宰」,據四庫本、阮刻本《毛詩正義》與《周❶ 「縭」,原作「纚」,據四庫本及阮刻本《爾雅注疏》改。

其皮。 舒,緩也。」孔疏云:「桓二年《左傳》曰: 亦説芾之元由也。」❸毛傳曰:「諸侯赤芾。 布帛,而猶存蔽前者,重古道,不忘本。」是 其脛,自足至膝,故 「《易乾鑿度》注云:『古者田漁而食,因衣 尺,下廣二尺,其頸五寸,❷肩革帶 其他服謂之鞸,❶以韋爲之。其制上廣一 字。 云:「芾,大古蔽膝之象也。 子之至,則有如上之儀物。 届,至也。」箋 來朝,則觀其旂,聞其鸞聲,又見其馬。 帶裳幅鳥。』《内則》亦單云偪 菹。」1孔疏云:「車馬鸞鈴之聲 【釋文》:「觱沸,音必弗。」今俗語 (菹,亦 脛本曰股。 於檻泉之水中采其芹。朱曰:「諸侯 先知蔽前,後知蔽後。 所 用 待 邪幅,如今行縢也。 君 曰 子 在 也,《 下。」孔疏 冕服謂之芾, 後王易之以 周 ,則此 ·
"
"
"
" 禮 「沸」如 》: 『芹 服名 博二 궁 偪束 然。 君

寸。

爲

其大臣,雖其平平左右群臣,亦率從被其 者,凡從君來朝者,同 天子之邦,得以 幹。根幹如天子,枝葉如諸侯爲蕃輔,故 在後曰殿。」取鎮重之義。 枝葉足以 Ш 命之,不止於命之,又有福禄以申錫之,以 之所予。樂只,言君子和樂也。天子於是 也。」名行縢者,言行而緘束之。」彼諸侯之 偪 交於天子者,非紓緩而怠也,故爲天子心 纏於足謂之邪 蓬蓬、盛貌。殿、鎮也。」孔 川、土田、車服、器物之類也。 丽 己。 杜、鄭皆云『今之行縢』,然則邪 安鎮 偪。《説文》曰**:**『 無 被其 虞。 福 疏 禄 萬 曰:「軍 也。 毛傳曰 福 縢, 攸 不 芘 同 特 行 絾

[·]其」上,阮刻本《毛詩正義》有「長三尺」三字,當據 釋」,原作「韓」,據四庫本及阮刻本《毛詩正義》改

説」,原脱,據四庫本及阮刻本《毛詩正義》補。

今 王 其心似之。膍,牛百葉也。天子以福禄重 紼縭。 朝,不能錫 序》曰: 於先王矣。 重錫賚諸侯,申之膍之,謂錫賚 以維之,而後安定。 緌也。」楊木之舟,輕浮泛泛,得大紼 向日,如天子心向諸侯。 福 汎 汎 言 優哉游哉,緩慢不復紹 楊舟,紼縭維之。 並 王畿賴侯國藩維,而後安定。 蒙 刺 命以禮數。 賚 其辭: 幽 賜 王 也 甚婉,其憂甚深。 也 天子如楊舟,諸 \wedge 徵會之,而無信義 侮 爾 慢 紼, 先王親愛諸侯 雅 諸 其 蟀 侯,諸 禮 釋 也。 重 一,亦違 水 **《**毛 複 **>** 葵心 侯 侯如 小 曰 也 來 詩 戾 縭

君子見微而思古焉。」其禍著以微云。

猷,小人與屬。 Ļ 蠻如髦,我是用憂。 下遺,式居婁驕。 酌孔取。 民之 無 老馬反爲駒 良, 毋教猱升木,如塗塗附。 相 怨 雨雪瀌瀌 不顧 方。 雨 雪 浮 其 受爵 :浮,見 デ, 後。 不 現 日 如 讓, 睍 食宜饇 消。 曰 君子有 至于己 流 莫肯 徽 斯 如 如

陽切。 綿,則遠字音淵,故於元切也。 《補音》:「遠,於圓 遠字宜音園,而《補音》「於圓切」失母矣。 門,與君笑言。」韓 漸》 案" 韓愈《閔己賦》「已遠」與「漫漫」叶。 『賢』字、『年』字、『難』字、『言』字叶。」然則 讓」字。』《古文尚書》作『攘』。 曰:『轉行軌 《禮記》『左右攘辟』,注云:『攘,古 軌 愈《閔己賦》『遠』字 切。 了, 行 近不 《易林 《補音》:「讓,如 · 遠 漫,《補音》音 《六韜》 • 旦 明 夕 夷之 與 龃 人

此令兄弟,綽綽有裕。

爾之遠矣,民胥然矣。

騂騂角弓,翩其反矣。

兄弟昏姻,無胥遠矣。

爾之教矣,民胥傚矣。

不令兄弟,交相爲瘉 0

也。 嘗教詔之,而身行之,民傚之,謂王教之可 然矣。胥,亦皆意。蓋王教之也。王雖未 許慎作「弲」,言用角低卬便也。❷ 或用韻,宜從此讀。」猱,乃刀反。屬,音 也。 裕,寬也,和樂從容之意。其不令者,則交 族如之。胥,相也。 讀者音近樹。 『王』叶。《急就章》「讓」與『莊」叶。 叶、與『王』叶。 兩弰雙反,如羽疾飛 盡,其如牛羊角觩然歟? 「陽」、「光」叶。 相 ·聿」、《毛詩》作「曰」,董、吕皆同。 病。 王者統臨 令,善也。令兄弟,即今俗云好兄弟。 雖泛言,而意則譏王。 瘉,病也。 天下,而 《荀子 見 《楚辭・大招》「讓」與『張』 晛 相詬訾, 兄弟婚姻,民相 故曰 聿消,聿、《韓詩》作 成相篇》「讓」與 日 「一方」者,王失 弛弓則忽反矣。 翩,王之背棄親 相傷害,此泛言 周 (偏處西: 許義未 解, 此 傚皆 北 蜀 詩

> 也。 方」。言周之民無良,相怨相惡,皆王所 德,天下不歸心,故詩人小之,止言「一 之,受獻爵殊無遜讓之容,此不敬之心,其 微,其流禍甚大。 過似微,而其末流致亡乃已。 則甚 也。 事,亦假以明王 少而不老乎? 長,以卑陵尊。 其時反以幼稺 兄尊老者乎? 詩人灼見本 取 食則甚宜者,心好之, 而 務 多,孔,甚 所謂 相待,不加 吕曰:「彼慢老者,獨能 以 之將亡也。 末源 姑舉「受爵不讓」 一端言 老 馬自況。 不 也。 流之所致,其端 顧 其後也。」如 禮敬。 丽 且言後 作詩者,其 當時蓋有 務 反爲 饇 以 生 飽 駒, 少 輕 一、若 甚 化 陵 父 其 長 酌 侮

0

⁰ 解」,原作「解」, 低」,原作「抵」,據四 據 四 庫本與陳昌治刻《説文解字》改。 庫 本 改。 案 陳昌 治刻《説

序》曰 惡。 者故加 矣。 我是用 上下胥然,於親族無禮義仁恩,如蠻夷矣。 夷髦也。」孔疏 婁,愚也。 ∭ 更居愚驕乎? 道 人陰類,如雨雪瀌瀌,得陽和之氣即消化 是思君子有徽猷,徽猷,善道 老,如泥塗,又加其塗以 自 戴禮》。 貪饕之狀。 好讒佞,骨肉相怨,而作是詩也。」 好 ,則小人咸 是時 毛傳曰:「 陵 愚 憂,憂其無 犯長 猱,猴屬,自能升木。 字。 心莫肯爲善,棄其下之親族,矧 惟愚,故驕。聖賢未嘗驕惡,驕 角弓》,刺 Ŀ, 古又以「如」爲「而 服 를 毛傳曰: 現,日 式,更也,詳釋見《式微》。 屬 丽 道,必 ~ 髦, 而 王 幽 自化,不至如今俗 氣也。」小人道長,小 又 王 2致禍 **蠻**,南 教 四夷之别名。」今 附 也。 以 益 亂 也。 之。 助 不 也 蠻 輕薄 」,屢見《大 戲 . 親 也。 上有 詩 侮 《毛詩 九族, 小人, 人於 其 髦, 習 善 長

> 俾予 邁焉 焉。 何其臻? 有菀者柳,不尚息焉。 上帝甚蹈,無自瘵焉。 靖之,後予 有鳥高飛,亦傅于天。 曷予靖之,居以 極 焉。 上帝甚蹈 有菀者 /凶矜? 俾予靖之,後予 彼人之心,于 柳 無自 • 不 暱 尚 焉 惕

案:此篇《永樂大典》缺卷。

彼都: 彼君子女,卷髮如 行歸 匪 我不見兮,我心苑結 彼都人士,充耳 彼君子女,绸直 伊垂之,帶則有餘。 于周 人士 萬民 狐 裘黄黄。 琇實。 如髮。 所 蠆 望。 我不 匪伊 彼都 彼都. 彼君子女,謂之尹吉。 我不見兮,我心不説 其容不改, 見兮,言從之邁 卷之,髮則 人士 人士,垂 ,臺笠緇撮 出言 帶 有旟 有 而 厲

❶ 「菀」,原作「苑」,據四庫本及阮刻本《毛詩正義》改。

我不見兮,云何盱矣。

鄭箋云:「城郭 士者,即《喪服 傳》所謂 之域 曰 『都邑之士』,所以 都。」吕曰:「都 人

别野人也。]陳曰:「周,鎬京也。」毛 一周,忠信也」,此雖本之《春秋》、《國 傳 語 謂

然非聖之言,穿鑿曲取,迂儒常態。 曰「忠信爲周」,左氏知其未安,已削之矣。 穆叔

楚子囊卒,君子謂子囊忠。 忠、民之望

也」,此義亦未白。學者習説,不可盡 也。《詩》曰:『行 歸于周,萬民所望。」忠 信

、皇皇者華》之「周」,周徧也。 此《都人士》

之道,謂合乎文、武所行之道,萬民之所仰 之「周」,西周也。都士之行歸 於周家所行

望也。 箋云:「臺,夫須也。以臺皮爲

以 笠。」陸璣《疏》云:「舊説夫須,莎草也,可 爲 蓑 笠。」毛傳曰 「緇撮 緇 布 冠 也。

> 之。 孔 曰 疏 其卷髮之纚歟? 「君子女者,貴人之女。」綢 云:「撮,言小,撮 如,而也,屢見《大 持 其 髻 者,以 而 己。 絲

吕

周

近,故記者或作「如」,或作「而」也。 戴禮》。以「而」爲「如」,古語也。 以音 綢 其 相

也、《書》:「害于而家,凶于 髮而直也。 綢直而髮,而 ,猶其也,亦· 而國。」我 今不 古語

心不 見斯服矣,傷禮服之亡,習俗趨於薄,故 説。 毛傳曰:「琇,美石也。」王 我 肅

云:「以美石爲瑱,塞實其耳。」朱曰:「尹

草木繁積,故言積曰 吉,未詳。」箋云:「吉,讀爲姞。 氏,周室婚 姻之舊姓也、言有禮法。」苑中 苑。 積結不散,憂之 尹 、氏、姞

深也。毛傳曰:「厲,帶之垂者。」箋云:

「而,亦如也。 爲 飾。 厲,字當作『裂』。 呵 厲, 如鞶厲也。 蠆 ,螫蟲也 鞶必 垂 尾

以

1

末 二年,鞶厲 揵 然,似 婦 游 纓,昭 人 髪 末 其數也」,杜注云: ❶ 曲 卷 」 然。 」 \sim 左傳 $\stackrel{\sim}{=}$ 桓

以厲、履、裂聲相近,●取裂之義歟?鄭者。』《春秋》「紀裂繻」,或作「履緰」。鄭或「鞶,紳帶也。一名大帶。厲,大帶之垂

文,不解「垂厲」之文耳,當從毛傳。《説必以「而」爲「如」,殆不必也。鄭不善屬

也。我不見兮,見則從之往矣。邁,往也。文》:「長尾爲蠆。」卷髮如蠆,以纚卷髮

觀者

餘,帶當有餘。有餘,則有垂者。今不見言我心敬之歸之。匪伊特垂之,帶則有

纚卷之也。毛傳曰:「旟,揚也。」盱,「吁」昔君子女,匪特卷之,以髮有旟揚者,故以垂者,是其時特不垂其帶,俗尚新奇也。

服無常也。古者長民,衣服不貳,從容有矣。」《毛詩序》曰:「《都人士》,周人刺衣之音而字訛歟?《卷耳》曰:「云何吁

常,以齊其民,則民德歸壹,傷今不復見古

其 釣 之子于狩,言韔其弓。 終朝采藍,不盈 終朝采緑,不盈 維 何 ? 維 禬。 筋及 匊。 鱮。 予髪曲! 之子于釣,言綸之繩。 五日爲期,六日 維 魴 局,薄言歸 及鱮, 不詹。 薄 沐。

莎。」《楚辭》曰「薋菉葹以盈室」,王逸云:「菉,王芻」,郭注云:「菉,蓐,今呼鴟腳鄭箋云:「緑,王芻也。」《爾雅‧釋草》云

「局,卷也。婦人夫不在,則不容飾。」沐非采之而不盈手,憂思不專於事。」毛傳曰:「終朝采緑。」箋云:「緑,易得之草,終朝

[「]履」,原作「屨」,據四庫本改。「注」,原作「柱」,據四庫本改。

我則爲之納弓於韔中。 日不詹。』怨曠作 瑜上疏曰:「天地之性,陰陽正紀,隔絶 瞻以來至於今,積思而憂深也。 不詹」,非謂六日即憂思深也。 故 謂 日、二之日,謂十一月、十二月。 遽憂思之甚,故云云,亦猶《豳風》曰一之 日,六日謂六月之日,鄭意以六日不歸,何 也。『詹』與『瞻』同。」箋謂五日爲五月之 日,去時之期也。 之襜。]箋云:「藍,染草也。」朱曰:「 爲容飾 而 之子,謂君子也。」邱氏 則水旱爲并。《詩》云:『五日爲期,六 曲推,而文不然。毛傳曰:「衣蔽 君子將歸,故我沐 采緑, 日予髮曲 也。久不沐櫛太甚,故薄沐 歌,仲尼所録。]箋云: 六日不詹,過期而 局 也。 矣,歸 往釣 曰:「是子往獵 康成不善屬文, 丽 ,我則爲之緡 薄 《後漢》 自六日 沐 然「六日 乎。 也。 不 前 其 劉 不 見 五 謂 箋 出

> 並作 言觀者」。 之作繩也。」得魚之盛,頗有觀者,故 此 繩於竿。今遠行役,役久而 而 :「觀」。 不可 得也。」孔 俗本「觀」作「覩」,定本、《集注》 \sim 毛詩序》曰:「幽王之時,多 疏云:「言綸之繩 不歸,思其 Ħ 「薄 如 與

怨曠者也。」

我任 肅肅 我徒我御 芃芃黍苗,陰雨 原隰既平,泉流既清。 戚歌 但還來。』《九章》:『吕望 牛、《補音》:「魚其切。 而 恒秉季德,焉得夫 我輦 謝 知之。』《招魂》:『敦脄 功,召伯 而飯牛。 1,我師 ,我車我牛。 I. 營之。 我旅。 膏之。 不逢湯武與桓繆兮,世孰云 八朴牛。 我行 召伯有成,王心 烈烈征 悠悠南行,召伯 我行既集,蓋 \sim 既 血 (楚辭 屠於朝歌兮,甯 何往 拇 集、蓋 師, ,逐人駓 ・天問 召伯 營班 云 云 肾学之。 禄 則寧。 歸 成之。 歸 哉。 處。

當挽。 則太勞。 苗蒙陰雨之所膏潤以喻之。 負任,未安。 徒所見,因感召伯見勞之恩,故 洫 平,泉流既清,蓋用徹法治其 伯營之」,工役既 俶其城,寢廟既成。」此詩言「肅肅謝功, 定申伯之宅,「登是南邦,徹申伯 曰 : 티 : 曰 : 參目 嵩 載 也。 高》之詩,言宣王邑申伯於謝,命召伯 『豶豕童牛,害傷不來。』來,陵之切。」 『齊景惑疑,爲孺子牛。』❷《蠱之同 虎首 伯 許人買牛,三夫争之。』《頤之遯 芃芃黍苗,陰雨膏之,蓋 下文徒、御、師、旅 任 氏 任 車,以 ·●其身若牛。』《易林 殺牛,行悖天時。』《咸之小 者,任之以 遠行不可負任,負任 車 大、故 所 當 載。 事。 用 四 師 類 任辇 任 鄭箋 \pm 旅 了, 此 牛, ٠ 即 南 田 土田 **| 輦、車** 履 以 以 而 以 原隰 所 行 而 之 牛 辇 遠 任 見 之 爲 畜 蠱 所 役 所 行 爲 黍 溝 既 召 有

> 孔 王。 執世次。況宏《序》謬誤良多,不 昭公詩之前。 召伯之職焉。」宏蓋拘於世次,故 伯,以報其功。 官 將歸 文耶 初未嘗言刺 旅。」成之者,成其邑謝之功。 牛三 刺幽王也。 子所取. • 且《清人》鄭文公時 司 ? 物 時 馬》: 不不)所作: 我行! 大旨,固不在其人與世 必 幽 不能 「二千五百人爲 敷 ? 既 與 《詩》經秦火,口 王,而 邑成,則王心寧矣。 集、蓋云歸哉、是詩 下 ·文齊同 膏潤天下,卿 徒行者,御 衛 宏作《序》,則 詩,而 鄭 師 宣王欲 岢 車者。 誦 置. 士不 Ŧī. 拘 ·可盡 所 於 强 而 百 蓋 於 傳, 莊 歸 能 毛傳 訖 曰 邑 人 同 **《**夏 信 公 難 幽 行 申 爲 役 下

庫全書》本與掃葉山房石印《百子全書》本《焦氏易林

0 0

改

參 「孺子牛」,原作「孺子□牛」,據四庫本、文淵閣《四 Í 原作「絫自」, 四 本改。

類兮。』傅幹《皇后箴》:『巨猾是緣,❷竊弄

可

讓,願勿愛兮。

明以告君子,吾將以爲

大甚,不得不辨。 云:「輦,人挽 『夏后氏謂 行 輦曰余車 載 <u></u> 任器 鄉 師》「治其輦」,注 一,殷曰 也。 胡奴 令司 馬 軍,周 法》

輜輦。」

隰桑有阿,其葉有幽。 隰 隰 心乎愛矣,遐不謂矣。 桑有 許既切。」《周易》:『富家大吉,順在位也。 文尚書》「炁」,古「愛」字。』《集韻》:『炁, 聲。❶ 徐鍇《繫傳》曰:『炁者,惠也。《古 愛、《補音》:「許既切。 桑有阿,其葉有難。 王假有家,交相愛也。』《楚辭·九章》: 世溷 阿,其葉有沃。 !濁莫吾知,人心不可謂兮。 中心藏之,何日忘之。 既見君子,德音孔膠。 既見君子,云何不樂。 既見君子,其樂如 《説文》從心,怎 知死不 何

> 神器。 《三國名臣贊》:『滄海 形,則當如《方言》所載。揚雄《答劉歆書》 俗人之不容,未喻聖王之兼愛也。」一若字 墜。』皇甫謐《釋勸》:『若賓可謂習外觀之 不復見矣。 可見。郭璞《方言》注用此字,自是之後, 與《說文》古篆從炁從久,每其義與音昭然 暉,❸未覩幽人髣髴也。髴,方末反。❹ 達人兼善,廢己存愛。』楊 車騎高勁,惟其泛愛。 故禍不出 所憎,常 以弱制强,不陷 横 戲 流,玉石同碎。 出所愛。」袁宏 贊吴子遠: 見 危

0 「巨」,原作「臣」,據四庫本改 从心, 无聲。」 云:「愛,行兒,从久,悉聲。」又《心部》云:「悉,惠也。 ·炁」,四庫本作「旡」。案陳昌治刻《説文解字·夂部》

·賓」,原作「實」,據武英殿本《晉書》改。 「髯方末反」,武英殿本《晉書》無此四字,疑爲小注。

文」,原作「久」,據四庫本與陳昌治刻《說文解字》改。

之心。 色也。」案:「孔疏曰」以下原本缺,今補人。 無水,宜桑。」毛傳 言其美者,以桑宜在 傳曰:『下 無 也。 隰 見君子」,非思也,此又宏拘 幽王」,●謂「思見君子」。 見之,喜而作也。而衛宏作《序》又謂 是詩殆以有君子在位,遠方之士慕德而 善類之愛其 子,不謂相去遐遠,而憚於往見也。大抵 君子之德音甚膠固,不斷絶也。 也,故人心喜見之,故取以喻其喜見君子 刺 桑之盛如此,足以濟利生人,以 意,亦無思見意。 是詩之作,或宣王之初歟? 當是久亂,忽見君子,故其樂甚也。 溼曰隰。」桑,非能 善類,中 曰:「沃,柔也。 溼潤之所。 心懷之,常不忘也。 孔疏曰: 熟觀本詩 於世次之故 水之木。 吾心愛君 「《夏書》 隰近畔, 毛傳亦 其 幽,黑 曰 可 二既 刺刺 圃 往 蠶

> 滤池 有扁 鴛鴦在梁, 戢其左翼。 有鶖在梁,有鶴在林。 鼓鍾于宫,聲聞 樵彼桑薪,卬 英英白雲,露彼菅茅。 白華菅兮,白茅束兮。 案: 斯 北 此篇《永樂大典》缺卷。 石,履之卑兮。 流,浸彼 烘 于外。 (于煁。 稻 田 維彼 嘯歌 之子之遠,俾我疷兮。 之子無良,二三其德。 維彼 之子之遠, 念子燥燥,視我邁 天步艱難,之子不 碩人,實勞我 碩 傷 人,實勞我心。 懷,念彼碩 俾我 心 邁 ·猶。 兮。

載之。 何 ? 緜蠻 憚行,畏不能極。 飲之食之,教之誨之。 畏不能趨。 車,謂之載之。 黄鳥,止于丘阿。 飲之食之,教之誨之。 縣蠻黄鳥,止于丘隅。 飲之食之,教之誨之。 緜蠻黄鳥,止于丘側。 道之云遠,我 命彼後車,謂之 豈 敢 。命彼 惲 勞如 豈敢 行? 後

❶ 「又」,原作「文」,據四庫本改。

敬 《詩》曰:「穆穆文王,於緝熙敬止。」「爲人 其散見於諸善不一,其此心之見於恭曰 聖人作。道一而已,此心常覺常明曰仁。 於孝。爲人父,止于慈。」《大學》一篇,非 君,止於仁。爲人臣,止於敬。爲人子,止 引「緜蠻黄鳥,止于丘隅」,子曰:「於止, 知其所止,可以人而不如鳥 心、正心,即道心也,聖人取焉。《大學》篇 然道無大小,其恤下之心、感惠之心,皆善 觀《詩》固不可執其世,其閒大臣,豈無 之,以爲思古之詩,而本詩情狀非思古也。 人能憫徒行小臣之忠勞也。此事雖甚微 意周衰,亂世必無若此仁惠之大臣,故反 也,而衛宏作《毛詩序》,乃反之曰刺者,蓋 ,見於事親 微臣感其所蒙飲 曰孝,見于惠下曰慈,而《大 食、教載之大臣 乎?」繼引 而 作

> 車也。 者,亦有此言。 云:「極,至也。」恐不能至,今勞憊於道途 **憚於徒行,恐不能疾行以趨,以從大臣之** 語令載之。丘隅、丘側、特更韻 之食之,從容之,次又教之誨之,又命後 祖《大學》之言乎? 己之休止而已,非有深義。 止,有如何之歎焉。止丘阿,即所見 學》裂而分之,殊爲害道。毛傳又祖其説 明别意,觀詩者不可執以釋詩,而況 轉涉,失本詩之情。遠矣,行勞甚,於是休 以釋是詩,曰「鳥止於阿,人止於仁」,枝蔓 畏,恐也。 趨,行疾也。 有大臣者憫其勞,飲 孔子舉此 爾。 《 爾 豈敢 以 미 雅 車 又 喻 以

有兔斯首、燔之炙之。君子有酒、酌言酢之。有兔斯首、炮之燔之。君子有酒、酌言獻之。幡幡瓠葉、采之亨之。君子有酒、酌言嘗之。

有兔斯首,燔之炮之。 賦》:●『有翩翩之狡童 燔,音煩,《補音》:「汾乾切。 君子有酒 一, 運 徽 曹大家《蟬 黏 酌言醻之。 丽 紛 纏。

都賦》:『琴高沈水而不濡,時乘赤鯉以 委厥體於膳夫,歸炎炭而就燔。] 左思《魏 周

旋。 師門使火以驗術,故將去而林燔。」曹

植《瑟瑟歌》:『願爲中林草,秋隨野 灰滅豈不痛? 顧與枝葉連。』陶潛《遇火》 火 燔。

詩:『正夏風 長 急,林室頓燒燔。 一宅無

遺宇,舫舟蔭門前。」

也。 《毛詩序》言「不以微薄廢禮」,是也。 牢饗餼不肯用,❷故思古焉」,則不可 大夫刺幽 雖至亂之世,豈無一人一事之善,而 Ξ 1 一棄禮 而不能行,雖 耐 有 必 牪 日

> 曰炙。」此君子,窮而在下者歟 醻即「酬」字。 酢,酢者,報所獻也。 獻至於再,則謂之醻 是心,而自不知其爲道也,故《易》曰「百姓 酢之、醻之,誠敬彌著,是謂道心。 之、燔之、炙之,誠意所將,嘗酒,而獻之、 餘。 也。 日用而不知」。 以爲一兔,非也。三章者皆言兔首,不及其 瓠葉、兔首雖至微薄,而采之、亨之、炮 毛傳曰:「炮加火曰燔,炕火 考之《儀禮》,初獻,次醻,次 人皆有 必 曲 取

武 漸漸之石,維其高矣。 人東征,不皇朝矣。 漸漸之石,維其卒矣。 山川悠遠,維其勞矣。

也。

「亨,熟也。」熟瓠葉者,以爲飲酒之菹

毛傳曰:「瓠葉,庶人之菜也。」鄭箋

必曰

古之人?

是絶滅人之道心,大不

可

Ø

⁰ 並作「曹植」。 類聚》卷九十七與光緒九年孔廣陶刻《初學記》卷三十 曹大家」、《唐代四大類書》影 印南宋紹 與刊本《藝文

牢」,原作「宰」,據四庫本及阮刻本《毛詩正義》改。

武人東征,不皇他矣。有豕白蹢,烝涉波矣。月離于畢,俾滂沱矣。山川悠遠,曷其没矣。武人東征,不皇出矣。

況《序》文多意度妄謬,不可盡信。 不明正情之即道,故支離旁説,徒亂後學。 王之情,而《序》誣之。不明本詩之正情, 乃命將率東征,役久病於外。」是詩本無刺 「下國刺幽王也。戎狄叛之,●荆舒不至, 無邪,道也,孔子取焉。 雨,情見 遠」,何得至於盡 豕涉波、月離畢,皆霖雨之先兆。 途行畏 矣」,不忘君之情也。 情狀承接上文,別無 爲喻,非。繼曰「山 漸漸之石,維其高矣,東征之士所見,或以 「不皇出」者,不暇有他適也。出,適也。 於此 也。 而 是詩正矣,無邪思矣。 川悠遠,維其勞矣」,其 止 没,盡也。「山川悠 義 也? 此中途之情。 而《毛詩序》曰: 喻。 日「不皇朝 《易》曰

曰:「畢,濁也。」鄭箋曰:「豕性能水。」「離,麗」,猶附也。 月離畢星則雨。 毛傳

案:「毛傳」以下原本脱,今節補

牂羊墳首,三星在罶。人可以食,鮮可以飽。苕之華,其葉青青。知我如此,不如無生。苕之華,芸其黄矣。心之憂矣,維其傷矣。

之事,行彼周道。 夫,朝夕不暇。有芃者狐,率彼幽草。有棧獨爲匪民。匪兕匪虎,率彼曠野。哀我征四方。何草不玄? 何人不矜? 哀我征夫,何草不黄? 何日不行? 何人不將? 經營

慈湖詩傳卷十五

案:二篇《永樂大典》缺卷。

慈湖詩傳卷十六

宋慈溪楊簡敬仲撰

大

雅

既 天命 子。 此王 亦世 有周 文王以寧。 亹亹文王,令聞不已。 文王在上,於昭于天。 命,侯于周服。 國。 文王孫子,本支百世。 有商孫 不 世之不 顯 王國 ,帝命不時。 子。 穆穆文王,於緝熙敬 克生,維周之楨。 顯,厥猶翼 商之孫子 侯服于周,天命靡常。 文王 周雖舊邦 陳錫 翼。 ,其麗不億。 陟降,在帝 凡周之士,不 哉周,侯文王 思皇多士,生 Ĭ, 濟濟多士, 其 命 假哉, 左 維 右 新 殷 顯 孫

> 帝。 爾 無聲無臭。儀刑文王,萬邦作孚。 永言配命,自求多福。 王之蓋臣, 躬。 《祭和帝文》:『元景寢曜,雲物見徵 《東都賦》:「登靈臺,考休徵。 從弓。 榮。』」天、《補音》:「鐵 容躁進,不顧其 坤,參象乎聖躬。』又與『稜』字叶。 躬,于其鄰。]又曰:「艮其限,危薰心也 膚 相考妖,遂當帝躬。」韓愈《祭嫂文》:『苟 艮其身,止諸躬也。』案. 躬、補音》:「姑宏切。《説文》躬從吕, 敏 宜鑒于殷,駿命不易。 宣昭 裸 弓聲本如肱。 無念爾祖。 將 義問,有虞殷自天。 于 京 躬。 厥 《周易》:『震不于其 無念爾祖,聿修 殷之未喪師,克配上 作 禄 因 仕 裸 切 原 命之不易,無遏 本四 將 丽 還,以爲家 一句脱。 上天之載 常 俯仰 服 厥德 黼 崔 乎 班 馮 瑗 乾 固 或

文王與天一也。於者,歎美之辭。昭者,

在

周

也。

人心所以歸

周者甚著,則天之所

天

命

命於周。

知」,此也。

無作

-',亦無

息。

亹

亹

一,不息也。

在

帝

禹之「安女止」,此也。 動乎意,則有作,必有息。 不動乎意,故能 文王之所爲即上帝之所爲,如升陟於天, 心去紂,故天命 者,文王有天道 爾雅》云:「哉,始也。」天於是始陳 左右,親承帝命,降而行之於天 顯乎?❶ 蔽之謂。 天不言不爲,人心歸 紂大惡,文王盛德,時適相值,故 文王之德不息,故令聞不已。 在文王。不顯、不時,朱謂古 詩人見文王之心即天之心, 惟不動乎意,故能不息也。 ,紂失天道。 舜之「惟 亦去紂,而在 一周 帝命不亦 雖 文王之「不識不 舊邦,其命 精惟 待乎? 天人一也,人 文王矣。 周,即 一」,此也。 下也。 維 示 適 新 錫 當 有 道大,故曰 逸、故無所失道。 翼翼也。 之謂也。 也。 以 又足以繼 錫

顯」,其後流傳習熟,則 之也。詩人之辭,始也以「不亦顯」爲 顯,以文王道之所成,又擇其尤賢者而 不惟文王之孫子光顯,凡周之士亦世世 諸侯,世世有德,繼繼承承,可以百世也。 維也。」侯文王孫子,謂文王有聖子賢孫, 顯」,不復問上下文勢。 文王之孫子,其本適爲王,其支庶爲 周者,豈不亦著?《爾 猶,猷也,道也。 世世之所以顯者,以其猶之小 承文王 也,謂文王又 即 翼翼而敬,無放 「不顯 以「不顯」爲 雅》云:「侯, (有子 亦 世」,此 有 心 任 光 孫

帝命

去紂

而

語聲急而

然。

其 時

也。

周

不

亦

光

前不

他國賢士甚寡,惟周賢士甚多,如特生於 皇。 皇,大也。 思,語助 辭 也。

道,即

文王之道也。

其

0 亦 原作「易」,據四庫本改

此 於思爲微細之閒 點雪之融於水,微雲之散於太 不動乎意,不屬乎思、爲,故熙 感 也 思 義。 者 圃 爲楨幹。」多士爲周之楨幹,文王以 林 國 止」者,此也,文王之所緝 云:「女貞,即今之冬青。 廣韻》云:「女楨,冬不凋 一, 也 寧。 ,惟可以言 ,緝理於思、爲細微之閒。 縣。」一曰:「築牆具題曰楨 ,豈不甚美而可歎服哉 而遂通,而不屬於爲,所謂「不識 也 緝 非 也,「惟精 熙者,進德精微之謂。 文王不大聲以色,故 爲 説文》: 也,惟 止 「楨,剛木 惟 融釋於無思無 山 止 _ 以言敬。 非思、爲,寂然 者, ,故曰:於! 熙者,此 惟木 木 也 此 熙 目 也 虚。 進德之實 也; 敬非思、爲 公,旁日 順 之 有 穆 上 爲之妙 融釋, 生多 其緝 也。 穆。 理 剛 樓 郡 「 安 不 不 順 者 幹。」 尚 有 動 知 如 女 惟 煕 如 惟 非 之 緝 士 書 楨 口

將 得 當是 事。」冔,殷冠 將。 服 裸者,裸鬱鬯,所以將誠通之於神,故 者亦用之、故膚敏之士、助裸將于京師 其 道 曰 於周,見天命之無常。 國之公族子孫甚衆也。 六服之中。 孫子,其麗數不止於億,盡命作諸侯,於周 之大哉,爲 大,而見爲穆穆。 有參差不齊之語,不可 于 服 王之忠蓋之臣,得 事也。 《天官• 般之 武 京 心不 而 王初有天下,制作未定,故殷 識不 黼 傷 毛傳謂「麗,數也」。 絶句,「天命」連下文。 既, 裳冔冠 之,故以 小宰》:「凡祭祀,贊裸 知,故聲音不 既歸! 盡 假,大也。 也。 爲言。 周,執禮 無 詩人 拘執。 武王擇殷士之可 商之諸侯,而今服 服之爲言服 念爾祖文王之德 見殷 因 大,形 而 假哉,歎 天命有 以 猶殷冠者 曰 士 戒 億者,每 黼 是 色 成王 從也) 將之 冔 士 商之 詩 天 亦 一尚 裸 命 用 頗 不 問

義

當昭 者,致意之深,戒成王之切。遏,抑也。毋 遏抑爾躬,至於卑下也。 知天之峻命,不可容易。再言「命之不易」 京也。 今殷失衆心,而 之,天亦去之。 數語者,一也。 外至,自求之而已矣。 乎 ? 人同心,與天同心,是謂配天。宜鑒於殷 無放逸也,無動乎意也,「安女止」也。 在我矣。 望 也 可以永保,周士未遽至於裸將繼周者之 由 德義之令問,此非外飾 念爾 不 德義 動 無放逸,則德修矣。德修,則天 敢 可以 乎 祖 指成王 意 而 文王之德,則無敢 宣 丽 師,衆也。 方殷之未喪失衆心,則與 永永配 人去之,天命去之。 放 昭 , 逸, 無義 而 自求之者,無他也, 天之命。 則 日 放逸則卑下矣。 爲 問者,中心之無 藎 失衆心,則人去 無義矣。 臣, 丽 撰作之也。 放 多福 實 逸, 戒 於以 非 則天 成 有 是 命 自 王

命

也

大旨? 惟曰「受命作周也」,是何足以明是詩之 者,其周公乎? 無臭者。 道心。不動乎意,常虚常明, 天人形若有異,道 私,無私則與人心同矣,與天道 而取也。 載也。 也。 又也。 刑文王」,則得天道矣。萬邦之心,不計 作是詩者,灼知文王之即天,故確然曰 雖有名而不可見,無聲無臭,而不可問。 無聲無臭,不可測度。 則文王,則萬邦自孚信我之德矣。載,承 ·安女止」,是謂精一,是謂帝 欲知天心乎? 上天之所承載者,何所有也。 又當憂虞,恐又如殷之降喪自天 吾心不動乎意則無逸,無逸則無 此惟自省 聖人之言也。 無異。 自 脯 [則者 於是教之,曰但法 人常患上天之載 人心即 知焉。 則,是則 何思 《毛詩序》 道 亦同矣。 作 何慮 是詩 無聲 紨 儀

受方國。 翼翼。 子維 命自 王 駟 殷 行。 上 厥祥,親迎于渭 止,大邦有子。 天作之合。 商 天 明 帝 商之旅,其會如林。 騵 位 朝 ,來嫁于周,曰 臨女, 行, 天,命此文王 大任有身,生此文王。 |殷適,使不挾 在 伐大商,會 彭。 昭事 下,赫赫 篤 天監 無 生武 上 維 在 貢 帝,聿 在下,有命既 師 洽之陽,在 爾 大邦有子, 俔天之妹。 文定 在 王。 嬪于京。 朝 尚 一,于周 心 上。 造舟爲梁,不顯其光。 四 清明。 父 -懷多福。 方。 保右· 天 矢于牧野,維予 牧野洋洋 于京。 時 難忱斯,不 摯仲 乃及 命 渭 維 案:「亮」字楊氏從《韓 集。 維 之涘。 爾,變伐大 鷹 厥 此 氏 纘女維莘,長 王 揚。 , 檀 文 王 文王 德 季 任 不 ,維德 車 自 ·易維 文 王 亮 小小 侯 初 回 煌 彼 彼 以以 煌 興 商 載 王 武 嘉 心 乏 有 殷

> 或作 字脱。 俔,牽徧反。 設張,司暴子良。 齊處野,喪其 賢聖基必張。』《易林·蒙之垢》曰: 身、 目 涣之兑》曰: 一天乙湯 瞤,喜未 :「涼」。 補 亮,《韓 音 ,論舉當,身讓 *: 加 詩》作「亮」,《毛詩》作 俔、《韓詩》作「磬」。 龐 身。 『昭公失常,季氏悖 尸 身。』《蹇之兑》曰: 羊 范叔 舉家蒙懽,吉利 切。 不廉,凶害及 卞 荀 ·隨舉 卿 牟光 成 案: 相 狂 無 機機 :「諒」, (身。)] 足 原本 道 殃。」 餌 動 士 遜

於周。」 姓 果 位 者不易難 在上,天明威之可畏也。 明明在下,天明照在下者之善惡也。 難 矣,乃又使 仲, 忱 朱曰:「自 仲 難 也。 女 恃 也。 也。 不得挾四 天既 周 自 毛 以 丽 彼 傳 紂 言 殷 日 方 爲 天難忱信, : 商 而 殷 則諸 之國 「摯,國; 有之,然 適 嗣 侯皆 中, 而 則 爲 殷商 來嫁 位 赫 任, 天 王 赫

詩》。

子爲大姒,大姒

盛

德

配

志》:

馮

翊

有 郃

陽

縣。

厓也

姒作文王之配合。

命自然集於周。

水之陽,渭水之涘,莘國所在。」是爲大邦。 盈,維周世世修德,至文王之德益盛,則天 之於外也,亦《文王》篇「自求多福」之意 心翼翼,不動不遷,是謂善事上帝。 矣。人性本善,意動而遷,斯喪厥 之行,事上帝之道不在乎他,在乎善 洽,水。」《穀梁傳》曰:「水北 進德亹亹,不復回轉,故四方師之,文 多福乃懷藏於文王小心之中,不在求 朱曰:「嘉,昏禮也。」《前漢・地理 是謂大任。大任及王 載,年也。文王初生,大 曰嬪于京,其 在洽之陽,毛傳曰: 天監在下,紂惡既 案:原本三字脱。 天,天使配文王 曰陽。」涘, (國史所 一季皆 善。 懷,藏 而 維 洽 小 已 德 書 喻爲? 也。」孔疏云:「繼大任之女事。」 天命文王 行,猶嫁也、《詩》云:「女子有行。」篤, 於周京,纘繼女事,維莘國爾,實維長女。 云:「比舟爲梁也。」杜預云:「河橋之謂 于渭,則其祥於是定矣。造舟爲梁,孫 大姒,作文王配,初祥既兆,至於文王親 嘉禮之吉事也。祥者,吉之初兆也。 語助也。 大姒非天之妹。文王行嘉禮於大姒。 之心即天道,故自昏,自蔽,自 也,無私即道心。後學不知道,不悟 寐思求淑女以配君子,此天地 曷爲譬喻? 見也,灼見大姒之爲天 文王爲天子,則王后非天妹乎? 俔,譬喻」,許慎不明天人之一致也,何以 心疑 納采、問名、納吉、納徵、請期,皆 人心,無私之心 而强爲之説也。 /妹也。 也。 字作人見, 棄,而 《説文》

也。

王遂受四方之歸也。

也。

之辭乎?

也。」京,周

京也。

俔者,灼

止

又疑

中庸

天生

炎

迎

無

私

之心

大姒寤

四

也。 帝觀武 駵馬 成。 言。 所畏忌之意。 注 也 箋謂 變和 奉天 商。 王之疑貳。凡人事之所成,即天命之所 無貳爾心,恐其以紂衆 陳,興,起也。 也 曰 云:「駵,赤色,黑鬣。」肆,猶遂也,有 ,所謂天命、帝命。 人心恐武王之疑貳,故謂上帝亦恐武 「佐也」。大公望爲大師,號曰尚父。 白 左、右、亮也。」《韓詩》傳 車 諸 變,和 之伐,非暴怒之伐。 命平大亂 實生武 腹 宜 王則曰 侯予我 檀 也。 騵。」本《爾雅 王,保右武王,命 木。 **爾** 也。 女。 孔疏云:「牧野,紂南 ,誅君弔民,歸馬放牛,是謂 聖王之征 毛 雅 帝臨 予雖諸 傳 天帝不言,即 曰:「煌煌 釋詁》云:「亮,介 如林之盛而 護之,又命之,曰 侯而 旅, 人, 豈得已哉 釋畜》文。 云「相也」,毛 武 衆也。 興起,自上 王燮伐 ,明也。 人 之所 疑 郊。 矢, 無 郭 懼 大

> 蕪贅。 旨,又不足以 明德,故天復命武王也。」此《序》既 之。」則雨 也,故云。 月癸亥夜陳 齊世家》曰「吕 孫 子 兵法》 止 《毛詩序》曰:「《大明》,文王 矣。 未 日 明文王、武 尚」。 畢 詩 周 而 人喜 0 之 雨 《國語 興 其 以 也 王之德,徒 會 夷則之上宫畢 戰 吕 之 牙 一 王 朝 在 失 以二 清 殷。 爲 詩 有 明

迺 周 率 陶 曰 緜 ·西水滸 止 疆 原 復 緜 日 膴 陶 迺 瓜 .穴,未 理 時 膴 瓞 民 ,堇荼如 ,至于岐下。 ,築室于 迺宣 之初 有家室。 迺 兹。 畝 飴。 生,自土沮 迺慰迺 自 爰始爰謀,爰契我 爰及姜女, 聿來胥 古公亶父,來朝 西徂 漆。 東 止 周 迺 古公亶父, 爰執 左 迺 走 字。 馬。 右 龜

其 築之登 疏 厥 迺 乃 迺立皋門,皋門有伉。 縮 〈喙矣。 附, 問 立 版 召 冢 以 司 予 土,戎 柞 登 '空,乃召 載 虞芮質厥成,文王蹶 了, 作 棫 削 拔拔 有 醜 屢 廟 先後,予 矣,行道兑矣。 馮 翼 司徒,俾立室家。 攸 馮。 翼。 行。 迺立應門,應門將將。 捄之陾陾,度之薨薨 肆不 百堵皆興 · 曰 有 殄 奔奏, 厥生。 混 厥 () 鼛鼓 夷 愠 其繩 亦不 予日 駾矣,维 予曰 (弗勝)。 則 直 有 有 隕

蔓生, 之瓜,必小於先歲之大瓜。 故謂之瓞。」❷周 也。」●邢疏 人曰:「 生民》篇以后 爾雅 民 緜 • 謂 瓞,名瓝,案:原本誤 釋草》云: 延 周之子孫與 云: 不 絶, ||稷爲| 「紹,先歲之瓜。 推 初 本 「瓞,瓝。 民,詳觀 瓞 始 , (凡周) 雖 繼 小 之民 以其 是詩 繼 作 其紹, 瓞。」舍 而 「瓞」。 承 歟 瓜蔓近 通 後 承,如瓜 小 ? 滋 如瓝, 上下 小 大。 本 瓜

> 陽縣 之下。 陽 是 流,左會 漆、沮之閒也。」案:杜水出 翢 失也。』從之者如 以其所以養人者害人。」遂去豳,邑于 玉 子》、《莊子》、《吕氏春秋》皆言太王亶 狄人之所欲者,吾土地 西 陶 郡 城 ,俱不得免。 , 狄人攻之, 事之以皮幣、以犬馬、 岐 南 首. 有 復陶穴,未有家室」。 《孟子》作「邠人曰:『仁人也,不 路 山 漆溪,謂之漆渠。 漆 歷 。上許 縣 周 水,逕岐 燋 原 慎 石 乃屬其耆老 下。 歸 亦 Ш 市。 曰 東南 山 徐 : 西,爲 漆 廣 也。 毛傳亦引此。 又西 流 曰 水 又 曰: 杜 岐 : 丽 吾聞君 屈 出 一, 沮 陽 告之, 水 漆 岐 而 ,而 Ш 夾 水 水 山 周 東 Ш 出 _ 子不 交居 岐 以 出 屈 曰 京, 北 杜 杜 南 於 口 珠 逕 山 西

禦侮

小 原 脱 據 四 庫

地

周

原作 瓝 據四庫本及阮刻本《爾 雅 注疏》改。

注文 風 斷乎 義殊 里,則 境。 遠 古公亶父,皆穴居 之地,又謂 鶉 鶉 邠 而鄭箋輒異毛傳,而謂公劉 六十里。 邑,邑有豳鄉,❶《詩》豳國公劉 南逕祋祤 流 杜 觚 觚 即 ,則岐周之地有 ,又西南逕 未安。 理 無 (乃在: 陽」,注云:「《詩》『自杜沮漆』、《齊 今邠 縣 豳 岐 不 是 Щ 順, 理。 《漢 縣。 州 北 今邠 本府之岐 陶 與 豈有自公劉居豳 西南 地 ()宜君 於是益驗然。 邠 地理志》: 康成不善屬文,每每見其箋 夫宜君之南與 復 郡,則知扶風 州有古豳 州 接 陶穴」本其 胢 益 而未有家室乎? 杜水、沮 鳳 山,又本 近 翔府扶 又得黄嶔水 岐 亭。 「右扶 l水、漆· Ш 郡 在 遷 낈 《地理 今邠州接境 有栒邑城 府之東四 去沮 風 與 豳 來 豳 所都。」 郡 北 風 居沮 水明矣。 ,至於後 時 \Box 界 志》「扶 水 郡 地 也 此 不 郡 有栒 乃東 亦 笺 漆 古 斷 不 + 過 接 而

> 則誠 敷 ? 信 ? 惟 沮 沮 岐 謂 河」者,以沮水一名漆沮,沮水入洛,洛水 未嘗與沮 豳 沮之地。」古書多差,況非 詩》作『自杜』,言公劉避狄, 導渭會於灃,又東會於涇,又東過漆沮 與 水 與《詩》之『自土沮 山、邠南下甚遠。 栩 一地,言古公亶父初遷岐周之事也。 則未 杜 有故也。 在 謂《禹貢》之漆水異乎《詩》之漆水, 以本詩本文熟讀之,文理甚明 一岐山 水合,南至美陽縣 水合也,故 聞 何 西北四百里亦然,今考地 岐山 地。 所出之漆水在漆縣 孔 曰 漆」別」,又謂《詩》之 孔 未聞者,考之未詳 疏謂「《禹貢》之漆、 疏 而 云異。 聖 而 南 説, 來 流 居 於 此 杜 禹 渭 了; 非 奚 康 與 貢》 西, 理, 人 初 成 足 漆

武英殿本《漢書》改。

從

之如

歸

市,四

方悦其

愛

民 而

去國

一, 王

孔疏

云:「古公,猶云先王先公也。」大王

之日皆謂之來也。

古公既相地,至來朝

禮》所謂「來辰」者。

遷岐,必先相其地。

水入大水曰入。

而合曰會,大川

不曰會,而曰過者,樓尚書云:「兩川相

漆沮」者三矣。《禹貢》曰「又東過漆沮

前所言漆水出

岐山

,與杜水合而

水。

是水之入渭,然則二

漆沮

水

入渭

追

號。

《魯頌

閟宫》云:「寔維大

王

一,居

岐之陽、寔始翦商。」蓋以

去豳

居

过城,豳

人

遂與其妃姜女來胥相其所居。宇,居也。 而居未有家室。來朝,謂後朝之日,《儀 又異矣。大抵渭水之北,涇水之東,水名 然則此二沮漆水俗謂之漆水,又謂 漆沮小於渭。」古公之將 始至岐山,陶土爲穴, 自明日以後,凡後來 入渭者, 與與 似 興,本 也。 居乎? 平聲,得非字義本因相與觀視 所謂「陶復陶穴」者,陶 穴居爲常。 野處,古公時,殷世古質,雍州地高, 以陶去其土而爲之,故謂之陶。《説文》 由 釋亦難信。《釋水》云:「滸,水厓。」率,循 穴居。岐周,西夷之地,遠俗益近古,故以 云:「穴,土屋也。」「覆,●地室也。」許氏 陶,瓦器竈也。」案:原本有誤,今改正。 淮南子》注云:「復,重窟也。」上古穴居 此 胥,相也。 而 由大王 始,故《詩序》曰:「《縣》,文王之 自《爾雅》訓 今俗猶謂取 也。」孔 今俗猶以 釋 疏 猶多謬誤,前 之復陶之,謂 觀 土而 引《説文》云: 視爲相。 曰 出之日陶 相 而胥 相字 穴以 尤宜 蓋竈 儒 訓

0 云 覆」,四庫本作「復」。 「地室也。 从穴,復聲。《詩》曰: 案陳昌治刻《説文解字》作「寝 「陶寶陶穴。」」

三四四 七

勞。 西 滸 廣 初 是,可作室家於此也。 箋云:「時,是也。」卜從,則 堇荼 烏 燋契,❷以待卜事」,注:「契,龜之鑿 曰:「飴,餳也。」《周禮・春官》「菙氏 則生食之亦可乎? 榆。」❹《釋草》云「芨,堇草」,郭注 今三輔之言猶然。」藋,徒弔反。 相 云:「藋,堇草 作 頭 輪 而 <u>而</u> 同 周 甘 也。 「堇,音 方制之正 徂 田 義 至岐陽,大王居岐之陽。 了; 徧 東,從大王而遷岐陽者,皆執 如飴 日 乎 音靳。』《本草》謂煎之則殺人,然 開荒。 也,皆也。 謹。」《廣 箋 以 也。 也。」《内 굸 地之肥美 自 荼,釋見《衛 翢 既正,則 膴 雅 箋云:「繩者 遷 宣,開 則》曰:「堇 膴 岐,必 肥, 肥 也。 日可 也。 以索縮 重, 美。」《 莆 率 凡 谷風》。 《説文》 今俗 云:「即 鰯 循 止 田 藋 釋 一荁粉 其築 西 居 也。 掌 鄭 事 也。 文》 謂 共 氏 其 之 効 自 於

> 尺。 《説文》曰:「捄,盛土於器也。」毛傳曰: 詩 版爲堵,五堵爲雉」,何休以爲堵四 云:「五版爲堵。」李氏曰:「《公羊傳》『五 高之謂也。 薨薨,傅土者衆多之聲 複削治也。] 陾陾,取土於虆衆多之狀也。 氏 掌徒役之事。」翼翼 板,上下 球,虆也。」劉熙云:「虆,盛 》説:八尺爲版,五版爲堵,版廣二尺, 曰:「度,傅土 許慎《五 相 承 馮馮,張氏 而 經異義 起 也。」蘇氏 者, 司 × 空掌 曰: 也。 廟 曰 檐 一削 登登,築土 誉 戴 土籠 如 或 禮》及《韓 土 削 羽 邑, 一聲。」箋 也。」王 翼 屢, 司 也。 十 寖 重 徒

一管」,原作「勞」,據四庫本及阮刻本《毛詩正義》改

[「]菙」,原作「華」,據四庫本及阮刻本《周禮注疏》改。「荁」,原作「宣」,據四庫本及阮刻本《禮記正義》改。

本《毛詩李黄集解》改。 本《毛詩李黄集解》改。 本《毛詩李黄集解》改。

注 以 皋門,朝門曰應門,内有路門,天子之宫加 諸侯不得立也。」箋云:「諸侯之宫外門曰 此。及周有天下,遂尊以爲天子之門,而 也。 而《左傳》乃曰 意者大王之時,未有制度,作二門,其名如 侯有皋、應者 記》魯有庫門、《家語》衛有庫門,皆無云諸 事。」人聲之盛,鼛鼓弗能 牆,長三丈,高一丈。」毛傳曰:「鼛,大 杜 云: 積 傳》宋人稱皋門之皙,遂謂 亦曰 庫、雉。」箋義殊未安。孔疏云襄十七年 書》天子有應門、《 高 注云:「方丈曰堵,三堵曰雉。 「雉長三丈,高一丈。」《左傳 長一丈二尺。」《周禮》曰: 五版爲一丈。』、《考工記・匠人》注 澤門,非 ,則皋、應爲天子之門明 「澤門之晳」,非皋門也。 :訛誤 也。 春秋》魯有雉門、《 勝 然則疏謂「皋門 也。 諸侯 「以鼛鼓 朱氏 影隱 有皋門, 一雉 元 日 矣。 杜 禮 役 鼓 之 年

將將, 蓋序大 兵義。 僭。 文王。 《禮》:「國主,社主也,尊之曰冢土。」毛傳 之哲」者,其心記之訛歟? 孟 昆夷數侵 有事乎社。 是魯無皋、應、特其制 見《家語》,故不 成殆以 以觀者 年》「雉門及 曰:「起大事,動大衆,案:原本四字脱。 曰:「庫門,天子皋門。 子答貉 丽 人 出 樓尚書謂孟子斷章取 Ξ 魯得用王禮 康 臺 肆,猶縱。 以 稽 成謂天子加以庫、雉 一侮,而亦不 土 戎,大也。 引 之 兩 來,至於文王之事, 人之多 觀災」,子家子謂 此詩,謂 加 知衛 高 其愠怒我者不殄絶,謂 ,故魯有雉、庫。 者也,於以 足 有 也。 似之爾。 醜,衆也。」 戎 雉門,天子應門。」 文 以 庫 隕墜我之令問。 王 門。 冢 人義,但 也 又案:《定二 ,何也? 土**,** 社 《明堂位 兩 閌,大也 知雉 亦不 觀 觀 取 此 爲僭 以 門 止言 此 亦 必 也 詩, 康 有 未 非

理全白 也。」 説 事昆 捄。」二説不同,未知孰是。《易》曰:「兑, 陸璣《疏》云:「《三蒼》説 小木,叢生,有刺,實如耳璫,紫赤,可 爲櫟。」《釋木》云「棫,白桵」,注云: 棫,白桵也。」陸璣《疏》云:「周秦人謂柞 息而已,不敢有他也。 喙」者,言其敬畏 畏其盛,服其德,故疾趨 兑然,而四國之人咸歸之,國勢盛强,昆 及其久也,我之植 孔子也」、《邶・柏舟》之詩,孔子本無與。 以言文王。 駾, 馬 也。」丘 毛 夷,以大事小。」箋云:「柞,櫟也。 ,無赤心者,爲白桵 疾 傅 行貌。」吕曰:「喙,張喙 氏 日 又云「『憂心悄悄,愠于群 曰 駾,突 而形容之也 混 木拔拔其盛,行道之人 夷,當爲昆,字 孟子曰:「文王之 也。」《説文》 棫 而來服。「維其 即 , 今人謂 ,謂疾趨 柞也。 而息 之誤 之白 其材 啖。」 曰 維 小, 夷 喙

乃相與 有先 也。 也。 動之疾也。 退。 人其 讓路。 乃相謂曰:『西伯,仁人也。 翊 王 王 也。」虞、芮之争心,忽變而爲讓心,何 之君感而 傳曰:「虞、芮之君相 也。」蘇曰:「虞在 君子之庭。」乃相: 退 蹶 ,平陸有閒原焉,則虞、芮之所讓也。」毛 天下聞之而 此實文王之德有以感發之,故曰「 、朝,士讓爲大夫,大夫讓爲卿。 然 厥 孟 後之臣爾,予有奔奏之臣爾,予有禦 朝周。人其境,則耕 生, 子曰:「樂則 丽 人其邑,男女異路,班 相謂 不 生者,虞、芮之善心由中以 謂文王 敢 當, 曰:"我等小人,不可 讓,以其所争田 歸者,四十餘國。」蹶者, 陝之平陸 日予 發 生 與争田,久而 動 有 矣, 其 疏附之臣爾,予 善 者 , 芮 生則 盍往質焉?』 心也。 白 讓 在 爲 不 畔,行者 烏 同 閒 提 不平, 二國 之馮 以 可 而 其 生 履 丽 文

先,不得已而 文王之盛德,故詩著之。 徒謙而空言也。 文王之謙讓若是,益以見 之德。文王之臣無非聖賢,文王此言亦非 馘安安」之狀,則文王禦侮之臣亦輔 文王之德意,無暴無怒,觀「執訊連連,攸 雖奔奏小臣,亦吉人善士。 之先者、在我之後者,皆輔佐我以正者。 疏者,遠臣也。 稱贊文王之德者,故文有此 侮之臣爾,謂皆群臣之力爾。 命將率以禦之,其將率皆行 附者,近臣也。 禦侮雖 讓 此蓋當時有 行則. 辭 者 文王 無所 在 歟 我

倬彼雲漢,爲章于天。 淠彼涇舟,烝徒楫之。 濟 芃芃棫樸,薪之槱之。 追 濟 琢其章,金玉 辞王 ,左右· 奉璋。 其 相 奉璋峨 勉 周王壽考,遐不作人。 周王于邁,六師 濟濟辟王,左右 勉 我王 峨 、、髦士: 綱紀 及之。 夜宜。 極之。 四 方。

波」、「舟楫之危」、「或言能度水,不用舟《易》「剡木爲楫」、《漢書》「忘維楫,有風

楫」,皆此

也。 武之時,作成人材之盛,有至於此。 文王伐崇,攸馘安安,有德之容,則知文、 師及之,皆有德有造之人也。 道化作成之功。至於武王征伐或巡守,六 盛,如棫樸之薪,左右皆髦俊之士。槱,積 言武王爾,文王 文王。至於「周王于邁,六師及之」,則 安。文王能使「成人有德,小子有造」,何 序》惟言「文王能官人」,而不及武王,殊 其武王時,周人贊勉武王之詩歟?《毛詩 作之詩,故曰文王、曰武王。 至於《棫樸 自《文王》、《大明》、《緜》而下,皆成王 止於能官人而已? 其言「辟王」,或通言 聚積人材,固由選擇,而人才之盛,亦 不可以言六師。人材之 盛矣哉,觀 時 惟 未 所

也。 淠,舟行貌。 叢密, 芃芃 也。 注云:「樸屬叢生者爲枹。」《考工記》云 毛傳曰:「追,雕 行,速於置郵 人也。 化 紀者,禮樂刑政之詳。 之質,王其 未艾,豈不能作 天,其變化之所及者廣矣。今周王方壽 狀,有不可形容之妙。 趣 樸屬 凡察車之道,欲其樸 亦廣,故今有望於武王,盡作成遐 倬,高也。 樸,枹木也。」《釋木》云「樸,枹」者 ,猶附著 武王聖學如追琢之章,其性如金玉 曰 及之、 勉 然 楫 圃 勉 ,堅固貌也。」此言棫木僕附 盛 半 日 傳命, 人於遐遠 無 櫂 也。 也。 圭曰璋。 峨 怠。 也。 峨, 相,質 屬 趣、趨、辟、君 無不有德有造矣。 本末具備,德之流 倬彼雲漢,爲 皆. 蒸,衆 綱者,道德之本。 而微至」,注云: 乎? 髦 箋云: 也。 士 也。 以 攸 棫,白桵 「璋,璋 紂 宜 邁 遠 章 積 之 一,往 也 ¨, 郭 之 考 主 惡 意

> 字脱。 謬。 八寸,●以 璋於天子車 巡守,宗祝以前馬。」其宗人與祀,奉此 亞裸 云:「大璋、中璋九寸,邊璋七寸,案:原本四 其高峻巍峨,非祭也。 瓚 命》曰:『太保秉璋 瓚亞裸。]王肅: 爾雅》云:「峨峨,祭也。」《爾雅》義多差 祭統》云:「君執珪璋裸尸,大宗伯 也。 奉璋可以言助祭。峨峨者,璋之狀, 以璋瓚。』《郊特牲》云:「灌以 射四寸厚寸,黄金勺。 祭祀 頫 聘。 之禮 馬之前 云:「群臣 牙璋、中璋七寸,射二寸 王 以酢。」王 歟? 裸 又《考工記・玉人》 以 行禮之所 圭 又云: 有繅,天子以 瓚 諸 肅 塚 説爲安。 臣 奉,《 圭 助 圭 執 璋。」 Ź, 璒 顧 璋

厚寸,以起 軍旅,以治兵守。」又云:「璋邸

0 瑑 原作「 琢」,據阮刻本《周禮注疏》改。

之事 辭氣 所謂「于邁,六師及之」,其追記武王伐紂 射 左右奉璋,亦不特於祭見之。 素 · 敷 ? 功, 舒 徐 和 以 抑記武王巡守薄震之師 緩,殆言巡守時邁之事爾,抑 祀 Ш 川,以 致 稍 餼。」 然則 静觀 是 敷? 詩 王

莫莫葛藟 鳶飛戾天 瞻彼旱麓 兮 》: 求 彼柞棫 酒 彼 也。」箋云:「黄流,秬鬯也。」榛,栗屬 毛 也。 傳曰 既 玉 載 瓚 Щ (),魚躍 :「旱,山名也。 ,施于條枚。 ,民所燎矣。 · 騂 牡 ()黄流 榛楛 玉 有 瓚, 圭瓚 榛。」 [濟濟。 既 于 在 淵。 中。 備 陸 也。 璣 豈弟君子,求福 豈弟君子,神所勞矣。 以享以祀 豈弟君子,遐不作人。 豈弟君子,福禄 豈弟君子 궁 黄金所 麓,山 「楛,其 以以 ,干禄豈 足也。 以 介景 形 飾 不回。 攸 《鶯篇 似 流 干, 降。 福 弟 荆 鬯

瑟

清

瑟

總言之歟?

云:「圭瓚之狀,以圭爲柄,黄金 瓚,以祀宗廟。」案:原本脱「宗」字。 之事,裸圭尺有二寸,案:原本「尺」字脱。 求之歟? 瑟,堅膩貌。《考工記》:「玉人 此之謂也。 無所不通」者,此也,《詩》云「自求多 子所謂「孝弟之至,通於神明,光於四 者,此也,禹所謂「安女止」者,此也, 順 金爲外,朱中央矣。 融怡怡,是謂道心 豈弟之道,何道也? 是稱贊君子所以求 屈 而 也。 以 赤莖,似蓍,上 爲 君子之和樂孫 釵。」榛楛 君子之求之也,其諸異乎人之 濟 黨人織以爲斗筥箱器,又 ,舜所謂 濟,福禄之盛似之。 福禄者,以豈弟而 殷王帝乙之時,王 冰順,初 豈,和樂也。 「精一」、「執 無意説 爲勺,青 此 也。 弟,孫 詩 福 海, 孔 簺 於 有 融

0

素」,原作「索」,據阮刻本《周禮注疏》改

或當別 所 爲 以 疏 瓚玉,故圭勺名瓚歟? 爲酒 曰:『吾聞之子夏,曰殷王帝乙之時,王季 璋制考之,則裸圭之瓚 色黄如金,酒在器 俱未安。 勺之文隔絶甚多,文理未見其同,毛、鄭説 同。 本訛作「衞」。 云:「黄金勺,青金外,朱中鼻寸,衡案:原 也 福 謂 九 西 一,謂 禄 鄭不見《孔叢子》書,其言帝乙之時 (詳,蓋 命作伯於西,受圭瓚秬鬯之賜。二孔 ,以鬱金之草和之,使之芬香。鬱金 詳觀《玉人》本文,裸圭瓚與三璋黄 伯 惟 有所據。 福禄因 以 孔疏謂「秬、黑黍,一 胚二米,釀 君子 據《玉人》大璋、中璋、邊璋之制 功 四寸,有繅。」故意圭瓚之制 德 豈弟而降也。 豈弟,福禄所 受此 是章言受圭瓚秬鬯之賜 流 動,故謂之黄流。」以 賜。」 《孔叢子》:「子思 如勺歟? 毛 傳 以降也。 《説文》云: 言 金 其 勺 飾 攸, 用 金 亦 鄭

> 清 化成也。 平,無所不通,無所不感。 酒也,雖齊,亦就中取其清者用之。 王、王季同此心也,同此豈弟 人有德,小子有造」,不獨 作人於遐遠乎? 其道無出豈弟 善心由中以生者,其機同也。 然相感應也。 以 曰:「聖人先得我心之所同然爾。」孔子所 之德,所以感動人心而興起之也。 鳶, |酒,則 酤 能「綏之斯來、動之斯和 鶯鳥。」鳶飛 非謂 、卑矣。 清酒,非止謂三酒。● 在 文王之所以蹶動虞、芮之君 而已。 下之登酒 商 言無所 戾 頌 天, 是 魚 烈祖 也。 心 躍 文王有之,自 不作成也。「成 豈弟君子,不 」者,所同者,自 甚 于 也 一》亦曰 箋云: 神,是 其機無他, 淵 ,故亦同 自五 《孟子》 喻 既載 至於 齊皆 心 豈 此 太 能 其

❶ 「止」,原作「此」,據四庫本改。

文王、武王之所同也。 受祖,不知道也。 矣。本詩發明豈弟道化之妙,而《序》惟言 序》曰:「《旱麓》,受祖也。」失本詩大旨 以 詩人歌詠之辭也。 之謂也。 是進不以思爲。豈弟不已,即「求福 回者,旋轉也,退之謂也。 蔓之象。 降福禄如榛楛。 之功似之。 民取爲薪以燎,有濟乎民矣,君子有濟世 福,由豈弟以致之也。瑟,柞棫堅膩甚美, 在 辭害志,以意逆志,是爲得之。」《毛詩 福 而大也。 樽中也。 也。 非果有心於求之也,干禄、求福 豈弟之君子,求福有進而 介,●大也。 騂牡,赤色之牡。」是章言祭而 君子豈弟濟世,神所勞矣,故 無德者雖祭,不獲福。 葛藟施于條枚,有福禄滋 豈弟君子,太王、王季、 孟子曰:「説《詩》者不 景,明也。 是求不以 其 此介景 不回 無退。 思 福 慮 明

> 家邦。 大姒嗣 之人無斁,譽髦斯士。 式,不諫亦入。 射亦保。 思 怨,神罔時恫。 齊大任,文王之母。 **雝雝在宫,肅肅在廟。不顯亦臨,無** 徽音,則百斯男。 肆戎 (疾不殄,烈假 肆成人有德,小子有造。 刑于寡妻,至于兄弟,以御于 思媚周姜,京室之婦。 惠于宗公,神罔時 不瑕。 不聞 古 亦

乎。大任之神氣定静如齊,非大任堅持强也。典任事也。」《白虎通》:「男者,任也,也。典任事也。」《白虎通》:「男者,任也,也。典任事也。」《白虎通》:「男者,任也,男、《補音》:「尼心切。《釋名》:「男,任

❶ 「介」,原作「界」,據四庫本改。

之,故 武 失之。 文王之正妃 家》云:「武 可 姑,周 反側」,大姒盛德至是,「不妒忌」不足 配君子,至於「寤 人美其不妒忌之志,極其美而言之,謂 生,故不妒忌,敍進衆妾,致生男之多。 音,猶令聞 之妃大姒,又繼嗣大任徽美之德音。 取 爲京師,詩 一,次日 【王與伯邑考爲十子也。」《史記・管蔡世 ·年《左傳》,曰:「武王之母弟八 以 此 致百男也。 定静 姜能 詩人稱之曰「則 大任不動乎意,故常静也。 管叔鮮,次日 也,人心本定本静 也 人尊稱大任爲京室之婦。 順 王 也。 事 同 其 也。 其長子曰伯邑考,次曰 母 觀《關 寐 名聞不虚 兄 思服,悠哉悠哉, 後武 (弟十人,母 百斯男」。 周公旦,次曰蔡叔 雎 王 》寤寐求淑 得, 有天下 動 孔疏 由實 日大. 人,是通 於 愛媚 意, 文王 引 以 輾 女 德 周 姒 武 定 以 亦 轉 詩 而 徽 地 其 則

祀, 周 謀 謂 祖 度,次 痛也。時,是也。」追王止於太王 言其衆妾生男之多也。 記 管叔鮮,次蔡叔 云: 淵明言曹叔,而注云有毛叔圉 季載。」杜 次周公旦,次曹叔振鐸,次康叔 處,次曰 詩》,未必皆得。 於南、 文王 詞 類而上 》皆同,其次則異。 召、 順惠宗 文王 「宗公,是宗廟先公。」毛傳 \Box 宫,諏 畢、榮 」, 康 曹 曰 預不言曹叔 叔振 取 叔 於八虞,咨於二 廟,神無 1先公。 対,次 太 於蔡原,訪 姒 鐸, 度,次郕叔 且. 爲 盛稱 怨恫 生伯 次 日 惠 叔 則百斯男,詩人意欲 日 聃 振 宗 孫豹誤釋《皇皇者 郕叔武 婦德,故及於 溪鐸,而 叔季 邑考、武 於辛 惠, 公。 虢,度於閎夭, 武 晉 順 、次霍 ·載。」皇 ,其名與《史 1語》胥日 尹,重之以 然 有 封,次聃叔 也。 曰 次 ,自公叔 毛 王 先 曰 一發,次 叔 叔 儒 恫 孔 臣 承 霍 聃。 處 雖 疏 叔 餘

也。」殄,絶

也

一,無

也。

縦大患難不無

, 而

0

地

謂

在宮則雝雝

王盛德感應。

也, 羑里之囚是也。 亦兢兢保守無怠。 由中而達於外。 有聖母,下有聖妃,雖大姒自有盛德,亦文 事,惟文王知之詳歟? 法度儀刑之善,故載之《詩》歟? ,亦若有臨之者。 爲每懷,左氏以爲未安而削之。 謂大姒惠順宗廟先公。毛傳亦曰 蓋王侯自稱孤、寡、不穀,謙辭也。 忠信爲周,又以 亦難盡信。 國君自稱曰 此曰寡妻,殆文王嘗自稱寡 至於兄弟以御於家邦,道化 ,在廟則肅肅。 詩人於是備贊文王盛德, 吕曰:「戎疾,大患 夷考《思齊》之詩上下 昆夷、玁狁之難,則其 雖人心悦我 寡人,則稱其妻宜曰 是詩推本文王 懷和爲周,又以懷 雖居不顯之 無厭 宫中之 然 則 射, 難 上 妻 雖 於善。 不知道,故有斯言。人心本善,非自外至。 無 所 動

猶曰昔之人、《無逸》曰昔之人謂「老成 造之既興起其善心,又左右之,輔翼之,使 化廣大,成人則有德,小子則有造。 之入於善,是謂造,亦謂之作人。古之人, 人諫而後入於善。文王雖不因規諫,亦入 聞知之地,亦敬如式。 文王之功烈光大而無瑕玷。 肆有甚盛廣肆之意。 ,自敬自善,故 雖室中屋漏,人所不 在車致敬則式。 假,大也。 又言文王道 造者 他 心

寡妻。

文理,

「宗神」

和

華

I 以

刑,法也。

上有大任之母,下有大姒之妃故也。 齊》,文王所以聖也。」蓋文王之所以聖,由 使之有譽爲髦俊也。《毛詩序》曰: 總言成人、小子及故老之人,皆文王作成, 成德已久,惟亹亹無厭斁。 斯士者, |《思

古」,原作「言」,據四庫本改。

道,故 作人,亦作 殊爲害道。 本心之善,而輔 聖,亦由外 學者知道,不信 書》 曰 曰 道 助。 惟 其所固有爾,非 心 使 民 文王 縦有 己 生 成治化爾。 動 心之即 厚 乎 如舜,不 佐 意,始失之。● 因 助,亦不過 物 道,故 能强其所 有 幸其母嚚,豈 衛《序》之言, :遷。」人 謂 助文王 文王之 無 所謂 心 也。 即

對 帝 帝遷明德,串夷 啓之辟之,其檉其椐。 作之屏之,其菑其 維 皇矣上帝 此二 省 帝耆之,憎其 ,自大伯 其 一國,其 山 臨 王季。 柞 政 下 棫 式 有 (載路。 不 斯 翳。 廓。 獲。 赫。 維 拔,松柏 此王季,因心 乃眷 天立厥配,受命既固 維 監 攘之剔之,其壓 修之平之,其 彼 觀 斯 西 四 四 **党**。 顧 國 方,求民 一,爰究 此 帝作邦 則 維 灌 友。 ?之莫。 爱度。 其柘 與宅。 其 柳。 作 則

> 有四方。 友其兄, 之將。 沅 歆羡,誕先登于岸。 帝祉,施于孫子。 邦,克順克比。 其德克明。 閑 篤于周祜 弟 懷明德。不大聲以色,不長夏以革。不 我泉,我泉我 疆,陟我 知,順帝之則。 徂共。 ,以爾 墉言言。 萬邦之方,下民之王。 則篤 高岡。 鉤援 維此 王赫斯怒,爰整其旅,以 ,以對于天下。 克 其 與 池。 明 王季,帝度其心。 慶, 帝謂文王,詢爾仇方 無矢 比于文王,其德 執 爾臨 克類,克長克君。 帝謂文王,無然畔援,無 度其鮮原,居岐之陽 訊 載錫之光。 密人不恭,敢距 我陵,我陵我 連連,攸馘安安。 衝 以以 依其在京,侵自 伐崇墉。 帝謂、 受禄 靡 貊 按 阿。 悔。 其 ~, 同 文王,予 徂 大 無 王 臨 、德音, **灬喪,奄** 郑,侵 旅 既 此 識 是 在 無 爾 衝 不 漕 飲 然 受 大 閑 兄 類 阮

失其聖乎?

❶ 「之」,原作「心」,據四庫本改。

墉仡仡。 是碼,是致是附,四方以 武,蒐田 提工,執鼓坐作,從節有序。盛矣,允文允 馬得聲。馬本音姥。 禡,《補音》:「滿 邇,孔淑不逆。 臨下有赫。 之赫。』荀勖《大會行禮歌 陷之中」,高誘注云:『壑,讀如赫 補音》:「赫,黑各切。 是伐是肆,是絶是忽 表 八碼。」 四表宅心,惠浹蠻貊。柔遠能 補 來格 切 晉《鼓吹曲》:『師 ,野祭也。 祈祈,邦家是若。」」 無 《淮南子》『汙壑穽 侮。 》**:**『明 "; 四 臨衝 方 《説文》以 (明天子, 以 講茀 赫 無 明明 /', 崇 拂。 執

者歟 政。 敷 ? 訛歟 是 赫者,明威之謂。 度四 ? 不得,謂失道也 是詩 莫,不可 瘼,病也。不然,則民心之所不 方諸 惟言按密伐崇。 國 可 也。 莫者,其「瘼」之音 以 使征伐之者。 二國,其謂密 二國不道,上 獲,得 也,得 然 帝 與 而 Η. 於 崇 字 其 可

作,即 畛。 雅・釋地》云:「田一歲日 抑 曰 其翳」。《周禮・夏官》掌固、司險「五涂 而 也,維與西周安宅焉,於是作治西周之宅, 國,久待之,即上帝之耆之。 此,指西 帝憎惡之,乃眷 不悛,反更張廓,不少衰止。式,更也。 耆,老也,猶久也。 帝不遽伐之,又久 木密比蔽翳,修理之,平正之。 常心,以百姓之心 立死, 椔。 盛。 傳者意之歟? 又屏障之。 民歸之,則帝歸之。 涂,道路之上,樹之林以 上帝之所作也。 自斃爲翳。」豈《爾雅》有 斃者,翳」,郭注 顧 作者,作治 爲 國家作治 西 待之,尚 及其久也,二國之惡終 心 國,西 毛傳曰:「木 民惡之,則帝 文王未遽 菑。」《釋木》云 周也。上帝 覬 引《詩》「其椔 庶 爲 其 其 務 阻 人爲之所 别 田。 或 ,不必專 . 固 。 本 改 伐 歟 立 爾爾 也。 周 無 死 徑

三六〇

往 德 周 凡 惟 以 生焉, 楊。」《釋木》云「椐,樻」,郭注云:「腫節 言治 云「檉,河柳」,郭注云:「今河旁赤莖小 栭栗。」《 槲樕而庳小,子如細 木,叢木。]又曰「栵,栭」,郭注云:「樹似 治田,蓋其先 行生曰栵。」啓之辟之,謂芟除。 人恭順 服 心歸 此 可 之居宅安矣。 爲杖。」●《釋木》云:「檿,山桑。」桑、柘 ~ 菑」,當從《釋 即即 土 攘剔,不可除伐矣,以其 其 有栵木之比 往。 田 木, 上帝之所以向往 歸 内 道涂,林木屏翳,修治就敍 況《爾 往,往來 則》云:「芝栭 至於所 務。 雅 周世世有德,其德昭 地》一田 林木之盛,有 列 載 》亦多差誤。 患之昆夷,亦畏 栗,可食。 焉。 路。 也。 《釋木》曰: 歲日 遷,往也。 庱 棋。」 可 人心之往, 菑。 江東 灌 今詩 以 《釋木》 程 木 蠶 力懷 則 呼爲 之從 串 曰 立 本 「灌 明 也。 夷 國 文 西 可

> 周之山 伯能讓 陶淵 某氏曰: 即 爲。后稷、公劉、大王,天命漸 有文王爲對。 天命之所作。 時,其國有政,其邦固矣。人道之所至,即 戎國名。」《爾 季得大任、文王得大姒 其本心之所固 自之爲言後有繼矣。 命於是益固 兑,説也。」林木之盛,其國富饒,斧斤 帝 命之往。 明 ",故王 ·; 柞 티 : 「《詩》云: 『天立厥配。』 帝省西 棫 季得傳文王。 木欣 既有文王,又有武王、周公。 拔 雅 鄭箋云:「串夷,即 有王季,又有大伯爲對。 天 有,非自外而 然 立厥配,大 釋詁》云:「妃,娘也。 欣 而 「因心則友」者,友愛 以 長,松柏兑然而悦 ,益助周德,周受天 向 榮。」《易》曰 既有王季,又 至,非 王得大姜、 歸 周 昆夷,西 勉强 至 有 王 丽

⁰ 節」,原作「即」,據四庫本及阮刻本《爾雅注疏》改。

教誨 之。』」先儒 九德不愆,作事無悔,故襲天禄,子孫賴 曰 應和曰莫,照臨四方曰明,勤 受帝祉,施于孫子。」心能制義曰度,德正 邦,克順克比。 德克明。克明克類,克長克君。王此大 曰:「維此文王,帝度其心。莫其德音,其 傳》:「昭二十八年,晉成鱄曰: 《詩 遂至於奄有四方,備言慶祥之篤厚。《左 受禄者,享國也。 强,有光輝焉。 以光輝,周家之德益著,令聞益廣,國勢益 是益 也,王季之德心有以篤之也。 王季復有德,心友其兄,則天命之祥慶,於 順 擇善而 不倦曰長,賞慶刑威 篤厚矣。 以己 從之曰 天命之慶,非 周家之所有,即天之所錫。 意 比于文王,其德靡 解 世襲不絶,是謂 釋 比,經緯天 古訓 曰) 豈能 君,慈和 施 無故 帝於是錫之 無私 地曰文。 悔。 而 |日類, 無喪。 : 徧服 自 既 篤

> 中 ? 哉 ? 臣民,親比宗族。 老,敬順臣民,有順無悖。 此詩,故云也。 也。王季而言「王此大邦」者,追王之後 臣民言君。 長,猶君也。 倫類不亂,●咸有其理。 莫者,廣莫溥大之謂。 作文王。 文王, 豈所傳之誤也。案: 王肅注及《韓詩》亦皆 維王季帝度其心,成鱄言維此 敢有改。 帝揆度,王季之度爾,而成鱄又誤言 後世以《左傳》古書也,一切信之,不 審觀本詩上下文勢,當從此 而本詩「帝度其心」,豈成鱄之謂 克盡其道,則能君矣。 析而言之,則於親族言長,於 順者,順 王季之德,衆善咸備。❷ 明者,無蔽。 惟克明,故克類。 事殷王,順事長 比者,親 文王 比 克,能 類者, 鄰 非。 本。 國 作

- 「亂」,原作「剋」,據四庫本改。
- ❷ 「善」,原作「言」,據四庫本改。

三六二

人事 拒 自 哉。❷ 大公之所啓告,武王、周公之所贊 抵聖人不自以爲聖,上帝豈實有言諭文王 是畔援、歆羡,誕先登於岸,勸文王自奮自 溺者求援於畔。 也。 助,閎夭、太顛諸臣之所輔弼,勉文王自奮 濟,無小心卑恭太過也。文王即古聖,大 敢有自爲之心。 大難,見囚羑里,惟有覬援於他人之心,如 福祉,又延及於孫子,文王小心卑恭,當紂 陸從《樂記》,陸多好異,失理。 既受帝之 盡 失,無可悔之事,是謂 比 其義。 違 於文 濟,濟海内塗炭之苦,無卑恭小心而 即天道,人言即天言。 我 比當毘至反,●而陸 周大邦之命,既侵阮,又阻 王**,** 《樂記》作「克順克俾」,傳之差 亦 併 然,是也。 比 維慕古聖,羨治世,初不 無 靡 異 悔。 於 德明必里反者, 王 帝謂文王,無 密人不恭,敢 成鱄所釋,未 季 無 往共 有 愆

> 誤。 衆。 旅。 或 無 即上帝之怒。 止 無飲我泉,此我之泉也,我之池 密人初依近周京,先侵阮疆,升 足以答天下望救於周之心矣。 衛小國,足厚 文王於是從衆聖群賢之請,一怒而安民 侵阮徂莒」。共、莒二字近似,故訛 矢射 ,❸將侵之。 遏之辭。 《孟子》引此詩作「遏莒」,二者必 若《孟子》「徂莒」爲是,則 聖賢之言,即上帝之言。 我陵,此我之陵也,此我之阿 文王未欲遽誅 ,周福。 文王爲西伯, 爰整師旅,以 篤,厚 也。 伐之,姑 密 按 文王赫怒, 拒命侵 陟我 止 對, 祜, 上亦當言 也。 徂 答 福 高 止遏 有 共之 此 也。 岡。 也 也。 救 皆

阻

」,疑爲「徂」之誤。

[「]豈」,原作「雖」,據四庫本改。「毘」,原作「昆」,據四庫本改。

¹⁰⁵⁶

心,如 豐。 色殊不大肆,不以國勢滋長夏大而變革其 文王,予懷爾之明德,爾卑恭小心,聲音 方,而萬邦之所歸也,下民之王也。 岐之東南三百里耳。」萬邦之方者,雖居 謂此也。 本三字脱。皇甫謐云:『文王徙宅於程。』蓋 之後,度其鮮原,亦居岐山之陽,●在渭水 連。』《釋地》云「廣平云原」。文王於遏 之而 書》稱文王在程,作《程寐》、《程典》。案:原 相將稍近之地,而遷邑焉。 山》云「小山别大山 文王之怒非私怒,非生於忿之怒,乃 之,故三軍之士從文王之旨,亦姑止遏之。 義不得已之怒。 密之事情,可以師臨之諭 知此非豐者,以此居岐山之陽,豐在 (止,文王無過怒也,密服則止。《釋 無所 箋嫌此即是豐,故云後竟徙都 知, 如 無 曰鮮」,郭注云:「不相 所識,常静,常敬,常 故疏云:「《周 帝 迫於 於 顔 謂 密

> 及,故伐之。凡可以在上臨下之具,皆臨 崇侯虎導紂爲惡虐,囚文王於羑里,文王 文王,詢問爾之仇方。詢其事狀情理,若 即是心也。 嘗有知識也,而自能照物。 未嘗有知識 動乎意,則融 乎意,流乎邪,故失之,故與天地睽隔。 形,是心無我,虚明無際,天地無閒 非伐己仇,乃伐天下之所仇。非告語之所 城之具,與夫臨 不可不伐,則與爾兄弟之國,以爾鉤引攻 即舜之精一也,即禹之「安女止 道在人心,人心即道,故曰道心。 止,常一,是謂「順帝之則」。三才無二道, 文王之遏密伐崇,即是心也, 也,而自 融渾渾,即帝則也。 車、衝車,以 能 鑑物。 文王之赫怒, 伐崇國之城。 如 也。 日月,未 如水鑑 是 帝謂 惟動 心無

亦 `原作「於」,據四庫本改

0

氏 驟 野 服 則 者,故不殺而執至 謂 非 狀 善 仡仡」,高貌。 《周書》曰: 「仡仡勇夫。」箋 者,而言問之,連連 毛傳亦多差,謂此 量 城 閑,閑暇不急遽之狀。文王不得已 也 伐 者,殺 _, 因 日 曰 殺 墉之崇人,有順迎 閑 如天地,故三軍之士行文王之德意,其 猶 「言言,將壞 一碼。 閑。 ጢ 凡 物有遷,其本善終不 或 寬徐如 馘之。 可 仡仡, 壯也。」《説文》引《詩》「崇墉 而獻其左耳 覬 其未致者,猶招 毛傳謂「言言,●高大也」,安知 以從旁衝擊之具, 景侯之忽悔 此 《釋詁》 貌 一, 而 也。 閑 而至不絶也。 四 曰 訊,言也。 閑爲動摇,亦 王師之言不一乎? 曰 : 方 馘 如崇侯惡黨凶 Щ 無 致之使附,不忍 磨滅。 改 敢 於内 馘,獲也。」不 也 皆 侮周 執 衝 日 聖人 此德 者。 非。 所 丽 也。 「類,於 生 性 攻 徒 心 学 王 得 順 箋 本 閑

> 明。 監代 也。 王師 復伐之,因壘而降。]夫始攻之緩,戰之徐, 安,非聖人豈能作,爲《序》者固 王。」此《序》未 留,而罪 之也。及其終不下而肆之,則天誅 非力不足也,非示之弱也,將以致附 傳》曰:「文王伐崇,三旬不降,退修 굸: 又本詩惟言遏密伐崇,而伐殷之意尚 曰:「忽,滅也。」朱曰 伐 《毛詩序》曰:「《皇矣》,美周 是詩言天人無二,不識不知,閑閑、安 也。 殷,莫若 謂 人不可以 茀茀者,臨 擊刺之。❷ 周 爲 世。 全非,大抵贅語 不得故 衝密比,如 周 「拂, 肆, 世修德, 也,此所 犯 戾也。』《 突也。」毛 草 ", 無 不 莫若 也。 之鬱 以 不 識也。 而全 教 春 所 爲 可 發 天 弗 文 文 以 而 秋 傳

謂 原 作 爲」,據四 庫 本改。

⁰ 0 一,原作「制」,據四庫本及阮刻本《毛詩正義》改。

經始靈臺,經之營之。庶民攻之,不日成之。

經始勿亟,庶民子來。王在靈囿,麀鹿攸伏。

麀鹿濯濯,白鳥翯翯。王在靈沼,於牣魚躍。

於論鼓鐘,於樂辟廱。鼉鼓逢逢,矇瞍奏公。虡業維樅,實鼓維鏞。於論鼓鐘,於樂辟廱。

囿,音又。麀,音幽。《補音》:「伏、《周

日

有司經始勿庸急,庶民如子而

一來矣。

文

官·考工記》『不伏其轅,必縊其牛』,注

當爲犬,弄司 宜之異也。二賈宜《爲武》云:『故書「伏」作「偪」。 杜子春云:「偪

當爲伏,音同而字異也。」」賈誼《鵬賦》

叶,揚雄《長楊賦》「伏」與「息」叶,班固《幽『伏』與「域」叶,東方朔《七諫》「伏」與「息」

『伏』與『碩』叶。」《補音》「伏,筆力切」,未通賦》「伏」與『逼』叶,揚雄《上林苑令箴》

逼反。同音有偪。」而《唐韻》:「堛,茫逼安。《集韻》:「鼻墨切。偪,筆力切,又伯

徒

曰

與諸 爾。 切。」簡謂伏宜茫逼切 服、蔔、 賦 、箴韻叶,又與今音同 菔 若 筆 力切, 既既 則 與 異 母,特 「逼」同 母 翯 韻 了, 又 轉

鶴、《孟子》「鶴鶴」。牣,音刃。

攻治之,不盡一日而已成之,故當時有言,文王爲臺,方經畫而營之,而庶民咸來共

王爲臺,非如後世侈,故不日而可成。然

民來如子,成之速,人異之,於是謂其臺曰

速若神靈然,孟子所謂「民歡樂之,謂臺、靈臺,謂其沼曰靈沼,謂其囿曰靈囿,謂其

見,見所伏於囿中,見其光澤如 沼 曰 靈」。 麀, 鹿: 牝 者。 獨 言 洗 濯 蓋 然,故 所 親

《御非少,不驚不逸而攸伏者,無害獸之不濯濯。 劉曰:「鹿易驚易逸,王在靈囿,

心,鹿則信之而弗疑也。」然則首言麀伏,

節 約觀 乎? 者。 毛傳 鼉,魚屬。 百・テ 水旋 有眸子 邱 如 壁 無 曰 見 辟 曰 廱

三六六

命 無 漁 眸子曰瞍。」孔 師 伐 蛟 取 鼉。」《 疏 ☐ : 書傳 「《月令》:『季夏, 鼉 如 蜥

蜴,四足,長丈餘,生卵大如鵝 蜴 ·長六尺。』陸璣《疏》云: 電 卵,其 形 似 皮 水 堅 蜥

雅 厚,可冒鼓。」」毛傳曰:「公,事 釋詁》云:「公,事也。」《爾雅》及 也。」《 毛 爾 傳

公」,公者,諸侯 亦多差誤。 案:《燕禮》 之通 稱。 樂 文 王 正 時 告 殷 歌 世 備 尚 於

質,故矇瞍告歌備於公,而 所謂矇者,矇矇 略 見,故可奏公。 不 以 樂 特 īF. 敷 ? 目 視

之情 云:「大鼓謂之鼖,大鐘謂之鏞。」 吕曰 於,歎美辭 也。」鄭箋云:「論之言倫也。」得其 也。』《樂記》云:「 論 倫 無 患 倫 樂

尺,中圍加三之一,謂之鼖鼓。」《釋樂》

貌。

《考工記

八尺。

鼓四

不

明之老稱歟?

視不明者,聽必精,故

樂

此樅

亦文承虡業之下,故知

樅即崇牙之

牙。

其狀隆然,謂之崇牙,崇牙之狀樅

樅

大

孔疏云:❷「其懸鐘磬之處,又以采色爲

曰:「業,所以飾栒,刻板捷業如鋸齒也。」

鏞

,大鐘也。」孫炎曰:「<u></u>虞栒之植

一所以

懸

鐘磬也。」《釋器》云「大板

謂之業」,孫

炎

業,大板也。

樅,崇牙

也。

賁,大鼓

也

曰 「

牣,

滿

也。

植

者

曰

虡,横

者

日

栒。

者

_, 0

民

歡

樂,所

覩

皆樂,故

굸

也。

毛

傳

滿

沼

魚

多

而

躍,

此不爲異,

而詩

人言之

亦

以

人

異

故

敷?

白

鳥

翯

翯

然張

羽

丽

高

理

然。❸《有瞽》曰:『設業設處,崇牙樹羽。』

6 2 0

言 原 作 高 據四 庫 本改。

孔」,原作「孫」,據四庫本及阮刻本《毛 原脱 據四庫本及阮刻本《毛詩正義》補 詩正義》改

遂登觀臺以 工 了必回 用矇瞍。 鼓 鐘 鼓鐘於樂音最著,故言樂之倫 望, \sim 丽 春 書 秋 三雲物。 傳》曰: 楚椒舉 「公既」 視朔, 曰 :

「先王之爲臺,不過望氛祥。」」 孟子曰:

心親 而民 序》曰: 附 .樂其有靈德,以及鳥獸昆蟲焉。」夫民 文王也久矣,奚始於此 「《靈臺》,民始附也。 文王受命, 餘贅辭

靈臺在太廟之中 壅之靈沼,謂之辟 雍

爲囿 曰 類宫。」 康成謂辟雍及 三靈同 處 在郊矣。

云: 「明堂者九室,室有四 户,以 茅蓋 屋。

詩 《爾雅・ 上圓,下方,外水,曰辟雍。」夫文 神霧》曰:「作邑於豐起靈臺。」《左氏》説 王制》云:「太學在郊,天子曰 民之歡樂之,樂其 爲沼 釋宫》云:「四方而高 固 ,可知在郊。 可稱 王。 有 《大戴禮 至於辟 麋 鹿 魚 雍 鼈。」《毛詩 辟雍、諸侯 曰 王 事 臺。」《含 盛德》篇 實 追 了; 文

> 皋門、應門,後定爲制歟? 有天下,始定爲天子制歟 王 豈 有僭天子制耶? 始文 ? 王創之,後 亦猶 大王 立 周

下武 受天之祜,四方來賀。 昭兹來許,繩其祖武。 媚兹一人,應侯順德。 成王之孚,下土之式。 王配于京,世德作求。 世 而 如 周 有 步而無後步者 今俗語下來謂後來也。 曰 前 有大王,又有王 禹,有啓,而無繼;商有湯,而 維 「下武維周」,謂 哲王,大王、王季、文王三后,雖 周 步有後步, 世有 哲王。 不繼 相繼 季,又有文王,有 三后在 不 於萬斯年,不遐 有後步者維周爾。 於萬斯年,受天之祜 永言孝思,孝思維 永言配 也。 永言孝思,昭 絶,故以下武爲 武,步武也。 維周 天,王 命,成王之孚。 有後步,夏 哉 配 無 有佐。 武 于京。 嗣 有前 已在 王, 喻 服 則。 周

三六七

也。 作 則 服,其言其行固海内所法式。 舜曰「精一」、「執中」,是心也。 心也 與 周 求 以 天。 世 動 心,與上帝之心亦一也,與四海之心 成王業,天下 配,合也。 「咸有 一 世 式 愆則 如大 武王之心一也。 有天下,皆信周之必王。 德,故永永配天命。 德爲務。 是一德之中,無利心也,無富天下之 繼 在天, ,無動心也。 德,是永永能孝。 惟聖人王天下,故天下咸 虚,感而 尤,何式之有? 德」,是心也。 其道與三后 謂 作求,即爲 - 咸信 已 殁 遂 禹 通 也。 其必成。● 一者,德也。 曰「安女止」,是心也。 如 務之謂· 無異也。 四海之内,皆願 丽 四 是固 湯表 海。 武 曰「思」者,助辭 孚,信也。 王 Œ 海 是心寂然不 也。 三后之心, 微動乎意 一萬邦 配於周 湯與伊 内之所 周 師 四后之 家 維 仰之。 、武王 亦 世 世 京 周 共 Ť 望 # #

> 其德同 《易》曰「乃見天則」,《詩》曰 所思 歟 寂 配天命? 有毫 爲非順也,知者以武王爲 媚之者,應侯之順 下同心歸之,媚武王雖諸侯而有天下。 庸、不可變改之則也,三才之所同也,故天 其事不同 大王、王季、文王順 詩》又曰「有物 然不動 ? 釐不 安 止 其 也,其無利心、無富天下之心 曰 也。 順之心,則何以 同也,故 「孝思」,❷則所 何以配三后之德? 敷 ? 而 有則 日 精 (特曰「昭哉嗣服」, 德,不知者以武 事般 嗣 」,則者,大公至正、中 繼其服事昭明」者 敷 ? 商,武 順德也 爲武 思者,德心歟? 二順 維 王? 王 服, 帝之則」, 是 一乃伐 王伐 使武 維 同也 事 何以 則。 也。 商 咸 紂

,原作「心」,據四庫本改。

[「]成」,原作「言」,據四庫本改。

¹⁰⁶²

德,而

昭其

(功,不

明四后之心甚矣,衛宏

武王

一,則何

以

曰「維周」也?

不曰

昭

其

之害《詩》也如此

豈特於今遐遠之方咸來佐助,於後萬年亦 祖之所自來者,德也,安止者也,精 也,不動者也,是謂來許,是謂祖武,是則 昏者以跡爲事,明者 ,世德深入乎人心,深入乎 詩人謂武王受天之祜 今武 也。 詩 以 昭 德爲 人 王 其 繩 謂 有 者 先 伊匹。 武王烝哉! 卜維王,宅是鎬京。 自東,自南自北,無思不服。 同,皇王維辟。皇王烝哉! 王后烝哉 王公伊濯,維豐之垣。 崇,作邑于豐。文王烝哉 文王烝哉 文王有聲,遹駿有聲。 匪棘其欲,遹追來孝。 王后烝 豐水有芑,武王豈不仕? 豐水東注,維禹之績。 文王受命,有此 維龜正 遹求厥寧,遹觀厥成。 四方攸同,王后 ! 築城伊減,作 皇王烝哉 鎬京辟廱,自 之,武王成之。 武 功。 既 四 爲 治厥 方攸 哉 伐 考 西 豐. 于

循

也,循繩而

往也。

三后之步武也,是則武王之所

繩

事

又曰「昭兹來許」,許

所 所

也。

志

述

事

也。

於萬年者,知周

孫謀,以燕翼子。 武王烝哉

亟,或作「棘」。 適」、《禮器》作「聿」。 《毛詩》此 篇 丰 並

作

命,能昭先人之功焉。」不以武爲步武,而

無有遐遠而

不來佐

.助乎?

《毛詩序》日

豪

武》,繼文也。

武王有聖

德,復受天

天下,四方來賀,是受天之祜也。

人心,則深得乎天心,故云也。

不得已而有伐紂之事 聲,聞譽也。 已,求安民而已,初無圖 發語助也。 文王之所以有聲,維求安 文王有聲,其聲 `,實無利 王之志。其後雖 甚 心,無私心, 「駿美。 寧而

傳

三七〇

閒,不 以大其功也,亦以大其道也。 王 ? 爲 伐於崇,作邑於豐,天命也。 墉 聰明,欲已而義不得已。 成 爰整其旅」,以遏密人徂侵之師 而 援」之章。 以大也。 君,然《爾雅》多 人情事理必利害曲 也,故因 消此 已者。 加 功業,●惟有志於安天下,此文王之所 哉,烝, 於 爲之,皆天也。 求 何以 由乎天,則必不合乎 即受天命而 寧 [有盛義 受命之義,備見《皇矣》「無然 是或因衆聖之啓告,或因内志之 盛 而 所謂天命,即大義之必不 有成 也。 ? 丽 ,盛有大義。 爾爾 差誤,不 卒 行之,有此武功 再贊曰「文王烝哉」,所 折,文王 使文王微置私 觀 雅 厥 於是「王 成。 可 釋 因其義之所當 入, 作豐 盡 詁 聖人 淢,溝也,有 詩 信。 何 雖 7人贊之 了, 以 邑,當 赫斯怒, 以 這於其 無 也。 以 烝, 伐崇 ·可得 爲 心 烝 既 \Box 文 時 畔 於 衆 爲

> 也。 也。 也。 非 匹 所欲,順天之所欲,順 城 孝,文王亦追 人欲,非天道也。 亦由道而 有洒」,光潔 兩兩 亟 必 濯,光 有所 文王之心,常安常 周 有減 也。 世 行。 世 欲爲也,乃追奉其所自來之孝道 昔者作程,今又作豐,是爲 潔 一有道, 取 如洗 也, 此道 雖欲以 土 亦 而已。 爲)滌也。 周世世不失其道,謂 由 猶《新臺》之「有 道 城, 就王業,亦以順民之 義理之所當 啃 而行。 因 王后,亦謂 文王既追王, 以 若亟: 爲 今更作豐 溝 其 丽 欲, 爲 泚 文 作 險。 兩 王 之 是 其 之

❶ 「功」,原作「公」,據四庫本改。

臨中

國

,四方又咸歸。

豐邑城淢又崇壯

險

公也。

四

方咸歸,故曰

「攸同」也

豐

邑

之垣

,蓋凡百君臣

同謀協議

l",故詩

言

王

大臣後亦爲公侯。

文王與其

臣

潔濯豐

邑

相

童態哉 林苑中,注云:「長安西南有鎬池,豐、鎬 不必專言學。 意止則止,意未止則未止,奚拘整整爲兒 之歟? 有此曲説。豈平分此詩,四章武王,故斷 廱」以下,則言武王矣。康成不善屬文,故 王,未安。 鄭箋謂鎬京在豐水之東,遂謂此 尊而大之,屢更其辭,愛敬文王之至也。❸ 曰王、曰后、曰皇、曰辟,皆大君之通稱。 東注於渭,禹導治之功也,因豐水思禹 命。 之,謂之術。 不 固 去二十五里。」文王之時,三分天下有其 可得 一, 國 使有毫許私意,則得罪於天矣。 勢益强 然古詩與後之詩不同,辭以達意 而摧 觀文理猶謂文王也,自「鎬京辟 鎬京外水如壁壅之,故曰 遏矣。 在文王,由義理行之,謂之天 《後漢 文王至是,如 此 郡國志》言鎬在上 在 一奸雄, 插 羽翰 以 章言 私 辟 豐水 圃 意 廱 .績。 飛 武 行

> 和,❷見士于周」,❸皆以 事,故仕、事通稱歟? 遷鎬爲多,故不得已而遷歟? 者城邑宫室之制不侈費,又庶民子來 生芑,武王豈得不 故豐邑又不足以容人? 又人情事理利於 攻,故易於遷。 「芑,草也。 仕,事也。」 人士之仕皆從其 正之。文王已得吉,武王成之而遷焉。 宅鎬京,成謀本於文王。 無思不服,故 二,餘一猶未 陟降厥士,保有厥土」、《康誥》「百工播民 武王有天下。 盡服也。 得非四方會同,日盛於昔 有所 古士、事通稱、《詩》 事? 至於武 士 1 爲 考,成· 丽 事 事 得吉,是 王,則四 毛 猶 豐 傳 也 生也 曰 猶 共 古 龜 ١ 方

0

[「]至」,原作「志」,據四庫本改

[「]工」,原作「士」,據四庫本及阮刻本《尚

主司道。而以「繼伐」爲大旨、朱二聖之武王司道。而以「繼伐」爲大旨、朱二聖之不命,慰人心也。而衛宏作《毛詩序》曰:天命,慰人心也。而衛宏作《毛詩序》曰:天命,慰人心也。而衛宏作《毛詩序》曰:天命,慰人心也。而衛宏作《毛詩序》曰:不命,慰人心也。而衛宏作《毛詩序》曰:不命,慰人心也。而衛宏作《毛詩序》曰:本心矣。廣聲卒伐、藻辭贅語,殊爲害道。本心矣。廣聲卒伐、藻辭贅語,殊爲害道。本心矣。廣聲卒伐、藻辭贅語,殊爲害道。

慈湖詩傳卷十六

「聲」,原作「心」,據四庫本及阮刻本《毛詩正義》改。

慈湖詩傳卷十七

宋慈溪楊簡敬仲撰

維芑。

恒之秬秠,是穫是畝。

恒之糜芑,是

栗,即有邰家室。

誕降嘉種,維秬維秠

維

糜

苞,實種實衰,實發實秀,實堅實好,實穎

役穟穟,麻麥幪幪,瓜瓞唪唪。誕后稷之穑

有

相

之道。

茀厥

豐

草,種之黄茂。

實方實

實

大

雅

生如達。不坼不副,無菑無害。以赫厥靈, 震載夙,載生載育,時維后稷。 祀,以弗無子。 厥初生民,時維姜嫄。 履帝武 敏歆,攸介攸 生民如何? 誕彌厥月,先 止 克禋 載 克

克嶷 誕寘之寒冰,鳥覆翼之。鳥乃去矣,后稷呱 巷、牛羊腓字之。誕寘之平林、會伐平林。 上帝不寧。不康禋祀,居然生子。誕寘之隘 ~,以就 實覃實訂,厥聲載路。 口 食。 蓺 之

在 菽, 荏菽旆旆 誕實匍 匐,克岐 禾

> 嗣歲。 帝居歆,胡臭亶時。后稷肇祀,庶無罪悔,以 迄於今。 卬盛于豆,于豆于登,其香始升

載惟,取蕭祭脂。

取羝以载,载燔载烈,以

興

揄,或簸或蹂。

釋之叟叟,烝之浮浮。

載

謀

任是負,以歸肇祀。

誕我祀

如

何?

或春

或

按:此篇《永樂大典》缺卷。

洗爵 之几。 泥。 敦彼行葦,牛羊勿踐 ?奠斝。 戚戚兄弟,莫遠具 肆筵設席,授几 醓 醢 以薦,或燔 履。 有緝 爾 方苞 御。 或肆 或 方體, 炙。 或 之筵,或授 獻或酢, 嘉 維 葉 脾 泥

三七三

慈湖詩傳卷十七

大雅

三七四

酌 如 均 臄 ,序賓 以 ·樹,序賓以 或 大斗 歌 以賢。 或 ,以祈黄耇。 不 敦弓 敦弓既句,既 · 侮。 既堅 曾 黄耇台背,以引 孫 維 四 鍭 主, 挾 既 四 酒 鈞 **鍭**。 醴 含矢 以 維 四 翼。 醹 鍭 既

壽

考維祺,以介景福

箋謂 席 聚。 席,重席也。』《春官 者之旁,有侍御者比密焉。 陳肆筵席,老者則授之几。 辭,故曰莫以爲遠,俱兄弟 至之心,其閒兄弟之遠者,往往 喻其親愛兄弟之情似之。 泥 毛傳 云:「苞,茂也。 在 泥,有柔意歟? 牛羊勿踐履,愛之之辭。 緝 上。」鄭箋云:「御, 爲 猶 ❶「敦,聚 續,未安。 體 ,成形也。」 叢 貌。 蘆葦叢聚,如兄 司几筵》: 緝 行, 侍 戚戚者,親愛切 有 爾。 也。 毛傳曰:「 比 毛傳曰 道 密 泥泥 以 「筵在 也。 具,俱 謂敦 之意 生 疏,屬謙 和 曰 /弟會 鄭 斝, 史。 下, 一設 也。 柔 苞。 簺

> 禮》,• 禮 毛傳曰 所用之肉、魚雁之屬爲之名也。」服虔《通 特多汁,故以醯醢爲名。●其無汁 爵 函 比於琴瑟也。 醻客,客受而 進酒 以肉作醬曰 "非葅" 爲加。』《釋器》云「肉謂之醢」,李巡 也。 文》云: 「醢,肉 於客曰獻,客答之曰酢,主人又洗爵 如箋所 夏 則醯 以 日 \Box 汁也。」❸孔疏云:「用 醆, 肉曰 醢。』《周禮• 醢 徒撃: 奠之,不 云 上曰 也。 殷 一洗爵、 醓 曰 鼓曰 腺, 口 燔 醢 斝, 角 奠斝,錯舉 · 舉 粤。」箋云:「薦之 周 臄, 肉,炙用肝 天官· 醢 也。」考之《 下曰 日 函也。 爵 函。」《 者 肉 箋 互見 人》注 歌者, 「自以 ", 以 爲 曰 醢 説 脾 儀

^{) 「}儀禮」,原誤倒,據四庫本乙正。) 「傳」,原作「詩」,據四庫本改。下「傳」字同。

[「]肉」,原脱,據四庫本補。

^{● 「}醢」,阮刻本《毛詩正義》無此字,當據删、

漆,不言彫畫,蓋周公削之,欲從質 有作『弴』者。」《冬官》弓人爲弓,唯言用 粤」。<a>
動
然《爾雅》亦多差謬,亦難 大事猶莫之行,而況他乎? 曰:「敦與彫古今之異。」《集韻》:「彫音 已均中蓺。」鄭箋云:「舍之言釋也。」孔疏 曰:「敦弓,畫弓。天子敦弓,鍭矢參亭, 殽』,定本作『嘉』,唐改從定本。」孔疏云: 樂》云「徒擊鼓謂之咢」,郭注引此詩 聲高,此謂「或咢」,疑指琴瑟也。 兩存之,以待來者。 傳云「歌者,比於琴瑟」,今彈琴多近咢則 其與王禮宜 「正饌以外所加嘉殽,則脾之與臄。」毛傳 周官》之書,周人不能盡行。 「函,舌也。」按: 《荀子》曰: 多相似,歌必以琴瑟,故此 「天子彫弓,諸侯彤弓, 董曰:「舊書作『加 燕禮雖諸 敦弓未必果 自洛都封建 盡 侯之禮, 而《 信,當 三一或 也。 釋 毛 0 白關 音者

禮》八矢名物詳辨,不必牽合也。 禮射而曰鍭者,詩言大略,鍭矢通 矢用諸散射」,注謂「散射,禮射也」。 弓矢》「殺矢、鍭矢用諸近射田 亭,四矢皆然,故言四鍭既均。』《周禮 矢三分,一在前,二在後」,注云:「参訂之 氏敦都雷反,不音彫。 弓。]孔疏以爲事不經見,未必然也。 況徐 而平者,前有鐵重也。」孔疏云:「輕重 云:「金鏃翦羽謂之鍭。」《方言》云:「箭, 大夫黑弓。」定四年《公羊傳》何 曰箭。」《考工記》「矢人爲矢,鍭矢三分,茀 天子彫弓,諸侯彤弓,大夫嬰弓,士盧 而東謂之矢,江淮之間謂之鏃,關西 亦多,今闕疑,以 先儒好異,改字强 待來哲。 獵,恒矢、庳 休注 稱。 《釋器》 鄭箋謂 此詩 《周 釣 司

「詩」,原重文,據四庫本删。

三七六

齊。 四 賢於右。 若右勝,則曰右賢於左。 解無 燕禮 中如樹? 者] 於既 兄弟之詩,非大射擇士時也。 鄭氏以爲大射。 是 主」之上。豈先爲燕射,而後酌酒哉』, 於旅醻之後乃爲之,不當設文於「曾孫 曰:「以詩之所 既 將 也。 燕而射以爲樂也。」連中者,發矢必 養 ·則已徧釋之。」朱曰:「不侮,不以中 算 如 有毫髮之差,必不中矣,安能 老 「《射禮》:『搢三,挾一个。』言已挾 孔 鄉 爵 射之後,亦豈 孔疏 射之禮,射雖畢而飲未終,❷舉 疏 先 《射禮》釋獲者取賢獲,執 獻酌 非 射 日 王 (敘、考之《儀禮》,王肅之 擇 尚 不知此 肅燕射之説,●謂「 士,王 多。 既句,是引滿 不可乎?」朱 言『酌大斗,祈黄 篇乃 肅 若左勝,則曰左 以 成周 按: 爲 燕 《儀 時 四 燕宗 射 以告。 也。 鍭 曰 燕 禮 皆 均 族 從 維 射 説 吕

> 若台 背,大老也。」箋云:「背有鮐文。」諸 老者髮黄則可見也,豈以老壽者背多隆起 藏不見,亦非美談。 老」,雖《釋詁》亦莫釋其詳。 言,皆莫知鮐魚之狀。 也。」舍人曰:「老人氣衰,皮膚消瘦,背若 之序也。 云:「九十曰鮐背,背有鮐文。」毛傳: 鮐魚。」郭云:「背皮如鮐魚。」劉熙《釋名》 醹 病 長三尺,謂其柄也。」先祈祀於黄耇,尊幼 厚也。 不 耶 ? 中 者 《釋詁》云:「鮐背、耇、老, 《爾雅》作「鮐」,則或以 也。 大斗,長三尺。」孔 毛傳 觀詩文,未必謂背文。 曰 毛傳疑焉,惟曰「大 : 一曾 背有疾文 疏 孫 7,成王 云:「大斗 鮐魚之 儒 「鮐 也 所 壽

[▼]塾讀詩記》作「難」。●「非」,四庫本作「唯」,《四部叢刊續編》影印宋本《吕氏

❷ 「射」,原脱,據《四部叢刊續編》影印宋本《吕氏家塾讀

既

醉

以

酒

,既飽以

德。

君子萬年,介爾

景福

既 醉

以

酒

爾

殽 旣 將。

君子萬年,介爾

昭

明

壽考維祺,以介景福,皆所 者或引之於前,或翼之於左右,愛敬之至 '見於外者歟? 如老者之背耶 祺,猶祜歟? ? 黄耇將受爵之時,侍御 介,大也。景,明著也 台背,其老壽者體狀 祝黄耇之辭 其告維 儀。 昭 年,永錫 錫爾類。 明有 威儀 何 融,高朗令終。 **祚胤** 其 ? 孔時,君子有孝子。 類 籩 維何? 其胤 豆静嘉。 維 令終有俶,公尸嘉告。 何 ? 室家之壼。

朋友

攸

攝

, 攝

以

威

孝子不匱,永

君子

萬

也。

狀

可

親親 亦差。 敷 ? 棋福,乃祈祝黄耇之辭,豈成王 黄耇,養老乞言,以成其福禄焉。」此《序》 家忠厚,仁及草木,故能内睦九族,外尊事 丽 《毛詩序》曰:「《行葦》,忠厚也。 黄耇,言宗族兄弟之老者,非外也。 仁民,仁民而愛物,豈由愛物 一自爲 故能 也。 周 釐爾女士,從以孫子。 子萬年,景命有僕。

睦族 實不可考。因鄭康成不知其爲衛宏作 郭? 《序》差謬多矣,言辭似典雅,而

序》在毛公之前,遂尊之,致悮後學。

則同。 則 嘉,是謂三才共貫、百聖共由之道,是爲 則皆德也,皆 既祭而燕也。 詩,亦曰 尸嘉告」,又言「孝子」。《執競》祀武王之 不知道,阻滯不通,大失厥旨。 至矣、《既醉》之詩,非聖 禄之本。 酒 也 食 以放逸不知道者之心,醉之飽之, 「既醉既飽」,然則祭祀歟? 人情多因醉飽放逸,故是詩首言 也。 昭 祭與燕不必深辯,而其大旨 以 明 不 融 放 一之妙 逸道心,醉之飽之, 人不 也。 · 能 作。 是詩 是謂 或 諸 福 儒

三七七

其僕維何

?

釐爾女士。

天被爾禄。

發明德性 俶 以 始卑 共饗。 公尸,尊祖 意,始失其一,故有始無終,故此言「令終 曰 自 悮。 推福於與祭諸臣歟? 萬年,所謂 著 嘏 以 子 醉 自 "「心之精神是爲聖。」《易》曰:「君子 始」也,其終如始也,復吾心之本一也。 昭 也。 辭 謂 士大夫祭禮嘏 飽 -陋,故 昭明德。」此心之神未始不 明,白融 殺者,殺雜之薦,折俎之類,群臣之所 而 王 以 將,持也。 《爾雅》雖以景爲大、《爾雅》固多差 ·祝頌之,贊詠之。介,大也。 也 明 ,於是爲 也。 祝其壽考也。 德 此 爾 <u></u> 性 以 亦 嘉告, 嘏王也。 爲高,因言高 辭推之,宜有之。 謂王也。 意動 言爾、我,以别 詳。 君 子 人心無體,自廣大, 周 萬 而遷,始昏,始雜 祀 此「君子萬年」, 年,介爾 萬年,蓋 先 王先公,言 其告維 朗。 群 景 , 動 臣敷? 此則因 景 嘏 孔子 福 何, 明明 辭。 平 君

失,隨 威 説 説。 説。 之至也。 諸臣也、《書》曰: 以略言而不可以詳説也,非祕 子,而二三子猶以爲隱」者,静嘉之旨。 奏《肆夏》,卒爵而樂闋。孔子屢歎之」者, 静嘉之旨也; 孔子曰「吾無行 知仁焉」者,静嘉之旨也;「賓入大門,而 會而 所有,聖人取其要語以明道也。 道知之。 當 曰 也。 儀 是「受福 「籩豆静嘉」,何也? 肅 孔子曰「陳其 蓋有意則可以詳說,無意 不可以言宣,可以 時 無可 雝,彼此感 而 籩豆有列,静乎嘉哉。 朋友之所攝者,静嘉 中。 於天 説 者,不可得 孔,甚也, 眉 三臣 **薦俎,序其禮** 攝,齊明 壽 1哉鄰: 萬 略言而 至矣,大矣,惟 年」之類, 至 而詳 哉。」與 融 也 加 合,威 隨 而不可以詳 也。 樂,而 此嘏 融 則不 不 不與二三 此 明 祭諸 時 可 而 可 朋 之心 儀 中 可 以 解之 君 以 此 節 無 口 詳 子 詳 默 知 惟

禄 之延及於孫子也。 及於女士也 皆子姓也。王能釐正其女士,即景命之延 己爲正,及子孫爲附。 不特於其躬,又於其子孫,故謂之僕。及 利,何所不通也。僕,附也。 福祚及其嗣有永也。 也。 閒道。」蓋東宫、西宫、南宫、北宫有巷道 雅》云「宫中衖謂之壺」。 匱竭耶? 神明,光於四海,無所不通,然則此孝豈有 子」謂今王也。 也。 曰:「夫孝,天之經,地之義。」民之行通 君子有孝子,此「君子」謂前王也,此「孝 不絶。 威儀之所時者,静嘉融明之變化 室家之壼,言子姓異宫。 宜其錫被爾類、永永無窮。 其道 又從 融 絶, 明静嘉之謂孝。 於以 而 則 蓋由乎道者,何所不 釐 釐,正也。 福 明其道不絶,則福 爾子孫,❷即 郭注云:「巷、閤 禄 亦絶。 其景命之集, 胤,●嗣也。 女與士, 孔 景 也。 爾 於 子 命 啟

> 似雅正,實失詩旨,徒爲榛蕪,以蔽大道。 整、文王、武王、成王、康王不絶者,以道不季、文王、武王、成王、康王不絶者,以道不季、文王、武王、成王、康王不絶者,以道不

既馨。 攸降。 尸來燕來宜。 鳧鷖在涇,公尸來 鳧鷖在潀,公尸來 爾酒既湑,爾殺伊脯。 飲、福禄來爲。 鳧鷖在渚、公尸來燕來 公尸燕飲,福禄来 公尸燕飲,福禄來崇。 爾酒既 燕 燕 ※來宗。 來 多,爾殽既嘉。 公尸燕飲,福 寧。 成。 既 爾 鳧鷖 鳧鷖 燕 酒 于宗, 既 在 在 清 禄 公尸燕 一沙,公 ;來下。 福禄 爾 處。 殽

0

^{♪ 「}胤」,原作「允」,楊簡避宋諱改字,今回改。 下文不再

[「]而」,原作「其」,據四庫本改。

三八〇

飲,無有後艱。 尸來止熏熏。旨酒欣欣,燔炙芬芬。公尸燕

按:此篇《永樂大典》缺卷。

受福 威儀抑 百 辟 假樂 穆穆皇皇,宜君宜王。 保右命之,自天申之。 然,初 輝 善。 假樂,《中庸》、《左傳》皆作「嘉樂」,《毛詩》 固非德性之樂。 君子之形容,德性之光輝。 假樂」者,「嘉」音之訛 ,合嘉、樂一言,庶乎形容之也。 此惟有 卿士,媚於天子。 無 君子,顯 既 疆 抑,德音秩秩。 非有意於爲善又爲樂也。 嘉 四四 善而又 方之綱。 顯令德。 徒善而 和 樂,德性之光,自 不解於位,民之攸塈。 不愆不忘,率由 干禄百福,子孫 之綱之紀,燕及朋 無怨無惡,率 宜 民 也。 非樂,亦非 宜 人,受禄 徒樂 嘉善和樂,蓋 德性 而 由 - 德性之 非 千億。 於天。 群 舊 之光 然 善, 友。 匹。 章。 而

> 德者自. 明尊大之容。● 此亦言君子之形容,德性 衍至於千億。 闕疑則可。 之光輝也。 百爲千,千禄百福,言其多。 禄非干求也,「千」字似「干」,傳之微訛 心 而 識 而延之。 民也,人又足以包諸侯諸臣。 德已顯著,其言行政 不昏蔽,是 也。 亦在是,故受禄,故天保右之,命之,申 發,無所不宜,無所不通。人心在是,天 [知,惟· 君子,謂王 雖曰是天,實自君子之德性。 爲 箋謂「干,求」,則大不可。 非有心於爲静默、爲精明尊大 君子。 有德者知之,非 穆穆,静默之容。 也。 即 令令德 嘉 德性 樂之容光,其 益 人所同 願 章句 由此德此 顯。 王 皇皇, 子 儒 孫 所 也, 干 + 精 蕃 性 **令** 惟 猶 能

「精」,原作「聰」,據文淵閣《四庫全書》本《慈湖遺書》

0

畢張 每事 媚其君,此上下 固可以受福 無己私也。 友者,合百辟卿士言之也。」君燕其臣,臣 四方之大綱 鄭曰:❶「匹,類也。」率由群類衆欲 善,不一而足,無怨之者,無惡之者。 謙抑之容。令德之音,秩秩不已。 自與古先聖王所施所行合也。 由德性而發,自不愆不昏,自率由舊章,蓋 之辭也。不愆差,不昏忘,率由先王舊章。 穆皇皇」之象也。 也。 酒誥》曰「太史友、内史友」。 朋友者,群臣也。」《泰誓》曰「友邦冢君」, ,咸宜。 也。 德性無思,而其容光自然有若,是「穆 箋云:「燕者,燕飲。」毛傳曰: 凡是皆德性所發自若是也,是 雖小 無疆,而爲四方之綱。不特爲 而 已,又爲四方之紀。 交而爲泰之時。 事,無 君、王通 一失也,如萬紀之 稱。 吕曰 威儀 宜者,善之 所憂者 人頌其 紀者, 而行, 抑抑, 莆田 朋

> 《詩》云:『民之攸塈。』」而《爾雅》疏無「某 類多。 之意也。❷ 氏曰」, 也。」孔疏引《釋詁》: 位,乃民之所由休息也。 攸塈」也。 怠荒而已,此詩所以終於「不解於位,民之 上逸則下勞矣,上勞則下逸矣。 壓」者,「呬」之音而字訛歟? ·何耶? 民之勞逸在下,而 方嘉之,又規之者,蓋皋陶 按: 「呬,息也,某氏 呬, 毛傳:「塈, 四反。 樞機在 《詩》: 不 解 然 則 此 息 於 歌

 篤公劉,匪居匪康。

迺

/場迺

疆,

迺

積

迺

倉。

意」,原作「詩」,據四庫本改。

斯依。 南岡 刀。 理,爰衆爰有。 于 徹 相 君之宗之。 造其曹。 復 既 廬 其陰陽, 旅 降在原。 庶 豳 田 爲 既 斯 ,乃覯于京。 篤公劉,逝 于時言言,于 蹌蹌 糧 繁 館 執 既順 觀其流泉。 濟 度其夕陽,豳 篤公劉,既溥既 豕于牢, 何以舟之? 涉 5濟,俾 渭 夾其 迺宣 爲 彼百泉,瞻 京師之野,于時處處,于 亂, 一,而 皇 诗 筵 酌 其軍三單 之用 澗 俾 語 無永歎 取 亢 "; 遡 語。 維玉及瑶,鞞 居允荒。 厲 長。 匏。 取鍛。 其 彼 既 篤 溥 過 ,度其隰 登乃: 既 食之飲之, 公劉,于京 陟 原 澗 景 篤 則 止 7依,乃 公劉, 迺 在 琫 基 迺 止 原, 岡, 巘 容 迺 時 陟 旅

此篇以下、《永樂大典》缺卷。

迺

密,❷芮鞫之即

子 泂 ,民之父母。 酌 彼 行 潦, 挹彼 泂 酌 注 彼行潦,挹彼注兹,可 兹 可 以 餴 饎。 豈 弟 以 君

> 挹彼注兹,可以濯溉。 濯 罍 豈弟君子,民之攸歸。 豈弟君子,民之攸塈 泂 酌 彼行 潦,

顒顒 四 有卷者阿, 于 藹 神爾主矣。 章,亦孔之厚矣。 君子,俾爾彌爾性,似先公酋矣。 以矢其音。 有孝有德 君子,俾爾彌爾性,純嘏爾常矣。 飛,翽 方爲 藹 吅 王多吉士,維君子使,媚于天子。 綱 印 翽其羽,亦傅於天。 飄風 以引以 如 爾受命長矣,茀禄爾康矣。 伴奂爾游矣,優游爾休矣。 鳳 圭如璋,令聞令望。 凰于飛, 翽翽其羽 自南。 豈弟君子,俾爾 翼。 豈弟君子,四方爲 豈弟君子,來游 藹藹王多吉人, ,亦集爰止。 有馮 豈弟 彌爾 爾土宇昄 君子, 有翼, 性 來歌 豈弟 豈弟 鳳 則。 一<u>,</u> 白 凰

迺,

[|] 鞞, 原作 原作「迺」,據四庫本及阮刻本《毛詩正義》改 「鞸」,據四庫本及阮刻本《毛詩正義》改。

王 欲 玉 女, 是 用 大 諫

高

岡

梧 維 子 桐 君 之車 生 子 矣 命 ·, 既 了, 于 媚 彼 庶 且 朝 庶 多 陽 君 菶 鳳 奉姜 子 凰 之馬 鳴 姜 矣,于 既 雝 閑 彼 雝 且. 喈 馳 喈

于

人。

不

一,維

以

遂

歌

無 民 縱 亦 詭 勞 隨 止 沱 以 謹 可 無 小 良。 康 式 惠 遏 此 寇 中 虐 國 · 憯 以 不 綏 畏 四 明 方。

辭之輯

矣,

民之洽

矣。

辭

之懌矣

民之莫

柔遠 惠 此 中 能 國 邇 以 以 爲 定 我 民 逑 王 無 民 縱 亦 勞 詭 止 隨 , 汔可 以 謹 小 惛 休。 怓

民 亦 勞 止 小 息。 惠此 京 師 以 綏 四 國 式

遏

寇

虐

無

俾民

憂。

無

棄

爾

勞

以

爲

王

休。

無 縱 詭 隨 以 謹 罔 極 式 遏 寇 虐 無 俾 作 慝。

敬

慎

威

儀

以

近

有

德

民

亦

勞

止

汔

可

小

惕

取

無

惠 式 此 中 國 俾 民 憂 泄 無 縱 詭 隨 以 謹 醜 厲

無 民 縱 亦 遏 詭 勞 窛 隨 止 虐 汽 以 無 謹 可 俾 繾 小 正 安。 綣 敗 惠 式 戎 遏 雖 此 寇 中 小 虐 國 子 或 無 丽 俾 大 無 正 有 弘 殘。 反 大。

> 靡 上 聖 帝 管管,不 板 板 下 實 民 於 卒 亶 癉 猶 出 之未 話 不 遠 然 是 爲 用 猶 大 不 諫 遠

天之方難 無然憲 憲 天 之方 蹶 無 然 泄 泄

我言 我 天之方虐 雖 維服 異 事 ,,及爾 無然 勿 议 爲笑。 謔 同 謔 僚。 老夫 先民 我 即 灌 有 爾 言 謀 灌 詢于 小 聽 子 我 八囂囂 芻 蹻 蹻 蕘

1077

天之方懠, 匪 我言耄,爾 無爲 崩 夸 憂謔 毗 威儀 多將 熇 卒 迷, 熇 不 善 人 可 載 救 藥 尸

惠 民 之方殿 我 師。 天之牖 屎 "; 則 莫我 民, 如 敢 壎 葵。 如 篪,如 喪 亂 蔑 璋 資 如 管,曾 圭, 莫 如

如 自 攜。 文 辟 攜 价 無 人 曰 維 益,牖 藩 大 民 師 孔 維 易。 垣 大 大 民 之多 邦 維 屏

大宗 無 維 獨 翰 斯 畏。 懷 德 敬天 維 之怒, 寧 , 宗 子 無 維 敢 城 戲 豫 無 俾 敬 城

壞

天日 之渝 旦,及 敢 爾 馳 游 驅 衍 昊 天 曰 明, 及 爾 出 王。 旲

文王 近 咨 商。 多懟。 靡 爾 力。 文王曰: 國 届 曾是 天生烝 蕩 喪,人尚乎 靡究。 ,咨女殷 明 德不明,以 ,斂怨以 蕩上帝,下民之辟。 天不湎 曰咨,咨女殷商。 靡 文王曰 在 流 位 咨,咨女殷商。 民 晦 文王曰咨,咨女殷商。 言 其 ,曾是在 商 爲 爾 以 式 咨,咨女殷 ,由行。 命 無 德。 以 對,寇攘 號 如 陪 匪 酒,不義從式。 式 蜩 諶。 無 不明 服。 呼,俾 内 如 卿。 奰於中國 螗 靡不 疾威上 匪 曾是彊禦,曾是掊 式 商。 爾 天降慆德 **分**如 上帝不時,殷不用 文王 内。 晝 德, 有 而 作 沸 時 初 帝,其命多辟。 曰 秉 侯作侯祝 夜。 如 ,覃及鬼方。 女炰烋於中 既 答,答 無背 ,鮮克有終。 義類,彊禦 羹。 ,●女興是 愆爾止, 文 王 無 小大 五般 摩 側 克 日

> 舊。 命以 遠,在夏后之世 顛 沛之揭。 傾。 雖 無 文 王 老成 枝葉未有害,本實先撥。 曰 人,尚 咨,咨女殷 有 典 刑 商。 曾 是 人亦有言, 莫聽,大 殷鑒不

質爾 之則。 修 淪胥 之。 先王,克共 荒湛于酒。 抑 無競維人,四方其 庶人之愚,亦職 爾 抑 以亡。 人民,謹爾侯度,用戒不虞。 車 **訂謨定命**,遠 威 ·馬,弓矢戎兵,用 其在于今,興 儀 、明刑。 維 夙 女雖湛樂從,弗念厥紹。 德 興夜寐,洒 維疾。 之隅。 肆皇天弗尚,如彼泉 介訓之。 猶 迷亂 辰告。 哲 人 戒 掃 亦 人之愚,亦 于 有覺德行 戏作, 庭 有言 敬慎 政 内 維 ·, 靡 慎 用 顛 威 爾出 逷 覆 儀 民 , 四 維 哲 罔 之章。 蠻 流 厥德 維 斯 不 敷 國 方。 **無** 戾。 愚。 求 民 順

[「]慆」,阮刻本《毛詩正義》作「滔」。

敬 斯 爾 言之玷,不可 威 儀 無 不 爲 柔 嘉。 也。 無易 白圭之玷 由言 「, 尚 無 可 E 苟 磨 矣。 也

報。 莫捫 朕舌 惠于朋友,庶民 1,言不 可 逝 小子。 矣。 ,輯柔爾顏,不遐 無言 子孫 不 警,無 繩 繩 萬民 有 德 愆。 不

굸 相 靡不承。 觀。 在 爾 神之格思,不 室 視爾友君子 一, 尚 不愧于 可 屋 度 漏。 思 無 矧 曰 可 不 射 顯 思。 莫予 辟

爲 童 僭 德 而 不 角 賊 俾臧俾嘉。 ?;實虹 鮮 不 小子。 爲 則。 淑 在 染柔 投 慎 我 爾 以 咔 木,言緡之絲 桃 ,報之以 不 您于 李。 儀

不

爾

温 彼 温 恭人,維德之基。 其維持 哲人,告之話言

於乎 順 德 之行。 小子,未知 其維愚人 臧 否。 〉 覆謂 匪手 我 攜之,言示 僭 民 各 之事 有 心

民 匪 乙之靡 盈 , 誰 夙 知 丽 莫 成? 昊天 孔 昭 , 我 生

面

命之,言提

其耳。

借曰

未知,亦既

抱子。

恤

靡 我 樂。 藐 藐 視 爾 匪 夢 用 夢 爲 一,我 教,覆 心 用 慘 慘。 爲 虐。 誨 借 爾 諄 曰 未 諄 聽 知

> 謀 不 亦 · 庶無 遠,昊天不忒。 聿 既耄。 大 悔。 於 乎 天方 小子, 回 遹 艱 其 難 告 德, 爾 曰 俾民 舊 喪 啃 厥 大 國 棘 聽 取 用 我 礕

菀彼! 桑柔,其下 侯旬。 倬 捋 采 彼昊天 其劉 寧 瘼 木 此 我 下 民

民 四 不殄心憂,倉兄填兮。 靡 牡 有黎,具禍 騤騤,旗旐 有翩。 以 燼。 於乎 亂 生 有哀 不夷,靡國 國 步 不 斯 泯 頻

爲梗。 往 ? 或 步 蔑資,天不 君子實維,秉心無 憂心 慇 慇,念我 我將。 土宇。 競。 靡 所 誰生 止 我 疑,云 生 厲階,至今 不 辰 徂 · 逢 何

天僤怒。 孔 棘 我圉。 自 西 爲 徂 謀 東, 爲 迷, 亂 靡 所定 況 處。 斯 削。 多 我 告 覯 爾 痻 憂

誨 淑 ", 載 爾 胥 序 及 爵。 溺 誰 能 如 彼 執 遡 風 亦 孔 之爱。 民

熱

··,逝

不

以

濯

其

何

穡 肅 維寶, 心, 荓 代食維好。 云不 · 逮。 好 天降 是 稼 喪 穑, 亂 力民 滅我 代 立 王 食。

稼

有

能

涼 少 미 職 聽 媄 維 大 維 匪言 朋 維 秉 自 降 靡 善背 獲。 言 風 彼 競 爾 彼 此 友 有 心 有 此 覆 用 朋 則 不 有 忍 聖 已 不 宣 肺 旅 蟊 背 既之陰 對 順 能 隧 心 力。 友 憯 腸 猶 人 力 賊 善詈 今子 ,是顧 行,瞻 爲 考 ,不胥以 誦言 征 有 胡 俥 以 稼 民 民 以 豈 空 斯 言 慎 民 念 穯 不 女,反予 之未 畏忌。 雖 如 中 大 是 百 卒 穹蒼 其 不 卒 利 垢。 醉。 復。 穀。 曰 谷 狂 里 相 知 痒 戾, 匪 如 丽 予 維此 匪 大風 維 民之貪 維 人 瞻 維 維 來 哀 云不克。 作 職 用 此 彼 亦 彼 彼 此 赫 恫 既 盗 有言 其 有 良 良 愚 中 不 惠 中 作 如 爲 人亂,寧 良, 隧 人 人 人 林 順 君 國 民 彼 爾 寇。 作 民 之 飛 覆 貪 弗 進 覆 甡 自 具 民 罔 之回 俾 爲 蟲 人 爲 求 狂 退 甡 贅 獨 人 涼 極 我悖 敗 式 荼 弗 維 其 所 俾 卒 以 日 時 遹 穀 喜。 類 毒 迪 谷 鹿 荒 瞻 臧 不 職 亦

早既 昊天上 群 早 父母 大命 早既 知 兢 ±, 靡 隆 斯 倬 公先 ·魃爲 其 業 蟲 ? 神 牲 彼 故 業 大 先 大 近 不 蟲 雲 寧 天降 虐 祖 甚 帝 甚 正 止 宗。 漢, 圭 丁 如霆 如如 ,則不 祈年 , 胡 , 則 璧 不 我 則 黽 靡 喪亂 昭 后稷 殄 既 躬。 不 惔 寧 膽 不 勉 如 口 孔 禋 卒, 恝 畏 我 如 靡 可 我 於 雷 夙 饑 祀 焚。 旱 不 聞 予。 遺。 沮 顧 去。 寧 天。 饉 克, 上 既 方 自 莫 周 薦 昊 天 大甚, 我 早 群 胡 赫 社 胡 郊 我 餘 王 臻 既 心 赫 茅 公 不 寧 聽 徂 曰 黎 一帝 憚 大 先 相 上 炎 莫。 瘨 宫。 於 靡 民 則 不 暑, 人炎,云 甚 帝 畏,先祖 正 我 早 乎, 神 臨 不 昊 天 靡 上下 以 寧 滌 既 :不舉; 憂 則 可 何辜今之 早 俾 有 大 心 滌 我 不 耗斁 推 上帝 子 甚 我 如 我 無 于 Ш 憯不 靡 川 摧。 遯 熏 助 所 遺 兢 下 藴 愛

❶ 「土」,原作「上」,據四庫本及阮刻本《毛詩正義》改

大 印 師 甚 則 夫 ·昊天,云 氏,膳 散 不 君 我 無 子 虞。 夫 友 昭 如 左 紀。 敬 假 右 何 恭 無 鞫 里。 明 贏 靡 哉 神 人 庶 瞻卬 大命 不 正 宜 ·周,無 一, 疚 昊天,有 無 近止 哉 悔 怒。 一無棄 不 冢 能 宰 嘒 早 啃 其 爾 既 趣 星 成 瞻 大 馬

何

求

爲

我

以

戾

庶

正

瞻卬

昊天,曷

惠

其

寧。

遷 功。 城 爾 亹 啚 蹻 王 維 崧 亹 其 庸 命 申 高 爾 蹻 寢 鉤 私 王 召 申 及 維 廟 王命 命 伯 伯 甫 嶽 既 膺 莫 申 **维** , 駿 , 定 成。 王 濯 如 召 伯 申 纘 申 周 極 濯 南 伯, 式 式 伯 之事。 伯 之翰 既 于 土 之功, 天。 徹 是 之宅。 王 成 藐 申 南 遣 錫 于 四 維 貌,王 申 伯 邦 召 爾 或 嶽 邑于謝 登是 伯 土 伯 介 于 降 田 因 圭 是 錫 路 蕃 神 是 南 誉。 申 車 以 謝 王 邦 南 生 四 乘 伯 作 命 人,以 一, 世 國 方 甫 有 馬 是式 爾 傅 于 及 俶 執 四 御 寶 宣 申 作 其 我 牡 其

> 于謝 疆 往 其 惠 顯 申 詩孔 且 申 伯 近 伯 · ; 徒 直 王 以 還 峙 舅 ,王之元舅,文武 碩 南 御 揉 其 謝 嘽 南 、粻、式 其 此 嘽 于 土 風 萬 是 誠 肆 邦 保。 周 遄其 歸 好 聞 邦 以 申 于 咸 行。 王 是憲 贈 伯 四 命 喜 信 申 召 申 戎有 伯 邁 伯 伯 申 ~, 王 番 吉 伯之德 徹 良 番 甫 餞 翰 申 于 既 伯 柔 郿 不 土

翼。 使賦 仲 天監 夜 否 四 躬 天 ; 仲, 淫保。 生 匪 方爰發。 山 0 有 古訓 烝 解 甫 山 王 之 周 民,有物 以 甫 (德,柔 命 是式 , 昭 出 明之。 事一人。 納 仲 肅 假 Ш 肅 王 威 于 有 嘉 甫 王 命 既 下。 則。 儀 維 命 ,式是百辟, ,王之喉 人亦 明 是 則。 仲 力。 保兹天子 民之秉彝, 月. 有言,柔則茹之, 山 哲 令儀令色,小 甫 天子 舌 以 將 纘 , 生 保 之。 是若, 賦 好 戎 其 政 祖 仲 是 身。 邦 考,王 于 懿 山 國若 明 心 甫 命 剛 夙 翼

歸 出 莫 慰 四 彭 不 則 民 其 彭 助 牡 祖 侮 鮮 吐 吉甫 心 四四 Ź 矜寡 騤 克 騤 舉 總馬 牡業業, 衮職 不不 作 維 鏘鏘。 誦 仲 ·畏彊 戀 有 我儀 山 穆 喈 闕 征 甫, 禦 如 喈 王 夫 圖 維 清 命 捷 柔 之, 仲 人亦有言,德 風 仲 捷 仲 亦 山 維仲 每, 山 Ш 不 甫 仲 甫 甫 茹 懷 補 山 徂 山 靡及。 之。 城 甫 齊,式 剛 甫 彼 永 舉 輶 亦 仲 之, 懷 東 如 不 遄 四 Ш 方 毛 吐 以 其 牡 甫 愛

玄衮 虔共 厄 四 奕 王 覲 牡 突梁 親 突奕, 韓侯 于王 赤 爾 命 之, 位 舄 山 出 纘 孔脩且張 維 鉤 袓 王 朕命不易 戎 禹 錫 膺 祖 甸 出 鏤 韓 考, 之。 宿于 侯 鍚 ?,榦不 無 韓侯 淑 有倬 屠 鞹 廢 旂 鞃 朕 庭 其 綏 人 顯父餞之,清 淺 命。 覲 章 方 道 幭 以以 , 0 簟 以 夙 韓 茀 其 佐 夜 侯受命 鞗 錯 介 戎 匪 革 辞。 圭 衡 解 酒 金

> 所完。 訏,鲂 實 其追 虎。 子。 爲 侯 鏘鏘,不顯其光。 維 且 百 畝 顧 韓 ,侯氏 筍及蒲 壺 其 慶既 韓侯迎 實 姞 Ź, 鱮 貊 籍 以 相 其 有甫 (燕胥 爛 令居 先 攸,莫 殽 奄受北國 其 止, 獻 祖 其 維 其貔 盈 一受命, 韓 贈 麀 何 韓 如 于蹶之里。 門。 維 鹿 諸娣從之,祁祁 侯取 姞 韓 皮 噳噳, 何 炰 因 燕 樂。 囡 蹶 ? 赤豹 鼈 妻,汾王之甥 譽。 時 父孔 以 乘馬 鮮 有 孔 其 百 黄 魚 溥 樂韓 伯。 蠻 熊 百 武 罷 路 彼 有 兩 車。 其 韓 羆 靡 彭 實 土 王 ·如雲。 蔌 或 墉 錫 城 有 彭, Ш 蹶 籩 維 不 實 韓 燕 澤 父之 貓 豆 何 到 侯 鸞 韓 有 有 師

既 江 出 漢 我 浮 浮, 車 武 既 夫 設 滔 我 滔 旟 匪 匪 安 安 匪 匪 舒 遊 淮 淮 夷 夷 來 來 鋪 求

❶ 「鞃」,原作「靷」,據四庫本及阮刻本《毛詩正義》改。

方既 釐爾圭瓚, 秬鬯 予小子,召公是 喜 匪 湯 **,**于周受命,自召祖 虎 棘 平 湯 來 ·, 王 武武 王, 王 王**,** 國 旬 國 夫 來宣。 庶定。 洸 來 召 洸。 極。 虎 式 似 一卣,告於文人。 于疆于 文武受命,召公維 時 經營 命。 辟 靡 肇敏戎公,用 四 有 四 虎拜稽首 方,徹 理,至于 争 方 王 了, 告 我 心 成 ·, 天子 南 疆 載 于 錫 錫 士。 寧。 翰 海 王 Ш 爾 浦,王 方不 既 克,濯 漢 闞 紹 方 如 震 匪 同,天子之功。 如 驚。 回 遊 虓 征 Ш 師之所。 王 虎。 之苞 徐方 徐 王 曰 國。 奮 鋪 還歸 繹 厥 敦

旅 就 王 赫 緒 謂 我 赫 率 尹 六 明 彼 氏 師 明 赫 淮 以 王 浦 修 命 程 省 我 卿 伯 戎。 有 此 土 休 徐土。 嚴 . 父, 左 既 南 天 仲 敬 子 大 不 既 右 祖 戒 陳 留 王 , 惠 行 舒 不 大 處,三 保 師 此 戒 作 皇 南 我 國 父。 事 師

> 如川 王 王. 騒 武 淮 旅 猶 四 之流 嘽 震驚: 濆 方 允塞 如 嘽 既 震 仍 徐 平, 一,徐 如 緜 如 執 方 怒。 緜 飛 醜 徐 方既來。 翼翼,不 如 如 方來 虜 進 翰 雷 厥 如 截 庭 如 虎 霆 徐 測 江 彼 徐 徐 方 如 淮 不

寺 亂 懿 彼 人 罪罟 邦 瞻卬 有 厥 宜 匪 靡 昊天, 鞫 降 哲婦,爲梟爲 有 民 不 有 罪 收 人,女覆奪之。 定 自 忮 天,生 ,女覆説之。 靡 士 則 龙 有 民 不 夷 其 我 自 譖 廖。 鴟。 惠。 婦婦 瘵。 始竟背 人。 此宜 婦 哲 人 蟊 孔 夫 有 賊 有 填 匪 長 成 無 蟊 不 土 教 豈 舌 城 罪 田 疾 寧 匪 曰 一,女反 `, 降 ,女反收 不 誨 維 哲 靡 極 厲之階 婦 有 此 時 有 大 傾 夷 伊 維 城 之。 之。 厲 届 胡 婦

萬年。

虎拜稽首

,對揚王休,作召公考,天子

土

田

祉

無

曰

 \pm

命

匪

疚

江

漢

江

漢

四

此

匹

或

萬

.壽

明

明

天

子,令聞不已。

矢其文德,洽

爲慝? 之云亡,心之憂矣。天之降罔,維其幾矣。 貌貌昊天,無不克鞏。 心之憂矣,寧自今矣。 人之云亡,心之悲矣。 觱沸檻泉,維 云亡,邦國殄瘁。天之降罔,維其優矣。 狄,維予胥忌。不弔不祥,威 其蠶織。 天何 如賈三 以刺? 何神不富? 一倍,君子是識 不自我先,不自我後。 無忝皇祖、式救爾後。 儀 婦無公事,休 不類。 其深矣。 含爾 人之 人 介

斯引。 貶。 之疾,不如兹。 此 曾不知其玷。 椓靡共,潰潰回遹,實靖夷我邦。 旻天疾威,●天篤 亡,我居圉卒荒。 邦,無不潰止。 如彼歲旱,草不潰茂,如彼棲苴。 池之竭矣,不云自頻。 兢兢業業,孔填不寧,我位 彼 疏 維昔之富,不如 天降罪罟, 降 斯牌,胡不自替? 喪, **滇我** 蟊賊 饑 泉之竭矣,不 饉, 皋皋 時。 内訌 民卒流 訿 職兄 我 維 訿 今 扎 相

> 按"此篇以上、《永樂大典》俱缺卷。 蹙國百里。於乎哀哉,維今之人,不尚有舊。昔先王受命,有如召公,日辟國百里,今也日云自中。溥斯害矣,職兄斯弘,不烖我躬。

慈湖詩傳卷十七

) 「旻」,原作「昊」,據四庫本及阮刻本《毛詩正義》改。

慈湖詩傳卷十八

宋慈溪楊

簡敬仲撰

人斯。 對越在天,駿奔走在廟。 不顯不承,無射於 於穆清廟,肅雝顯相。 濟濟多士,秉文之德。 周

頌

邑,朝諸侯,率以祀文王焉。」鄭康成不 序》曰:「《清廟》,祀文王也。 顯者,儀物顯著。 潔清也。大抵皆贊美之辭。 於者,歎美之辭。 宏作《序》,意毛公之前已有《序》,悉尊 穆者,深遠之貌。 肅,敬。 雝 一, 和。 周公既成 相,助祭者。 《毛詩 清者, 知 洛

> 也。 美也。 中正平常,本所固有 敏,不亦顯乎,不亦 得我心之所同然爾。」《易》曰:「百姓日用 德,配合在天之靈者。孟子曰:「聖人先 猶配合也。 夫文王大聖,而多士即能 猶秉彝之秉,非强力外取,言不失爾。 也。人皆有德性,文王有以感發之。 及諸侯者,諸侯被文王之化淺也。「成人 辭「哀子顯相 信之,故箋謂顯 有德,小子有造」,非文王能强人以其所無 相,不止於諸侯也。 而不知。」感而化之,非由外鑠。 射,厭也。 奔走在 」,則凡助祭之人皆可以言顯 廟,執事也。 文王之道,士民之所共由 相爲諸侯。 言多士秉文之德,不 ,何厭射之有? 順承乎,承文王之德 案《士虞禮》祝 肅雝、濟濟、駿 駿,敏也, 秉其 對,

維 天之命,於穆不已。 於乎不可 顯,文王之德

之純。 假 以 溢 我, 我其收之。 駿 惠我 文王

曾孫篤之。

德,不亦顯乎。 是故天命之不已,即文王之不已。 文王之 孝,●天之經,地之義。」明三才一致也。 物。」惟天人一,故能發育。 故不已。《中庸》曰:「聖人之道,發育萬 純 已。一文王之德,文王之心也。 孔子曰 天德也,故《中庸》引此詩曰:「純 天雖無聲無臭,不可測知,而文王之德即 者,歎美辭。 「心之精神是謂聖。」心無形體,清明無際, 已,不息也。 道自道。 天之命,天之道也。不知道者,謂命自 文王之心,即衆人之心,即千萬世之 無二。天人道殊,其迹則 周公作是頌,知天命之不已。 穆者,言其深遠不可測。於 天道變化,至如今不已也。 文 王 之顯著,即天 孔子曰:「夫 -- /命之幽 惟純 亦不 命, 不

曰

篤,即 用者 以觀 黄、曰 其辭。 俊也。惠,順也。 者,周公自謂 心。 王也。成王 以思爲言,惟 此之謂也。 我收受之。 其收之,曾孫篤之」者,以 曰穆,皆所以贊説斯道,而非 白、日瑩、日 無 此頌矣,何則? 收,即 孟子曰 剛、 孟子嘗言「説《詩》者不以辭害志」, 二也。 曰 純。 曰溢、曰收,不可以二言,不可 [利,而 曰 未能收也,篤之,斯收之矣。 心通内 也。 「堯舜 溢、曰收,當默通其意 衛宏作《序》曰:「《維天之 潤,而 知篤與收與純之一者,可 文德假大盈 曰駿、曰 無二金也。 明 與 道無 無 者自知自信。 人 <u>二</u> 玉 同 惠、日 二道 其一故也。 爾。」此 也。 五也。 曾孫 溢以及我 也,百姓日 顯、 如 ?,謂成 心無執 曰 曰純 如玉 金 「我 我

0 「夫孝」,二字原脱,據四庫本補。

維清緝熙,文王之典。肇禋,迄用有成,維周

清明。 是清明 清明,起乎意始昏。 直焉正焉,●則渾濁矣,非清也。 之謂也。於平常正直之心而起乎意焉,不 意也。《書》曰「夙夜惟寅,直哉惟清」,此 之心,非意也。 不動乎意,非木石然也。中正、平常、正直 思無爲」之謂也,即孔子「毋意」之謂也。 也、《詩》曰「不識不知」之謂也、《易》曰「無 文王之典則,即文王之道。 「安汝止」之謂也,舜曰「惟精惟一」之謂 維清》乎? 清明無體無我,如水如鑑。 而 發 諸 清者,不動乎意者 云爲 忠信、敬順、和樂之心,非 一是謂 不起乎意,則未始 典 後王之道,其 則。 也,禹 文王· 人性本 武 王 由 由 不 日

> 意,無一之不清,其緝理密矣,虚明和融, 意,無一之不清,其緝理密矣,虚明和融, 是謂熙矣。如水鑑照物,不動乎意,自無 一之不理矣,自無一之不合乎文王矣。 始禋祀昊天上帝,而文王配焉。迄,至也, 始禋祀昊天上帝,而文王配焉。迄,至也, 始禋祀昊天上帝,而文王配焉。迄,至也, 如水鑑照物,不動乎意,自無 是謂熙矣。如水鑑照物,不動乎意,自無 是謂熙矣。如水鑑照物,不動乎意,自無 是謂熙矣。如水鑑照物,不動乎意,自無 一之不理矣,自無一之不合乎文王矣。 如本。 一之不理矣,自無一之不合乎文王矣。 是謂熙矣。如水鑑照物,不動乎意,自無 是謂明,而緝熙之,念慮云爲,無一之墮乎

> > 1087

序其皇之。無競維人,四方其訓之。不顯維無封靡于爾邦,維王其崇之。念兹戎功,繼烈文辟公,錫兹祉福,惠我無疆,子孫保之。

慈湖詩傳卷十八

周頌

❶「直焉正」,四庫本作「正不直」,於義較勝。

德,百辟其刑之,於乎前王不忘。

于 德,則 義。 專有其 侯助 也。 毛傳 傳曰:「封,大也。 其惠,又願其子孫永保 疆 政,諸侯助祭也。」惠有順義,又有愛利之 猶是也。 于諸侯也。 慶賞之。 云,則自然順事 、載見》之詩曰「烈文辟公,緩以多福」,亦 爾邦,爾不封靡 猶 祭,先王降 辟公,諸侯也。 辟公獲兹祉 曰:「烈,光也。」文,文德也。 禍 無窮也。 福,祭訖 亦隨之,是謂不克保 《左傳》「封豕長蛇」,封豕,大豕 《毛詩序》曰:「《烈文》,成王 曰「錫」云者,先王錫之也。 諸侯能 無違,忠愛於王。王室受 福 而燕諸侯,所以均其祉 福,其惠我於無疆 ,則王其崇之矣。 戎,大也。」無封大侈 于王,有嘏 烈文,贊美之辭。 祉 修德任賢,如 福。 其 解焉。 其 有 福 祉。 不順 乎。 崇,謂 王 後 諸 靡 毛 所 即 福 不 不 無 君

> 歌乎? 乎 ? 者,當益有以大之。 也。 之詩,諸侯助祭,祭訖,王燕諸侯之樂 福 禍福無不自己求之者,先王之所以錫之祉 若是,則先王將不忘女,益錫女以祉 爾欲顯著乎? 下,凡有屬國,皆當奉王命以 皆聽爾之教令,是謂 百辟咸儀之矣。 ,以爾己德之足以致之也。 念 莫競于用人。 爾 祖 考有大 莫顯於修 於是歎美之,曰 皇,大也。 功, 所用 訓 故 之。 得其 德 有 或 然則《烈文》 教 爾 自 爾 [於乎 訓 有 方 則 欲 繼 福 德 屬 伯 其 競 四 , 爾 矣。 , 則 丽 方 强

彼徂矣,岐有夷之行,子孫保之。 天作高山,大王荒之。彼作矣,文王康之

言祀先公,不可信也。先公尊,太王卑。《天作》,祀先王也,而衛宏作《毛詩序》,并

功。 敷 ? 祀於太 Щ Щ 樂歌 道平夷而已矣,動乎意則失之,故孔子之 置社稷宫室庶司,至文王益廣 可以 以 此 ? 「王道平平」、「王道 理也 「高 今也於先公之前,專頌太王而下之美,豈 毋 有 上,故云乎? 山,謂 意」,禹之「安女 治荒 與? 執一 彼徂 夷平之行,言岐,所以言太王 |哉?● 宏《序》差謬,不可盡信,何 彼作矣,彼謂太王。 宏豈拘於七世之廟, 祀必公叔 廟。 「道心」、《記》曰「中庸」、《洪範》 L矣,謂· 論。觀此頌,則特祀於太王廟之 日 岐山也。」太王去豳遷岐,初治 祀有 荒,亦猶治亂 毛傳曰:「作,生也。」箋云: 太王亡矣。 特有袷,袷則群廟之主合 然天下事自古及今,斷 正直」、《易》曰「易 止。 日 初作治此山,建 人心即 徂,逝 亂,治 其治康之 也。 也 擾 道 曰 祖 ~, 故 簡 夫 止 日 岐 擾 此 不 類

> **籣,而自古學士大夫多求諸意,舍其** 敢逸也。 而 曰:「聖人先得我心之所同然爾。」 夫道,一 言王季、文王而下也。 必稱堯舜,孟子深信其平夷故 不知,自不信,故孟子謂之自 之善,而外求其故,外起其意,故自 天下之理得矣」。 而已矣; 動乎意則放逸,放逸則失之矣。 夫道,心而已矣。 斯 子 道 孫保 甚平 棄,而 也。 而守之,無 夷, 詩諄言 有 子孫, 孟子 本 甚 丽 性 易 自

伐商之志,往往以衆聖贊輔,紂惡滋熾,憫 村大惡,人心怨苦之。文王、武王有盛德, 基命宥密。於緝熙,單厥心,肆其靖之。 基氏,以怨苦之。文王、武王有盛德, 基命宥密。於緝熙,單厥心,肆其靖之。

「豈」,原作「其」,據四庫本改。

0

聲之樂。使二后之成王業一動乎意,則私 意 蔽,蔽則 地變化,日月之照臨,無所 乎意,即禹之「安女止」。 心 無思 曰 受。 曰 心寬宥精密,其寬宥廣大而無外,其精 云爲 基本於二后之心。凡二后之心,夙夜念慮 成就王業,不敢康 斯 王、武王不得而 密,所以發明乎是也,孔子嘗引以 [寬宥。 也。 精 無 民 **、體,而**: 密。 故遏密人,伐崇侯,度鮮原,作豐 吅 ,動静無非所以成天命也。 塗炭,義 無所不 無 立我立私,不宥不密。 有體 爲。 人皆有此 神用 不得 · 爲, 蓋人心即道,故曰道心。 則 無窮。 違,始有安天下之志 可 圃 寧。 而已。 心,動 知, 非 命不本於彼蒼,乃 動乎 無體 有體 動静云爲,如 乎 不 是天命在周,文 意 意 則 則 思 也。 則 有 一, 而 不 二后不 是基命之 香、香 可 限 非 知,故 量 曰 明無 動 宥、 一,故 邑 乎 天 動 則 此 密

心也。 宏作《序》固多差誤,未必果郊祀之詩也。 以配上帝。」」而二詩惟言二后,何耶? 霈然有餘之意。《毛詩序》曰: 心 曰:『郊祀后稷以 成命》,郊祀天地也。」案:《孝經》:「孔子 心,故其靖安之功霈然有 於靖安天下之功亦有所 所蔽,則亦微有所不盡。 單,盡也。 中。」惟精 舜命禹曰:「道心惟微,惟精 治,意消而道心自明,心明而 乎意,無 美之曰「於」。是其念慮 矣蔽矣,天命將去之,何以 屯。 人心本廣大清明,無 有一云爲未中乎節 一之或失其道,緝理無差,熙和順 一則中矣,此聖人 有一念慮動乎意 配天,宗祀文王於明堂, 云爲 不 苟有 餘 基命? ,則猶有未單 盡 裕 所不 ,則猶未單 緝 惟 ·無一之或動 。二后單 矣。 所不盡 熙之功 時措自宜。 「《 昊天有 一,允執厥 ·照,微有 於是歎 肆者 也。 厥 則 厥 厥

我其夙夜,畏天之威,于時保之。文王之典,日靖四方。伊嘏文王,既右饗之。我將我享,維羊維牛,維天其右之。儀式刑

按:此篇《永樂大典》缺卷。

震之,莫不震疊。 橐弓矢。我求懿德,肆于時夏,允王保之。 維后。明昭有周,式序在位。載戢干戈,載 時邁其邦,昊天其子之,實右序有周。 言 也。 無二也,二則違矣,安能王? 薄,略也。 天之子,得乎天道,而後可以居天位,是故 邁,往也。 王者無私,惟天道而行之,故天右序有周 「,語助· 助也。 雖人道之序順,實天道之序順也。 也。 序者,王宅中諸侯環屏皆序順 時邁其邦,巡守諸侯也。王者 震,威之也。 懷柔百神,及河喬嶽,允王 《立政》曰 薄言 道

> 喬嶽 嶽」,毛傳何止於岱也。允,信也。 天道而行也。自西周東行巡守,必經大河 矣。不繼言「百神」、「河嶽」,而言「右序」、 又不止於山川矣。首言昊天,則柴可 山川 望也。」謂燔柴告天,以巡守而至,又望 也。《毛詩序》曰:「《時邁》,巡守告祭柴 之不可已者也。 賢,其有亂德,不可告教,則誅君弔民,義 動,故震疊。文、武不可偏廢,諸侯不能 表」,知巡守以師 王也。武王 戎兵,以 陟 震疊」者,●欲急明巡守以師,非私也,奉 也。 也,蓋繼《虞書》之言。 毛傳謂「嶽、岱宗」、《周禮》「五 一初有 禹之迹。 行 天下,初巡守,遠方諸 懷柔百神,致禮 也。 方行天下,至于 震 疊舉 此言「百神 而莫 於 百 敢 知 秩 神 妄 海

[「]右」,原作「有」,據四庫本改。

懿德 也。 矢無用而橐藏之矣。 武王本心之所求者, 謂 特明昭今王爲周,又昭明次序在 於是 以名《夏》? 夏,大也。 懿德於是《夏》歌之中。 順,無所誅伐,則干戈無用而戢斂之矣,弓 從行公卿,欲四方知大臣名德。 鐘 允信王心之保守斯道 而 爲周矣。 咸 信 已,干戈非所尚 師 武 鄭注:「吕 王 之王天下矣。 式,更也,義見《式 叔 也。 《夏》歌有九、歌 由道而 玉云: 而 時,是也 昭明 無失 行,是 微》。 也。 位諸 有 諸侯咸 一,肆陳 周 夏 》, (爲大 《周 侯 不 何 明

自 磬筦將將 執競武王,無競維烈。 [彼成 康 ~,奄有] 降 福 穰 四方,斤斤其明。 穰。 不顯成康,上帝是皇 降福簡簡,威儀 鐘 鼓 泛反反。 喤喤

武

時邁》也。」」

既

醉既

飽

,福禄來反。

盡有之也,四 武王之心也。彼,謂武王也。 己之心甚明也,故上帝大之。 顯明,人皆信之,不亦顯乎。 武王不爲私,惟成康濟斯民之功,其心甚 於天下,故武王之功烈,天下無能與競。 信武王之心無 虚無我,豈以伐紂爲己利哉,天下 柔弱於水,而攻堅强者莫之能先。」武王中 競,故古志曰:「柔勝剛 我,故清明,無 曰「執競」。 人皆争競求己之强,而 ,萬無 王以樂也。 ---0 蓋 至於武王 夷諸侯咸服之也。❶ 惟無競者能 喤喤之聲洪,將將之聲清。 所不照。 毫爲私 ,則得其所競矣,故 得 弱 **鐘、** 也。 其 競,而 勝 鼓、磬、筦,祀 所 武王之心信 其爲民 皇,大也,大 强 奄有,猶 競者,千 競者不 萬世 天下 中 不 虚 · 爲 莫 無 無

夷」,原作「方」,據四庫本回改。

0

貽

我來

牟,帝命率育

無

此

疆

爾

界,

陳

常

于

思文后稷,克配彼天。

立我烝民,莫匪

爾

極

道

不可見,惟發諸事業乃

見

即

籣

也。」未必

降

福,嘏

主

祭 也。

穰穰,如

禾藁之多也。

曰:「吕叔玉云: 天子所以饗元侯也」,●韋注曰:「《肆夏》 序》曰:「《執競 晉曰「夫樂,先金奏《肆夏》、《繁遏》、《渠》, 「祀武王之樂歌也。」《魯語》叔孫穆子聘於 故醉飽。「福禄來反」者,明福禄由己德所 反,每每反顧,至謹也。 〔渠》,此三夏曲也。」《周禮 繁遏》、《執競》也。《渠》、《思文》也。」」 名《樊》,《韶夏》一名《遏》,《納夏》一名 簡,如竹簡之多也。 然也、《爾雅》多 也。 》,祀武 出 《肆夏》,《時 乎爾,反乎 《爾雅》曰:「簡,大 王也。」孔 有獻,有酢 差誤。 鐘 爾 師 邁》也。 疏 [',有酬', 威儀反 ()鄭注 \sim 毛 <u> </u> 詩 非聖人 白異 稷之道也。 之。思,語助 心而已矣。 文王之文也。 文者,事業之可觀也,即堯文思之文也 意。

致

了; 非

自 神

爲之言曰極。 道不可以復加也,故極。 稷以配天。天人本一,人心動 后稷稼穡之事 是故克配爲貴。 皇極」、《周禮》曰「設官分職,以爲民 一。天人本一,事理 不能 不起乎意,本同本一。 極、至也、道之異名、《書》 教民稼穑,民得以立,莫非后 爲 也。 爲淺者,不知其爲道 此頌武王,或周公所作也, 是 克配非有 言。 后稷德配天,故周 無 道 殊。 聖人知衆人必 無 他 精 是道大同,人 也,不失其 粗 而昏始異 《孟子》 心故大 貫 極 郊后 無 以 E 本

0 侯」,原作「后」,據文淵閣《四 庫全書》本《國語》改。

歌 此 稷與天合也。 命后 種,不閒中國四夷。❸率,徧也。 后稷始獲此來牟,遂以貽種蓺,遂廣 無非天者,而 牟忽生,足以濟民 變昔所無,而今忽有。 所爲,故信之。 來牟,亦見《臣工》篇,曰: 來」,謂此來牟。 箋乃引僞《泰誓》「火流爲烏,五至,以穀俱 牟,大麥也。」《説文》:「齊謂麥曰麰。」❷鄭 其芒刺之形。」《廣雅》云: 文》云:「舞,周受來牟也。 於皇來牟,將受厥明,明昭上帝。」草木之 麰多」, 之中者,何也? 夫道,一而已矣,平常 疆爾界之廣大,而卒曰陳此常道於是夏 稷徧養其民,無此疆 趙岐注云:「舞麥, 況於忽生濟饑之來牟乎? 既言配天,又言極,又言 鄭未知僞《泰誓》乃張 ,此天也。 世雖有之,而此來 爾界之閒,而 「來,小麥也。 一麥二夆,❶象 大麥也。」《 事物之變, 是 上 布 無 帝 其 后 霸 説

> 配天也。」 見《時邁》。 心之蔽而明道也。 之。又慮人以爲高,故曰常,皆所以 平直而非遠也。 失之,故又曰常。箕子曰「王道平平」,孔 子曰「中庸」,皆言道 而 三三矣。 聖人慮天下,後世求 毛詩序》曰:「《思文》,后稷 聖人慮人以爲淺,故大 夏歌有九,夏,大也,亦 不離 乎日用庸常也, 諸高遠 啟 而 反

嗟嗟臣 畬 ? 嗟嗟保介,維莫之春。 於皇來牟,將受厥明,明昭上帝。 工,敬爾在公。 王釐 亦 又何求? 爾成,來 咨 如 來 迄用 何 新

來,《説文》:

『齐謂麥曰秧。』或作麳。

韻

咍

⁰ 刻《説文 齊謂麥曰舞」,此語不見於今本《說文解字》,陳昌治 筝」,原作「峰」,據四庫本改。 解字》: 「秧, 齊謂麥來也。」《集

夷」,原作「裔」,據四庫本回改

康年,命我衆人。 孟 介之御閒。」莫,晚也 令》:『孟 有入義。鄭箋云:「保介,車右也。《月 草」,謂食而入也。 不可 意 其有未明,則來咨詢。 頡篇》:「釐,賜也。」王賜爾成,法有道焉, 憂切也。 之也。工,官也。」嗟嗟,歎息之辭,重農 其卿大夫,以警切之。」毛傳曰:「嗟嗟,敕 也。」孔疏云:「將遣諸侯,不直戒其身,戒 詩》云「柔亦不茹」,茹,人也。「舜飯糗茹 毛詩序》曰:「《臣工》,諸 春。 而 盡 以 行之而後可。 諸侯朝周之春,故 時 述,故須咨詢 公,公家也,敬爾在公之事。 春,天子親載 事 急 庤乃錢鎛,奄觀銍艾。 教農 菜茹柔而易入, ①故茹 大抵法簡 也。 茹 深人 周 耒耜,措之於 晚春遣之,敕其 之季春,於夏爲 入,不可草草。 侯 介, 其 助 八中,得 圃 甲 祭,遺於廟 意深 也 参保 其法 《蒼 長 事 車

> 車右。 者,以 《月令》:『季冬,命民 明保介即車右也。 新,三歲曰畬。」蓋本《爾雅 書稱孟春,耕者急發。」毛傳 在中央,明其遠君。措之,故繫於車右。 有御者與車右二人而已,今言保介與御, 之人,保介之與御者二人閒,君之車 右,勇力之士,被 歲曰菑,二歲曰 「《月令》説天子 『不菑畬。』」《詩》曰:「於彼新田。」此《臣 今江東呼 詩謂諸侯反國,時維莫春,亦何 御人本主於御車,不主輔君,故專敕 言保介之御間者,以人君 初耕 親 新,三歲 地反草爲 載 甲 不 耒 執 修耒耜,具田器。」農 敕御人,偏敕車右 耜,措置之於 兵 日 畬」。 也。」孔 釋地》「田 菑 曰:「二歲 《易》曰: 郭注 左載 疏 所 上止 参乘 궁:

「菜」,原作「萊」,據四庫本改。

0

定」,李巡曰:『鋤 銚,古田器。』《世本》云『垂作銚」,宋仲子 何 ? 注云:『銚,刈也。』然則銚,刈物之器也 云:「『庤,具』、《釋詁》文。《説文》:『錢, 使民敬天,亦導民之良心也。毛傳 **迄**,終也。康,樂也。民足於粒食而樂,亦 賜,必明昭其本於上帝之命,故迄用康年。 之明命,今當耰而糞之,將受上帝粒食之 曰樂歲,即康年也。 意謂康年乃本於上帝 神化之所生,至於今種蓺滋盛,然實受天 敬,今兹來牟之麥,乃本於后稷之時,上帝 求 鎛 説 庤,具,錢,銚,鎛,鎒,銍,穫也。」孔疏 , 鋤 文》云:『餺, 垂 猶 於,歎美也。 務 類 作 也。 也 耨。』《 鎛 新 釋器》云『 田 田器也。』《釋名》云: 也。』郭璞曰:『鋤 迫 皇,尊大之也。 當 地 如 去草 何 ? 斪 也。』《世本 斸 畬 屬 歎美 田 屬。」 謂之 E. 當 尊 如

之大事 義哉。 後可以驅 專於務農者、《孟子》謂仰事俯育之足,然 銍艾矣。」其謂農事不 人,各庤乃錢鎛以治田。 奄忽之間 其體圓,取此爲名歟? 也? 刈,宋仲子注未必然,而孔疏 禾鐵也。』《説文》云:『銍,穫禾短鎌也。』 云鎛、鎒,當是 一器。 柄尺,其耨六寸,所以 云:『耨,芸苗也。 管子》云:『一農之事,必有一銍、一鎒、 廣 銚。」 夫銍既爲穫刈之器,則銚不 《雅》曰 意錢 在農 宣 王 而之善,救死 者,耜端之金歟? 「定謂 一不藉 是故稷爲大官。」其言藉 千 之耨。』《吕氏 六寸,所以 畝 可緩之意敷 《釋名》云: ,號文公諫曰: 王氏 不贍,則奚暇治禮 閒 稼也』,高 日 入苗 遽 後世錢貨 : 春秋 信之,何 「戒使衆 『銍,穫 間。」此 己 ·得爲 ***** 是 誘 禮 民 頌 觀 注 耨

甚詳。

駿發爾 噫嘻成王 此篇《永樂大典》缺 私 一、既昭 ,終三十里。 假 爾。 率時農-亦 服 爾 夫, 耕 十千千 播 厥 維 百 穀

在

振 宏作《序》曰:「二王之後來助祭也。」案: 彼無惡,在 鷺于飛 信。 客。」蓋《周禮》以諸侯爲賓,其使者爲客。 毛傳曰: 以 況頌言諸 則擯,小客則受其蔽,而 詩,●其辭隆重。 客」之職: (周禮 驗禮文之有閒。 《大行人》:「凡諸侯之卿,❷其禮各下 ·小行人》:「凡四方之使者,大客 ,于彼西雝。 雝 侯必 此 「凡諸侯之卿、大夫、士爲 ",澤也。 無斁。 曰「辟公」,凡「辟公」之 《有客》之詩,其辭略,於 毛傳亦有差誤,不可 我客戾止,亦有斯容。 庶幾夙夜,以永終譽。 客,二王之後。」故衛 聽其辭。」又「掌 國

> 則國 氏 其 夜,進德無怠,不特始有譽,而終亦譽,又 朝,又無厭斁之者,人無不愛敬,庶幾 從而勉之,曰在彼居國,無惡之者,來此 國 集也。」朱曰:「先儒多謂 願其終譽永久不已。戾,止也。 曰 君二 客,故以 西 曰 客 : 雝。」 鷺振 「西雠 等以下。 亦有饗食之禮,此 振 蓋辟雝 鷺比 羽 及其 飛集,潔雅 客容。❸ 也。 (大夫): 辟 辟 其 可愛。 既愛敬之,又 雝 雝 樂 士,皆如 歌歟? 在 有水,鷺所 止,語 西 此愛敬 郊, 之。 夙 故 \pm

爲 豐年多黍多稌 醴,烝畀祖妣 ,亦有高 ,以洽百禮 廩,萬億及秭。 降福 孔皆。 酒

「詩」,原作「使」,據四庫本改。 據四 庫本及阮刻本《周

0

「之」,原脱

禮

注

疏

容」,原作「客」,據四庫本改。

也。」 報 頌 則 妣 言妣者,以周 故以祀祖妣。 下者,五齊亦 黍多稌,無所 穗 疏: 也。 有虞氏之庠」,則亦藏 三釜、四釜皆米事」。 賦納總」,即禾稼也。 毛 利高燥而寒者黍,利下溼 豐 不 也」,言秋,未安。 也。 傳 年 止 祭 生民》、《閟宫》言姜嫄。 「器實日 曰 數萬至 報祭之樂歌 而 於祀祖妣。 而《地官·廩人》職『掌萬民之食, 神 稌 - 降之福 齍,在器 特祀姜嫄。 不利 稻 通 凡言祖 萬 稱 曰億,數億 也 也。」此 酒。 箋云:「烝,進,畀,予 以時考之,周建子,今 也、《毛詩序》曰「秋冬 孔皆,皆降福也。 廩, 所 ,則妣從可知。此必 二百里賦納銍」,即 曰 《明堂位》云『米廩, 米可 醴齊濁 盛 《大司樂》特享先 酒 知。」王氏 而暑者稌。 至億 非 以 特異言百禮 \sim 禹 藏 ,禮之所尚 酒澄 貢》百里 一叠盛之 曰 秭。」孔 酒 日 是 在 穗 多

> 周 也。 諸儒 之八 正 周 月爲 考《春秋》不詳者,多謂 雖 周 不 孟 廢 冬。 夏 時,而 豐 年 ·之報 朝 廷 周 用 勢 大 在 夏時,非 禮 一冬矣。 則 用

台叟。 漢 觀 以 元 歌》:❷『賓之初筵,藹藹 孔皆、《補音》: 随養 李膺傳》: 洽百禮。 亦有兄弟,胥子陪寮,●憲兹度 正,降福孔偕。」楷古讀 頒 以 『時爲語曰: 舉 位敘,❸或廷 里 切。 濟濟。 荀 天下模楷 勖《 或 既朝乃晏, 如 陛,登 杞 東 《後 西 楷 李 儐 廂

- ❷ 「廂歌」,原作「廟頌」,四庫本作「廂」,據武英❶ 「以」,原脱,據四庫本及阮刻本《毛詩正義》補
- 書》改。
 書》改。
 書》改。
 書》改。
 「廂歌」,原作「廟頌」,四庫本作「廂」,據武英殿本《晉
- 「子」,原作「於」,據四庫本與武英殿本《晉書》改。「頒」,原爲「□」,據四庫本與武英殿本《晉書》補。

4

應 喤喤厥聲, 有 田 瞽有瞽,在周之庭。 縣 鼓 ,鞉磬柷 肅 雝 和鳴,先祖是聽。 圉。 既備乃奏,簫管備 設業設處,崇牙樹 我客戾止, 舉。 羽。

永觀厥成

尺 爲之。 篞,小者謂之篎」,郭云:「編二十三管,長 樂》云「大磬謂之馨」,郭云:「馨形似 止樂。 言,小者謂之筊。 大管爲籥,❷其中謂之 館,❶以玉石爲之。』《釋樂》云「大簫 孔氏云:「栒、簨,圉、敔,古今字耳。」《釋 亦合、《爾雅》多差誤。籈從竹,是古用竹 音序次爲宜,況《益稷》篇「合止柷敔」文理 雅》邢疏本鄭注,及此詩孔疏,皆謂敔所以 柷 曰 四寸。 敔」出《益稷》,孔誤作《皋陶謨》。 「有瞽有瞽」,言瞽之多也。案:「合止 所謂「木長尺」者,謂鉏鋙之木爾。 今太常寺樂合以柷,止以敔, 筊十六管,長尺二寸。箸管長 於聲 謂 之 犂 爾

> 孔。 之使者至,觀此大樂之成,故 敬。心讎和,則音亦雝和。其心之不肅不 而奏之,故曰「先祖 和者,其音亦不肅不和。 聲音生於人心,樂官之心肅敬,則音 師》注云:「管如笛,形小,併兩 也。小者筊,筊,小也。簫,一名籟。』」《小 管,有底。』李巡曰:『大簫,聲大者言言 參差,以象鳳翼。十管,長二尺。』《廣雅》 尺,圍寸。 「《有瞽》,始作樂 曰:●『簫大者二十三管,無底。小者十二 那疏 云:「《風俗通》: 併漆之,有底。」賈氏以爲 而 是聽」。 合乎祖 《毛詩序》曰 『舜作簫,其 是詩 也。」謂 日「我 管吹之。」 適 有 合 客 諸 亦肅 篪六 四 戾 方 樂 形

0

廣」,原作「博」

避

隋煬帝諱,今改

[「]館」,原作「館」,據四庫本及阮刻本《爾雅注疏》改

^{)「}簥」,原作「毊」,據阮刻本《爾雅注疏》改

止 ,亦善頌美辭 永 觀 厥 成 也。 日 永 者 言 繼 此 永 用 此

以享以祀,以介景福。猗與漆沮,潛有多魚。有鱣有鮪,鰷鱨鰋鯉。

訓 炎以 『鰋,一名鮎。』則是舍人以鯉、 魚。 有 鮎皆異魚也,故郭氏云:『先儒及《毛 陸璣之言。 在頷下,體有邪行甲,無鱗 曰:「舍人曰:"鯉,一名鰋。」孫 二三丈,今江東呼爲黄魚。 鯉,今赤鯉魚。 釋魚》云「鯉、 傳 殊,無緣强合之爲一物。」是郭氏 鰋、鮎爲一魚。 鮎,别名鯷,江 皆謂 此 又以今語驗之,則鯉、鱣、鰋、 魚 有兩名。 鱣、 鱣,大魚,似鱏 鰋、 郭氏以 東 呼 鮎 今此 爲 ,肉黄。 鰋,今鰋,額白 爲 鮎夷。」邢 郭 魚 四魚者,如 鰋爲一,孫 圃 璞 種 短鼻,口 炎 大者長 類形狀 注 所 Ξ 以 曰 詩》 異 : 疏

王

一鮪。 二

麗 長而 也 薦 魚,春獻鮪 鰷、鯈音義同。 鰦」,❸郭云:「即白鯈,❹江東呼爲鮂。」邢 薦魚,春獻 疏云:「《詩•頌》曰:『鰷鱨 介,助也。」《毛詩 鮪 。』《爾雅 鮎。 首鰋 於寢 介,大也。 **鰷**,白 匾,故亦名鰋歟? 也。」孔疏云:「《潛》詩者、季冬 》固多差,難盡信。 鮪之樂歌 廟。』《天官 鱨,揚 **鰷也。**』《釋 景, 序》曰: 也。 也,釋 明 · 漁人》:『春獻 《月令》:『季春、 著 「《潛》,季冬薦 魚》云「鮂,❷黑 見《小 也 鰋鯉。」 鄭箋亦 然鮎 箋 雅 魚身圓 是蓋 魚

「鮂」,原作「鮙」,據阮刻本《爾雅注疏》改。「也」下,四庫本有「客義見振騰」五字。

[「]儵」,原作「鰷」,據阮刻本《爾雅注疏》改。「黑」,原作「鯉」,據阮刻本《爾雅注疏》改。

綏我 眉 宣哲維 祖。 《毛詩序》曰:「禘太祖也。」《祭法》:「周 安。 後」,乃四海歌頌之聲,非廟中之事,及 祖。 類、亞圉、高圉之廟猶在,則文王未 考文王。 此文連「文母」,則「烈考」爲稱文王。文王 宜稱烈,又《洛誥》曰「烈考武王」故也。 人祖文王而宗武王也。」鄭箋亦因之,謂皇 之功業亦光烈矣,若謂武 雝 儒 此頌 烈考、皇考,皆文王 雝 孔 紛紛異同 壽,介以繁祉。 牡 (,)文武: 至止 即 疏 相子 惟可言武王祀文王爾,未可 然武王之時,王季、太王、公叔 謂 爲 於禮 經典。 ,肆祀。 維 肅 謂 后。 肅 當 「烈考,武王」者,以 《詩》、《書》不諱 既右烈考,亦右文母 一諱,而 假 燕及皇天,克昌厥後 相 哉皇考,綏予孝子。 維辟公,天子穆穆 王,則文理 也,特更 經 曰「克昌 解 殊不 言 爲 武 爾。 太 祖 然 厥 太 王 嫌

有來

也。 也。 者之亦然。 孔 以 明哲之人,後嗣 也,故又曰「騂牡」,曰「玄牡」,曰「白牡 助 也,禮不諱。 是知「燕及皇天」。文王所遺,有宣哲之 天心不可見,以人心見之,人心即天心,於 足以服人之心。 后,有文德,足以深入人之心。又有武功, 曰「犉牡」。 人,又有文德武功之遺業,其道 「《詩》、《書》不諱,臨文不諱。」此詩也、文 何以 爾。 安。文王安民、民安、則皇天亦 也,助祭也。 於,歎美也。 燕,亦安也。文王知人,所用皆宣力 知詩文於廟中則諱乎? 《烝民》云「四方爰發」,亦 雝,和緩 肆,盛也。假,大也。綏,安 不可 辟公,諸侯也。 道兼文、武,故後王依賴 賴 廣,大也。 以後世多諱 以 也。 爲 輔。 肅 肅,敬也。 又文王之爲 牡, 穆穆,不言 之俗,意古 燕及皇天 《禮》曰 此 明 類。 燕 非 相 安。 牝 然

嘏辭 我以 亦蒙右於文母。 之樂歌歟? 右,助也。不特蒙右於烈考, 故 我將》「伊嘏文王」同 眉壽」、「受禄」之辭、●此詩其武王受嘏 能 繁多之福祉,皆嘏辭之所有也。 雖無見,□ 昌 其 後 祭 文母,大姒也。 而《少牢饋 有 嘏辭,綏我 ,謂蒙嘏於文王 食禮》 眉 此句法與 壽 嘏 王 也 辭 介 禮 助 有

公,綏以多福 以介眉壽。 鞗革有鶬,休有烈光。 載見辟王,曰求厥章。 永言保之,思皇多祜。 ,俾緝熙于純 率見昭考,以 龍 旂 嘏 陽陽,和 多以) 鈴 烈文辟 央央, 享,

詁 》: 古得聲。 薌,産祥降嘏。 嘏,公土切。 「哉、始也。」載、哉義 和在軾前,鈴在旗上。 毛 韓愈《元和聖德詩 傳 **:** 鳳凰應奏,舒翼自舞。」字以 「載,始 也。」《 同。 **鞗革有鶬**,言 \forall 陽陽, 爾 「飲沃羶 雅 言 有 釋

> 故使自 福。 枯,福也。 皆受其福也。」按"以上原本脱,今補。 也。 細無失矣。今蒙福嘏,未保其後不 均綏以多福。 侯,謂獻酬及燕歟? 故光烈文德之辟公, 祜,知先王嘏今王之辭有是也。 貌。」《釋器》云:「轡首謂之革。」李 文章,以歸治其國家也。」鄭箋:「鶬, 有法度。 「『思皇』與『思皇多士』同,是天子之享其福 (序))日 又言光大文章之諸侯,綏以多福,君臣 俾緝熙,使自求也,使緝治也,緝 此 王曰: 緝 諸侯始見乎武王廟也。」 昭考既嘏於嗣王,復以遍及於諸 熙 雖然,福非自外至,當自求多 無失,則 「諸侯來見, 福 嘏 純 則 皇,大也 曰 不雜 雜 眉壽、多 求 以 金飾 法 曰 福 度

● 「□」,四庫本作「考」。

薄言追之,左右綏之。 之使者 客有 也。 信。 也。 安。 客宿宿,有客信信。 宿 且 不 周 燕,非朝中之辭 信」,是四 也,使者之屬 於微子之前,是頌 毛詩序》曰:「微子來見祖 特其 敬慎 不 也 《爾雅 夫始見則於廟矣,詩言「宿宿」、「信 殷尚白 客, 廢殷祀,使得用殷禮,故白 衛宏作《序》,差誤之迹良多,不可 君白 有 日 《貌。」孔疏謂敦、彫古今字。 亦白 客信公 客 宿 [馬,其 「, 諸 馬, 也。 [其馬。 衆 釋 信,言 知 也。 侯 也。 訓 「薄言追之」,是追 殆燕餞武庚之使者樂歌 曰 其 》曰:「有客宿宿,言再 臣 既有淫威 八般後。 言授之繁 四 賓」,詳釋見《振 又「淫威」,非 有 雕 亦白 萋有 宿也。」 琢,儀物文辭之美 馬。 且,敦 《周禮》「四 廟 箋日 ,降福孔 馬曰亦者, 毛傳: 也。」 繁其 琢 所 旅 其 殊 鷺 宜. 止 夷。 馬 , 衆 旅 萋 未 方 言 盡 留

> 也。 之樂歌也。夷,平也。孔,甚也。 也。 絆 其君二等。」殷後爵上公,故其臣下二等, 伯三饗、再食、再燕,子男一饗、一食、一 所以慰安武庚之使者也。 淫威,今則降福甚平,言無 心也,故禮有追餞,非虚文也,此追 其有不安便,故不肯留也。 客 燕。』《大行人》:「凡 歸 也。」毛傳謂 《掌客》:「上公三饗、三食、三燕,侯 追 此頌所以道王愛敬客不已,篤 而留之,又問其 歸歟 一欲絆其馬 諸侯之卿,其禮各下 左右而綏安之, 而 ※彼此輕 禮,所以 淫威, 留之」。 重之閒 夫既 謂 餞 厚 禮 伐 著 或 之誠 一,備 有 紂 客 誠

有

有

嗣 於皇武王,無 武受之, 勝殷 競維烈。 遏 劉 ,耆定爾 允文文王,克開 功。 厥後。

於四宿而

?

楚子 Ė 武 王作《武》,其卒章 曰 耆定 之民,非私於己也,非私其怒也。 功」,亦言其不尚威武之意。文王、武王 定者安定之云爾。 下,則文王已開之矣。 怒,以遏徂旅」,而猶事殷。然其計安天 勝殷,則遏止劉殺,歸馬放牛,示天下弗服 先登于岸」,蓋衆聖贊起文王。 無取天下之心。「帝謂文王,無然畔援,誕 矣。允也文王之文德,天下信之,文王初 武王之烈,人無得而競也,天下莫與之争 辭。皇,尊大之稱。 謂蓋楚歌之次第,亦曲矣。於者,歎美之 《桓》,殆秦火之後,《毛詩》錯置之,而杜預 《武》頌無 定。」其 爾 二心也,無二道也,其心皆在於安定天下 功。」 其 曰:『綏萬 此二章,後乃 三曰 : 楚子引此詩「耆定 敷 烈者,功業之光顯 時 邦, 嗣子武王受之,既 繹 析 屢 思, 而 豊年。」今 爲《賚》 我 「始: 徂 耆,老 赫 惟 爾 斯 無 爲 求

> 而樂歌始備歟? 一、有終極之義,謂終定爾功,其功乃安定 也,有終極之義,謂終定爾功,其功乃安定 也,有終極之義,謂終定爾功,其功乃安定

子,夙夜敬止。 永世克孝。念兹皇祖,陟 《文王》詩曰:「文王陟降,在帝左右。」此 也。 皇考,武王也。 位未久而崩,是家業不造成。於乎,歎辭。 也。」箋云:「閔,悼傷之言也。 毛詩序》曰:「《閔予小子》,嗣王朝於廟 能繼志述事,光有天下。 嬛嬛然孤特,在憂病之中。
」武王即 於乎皇王,繼序思不忘。 武王上壽,永世克盡孝道, 降庭 皇祖,文王也。 啃 造, 維 予小 猶 成

閔予小子,遭家不造,嬛嬛在疚。於乎皇考,

也。 不忘文、武之道。思,語辭也。 祖文王,以文、武二后道同功並 免喪,見於武王廟,故首言皇考,因上及 王,斯言盛行,故多見於《詩》。 奉帝命,降 言「陟降」,●言文王動合天道,如陟帝庭, 曰:「紹庭上下,陟降厥家。」此頌乃嗣 皇王,兼稱文、武也。今予小子,繼序 而行之天下。 當時 一,世接 《訪落》又 人稱 美文 親 皇 王 近

明其身。難。紹庭上下,陟降厥家。休矣皇考,以保將予就之,繼猶判涣。維予小子,未堪家多將予就止,率時昭考。於乎悠哉,朕未有艾。

其始,率循昭考武王之道。歎曰悠哉,悠「艾,歷也」,郭璞云:「長者多更歷。」予謀循,猶,道,判,分,涣,散也。」《釋詁》云毛傳曰:「訪,謀,落,始,時,是,率,

散 者,謂成王始 所祈也,而《毛詩序》曰 成王之心,釋其疑也。 使安,明我心使不昏。 於我家。休矣者,願佑我以休祥,保我 降而行之天下,此則 此「上下」猶陟降也,謂陟於帝庭,奉帝命, 左右。」《頌》云:「念兹皇祖,陟降庭止。」 以保右我。《大雅》云:「文王陟降,在帝 武王昭繼文王上下帝庭之道,陟降我家, 將有所就,而繼有三監、淮夷之叛,周道分 悠未濟之意。 朕未耆艾,未有所經歷。 曰祀,何也? 》多差,艾未必果訓歷。 ,親族離涣。 訪聞詢謀,不謂今也。 衛宏作《序》多鹵莽。 予小子未堪家多難,所 願武王昭 是頌成王祀武 二嗣 明之爲言,亦欲 謂朕未嘗艾,謂 王 謀 繼 於 其道,降 廟 訪云 王 子 爾 有 啟 身 願

「降」下,四庫本有「帝庭」二字,於義較勝。

0

四二

幼沖歟?

敬止。 肩,示我顯德行 在上,陟降厥士,日監 敬之敬之,天維 日就月將 顯思,命不易哉。 ,學有緝熙于光明。 在兹。 維予小子,不 無 佛 曰 诗仔 高 聰 高

持漸 而已。 保。 言王致答謙辭,曰 敬之至,是一 神降監人事,復陟 誥》亦以士爲事。 難。』」毛傳曰:「士,事也。」《桓》頌、《 傳》引『命不易哉』,元凱 朱氏: 易之易,不如杜元 固 無曰 謂 「思,語辭也。」李曰:「鄭氏以爲 日 日 高 稍 進 高在上,未必監察于下 節所以 能持執不失也。 圃 就之,至於月而 [維子· 而 天昭 凱 致戒於王也。 ·升,日日監察於此,自 以 小子,不聰明,惟敬 |顯可 爲難 注:『奉承其 覩 易之易。 緝而治之, 而命不 寖熟,將 於是 也。 命 \Rightarrow 又 天 易 左 康 甚 變

者,肩也。 由中。 逆之矣。《説文》:「仔,克也。」所以 歌,以燕群臣與? 克勝其肩任,社稷民人之任重也。 感發君臣之德意,潛釋非心。 教,自能爲此辭與? 行,其教者致教之辭歟? 謙辭,自序及求 時大臣必有進戒之言如右,王亦必有 云:「佛,輔也。 曰「群臣進 密,學患疏略,行必本於德,不可務外 行 漸 孟子》「佛士」亦輔弼也、拂、佛通、諫 ,予將學焉。 有光明爾。 空言無所據,必明示以顯 時,猶我也。 戒 嗣 其弼我仔肩之任,示 敬言進德之大要, 王」,猶未 輔之意 時,是也。 其言敬若緝熙,言示 夫燕 示其我之違,使我 略 圃 抑王 盡 如 仔肩,任 聞是歌 其旨 右。 《毛詩序》惟 親 德 也。 作 聖賢之 緝言 行。 我),自然 荷 也。 爲 致 則 而 顈 拂 樂 答 德 當 不 細 德

肇允彼桃蟲,拚飛維鳥。未堪家多難,予又予其懲,而毖後患。莫予荓蜂,自求辛螫。

非。 當日 創 亂 蜂 始感悟,始不疑周公,始悔昔者信管、蔡之 天大雷電以風,大木斯拔,邦 爲患,故 金縢之書,將卜,而得周公代武王之説,王 曰 助」,未得其情。 此成王悔過之詩也,《毛詩序》曰「嗣 也。 前事,而毖慎後 ,幾危社稷,是王自取辛螫也。 荓 罹之,痛 肇,始 蜂、喻管、蔡。 成王惑於管、蔡之流言 ,●今俚語 王惑于管、蔡、故管、蔡依王 加 也 慎 如辛,故 也。 始 相并 草之相 患 信 莫如 王與管、蔡連比,是荓 日辛螫。 ,懼後有若管、蔡之類 彼 比 桃 (予之荓蜂,自求辛 曰 比 蟲 連 日 雖 而疑周 荓, 荓 人大恐,王 王 至 ,竹之相 日 微 蜂螫毒 日 一予其懲 公、後 成 後 以 王 荓 放 作 求

> 者爲 鳥。」孔 《説文》云:「 鷦 補人。 儒又以鷦爲巧婦,與題肩又不類。 皆惡鳥也。」《月令》『季冬,征鳥厲』, 辭叶 拚飛 雅》云: 鷹。』然則題肩是鷹之別名,與 云:『征 而 鷦之所爲鳥 鵥, 又 摩曳也」, 韻 維鳥。 集 一,其義未詳。」按:原本「鄭箋」以下 郭璞注云:「桑飛 亦 疏 ,故又曰蓼,其 于 「鸋鴂、鴟 鳥,題肩。 名 曰 巧 武王崩,予幼沖,未堪家多難 :「定本、 鷦鷯,桃 蓋 婦, 題肩。 蓼 本 味 ,鴞屬。」非 江 於《釋訓》「粤冬, 辛, 齊人謂之擊征,或 東 集 或曰 意則 蟲 亦猶 呼 注皆云『或曰 即鷦 也。」毛傳謂「荓 布 同。 鴞,皆惡聲之 蜂 此 母 、鴞不類 鷯 小 螫之辛,更 鄭箋云: 也。 雀明矣。 案:《爾 箋以 又 名 ·缺,今 鴟 注 諸 \Box

● 「荓」,四庫本作「笄」。

也 以 告人,自怨自艾,此其所以爲 毛 義 未 安。 成 王 悔 過 如 賢 此 至 明 白 也 明

載芟 匪 有 萬 厭 播 思 侯主侯伯 厭其苗 | 飶其 億及 乎 張 芟 且 厥 媚 徒各切。 :衡《東· 載 7,所銜1 郊 百 其 有且,匪今斯今,振古如兹 作,其 香 秭 穀 婦婦 畛。 實函 ,邦家之光。 **,**侯亞侯旅,侯彊侯以。 爲 反。 緜緜 有依 京賦》:『殿未出乎城闕,施 畛,之忍反,《補音》:「之人切。 盛 耕 酒 其麃。 其土。 澤澤。 夏 澤、補音》一 爲 斯 醴 活 后 之致 千耦其耘 有 烝畀 載穫濟濟,有實其 驛驛其達,有 有略其耜 椒其馨 美,爰 祖 讀直 妣 , 胡 俶 祖 以 有嗿 恭 格 切, 厭 考之寧。 載 隰 敬 其 百 其 南 徂 於 已反 禮 積 傑 畝 饁 畛。 神 讀

爲始, 含也。 仲、 土 利 媚、曰依,言夫 李 故 以 舊田 依之言愛也。」思,語 曰:「士,子弟也。」箋云: 維」,義同,語 云:「載,始也。 春秋》之義,能東西之曰以。《爾 爾 也。」問之田 無 曰:「嗿者,衆人飲食之聲 叔也。 彊予任民」,●以謂 畛。 有徑路者。 載 非 活,生也。」 穀種浸而 爲 略 徂, 旅,子 而 事。」箋云: 助 利之。 往 1家,日 婦 也。 也。 彊,有 · 弟也。 隰 親 愛也。 下溼日 耕罷, 謂 助 孔 澤 閒 「實, 餘 新 也。 疏 澤 彊 民,今時 力者 發 曰 略 毛傳 隰 耕 彊 芽蘖,乃播布 種 田 士, 饁 去耜 不 力 子也。 田 也 也。」毛 王 夫 也 曰 饋 有 周 必 雅》 傭 肅 端 也。 饟 水 賃 畛 留 禮 之積 以 鄭 -侯, 略, 也 水, 也。 也 俶 傳 曰 曰 謂 箋

明

毛

傳

티 :

除

草

曰

一 芟,除

木

柞。

畛

場場

也。

主,家長也。

伯,長子也。

亞

❶ 「民」,原作「氏」,據四庫本及阮刻本《毛詩正義》改。

億及 飽飫 長者。 人。」」今爲酒 引:「《左傳》僖二十二年:『雖及胡耇。』 椒,猶飶也。 禮」,釋見《豐年》。 詁》云:『考,成 齊整,不亂有序也。 密也。」郭璞曰:「芸,不息也。」王氏云: 苗厭然特美也。 達」,箋云:「達,出地也。」毛傳曰:「傑, 之。《釋訓》曰「繹繹,生也」,邢疏云: 「芸者,其衆緜緜然不絶也。」濟濟者,刈穫 人云:『穀皆生之貌。』《載芟》云「驛驛其 萬億及秭,爲酒爲醴。 法》保民 《秭,宜 充 厭厭 盛之貌歟? 其 其苗,衆齊等也。」 簡謂 有用椒者。 耆艾曰 胡,壽也。 積實也。 也。』《蕩》曰:『雖 應,耘也。」箋云:「傑,先 毛傳曰:「飶,芬香也 其積厚而其 孫炎曰: 胡」,胡爲 烝畀祖妣,以洽百 所積少則虚 考,成也。」 孔 夫年豐爲 「緜緜,言詳 壽也。 實多,萬 無 酒 厭 老成 含含 矣。 者, 醴 釋 疏

春藉田 烝畀祖 與? 禮,後王尊行不廢,非苟且也。匪今始 且者,苟且 妣」,則知非祀社稷也。社稷尊於宗廟,此 者 甚 之義也,詳釋見《大雅・桑柔》,此曰久古 故曰苟且。 勤,又言嗿饁、媚婦、依士,亦近於戲樂。 乃百禮之一爾。 章似藉 如兹爾。 今禮,乃振 振,古也。」振,其「填」之訛歟? 周禮》「右社稷,左宗廟」,今首言「烝畀祖 1,神降] _美 ? 蜡亦農事之祭也。 田,其 ,妣,以洽百禮,又酒飶然其香,豈不 而祈社稷也。」差誤良多。是頌首 福嘏 豈不 熟玩辭情,依然蜡祭之樂歌 也。 古如兹。 先聖王雖本因俗,然既 也。 · 爲 後非矣,亦非 蜡所以戲樂,疑苟且 邦家之光? 熟玩始末,其蜡祭之樂歌 《毛詩序》曰:「《載芟》, 《爾雅 序陳農事之勞 · 祈社 「胡考之寧」 釋言》云: 稷情狀。 填,長久 制 徇 面 也。 俗 爲 有

之道也。 孔子曰:「張而不弛,文、武弗能也。」此蜡

牡 以 其 穫之挃挃,積之栗栗。 或來瞻女,載 畟畟良耜,俶載南畝。 開百室。 、鎛斯趙,以薅荼蓼。 ,有捄其角。 百室盈 筐及 以 答。 似 낈 止,婦子寧止。 其崇如墉 其饟伊 續,續古之人。 荼蓼朽止 播厥百穀,實函斯 黍,其笠伊 其 ,黍稷茂 比如 殺 時 櫛, 糾。 止 活 犉

所以 也。 視汝,謂 薅, 日 (禦暑 拔田 鎛, 筐、筥,所以 「畟畟,言嚴利也。」箋云:「良,善 鋤 婦子來饈者也。」其笠糾結 草也。」毛傳曰:「蓼、水草 हार 類,釋見《臣工》。 也。 趙,利也。」箋云:「有來 盛黍也。」毛傳曰:「笠, 《説文》云: 也。 而 成

絲衣

其紑,載弁俅俅。

自堂徂基

一,自羊

祖

稷也。」言秋,未安。 必及此。 斯今,振古如兹」。大抵聖賢好古遵古,故 今八月,乃周之孟冬。 似續古人,遵行其禮,亦猶《載芟》云「匪 謂 角尺。」角稍長,故有捄然之勢。 古之人, 犉。」毛傳曰:「黄牛黑脣曰**犉**。 <u>궁</u> 也。 荼 祖考以 毒。」毛傳 有 栗栗,實也。」其 實其積。」《釋 《毛詩序》曰: 上也。 曰 : 皆重農事,皆報社稷。 挃 秋 挃 積 爠 方 「《良耜》,秋報 厚 穫 **>** 刈,報 牛 實 聲 屬: 也,《 也 社稷之牛 在冬耳。 載 黑 墉 **芟**》 屑, 今 城

按: 此篇《永樂大典》缺卷。

蓼。」朱曰:「今人取以藥溪取魚,故

又曰

釋草》云「蒤,委葉」,郭璞

云:「以

茠

蒤

我龍受之。蹻蹻王之造,載用有嗣。實維爾於鑠王師,遵養時晦。時純熙矣,是用大介,

公允師

伐。或曰龍,寵也,承天寵而受之,《長發》 亦 者,如龍之奮 和 晦」。 有龍之象,奮武也。 助,武王於是不得不順受其大介。 分有其二而已。 咸願武王必伐。 不有光。 暇之,猶覬紂惡之或悛也,是謂「遵養 天下有其二,猶服 文王、武王 於者,歎美之辭。 純 鑠,光也。 荷天之龍。」鄭箋曰:「載, ,故天下大介助武王,不止於三 至於紂惡滋熾,人心滋憤,天下 也。師,衆也。 飛 變化也 人心之大助,即天命之大 熙,和也。人心歸周,咸 人心 王師,周公之師。王,謂 事殷。武王即 於是大有所造爲 歸 0 周,王師 下文「蹻 自文王時 位,猶 義 蹻 (勇, 豈 ,三分 則 曰龍 而 也。 亦 時 往 須

無此意 《酌》之《序》曰「言能酌先祖之道,以養天 諸始哉 本志也。 往伐紂, 志也」,益乖矣。武王之公允信於師衆,徂 榪也」,詩中無講武之意。 又曰 下」,詩中無此意。 則》『十三舞《勺》』,即此詩也。」學業其謹 文、武志不私於己,亦猶湯四海皆曰 從其説。 天下也,而爲匹夫匹婦復讐也。 惟文王、武王、大公足以信於師衆,咸 有造,故今成王 允,信也。」載猶則爾,大抵 曰:「《酌》,告成《大武》也。」朱曰: 般》序 曰「巡 ! ,求資意不得,不得不爲曲説爾。 維求安定斯民爾,用武非武 《賚》序曰:「大封於廟也」,詩 厥後卒至牽强穿鑿,而不可解 諸儒自不究《詩序》之是非,一 狩 得 而 《桓》之《序》曰 爲之嗣 祀四嶽 故 故 河 語助也 海」, 曰 《毛詩序》 「《桓》**,**武 有 一講 詩 0 嗣 《内 王 非 惟 近 武 亦 之 富 信 王

雎》以 衆其 渡孟 伐紂 王率師 敷遍 猶 彼翕受河流,人心篤信畢趨,敷天之下,裒 大公而非私。 安定斯民,是大賚於四海 也。 也。 武》樂章之異名乎? 樂水火之今出,其 會伐,若是其衆也。 般,樂也。」《左傳》宣十二年,楚子曰: ? 丽 《桓》,●則取諸「桓 ,出民於水火之中。 、時之對,向周王 津,故詩 當時之人,皆繹思周德,思願武王之 時晦,時純 來,其差謬累累。 實 下文 而東, 非 全不 陟其 人即 何 猶,道也,允信之道也。 熙,静動 謂 類 河取 高 巡 樂 翕 是時樂武王之必伐, 山及嶞山 而不違去者,不期而 狩。 河? 可 喻,天下咸知文、武 酌》者,酌 桓 是四篇者,其《大 隨時,酌 勝 武王往伐,维 也。《般》者,武 《詩序》自 既 ,又及喬嶽 《賚》者, 耶,故 何 以 時而 而行 言 曰 : 《關 介允 如 求 以 之 行

> 三曰: 章之名,而毛氏錯置之。 與此《酌》、《桓 曰:『綏萬邦,屢 武王作《武》,其卒章曰: 「敷時 繹思,❷我徂維求定。」其六 》、《贅》、《般》,皆《武》樂異 豐年。」」然則前之《武 『耆定 爾 功。」其

閒之。 綏萬邦,屢豐 厥士,于以 四方,克定厥家。 年。 天命匪解 於昭于天,皇以 桓 桓 武

王

保有

武王伐紂,萬邦咸綏安,屢年 匪 伐殷,又錫之以屢豐年,故詩 者,武德所有植立也。 人和,故天地之氣 解」,謂天命洊錫,勤勤而不懈也。 亦和 武王能保有 歟? 人謂之「天命 ·豐登。 天 既 命 其事, 其以 武 桓 王

0

桓」,原作「恒」,據四庫本改。

據四

定,是 征 事 四 武王伐殷也。 了, 詩 方征 伐無非天道。 ,亦見《康誥》。 謂 人歎美武 伐,滅國 植 <u>寸</u>. 閒,代也。●《敬之》亦以 是詩 王之德蓋 五十,克定厥家,功 皇,大也。 餘釋見《酌》。 序武 與 王 大矣哉,天 天通 一伐 紂 子,其 已 後 成 桓 之 業 + 以 相

求定。時周之命,於繹思。 文王既勤止,我應受之。敷時繹思,我徂維

勞矣,大勳未集,武王應受此志而繼行之, 紂爲虐,文王曰天命也,始修王業。 惡滋熾,民久苦其毒,羣聖賢贊文王之安, 敷遍一時之人,皆繹思周德,思願 止,語助也。 思之不已曰繹。 三分天下,其時 往 也。 維 求 安 文王本無伐紂之心,後以紂 定斯民 歸文王。❷ 武王不得已而 爾, 密人無道,助 非 私於己 往 伐。 周 伐 既勤 紂。 也 徂,

> 是道 時,是也,是周之天命也 夫周之所以致天下之繹思不已者 天下之繹思? 文王、武王有 (酌)。 甚 美 言時、是多通用,蓋記音異爾 也 0 點動乎私之意,則安能 大公無私,天之道 於,歎美之辭 ,天命周 也, 往 一, 何 餘 也。 伐 也? 釋 也。 見 致 使

敷天之下,裒時之對,時周之命。 於皇時周,陟其高山。嶞山喬嶽,允猶翕河。

紂。 於,歎美也。 流,畢赴會伐。 河 向 於周者畢會,是周之天命也。 而 战紂。 其時東伐,升陟高 其致天下允信之道,如 皇,大也。 敷天之下,裒聚其時之對: Щ 歎美尊大周 嶞 山、喬嶽 時,是也。 王伐 翕 河 渡

四一九

[「]其」,原作「共」,據四庫本改。「代」,原作「共」,據四庫本及阮刻本《毛詩正義》改。

慈湖詩傳卷十八 也。《爾雅·釋山》云「戀山,隨」,郭璞也。《爾雅·釋山》云「戀山,隨」,郭璞曰:「面山喬嶽。」」餘釋見《酌》。 《詩》 才、、柏梁臺》七言

「才」與「時」叶。

《易

有

駉

有

慈湖 詩傳卷十九

宋慈溪楊 籣 敬 仲

撰

駧駉牡 駉駉牡馬,在坰之野。 駉牡 辩有 驔有魚 駵 駉 驪 牡 有 有 馬,在坰之野。 馬,在坰之野。 雒 騏 馬 黄 ",以 了, 以 ,以車祛祛。 ,在駉之野。 以 車繹 車伾伾。 車彭彭。 繹。 薄言駒者,有驒 薄言駉者,有驈有 薄言駉者,有駰 薄言駉者,有 思無邪 思無 思無 思無 斁, 期, 疆, 、思馬 思 思 思 馬 馬 馬 斯徂 騅 有 斯 有 斯 斯 有 駱 す。 皇, 作。 駓 臧。

邪」與『胡』叶。」

有

駉

有

魯

頌

與『夫』叶。 《太玄・法》首『邪』與『辜』叶、《羨》首『邪』 《明夷之觀》 林•履之巽》曰: 班固《王汲贊》『邪』與『徒』叶。 前移切。 庇雲淇』」四 民之財兮。」《史記• 舜南風之歌曰:「南風之時兮,可 氣,以生百材。 韻補》有「陸雲詩「咨予頑矇,蕞爾弱才。 語。 邪,《 班彪《北征賦》「邪」與「圖 《補音》:「才,前 曰 《補音》:「祥余切,不正也 : 陰陽有分,不離 一德 蹇 積 驢 龜筴傳》:「天地合 逢 不 才, 時 了, 宜 西 駿 四時。」按: 沈曜元渚,挹 《急就章》 切。」簡 其 驥 以 美 失 阜吾 才。」 叶。 時。」

作是頌。」衛宏固多妄,而此《序》若有 尊之。於是乎季孫行父請命于 毛傳不言僖公,而衛宏作《序》曰: 用,寬以愛民,務農重穀,牧于坰 頌僖公也。 僖公能 遵 伯 禽之法, 周,而 野, 儉 \leq 所 駉》, 史克 魯人 以 足

四二

郊, 馬, 道。 遠郊之地。』《釋畜》云 굸 其得乎道 秋 天子之使 周 許,而 美,而請錫 知 周 熟觀是 季文子使,太史克對 公既薨之後,魯請爲 》觀魯君,其失道 非 郊外曰 公來聘 禮》曰: 腹幹 順 僖 必 鄭 史官名克者作。 則 牧 公末年,公 頌,殊無 云: 肥 正,不 野 亦不一。 時邪? 而作《 于 張 命邪? 「史克, ·, 野 以 坰 也 官 野 _ 0 則 外 追 無 , 田 者 兩 頌 白 邪 不 安知 明 衣》, 魯 晉大夫爲 坰 一故知 辟 辟 林,林 朝 情狀,餘頌亦 「驪馬 牛 0 作頌。 史 道不在遠,人 以《左傳》文十 毛傳 于王所後 遠 亦 非 也。 田 民 以《詩》觀 此 作 野 外曰 史克魯史。」 賞 居 白 日 類 武 既 孔 也 頌 與 田 跨,驈」,孫 : 爾。 [坰。]鄭: 公 以 疏 爲 「駉 良 ドゥ 王 牧 邑 陳 請 天 云 然。 田 魯君 以《春 外 心 駉 命 公 使 子 也 任 箋 良 即 之 然 宰 安 年 所 僖

> 文。 祀用 《釋畜》云: 皇。」孔: 伾 駓。」毛傳曰:「 思 思 黄。」王氏曰:「 璞 大,馬能以之。 炎 后氏尚黑,戎事 月令》孟冬云: 1,有力也。] 孔疏 牧馬 慮政 Ē. 曰 周人尚 騂性」,是騂爲純 有驈、 「跨,髀 事,無有 疏 驪 \frac{\frac{1}{2}}{\frac{1}{2}} 「蒼白 黑 皇、驪、黄之臧善。 間 色也 而牲用 疆限,言勤思 彭 赤 乘驪。」毛傳曰: 以者,負之而 『駕 其 也。」《釋畜》又云: 彭,張 黄 굸 雜 驪 鐵驪。』《檀弓》 赤色。 曰 與 毛,騅。 白 騂犅。❷ 「騂、騏 騂,蒼 黄、《爾 跨 也。」車 股 言 廣博,以 騏 行 腳 黄 赤黄者 雅 斯,此 雖 禮 也 日 色 白 爾 $\dot{\exists}$ **>** 》稱 騏。 彭 黄 「黄白 也 雅 雜 無 至於 彭 騂 魯 夏 毛, 也。 文。 陽 伾 無 君 張 郭

[「]犅」,原作「辋」,據四庫本及阮刻本《毛詩正義》改。「張」,原作「長」,據四庫本及阮刻本《毛詩正義》改。

曰

深班 黄, 動作也,言其善行 繹,行不息 弁』,注云:『青黑曰騏。』」思 駵白,駁」,郭璞云:「駵,赤 畜》云「青驪驎,驒。 動思也。 爾雅》無文。」《釋畜》云「駵 夏后氏駱馬黑鬣。』」毛傳曰:「赤身黑鬣 「駵,黑身白 微黑,今之驄馬 微黄,此 駰」,舍人曰:「今之泥 「驒色有淺深似魚 謂 駁隱甐,今之連錢 微黄,其色鮮 駰者,目下白 黄 才者,駑之反。 而 也。 其所以 微 鬛 赤 魯君 日 也。 「雒。」 孔 也。 也。」孫炎日 異 明者也。 此 思 白馬黑鬣,駱」,孫炎 也。 云『赤 鱗 《顧命》曰『四 《釋 政 驄。 也。」郭璞云: 才,猶良也。 蒼 理 疏 畜》云「陰 黄日 上云『黄 騏 驄 無 無 《禮記》曰 身 云:「駵、雒 馬 期 曰 厭 黑 也。」樊光 「陰,淺 白 騂」,謂 騏, 斁。 限 鬛 腹 人騏 謂 騂 白 常 作, 騵。 繹 黑 淺 釋 常 雜 青 赤 曰 0 《釋 與驒 名。 雅》 毛 骭 云: 淵 何 **野** 必 傳 曲 下同。 止

<u>궁</u>

圃

加

赤

而

白,魚」,郭云:「似 也。」今嚴、婺人皆以陰 白長名爲驒也。 淵。 曰驔。」骭,●户宴反。 畜》云「四 無文。《説文》云:『骭, 傳言毫骭白 異 即 他。」孔 《釋畜》云「彤 今之赭白馬 骹皆白 疏 驓 曰 此 則 驒者,蓋謂毫毛在 魚 説 也。」《 四 目 ,❷贈」, 少 白 爲 骭者,膝 孔疏 骹雜 也。」毛傳 思 雜 因, 釋 爾 毛, 白 畜 無毫骭 骹 云:「驒 亦 何 而 騢 也。」郭 猶 下之名。 其 毛 **三** 咽 短 曲 白 郭 咽 骭 故 故 也。 目 之 豪 璞 爾 丽 璞 即

疏

解。

袪

祛

猶

去

去

也。

魯君

所

思

無

曰

[毫骭,

白

,不

日

皆白,自

與

贈

不

同

原作「馯」 駮」, 據四庫本改。 據 阮刻 本《毛 詩 下「骬者」之「骬」同。 正 義》與《爾 雅 注

悟 省 子 邪 邪之高遠 圃 洪 矣。 不 中 蔽三百篇 僻 範》曰「 知 庸 思 不 馬 \sim 出 王道 能 甚矣,道之不 以「思無 日 如 用 平平」、《易》 曰 此。 庸 邪」之一言 常, 徂 曰 往 常 明 圃 也。 也 道始 曰「百姓 丽 諸 自 諸 而 不 儒 儒 諸 疑 明 自 日 思 儒 因 矣。 用 不 無 孔 不

胥樂兮。 兮。 有駜 詒 在公載燕。 飲 振 孫子,于胥樂兮。 酒 振 有駜 鷺, 有 振 駜 鷺于下。 振鷺 有駜 有駜,駜彼 ,駜彼乘 自今以 有駜,駜彼 ,鷺于飛。 黄。 鼓 始, 乘 咽 夙夜 歲其 牡 咽 鼓咽 乘 醉言 在公,在公明 有。 駽 夙夜 咽 ,醉言歸,于 舞,于 君子 夙 在公,在 夜 有 在 胥 穀, 公, 蚏 公 樂

曰乘。魯君燕,群臣以車來。此言于乘之毛傳曰:「駜,馬肥强貌。」孔疏云:「四馬

其有。 皆也。 音皆可 音也。 駽」, 不知。」僖公群臣,亦有時乎無道 也 曰 也 所習學。 群臣 明 馬 連言之。 之物喻之。 夙夜在公之勤,又稱其 7,故曰 。」此《序》固無害於道,然舉天下古今之 ,悦其臣 皆可言有道。 |《有駜 郭璞云:「今之鐵驄。」「自今以始, 來燕,威儀 有年,豐年也。 黄,釋見《駉》。 君子有穀, 治孫子」, 本「淵淵 [明明。 鼓而 燕 醉 ,故亦悦其馬, 燕群 》,頌僖 而 丽 舞 醉 起 鷺潔白 ?濟濟。 , 所 亦 舞者,禮樂之事,士 臣有樂, 《易》曰: 方音 舞,舞 公也。 治,遺 遺 以 相 群飛 在公明哲。 訛 \sim 愛其臣,故取 釋 樂 而見 與鼓 故鼓。 丽 也。 也。 相與祈祝之辭 畜》云「青 君臣之有 爲 可愛,故 百 諸 一咽 節 《毛詩序》 姓 胥, ,見諸《春 詩 相 咽 日 無 應, 相 咽 用 大 隨 可 以 所 稱 也 道 夫 而 歲 故 方 鼓 愛 比 不 臣

道。 秋 但恐衛宏本 若此 頌所 言無失道者 ·心未 必 明 此 小亦 以 可 他《序》 以 言 有

知之。

泮 思樂泮· 東 囚 既飲 矯 明 其馬 允文允武 穆 思樂泮水, 其 思 南。 獻 矯 明魯侯,克明其 穆 旂 樂 魯侯 功 濟 虎 旨 蹻 茷 泮 烝 濟 酒 臣 水 蹻 茷 水 多士 ,永錫 一, 在 角弓 敬 烝 其 昭假 薄 薄 薄采其芹。 皇 音昭 泮 明 采 聲 采其藻。 其 皇,不吴 , 克 烈 其 難 其 噦 獻 觩, 德。 祖 德 老。 噦。 茆 廣 昭 馘 束 德 順彼長 魯侯戾 既 魯侯 靡 敬 不 載 無 魯侯 矢 心 淑 有 慎 作泮宫,淮 色 揚 小 其 問 載 不 威 戾 無大,從公于邁 戾 搜 桓 加 孝,自 道 止,在 止,其馬 儀 笑 止 不 泉 栢 一,屈此 了,匪 一言觀 告于 于 陶 戎 維 車 , 在 征 夷 求 民 泮 怒 孔 鶭 攸 伊 之則 群 飲 伊 蹻 其 泮 狄 ¨; 在 服 祜 醜 酒 教 蹻 旂 彼 獻

> 猶 徒 桑 黮 淮 御 懷我 無斁。 夷 卒 好 獲 既 音 克 翩 淮 憬 彼 夷,孔 彼 飛 淮 鴞 *; 夷, 淑 不 于 來 逆。 獻 泮 其 林 式 琛 食 固 元 我 爾

龜

象

齒,大賂南

金。

貊。 揺聲相 音》:「宜 濟》 讀爲由,獨於「皋 願 陶《補音》:「 明 繇,弋昭反。」蓋 ,微子解囚。」 明天子 Ĕ 如字,又音 柔遠能 近,云: 一腳反。 鎡 臨 邇 基 下 夷 逢 孔 話。 有 未 陶 荀 顔 猶 周 時 淑 赫。 盡 作士,正五刑」,乃云 勖 師 反。 即 不 稷 也。 古《漢 鶭 $\stackrel{\sim}{\sim}$ 摇 逆。 四 正 契 \Rightarrow 也, 音 先 表宅 易 日 臮 來 書》注凡 凶。 儒謂 林 大 古 陶 格祈祈,邦 心,惠 今字 會 秦 逆, 歌 貞 遁 人猶 浹 之 爾。 繇 良 \Rightarrow 補 鑾 皆 得 既 0

●「荀」,原作「苟」,據四庫本改。

四二五

王

氏

發

語

也。

鄭

箋

云

辟

色和 噦然。 水 昭。 毛 魯君 助。 老」者,獻酢祈祝壽考也,亦猶《祭禮》嘏 名之蓴菜, 也 邁 反」,非,蓋 云: 子 雝 葵、孔 往 傅 一,馬高者 小水外 辟雍,諸 美也。 至矣。 曰 魯 魯人樂泮宫而 也。 戾,至也。」止,其語 人愛其 魯人無小大,皆從公而 疏、《 圓 . 茆, 鳧; 爲 拘於協韻,如字 藻,釋見《采 生 如 侯泮宫。」芹,水菜也。 思 和顔笑語 觀其旂茷茷然,車馬之鸞聲 釋 美。 壁。 陂 君,故云。 澤 文》同 、葵也。」 泮,半水。」《王制 魯君 中。」 從 辭 容 蘋 ※。 無所有怒,維教之。 曰 語 鄭 草木 焉 助 蒪 亦協。 音 小同 \Rightarrow 薄 敷? 菜。 釋 清 蹻 疏》同 明,故 文》「之繞 蹻 采 云 小永 往泮 其 言,亦 色者,顔 《方言 馬 江 錫 或 曰 足高 一天 宫 辭 名 東 難 昭 噦 丽 語

也。 即 曰「敬 默 多 君之德昭格之,非 允,信也 其慎儀,誠 是者爾。 是故人心善惡是非 如雲翳太虚,及雲斂 其德自明自 謂 謀之理長 道 眉 也。 福 格 理 淮 壽 既 也、 _ 夷 有長有短,俗曰 明其德」者,亦 萬年」也,後 作泮宫,未幾而 考之《春秋》, 叛 至 一,誠也。 祜, 是則 亂 者,順之,用 可以 也。 之衆・ 福 敬。 是道 也。 烈祖 爲民 假者,「格」音之微 也。 維 世 徒 雜錯 非 言 I從長。 ",則太 動乎意,始昏 祭 亦有 周 則,誠有文, 非 魯 以 醜 魯 而 君 誣 則 是頌 屈 淮夷服。 公、魯公歟 蒙嘏 以 君 非 也。 每 類 虚 此 魯侯從 修己, 酒 道 每 清明 也 群 辭, 亦 爲 人惟 失 醜 壽 稱其善者 誠 其 道 如 穆 乃 上 故 群 始失。 敬 穆, ? 轉 有 自 故 群 言 自 致 人言 臣 而 武。 矣。 也 醜 祜 淵 所 明 求 魯 此

甚

淑

如

始

博

也。

服

我

角

弓

以

IXI

也。

南。

稱。❷

衣》。

廣

淑

聽

德

魯人德性之所 不吴譁,不肆揚,此文、武、周公之德化,亦 者之左 調調 魯君之德心,亦承 善如皋陶。 獄之寬平者,即臯陶之心也,故言問 善而 戢 弛 敗 皇,大也,軍旅盛大也。不告于訩,不 《釋詁》云:「烝,進也。」烝烝,進進 于征 用師之道也、驕惰者敗。 桓 孔, 兵也 丽 聞 耳。 桓 德 献曲 不暴逆。 也。 ,甚也。 ",謂往 故能 武 淑,善也。 戎車孔博,以 也。 獻 古者士君子皆從軍旅,故克 德之貌。 自有也。不吴,亦見《絲 服之。 功,以有功聞 而征之,淮夷在魯之東 無斁,不厭 苟克勝 搜索其矢而束之,淮夷 上獻 鄭箋云: 囚,所虜獲者。」● 狄者,夷狄 丽 人不在 囚、寬平之意。 不 倦 也。 淑善,或暴 雖克淮夷 也。 「馘,所格 車 觩者, 謹 市 之通 終 寬 譽 閟宫有侐 也。 彼 逆不

爲喻。 廣賂者,賂君及卿大夫也。《毛詩序》曰 品。」琛,或作「賝」。 毛傳曰:「琛,寶也。元龜尺二寸。 「《泮水》,頌僖公能修泮宫也。」 未盡詩旨。 而食之,喻心服。 於得其心,故 淑不逆,則其 心懷服也。 南,荆揚 順乎道 黮,桑實 7,則道: 道 也。」《禹貢》:「荆揚貢 以 《説文》云:「憬,覺悟也。」 也。 益 鴞「食我桑黮,懷我好音」 固 雖始善而終敗矣。 我以好音語 箋云:「大,猶 **鴞雖惡鳥,甘我桑黮** ,不隳敗也,故淮 寬喻之,而 「廣也。」 賂, 遺 金三 今孔 夷卒

上帝是依,無災無害。 ,實實枚 枚。 赫赫 彌月不遲,是生后 姜嫄 其 德 不 稷。 回。

四

七

虜」,原作「執」,據四庫本及阮刻本《毛詩正義》改。

于征謂往而征之」七字,四庫本無 秋者夷狄之通稱」,七字原脱,據四 庫本

保彼東方,魯邦是常。 洋洋,孝孫 剛 以 秋匪 俾侯于魯。 敦商之旅,克咸厥功。 俾 降 亦 之孫,莊公之子。 公,俾侯于東。 致天之届,于牧之野。 之陽,實始翦商 土 一矛 壽 | 騂犧 其福女。 之百 民 ,犧尊將將。 ,纘禹之緒。 重弓。 作朋,如 解,享祀不忒。 穡。 福 是饗是宜,降福 有慶。 黍 秋 大啓-公徒三萬,貝胄朱綅,❷烝 有 岡 稷 而 稷 錫之山 重 如 毛炰 后稷之孫,實 載 爾宇, 俾爾 有 陵。 龍旂 穋 至于文武,纘 学賞,夏 黍,有 ',稙 皇 胾 熾 皇后帝,皇祖 王曰 公車千乘,朱 不虧不崩,不震 《羹,籩 無貳無虞,上帝臨 承 川,土田 爲 穉 而 而 既 祀,六轡耳 菽 周 稻 昌 叔父,建爾 楅 多。 麥。 室 維 有 豆大房。 ,俾爾壽 衡。● 輔。 秬。 附 太王 太王之緒。 周 奄 庸 公皇祖, 英緑 有 后稷,享 白 乃 奄 耳。 完子, 不 下 而 命魯 徒增 萬舞 牡騂 周公 居岐 有 女。 縢 騰 臧 或 下 春

> 髮兒: 母。 居常 不諾 邦。 試。 爾 增 從,魯侯之功。 蒙,遂荒大東,至于海邦。 眉 尋是尺。 昌 壽無有 俾爾 齒。 淮夷蠻貊,及彼南夷,莫不率從。 戎狄 宜大夫庶士,邦國 與許,復周公之宇。 ,魯侯是若。 而 熾 松桷 是膺, 害。 徂來之松,新甫之柏,是斷 昌 , 俾 圃 爾 泰山 有舄,路 大 保有鳧繹,遂荒徐宅,至于 荆 壽 俾 舒 天錫 而 巌巌, 爾耆 是懲 富 是有。 寢 公純嘏, 魯邦 而艾。 孔 魯侯 黄髮台背,壽 淮夷來同 則 碩。 莫 、所詹。 八燕喜. 既多受祉 我 眉 萬 新 敢 壽 !; 莫不: 有千 廟 是度,是 **,**令妻壽 奄有 承 保 奕 莫敢 胥 歲 與 黄 海 率 龜 俾

下同

^{○「}胄」,原作「胃」,據四庫本及阮刻本《毛詩正義》改。●「福」,原作「福」,據四庫本及阮刻本《毛詩正義》改。

且.

半

額

城

中

好大袖

四

方全疋帛。』額

好高髻, 略切,十寸也。 斷,音短。 度,待洛反。 尺,《補音》:「 音》:「滿罪切。」有、《補音》:「羽軌 各切。」嘏、《補音》:「果五切。」母、《補 繹、《補音》:「弋灼切。」宅、《補音》:「達 音》:「魚杴切。」邦、《補音》:「卜功切。」 陽,北極幽 殿賦》:『赩 知量」,本亦作『祇』。 悔」,●九家本作「多」。 也。」按:原本「祇」誤「多」。 仰觀前世,厥用孔多。 當何切。」《集韻》亦有章移切。 1、《補音》:「一讀章移切。 故治不忘亂,安不忘危。」何晏《景 四方高一尺。 厓。 如 《後漢》長安語 蜿虹,赫 任 重道遠,厥 揚雄《冀州牧箴》: 城 《論語》『多見其不 如 初安如山,後傾 中好 《 周 奔螭。 《廣雅》:『祇 用孔 易》「無 廣眉,四方 曰:『城 巖,《 南距 多。」 切。」 中 敕 補 福 祭 祇 如 0 0 廡 ,矯陵霄之高閣。

讀

崖。

多

寢廟 箴 》: 音》:「七約切。」碩、《補音》:「常約切。 下同。」奕、《補音》:「弋約切。 莫切。陌,莫各切。額,逆各切。」爲,《補 是,❸爲王大夫沽酒,真不敢作惡。]搏 不如早歸 券文訖,窮咋索,❷仡仡叩 逆各切。 目淚下落,鼻涕長 奕奕。』陸機《七徵》:『敷延袤之廣 『翼翼太常,是爲常伯。 帛,樸各切。 黄土陌。 一 尺。 蚯 王襃《僮約》:『讀 蚓 審如王大 穿 頭 額。 ,兩手自 穆穆 揚雄《太常 早 (夫言: 靈 知當 搏, 逋

秀清輝于雲表,騰藻

6

刻本《周易正義》改。 「易」,原作「公」,據文淵閣《四庫全書》本《韻 補 》與 阮

[「]窮」上,《唐代四大類書》影印南 宋紹 興 刻《 藝文類 聚

卷三十五有「辭」字,當據補。 爾」,於義較勝。 是」、《唐代四大類書》影印南宋紹 與刻《 藝文類聚》作

音》同 是閟 仙,清 之又疏,月朔四時祭所不 説,其言不及先 皆月祭之,二桃饗嘗乃止。 廟有 樂》云「舞以《大濩》,以饗先妣」,則先妣之 事」,是以《大司樂》「饗先妣」,故曰先妣 毛傳 蔭之奕 而曰「常閉 有家,祖廟奕奕。」伯,逋莫切。」且 閉而 閟 祖考頌》:『遠除 閉 任從之閟,謂閉户拒公,故閟爲閉也。 而 祭事矣。 曰:「孟 無事者、案《祭法》、王立七廟、五 :净也。 上「孔碩」讀 也。 無 奕。] 按: 事 而無事」,何也? 先妣姜嫄之廟,在周常 也 枚枚、礱密 仲子曰: 『閟宫, 禖宫 且立 。」莊三十二年《左傳》稱公 妣。 韻 尋軌,崇基 補 ず有 廟 先妣 此四 所 以 及。 立 也。」毛 句, 廟 祭神,而 孔疏謂《大司 彼文據 ',今補 式 比于七廟 非常, 廓。 人。 傳 一碩,《 閉 云 先 而 周 也。 昭 陸 而 祭 爲 廟 謂 無 補 明 雲

何耶? 善屬 敷 ? 沉文承路寢之事,情 并修群廟。 考是頌之不審。 稱 三年,大室屋壞,以此略 而新之,故言公子奚斯董其役。至文公十 碩,興役特盛,故首言。 已新作於僖公之初年,常事,亦不足稱頌。 傳以新廟爲閟宫廟,則未安。 夫閟宫之廟 故言之。 廟奕奕」謂姜嫄廟,則 枚枚,申言其美。 本始,故及姜嫄,因稱 毛 傳、孔 ",非本立是名。 鄭箋謂 下言松柏斷度尋尺,蓋修治路 疏 以修治非大功,故言於卒章。毛 甚 奕奕明焕,亦以 上新姜嫄之廟,非 當時情,但 是頌惟言僖公之美,推 使是頌專言姜嫄廟,「新 諸儒謂魯有姜嫄廟, 非閔 其 所謂「路寢孔 飾而不大治,故 至於廟 廟曰閟宫。 閟宫之名蓋 廟。 爲僖公之美 則略 蓋 也。 路 碩」者 美僖 實 寢 鄭 修 寢 示 實 飾 孔 其 所

不回 也。 彌 謂常閉 成之不善屬文,不省文意不相接應。 栗,此降福之始。後爲后稷之官,教民稼 謂之稑。」●毛傳曰:「先種曰稙,後種 司農注云:「先種後熟謂之種,後種先熟 公,辭情甚 避狄 黍、稷、重、穋、稙、穉、菽、麥、稻、秬 穡,百穀豐熟。 大豆。」后稷幼而 穉。」《釋草》云:「秬,黑黍。」李曰:「菽, 禹治水,后稷 奄,盡也。 「不以其所養人者害人」而去之之一言也。 滿也。 [邪也。 實實,壯實也。 丽 而 居岐陽、邠人從之如歸市、以 無 滿十月,即生不遲。 明,非專頌姜嫄也。此尤 下土,猶下國。 上帝是依,「履帝武敏歆」也 事,蓋言其大常,非 纘繼 奄有下國 好種蓺,種 「其緒,而稼穡焉。 不回者,言正直 ,則天降福多矣。 言盡下土皆有 **蓺輒豊茂、**穎 《内宰》鄭 絶無 見康 祭事 毛傳 太王 也。 而行 太王

> 也。 王業自此始,故此曰「實始翦商」。 王之心一無己私,皆天道也。 也。武王至於牧野, 也。 此,萬姓悦服,故所至皆克濟厥功。 虞度而懼,上帝臨護女。 周公,欲封伯禽魯公,乃策命伯禽,加 居也。」鄭箋云:「叔父,周公也。成王告 澤,不以封諸侯。 以 按:原本「王制」下缺,今補人。 法不得有,故謂之賜。 禮》之嘏於主人曰「使女受禄于天,宜稼于 Ш 武王遏劉止殺,厚恤商之旅,有道 毛傳曰:「王,成王也。元,首,宇, 川、土田 及附庸。 附庸 即天致牧野, ,則不得專臣也。」」 「降福既多」云者, 《王制》:『名 敦,厚也。 亦猶《少牢 無疑; 此 届,至 旅,衆 貮 咸,皆 明 第 之 山 饋 武 大 如 無 食

❷ 「重」,原脱,據四庫本補。❶ 「稑」,原作「穉」,據四庫本及阮刻本《周禮注疏》改。

虞萬國 勢懼於不敵,故增《武成》三等之制,著之 者、蓋周公懲三監、淮夷之亂、新 見乃事實。《周禮》「諸侯封疆方四百里」 魯方百里,子産 誣誤多矣,此不可信。 里,❶此張大之辭,非 步卒七十二人。」《明堂 法》:「成方十里,出革車一乘,甲士三人, 崗、陵等爲三也。」公車千乘者,按《司馬 卿 騰踰,此又言保其德也。 頌 也。」朱曰:「三壽,未詳。 使永保東方,常常不絶。 田 周禮》。 祈願之辭,不小 也。」王氏 歷夏、商及周,强陵弱,大并小,何 萬 蓋武王始則因古制不變,然自唐 曰:「壽考之三卿, 勿替引之」也 亦 日 虧,不大崩,不震動,不 「諸侯 事實。 孟子謂周公之封于 位 箋云:「三壽,三 詩人因是廣其祝 或曰 》謂魯方 《明堂位》之 同」,三子所 魯國 願公壽 對諸! 爲公朋 于東 七百百 侯, 與

《大司徒》「地中建王國」,是即洛邑。 矣。 頌雖 曰 不盡行者有矣。 終不能遷,而安於西都,則《周禮》一 於始封之時乎? 者五」爾,侵并至是,尚 屏周室。 變,故增其制。 十里之國,力將不敵。 止 見大益并 百國耳。 有車千乘者,以此頌不用《司馬法》出 乘」計之,則方百里之國唯 |於百里矣。 至戰國之時,孟子唯曰「今魯方百 曰賜之附庸,亦不及四方百里之地 所增多者,殆亦附庸并計 小。 餘雖 新 殷止三千諸 有 蓋欲益周公之所封,以 今以「成方十里,出 封 未 成王不 百 至,大概又少于殷, 里之國,七十里、五 無 周公知其不 能 方七百里,而 侯,至孟津者 行周公之制 有 百乘,而 焉。 書之 成王 革 可 此 車 況 里 藩 不 可

●「魯」,原脱,據四庫本及阮刻本《禮記正義》補。

令司 則爲方一里者萬,爲九萬夫。 大約三分去 竭作 之制,而言魯地實有之數。古者出軍,非 則六萬夫之地,實三萬夫,正應夫三爲一 優。國方百里,方里而井,井九夫,方百里 計之,上地可用者家三人,中地家二人,下 故曰「公徒三萬」。以《大司馬》全賦之制 屋之義。凡三夫之地,實一家也,則方百 六萬夫。又以不易、一易、再易之地通之, 卒七十二人,共七十五人之數。 七萬五千人,正應千乘,每乘甲士三人,步 地家一人,今通以中地計之,則三萬家爲 里實有三萬家。以家一人計之,則三萬, 也。 言,亦不過制矣。 ,以爲山林、川澤、城郭、宫室、途巷,餘 ·馬法》「成方十里,出車一乘」,則又寬 而出之。凡起徒役,毋過家一人,而 縢,繩也。 重弓,重於鬯中也。」按"原 毛傳 曰:「朱英,矛飾 詩人所

> 年》: 「楚許伯御、樂伯攝、叔爲右、以致晉 孔疏云:「二弓共束以緑繩。❷《宣 戎》云"「竹閉緄縢。」又云"「交韔二弓。」 之法,左人持弓,右人持矛,中人御。尽小 本「中」誤作「弓」。箋云:「備折壞也。● 師。樂伯曰:「吾聞致師者,左射以菆。」」 焉。」毛傳曰:「貝胄,貝飾也。 朱綅,以 持矛。《哀二年》衛太子爲右,曰 十六年》晉樂鍼爲右,按"原本誤作「左」。 樂伯在左,而云左射,是左人持弓也。 綅綴之。增增,衆也。」箋云:「僖公與 敢當之。」詩人既鋪張公之功,又致其祈 桓舉義兵,北斬孤竹,又南艾荆及群舒,無 備 十二 持 兵 《成 車 朱 矛 齊

❷ 「弓」,原作「牙」,據阮刻本《毛詩正義》改。❶ 「折」,原作「所」,據四庫本及阮刻本《毛詩正義》改

也 謂 原本「楚」訛「夷」。 而大略 山則 侯是若,謂莫不惟魯侯是若,謂順魯侯也。 曰 : 也。 詩 包荒之矣。毛傳曰: 貢》徐州之地,魯之所宅。 之功也。 海邦,及淮夷來同,無有不率從者,此魯侯 歲,眉壽 胥,相也。 台背,釋見《大 願 淮 人又重複申言,所願昌大耆艾,萬有千 申 「龜,山。 有、 言之順應曰 夷之外,又有餘蠻貊,故云。 盡有之,餘東境甚廣大,魯雖不 言俾 無不順 又同。 無有所害。 毛傳 相與試 爾 蒙,山。奄,盡也。」龜、蒙二 昌 而 蠻貊 日 雅 熾 朱曰:「詹與瞻同。」毛傳 ·諾,大略無相違異者。 相違者。 驗氣力神色,以知壽考。 「鳧,山。 ,蓋戎夷之通 行葦》,老壽之狀 萬有千者,萬 壽 「南夷,荆楚 富, 雖不 荒,略也。 髮將白 繹,山。」《禹 盡 稱。 也。」按: 有,大略 而又千 則 若, 盡有, 漢黄。❶ 至于 也 順 此

> 之邑。 甫, 咸。 矣。 曰 : 雖 也 落更生細者也。」毛傳曰:「徂來, 善也。其妻令善,其母壽考,其大夫士宜 君,食邑于薛。」曰 許,魯南鄙、西鄙。」箋云:「許 公在位久,故是頌多言壽。 云者,欲其永止之意耶? 三十一年,築臺于薛。 有 山 往者鄭以璧假許田,至是復耶? 「桷與榱是椽之别名。」奚斯,公子 是有,謂保有之。 福 有舄者, 也。 常,或作『嘗』,在薛之旁。 嘏 而 八尺曰尋。 雜之以 員 而 復周公之土,是當 無 禍 琢 《釋文》曰: 六國時,齊有 災, 桷,榱也。」孔 痕 如 燕,安也。 非 毛傳 舄 純 田 也。 嘏 曰 見, ú 魯 魯 也。 毛 失之 孟嘗 朝 莊 魚 傳 疏 娲 居 宿 僖 新 公

)「戎夷」,原作「外域」,據四庫本回改。

0

白」,原作「曰」,

據四庫本改。

慈湖詩傳卷十九 問:「曼,長也。碩,大也。」萬民是若,民 咸順之無忤也。公之正寢曰路寢。路者, 宮中,貴乎通達而無壅蔽也。衛宏作《序》 曰:「《閟宫》,頌僖公能復周公之宇也。」 不盡詩旨。

慈湖詩傳卷二十

宋慈溪楊簡 敬 仲 撰

顧予烝嘗,湯孫之將。 自古在昔,先民有作。 庸鼓有斁,萬舞有奕。 湯孫奏假,綏我思成。 和 與那與,置我鞉鼓。 且 平,依我磬聲。 奏鼓 温恭朝夕,執事有恪。 我有嘉客,亦不夷懌。 於赫湯孫 鞉鼓淵淵 簡簡, 行我烈祖 ,穆穆厥聲。 ,嘒嘒管聲。

既

猗

商

頌

也。 《那》,衛宏作《毛詩序》曰:「《那》,祀成湯 正考甫者、得《商頌》十二篇於周之大師、 自微子至於戴公,其閒禮樂廢壞。 有

> 何讀。 夕 韻皆與《詩》同,特不知於前三音之中當爲 旁紐削轉爲昔,故昔、削互用。《楚辭・大 澤,徒各切。客,克各切。 都賦》『昔]與『魄』叶,又《詠史詩》『昔]與 招》『昔』與「作」、「澤」、「客」叶。 昔、《補音》:「息約切,古也。 官》『老牛之角沴而昔』。 斁、補音》:「弋灼切。 以《那》爲首。」今所存五篇,而 ·壑』叶。左貴嬪楊后文『昔』與『閣』叶。 (説文》鵲、舄、昔三字同音。❶ 一篇,何也? \,《補音》:「祥龠切。 如交錯之錯、類篇》「倉各切」,注引《周 《詩》韻多得之旁紐,今定讀如削。」 奕、澤並同上切。」 左貴嬪楊后文: 魄,白各切。 一如鳥鵲之鵲, 衛宏尚言十 昔有三音, 如 左思《魏 侵 削, 用

爲」,原作「寫」,據四庫本改。

0

聲

而

不

雜

如

籣

也

衎

樂

和

也

不善屬文而

好拘

); 故

分鞉鼓爲二。

簡

籣

也。

周

禮》謂四方之使者曰

國客,此雖

「思媚皇姑,●虔恭朝夕。允釐中饋,執事

有恪。』」

之所成 敷 ? 鞉 雅 皆 未安。下文「奏鼓簡簡」則大鼓矣。 之,耳還自擊,故 圃 可置之而已,故 植。」《金縢》曰「植璧」,夫璧不 楹鼓,周縣鼓。」《毛詩》鄭箋云:「置,讀 縣鼓。」《明堂位》曰: 毛傳曰:「 『通歟? 鼓,非謂大鼓也。 樹之也。 釋詁》云: 故鄭讀: 也。 猗, 或欲作 夏后 鞉 此 則 歎 「那,多也。」此「那與 徐 置 日置立。 楹 氏 辭。 音置。 曰 上樂,先 足 鼓之小者,加 植。 而箋謂 之鼓,殷 「夏后氏之鼓 那, 楹謂之柱,貫 然則 多 設置 然則音義 也。 鞉 人 置 與鼓 可 植 歟 一、置通 鼓 鞉 植 兩 足, 爲二, () 專指 也 鼓, , 周 置 耳 康成 ·, 摇 爾 植 殷 樂 中 用 唯 人 曰

淵,鞉 敷 ? 湯孫。 敷 ? 云: 矣。 歎辭 也。 作,則太甲時也。 諧 按"原本誤作「意」。 又不緩濁 繹如也。 大鐘日 嘒 協舒 彼小星」,比管聲小矣。 「烈祖,湯 格,至也,來也。 穆穆者,和静 鼓之音小。 湯孫思得烈祖之神至而享之也。 綏,安也。 假,格 赫, 暢中平也。 庸。」 斁 盛 繹 也。 鐘 也。 也。 也。 鼓 神其安我所思,而 假、格音相 嘒 後世亦可用之,亦 餘音未已而 湯孫,太甲也。」是 於是告湯孫 微遠之音。 鼓、管皆依 奕,盛也 嘒,亦小貌。 湯孫奏樂 也。 平者,不焦急, 近,記 ,舞者多 又續, 磬聲。 以 毛傳 和則 日 《風》云 此 來其 者 成 而 樂盛 衆音 可 頌 是 曰 不 於, 之 神 同 始 稱 謂

❶ 「姑」,原作「始」,據四庫本與武英殿本《晉書》改。

謂「一言以蔽之,曰思無邪」者,此 者,此心所同,自古先民之道皆此 也。祖考之所以來格者,此也。既和且 乎 ? 恭也、恪也、將也,皆此心也。 湯孫之所將奉也。● 亦然。詩人於是又曰顧我今烝嘗之祭,仍 作爲,温恭朝夕,執事有恪,言今與祭之人 懌,悦也,和平而樂也。 箋云:「亦不夷懌 乘」,曰「多辟」,其辭則 謂 禮 也。 諸侯歟? 或當 言夷懌也。」自古在昔之先民,有所 同 歟 然《殷頌》言諸侯 ? 不然 將奉出於誠敬,夫温 ,則殷不 重矣。 此心,道心 曰「龍旂 異賓客,此 夷,平 也。 也, 也 所 平 +

無疆。顧予烝嘗,湯孫之將。將。自天降康,豐年穰穰。來假來饗,降福

約軧錯

衡,八鸞鶬

鶬。

以假

以享,我受命溥

按" 此篇《永樂大典》缺卷

是何。 來假祁祁,景 畿千里,維民所止,肇域彼四海。 子,武王靡不勝。 商之先后,受命不殆,在武丁孫子。 武湯,正域彼四方。 天命玄鳥,降而生商,宅殷土芒芒。 員維 龍旂十乘,大糦是承。 河。 方命厥 殷受命咸宜,百禄 后,奄有九有 四海來假, 武丁孫 古帝命 邦

墮卵,簡狄取吞之,因孕,生契。帝舜命契氏之女,爲帝嚳次妃。三人行浴,見玄鳥、"音兆。《史記》:「殷契母曰簡狄,有娀

既 鬷 嗟 假無言,時靡 載 一嗟烈祖,有秩斯祜。 清 酤 , 賚 我 有争。 7思成。 亦有 綏我眉壽 申錫無疆,及爾 和羹,既 7,黄耇. 戒 、既平。 無疆 斯 所。

0

仍」,原作「乃」,據四庫本改。

孫。 之事。 四 命武 子不言爾。 執己見執迹不化者多,雖告之,多疑,故孔 文之明白坦夷。 無,孔子未必如 詩,孔子取焉。 曰 語怪 籣册所載,耳目所及,若是者多矣。子不 爲 命玄鳥降生商之上帝曰古帝,是時古帝已 不有,惟知道者信之,特難於言。以天下 嫄 諸儒習於「孔子不語 司 方咸命湯后,奄有九有,蓋湯得四方之 天下無怪神之事。 「履帝武敏歆」、簡狄吞玄鳥之卵 徒,封於商。」毛傳曰:「玄鳥、鳦 生契,所以 湯 、神,乃門弟子所記,孔子亦未嘗斷 域 夫天地閒怪神之事,何所不 有 自簡狄至湯、歷年久矣、故謂 四 諸儒則穿鑿爲説,强使之 生湯也。 方矣。● 此。 道無所不通,故變化 諸儒爲説,終不若 怪、神」,而不肯信 《生民》、《玄鳥》之 域,謂包有之也。 湯者,契後 m 世之 ·有? !無所 也。 生 詩 商 姜 然

> 爾。 勝。 伐鬼方」、《説命》曰「惟甲胄起戎」、「惟干 也。 所以受天命,繼繼承承,不危殆者,以有武 君爲輕」,故此謂「方命厥后」。 心,故四方咸戴之,欲以爲王。九有,九州 戈省厥躬」,知高宗有武功。 丁孫子繼其後也。 考《特牲》、按:原本作「時牡」,誤。《少牢禮》則 奉承而進之」,未安。 糦是承,祭以黍稷爲 有武功,故曰武王。靡不勝,《易》曰「高宗 言「武丁孫子」,贊美不已也。武丁,高宗, 天子祭禮不存,今獨以此文承 建龍旂者十乘,謂諸侯來助祭也。 奄,盡也。 人心所歸,即 猶言域 上帝之所命。 武丁爲先后之孫子,兩 重也。 奉黍稷,主婦 四 方也 鄭箋謂「諸侯 伐而克之曰 商之先后 ,特更其辭 「民爲貴 1 龍旂 之職 大

「武湯」,原誤倒,據四庫本乙。

宗也。」 也。 貌。 始能 也。 類。 衛 福。」箋意謂來假者所云也,稱頌歸美之辭 殷王受命皆宜。 來朝貢者鮮矣。 民所止」者,高宗能安民,民安其居,故云 「何」,字訛也。 衰,雖不至危殆 而 +「何天之休」、「何天之龍 宏作《毛詩序》曰: 意别者。 景,明也。 一音之訛 肇,始也。帝小辛、帝小乙之時,殷道 說域四海,四海諸侯來假。 箋云:「員,古文作云。」河,或 《韓詩》云: 而遂 也,至也,謂朝貢也。 以爲諸侯則難,詩文固 諸侯 箋云"「所云惟何乎? 明言也。 ,而四海之心不悦服 「大祭也。」「邦畿千里,維 至高宗始能得四海歡心, 百禄是何,謂擔負天之多 助祭爲賓、於奉糦 」,皆擔何之義也。 『玄鳥》,祀 云,言也。 假,格也, 祁祁,盛 多多 諸侯 後篇 非 承 高 作 其 連

> 苞有三 九圍。 聖敬 外有 是達。 受小共大共,●爲下國駿厖,何天之龍。 不競 方。 潛哲 昆吾夏桀。 奏其勇,不震不動,不戁不竦,百禄是總。 立子生商。 王載斾,有虔秉鉞。 維) 日躋。 截。 外大國是彊,幅 不絿,不剛不柔,敷政優優,百禄是遒。 |蘖,莫遂莫達,九有有截。 率履 受小球大球,爲下國綴旒,何天之休。 商,長發其祥。 帝命不 昔 在 玄王桓撥,受小國是達,受大國 昭假遲遲,上帝是祗,帝命式于 不越,遂視既 違,至于湯齊。 中葉,有震且業。 如火烈烈,則莫我敢曷。 幀 既 洪水芒芒,禹 發。 長。 相 有娀方將 湯降不遲 韋 土烈烈,海 王。 允也天 顧既伐, 敷下 武 敷 帝 土

子,降予卿士。 實維 阿衡,實左右商

[·]大」,原作「九」,據四庫本及阮刻本《毛詩正義》改。

音嵩。 玉。 切。 反。 本無荀卿《賦篇》、《晉樂章》二段,今從《韻補 上 篇》:『以 及成湯。 在 球,音求。 方、《補音》:「『方』字絶句。」愼,音員。 玉 漢 衡 .囚反。共,音恭。厖,莫邦反。 戁,奴 飭帝王。』❸《晉樂章》:『陟 書 《史記 權 蘖,五葛反。 ,化行象神明,至哉道隆唐 撥, 定 霍 能合從,又善連 太甲居 社 何,上聲,下同。 商紀敘傳》:『維契作商 光 韓詩》作「發」。 稷,中 敘傳》: 桐,德盛 ध्रम 配 衡、《補音》:「户 『遭家不造,立帝 阿衡。」」左、右,並 衡。 阳 絿,音求。 相,急亮 衡。』荀 ·帝位,繼天正 下覆百 虞。」按:原 卿《 灣增 ,●爰 反。❶ 娀, 遒, 姓 郎 賦 人。 版 廢

有。 商 i', 深。 不 失濟哲之德,故其發祥 物 有遷則昏 哲,明。 昧淺近,●故謂聖賢濬 商 先 王有是德性,人所同 也長。 詩 人推 哲。

去聲。

圓圓。 國也。 毛傳 其 形 本 契 商、天也、故 閒有娀之國方盛大,其女生契,堯封 五 有才力之謂。 取玄鳥卵吞之而 曰:「玄王,契也。 典分撥 疆 方 洪水芒芒,禹敷治下土,盡 畔。 日 正,不特畿 圓 將,大也。 辨治,故 **茶**亂。 「,謂周 不言小國,獨言大國 「幅,廣 曰 撥者, 帝 日 也 内而 又畿内 生契,故 也。」鄭箋 有娀之女簡狄,契 桓 桓,大; 。」箋意謂 立 撥。 己 分撥 其 子 外之地 畿 畿外侯國皆當 也。 曰玄王。 撥,治也。」簡 而 外 日 内 力溝 生 之國 者,有 不勝其 契 廣 幔, 商。 治 而 洫 皆 放,大 桓者, 長,其 母 五. 當 之於 毛 故 修 也。 典, 狄 傳 作 施 理 地

0

[「]急」,原作「意」,據四庫本改。

[「]紅」,原作「緩」,據四庫本與武英殿本《史記》改「維」,原作「緩」,據四庫本與武英殿本《史記》改

[「]上」,原作「下」,據四庫本改。

^{) 「}有」,原作「欲」,據四庫本改、

其不 教典。 亦不違 慢易、不放逸之名。 因 于 而 則聖矣。 自 繼 發也 而 屬 則既皆興發而率履焉。 履 請 教 庸 物 視,則 天 其 邦國 行 後興」,其 ,則以是 圃 遷者 有遷 降 職 人皆不得言聖矣。 , 謂 達 商。 自契 業 ,適當興王之時,不遲 都 善 不 不踰 ,雖海 者,不勝其多矣,多不足以言之。 孔子曰:「心之精神是謂聖。」而 ,則不失其 鄙,使各以教其所治民」。 心 可 道達之。 諸 (義同。 至于 以來,繼世 興起 必 國 越 外之邦,亦 也。 皆 所 湯,齊同尊 也。 聽 </l></l></l></l></l>< 教。 意動即 本性之聖,是謂 文 王 自是内外率循 命 盒孟 皆 於 於是遂 其躬視 聖生 不違 蹶厥生,生 契, 截 子》 謂之放逸。不 大司徒》「布 湯,而 也,湯 截 敬,敬者 契受諸 道,故 百二 整 與? 往 整,不 審 之德 神之 待 是教 聖 視之, 相 天 使其 文 即 國 「, 不 性 如 命 越 土 教 興 王 之 丽

害 祗 言, 可 也。 閒 進爲有意也。 有未 謂之躋升。 進 乎意也。 也; 而 躋,升也 安 動 ī辭,不 敬 以 不能 「進德」,皆因人之常言而言,不 退言之。 乎 非云爲之可 汝止 伊 上 然則聖人之進 昭 閒 精 意 帝 尹 格于天,而湯 則 進 以 近進 者故 乎善,故以 日 則 丽 如 雜 辭 舜言「惟精惟 틴 敬也; 也。 以 此, 不 害志。」 孟子曰 雜 也。 遷, 衆 執。 則 厥 則 德性清明,本不可以 祗敬上帝之心,正 人遷 進德無疆矣 不 止,敬 德也至矣,非 閒 不精,不雜 舜 \sim 心 不 放逸, 湯 詩》 曰「 於 閒 滯 遲遲,不 進 「説《詩》者不 物,動 陷 一」,以其 雜 德 曰 也 惟 是 而 則 如 精 日 謂 通 故 遷, ,不一,則 動 此 乎 止者,不 惟 躋 思慮之可 達 敬 意 乎 曰 即 固 可 _,《易》 進 無 心 意 日 升降 以 執 動 阻 滯 禹 也。 躋 知 文 有 意 者 陷 動 敬 亦

之貢

也。」夫

湯

未

也

王

氏

曰:「小

共大共,小

國大國

湯

之心

雖

遲

遲

優

優

丽

百

禄

之來

則

於柔。

敷

政

優

優

寬

裕

從

容

不

迫

意而

遷

也。

不動

乎意,故不偏

求,心

無所

求

也。

未伐桀

之

時

也。

不競,心

無

所

競

命至也,故曰

「何天之休」,謂諸

躋、融融怡怡、不遷不動之道 至矣哉,「遲遲」兩言,足以 伐桀,未正天子之位 無所競,無所求,不動 旒者,冕之旒,以 尊敬,是天之休 於剛,不偏 侯歸湯 大球, 假,急 也。 急 所 遒 所 一,而 也。 猶 共 急 不 乎 膽 絲 小 形 於 九 心 何 大事^{*} 蒙。 其 俊。 雖 諸 深,使伊 總集於湯。 之謀,是謂敷。 共,是天之龍我也。 駿 諸 不爲震動,亦不 諸侯之來致其朝貢者,與 天之龍」。 子》篇云:「《詩》:『受小共大共,爲 加 武 武 竦。 分俊 侯之咸歸,天 侯已如 德 咸共 亦 何天之寵,傅奏其勇。』《毛詩》作 而 也。 嗚 不微動,此 非 軍載 尹 兴乎, 湯 、貢焉, 箋云:「龍,當作寵。」敷,徧也 五 此 肆 厖, 及其終也 也 共 其 就 厚 奏,進 命之既至,不得而已, 桀 (貢,故 之道 以 斾,秉鉞 則 也 如火烈烈,莫有敢曷者。 以 其 爲 殷 《大戴禮 難 補之,終不 所 心 ,湯之下民之罹毒 也。 或 殷 諸 以 安 面 爲 有虔。 凡 爲 侯 爲聖 止 衆進 有戁,心亦 厚矣。 臣 歸 下 不 民 • 國 仰 也 動 勇 虔,敬也。 衛將 可 咸 之駿 説 雖 下 則 變。 百 進 下 乃奮 若 不 國 軍 或 湯 禄 伐 丽 「何 厖。 桀 自 此 爠 湯 怕 文 畢 爲 又 忇

覩 尊 敬

也。

小

國大國如此

綴之。

旒

在

目

前,

目

所

正

視,爲下國

國、大國朝聘之玉

也。

車

九

州

也,亦

曰「九有」。

小球

維

其

若是,故帝

命湯作式于

九圍

容聖敬

日

以

能

昭

格

惟

祇

敬

丽

不

動

乎意,若夫急於昭

事

功

動

乎

意

丽

遷

也

一, 何

以

爲

聖

敬

年之多 伐 韋、顧 安平天下之功,故號 於平亂安民,信乎爲天所子。 韋 道害民者,惟苞有 信,而 云:「《漢書 蘖皆不得遂其意。 行,如 吾也,皆桀之黨也。 本 生三蘗也。 湯 禁之謀 ,彭姓也 也。」 「葉,世也」,爲義未明。 团 是行 ",遂伐 未 如葉。 日 衡 朱 得乎 月 ·, 本 一, 伊 其 曰:「蘖,旁生萌 代 ·古今人表》作『韋鼓』。」毛傳 本則夏桀, 蘗則韋 義 昆 顧、昆 於 尹 道者終疑 昔湯之中年,始震 明 亦 吾、 伊 也 也。 尹 非 夏桀。 吾,皆己姓也。』《釋文》 三蘖,當除去,故既 九有 湯既 阿 团 動 此 ; 安 乎 衡。 相 也。 2皆截 惟 湯 正 意 人自少至老,歷 也。 箋云: 得道 蘖 毛傳 伐 日 也 不義,桀與 天又降 然 也。」言 一卷阿 也、顧也、昆 桀 衡 無 者 日 如 動,業業 章, 伊 爲 自 四 平 尹 生 亂 知 時 也。 苞, 有 日 卿 豕 伐 本 敗 自 錯

> 作《 曰 : 阳 毛 邱 功臣與祭,故言伊尹。」 詩 日 序》曰: 回 旁」, || 長 皆 人 發》, 之所 大禘 安 也 也。 衛 劉 宏

松桷 陟彼景· 厥聲, 國 下民有嚴。 歲 王, 曰商是常。 昔有成湯 有 撻彼殷武,奮伐荆楚,罙入其阻,裒荆 ,封建厥 事 截 有梴,旅楹 其 所 來辟,勿予禍適,稼 濯 Ш 濯 松 ,自彼氐羌,莫敢不來享,莫敢不來 ,湯孫之緒。 福。 厥 不 柏 靈 僭 天命 有閑 丸 商 不 丸。 邑翼翼,四 壽 濫,不 ,寢成孔 考且 多辟,設都于禹之績 是斷是遷,方斵 維女荆楚,居 穡 寧,以 匪解。 敢 安。 怠 方之極。 追。 保我 天命降監 國 命 是 後 之旅 南 于 虔。 生。 下 赫

適

,往也,往入于禍患之中也。

惟當務農,

則

王朝不得已而

征伐,是使予適于禍

也。

覲

,勿使予適于禍

也。

若不來享,不來王,

0

國之君也。來辟,猶曰來王,曰歲時

來朝

辟,建設國都于禹績之中。

辟,君也,謂

諸

也。

享不王也,

明

王者, 曰來朝于商。 邦外侯服,侯衛賓服,蠻夷要服 不來享,莫敢不來王。 王。」 昔成湯之時,自彼遠夷氐羌,猶莫敢 貢、終王。」終,謂世終也。 也。』《周語》曰:「夫先王之制,邦 武》,祀高宗也。」毛無傳,然則孫 鄭箋云:「氐羌,●在西 女荆楚居國 甸服者祭、侯服者祀、賓服者饗、要 其 者王,日祭、月祀、 有 罪 南 王每每 圃 鄉,不爲甚遠,而不 享者, 曰享于商王。 伐。 箋云:「世見曰 曰商,是其常 天命衆 方。 7,戎翟 時饗、歲 内甸服 不知 多之 荒 獻 何 福。 屋 穡 勸 穡之心,●正 極然。

服。❷

服者貢,荒服

玉。

《左傳》「封豕長蛇」爲證。 越、不淫濫、不敢怠荒,則天命下國 監察下民甚嚴,言有罪則有災,其有 賢深知治亂之機在此,故云。夫天 靈,蓋以言夫不可形容之狀。 德之聲靈感服之也。 室之盛如鳥羽然。四方之所仰是爲極, 率稼穡不解。 毛傳曰:「封,大也。」孔疏 《酒誥》曰: 其所以致四方之歸仰者 心 也,非放逸之心也。 「惟土物愛厥心臧。」 周公作《無逸》,首言知 赫赫厥聲, 商邑翼翼,言宫 甚矣,道 引 以以 濯 定 天 命 濯 四 建 不 降 古 蓋 有 稼 德 僭 厥 如 年 厥 聖 稼 道 而

氏」,原作「氏」,據四 庫本及阮刻 本《毛 詩 ΙĒ

常」,原作「帝」,據四 翟」,原作「貊」, 據四 庫本改。 庫本回改。

原作「稚 據 29 庫本改

宗」,或然。 之所有乎? 自 蓋廟始祔而祭之詩也。」安,所以安其神。 空立者,有閑之意。廟有寢。朱曰:「此 遷之,方正而斵之。虔敬不敢慢易,以 大山, 論材焉, 松柏丸丸然圓而直, 乃斷而 爲椽桷而長。 故德業益固,以保安我子孫。 見諸《無逸》。 之神 下同心之所服焉。商之賢王,饗國久長, 「封建厥福」已上,其所廟之王在昔訓辭 且靈也。● 高宗多征伐,衛《序》曰「祀高 旅,衆也。 曰「壽考且寧」,惟其壽考, 夫道德,正而已矣,而天 楹柱之衆,其閒 升彼景著之 松

慈湖詩傳卷二十

神」,原作「甚」,據四庫本改。

慈湖詩傳附録

據可傳信,於此益見矣。 以歸至當也。 壽 見於《攻媿集》卷六十七,欲 而 詩傳》之末。 得 鏞 案: 其深奥。 慈湖 袁清容稱其經訓 解《詩》,往往別書心 因取集中答書,附 攻塊《答楊敬 反覆 仲 論 、小學精 論 詩 録 裁, 辨, 解 於

樓鑰答楊敬仲論詩解

開 之《左傳》者,亦 旨,天人同心,大道至平,古説難盡 請 鑰蒙示 發鄙 益于門下。 教《詩解》,以病故相仍, 陋至多。 若夫發明無邪之思,一 不可 感歎擊服之餘 據。 《爾雅》亦多誤、《大 、恨未得 近始讀,竟荷 信,雖 貫之 一遂 載

> 膺。 鑰 《周禮》。文王以服事商,不應作禮樂,如 學》所引亦有牽合,《詩序》多失經意,《釋文》 愛此書之深不及此也 欲反覆論 數不盡合于《禮》典。 多好異音,詩人 類,未易概舉,皆前 亦不能自己,欲效所見,試陳其甚明者,正 然惟尊意每不自以 辨,以歸至當。 諷詠 輩之所 或有包于事 先王皆在商 爲足,而欲 非恃相與之厚,非 未 發者,尤用 實,制 世 人之言。 **難** 拘 度名 此 以

深下。 安。 中 覃義。「實覃實訏」,后稷之聲深廣也。 同,不可知也。 《集韻》無此字音。 《葛覃》〇《毛詩》傳曰:「覃,延也。」其義未 鬼方」,由中國 深旁淺曰覃,加水以别其字。 覃本義深也。 俗謂墜下曰覃,徒紺 而覃及之,則中深旁淺,實 而 謂 《釋文》「徒南切」,方音不 覃葉大而 延 也,則未安。 切, 蔓小,故墜 先儒 斦 ||《廣 曰「覃及 徒 故水 韻 焉 因 有 而

今正其字義,平聲如字。 求其説而不獲,又轉音爲剡,又轉字爲燚。 《易》有「剡木爲耜」之義,故以覃爲利。 深之狀,故 《大田》「以我覃耜」,覃者深也。 推 義 E Ė [覃耜。 延,然施即延也,無乃重複 毛傳殆未親見耜 耜宛然: 一,徒見 後儒 乎? 有 微

从水,覃亦取其聲,非有義也。潭有深義 會意之科。王荆公《字説》所以不能傳者, 有意者,如人爲爲僞、人言爲信之類,皆入 今之言「潭潭」是也。 河之从水,而工與可止取其聲而 名深曰潭。]潭字在六書中爲形聲,如江、 訏。l]徒含切。又,「覃,篆文覃省。]潭, 味 郭注皆謂蔓延相被及。《説文》:「覃,長 覃、爾雅 、説文》从水,覃聲。《集韻》:「一説楚人 也。 从旱,鹹省聲。 •釋言》「流,覃也。覃,延也」, 覃卻· 《詩》曰:『實覃實 無深義 無義。 ,字書凡 潭

> 之病。 往往 字更望考之。 呼扑棗,方知《釋文》之有自來。此二「覃」 者剥棗之皮而進之。 以爲利耜,止以《詩》傳、《釋文》爲據, 重複 「八月剥棗」,剥音普卜反,荆公以爲養老 也。 以形聲諸體皆入會意,故有牽合强 以葛之蔓延,故施于中谷,亦未 覃耜之音剡,疑是方言。 後行田野閒,群兒相 集 韻 如 爲 通

《魯昭公二十五 毛,鸜鵒亦有之,而鸜鵒身色黑,戴勝身色毼 鵴」、《方言》云「戴勝」。 鴶鵴之音。 童謡曰:「鸜鵒跦跦,公在乾侯。」 矧鸜 鳩,鵲鵴」,郭云「布穀」,未安。 侯,此亦假他巢之應也。 不居鵲巢,音如鵲鵴者乃居鵲 、鵲巢》「維鳩居之」○《爾雅・ 凡鳥名多用其音,《埤 年》「鸛 鵒 今審究戴勝首 故文、成之世 來 巢」,而 音如: 釋鳥》云 巢,爲鸜 蒼 公 》云「鵠 布穀者 鵒 已有 如 有 二鳲 竦 亦 乾

其音渾然。 而 稍 長大。 豈《埤蒼》考之未審歟? 鸜鵒,其音亟然。 穫穀,毛毼,頭 布穀,

有斑者。李氏亦以鳴鳩爲鸜鵒

當也。 鳩」,極然不知此乃鸜鵒。吕氏具載,皆未 郭景純云「布穀」,固已失之。歐公言「拙 戴勝首有竦毛向後,鸜鵒竦毛直上,又自 不同。《鳲鳩》之「刺不壹」,正謂鸜鵒 鳩,俗謂之步姑。 人呼爲阿八。 鳲鳩之爲鸜鵒甚明,浙人呼爲八八兒,川 多識鳥獸草木之名,考之當如此之詳。 所謂音如布穀者,乃今斑 其性雖拙, 粗能爲巢。 也。 然

也。碩、大也。大德之人,俣俣德容也 以日中爲期,碩人在前列上處。 《簡兮》「日之方中,在前上處」〇將祭習舞, 前輩曾云:「日之方中,則明而易見之時。 方中,將中

在前 上處,則近而易察之也。● 君猶不能

見,況幽遠者乎?」此意甚切。

《氓》「于嗟女兮,無與士耽。 説也。女之耽兮,不可説也」○耽,樂也。 士之耽兮,猶可

説,解説也。今俗説亦以女淫爲大醜

兔爰》「雉離于羅」〇雉文明比君子。 則我不可説矣。」如此,則得詩之意,又免 兮,故我今日猶可説也。 女之奔之也。其言曰:「始者以士之耽 與士耽」,已是自悔而反正之言,蓋其 則士可耽也,每疑其害教。 人無外事,惟以貞信爲節。」然功過相 云:「士有百行,可以功過相補。 毛傳云:「女與士耽,則傷禮義。」 ·功過相補」之害教也 抱布貿絲,來即我謀」,後又以車來,則非 若是女之耽兮, 近得一説,「無 至于婦 鄭 補 初 簺

也, 樓鑰《攻媿集》作「地」,是

0

四四四

九

君子多陷于罪,言文明則意差。介,多罹其中。世亂網密,小人多幸免,而狡如小人,爰爰緩行,不至觸冒。雉性耿非爲其文明也。羅之設,所以取鳥獸。兔非爲其文明也。羅之設,所以取鳥獸。兔

愛之之辭。《蘀兮》○此詩凡言「女」,皆指君也。女者,

君。如古之稱我爲朕,未至如秦以來分別又《卷阿》「俾爾彌爾性」之類,不惟是愛《民勞》「王欲玉女,是用大諫」,此意尤明。

妻也。《出其東門》「聊樂我員」〇我自有員姓者,吾

之嚴也。

以忠烈自比伍員,因賜姓員。古無此姓凝之,事宋爲起部郎。及齊受禪,奔元魏,半千,齊州人,其先本彭城劉氏。十世祖心云耳」,云、員古今字,助句辭也。唐員此說未然。毛、鄭不解「員」字,疏言「樂我

也。況此詩解內云:「陸德明以《爾雅》云也。況此詩解內云:「陸德明以《爾雅》云也。況此詩解內云:「陸德明以《爾雅》云也。況此詩解內云:「陸德明以《爾雅》云也。況此詩解內云:「陸德明以《爾雅》云

不若歐陽氏之説爲長。

不若歐陽氏之説爲長。」鵜不當以喻賢者,而食。今乃邈然高處魚梁之上,竊人之魚而食。今乃邈然高處魚梁之上,竊人之魚

棄其婦。媾,婚媾也。 「不遂其媾」〇小人富貴縱肆,好色淫恣,而

媾,不稱其寵待也。今人謂遂意亦曰

稱意。」

未嘗相親 正,而 説者,如衛莊姜雖美而不見答。 淫縱者惟其意所溺,固有其妻雖 不正之氣。 Щ 飢」〇董曰:「《集注》作「嬒」。」蔚,文也 薈兮蔚兮,南 朝隮,蝃 放于情慾。 ,如不爲婦也,故曰季女。不説之, 嫌也。 南 Ш Щ 响 「朝隮。 季女者,年少之義。 人莫敢指者,乃陰陽交感 在 高位。 婉兮孌兮,季 朝隮 婉孌而 蓋不樂于静 ,喻淫 以其 自 女 縱。 不 斯 南

則失所,至于斯 競朝 窮于 飢 張氏詩曰:「林木南山薈蔚時,工斤 下。」張、陳二 室。 隮。 猶 陳 雅 氏 馴。 小人肆志于上,則君 舉知趨利青冥上,不念幽 日 説,雖未必盡 飢 「壯者趨利于山 今爲一「媾」字、一「嬒」字, 矣。 得詩人之意,然 一; 則 子困 弱 居 季女 窮 者 樵 于 斧 餒

> 可。 此 東,莫之敢指。」故次章曰:「朝隮于西,崇 蝀 淫縱,亦不成詩語,宜有以更之。 婦」,亦覺費辭。 日在西,則虹出于東,鮮有見于南者。 朝其雨。」至今朝日在 又「婉孌季女」,遂生此 也。 詩初不言虹,而徑以朝隮爲蝃蝀,則 既日季女如有 彼《蝃蝀》之詩,首章 若以南山喻高位 齊季女,而 東,則 説。 然朝 虹出 Ė 回如 于西。 隮 蝃 朝 實 非 隮 不 且 不 爲 在 喻

毛傳謂「栗烈、寒氣也」,其以是歟?也。栗烈者,丑月寒氣益烈,人股戰栗也。語「籬端吹觱栗」,謂烈風吹籬端之虚管作聲語「籬端吹觱栗」,謂烈風吹籬端之虚管作聲語「雞氣勁發,萬籟盡鳴如觱栗也。野俗有

王氏 毛氏 寒,于是爲至。」只如此説足矣。 日 日 「觱發,風寒也。 風 而 寒,尚 非 其 栗烈,寒氣 至也。 觱栗乃 無 風 也。 胡 而

漢 得 後世樂始譜其音,以爲衆器之首。 也。 樂 人始有此 有 此 其聲悲栗,胡人吹之,以驚 名 俗 悲 語? 篥 語 允不足取。❷ 名笳: 管 羌 胡 股戰 龜 中國 周時安 兹 而 之 栗 馬。 樂

日,慮寒氣之傷人也,豳公之愛民 「二之日鑿冰沖沖」〇鑿冰之時,擇沖 曰 尤寒,盛冬安得有沖和之日? 沖,非貌 毛氏曰:「沖沖,鑿 深山窮谷,固 非聲,故云鑿冰之意。」《左 [陰沍寒,于是取之。] 豳 |冰之意。| 孔 氏曰: 如 不如只從 此 和 傳》 沖 之

婦歎于室,聞其夫將歸,感傷而歎也 而 水,長鳴而喜也。」孔疏 東山》「鸛 垤,螘塚也 上 塚。」鸛鳴于垤,詩 鳴 于 將 垤 陰雨,則穴處先知之。 一,婦 曰:「將雨, 歎 意 于 與 ·室 〇 「零 雨 毛 其 則螘 濛 傳 避濕 鸛好 曰 同

毛説

嘗到 《蒼梧雜志》言之最明,云:「《新經》釋『鸛 意 正 喜雨,以其類 每天將雨 鳴于垤』,謂垤爲丘垤,非螘 下「王洪盤 句,「婦歎于室」意聯于上。 未明,皆不見「于垤」之義。 毛公齊人,必自 「丘垤」,以是知丘是自然高處,垤乃 ,正念其勞也。 以雨將作,故 山 東,螘塚 馬 則 于螘封-鸛 也。」方説得「于垤」字分曉 l知之, 婦 集 有 螘 歎于室,如《殷其 極 若「我征 」,亦謂 垤 高 解不 丽 大者,如 鳴。 塚。 甚 此 聿 《孟子》所謂 惟 詳 也 至」自在下 螘 胡 蓋荆公未 塚 知 德 孔 (雷)(之 墓 雨 輝 疏 書 珵 亦

尾。 (狼跋》○老狼 周公欲進,則成王未 有 胡,進 則 授公以 躐 其 、胡,退 政,如 則 狼 跲 跋 其

[「]有」,原作「尤」,據樓鑰《攻媿集》改。

尤」,原作「有」,據樓鑰《攻媿集》改。

國

其胡。 欲退,則又深念民人社稷之重,欲退

不可 故 周 程 公雖進退不可,亦何至如狼之跋疐? 如狼疐其尾 氏 有云:「狼,獸之貪者,猛于求欲

故陷于機穽羅縶。

前跋後疐,進退

困

險

詩 疑之地,安步舒泰,赤舄 ,以其有貪欲故也。若周公者,雖在 人取之,以言狼之所以致禍難危困 几 几然 一**,**興 周 也。」又 公不 如 危 是

失其聖。❶ 詩人比興以類,是以香草譬君子,惡 云:「先儒以狼跋疐不失其猛 猛奚若虎豹? 豺狼興聖人乎?」程氏之説 胡獨取 狼 鳥 也 礕 ?

嘗得其説于蜀人楊少卿民 美矣,然詩中無機穽之意,猶未 望云:「狼之遇 八爲盡 也。 小人。

豈有以

人,先旋遶于人之四旁甚疾,人爲之戰懼 自失,然後食之。詩人蓋以狼之跋疐比 周公處其 中不 懼 也。一此 説 最 爲 四

得之。

常棣》「儐爾籩豆,飲酒之飫。 兄弟既 具,和

和樂且湛」〇孺有柔義。兄弟既具,猶 樂且孺。 妻子好合,如鼓瑟琴。兄弟既 曰

皆

在于是。 其子情好合同,言夫婦父子和順孝慈,如 和樂且柔孺,言辭氣柔巽 也。 其 瑟 妻

和樂之至。」

琴之好。

毛傳曰:「翕,如,孥,子也。

本意也。 此解亦平,然説詩意未出。 安寧,乃謂兄弟不如友生乎?」此 之閒,如《伐木》極言朋友之閒。 曰:「兄弟之急難,相救助如此。及其 酒之飫」爲樂。 此二章言凡人以「殯爾籩」 若「兄弟既具」,如謂兄 此詩極 前章 正 言兄弟 豆, 詩 引 既 飲 之

塾讀詩 興」,原作「與」,據《四部叢刊續編》影印宋本《吕氏家 記》與文淵閣《四庫全書 》本《程氏 説》改

0

不足以盡之,又且湛矣,如湛酒湛色然。 鼓瑟琴之和。 可 樂又且如孺子之真情。 無 解 故 于心者。 (樂又 何 若兄弟翕合而 凡人妻子止以 止 籩 豆 飲 如孺 酒 無閒,其和樂 好合,尚能 ·慕之孺,有不 而 己 ? 其 如 和

也。淒淒有冷意,時有麥秋之寒也。《六月》「棲棲」〇六月,建巳之月也。棲,淒

子》一段亦皆焕然。

如此

方見詩意。

秋熱。」若中原、北方,則立春便温和,人夏寒,則不可。俗諺云:「江南、兩浙,春寒雖未爲定論,然以爲棲棲有冷意,麥秋之同。注:『栖栖,猶皇皇,言其不安也。」」棲,不安也。」李氏曰:「與《論語》『栖栖』毛氏曰:「棲棲,簡閱也。」蘇黄門曰:「棲

《車攻》「不失其馳,舍矢如破」〇惟善御者兩

四

月豈復有冷也

便熱,入秋便涼,冬則

(極寒。

宣王在

|西周,

驂不猗,雖馳而一無所失。

破,方見射者之善。」不惟此詩意 御者爲之詭遇則獲,故王良爲之範,則 駕,兩驂不猗,御者之善也。 此 奚不能獲一。 矢如破,射者之善也。蓋 段不 盡 一其義。 惟 御者不失其馳 蘇黄門 不 善射者 不失其 曰:「四 丽 心明,《 舍 _, 必 馳, 5矢如 黄 孟 待 嬖 既

也。弓矢驅馳之閒,或偶傷人,故禱歟?也。」禱未必爲獲也云云。禱者,禱其無傷人《吉日》「既伯既禱」〇毛傳曰:「禱,禱獲

「厩焚,不問馬」之意不侔。祖,不必專爲獲,亦不必專爲求無傷人,與人,亦未爲的當。將田而用馬,故禱于馬毛以禱爲禱獲,固已贅矣。此謂禱其無傷

者,入從渭水。然則天子之所,其在渭、漆、「漆沮之從」〇《禹貢》「雍州,漆、沮既從」,從

沮之會歟?

漆沮驅禽而至天子之所,似不必泥此漆沮既從,《禹貢》自説治水,此詩自説從

「從」字。

燎」,故書墳爲蕡,鄭司農云:「蕡燭,麻燭 也。」然則 庭燎歟? ⟨庭燎⟩○毛傳曰:「庭燎,大燭 秋官 司烜氏》「凡邦之大事,共 與庭 蚁, 燎有異焉。 麻滓也,音詵。 今俗曰 毛傳以爲大 也。」云云。 鯏 墳燭 盆 者, 庭

燭,未安。 燭。 燭」,「童子隅坐而執燭」,又如「顔叔之秉 今説亦未安, 親乃 燭」,非如今之蠟燭也。 謂麻燭,皆是也。 地,而然其上,照 麻骨、樺皮、松明 今祭祀所用庭燎,以麻骨一大東立于 耀一庭,故毛謂之大燭, 之類 古者如「男子夜行 麻 餅。 可 凡點火而明者,如 以照者,皆謂之 毛謂大燭, 必 司 農 以

斯干》「如跂斯翼」〇如鳥之跂立而張兩翼,司農謂之麻燭,卻非 鄓盆也。

鳥首如棟甍,兩翼如二霤。

又以跂爲鳥之跂。不若只用舊説如人之説,下三句已言如矢、如鳥、如翬矣,不應孔氏曰:「如跂,如人跂足直立。」若如今

不敢馮河」,此固膚近柔懦之士所執常論。《小旻》「人知其一,莫知其他」〇「不敢暴虎,跂立,翼言其翼然,不必謂鳥之翼也。

大有爲,亦無所懾。但聖智雖不懾,亦無慢然而人知其一,莫知其他,不知聖智所及,當

易忽略,而亦戰戰兢兢。

也。」此説似勝,不必更加委曲也。不知小人之不可不畏。臨深履薄,懼之甚范氏曰:「人皆知虎不可暴,河不可馮,而

岸宜獄。握粟出卜,自何能穀」○桑扈名竊《小宛》「交交桑扈,率場啄粟。哀我填寡,宜

云。 善耶?」此章言貴賤皆困窮。 粟、喻食肉富貴者、今猶失所困乏,而 脂 病孤寡貧弱之徒? 民 肉肉 窮苦,握粟出 之鳥 也云云。 宜其尤甚于入 一卜問 今 不 曰:「何 得 食 自而 而 (
犴獄 況 率 能 場 也 于 穀 云 疹 啄

義。 而 有云:「聖人之不爲不善,如騶虞之不殺, 云:「食肉,好盜脂膏。」蘇黄門《古史序》 鳫, 鳸, 有 色。」然則竊脂,謂其色淺白也。 義,非名竊脂 渙。 前輩 脂之不穀。」《小宛》正謂 謂 兩 竊藍。 竊丹」者,竊皆訓淺。 此章 其率場啄粟,可謂是非顛倒矣。 「桑扈,竊脂」,《爾雅 句云「桑扈,竊 大率如此 蓋言遭誣陷而無告者,桑扈 冬鳸,竊黄。 也。 説 , 意既不屬, 亦覺 其曰「夏鳸, 脂。 **鴻鷯,剖葦」,注** 桑 釋鳥》自有 此竊盜脂膏之 注: 鳸, 「竊藍 竊脂。 竊玄。 其前又别 其 惟其 食肉 言泮 秋 兩 青 棘

> 《何人斯》「維暴之云」〇詳觀是詩,非 也,刺其從暴公者也 不能察。若以爲卜筮之卜,則意差 食穀乎? 填 握粟以卜之,謂 寡,宜乎 言是非在目前,分明如此,而 陷 于 握 岸 東以 獄 也 試 桑 此 事 扈,彼何嘗能 甚 易見 刺 暴公 試試 上

也。 云:「周之畿内無所謂 畿内。」此説亦不定。 傳,未聞畿外有暴國。 疏 果暴公否。 言之。一詩中只有「維暴之云」一句,不知 此詩之《序》必有所傳,詩不言蘇, 云:「蘇國在河内 《春秋》爲公者多是畿内諸侯,徧 鄭氏以 蘇、暴皆畿内國名, 温 記得鄭漁仲曾辨 暴者。」更當考。 今暴公爲卿 縣,是東都之畿 而《序 、士,則 檢 此 書 内

覆不定之狀如此。 《巷伯》「捷捷幡幡」〇幡幡者,隨風翻覆,反

幡

幡

誠有反覆之意,然謂之隨風翻

゚゚゙う 則

四五七

幡信之書,未知幡信起于何代。更考。是今釋道所立之幡也,恐古無此。秦已有

子其職卑矣,其鞅在掌,方駕車馬,故任此《北山》「或王事鞅掌」○在腹曰鞅。此詩士

之手。鞅既在馬腹,如今之肚襻,不應在縣、靷、鞅、靽皆在馬之身,惟轡則在御者以,煩勞之狀。」只須用孔説,今説頗迂。以,以世以煩勞爲鞅掌。

陸機《草木疏》

人之手掌也。

機,當作「璣」,非晉之陸士衡也。吕氏《讀

詩記》皆作「璣」。

慈湖詩傳附録

鳴

謝

本焕法師

《儒藏》精華編惠蒙善助,共襄斯文, 謹列如左,用伸謝忱。

壹佰萬元

北京大學《儒藏》編纂中心

本册青任編委 谷建本册 審稿 人陳新門。

閆光華

